

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

# 四庫全書存目叢書

集部  
第二五二冊





責任編輯：孫言誠 賀 偉

ISBN 7-5333-0615-5



3B48/04

## 四庫全書存目叢書·集部二五二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 55.375 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

# 集部第二五二冊目次

## 集部·別集類

香草居集七卷

〔清〕李符撰

吉林大學圖書館藏清康熙至乾隆刻李氏家集四種本

一

寶菡堂遺詩二卷

〔清〕趙執端撰

上海圖書館藏清乾隆刻本

七二

晚樹樓詩稿五卷

〔清〕吳震方撰

北京大學圖書館藏清康熙刻本

一三〇

雙溪草堂詩集十卷西山草一卷

〔清〕王晉徵撰

南京圖書館藏清康熙刻本

二〇二

馮舍人遺詩六卷

〔清〕馮廷樞撰

遼寧省圖書館藏清雍正十一年刻本

三一八

居業齋詩鈔二十二卷文稿二十卷別集十卷

〔清〕金德嘉撰

湖北省圖書館藏清康熙刻本

三七五



# 香草居集七卷

〔清〕李符撰

吉林大學圖書館藏清康熙至乾隆刻李氏

家集四種本

附《四庫全書總目·香草居集

七卷》提要

## 未邊詞原序

填詞雖小技實應風雅其雄淡而樸直者漢魏之餘乎  
駢麗而尖新者六朝之餘乎春容綿邈矜奇而刻削者  
三唐兩宋之餘乎自後主以下至秦柳蘇黃諸大家而  
盡態極妍之體始備今分虎以組織之良才爲柔曼之  
聲調宜其與六朝近而與漢魏三唐稍遠乃遍閱諸調  
中忽忽各有所遇又何該洽而弘長也說者謂言短意  
長則小令難鋪張揚厲而絕無補綴則長調難帙中如  
浣溪紗怨王孫武陵春等製非小令之當行乎小諾皋  
多麗解連環諸什非長調之工妙乎至鶯啼序一闕則  
又三峽哀猿聞者酸鼻老懷作惡痛當何如甚矣聲音  
之道能感頑艷不獨山陽之笛雍門之琴使人靈波難  
收也閱之次日心竟稍定爰題數語以述其梗槩云

未邊詞原序

一

昔丙辰七夕後一日半完圃老人序

往在都門與武曾論詞必以少游美成爲當行家然竊  
謂閨閣脂粉氣太勝如東坡稼軒所作雖非詞人本色  
然猶不失英雄面目也四家詞原未可優劣今讀分虎  
近製超然自得不涉時谿其原殆出坡老桐絲筠管不  
同器同於悅耳山珍海錯不同味同於飮口武曾分虎  
之詞雖其派各異然不謂之競爽不可也

堯峯弟汪琬

余家瀕海之鄉稚魯少文比學爲填詞發音輒愴鄙不

可耐正如扣缶擊髀其聲鳴斷不能擁鼻作一情語  
方自厭之每思曰此豈才有所限邪抑求之而未得其  
道也丙辰冬分虎自南來見示未邊新製其溫麗者真  
可分周柳之席而入花間之室即間作辛陸體而和平  
大雅亦不至於鐵將軍銅綽板余曰道在是矣持此以  
往雖上掩昔人可也因題數語歸之且以志余愧云

北海弟曹貞吉

未邊詞序

二

序

嘉禾李分虎寓滇四年一旦歸拜家慶乃刻其旅行詩  
將貽舊遊之能文章擅風雅者刻成命予序之曰子知  
我其無辭予受而讀之峻骨嶽立清氣淵渟穆然以遠  
者情思凝然以靜者品度縱橫排蕩森然不可干者法  
律也詩至此可以傳矣分虎昆季皆有文名於世致力  
雖殊然其學俱出於其曾大父霽巖先生先生沒且百  
年風流文雅爲學士所宗而分虎絕意仕進以遨遊吟  
咏爲陶寫性情之具其出人遠矣且又重之以家學淵  
源其所就如此不亦空乎世運遞遷詩文亦從而變體  
制日新性情則一或言創者鑿開混沌因者受物裁成

李華庵集

方序

天工人力大有運庭不任天而規人則雖勞也而無功  
夫天縱之才不學而能有得古之人其誰與垂之與般  
異世同巧規矩斧鑿一也毛嫵麗姬異世同美膚理髮  
澤眉目口鼻則猶夫人耳若必棄規矩斧鑿而逞技能  
反操履視聽而矜妍麗益之以怪其途隘矣虛僞奮厲  
即使有聲當時亦如紙礮一震令兒童掩耳變色欲以  
此奪鐘鼓之和多見其不知量也長江大河浩浩湯湯  
魚龍變怪出沒千彙萬狀人不能測者以其納廣而源  
長也古今有異境無異情有異遇無異理風雲月露禽  
魚草木天地自然之文供人采掇而人竭才畢力以赴  
之法倘巧生巧忘神遇不蘄然而然豈一日之積也哉



則分虎所就如此不亦宜乎昔霽巖先生與王李接武職列成均退食從容同朝酬和肆好孔碩亦其時則有然今分虎年始及壯遂以布衣遊豈所遇有幸不幸耶詩窮益工信詩能窮人乎分虎之不遇分虎不屑也其不屑不遇正其詩之工也歟吾既悉分虎家學相承而又深知其所以為詩立言之旨故質言之如此篇什具存要必為有識所賞吾何足以稱之知其詩則知其人之用心矣知其人之用心則不以河漢視予之言也夫

黃山同學弟方光琛拜撰

香草居集目錄

第一卷 詩一

辭家作三首

閨門夜泊

經虎邱

望洞庭山寄釋同岑

錫山飲泉水

贈其年

陳半雪席上作

高淳縣別蔣錫八

喜晴

采石山下歌

讀史九首

過金陵贈汪民部鈍菴

杏花村遇

攜妻子將還東粵二首

橫塘曲

登黃鶴樓寄懷故鄉諸子

岳陽守風

出洞庭望君山

香草居集目錄

伏波廟

辰州晚泊

普市

洪江驛

雪後登後崖

平越道中吳次文別

袁廣文索題新居

將之昆明畱別潘方伯張

觀察

酬別彭晉三

自碧雞關至黑龍潭置酒

送朱總文陸粲兮之太原

奉贈胡怡齋先生

己酉冬同張晦先副使自貴陽至昆明庚戌二月

即送回黔三首

康郎魚歌

點蒼石

普洱茶

檳榔

雞縱

馬金囊

昆明晚古三首

秋夜宿慧建寺見一老僧詢之知爲沐黔國故宮

監也爲賦長句

送葉星公餞迎恩寺

送喻明府之水西

偕趙使君登慈雲山寺看

梅遲呂忞字不至

忞字席上懷查韜荒

別吳但小之閩中

第二卷 詩二

擬古六首

見新燕

題盧將軍新屋

兩齋王礎臣遇訪畱詠而

去東寄報謝

春正六日同孫曉潮趙旭

野再遊鸚鵡菴和彭禹峯方伯壁間韻

香草居集目錄

二

初度感懷

滇南春詞

登胡鳧菴清暉樓

醉題寓壁

晚次羅錦山禪寺翫月憶雲壑

餞別莊一菴還沅州

方學士樓岡侍御邵村畱

酌干松厓書屋

長句答錢鑒濤

得家書哭海寧祝氏姊亡兼示諸甥

同里新詠

艷情

星回詞五首

并序

懷家兄武曾二首

六月晦日對菊

履畝雜詩

伯兄斯年再遊嶺南奉寄二首

送礎臣歸太湖

九日登昆明城樓

讀曹澹餘先生集賦短章奉寄兼謝點定客滇南

近詩

偕陳伯舉過曇花寺

夢周林於鄭文谿

觀獵

送劉秀才歸河內

謁諸葛武鄉侯祠

答李亦臨途次見懷

辛亥除夕和十唐人詩程

石門倡

第三卷 詩三

憶昔歌送朱文湛侯歸里

楊升菴先生祠

臨漪草堂雜詩

送許爛石歸吳

夢歸故園作

舍弟書來促予早還因寄此詩

香草居集目錄

三

題且閒齋壁

聞亦臨已抵都門因寄

懷化南

遙和星巖雲壑春日過韓

非有新城別業三首

臥廬見梅花因憶故鄉朱園栽植之盛輒賦四韻

寄元臣辰始兼懷蔣曾策孔懋弘定夫兄弟

輓張晦先三首

關西老將歌

讀張禹山詩

寄懷茂斯補山約山諸叔

及天穀兄

胡公西征奉寄

贈鳧菴從軍

金沙聞捷紀事五首

詠竹

送啟泌北游

送許鶴沙觀察歸養

郊外觀荷遇雨二首



阿瞞詩并序

武曾二兄久不得予消息

賦四絕句見寄依韻奉答兼訂明秋歸里之約

雜感十首

九日哭沈武功四首

中秋遇雨

過聖延寺

秋雨

尋甸州雜詩

錢秀才過宿書齋小飲

夜集汪記室齋

秋夜獨坐書懷

蓮

壬子冬接斯年大兄粵東

書兼示二詩乃庚戌客濟南作也

除夕前二日詠瓶中梅菊

酬吳東池司李

答又元見懷

簡雪懷

四

第四卷 詩四

洞庭絕句同仲兄作

秋夜集張學使署

黃絲曲

渡盤江

答韓將軍激江見寄

秋夜同釋巖宗賦

走筆贈趙駿求

送白子

過靜樂精舍贈僧

竹

八月十五夜侍母家宴

九日飲明遠叔襲紫樓

甲寅元旦

人日潘次耕過訪

錢尋千畱飲草堂遲周白門不至

秦溪初度述懷即呈外父及諸內弟四首

集寥園從祖齋看梅 村居書懷

題繆天自隱居

朱十齋中對雨

同諸子集吳瞻今齋懷繆天自都門朱錫鬯潞河

錢爾載嚶城繆受茲及家伯兄皖口分十四鹽

讀徐大詩餘效西崑體

夏鼎生見訪有贈

項東井見訪以洞庭游草

牆東坐雪詞投贈

尋周青士不遇

社日偶成

清明七花歌

武原歸舟同錢尋千作

和曹倦圃先生春草詩四首

立夏日蔡遠士移酌周天昔村居

五

朱不為紫薇軒偶集 集錢尋千城南別業

香草居小集限韻

樹根羅漢筆格歌

答奕菴從祖

寄樓林上人

孟冬集半完園夜話

耕閒莊次家兄韻

不成寐用前韻

除夕前一日趙天羽招飲

登北高峯絕頂同趙農部賦

宴田子綸員外宅同顏修來司勳曹實菴汪蛟門

兩舍人

宿遷道中

題畫牡丹

偕趙農部宿韜光寺

贈慈息菴正公

夏日西禪詠白蓮用韻

坐觀瀾菴

贈田子綸學使

懷遠士

寄查德尹

白門秋盡喜龔石坪至

游牛首山長句

第五卷 詩五

贈王石谷

龔蘅圃置酒梅樹下

梅窗爲柯亭賦

題龔石坪醒釣圖

瞻園別詩和蘅圃

秋柳

紅葉

北山行

贈權關揚州趙恆夫

咏飛來白鷺

秋夜不寐懷故鄉作

香齋集目錄

六

秋海棠十二咏龔蘅圃錢尋千同作

呂城口號

宿苻鄉

瞻園早春用白樂天新居早春韻

司馬坊新居十首

移居檢點箱匣見亡妻鈿

奮感賦

江村

夏日晚集瞻園分韻

憶武邱舊游戲做皮陸體

寄龔雪坪四首

藍謝青有卜鄰桃鄉之意

末章落句及之堅其約也

宿白堍

病中喜朱文益至時予將

北行

答沈南亭

題蘅圃倚擔評花圖

寄邵柯亭

常熟楊子鶴爲龔蘅圃寫僧裝小影無錫華叟希

逸補二女執花侍左右取色空空色意題曰雙

是圖

題石湖雨泛圖

自題行腳圖

長句示遠士

淳化閣

句容

丹陽

毘陵

無錫

龔方伯置酒墨稼軒時陳獨醉藍謝青初至同蘅

圃賦

懷沈山子

種梅同蘅圃錫鬯松滕文益賦

寄徐子大孝廉

與朱文益話別

香齋集目錄

七

渡江

滁州

過清流關蘅圃臥輿中未起

磨盤山

臨淮道中

次臨淮念秋錦家兄客濠上路隔一舍嘆相見之

難卻寄此詩

淮鄉歌和蘅圃韻

荒莊遇雪禁用銀玉瓊瑤粉絲鹽絮等字索蘅圃

謝青賦

宿州

龔石坪先十日行符離橋遇北使得已過荏平消

息

桃山驛

徐州和藍謝青韻

謁漢高帝廟二十韻

述懷和蘅圃

渡河有感



利國監

兗州書懷得九言十七韻

東灘早行

汶上謠

輿中對月

河間用龔蘅圃贈朱文盛

韻呈都門舊識

過任邱懷龐雪崖檢討

趙北口

詠羸車

書懷和龔蘅圃用放翁韻

重九前一日徐勝力檢討招飲

為沈融谷題茶星閣 閻伯詩人日招集碧山草

堂時令嗣復申從山右至

送補山族叔南歸

燕京踏燈詞和沈南疑韻

題南疑詞卷

題高澹人江村垂釣圖

香草居集目錄

八

題秋錦兄剩舫兼示元汎姪

初冬將適桂林道經長沙喜晤程南陔先生於琴

鶴堂率賦志別

早春對雪

徐秋田新居

仲春花南小酌和陳書崖

韻

題林逸莘垂釣圖

浦野

按滇南詩三卷為手定之本自第四卷至末歲  
月無考有前後失次者今仍原葉編錄不改易  
置元姪孫口華識

香草居集目錄畢

香草居集目錄下

第六卷 詞一

調笑令

河滿子 經阮司馬故宅

浪淘沙慢 送陳康侯入楚

洞仙歌 索高二鮑畫半完圖讀書圖寄壽外父

巫山一段雲 西湖感舊

洞仙歌 尋沈耕閒不遇

綺羅香 春遊

齊天樂 茗南道中

明月掉孤舟 送周幹夫之包山

祝英臺近 燒香詞

又

又

香草居集目錄下

一

又

又

又

又

又

又

洞仙歌

題陳其年填詞圖

八歸

同周簪谷查聲山集龔蘅圃王玲瓏閣

摸魚兒

吳清時屬題秋圖歸帆圖

淒涼犯

八測晚泊

雲仙引

同趙恒夫農部宿

永遇樂

詠雲

揚州慢

廣陵對月

又

平山堂寫懷

澹黃柳

重經秦郵酒家

玉漏遲

閻再彭置酒黃副使園

徵招 四從祖席上

百字令

初度日自贈

瑤花慢 題徐皆山丈演溪詞卷後

天香 龍涎香

水龍吟 白蓮

摸魚兒 蕙

齊天樂 蟬

江城子 毘陵道中簡丁舍人

摸魚兒 懷參錫電即用錫

解連環 句曲客夜

兩同心 相思鳥

繡帶兒 書帶鳥

金縷曲 簡查聲山

釵頭鳳 收香鳥

女冠子 燈市用蔣竹山韻

一翦梅 題紅藕莊詞

瑞鶴仙 贈次原韻

玲瓏四犯 墨紗燈

瑞鶴仙 贈次原韻

鶯啼序 酬蔣園見贈次原韻

小桃紅 送獨醉先生歸錢唐

離亭怨 寒食別謝青

摘紅英 春雨惜花

瑤華 玉繡毯

大酺 涼上已趙農部招遊清

及赴東寄此詞

滿江紅 為周雪客題畫冊

綺羅香 和蔣園共築題壁

月下笛 寄懷沈融谷

洞仙歌 瞻園贈愈邵

梅子黃時雨 五月三日蔣

應天長 題陳鵬客桐窗讀書圖

釵頭鳳 題盛奕雲城南小

好事近 題畫

小諾皋 解嘲

琵琶仙 渡太湖

怨王孫 京口渡瓜州

白守 謝汴舟次惠詩箋及山園詩

多麗 揚州

謝汴舟次惠詩箋及山園詩

謝汴舟次惠詩箋及山園詩

浪淘沙 眞州夜泊

夜行船 由魯港至三山夾

洞仙歌 望九華山

水調歌頭 同斯年家兄夜

簇水 銅陵客舍對雨

風入松 陵陽山中

醉太平 再宿紫竹阿

鶯啼序 蘇湖舟次值內子

沁園春 寄程穆倩

醉江月 送孫無言歸黃山

少年游 吳江道中

醉蓬萊 八月十七夜同家

第七卷 詞二

南浦 春水用玉田詞韻同融谷賦

又 秋水用碧山樂府韻同蔣園賦

疎影 帆影

暗香 華希逸寫焚香圖見

雨中花慢 題聽雨圖

漁家傲 題李晴草柳陰漁

耆嫵 調護苑納姬

夏初臨 與石坪別

平湖樂 題宋何閭長魚藻圖

夢橫塘 簡管谷

漁父詞 題項叟畫

消息 聞伯兄避暑山中

壽樓春 送鷗客南歸

好女兒 集侍兒小名

摸魚兒 同蔣園納涼

玉京秋 竹垞書至言覃九近寓高灣人宅因寄此

秋思耗 得秋錦家兄都下書

惜紅衣 和家兄賦荷花紫草

露華 和竹垞賦水蓼

玉女搖仙佩 螺屏

解語花 黃葵

國香 木香

夢橫塘

傾杯樂

桂枝香

花犯

摸魚兒

釣船笛

又

又

又

又

又

唐多令

荷葉杯

桂殿秋

柳梢青

生查子

西江月

無悶

憶舊游

更賦此詞兼詢不爲

寄新詞作報札竟

南歌子

河傳

御街行

再集詞名

高陽臺

簇水

小重山

一痕沙

霜葉飛

秦淮酒樓

豐樂樓

至自秦湖江西上省

年今已未

勞績昔但

又買騎北

百字令

高陽臺

爲遠士戒奕

金縷歌

洞仙歌

又九日酬別邵亦同

香草房集目錄下

五

香草居集卷一

嘉興 李符



詩一

辭家作三首

湯湯夜將旦旭日耀高岑鑽火治朝食盥手抱宵衾別母非子願辭兄傷我心斑斕換征衣燠簾有絲音窮援趨異谷野鶴出故林歡酒未盈觴離懷故難任

良朋篤友愛相送河之渚黃鳥啼綿蠻紫燕飛差池牽裳不忍別攀折楊柳枝芳樽傾魯酒雜佩遺江蘿旣逢絲竹饒復惠琅玕辭不惜遠行役所慮昭質虧連車漢庭謗抱璧秦王欺保身效先哲蹈世避虞機嘉意均有

香草居集卷一



託炯言良足持青門承昔宴河梁繼前徵音容雖暫隔金石恒不移盍簪續良會三載以爲期

椒裝及萼月驅車越桑梓林梅方結青谷蘭已謝紫候改青陽終物變朱明始五兩俟昌風雙槳動江汜朝攀芳杜行夕擘宿莽止容與洞庭濱徜徉漢川裏支劔登黔山竦轡指昆水畧地蠻荒通受經文教起遐征慙昔賢周遊弔前趾旅人厭征途勞歌思陟岵眷茲父母邦信宿出構李

閨門夜泊

客路行將遠鄉心殊未央南風今日便一夕到吳閨夜火鄰舟乞春壺酒肆嘗闔閭城外柳攀折總淒涼

經虎邱

記得年年待月圓秋風擬放虎邱船只今春雨蘼蕪綠畫舫何曾斷筦絃

望洞庭山寄釋同岑

鴛鴦湖上從君別阻絕音書已隔年怪殺莫釐峯下過相思不泛洞庭船

錫山飲泉水

晉陵斜日晚風緩放舟遲花發春申浦雲逸泰伯祠泉源探石穴茗碗啜仙芝此味由來少前途有夢思

贈其年

清和四月風光好客遊初指延陵道陳生兄弟中丞孫

香草居集卷一



聯翩儒雅知名早吳越曾無千里程相思十載迷芳草昨朝鼓柁五雲遊惠連雅愛相攀留聞君結廬近山郭逆浪重登罨畫舟門對荆南萬仞山清潭玉女留潺湲解鞍繫馬垂楊下遊子初從汴水還庭前落花猶不掃征衣未改風塵顏去年君作燕山役曾與子兄稱莫逆因之攜我補袍篇補子文名遊梁偏示平臺客今日相逢如故人殷勤拭拂山中石明發孤篷雨滿林片時握手重知音離鸞別鶴各有曲感君爲我彈瑤琴遙知萬里滇南路別後相思江水淺

陳半雪席上作

荆南樓閣雨中登客裏銜杯酒不勝坐對煙霞空楚澤

臥遊圖畫偏吳陵庭前修竹啼幽鳥門外青松覆古藤  
清話不知更漏永幾迴風起亂篝燈

高淳縣別蔣易凡

風吹夏雲馳南浦春將歇坐對青山淡綠樹亂鳴鴉我  
登白門車君上宛陵楫十日同遙征何爲復離別聚散  
若萍花憂心忽如惛

喜晴

離家十日雨今始見朝暉淡樹鳴鳩歇高樓乳燕飛輕  
紉裁夏扇細葛換春衣綠徧王孫草鄉心夜夜歸

采石山下歌

采石山前酒肆連客遊懷望西南天風生潮擁金陵樹

落日帆收姑熟船憶昔青蓮醉遊處身著宮袍詠佳句  
牛渚清歌月夜聞扁舟曾泛謝將軍往事須臾變今古  
風流貴客皆黃土山上猶餘捉月亭舟前尚識燃犀浦  
灼灼山花照眼新團團江月白如銀江花江月無終極  
把酒清宵愁殺人

讀史九首

沛公西入秦成功藉羣勇裂土分珪爵將相寧有種烏  
盡良弓藏一朝失隆寵靳西逞精兵敗北不旋踵韓彭  
爲狙醢諸侯皆震恐獨有種瓜人全身在田隴  
尺澤難奮鱗神龍困豫且志士遺草澤誰能別賢愚發  
言獲讒謗舉足嬰禍羅衰偃昔從公曹衛同見疎夷吾

未爲卿桎梏還齊都自昔賢志士未達多艱虞璞玉藉  
雕琢乃能成璵璠大讎不反兵小怨視若無睚眦必相  
報張祿誠鄙夫

長卿善讀書結髮事漢皇散職非所好謝病游大梁歸  
來益貧困滌器酒壚傷王孫重貨財安能禮賢良召入  
賦上林朝奏夕爲郎建節使蜀都觀者儼成行小人慕  
勢位君子重文章遺草雖寥寥篇翰有輝光

安漢託符命居攝旋即眞金刀不爲利皇綱忽沉淪當  
時頌德者皆得據要津劉歆既受爵子雲亦美新梅福  
在下位投簪謝家人變姓隱吳市遺榮若埃塵爲仙即  
莫考高節已殊羣

香草居集卷一

四

山溪百獸往人富仁義集王侯尚患貧賢者猶貨殖貪  
夫徒藉口趨利遺道德馬醫得擊鐘灑削亦鼎食南國  
有貧士熒熒最蕭瑟好讀柱下書恥學白圭術藜藿可  
療饑終身自悅懌

拘學抱尺義與世無重輕旦暮老巖穴湮沒誰見稱何  
如游俠輩慷慨忘死生朱家重然諾意氣陵公卿陰脫  
季布厄飲德不自矜雖不軌大道布衣垂令名  
紵衣贈季札縞帶獻鄭僑結納慎所擇百年如一朝廉  
藺雖復合由來重素交耳餘不相能後世徒見嘲白璧  
投河伯信誓指波濤歡愛鮮克終棄擲如鴻毛惟有崇  
明德庶幾可久要



干將苟不利宰割難爲功蟠木爲乘輿所貴有先容食  
其非狂生白首氣猶雄一出取陳留再出下山東儻無  
騎士薦淪落監門中

南粵未稱臣樓船下海隅功成拜列侯聲名震八區陸  
生先奉使仗劍乘單車片言去黃屋翠羽貢西都歸來  
無封爵食祿千石餘乃知守章句不如荷戈戍寄語天  
下士且讀孫吳書

過金陵贈汪民部鈍菴

長洲民部東南美早歲芳名滿人耳坐擁圖書枕玉函  
招延朋舊盈朱履當年對策動朝端金門視草天顏  
歡宮城月上鳴珂久禁苑花開拂袖看承恩卻賜青園

香草居集卷一

五

扇丹書捧出麒麟殿近屬司農領國儲曾隸秋官理邦  
憲暇日揮毫迅若飛一紙傳出傾城知奇文早重韓陵  
石黃絹仍題孝女碑更有詩篇妙無敵銀甕天球世難  
識王韋絕調許重論鮑謝風流未衰息今年奉使秣陵  
城秦淮渡頭春水生里門爭識相如傳畫舸如看博望  
行客游將指昆明道稅鞅鍾山對芳草豫愁津鼓漸催  
人瞻望雲亭苦不早度支旌節石城開愛客何曾放酒  
杯華月從遊那忍別江頭繫艇且遲迴

杏花村遇

攜妻子將還東粵二首

故人騎鶴華陰回攜得秦家弄玉來挽鹿將歸珠海曲  
吹簫並下鳳凰臺登臨湯飲千杯酒詞賦真成一代才

君向羅浮我雲夢雙帆齊指大江開  
白下青山亂夕暉莫愁湖畔送君歸能將錦鯉調中饋  
不獨金觴進綵衣南海仙人思鮑靚番禺孝子重羅威  
關山遊徧高堂老願爾還家只掩扉

橫塘曲

朝來策馬城南路好鳥間關雜芳樹佳人十五怨陽春  
勸飲壚頭日將暮杳杳橫塘一水斜蘭舟蕩槳未還家  
清江兩岸東風起飛盡楊花復柳花

登黃鶴樓寄懷故鄉諸子四首

夢遊昔日思黃鶴今日登樓憶故鄉望斷吳山那可見  
煙波愁殺幾天長

香草居集卷一

六

高棟晴雲冉冉輕江風吹落武昌城離迷一片晴川樹  
總惹離人怨別情

願借雲中黃鶴去天邊招我平生親相期共采仙人棗  
高臥樊山九曲春

樓頭玉笛數聲殘樓下滔滔江水寒水底雙魚日東下  
相思一報故人看

岳陽守風

昨發竹林灣忽達岳陽樓今日風波險阻我遠行舟岸  
驚重疊浪壤錯縱橫溝振衣升嶠迴縱目曠望周天經  
懸翼宿地脈聳巴州襟帶太湖勝控扼長江流凝神發  
藻思壯覽兼冥按既懷夏后德復憶楚王遊雲夢自長

在章華不可求韶顏改春華人命如蜉蝣棲棲何爲者  
臨睨思舊邱

### 出洞庭望君山

岷我積雪消洞庭水涵虛南包星沙域北亘巴陵墟波  
濤浴日月江漢爲溝渠舟師駕楚榜旅客操吳歛乘流  
木葉下挂席涼風徐中有十二峯俯瞰千里區帝子猶  
未降神靈安其居懷綽誰結言捐佩空踟躕安得麾蛟  
龍梁津使涉予

### 伏波廟

清浪難前廟深藏翠嶽中船人薦雞黍客子駐孤蓬新  
息封猶薄雲臺望益崇盧溪和吹笛千載憶雄風

### 看草居集卷一

### 辰州晚泊

石穴書何在空餘二酉山平田農飲散極浦釣船還太  
守出行部孤城早閉關當時立銅柱辛苦服諸蠻

### 普市

江路晚蕭瑟船頭涼雨過山程黔路近賈客蜀人多夜  
久生殘月風微緩去波客眠長獨醒飄泊奈愁何

### 洪江驛

五溪長年者駕舟如弄刀穿石湖重灘十日猶堅牢晚  
次洪江驛日落星宿高傷水治夕餐榜歌喧塘均征邁  
非一途逆旅日滔滔前有皇華使鳴鑼肅旌旄後有商  
賈人言利爭秋毫遠道各有以涉險輕波濤顧我獨何

爲皇皇隨爾曹中夜不能寐反側心鬱陶

### 雪中登後崖

嘗讀黔中志後崖有奇跡客遊經黎我潑冬訪泉石控  
勒懷寒冰衝風禦狐腋漸見瀑布流照耀積雪白汎迺  
梅花開飄落同一色舍騎憩長松捫蘿登絕壁舉手掬  
浮雲靄靄沾衣溼恍若遇洪厓翩然來姑射始知羅施  
間亦有仙靈宅

### 平越道中吳次文別

昨夜黃絲店同看山月斜今朝忽分手憐我在天涯白  
舫乘歸客青春可到家西陵舊書屋待爾是鶯花

### 袁廣文索題新居

天南司鐸宦遊經華屋臨流倚井星受客頻移徐穉榻  
開尊如坐子雲亭疎簾高捲秋雲碧畫閣遙看晚岫青  
我欲從君同嘯詠柴車數向柳門停

### 將之昆明留別潘方伯張觀察

偶逢名飲駐征鞍不覺山城生暮寒共說安仁能愛客  
眞逢京兆善居官笙歌今夜銜杯數雨雪前途逼歲殘  
西去山高行未遠外臺旌節舉頭看

### 酬別彭晉三

保障黔陽五馬尊每聞善政出君門幾登雲閣看圖史  
又別寒天對酒樽客路將尋六詔遠蠻煙遙接萬崖昏  
平生最愛佳山水他日遊踪好共論

自碧雞關至黑龍潭置酒

良辰三月好煙柳萬家迷駕言出城曲驕馬一羣嘶昔  
有青鳳鳥飛來山之西滇人不相識呼鳳為碧雞碧雞  
去已久關前鳴黃鸝客行覽舊踪傷心草萋萋晴嵐逼衣  
袂引我轉迴谿谿斷路忽窮上有法王宮龍潭環其左  
錦鱗游當中波清溪見底相照山花紅春芳不再豔瞬  
息零飄風安能不讌賞而與俗子同且聽玉笛奏莫使  
金尊空夕陽促人還醉倒扶雙童歡樂猶未足放歌昆  
明東

奉贈胡怡齋先生

鞠旅南征劒氣寒雕題深入獨登壇指戈辛苦標銅柱

春草集卷一

九

葦檄從容據馬鞍不羨虎頭名早著定知麟閣畫非難  
一時勳業歸驃騎旌節星旂萬里看

連雲甲第枕昆明別院樓臺瞰碧城檻外有花皆入鏡  
簾前無樹不啼鶯金尊夜泛平清閣畫角春閒細柳營  
乘興有時攜綵筆右軍書法看縱橫

良辰清讌數登臺玉笛橫吹亂落梅染翰詩成方鮑謝  
曳裾客至盡鄒枚夾池修竹仙禽下繞館生香玉牖開  
皇甫肯迎縫掖士靈觴嘯詠願趨陪

送朱總文陸梁兮之太原

策馬遊三晉離筵及暮春難為萬里別況復故鄉親路  
出清漳遠杯銜白墮新秋風來塞外慎勿念鱸蓴

己酉冬同張晦先副使自貴陽至昆明庚戌二月  
即送回黔三首

寒月辭鈴閣衝寒並遠征滇雲千萬疊宛馬後先行客  
館開尊共綈袍受雪輕南方春候早花柳徧昆明  
同日來天末新年接舊年寧知金筑遠仍對絳帷前愛  
我為長句隨君若比肩客樓煩顧步登眺共留連  
蠻花春晝落火樹上元殘招飲同吾友謂鑒濤素士也論文入  
夜闌風流當代數嘉會古今難欲託千秋後良遊莫浪  
看

康郎魚歌

撫仙湖頭產嘉魚康郎名載方輿書苴蘭城中昔滿市

春草集卷一

十

漁人籠摯來街衢我來南土兩經春枯者間得艱鮮新  
有客昨放激江棹餉我千條白錦鱗銀鑲玉琢色可愛  
短不盈尺頭尾勻當筵不用鸞刀切雕盤烹出香椒辛  
巴西丙穴浪高價甌東石首徒垂綸松江鱸膾吳江蓴  
吾鄉美味稱絕倫萬里遠阻莫入脣何期逆旅食異珍  
罷彈長鈇且逡巡行沽濁酒漉葛巾持魚把杯夜及晨  
點蒼石

片片蒼山石良工鑿作屏渾如右丞畫何藉侍中銘變  
化成天巧光華得地靈珍奇今不貢絕少鳳凰形明萬曆時  
為兩宮鋪地詔  
米鳳凰紋石

普洱茶

穀雨黃芽好春山采摘忙馬卿應試飲陸羽未曾嘗刀  
削青團小杯沉翠片香雖非龍鳳質消渴覺清涼

檳榔

擘開青玉顆供客當烹茶嶺表形差異元江種最嘉手  
中調白雪口內吐丹砂辟惡消炎瘴吹香壓苑花

雞糞

鮮帶黃梅雨乾浮白井鹽香芹和玉筍此味美能兼洗  
盪沽桑落調羹既金甌不須頻割韭卻勝瘦郎廉

馬金囊

方物蠻鄉重遺人但一函客途堪解渴童穉喜分甘果  
異紅樓擲香輪粉署舍他邦應鮮識只合貴鎮南

昆明覽古三首

東登金馬山高岡委棒蕪神靈安可致漢武一何愚空

悲王子淵持節喪道途

昔有苴蘭城莊蹻王時築俛仰感衰興停驂縱吾目遺

跡渺何處土人種麥菽

滇池五百里湯湯接長天當日彩雲生照此池上蓮蓮

花至今開雲散已千年

秋夜宿慧建寺見一老僧頭白如雪聲音如女子

異而詢之知為沐黔國故宮監也遂叩其遺事

為予道之甚悉聽畢愴然為述長句

金風瑟瑟涼秋至客子夜宿慧建寺白頭老僧夜不眠

為我談黔國事自言乃是刑餘身少小曾為宮裏人  
曲房深苑逶迤入皓齒明眸歌舞頻玉鳳銜鈴聞異響

金龍吐佩承香塵第宅非由一朝建分茅始自功臣宴

鐵券頒頒朱邸門璽書數下明光殿二王一侯九國公

尚有將軍不襲封子孫傳位十數世勳爵食祿三千鍾

武僖之後愛文詞徵外烽煙靜一時滇池長讌書生客

阿瓦猶傳都督詩阿瓦國王每夏五月以舟師會諸小國於江上都督沐璘作詩曰蛇首樓

船十丈長船頭鑄鼓樂笙簧簫師百櫓齊崇禎年中亂

離始臨安長官謀不軌倉卒橫戈樽俎間須臾拔劔宮

門裏從官衛士不敢前樓臺灰燼鶯花死陳焦夫人竄

西門一旦自焚普官村可憐兩世金閨質化作千年玉

女冤上公初遁瀾滄遠一去緬夷不復返曾聞就義死

從容至今傳說多哀輓聽君說罷涕交流一門盡節真

難求三百年來事銷歇卻恨當時沙定州獨倚繩牀三

太息珠斗闌干月將匿篝燈黯黯不能寐清夜如聞鬼

神泣

送葉星公餞迎恩寺

捧檄皇華歷歲年今朝相送百蠻天夕陽山寺來飛蓋

細雨疎花繞別筵黃鶴重經停畫舫烏衣歸去問桑田

星軺更向燕臺北知脫鵝裘酒肆邊

送喻明府之水西

昔日三苗叛王師十萬趨累朝無討伐一戰拓邊隅地

險分新郡君行實壯夫故人開幕府不必念尊駟

偕趙使君登慈雲山寺看梅遲呂忞字不至

綠駟衝開沙岸滑青袍光映海波分數峯蒼翠當蕭寺  
四坐詩篇盡錦雲花底銜杯香不散澗邊流水響徐聞  
從游勝侶皆沉醉只少高陽對使君

忞字席上懷查韜荒

策馬城南門蕭條日將酉言尋歲寒居逆旅亦栽柳主  
人跣足迎嘉客坐我右不計醉尉呵索飲高陽酒共數  
金石交忽憶平生友牂牁爲河梁歲月聿云久尺書昨  
日至知發漢沔口蒲帆疾如掃歸省白髮母花溪攜李  
由乘未得耦高堂勤倚閭蘭室怯舉白轉恨萬里游

香草居集卷一

七

晨昏違隨滄當年酒鑪側揮毫酌大斗讀書違衆尚埃  
塵視組綬家貧興益奢黃金恥在手里門同學者輕肥  
若某某笑指謂狂生爾我皆曰否人生各有志出處異  
抱負矧此七尺軀旦暮成白叟修身而立言庶幾期不  
朽何能守故廬持籌計田畝山水發文章冀窮州有九  
囚之嘆辰參昔樂誠不偶粲粲斗移柄皎皎月當牖懷  
人一長嘯黑夜魍魎走

別吳但小之閩中

駿馬驕嘶不可聽雕鞍光照晚山青詩成此日難爲別  
杯映寒花且莫停玉版初題金碧頌仙槎又拂斗牛星  
延陵姓字人皆羨知有羣賢候暢亭

香草居集卷一終

香草居集卷二

嘉興 李 符 分虎

詩二

擬古六首

美人居高樓不畫雙蛾眉  
冶容本殊衆豈在膏沐施  
當春忽有懷手攀芳樹  
枝盛年暮昏姻情至非邪思欲適  
無良媒坐嘆青陽馳  
幾愆天桃節不賦褰裳詩

野蘭被孤桐上古軒轅作囊以葡萄錦青絲爲約束  
齋糧涉東海遠從異人學三年得成聲解操咸池樂良質  
託美手聽者滿階閣一彈興玄雲再鼓翔雙鶴  
瓠巴與師襄千秋兩寂莫高調徒自知誰能辨徵角抱之歸淡

山道遙獨娛樂

越客厭扁舟願言駕騏驎西行望秦關  
長楊夾廣路巍巍甘泉宮鬱鬱新豐樹  
雞唱青門開車塵若煙霧立談取功名  
朱紱易章布人爵苟道得顯榮亦所慕  
周行直如矢我游獨窘步中道無饕飮且獵南山兔

海燕識舊巢林鹿戀山陽人生在逆旅能不懷故鄉  
故鄉渺何所茫茫限大江涯涘廣以濶龜蠃難爲梁  
升高而遠望遊子情孔傷三載一征衣思婦昔寄將  
經時弗浣濯垢敝闇無光爲念閨中意未忍棄道傍

春芳嬌白日阿儂臨大道天風從東來吹落同枯槁  
俛首拾殘英愛之未忍掃我有桃花顏鏡中不長好  
手挈

白玉壺沉醉須及早何爲舍樂方戚戚傷懷抱

千金狐白溫不如芰荷衣易牙調山膚不如精瓊靡風  
昔慕神仙去登緱山陞山上何所見草木紛離披雲中  
王子喬吹笙來何遲昇天事荒誕躑躅生狐疑服食鍊  
玉液久爲賢聖嗤修名苟不早長年將奚爲

見新燕

海燕忽來到飛飛東復西花林沾社雨芳徑啄春泥  
纔逐迴風上還尋曲檻低盧家何處是應憶玳梁棲

題盧將軍新屋

皓髮蒼髯舊戴師天涯新築但茅茨渡江擊楫已陳迹  
抱甕灌園在此時北郭青山遙對屋西鄰碧樹俯當籬

清池白石鎖憂地長欲從君坐詠詩

雨霽王礎臣過訪留詠而去東寄報謝兼約偕遊

太華

爾著王喬履衝泥出郭來竟題佳詠去不把索郎開夕  
照全收雨淡林未落梅明朝尋太華絕壁掃莓苔

春正六日同孫曉潮司李趙旭野明府官素士劉

季仲兩別駕再遊鸚鵡菴和彭禹峯方伯壁間

韻

山色周遭亂日暉青青細草坐承衣天涯長得同攜手  
客裏能忘賦采薇芳樹含花當徑發春禽銜果傷人飛  
臥遊定憶茲山好彩筆須圖一幅歸



初度感懷

王正月將望攝提貞孟陬東風方解凍春色滿平疇憶  
昔皇覽揆三十有二秋主人出為壽情好何綢繆承筐  
惠嘉貺張宴羅庶羞長揖前致詞賤子異時流此禮非  
古設況我未白頭受餐反加璧庶幾兩無尤酬酢忽已  
醉追往生繁憂吾家全盛日紛華擬王侯冠蓋聯翩起  
軒車夾鳴騶房櫳何宛轉珊瑚為簾鉤吳姬發清簫趙  
女彈箏篴予生方有知不屑辨夢薶戲弄雙明珠擲地  
不再收六齡誦國風慨焉慕西周是時憂板蕩豺虎縱  
橫愁大父急王事戮力殉東牟我父在衰經誓報黃巾  
讎散家求死士□□亦來游金盤白玉箸會食如山邱

香車集卷二

三

談笑樽俎間同室操戈矛仗劔計不就采藥登羅浮衰  
鳳不復還鷓鴣鳴啾啾覆巢幸完卵伏櫪悲驂騑凜奉  
先人志勿學商賈謀瓶罄乏斗儲采藿為乾餼猶恐辱  
遺訓努力勗前修孤介實性成竊慕巢與由昨欲訪名  
山散髮乘扁舟遠遊南服外故人投轄留入幕亦偶然  
豈真善運籌梅花若瓊瑤近我所居樓憔悴不堪折片  
片落庭溝客子全飄零命駕將安投願言反舊鄉濯足  
河之洲鑿田種雕胡夏葛而冬裘足以娛高堂此外復  
何求

滇南春詞

春登隄岸廢何年九曲虛聞載酒船惟有素馨花不改

紅羅摘去換青錢

朱邸東連菜海子人言此勝越西湖垂楊一色碧波裏  
風景春來似畫圖  
檳榔嚼碎似珊瑚大婦前行挈小姑西寺景多東寺少  
南門人衆北門無  
金馬山前白骨堆長埋俠少控弦材家人澆酒哭寒食  
盡坐桃花馬上來  
城西新築兔園成臺榭禽花不記名宮監每禁遊女入  
隔牆高樹但聞鶯  
昨日迎郎歸化寺今日送郎滇海邊海水拍天風又逆  
願郎乘馬莫乘船

香車集卷二

四

雲津市上已斜陽金線鮮魚尚滿筐小婦數錢齊買去  
背人作膽勸郎嘗  
重闌別苑起歌樓六郡良家繫紫駟道姑蘇新樂部  
短簫橫笛異涼州  
青樓大道綠楊多中有紅顏似素娥不學秦箏和趙瑟  
尊前只唱采茶歌  
蠻女簪花拍手招齊來山上伐松條春溪敲火燒肝陌  
不種甜禾種苦苽  
滇南正月如三月李花桃花開滿城待到花朝花盡落  
未逢上已葉全生

近華洲畔草萋萋謝豹鷓鴣春亂啼白菜青繁傳家酒

祇應日日醉如泥

登胡鳧菴清暉樓

樓外春隄一水斜，渾疑蕩漾鏡中槎。  
女牆曲抱參差樹，疊嶂平分遠近花。  
天末相看同汗漫，家山何計問桑麻。  
仰捫牛斗星河近，一片鄉心到若邪。

醉題寓壁

滇花如雪覆金杯，吳苑寒梅開未開。  
自悔三年違故國，不因貪看碧雞來。

晚次羅錦山禪寺翫月憶雲壑

朝別麗正門，暮次嵩明野。  
前望羅錦山，古寺在其下。  
愛茲泉石好，聊以秣吾馬。  
禪房但容膝，蒼藤覆瓦信宿。

香華居士集卷二

五

只暫安何用，求廣廈日，落衆鳥歸爭棲。  
聲啞啞步出空庭，隅明月林間瀉。  
清輝若薦餐，手不盈把，獨立久徘徊。  
誰可與語者，因之憶良友。  
昨夜同杯，竿高樓秉華燭，各醉顏如赭。  
君發江南曲，淵乎奏大雅。  
睥睨翳無人，放情獨瀟灑。  
朝來忽岐路，流光不我假。  
一夕長相思，滔滔如孟夏。  
入室援鳴琴，離憂未能寫。

餞別莊一菴州佐還沅州

莊爲久仕楚，越吟思若邪。  
循良推佐吏，辛苦使天涯。  
來踏春前雪，歸看江上花。  
鄰舟有商女，慎勿聽琵琶。

方學士樓同侍御邵村留酌千松屋書屋

桐城兄弟並風流，沙塞歸來已白頭。  
解組久違青瑣夢，

驅車遠作碧雞遊。  
堂前客到停書扇，花底尊開不典裘。  
醉後愛尋山石坐，斜陽冉冉下西樓。

長句答錢鑒濤

去年十月朔風吹，停驂作客嚴寒時。  
貴陽太守招我飲，壁間讀爾琅玕詞。  
今年更走昆明道，與爾相逢苦不早。  
天末同攜柔翰游，花前數把金尊倒。  
憶昔君歌行路難，萬里牂牁寄一官。  
從軍且著仲宣賦，佩印欲登淮陰壇。  
豈意滄桑人事改，徵外浮沉將十載。  
腰下青萍光不渝，袖中黃石書猶在。  
英雄失路安足愁，握手相看尚黑頭。  
丈夫志不在溫飽，壯遊亦念尊鱸秋。  
昨朝言別五華側，柳湖之濱問家室。  
何年與爾謝塵網，同歸由拳種稻秫。

香華居士集卷二

六

得家書哭海寧祝氏姊亡兼示諸甥

兄弟皆行役，遙憐伯姊存。  
曾遺大雷札，藉慰北堂尊。  
豈意鱗魚到，翻令涕泗繁。  
客中成素服，何處奠清尊。  
尚憶垂髫日，猶居舊藿園。  
先博士別業吟詩同過末，好句屬閨門。  
織錦何難並，飛凰庶足倫。  
自歸海昌邑，早天尚書孫。  
一哭終顛顚，平生寡笑言。  
長齋勤繡佛，淺坐倦開軒。  
執節無中壽，含悲下九原。  
姑嫜哀主婦，宗黨惜□□。  
引綿嗟何及，傷心不可論。  
浪遊經歲月，歸路阻湘沅。  
縱有鄉關夢，難逢月夜魂。  
遺孤方總角，讀禮罷吹簫。  
溪望承家器，毋辜罔極恩。  
慰予惟爾輩，早夜待飛翻。

同里雜詠

樗叟高文實夙根濡毫滾滾即千言廿年師事長三拜

豈為祇林望獨尊古南老人

朔方旌節昨年還脫帽看花暫閉關敏捷著書垂不朽

須知倦圃是名山曹秋岳

周郎好禪兼好酒醉後高談何太狂長把寄來詩過日

愛君風格近襄陽周青士

吾鄉風雅推朱氏相國諸孫爾最能載酒朝過問奇客

焚香夜對讀書燈朱子容

戲言徐庾是前身爾我同誇麗句新亦識壯夫輕小技

為傷宮體絕千春錢雨

山桃繞屋春全放羨爾看花策杖行盡日苦吟腰太痠

至今贏得斷垣名沈山子詩有梅花高館落春草斷垣生句傳誦吳越間以沈斷垣呼之

馬頭舟底費吟哦朱十詩名到處多湯興偶題長短句

也如供奉憶秦娥錫

吾宗詩派啓吾鄉司馬郎官昔擅長後代即今誰最傑

東鄰一叔有篇章從叔明遠

梅花溪上王方伯蓮人先生老去新詩律漸高令子將車隨

節鉞淵源近亦養風騷萬

俞繆詩篇富滿車右吉兩人同調且同居竹林數過能

文士城北翩翩有二徐敬可勝力

聞如說爾游江浦橋叟遙傳八月書寄我沈鍾武功廣漢遺

集序也成又勝別離初徐

故人高沈才名好念祖聞道聯翩別帝都積得賣文錢

幾萬待子歸索付當鑪吳虎令弟公車今

離鞍看徧洛陽花游子經年不憶家文

北去同西堂夜夢句應誇

橫山盛八好男兒門掩蓬蒿慣賦詩愧我才名未皇甫

題君賣藥故遲遲南巢所著有賣藥集

鄭生風度亦翩翩愛學韋儲在我先懶情撚鬚詩句少

吳江楓落儘堪傳始

伯氏論文薄盧駱仲兄肆力法歐陽越人浪說三珠樹

小弟飄零學已荒

艷情

手摩盤龍鏡妝成整鬢鴉蛾眉不自畫留待婿還家為

見雙飛燕因攀並蒂花含情閨閣裏所惜是春華

春日對雪

春序已過半輕寒猶滿庭雪花多帶雨落地即無形易

聚陰雲黑能滋芳草青祇愁桃李放一夜欲飄零

星回詞五首南詔野史載皮羅閣建松明樓誘五

善獨有先見詔至將殺之以并其地鄧曉詔妃慈

果笑死各品妃莫可憐慈善因制鐵鉤於夫臂既還

堅守三月食盡死詔之不忍從引兵圍其城慈善

臨會食怨南詔之不仁也夜執炬相照又苦招

魂者然傷五詔同焚其善執節也至今相傳

土俗以詠其事亦巴蜀竹枝之意云

明倚雜坐會高樓無藉雕盤進百羞生啗臍肩傾大斗

人人俱似舞陽侯

樊女巴童執炬來紅光萬點射樓臺不知風俗蠻中異  
定作將軍夜獵猜

銅柱盤桃阻一隅五華歌舞亦須臾居人莫恨松明事  
蒙社雄風今有無

五詔君臣同日死千年父老至今悲錦袍金印埋荒草  
此夜招魂知不知

獨閉孤城不解圍葡萄江上慘斜暉哀牢賸有星回節  
傳說多因鄧睽妃

懷家兄武曾二首

桃葉渡頭別秦淮花正疎後先分驛路南北異舟車萬

香草居集卷三

九

里思荆樹三年斷鴈書今游夜郎道消息定何如

高堂髮半白六十是明年好挾姜肱被同歸范蠡船課

兒饒舊帙奉母有山田只恐投車轄霜臺主道賢

謂曹中丞

六月晦日對菊

曲沼芙蓉弄初歇小山桂樹香未發雨中叢菊數莖開  
著屐驚看下階滑竹裏松邊朶朶藏幽蘭九畹失芬芳

此時先泥朱明露他日仍陵青女霜故園東籬未應早

落英莫采悲將老舉觴對花花自鮮將花解愁愁不掃

況經爲客倦登樓醉折繁枝插滿頭悞疑今日重陽節

不信明朝七月初

履畝雜詩

漢中大水護軍陳伯舉往視邀子偕行  
七晝夜而事竣途次口占絕句故不倫不次焉

春時踏青處今日可登臚桑田爲海水豈但見麻姑

三載不乘舟乘舟如故鄉飛鳬觸蘭漿只道是鴛鴦

身上無完襦鳩形少生氣哀訴馬前黔國舊中尉

士卒擎鷄子俱控大宛馬高原見鷓鴣馳騁斜陽下

南壩連百家家賣麥酒夫壻晚不歸當壚皆少婦

挾彈打棲鳥啾啾繞樹柯須臾葉盡落贏得月明多

水決方築隄築隄民勞苦良田殫爲河隄成亦何補

連船裝巨石挂席指城東借問此何用言供免苑中

迢遞望前村黃昏猶策轡忽聞清磬聲知到墨花寺

香草居集卷二

十

田高農自喜不在然災中因慶秋禾好焚香賽晏公

伯兄斯年再遊嶺南奉寄

未倦登臨興珠江今再游經年無煖席強半在孤舟卑

涇連潮汐微茫帶女牛若從始興過涕淚詎能收

先君

祿在韶州客邸

驅車過大庾夾道荔枝香臨海思飛將登臺弔粵王吾

曹愛游覽事業在文章莫使歸來日徒多陸賈裝

送樊臣歸太湖

我欲辭金馬君先歸洞庭秋風垂橘柚七十二峯青且

去尋香草無妨醉綠醺河梁一分手惆悵獨飄零

菊苦荒三徑鯖宜厭五侯壯心終不死絕微豈能留

我看雙鬢山川賸十洲擔囊俱未倦把盞莫淡愁

不爲高堂養誰輕萬里來經年采藜藿故國長蒿萊沮

溺田猶在求羊徑且開況依慧山麓摘菊釀新醅

逆旅終朝其他時恐別離長言出巴蜀相約上我蒼天

末非吾土秋淡忽路岐願遲十年後重與向平期曾期

由滇入蜀登  
我着山而還

右軍餘舊宅宅左是君家屋繞千竿竹庭開幾樹花具

區原近郭橋李易通槎儻果比鄰約同栽五色瓜

### 九日登昆明城樓

城上浮雲接大荒山川終古自蒼茫清秋欲盡憐重九

遠客憑高愛夕陽擊鼓十年銷戰伐閭閻萬井固金湯

香草居集卷二

昆明天險那能似鑿向秦中笑武皇

讀曹澹餘先生集賦短章奉寄兼謝點定客滇近

### 詩

青土多良材誰爲典型者先生人中豪扶衰振大雅底

柱障百川狂瀾無傾瀉從天墮夜珠光芒燭四野梧臺

有片石慚愧不堪把

壯麗帝京詩瀟灑黔中吟正聲一何多被我龍脣琴冷

冷宮商殊乃是太古音清風灑虛室申詠得所欽雖無

陽春和庶知作者心

聚藻生參差託根澗中石采之不盈襜持獻誠所積豈

如蘭蕙花含馨美人側何意盛筵篚舉手煩選擇一朝

發華滋枯榮異今昔

### 借陳伯舉過曇花寺

精舍何年築蒼松一徑溪解鞍眠倦馬倚樹數歸禽昏

積烹葵獻山僧策杖尋片時城市隔已覺滌塵襟

### 夢周林於鄭文谿

同上蘇州女子船清溪夜別柳陰邊忽經三載相思苦

故夢能詩兩少年

### 觀獵

高秋射獵南山下出郭旌旗十里長大將自橫赤羽箭

偏裨俱控紫游韉峯前纔見驅馳散帳外俄聞割炙香

自笑書生惟袖手翻令美味得先嘗

香草居集卷二

### 送劉秀才歸河內

天末方沍寒我作尋陽客邂逅如平生談讌樂朝夕駕

言並彎游清嘯發越石雪飛鳳梧山素影搖廣陌陽月

正溫和梅花動春色花下彈素琴忽作懷歸吟牽裳不

忍別握手登高岑望望孟津道冰結黃河陰迢遙幾千

里南北分辰參良覲復何時離懷實難任

### 謁諸葛武侯祠

天末新丁部來瞻丞相祠南征嚴壁壘北伐慘旌旗揮

羽崇遺像摩厓失舊碑清溪采蘭杜一薦帝王師

### 答李亦臨孝廉途次見懷

雪溪山郭裏僵臥似袁安正憶故人別流漸渡馬難征

途當暮節飛鴈落江干忽枉青蓮句殷勤持歲寒  
離別尋常事其如良友何人歸燕市遠路遶楚山多緩  
轡看楓葉摩厓拂女蘿此時相憶苦覓夢越江沱

辛亥除夕和十唐人詩程石門倡

客中頻改歲衣袂暗生塵又畢三冬事驚逢四海春雪  
消殘臘盡杯泛異鄉新菽水承歡志纏綿憶老親

京守

天末倦傭書依人又結廬年華今夕換音信故園疎往

事何堪憶新愁未肯除笙歌醉後聽彷彿在清虛

墓歸南

歲晏淒涼夜山城雪作花天寒聊伏枕酒醒忽聞鴉風

香草居集卷二

七

嘯吹難定明河望欲斜雞鳴還起舞腸斷客天涯

宅守

燈暗青桐几花淡白板扉經年忘汗湯此際易懷歸願

歷知餘閨觀詩感式微無端百憂集況復遠庭闈

中守

日薄虞淵盡殘冬暗裏催玄冥將臘去好鳥逐春來旅

食長如此浮生能幾迴到明傷老大羞見隔年梅

韻

元戎開別館酬酢最相親斗柄斜當戶花枝近向人賓

朋新識面書卷舊隨身坐送嚴寒去湖山到處春

夜宿石

家庭今夕會妻子意如何定有淡閨夢飛來絕徼多擔  
囊游慘澹挽鹿事蹉跎頃刻青陽至朝昏莫浪過

自客尋陽郡寂寥無所聞百句耆舊隔兩地歲華分

諸子之尋陽尺素傳雙鯉離心逐片雲五華風景異良

會羨諸君

仲氏黔陽役裁書寄我頻還迴千里夢憔悴四方身寒

漏還催夜晨鐘已報春朝來各相憶俱是倦游人

對王秀

歲歲當除夕愁多淚暗傾況聞烽火接徼外戍頻更草

檄漸衰虎尋山暮向平擁衾時反側數為問天明

韻

香草居集卷二

七

香草居集卷二終

香草居集卷三

嘉興 李符 分虎

詩三

憶昔歌送朱丈湛侯歸里

憶昔梅花溪上宅總角陪賓早相識世事滄桑十數年  
君作葉榆五馬客布衣吹簫滇市東曾題尺素託飛鴻  
使來遺我青玉案我亦報爾芳蘭叢陽春相遇螺峯下  
知君左遷郡司馬昨日封還大守章今朝將返山陰野  
點蒼山石隱畫圖曾無一片攜歸途昔賢猶載鬱林石  
如此清風今有無

楊升菴先生祠

香草居集卷三

憶昔康陵初新都擢高第校書登木天淋漓玉堂製忽  
攀鼎湖髯再事嘉靖帝議禮隨相君堅引定陶例痛哭  
奉天門詔下金吾繫謫戍漆齒鄉東馬衝炎癘窮愁但  
著書博物乃夙慧瘞筆成高塚鏤版貴荒裔倡和得張  
含壚頭酒頻貫繁華錦官城草玄閣久閉香閨勞寄詩  
未暇敦伉儷古來南流者多在夜郎地開元供奉後近  
代久成繼同爲放逐臣公也更迢遞坎壈幾十秋屈指  
不堪計我來瞻舊祠憑弔煙雲際浚徑游麋鹿短牆纏  
薛荔灑掃勤老僧伏臘土人祭戎馬昔縱橫爭戰無寧  
歲碧瓦金銀宮劫灰榛莽蔽棟宇獨無恙疑有山靈衛  
延佇懷遠哲流風未衰替朗讀招魂篇白日欲西逝

臨漪草堂雜詩

十畝無多地林泉結構新亭臺雖近郭風景別生春樹  
下看蒼鶴池邊釣錦鱗熟游諸曲徑不問灌園人  
柳暗方塘土山禽無數啼春陰多積雨水草欲平隄客  
至流觴坐詩成選石題蕉林幽絕處處更在畫橋西  
浦側山桃樹橫斜舊日栽鏡搖花影亂壁似畫屏開活  
水斜衝檻閒雲細墮杯捲簾山色近青翠欲飛來  
百卉參差發迴廊到處遮衆香渾撲鼻未辨是何花繞  
砌游蜂亂衝簾語燕斜淹留不欲去問字一侯芭  
初夏晝陰陰芳菲何處尋千章新綠暗一徑落紅淡出  
檻攀嘉果橫窗弄短琴琴聲雜松響如聽老龍吟

香草居集卷三

二

浪花無定準梅萼盛秋柯東閣啓何早南枝開更多微  
風動香片晴雪灑鳴珂粉蝶疑春到牆頭處處過  
樂部小童清吹笙似鳳鳴開元餘舊曲子夜變新聲銀  
箭催人散天街正月明不愁逢醉尉候騎送宵行  
籬菊花全放木犀香尚聞賦詩招隱士落帽得參軍勝  
賞論懷抱平生在典墳從遊今有託未擬退耕耘  
雨雪淡寒夜雲林積未消白連方吐月青隱欲抽條竹  
葉千尊熟桃花片紙招只須扶屐到不似剡溪遙

送許爛石歸吳

邊柳青青花欲飛故人花下換征衣可憐萬里傷心別  
翻恨三春見面稀吳苑莫愁松菊老楚江須采杜蘅歸



年來傳說吾鄉事水旱憂農信是非

夢歸故園作

我有由拳宅遠在東海隅開扉臨碧水千頃鴛鴦湖舍之萬里游三歲有六月比來鄉思淡清夢亦超忽茫茫渡江漢瞬息達故園岸傍花亂發彷彿對春溫入門但疾趨上堂拜吾母懷揆渙池蓮長跪爲母壽母手持蓮花置之繡佛前粲然顏色喜如彼麻姑仙病妾見我歸攬鏡整簪珥癡兒見我歸抱書問奇字家人語未畢戾止平生親怪我風塵色仍是吹簫人四坐盡揶揄一去不復顧覺後疑爲真大策世眼誤尼父有遺訓富貴如雲轉肉美窮無虧顛顛何足憂今也殊不然結交重金

寄弟書來促予早還因寄此詩

三

弗吾鄉多素封對面九疑隔因之遠行適經年別吳關願得臥舊廬夜夜夢中還

舍弟書來促予早還因寄此詩

我生既寡諧浩蕩誰能束被褐辭衡門渺然越南服周覽歷諸郡三見芳草綠歧望勾吳鄉繁憂亂心曲飛鴻墮青雲素書在其足一尺桃花箋百行字盈幅期我早旋歸鵲鵲義誠篤行旅非好勞豈不念松菊苟得全令質何妨淹征軸萬里猶比鄰斯言可三復

題且閒齋壁

書屋橫窗護碧紗良辰淡坐寂無譁玉鞭肯換來禽帖磁碗貪嘗日鑄茶松下科頭聽啼鳥池邊袖手看栽花

尊前有客疎狂甚爛醉高眠不憶家

聞亦臨已抵都門因寄

聞道春殘歸玉河門前淡柳葉如波詩投錦篋應無數書換籠鵲又幾多苦憶良游成夢寐生憎索處在山阿懷人獨對清秋月忍聽高天唳鴈過

懷化南

揮手津亭別秋風又一年去尋江令宅幾泛鄂君船玉笛紅牙拍銀箏白紵絃重翻新樂府知有莫愁篇

遙和星巖雲壑春日過韓非有新城別業三首

石徑沿溪水村居傍竹籬三春宜賞讌五畝足棲遲邀客開新釀穿花礙接羅遙傳故人詠想見弄杯時

寄弟書來促予早還因寄此詩

四

多君愛朋好風雨亦開關地僻林泉潔時清部曲閒攜琴援古調抱膝看前山第五橋邊景於今在百蠻邱壑此中勝圖書暇日看倦騎驢驢馬狂脫鷄鵲冠官俸貧能繼茅齋儉易安何當扶蠟屐百日與盤桓

臥廬見梅花因憶故鄉朱園栽植之盛輒賦四韻

寄元臣辰始兼懷蔣曾策孔懋弘定夫兄弟

滇梅一樹新人眼忽憶吾鄉太守園十畝溪林看最好此時香萼放應繁遙知二妙開書屋定與羣賢弄酒尊攀折無由逢驛使東西怨別各銷魂

挽張晦先入覲回黔卒鎮遠旅次三首

朝罷明光殿南天一再游清秋悲薤露寒月慘江樓草

聖他年貴遺文使者求焦溪關下路從此是西州

遠服衡文使 先皇折檻臣諫書猶在篋絳帳已生塵  
夙昔賓朋在天涯涕淚新最憐丹旆遠寂寞返漳濱  
九原不可作千載或垂名在日耽詩句從來澹官情隨  
身惟弱女痛哭有門生賢者竟如此吾將叩玉京

### 關西老將歌

關西老將昔少年梁州鐵甲渾身纏上馬殺賊血成川  
張弓瞋目倒應弦有時矢盡張空拳猶能格殺敵數千  
遠走兩粵楚蜀滇南窮文趾西于闐身經百戰介冑穿  
矢志直欲圖凌煙王師十萬壓南天倒戈解印歸爭先  
大者封侯北入燕小者建節乘樓船嗚呼老將無金錢

### 香草居集卷三

五

葛勒山下今種田寶刀繡澁鬚皤然

### 讀張禹山詩

名含字愈光  
永昌孝廉

盛覽尹珍俱寂寞千秋風雅歇滇黔若看前代論才子  
三百年來一孝廉

北轍南轅幾十春晚年詩律益精神識得慶陽能北面  
成都自是比肩人

愈光學詩空同之門  
與楊升菴倡和最多

### 寄懷茂斯補山約山諸叔及天穀兄

吾族人才盛相依樵李城門庭今冷落強半四方行文  
采看諸叔飛騰望一兄我游遲未返不是薄功名

### 胡公西征奉寄

城上吹笳歇前鋒鐵騎隨拊循勞主將奮勇樂王師帳

外聞清嘯軍中正賭碁先聲馳滴博知道小昆彌

### 贈鳧菴從軍

國士王門客從戎亦遠征銜杯多慷慨下筆忽縱橫但  
得馳飛箭何須事請纓掀髯能料敵遮莫笑書生

### 金沙聞捷紀事五首

蘭州西去動妖氛五翎憑陵縱馬羣毳幕竟侵都護治  
犀渠直逼貳師軍沙塲一望春雲暗羽檄交馳午夜聞  
麗水從來限疆土胡為蛇豕忽紛紜

西戎亦解造戈船夜渡瀾滄盡控弦自有奇兵能拔幟  
不愁衆騎可投鞭漢龍無復聞袍鼓亞旅何曾廢力田  
獨惜防邊諸將士三春不脫戰袍眠

### 香草居集卷三

本

南服□□西出師親提十萬虎賁隨未聞繡霧過龍首  
已報金沙走月氏幕府頻歸強弩將平原早散射鵬兒  
三軍釃酒更相賀談笑從容倦旆旗

無數材官擁鐵衣參差虎帳對斜暉冠軍大帥虛籌策  
博望偏師已破圍可跋東連洱海靜葉榆北去塞塵稀  
不勞使者通西域生獲蒲梢萬匹歸

太白星低殺氣消戰場但見草蕭蕭烏孫一去銷金甲

蠻詔何須斷鐵橋料敵曾聞終給事論功獨賞霍嫺姚  
即今擊柝邊城遠會見諸羌附 聖朝

### 詠竹

駐我長征白鼻騮坐來別館對鶯花修篁清響因風起

曲徑低枝拂檻斜，康樂山居全在眼。  
王猷遠客暫忘家，科頭散帶獨長嘯。  
但少門停嵇阮車。

送岑泌北遊

遠道男兒志，那能無別離。  
獨憐相見晚，又值送行時。  
沙暗居庸塞，雲深督亢陂。  
此中盛游俠，定得結新知。

送許鶴沙觀察歸養

匹馬返雲間，風塵孝子顏。  
千鍾供祿養，不換舞衣斑。  
琴鶴攜歸棹，鶯花滿故山。  
我家三泖近，客夢逐君還。

郊外觀荷遇雨二首

行到橫塘雨已晴，風搖菡萏暗香微。  
寒裳欲采雨飛急，荷葉蒙頭不溼衣。

香草居集卷三

七

蓮房的葉，田田恰似江南六月天。  
山雨分明催弄曲，恨無越女蕩蘭船。

阿禧詩

阿禧者元梁王柏匪刺瓦爾密一稱亭羅女也。妻大理平章段功同居善闡梁王聽讒復疑功有異，志密授孔雀膽與阿禧令毒殪功。阿禧具以情告，促之西歸。功未信，明日梁王邀功東寺演梵，命番將殺之。阿禧聞變，將以身殉。梁王防衛備至，遂悲憤作詩曰：吾家本住鴈門溪，一片閒雲到滇海。心懸明月照青天，青天不語今三載。欲隨明月到蒼山，悞我一生踏裏彩。吐嚕吐嚕段阿奴，施宗施秀同奴。奴身雲片波，潯不

見人押不蘆花顏色改，肉屏獨坐細思量。  
西山鐵立霜瀟灑，踏裏彩被也吐嚕。無知也押不蘆，西域返覓草名。肉屏索駝也，予讀其詩哀其節，遂用其韻以弔之。出語之不甚雅馴，亦如原作未嘗求工也。

梁王昔忌段平章，阿禧勸之歸洱海。  
鴆毒不行莫耶利，到今三百有餘載。義帳哀吟泣如雨，珠璫匳葉沉光彩。焚爨猶傳吐嚕詞，沙儂也說亭羅歹。  
我憐節比西山松，萬古青青長不改。孤墳何處埋香骨，煙迷荒草悲風灑。武曾二兄久不得予消息，賦四絕句見寄，依韻奉

答兼訂明秋歸里之約

東望故園雲樹迷，秋來定憶梅花溪。  
爲憐少弟遲消息，一片離情又向西。

香草居集卷三

八

一片離情又向西

再棟銀生早倦游，曾題尺素說新愁。  
莫怪南禽銜不到，危峯愁絕永寧州。  
滇黔孔道，惟關索嶺最高，在永寧州治。

倚閭望遠日徘徊，每寄花箋手自裁。  
萬里鱗魚經歲達，一封書信兩鄉開。  
家慈每寄書至，滇必與示兄札，合爲一緘。

吾兄秋錦多佳句，予亦吟成一卷詩。  
約束琴書好歸去，莫令又過菊花時。

雜感

客遊無定踪，來此異鄉縣。  
春往復秋來，流光疾於電。  
草木忽萎黃，搖落滿郊甸。  
肅肅天始寒，藏我白團扇。  
憂來固無方，豈惟感物變。  
美酒雖盈樽，強酌不終宴。

丈夫志四海桑麻非安宅天地猶彈丸胡爲悲遠客遠客未足傷所嗟無樂方內顧迫婚嫁外處乏餼糧采菽聊爲餐斧冰持作漿朝尋沮溺儔暮逐遊俠場浮沉且隨時遲遲謝塵韁虛已以游世遺訓師蒙莊

束髮事詩書矢志慕管葛十年困蒿萊被服但短褐出疆乘耒耜行行望城闕第宅何縱橫高臺陵木末中有四方人挾策競干謁連袂即成帷肩摩無停轍時俗尚吹竽我乃獨操瑟同舍不相知邈若秦與越浸灌箴時雨燭火混明月慷慨發長謠中情誰能察

少年慕絲華春服被輕綃方舟駕蘭橈置酒臨江皋環坐多美人嫣然如二姚纖手白無瑕爲我奏瓊蕭頽陽

香草居集卷三

九

修西逝歡愛不終朝朱顏非昨日齒髮亦已凋娛樂且頽頽憂心況切切人世苦混濁羨門寧可招安得彭涓術天上永逍遙

丹山三鳳鳥比翼棲梧桐羞與燕雀羣翩翩各西東相去萬餘里飲啄難相從所食無琅玕毛羽猶未豐東顧夜郎道南望羅浮峯悵恨歸來遲有母勞尸饔干祿爲親屈宿昔志願同豈知乘風意至今悲道窮

有女若江妃獨立河水濱文贈白玉環蹇修前致詞仲春冰始泮桃李東風吹我馬玄以黃駕言忽西馳盈盈天漢水悵望隔南箕烏鵲不爲梁何以成佳期盛年欲遲暮延佇心傷悲

中天高太白烽火動邊城西戎爲我仇大將得專征兵事尚神速部曲寂無聲白日墮原野但聞戰馬鳴況當十年文朔氣凝旌旄角弓勁如石寶刀不可擊從軍雖云苦旦暮立功名舍我舊縫掖望闕請長纓荷父力不及又恐負生平馬首靡所託岐路空屏營

羅浮有仙人遺我能蕊翰裁之爲長笛律呂若條貫正響激林表鳳凰鳴天半漢上盛弦歌新聲日靡曼聽者惑荒淫傾耳動嗟嘆世俗多昏迷寧知我所患知音二三子迢遙隔雲漢招之未能來孤立被衆訕愁思當訴誰鬱鬱處宵旦

我友齒方壯讀書窮周秦操觚薄小技埋照懷奇珍棲遲衡門下娛樂忘其貧疇昔心相知同調發陽春金石未爲堅約結爲婚姻越鳥不雙翔飲啄違故林經年嘆離析君爲泉下人公輪旣長往匠石當輟斤生芻遠莫致揮涕登城闌南望孺子廟北接梁鴻墳荆榛蔽千古高節誰等倫爾魄居其間九原庶得鄰

香草居集卷三

十

渡水策青驪涉原操蒙衝少壯一失足垂老將焉從俠客舍七首束手難樹功王孫泣岐路不如田舍翁狀貌若至愚俛仰拙爲容邦族且相棄何況行路中朝詠伐木詩暮乃賦谷風我無千黃金結交安得終

九日哭沈武功四首

蕭條菊花節忽訝故人徂衆客方高宴傷心獨向隅狂

吟無爾在寂莫驚鵲湖遲踐結鄰約平生負酒徒

君年未三十多病久清羸知己先零落有懷當訴誰修

文千載逝作誄幾人悲身後留名處淒涼數卷詩

萬里登高望吳關幾月程寢門那可見遙哭不成聲細

雨逢愁落淚杯帶淚傾檢君舊時札重製錦囊盛

生時挈尊酒送我入南天不信東門餞竟爲長別筵孤

兒猶襁褓寡鵠倍哀憐渺渺重泉下招魂何處邊

中秋遇雨

斜日西沉暮靄生主人張宴此山城滿堂絲竹邀明月

翻雜蕭條秋雨聲

賓朋醉止朱顏酡屢舞僂僂詩思多獨有江南未歸客

香車居集卷三

士

當筵興盡賦明河

故國風雲萬里殊今宵未必月全無醉眠儻有還鄉夢

只在西湖與鏡湖

過聖延寺

尋陽古寺踞高岑聞自齊梁直至今幾遇亂離還在眼

重栽松柏已成林我憐名勝徘徊數僧話興亡感慨深

愛食秋瓜香積饌斜陽不覺又西沉

秋雨

五里山城暗陰霾秋後多飛來數峯雨搖落一溪荷靜

几翻書倦高門少客過遠看鷗鷺下對對戲清波

尋甸州雜詩

新丁非舊日極目總含愁疊嶂全無樹清川不見舟人

家連草屋阡陌臥封牛倦客依人住翻然悔遠遊

尚憶安楊叛殷憂起心堂臨軒命司馬秉鉞向蠻方甸

海孤城陷將軍一戰亡淒涼憑弔地衰草共斜陽

象教通西域遺風佞佛眞香林游士女須達布金銀花

供青蓮潔經馱白馬新只愁廣文館煙雨閉荆榛

物產茲鄉好無如千歲苓生成如偃蓋聞說可延齡午

市山城集秋風賈客經吾將辟嘉穀服此誦黃庭

莽莽月孤北榛蕪望不分白龍餘舊洞神雀竟無聞徑

滿千林葉峯迷萬古雲蕭然隔塵世麋鹿可同羣

木龍村最好十里栗園通結實三秋滿封侯千戶同蒸

香車居集卷三

主

鮮嘗主客落葉掃兒童卻勝荷鋤者辛勤隴畝中

守戍三千士秋衣舊戰袍癸庚呼不諾戊己望頻勞野

外擎飛鷄壚頭典佩刀更憐紅叱撥驤首對空槽

車湖一片碧小艇蕩清虛映水芙蓉少環山木葉疎遠

游來澤畔何日返吾廬且學任公子臨流釣巨魚

昔日烏蒙部通財食貨兼百金朱汗馬一斛水晶鹽互

市鄰封禁登壇節制嚴至今椎結輩不過蜀山尖

狐鳴時嘯聚歲晏四郊多羽箭溪林伏囊金快馬馱戍

樓嚴擊柝裨將遠橫戈客眼愁看此鄉關近若何

錢秀才過宿書齋小飲

忽枉洛陽客銜杯便脫冠風多燈不定雨過席生寒亂

快爲高枕秋花當夕餐向來羈旅思今夜對君寬

夜集汪記室齋

淡巷柴門迴幽然暮景佳月明不到地樹影恰橫階求  
仲時來過元卿或可儕酒酣隨意舞忘卻在天涯

秋夜獨坐書懷

獨坐情難遣頻聽戍鼓殘燈花任開落珠斗忽闌干客  
夢還鄉易荒城得友難淒涼今夜月舉首共誰看

蓮

玉井仙人植花開十丈身何年移絕徼盛夏滿通津蕩  
漿思吳女爲衣學楚臣如船藕可挾歸種太湖濱

壬子冬接斯年大兄粵東書兼示二詩乃庚戌客

香草居集卷三

圭

濟南作也

宛溫山下雪消初一紙平安慰索居千乘早題春草句  
三年纔附廣州書更聞溪上添茅屋好及花前挽鹿車  
莫忘朱陵掇仙草歸供慈母當園蔬

書中言買宅東溪將於明春旋里

除夕前二日詠瓶中梅菊

歲晚寒溪未到春瓊姿霜質折來勻陶家三徑真高潔

合與孤山處士鄰

酬吳東池司李

吳郎生吳而長楚童年解讀楚離騷五經紛綸榻欲穿  
腕底寫禿千兔毫放情不耐執手板謝去祿米恣遊遨  
昨乘款段將軍門客館相逢解佩刀青軒晚開對清酌

小窗書案停琴操興酣灑筆墨汁勻贈我佳句真絕羣  
藏之懷袖歸海隅詠君之詩如見君君家呂公灘清流  
鑒毫髮東通浙江潮朝行夕可越黃山三十有二峯峯  
峯蒼翠能突兀浮邱石壇凌樹杪煙雲幻出金銀闕芝  
草碧色丹砂紅我將訪此仙靈窟青鞵布襪於其間遲  
爾還山弄明月

答又元見懷

班管新題白團扇遺予佳句近青蓮好將金翦三行字  
譜入雲和五十弦

簡雪懷

百里山程新雨滑未堪走馬向滇池春寒苦憶上元夜

香草居集卷三

宙

酒讓屠蘇沉醉時

香草居集卷三終

嘉興 李 符 分虎

詩四

洞庭絕句同仲兄作

水闊山低武陵岸郭門一半逐江開扁舟不耐停喧市  
昨向桃花洞口來

香鑪洲畔欲黃昏舫外微聞笑語喧秋水纔消沙岸出  
漁人結屋已成村

三老猶迷水渼渼中流指引得漁船籠魚便數青錢買  
已有襄陽縮項鰻

昔年獨溯湖湘去三五同舟非故鄉今日隨兄頻對酒  
香齋集卷四

此行未覺色淒涼

蒼茫四面水雲浮曉日東來照施樓記得菱湖題七字  
眼前難賦洞庭秋

姚經三洞庭詩有只  
有青天尚欲無句

朝朝蕩漿渡平湖五兩風輕緩舳舻莫悵岳陽樓不見  
君山一點尚虛無

北船載鹽白如雪南船買米桃花紅紛紛估客自來去  
應笑攤書波浪中

秋夜集張學使署

黃菊花殘香滿林尊開官舍湧披襟金波素影穿簾靜  
銅鼓煙嵐入座淡與譙總來風雅客論文真見古人心  
酒闌數誦陽春曲如奏朱弦清廟音

黃絲曲

黃絲城裏雪滿天如花十五酒鑪邊征人收轡欲投宿  
一笑當門接馬鞭

渡盤江

綿亘盤江水源從烏撒流滔滔終日逝渺渺古今愁碑  
字看難辨津梁築未休一從沉鐵鎖長設渡人舟

答韓將軍激江見寄兼呈王大

雙魚遺我桃花札玉案新詞滾滾濤汗馬文章誰獨得  
歲寒風雨重吾曹雪深官舍貪高臥人遠河陽苦夢勞  
更憶牆東王處士銜杯定壓五陵豪

秋夜同釋巖宗賦

香齋集卷四

二

遠公飛錫至對坐夜窗虛說法窮香象翻書辨魯魚三  
吳同遠別六詔話當初不覺樓頭月依稀下玉除

走筆贈趙駿求

岸幘臨池似右軍銀鉤鐵畫最殊羣衙齋多少羊欣侶  
題徧花前幾幅裙

送白子

置酒南城闌送君當暮春浮舟武陵渡飲馬黃河津月  
見幾回滿柳攀他處新鄉書可頻寄慰爾高堂親

過靜樂精舍贈僧

精廬遙在百重巖中有支公最不凡清晝學書頻洗硯  
法華默誦不開筵臺施香飯饑烏下徑滿秋花小鹿銜



我欲山頭覓仙草澄雲共爾劇長饒

竹

窗外無多竹蕭蕭覆屋淡愛此歲寒質終日坐清陰壁影疑新畫秋聲雜素琴他年如結實應有鳳來尋

八月十五夜侍母家宴

折簡招游謝比鄰長齋小閣侍吾親賤嘗楚估桃花米香煮吳江雉尾蓴襟坐呼兒無主客微疴和藥有君臣不教佳節愁中過五載曾爲萬里人

九日飲明遠叔襲紫樓

扶屐憑高爽氣澄午餘留坐及宵燈雙童解事簪黃菊九日開筵剩紫菱婪尾酒隨羣從飲近花樓記隔年登

香草居集卷四

主

青山歷歷當前好不用捫蘿上幾層

甲寅元旦

曉窗紅日射氍毹好夢醒來祇自娛卯酒敵寒溫大斗辛盤餉客儉中廚天涯生計憑龜筮井里文游混釣屠我是不求聞達者科頭散帶信狂夫

饑驅遠道逐風塵天未間關賸此身長水以東三里市四民之外一閒人竈炊柳火更元日屋傍梅花放好春歲事未能全免俗也過淮鼓鬪比鄰

人日潘次耕過訪

潘郎文采似繁欽昨歲相逢已入林人日扁舟停水市江梅香萼動春陰瘴鄉歸客貪高臥酒肆藏名合細斟

別久相思今邂逅不須遙寄草堂吟

錢尋千留飲草堂遲周白門不至用方秋崖春雨

韻

村溪絕愛門迴竹雨歇相尋屐破苔別院簫聲風折斷芳筵花墮鳥銜來燭纔有炮催金翦月又如鉤映玉杯已假周郎風力便如何猶阻片帆開

秦溪初度述懷即呈外父及諸內弟四首

江鄉賀歲逢初度別館開樽爲細傾將老修名慚未立早年文字悔相輕閒看晴雨占農事坐對鶯花遣客情儻許結鄰重到此煙波垂釣足吾生

弱齡束髮記初昏十載相依寓此園往事茫茫如一夢

香草居集卷四

四

歡情藹藹見諸昆兵戈滿眼甘藏拙坎壈纏身易受恩難和阿翁詩律細人稱玉潤是空言

良辰雜坐草堂偏忽憶年增獨黯然去國會持簫入市生涯不耐硯爲田觀燈小巷愁新雨對客圍碁廢醉眠解事山茶花一樹低枝灼灼照春筵

少壯飛騰意絕羣年將四十竟無聞酒壚有債嗟垂橐戰地何方可賣文兄弟成行吾覺老姮娥沉影夜知分溪南小艇催歸去愁說朝來別海雲

集蓼園從祖齋看梅小飲

梅花正好亞迴欄移榻西窗促坐看竹葉酒能留夜話木棉裘足禦春寒中天雨意何曾歇別館吟聲尚未闌

此地不聞鼙鼓急且令懷抱一時寬

村居書懷

東風吹暖拂梁塵北里南鄰共此春詩問解人方信好  
囊空昨日不知貧青山樵客爲吾友碧水松門少雜賓  
家有白頭慈母在遠游難許四方身

欲采梅花釀麴塵閉門日日醉青春中懷挾策偏違俗  
右臂傭書不救貧解事園丁教種樹能言籠鳥報來賓  
買山未定何山好村屋年年托此身

題繆天自隱居

荷插攜筇到水涯短籬小徑即山家酒邊茶熟甌兼甕  
竹裏梅開葉映花試扇畧嫌春太暖題箋未倦日將斜

香車居集卷四

五

閒中更有移情處聽罷新鶯又晚鴉

朱十齋中對雨

石橋煙舍畫開局不惜衝泥日再經總是好春何厭雨  
但逢雅集便宜亭溪魚撥刺投竿得山鳥綿蠻倚樹聽  
載酒花時尋勝地無如南去兩峯青

同諸子集吳瞻兮齋東懷繆天自都門朱錫鬯潞

河錢爾載嚶城家伯兄皖口分十四鹽

閒居無事只巡檐共數交游別思添四友一兄行共遠  
江雲沙樹夢長兼隨肩往事輕談笑轉眼殊方老鬢髯  
尚有故園同調在詩成俱付塞鴻銜

讀徐大詩餘效西崑體

大晟樂府昔相傳南渡音亡四百年天上忽來徐僕射  
人間重見柳屯田欲將錦覆銀鉤字須對爐焚鳳腦煙  
安得玲瓏歌此曲雲和一一譜朱絃

夏鼎生見訪有贈

憶同硯席坐西東廿載韶華轉眼中有子忽驚皆欲冠  
問年俱喜未成翁詩工近日人宜瘞錢付當壚橐易空  
莫嘆此生長賣藥伯休從古擅高風

項東井見訪以洞庭游草牆東坐雪詞投贈

碧溪春漲雨潺湲阻我南溪一葉還自分蓬門閒水次  
誰知名士枉花間彩箋重疊留新詠卓帽風流想舊顏  
怪殺小齋昇樂曲未曾乞寫郭熙山

香車居集卷四

本

尋周青士不遇

新晴一相訪君又挂帆行無主花誰掃嗔人鳥亂鳴貧  
難完酒債老愛走詩名辜負春風裏投竿水至清

社日偶成

入春逢五戊物候眼中新梁燕仍棲陋山花不笑貧躬  
耕商野叟社飲赴比鄰谷口與梅市吾師兩子真

清明七花歌

漢南舊種垂條新清明攀折插戶勻輕絮亂落沾風巾  
盤根仙樹玉爲身皎若雪擎停車輪花田百畝迴前津  
誰栽流黃作錦茵踏青過此宜逡巡紅顏如醉嬌芳晨  
西府色奪昌州春忽憶家園瑤席陳千金一樹歸比鄰

舊宅有海棠一株 空谷燕尾香絕倫采之作佩思  
最盛樹下可布數席 靈均翡翠葉圍火齊珍九心佳本滇池真寶屬欲關雙  
朱脣萬朶灼灼照水濱願隨漁父持釣綸去住花源非  
爲秦

武原歸舟同錢尋千作

春老殘花裏人歸畫舫中海雲飛帶雨水鳥浴當風促  
席陳清話烹茶進小童翻嫌五兩疾相對片時同

和曹倦圃先生春草詩

試望平原二月天社翁雨過便芊芊後於鵲乳生河畔  
沒了苔痕到檻邊錦似織時花半落碧相交處柳三眠  
山中歷日無由見藉爾春青記歲年

香草居集卷四

七

水簾初漲青相接鸚鵡低飛綠未分定妬鄂君張翠蓋  
解留卓女舞羅裙詩從朱雀橋邊得湖自黃陵廟口聞  
更向畫樓高處望江天一色亂春雲

玉驄嘶處衆芳新采拾應輸楚逐臣鳥勸提壺趺坐穩  
客招撲蝶冶遊頻分開離別東西路送盡天涯少長人  
只愛中華風候暖白羊城外不生春

花間竹底最參差宜雨宜晴鴈去時日照總如金翡翠  
煙籠眞見碧琉璃好教鄭谷題班管不枉香山喚舞姬  
門徑未須緣客翦任他生意自離離

立夏日蔡遠士移酌周天昔村居

良辰布席借鄰家行到松門日未斜留得薔薇紅滿架

春前含蕊夏開花

綠樹鶯啼在舍南玉壺春酒弄雙柑竹林今勝山公輩  
坐有詩僧促席談

朱不爲紫薇軒偶集

今朝天氣佳灑然越塵市閒人相與俱緩屨不踰里倚  
樹聽啼鶯一日三四徙東鄰訪故交幽居面流水十畝  
桑柘淡綠映柴門裏軒窗爲我開書帙富盈几海棠發  
已謝芍藥尚含蕊吾師昔手植石壇闢紅紫玉瓶瀉如  
澗飲必命弟子含瑟春風中言許狂者是逝波感今昔  
六載一彈指遺編付後賢承家賴有爾平生愛良友盤  
餐出花底雅集集逼新詠分題授側理謂詩能窮人一任  
柳榆毀浮雲視軒冕不以彼易此銅壺三漏下傳觴猶  
未止茲游既盡歡吾儕可歸矣

香草居集卷四

八

集錢尋千城南別業

青山遙對草堂偏衰柳垂門帶晚煙殘夜仍教遲明月  
主人只欲繫歸船催詩雨意生天外醒夢潮聲到耳邊  
心醉坐中詞賦客不傾下若已頽然

香草居小集限韻

香草居士日杜門蕭然兀坐小茆屋鄰家爲園好布置  
我得借看牆外竹結廬人境但可住出處休尋簾下卜  
眼中有物皆稱意妻梅子鶴友麋鹿生來不具食肉相  
便食侯門亦見逐狂言久爲世所棄塵尾落盡犀柄禿

殊駭空谷有足音何異玉樹隨散木翻恨策杖來何遲  
斜陽欲去林杪速急罄囊錢命沽酒銀瓶倒瀉山杯綠  
賦詩雖工布衣老傳亦無過如孟六不計他年身後名  
悲歌且換尊前燭

樹根羅漢筆格歌

旃檀香結千年根木也如石堅不撓絕肖香醉國尊者  
右肩偏袒垂方袍隨佛城中乞食罷鼓腹偃臥團蒲牢  
天然須髮欲全動刻意奚藉金錯刀我聞象教薄文字  
陳立絳人非爾曹琉璃硯水幸長竭不爾折葦浮波濤  
吾兄往時西南游有容遺此歸囊操一日摩挲幾百遍  
閣禿神授生花毫暫置玉案示衆客畫駭異物同叫號

香草居集卷四

九

客稍後至不得見或恐愛者攜之逃

答奕菴從祖

竹簌葵扇採芝翁送我黃梅細雨中更念江東老孫子  
頻栽桃竹作詩筒  
槐市同居隔柳橋巷南巷北總蕭條吾家廉吏清貧後  
肯怨天涯挈酒瓢  
紅羅亭畔客徘徊望遠還登舊越臺孤負秋筵黃雀會  
拒霜花爛不歸來

寄機林上人

一兩青鞵破薜苔巾瓶相對皺眉開前因記得烹茶否  
佛手巖頭共往來

憶住家林一事無出門便擬問僧廚如何荻筍滄州句  
不寄飄零鄭鷓鴣

孟冬集半完圖夜話

小春天氣似三春風送清香橘柚新溪夜疎鐘來遠寺  
隔牆殘月墮西鄰燭燒烏柏花頻結酒對青梧醉各真  
坐次一聞高潔語吾生從此不憂貧

耕閒莊次家兄韻

客行厭風波命駕返鄉國予時從江北歸重問沈郎居無恙小  
泉石春花醉眠路遑事記歷歷行樂須及時何暇悲陳  
迹巾袷三四輩詩酒皆勁敵山家老瓦盆菱芋此中出  
年增合閉戶況迺亂離值願與爾鄰比躬耕畝盈十樵

香草居集卷四

十

漁盡我友又手荷蓑揖一任世上人笑指田間客遠屋  
種松篁臥看倉翠色真欲結農侶攤書長抱膝

不成寐用前韻

中原方戰伐草莽亦憂國尺義守不移我心本匪石轉  
睫年過壯世態萬變歷田園兵燹後廡下逃我迹素乏  
傾蓋交亦少同舟敵橫簫作吳音謀食偶然出間賣文  
爲活人許一錢值匹夫懷至寶書載連車十幸非汲長  
孺不向侯門揖短褐而狂吟共訝此何客藜藿救腹餒  
顏面有饑色貧賤不事人庶幾全此膝

除夕前一日趙天羽農部招飲

省郎私第近山容舊游諳遠岫連蒼翠斜陽墜鬱藍憑

軒逢歲晚緩帶罷朝參朔雪晴消半寒花候過三張筵  
催置酒掃徑待停驂池館多栽竹賓朋共盍簪論文借  
少長接坐盡東南古硯琉璃匣奇書玳瑁函欲花官燭  
短如篆水沉涵錦石爲杯勸青松作麈談羹調魚膾滑  
果剖柿盤甘窗幌雙童捲庭梅十步撥倚樓吟趙嘏按  
拍付何戡永夜詩懷健他鄉樂事耽出門星歷歷側帽  
髮鬢歸路聞清磬圓聲落澗潭

登北高峰絕頂同趙農部賦

農部先生趙恒夫愛披邱壑邀我俱銀河初沒露凝珠  
便整芟屨褰裳襦北高峰上朝霞鋪援藤拾級曲折趨  
山腰古廟僧貌癯掃磴趺坐談斯須指點前路尤崎嶇

香草唐集卷四

士

青援力健相纔扶振衣絕頂心膽麤仰捫霄漢凌蓬壺  
何年却火焚浮屠金盤寶鐸埋蕪蕪然故址通雲衢  
下視巒嶂兒孫呼杯勺可挹江與湖中流蘭鷁如飛鳧  
海波摩盪紅日孤西溪半壁還模糊臨安自昔爲京都  
十門萬堞但一隅城頭曉角吹鳴鳴城內雜遝人爭塗  
咫尺便覺仙凡殊先生快意掀髯鬢髯操筆賦詩轅大蘇  
林泉名勝無地無舟車局促何爲乎

宴田子綸員外宅同顏修來司勳曹實菴汪蛟門

兩舍人

天寒塞向居客舍冬始半羣公邀宴游片紙桃花粲出  
門朔風勁衝沙策款段賢哉畫省郎日午已開館展破

苔痕淡袖拂爐煙斷童子設杯竿拊搗琴書亂比鄰兩  
舍人退食且東觀司勳來何遲知爲牘尾判簪纓諸長  
者盛名逼霄漢樹幟主騷壇正聲救靡曼但逢花月下  
必速文酒伴顧予無才長亦放青眼看拭拂銅雀瓦追  
隨弄柔翰真勝操耒耜輟耕歌隴畔始幸國門趨斯游  
非汗湯樂莫樂今夕縱飲觴無算漸聞街鼓催金吾旅  
人憚林黑返淡巷藉此明星爛闔扉就醉臥不計靈臺  
爨

宿遷道中

風捲沙如霧雲生雨作陰河邊惟見柳鴈外絕無禽囊  
向添驢背鄉愁伴客心不知前路去何處有山林

香草唐集卷四

主

題畫牡丹

隴麋潑就歐家碧絕勝宮中一尺黃豈獨看時人步澁  
春風吹去欲生香

偕趙農部宿韜光寺

共訪逃禪客生香手自拈草花多礙屐風竹亂侵簷佛  
閣藏書史山廚足米鹽幽棲詩思好寫禿彩毫尖  
精廬人不到靜掩竹扉單金粟僧如舊蓮花社有官晨  
光初著樹秋露未收溥坐久齋鐘動圓聲出兩樂

贈慈息菴正公

精廬藏得舊芸編詩壓清江與皎然三笑圖應添法護  
正公令弟卓錫再來人合號彌天地貪南國山林勝坐  
與慈息比鄰

喜東林父子賢時卻得恩令徑插疎籬門遠竹一瓢塵  
外不知年

夏日西禪詠白蓮用宋人韻

花近船扉信手拈妙香須借晚風添涼宜金谷客攜酒  
色妬玉樓人捲簾聽去吟繞誰製曲寫來斗帳亦忘炎  
葉南葉北橫塘路酒戶新增幾處帘

坐觀瀾菴

香積飯新蒸杯中斷酒能身閒誰結夏名澹合依僧蓬  
薄褰窺月花龕坐翦燈靜中揆焚夾力謝象王勝

寄田子綸學使

憶昔舍耕墾買蹇走畿縣賤稱刺草臣禮仗直盧彥被

香草唐集卷四

七

褐但相訪必拂賓席見鄰巷曹謝輩謂實菴舍人方山員外往往

同清醺揮觥索賦詩割猪滑於絹脫帽散醉髮亦操禿  
穎戰君作何粲然如□金出練蓋法韓吏部編章屢截  
弗長句勢卓踔短律色蔥蒨不待東野聯獨詠宴成卷  
燒槽譜宮羽恨少絕世媛錦製囊挈歸把誦伴釣線三  
載臥菰蘆星郎夢中面今除學省官□□實華選組插  
犀角筆袖贖鷄舌片聞別都城時簪紱空國餞嚴裝惟  
籤勝車重百驢牽此外鮮長物導騎不帶箭署對良常  
山邑吏早除潭江左本才地幅員最寬衍多士志科名  
故以技自銜華門而窮經累失升書薦更有至皓首不  
一青領緣無怪厭酸醞翻慕漁與佃藉非賢主司波靡

詎能轉君來矢至公約法小胥繕片堂萬弟子相告手  
爲拊下客寓石頭濡裳采菱細秋嶺楓葉底望見雙旗  
茜行將謁三茅提轡鞭紫燕便擬塞朱帷振睫窺著撰  
願言發歌嘯操縵奉游宴

懷遠士

桃浦飛花綠水長潘兄阮弟合山裝西湖燈火南湖月  
何地相思不斷腸

越鳥銜來葛粉箋遙知無恙舊林泉父仙山下耦耕去  
只欠囊中種黍錢

市背鸚鵡林狎酒徒尊空長記犯街沽秋來煨芋分僧鉢  
曾念江南旅食無

香草唐集卷四

古

寄查德尹

柳繫青杉牖口船朱櫻白筍惜離筵忍看白鷺洲前月  
來照離愁又幾圓

細波淼淼五湖鄉三尺銀鱸入饌香釣艇期君纔有夢  
又驚斜笛到秋秋

教妓樓頭緩緩歌朗山新調惜香多近來細寫周情卷

只待封題寄行波

白門秋盡喜龔石坪至

西冷前度割香萼曾訪煙蓑醒釣人欲借寬閑湖一角  
有荷花處結漁鄰

散花灘上雨如絲愁束春裝付舵師不信江南紅葉底

冷苔重掃對秋碁

破帽耕人揖飲仙  
渾忘游倦白門天  
女膚硯滑供詩筆  
定廢今宵背燭眠

新種苔枝映竹扉  
對牀人在日相依  
謂令弟溫香撲琬  
須臾事不到花時不放歸

游牛首山長句

秣陵佳山數牛首  
石窟從古巢神仙  
晉時更名曰天闕  
山圖尺楮接陳編  
夙昔挂夢脚或跨  
醒望翠壑仍茫然  
主人好事約俱往  
上冬日暖同春妍  
巾幘對對畫杠插  
握馬匹匹紅韁牽  
毳袍茸帽十數輩  
皆云良游詩作緣  
予前全衛圖賦詩有官槽多紅膏曷不聯轡騎句吳鞵新蠟瘳僮挈到彼著此

香草居集卷四

五

登臨便城門老兵  
纔起鎗萬闌未動  
朝廚煙踏霜南嚮  
三十里已見嵐彩  
流蒼巔藤垣蘚嶂  
裏花剎徑轉日豁  
朱甍連苔井欄壞  
冷泉涸塵廊葉積  
殘碑眠遼王肥字  
斗樣大寺額剝落  
金泥鮮槁顏衲子  
衫右袒以手抱杖  
揖客前俯指冬青  
銀杏樹爲言值自  
隨唐年斲石排梯  
百八級上俯樓閣  
香楠椽信女翦綠  
繭花活佛瓶分供  
青紅蓮拓窗四眺  
野蕭瑟村村苦潦  
秋爲田清齋無糧  
飯不足咄嗟能辦  
伊蒲筵蒸壺狀類  
鴨垂頸煮菜味勝  
覓切肩祗愁不飲  
興未劇瓢酷催買  
拋囊錢會須乘醉  
撲窵洞乳水滴衣  
珠顆圓兜率古崖  
勢陡絕心懾展溜  
飛蘿塞蓬菴僧雛  
習梵咒隔林遙聽  
疑琴絃倚筇更陟

兩峯頂芙蓉翠削  
東西偏中道似借  
五丁鑿可使射騎

馳空弦老松伐完  
穉松矮綠梢僅到  
雙脊邊重攜酒榼  
坐就地璣瑜橫陳  
雜錦羈祖堂車府  
皆在下長干塢小  
但一鞭大江微茫  
潮影白風帆可數  
不見船朱雀門開  
恰遙對舊築御道  
通平平相傳宋齊  
梁陳代於此除墀  
郊南天太息當時  
翠華路付與蔓草  
氍毹穿辟支孟鉢  
已灰燼休問寶公  
履舄全建炎之初  
駐大將曾棲帶甲  
人三千岳武穆與金人戰屯兵此山荆榛瓦礫覆戰壘得無折戟埋  
沙挺越客登覽意  
雖愜其奈弔往哀  
思填那能置身聞  
見外檀龕跌膝參  
枯禪不爾便著逍  
遙服茹芝餐花學  
偃佺山花灼灼草  
芊芊好景須待春  
風顛且提倦轡下

香草居集卷四

五

山去他日重來聽杜鵑

香草居集卷四終

香草居集卷五

嘉興 李符 分虎

詩五

贈王石谷

隱門松竹占琴溪料得前身是井西  
愛看江南江上景畫奩詩筆滿船攜

朱杠碧幔筍輿輕黃葉秋村處處行  
不有白門山作合那能攜手話平生

吾家秋錦贈題箋孫楚樓頭斷句傳  
悔殺此時文臂失相逢遲了十三年

知己香緘幅幅長畫沙萬字篋中藏  
衫痕多少羊曇淚

香草居集卷五

只為婁東老奉嘗王煙客先生為石谷第一知已所貽書翰幾及千幅

載酒棲霞夜宿寒繖山雲壑染吳紉  
玉簫犀軸裝成後不是同游不與看

衛圖招游攝山石谷寫圖

吹雲潑墨笑凡流傳彩經營似十洲  
若使遠追南渡輩也應方駕暗門劉

乞寫煙鄉抱耒圖桃花十里錦模糊  
結鄰果肯拏舟到割送蒼茫水一隅

石谷為予寫桃鄉圖并題卷末有結鄰偕隱之語

龔衡園置酒梅樹下

紅萼先殘綠萼遲暖簷玉蝶半開時  
朝來剛歇廉纖雨肯放春筵冷玉卮

鳳臺門外誰家樹昨歲移栽官舍南  
幸倚愛梅仙是主

不遭攀入賣花擔

錫簫聲裏過春分猶有寒香奪舊芸  
社燕飛來應未識做巢銜去認梨雲

側帽婆娑又夕陽催人吟思更移牀  
酥細飛入紅絲硯好句濃書玉版香

梅窗為柯亭賦

新設南窗好苔枝影到牀花情都在  
屋江調細書牆滑硯沾輕雪寒袍著  
老香玉樓人定愛偷折送桃孃

題龔石坪醒釣圖

舟穿花底一蓑香釣得溪魚錦尾長  
又把瓦罇吟好句世間那有此漁郎

香草居集卷五

二

醉繁輕舟宿水濱曉風吹醒便垂綸  
欲君閑卻持竿手再補山橋送酒人

瞻園別詩和衛園

自遊儉幕罷鴻春淥水抽花四度逢  
誰料今年行太速別筵不及采芙蓉

每到花時設錦茵枝鉤格簾酒千巡  
冬天梅竹春桃杏舍爾渾如別故人

檢點歸裝錦篋篇詞箋詩草記年年  
分題半為園林賦禁得臨岐不惘然

小山從此是蓬山古洞蒼雲想像間  
欲使林泉報無恙好畱雙鶴守重關



斜廊廣檻好亭臺去後須知有夢來縱使重爲冶城客  
層門誰爲酒人開

此中更愛森森樹銀杏柴松百尺強去向長安高塢望  
今宵未擬上江航

畱人梁燕舞差池欲去還傾掌上卮半醉匆匆吟斷句  
風前腸斷省郎詩

### 秋柳

萬縷黃疎白版橋鴈飛南浦葉蕭蕭一春倦眼傷離別  
便不逢秋翠也凋

鴉棲蟬抱不藏身搖落都無舊麴塵如此煙條忍攀折  
夜樓吹笛更何人

### 香草居集卷五

三

苦憶春園綠映扉年年秋老未言歸西池消瘦無人問  
枉費空枝掃釣磯

舞腰曾借可憐名纖軟渾如綰帶輕料得而今共憔悴  
最銷魂是玉溪生

霜後風淒樹樹寒紅樓近處莫吹殘畫省人去無新樣  
留與梳窗一葉看

### 紅葉

香楓色染釣叢殷晚趁秋潮弄艇還安得辰州砂一斛  
推篷圖徧望中山

山裝烏柏葉如花倚杖閑尋舊酒家便借霜紅煨芋栗  
斷垣籬落掃輕霞

水市紅遮養鴨村江鄉秋晚夢柴門石欄踏葉呼鄰叟  
滿地珊瑚照綠尊

### 北山行

北山之北南山南山根老樹葉染藍下映千尺之清潭  
水天一色迴晴嵐中有人兮髮鬢參褐衣笠笠竹爲  
簪逍遙全志林無慚少壯讀書盡萬函十行俱下雙瞳  
貪經史百家抵掌談川嶽名勝夙所耽九有大半驅征  
驂衡門歸來弛負擔愛茲泉石青鞵撥筇杖在手扶餘  
酣緩屨從游弱冠男併荷插者人只三行吟微笑心事  
含胸中之樂誰能參

### 贈權關揚州趙恒夫

### 香草居集卷五

四

蘇華廣陵城設權截江許里道天下中南北接檣樓星  
郎主計臺百廢得具舉唯彼山澤利王政行自古菽粟  
布帛絲齒革角毛羽薄徵按稅書廉不溢銖黍津吏橫  
索錢有罰必價楚下車未數旬萬頃喧羣估公暇愛長  
吟灑翰捷如雨孔坐合文人鄭驛拉仙侶移舫小秦淮  
時作平山主垂楊隱紅旗飛花點青組勝事續醉翁珠  
歌間雪舞顧我客石頭挈艇期屢阻忽忽歲已周層冰  
膠斷浦挂夢竹西亭得句缶頻拊聞將出鈴齋報最達  
少府北轅如未駕行當奉揮塵茗南僮暫歸廣廈昔曾  
處願泛白蘋酒重翻舊蕭譜肯以尺翰招蘭棹星夜鼓  
咏飛來白鷺

團雪因風墮難飛忽斷行掠絲潭影瘦晒翅柳陰涼放  
浴銜魚藻憐饑餉鶴糧宿沙思傷母只戀水雲鄉

秋夜不寐懷故鄉作

鉤月初沉嘶鴈稀聽殘金柝響園扉燈窗樓角新涼近  
香枕濃團舊夢非客舍已嘗秋社酒家鄉未寄臘懷衣  
數間老屋菱塘外孤負漁竿插釣磯

贈吳江濤

故林歸近十年期仙令猶嫌拂袖遲餘俸盡沽春市酒  
征帆重覓草堂資秦淮踏月尋邀笛謝墅投筇弔賭碁  
曾向鴛鴦湖上住願君歸整舊茅茨

丹鼎無心學葛洪七旬不改威顏紅餘杭帖在臨摹健

香草居集卷五

五

王右軍有餘杭帖同谷歌傳格調工脫組逃名仍蕙帶懸裝長

物是蕉筒愛梅仙後詩人少一片孤山屬塞翁

秋海棠十二咏龔衡園錢尋千同作

鈿扇頻遮紅粉妝嫣然搖動怯新涼吳儂不信昌州樹  
也抵秋庭草本香臨風

昨夜因花怪雨濃曉來卷幔錦重重茜唇杏靨依然好  
不爲啼痕減冶容宿雨

柔脂只傷粉垣低月額初收日影齊花口紅垂晴意圻  
蝶翎黃趁午香棲乍晴

朝從川后采珠回羅襪涼侵舊錦苔莫是凌波太無力  
尚餘嬌汗溼桃腮晨露

朱鳥窗中醒醉眠整鬟人與鬪芳妍神鍼看取當花譜  
繡入羅衣隱可憐午窗

玲瓏石畔冷吹霞幾退斜陽未退花若怕秋炎須障面

好將圓葉當團紗晚照

小院黃昏翠袖寒相邀月姊憑欄千絲繫住瀟湘幅  
未許秋宵坐紫鸞月下

斜插秋瓶澹夜燈玉纖折贈手香凝紅牙催賦紅兒曲  
試問蠻牋壁未曾瓶中

看花忽訝眼朦朧好手徐熙寫未工絕似睡醒鸞帳揭  
玉肌紅隱篆香中龍煙

秋奩風息淨無紋側映輕紅色未分浣女不知花是影

香草居集卷五

六

等閒折取溼羅裙映水

珊鉤兩兩映朱顏鏡檻相依盡日閒祇恨葯房來未肯

下簾如隔小蓬山簾外

愛憐最是曉梳人窺鏡斜簪兩鬢勻添插抱花雙翅小  
連他螺蝶也疑眞鬢邊

呂城口號

辟塞耕人鬢已華年年爲客向天涯願來鐵甕城邊住  
江上歸帆即是家

宿苻鄉

數家官路口門外雨淒淒挂火蘆藩外炊煙土銚低農  
歸多說虎村遠少聞鷄只有蕭蕭鴈橫空不住嘶

瞻園早春用白樂天新居早春韻

徑幽人跡少雙鶴管開門萍合方池面蘭藏亂石根  
梅初著樹嬌鳥漸窺園卻怪收燈後猶聞簫鼓繁  
紅點春泥上將離垢凍芽帚忙除老雪鐺響熟甘茶候  
暖登樓數風輕入幌斜朱繩聯筍柱飛戲在鄰家

司馬坊新居十首

花南老屋稱鴻春白版雙扉祇一重飄泊半生三徙宅  
隔垣仍見藿園松藿園子舊居也

業創吾家嵯使者偶然來住老宗孫年時喬木雖凋謝  
賸有香橙翠葉餘

插籬分徑未成三署榜應題曰小巷量去祇堪容十笏

買來不用脫雙驂

浦西冷巷小門閭差愜貧翁養鴨居賀客幸無簪紱輩

未妨湫溢不容車

移時錦石鋪駕盤鋸得香杉換蠹椽又費買山錢一橐

松雲高臥更何年

竹牀蒲椅設前楹藥竈茶爐次第成更要半間爲酒庫

卷波日日對蘭生

淺瀨無波著釣輪且治小築寄吟身短牆七尺遮庖井

蘭膳堪娛白髮人

費海模糊桂柱頭茅花帚拂舊詩樓水村橋樹窗窗見

惟此能銷十樣愁

半畝荒塍接屋隅試教阿段剪榛蕪急尋花匠來商畧  
先種苔梅四五株

擬築茅茨面碧溪桃鄉溪處把耕犁結廬人境非吾願  
掃地焚香只暫棲

移居檢點箱匣見亡妻鈿奩感賦

栗犀銷黯鈿花昏四角摩挲染淚痕猶貯嫁時雙鳳插  
斷珠零落付桃根

蘭閨故物委溪埃記傷貧家舊鏡臺織繡時多梳掠少  
生前長是不曾開

江村

沙際江端闊荒村老樹邊人家鄰澤國生計在漁船荻

箭溪遮屋秧針細插田今年新麥早戶戶有炊煙

露籬凡幾折半挂綠莎衣日落收耕具潮平出釣磯雪

鷗依榜宿花鴨認欄歸近爲輸蘆稅江人住者稀

夏日晚集瞻園分韻

夏半涉古園拖筇綠陰底小山亦周遭近不踰十畦春

前桃李梅子熟可投齒川葵花後放本本有賸蕊苔逕

少踟躇涼風颯然起落日射樹隙亭隅半窗紫晚鴉翅

漸歸老鶯啼亦止露庭掃鶴毛鋪筵列蒲椅餅瀉方淮

釀是夕設泰郵木瓜酒最美盤膾後湖鯉視量分酒杯大者授以兕

所喜客江南相對盡鄉里淺醉月始生光滿曲池水惜

無蕙苗開香沁葛衣裏隔垣萬人家收燈罷夜市但聞

城頭鼓鼙時到耳未擬就繩牀頽然且憑几

憶武邱舊遊戲做皮陸作吳體即用其韻

吳儂絃簫合吳響大笑野客抱槁梧秋宵月斜衆始散  
我復掃石鋪龍鬚珠鳥玉鴈總陳土闔閭塚荒懷霸圖  
朝來下山買花去隔鄰茜袖當翠壚

寄龔雪坪四首

君住杭州好東城僻似村菜田低傍屋花塢近當門風  
動書籤亂池傾墨汁渾有時基客至小院掃梅根  
苦吟偕伯氏义手更隨肩婚嫁將完日康強未老年愛  
撫倪叟畫閒泛米家船小泊西泠渡看山一醉眠  
白下隨詩屐黃花酒滿觴埋香哀北里銜璧弔南唐秋

香草居集卷五

九

卷題憑閣寒燈話對牀別來三百日羈思總淒涼  
討春乖舊約惜過采蓴期江館懷仙侶鄉亭憶夢兒最  
憐香草路獨詠斷橋時准擬菱秋候橫塘喚櫂師

藍謝青有卜鄰桃鄉之意末章落句及之堅其約

也

短至初熱雨初晴小山樹樹新蟬聲客樓一月十沉醉  
江國四年三送行馬首看雲句容路榜前沽酒延陵城  
鏡奩無浪布帆穩紫笛青琴隨意橫  
吳閭東去煙水淡景物最繁殊鄉心平望銀魚白盈網  
皋亭楊梅紅滿林歸時卸裝東郭裏暇日放艤西湖陰  
他年宵就結鄰約須向桃花多處尋

宿白堊

草草篝燈酒一杯此樓依約舊曾開年來久作江南客  
不記停裝第幾回

陔蘭香斷淚紛紜東顧何堪見白雲不憚素車猶遠駕  
欲將哀怨訴茅君

病中喜朱文盛至時子將北行

自卸江城一葉裝三旬只臥藥鑪何緣今夜詩郎榻  
恰對衰年病叟牀酒罷且同開卷帙夢殘重與話家鄉  
青門作伴君能否好共藏車犯曉霜

答沈南渚

羊裘狼帽浣京塵屈指投閑待五旬偕住福鄉猶未得

香草居集卷五

十

沈郎應笑種桃人

自搖短艇下漁梁門外清溪漱漱長輸爾九峯歸計早  
一枝漁笛老烟鄉

題龔衡園倚擔評花圖

嫣紅小白滿雙籃買種山根曲汴南一一將花定香色  
蝶邊題句過春三

短短春衣纖藕絲閑情半在倚擔時侍兒都與花相似  
若個先簪最好枝

寄邵柯亭

玉花將發舊苔枝京洛人歸未有期冷院重尋攜手路  
斜陽偏照斷甍時不將家室歸天姥定有詩篇念袁師

約我鴛鴦湖上住何年真共結茅茨

常熟楊子鶴爲龔衡圖寫僧裝小影無錫華叟希

逸補二女執花侍左右取色空空色意題曰雙

是圖

衲衣新學小跣趺鎖骨檀身侍兩姝試令將花散空際  
能如迦葉不粘無

題石湖雨泛圖

段家橋口喚輕船掉入斜風細雨邊不寫湖南山一面  
怕令詩筆感當年

香臺僧去酒盞空只合蓴波友釣翁舊雨樂花沉醉處  
藕莊依約斷煙中

香草居集卷五

七

自題行脚圖

頭面清癯骨相屯水田衣好稱吾身祇愁不會談公案  
何處僧廬著此人

生來行脚愛坡陀肯怕山高水遠何身外不須留長物  
破瓢壞笠尚嫌多

悟得前生也是禪碧鷄隱者話因緣草屨只合尋盧嶽  
重問山頭種菜田

十五年客海碧鷄山道  
士謂予前生是廬山種菜僧

長句示遠士

君家茗水邊攘接由拳西爾母我從姑歸迎必相攜少  
長依舅氏論姻得鴻妻因舍芙蓉國來住梅花溪與予  
小蓬門祇隔蔴蕪隄年時守鄉舍敗壁風淒淒有酒呼

共飲白鹽糝黃蘆出門持饑鉢厭苦輪與蹄負米空歸  
來形悴心悲迷徒招瘦域鶴不割茅容雞煩爾頻慰勞  
展齒衝苔泥執手話長策逞逞商耕犁結鄰茆三間各  
種瓜滿畦開園收芋栗一枚兒女啼燈火照夜織聲聲  
出寒閨既免凍餒憂肯慕腰金犀暇日約看山到處扶  
杖藜得句掃石片名姓同鐫題

淳化關

並轡關門路帘青得酒家壚錢拋數盡牆句醉書斜山  
瘳松無翠畦荒萊不花蕭條今似此誰信舊京華

句容

雨暗孤城外遙峯翠藹沉馬疲愁日晚鴈少覺春淺江

香草居集卷五

七

葦樵人擔山花汲婦簪茅仙祠在眼徒有茹芝心

丹陽

女牆馬首見隔水路還紆煙際僧歸寺花間估趁墟郭  
門通市小橋堦艤船虛儉歲飢農活高田有荷鋤

毘陵

小泊蘭陵岸晴河一線長郊童挑筍嫩船女膾魚香風  
墮何樓笛波鳴別浦榔計程歸錦水猶及餞春陽

無錫

煙檣挂殘月風動五更微客夢還鄉近山歌向曉稀柳  
塘連酒肆蒲巷半漁扉認取東峯麓他年買釣磯  
龔方伯置酒墨稼軒時陳獨醉藍謝青初至同藺

園賦

客從家江來石城繁舫艇主人鑲印牀解榻掃行省特  
地早判詞午餘羣吏屏小春暖到樹拓牖見桃杏況復  
黃朵鮮老香撲衣領巡檐日纔墮照席燭已秉薑紫調  
霜蟹菜綠卷水餅南烹庖隸解丰味類鄉井密坐皆飲  
仙量可百楠癭飛籌無停盞入手不教冷顧我無麴腸  
心懾酒律猛沉酒浣錦綉風帽款詎整喧雞醒醉耳戶  
外曉星耿倏忽海霧收砂丸吐遙嶺出郭盡游地舉目  
饒詩境官槽多紅鴛曷不聯轡騁

懷沈山子

自課僮耕十畝田古橋村落結廬偏鄰花過屋梢吟袖

香草居集卷五

五

畚水成溪活釣船屐響柴門詩弟子壘開竹墅酒神仙  
縑絲徑裏跼蹐別惆悵西風又颯然

種梅同蘅園錫鬯松塍文益賦

山農移到舊苔枝買種寬閒園最宜但見香鋤翻瘞地  
便添疎影上空籬洗槽先壓花時酒掃壁新鏡月午詩  
待得春風破銀萼勾畱應誤客歸期

寄徐子大孝廉

杜魄聲中十日陰峽山細翠映堂襟頻招竹屋填詞侶  
幾賞梅坊取酒金隔浦魚鱗煩寄札入簾螢火照抽琴  
葦花渡口分攜處煙驛重重無路尋

與朱文益話別

秦時鑿長水及仙山橫西丹井封古苔劖藥香鑱攜可

隣十年中兩悼蒙莊妻但有蓬頭兒撈蝦慣浴溪詩鄰

得朱益越人呼舊閱沙為隄痛哭十上書不第心淒淒

牀頭三百瓊祿料惟酸醞約尋江南山追弔陳梁齊墮

葉如珊瑚亂紅沒霜蹄天關吾舊游不怕樵徑迷高樓

數落星廢堞聞鳴雞滑紙裁澄心冷瓦磨澄泥互索酒

邊句只憶壠上犁垂老歸未得故園荒茶畦征馬嘶向

人如聽巴猿啼久鰥客為家無夢尋空閨迢迢京華路

往來同奔犀北裝又迎冬袖鞭拋杖藜歸與徒羨君山

信勿勿題

渡江

香草居集卷五

五

朝出儀鳳門沿江行七里對面見羣峯舉鞭近可指到

江認煙鬟迢迢隔浦子官津艤大編語喧綠潮裏載馬

多於人人坐舵樓底是日風正好橫渡帆索理船尾舊

鷗羣船頭新沙背須臾泊山城女牆楚如齒客舍在其

下僕夫弛行李憶昔漢沔歸勞勞行軼止十載江湖踪

似裝復來此吾顏非昔顏那堪照江水

滁州

落日滁陽道孤城翠靄中瑯琊高岫冷豐落古亭空五

馬雙吟鬢千秋一醉翁勞勞蹄輻跡憑弔幾人同

南北譙形壯東西路勢連河流煙樹外山遶郭門前過

市求風鯽逢人問釀泉空攜詩屐在一宿又籠鞭

過清流關衙圍臥輿中未起

關前下馬步吟嬾爾閉羸車睡未醒料得江南還入夢  
朝眠不暇揖山靈

磨盤山

磨盤行盡更無山沙磧荒涼蔓草間好遣架鷹人縱獵  
馬頭生捉兔狐還

臨淮道中

朝日明車暢淒風面面侵寺僧迎碧眼驛吏候紅心  
路接濠梁近雲迷淮浦淡塵顏須浣濯小憩想山林

次臨淮念秋錦家兄客濠上路隔一舍嘆相見之

難卻寄此詩

香草居集卷五

五

自怪浮踪有底忙天寒匹馬又淮鄉泣看慈母手中線  
苦憶賢兄聽雨牀一望濠梁人不見半程雲水地何長  
墓田十畝營須早寄與封書淚萬行

明年四月當  
為先慈謀葬

淮鯽歌和龔蘅圃韻

臨淮城邊多老漁船船牽網東西掣紫苻穿腮半青鯽  
大者二尺小尺餘玄市數錢不論價寓樓晚飯供庖胥  
一尾可飽六七客犀筋不下他肴蔬細數鱗族比肥滑  
槎頭縮項鰣堪如停餐陡薄後湖味未須苦憶江南居  
昨朝煮蕨大柳店前日買鯉滁陽墟早知前路少此物  
肯使南饌盤中虛我來入坐食有魚出門況得雙羸車  
主人愛客情最劇無勞撫鉢歌歛歛

荒莊遇雪禁用銀玉瓊瑤粉綿鹽絮等字索衙圍

謝青賦

至後十月初釀雪墨雲不動天湯湯素塵細碎纔屑地  
已見積寸菲簷端朔風吹來舞空際點點欲墮還旋盤  
忽大如掌馬頭撲或小如蝶懷中攢凍手攪祛不停抖  
冷花滾落衣仍乾紅鷺毛卷似縮絹十里五里行蹣跚  
眼底茫茫已無路樵子投斧漁放竿胡為羈客任飄蕩  
征裘著破心含酸縱令妙思壓鄭縈不若僵臥歸袁安  
掃除蓬門幾尺雪燃糠煨芋家人歡敲驢暇口溪友約  
裝獅戲遣村童搏早梅先吐鬚七出低樓小徑婆娑看  
故林空憶那可到千峯萬峯迷噴噴白頭埋翠山亦老  
與我雙鬢同凋殘猶幸旅次對鄉伴符簷野店齊解鞍  
沙餅盃酒敵寒色矮檠燭照清杯寬飲蘇白戰續今夕  
敢請詩將登詩壇

宿州

睢陽傳舍駐征車五里城邊古水斜日晚人忙調馬地  
天寒門掩賣漿家莎廳雨響無完夢蘆壁燈殘有斷花  
如此淒涼慣消受一生強半在天涯

龔石坪先十日行符離橋遇北使得已過荏平消

息

傳語匆匆驛使過知君無恙渡渾河霜橋草店孤眠夜  
歸夢應隨去鴈多

北裝先我到江天馬跡相離路一千日日尋君醉題庭  
但逢酒市便停鞭

桃山驛

符離橋接新豐集疲馬黃昏未放閒路轉人喧燈火亂  
可知前驛是桃山

徐州和藍謝青韻

倦馬彭城道衰顏逐隊過煙巒僧寺迥沙岸估櫓多充  
甸應寒甚皇州況遠何晚來愁絕處粉堞起吹螺  
羣峯圍四野攜手夕陽看河伯靈祠古行人水莫寒天  
晴山見樹風定渚迴瀾懷古尋遺跡踟躕共慨嘆

謁漢高帝廟二十韻

香華居集卷五

七

赤帝成功驟黃圖卜世長彩雲飛陽縣佳氣亘徐方  
起羣雄附爭衡一霸強重瞳非敵國隆準是真皇王業  
關中固軍容垓下張蕭曹歸駕馭信越欽飛揚偃武娛  
長樂酬庸宴未央宸游雲夢返弓墮鼎湖傷原廟衣冠  
冷長陵草木荒粉榆今父老伏臘舊蒸嘗遺像千秋祀  
高幾十里望彭城雲漠漠灘岸水湯湯還沛驚旗香歌  
風鳥跡舊有茶臺臺鄰戲馬地劍沒斬蛇鄉古殿門  
常開寒爐燼不香麟身銷畫壁蛙粉落雕梁灑掃無宮  
監周遮有佛場彩姬雙堆扇玉貌五龍裳豁達真如在  
精靈儼激昂布衣瞻拜日鵠立想非常

述懷和龔衡園

少壯事遠遊破浪荆門西一出即萬里玲瓏誰扶攜不  
如拖樓人得載青裙妻好事走鬼方輕生涉蠻溪直上  
苴蘭城滇池闊無隄焚兒歌采茶厥聲哀以淒蒙縱某  
脆滑絕勝薩波蘆望帝苦思蜀鳴鑾多怨齊聽此懷鄉  
縣得得馳歸蹄再渡洞庭水回顧妖氛逃戢羽巢故林  
驚鳳化為雞循垓藝香蘭培以山中泥種水收雕胡閒  
殺春田犁樵漁卜新鄰桑柘非舊畦一朝哭慈母感彼  
哀烏啼版輿不再御繡佛猶在閨總帳照白柏夜夜如  
燃犀可憐手中杖削桐不削蒸聊和述懷作搗藥聯裝  
題

渡河有感

香華居集卷五

木

昨夢乘星槎直薄崑崙西尋源入天漢錦石懷中攜今  
朝渡安瀾仰謝河鼓妻神功思夏后治瀆如治溪所貴  
善濬導豈在堅防隄乃役萬柳夫採杙聲何凄計口官  
給錢有飯無羹蓋縣帖紛捉逃南交連東齊鞭撻苦未  
息譬衆驅牛蹄前年遭大決淮北洪濤迷十室九漂沒  
不聞犬與雞蛟龍窟原田安問耕拖犁蠲租詔頻下稍  
稍治萊畦河官又點行寧顧一路啼要害多戍壘縫旗  
勞征閨忽來大府騎綺紈燕犀窮者褐不完凍坐焚  
枯藜哀此中華民顏面同雕題

利國監

舊監何年廢難尋牧馬場棗林沉日色茆屋帶星光今



夜眠須早明朝路更長聞雞牽轡出行怯一天霜

交州書懷得九言十七韻

李于渡江北嚮行十日始到東魯門外停征驂延袤沃壤直接海岱境投策走上百尺城樓按春秋蒲穀之國地相錯郡領二十有七古子男上分奎星婁星照其野下遠汶水泗水澄如潭眼底亂山老雪封遠樹彷彿玉花齊發香鬢含龜蒙鳧繹但可以意度那見斷崖陡障浮煙嵐凝想當年海上釣鰲客曾著角巾野服堯祠南我復來尋白也醉吟處且脫破裘換酒壚頭酣土酥羹攪片片魯耳滑山栗果配顥顥哀黎甘晚風漸緊亂翻戟帶赤斜陽倏忽流照弓衣藍視此健兒躍馬好身手

香華集卷五

元

一一勇堪殺賊射中函灌畦種水自笑益飢困悔不少小投石而持鏃於今歲過四十壯心老霜絲如雪戀頂垂髮鬢乃欲偃樓局促長安道逢迎金張許史何能諳祇恨雪堂一倒不再築世間更有何地容巢三行將餐松辟穀學輕舉手馭天邊一鶴尋蘇耽

東灘早行

登程太早馬凌兢村遠誰沽酒一升殘雪照人山不斷荒郵報夜鼓無憑勞身強起頻呵手倦眼難醒想曲肱向客相逢笑奇事領髭片片有寒冰

汶上謠

暮次汶上縣縣令聲頗濁朝看白簡彈暮奪銅印握堂

堂百里長徒步舍車嵬嵬接及胥吏亦封銀鐺捉觀者塞路衢舉手相賀數令在聞哭聲令去見張樂貪夫宰巖邑驅虎副以角竭力媚上官如虎又懼駁巨口吸民膏寧顧冥冥覺今年大考績彌天覲方岳齊魯百餘城幾人果循卓墨綬獨爾穉豈惟中誣誣嗟哉今何愚固位術未學

輿中對月

昏沙如雪復如煙入夜猶飛輶輶邊待下羶帷避風色照人無奈月娟娟

河間用龔衛園寄朱文盎韻呈都門舊識

昔遊高視復闊步青鬚朱顏未遲暮雖策款段長安街

香華集卷五

辛

野性仍如故溪鷺往往徬遭侍史笑貴人酒筵有韋布是時國門議伐叛最無用是酸寒句捷書一奏西南平捆載腥刀封武庫詩肩賦手承明趨同學俱棲上林樹吳儂華髮還復來十丈塵中攜臥具飛揚跋扈非往年踏冰冒雪心頗懼明當小詰草堂資買山可採水可捕幾人改銜居外僚幾人請假歸舊園金門更數偷桃臣到日誰畱我馬駐今朝且拔矢房鏃一射山頭雪色兔河間王蛇當壘沽飲西風夕陽路

過任邱縣懷麗雪崖檢討

煙波穩泛釣魚船不分征驂又赴燕仙里停裝三作客帝城分手七經年浮沉鴈足新書札想像松根舊別筵

明日尋君五雲裏金魚須換酒如泉

趙北口

綠楊樹下記垂鞭朱板春橋遠接連行子鄉心流水外  
斷魂詩句夕陽邊重經嘶過蕭蕭馬不見撐來短短船  
一片枯蘆殘雪裏舊蹤今跡總淒然

詠羸車

眠輿六尺長細臂黃篋做織蘆頂彎環裁杉底柔悞約  
比筠牀輕量較檀龕大精選雙羸扛差勝兩夫荷互郎  
議書券催直倍載貨低首褰簾帷盤膝倚包裹頗似老  
衲參又若新婦坐避彼雨與風容我病且情傷有圍人  
驅時作醉尉呵或後搗策隨或前引韁拖下坂愁傾危

香車居集卷五

辛

入市懾疾過扉擺屈戌脫窗擊側理破轉側不暫寧偃  
仰詎能臥如駕小鰲歌一任高浪簸目昏五色花頭眩  
百轉磨唾想玉壺攜飲怕錦茵沍露筍啞啞鳴風鐸郎  
當和日久乃安然道遠亦無那況得蔽雪霜更不蹶坎  
坷穩達北平遙實藉西產佐麟臆未足誇龍芻豈憚剝  
塗車以鳳膠舉觴還自賀

書懷和龔蘅圃用放翁韻

並轡青門歲已殘歡游只話舊長干酒壚滿地飄零易  
極褐逢人語笑難鏡裏頓憐雙鬢改今年初索中并少  
一錢看餓驅三渡盧溝水跋扈飛揚意轉關  
朔塵點點宛山衣寒峭難禁雪又飛雞骨不堪徒步出

鷗心終想刺船歸踏冰砂磧情無賴種水煙鄉意重違  
蓬戶梅花三兩樹一庭疎影近誰依

重九前一日徐勝力檢討招飲

芸省人書折札呼秋筵密坐半粉榆會甚更約新詩侶  
並轡難忘舊酒壚醉手簪花羞鬢髮鄉心隨鴈入江湖  
軟紅塵外饒山色明日登高興有無

爲沈融谷題茶星閣

沈郎嗜茶有奇癖柘西小閣顏茶星社前新芽手煎煮  
林間日日炊煙青自從繫馬雙臺宅龍井鴉山總難得  
何當軍將來打門簫封傳送青門客我亦茶仙非酒仙  
經年消渴愁未痊只思碗底傾如雪不愛壚頭瀉似泉

香車居集卷五

三

忽憶苦南逢穀雨春風開園見村女采殘紫筍鉤簾歸  
兩兩青裙隔溪語似此樂事須還家君行且種河陽花  
他時寄載一車去索取琴邊歌鬪茶

閻伯詩人日招集碧山草堂時令嗣復申從山右至

河東劉墮酒攜到劒門來人日調蘭膳賓筵勸竹杯眞  
稱賢父子況住好亭臺似此春盤會須教盡醉回

送補山族叔南歸

滿湖春水挂歸帆不使黃塵浣客衫閒向長安看碁局  
何如故國掃雲巖舟中未得隨宗炳竹裏應知憶阮咸  
最好還家桃李月草堂花發燕呢喃

燕京踏燈詞和沈南疑韻

月地紛紛馬上郎引來燈隊鬧閒坊柳金抹額燕姬出了烏都教鎖炕房

靈祐宮前竹結棚燒珠百樣手難擎點殘蠟招人買不管天街報二更

砌光宮袖奪鴉翎不坐檀車與繡軒慣看拉花人擊鼓羊皮湯鐵不銷釘

寒輕不用著重貂小巷長衢雪易消最好春明少春雨燈時都是可憐宵

錦韉羅襪走橋迴結伴還家攬鏡臺重擺春盤開煮雪涼糕傳送酒邊來

香草集卷五

五

前門人海接天壇誰怕籠街過熱官看放新番煙火盒露花滿地不知寒

題南疑詞卷

癢腰人似柳風流絡酒囊琴一葉舟白石閒情玉田趣

醉毫題徧弄珠樓

銀沫香皮各樣賤江南塞北早流傳何當更倩重蓮手

譜入檀槽金縷絃

題高澹人江村垂釣圖

垂垂瑣柳拂宮衣寓直何曾離北扉歸狎鷗叢知未得且從畫裏坐漁磯

題秋錦兄贖舫兼示元汎姪

揮盡江湖雇直錢歸來賸有屋如船任他拍岸風波到不用回頭喚長年

小徑榛蕪次第芟扉窗隔水見楓杉筆牀研几安排了可喜能詩有阿咸

一葉隨波下釣絲天涯空負十年期斷應結個茆齋並重續雙船聽雨詩

癸丑秋同兄行沅江道中予有雙船聽雨當聯牀之句

初冬將適桂林道經長沙喜晤程南陔先生琴鶴堂率賦誌別

長沙十月尚如秋魚美杭香足滯畱莫爲憂生頻弔屈得逢知己且依劉駐顏不用尋丹鼎娛老唯應倒玉舟

香草集卷五

五

暫駐征鞍喜對君客中清話到宵分不眠醉舞月中起乘興放歌天際聞白菊花前同惜別黃茅瘴底獨離羣

早春對雪

茫茫五管蠻山路從此相思日暮雲

湯天花細碎點地絮輕盈遠樹渾無影枯籬忽有聲已迷沽酒路空抱訪梅情況復鄉園杳孤舟未可行

徐秋田新居

席鳧花煖高軒鶴塋新豈無僵臥者開徑是何人滿川暗葦鷺鷗俱好境無如此一隅屋在水聲林影外開門儼對范寬圖

編槿結籬分小塢栽梅種竹灌流泉請君更插浴隄柳  
待我長來繫釣船

仲春花南小酌和陳書崖韻

春雨春蔬儉不華相邀裙屐到貧家蓬門揖客新除草  
瓷碗畱君舊餉茶是夜煮茗即書崖所惠素影尚圓今夜月暗香  
纔發去年葩朝來更喜貽佳句一幅雲藍墨浪斜

題林逸莘垂釣圖

玄真子後無漁叟荒了煙波幾百年忽訝畫中看釣隱  
妒他白眼傲江天

稱身校訂儼漁翁六尺絲竿一箬篷還少櫂頭船一隻  
月明高枕荻花中

香草居集卷五

韋

浦口

五年三度浦城來無恙溪山對酒杯不爲荔枝風味好  
誰能重問越王臺

香草居集卷五終

曾姪孫集編錄

後學金壽彭校字

香草居集卷六

嘉興 李符 分虎

未邊詞一

調笑令

相見青陽店賣扇畱郎兼賣簾扇中描得桃花面簾擘  
桃枝如線載歸付與香兒看銷夏荷亭方便

河滿子經阮司馬故宅

慘澹君王去國風流司馬無家歌扇舞衣行樂地祇餘  
衰柳棲鴉贏得名傳樂部春燈燕子桃花

浪淘沙慢送陳康侯入楚

帝城外晴雲出岫好鳥遷樹鳴馬蕭蕭不住征人黯黯

香草居集卷六

一

欲去著從事青衫芳草妬入蓮幕遠向南楚數驛翠亭  
紅幾千里迢遙武昌路江渚舊遊挂席曾渡正大別  
山前濃花發載酒春未暮思魚美杭香不異吾土三年  
夢苦聞洞庭戰艦猶喧鉦鼓君到時盾磨鞍據銷燧  
燧競傳露布寒食後衡陽歸鴈度客燕市我尚飄零儻  
相憶題箋還寄分攜處

洞仙歌

索高二鮑書半完國讀書圖寄壽外父兼勉公卓尋干共知

高三十五點染園林妥鴨腳鷄腔海雲鎖抱青溪宛轉  
畧約橫隄通小築中有詩翁高臥黃門遺玉架錢軸  
紛紜長向西堂撥書坐酒瀉月波香杉火銷鐙正花影  
一簾移過爲寄語蘭咳綵衣人展圖畫屏前倚聲頌和

巫山一段雲 西湖感舊

廢苑蒼苔裏殘山白骨邊舊遊如夢總淒然況是晚秋  
天 墟散紅腰女空攜買酒錢對灣細火自年年只有  
捕魚船

洞仙歌 尋沈耕閒不遇

水村野渡見白鷗眠冷茅屋無人掩苔徑共爭棋賭酒  
聽雨燒燈當年事歷歷歡遊重省 山翁鋤菜了何處  
行吟不管漁郎棹孤艇扉喚小童開借枕藤窗纔午夢  
亂禽啼醒爲畱客消閑有梅花任一抹斜陽樹頭催暝  
綺羅香 春遊

香草居集卷六

二

屏山翠遠鏡檻紅淡好在一旬無雨結伴攜筇愛熱踏  
青柔路正花底夢蝶飛來又溪上盟鷗招去隔垂楊水  
曲橋橫晴絲引入斷菟處 畫樓誰弄鳳竹礙閒雲一  
朶欲飛還住幾樹斜陽啼過亂鶯無數最難禁片雲歡  
遊重喚起那回愁緒待重尋含笑桃門冷煙迷斷浦  
齊天樂 苦南道中

野塘水漫菰城路曉來載詩移艦柳惺汀荒邱遲宅壞  
急雨鳴簷千點綠無如染映翠藻參差鵲鵲能占沽酒  
何村花明獨樹小橋店 昔遊如昨日耳記淡淡院宇  
綺羅春豔粧閣懸蛛舞衫化蝶滿目絲華都減溼雲乍  
欽露浮玉遙峯相看無厭漁唱滄浪荻根燈又閃

明月棹孤舟 送周幹夫之包山

采藥名山移棹去竟不待石郵風住縹緲無雙洞天第  
九眞勝一拳秦駐 帶水頻年離別苦況千里具區濤  
怒角里村溪毛公壇冷從此是相思路

祝英臺近 燒香詞

換衣裳勻粉黛兩漿畫船載衆裏關心芳草渡頭待珠  
宮片刻同行設儂冤斷況對佛並肩齊拜 石欄外掩  
卻方麴迴身不分見伊再替折花枝流盼未曾怪只愁  
津鼓催歸絲絲須結網住這西施長在

又

香草居集卷六

三

紫荷田青柘路目送折腰步燒過爐香欲別又還住曲  
廊買得泥孩旋呼小玉畱付與夜燈兒女 幾迴顧人  
影歸綠楊中鬢膩惹香絮溪轉橋橫青雀舫無數重簾  
似隔天涯誰傳消息三十六鴛鴦飛去

又

覆蘭雲垂寶絡全護玉樓削姊妹雙行只合鎖銅雀爲  
伊猜偏芳年笙簫筍柱漸數到月明圓卻 翦羅薄齊  
著杏子單衫兩美尹邢若湖隔東西記取問粧閣杜郎  
他日重尋花時須早莫惆悵綠陰如幄

又

鏡中人花外影乍見眼波凝書屋粧樓同對碧梧井三  
年窺宋登垣何曾私語真不料相逢山徑 雀離頂憑  
仗金粟如來行坐許教並酥手偷攜暗解玉璫贈小姑

只是隨身牽衣又去恨密約依然難訂

又

禮金仙飯大士小字寫幡尾對五銖衣暗裏訴心事多  
應嫁了盧郎女兒花佩願抱箇阿侯懷裏 整圓髻纔  
過青石巖扉又見鴨桃底忽上鐘樓窈窕半空倚吮毫  
好倩童孃蟬紗寫照與楚館行雲相似

又

鵲聲乾鶯語轉紅雨灑千片不坐細轅不障合歡扇分  
明要使人看如何歸舫把雲母橫窗遮徧 碧河淺輸  
與掠水絲禽鷁首慣偷眼懊惱吳儂柔櫓疾於箭借他  
角觥春哥鳧車相傍又引露女銀嬌面

香車居集卷六

四

又

蕙香幃芝草洞佛席扣花供袖捲紅綃雙約腕關重可  
人一翦輕風春寒料峭添半臂滿身飛鳳 色殊衆假  
若攜住秦臺定愛玉簫弄墨畫畱仙微帶機塵動見時  
雙笑含情何年相識是秣馬芝田曾夢

又

絲雲隨紅袖遶油碧覆車小一簇衣香日午鴈堂到侍  
兒持送圓冰錦幃低捲傷畫棟鬢雲斜照 黛誰掃夫  
婿三十中郎走馬洛陽道辜負蘭閨書寄紫鸞杳即看  
絕世無雙迴文不織也應遣陽臺歸了

又

築歌臺垂酒幔長在暮春半金屋人歸繫艇綠蕪岸迎  
神一部西廂分明聽說看過了佳期纔返 隔花見近  
水紗碧如煙隱隱玉釵粲猜謎投瓊纖手戲青案正聞  
負金槐陰提壺柳浪泥滑滑數聲催散

又

禁煙過修禊又日暖艷陽晝梅雨新晴浴佛好時候記  
曾草鬪連枝蘭貽並蒂又看摘合昏簪首 採桑後金  
琅璫鎖香林階面綠苔繡紅粉銷殘冷淡一行柳年年  
峽石山頭曹王祠下但贏得相思腰痠

洞仙歌 題陳其年填詞圖

填詞老手筆非秋垂露聲也風流玉田侶把金省小硯

香車居集卷六

五

付與紅兒攜教坐長在國山青處 烏絲欄乍展迴顧  
桃鬟寫出花間斷菟句蕉葉當輕茵聽譜參差纖指下  
纏綿如訴千二百輕鸞定飛來須挽住榴裙莫教乘去  
八歸 同周簪谷查聲山集龔蘅圖玉玲瓏閣

門臨水市樓觀海日西風搖落江柳無端泛梗錢塘路  
不分仙郎宅裏乍逢良友除卻書牀拈賦筆有何事可  
消清晝只愁對賸水殘山歷歷在簷牖 怪雨輕裝短  
棹行歌並發已過秋香時候高峯南北橫橋十二更問  
黃花開否把蕉筒檢點明日還期載尊酒譜新聲須尋  
絲妓付與檀槽聽伊調素手

摸魚兒 吳清時屬題秋圖歸帆圖

鏡奩中白蘋風起扁舟乘興容與卞峯未抵皋亭好便  
挂歸帆南浦朝至暮聽兩岸蕭蕭一派秋聲去貪看雲  
樹任倚榜沉吟推篷欲坐收拾眼前句 閑情好寂寞  
誰爲伴侶漫尋沙嘴鷗鷺有人更在煙波外欲向畫中  
呼汝留且住同泛入蘆花野館橋橫處銜杯共語怕索  
米長安馬頭鞭影催別短亭路

清時將入都  
淒涼犯 八測晚泊

蒲荒菰冷吳淞路日沉遠浦雲黑今宵最苦鄉城未遠  
已同行客江清八測又從此籤程第一料馮君還應笑  
我歲歲挂帆席 忽灑霖霖雨漸引新愁起拋吟筆翠  
尊縱在怎能消此時岑寂況見燈昏便想到鴛樓錦瑟

香草居集卷六

六

蟻扁舟漫近成柝怕聽得

雲仙引 同趙恒夫農部宿虎邱翠勝閣

短簿祠空生公石冷十年今日重登山依舊路分明驚  
心又添臺榭難覓真孃墓草青愁倚夕陽鴈繩風墮螺  
簪煙凝 郎官載酒如澠向剩菊殘楓翦夜燈吳舫稀  
時偏畱雙屐別有閑情醉後貪眠窗明塔火僧磬催詩  
枕畔清今宵佳處閨亭人散絃索無聲

永遇樂 詠雲

抱月無心隨風有態裊裊低墮簫歌秦臺尊分楚館畱  
得影婀娜嬌鬟梳舞衫裁翦都學魚天晴朵更畫入  
屏山幾曲飆魚夜燈窗戶 曉樓開處慣侵簾額繚亂

香篆百和蝶徑尋鈿鶯隄鬪草引傍茜裙輝有時遮斷  
玉驄歸路料得翠眉雙鎖漫更挂此檐銀線攪伊夢破

揚州慢 廣陵驛舍對月

老柳梳煙寒蘆載雪江城物候秋深怨金河叫鴈斷續  
和疎砧記前度刊溝繫纜征衫又破愁到如今悵無眠  
伴我淒涼月在牆陰 竹西歌吹甚聽來都換笳音料  
鎖篋攜香籠燈照馬翠館難尋淮海風流秦七今宵在  
夢更傷心有燕犀屯處明朝莫去登臨

又 平山堂寫懷

隋苑荒涼蜀岡逶迤引入幾點疎鐘遠堂前好景都借  
隔江峯醉翁後誰爲種柳眼邊空闊狂殺西風是何村

香草居集卷六

七

老樹霜凋忽墮輕紅 揮毫萬字定沉埋蔓草煙中但  
有地登臨便攜桑屐莫問西東況去吾廬未遠紅橋路  
不算萍踪奈方淮還遠榜人催上烏篷

澹黃柳 重經秦郵酒家

孤城煙暝點點歸鴉小試覓當墟拚醉倒認得後門籬  
落曾繫青驄飼霜草 蟻蘭櫂燈挂檣竿早傍垂柳數  
株掃與勞人顏色同枯槁柳待春風綠陰還有人苦新  
年更老

玉漏遲 閭再彭置酒黃副使園

小春方半也山亭欄檻霜花殘也蒿酒如泉攜自峯西  
堂也簾外一九冷月正今夕十分圓也風定也除聽新

鴈別無聲也 主人絕類通仙展疎影離離妻梅圖也  
賦筆誰工四坐盡能詩也客散清暉滿袖秉樺燭不須  
燒也俱醉也騎馬似乘船也再彭自晉遷淮故堂名卷西是夕出妻梅圖索題

徵招 四從祖席上

隔溪相喚辛盤會蕭齋夕陽催暮如此可憐宵況詩人  
相聚甕開新下若盡滿引翠濤香注近水聞喧紅燈齊  
點一街蕭鼓 嬾傍畫樓看都不是昨日少年情緒只  
有月娟娟最銷人覓處飄零關塞久須珍重此筵題句  
記梅邊別到如今又兩番花吐

百字令 初度日自贈

月波樓外有吳儂被褐舊鄉慵住督亢昆明遊歷歷更

香草居集卷六

八

走東齊西楚疊錦翻鴻鵠環刻鳳笺擲當壚女春塲盤  
馬朔蓬曾射驕兒 誰料露枕風鞭舊顏憔悴容易傷  
遲暮涉獵文詞終小技一任硯塵書蠹犬子呼兒桃根  
作婦願載扁舟去五湖三泖翠竿長釣煙浦

密花慢 題徐皆山丈演溪詞卷後

石麟墮地彩鳳名鄉擷芳蘭爲佩茶煙千縷香一瓣除  
卻填詞無事練裙紋扇到處有柳情周思傍柴門小小  
清溪不穀硯池添水 庾郎蕭瑟平生歌絮帽花間亂  
髮垂耳呼盧買笑如昨日老去情懷非是狂歌酒後長  
譜入玉簫聲裏倚屏風紅豆拋殘贏得纖蔥偷記

天香 龍沙香

星挂浮槎珠掣遠鳥蟠螭碎沫輕杵旋裏鮫綃試溫鳳  
炭心字氤氲千縷輸他睡鴨頻覩著剝蔥添炷雨暗恐  
來鱗爪東風莫吹煙去 凭肩小窗月午記濃熏隔花  
迷霧袖惹餘馨銷盡又增愁緒夢入鈿牀尋覓空贏得  
韓郎斷腸句嚙鎖金蟾知拋甚處

水龍吟 白蓮

天孫織就輕綃問誰翦綴銀塘冷玉容倚翠芳心抱苦  
半池開並水染成香月溶無色夜來難認便漸裙人到  
雙垂皓腕也應妒冰姿瑩 忽見萍分波淨滿秋奩倒  
窺粧鏡祇須分付粉兒捧酒雪兒搖艇采貯玻璃倩描  
雲母北窗消頰怨涼飈乍卷碎瓊收拾賸田田影

香草居集卷六

九

摸魚兒 蕙

望滄浪翠痕涼浸絲絲似結連理并刀翦煮凝脂滑載  
酒有人同醉成底事笑不爲浮名也誤投竿計冷楓十  
里想漁市千家紅鹽糝碧羹熟飯雲子 歌撓動長在  
白蘋開際筠籠爭涉煙水舊遊更憶西泠路三月青青  
如此論俊味又何待香蘊亭畔秋風起年來正擬駕小  
沙棠兩鄉泛宅日采鏡奩裏

齊天樂 蟬

薰風池館啼鵲歇綠窗夢驚嘶早飲露高懷迎秋斷響  
相和中和淒調銀牀徑悄漸飛過桐陰又鳴殘照聽一  
聲聲齊宮舊恨幾時了 翦開緬蟲翠羽向美人露鬢



持比差小纖翹無多哀音最苦消得幾回昏曉酸風乍  
到卷萬片霜紅蛻痕俱掃畱畫粧樓雀邊看去好畫史陸揆  
微謝雉俱有蟬雀圖

江城子 毘陵道中簡丁舍人

莎城一片碧粘天上由拳望吳關最憶落梅風裏染華  
牋三十六鱗遲未寄披校初不曾閑 天涯離夢又新  
年泛春船夕陽山最憶花驄何日向長安鴛掖階通仙  
署近應早去采紅蘭

解連環 句曲客夜寄答里門諸故舊

草草南浦最難堪又別舊鄉儔侶共攀摘岸柳相貽聽  
吹入玉龍斷寬如訴水市橫橋原不是短長亭路甚沙

香草居集卷六

十

邊一舸歲歲逢春便載愁去 煙郵倚篷暗數更馬頭  
新月山縣須住念故國如此良宵有詩與詞仙坐醉花  
圃吟榻燈殘正客夢欲來尋處奈衾寒酒醒風刀不眠  
更苦

摸魚兒

懷朱錫也即用錫也寄蘅圖韻

竹垞中詞人應 詔囊琴挂壁誰撫流脂河采香藻別  
又聽杏花春雨傳樂府不信道徵君仍擬樵歌句軟輪  
且住待內藥鶯啼銅樓步緩好對白麟去 耕煙壠獨  
樹仍棲倦羽裁書遲付鴻距山裝忽卸烏衣巷北眺盧  
龍延好官舍暮喜玉版銀刀羹滑拈雙筯春寒擁絮早  
尋偏瞻園青油舊幕草檄剪燈處

繡帶兒 書帶鳥

春穀喚春禽暖玉掌中身越疊裁成雙尾須避雪衣噴  
飛近淺粧人奈不綰書寄殷勤黛痕微認分明付與  
一縷香雲

兩同心 相思鳥

珍禽小小銜羽輕飛猜應是青陵香魄看較淺碧樹金  
衣春山路私語啾啾生怕分離 正好玉鑲籠攜留伴  
妝看近圓冰最憐交影拈綵線慵繡雙棲空惹起獨坐  
蘭閨一段相思

釵頭鳳 收香鳥一名桐華鳳

方山鳥紅衿小低飛忽坐釵頭巧佳人畔窺爐篆歲粧

香草居集卷六

土

心字被偷多半幻幻幻 簾櫳梢蘭缸照倒垂香羽煙  
重裊褰羅幔桐花喚瓊簫銷燼把雕籠換慣慣慣

金縷曲 簡查聲山

凍竹棲山雀記寒宵船艤松灣一燈紅閣雪點茸裘蝦  
頭泛別酒我醺君醉便從此揮撈去郭龔五重逢邀笛  
步話查生才調相思各聽春雨意蕭索 官樓望遠情  
殊昨怨青青不知何樹又遮牆角給事西莊浮雲外憶  
爾婆娑行樂誰得似杜門述作往日尋詩沽酒處數聞  
琴鴈齒還依約夢去也燭花落

一翦梅 題紅藕莊詞

香滿闌干倚玉卮硯洗紅絲箋襲烏絲吟情多在斷龜

時柳暗鶯啼花老鵲啼 歌館芳遊綵扇題筆按燕姬  
簫譜吳姬江南江北總相思說藕莊詞似草窗詞

女冠子 燈市用蔣竹山韻

錫簫吹也秣陵風景難畫銀花相望一城如畫閒卻秦  
淮冷九飛射護春簾早挂看嫵暗垂羅袖紫姑迎夜上  
元時多少舊曲畱與踏歌人耍 細腰鼓學花奴打散  
落梅千點一任東風借燭殘堆地問翠館幾處倚香題  
帕短牆青粉砌六院往時佳麗祇餘情話怕歡遊生感  
綵珠休照舊勾欄下

玲瓏四犯 咏墨紗燈

誰擘珊瑚嵌幾幅蟬紗向珠梁挂淡墨輕勾籠佳燭花

香華唐集卷六

三

紅射黯黯片鏡無光偏照出粉粧姚冶似朦朧蟾彩凝  
煙真有藥娥飛下 更看面面花枝好訝雙葉亂開春  
夜依稀四角懸針字猜謎消瓊竿蛾綠忽倚玉屏菱苗  
指眼波微瀉露月華裙子一般顏色關他圖畫

瑞鶴仙 瞻園席上呈倦園夫子

去年林雪霽著綠齒從遊錦苔冰細松關又淡閉轉雷  
塘樓牒秣陵重繫花前鴈底話家鄉羊燈影裏駐容顏  
不用砂牀到處便索詩思 須記堯賓舊集箕穎新詞  
滿人間世門如霧市香風外藍輿舁勸酒歌硯匣登臨  
及早看徧江南山水怕燕宮最念司農紫泥又至

鶯啼序 酬衛園見贈次原韻

年時潞河話別立垂楊影裏聽風鐸催上我驀聞君旋  
束行李著綠袖將車白下後先野店同沽醉愛尊香鱸  
雪歸尋五里煙市 誰道仙郎畫舸遠泛枉吾廬更易  
恨未得掃葉蓬門綠蓑偏釣雪水但幽尋竹垞小徑刺  
花礎秋燈紅淚最相思縫月裁雲酒邊題紙 雙橋小  
艇重訪新居在木奴香際傷斷浦冷波一宿篷底星飯  
便到西泠近如鄰里雪醅換盞夜闌起舞玉玲瓏閣銷  
憂處渾不知攬鏡形憔悴揮襟兩月手牋付與青禽還  
期挂席鴻底 樓連十四零落秦淮囑歌繞莫議只合  
向官衙相對況有故王臺榭堪登杏將開矣松窗解榻  
境惡寢寐粉闌且未分赤管儘憑欄攜手看朝霽近來

香華唐集卷六

三

添得吟情羅帶榆錢半簾壓翠

小桃紅 送獨醉先生歸錢唐

薇省開庭院吟屐多尋徧雙鶴飛來雪衣如鬢登臨偏  
健數春花纔到五株桃已新詞成卷 艇子江頭喚別  
酒杯中勸聞道幽居軒窗開處越山都見待歸時一棹  
訪詩翁話鎖瀾橋畔

離亭燕 寒食別藍謝青

最恨勞勞亭柳不綰玉驄嘶驟第十九番風信早奈向  
花時分手湖畔采香萼輸爾晚春消受 燕子定巢依  
舊應訝歸來吟瘦錦篋新攜長短句付與小紅歌袖儻  
憶送行人更賦望江南否

摘紅英 春雨惜花

鴛衾冷春眠醒溫磨爐火銷金餅簷聲細添愁思料得  
煙梢都無香氣粧樓凭鈎簾聽暗傾一地胭脂凝迴  
心警簪花未怪他紫燕銜來紅碎

瑤花 玉繡毬

藥珠翠結密簇柔梢細看來疑葉花師昨夜都咒變春  
暖忽堆晴雪弄簫人去還畱得女銀香潔料蕃釐舊觀  
開時無此碎瓊稠疊分明似玉玲瓏但綵線同心猶  
未穿揭團團素影渾不見粉樣幾雙棲蝶良宵十五映  
天上纖阿宮闕傍清池照水俱難認一九眞月

大酺

上已趙農部招遊清涼寺訪百歲翁予未及  
赴寄此詞

香草居集卷六

古

向石城遊蒲帆卸倚樓人已先在柳風吹杏雨又茶蘼  
初綻最思良會上已攜尊招遊佛席惆悵未隨輕蓋紛  
紛過裙屐覓吳姬酒肆金魚應解只眼底春山亂飛空  
翠不須錢買仙翁餐沆瀣試借問曾否朱顏改料難  
比郎官大藥雙鬢蘆花看今日青青還再白舫西冷路  
數昨歲幾回同載正湖畔多蝦菜此時相憶夢裏鶯啼  
窗外醒來似聞款乃農部往在京邸開封公計髮頓白  
今還黑矣

滿江紅 爲周雪客題畫冊

蛾雪初消洞庭水高沒楚天被眞把并刀剪取藤几留  
看方絮澹浮雲夢澤尖毫輕抹酒香山渾不知是月是  
斜陽涵翠閣帆隱隱何處船衡湘路有無問望二妃

佩杳瑟冷空壇掌上浪痕疑帶響袖邊風色欲生寒記  
此中兩趁米檣過曾扣舷

綺羅香 和蘅圃芸華題壁

截竹編屏插籬分徑新拓軒窗都了隔絕紅埃但有香  
綿飛到借牆外乳管陰濃護欄曲米囊花小乍移栽短  
短山梅並棲便見翠衿烏畫簾長是半捲放得沉穢  
一縷茶煙同裊檢點藏書次第籤牙衣縹送春時無著  
閒情銷夏地待添吟草更商量結箇松棚納涼看月好

洞仙歌 曉園夜坐贈黃俞邵

徵車乍返滿蘭陔清淚空抱平生補亡意記梅根洗竽  
李徑移牀余宵話又見落紅鋪地溫陵門闕在愛住

香草居集卷六

五

江南舊築東齋掩松翠籤軸闌金樓硯北濡毫應不數  
演山才思問約看燈船載芳尊更何似相尋仙芸香裏  
月下笛 寄懷沈融谷

瘳沈多情惜香錦篋年年羈旅鄉城外曾記踟躕柳陰  
語霎兒催上蘭舟別道鸚鵡湖邊且住又誰知旋買紅  
鴛小馬向燕山路春暮空凝竚看點點蒼舸晚風吹  
去裁書付與一時難寫離緒雙松樹底銜杯共忍更憶  
銅駝舊雨但有夢必相尋多在花辰月午

應天長 題陳鵬客桐窗讀書圖

種荷溪曲折漲一鏡魚鴈亂點香葉隔浦雲淡茅屋間  
閒幽絕讀書牀最潔正人倚晚窗支頰繞欄檻都是梧

桐翠痕重疊 首夏好時節正庭少嘶蟬林斷啼鴉解  
事青媛捧出舊時吟篋客來尊便設愛消頷荀奴茵妾  
須認取畫裏紅橋好買輕楫

好事近 題畫

夢裏舊池塘綠偏芊芊芳草鴛鴦徑無人行處更不聞啼  
鳥 冷香點地錦模糊鳳子會尋到長日東風吹過只  
亂紅難掃

梅子黃時雨 五月三日 衛國初度賦 葛蒲爲壽

絡石盤虬是仙客舊栽亂水深澗漸錦雨抽苗翠分如  
劍已著紫茸煙穗連花帶露風中颺芳根翦九節寸瓊  
琴軫同短 付與柔蔥輕浣愛葫蘆刻就金縷雙綰把

香草居集卷六

去

玉髓零香細調紅瓊預勸星郎今日醉又何須待芳辰  
換荷亭畔午時細傾纔算

釵頭鳳 題盛奕雲城南小住

城南去牆東住石橋須記垂楊路柴扉靜連錢映小齋  
如舫短籬圍徑稱稱稱 花淡處香風度彩箋重擬閑  
居賦揮毫竟添佳興弄琴春晝鳥啼相應聽聽聽

琵琶仙 渡太湖

湖水連天命三老駕我扁舟如葉恰好風自南來蒲帆  
去何捷高浪裏篷窗全啓見縹緲莫聲相接宿霧纔收  
浮雲倏變此景奇絕 憶今歲兩到姑蘇又初夏初晴  
好時節可惜此行還遠向江淮城關山共水匆匆過了

竟未曾肆意登涉自笑非爲浮名故鄉輕別

小諾皋 解嘲

寄語家鄉平生親故莫笑我囊空如洗看從來金穴瓊  
廚閉門成市自謂陶朱之匹不過驕其鄉里消受些姬  
妾田園而已秉燭商量持籌會計更何如貧無負郭環  
堵蕭然滋味這一著贏他矣 水月非真鏡花是假悟  
得浮生如寄故寧去廬下傭春酒邊滌器口世苟全性  
命不向監河乞米幾曾見八口啼饑眞死歛跡投竿逃  
名負耒覓生涯水次山間認取梅妻鶴子長貧賤終吾  
志

怨王孫 自京口渡瓜州

香草居集卷六

去

海門潮湧金焦欲動涉險頻經乘風不恐買得葉樣輕  
舟截東流 霎時來到瓜州岸回頭看故國山川遠長  
江忽限南北從此天涯日思家

多麗 揚州

古維揚天生佳麗名邦芳樹裏繡簾斜捲紅樓十里相  
望墮馬鬟全勝代女鳴蟬鬢欲妬吳娘珠榨流霞金猊  
噴霧花街風過只聞香遙聽得竹西歌吹鎮日遠離梁  
來遊者舟車襍還好箇歡場 感當時英雄豪傑都從  
此地銷亡漢諸侯銅山沒草隋天子錦纜沈江遺跡重  
尋新愁頓起空令孤客斷迴腸祇應向平山堂下高臥  
讀書牀憑誰笑昔年浪子今日空囊

白苧 謝汪舟次惠詩兼及山閣詩

弱冠時便慕爾是能文者彼蒼何意還困騷人在野玉  
鉤斜恨相見亦何遲 贈我五言詩墨淋漓驚羣無價  
古調清新原本過江顏謝感激深情平生心事君能寫  
風雅海內知名無過幾輩我欲彈丸天下讀廬嶽新吟  
循環忍捨筆端飛動似注江峽水行空天馬才大總難  
量東阿八斗嫌他寡藏諸懷袖珠玉光芒射

浪淘沙 眞州夜泊

昨夜別揚州今夜眞州此行不似少年遊莫問紅粧人  
住處大道青樓 潮水落江頭月上城頭破除萬事飲  
能不無奈酒腸天各與何計銷愁

香草居集卷六

夜行船 由魯港至三山夾從蘆葦行二十里

荻岸通舟溝樣窄避大江橫天風色畫槳徐開蒲帆疊  
起不怕浪高千尺 便作蘆中人也得願畢生釣魚而  
食遮莫相呼掉頭不應只讀楚騷周易

洞仙歌 望九華山

丹崖翠壁秀色從天瀉見一峯峯盡如畫昔謫仙曾到  
謂似蓮花千載後我欲登山去也 直兒孫九井培塿  
五松西望香爐庶其亞儻此中仙客拍手相招肯教我  
鸞驂鶴駕請從此逍遙以終焉又何必躊躇未完婚嫁

九華舊名九子李白謂  
九峯如蓮花故更今名

水調歌頭 同斯年家兄夜話

我來官舍晚弦月瀉金波問訊吾兄安否千里挂帆過  
見此江鄉一帶父老尚安耕鑿無恙舊山河經年一相  
見且莫話干戈 蘭膏燼香螺勸玉顏酡夜闌猶未高  
枕只爲別時多今歲已完婚嫁儻憶東溪小築爲辦釣  
魚羹不教山客去其奈使君何

簇水 銅陵客舍對雨

神女行雲昨朝猛雨今朝再翻盆垂練似天上銀河崩  
壞獨自憑欄眺望煙霧生山帶失卻了杏松如黛 粉  
堞外髣髴見長江一派人在客情無奈小樓容膝不敷  
我鄉愁載可喜又添新漲注海東流大晴霽後歸去扁  
舟快 杏山五松山皆屬縣治

香草居集卷六

風入松 陵陽山中

千章夏木密遮天一路聞蟬農家盡報香秔熟未交秋  
便刈山田矮屋安排水碓趁春雨後新泉 子明爲令  
即爲仙野老相傳池名黃鶴今何處但蒼茫一派雲煙  
問水尋山今日青鞵布韞何年

醉太平 再宿紫竹阿

來時棹輕去時騎停酒醒夢覺愁生在三更四更 前  
宵月明今宵雨零行人聽此淒清帶泉聲樹聲

鶯啼序 蕪湖舟次值內子忌辰感述

十一年前正此日慘淡伉儷命歸棹人在天涯如泉清  
淚難制蕩槳孤城煙樹外凝眸何處家鄉是把酒卮遙

醉舊恨欲填胸次 博士寒門奉嘗華胄中表原兄妹  
憶桃夭癸巳青春成童便作秦賢似高林翡翠雙棲比  
清池芙蓉並蒂夜鳴機佳讀遺編挑燈相對 平生負  
汝割肉歸遺未得但田園未耨挽鹿家鄉寢疾難痊  
返覓無計寶鏡沉輝瑤琴絕響那堪更悼重泉逝有一  
女雙男折其二眼看翠袖只因曾侍山妻蘭室坐桃根  
視 賴伊作伴擁髻淒涼能話當年事話到迴腸欲斷  
我便哀吟豈惟孫楚情文交至樓中騎鳳江邊畱佩生  
生世世爲夫婦恐他生未遂今生志一尊且醉殊鄉料  
得今宵人來夢裏

沁園春 寄程穆倩

香草居集卷六

辛

五月停舟曾訪閑居碧梧映門有美酒盈尊接羅倒著  
生香辟蠹束筍橫陳吐納便便丰神奕奕淮海維揚一  
俊人相逢晚喜君能倒屣我願扶輪 硯名星宿堪珍  
見夢裏擎將圭冕神故石麟繡虎才華傾國秦書漢篆  
筆法空羣荷芰爲衣松枝作塵憶聽清談又幾旬當斯  
際想科頭踞石抱膝看雲 我師倦園先生曾遺穆倩端  
生見神人執是石語之曰非玉非璞百辰灼灼天一之  
源女其善琢環成周身百眼因銘而名之曰星宿海  
醉江月 送孫無言歸黃山用曹學士韻

君將隱矣指浮邱絕頂仙壇幽絕席帽荷衣歸去也門  
外驪駒銜鐵談笑封侯縱橫游說賤彼儀秦舌從茲揮  
手不驅城市輪轍 交盡海內名流送詩萬首共惜他

鄉別誰識伯鸞高士駕炊釜不因人熱十畝松林三間  
茅屋誰道先生拙砂牀駐老那愁鬢鬢如雪

少年遊 吳江道中

記纔兩月別江濱風景嘆全非巨浸沈田野航入屋農  
事眼中稀 吾鄉城郭前頭是貪看一帆飛風送黃金  
橋經寶帶也算壯游歸 江湖口號夏月北風名

醉蓬萊

八月十七夜同家兄過周白門齋徐序仔  
錢尋千亦至

向柴門柳岸晚繫蘭舟客何爲者想到當年愛清秋月  
好杜老吟詩不遺十七我亦憐今夜置酒茆堂解人斯  
在周郎是也 榻對徐生曲終錢子卓帽青衫一何瀟  
灑與予兄弟攜手松風下仰視明河清輝可掬此刻真

香草居集卷六

壬

無價不計來朝觀潮海上騁桃花馬

香草居集卷六終

香草居集卷七

嘉興 李符 分虎

未邊詞

南浦 春水用玉田詞韻同融谷賦

社雨幾番過望橫塘十里輕煙迷曉漲綠半篙餘紅橋  
路淨洗芳塵如掃短長亭柳亂絲低罩鴛鴦小一片晴  
空渾似鏡難認水萍隄草泥融沙暖遙村泛青溪百  
折牽情未了鶯語翠陰淡漁郎外誰解扁舟尋到香波  
渺渺去年人去桃門悄魚浪不來花自落空溯春愁多  
少

又秋水用碧山樂府韻同衡園賦

香草居集卷七

好景在滄浪照亂山冷楓翠渚紅染前度浣衣人西風  
裏安排碧砧初徧載詩載酒畫船重到風瀾淺藕塘萬  
葉憔悴盡換了蘆花一片臨流曲榭依然早不見雙  
雙掠波紫燕遠浦夕陽含秋奩影但有煙鴻蒼點冷冷  
遠郭幾曾解洗江南怨莫愁湖畔停蘭棹夢入鱸魚鄉  
遠

疎影 帆影

雙槳且住趁風旌五兩挂席吹去側浸紋波一片橫斜  
不礙招來鷗鷺忽遮紅日江樓暗只認是涼雲飛度待  
翠蛾簾底憑看已過幾重煙浦搖漾東西不定乍眠  
碧草上旋入高樹荻渚楓灣宛轉隨人消盡斜陽今古

有時淡月依稀見總添得客愁淒楚夢醒來雨急潮渾  
倚榜又無尋處

暗香 華希逸寫焚香圖見寄

粉綃一卷慰客情寂寞蘿窗徐展淡掃墨香莫是崔徽  
舊時面苗苗爐安燕几裊屏角煙殘沉片啓螺盒撥火  
重添絳脫墜香腕簾捲晚風翦恨翠篆又銷夢裏人  
遠對春易倦忍記催熏繡衾煖麝月雙心如舊奈焚向  
淒涼庭院怎怪得無聊意冶容笑淺

雨中花慢 題聽雨圖

藻井閒房水蔥小簾妝罷獨自眠時正闌風吹晝月額  
如絲彷彿有濃陰翠點共檐溜響珠幃把靈犀寸夢一

香草居集卷七

二

雲驚回腮托香莢春花爛錦早謝牘牆樞半樹照眼  
紅歛又忍聽聲聲滴淡燒枝待強起凭欄折取怕苔痕  
溼了銀泥料沉香枕畔添伊無數鳳想鴛思

漁家傲 題李晴草柳陰漁父圖

散髮梳風兩釣師撥頭曬網柳陰移白鷺飛邊煙浪起  
都是水只遮一面山橫翠淡墨鱗魚箇箇肥兒孫敲  
火榜前炊老瓦盆中消碧蟻殘照裏醉來便枕青蓑睡

省嫵 寄調高謾園納姬京邸

把光珠換得細馬馱來燕玉闌荆豔攜手螺屏內相憐  
處仙鶯解弄芳翰斷腸舊卷合付伊相竹輕按更良夜  
帳底鬟春膩勝鳧藻熏暖最憶昔游吟館料鈿筐新

設羅額遮偏幾載銅駝客到此時荔枝腰帶應緩五茸  
路遠且漫商歸貯溪院但曉畫雙蛾須似九峯翠淺

夏初臨與石坪別

白下官樓征衫乍脫逢君竹裏燒燈負郭春山雪驄幾  
度同登六朝煙草新青最愁人又別長亭我亦思家因  
君歸去傳語鄉城江南千里水驛無多柳陰漁笛一  
路堪聽布帆畫槳白頭浪裏舟輕杏雨初飄趁花風飛  
過遙汀汲中冷紫茸茗盞別酒重醒

平湖樂

題宋何閣長魚藻圖

半奩香雨簇春漪沒個漁舟繫徑尺橫拖鴨茵翠鯉花  
肥乙賜可有相思字猜量不定幾番步澀渾欲撒沉

香草居集卷七

三

絲

漁父詞題項叟畫

紫岫斜陽遠近間滄浪魚鰈過蘆灣從泛宅記他年只  
要山如畫裏山

夢橫塘簡蓑谷

鴨頭酥雨鴈背尖風峭帆催別春市幾月秦淮換細葛  
芙蓉香裏秧隴耕蓑柘村綠雨牽鄉思上層樓試望  
甚處家林斜陽外重重水西鄰舊築漁磯共暮燈笛  
月今隔千里銀沫青箋盼不到一雙花鯉料只在吳根  
越角誰與啣杯伴吟袂且待歸來約移秋艇采菱紅蓼  
翠

壽樓春送鷗客東歸

金陵春新筍絡青絲勸飲攜手含愁爲憶吹蘭分付曉  
裝難畱搖杏櫓驚沙鷗送柳坊翠陰鳴鳩踐鏡約休遲  
郵籤暗數須趁月如鉤樟亭外煙帆收鎖魚雲一片  
人在梳樓早聽芻尼噪瓦望郎凝眸笙簫小褰蚊幃勝  
幾宵無眠孤舟喚櫻素池邊香蕖折來須並頭

消息聞伯兄避暑山中

青雀舟分黃鸝坊別帆溼春雨聞訪僧扉便攜詩錦笑  
指煙雲路卷縣西南萬千翠壑知被何山畱住寄苔牋  
雙魚縱有去時怕無尋處竹村射鴨杏樓招燕往事  
逝波漂絮隔幔秋燈鄰牆夜笛引得鄉心苦十年前約

香草居集卷七

四

蓬茨並結小鴈飄零如故荷長鏡相從采藥可能待否

摸魚兒同蓑園池上納涼

傍莎臺翠池清淺板橋低亞荷柄紅衣半脫青房小魚  
婢亂穿花影東闌凭是何處庖風涼捲炎埃淨五釵松  
頂只幾點濃雲便飛急雨濺入葛衫冷廊腰暗疎竹  
梢簷不定蕭蕭渾似秋景移鋪滑簾山亭裏冰盃白蘇  
消領眠乍醒又簾角美人虹斷天如鏡斜陽未暝算今  
夜新蟾露庭最好柳外一梳映白蘇金陵酒名

好女兒集侍兒小名

掌上團兒懷裏心兒翠兒歌一縷蘭聲細配錦兒調瑟  
金鶯兒轉拍按紅兒風颭蠻兒交帶楚兒舞學師兒



立花前當兒行酒喚香兒去折玉蓮兒比勝一分兒

玉京秋

此竹坳書至言沈草九近寓高澹人宅因寄此詞兼懷澹人

鴛渚浪東連柘湖闊翠迷菰蔣幾番負了月明移舫今  
日青門路迴憶詞仙遙載書棧煙樓望橘春涼信落楓  
初響 梧掖故人無恙定相攜西山踏嶂聽塞垣卷蘆  
聲苦吟情悽愴健筆題殘待妙曲先寄秦淮河上弄雙  
槳自有桃根解唱

秋思耗

得秋錦家兄都下書

十四樓邊客倚小山望斷薊門消息玉屑殘書錦砂圓  
印遙墮鴻翼翦孤燭開封但言秋到夢故國記別離西  
水驛正菱露侵裝荻風吹纜絮語曉雞聲裏月殘林黑

香草居集卷七

五

悽惻年華又隔料柘垣敗葉初積賦工何益枉教揮  
盡一牀健筆怕舊侶業鷗笑人苔翠生釣石兩鬢色應  
未白算不若歸來滄浪隨意泛宅樵弟漁兄計得

惜紅衣

和家兄賦荷花紫草

檀粉輕勻蓮衣碎顫別生春豔麥乍青時空畦早開偏  
分明疊錦吹幾陣東風難捲孤燕貼地飛來似并刀裁  
翦 秧田小岸挑菜人歸香弓也畱戀斜陽影裏紺袖  
關溪淺畫榼翠尊俱載坐比繡茵還軟愛杏村花舞添  
了紫塍紅點

露華

和竹垞賦水夢花

翠痕染露占曲渚遙灘慣宿鷗鷺冷穗蘊霞密綴星星

紅黍遠遮一片漁磯相映水蕙搖暮秋容好江樓望時  
有人吟苦 依依送別南浦似那日秋娘香淚凝聚最  
惜鴈風吹老漸點蘆絮雨後半倒涼枝碎灑釣篷移處  
波浪起煙叢繫船且住

玉女迎春慢

蟬屏

裁取衫心攢屏滑一幅冷光如鑑細切鸚鵡脆片寸寸  
絲絲填徧峯迴波轉巧簇就水村花豔鵲飛處金屑  
碎鋪添出沙軟 偏宜日影中看移紅換碧易迷春眼  
說甚調鉛吮粉十二巫雲休展移來溪院合付與冶粧  
人玩小立頻窺誤卻午窗鍼線

解語花

黃葵

香草居集卷七

六

苞含鴉額萼吐鶯衣娟娟露華曉濯麝菊疑開近籬根  
挑蠹認時還錯迎風婉約剛占得雕欄一角綠鬢捧來  
金盞側思瀉香醪 鄰牆飛度蠅蝶松粉乍勻黏瓣  
有誰覺欽向斜陽甚芳心偏怯夜來蟾魄香闥憶昨纖  
罷流黃纂翠箔說道似他顏色好裁翦秋衫著

國香

木瓜

裂葉風輕任垂垂壓樹顫重難圓孕犀也同緜圍只欠  
瓢鮮競向霜前采摘徧紅樓酥手堆盤餘馨染羅袖絕  
勝金猊鳳沫重翻 曉來香更好是紋窗未啓繡幔初  
褰惹伊愛玩爪痕著便成斑似解空閨幽獨替相思抱  
苦含酸行行武陵路轉憶年時愁對秋山

武陵郡有本  
瓜山子舊所

經處

夢橫塘

鏡花畫合絲蔓秋肥角尖涼觸波底一道香繩早攔截  
半塘秋水斷浦歌沉夕陽人遠采殘煙際喚雙撓並撥  
就買湖邊船頭載蘋風起蟾蜍股疊晶盤付尊前素  
手輕擘紅碎嫩玉分嘗便雪藕也輸甜脆過重九吳娃  
都散蝶葉參差臘寒翠更煮浮根鼎娥傳送當園蔬銷  
醉吾鄉多採菱根煮食味極俊美

傾杯樂

黃雀

刺襪無巢披綿有信啁啾慣隱秋荻擺輕乍熟亂躍瘦  
影早啄殘紅粒江楓未落張羅徧怕碎霜消息脂餅比

香草居集卷七

七

滑更染取似酒驚兒顏色米汁調蒸候火蔗胎微糝  
下箸疑無骨記履響柴門烹鮮約社有山翁溪客摘橘  
梯邊采菱缸外爲爾移吟席結蓬華惟願住蔣村南北

桂枝香

蟹

秋宵月白正三泖湖邊枯葦初纖採捕郎移小艇呼燈  
爭覓腹芒輸海雙螯繡聽爬沙重尋無迹西風墮畔香  
杭偷飽內黃凝液便日日山廚捧出勝夜照渾河鑿  
冰求得割向雕盤朱橘香苞同色登高偏插茱萸罷最  
思量刺匡狼籍江鄉風味如今但有夢尋疎荻西陽雜俎平原  
郡斷冰懸犬採蟹河間馳貢京師

花犯

八月間嘗值海棠復開

捲筠簾金梭忽溜青林已非昔倚闌干立訝老桂黃邊  
猶露春色幾絲帶雨薦紅溼鶯穿亦愛惜爲載酒向曾  
聽處相逢如舊識巡檐覩花太零星翻疑狼籍後東  
風畱得記前度尋芳事夢中游歷又誰料數聲似訴重  
喚起秋窗拈賦筆便杜老斷無吟句也應題醉墨

摸魚兒

寄二親

幾年來月泉吟社約游都在鄉里舍南舍北招尋慣祇  
隔一重煙水吟且醉從不負兔華圓缺花榮悴難忘最  
是共詩袖林樓皆山茶仙丈鸚林挑燭話到梵鐘起江南  
好畱住春船行李西風旋又吹袂鴈沉蘆響搖秋雪舊  
國應凋寒翠愁夢裏也只戀漁灘掃葉吹菰米賦歸須

香草居集卷七

八

記在養鴨河邊賣魚橋外商畧結鄰事

釣船笛

效朱希真漁父詞

辟塞舊楓灣畱得掀頭船小數徧生涯安穩只浮家去  
好鴛鴦湖水儘寬閑容我翠綸釣蕩入菰蘆不見有  
何人尋到

又

獨自泛煙波海鶴江鷗爲伴並載卻無椎髻省漁裝一  
半舟如蓮葉往來輕細槳逐風轉忽過垂虹橋路正  
湖尊青徧

又

春漲一溪渾來往紫萍漂處攪過桃花樹底滿青莢紅

雨 小橋平溜總無波船尾不須櫓隨意溪南溪北任  
香風吹去

又

生長在吳根不與吳儂相識只有粉絲飛到聽沙頭吹  
笛 但除沽酒覓青帘無事入塵陌若問釣人名姓是  
上清淪謫

又

不去築魚梁也不魚又攜箇風裏一絲輕颺便無魚也  
可 偶然搖過舊苔磯梳樣半蟾墮傾出葫蘆殘醪向  
荻根敲火

又

香車居集卷七

九

少日是漁郎老去便成漁叟煙簫有時不戴采江花簪  
首 斜風細雨忽然生維纜碧溪口橋外逢人喚渡隔  
柳陰搖手

又

紅鯉換香杭炊飯拾些寒葉校初更添蘆絮禦凍雲飄  
雪 料無徵稅到漁竿身外只明月不識藕心驚眼是  
人間何物

又

萬葉墮寒村目極水平天遠欹坐船頭相對欠青山左  
眼 瓶山草沒甌山低行到半山半恰被梅花畱住一  
篷兒香片

又

生計但扁舟不用團茅爲屋開向菱塘小泊背斜陽濯  
足 幾回沉醉幾回醒忘卻歲華速撥去苔花照影笑  
鬢絲還綠

又

曾去釣江湖腥浪黏天無際淺岸平沙自好算無如鄉  
里 從今只住鴨兒邊遠或泛茗水三十六陂秋到宿  
萬荷花裏

又

鴈到便秋風江上杳無歸客歲歲鱸魚價賤讓漁翁消  
得 月波樓外釣磯荒煙景久蕭瑟笛裏清歌猶在弔

香車居集卷七

十

希真踪跡

唐多令 題畫扇

墮馬曉粧新宮衣穩稱身摘芳蘭香逼朱脣花自並頭  
人自獨凝盼處意生春 微步蹴香塵含情總斷魂又  
何須金屋橫陳添寫水波羅襪底定猜是洛川神

荷葉杯

衣浣麴塵波裏風起隔花陰粉垣家近晚歸去無路落  
紅溪

桂殿秋

眠並早愛新秋梧窗涼月照蚊蟬熏香不放絲煙起白  
拾紅衫共一簫

柳梢青 和沈山子西湖後游

前度芳遊裙腰草外綠漾輕舟渡口飛花波心掠燕人  
倚紅樓 重來緩控嘶驢悄不見疎簾上鉤一鏡空香  
雙螺斜照都是春愁

生查子

松翠石楠紅寒食孤墳路素手摘金鹽苔印弓弓步  
細藥畫橋邊微雨催歸去風度鬢花香吹到回眸處

西江月 悼往

萼綠華遺絲脫杜蘭香賸羅巾十年兩別控鸞人仙偶  
絲緣都盡 傍牖機殘錦字拂牀簾冷芳塵青衫長是  
泥啼痕那 不霜添秋鬢

青車集卷七

無悶 酬查德尹

登落星樓望衣錦山渺渺煙波千里渾不省何年醉牽  
吟袂爲報離情最苦嘆客與黃花俱憔悴香鱸繡鴨夢  
中一艇五湖秋水 書寄鴈翎繫愛金縷歌殘玉笙吹  
起問近日西泠幾人同倚可惜梅仙鶴逕但牧馬斜陽  
青莎裏想背錦懷古含愁也似秣陵游子

憶舊游

遠士表弟書至并寄新詞兩月後燈下作  
報札竟更賦此詞兼謝不爲

翠尊梅樹下記弄香娟娟月三更畫船催人去江村戲  
鼓水市排燈別來一翻書到秋老石頭城正楚尾人家  
調砧月底帶鴈愁聽 聞君掃塵閣對小港紅橋波漲  
青菱添賦蕭閒句喚鶯脣吹笛都是新聲況有樵歌同

調未倦舊吟情定醉共麝牀薇軒燭影翻雪藤

南歌子 集調名

綠意長亭柳紅情滿路花朝霽散餘霞鏡中人百媚浣  
溪紗

河傳 再集調名

撥棹春曉泛蘭舟水調歌頭翠樓個儂倚闌金鳳鉤揚  
州傾杯憶舊遊 解佩翻香畱客住芳草渡一片瀟瀟  
雨別瑤姬惜分飛竹枝添聲楊柳枝

御街行

送徐健菴編修入都

壓波橋外同仙鷁記醉別杉青北隔年扶屐到花溪正  
是收燈春夕東城書屋雪中徑悄點點寒梅白 蔣陵

青車集卷七

主

秋雨飛帆席便問我荷衣客客平明相送玉階行檢點舊  
分雙筆到時應見宮眷紫袖把一縷紅絲量日

高陽臺 寄勝力

浦溼蘆花林翻柿葉秣陵秋雨秋風京國離筵難忘佛  
閣雙松倦游只戀江南住聞故人曾到山東別青門兩  
聽花鴝三見霜鴻 鶴頭書下芙蓉幕轉銅駝舊巷撲  
簷塵紅玉螭天街朝朝緩過驕驄黃盤錦製朝衫稱勝  
年時狐腋蒙茸但愁君米一囊輕酒五杯空 翰林院支  
杯見周子充玉堂雜記

簇水 紅葉

斷岸高林乍添絳彩紛如許拒霜花映闌冷豔還應輸

與隔水輕籠山靄依約桃千樹渾不省醉綠陰處且  
喚渡傍幾個翠叢小艇宛棹入殘霞去鴈風翻錦早亂  
墮蒼茫者纔沒舊村沙徑紅到紅橋路漁翁掃額片炊  
香黍

小重山 盆景

紅架方窠花鏤邊綠松剛半尺數株攢劇雲根取石如  
拳沉泥上點綴郭熙山 移近小闌干翦苔鋪翠暈護  
霜寒蓮筒噴雨算飛泉添香靄借與玉爐煙

一痕沙 偶題秦淮酒樓

廿四橋頭昨歲十一陵邊今歲江北又江南舊征衫  
也勝年時路遠鴈塞龍番游倦放棹即家林漫愁吟

香草居集卷七

主

霜葉飛

俞邵雪客索重九詞同衛園賦答

白門凋柳寒猶淺黃花開偏駕繁竹間小閣也須登望  
蔣陵煙岫正苦憶分糕漉酒堵園人共梨莊友看亂峯  
霜葉綠齒踏珊瑚一雙詞筆應闌 因甚片幅雲藍新  
聲未寫翻問羈客吟袖垂裙風硯燒餘半奈賦情非舊  
但只愛紅螺在手明朝擬訪清溪口更醉小重陽破帽  
簪萸去尋牛首

豐樂樓

己酉春湖江西上省松石頭城下過  
至今已未秋予再客秣陵復攜家來此慰  
勞猶昔但聞中人已非華姜矣萍踪乍聚  
又買騎北行慨然賦送

霜天正排字鴈戀樵林釣渚典裘醉孫楚樓頭華去  
聲夫

翁山吟履曾住憶同遡冰潮挂席君歸四百煙峯去為  
自號吟履曾住憶同遡冰潮挂席君歸四百煙峯去為  
寒梅瓊萼東風亂零無主 我亦西游鳥道東馬滿背  
袍瘴雨點蒼客纔整蠻裝洞庭紅照峰櫓縱題書禽銜  
不到黯凝睇珊瑚洲樹著秋衣香墨芙蓉采蘭何處  
淩波軍散便撥蓀櫓秣陵寄倦旅畫船有比肩人載月  
姊應是筆格梳函錦鮫綃護東田翠麓松扉堪結□傷  
前度吹簫偶更閑尋細草鈿車路離箱乍啓且翻葉葉  
銀鈎幾卷嶺外新語 鳬花一醺蜜炬雙條話別情最  
苦對寂寞山川如此忍聽空江拍浪聲中又催津鼓殘  
星浦口藤鞭茸帽詩腰鞍背人影瘦覓金門饑朔神仙  
侶重來還約明年柳碧盧溝那時記否

香草居集卷七

主

高陽臺 登樓

竹掃亂簷梅侵鴛瓦捲簾歸鴈飛斜如此春光可堪  
點霜華支節背錦尋游處漾酒旗芳樹青遮那人家曾  
聽當壚曲按紅牙 淒涼南浦平沙記蘭橈小舫繡  
輕車草碧河橋年年怨別天涯傷心怕望長橋路儘水  
村都種桃花映桑麻一任漁郎誤泛仙槎

百字令 為遠士戒奕

鉛燒銀煉列丁丁汞子為栽秋荻聊以忘憂君過矣去  
日寸陰須惜暗裏消磨空中成敗觀破真何益入山柯  
爛霎時老了樵客 試看柳譜中人斗量名品豪傑曾  
無一江水急投妨事具有手須持花筆要許開枰除非

賭郡對局宣城得不然如謝指揮無誤擒賊

金縷歌 登道場山絕頂

雨洗春山好種浮筠風猷憂玉四圍青遶伏虎重關嵐  
光合苔磴落花誰掃過幾處精廬僧少徑轉醅香茅店  
冷聽楊梅葉底相思鳥沽一醉接羅倒攀雲更上峯  
娟妙趁筇枝尋香鳳子也難飛到裘敝塵埃形憔悴囑  
與山靈休笑呼猿鶴振衣長嘯下有竹兜連桂楫問游  
人幾箇能登眺望城郭一丸小

洞仙歌 題畫

紅顏十五似碧城仙子香閣鉛華盡教洗離房櫳宛轉  
愛向花陰臨風坐一片青蕉鋪地忽拋蟬雀扇手拂

香草居集卷七

五

銀光更吮毫尖動詩思姚冶果如生喚下蘭閨便作個  
女中書記去管領青箱舊芸編勝楊柳腰肢舞姬相對

又九日酬別邵亦同

師門同學詢平生良友閩海將軍亂離後到西泠橋畔  
買醉壚頭人濯濯彷彿月中春柳清才天付與旅館  
殘燈擊鉢催詩八叉手更擅郭熙山一簑相貽寫眼底  
丹楓烏柏便送我蘭舟向淮陰正茸帽風吹黯然重九

叔祖耕客公集刻於滇南者曰香草居詩刻於金陵者  
曰未邊詞未刻詩詞曰花南老屋集予向有鈔本兩第

十後散失無存近於族祖墨巢處得花南老屋詩一本  
如獲拱璧公最工排偶之文著有補袍集乃一生精神  
所萃陳迦陵先生序之蘭次耦漁諸公咸極口推服伯  
父辛占公從河南入都門書籍僑寄族戚胡君具慶所  
後復至其家檢之則此本已失矣此公文之一厄也族  
祖制府公按同里遺集獨任剞劂曰梅里詩鈔意在表  
彰遺逸而所委編校諸君好加竄易香草居詩尤被其  
毒蓋公詩多依古叶今執平水韻以繩之妄行塗改此  
公詩之一厄也今就香草花南二本編錄五卷俱遵元

香草居集跋

稟不敢移易隻字庶公之真面目得存也猶憶童時先  
王父教以讀書之法曰前賢下語俱有根柢爾輩讀書  
不多有不當意置之可也勿雌黃一字不按首尾不考  
出處意所未曉輒加芟易此明季以來空疎剽汎之惡  
習小子其戒之菊房謹志之弗敢忘因編公集而并書  
之姪孫菊房謹書

布衣李君墓表

君名符原名符遠字分虎號耕客曉令先生季子也李氏自元末從江陰徙長水七傳而霽巖先生起為騷壇盟長曉令先生為其家孫親承家學以次教諸子巖然成立世所稱浙西三李謂斯年武曾及君也君年最少穎悟絕倫讀書一過成誦曉令先生之歿君纔十齡許下筆輒驚人年十六為半完錢翁館甥錢故奉常孫多藏書日肆力於汲古仗氣愛奇苦發穎豎翁令諸子從學焉顧君鬱鬱不得志乃仗劍為萬里之游初入黔中副使張公純熙提學貴州見其詩歌親訪羅致之改官滇南復偕之行是時碧雞金馬間清晏無事地故多佳

香草居集墓表

山水為幕屐所未到凡遇勝蹟及良宴會輒歛手推君君詩成即傳誦眾口弓衣羅帕淋漓殆遍蓋滇南自張禹山楊用修後君實駕而上之無愧色矣歲癸丑太夫人六十時武曾館貴陽曹開府署中先以書約乃以六月去滇抵黔中與武曾相攜東下斯年亦歸自三楚弟兄聚首稱觴上壽未幾而三省告警矣其後偕趙比部權使於廣陵旋為金陵龔方伯延致其署公子衡圃以兄禮事之而黃子俞邵藍子謝青王子石谷相與訪長干登牛首詩筒詞版草聖畫禪流布江關傳為盛事衡圃又精鑒別每得善本君互相讎校絳雲燼後以龔氏本為最先是朱子錫鬯亦客龔署故玉玲瓏閣藏本皆

君與錫鬯勘定為多余向與武曾文最契再過長水集

舊園復得識君一見如舊好既而邂逅於維揚懼聚於國門晨夕無間竊意知君兄弟之淡者莫余若也武曾就試被落畱濠梁數載近為八閩之游君亦自粵西轉客三山余方意其兄弟游展並度仙霞對牀酬倡如二蘇之在彭城武夸幔亭之勝必有為之生色者己已秋武曾以書來則曰余弟不幸暴卒福州平生行履惟子最悉墓門片石不欲他請余方設位而哭未忍握管越歲而嗣子昌後匍匐踵請嗚呼余尚敢以不文辭邪君自幼負大志曉令先生遭家難客死粵東貲產盡廢君與兩兄及朱子錫鬯周子青士沈子山子繆子天自為

香草居集墓表

詩課君兄弟餘一錫偏提錫鬯止布袍一領每遇會則以付質庫兩家內相各紡績出之遇後會復然數數為常然窺其所與客率英奇磊砢每縱談詩文達旦家人咸敬之勿怪也嘗集郡城友人水樓酒盡燭滅坐暗中各許誦所熟書某經某史則應聲如流曹秋岳先生讌歸經其處大驚翼日親訪之招至家架列萬冊指之曰此非不足君所乎自是諸子得益讀所未見書君尤所器重遂稱弟子焉先生賦春草詩和者徧江左謂人曰得李生作庶令老懷一洗乎後郵寄四章定為壓卷即集中所存是也君詩清空一氣如姑射仙子吸風飲露詞則盡掃曰科獨露本色曹舍人升階歎為稼軒後身

余讀其桃鄉諸調雖稼軒不逮也善爲排儷之文陳太史其年錄其所著補袍集示吳太守菌次曰江左有李君吾與若不當韜筆邪在滇時有香草居詩五卷未邊詞二卷在六家詞中其未刻詩詞及補袍集花南老屋歲鈔各若干卷藏於家嗚呼以君之才不及中壽溘死殊方天之阨之爲已甚矣

君生於崇禎己卯正月十一日康熙己巳三月十八日卒於福州壽五十有一訃聞子昌後奔赴扶輿歸葬於祖阡之側配錢氏半完先生女也繼倪氏子昌後錢氏出亦能文繼父業云

香草居集墓誌

三

華亭高層雲撰

香草居集七卷 浙江巡撫  
採進本

國朝李符撰符本名符遠字分虎號耕客嘉興人是集後有其從孫菊房跋稱所作詩詞刻於滇南者曰香草居詩刻於金陵者曰未邊詞未刻詩詞曰花南老屋集排偶之文曰補袍集後補袍集寄於峇城胡具慶家遂亡其木花南老屋集亦僅存詩一冊此集卽菊房以香草花南二集合爲一編凡古今體五卷第六卷以下爲詞卽所謂未邊詞也符早受知於曹溶得讀其藏書又與朱彝尊等結詩社故其學頗有淵源詩則詞意清婉似源出於范成大與彝尊等格又異焉



寶菌堂遺詩二卷

〔清〕趙執端撰

上海圖書館藏清乾隆刻本

附《四庫全書總目·寶菌堂遺

詩二卷》提要

序

天鍾六義之盛於

昭代吾師漁洋先生出

焉天下稱詩者莫不望

走新城而先生又接引

不使一章之姜一白之工

輒為之低回嗟賞士之

因以成名者多矣亦有

音塵不接而私炷瓣香

或全豹未窺而希風託

響何其盛也趙君緩庵  
為先生甥有自出之親  
其於詩也亦然剪裁浮  
華擺落庸近思清而不  
寒語質而不滯一切纖

媚傾側之容噍殺怨慙  
之氣流宕輕險之習詩  
家每倚以攻才緩庵獨  
無所染視其舅氏之風  
雖波瀾小狹神妙難臻

若夫枝質立幹所謂具  
倖而微良由平時浸灌  
久而熏蒸徹非外間私  
炷辦香希風託響者可  
同日而論也嘗觀古之

作者往往為不自量者  
所見詆嗤王楊盧駱李  
杜韓歐俱不能免然不  
爾亦不足以為作者人  
於吾師向往固多反啓

者亦間有集中過漁洋  
公舊邸云笑兀龍門群  
仰望飄零宅相獨徘徊  
依然萬壑朝宗在不禁  
蜉蝣撼樹來讀之有同

序

四


慨矣令嗣芝庭梓行先  
集請序於余余為之在  
齊言齊吾師之作辟猶  
岱岳緩庵之數則似云  
亭欲封岱者先禪云亭

雖高卑大小不同而神  
氣流通由此達彼莫不  
於是天下之望新城者  
蓋亦假道於斯集哉  
乾隆三年歲次戊午清

序

五

和月既望北平黃叔琳  
拜手序



寶菴堂遺詩 上卷

新城漁洋老人批點 淄川李希梅際評

博山趙執端綏菴譔

五言古詩

登鹿岑

咫尺近名山。十年勞結想。高齋窓下臥。時時挹  
朝爽。每欲謝塵氛。浩然成獨往。非攜素心人。何  
能遂幽賞。清晨入谷口。剡嶂烟蒼莽。萬轉出谿  
衍。風木忽開敞。巉巖蒼翠姿。離立森相向。竦起

鹿岑峰。直與青天黨。峻削千仞高。一席平如掌。  
登臨挾羽翰。把杯洗骸骨。極目夕陽時。煙嵐千  
萬狀。霜林雲錦張。清泉琴筑響。平生五嶽志。能  
着屐幾兩。欲去還悵然。策杖當再訪。

雨中登清音閣

抱病久杜門。偃蹇過三伏。朝來中酒臥。松窓風  
謾謾。颯然魂夢清。風雨灑修竹。頓覺失炎氛。秋  
光已盈掬。振衣池上樓。聊以爽心目。斜陽間夕  
霏。白雲半山腹。遙見簑笠人。烟中鞭轂觸峰嵐。

忽明滅。草樹如新沐。凭闌思浩然。清吟慰幽獨。  
漁洋老人曰。其  
源出于二謝。

題靳秋水畫卽送之歸

溪流潺潺沙禽飛格格。深秋樹盡黃。晚霞天  
半赤。懸崖接斷橋。修篁連竹柵。林間戴笠人。臨  
流坐磐石。彷彿繡江頭。扁舟曾掛席。偃蹇臥荒  
山。烟霞幾年隔。披圖訝風景。題詩感夙昔。江頭  
有敝宅。與子居偈仄。逝將泛宅遊。來往同晨夕。

雨中招光仲韜

泉聲繞庭戶。蒼蘚被堦生。窮巷泥活活。幽居寡  
送迎。重門寂不戒。惟聞鳥雀聲。高臥恣偃蹇。一  
杯還自傾。窻前竹蒼翠。牀上書縱橫。閒適多幽  
趣。寂寞生離情。忽憶同心人。數武隔層城。此際  
吟應倦。蕭然無所營。何不攜蠟屐。一來款柴荆。  
共把尊中酒。同看晚山晴。

讀仲韜東臯集詩漫題

束髮慕通達。咄嗟二十年。五穀不能分。安知衣  
食端。瓠葉與槐花。所遇良迍邐。舊業浸以荒。五

歌成石田賢哉北郭生。邱壑甘棲盤。戴笠狎風雨。負耒乘雲烟。犯曉腰鎌出斜陽。飲犢還輟畊。古原上長吟秋樹前。新詩亦已清。歲功良足觀。顧我無所成。壯志徒頽然。願爲沮與溺。耦耕南畝間。

漁洋老人口五言皆有源流非漫作者

病中再讀仲韜近詩賦贈

臥病自杜門。寢興惟一室。紅葉與黃花。負此三秋色。強起偶行藥。循檐曝朝日。觸緒發微吟。支

上

王

頤還抱膝。緬我二三友。無人來問疾。還臥欹枕。眠信手翻殘帙。忽得冰雪文。雅誦疾如失。伊余寡交遊。名流少相識。襟沓醉翁門。紛紜無足述。何期儔侶中。英妙君特出。氣欲凌秋旻。思堪探月窟。抱此神仙才。南山甘隱逸。凌晨出扶犁。薄暮還操筆。寒瘦寫窮愁。慷慨滿胸臆。掩卷起長嘆。落葉增蕭瑟。

月夜望雲門山雪

百尺浮雲端。晃朗如銀闕。雲際起芙蓉。海底飛

雙月十里下天風。廣城落殘雪。

西城別墅十三詠爲阮亭舅氏作

石帆亭

崑際結孤亭。怪石如帆狀。狂飈盡日吹。輕舸難蕩漾。安能泛宅游。乘之破巨浪。

樵唱軒

把卷納涼颺。高臥軒窗下。風送遠歌聲。深林隱樵者。却憶鹿門人。千古傳風雅。

半偈閣

三乘若河沙。如何偈曰半。悠然萬象空。蒲團意蕭散。但足悟無生。楞伽何必看。

漁洋老人曰少年人具大智慧

大椿軒

九州且遷變。朝菌安足論。大椿一何永。千歲猶朝昏。固知鍾獨厚。非徒拙者存。

雙松書塢

參差庭際松。蚺蜥龍鱗老。種植始何年。蟠根皆合抱。夜半怒濤多。松子無人掃。

小華子岡

上下華子岡。佳句傳摩詰。小築仿佳名。連岡出  
山脊。坐間犬吠聲。悠然從所適。

小善卷

夙聞離墨山。常懷善卷洞。裕、衍、一、罇、中、清、幽、堪、  
伯仲。雲深客到稀。盡日無迎送。

春草池

當年謝康樂。獨登池上樓。池塘生春草。佳句難  
多求。離群昔所嘆。兄弟當綢繆。

漁洋老人曰。孝友  
之言。風雅根柢也。

三峯

笑兀立三峰。挺然出林表。晚留落照多。晨接朝  
暉早。神山未可求。海上徒縹緲。

嘯臺

嗣宗千載下。孰聞鸞鳳音。我訪西城客。清音出  
綠岑。仿佛蘇門響。令我滌煩襟。

石丈

具笏而再拜。千秋傳米顛。不審當年石。何如此

五

巍然雖愧嶽崎人。亦與相周旋。

竹徑

琅玕風過處。拂地無纖塵。一徑綠陰中。迎人白  
鶴馴。往來不辭數。却愧羊求人。

綠蘿書屋

綠蘿蔽軒牕。每過歡詩酒。白雪和誠難。格格不  
出口。敢慕相宅人。豹奴慙似舅。

漁洋老人曰。好  
正是似舅處。

雨後過田間作

六

雨歇見斜陽。斷虹猶飲澗。蠟屐過石梁。遙天明  
遠電。樹杪亂泉鳴。噴薄飛匹練。風激老松枝。飛  
雨灑人面。桑麻已可望。荷鋤詎辭勸。

漁洋老人曰  
起佳。

題山亭秋興和王義文

山翠環茅亭。霜林當返照。中有搖落人。憑闌恣  
遠眺。吟向沈寥天。悠然發長嘯。

送王慈叟返揚州

花落絮飛時。黃鳥方求友。何事朝來筵。忽作別

離酒。澹落三十年。遺經聊自守。棲遲畎畝中。朋儔曾未有。夫子東南來。文譽重山斗。豈期傾蓋間。忘年收敝帚。飄唱閱冬春。今古互彈叩。卽事寓箴規。意真情彌厚。歸興忽飛揚。遙指隋堤柳。但保歲寒心。不惜暫分手。君雖矍鑠年。攻文忘白首。秋風應薦鶚。何至終難偶。明春東道來。相見定非久。

荅仲韜見示之作卽用來韵

連日心緒惡。兀坐淚如湧。故人特見過。慰唁出

新詠。念余數逋。邇天親無一全姊妹。兩三人相繼。皆歸泉。伶仃骨肉盡。煢煢誰與同。獨對几筵前。灑血來悲風。吟君句清絕。入懷若明月。沁人心肺中。休戚非秦越。我腸千萬結。難爲吾友道。翹首暮雲端。太息孤飛鳥。

青州逢李奎章

我性耽踈懶。歲不入城府。冰雪滿道途。跋涉誠勞苦。蕭然廣城中。寥寥無可語。豈少杯酒歡。沓襍難爲侶。君從何處來。疑向夢中遇。契濶難具

陳抑鬱當盡吐。錦湖烟雲鄉。顏山山水窟。兩處草堂靈。深慙各相負。

過郡城友人繡佛軒

高軒竹樹陰。景物殊幽絕。戶對奇園松。園爲衡窓掛雲門。月虛堂午磬清小。沼荷香發坐來豁。煩襟幽懷若冰雪。

漁洋老人曰  
字清綺

淄河道中卽目

澹日映寒山。積雪曉初霽。北風萬木號。孤村門

盡閉。輾輾牽車人。涉水尙未濟。

望浮山雪有懷劉世其

飛雪滿浮山。亭亭如玉立。中有冰雪人。崑棲結茆室。我望山中雪。遙辨雪中村。青青松竹色。掩映君家門。懸知君此時。高吟對飛雪。僵臥無送迎。誰爲伴清絕。而我走寒烟。空懷對榻眠。過門不相見。何異剡溪船。

希梅先生曰  
起絕  
真不食烟火語

和秋谷兄拯溺蟬

亭榭遶清溪。臨流多古木。鳴蜩嘒嘒聲。因風時  
斷續。如何一點瑕。玷此千頃玉。豈因糞壤質。欲  
向清流沐。得非吸露微。飲河求滿腹。浮沉若徇  
祥。鳴噪誠局促。乃蒙垂手恩。得就秋陽暴。暫向  
掌中行。肯依籠內蓄。翩然曳聲飛。去人恐不速。  
慢托仙靈姿。僅無蜂蠆毒。猶勝中山狼。君應當  
自足。

燈下讀王粲邨登高詩因簡

青瑩一鐙下。偶讀登高詩。直上千仞岡。大放瑰

九

麗詞。感秋發高興。臨風悲髣髴。迴思此日中。未  
得相追隨。壺觴雖兩地。酩酊應同時。佳節去堂  
堂。彈丸一月期。甌中離披影。折殘霜菊枝。悠然  
几席閒。未覺秋香衰。君舅如可賈。還來把酒卮。  
送兒輩讀書西山之作

傳家止清白。耕讀乃貽謀。遺經空在櫝。蹉跎成  
白頭。世風日以替。門戶誠堪憂。我已不負薪。敢  
思破烟樓。殷勤望爾輩。豈有非分求。剽竊盜聲  
聞。佚樂從嬉遊。譽兒固可嗤。責子吾亦羞。遣爾

負笈去。閉戶西山陬。山中無聞見。遶屋皆田疇。  
如農不力穡。何以望有秋。

希梅先生曰  
超曠

同穎長弟小飲明水泉上遇呂鐵山自大  
名歸漫成長句

竹樹何清幽。水鄉未甚旱。偶來布瑤席。晚涼楊  
柳岸。紅塵數騎來。驚看一咲粲。真成意外逢。且  
作俄頃伴。爲言千里行。所至悲雲漠。時序有乘  
除。交親多聚散。一尊聊盡歡。暫忘憂荒嘆。

十

訪連城別駕

喧闐帝城裡。甲第如魚鱗。懷刺成湯滅。野性何  
能馴。故人一以別。兩載音書頻。到門童僕喜。登  
堂兒女親。情話備依依。倉卒難具陳。相看鬢髯  
改。同道多艱辛。庭際上微月。東指顏山雲。回憶  
四年中。無間夕與晨。山行常聯轡。狂吟每夜分。  
風流不可再。儕侶皆離羣。今夕如夢中。歛衽良  
無因。丈夫貴久要。白首當如新。昔時相聚客。惟  
僕與使君。萍踪難重期。不惜多逡巡。



同二十七二十七弟北齋夜坐作因寄  
大兒

杜門過三伏。滿徑青苔荒。池荷經雨後。翠蓋參  
天長。斜陽落高樹。孤亭生夕涼。青桐蒼柏間。微  
露新月光。悠然布瑤席。列坐曲水旁。科跣無拘  
忌。瓜果雜杯觴。叩彈經與史。講論農兼桑。弟兄  
中年來。此樂安可常。阿連謂十弟擁臯比。無棣天  
一方。決計返初服。晨昏侍北堂。追言別離情。十  
載多感傷。悵然望河漢。遊子猶漁陽。

景州道上却寄大兒二首

殘星猶在天。征衣犯霧露。豈不愛相依。異鄉難  
久住。回首獻王陵。渺然隔雲樹。我來暫相見。期  
爾常安素。清白本家傳。邯鄲當學步。寄此當箴  
銘。勉旃無自悞。  
我行燕齊道。來往二千里。連年困水旱。凋瘵猶  
未起。汝今效催科。鞭朴安可恃。况無芻牧權。京  
兆三日耳。但無誹謗。敢望歌誦起。縱切功名  
心。無貽父母恥。

寶蘭堂遺詩

新城漁洋老人批點 淄川李希梅參評

博山趙執端緩菴譔

七言古詩

龍山驛道中

如龍奔馬塵飛揚。金鞵玉勒駝紅妝。文書來去  
似星火。逍遙車騎方徜徉。二冬連歲無禾麥。又  
復經春乏雨澤。側聞宵旰極焦勞。發帑運粟多  
經畫。紛紜旌節出皇都。展轉流亡塞道途。本爲  
飢荒盈稷下。反教歌舞滿明湖。清歌妙舞常霑  
醉。馬前鞭撻饑民避。夜來微雨不成泥。飛章密  
奏稱祥瑞。

暫歸再返陽邱題旅舍壁

匆匆前日顏山去。明月清霜天未曙。匆匆此日  
繡江來。積霧陰霾黯不開。去來三日何潦草。馬  
蹄倦踏陽臺道。何時歸去臥荒齋。明日盈憲起  
嫌早。

題趙承旨戴安道破琴圖

君不見市上碎琴陳伯玉。一時慷慨驚流俗。更聞絃斷伯牙琴。高山流水甞知音。何似戴公風落落。冥鴻一舉翔寥濶。迴瀾剡水至今流。髣髴斯人如可作。寫生妙手水晶宮。子昂自號水晶宮道人意翛然尺素中。遙想經營慘澹處。手揮松雪鼓孤鴻。孤鴻見子昂詩

題王岐遠表兄洗硯圖 禹尙基寫

幾年不踏西城路。夢覓日日牽雲樹。登堂握手一歡然。驚看鬢髻皆非故。童穉情親憶昔時。外

上  
士

家。梨。栗。常。追。隨。每。於。淨。几。明。牕。裡。我。學。摘。句。君。臨。池。卽。今。過。眼。雲。烟。變。南。鴻。北。燕。稀。相。見。風。塵。我。久。廢。吟。哦。潦。倒。君。還。踈。筆。硯。燈。下。偶。披。洗。硯。圖。依。然。鬢。綠。顏。猶。朱。笑。向。坐。中。年。少。道。衣。裘。能。識。此。人。無。鴻。臚。下。筆。稱。神。妙。三。毫。頰。上。真。酷。肖。齒。豁。頭。童。漫。自。傷。卷。中。留。得。當。時。貌。不。辭。盃。酒。話。綢。繆。後。會。從。今。又。幾。秋。好。手。何。時。能。再。遇。更。圖。二。老。亦。風。流。

病酒簡蕭翁

君不見李青蓮。至今人道酒中仙。興來斗酒詩百篇。風流千載猶宛然。人生何事差強意。惟此清者之聖濁之賢。一石一斗均成醉。何必如鯨吸百川。昨來我飲不盡器。眩然紅綠殊昏顛。四肢如墮雲烟裏。闕闕兩耳鳴秋泉。不聞十日平原飲。幾作中山千日眠。漫採葛花圖進戶。反教學步成邯鄲。先生簪日推豪飲。清齋獨醒常終年。忽聞見獵亦心喜。猶如蘇晉醉逃禪。不聞螟蛉與蜾蠃。一嘔酣睡繡佛前。從今相對但啜茗。

上  
五

莫教饒吻還流涎。煩君戢除勿弗道。此生却斷孟中緣。

董餘庵自灤下歸同光仲韜家季頒與期

芸章見訪忽大風雨遂下榻

董生觸熱灤下回。欲慰相思過我來。諸君輻輳一時至。甫坐未語聞驚雷。堦前艸木齊作聲。電丙樓臺時滅明。漉漉頃刻成泉湧。茫茫大地如盆傾。窅然四座無人語。董生慷慨獨起舞。放歌直與霹靂爭。飛電庭中時繞柱。夜深泥淖客難

別斗酒淋漓爲君設一任驕龍作怒威且聽精言如玉屑

小除日集十三叔父齋次八兄食海鮮酌悠悠斯世由臧否吾生萬事甘蓬累止酒堪慙老態生齒不飲吟詩未覺名心死年來閉戶謝交遊問字時惟親杖履日月真同赴壑蛇屠蘇守歲還集此蠅房遙致美而鮮新釀初熟清且旨縱飲豪歌敘樂時衆醉獨醒心亦喜涓滴何妨未入唇沾濡已得頻染指但教俗物眼前無

一任談鋒平地起野蔌山肴足合歡安能每食皆四簋拈兄高唱句雄奇忻然摘筆還操紙相看一笑懺除休君不問人生識字憂患始

希梅先生口隨筆縱橫無不如意幾到不用心處

題吳正子孟尚弟合作楊處士移家圖

吳生作畫遊刃餘小弟丹青能與俱寒宵清話同圍爐典來合作移家圖荷篠急足先登途累累若若攜殘書杖頭高掛惟匏瓠愛詩貪酒良所須羸羊齟齬奚童驅後來襁負相追趨迴眸

反手如招呼抱琴被髮爲女奴風姿娟好無粉朱不嫌頭亂兼服粗長髻擔負觴與壺紛然敗簾襪籬條蹣跚無力強拮据契玄處士方騎驢據鞍傲兀拈吟鬚簑衣詩獻承明廬得非欲賦歸耕歟簑衣詩歸耕賦四婆稚髻衣無襦烏犍高踴將雙雛酸寒自若清而腴當年誰貌山澤癯形容果不如斯夫蠹零絹素猶存無後村跋語應非誣花藏菊繞傳東都梅妻鶴子稱西湖同時名士多菰蘆清風高致人人殊兩君雅志

能規模吾興吟詩方勃如

希梅先生口風流跌宕通體醇神似眉山又曰結得超妙

短歌二章送吳正子之新城謁王清遠石丈

傳神阿堵三毫具妙寫峯巒與烟樹真見吳生遠擅場誰言好手良難遇自笑形骸土木同何妨置我崑穴中此去相逢寫佳士仙姿濯濯見王恭  
黃海山人王石丈筆端逸氣如雲上眼底紛紛

誰與同。惟君潑墨堪相仿。入林把臂定歡然。好  
看倪迂配米顛。想見石帆亭子裏。揮毫相對起  
雲煙。

人日招十七弟

新年涉七春。氣弄滿庭積。雪初消。凍檐溜。綿綿  
琴筑音。擁書獨坐醺。雞鶩遣與思。吟人日詩勝  
情。如得池塘夢。吾家令弟負清才。萬事無情惟  
誰前。支頤抱膝每幽吟。詩成遙遣奚奴送。命筆  
忻然聊唱酬。赤腳來回不旋踵。紛紛酒肉繁華  
時。作此寂寂將安用。填喧。簫鼓。榜。蒲。豪。平。生。不  
解。非。違。衆。枵。酒。辛。盤。尙。有。餘。圍。爐。清。話。還。堪。共  
休。辭。曳。杖。一。衝。泥。舍。子。其。誰。相。過。從。

希梅先生曰筆意超忽  
如見蕭翁自紙上躍出

和十三叔父元宵大雪

五日雪深及牛目。寂寥燈火絕微燄。真將力弱  
笑東風。見底用餘威。假北陸。閉戶幽人方晏  
如臨窗呵硯獨抄書。好事難逢洛陽令。柴門委  
積若爲除。

十七弟見和詩有鑒裁君類無功兄之句  
賦此答之

我愛王無功。天懷能縱誕。世事紛綸咸不嬰。惟  
言美醞真堪戀。東臯來往自藥牛。有酒相招無  
賢賤。鳳不憎山棲。龍不狀泥蟠。兩語較文中。元  
方亦覺爲兄難。吾弟清齋常止酒。臧否還能不  
掛口。如何雅志守三緘。又欲高風希五斗。無心  
我性本疎狂。戶小從來怯醉鄉。與君日日堪相  
對。久已學暗慕子光。

希梅先生曰  
跌宕自喜

九

大兒憲次余入日韵因三用之并送其入  
山

憶昔初年不好弄。幸承舊德無飢凍。幾年中落  
嘆蕭條。壁立何堪賸繩甕。感興時爲長短吟。冥  
心不作繁華夢。手澤先人萬卷餘。自慙老大難  
成誦。護惜真如頭目同。肯付蠹魚輕斷送。但使  
書香無斷絕。敢望科名相接踵。眼前坐致青雲  
人。殘編斷簡皆無用。頭角崢嶸豈足誇。行商坐

賈紛紛衆退修今日有王通喜汝年來風雨共  
好攜敝簾未讀書深山筆硯還相從

希梅先生曰何其語也若援東坡  
書子美屏詩例便欲霸爲已有

次十三叔父初度見示韻

舉世營營不暖席高天厚地皆偪仄丈夫落落  
忘溫飽老大方能顏色好一編手把自徜徉何  
事憂心常悄悄臣叔耳順年抗志惟希古著述  
紛然已等身眼前萬事同塵土博覽冥搜良苦  
辛凌雲健筆語常新殷勤再拜韋弦佩清白休

忘貽子孫

人目寄十七弟

前年人日如席雪圍爐清話真幽絕去年人日  
送公車把酒燈前同惜別回頭歲月壑藏舟咫  
尺山川望棣州閑窓獨坐空相憶人日今年始  
欲愁

二月四日晝晦

狂風捲地號通夕密房曲室塵盈尺日將卓午  
猶冥冥濃雲四塞光黃赤盛朝和氣自弭災定

知雨露清氛埃奔陋未習五行志一醉昏昏且  
沉睡

和咏鳩

和風暝日天初晴何來屋脊鳴鳩聲決起榆枋  
勢奮迅爲鷹搏擊心猶萌嗟彼鵲巢忽據有餘  
威時逞還逐婦焉能桑椹熟經年使爾昏昏常  
中酒

夜雨次十三叔父韻

田垌紛如龜兆亂雲霓經月澹河漢已盡草根

兼木皮焉得菁羹與橡飯儼然無麥復無禾中

夜愁思空待旦殘春暘熱苦驕陽晚涼靜坐猶  
揮扇入耳忽聞屋瓦鳴踈雨蕭蕭灑庭畔霏微  
初似颺遊絲淅瀝漸如墮花片阿香聲急喜滂  
沱眨眼何期作還問輕塵雖溼未成泥空有濃  
雲堆四面須臾變滅逐狂飈涓滴檐前聲漸慢  
仰看天宇無纖翳指點南箕光璀璨朝來里巷  
互傳聞沾足何方疑信半還期俗諺慰農人新  
霽朝霞猶隱見

顏魯公祠和王棗村

豬龍一旦成。哭豕十萬漁。陽平地起。從風河北。  
盡披靡。蕞爾平原作。堅壘奇功。真與李郭齊大。  
節還堪。張許比。區區希烈。豈強鄰名。節非公誰。  
可使不憶先公。傳首時面。血淋漓。親口。虀倉皇。  
偽詔賊中來。猶說老臣罪。應死高臺。寂寞沒荒。  
榛遺廟。淒涼照寒水。行人瞻。琴恨何窮。範鍊何。  
當鑄盧杞。

送二兒慰省試戲次八兄原韵

半生碌碌慙溫厚。無成一事將衰朽。田園未免。  
嘆蕭條。詩書尙幸能株守。敝廬梁棟宛芝痕。海。  
內傳名百年久。名場老我枉奔波。輸粟還思覓。  
升斗。汝兄偶賦鹿鳴詩。先子仁人應有後。長安。  
垂翅却空歸。依舊藏頭棲甕牖。年來時事倍艱。  
辛。往往支撐多露肘。秋風轉瞬又槐黃。倖可邀。  
天。豈屢有但能無懼。似孟施常思毫挫。如宮黜。  
笑吟汝伯贈行詩。衆曰唯唯余否否。

讀十三叔父王丕哉先生新墳記異詩偶

成

青鳥之說何渺茫。營營舉世如顛狂。葬經流傳。  
郭璞作。至今汨沒江中央。王翁新墳事奇絕。世。  
無匹。不聞倒杖佳。未見眠牛吉。佳城一啓儼生。  
成。何異滕公居此室。願學荷。錦劉伯倫。願學裸。  
葬楊王孫。幾多翁仲埋荒草。零落無人識墓門。  
贈淵如上人 故友韓子德父

昌黎昔日論佛骨。竭交無本兼高閑。墨言儒行。  
非兩義。先生高致將同然。一旦蕭然謝塵埃。宗。

門蹴踏成龍象。水田新置七條衣。方竹還攜三。  
尺杖。浮夢紛綸何日醒。偶來蘭若聽風鈴。惘然。  
魚鼓清音裡。忽憶論文在鯉庭。

寶蘭堂遺詩上

寶蘭堂遺詩

新城漁洋老人批點 淄川李希梅泰評

博山趙執端緩菴謨

五言律詩

雨中同諸兄弟飲白雲泉上送秋谷兄之

粵

急雨襟泉聲。西風送鴈鳴。遠遊雖壯志。感別亦  
人情。萬里尊前始。相思轉面生。他鄉憶諸弟。春  
草句應成。

漁洋老人日用事入化

途中

殘陽留樹杪。片月已當空。天意欲作雪。四山雲  
氣濃。荒原衰草白。野燒隔林紅。遙羨山居者。關  
門落木中。

讀徐東廬集集為家舅漁洋公所刻

貧賤交方見。死生今又分。調雖歌白雪。名是附  
青雲。劍氣誰能識。瑤琴每見焚。孤寒堪下淚。此  
事久難聞。

春日過龍泉寺二首

兼旬惟閉戶。偶爾過叢林。花氣來籬外。經聲出  
柳陰。堂堂春又去。兀兀病偏侵。半載拋詩卷。開  
懷一放吟。

招提多野色。觸目盡清幽。垂戶柳青眼。飜經僧  
白頭。空庭花亂落。碧水交流流。不淺濠梁興。擬  
將物外遊。

酬羅文城孝廉見過之作

福性無迎送。高車枉草堂。彈棋清晝永。把酒落

花香。避俗從吾懶。清言愛爾狂。可能常見訪。夜

雨話聯牀。

過張峪泉贈山居者

茆茨崑壑裏。寂歷遠塵氛。友結蒼髯叟。吟同抱  
節君。牕中懸急瀑。檐底宿歸雲。偃蹇誰相問。讀  
書常夜分。

得劉治公書却寄

聚首時何少。分攜歲又更。書來孝婦水。夢到薄  
姑城。老大君華髮。窮愁我瘦生。前期憐復悞。寂

冥遠含情

贈聶如園先生二首

先生狀朝市。自製道衣新。詩伯爲禪伯。高人作上人。巢鳥隨磬下。林虎聽經馴。攜笠何方去。寥寥隔世塵。平生慕禪悅。如夢未能醒。自愧塵中境。寧知風外鈴。遨遊孤竹杖。工課兩函經。結願終當遂。與君寧徑庭。

送弁山五兄之池上山莊

明知非遠別。執手亦悽然。何以況離緒。漫天飛柳綿。預憐今夏雨。無復對牀眠。池上登樓處。君應夢意連。

漁洋老人曰  
一氣如話

前題和羅文城韵

深山元僻靜。長夏景逾幽。老樹千章合。鳴泉百道流。妻孥堪共隱。鹿豕可同遊。讀罷無餘事。還登池上樓。

訪韓子固村居

一徑桑柘綠。脩然人跡清。過牆新竹色。隔院讀書聲。偶爾停驂入。還勞倒屣迎。交情慰契濶。濁酒好同傾。

訪王清遠表兄不過

斜陽滿別墅。高柳暮蟬聲。爲訪幽人至。空煩稚子迎。明窓當畫掩。細草上堦生。惆悵空歸去。羸驂亦嬾行。

郡城邸舍卽丙子舊寓前題絕句猶存壁上感而賦此

重來門徑熟。樓托若歸家。猶有牕前竹。新栽檻外花。拂塵看舊咏。把筆感年華。未許頭顱改。君安得碧紗。

望春同羅文城作

兒女經旬病。胃襟得未開。不辜攜酒約。結伴望春來。噤噤初回雁。橫斜半落梅。邇來閑日少。莫負掌中杯。

初歸山中却寄郡中諸子二首

晴窗忽聞雨。蕭然枕簟涼。披帷來少女。掛樹走



群羊堵竹窻中綠。池荷午正香。關門無客到。盡日不冠裳。  
縱纖纔能脫。溪山倍覺幽。垂簾縱高臥。行藥任閑遊。  
梧下談揮麈。竹邊吟倚樓。新苔堆徑綠。經過憶羊求。

繡江亭 今廢爲寺

長白山前水。遺山舊此遊。我來閒眺望。小立暮江頭。  
沙渚荷衣冷。招提暮靄浮。因知名勝蹟。翻借昔人留。

立春前一日作示仲韜

冬殘春欲至。逆旅感年華。欹枕夢猶客。題詩心到家。  
愁深更漏永。談久月陰斜。不得平安信。寒燈枉作花。

自和前韵

早。是。春。風。裡。懷。歸。髻。欲。華。病。多。漸。知。藥。客。久。習。成。家。  
向。暖。冰。文。解。歸。鄉。鴈。影。斜。遙。憐。故。園。畔。取。次。百。般。花。

歸宿湛汪莊感懷次仲韜韵

猶記同來夜。秋涼露滿衣。今朝重到處。春雪正霏微。  
不但殊風景。還憐人事非。傷心雲外鴈。嘹唳一行歸。

漁洋老人口感  
慨在筆墨之外

章邱道上逢仲韜感賦

去年風雪裡。此地往來頻。何意傷心處。重逢共事人。  
胡山殘雪映。江岸柳條春。不是因離別。臨歧淚滿巾。

哭董餘菴

幾載聯床會。無忘風雨時。篋中留舊草。壁上尙新詩。  
不起文園病。難禁宋玉悲。寢門今一哭。從此咽朱絲。

初夏閒居

閉門耽寂寞。幽賞逐時增。綠竹扶紅藥。青松架紫藤。  
靜如棲谷客。閒似罷叅僧。下澤車雖在。經旬出未曾。  
偶喜羊求迹。茶瓜亦可留。風林不受暑。水榭坐忘憂。  
窻底青鸞尾。堦前碧玉流。蕭蕭過微雨。寥

澗似新秋。

青州寓舍感懷

歲歲同遊處。今朝我獨來。空堂無案几。滿壁賸塵埃。薄酒寒仍酌。殘書悶更開。題詩寄兄弟。想見此徘徊。

同宋柱龍夜坐

高對足涼颼。茆齋月上遲。夜深槐露滴。談久竹陰移。聚散雲無定。升沈事豈知。他時懷此會。清夢隔狼溪。

水名在東阿

送宋柱龍返東阿

結屋魚山側。烟霞與世忘。雲車感神女。洛賦憶思王。烟壠扶烏犢。晴窓寫硬黃。躬耕與還讀。淪落亦何傷。

湛汪莊晚步

林塘新過雨。浦澈夕陽微。半嶺牛羊下。沿溪鷺鴨歸。水邊荷芰屋。林下薜蘿衣。歲歲曾來處。還登舊釣磯。

生日感懷

對鏡責頭顱。依然是故吾。深慙拜慈母。聊喜引雙駒。觸竹才華減。浮沉壯歲徂。一杯強自解。不用嘆泥塗。

雨中十二弟見示新作有遙知紅雨山房主。曳屐花前有放吟之句。作此荅之。

修篁猶滴雨。窗外暮雲濃。閉戶無工課。衝泥少過從。花光就零落。詩興久踈慵。欲曳尋春屐。遲君策短筇。

御帳崖觀瀑

峻削層峰頂。飛流濺素波。千年留御帳。一派落銀河。禪道蒼松古。春風玉輦過。香爐下飛瀑。視此竟如何。

磨崖碑

開元全盛日。封禪紀雄文。碑削崖千仞。書傳字八分。風雷留石髮。烟雨滿苔紋。輦道蒼松裡。朝朝空白雲。

徂徠道中

萬壑峯巒裏。猶存守道祠。清風半山竹。遺蹟斷

橋碑雲與泰山接。泉臨汶水汨。逝將棄塵俗。來此搆茅茨。

聽家文河孝廉彈琴

藉草復橫膝。披襟松下風。悠然山水趣。聊以寄絲桐。老樹墮霜葉。寒空鳴斷鴻。待將絃外意。領取月明中。

漁洋老人曰  
的是清才

送李奎章返博興兼懷賈吳寅王介士

喜逢殊意外。惜別遽匆匆。歲暮還家處。孤舟雪

上

三

滿篷清齋摩詰老。吟苦閬仙窮。爲道長相憶。懸知兩地同。

雨夜

燈下成獨醉。聊教懷抱寬。竹窓漸瀝雨。徹夜送春寒。欹枕夢初破。微吟更欲闌。明朝有華髮。愁向鏡中看。

哭中郎二首

中外爲兄弟。交情獨有君。未能婚嫁畢。何意死生分。零落書連屋。消沉氣若雲。平生豪舉意。寂

寞向孤墳。

鴈影悲中斷。先姊亡已三年逢君淚幾揮。人間未偕老。地下遽同歸。二老年華邁。遺孤生事微。九原應不瞑。何以荅春暉。

金嶺驛紀夢

不是稠桑路。何緣到夢邊。寧知成隔世。猶說別經年。牕敞明花影。簾垂裊藥烟。擁衾思往事。難禁此潸然。

獨過龍泉寺用十三叔父人日詩韵

上

三

出郭乘新霽。招提散步時。春容猶澹澹。雪意尙垂垂。誰伴斜川興。獨吟人日詩。山僧共清話。踈野正相宜。

寄方公準

昨暮風兼雨。衝泥返故廬。離群豈所願。白髮倚門問。計日家應到。遙天信太踈。偶因鵲鴨使。一寄鯉魚書。

漁洋老人曰  
清空一氣

伏日卽事

蒲扇風無力。藜床汗不乾。蟬聲伏枕聽。榴火隔簾看。杯量因愁減。詩情到暑闌。納涼何處好。長日欲忘餐。

### 耳病戲作

少年偏善病。十八耳全聾。終日鳴蟬雀。移時響磬鐘。大言惟笑領。細語待書通。却喜無聞好。人閒毀譽空。

漁洋老人曰  
一結好

### 山行迷路小憩田家

日午遠聞雞炊烟。出隔溪路從曲磴轉。始得至幽棲。茆屋圍修竹。閑庭臥短犁。野情真世外。翻恐再來迷。

漁洋老人曰如  
此等起絕佳

### 送秋谷兄之登州二首

秋氣悲搖落。君偏理客裝。霜風巨洋水。冷雨萬松堂。試看東籬菊。先含九日芳。茱萸休再誤。秋谷西東遊。句山珍重待傳觴。  
癸酉東遊句山  
中茱萸誤前期  
海市傳聞久。神靈信有無。憑空開貝闕。破浪舞

天吳。十月能重見。千秋炫大蘇。君應再一禱。人厄豈相殊。

### 同仲韜賦得星河秋一鴈

河漢霜初重。清秋鴈獨歸。愁憐明月照。自入斷雲飛。孤夢棲難穩。離羣怨未稀。南征今正急。空憶稻粱肥。

### 砧杵夜千家

刀尺送寒急。盈城砧杵聲。空堦催葉落。幽砌和蛩鳴。孤士感秋色。閑庭對月明。聽聞皆寂寞。獨

### 此更關情

### 村居示仲韜

良人惟閉戶。卜築水邊村。濁酒隨心酌。殘書信手翻。憂荒無好語。傷逝欲招魂。惟有東臯子。清詩日共論。

### 長山道中却寄王清遠

築塞於陵道。微風吹酒顏。斜陽明遠水。雨脚插遙山。兀兀連朝醉。匆匆一日還。西城回望處。樹暮雲閒。

海棠秋花

却向西風裡。重看睡後粧。偏宜新著雨。正喜未  
經霜。紅葉應輪艷。青春竟借芳。何煩怨搖落。天  
意本難量。

夏日閑居述懷步皮陸臨頓郊居韵十首

數弓城郭裏。寐歷似山居。三徑不鋤草。連牀未  
讀書。無心涸牛馬。聊復樂禽魚。盡日容科跣。誰  
停戶外車。

閑園獨消夏。誰復顧衡茅。疏水通魚窟。開簾任

上

主

驚巢。虛心求似竹。不食願如匏。寄傲南牕下。清  
陰蒨荔交。

謾謾長松下。高眠一竹牀。蟻行看結陣。蜂鬧喜

分王。機偶敲棋動。身常灌樹忙。殘書時取讀。已

悔十年強。

淺落原吾分。無心更覓知。踈狂忘世事。悠忽減

家資。儲酒因留客。收書爲教兒。朝來破顏處。稚

子解吟詩。

山翠檐端落。清流繞竹扉。三閒黃蔑舫。一領綠

簑衣。觀稼偶時出。行吟常獨歸。蕭然衡宇下。生

事未全微。

抱瓮終朝汲。何煩製水車。雖無千樹橘。亦有百

般花。敢慕高人隱。真成老圃家。新移廊下竹。恰

喜雨如麻。

少年矜意氣。鱗鬣漸摧殘。豹已聊窺管。魚休忘

上竿。擁書過南面。戴笠勝彈冠。雖愧鸞凰遠。羞

隨雞鶩壇。

任運騰騰好。烏巾上有天。一生無用木。萬事不

止

主

鳴蟬。安命常看易。冥心每覈玄。自知寒骨相。端

合老林泉。

司空表聖詩烏紗巾上是  
青天檢點酬知四十年

索居非謝客。何似雀羅門。修竹從遮徑。虬松半

露根。遣愁書滿屋。祛暑酒盈盆。自有常供給。蔬

畦長芥蓀。

行年三十過。書劍一無能。縱使頭當責。寧教面

可憎。自全麋鹿性。不羨鶴書徵。一卷松陵句。閑

吟自枕肱。

問蟬

踈簾便高枕。冷然破午眠。空庭新過雨。深樹乍聞蟬。餐露腹難飽。避螳聲可憐。無停號太苦。何似不鳴全。

和十三叔父苦雨韻二首

欹枕松風裡。悠然午睡酣。俗難來眼底。愁不到。看尖酒可隨心酌。詩惟信口占。誰能爲獺祭。三萬檢牙錢。

望雨心方愜。占晴願又乖。泉聲爭繞戶。苔色欲披階。竹杖兼芒屨。山顛復水涯。閒遊及新霽。久厭掩高簾。

厭掩高簾

奉寄秋谷兄山居

聞說幽棲處。全家住翠微。偶同流水出。閒伴倦雲歸。既喜清心跡。還堪遠是非。相從空夙約。心事嘆多違。

索居門自閉。謠諑幾曾休。不耐煩囂迹。寧爲襍。穢遊時時覆雲雨。在在起戈矛。寄語山中客。山中可久留。時初自新城歸

希梅先生曰  
有摩詰之韵

宿先舅西樵公東堂

修篁上新月。書幌絕纖塵。獨步聞清漏。低徊感昔人。上浮留甲乙。上浮集上庭樹記庚辰三月中迄乙而止公手植尙存其一。仿髯東萊夢。公有萊州紀夢詩如何一夜東之。作清吟不可聞。

雨中寄劉世其

魂夢時時憶。書來兩慰心。遙憐耽藥餌。久已廢登臨。小圃青苔滿。荒山黃葉深。連床定何日。厭聽此愁霖。

訪李奎章村居

李侯獨臥處。十里碧湖陰。風月供高興。烟波清道心。飛揚猶故態。踈放足幽吟。最喜晴窻下。雙雙雛鳳音。

春幕始歸山居寄城中故人

潦倒三春裡。鶯花付道途。池亭閑料理。松竹就荒蕪。本少飛騰相。合爲山澤癯。毀車還殺馬。誰復識耕夫。

幽偏寡人事。喜得掩柴荆。花覆青苔滿。池浮落

絮平煩勞雖未息。心跡暫能清。方離城中客。居然禮數生。

題趙承旨畫戴安道破琴圖

剡水歌終隱。玄音指下存。寧甘碎焦尾。豈屑近侯門。漫鼓孤鴻曲。終夜起坐彈孤鴻承旨謝鮮于伯幾震餘琴詩還憐籠鳥言。昔爲水上鷗今作對圖懷子固承旨從元不與相見沒齒宋王孫。

秋日田園雜興

傲月泉吟社體社題禁用黃花紅葉及風雨等字

納稼三秋熟。田家畢歲功。雞豚賽田祖。嫁娶趁

年豐。春罷炊新黍。澆餘剪晚菘。一編衡宇下。教子讀幽風。

耽靜居郊野。秋光一徑幽。砌間聽促織。籬下見牽牛。堆田禾滿盈。筐芋粟收柿。林紅燦爛何。必橘千頭。

柴扉閑立倦。負手夕陽行。林際炊烟影。風前磬磻聲。誅茅方補屋。扶犢趁秋耕。登隴還堪喜。青麥已生。

晒日方收穀。迎霜已斷壺。濁醪聊自勞。餘粒足

官租。欲效吳翁社。慙無范老湖。村歌相贈答。識字有耕夫。

希梅先生曰四詩可繼章柳田家諸作

和十一舅贈幔亭舅登蓬萊閣韻

蓬萊仙閣迴。直上儼飛翰。放眼凌窮髮。高歌動紫瀾。烟濤生萬象。雲樹辨三韓。碧水丹山色。何因得共看。

和秋谷兄聽泉樹

曲榭原臨水。新亭更對泉。襟懷若冰雪。几席在

潺湲。眞作清涼國。還同書畫船。誰來伴孫楚。高枕北窓眠。

再和拯溺蟬

漫比蠅腸潔。幾成魚腹遊。祇應據枯柳。那可混清流。病雀空勞飼。颺鷹豈戀羈。酸吟猶在耳。已向別枝投。

春日喜王慈峨再至山中。卽欲遊燕。因送以詩。

去歲花閒別。花開正憶君。豈知花月下。尊酒復

論文聚散隨陽鴈。行藏出岫雲。那堪方握手。又欲嘆離群。

一自甌閩隔。時慈叢方自閩歸。深慙鄙吝生。時於魂夢裡。不忘笠車盟。京洛君仍客。田園我尚耕。無須重惜別。珍重舊心情。

又寄慈叢

憶昨臨岐處。田家正暮春。啼鶯如戀別。山雨解留人。千里鱗鴻渺。三年聚散頻。綠楊城郭裡。先

漁洋公句云綠楊城郭是揚州何計得爲鄰。

上

聖

慈叢寄示郊居近詩次韵却寄

好在慈叢叟。比年音問疎。遠書懷小友。近句示

郊居。且養凌風翮。終翻潛水魚。精神猶健在。未

合老樵漁。原詩有潛波魚愛隱擇木鳥知時之句

年來慙渡落。生計轉難堪。偃蹇狂猶昔。艱虞事

漸諧。持杯惟自飲。有句共誰談。虛憶金釵墜。聯

吟酒共酣。往同妓席共押釵字

迢遞揚州月。時時竟夢隨。追陪懷勝友。荒廢少

新詩。來書見新詩索新詩安得投車轄。何因折柳枝。俱來書中語

山中萸菊好。珍重九秋期。

和十三叔父苦雨韵

經月綿綿雨。何殊秋暮時。空堂惟踣壁。高詠欲忘飢。詩止呈康樂。琴思授孝尼。長城有堅壘。未敢效偏師。未用權文公語

着筆無豪句。生憎寒乞聲。歌吟聊適意。聲色豈關情。自喜塵囂遠。因之禮數生。阮公有斗酒。好爲仲容傾。

和秋谷兄咏蟋蟀

上

聖

早。是清商。至。愁聽蟋蟀聲。豈因遲暮感。故作不平鳴。志士悲歌意。騷人唱嘆情。劇憐群動息。何事獨宵征。

自山中歸却寄秋谷兄二首

幾日連牀宿。心同雲水親。他年山可買。惟願卜爲鄰。鳥語朝朝變。嵐光處處新。無須揮白羽。不

到庾公塵。

謝客惟耽寂。心閑日自長。蓬泉試新茗。選樹就輕涼。世上無丹訣。人間有睡方。家居聊自適。何



必白雲鄉

希梅先生口經  
歷有得之言

挽孫文田先生二首

組綬家門盛清風。世所稀哲兄。當國日介弟。拂衣歸久幸。瞻南極。俄驚隕少微。永康誰寄語。遺老涕應揮。

耆舊凋零盡。靈光歸獨存。又騎箕尾去。共失斗杓尊。薄宦辭彭澤。全家隱鹿門。他年高士傳。付與後人論。

希梅先生口  
老確

題王清遠清淨退

何意朱門裡。蕭條祇樹林。居然無垢相。不復有爲心。短榻枿榴枕。明窻白石琴。慙非許元度。偶爾得相尋。榴枕石琴  
齋中物也

望崇興寺寄淵上人

雪消古原上。立馬望雙林。渺渺風旛影。泠泠清磬音。暮年遂高隱。壯志入禪心。惆悵匆匆去。攢眉待重尋。

爲嶰音弟詠畫眉

似作雞窓伴。長鳴間咏詩。朦朧幽夢裡。宛轉好音時。莫厭雕籠閉。聊無野雀欺。紛紛覓毛羽。誰惜白睂奇。

雪中曹自蕙索詩漫應

三朝如掌雪。僵臥出何曾。遙念倦遊客。真同退院僧。自沽隣舍酒。誰共佛龕燈。應憶孤山裡。寒梅花萬層。

題王介士書齋

堤草綠。裙腰朱闌柳。外橋終年少車馬。到老墓簞瓢。殘帙時還讀。輕舟每自操。樂飢可終隱。多謝故人招。

送十二侄念侍二兄南遊

送爾迢迢去。行期逼歲除。蠻梅應遠寄。新鴈望來書。道路猶聞禮。團圞免倚閭。吳間風景地。漫作好家居。

夏日卽事

池臺新雨過。枕簟頓生涼。斜日明秋色。草輕風

引夜香有孫知繞膝。無客免移床。自得閑中趣。  
何嫌髣髴蒼。

過虎山下寄懷十七弟

兄弟臨岐處。經過忽惘然。雖非異鄉國。頓覺隔  
山川。官冷依微祿。家傳守舊毡。遙憐公事少。猶  
得日高眠。

寄王禹陳

音訊雖頻寄。相思未暫忘。薄遊憐臥疾。荒歲喜  
還鄉。歷落棗林熟。連蜷叢桂香。空齋對嘉對。能

不憶求羊。

次十二弟留別韻

十年離索久。何日共犁鉏。歸里成羈旅。傳家賸  
敝廬。無煩悲塞馬。幾見泣枯魚。且盡尊前酒。西  
風雁影疎。

張氏園亭訪邱敦吉

撲面紅塵裡。居然濠濮思。時邀山簡馬。何異習  
家池。竹徑曾相閉。去歲爲主人所拒名園始暫窺。無邊  
花柳好。端合媚邱遲。

遂氏園林

步屨隨流水。茆堂隱者居。堆門落黃葉。夾徑放  
紅蕖。檻外層波影。窗中列岫疎。何須多屋宇。結  
搆總難如。

題廿七弟畫紅葉樓禽圖次八兄韻

微渺孤樓鳥。一枝霜葉深。聊求藏短羽。何意赴  
高林。戢翼已飛倦。臨風休弄音。綴繒紛藪澤。敢  
忘避羅心。

次十三叔父見示原韵二首

聖

避俗身無累。耽書筆有神。史評得褒貶。詩法尙  
清真。白髮從吾好。青燈未了因。近時風雅喪。端  
賴老成人。

紈袴真堪恥。依然寒素家。遺經慙未讀。兩髩嘆  
將華。飲乏中山酒。遊無下澤車。年來頻檢束。不  
敢愧烏紗。

雨中遣悶再次人日詩韻

雪消春氣好。一雨更知時。欲洗梅粧出。將舒柳  
眼垂。蓊牀還擁褐。裴兒漫題詩。泥淖少過客。偏

於踈懶宜。

晚晴十三叔父見示新作次韵

初罷廉纖雨。輕雲上月痕。悠然清興極。頓忘俗  
心昏。庾信詩昏有俗心開卷破愁寂。焚香清夢魂。不因  
和高咏。懷抱向誰論。

聞德舍弟與憲慰兩兒自郡城却回臨淄  
別墅次十三叔父韻

文場十餘載。幾度渡清淄。落日爽鳩國。叢篁龍  
女祠。仰天齊淵俗呼龍池往來念長道。少壯憶當時。積雪

荒村靜。寂寥燈火期。

和十三叔父讀先大人花朝詩感賦

膝下聞詩日。茫茫二十年。搜藏猶滿篋。流布未

全編。見山堂遺詩全稿先舅漁洋公批定者尙未付梓新咏情遙寄。悲

吟涕泫然。追思昔酬唱。正值禁烟前。

偶同類長弟過因園

閑園無意到。觸目興闌珊。舊榭無青柳。新池勝  
赤闌。微吟聊望遠。小酌不成歡。紫燕呢喃裡。辛  
夷似雪殘。先舅漁洋公因園詩幾樹辛夷花似雪紅襟偏掠雪中飛

食野菜感成用十三叔父酣眠韵

端居百憂集。生事日荒涼。愁付三升酒。身安六  
尺床。檢書開倦眼。覓句索枯腸。粗糲凶年裡。野  
蔬分外香。蘇詩凶年偏覺野蔬香

送十三叔父入山二首

卜宅何方去。南村結構新。登臨幽寂地。景夕素  
心人。既與塵囂遠。還同魚鳥親。田園風景好。傾  
略更應真。

蕭然無長物。乘興駕巾車。且喜能離俗。何須嘆

索居北牕閑。弄筆南畝試。揮鉏上卷多。新咏慙

非阿買書。

登原山絕頂

萬轉峰巒上。直登雲霧中。攀躋尋鳥道。曲折出  
蠶叢。頓覺塵襟滌。真疑帝座通。齊州烟九點。俯  
視眼前同。

題房退庵遺詩後

故人成宿草。殘帙倩誰收。展閱寒窗下。難禁老  
淚流。年華同杜甫。生年五十九貧賤過黔婁。墳上雖

生桂吟。竟恨未休。用唐人哭劉得仁語

中秋前一夜獨坐

風露空堦裏。淒清坐夜闌。秋深嫌漏永。家遠怯衣單。不作功名想。元知骨相寒。徒令小兒女。望月說長安。

人海藏身處。荒涼道院幽。衣塵雖偶染。懷刺未輕投。舊雨及門懶。新霜臨鏡羞。一年竟何事。兩度鳳城遊。

卽事

窮冬常鍵戶。寂寞似山林。窗剩寒梅影。庭餘凍雀音。看兒貪夜讀。欹枕任閒吟。結習除書卷。悠悠朝市中心。

再用前韻呈十三叔父時叔父選昭代人詩

風雲兼月露。作者信如林。味外還尋味。音虛更有音。空山一花落。絕壑斷猿吟。披檢名流遍。何人可賞心。

雨中登車

蒼茫烟雨裡。攜手獨登車。燕趙浮雲外。年華老

病餘。倦遊還浪跡。遲暮更離居。悵望匡山色。何時歸讀書。杜詩云匡山有書讀元遺山濟南行記云卽此

寓中言懷呈淄南姑丈時初自塞外歸需次都下

萬里初歸客。驚看淚滿巾。如何鑄鬢日。還作折腰人。荒沒存三徑。蕭條賸一身。相將歸去好。何必畫麒麟。

月中明湖泛舟分韻得平字

歷下月華滿。明湖秋水平。夜涼花露重。風靜葉舟輕。飛鷺柳中影。跳魚蓮底聲。一尊慰搖落。何

必濯塵纓

秋九月送仲翰村南歸

野菊籬邊綻。旅鴻天際飛。詩窮從我倡。酒熟奈君歸。放棹江初冷。持杯蟬正肥。三年風雨共。惜別思依依。

寶菴堂遺詩上卷終

寶園堂遺詩 下卷

新城漁洋老人批點 淄川李希梅添評

博山趙執端緩菴謨

七言律詩

得賈吳寅書

窮秋喜接故人編。獨臥空齋思悄然。顏色未曾交一面。音書久已寄三年。山中此夕徒勞夢。湖上何時共泛船。惆悵前期憐久悞。慕容城下草芊芊。

懷王六古廣文

對客揮毫氣若雲。幾年踪跡離群。一錢窮似杜工部。三絕才同鄭廣文。常憶聯牀聽夜雨。何時把酒倚斜曛。觀魚臺畔新吟好。寫遍門生白練裙。

漁洋老人日結作

九日雨中排悶

登高此日殊嫌俗。聽雨關門亦自佳。試問遊山攜蠟屐。何如踞壁臥空齋。疎簾清簾無塵事。白

酒黃花有好懷。欹枕更聞簷溜響。新泉散漫透空階。

久雨新晴簡方公準

三伏曾無一日晴。空階是處綠苔生。喜看朝日臨窗影。猶聽修篁滴雨聲。洗脚關門厭高臥。青鞋竹杖好閑行。荆岑谷口新泉溢。活活溪流徹底清。

漁洋老人日筆底絕無塵垢

青州集飲

孤館張燈秋幕時。一尊偶喜慰相思。書籤負我猶同讀。酒瓮宜人好共持。漢室英雄推卜式。唐家科目重王維。吾儕原是甘泉壑。白髮青陽一不知。

陽邱感懷和光仲韜

幾年海岳約同遊。此日陽邱忽久留。客裡綿綿逢積雨。病中兀兀又殘秋。莊荒綠野雲仍合。蓬閣青樓水自流。元結詩青眼何人肯相顧。女郎名曰黛拂城頭。

漁洋老人曰  
結有情思

咏落葉

木葉經秋離故枝。隨風欲下復遲遲。颺零無奈  
新霜後。搖落偏逢暮雨時。最恨年年傷遠別。堪  
憐處處墜相思。朝來庭樹添蕭瑟。孤客先聞髣  
髴絲。

漁洋老人曰。從朝來入  
庭樹。孤客最先聞脫胎。

寒夜次仲韜韻

對擁寒爐夜向闌。憑君清話解憂端。漫言客邸

主

淹留久。須憶常時聚會難。世事不堪逢落拓。人  
生豈易得團圓。他時重把殘詩論。應憶燈前擁  
被看。

過友人齋次

乘涼無伴獨相過。門外風香綻午荷。竹徑苔荒  
人跡少。草亭樹密雨聲多。室無俗物堆黃卷。窗  
有清陰滿綠蘿。頓覺悠然塵埃隔。卜居何必就  
巖阿。

漁洋老人曰。上  
下對句俱勝。

覽歸漫作

元元三冬萬事乖。襟懷抑鬱幾曾開。覽歸似夢  
還愁覺。欲去如仙被放回。預怯長途衝積雪。懶  
傾濁酒對殘梅。家山自笑如郵傳。行李匆匆去  
復來。

邸中悶題

霰雪霏微客舍涼。竹爐石鼎藥烟香。家惟百里  
書難到。悶即殘冬日亦長。借酒澆愁徒有語。思  
歸除睡更無方。朝來旅況難排遣。爽氣迎人止

四

女郎

初謝諸生有以詩見慰者依韵荅之

觸忤年來愁病侵。久拋筆硯廢長吟。元無青眼  
逢知己。不抱朱絃覓賞音。壯志如春行欲盡。昔  
遊似夢杳難尋。朝來坐對西山爽。生我遙遙黃  
綺心。

初晴次房容若韻

積雨綿綿黯不收。終朝僵臥下簾鉤。酣然一榻  
夢迴枕。忽見中天月午樓。山翠撲牕書帙潤。泉

聲入座井梧秋年來漸識田園樂不作人間汗漫遊

讀仲韜近詩次韵

青衫騎馬傍人門誰是逢君笑語溫子美殘羹伺顏色淵明乞食過朝昏詩工雖自窮中得命蹇何妨格外存自昔高人每寒餓幾多漂母飯王孫

秋日得公準書云臥病初痊却寄

雲門畫隱別來久聞道兼旬病減餐世味縱諳

五

休氣短佳兒自有幸心寬人情誰欲愁中老我輩豈終泥內蟠此際遙憐圖小景一天微雨獨憑闌

閒步戲題

紗窗睡起帶餘醒閒步園林聽鳥鳴補屋良工梁上燕和吟好友樹頭鷺提壺已約攜春酒布穀何勞勸耦耕池上白鷗獨閒狎渠應知我意無爭

漁洋老人曰  
有章法

積雨

懸簷終日聽潺潺獨坐無因一破顏酒爲多言雖暫斷詩惟排悶不須刪深秋促織鳴牀下積雨蝦蟇出竈間閉戶豪吟消永晝翻從陰雨得餘閑

津門張逸峰孝廉過訪家二兄下榻寒舍  
瀕行索贈

栽苑聞聲十載餘蓬門何意得停車舊傳詩句春雲似新識風標玉樹如豈有松醪能醉客幸

六

多蕉葉可留書從今草榻常懸在問字還期過敝廬張爲家秋谷兄門人

冬日李奎章見訪

埽迹荒山久倦遊經年無客到林邱故人寥落雨新舊世態生疎風馬牛抵足何期眠草榻揮毫尙憶共蘭舟田家雞黍堪供給莫惜平原十日留

清明感懷

花光柳色弄新晴薄醉憑闌百感生傷逝連年

常涕淚先大人見背先姊悼亡今日又清明人  
生那許多磨折天道何當少變更近識酒兵無  
用處重圍難破是愁城

春晚臥疾

藥裏發中問酒卮維摩丈室自支離金蠶玉燕  
歸何處碧落黃泉見未期臥病又過春盡日悼  
亡那更落花時千秋元相傷心語閑坐悲君亦  
自悲

漁洋老人日  
纏綿可感

過陽邱舊寓

人生容易改星霜三載重過舊艸堂淡月微雲  
雨新霽花光竹影夜初涼不堪俯仰悲陳迹祇  
可蕭條寄醉鄉猶憶舊題腸斷句漫拋酒盞自  
巡牆

題湛汪莊別墅

十里烟波翠萬重數椽茅屋水雲中蒹蒲雨後  
連天碧菡萏風前照眼紅除有刺船人偶到更  
無騎馬路能通窓前坐對滄浪色便與浮家泛

宅同

漁洋老人日  
瀟灑絕塵

夏夜悼亡

冰簟銀牀各自傷流芳掛壁忍相忘夢回酒渴  
人無寐月白風清夜正良半載俄驚時迅速一  
杯堪痛草荒涼黃泉碧落知何處夜合花開滿  
院香

夏日得方公準書却寄

獨臥胸前對晚風石榴開遍隔簾紅數聲飛雨

修篁裡一陣鳴蜩落照中遠謝故人長見憶比  
來歌咏稍能工眼前景物清閒甚祇恨方干未  
得同

再寄公準

雨雨風風夏日長衡門高掩徑苔荒閑身却喜  
當三伏無事終朝臥一牀逐婦拙鳩鳴綠對引  
雛輕燕語雕梁心清境寂宜耽酒期爾相遇共  
醉鄉

燈前



燈前兀坐覺心清。執筆沉吟句未成。總是滿胸  
皆舊恨。何勞終日覓新聲。懷人似夢醒難續。愁  
緒如花謝又生。自笑邇來癡絕處。愛看月色到天明。

### 積雨

積雨柴門遍綠苔。終朝僵卧不曾開。軒窗有白  
知天霽。雞犬無聲少客來。牀上亂書從接屋。堦  
前落葉自成堆。夜長孤悶難排遣。獨擁寒衾飲  
舊醅。

### 卧病

跼踖無由得自如。翻因卧病任狂疎。禁當殘暑  
千竿竹。斷遣閑愁一架書。社近燕稀常卷幙。雨  
多草長不教鉏。濃陰乍轉天亭午。正是酣眠倦  
起初。

漁洋老人目  
合作

### 寄王介士

全家同住水雲鄉。秋日高人逸興長。千頃菰蒲  
風過綠。一湖蓮藕雨來香。丹楓時落疎籬外。白

鳥馴飛釣艇。傍我欲卜居。遠塵埃。濯纓倘可共  
滄浪。

### 病中漫作示仲韜

支離瘦骨減狂顛。白晝慚懣擁被眠。短日恰當  
十月節。悶人最是半陰天。黃花已了清霜後。白  
墮新中小雪前。待汝同來破愁寂。一尊攜向老  
梅邊。

### 月夜同王清遠登西城小飲卽事

高城乘興共徘徊。月下涼颼面面來。一曲清溪

環雉堞。千章喬木間樓臺。新詩閒適何人及。斗  
酒淋漓爲我開。薄醉言歸不知暑。夜深流露滴  
庭槐。

### 積雨

積雨閑齋一事無。惟將軟飽付青奴。何能強倚  
三重障。且學高懸四壁圖。歉歲猶憐多酒債。杜  
門自喜辦詩逋。新苔滿徑閒雙屐。欹枕幽吟興  
不孤。

### 偶檢書籍感成

行藏敢嘆太迢迢。聊向明窓理舊編。試閱丹鉛如隔世。追思荒落已連年。藥爐經案堪消受。嗜酒判花總弃捐。習氣未除還自笑。一燈獨對聳吟肩。

廿三弟作偶憶詩索和年來傷感之餘久不作香奩語強之再三戲次其韻祇以自寫習臆不能追和本意矣

一寸柔腸兩地牽。清詩細味想當然。舞衫歌扇懷前事。眼想心思憶後緣。真偽魚書紛不辨。顛

狂蝶夢渺難圓。飛鴻指爪知何在。癡絕醺雞守耨天。

### 立秋日雨懷公準

轟雷將雨過山城。頓覺秋光入眼清。未必物情真有異。但憐我意若先驚。繞闌踈竹陰猶翠。帶濕寒蟬晚倍鳴。新製齊紈攜未久。西風爭忍卽相輕。

### 秋日感興

四海交遊枉自勞。年來三徑長蓬蒿。未曾干祿

何云隱本自無名。豈川逃萬卷教兒比。南面一犁驅犢向東皐。諸公袞袞雲泥隔。何許乾坤着我曹。

### 山居寄友人

休驚鱗鬣漸摧殘。容膝茅檐却易安。放志昔曾同鹿野。不鳴今更似蟬寒。粼粼燕尾牕中見。簇簇蠶頭枕上看。長日倦吟了無事。竹竿閒倚激浮湍。

### 遊孫仲西表兄園亭

繞門槐柳入天風。修竹濃花曲徑通。碁局閒陳深洞裏。書聲遙在萬松中。池荷因雨秋猶綠。庭樹經霜晚盡紅。乘興悠然從所適。徘徊日影已將東。

### 壽高魯瞻別駕卽送之返博興

小春時節應嵩生。歸路喧闐竹馬迎。三載恩流孝婦水。浹旬澤遍薄姑城。山中暫慰稱觴望。湖上遙牽借寇情。此去霜風收綠錦。水雲萬頃似公清。

戲簡光仲輅

不因貧病疎親愛。唐人句惟有貧兼病能令親愛疎三徑求羊

偶過無追憶。昔時良會數自憐。今日苦吟孤。殘

書尚有疑堪析。濁酒猶能典可沽。願得衝泥一

相訪。何妨偶爾輟懸壺。

寄諸城明府羅文城

尊酒論文憶昔年。迢遙音問久茫然。羅前為每

看落月思千里。乍喜飛鳧駐九仙。遺愛先公有

棠。英雄才此日。試絲牽。三秋遲我通鈴下。要聽

清琴一醉眠

病中寄禹陳時赴試青州

香消燈灺夜沉沉。欹枕懷人思不禁。苦憶衝泥

策羸馬。遙憐聽雨擁寒衾。病中易起離群感。老

去猶存見獵心。何日雲門最高處。還同攜手上

頭吟。往與禹陳同音同

希梅先生曰自是錢劉得意之筆

房。退庵步王棗村登高詩韵因而效尤并

簡棗村

佳節登臨處處宜。分曹結伴未相期。沈寥已過

三秋後。寂寞重吟九日詩。不對黃花傾白酒。更

無紅袖寫烏絲。一窗寒日閑敲句。自笑踈慵作

答遲。

一樹黃梅近屋栽。衝寒向暖數枝開。坐看何用

登山去。小飲無煩送酒來。帶甲連年烽火急。呼

庚幾處鴈鴻哀。殘冬相與謀消遣。日向花前取

醉迴。

曹自蕙見過聊贈之

下

積雪荒山白日陰。欵門有客肯相尋。三年遠去

勞清夢。千里重來慰素心。嗟爾學仙生白髮。慚

余無色盡黃金。草堂試看凝塵榻。別後常懸直

到今。

歲暮感懷

寂寥無客過貧居。掩冉年華又歲除。不作貴頭

心。已懶偶尋故帙字。全疎艱虞敢薄絕。交論意

氣常懷游俠書。轉眼春風新物態。道心不損擬

何如。

負郭傳家二頃田。荷鋤扶犢本當然。耕夫識字原多事。下士名官更枉然。耕織課奴無俗累。丹青教子有遺編。從今漸覺功名懶。一任青陽年復年。

少年踪跡瀾名場。意氣相逢盡學狂。平樂論交雖鞍馬。范張定契亦文章。升沉異態由來事。車笠盟心未遽忘。便擬低頭仍故業。附雲隨驥一披猖。

除夕感成

十五

轉盼無何一歲空。癡聾久已稱家翁。世方用少慙將老。詩不能工笑漸窮。鏡裡形容憐齒髮。眼前兒女競青紅。屠蘇入手休辭醉。又喜春歸杖履中。

希梅先生曰  
警策

初春四日小集得希字

自甘索寞臥衡茅。開歲杜門少客敲。草草盤餐共兄弟。寥寥車馬寡知交。寄情杯酒何妨止。共結習殘書未忍拋。但得怡怡常聚首。休嫌

野蕨與山肴

戲次十七弟韻時大痴姪偶學詩因有末句

寂寞空齋晝下簾。戶庭不出畏人嫌。從教吟興隨時減。尙覺詩情逐處添。名譽無憑安足計。升沉已定底須占。與君對雪顏堪破。好聽胡兒道撒鹽。

次二十七弟韻

敝裘春入擁蒙茸。閉戶圍爐膝僅容。解道陽和

生黍谷。還同瑟縮守窮冬。少年情覺中年減。元日陰連人日濃。欲和新詩破愁寂。吾衰再鼓笑龍鐘。

得西陵姪山中近詩却寄

緘書相寄遠衝泥。況味書中略可知。賸有青山共朝夕。惟憑白墮展襟期。門無賓客荒村靜。坐擁圖書春日遲。元夕傳聞尙高興。千峯飛雪上燈時。

夏日咏懷用二十七弟韻

觸目何曾一事佳。那堪愁病日縈懷。無須屏當書連屋。一任荒蕪艸沒堦。偶憶舊遊多感慨。劇憐今雨少朋儕。朝來忽詠清新句。猶喜池塘夢未乖。

積雨

浙瀝堆堦落葉飛。蕭然高寄掩柴扉。連年行止殘醒覺。幾處襟懷曉夢稀。粟爵瓜官難免俗。藥爐經卷願休違。年來習慣成踈嬾。敢效高人說息機。

九日雨中小集懷嶢音

草堂尊酒過重陽。何必登高興始長。聊對菊花開笑口。況看寒雨勸飛觴。對眠不是空嫌俗。搔首還同欲斷腸。上用司空表聖下用高適夫遙念異鄉遇佳節。茱萸插處劇相望。

秋日感成

渡落年來止自知。五陵衣馬不相宜。閉門黃葉青苔裡。僵臥斜風細雨時。久少客來稀命酒。偶因病起一吟詩。小窻閒日渾無事。按譜獨敲半

局棋

人日送禹陳嶢音北上

幾載山齋共燭光。今宵相對是離觴。自甘伏櫪依田里。空羨公車指帝鄉。小弟力求承舊德。故人久擅長揚。明年此日遙相念。好共題詩寄草堂。

早夏懷棗村之魚臺嶢音及兒憲客歷下

空齋寂靜足涼颼。兀坐無聊感別離。紅藥花殘人去久。黃鶯聲老客歸遲。觀魚應自攜詩卷。名

士同誰把酒卮。最是辭家憐驥子。真成破帽去

求師。觀魚臺名。名士軒名。放翁詩。小兒破帽去求師。憲去年省試寓齋壁上。已有此詩。

即席留別清遠表兄即用其見懷元韵

梨栗追隨隔世同。連宵情話意融融。偶來聊喜魚濡沫。欲去還憐葉散風。門第依然清似水。詩篇猶覺氣如虹。從今魂夢勾留處。蕉影扶疎月正中。

贈清遠表兄

佳圃十三時掃除。栽花蒔竹宛精廬。年高每咏

閒情句眼老還抄細字書對酒當歌豪氣在垂  
簾閉閣世情疎先公四海知清節好帶遺經自  
荷鉏帶經御賜堂名西坡別

希梅先生曰  
傳神阿堵

得去奢姪書及兒憲家信感成

慄淡連陰掩敝廬蕭蕭落葉遍庭除寒牕獨對  
孤檠影遠道何來兩地書憔悴衣裘憐旅况艱  
難藥餌念山居曾聽兒姪秋宵讀往事回頭十  
載餘去奢與憲同讀  
書南齋者數年

下

九

歸宿明水別墅

荒村薄暮解征鞍蘆荻蕭蕭水氣寒稻熟禾登  
方歲稔荷枯柳老漸秋殘試嘗新飯溜匙滑不  
厭濁醪沁齒酸幾日腥膻未嘗飽田家風味足  
盤桓

希梅先生曰  
清新

寒夜得憲書卽次其重九雨中韻

書來尙未定歸期徒使雲山繫遠思應對黃花  
如客淡可能青眼有人垂老夫悶酌沽來酒雅

子爭看寄到詩燈下團團生悵望寒窗夜讀正  
同誰

雪夜檢書偶成

青熒燈火坐深更微霰敲牕漸瀝鳴兀兀渾忘  
身老大匆匆又見歲崢嶸閉門不作熱中想上  
卷空多寒乞聲自分此生甘澹落祗堪南面擁  
書城

次十三叔父詠懷韻

硯北經年伴管城蕭條不復慕時榮倘然適意

下

子

成新詠偶爾消閒洗破觥冷眼人情從反覆冥  
心客氣漸和平杜門雖喜將迎少流俗猶慚識  
姓名

歲暮送兒憲之歷下

北風凜冽歲將更底事衝寒又遠行閉戶已愁  
天雨雪計程還念路崢嶸徒勞奔走難餬口不  
廢詩書亦近名決志歸來借隱好莫教南畝負  
春耕

希梅先生曰  
真

次十三叔父見新書原韻

賤懷真覺世情疎。偃息南邨自結廬。不飲常留  
佳客酒。忘名愛購古人書。逍遙身擬羲皇上。矍  
鑠年過甲子初。飛雪三冬春氣足。願從杖屨帶  
經鉏。

和十三叔父立春試筆

雪晴茆舍漸生春。凍柳寒梅欲鬪新。南面擁書  
已成癖。西園拜爵奈長貧。佳賓跡少荒三徑。爆  
竹聲多借四鄰。底事青陽堪慰藉。虛窓松月伴

詩人

初春二日送憲慰赴青州試次八兄韻

久拋文字謝浮名。婚嫁惟期遂向平。乍喜歸來  
方守歲。憲初自還。又憐同去。未稱觥。余初八艱難。  
尚憶三條燭。老大還思一日榮。惆悵離心若飛  
雪。霏霏隨雨慕容城。

十六夜卽事分韻

良宵肯放酒盃寬。倚醉同遊夜向闌。收斂烟霞  
初月望。寂寥簫鼓欲燈殘。造門索飲真乘興。秉

燭聯吟更罄歡。莫向重關問魚鑰。使君無禁且  
盤桓。

驚蟄日大風次十三叔父韻

新春無日無冰雪。花信顛狂似朔風。凜冽威猶  
凌艸木。吹噓氣欲到沙蟲。蜚遊栩栩元爲夢。蟻  
戰紛紛浪自雄。應有驪龍抱珠臥。好同痴睡碧  
潭中。

醉中次十三叔父舒懷韻

覆雨翻雲笑世情。一勞感慨太癡生。千層巨浪  
輕舟過。百丈懸崖撒手行。蹈尾何妨歌猛虎。拔  
牙猶擬掣神鯨。縱教未得翔寥廓。鼠相看底  
事驚。

清明日小飲見山堂卽席次韻

疎柳叢花結草亭。閉門寂歷似郊坰。重陽不約  
曾觀菊。寒食何期又踏青。醉後二豪從侍側。壁  
閒五嶽欲圖形。雙柑斗酒能乘興。綠樹黃鸝好  
共聽。

呂表弟邀飲溪上醉歸

絲柳千條蘸碧波。臨流竟日對婆娑。隨年不覺  
情偏少。因境真憐酒漸多。用魏肇師語南浦遙遙看  
客去。時有壯遊者東風飄蕩奈花何。扶歸馬上曹騰  
醉鞭袖閒垂句自哦。

漫興次十三叔父韻

閉戶經年杜德機。靜看紅紫闕芳菲。綠堦新筍  
方爭長。滿地殘花尙亂飛。欲放醪醺春漸老。初  
啼過鳩絲將肥。脩然且可耽吟賞。四十從知萬  
事非。

半畝閑園自結茆。雖居城市曠如郊。用皮口久休語  
安便蹇成吾懶。何惜玄白任客嘲。把酒愛看花  
索笑。垂簾厭聽燕爭巢。新苔堆徑來賓斷。却喜  
長貧漸寡交。

西園次韻

豪氣消除萬事慵。蕭然雲鶴伴孤蹤。柴門常閉  
客誰到。硯匣懶開塵日封。下上冷看巢幕燕。猖  
狂閒避趁人蜂。小園扶杖何聊賴。無限山光共  
水容。

春盡日小雨

空齋寂寞似蕭晨。細雨霏微未洒塵。淡淡輕雲  
將變夏。飛飛殘絮尙留春。聊憑吟咏空過日。休  
嘆蹉跎老逼身。珠桂但能粗足給。北牕高臥作  
閒人。

十三叔父與八兄以聯句詩見示次韵奉  
答

謝絕繁華自愛閑。西園半畝似商顏。臥看天際  
雲舒卷。靜聽梁間燕往還。病去久拚疎熱客。貧

來惟擬入深山。一堂酬倡堪消遣。經月何妨不  
啓關。

懷兒憲之歷下用十三叔父春盡日韻

蕭條生計若搏沙。萬事皆成画足蛇。餽口不能  
思辟穀。資身無策又辭家。山中初見籜新解。湖  
上遙知蓮欲花。離別年來成習慣。鵲華渾覺似  
天涯。

次十三叔父病起韵

行藏不必問蒼龜。消受清閑與病宜。客氣欲除



長斷酒機心。懶動不看棋。何能伏檻思千里。尙幸棲林寄一枝。閉戶擁書聊送老。遭人安得買山資。

送二子赴郡試并寄德舍弟

去年送爾雪霏微。送爾今朝雪又飛。道路馬蹄行欲倦。功名蝸角願休違。相依客邸無佳况。獨坐空齋望早歸。寄語阿連須努力。要將寸草報春暉。

漫興次十三叔父試筆韻

冉冉無何失壯年。回頭萬事等雲烟。貧增偃蹇疑耽病。懶少將迎似坐禪。壯志暗消殘雪冷。詩情偶動死灰然。春陰閉戶閒敲句。負手微吟繞砌邊。

寄贈成乾夫明府

憶接清光笑語頻。幾年遙隔屬車塵。重臨事喜同黃霸。再借思應過寇恂。抱贖環庭皆故吏。歡迎擁馬盡遺民。柴門花徑殷勤掃。待看題詩句更新。

經先舅漁洋公舊邸

閑行棖觸忽生哀。落日樓臺首重迴。突兀龍門群仰望。飄零宅相獨徘徊。依然萬壑朝宗在。不憐才。禁蟬蚍撼樹來。萬戶千門紛甲第。更誰獎借解憐才。

雪後分韻送十七弟返武定

荒山雨雪正憑陵。咫尺還愁履薄冰。乍可團圞傾濁酒。那堪結束辦行旌。幾年爲客君成慣。近日辭家我漸能。苜蓿齋中酣睡穩。好留一榻待姜肱。

姜肱

漫興次十三叔父韵

不須盟耳覓幽棲。蔣竹移花小舍西。有約雲山常在眼。無言桃李漸成谿。消閒覓句聯攜杖。遣興呼名效祝雞。非是清狂空作達。區區長短久相齊。

挾泥不已復揚波。滿目紛紛可奈何。恬淡已能忘寵辱。浮沉未肯廢吟哦。朱顏綠鬢嗟非故。飲興詩情喜尙多。倚杖小亭新雨後。西山萬笏擁

青螺

甲辰除夕

回頭少壯久難追。兀兀平頭五十時。已悔踈狂思寡過。更慙荒廢未工詩。不能強倚三重障。何厭新添兩鬢絲。幼子童孫紛遶膝。屠蘇入手喜遲遲。

次仲翰村見贈韻兼別兄弟

幾經風雨渡桑乾。懶望燕雲拂馬鞍。兄弟又煩傾別酒。故人更爲勸加餐。自羞爭食同雞鶩。深

愧清吟似鳳鸞。屈指新秋歸計決。聯床閒話道途難。

十二弟約至域城莊花前小飲卽事感成

同弁山兄嶠音德瑞穎長三弟雪中過此已二十餘年矣今惟偕穎長來而弁山居山中兩弟宦遊南北

老樹危樓尙儼然。衝風冒雪憶當年。悲歡飄忽如殘夢。鴻鴈迢遙各異天。照眼繁花聊縱酒。凝塵草榻恣高眠。丈夫安得皆騰達。好保先人數畝田。

和東稷兄讀初學集之作

散漫巖猶拂水流。開殘紅豆幾春秋。方聞蘭桂金爲屋。柳是句珍重旋見煙雲火滿樓。早日才華魁黨錮。晚年名節墮溫柔。千秋如是分明在。柳如是泉石而今尙帶羞。

壽城武李文卜明府

甲辰鄉試大兒憲出李公本房

明湖邂逅接簪裾。常憶春風對坐餘。蘊籍高文同學士。宣城施愚峻嶒清節比尙書。武進趙松先生皆西湖舊憩甘棠盛。公前爲浙江仁和令東魯新霑

化日舒遙羨琴堂。開壽域兩行桃李列庭除。癸卯

甲辰兩校東閣

喜棗村過訪步東稷兄韵

年來踪跡斷知聞。舊雨依然我共君。才薄我甘棲草澤。時清君漸際風雲。休辭襍穢勞奔走。暫對茶瓜遠垢氛。息壤何時能踐約。耦耕麋鹿得同羣。

再次八兄韻

對話燈前未忍休。草堂風味十年留。紅蕉綠桂

堪消夏細雨。輕風漸報秋。結習還爲文字飲。迂  
談漫作杞人憂。茫茫後會渾無定。契濶連宵且  
暫酬。

別墅歸又贈棗村

花徑柴門久不開。故人恰共雨同來。袖中冰雪  
攜千首。眼底烟雲把一杯。莫道墮淵勝加膝。須  
知欲殺是憐才。謝公別墅重窺處。桃李薔薇一  
樣栽。

卽席用東稷兄韻贈曹簡夫并懷玉禾諸

下

光

君

與世浮沉。樗散材。敢期桃李鯉庭栽。久知湖海  
多佳士。真見天人果逸才。十日淹留成小住。他  
時巾駕望重來。六君何忝蘇門客。安得團圓共  
一杯。

田梅嶼過訪山居喜而賦此

憶曾燈火共長安。三載相思尺素難。鬢髮喜君  
仍潤澤。齒牙媿我付凋殘。淹留好共晨昏話。供  
給休嫌粗糲餐。還擬他年酬夙約。扁舟乘興訪

江干

乙卯元日試筆示兒

韶華真覺壑藏舟。少壯俄看似水流。堪喜孫曾  
多繞膝。不嫌六十已平頭。甘貧漫惜家中落。用  
拙羞言富可求。典賣尙餘書萬卷。爾曹守此復  
何憂。

乙卯夏日留別大兒守深澤

來殊草草去匆匆。三月團圓奈病中。年未張蒼  
齒全落。學非徐積耳雙聾。故山荒僻吾藏拙。小  
邑凋殘汝固窮。咫尺邯鄲遺廟在。休教清白媿  
家風。

寶蘭堂遺詩

寶蘭堂遺詩 下卷

新城漁洋老人批點 淄川李希梅參評

博山趙執端緩菴譔

五言絕句

聽雨

欹枕聽簷溜。燈前話遠思。却愁孤館裏。酒醒獨聞時。

漁洋老人曰似蘇州語又曰小詩得唐人三昧

夏日效六舅咏物六首

叩頭蟲

與世亦何求。逢人強叩頭。前身吾識爾。車下老巢由。

漁洋老人曰妙語解頤

蠹魚

牙籤十萬軸。安得盡神仙。不及青蚨好。飛來無限錢。

蠅

逐臭非無味。營營未易才。但求能遽集。誰敢問

何來

蚊

簷前群伏處。門下暗飛時。莫忽聲微細。噬膚君始知。

壁蝨

族大良繁衍。逼人將奈何。欲除羞染指。難怪爾曹多。

螢火

腐質原依草。微明敢比星。囊中一收入。無復耀

前庭

卽事二絕句次十三叔父韻

十日花初放。難禁一夜風。媿非崔處士。無奈大

王雄

三寸霏微雨。依然萬木春。封姨自多事。不見有

纖塵

密雲和王慈峩二首

田塍如龜兆。濃雲喜乍陰。隨風舒卷去。出岫是

何心

惟蔽當空日。真同過眼烟。未能作霖雨。何用翼垂天。

晤靳秋水口號

昔別繡江頭。今逢錦湖岸。論交元澹然。偏向水中見。

題漁竿消日圖

柳岸濃陰合。清溪釣石溫。臨淵無所羨。鉤直任魚吞。

龍山道中却寄兒憲二絕

驅馬龍山路。揮鞭嬾轉頭。要知惆悵意。不是望并州。

曉日殘霜裡。衝風鼻覺酸。危樓念孤客。衣薄怯朝寒。

歲暮和橄欖金棗二首

古本餘甘在。何如崖蜜甜。時宜誰得合。轉語悟

蘇軾漁洋詩東坡豈合時宜者却道不如崖蜜甜

豈有心。如亦空矜色。似霞輝光來暮夜。恨不大手瓜。

題畫六絕

杏花

間梅遮柳處。烟雨伴東風。似從牛背上。遙指夕陽紅。

芍藥

佳種傳金帶。披圖婪尾香。懸知染指客。舊德憶維揚。

蓮花

魯連陂上望。面面芰荷開。坐對花千頃。花神入

腕來

安石榴

一枝垂磊落。朱實若星懸。口對大如碗。香爐峰頂眠。

菊花

生氣指間出。東籬寫晚香。何當對屏障。日日作

重陽

梅花

貌得羅浮樹。花如雨後肥。仙裾知好在。遮莫繞

枝飛

送十二弟

執手喜如夢。分襟聲欲吞。年來相見處。望斷谷  
令原。

寶蘭堂遺詩

下

三五

寶蘭堂遺詩 下卷

新城漁洋老人批點 淄川李希梅參評

博山趙執端緩菴謨

七言絕句

鄒平道中

遙山裊裊入歸雲。極目林烟下鴈群。鳥帽跨驢  
寒雨裡。撲衣紅葉落紛紛。

代友人春別

醉中揮手花間別。眼底家山夢裡歸。獨自倚闌

情緒惡。撲簾榆莢雨霏霏。

美

題青州旅壁

悶似蒼鷹未脫鞚。惟憑從事解煩憂。連宵客睡  
何曾着。苦雨春深似暮秋。

郡城雜詩四首

年過三十未成名。摘句尋章守硯耕。漸覺鬢眉  
已如戟。斜陽羞見暮容城。  
閉門無事上孤吟。醉後蕭然臥竹陰。差勝在家  
惟一事。是非總不亂人心。

翩翩裘馬路爭看。首藉空肥莫薦盤。休向人言  
官獨冷。先生不復舊時觀。  
槐柳陰陰蔽竹門。始知城府有深村。他年記取  
曾來處。拂壁安知舊句存。

寄王清遠表兄兼示海重

無花無酒負春光。悶對殘書白日長。不忌高齋  
風雪裏。夢回枕畔落梅香。  
歸來日讀在山詩。瀧水桓臺空爾思。遙想花前  
同小阮。桐陰淪茗譜新詞。

下

毛

簡并山五兄時將之池上  
從今會面良難得。縱使相逢只覓時。尊酒遲君  
來一話。夕陽堦下綻將離。

漁洋老人曰  
似元白風味

題逍遙樓詩後  
香消燈灺不知疲。非爲狂吟與酒卮。自負生平  
多白眼。從今心折女郎詩。  
掃眉才子句偏清。幾許工夫學得成。半夜夢迴  
獨欹枕。似聞寒鴈落灘聲。  
集有隔江寒雁落灘聲之句

孫中郎過湛汪莊別墅見和丙子四絕句  
復用元韻奉答

僻巷經春少客來。忽驚屐齒破蒼苔。袖中冰雪  
忻相示。須待薔薇浣手開。  
湖陂曾翫藕花香。深柳維舟納晚涼。快讀新詩  
如在目。鷺紅帛綠滿斜陽。  
卜築常思水上邨。忘情魚鳥狎雞豚。遲君他日  
能相訪。一路荷花直到門。  
細草新苔三徑荒。黃瓜紫李一園香。不愁客到

下

毛

無供給。雨後籜龍新過牆。

漁洋老人曰  
自非肉食所解道

放燕和孫安期

顏頰高下舞春風。何事分飛翠幙中。憐爾呢喃  
非解語。也同鸚鵡閉金籠。  
啄草啣花願已違。故巢翦爪又安歸。烏衣門巷  
斜陽裡。錯認昭陽擬學飛。  
桂棟虹梁好自窺。穿花逐樹任差池。吳宮比翼  
長相守。莫使他時雙燕離。

委身幕底本無餘。憔悴紅襟意不舒。未得雙飛  
避羅網。空教玳瑁画梁虛。

爲仲韜題畫

數椽茅屋背江開。矮柳高槐盡手栽。薄暮推牕  
更好景。布帆爭送夕陽來。

送人之歷下省試

遍送同人獨在家。明湖雲樹卽天涯。殘書讀罷  
渾無賴。悶倚庭槐看落花。

春日感事三絕句

下

堯

明時泣玉漫愁頻。雨露無私大地春。但得玉皇  
親判與。何妨常作謫仙人。  
溝渰八口儘名流。海底珊瑚豈盡搜。抱璞不因  
能善哭。枉教三獻底曾收。  
文章千古自光芒。徑路無媒豈足傷。堪笑文園  
依狗監。不如但納粟爲郎。

雨中自對松山至水簾四首

萬壑千峯黯不分。莽蒼造物結氤氲。茫茫入望  
渾無際。是處青松骨白雲。

筇輿直入雨雲中。俯聽轟雷布鼓同。却看峰巒  
縹緲處。松梢高掛夕陽紅。  
歷亂千林急雨聲。松陰轉處數峰晴。扶筇下看  
經行處。直是雲烟脚底生。  
雪浪跳珠下樹梢。紅泉掩映綠蘿交。不須五岳  
行皆遍。此地雲松可結巢。

漁洋老人曰  
都有勝情

雨中登觀岱樓

蒼翠峯嶢繞画闌。雲烟缺處見仙盤。泰山記屈曲而上凡

下

早

五十五  
水簾萬道排空下。頓覺高樓增暮寒。

十五夜獨酌

隔鄰簫鼓逼晨雞。四壁燈昏總帳低。獨對一尊  
腸已斷。兩兒索母又齊啼。  
一榻兀然愁病增。招邀連日赴何曾。人間縱有  
燈如錦。誰向泉臺伴漆燈。

歷下亭感舊

燈前簡韻滿浮觴。月下輕舟風露涼。回首同遊  
半零落。獨來跣足濯滄浪。



圓荷水面已田田。柳絮紛紛落滿船。蕭帽青衫  
假寢態。酒酣還上古亭眠。

題東臯襍詩二絕句

十畝閑閑桑柘陰。一編掛角短長吟。堪憐批月  
評風手。賸有占晴望雨心。

十上長安已倦遊。烟簑雨笠老林丘。吾儕識字  
耕夫耳。不向南山歌飯牛。

潞山浦即目

葦岸蕭蕭暮雨疎。人家大半水中居。解鞍聊向

湖頭立。烟裡咿啞見打魚。

波面峰嵐擲玉環。元遺山詩天公擲下半玉環緣湖一帶槿

籬彎。刺船黃帽衝烟去。飲犢青簑冒雨還。

菰蒲過雨夕陽時。箸笠歸來卷釣絲。處處柴門

繫烟艇。家家澤網晒踈籬。

病中戲作

正午披裘似凍蠅。又思赤脚踏層冰。方書檢盡  
渾無驗。歌枕歌詩憶少陵。

偶過酒肆見殘書。一帙將以覆醅取閱乃

唐人杜必簡詩。亟易之歸。并繫以絕句。  
零落詩亭幾劫灰。雄文一代祖孫才。平生雅有  
尊中好。猶爲黃公覆舊醅。

源洋老人曰反成佳話矣

邸中遣悶

寒戀重衾睡起遲。擁爐話久枕還欹。一窗晴日  
消殘雪。檐溜綿綿似雨絲。

牆頭風過雪飛花。靜坐空庭日又斜。薄暮卷簾  
增悵望。寒林接翅有歸鴉。

宿山寺

負手空階酒乍醒。遙天明滅見流螢。今宵終恐  
眠難穩。木末風吹殿角鈴。

回祿後孫甥雲聲以詩見慰。答以絕句。

蕩然囊橐無存。賸有黔盧與赭垣。自笑科名

久無望。何勞子厚賀參元。

殘編幸未六丁收。晨夕猶堪借送愁。窮乃工詩  
如可信。他時重葺絳雲樓。

戲題吳正子遊仙圖

白雪黃牙未近誣。從知世有列仙儒。山中宰相  
閑無事。戲讀真靈位業圖。

黃庭千載擅臨池。誓墓文成識者悲。既有書名  
傳大令。何須道法授凝之。

飄然遠離世間塵。混跡魚龍辨未真。珍重廣陵  
妖亂志。當年千里是詩人。

過十四叔父澗園

繁花修竹水潺湲。盡日無人燕往還。若住此中  
堪送老。人間何處覓神山。

下

皇

一天新月照松篁。籬落秋花靜愈香。獨坐長吟  
歸意懶。空山風急葛衣涼。

春盡日

繞闌芍藥映斜暉。幾日春愁減帶圍。惆悵綠陰  
風過處。落花如雪撲簾飛。

仲翰自東阿以詩見寄賦答

平。驟習氣。兩心知。憑弔陳踪不廢詩。莫使。他年  
有遺恨。術寒。一。謁。智。瓊。祠。

遊馮文毅公園亭四首

旅中把酒送殘春。倚醉尋芳少主人。窺閣當年  
誰得入。于今野客往來頻。

偶然閑踏過平泉。元元歸來意惘然。何事淹留  
空計日。鳴鳩時節負春田。

堂榭荒涼滿落花。柳陰畧約小溪斜。荒園風景  
差相似。爭使狂夫不憶家。

綠陰深處燕交飛。芍藥開殘木筆肥。惜少主人  
兼斗酒。奚囊空貯好題歸。

夏日因園作

下

閣

不掃蒼苔臥暖沙。修篁漏日上衣斜。蜂聲無賴  
林香遠。曉露千風開棗花。

漁洋老人曰  
佳絕之作

陽邱別墅四首

菱荷繞屋葦連牆。菱稻風來各自香。忽憶劍南  
詩句好。高槐疎柳趙家莊。

萬頃菰蒲對板門。穀登稻熟足雞豚。求田問舍  
非吾事。家在荷花蓮葉村。

漁洋老人曰  
此詩名妙

亂雲初散見斜陽。酒力微醒暮色涼。荷葉蓋頭  
閑負手繞畦風送稻花香。  
荒園日閉不曾開。水滿浮萍徑滿苔。珍重田家  
雞黍約三年一度主人來。

觀紙鷲口占

一線微牽勝羽翰。扶搖直入白雲端。鳳鸞枳棘  
知多少。健翮秋風似爾難。  
羽毛雖假態如真。萬里青雲竟致身。漫自飛揚  
鳴得意。可憐牽扯總由人。

懷王慈菽

三春晨夕喜同遊。無計邗溝共泛舟。止有離心  
似明月二分相伴到揚州。

題旅壁三絕句

南鴻北燕各迢迢。舊地重經嘆寂寥。一盞濁醪  
還獨酌。幾枝榴火雨蕭蕭。  
名士傾城聚若雲。打牕急雪坐生春。今看醉墨  
淋漓處。一半蛛絲罥暗塵。  
銀燭燒殘夜不眠。空檐耳倦溜綿綿。分明一覺

揚州夢底事。樊川待十年。

新秋飲柳林泉

雨後秋容潑眼新。青鞋白帽稱閒身。柳陰濯足  
清流裡。閑看紛紜隔岸人。  
泉聲山影共蕭疎。負手行吟半醉餘。爲愛蓼花  
臨水處。板橋小立看遊魚。

卽事

清簾閑歌倦看棋。日長惟有睡相宜。夢迴枕上  
朦朧裡。靜聽雕籠叫画眉。

戲贈朝霞校書

荳蔻梢頭欲綻時。猶猜楊柳似腰肢。成陰綠葉  
君知未。羞煞尋春杜牧之。  
桃花千樹洞邊栽。采藥每期劉阮來。輕薄莫教  
多逐水。胡麻久已識天台。  
落絮隨風元不定。飛鴻踏雪更無心。茂陵風雨  
人多病。不理囊中綠綺琴。  
劇憐夜半口脂香。尚有雙魚置枕傍。喜化一時  
紅綬帶。可知大壤有王郎。

孫石庵見過同房容若卽席分韵

晝掩衡門厭日長。知交零落久相忘。何人肯似  
孫莘老。問疾殷勤過草堂。

痛飲狂歌興欲闌。人琴每憶淚空彈。今朝擊鉢

分題處。還作南齋醉後看。往與石庵常飲中郎  
南齋今中郎已下世

三年  
矣

斗酒淋漓醉莫辭。兩年契濶慰相思。石庵自西  
江歸未久

春雲爛熳軒窗下。屈指遲君訂後期。時訂觀海  
棠之約

落年來祇自慚。又從坐上聽雄談。遙知他日

成追憶。閉閣豪吟酒半酣。

簡孫石庵

撲簾花氣雨初晴。小院無人枕簟清。爲待右軍

閑試筆。明窓斐几已新成。

醉裏題詩約重尋。豈知辜負酒同斟。君來祇有

茵堪坐。花落閒庭一寸深。

次孫淳夫見贈小齋落成四絕句元韻

橘刺藤梢稍剪裁。茆亭初築徑新開。才能掃地

焚香坐。恰有幽人好句來。

番窓薜荔覆清陰。榆柳交加似茂林。佳趣此中

時復得。卷簾萬笏對遙岑。

遶舍清池設曲闌。背堂隙地種琅玕。宗生高隱

平生慕。壁上還圖五嶽觀。

物我區區久欲齊。南華一卷手常攜。何妨踈嬾

從吾好。佳客時來鳳可題。

戲贈孫淳夫

畫棟虹梁願已乖。唧泥何處漫徘徊。雙雙茅舍

茶烟裏也。見烏衣燕子來。

西遊一去恨纏綿。月裡重尋別有天。天壤王郎

殊未惡。何妨止得老奴憐。

除日試筆

積雪寒凝柵櫺烟。空牕無事對殘編。堆牀挿架

成何事。誤我韶華二十年。

過仲韜不值留題

靜閉柴門空綠苔。踈籬斜日豆花開。艸風莎雨

知何處。遲爾山中荷鋤回。

晨昏作息老耕耘。詩客襟期隱士身。子解扶犁

妻解。儘何殊。采藥鹿門人。

爲仲韜題人飼馬圖

冰鑑孫陽久不存。黃池誰識玉曾噴。驚駘自與龍媒別。底事同承芻秣恩。

題七兄玉兔秋香画

寂寞東籬爛熳開。陶潛何處更啣盃。嫦娥偏解憐秋色。月下霜前送影來。

口號別十二弟

同騎竹馬憶平生。幾載分飛嘆脊令。寒夜荒村

聊把酒。不如風雨在彭城。

早九

書王禹陳咏張卯君種菜圖詩後

平章春韭與秋菘。抱甕才閒又洗桐。張先有洗桐圖作漢陰息機看。閉門種菜是英雄。

自題靜坐觀書圖

一室蕭然自掃除。窓明几靜獨攤書。果能靜坐常無事。不厭終身作蠹魚。

和戲題學堂圖一絕

數頃何當得水田。日長隱几且酣眠。總饒伎倆

窮山鬼。不解雷鳴笑孝先。

漁竿消日圖

晏坐蕭然海鶴姿。烟波放浪似天隨。洛陽衣馬當年事。賸有披裘理釣絲。

桐陰感興圖

搖落園林入暮秋。高桐徙倚迥生愁。依然清晝濃陰裡。底事紛紛葉打頭。

聚村讀書圖

芴屋蕭條隱澗阿。讀書高韻出松蘿。疎林秋日

行吟處。應有新成纂纂歌。

辛

送大癡同兒輩讀書西山

休求叨冒媿科名。且向深山學耦耕。曳杖小園栽樹去。要聽兒姪讀書聲。鄭谷詩閑得林園栽樹法喜聞兒姪讀書聲

自題物外山樓圖

峯巒明滅坐中收。四壁無煩画臥遊。聊爾冥心棲物表。非同仙子好居樓。

岩巖不厭小樓危。飲谷棲林事事宜。披卷寒宵

中酒後神馳高臥北窻時。

和二十七弟題桃花扇四絕句

秦淮自古競繁華。何限青驄油壁車。桃葉桃根斷腸地。更添絃扇画桃花。

一夕編成壯悔堂。夷門公子擅詞場。微嫌阿好

寧南傳。未抵風流寫李香。

紛紛鉤黨日戈矛。逆案纔成要典修。公是千秋

竟誰在。梅花嶺畔板機頭。

云亭山色鬱昭晃。一旦文星入夜遙。地下流傳

新樂府。知音還數老山樵。

東塘先生歿於今歲。百子山樵懷寧號也。

題畫葡萄

百丈居然縈蔓絲。紛垂馬乳子離離。忘情素壁

流連處。恰是連宵酒醒時。

高南村画石

怪石峻嶒薜荔垂。淋漓筆下出仇池。知君家在

三山畔。縹緲常存海外思。

戲題畫眉一絕

百轉新聲喜貫珠。遠山秀色憶當壚。風流走馬

章臺客。閨閣深沉掛雨無。

除日試筆

青紅兒女競鮮新。爆竹聲聲借四鄰。何必道心除日損。柴門一例自回春。

上元感事

炫服新妝耀路隅。衝泥冒雪競歌呼。龍沙萬里從戎客。知有繁華夢也無。

希梅先生曰。雖諷而無傷於雅。

題水榭書課圖二首

一池春水綠于蘿。長日凭闌自笑歌。墨汁生平

已羞飲。癡兒底事硯猶磨。

摘句尋章兩鬢華。兒曹紙筆又傳家。乃公心事

常須記。惆悵荒園對杏花。

夜飲贈王義文

寒牕剪燭夜何其。白髮紅顏共酒卮。來夜荒村

誰夢覺。還思人散酒闌時。

欲知詩客豪吟處。恰值金釵半醉時。想像揚州

辛夷夏開

玉蕊臨風尙儼然。弄姿何減早春前。千章綠樹飛晴雪。華嶽峯頭十丈蓮。憶向和風麗日開。誰從長夏挽春回。幽懷似愛清涼國。綽約仙人襍纈來。

中秋憶兒憲

露冷空堦遍月華。微香庭桂送殘花。如何偏是團圓夜。兩度中秋不在家。

送劉長五二絕句

滿天風雪促歸鞭。惆悵相依恰一年。此去親知如問訊。書窗常對藥爐烟。

匆匆喜得共琴書。迢遞無如念倚闌。相送淒然憶遊子。明湖留滯歲將除。

二十七弟及兒憲作水仙花詩戲和之

歲暮相看冰雪心。梅兄礬弟是知音。閑窓靜對凌波影。欲倩成連拂玉琴。休言洛浦與瀟湘。骨冷神清世外香。轉眼春風艷桃李。誰堪配食水仙王。

和十三叔父讀史偶成三首

家門四世號三公。官渡兵歸霸業空。却憶橫刀長揖日本初。元不失英雄。

希梅先生曰  
巨眼

少子庸庸詎足奇。四州分裂遂難支。景升高論真金石。豚犬當時自不期。

淮南河北自相讐。萬里頭顱更可羞。故吏門生遍天下。曾無義士似田疇。

年來病落數齒殊。未措意忽見兒憲齒落

四絕句戲題其後

編貝年華去不回。輔車零落久衰頹。難求張老重生藥。從被人呼狗竇來。

嘯歌縱廢亦何妨。俗事今休掛口旁。眼見兒曹非少壯。老夫還擬效張蒼。

杏花鵲鴝爲孟尙弟題畫

彷彿徐熙落墨新。紛紛桃李慢爭春。花間忽見翩翩影。似對風流醉舞人。爛熳真如登翠霞。飛來鵲鴝一枝斜。何勞剪舌

教言語自向芳叢解護花。

淄川道上感事

蓬戶朱門轉眼新。爭看擁帚奉清塵。營巢癡絕  
呢喃燕。繞棟何方覓主人。  
海水桑田詎足論。北平今作奉誠園。瓦盆莫笑  
田家物盛酒還能到子孫。

題孟尚弟載鶴圖

一水回環山四圍。草堂寂歷掩雙扉。終年曾未  
停車馬。底事扁舟伴鶴歸。

下

臺

湖光山色快登臨。杖策何人肯共尋。漫道高踪  
難物色。清風猶有九臯禽。  
樊籠雖設日長開。飲啄相依萬樹梅。遺草元無  
封禪字。九天安望鶴書來。

二十七弟自號橙園口占贈之

橙樹思栽作茂林。三年十畝可成陰。爲憐庭際  
黃楊老。猶自常逢厄運臨。

八兄初度次十三叔父韻

此生端合不材全。相看霜毛欲滿顛。縱酒豪吟

渾未厭。知非猶可待來年。

同十三叔父夜坐

一室蕭然對短檠。空庭颯颯葉飛聲。那堪獨抱  
離羣感。墮地何來鴈陣鳴。

邸中遣悶

雲滿西山日欲沉。不禁客況與鄉心。連翩鴉陣  
歸飛急。也趁斜陽入上林。

卽事

桂玉關心不自聊。青山蓆帽髮蕭蕭。紛綸軒騎

下

美

誰相識。閑立天門看散朝。

平陵

曉霞掩映日初升。襪襪長途暑氣蒸。漫說征衣  
露濕好。盲風怪雨滿平陵。  
石虎南移幾歲年。荒城猶在艸芊芊。交錢走馬  
誰能道。牧芻牛羊劇可憐。

會城偶作

紛紛眼底費推敲。完卯寧知出覆巢。改過旣非  
周子隱。何煩射虎與除蛟。



匡山下口號

青山冷落讀書堂。底事長安作酒狂。縱使青蓮能再見。人間無復賀知章。

野宿

洶洶波湧海門潮。斷岸頽垣寄此宵。茅屋雨聲驚夢破。渾疑浙瀝打庭蕉。  
三日離家困莫支。迢迢未可定歸期。那堪一夜翻盆雨。添盡愁人兩鬢絲。

車中懷孟尚弟

越阡度陌水茫茫。泥沒雙輪道路長。昨日高齋同把酒。堆前細雨鼠姑香。  
褰帷四望暮雲橫。樹外遙山似放晴。歸倩惠連作圖畫。臥遊他日憶長程。  
孟尚弟丹青

舟中望景州塔

亭亭塔影水雲中。曾記停車訪遠公。今夜扁舟泊何處。鐘聲遮莫到孤篷。

謁選歸過善果寺題壁

霜華滿鏡自知羞。逐隊隨行豈自由。苦憶眉山

老蘇語行年五十復何求

東平陵口號

雞聲茅店尚殘燈。遠樹寒烟日未升。自笑閒身因底事。匆匆走馬過平陵。

留別王玉斧

追隨杖履憶同遊。歇絕風流十六秋。解易能詩皆老大。西城今日是西州。  
李嘉祐詩輔外錫皆解易惠連許從終

詩能

絮語寒宵未忍眠。相看鬢髮各蒼然。重逢不惜

添衰老。祇恐重逢又幾年。  
與玉斧不相見者五年矣

和十三叔父詠懷詩四絕句

摩娑老眼喜無花。著作紛然欲滿家。日對一編遊大古。豈知世味薄于紗。

白衣蒼狗絕烟雲。湮渭澗底事分。伎倆何須問山鬼。自然無見亦無聞。

誰道青春無一堪。書城獨擁髮鬢髯。他時筆記流傳遠何異。當年老學庵。

金石盈筭多虎臥。

叔父著有丹青滿壁盡龍驤石刻撫言

二十七 弟喜画 羣兒一任相咂點。自古蜉蝣不自量。

題王魯珍画爲子彝表弟

老樹荒原葉欲空。寒鴉凌亂滿秋風。披圖恍憶  
山居景。倚杖柴門晚照紅。

歸鴉作陣漫高低。繞樹飛鳴東復西。今見鳳雛  
翔萬仞。上林別借一枝栖。子彝弟有令子故云

深澤卽事

滌洞一水抱城隅。臺殿參差儼画图。誰種芰荷  
三兩畝。便堪喚作小明湖。北城北極宮位置風景畧似吾鄉濟南

下

缺吻傾檐選佛場。唐碑漫漶草荒涼。風流賸說

南安守。曾向堦前掬水香。興仁寺原名大忍寺唐開元碑猶存荒廢極矣用曹溪水香可建道場事歎此寺之修復無人也

閒吟二絕書寄大兒

花柳三春未啓關。殘書藥裏伴衰顏。如何日日

神遊處。都在漁陽上谷閒。

游子連年繫遠思。家書頻到見無期。朝來又送

兒孫試。自笑癡翁徹底痴。

寶蘭堂遺詩 下卷

寶蘭堂遺詩二卷 山東巡撫探進本

國朝趙執端撰。執端號緩菴。益都人。雍正中分益都置博山。趙氏所居割隸焉。故此本追題爲博山人。執端於趙執信爲從弟。而於王士禛爲甥。執信士禛以爭名構讐。著書互詆。兩家詬爭如水火。執端獨舍執信而從士禛。其詩句擬字摹亦頗得其一體。集中有過士禛舊居詩曰。笑兀龍門羣仰望。飄零宅相獨徘徊。依然萬壑朝宗在。不禁蚍蜉撼樹來。蓋爲執信談龍錄發也。執信談龍錄負氣指摘。或不免失之太過。而所言不盡無理。執端直以羣兒謗傷詆之。是其門戶之見。尚未泯明季餘習矣。

# 晚樹樓詩稿五卷

〔清〕吳震方撰

北京大學圖書館藏清康熙刻本

附《四庫全書總目·晚樹樓詩

稿四卷》提要

晚樹樓者康熙癸未之春

皇上南巡幸浙 賜青壇兄

御書復其官青壇敬摘香山詩中三字以名其樓因以  
為茲集之名也太上有立德其次立功其次立言青壇  
與余兄弟同研席寒暑歲月朝夕切劘自己未通籍三  
年中秘一載西臺遽以言事罷去自以平生無所樹立  
二十年来家居讀書著述閉門却掃未嘗交游所輯朱  
子論定文抄進呈

御覽深蒙

皇上嘉獎其餘纂輯不輕以示人至於詩尤深自晦匿  
嘗曰今代詩家指不多屈而以詩名者人握靈珠家操

晚樹樓詩集序

和璧吾豈敢言詩乎哉然青壇之詩原本於杜韓一篇  
一詠不為苟作其忠君愛國之誠憂天憫人之念清廟  
明堂之音濂洛關閩之指一發之於詩皆能力追古風  
有裨世道至於孝弟之性篤於天倫緣情之作不違騷  
雅託辭比興復隱秀多風又其餘緒矣噫青壇嚴氣正  
性抱真弘遠惜未得一日展布行且老矣而立言之妙  
遂能自成一家殆晚而後有所樹立耶其名集之意或  
以此夫余兩人南北睽隔多歷年所退食之暇每誦其  
詩轉念昔年對牀聽雨之情時往來余懷為之撫卷感  
歎因序其篇端如此世有知青壇者當不僅知其詩已  
也康熙四十四年乙酉冬日弟涵拜撰

家侍御青壇歸田後焚香支戶把卷南榮著書甚多一本六經仁義之說不為無用空言今年春復哀集二十餘年來所作詩屬余序之余讀之深有感也余惟邑中詩人自貝清江以後寥寥無繼者至明季觀察郭舜舉其詩源本王李亦頗溫存密麗孫子度遊牧齋之門近體有劍南風致古詩亦排宕不拘然皆功候未純不能深造蓋作者之難如此吾宗先聞人俱從帖括起家從好介子庶常詩離奇光怪出入昌黎昌谷間子虎詩則浸淫三唐惜皆早世不及成家憶余年就傅時戲賦海棠截句子虎擊節曰小叔他日當以詩名寓內逮余補博士弟子復與自牧從姪全學所作詩俱效伯敬隱秀

庵村樓詩卷序

二

軒體年十六始交晚村又共摹初盛唐互相鑒錯後乃數變而為宋人蘓黃之詩始得所宗而詩亦稍稍進矣然是時青壇方屈首舉子業啾唔攻苦未嘗一及韻語初不知其能詩也已酉以後稍得見其篇什爾時已河漢其言迨後成進士登玉堂值承明以迄建言里居數十年間篇咏漸多而又南踰閩粵北抵燕代及青揚宛豫遍觀名山大川以昌其詩惜散軼頗多今集中所存強半壯游所得也要其大凡學殖日富詩律日工則得之掛冠後者為多因思昔人仕宦遲暮而有悔不十年讀書之嘆假令青壇非掉頭拂袖而日擾擾長安聲利場縱不至情炎欲闢候色拜塵若他人之喪失生平

然在軟紅塵土中酬應雜遘俗慮紛綸即使位日益尊其所造當不能成就若此廬陵序梅都官詩言士之蘊其所蓄不得奮見於事業往往發之於詩故窮而益工青壇雖坎壈失職初無幾微不平所為歌詩詞旨皆和平雅正不作羈愁牢落語亦無頽隋委靡哀颯無聊之弊則以視歐公所云內有憂思感憤之鬱積而興於怨刺者又高出一頭地矣余息影村莊足不踰戶外既不若青壇詩得江山之助而初學時謾謬種子膠加八識田中後雖有進益然歲月尺寸剗除沙汰未盡青壇善讀父書於流俗趨尚外獨宗慕昌黎舍咀穿穴得其深處故骨力堅勁語句侃顏無纖毫塵全抒其筆端譬之

晚村樓詩卷序

三

於禪余如縛律小僧積漸有得終非大乘青壇如頓宗一蹴而至為正法眼藏也然余雖不自滿志世人謬以為工而嗜之此韓公所謂小慙則小好大慙則大好者今即欲盡刪舊作已為人所振拾播揚青壇則格律高古工力又到世或罕觀其詩不可不亟出之以為後學師法余於青壇雖為從祖行而年齒相若幼既同嬉游長復並衡字數十年間詩版往來無虛晨夕知青壇之深者誠其如余故不辭而為之序獨是二三十年中自牧物化晚村亦相繼殂謝回首少壯時聲從倡和之樂良友劇切之功如前塵昔夢杳不可復得獨與青壇頽齡聚首相與酬答於愴悵懷恨風雨晦明之餘何其憊

也破硯寒燈申旦不寐牽連書此益不禁歎歎煩醒也  
已康熙乙酉季秋黃葉老人之振書於靜存軒

晚樹樓詩集序

三

晚樹樓詩彙卷一

石門吳震方青壇

己未三月二十三日 太和殿傳臚恭賦二首

春光澹蕩滿晴空曉日初高瑞氣融鵲驚行齊瞻紫  
極草芽心切仰蒼穹天人策愧江都遠甲乙恩叨曲  
水同不信鳳池元舊物青瓊還映藥花紅

彩仗琬輿設禁廷燼煙馥郁轉遙青句傳姓氏聞宸  
慈賜第班行到負苓才薄未堪充上賦學疎虛忝號通  
經幸同潢潦朝宗願敢道凌雲句可聽

己未五月初二日

上御保和殿親簡庶常恭賦二首

晚樹樓詩彙卷一

二

曉隨宮漏趨中禁三殿深嚴曙靄敷柳色綠凝蟬陛靜  
葵心紅向玉階開祇聞清警傳聲肅侍見丹宸侍

衛環帝座可通纔咫尺微臣初喜識天顏

碧雲繚繞鳳城邊多士欣瞻尺五天玉殿呼名隨筆  
後金門拔萃愧廬前賜衣應惹爐烟細載筆還沾御  
墨鮮似續敢齊蘇瓊子苑中風樹憶當年

太學石鼓歌

讀詩最愛石鼓詩學書最愛石鼓文三百五篇不收入  
煢煢雅什埋荆榛後世徒知寶斯篆秦皇玉璽何足云  
自從載送入太學一朝神物離風塵  
天子御極十八載臨軒造秀臚九賓受遺諸生謁

先聖釋菜齒胃行誥訖見石鼓光璨璫東西各五排  
嶙峋其一求之自民舍窪其中以爲受辛摩挲一讀一  
下拜拜起復讀兩手捫章句缺殘字漫漶若非素習時  
能今惜無澄心堂紙李珣墨榻模十幅成奇珍蔡邕石  
經昔始立車馬日夕填如雲今茲石鼓寂精絕不見好  
事來成均始知此詩此篆人莫識如食太羹難入脣因  
思周宣昔奮厲六月采芑王綱振車攻吉日復朝會大  
蒐禱伯修戎軒當時文武盛勳伐吉甫方叔尤殊倫勒  
諸石鼓傳萬世蛟龍拏攫驚心神即今四海漸寧一宣  
王不敢稱比倫誰能刻石頌偉烈共見石鼓雙高蹲嗟  
我辭慳語又鄙欲吟且罷還逡巡當世應有好古者試

晚樹樓詩集卷一

爲一曲歌陽春

已未孟夏之望

皇上禱雨圜丘甘霖立霈敬賦二十韻館課

禹甸躬畊日湯盤自責時生成通造化齋沐叩 皇慈  
渙汗羣生識誠心 上帝知艱難憂稼穡幸苦念茅茨  
玉輦登丹地銀鋪啟赤墀從容收視聽恭默敬威儀  
華蓋香臺合層城綵仗移鼓鐘存望祀圭璧肅神祇紫  
府開魚鑰蒼壇集羽旗祠官蘭帳拜中使竹宮遶淑氣  
迎天姥靈符撒雨師水從鯨沼吐風拂鹿車吹蔥佩南  
溟接朱衣北斗垂驚濤銀蟾蜍飛瀑碧琉璃日麗朝元  
閣雲興太液池管絃歌鳳女庭戶引龍兒萬載臣僚治

三秋父老窺承平真有象至治本無私駿業欣長曆鴻圖  
想 睿詞前驅乘月令昭代奏幽詩

擬賜宴瀛臺紀恩二十韻館課

禁苑通靈沼宸遊邁柏梁山川蒙雨露草木帶恩光  
赤水龍飛動丹山鳳頤頤柳迎仙仗舞花拂玉珂香縹  
緲瀛洲畔蒼茫太液傍五雲時冉冉百執共踟躕  
泛天河遠風隨輦路長肅容時側席恭已見垂裳拜手臣  
心喜賡歌帝道昌物華皆自得聖哲永無疆日近聞  
天語煙濃繞御床大官頻賜饌中使遞傳觴鑄宴寧  
爲樂汾歌未敢當吳綾光燭耀蜀錦色輝煌寵賚逾  
渥欽承矢勿忘奪袍慚宋子割肉笑東方玉盃葡萄酒

晚樹樓詩集卷一

三

金莖沆瀣漿投醪來內府消渴即餘杭侍飲嚴三爵推  
恩暨八荒仰窺同樂意長此頌陶唐

擬大閱二十韻館課

聖仁能畜衆神武敢張皇地水安中域天山撫大荒吹  
笳繁細柳屏幃出長楊七萃熊羆士三驅貔虎行鈎陳  
懸象迥闊道竟天長呵蹕聯丹陛鳴鑾自紫房蒐苗儀  
正肅類禡典還莊令舉傳烽燧郊遊適莽蒼樹和兵氣  
振擊斗戰雲翔合甲鑽犀屬巢車製武剛鸛鷺成進退  
箕翼任舒張野燒萊田起軍屯蘭祀防龍山漫網罟夾  
岸植旂常斥堠嚴寨寂牙門望吉祥征衣翻海日畫角  
響天霜陣挽雕弧月營麾短劍芒鏡歌朱鷺曲中舞白

狼章雨洗經年亭烟銷五色光 宸衷行悅豫士隊漸  
飛揚奏雅看寧謚修文樂未央

己未九月乞 假南歸賦別諸前輩

上陽佳氣接蓬瀛海內君宗集漢廷得御欣進李元禮  
說經深愧鄭康成 君恩許採名山藥鄉路應垂細雨  
橙此去長安同日近五雲回首不勝情

賦別諸同年

瀛洲亭子喜同登聯步金門對玉繩散帙影移三伏樹  
燃藜光映九枝燈自嫌多病如司馬豈有歸心似季鷹  
千里相思若隣比蘋鱗蒼雁寄頻仍

康申夏余省家大司馬留村叔於榕城得晤通家

晚樹樓詩葉卷一

四

諸世好因述先祖大中丞督學八閩至今人士稱  
頌不衰遂相與公舉名宦以垂不朽余深感諸先  
生之意轉憶乙酉先君庶常歿于維揚丙戌先中  
丞自閩歸里余甫數歲流離困苦不能記憶一二  
也昔宋汪藻父穀為晉江令于時藻始生後藻為  
郡守謝表有云訪六十年之父老恍若前生佩二  
千石之印符敢期今日迺先中丞已外督學距今  
四十二年余尚未生也茲幸忝列詞臣復游茲地  
撫今思昔觸物愴懷而通家世好猶殷殷不置足  
見諸先生之盛德不忘故舊更知先中丞掄才愛  
士之澤至今未諼也率賦俚言以誌感謝

風采文章彼一時論文三世訪遺規鄉園漸廢存松菊  
舊地重來慰夢思刺有故人談往事敢期尊俎薦新祠  
襄陽片石猶然在先祖去思碑在福州府學四十餘年尚口碑

滄海纔看淨釜魂榕城耆舊幾家存旌旗日暮晚霞合  
鼓角更深夜雨昏軍旅乍閒修俎豆斯文未喪記淵源  
箕裘竊恐身難繼賴有并州舊誼敦

楊芝田同年約遊趵突泉追和曾子固韻

研席纔從玉署分又同灤水滌淄塵眼前波浪看成石  
耳畔風濤聽已真冰柱原來難作砥雪車終古自埋輪  
山川奇險尋常事莫訝茲泉玩世人

謝程正路惠墨

晚樹樓詩葉卷一

五

黃山六六峰幽奇白嶽崒嶸爭肩差吾依二山無靈氣  
不見人間產英異原來靈氣元不死中有高人槐里子  
槐里淵源溯二程屈指葉葉多簪纓槐里高人尤好古  
去年試搗玄霜杵烟掃朔雲屑寒玉作膠更截黝蚪角  
工深法妙誰與儔昔時潘李皆迴頭近貴君房並于魯  
眎如黑土何足數自此四海名文章盡出程生百鍊光  
我今得之何所用染翰將草王褒頌

贈胡階六次朱人遠韻

行書草書便揮灑臨塗滿紙雷鳴瓦八分小篆未全識  
況識石鼓車與馬階六篆筆能絕塵六書古法求其真  
為我試作方寸印不是今人是漢人

和孫子立原韻送趙浮山

握手相看欲別時，同人猶自惜分危。  
九秋整此風塵隔，三載難判研席離。  
仗馬鳴來猶幸晚，星郎望重莫嫌遲。  
海濱未許容三徑，早訂從容退食期。

中秋集琴曲名寄贈琴川張仲宣

涼渚中秋月，平沙落雁聲。  
良宵名士過，永夜客牕醒。  
秋思洞庭遠，漁歌若水清。  
古交君共砥，膠漆我能名。  
脩禊當年事，桃源隔世情。  
佩蘭香韻郁，夢蝶魄縱橫。  
雅調關雎曲，高談列子經。  
靜觀皆冥穆，神化合超騰。  
試奏山居操，離騷修已平。

奉和黃仙裳酬學憲趙使君海陵試竣枉駕荒廬

晚樹樓詩集卷一

兼奉懷前觀察田使君

江南才士盡陶甄，有客行歌江水春。  
不向金門分束帛，祇於石戶作畸人。  
虞羅有網鷹仍罟，海客無機鳥自馴。  
珍重使君能折節，草堂相繼駐華輪。

和鄧孝威黃仙裳王武徵七月十一夜志局坐月

限紅字韻

國史方輿記載同，名山蒐輯盡宗工。  
秋堂發墨雲烟黑，夜月翻書蠟炬紅。  
壺口為傳忠孝缺，酒盃因論古今空。  
先人遺節垂青簡，尤喜重登志乘中。

諸君子同  
在志局

和韻贈壘峰姪

秋館暫投轄，羈人午夢時。  
衰顏畏塵俗，客思繞天涯。  
歷落泉琴記，淒清鴈字詩。  
壘峰以響泉琴記鴈字詩十首指扶示相  
遙遲倒屣何，慰相思。

和贈黃交之

葛巾白袷換朝衣，北闕相知望見稀。  
客思思卿憑短札，壯懷懷古弔殘暉。  
悲秋病骨和詩瘦，末俗人情舉面肥。  
獨有汝南黃叔度，論心傾蓋到幽微。

癸亥重九前二日程天玉約過江秋水齋看菊并

觀舊蹟名器數種即席賦贈

廉纖微雨作深涼，秋老黃花點鬢蒼。  
客舍病餘枯韻短，新知情重引杯長。  
大邑堅篲聲似玉，宣和名蹟墨猶香。

晚樹樓詩集卷一

文通彩筆原無敵，敢向東籬索報章

癸亥七月廿四日，邗上士子入學文武五百餘人。  
旌旗鼓吹車馬闐咽，他郡莫比。時有丐者在側，瘡瘡啞膿血，被體衆共逐之。余笑謂同坐曰：是我師也。戲占二絕。

寶馬華輪集類宮青衫玉面氣如虹，無端忽現衰殘相

不減清涼撲面風

病身狼籍百骸枯，踏遍豪門飽剩餘。  
偏見畫堂頻易主，更聞孫子缺衫襦。

題衢州黃介伯畫冊

姑蔑知名舊邗江，寄傲新榛塗無枉轍蓮幕有高人。  
係在揚州幕客隱君子也時已七十



石忘年歲詩書愜隱淪無緣陪杖履添我畫中身

重登齊雲和羅念菴先生碑間韻

擔簦衝雨扣天閭昨歲登臨興未忘野性耽山同抱朴  
病身尋藥問長桑風塵脫屣堪終隱芝朮加飡不羨糧  
更上天梯最高處令人無意論行藏

曾訂雲山金石盟暫嬰簪紱敢忘情身離朝市筋骸健  
坐對春巖心地清霧壓層巒飛翼重風生遠浦過颿輕  
摩挲片石重吟賞慙愧高賢句未成

題江允凝黃山冊

昔未遊黃山曾吟黃山詩聽人說黃山從而為之辭壁  
厭羊酪人哆口談荔支繼美非身親坐費十日思今披

虎樹樓詩集卷一

八

黃山圖境界無差池溪山列几案雲霧生鬚眉應接苦  
不暇百幅爭紛披一一豁我眼而面皆幽奇茲山分寸  
地無處容塵縉茲圖妙自然真搜運鑪錘毫端補造化  
手腕陳高卑三千六百丈廣袤莫可規收拾方冊間懷  
袖供取携江子誠壯哉頗笑愚公移吾志黃山遊恨以  
塵累羈自得見此圖可以慰渴饑先於清絕處為我添  
幽居誓買幾兩屐不顧腰脚疲如到硃砂巖更煩題此  
詞

六月之望同西洲兄殿臣表弟周萬姪晚步荷堤  
西洲首唱共成四律次韻

九佳

三年塵土走天街重到池塘晚色佳一路荷風香破鼻  
滿空雲影月梭懷等閒放蕘憑誰賞草次裁詩強自排  
正是名花比君子莫將芳艷擬名娃

十四鹽

避熱還如避金鷄清風明月喜相兼且貪鴻羽方離繳  
贏得蕤蕤未下鹽宿鳥護巢頻嘆喙露蟬空腹最清廉  
荷風扇暑沉疴滌玉井何勞太華尖

十三覃

纖雲如澱玉波涵夜色繞深薄染藍擊斂學書身半百  
舉杯邀月影成三荷當晚放香初靜韻到難安意轉酣  
緩步相尋話愁寂朦朧涼影印澄潭

虎樹樓詩集卷一

九

十五咸

初學裁詩羨阿成正逢白眼脫朝衫文成乍試蓮花鐸  
賦就如開玉檢函喜有雄才能競響更無累句可增芟  
眼前勝事饒今夕何用尋幽向碧巖

贈金庭山人

洞開金庭秘名添玉簡真辭家無淚落到處有人親伏  
火封靈藥忘言養谷神三山風引去從爾問迷津  
人皆求至道至道更何求饑倦同眠食寒暄異葛裘泉  
鳴千磡合月冷萬山秋曾識壺中意期君汗漫游

絕句四首寄贈文城較書

盈盈十五妬花時曾折名花第一枝笑撚花枝嬌未挿

殷勤更索咏花詩

舞罷腰肢入掌輕  
幾回密訂夢難成  
牀頭點鼠為誰卜  
學數金錢到五更

疑寒睡美朝慵起  
輕揭金鈎露晚妝  
昨夜薰爐衣尚煖  
從容為裏水沉香

三年分手意難裁  
只隔吳淞水一隈  
身是新秋河上鵲  
一年剛得一回來

贈湯潛庵先生

熙朝詞客羨騰騰  
勁節宏猷帝股肱  
十載仍遷太史氏  
五年超拜大中丞  
東南士盡知瞻斗  
厥淫人咸信飲水更喜翠華遊豫處  
時宣恩澤到黎蒸

晚樹樓詩集卷一

十

鈴閣深嚴白晝長  
海天清宴謫春陽  
憂時念切蒼生計  
報主心唯素絃章  
曾記五雲陪杖履  
每從三殿會冠裳  
高山在望情何極  
仰止還希映末光

贈同年汪舟次使琉球四首

別酒醉紅亭  
喧呼聞使星  
受書來北闕  
持節下東溟  
沙棹蛟宮白  
風回島嶼青  
遐方歸版籍  
勝算本朝廷  
藉甚文章伯  
同趨侍從班  
威儀沾聖化  
拜舞動天顏  
攬轡開三殿  
揚舠諭百靈  
羨君饒勝概  
何處更追攀  
綵仗導中流  
天清蜃氣收  
江神持壁獻  
龍女抱珠游  
風日如三輔  
乾坤此十洲  
空峒有長劍  
抵掌說封侯  
部內山川古  
搜奇好繫船  
酒醒龍鮪苦  
鹽沃蠓房鮮  
史

託徵車譯詩從賈舶傳鴻荒開闢後長此祝堯天

重過釣突泉恭仰 御筆激湍二字碑刻敬識一

律

灤水潛源引派長  
更雷宸翰有輝光  
樓臺倒影涵朝采  
草木滋榮惹御香  
扈 聖羣公留筆札  
內閣大學士明珠曰  
阿附職雪禮部尚書介山曰  
同漢內閣學士麻爾圖曰  
漱玉都察院左副都御史  
孫在聖曰  
飛鴻侍講學士高士奇曰  
珠

瞻雲萬姓仰冠裳  
是日天顏甚喜命南諸生  
十八侍班士民瞻仰者不集  
微臣未

獻長揚賦敢上相如諫獵章

悼亡妾冰氏四首

憶昔尋春去東臯  
解佩時珠樓邀覽勝  
畫舫促題詩月下攜雙袂  
銮前話一卮  
十年生死異慟哭  
向空幃

晚樹樓詩集卷一

十二

三年榮別緒  
重喜續歡娛  
白首期相對  
青春遠已徂  
風前摧玉樹  
掌裏失明珠  
不忍開粧鏡  
難看瘦影孤  
夢裏思頻見  
偏悲夢轉稀  
應憐珠淚盡  
不忍到羅幃  
枕簟拋香印  
余綢冷玉圍  
少君無處覓  
莫識是耶非  
皎皎蓮花質  
亭亭不染身  
如何蓬島秀  
旋作夜臺人  
嬌子猶卿子  
而親匪異親  
九原還可問  
應不恨沉淪

送別周維念遊粵東二首

嶺南去日吾曾到  
握手尊前說與君  
大抵山川皆剌厲  
果然丹木最清芬  
鷓鴣啼雨深秋急  
猿猱吟霜靜夜聞  
莫戀壯遊淹日月  
春回應望嶺頭雲  
三載分襟重聚首  
一朝南去放舟行  
情牽嶺表孤同調

夢逐江流戀舊盟史館暫時閒研席詩囊應得滿瑤環  
明春相訂金臺約絮語燈前數客程

次韻答沈心涯

敝衣一載更緇塵骸骨慙愧故人攬鏡難教顏面改  
蒙皮何用爪牙真雲山繞夢終成癖蔬水留驂不厭貧  
齊客三年仍挾瑟漢庭莫訝後來薪

贈南敦伯

聖朝文德遍雞林九萬東來遠獻琛治曆能占天道遠  
考工還拜主恩深豈將鑿空矜迂怪獨以清修勵影金  
却笑腐儒逢世拙翻從海外得同心

和徐健菴先生祈雨二律

晚樹樓詩藁卷一

十三

舞雩壇表日華東采綬蒼帽入望中解澤自宜雷雨至  
精禋直使地天通旋迴暑氣來雲氣好祝田功奏歲功  
共喜作霖將命說允和上下答

皇衷

奉命祈雨到壇作

不煩圭璧徧郊宮已見雲油覆域中疊鼓朱繩稽舊典

百原黑蜺舞層官常平積貯謀誠緩

時余應請歲常平積貯一

德交孚感易同時雨既多甘露續今年定比去年豐

雨澤即事

壽韓慕廬先生

明良開泰運經術重儒臣東璧鍾人瑞南金挺國珍才  
元兼左馬學早紹關閩汲古淵源遠逢時桴軸新縱橫  
龍變化瀟灑鶴精神力挽文風正潛迴世道醇起衰扶  
八代鳴盛埽千人標定歸廬聲枝還借却詭竊珣班侍

從鰲禁掌絲綸天上堂名玉湘東管賜銀九重資顧問  
多士仰陶甄應制翻黃鵠承恩對白麟鳳池才獨步魚  
水契無隣霖雨南求叶凌雲激賞頻起居史館直啓  
沃講筵陳密勿參黃閣廣颺近紫宸星雲歌復旦  
海宇慶同春後樂匡時志忘家報主身至公捐請謁  
特立謝緇磷淡泊同寒峻蕭閒異要津休休看委佩穆  
穆見垂紳大業占調鼎訐謨待秉鈞黑頭公望重紺髮  
道心真玉露迎涼早銀河乞巧晨寶爻周大衍崧岳驗  
生申東閣叨前席西清接後塵久忻瞻斗極曾許吐車  
茵願挹蓬萊醴年年祝大椿

賀宋荊洲世兄

晚樹樓詩藁卷一

十三

菰苑無雙士蓬山第一人應圖駢驥出綸綵鳳凰新門  
閤真無匹文章早有神詩書傳相國詞賦重儒臣桂牘  
翻銀翮瓊臺試錦茵筆花騰五色風草偃三春弱冠金  
門擢新篇紫禁掄聯翔看錦字承寵扈丹宸藹吉驚人  
瑞觀光利國寶形闡金錯落象闢玉嶙峋喜挹芝蘭秀  
欣霑雨露頻三垣席乍暖九辨賦誰倫延士爭前席慚  
余屬後塵問奇分鯉對立雪塊龍馴雅接槐堂宴安期  
棟宇隣南雲瞻斗柄北極指鉤陳高蔭千門迴隆恩再  
世申入朝兼制草退食好承親謾說才華健從教翰墨  
新鸞龍知有屬仙掌佇絲綸

送王儼齋先生假還

一疏陳情達紫宸 溫綸褒諭重諄諄共知輦轂仍虛  
左未許家園久乞身眷顧如斯真異數子臣到此是全  
人遙思清時堂前樂劍履雍雍拜舞頻  
暫假朝衫上錦鞵捧來銀絹 內廷宣趣承膝下諸兄後  
拜起朝中百職前春酒雙斟娛壽考瓊林滿座列貂蟬  
自憐亦有晨昏戀夢到鄉園倍惘然

送王薛澥先生假旋

東風初拂柳絲輕 畫錦看君出鳳城晴雪迴瞻雙闕迴  
白雲遙倚九峰生江鄉蝦菜春來美驛路驚花盡裏行  
想到故園家慶日銍車旋入侍承明  
聊那兄弟三珠樹十載曾容步後塵計相早聞資柱石

晚樹樓詩藁卷一

五

詞垣相繼掌絲綸 講筵連炬常侵夜親舍萊衣正及春  
倘向軟紅憐鞅掌歸鴻莫惜尺書頻

題陳潤甫燕巢圖次陸永脩先生韻

小築如營燕子家芹泥壘就帶飛花爐因辟蠹香頻換  
瓶為還書酒屢除有子吟唔親短檠邀人欣賞拓紋紗  
披圖似入吳王苑翠竹高梧水一涯

甲子春孟將適粵東省留村族叔次孟舉叔祖送  
行兼寄梁藥亭韻

世路吾已諳出門眼長白海內賢俊人未曾論夙昔舉  
世重脂韋恐負頭上幘吾叔奠海疆酬庸列勳格千古  
意氣雄萬里雲霄酬酒酣詩百首黃金輕一擲清風拂

羅浮惠氣遍黎赤往余玉堂暇琴書頗索莫謁公過榕  
城日暇荔三百先公歆俎豆先祖中丞公從仲士公從仲士公從仲士再拜謝霜  
戟語餘及家事親厚略形跡茲復忝諫官休沐返里宅  
思公懷抱切敢辭行李役猿鶴與沙蟲所見多嘆息飽  
聞梁藥亭願與共晨夕才名三十載不作諸侯客相視  
應一笑心胸先注射自塊蠢力微太華手欲擘謝公誠  
知人當折幾兩屐

次子卿登發江津韻

坐穩江流興自豪長年路熟此江皋春當晴夜宜看斗  
水接滄溟好釣鰲清露浥蓬萊客冷暗潮侵岬覺船高  
起來欲和新詩句為飲鋒鋌怯孟勞

晚樹樓詩藁卷一

十

登富陽大觀樓

危樓俯江壖春水浸城脚千山抱城來勢力若拏攫造  
物工爐錘非由昔穿鑿山川蘊靈秀王氣有偏駁向者  
孫仲謀江東亦龍躍雖失吞蜀魏雄圖固非弱千載供  
憑弔蹤跡今寂寞居民萬其室斯人不可作凋瘵困征  
輸誰為求民瘼早行江水上日晚就羈泊攬古登茲樓  
雙眼暫能擴忽焉塵思淨頓欲解束縛指點蒼翠間吾  
老將採藥何為酒喧卑礙若籬間雀山風吹客裾春衣  
亦已薄推蓬呼酒飲城頭復擊柝

江皋家僮較射

江晚縮潮痕沙岸平如掌片帆投浦漱日照檣鳥上傳

舟命僮僕挾矢就塏與百步植綿叢分曹限朋黨實懸  
首功格不勝罰非枉爭雄競駢睛關巧得深想穿類魚  
中釣突如鳥觸網前行或破的後來劇爬瘡累獲氣盤  
盈偶負色逾強得失在分寸榮辱別呵獎行者助譴笑  
下擔息來往方今四海一千戈靖搶攘致弓講詩書恩  
馬脫帛鞅何用事決拾軍食糜國帑吾欲驅弓人更  
復銷甲仗賣刀買黃犢身自犁肥壤村村無狗吠唐虞  
可想像

舟發桐廬過嚴陵瀨

放棹去江城搖搖客子情灘高驚瀾灩澦薄漸銷腥風  
闌舟前却山迴水送迤邐自惟慚隱跡不近釣臺行

晚樹樓詩葉卷一

十一

舟次嚴州郡侯任清南留飲

我今適粵萬里纔好友獨與徐生來四日江行過嚴瀨  
灘聲激射如風雷徐子乍見詫奇絕新詩日日堆瓊瑰  
山川與我皆舊識無言旁睨徒嘻哈攤書穩坐舵樓底  
或恐識面遭嫌猜偶得桐君餽肴杖麓餅大載兼村醅  
但道縣小令貧乏我豈不足君所哉唯堪風物恣吟賞  
眼中碌碌非詩材任公出守山水郡想應時釣嚴陵臺  
當今官府重風力半刺不入稱長才客行遠遠背城郭  
城中官市夜半開任公胡為遽延客坐對羣岫傾樽壘  
酒闌語不到塵事夜深不許候吏催醉歸聊復詫我友  
朝來困倦詩難裁

自蘭溪抵常山

蘭蕙春風香知發蘭溪渚片帆溯空明輕舟自容與弭  
楫息龍丘鄰皺澱水流不寐見明月勞人生百憂所憂  
非一身客子請具陳今日三衢道昨昨年百戰塵城下牛  
馬墻屹然作邊疆重臣支半壁不減張睢陽謂劉所朝廷  
記勲烈父老猶能說為指征闕處每每動悲咽可憐鋒  
刃餘八口無寧居良田半污萊城郭存丘墟我勸賢守  
令殷勤字百姓有口為誰陳有耳孰肯聽行行向常山  
車馬愁躋攀潺湲別客耳滿目驚荒殘此地更狼狽焚  
掠禍尤最守將先倒戈巍然猶擁旆城中荆棘路舊日  
繁華聚春花千樣紅亭臺亦無數回首興廢時興然心

晚樹樓詩葉卷一

十二

不怡天狗隨地死妖芒掃靡遺三年屠赤子瘡痍猶未  
起用一宜緩二庶得供耘耔其如迫軍興年年更預徵  
疲此筋力盡始克奏才能我欲終此歌和者應無多歌  
成三太息當奈客愁何

弋陽令譚左羽同年留飲

芙蓉疊嶂水雲低飛雪仙人駐葛溪兩世弟兄敦夙好  
幾年風雨共追携泉鳴石峽流琴曲花爛山城聽鶯啼  
客至春盤供菜把興來還有醉如泥

安仁道中苦雨

年來此地春晴少到處江流漲綠波客境祇於蓮下坐  
好山多自雨中過鷗鳬漾漾隨輕棹烟水濛濛浸短篷

麥秀正愁農事失故園桑眼近如何

謁張睢陽廟

蘗芽折斧柯丘陵蕩蟻穴勿謂小不懲禍至忽如撮開  
元際全盛金甌謂無缺玉環一婦人何足敵英哲擾蛇  
忘毒螫帷第恣淫媒更將虎入室履尾聽其啞龍漿流  
深宮四海沸成血野火燒中原旄頭指宮闕不有睢陽  
城一死捍門臬李郭雖英杰焉得就施設偏裨盡侯王  
孤臣齒猶齧社稷幾丘墟不意為羅襪千載靈爽留異  
代仰忠烈廟祀鄰江濱行客詎敢褻日夕多翦生礫鱗  
穠桃菊豈直罄牲牢今古示臣節

自玉谿抵章江門道中觸目成詠

晚樹樓詩集卷一

六

豫章日遘亂兵戈屢屠酷芒彗掃斗翼妖氛纏洱海殺  
氣當晝昏白日顏色改室毀人既虛年荒鬼充餒斯人  
望來蘇王師亟問罪逆徒皆倒戈羽書頻奏凱海濱  
無驚波茲焉罷烽壘漸得歸溝塍烟林見樵採如新脫  
瘡痍未全離疾瘳昨聞官視荒頓覺生意倍倘遂蠲積  
逋更生此猶逮自放玉谿棹漲水若奔駭信宿抵都邑  
江章蓄停滯城中幾萬之十餘五六在對案未能餐有  
酒不肯買誰為陳此詩側望輜軒采

題澹臺子祠

聖人昔既沒周道日凌競弟子之四方再傳流縱橫洪  
波濫其源百川遂奔迸卓澹臺子守已全直性矢言

絕私交跬步必由正巉巖一片骨千載獨高真兩蛟飛  
挾軀妖誕當盡膜要求雙白鰓神勇色逾定恥被虫豸  
欺非是慘投贈斬蛟竟沉玉坦懷無悔吝當時治任歸  
南游楚江境想其介特操非為資歷聘茲邦留偉跡到  
今遺教盛東湖有荒丘傳是先賢朔崇祀儼神貺祇謁  
敢弗敬夫子列聖門實賴武城令惟賢能得人鐘鐺相  
和應俗吏憚剛方所喜在柔佞苟能阿厥好千里可不  
脛江河勢日非下流彌徑庭賓座無名賢云恐撓清政  
如其客果賢馬肯輒干請吾聞政不脩未必皆客病所  
以春秋時國君重將迎流風被江濱仰止見高行今古  
情勢乖斯言堪此興

晚樹樓詩集卷一

七

鐵柱宮

縣竊息壤埋洪流塞此決彼無時休不惜蒼生填巨浸  
帝申厥罰齊共典舜拜神禹平水土力釀川原成九股  
鯨鯢沸波龍起陸脰胫何由施網罟天恐赤子化為魚  
授禹玉文金簡書鞭山答阜役雷電盡放鱗歸沮洳  
東南地傾百川委腥妖水恠長為祟至今江底鎖支祈  
卵孕猶能出穴異漢祚四百炎靈銷五馬蹴裂當塗高  
蛟蜃乘衰作狡獪往往辜壤淪波濤旌陽仙令傳秘錄  
神劍一揮羣魅哭積骨成洲血潰川老孽就俘頭瑟縮  
功成留蹟洪都宮鐵柱千尺因元兇君不見尋丈方池  
清徹底一泓寒水浸蛟龍

滕王閣四首

滕王曾此締高樓四面雲山一望收去日風流成往事  
空餘陳迹話南州

山川如舊畫圖中想像當年結構雄興到欲題秋水句  
令人千載憶關公

賢王勝槩表江濱劫火偏隨玉石焚應是後來無作者  
不將風月與平分

關于康熙庚申重修  
未幾為雷火所燬

殘址猶存幼婦辭手披蒼蘚讀韓碑何年萬井安風雨  
重見崔嵬畫閣奇

洪都客次海昌陳子允文招同曹子石閣查子聲  
山高子蒼霖張子方曦徐子子卿小飲分得佳字

晚樹樓詩葉卷一

三

同里親朋異地偕酒杯詩卷共安排雨痕新過茶烟潤  
春氣纔深柳色佳寄傲風塵寧澹泊忘形蕭汝任詠諧  
無由青眼陪高唱藥裏關心轉悶懷

喜沈子心涯至寓

空庭下鳥雀客館如深山閉門少人事數日無往還畫  
夢每歸家修忽踰鄉關為雀驟驚噪忽聞僮僕喧披衣  
見子笑頓覺旅思寬亟為度几榻未暇及寒暄自知病  
拙訥奔走非吾真偶然脫羈紲暫到章江門子方解行  
裝吾已理檣輪匆匆出篋寄詩卷互討論子令駐洪都  
勝蹟忘遊盤懸知囊中句粲粲青琅玕足畏岐路千

謂豈所安何況吾與子道義夙共敦慙慙惜分手誓身  
絕攀援

暮春朔舟發南昌晚宿河泊

征途涉春序山水闢容冶景物恣留連有懷不能寫自  
到洪州城勞生得暫假惜我滕王閣勝地無片瓦營營  
迫日夕風流誰主者亟買上水船揚舲溯奔瀉飄利趣  
前途縣岩風牛馬極目望淼瀰水際見平野湯流就晚  
泊波蕩櫓咿啞中夜百慮侵雨蓬聽瀟灑此地苦輸將  
非為米粟寡穀賤自傷農廩田匪下下什一商賈困津  
吏多守把不得通有無玉粒為土苴勸令飽欲死責緊  
在民社古人貴粟書至今稱鼂賈顧我實愚昧念此未  
能捨棄置勿復道斯意恐或哆

晚樹樓詩葉卷一

三

中夜聞笛

客耳驚風浪關心徹夜闌忽聞橫竹響不覺短衾寒慣  
是催蓬鬢偏宜伴綺紈休吹路難曲方寸本嶢岈

過豐城

越爐鑄出雙龍精白帝下視紛霓旌蓐收鼓橐籥彭越  
磨鋒淬鏑勞長庚鍊成神劍光晶瑩冲靈變化還太清  
何由鬱鬱埋豐城後先博物恐不經莫邪干將空留名  
或疑神物有顯晦飛潛來去原無碍偶然晦跡蟄吳梟  
斗牛之間洩奇彩自從劍去躍延津故事由來話千載  
吁嗟薄俗信流傳吾謂此劍非龍泉世間至寶不輕出

恥與凡才爭後先九鼎淪淵不可見連城未割遭棄捐  
此劍若是至神物官共張華媚妖孽未能飛去珍茲回  
忍就昏時共淪沒縱然雌雄相逐化為龍託身已自慚  
明哲何異鈐頑兩片鐵

過廬陵郡

三載風塵戰氣昏年來猶未定驚魂黃公灘水乘春發  
夜半還疑鐵馬奔

城址城南盡戰場雨餘多得舊刀鎗春來杭地無人種  
陣陣饑鳥下夕陽

流亡延頸望招徠只恐秋糧限早開五月預將新穀賣  
歸家健吏打門來

晚樹樓詩葉卷一

三

荒城羃羃雨垂垂雲掩螺峰鎖黛眉眼底閒愁拋不盡  
為拈枯筆強裁詩

晚發百嘉村

沙甸半陰雨逆浪無輕擢濕帆重難牽好風空叫噉早  
泊百嘉邨泥滑不可造茲川去西昌半日舟可漕城中  
僅十室此地猶千竈想當兵燹際山谷易奔連詰朝輕  
雲散山水靚容貌脩眉何連蜷螺髻澤新膏雜花似相  
識對我亦微笑鳴禽自廣和纖鱗堪釣罩江邊百畝田  
荆榛翳官道云是開府業長年指相告巍然三神山輸  
輦來粵嶠力疲一路哭怨築數峰峭軒楹俯仰接環山  
更疏鑿未及喪亂經平泉已傾倒勢要今經過或賞嚴

石妙維舟載之去徑取不待報盛衰理則那遶生固先  
覺去去無復云趁風鼓柔橈

賢女舖

人生何所貴所貴植彞倫節操誓無虧捐軀以解紛女  
子事且然何況在簪紳南康有賢女村老述所聞身雖  
托寒素幼得父母珍十三能紡績十四工織紵但未讀  
詩書已能待賓親芳姿自窈窕不用飾蛾螋東村有舊  
族生子殊恂恂兩家相比對門戶各平均從此託蹇脩  
絲蘿訂婚姻十五愈巧妙十六名芳芬夫家適多故業  
廢家日貧不能具簪珥佳期遂逡巡西里有豪家為子  
方圖婚聞女美且淑亦遂通殷勤父母念愛女初訂遭

晚樹樓詩葉卷一

三

遭此恐女共寡落貧賤長苦辛遂允豪家求許女持櫛  
巾珍珠玳瑁釵幣帛束千純盈門具筐篚聚聚朱提銀  
父母見之喜謂女得所嬪新人雖云美故人不如新父  
母告女言此事非無因前聘憑傳語信誓未及申後聘  
得高門又况足儀文汝將往歸之永結晉與秦前聘得  
聞之執言來剖論父母不之顧辭屈氣愈嘆後聘競貲  
財勢力何信猶講張訴官府苞苴重緣資官府怒且詈  
前聘誠煩民空言欲求婦國法所必伸哀哉前聘子低  
頭慘形神貧富不相敵焉能違府君父母喜謂女便可  
擇良晨彼既富而美善往脩簪頭女聞淚盈臆羞泣聲  
暗吞前聘義不屈反覆來重陳勢力既不加誓以鼠首



殉父母笑謂女彼今徒反唇百年幸已訂何事勞紛紜  
首飾耀明璫翠羽珠衫裙資送聊不薄篋笥排魚鱗雕  
盤具酒脯果實羅栗榛鼓吹匝墟巷彩鷁艤江濱賢女  
辭父母然後泣以言女今歸後聘於事誠不仁父母縱  
愛女求口實謹諡于女亦何有一死同飄塵不忍更偷  
生反負父母恩出門未登舟江石俯嶙峋聳身投奔湍  
千載竟沉淪不惜珠玉碎且喜名義敦兩家俱失婦一  
女終長存至今賢女舖過者感貞魂長歌以記之青史  
標松筠

溪田山行偶記所見

苦歎舟楫煩山色撩我目輟棹往探之不覺到深谷秧

晚樹樓詩藁卷一

五

田綠初齊隔山見童牧愈入得新蹊烟中辨茅屋攬異  
尋幽興未已欲窮水際看雲起漸漸山多不見人樵聲  
引入翠微裏忽然谷底見平疇人家數十沿溪流果林  
繞屋鷄犬樂不與人世通網罟塵心未滌那能住掉頭  
失却來時路問渠相引笑不言不比桃源知禮數攀躋  
重嶺過崎嶇前溪流水深復深偶得浮槎憑險渡暮歸  
辰出疲追尋始知靈境原非遠我欲歸途覓劉阮更携  
妻子來買隣採木耕烟同息偃千事萬事如等閒紅顏  
白首須臾間飛鳥粘稿魚麗留澄淵茂樹何時還功名  
只與長川逝富貴當前如夢響鐘室方酬走狗功錦帳  
珊瑚買東市噫嘻此意人人知高車覆轍相追隨何如

到此一回首家中應熟春杭酒

南安峽中和子卿

南安峽口控上流章水出峽通咽喉兩山作門捍外戶  
一線屈曲如銀鉤幾年烽火照巖谷渠兇授首兵方休  
莫言一夫可當關劍門自古無傾軋莫言一丸泥可塞  
峭函不記疲戈矛從來天險不足恃勝敗何得參人謀  
昔時尺土盡深塹今日宵禁寬行舟舟行峽底灘水急  
欲上不上頻淹留山水時到清絕處翻恐去速奇難搜  
丹崖翠壁嵌茅宇欹傾梯棧愁猿猴百舌弄晴鷓鴣叫  
鉤輅格磔如相求春殘景物正濃艷南天氣候殊中州  
雜花妝林眩朱白紅酣三月開石榴屈指初春放江纜  
柳葉未見黃金抽今來不覺春已去直擬四月登羅浮  
酒琰詩囊未寥落遺文舊志煩尋搜收拾圖經歷輕舸  
歸來共醉黃花秋

度庾嶺四首

五嶺傳炎瘴臺關最嶺東春風先破臘冬氣不藏虹絕  
磴黃綠度迴巒曲折通車徒無礙輶盡日到南雄  
開鑿存祠廟千秋憶曲江魚鹽通五嶺齒角貢中邦梅  
子懸青彈松濤撼碧幢候暄催客路來問嶺頭龍  
覽勝來東嶠探奇信杖藜萬峰環左右二水自東西橫  
浦秦關入黃金漢使齋山川空設險俯仰意猶迷  
峻隘容車路年來困轉輸風塵看盡息瘡痍未全蘇御

晚樹樓詩藁卷一

五

袂春行晚停驂日欲哺網繆桑土意憑險獨踟躕

奉酬家觀莊兄羊城別

粵山粵水天下奇貝璣出水山象犀鮫人龍戶聲嗚咽  
高車大蓋爭奔馳亦有幽尋探奇客千里齋糧蠟雙履  
醉來輒想踏長鯨饑時不受腐鼠嚇炎方四月鎔金爐  
水凝翻體肝腸枯忽得明珠一百九十六如從渴死吞  
醍醐吾兄觀莊老風雅塵埃鹿還車馬三載判裾燕  
市門今來又喜同傾寫展讀吾兄別我篇何不待我先  
言旋知君落落憎多口男兒意氣誰相憐感君愛我真  
骨肉更贈端溪一片玉憶君一日三摩挲一回摩挲腸  
萬曲

晚樹樓詩集卷一

圭

傳佳

駢驥渴欲死鳴蟬鳴庭梧長途汗流血為抱豆與菟何  
如咽清露饑腹長乾枯華廡雖風涼終慚飽高株

雲光譙集用園次叔扇頭原韻贈觀察韓公吉

老大空逾四十年每從過眼辨雲烟偶來災瘴三江水  
買得端溪徑尺田海國魚龍常化日旌門聲望重蠻天  
使君酬唱能驚座醉客寧論減俸錢

端州郡丞李華西約遊七星巖次同年徐電發韻

杖策尋幽歷翠微借穿僧屨躡苔衣瘦崖樹擁青千尺  
淺渚荷香綠一圍醉石欹眠塵夢少璇臺高竚履痕稀  
不因好事能携具辜負名山取誚譏

別子元弟歸錫山

忽忽分裾正一年又從軍府話離筵紅蕉丹荔炎方節  
瘴水樓船五月天顧我浮踪同泛梗羨君歸棹似登仙  
懷人更上江樓望回首雲山雁影翩

贈別鮑子昭

炎方苦蒸毒毛髮為之焦出門如投爐肌骨治欲銷  
然廢寢飯不能辨昏朝誰唱紅螺詞清風忽翛翛水雪  
填肝腸滋味無煎焚出門何所恃詩卷隨輕橈羊城一  
相遇令我煩暑消恭軍俊逸安勁格追前鑣毛翮不脩  
刷誰辨鸞與棄辭我復何往南去將之潮臨歧無以贈  
酌酒申長誼

晚樹樓詩集卷一

二七

贈別屈翁山

湘纍去不返楚調無遺音寂寞數千載正聲不可尋  
翁山追絕響遠足馳駿駉豈恃富文字意氣凌古今學劍  
赴邊陲關山歷恆嶽賦詩樽徂間感激壯士襟忽登華  
山頂天門鬱森森舉頭摩蒼宮揮手捫商參俯身下睇  
眎河漢皆蹄涔牽絲入戎幕玉帳調鳴琴歸來縫荷衣  
鹿車諧素心高堂有白髮色養力所任蛟螭沸海國白  
蟬多緇點超然脫置網馬首同陸沉文獻薈前賢萬卷  
堆瓊瑤篇章偶落筆千夫避叱咤脫冠每過從雄談恣  
縱擒黃金爛盈目羶薌非所歆荒庭一樽酒相對時共  
斟念當別子去攬袂情難禁

贈別陳元孝

嶺表三詩人名聞三十載鼎立雄詞場旌旗互摩壘藥  
亭檀環安光怪出奇彩川原自開鑿奔瀉到溪澗翁山  
憶性靈闊闊脫拘攔面目洗塵垢不受朱鉛染獨漉更  
深茂格律高崔嵬感懷十六篇風雅蓄滯滙餘詩幾百  
首一一寄深慨頃者滇池沸狂瀾蕩南海玉石混泥滓  
刀俎日屠醢幾上鄒陽書天王雪冤罪幸苦患難中舊  
藁痛刪改百鍊金閨精開卷驚璨璫我來五羊城諸公  
亦俱在橐鞬強為屬敢戰氣皆倍攻堅肯示瑕與牟負  
乃臨別敢無言出語甚瑣猥會合卜未期落月每相待

晚樹樓詩集卷一

主

次孟舉叔祖送行前韻別梁藥亭

牛女儲精英光照海山白梁子奮南嶠聲名聞自昔雄  
吟驚四座醉後時岸幘風雅百年內未見此丰格清秋  
鷹隼健凌厲在六翮猛虎出深谷風雲生一擲峭絕方  
城山霞幟天半赤壯氣吞八紘精思合冥莫君才視流  
輩豈特相什百長安諸貴人門第多列戟君猶隨計吏  
去踏車馬跡冬擬度浙水相期過我宅為君具盤飧解  
裝勞行役青藜與白飯僕馬得休息燈齋豪於詩更唱  
連日夕送行五牽裾竟忘誰主客佇看春榜黃天門日  
相射 朝廷求侍從君應推巨擘我思從君游早已蠟  
雙履

別鄭珠江同年

憶昔出京時別君飲君家宜毋人面果初食喜且呀忽  
思南登五羊觀洗眼來看扶桑花君時寄我數緘書為  
我做舍堪藏蝎奴奴歲月困羈勒三載不泛南海槎君  
厭承明暫休沐八千里路渠云賒君竟先我歸我敢後  
至辭罰耶昨者初來未見君徬徨岐路頻咨嗟三日始  
假得廢署蓬蒿沒騰梁柱斜蚺蜥盈甕蛛網戶喧喧燕  
雀朝排衙君來見我相勞苦鄰家借枕來飲茶南方候  
早纔四月炎官熱屬驅日車火雲覆益不通透饒鼎燂  
炙無爭差檳榔葉裹蔗灰嚼澁口蟄舌相矜誇魚瑣  
細齊入解殊形異類咸搜爬昌黎來潮憚南食亦能稍

晚樹樓詩集卷一

主

稍吞蝦蟆我皆甘之同泰味口所未食唯生蛇懶將笑  
語換金帛豈免眾口羣喧嘩喜君數過慰愁思不知飄  
泊來天涯新秋涼冷氣蘇蘇息亟買上水三板艦與君相  
期在來歲幸無高卧就烟霞

別園次叔次送別原韻

燈前執手送將歸見說還山著芟衣高寄不求人共識  
忘機直與世相違千秋詞賦留東觀百粵江天炯少微  
珍重松臺樽酒別秋深還望款柴扉

又次年字韻再別園次叔

杖屨追隨又半年河梁分手隔蠻烟著書不愧三都賦  
負郭曾無二頃田幕府傾樽同夜月樓船擊櫂去遙天

歸裝自笑非金索猶恐人來索酒錢

別形本第次送別原韻

終日思歸今得歸春衣又見換秋衣殊方兄弟情逾好  
壯歲功名意已違心惜離筵詩思澁涼生夜坐雨聲微  
扁舟江海添愁思擬向雲扃退掩扉

八月十五夜曲江對月

秋日江行好況當秋月圓涼生黃葉浦光滿碧雲天北  
關關河迥南州客思懸推篷看不厭坐待露華妍  
江淨光澄練扁舟永夜閑吟殘樓影靜酒盡水聲潺萬  
里開雲關千山擁翠鬟清輝如咫尺仙桂手能攀

和子卿重度庾嶺

晚樹樓詩葉卷一

辛

物候經時換高秋此日歸巖花照深谷猶似蹋芳菲不  
負登臨興寧辭鈍拙識涼風催客去颿颿逐征衣  
半載羊城客蕭然嶺上行詩窮無麗句性僻有迂名病  
骨當秋健籃輿歷險輕莫嫌風土惡烟瘴本人情

晚樹樓詩葉卷二

石門吳震方青壇

丁卯元旦三首

九重闔闔啟春光數載曾陪鵷鷺行紫氣網緼瞻舜日  
彤輝拜舞醉堯粦感恩寧惜流膏助傾照曾無衛足防  
不踟朝回車馬跡自繡殘葉靜焚香

宿昔編摩對古人心期敢負致君身青雲有路從他上  
翠袖無媒耻自陳橘飾玉盤幾見食蘭生當戶豈堪綬  
臣愚愧乏涓埃報祇慶昇平祝聖仁

孤臣去國後何辭回首鸞坡與鳳池菰蘘生涯隨地可  
草茅心事有天知口余初補官即以此二語大揭堂楹間今即用之喜看稷卨匡皇業

晚樹樓詩葉卷二

二

應許樵漁樂聖時千里白雲慈母意倚闌從此數歸期  
二月十七日出都門東城士民郊餞口占言別  
暖風輕霧策歸鞭夾道頻遮馬不前刺有兒童來指點  
最慙父老獨留連關河雲樹幾千里妻子琴書共一船  
珍重三杯臨別酒也勝劉寵半囊錢

潞河書懷

底事淹留苦未歸天涯清夢繞庭闈身慚駕馬寧貧穠  
心似聞鷗蚤息機長路河梁波浪急扁舟日月鬢髭非  
思卿不待秋風起且把漁竿問釣磯

紫雲謠

玉笈琅函秘九天丹經青籙盡蹄筌五千言外無文字

唯有黃庭內外篇

千鑪萬鼎出精鋒新卻中池五毒龍屏翳雲師並銷蕩

當頭正見日輪紅

神仙服食事依稀藥誤神仙世所譏湯說五芝能駐命

不聞徐福採將歸

燒金鍊汞苦無成錯認當前萬里程回首盡拋丹竈術

寸田尺宅可營生

水載船兮水覆舟氣能生我亦能休自來多少養生者

白骨堆前嘆逝流

徧探五岳叩真師得訣須從口授時金紐鳳羅當割髮

相隨直上紫雲梯

晚樹樓詩集卷二

二

緯冠草服謁虛皇勅賜天厨白玉漿換得五銖衣一襲

更懸雙鶴下扶桑

問君何事懶脩真只為浮名絆此身金盆漆燈誰與伴

曲眉豐頰等閒人

咏宮人入道寄都下同里親友

早辭椒殿向芝房攬鏡偏宜淡淡粧盡脫舞衣裁道帔

閒燒歌譜錄仙方停雲不繫孤飛影逝水難迴下瀨航

寄語深宮舊同伴好將青髮侍君王

題飛樹所乘者

擾擾隨人赴集場年來時買費商量扶珠抵壁黃金賤

珍重泥沙莫吐光

仲冬朔日抵家述懷

離家如昨日不省是三年拜起親顏喜周旋俗累牽睡

魂寒夢裏酒味煖爐邊一生從此足有幸却歸田

雖將身入世心拙少安排顯晦偶然事窮通各有涯掃

辟舊詩在開門新賞諧應酬都未了先到讀書齋

自題小像

虎丘王惜珠善擲土貌人為余作小像黃冠草服

二十年矣以置壁中丁卯冬出而拂拭之塵垢被

面幾不自識召家人共諦之雖壯老肥瘠大異而

蕭然之致尚存因復命惜珠潤色焉日在座右相

視莫逆時或得句綴成短詩聊自怡悅云爾

晚樹樓詩集卷二

三

攬鏡起自照動止兩我偕婆娑弄明月形影隨空塔唯

肯得聖相旁求到巖崖挺土而為我相視無少差楚王

詫優孟滑稽傳俳諧我無寢丘營伏處類涎蜩靜觀自

有得爾我無睽乖彼此趣不殊嗒然忘形骸

揭來二十載猶共識我容顏華日凋瘁非復曠昔儂四

時變老少挺填難為功豈知衰謝軀白首誇龍鍾思得

吐納術年壽齊喬松羽衣躡倒影排雲騎蒼龍瞬息周

八極容與登三峰引吭吸天漿玉佩聲琤琮爾土誠何

知爾豈能我從

良工寫形象哲思媿天巧我餒爾豈饑我飲爾不飽塊

然日相見兩情無猜狡頗勝事干謁肝腸固煎燭榮辱

既紛若悲樂又自攪嗟彼夸逐子如鳥麗縹緲安得盡  
子然放懷獲稍稍

一觴復一詠與子陶天真爾雖不能言於我匪兩人達  
者忘物我志士齊屈伸空齋人客迥對子如嘉賓古人  
見羹墻聖賢訓日陳跡可混泥滓心豈恤縑磷金石有  
時泐盛德方日新不朽在三立君子慎其身

二月十五孟舉叔祖招同沈駒士凝峙南林弟小  
集用東坡韻

春令天教奪與秋病餘猶自著羊裘但知且樂孔顏樂  
未信能憂禹稷憂篋裏烟蘿輕散冕樽前監史傲王侯  
金釵半醉工留客笑舉慘慘白玉鈎

曉樹樓詩集卷二

無題三十韻

良晨美景艷陽天選勝邀歡盛綺筵繡虎雕龍矜妙麗  
驚鴻舞燕觀編躡九枝燈影芙蓉照百福香奩艾蒨然  
飲客金樽浮腸蟻倚歌湘管嘒秋蟬喜來頓覺花生鬢  
語罷如聞馬嘶絃一座盡傾垂手後三杯已醉轉眸前  
清芬本是閨房秀複悟咸推伴侶先較就茶經精品第  
熟知腸政善周全映身斜掩琉璃扇拂袖徐簪玳瑁鈿  
瓊色呼成微露齒藏鈎應得遠舒拳胭脂暈著翻嫌污  
琥珀癡留只益妍判說傾城唯一笑彌因譽廉愛雙纏  
殷勤擬用琉璃贈迥思將玉珮捐雨楫深迷桃葉渡  
晴曉輕汎水蘭船狹邪住處應須問北里韶光可接聯

小徑芳林風藹藹瑣窗瑤室月娟娟雙紋匝金屏曲  
百結流蘇錦帳懸綉被疊鋪熊席煖薰籠溫倚象牀偏  
除非吹鳳縵能到若會乘鸞即有緣為慕清流滋厭俗  
長披丹帙欲登仙柔腸但恐鳴鴉幽怨誰憑訴杜鵑  
筆格遠窺峰勢出隄廉初帶露華鮮書防蠹簡頻燒麝  
花買奇醪不計錢侍婢採供簪外采奚奴汲到石間泉  
每當夜月歌梅落故向春朝學柳眠私意偶從琴語泄  
閑情聊藉錦毫宣西陵願結同心柏南浦宜牽並蒂蓮  
多日淹留曾未厭六時妝點不相沿丁丁漏滴催銀箭  
灼灼燈花落彩箋共道佳期河漢永十分春色好留連  
戊辰四月二十五日傳貽書院家課印事

曉樹樓詩集卷二

五

先賢遺蹟委蒿蓬聖代尊儒禮教崇俎豆聿新瞻氣  
象庭廡依舊仰宗風文章正變千秋共經術源流一派  
中此日同來親北面不辭良璞待磨礪  
杖履相隨孰後先吾宗長幼並才賢清和正好聯吟席  
閒放真宜冷世緣喜有斯文能接踵更期絕學共仔肩  
為農為圃吾衰矣倦骨還堪手一編

真州三義閣

平生慷慨志夙昔慕登臨攬古悟前史俯仰愜素心古  
人既已往陳迹猶可尋興亡自今古山川無古今壯哉  
真州閣傑構際江潏憑高豁遠目天風吹衣襟炎暑忽  
銷歇如奏薰風琴左眺迎嶺巖五岐鬱嶺嶽右顧何逶

遙花山與棗林昭明讀書堂映帶連青岑天塹畫其前  
素帶如織紅文江匯東下淮水環城陰雄聚資放覽翻  
悲日月侵老大遂如此讀書竟浮沉不如飽秋風與彼  
蟬同瘖此地扼江左孫吳霸東南而今大江上雞豚無  
由歆先主縱偏安漢業實自任遺恨永安宮千載涕淚  
淫君臣風雲會氣合如磁鍼一堂共俎豆廟貌儼以森  
我來肅瞻拜懷感情彌深解纜當晚泊展轉愁孤衾

過黃天蕩望燕子磯

大江縹緲西南北鉅防限自古號天險匪藉人力捍下  
注扼京峴上流控舒皖肘腋壯形勢誰敢恣覬覦而我  
謂不然此語非異撰南北通今合讀史俱在眼散画與

晚樹樓詩藁卷二

六

劍門攀援絕梯棧從來一夫守破城若剝削昔者江南  
平易如肉貫帶撒烈馬渡江拱手就圖版扁舟余衝濤  
恬適如卧戟舉杯酬江波為我嚼一觥天運有循環人  
意難料棟玉樹歌聲沉何人淚潛潛

戊辰六月初度江行偶作四首

世事東流迅扁舟且自閒是非無定論貧賤轉開顏黑  
白鏡中髮參差江上山年華不相貸已分老茅管

經綸吾黨事佳濟此生心世豈無騷騷時方重釜鬻一  
尊聊散帙高詠或披襟即是長年訣何妨歲月侵

暑雨方催種疲叱敢怨咨青裙携餉女赤脚飲牛兒獨  
賦君恩厚

江南二十七年地丁  
音全額并歸積欠

寬刑解象推

時值熟  
舊歲刑

三吳杭稻

熟吾亦飽饒糜

朝衫猶未煖旋著芰荷衣親老甘蔬食兒荒苦馬糞新  
知魚腹香舊業筍根肥溝斷原無用非關哲匠希

秋日郡司馬張扶南招集黃葉邨莊同勞豈庵前  
輦橙齋叔祖得家黃

秋光偏到野人家五馬行厨興倍賒不遣騎聲驚野鶴  
恐燒燭影散林鴉關鯨閉訖無腸蟹得酒翻嗤有足蛇  
知已相逢貧夜話莫令街吏鼓頻過

酒釀何必羨餘杭觥觥頻傾夜未央賓主高懷能共寫  
園林風物足相償簿書事少容蕭散珠玉詩成敢頌頌  
正是邨莊秋色好桂花黃過菊花黃

晚樹樓詩藁卷二

七

孟舉叔祖招遊虎丘即席同用王謝蘭亭詩韻  
昨歲思近遊流連湖海濱不能營楫舟斯言亦已陳今  
夕同蘭橈歡適情亦均矧茲坐中客競吐佳句新  
酌酒對虎阜青紅綴秋林山石寧云高鬱然自丘岑此  
地盛絃竹妖姬揚妙音何如共懷古遺韻追山陰

九月十七夜對月

十六月餘

昨夜蟬腹滿兇墓恣啖咋玉鏡化為鈎有似旁死魄今  
夕復清圓霄輝炯于昔吁嗟至神物不能辭揜射吾聞  
月至高旋運本不隔人間見為然馳走事穰穰有月來  
青天未可窮紀曆今古仰升恒何嘗損纖隙隙秋露泣落  
葉光景逾耿碧徘徊不成寐舉首天已白

答沈駒士見懷四首

五柳歸來客三湘放逐臣  
棲遲猶恨晚哀謝不知春  
耕鑿安窮巷昇平祝  
黼宸但令烽燧息老任太平民  
金風初漸灑翹首見鴻征  
酒熟堪斟酌朋來嬾送迎  
重陰翳陽景細雨羃孤城  
倚杖看山色雲歸驗早晴  
夜月侵虛幌余懷獨爾思  
室當若上勝人在水之湄  
映戶嵐光入懸門樹影垂  
卜隣終共隱回首笑驅馳  
相思秋老後相見在春前  
為別未經歲新詩有百篇  
亨衢嗟往蹇陋室喜來連  
讀罷清新句滄洲靄暮烟

悼文娥校書用李義山錦瑟韻

妙舞清謳叶管絃  
高頭弟子正芳年  
情關實傳心驚鵬

晚村樓詩卷二

八

怨逐湘靈淚染鵝鵝其羽也  
無復玉顏嬌綺席  
空悲香骨閨荒烟縱饒滿座同  
歡賞獨聽笙歌自默然

贈張鍊師

羽輪游戲到塵寰  
囊裏天書泄大還  
駕駐夾車驚獨角  
坐深行酒是雙鬟  
吟詩不辨人間字  
采藥唯尋海外山  
君去結茅休險絕  
我來靈境好躋攀

送族弟叔原守台州

憶昨去國出東郊  
父老相送兼兒曹  
車載妻孥雜卷軸  
高歌折柳多賢豪  
令弟於是佐樞部  
朝回署散攜尊肴  
走馬追我及荒寺  
握手不脫如漆膠  
語多諄復不可記  
大要惜我苦詰聳  
三年之別同過隙  
一麾出守何逍遙

扁舟過我將蒞事  
勉哉行矣哀疲凋  
石梁陡健過仙吏  
挂笏且看赤城標  
以君之才屈海郡  
徒令巧宦能寥寥  
方今天子重廉吏  
賢聲清望登民謡  
況乃大吏皆帝簡  
驚鳳翺羽無鷗臬  
君今五馬到山谷  
奇峰挿海高岩光  
政成詩卷携滿袖  
奏之朝廟和咸韶  
我獨投老卧窮巷  
蒼白漸少盈顛毛  
安得從君蠟雙屐  
胡麻飽喫終遊遨

表弟胡熙元讀余丁卯元旦詩記夢近遊舫二記

佐三絕見寄次韻奉酬

青門揮手意蕭然  
放眼長途柳態妍  
屈指歸兮多勝概  
半窻梅葉一池蓮

晚村樓詩卷二

九

身到衡峰縹緲樓  
峰前烟靄漠然收  
舉頭一握天關近  
不信今生是夢遊

江湖浪跡任扁舟  
秋月春花自在游  
不到龍門最高處  
懶將鱗鬣關洪流

謁甫里先生祠并序

唐蘇州陸魯望先生避地淞江之甫里自稱甫里先生又號天隨子江湖散人初為蕪湖從事退隱不仕博學工詩賦尤邃春秋之學徵辟不起後人即其宅建書院元以裔孫德元為山長族姓環居不絕于仕籍今祠與書院俱廢康熙戊辰里之士大夫請於官清釐而更新之以為講學文會之地



南里前賢宅高名異代新  
幽貞安吉處明哲避時屯  
鴻羽無人得荷衣只自紉  
詩書溯遺澤溪俎薦芳醇

道在無適否先生豈命窮五湖烟水跡百世懦頑風醒  
醉雙青眼經綸一釣筒詩篇多遠思非是競雕虫  
拜起瞻遺像高山景行存自憐雖著賦世事絕難言直  
軌無岐轍寒松有勁根風流今未墜傳業在諸孫

謁鶴山書院羅江東魏文靖像四首

姓字喧朝野偏悲十上難華清曾有作丹禁豈容安唐昭宗時  
 賜名於甲科者有大臣奏曰雖有才多性劣明皇望絕猶堪唐昭宗時  
 通曉將相臣僚豈能死乎安顛帝問議詩以華清詩對事遂寢唐昭宗時  
 狐鼠愁

晚樹樓詩藁卷二

熏灌鴟梟畏擊彈何妨脚夾筆數輩敵朝官

但之曰昔與伯舟初未相識舟人告云此有讀書者以是何朝官我  
即去筆函可破得數葉之書急解還船舟徒曰此韓文公是不果合

甘節羞梁辟千秋風義尊梁祖承以詩誅力夫召不行有答蔡心宗人蔡詩義益奉命命而來聘也

依故國遺幕言維藩又羅紹敏推為叔父從學詩表薦給事中名以文

章著身維世道存澆花溪上客山意可同論  
偽命閑閑達行

武其文章志節一也

麻衣初薦策理學最先資舉世方爲諱先生自得師元

吹聲吹逐逐猪猪人人親親了了猪猪爲爲居居子子洪洪才才蕩蕩坤坤維維

白雀遺經在茲文未喪其

里著九經要義并田圖說周易集義等書

戚倭方持和先生累漸身正色不撓承當私憾累疏乞身力辭召命

天心未欲治國事屬誰人問肘頻遭掣君恩竟莫伸公以  
殷學士督規京湖江淮軍馬朝廷假此出公說而異時懷古意惆悵望麒

唐公弼第蘇州故長洲有書院

此松哥

鍾子承家由湏江博士遷陳留令抵家之任惠余

此松一本高二尺許枝幹盤折饒有古致細視之

皆鐵線鈎屈日久而然余傷違厥天性以就纏束

慄慄無生意亟解其縛曲者直之鬱者舒之條枚

暢遠清風徐入搖動鼓舞有欣欣自得之意嗟乎

松誼謂爾無知寧無樂生之感乎因擇爽塏而遷

焉慰之以歌

晚樹樓詩藁卷二

嗟乎松汝非不材木精契通勾芒匠石搜尋到巖谷截

之用載百柱梁不然入水亦作萬里航何由不生深山

最深處乃為人得束縛支節使屈彊植之無益非得地

令汝厄閏難長如黃楊吾友謂我能好事千里遠送置

我几席旁嗟乎松爾之困折凡幾載或左而右或低而

昂非汝本性如蔡龍之就擾  
樞驥之受韁嗟乎松我為

爾涕泗下滂滂解爾徽墨沐爾清泉酌爾以巨觴徙爾

於高岡使牛羊斧斤之屬不得爲爾戕閉戶著書日相

對蒼皮香葉，誤凌風霜，會須見汝參天長。

夏日即事四首

靜非緣僻無人盡日眠  
驗方脩藥餌試茗乞山泉  
蚊

憎輕稠隔蠅投隙紙穿喻貪嗜時時鑽利出身也微情忝物理病眼一醒然

筋力壯心違都忘去日非雨添承露竹涼檢入秋衣卷拙仍多病勞生未息機等閒銷白晝何以報春暉

昏翳妨書卷良工戒勿觀病來偷得懶老至益求安短札教兒寫清琴要客彈此時無俗慮塵土莫相干

初伏涼多雨炎威得未曾雖然當溽暑猶是厭梅蒸短褐愁難曬遺書怕解藤義和催日馭早晚出祿稜

讀熊孝昌先生學統既卒業敬賦四首

斯文有顯晦爰藉述作功百家日爭鳴壁壘攘大宗雖有經籍存裂裂失所從如聞獲麟泣將悲吾道窮先生

竟村夢詩卷之二

三

起百代研究異與同精義辨豪芒褒貶定一中著書千萬言言言發覺朦古今聖賢述鈎纂析始終在昔聖門哲誰敢議疵蒙先生春秋筆責備存至公吾知杏壇側諸賢聽磨礱何况歷代儒疇不歸陶鎔是非無兩可取舍斷心胸陽景曜天衢衆星敢稱雄百川趨巨壑鐘鼓振頑聾以茲啟末學孰曰非首庸自審心力弱焉足窺淵宮

狂秦燔詩書聖學遂以堙漢帝求遺編六籍始可論諸家共傳述微徑出荒榛江都冠衆儒所得最稱醇昌黎著原道精思追典墳有唐獨挺出庶幾與斯文迨宋四子生直傳孔孟真精一紹微言性命究天人如何異端

佐邪說競紛紜象山樹同異溪辭濫其源白沙及姚江決防九河翻明明誦先聖陰入乾竺門一唱百口和流浪無涯垠逃儒反歸墨舉世胥沉淪誰能挽天漢淨洗黃河渾三復學統編學者當尊聞

中國有佛法已訖千百年流毒中人心汙染莫可湔豈唯愚夫婦尤甚智與賢游情避征徠連播鼠舉慙金碧蝕膏血禍福誑因緣此皆未足誅爰書首譚禪聖人敦五教正直無頗偏人倫植綱常萬古無數焉彼教盡空諸等若冤累牽寂滅論妙諦虛無著真詮渺想脫津涯窮辭張空卷其徒自相煽衣鉢詩燈傳究竟何所得狂惑誠可憐奈何孔子徒事之滋益虔擺落棄禮教冥搜

晚樹樓詩卷之二

五

解蹄筌同室及倒戈前驅屬秦隸絕學從此晦歧途誤先鞭先生力排莽神勇推深堅戰輟陷於淖拔車出山淵指迴迷徑步發揮在簡編人人火其書昌黎語良然貪生學長生今古皆妄集智者日益愚愚者日相襲累累望荒塚千載同一泣黃老禍於人未若佛氏急所嗟達生者辛苦自絕粒日與駭驚鳳朝夕勤呼吸不見古仙人白晝入都邑開卷對聖賢學問貴時習彷彿親羹牆參前若共立浩氣塞天地乾坤同闢翕何必求神仙神仙安可及

暑夜那開夜泊

殘月上淮橋殘更聽愈長估舟通夜語暑雨半宵涼難

唱催行客虫聲接曙光此身閒便適隨意足徜徉

次族叔園次還晴詩韻贈方青來三首

杖履曾陪嶺外行看君到處倦逢迎蕭蕭賸有素髭髮  
汶汶何勞青眼睛養晦轉添高睡穩妨吟翻免百愁生  
被襪隔著應偏好黑白從來忌太明

雙眸別後更昏翳几榻琴樽咫尺迷雖是忘形同土梗

喜逢妙手試金鑄官梅閣上詩頻寄修竹林中手重携

種字幾年陰總徧拂簷桃李亞枝低園叔有種字林永詩  
文者錄今種樹為謝

觀雲倚杖亦無心可奈年來宿霧侵蒼狗白衣原自昔

看朱成碧更如今一從異術塞重幔自此清眸勝苦吟

我亦茫茫渾短視願求神藥共神針

晚樹樓詩集卷二

古

孟舉叔祖雪中小集次勞豈菴前輩韻四首

黑白曹公正合圍爭先半着總深機酒闌細覆羸輸局

未信羸輸定是非座有客劉  
介錫善奕

模楷文章海內傳况兼佳句似青蓮清尊傾倒增吟興

歡賞重追十載前詞生甚

瑩雪寒曦景未頽煖爐華席已先開詩壇憑仗吾宗老

酒社連連許數來謂燈齋

久拚野老是朋儕良會同心喜更偕得酒渾忘誰主客

夜深涼月滿高齋

九月玉峰登高

年衰多病後意轉向林泉值此深秋節况當山色妍薄

田憂晚穫叢菊傲霜天倦足還扶策留連暮景鮮

贈日者果道人昆山人

吳市門中悵隱淪成都肆裏筵橫陳從來天上神仙客  
常因人間輟跡塵土苴文章慚盛世浮雲圭組不榮身  
歌長自擊清樽破不信滄溟有涸鱗

內弟曹樸園新宅成詩以落之

經術文章世羽儀承家奕葉有芳規即看堂構經營處

樓斷惟勤是我師外父遠思先生文章名  
世至今士子奉為典範

南隣址里富薰天高閣星河可接連爭似城陰資小築

堂成莊最記先傳莊嘉堂為外  
公先所命名

金蘭舊契託絲蘿同附趨庭幸琢磨今日登堂望榱桷

晚樹樓詩集卷二

十五

森森玉樹滿瓊柯先君與外父棠  
植已加同籍

第宅新成綺席開飛觴度曲共徘徊歡長不覺催銀箭

醉起方知曙色來

次思陵族叔道賢畫扇贈別韻

為惜緇塵染素衣得歸真不負思歸一蓬烟雨人高卧

釣直無心問釣磯

別顏沾酒映杯紅揮手雲山一望中計日驚鷺湖上約

君來莫更作匆匆

聽族姪玉山彈琴歌

我有太古雙素琴蛟龍正蟄珠淵深水絃不張挂空壁  
觸恐雷電來相尋憶昔年少窺指法盡掃淫濫追元音

正聲古淡昔時好聽者欲卧愁無余推琴罷彈忽長嘆  
室聰咤指嚨喉瘡玉山何為亦嗜此倦遊過我論琴心  
援琴請子一再鼓如摩磁石投鐵鉞即今絕調誰憐汝  
莫酬末俗千黃金勿彈高山流水曲勿彈離騷梁父吟  
吳歎楚唄且快意四座傾倒開胸襟苦心本不求世賞  
咸韻韶夏已非今鴉鳴衆噪鳳凰去此琴什襲同瑤琛

己巳除夕四首

歲月乘人至年華夕又除承歡依子舍用拙堦吾廬饌  
玉炊香飯抽金摘野蔬雖漸終隨缺聊勝倚門閭  
舉案稀兼味挑燈話歲寒人跡翻自適身嬾得心安新  
火過年蘊深杯宿釀乾兒童知誦讀爭檢舊書看

晚樹樓詩業卷上

十

兄弟天涯隔今宵定若何家兄時在粵西旅懷沾醉淡詩思遺愁  
多嶺瘴冬全歇龍流春易過京華看日近不用歎蹉跎

夜盡收羣嶺瑟瑟向曉更豐年調琯律 聖世重干旌  
田舍期終老詩書戀此生三微晴可卜霄漢有明星

正月二十三日內弟曹樸園招同勞宣庵前輩李

玉林同年令叔芥舟家叔祖孟舉園中看梅仍用

新居前韻余次日即有鄧尉之遊

親知促坐簡容儀窓外猶餘日半規哦得小詩渾未愜

張軍堪笑是羸師

春暖渾如二月天酒盃茗碗故相連莫教辜負邀頭約

鄧尉梅花信早傳兵門舊遊約燈溪韻得韻  
對余以連日泥酒未往

紅白參差開綠蘿春來花事易銷磨欲留冷艷親書幌

為折簷牙碧玉柯

窓戶隨宜向背開每逢花發得徘徊歸時應有玉蘭放

容我山厨載酒來

正月十日西洲大兄歸自粵西二十四日即赴補

北上執手言別勝然有懷

日昨歸田園條見三載及依依慈親側盤蔬每躬執兄  
弟兩白頭舊業重講習扶携形共影問寢相亞立兒姪  
互規誡文課得刪拾愛此肩隨樂躋步總鄉邑去年兄  
遠行嶺瘴穿業屐託足親串問浪跡仍維繫今歸拜高

晚樹樓詩業卷二

七

堂慈顏喜可挹煖席纔越旬赴官復行急驪駒且就道  
資咎苦不給翻然別袂攏欲語口訥澁老困增離悲臨  
歧百憂集行者利進為居者甘屈蟄勉事功名遷除  
可拾級慈親幸強飯寒燠謹燥濕內顧無所營壯志中  
流概善加別後餐吾意尤汲汲

落花詩

無分穠李與桃夭風雨殘春一望銷偏受滋膏能張王  
纔經濃艷便蕭條多因暖處先教落越占高時最易飄  
莫向天工怨憔悴從來節序不相饒

落梅

力薄難將弱植扶清姿終不染泥汙已先花雨飛巖曲

早被靈風撼路隅山色崇朝收錦繡禽聲盡日亂笙等  
繁華一樣都蕭索留得冰心在玉壺

春日雜興六首

退耕五畝食無餘少稌東臯慰索居百歲難完詩酒債  
三年稀枉友朋書麥錫寒食榆烟後襪春風杏雨初  
丙舍墓田終老矣殘生榮悴不關渠

高車久謝閑蓬門偶為尋春暫出郊田父相知頻過從  
山僧初到與寒溫風來挾冊迎花氣雨過褰簾受日暄  
美食甘眠吾事畢祈常鐘鼎復何論

雨泥晴烘萬絢絢春懷曾不受羈縻行進里社婆娑舞  
間伴兒童自在嬉熟客偶來隨去住濁醪徑醉等醇醕

晚樹樓詩藁卷二

七

人生行樂空誰待五十頭顱足可知

桑眼纔舒蠶未護閒來隣里話平生荒丘共指釣游處  
壞剝猶題剏建名不惜衣裳沾過雨常隨屐屨聽啼鶯  
湯逢佳候須當醉轉眼芳茵藉落英

春睡昏昏朝復朝夢回猶是怯風潮醺雞野馬竟何似  
蟬腹鷓枝也自聊千古文章供蠹鼠幾朝興廢話漁樵  
誰人解得莊生意早海波瀾總盡消

引水通渠逢雨後劇泥壅樹趣人閒豆花香似烹新芥  
竹影深如對遠山方劑不消丘壑疾園機難轉石頭頑  
幽棲休問門前事只向山僧學閉關

次韻東坡惜花

白紅風過紛成堆昨日繁華安在哉花時執轡須早來  
莫待出地喧春雷雷聲催花花盡開豐隆氣動春難回  
有花不醉旁人吟况復顛顛霜雪催平泉珍卉成蒿萊  
千金遠致手自栽當時爛若雲錦裁一草一木有遺誠  
而今何處澆清杯掃花不語眠蕭齋蜜蜂蝴蝶休相猜  
年年花發先桃梅有春何用為花哀

送勞豈庵前輩入都

一樽話別戀知音三載相隨並苦吟去住遂成鴻燕隔  
荒枯均有雪霜侵身依玉陛新恩渥門揜茅堂衰草  
深醉唱驪歌翻自嘆高山誰重伯牙琴

初夏雨窓書懷

晚樹樓詩藁卷二

八

好鳥語簷隙已變春朝聲氣候方暄和聒耳鳴不停雨  
泥阻客屐倦少時倚檻默與古初會沉思破頑冥始知  
等蜩蛻因悟死生情病失毀譽性身抵秋葉輕讀書我  
自得滿懷冰雪清何必陶隱居飲霞吸天精悠然古今  
際寧與造化爭塞內以守外神全不虧形寵辱隨所遭  
毫髮詎可驚焉肯效俯仰冷骨饒孤撐不踏門外土商  
丘畏狂醒

愆澤久涸四月十三日小滿得雨至重午霪霖未  
止麥秋反苦水溢聞京師四月正復祈雨書韻寓  
意

愁坐吟窓百慮銷小庭積雨似通潮無名衆草一種綠

異舌幽禽各自嬌  
麥隴浸淫憂蛻化  
葵厨汨沒見蛙跳  
年來燕晉思霖甚  
願挹餘波注彼苗

五月田家婦四首

麝粉輕勻薄染脂  
羅衫子最相宜巧  
簪花草嫌珠翠  
說向伊家總不知

水田初種稻秧齊  
夫婦雙雙共把犁  
但得還苗甘雨足  
敢辭除草重沾泥

繭箔絲車甫畢功  
又將筋力務耕農  
吾人食粟兼衣帛  
慚愧年來百事慵

朝來隴畔曉風涼  
新暑方中又夕陽  
歸路肯將空手去  
旋挑野菜滿筠筐

晚樹樓詩卷二

二

贈藝花張叟

一生藝圃一身閒  
一代榮名一晌間  
芳樹有情爭媚主  
春風無日不開顏  
賣花遠耀烟波艇  
結伴常登薈蔚山  
多少園林變墟落  
素駝初見髻毛斑

初伏日愁熱

小暑纔過三伏始  
義和初駕火龍來  
直愁六合為竈竈  
唐盧仝詩六  
合棋為黨  
恐與陰陽作炭材  
漢陳陶詩  
短榻最宜邀月坐  
北窓先計受風開  
思量何處銷炎熱  
冷面相看不談灰

感興

閒行憚暑暫停橈  
短袂當風坐石橋  
駢斧斫聲高樹寂  
偃絛馬竹成切為咏物也見韋莊詩影碧天搖華年未寤莊生夢舉世難

醒屈子糟歲月  
催人成底事  
棲山飲水愧漁樵

孟舉叔祖招同郁曾發沈孟澤胡園表黃葉邨莊

看殘桂即席

空外天香已自生  
入門如在蕊宮行  
閒庭花謝無塵浣  
曲砌風來有鶴迎  
良會不須悲老至  
常情猶羨向衰榮  
名園景物今逾好  
欲傍西疇學耦耕

病馬行

驛邊官馬卧泥滓  
病骨時卧復時起  
去年羸癯入膏肓  
人言此馬無生理  
棄之不羈亦不秣  
毛乾蹄繭皮肉痕  
已知棧豆非所戀  
飲此猶能儕鹿豕  
平原草茁春露滋  
騰月州根甘如飴  
朝游幸不受翦剔暮宿豈憚風霜吹

晚樹樓詩卷二

三

兒童相逐遠街市  
已覺筋力能驅馳  
有時舊榼偶一過  
羣馬見之鳴反悲  
雖蒙廩食飽芻粟  
終腦在頭事在足  
往來南北勤送迎  
眼盡塵泥塗腹病  
馬蕭蕭嘶一聲  
天際為我長風生  
君看累累道傍骨  
曾飾金鞍玉勒行

贈許香谷

三年從吏隱猶道  
隱非真解組留官舍  
竿舟向水濱  
圃荒蔬併瘦俸少宅  
難新共羨萬金產  
庭前有石廡即英妙

不凡人說為

贈陸漢扶

鄴書小范兄弟十四韻

小范名庵

兄弟推才彥  
今時數俊賢  
三枝榮玉樹  
鼎足重金鉉  
甫

里前徽似雲間舊業傳清暉映花萼妙譽恆隨有桂苑  
先騰蹕鵬溟可接聯盛年名並早健筆氣無前自我甘  
哀謝逢人厭往還每穿四明屨時上五湖船一見能傾  
倒虛懷肯棄捐酒開缸面滑魚買縮頭鮮既挹風流美  
還欣道義堅論詩為點筆深語遂忘筌善價求圭璧良  
材重杞榘春風正相待翹首看雲鶻

醉以妾水氏墓

一簣孤墳寄水邊旅魂何在倍淒然山妾淡燈前記得他  
生約夢裏還追二載緣澆土酒盃和淚滴支牀病骨帶  
愁眠年年幾度能來此好囑隣僧看墓田墓在龜山書院之側今為神院矣

題范文清東籬畫冊次橙齋韻

龍樹樓詩集卷二

主

名園雙屐未曾過讀遍新題逸興多越柳吳花堪共醉  
病身嬾去奈愁何

冬夜卹宿

荒邨冬夕永燈地暗殘書擁絮溫忘重添爐冷自如鼠  
窺猶護果驚警顛豕魚幽室生虛白心空夢覺初

庚午除夕二十四韻

今年春意遲除夕尚殘臘是冬寒雪交我我層冰合江  
河凍成石舟閣如候閨菜心卷入土蘆而谷難蹀皮焦  
脚未煖熾炭猶屢踏臘口雞不晨熟寐午在榻藝濕婢  
指結冷竈吹宿燂頻喚持羹湯痺坐噤莫答酸風無刃  
刀殺人何拉雜慘慘若天怒朔氣壓城色短衣或無襪

履決不可報謀食升僦間瘦妻泣鳴咽或見窶行子沒  
踝方訥馭俄聞溝中瘠宛轉忽已溘旬日稍融液鳴檐  
聽雜沓復遭三尺雪歲宴九地匝樹頭封為鳥水腹閉  
蚌蛤勾芒潛重淵土牛未騰弱嚴凝何時休椒酒漫盈  
榼安得徧寒者賦與千萬納願求破凍風舉手叫閭閻  
夜久戀歲華團圓餞深閤節物凋壯志霜鬢日蕭颯應  
有豪貴人炙笙燒絳蠟

龍樹樓詩集卷二

主

晚樹樓詩藁卷三

石門吳震方青壇

辛未元旦寄懷西洲大兄

晨光入牖睡眼驚鳥鳴聲樂窺簷鳴窓前凝乳晴晶瓦  
玉龍爪脫敲琤琤歲朝便覺春意動顛顛辭去歸窮溟  
披衣啓戶納曉日酒酣解凍開餅罌兒童遠近開街鼓  
喧喧兩耳無時停自從放廢背朝列五度不復聞雷霆  
引杯且醉撫荒枕幸免夜半侵寒星高堂白髮况多病  
豈忍咫尺違門扃遙憶吾兄罷朝出舍肉難遺君之  
羹金門望卿四千里知兄南向懷家庭弟今形狀老可  
歎白鬚日日生數莖眼昏書卷把不得每逢佳節如遭

醒新年隨俗彊拜跪脊脊屹嶮須扶擎心志愈益增退  
懦天衢騁步慙吾兄

立春日

五日新正仍舊臘今朝風軟到南枝年華暗往人不見  
春意欲來梅早知伏火駐顏思白雪凍漿煖老愛青瓷  
其餘擾擾真閒事興至還題一首詩

人日次孟舉叔祖韻

殘書揜卷即相忘盡日惜騰似醉鄉添歲漫同簪綵勝  
頌椒還擬挹瓊漿安貧不用愁千疊玩世真成笑一場  
人日人隨人事老詩情酒思未乖張

以滁州風卿貽孟舉承惠一絕次答

滁州巨卿重長安京師貴人春宴最重曾念敲冰釣者寒何似滁陽  
釀泉側醉鄉風味賽湯官

去歲多雪滁友致風卿甚少孟舉見過止携一尾  
去再枉來詩引西涯半養事其有誚少之意耶再

呈一笑

雪中高卧愧袁安為有厨烟可辟寒勝得枯魚繞一尾  
不堪絨去獻尊官

孟舉四疊風卿原韻愧不能答來詩兼及萊雞因  
復走筆請正兼謝虛獎

瓦礫含來豈自安頗驚珠玉夜光寒萊雞除卿尋常味  
贏得佳名詫大官

春雪五月十日

晚樹樓詩藁卷三

二

漠漠復霏霏輕寒畫掩扉潤花殊露泥殺草帶霜威梅  
蕊猶含玉池冰未解衣旋消成雨霽半集怯暉暉亂逐  
迴風轉頻來見現晴晦明時不定凝沍意仍希十麥憂  
淫潦十日為麥逢雨雷麥秋主水三陽吝德輝吹噓遲煖律塞默弄陰機  
壓頂松梢露封根竹筍肥免且尋溪跡魚筍下深磯宵  
坐添香篆晨興戀薄幃綺筵留勝賞寶騎待芳菲佇看  
春和布能令淑氣歸吟詩當引滿敢羨月毫揮

孟舉惠芹菜賦謝

野客從來疏肉味新年鮭菜薦春盤誰知更有青泥種  
蜃口水牙關食單



幾束搔頭白玉纖切來最稱水精鹽偏宜腸腹無烟火  
不愛花猪似蜜甜

曹芥舟內叔見和除夕詩并惠二律次韻奉答

十畝餘桑柘投林近樊居漁樵通齒序無雀到階除老  
去知兒長春閒驗景舒幾年筐篋內不見故人書  
新年連舊歲積雪尚春寒溫酒開爐便探梅着履難藥  
求衰骨煖客任貴交殘甚愧丈人厚頻勞青眼看

淮陰風車歌有序

桔槔之智絀于抱甕然後世灌溉之具愈巧有用  
牛者有激湍者有竹引泉者皆能不藉人力功倍  
用簡淮揚則以風運之下為輪上為蓋旁立一柱

晚樹樓詩集卷三

三

環以六帆隨風迅轉旋擊車輻水激而上機制甚  
捷蓋江北風勁可為之施之三吳或未便也

啞啞憂憂滿汙邪盡日憑風蹴浪花六幅蒲帆行不住  
何曾送客到天涯

兩岬窪田綠欲齊雨稀秧水未平堤楚州城外春風急  
好借長淮潤麥畦

宿吳淞江

青旗紅纈最撩人老我雲泉自在身對酒盡拋心上事  
看花莫負眼前春鼓鐘翻用驚鷗客軒蓋何當寵鶴臣  
一棹烟波隨處晚暗汀漁火轉相親

送沈心涯守開化

康熙五年新開原屬  
臨安府之開化縣

即星照南徼君謝西曹符手麾五馬車不避萬里途莫  
愁驛路長桃李正華粲春行夏方到裸民競前驅揮扇  
揚仁風彈絃解煩吁馨卉色妖異香瘴山模糊開戶猿  
獼驚地濕沙蟲孚俗訟並輸馬民繇憚征租丹青及象  
貝地偏或所無敢薄太守官遠近職匪殊國傳古句町  
里闢新興圖君勿鄙其民撫字勤煦濡缺音噪費序翻  
翩盛文儒應有張叔輩執經問相如三載政績成廟廊  
資謨訐臨歧無以贈短歌頻攬袂

歎求仙者

琅函傳出度人經聽說凡身可換形白日羽翰容易長  
青天門闕不曾高若無九鼎黃金術休信三茅紫木靈

晚樹樓詩集卷三

四

北永南鉛勤鍊取秘文真訣重丁寧

次韻沈孟澤臥病

擁書坐南檐念身百無累春晴風日和肢骸欣暢遂幸  
免衣食憂且斷人客至忽為壯年夢覺起心還憶鏡中  
看顏顏華滋日凋瘵隨鳥惡鳴弦不敢擊兩翅吾友朝  
扣門相見無一事示我卧病篇的燦驚晝睡強欲追高  
步蹙蹙足屢躓下風承咳唾珠玉自天墜爾我優劣間  
十二若回腸不但文筆強應亦託興異鉛刃任淬磨揮  
手失鋒利古詩道微芒近體大不易時人競妍雅往往  
工月露誠齋放翁輩造語涉游戲子嗟詩即工老才固  
天昇莫言卧病苦彭殤實同類終以達生旨短箋為子

寄

營葺弊樓將移卧榻庭前蔥蘭並蒂雙花香久益  
妍因成四韻自慰

春歸迎夏日初長小葦如營舊燕梁酒甕茶鐺携處便  
宦情身事坐來忘雙莖奇蕙成家慶五色靈芝遜國香  
却似最憐余寂寞故教瓊蕊伴幽芳

題同年陸敬峰余山隱居因廣其志

手持竹拄杖脚踏青芒屨余山八九間茅屋反鎖無人  
來飲茶我來尋子子不避應信君平同世棄棄世君平  
心更閒終年放浪江湖間人生老大須適意何為空令  
周朱顏為君槌碎青銅鎖併拈屨杖投諸火反子初服

晚樹樓詩葉卷三

五

歸家門滌蕩胸襟無坎壈使我為風子為雲吹子飄飄  
離濁氛四方上下無所礙隨我去謁雲中君

送同年嘉興樊明府慈東內擢

公才實廊廟墨綬出都門小邑寧嘆屈超然無違言公  
心淡如水流潔繁清源蒿藜門下徑難犬城外郊長笑  
對簿書不憚傳驛繁竭來事上官相見唯寒暄忽然辟  
書下鴻鵠高翩翻早晚趨丹墀眾謂直道存顧余反耕  
稼求志在田園車驅鄱陽橋五載刺莫捫時聞父老諄  
公為長子孫何必升君堂始知化理尊星湖理蘭棹醉  
里巾鋒輻勉旃建勲業上報聖主恩何日重相見執  
手如第昆

夏至後一日喜晴書懷

身當立後等沈淪却笑辛勤苦立身舊業半拋殘卷軸  
薄田粗足了冬春多愁醉抵剗懸癭久雨晴同見故人  
水漲催兒翦新竹槎頭正好去垂綸

次東陽叔題落花游魚畫扇韻

稠花密蕊等閒過少女吹將散綠波晴曉亂拋紅雨點  
驚魚水面擲銀梭

數魚負水似刀橫萬片花鋪錦續生點綴殘春添景色  
令人不起惜花情

寄送大司馬留邨叔還朝時途次漢川

海南一紀靜妖氛暫解金章罷領軍莫向東山淹日月

晚樹樓詩葉卷三

六

還歸北闕論功勳平生壘塊誰知我天下賢豪唯許君  
古人謂壯者為君東晉傳蓋凡子種侍節夫乘說蓋  
曰君與弱臣之曰南方卑濕君能日飲何翹首漢川遲捧席受  
恩承訓倍情慙

諭蝗四十韻

辛未七月蝗自江北渡江至昆陵數郡遭害

物性害于人厥彙亦頗殊虎驅甘人肉蚊蚋慘人軀巨  
細雖不同避之則無虞爾蝗乃何來羣飛蔽天衢忽然  
落田野千頃如剝膚飽食不知媿紛紛然相招呼藜藿非  
所愛唯思蝕膏腴吐盡掠南畝西荒嚼東區哀哀有寡  
婦抱子哭路隅吳中財賦鄉轉運登天庾年歲或不熟  
公私皆病諸三冬旨蓄乏一食唯糲糲子粒輸縣官還  
家坐長吁茲苗況未秀遽以克爾舖葉究并及根爾其

何忍乎或云汝之來非由汝之辜人孽釀乖尤因此行  
天誅方今 天子聖詔下頻蠲租豈民賤五穀狼戾資  
嬉娛或者貴族靡風習競華無冠衣及負販且乘不肖  
徒抑亦長民者撫字無良圖遂謂天不仁皇天寧可誣  
嗟汝類實繁一身百其孽春溫蟄虫出萬億生蠕蠕傳  
聞一尺雪一丈埋黃墟去冬臘雪盛高計齊城郭爾子  
重泉問孚育何須史爾灾輒由旱祝蠲迎龍寧今年百  
川溢此語似不符未能究其然仰嘆空憂忤殺蛙烟氏  
職灑灰垂聖謨周禮或殘脫不聞蝗可驅所憐赤子愚  
穰穰賽淫巫賈衣買豚雞擊鼓吹笙竿偶然不遭食因  
謝神之愉吾欲張置羅盡掩可令無敢告守令賢捕蝗  
相屠

晚樹樓詩集卷三

七

相屠

預戒蝗種法

蝻子又名魚子大約生在潤濕低窪水草蘆蕩中若  
冬雪春雨霑足此類不生若冬少寒雪春雨愆期則  
近水卑濕之地稍輕旱乾之處最易生發其生發之  
時皆聚在一片初時細如蚊蚋聚成團色皆純黑  
不數日成形在生處左右跳動此時亟宜查捕須在  
正二月間開凍後地方官督民于荒熟田畝深為耕  
犁更于堅蕪低濕田上或蘆葦中逐細尋查如見蚊  
蚋黑團及跳動之虫急就其處掘成長溝用响竹掃

箒之類令人敲扑震驚逐入溝中加土築埋用火燒  
滅為力甚易此虫自生發之日至十八日生翅又十  
八日成蝗分飛倘不蚤除俟其羽翼長成則數畝之  
蝻即散為一縣之蝗一頃之蝻即散為一郡之蝗矣  
為害不小若能加意捕滅可絕此種故捕蝗不如捕  
蝻之力省功倍也

重贈許香谷

年來笠澤恣遨遊邨酒江魚到客舟揚子亭前春草綠  
庾公樓上晚山稠關心祇問桑麻長把袖寧辭信宿留  
更有笙歌消暇日主人情重最難酬

贈等休上人

晚樹樓詩集卷三

八

惠休名理貫休才曾是凡僧及得來更欲息心棲靜域  
定中愈下長青苔

秋前一夕泛舟紅橋觀荷至法海寺坐月

暑客困蒸毒維舟不能寐偶然得小艇卷幔入蒼靄宵  
分微雲開卧共明月對是時夏令畢將與新秋代邦俗  
尚夜遊酒人競聯載喧呼雜絃謳互答似矜豪盈陂燒  
紅蕖遠近香風藹露下碧葉卷護花頻傾蓋移棹歷前  
渚往聽蕭寺明點點浮河燈燦燦眾星隊並就石橋坐  
絲竹間清籟蟾光愈皎潔影搖千樹碎歸路迎曉色雞  
犬亦鳴吠畫還蓬底卧夢續勝遊再向航水木趣卜夜  
茲尤最不負平生歡永言謝時輩

登金山寺江天一覽亭 康熙廿五年 御筆

突兀砥江心長江大且深 蘇軾讀書于此見黃河之大且深 遠吞潮勢壯高

捧日華臨極望分吳楚流觀閱古今小臣窺 層藻遊

豫仰 宸襟 恭讀 御製金山寺碑并詩并記

過昭武將軍新宅 將軍構大第維揚卒于官未及一見

將軍甲第賀新成圖繪呈來細柳營屈曲樓臺開粉黛

參差池榭舞杯觥大星宵隕三更月南服朝摧萬里城

工祝招君迎像設聽歌楚些亦傷情 適宣統初至

贈桐鄉林使君芝喟 林尊人諱達經先祖視學閩中兩度第一

雲煙壓巨壑使君文筆闊驚濤移來四座春風帳

化作三吳陰雨膏 芝喟由臺灣教授校歷任著望鴻臚署 小邑試鮮誇異跡 聖

晚樹樓詩葉卷三

九

朝虛席待殊褒況逢孔李通門舊林下何妨聽宏操

西洲兄聞余得十番樂器日為山水之遊寄詩嘆

羨次韻奉答

長逐虛教汗漫遊嬾尋黃石望封留浮生總付無情水

身計渾如不繫舟夜月櫂歌魚聽曲涼風醉卧簾迎秋

才非經國甘流浪夢到西堂也自由

九月玉峰登高仍用己已韻

秋風悲落葉人事嘆流泉昨歲登高處今來非昔妍 時甚小相

溪山不改色氣化入寥天莫放持盃手霜螯味

正鮮

由瓜步出江宿聚山

一路向滄溟沙洲晚繫船驚鷺浮淺浪鴻雁叫疎星寒

喜溫風至晴占遠嶼青衰顏憑酒換直欲倒吾甌

過焦山

片帆過寶地望望絕人寰宿霧籠江遠長颺送客還孤

峰能距海高浪欲吞山處士當年意千秋未可攀 山以焦遠古得名

江上晚潮且至有負薪涉江者水幾滅頂僅而獲

濟

潮水初生晚江綠風威橫波動山足負薪涉險夜還家

明日賣薪來煮粥

次韻東陽叔庭梅

習習風吹滿谷香最宜樵舍與僧廊龍頭欲寄春來信

晚樹樓詩葉卷三

十

恐逐征塵入帝鄉

巧筆圖來或未真綵綃剪就豈堪倫人間漫自勞摹畫

一種清香故絕塵

陽和脉脉氣方回大地殷殷動蟄雷剛是寒枝漏消息

百花頭裏最先開

萬葉千枝任雨風欺霜壓雪漫無窮生來受氣應偏異

此意還須問化工

東軒寓興四首

近市從湫隘卑栖恰掃除蕭條仲蔚宅寒落長卿若

談僧來數牀懸客到疎興饒時酌高枕一函書

倚杖下庭際蛩旋尋丈間短牆堪過酒陋室不施闌隱

几夢尤穩調琴情更閒無心成避俗幽賞未吾慳  
為有經營意朝晡也自忙汲餅供灌漑累石辨低昂  
徑頻教掃暗缸試復嘗時尋愛閒客深夜話耕桑  
恠多侵曉起花影透窓高愛此朝來氣非關機事勞  
陰咄我輩誦讀書兒曾聊寓迷陽句長吟為客豪

壬申二月家兄獄中用東坡寄子由韻見寄次韻

二首

國匪錯莫不知春盆底誰憐薄宦身梁獄上書空有淚  
漢廷疏放竟無人燈青影吊添離恨塞黑魂來倍慘神  
不信此灾寧自致還從房瑣問前因

雲霾風緊夜凄凄選析宵嚴月影低愁絕祇求千日酒

晚樹樓詩集卷三

上

夢回頻聽五更雞家門消息憑諸子湯藥晨昏囑老妻  
更念連枝久離析楚吟遥寄女陽西

次韻出獄將往奉天二首

沙冷雲平塞外春霜風掣箭射羈身已成燕地三年別  
更作天涯萬里人未卜歸期淹歲月恐適還謫損精神

君門漸遠無相識欲向何人訴事因

漠北春深氣候凄蕭蕭席帽碧天低羸僮殘月催宵騎

野店疎烟叫午雞蘆酒初嘗桐馬釀南音時見戍人妻

雲山不隔家鄉路日新關東與浙西

首夏庭前海石榴盛開遣悶

誰剪天台片片霞將來粧點到凡家絳囊不為盛寒露

丹鼎全疑走伏砂分借紅顏添醉態宵隨綬錦開豪奢  
羣芳落盡清和月留得春光歲尚餘

贈顧叟

名煒號亦齋年七十餘高隱士也居南里近雲山宅

曾望昔高隱作詩振松陵逸情動古今不受輪帛徵倡  
和有襲美德師與潤卿至今過其地蘭芷聞餘馨顧叟  
生茲鄉派接貽雲仍常嫌冠冕累樂此履蹈輕烏帽青  
絺袍白凡光瑩明籬種菊明菊水收厲叔菱春江單魚  
興秋埜吟詩情七十髮如驚不用倚赤藤子也客斯里  
求侶歌嚶嚶顧叟一相見氣味無滯澠贈我杞果珍瑤  
枝綴火鈴分我長春花五色曜中庭

顧以甘州枸杞二本五色月  
李花二新詩遠頻寄齒頰清冷冷應不烟火食餐霞漱金  
名長春

晚樹樓詩集卷三

上

莖我欲邀雙槳重來到雲亭敲門驚玉川晝睡時一醒  
共把仙書讀或彈素琴聽超懷遺世事嗒然兩忘形愧  
無襲美才筌澤閩盛名

二小松詩

余已未冬偶至新安別我地所贈黃山松也高僅尺  
許廣可五六尺枝五鬚形如偃蓋定為數百年物耳

曾聞黃山松萬古老石罅偃仰尺寸間天造非力假絕  
工鑿巖嵌得一已堪詫苞囊置通都競買不論價吾昔  
遊白嶽思命黃山駕是時方孟冬雪凍滑可怕慘膽懾  
懦論足縮興旋罷忽有萬夫長遷秩祭先祠刀斗隨和  
門弓鞬携笈舍留此兩蒼叟意氣慨相借再拜謝知己  
寶過雙玉笋捧歸列前簷飽歷寒與夏臘雪枝上壓暑  
雨葉間瀉趺坐盆盎中伯仲自相亞我煉骨已清塵鞅

久能卸芝蓋自天來仙人共迎迓龍有尺木階豐毛鶴  
可跨結根雖不深不同桃李謝挺幹雖不高不受斧斤  
嚇爾我成三人相對在庭下臨此參天姿蓄縮不踰膝  
嫋嫋水邊楊數載蔭高厦截為百尺梁風雨恣彈射墻  
傾與屋摧工師寧可赦

日照早行觀海

瞳瞳初日出海氣白如練銀盤釘青螺一一皆可見須  
臾扶桑顏朱陽照遐甸烟霧淨如掃天吳露其面行人  
循沙壖望極苦未遠欲縱萬里目遙想陟層巖邨墟散  
犁戶籬落雜塍圉新雨麥苗秀已卜飽甞麪尋常厭魚  
鰕鯉鹹飯有饌朝廷惜疲瘵長吏嚴耗羨父老見客

晚樹樓詩集卷三

十一

喜共道年穀賤今日幸逢集雞魚可為獻莫謂東海僻  
安土樂所便翻笑車中人蟻附磴間旋

山左呼佃戶為犁戶

壬申生日

小葺卑椽短繚垣閉門親自督雞豚支吾白髮無丹竈  
迴避紅塵有綠樽宜拙未能酬壯志身閒終愧負君  
恩年華背我騰騰去一卧滄江總莫論

贈族兄覺覺道人

閭閻古墓下家家張翠幕秋月春花時喧于九衢路青  
紅焜餅墨朱紫雜卉樹質炫高價動觀倍徒富有客  
託其間宴歲兀然坐坐以忘姓字澹泊任所遇床前一  
篋書什襲自珍護遷史存宋刻精審匪誤舉世愛墨

寶此書何人顧我來驚見之兩目豁朦瞶寓賞有殊致  
外物豈心慕真隱貴無迹逃名名恐污與兄同挾書共  
返故山步

庭前秋色

庭前秋色甚佳戲作長句次玉山韻

有老少年錦纏頭應未紅數種

自剗庭前片席蕪老年一倍惜歡娛非花是葉爭花態  
是色非空勾色軀不共丹楓開蕭瑟堪同朱草竝華專  
映籬倚石如相伴病骨秋來已漸蘇

贈清溪山人

封豨動玉京仙詔下雲輶鍊士朝吞日真人夜禮星風  
雷隨想象泉石悶身形瀛海何年去相期理雪翎

贈朱涇道人

不知姓名亦不知何處人終歲不言不食藥著一袖處屢違中除夕必入萬安橋水中浴焉

晚樹樓詩集卷三

十四

不言仍不食寒浴破層冰不用採靈藥自然看上昇羨  
爾知希貴嗟余學未能蘇門無嘯侶誰與問孫登

寄家兄塞外

稟白慈親隊魄餘病深猶自倚門閭傳來紙筆黃金札  
遺去兒孫血淚書無復對床聽夜雨幾時携手侍晨輿  
聖朝有日雞竿下骨肉悲歡一夢遽

憫旱五十韻

三吳賦稅區本富之所藏厥土稱沃壤價畝十金昂雨  
暘幸時若猶足償助勸上以供天庾下以充糗糧少缺  
冀慨資豐年亦傍徨不幸遭水旱八口難支撐歲在癸  
酉夏百日逢亢陽雲立山嶽聳風焦爐鞴煬縱橫千里

餘浙壤連吳疆嘉種不得植土脉如石強散懈桔槔力  
從昏復到明毒熱肌骨弊顛踣時相望婦女歎於室丁  
吏號彼蒼通渠龜兆圻百里絕舟航魚蝦枯臘死利涉  
成徒杠富豪競藏蓄都市閉倉舍令宰失撫循洵洵忽  
披猖上官憫灾黎祈澤黃壇場少禱一何虔懇款惻中  
腸蟄靈閔幽潛豐隆戢景光符師設章醮丹墨飛交橫  
巍我層臺峙桃梗列五方逢逢雷鼓鳴靈文持木即勅  
借江湖水鞭起眠龍雙磔雞或投虎沉鼉追蛟鱷禁咒  
術已窮幾欲焚巫庭節當大暑後始得聞淙淙小雨雖  
霖霖未育翻湖江補種日夕苦又復鮮禾秧禿髮無數  
莖依稀辨青黃大吏目擊之痛哭陳災荒勘災官府來

晚樹樓詩藁卷三

五

心亦為憂惻但畏法令嚴逡巡費審量無寧隱不達思  
使功名阮天高聽實卑萬里通堂皇 聖主憂民切如  
傷過文王往者三秦饑累蠲免追償窮民又疊賑厚卹  
招流亡牛種及籽粒一一為經營更憫用兵地各省蠲  
秋糧屈指到來歲給復及我卿不揣蒙昧意欲救眼前  
瘡預一轉移間恩惠尤非常或者折漕粟緩作三年征  
范公嘗奏請前例猶煌煌康熙九年折漕十一萬石三年征  
苟遂二者願如執勢得涼我思告 九關無路陳愚盲  
誰能採風詩貢之 黼座旁渙汗不時下四民樂時康  
聖德際天地鼓腹歌虞唐是詩編事康熙三十九年清聖祖  
祭酉除夜小祥服除後十三日矣哭先慈并憶家

兄塞外

巾帨淚枯兒憶母關河魂斷弟思兄裁身總為判溫秧  
見面何由遺類羨萬里中宵驚噩夢一年除夜重悲情  
頻挑殘燭雙眸望忍聽迎春爆竹聲

壽盛誠齋侍御八十時盛示所著金剛五釋

喜並歸衡宇頻來問草堂論心千日酒對面一匡牀避  
客向蕭寺詮經憑隱囊都忘壽者相四句聿空王

偶作

葢頭茅屋任傾圯濁酒枯棋慰夢思鈎黨名流無籍在  
絕交高論有誰知烟雲過眼耽書卷鰕菜低眉惹釣絲  
春到荒庭芳信好凭欄刻影記花移

晚樹樓詩藁卷三

六

題沈孟澤畫像

不用長生訣看來似地仙朱顏鎮如此白髮自適然水  
際時宴坐桐陰堪醉眠風烟與塵土爭得到君前

禹城行

山田飲朝蹟夙抱江湖興來往笠澤間扁舟自朝冥禹  
城使君許先生聞余弭棹時相迎開尊感慨話疇昔酒  
酣為作禹城行先生治禹城即是元春陵忽然解綬拂  
衣去百姓驚啼如沸羹先生政蹟人能說我說先生為  
政拙世人居官長子孫先生緼袍不自溫世人速化矜  
捷足先生歸來卧香谷手編一經自傳子不肖朝端論  
非是經綸黼黻自有人何用悲歌頻拊髀嗚呼難進易

退吾人節五柳先生意真決千堆寶玉萬黃金贏得尊榮旋顛覆何如興來時節恣遨遊綠醕青編置兩頭解道離官寸亦樂笑他勲業樹千秋

題許丹臣扇畫美人次陸集生先生韻

膝上瑤琴未絃絲牽人弱柳一枝枝凝眸袖手對殘魄萬種深愁若個知

苔陰小坐不須扶不管春風損玉腴總為多情眠未得侍兒還解此情無

為人題其先人遺畫

疊疊雲烟滿素牋傳家事業此林泉於今世上黃金重畱得青山值幾錢

晚樹樓詩藁卷三

七

贈程鍊師寧山從張真人入都朝五嶽

出門不辨路舉足多榛蹊開日夜中行攸往無不迷游子想萬里首路空悲啼善行無輟跡聖言煩叅稽閉門二十年禹域窮攀躋單車不用輪一馬無四蹄朝升扶桑顛暮宿弱水西俯視行役者順輅生食醢始信壺中人五嶽視町畦爾我知為誰齧缺與王倪

畫折枝綠牡丹

有序

廣陵禹典客之鼎戊辰初夏游上房山值綠牡丹盛開對花寫圖海內能詩家題咏甚眾甲戌閏五過石門出卷索題按上房山在涿州西北去京師二百里雄峻翠蒨洞壑與深有伏虎崑聖水泉諸

勝亦近畿一名山也

京洛園中無異質長安輦下乏靈姿仙人戲翦青霞帔點綴名山故出奇

羞隨都市誇紅紫獨向山房露碧鮮不是高人為傳寫花王誰信有花僊

甲戌閏重五喜雨

去年旱魃行凶灾河渠拆副飛黃埃涼秋得雨迺播種高田已自成蒿萊湛恩汪濊預蠲赦家有脫粟儲餅鹽今年入夏靳甘澤又復洶洶相驚猜天苟無心殺黎庶凶豐轉較理可推弊衣不潤柱礎燥晴乾子裂無黃梅忽然閏五烟霏合煩襟一洗清塵歷雲起重泉鬱凌

晚樹樓詩藁卷三

六

亂仰看天黑如煤灸雨槍搜搜雷鼓振倏忽震電車焯焯馬陵伏發萬弩疾昆陽驚獸爭奔逐雨珠雨玉信何用饑鎬難煮寒難裁豈如此時一雷渥萬鍾齊舉平時開良農歡喜情農怨翻恨田熟催租來眼見稻穀堆成堆蒼生不憂晴願暄連夜相邀愛酒伴來朝再舉葛蒲杯

甲戌夏同年楊玉符先生自奉天特旨召還八月十七日于雲間迎晤得家兄手書悲喜交集感而有贈

而有贈

高揭雞竿出玉關喜占雷水賜雙環時先生與謝撫憲商錫先生同被恩召千秋史筆書天語三載羈臣覩聖顏却望上林春未老



雙歸衛宇鬢初斑今求舊君恩數  
江都諸先生 一時同召即看鋒車趣故山

兄弟分張五歲餘三年還謫痛離居書來細話交情重  
老去深悲骨肉疎病樹垂枝暮雨露涸魚處陸藉濡吟  
同懸知惜別頻露袂腸斷風林負倚閭先慈時 未大祥

觀王補雲獻畫橙齋家叔祖晚宜軒壁次橙齋韻  
五嶽思遊道塗遠三山想到風濤隔曾膠一舫名近遊  
賦意偶然同末哲瀕年骨肉遭禍患山水無情興蕭索  
昨來看關晚宜軒王承福正泥素壁補雲新從梅里至  
如見鷺溪四端帛枝癢睥睨欲寫之不用經營憐心力  
神來使筆如旋風水勢涵容生頃刻晴嵐和氣煦春光

晚樹樓詩葉卷三

五

倏觀驕陽憚曦赫迴頭設設涼風來顧盼同雲雪山白  
王生心手通造化不爾寒燠俄變易時流豈敢論高下  
輞川對此應嘆惜我坐晚宜看欲癡彷彿名山存咫尺  
即此可以寄幽棲何須更蠟東山屐

再次孟舉叔祖贈章遜來仍用前韻

章生家住鴛鴦湖女陽亭距一水隔年少襟懷藹春氣  
天骨清癯顏白哲揮毫染素擅寓生脫手不厭相求索  
能將妙意出工巧不傍前人故籬鐸輕綃圖贈雙麗人  
貴此明珠賤金帛雲鬟背面調湘絃春風惱人無氣力  
一人端坐傾耳聽天然奇艷匪雕刻不是江頭競與秦  
丞相嗔人勢烜赫亦非盤谷誇得志爭妍黛綠與粉白

憶醉佳人錦瑟傍而今兩鬢星霜易顏容羞對雙蛾眉  
卷度此圖空嘆惜重讀橙齋贈子篇逡巡退舍豈尋尺  
神勞力倦困躋攀如上曉囑着高履

喜同年顧栗巖假旋次勞豈庵前輩送別原韻二  
首

十年官達未為卿京卿栗巖時借補正四品一日辭榮詎不平鹽筴  
仍耽薶况味薶前親 薶長蘆理官爭羨錦前程江邨日煖嘗香  
稻浦帆霜寒破碧橙知子高懷能外物且來深夜共桴  
枻

執手驚看鬢共斑一回相見一開顏雙歸喜踏邨前路多  
病思尋海外山無事始知吾道貴守愚不覺世途艱向

晚樹樓詩葉卷三

三

來車笠能忘分讓漁鄉占綠灣

乙亥春正雨雪次孟舉叔祖韻

破臘迎春春欲歸蟄龍鼓鬣雷電飛甲戌閏月二十日立 春廿一日大雨震電  
倒傾朔風緊三陽之月增嚴威皚皚積雪冰膠瓦啾啾  
饑雀睇平野萸葉三十落復開自去冬雨雪入 春一月未止新年賀歲無  
行者農家旱澇老更諳不傷麥豆不傷蠶雪水看看浸  
圩畔畚鍤封築煩中男翦破同雲露紅旭春花桑眼一  
時綠但願今年雨水平不怕踏糞吏來捉

和孟舉上元喜晴仍次前韻

雨久得霽如遠歸排闥喜見紅輪飛聞見錄有客登岱絕頂 以同日出久之自大晴中 日輪湧出 正紅色  
晚來街陌競燈火魚龍爪鬚張其威初更月上

照銀瓦瑣屑晶瑩漫垌野寒凝不敵春風多爐紅裘白  
何為者遊逆拜謁久未請發臥窓址同眠蠶起來便向  
樽前倒官私稅責憑諸男朝朝擁絮曝東旭不羨鮮衣  
共紫綠長繩繫得日頭迴盡把陽鳥手中捉李白賦不掛長繩于青天

次韻老是菴頭陀五十生朝陸敬輿修

身依香案玉皇前開誦黃庭閱歲年菴腹漸能疏肉味  
灰心久已不旌懸局空始信基為劣睡美方知酒是賢  
五十堂堂駒過矣為君拘折祖生鞭

次韻老是庵頭陀清神之室

與君先後賦歸田自矢平生道義堅我愛黃冠尋洞壑

晚樹樓詩集卷三

三

君叅白足禮高禪春船擬去同垂釣秋被能來共醉眠  
遙望涼風天末起可堪遠道思綿綿

道勇周萬兩姪出關省覲寄大兄兼示兩姪二首

白日慘垂照含悲欲問天離愁不知極寃苦幾時前兄  
弟行俱老兒孫劇可憐慰情常見面有夢到君邊

努力首征路春殘應見親田園猶未改丘壠已長寬長寬長寬

幽室同安去冬已合張先  
庶常府君舊先此係補人塞北驚花老江南物候新羸僮將瘦馬

珍重遠行身

乙亥仲春於東軒庭左累石為小陂陀植牡丹二

本下為盆池廣可踰丈縱及尋尺用老杜累土為

山韻

小築聊同俗幽棲自絕羣數峰低亞屋勺水淨涵雲藥  
笋山僧許茶簾野客分庭花開爛熳香重暖氤氳

同年顧栗巖假歸過德州同年田雨來贈詩四章  
末章有見及語次韻奉和

倦翮依高樹霜蹄惜故羣相思千里道回首萬重雲榮  
萃雖殊致林泉擬共分幸因同調客消息近相關

牡丹有存

九里塘俞某菽牡丹三十餘年家多異種且能愛

客乙亥春暮余同朱子商三從子弟往觀有魏紫

如斗大為留連賞嘆不忍去憶與前輩鍾玉行先

生家燈檠叔祖携伎醉歌忽忽七八年矣不勝今

晚樹樓詩集卷三

三

昔存亡之感主人出示種花新譜且索詩換花聊  
應其請不足存也

桑綠蠶烏穀雨天牡丹花事競芳妍野塘風暖停舟入

短榻香濃任客眠少日逢春渾浪擲衰年過賞倍流連

與抄新譜栽培訣更許秋來別種傳

送高江邨同年應召北上二首

當代英華總讓君才名廿載盡知聞屬車應詔聯

詩句秘殿綉書正典墳十畝懷新操益勵九重求

舊眷彌殷鳳池德望應非遠坐見文章策上勲

分手燈前惜別筵歡情離思兩茫然重披賜服朝

金闕更上征途試玉鞭回首幾宵魂耿耿關心終日意

綿綿一官自信安仁拙慚負 君恩又十年

雪窓紀夢歌

程梓園前輩寄示雪窓紀夢槩括其語為長歌戲

呈梓園

乙亥王正朔大雪翼日甲子雨不絕雨雨雪日同  
街衢路斷行蹤減半園主人梓園挈小舟衝雨踏雪到武  
丘草堂高卧對銀海白光晃曜酸射昨夜半披衣聽殘  
雨簌簌聲從庭樹起推窓潑墨同雲低大雪零零殊未  
已詰朝人日喜晴和千人石上聞婆婆寺僧下山滑達  
地滑達足足成樂美詩蹄蹄聲蟻旋磨君謂此景得未有日日看  
山坐當牖家人候門不肖歸反憂風作晴戀布余不

晚樹樓詩藁卷三

圭

煖夜向閑空房無人牀更寒澗道餘寒歷水雪杜詩此  
句形容彈此中引自從人日迄元夕傷春不覺意蕭索城  
中烟火隔萬山裹足無人問閑客絕葷食淡學枯禪擁  
爐危坐手一編讀書倦至隱几卧闌然排戶僧來前你  
視山僧貌蒼怪問君奚僻嗜恬退此間風味定何如請  
僧轉語參三昧僧云譬風飮肥甘偶嘗苦菜初猶貪雖  
然暫進或適意蜚口慘腹終難堪君云不爾如諫果乍  
滋徐甘味可肉食者鄙昔所譏膏粱厚毒釀身禍拍  
肩一笑真機鋒直與印正南北宗惚恍夢覺無所見起  
行跡至空庭中但見中庭鶴兩隻一啣梅花一鼓翼憂  
然長鳴舞相向此時渙若冰將釋覺耶夢耶君自思僧

耶鶴耶信且疑僧鶴與我孰真幻吾今喪我知為誰君  
頓從此悟至道心地空明淨如掃聖賢憂樂本同然天  
地生成均覆幬覽君此記重嗟歎人間紛紛總真邪我  
欲與君同說夢試將携手到華胥

梅雨詩有序

江南黃梅大率霖雨決旬陰晴不定蒸潤煩鬱人  
鮮燥處者自芒種後逢壬入梅迄夏至為然大江  
以北則無之乙亥春前雷雨兼雪自是連月陰雨  
逮于夏五無終日晴其為黃梅益半載焉乃不勝  
其苦而佐是詩得韻六十

晚樹樓詩藁卷三

圭

年先春雨雷雪駭相逐霖潦不肯休木衰遠金伏竟日  
少陽光連宵但淫沃樵濕炊指潰衾冷跼脚縮隣里懶  
相過舉步苦于元夕街火微華銓悶深屋是節占饑  
穰不覺兩眉感清明柳眼困天桃亦敗衄豈有踏青人  
掀淖恣遊曠吳蠶始蠕蠕蘊火初滿簇陌上採桑女泥  
塗沾手足風戾搗不乾蠶餒何迫促纖細失調護便聞  
一家哭矣此窮民忍哉雨師酷五月賣新絲往往動  
盈袂問君何寥寥答云蠶久熟舊逋敲未完新徵又迫  
督青苗秧欲齊高田水過腹無由播嘉種安敢望餘蓄  
吾人習飽煖旅恐艱續穀况余之獎廬卑濕且踏踣畫  
漏挈盥頻夜寢移床數縱偈息傾倒亦復時震礎礎潤

知滂沱短驗雷淫高愁浸天關漬疑爛地軸檢曆候

丙臨請示丙不誠日聽端將晴卜仰窺浮雲陰承日對朧胸網縕

見霽霧八案積靈醪釋墨卿弱銳城筆公禿微畫烟

模糊斷簡不可觸彈琴聲彈緩劍缺溢轆轤還視桁上

衣青黃染素殼度閣貯果餌壞朽出蠅蠅銀篆透窓紙

白魚躍笊簾觀室中所有十九賴日暴坐立無乾處痺

肌慘疥癬面目劇塗膏頭髮難沐困空麥飛城墻圯

芝成肉簷前鳳尾青牖下蟄衣綠百卉總狼籍嬌艷莫

寓目天漏奚術補大化自亭毒嗟余本衰謝皮骨久殫

殞遭此梅雨厄改月將已六喘如竹筒吹煩猶沸羹粥

焦然成內熱執卷憚再讀常憂百病侵驅疾託醺醺緩

晚樹樓詩葉卷三

章

帶一偃息暫似解約束終朝怕衣冠客到驚蹶踰天容

此廢人吾安我初服俛仰機事忘嘆惜白日速篤念求

神仙深志希高躅或當靜詣處苦心脫拳拏所慮實損

微未及探秘籙會須隨洪崖飄舉入巖谷憫彼夸奪子

榮辱如轉轂天運有循環人事多反覆帝命烹商羊黑

蟻併誅戮柳子厚新晴大敢望誅黑蟻濃騎掃無迹乾坤儵清肅

晚樹樓詩葉卷四

石門吳震方青壇

凱歌有序

臣伏見

皇上御極以來文德誕敷武功赫濯誅三逆平臺灣定

俄羅斯收喀爾喀喀鴻功偉績載在方策寰宇宴寧

遠人賓貢普天率土咸享太平蠢茲厄魯特噶爾

旦自棄生成強梗弗順虐我屬藩擾亂邊塞

皇上天威赫怒乾斷親征以康熙三十五年二月三十

日出師度塞三千餘里指授方略六師用命五

月十三日大將軍費揚古孫思克等大敗厄魯特

晚樹樓詩葉卷四

二

于召磨多斬馘三千有餘俘獲無算自出師以至

凱旋為時僅八十日皇威震疊遠徼永清自古

以來用兵神武未有如我

皇上今日北征之盛者也小臣震方猥以謏劣蒙恩拔擢

讀書中秘簡授西臺涓埃未報淪棄草莽遠遯

闕庭于今十載不得與隨駕諸臣驅馳疆場效

犬馬備戎行又不得與輦下臣民共伸拜舞謹

撰凱歌十章頌揚盛烈辭句淺鄙不能追擬作

者亦自比于擊壤之意云爾

巍巍聖德超千古赫赫皇威靜四方一統不徒師

武力由來帝律邁軒黃

天心捷伐本深仁勝算堅瑕稟 至尊猷猷長蛇奔大  
麓從今絕塞斷游魂

八年禹跡真難識六服堯封尚未知曾歷天潢瀛海小  
試捫日月泰山卑

申命言言合典謨行軍處處過孫吳那知塞外常山勢  
即是心中太極圖

醜豕縱傲速 天刑恃遠憑頑敢不庭忽見 六龍天  
上降千羣狂魄碎驚霆

偏師已過託羅海 黃幄遙臨拖納山萬里兵形歸掌  
握六軍齊唱凱歌還

鯨鐘鼉鼓嚴天仗虎幄鸞旗列羽林解網始知 仁者  
勇焚林非是 至人心

麟閣新開紀大功 君王神武陋和戎卜年定鼎車書  
協環海韜戈驛置通

京國臣民震地歡海隅父老勸加餐大醺齊賀昇平樂  
方略仍留萬世看

鳴珂東壁晚朝回簪筆南宮大宴來雅頌太常新奏  
御采薇六月嬈周才

康熙丙子春  
皇上以厄魯特梗化 親統六師大彰 天討文武諸  
臣輸輓捐助踴躍從征又 允督餉總憲于振甲  
成龍奏請凡安插奉天者許令捐馬效力取回原

籍家兄西洲亦邀 恩例放還喜而有任再次壬

申二月見寄元韻二首

和氣幽生地底春此身直是再生身聞來屢入清宵夢  
相見同嗟白髮人 聖主深恩蕝朽枿昔先人世澤感

明神喜心倒極翻成恨縮地奇方未有因  
五載離愁意惻悽音書每到淚顏低身歸有信如遠鶴

生計難支似蜀雞短後衣輕憐季子 第三姪根仁都捐馬代父效力 大刀頭  
喜報山妻松楸鬱鬱悲風起悵望春暉日已西

顏母朱太宜人八十壽詩有序  
顏母朱太宜人者明交郡鎮國將軍還真公之女  
贈君孝靖公之配浙江督學翰林院檢討學山先

生之母也學山祖曰廣明公明崇禎間守河間府  
死封疆孝靖與太宜人在宛州同時被圍孝靖守

陣杆禦城陷夫婦相失城中婦女被驅成羣後者  
輒刃下太宜人中市而立驅之不行斫其左臂臂

折罵不絕口乃以右臂捲衣領引頸睨刃曰願速  
下驅者怒連刃之仆垣下時孝靖得脫軍亂聞太

宜人被傷不屈求得之逾四日矣頸半未絕息尚  
存遂載之從間道入曲阜及聞河間破孝靖方傷

足裹創奔赴收祭請卹且求得幼弟以歸自是絕  
意仕進與太宜人偕隱龍灣畊織自給太宜人生

三子光敏吏部郎光猷由編脩出守黔安順府遷

河間鹽運使光敷即學山先生也癸酉典浙試稱  
得士今復來視學丙子仲夏遠太宜人舉八十觴  
兩浙士大夫及門下士競為詩歌以次上壽余久  
廢筆墨屏絕人事聞此大節不禁歎仰遂為長歌  
以俟信史之採非以云祝也

吾聞浩然之氣塞天地男為忠臣女烈女出生入死甘  
如飴萬死一生命如縷桓桓河間太守公朝衣北面殉  
提封千載芳名炳圖史一家義烈同心胸堅城既下趨  
青濟宛州城破開門啓太守哲嗣曰孝靖脫身裹血號  
丹陛婦女驅掠如犬雞崑山玉石皆粉齏太宜人獨挺  
奇節引頸觸刃無悲啼鬼神自古欽貞烈夫婦重逢非

晚樹樓詩集卷四

四

死訣間道還家淚未乾生存死卹寧溜漚 王師底定  
妖祲銷萬年玉燭歸 天朝龍灣偕賦鹿門隱陋巷共  
詠燕山謠皇天老眼酬令德生兒袞袞皆名碩銓曹啟  
事翰林才壯斗提衡照奎璧滿輿官舍喜盤旋八旬壽  
考開華筵堂前子姓綿瓜瓞帳下諸生奏篋絃世人但  
羨今榮盛焉知當日冰霜勁聖賢遺厥豈尋常試讀此  
歌毋不敬

送瑞光牧堂上人朝五臺遂掃笑嚴祖塔

千水千山朝聖境一筇一笠首秋風囊携詩卷行裝富  
身荷宗乘祖席隆掃塔帶曾親手縛傳燈碣是 賜金  
封臨濟笑嚴塔在北都順治年間本陳和尚被  
召入京疏請修葺世祖皇帝賜金重脩明年歸隱松軒月依

舊龕前佛火紅

丙子秋九番禺族弟焄遠過州堂辱詩見贈臨行  
索和走筆奉送兼寄族兄煥

風落霜寒錦樹秋韓江雁影過西洲高懷我愧謝安石  
壯志君輕馬少游骨肉交情千古重浮雲事業一生休  
斜陽荒驛頻攜手荔擘輕紅憶萼樓

題沈心涯小像

吾愛沈東陽高懷夙崎嶇歸息塵鞅憇此長松林林  
下一樽酒自酌還自斟別來驚鬢毛蕭蕭霜色侵元契  
不在遠爾我時相尋執手話襟期共指青山岑  
平生山水性每從物外假筆墨有深趣吾道尚風雅貌

晚樹樓詩集卷四

五

子神宇峻丰格見瀟灑松風入奇懷此意詎能無抱真  
出人世豈是悠悠者待子勲業就容吾來綠野

題汪炳若承歡圖

承歡垂老見新圖翻憶謀親入仕初萊子高風有誰繼  
眼前不羨佩金魚

丙子除夕同家兄監諸子姪小集守歲時家兄初  
歸喜賦

春意遲催臘陽和已暗生丁丑正月十一日立春喜添今夜坐悲動數  
年情促膝燈花密銷愁酒醖傾還啣感 恩淚北望祝  
昇平

別久霜髭滿相看寂寞中貧來廢田宅老至望兒童宿

歲留深話迎年待曉風天倫元自樂公羊傳元不用卜窮通

寄總憲銅川叔六十韻

盛世操經術儒臣握紀綱股肱分岳牧心膂托明良載  
績銘鐘鼎高才任棟梁朝廷資彈壓輦轂佐勛勳  
獨領諸侯對單持御史章睿衷殊眷注公望仰行藏  
副相榮圭組尚書出廟廊撫軍儲望峻制府樹屏強  
西蜀江連臂東吳地扼吭籓垣收漢沔襟帶附鄖襄缺  
鉞陳前導弓刀錫上方守嚴安反側志大服汪洋勝  
算人難測虛心物莫量清操冰共勵和氣日俱長政淡  
茅簷裏恩深黼座旁璽書仍鄭重旌節互徜徉河  
內功軒輊關中勢頡頏擢纓孚渤海歡已沸瀟湘領憲

晚樹樓詩葉卷四

六

臺端肅陳謨寓內康玉符驚劍佩珠彩照冠裳几罵官  
雖貴台衡報豈常勲高同丙魏業大華金湯多士皆華  
國羣材競處囊禮閣衡鑑徹上苑姓名芳帝命文章  
伯天開雲漢祥公門盛桃李禁籞集鸞鳳奕葉儲  
家瑞傳薪識負牆名賢標赤幟哲嗣續青箱謂今嗣遺澤  
弓裘替前徽緇紉嘗謂先祖中丞與蘇州總領翁先提携憐勁直  
辟咄戒疎狂竊附綠先輩于今忝末光蘇州為總憲日蒙方時  
誼訓戒倫至且詳為有用之才因極稱其德命附諸末  
支蔓葭莩共縈網別經淹歲月歸即謝騰驤蘭茝香誰  
佩泥塗起未遑蛾眉悲永巷虎尾失康莊耻鮮千金璞  
漸無百鍊鋼琴樽淪骨髓泉石入膏肓竹篴寒宵供柴

車下澤裝長貧饑不免少賤鄙何妨茅屋三間破桑園  
十畝荒憂來廢書劍老至困榆枋雁序悲重散家兄大行襄  
峰里近復奉鵷班斷舊行行謂弟與弟之妻方不得與力微恩未  
報心腐志難償伏櫪思風起棲籠看鳥翔君王問幽  
仄宰執憶滄浪細柳屯營壯燕然紀石詳止戈消毒蘂  
天矢射封狼瑞氣隨行幄榮光繞帝鄉萬年廣  
有象一德頌無疆

題甫里顧子含藏書屋畫卷

西溪高隱一茅亭種藥蒔花滿院馨身世間中銷永日  
乾坤靜處養脩齡蘊臺鹿去埋春色震澤龍歸帶雨腥  
無數園林荒蕪偏多君垂老抱遺經

晚樹樓詩葉卷四

七

次韻同年益都趙仲符題勞書升前輩摩頂贈言之作

時趣少所見光恠羣相驚趙子自齊來引吭一長鳴章  
句燭幽晦磊落如明星先生淵源合談詩竹間亭風雲  
論筆陳少伐齊心兵遠寄離鳳篇高唱出青冥九苞侈  
聖瑞未擬鵬搏溟溟先生得詩喜慙意無距迎每出詫賓  
席齒頰咀華英裁縫錦纈麗敲戛宮商鏗攬詩撫雛鳳  
滋益慈愛情離襪五色羽昌世占韶齡我來百迴讀詎  
肯辭深耽騷壇足詩人孰敢相嘲評龜勉和斯作低頭  
拜郊兄

仲符丙子秋過荒齋淡日即有南海之游丁丑初

夏歸塗貽詩一首徑去不及再相見因次其韻

思君魂繞青楓林十年不記曾開襟  
翩翩獨鶴下庭際但見荒庭秋氣深  
鶴飛一去過南海啄鯉餐腐非君心  
忽然空中遺片羽凌雲歸翼高難尋

偶步村庄觀綠絲煮繭感賦

掉繭啞啞綠鬢低千村擾擾白雲齊  
只知渠是官家物不信堪持作弋緇

同功巨繭白于霜開佐吳綿月樣光  
冷絮如刀侵瘦骨殘冬猶未足衣裳

次右銀臺匪菴弟見懷韻

盛朝臺諫列雄班况復環恩到草間  
病樹逢春元自

晚樹樓詩藁卷四

朽倦飛擗水早知還嗟喋真不堪回首袖手何妨且破顏  
辜負聖時吾豈敢故園松菊共人間

後凱歌有序

皇上三十五年

親征厄魯特噶爾旦大敗之于召磨多噶爾旦既敗之後  
不知面縛歸順仍竄伏于西北荒塞之地

皇上命將式遏且曲示招徠

聖駕復于冬月親臨塞外經畫形勢控扼險要降者日

衆噶爾旦然後遣人乞降

皇上深察其詐也兵諸路要地制其奔逸復于今春二月  
駕發京師巡歷邊地直抵寧夏哈密遵旨

効力擒其子色不騰巴爾朱爾送行在于時大軍畢會

皇上親閱戎行指授將士進次于狼居胥山噶爾旦之族類台吉濟農等俱遣人輸順奏請朝貢噶爾旦勢窮事感衆叛親離計無復之飲藥自殺其部落與尸乞命以其男女三百口來歸而噶爾旦之種殄滅無遺矣

皇上三臨邊徼不憚勤勞為民除害西北絕塞數千里無不臣之國無不服之人猗歟盛矣大小臣工遭遇昌時欣逢

聖世合詞上請崇上

晚樹樓詩藁卷四

九

尊號

皇上聖不自聖再四不允治安之日愈求治安功德巍巍萬世永賴用是昭告

天地裡祀

祖宗釋奠先聖告祭帝王陵寢嶽鎮海瀆編輯方略勒碑刻銘皆大典也又遇太和殿告成肆赦

天下千載一時真不世之隆邁矣小臣震方于去年

大捷已作凱歌十章今幸覩

聖天子鴻功偉烈昭示萬世心竊忭舞作後凱歌十二

章辭雖不稱亦以舊廟詞臣固其職也雖越在草野豈敢默焉



天心一怒恤封疆 廟略三征拓鉅防 玉曆金甌增鞏固 萬年有道慶流長

西北烟塵喜廓清 中軍凱奏領昇平 南移珠斗收天象 東注銀河洗甲兵

窮收虎穴無遺種 迅掃龍庭合大蒐 已見天威驅魍魎 絕過帝陣戮蚩尤

專車骨駭尋常少 見戟眉長造次看 枯骼葉街懸逆孽 漆頭武庫貯神姦

八極而還聞日出 九州之外說無雷 宮廬萬落齊稽首 永作邊庭職貢陪

金湯磐固承天地 玉甕精禋告祖宗 太史汗青書

曉樹樓詩集卷四

十一

杜伐詞臣珥管記東封

諸生六館誦遺經 先聖千秋重勒銘 寧止獻俘脩舊

禮羽干文德自歸誠

金錢內府輸軍實 玉粒行間載上供 百萬儲胥民不覺

猶煩詔免大司農

狼居歲月經西海 拖諾山川遠北門 絕磧流沙千仞石

磨崖翰墨壯乾坤

帝德如天莫可名 聖心謙讓却隆稱 虞書縱有神堯

頌欲頌吾皇總不能

雨露恩深被九垓 生成同慶履春臺 神光從此銷兵象

芳氣于今化青災

正衙大壯拱楓宸 萬國觀瞻氣象新 億載太平調玉燭 小臣世世荷皇仁

冬日奉送勞書升前輩還朝同孟舉叔祖仍次

庚午送別原韻

征遼嘒嘒動車音 送別寒郊重苦吟 晨夕笑言衡宇並

關河行李朔風侵 螭頭日上綸扉近 豹尾時瞻黼黻

宸深奏對從容承 異數還將賡拜和 虞琴

先生大雅振元音 長把新詩仔細吟 膺舫樽容樵牧共

雲亭苔任履 蒸侵心期古處親 朋少說到人情意氣深

相勸一杯君莫忘 丘中猶自有鳴琴

上元前二日江陰曹峨嶺祭酒招同滿稼堂陸雲

曉樹樓詩集卷四

十二

士小飲峨嶺出示徐虹亭詩即席次韻并懷虹亭

澄江春水曲一路野梅香 倦客推孤枕 扁舟傍女牆 素

心忘臭味濁酒任疎狂 更憶同懷者 滄浪興獨長

賀同年高江邨榮養

邊塵永靜樂昇平 環海謳歌萬國寧 不敢告勞臣子分

迫思將母為烏情 君恩許遂晨昏願 士論咸高止足

名千古芳型推令伯 當年多愧此恩榮

老友徐賓溪相別八年矣春初一棹相訪兼贈六

絕次韻奉答

憶昔南遊兩鳥鳴 康熙甲子同游 粵東儒林多 揭來十載只愁生 愛聞誰

訪衙門者風雨憐君獨入城

也唯方止愛行圖自笑羈栖不復騫唯有故人勞夢想  
春花秋草自年年

白頭羞逐五陵班寂寂春風自閉關珍重相逢頻把袂  
淹留過月不教還

幽夢分明似可憑多生猶自記朱陵兩廣之秋夢詩南唐有記夢  
友人孫松坪作長歌述之

與君一夜聯牀話覺後光殘半炷燈

以着黃冠與世疎咄煙種藥使三車近來能事君知否  
不讀人間有字書

葉落寒山樹影孤路旁寧但鬼柳榆兩人相見無餘事  
興到唯堪倒一壺

晚樹樓詩集卷四

主

唐路德延為朱友謙書記友謙行多不謹德延作  
孩兒詩以刺之宋張侍郎師錫追次其韻作老兒  
詩然情景之工終不能相及蓋張亦未必無所刺  
也余亦戲作老婦詩詎足追擬二公耶博見者嗤

喙爾

故態尚嫣然繁花繞髻鮮妝成身自喜瞥見客猶憐倚

醉推高枕裝衣耐薄綿華行皆避席侶伴絕隨肩灑竹

留虞嬪壽三十升廣而納二妃百十歲  
少方三妃年已八九十歲矣凌波擬洛仙畫眉共閣內鐺

鬢鏡臺前搖落絲絲柳歌危步出蓮老年弓足  
尤可厭多生成泡

勾過眼辨雲烟鮑姬施神艾麻姑與背鞭相思終日有

懷抱九迴牽嬌靨風成毅凝眸滴泉蘭膏寧去手寶

釧不論錢雲母山屏曲流蘇斗帳懸稱妍頭屢側觸諱

腕頻揎繡幕誰為卷銀缸祇暗煎春踪芳草偏秋奪巧

鐵穿宵寐聽長漏晨梳理舊鈿嫁時餘錦被儘具騰蛩

運易贊楊華象易六通姑楊生華  
老婦得其士夫詩歌七子賢詩歌風有子七  
人其對母心

燈閣中卜噩夢醒來圓同本芝房秀俱飛燕尾涎風塵

從荏苒歲月任淹延綠醕丹脣瑞朱繩玉臂纏遠書憑

雁字幽恨寄鷗絃逕徑霜苔濕登樓桂影偏奇香返魂

煇私記辟邪鐫不老曾探訣觀空嬾學禪候魚吟屋壁

鐵馬響簷椽夾膝涼宜竹支頤兀用拳寸心驚絡緯瘦

骨怯鞦韆媚質柔如紫先古之深轉化而為紫其  
曰紫故其怪多自稱阿紫愁眉殊似為

近前矜俏麗顧影更周旋獨坐唯凭几逢人託問籤秦

晚樹樓詩集卷四

主

頗堪上馬漢援輒開弦壯志于今在聲名振古傳藍橋

無路隔河漢有星連三少烹金杏要極服若金  
升難皮三少雙瑤種玉田

彈詞常下淚聽曲或先眠蠲忿生庭畔忘憂植砌邊剪

綃紛舞雪嚙樹亂鳴蟬凍蝶思輕舉窮處還提綠曾韋

經術並鍾郝禮儀全餌藥為行地道家服食得  
仙者為地仙吹簫欲上

天青冥石可補碧落為能填物理看朝權光陰嘆逝川

含飴環州角恃粥減盤筵內熱猶熅火憎寒劇抱磚擬

如酤酒舍兼上泛湖船被服雖今世容顏異昔年春風

羞識而末俗笑華顛

戊寅夏日重過福州府學名宦祠拜 先祖中丞  
府君主二首 并序

先祖中丞諱齋府君明季宦閩自持衡游歷秉鉞  
幾及十載得士最盛遺愛在人康熙庚申方自庶  
常請假過榕城候大司馬中丞留邸族叔一時通  
家世好諸先生歡然道故追念舊澤公請崇祀名  
宦以是年七月擇吉奉主入祠方率詠二律志感  
今來重拜祠下忽忽十九年矣自唯也塞弗克振  
起家聲俯仰之下不勝滄懷仍次前韻不自知其  
辭之蕪陋也

為谷為陵已異時故人一見憶前規千秋俎豆  
典三世交情去後思父老記談當日事諸生從拜昔賢  
祠棠陰片石仍無恙磨取輕烟拓舊碑福州府學有  
先祖去思碑

晚樹樓詩葉卷四

五

窮沙萬里靖游魂廟略三驅史冊存去年年  
厄曾持寰海共瞻  
天日麗炎洲無復海塵昏人傳鄒魯寧殊俗閩稱海  
濱鄒魯派別  
江河豈異源廿載重來雙鬢改相看彌歎素心敦

鄭幾亭前輩招飲

經國文章蓋代才五雲深處記追陪纔從學海收珊瑚  
旋向江都著玉杯身似明霞任舒卷心同野鶴共徘徊  
先生獨得居山樂堪笑時人不肯來

龔容溪招飲

滿庭花木稱幽棲閉戶尋真久息機丹荔熟時留客醉  
紅蕉吐處見僧題承家有子酬君父投老無心戀組  
珪我是舊交吳季子重來樽榼許頻携

哭陸敬峰同年

十年見少多離別虎阜一杯成永訣已卯二月  
虎阜詩園與敬峰別語  
君握手難再得夢中不信長決絕嘗讀退之二鳥詩百  
鳴不停天厭之翦翎各捉囚一處使看衆鳥盤天嬉心  
當竹實無外求血為醴泉比清流苞禽本為應靈瑞斷  
圖獻籙心未酬君今委化歸冥漠鳳去聲誰叶韶獲死  
為星辰終不滅生者塵土長溝壑山中茅屋蒼烟深  
兮歸來何處尋不忍更踏余山路悲風吹我摧肝心

庚辰初夏舟過信州鐘靈橋規制弘敞結構壯麗  
為步四百為屋八十間往來利涉功不煩民誠巨  
觀也用少陵陪李七司馬阜江上觀造竹橋韻奉

晚樹樓詩葉卷四

五

簡張邵侯

四境謳歌處處同共欣利涉此時通萬間廣厦饒江上  
千尺垂虹葛水中履道總忘胼手力與梁寧比濟人功  
即今聖主憂民切登藉鴻才障水東

滕王閣

有唐以上無滕王千古與壇臨清江自有滕王始興佐  
不見滕王見斯閣甲子憶過章江門滕王與閣皆不存  
今來突兀閣仍見見閣如見滕王面吁嗟世事無不然  
王耶閣耶總如電江山勝槩留文字前有三王後韓愈  
黃雀樓頭崔顥詩岳陽樓上仲淹記後來作者何薨薨  
萬口一似蒼蠅聲西山南浦眼前景欲出片語空瞠瞠

此閣壯麗洵莫比紛紛題咏徒為爾盡挾琬琰焚作灰  
聖令四壁白如紙還汝江山真面目朝雲暮雨氣清淑  
遠眸放我增雙明披襟坐嘯風謏謏

贈江西糧憲鄭方南

同是天涯放逐臣賜環君已離風塵板垣諫草綸扉輯  
藩國鴻籌憲使尊南北挽輸資勝算吏民懷畏仰深仁  
懸知悱惻憂時意不異行吟澤畔人

贈贛南憲副同年劉喬南

抗疏形庭重夕郎外臺寵錫有輝光祗將清白酬  
楓宸已聽仁聲淡豫章自信莊毅同落那從詹笑問  
行藏鬱派亭畔重携袖髯猶聞漢署香

晚樹樓詩藁卷四

贈南昌司馬新陞贛守謝君章

多年劇地繫龍媒望繫蒼生謝傳才佐郡十九年分竹近遷章  
貢水觀風先上鬱派臺雲霄意氣高千古金石交情偏  
九垓舊日東湖曾解榻可容孺子得重來

贈同年鄭珠江前輩

一自披襟別禁林十年踪跡任浮沉有心來踐羅浮約  
無路堪求陸賈金南極聲名推海岳西園文藻重瓊琳  
論交且醉高陽酒潦倒風塵思不禁

贈梁藥亭庶常

聞君暫假返番山東觀風流不可攀石戶夜添高士卧  
金門朝見歲星還詩筒酒琰當年興綺扇清琴此日閒

廿載故人重訪戴相看應笑髭毛斑

贈子翼弟留村叔次

嶺嶠重來十七年禽魚花木故依然不須解識金銀魚  
何用愁衝瘴癘天老去祇餘山水興多生曾結荔枝緣  
余兩至閩而子翼俱在茲時

答丹本弟次前韻因次叔次

星巖酬唱憶當年丹荔紅蕉火欲然蓮幕譙關攜手夕  
山樓雨過納涼天避人久掃朱門跡投老唯尋白社緣  
嶺外相逢頭似雪客窓兩地廢宵眠

羊城寓舍校輯留村先叔遺稿有感書示子翼  
詩篇三峽倒詞源八斗弓鳴霹靂奔為憲萬邦文武脩

晚樹樓詩藁卷四

揚名後世子臣敦六丁枚取遺編缺百代勛垂信史存  
獨有仲容頻灑淚買絲親自繡平原

寄化州守樊景備求仙橘皮

麗水羅山控嶺西歸鴻亭畔徧春犁蠻花相對開庭發  
粵鳥爭來燕寢啼美政恰當書上考循名佇見自天題  
五羊翹首思仙橘為託南飛雁使資

贈胡期仙嘉興人時胡寓肇慶東門外余金遠地樓

廿載滄桑感舊遊主人情重暫淹留謂制府石年伯西陵客子羞  
彈缺東郭先生倦倚樓薄酒易迴千里夢好山聊放一  
雙眸驚鵲湖上還相約烟雨斜陽喚小舟

贈衍者毛石潭切大素脉決人休登屋中江石人在制府幕中

勞生攘攘車與馬百脉沸騰如炙輶何曾夜氣暫清明  
子半昏眠似聾啞國工罕見洞垣人况通造化參陶冶  
吾生久學杜德機自外形骸同土苴毛生見之應却走  
脉語何為滿幅寫究推洪範衍箕疇靈樞素問如瓶瀉  
吉凶脩短理則那自我視之孰真假毛生此術信神奇  
惜我不欲謀取舍持此獻與腰金公莫愁當路無知者  
東坡詩句也

題楚僧自牧卷即送別

瓶笠天涯路悠然異客蹤鉢添虛飯白衲綴嶺花紅問  
法何方寺題詩到處峰明朝又携杖別我太匆匆

題詹南屏歸田錄

江西撫州府南屏人老前居杭州

晚樹樓詩葉卷四

六

辭辭祭戰賦閒閒小築幽居畫下關湖上每尋春州路  
屋頭長掛夕陽山章江佳句傳應徧洛社名賢興可攀  
篋裏龍蛇侈宦豪驪珠百琲未吾慳南屏工詩好客四方士大夫  
投贈不絕連篇累牘說家  
家也

題鬼笑圖為彤本第作

種字林中鬼嘆嘻喚君無地可苗畬不知琴鶴留清白  
何似飛蚊集富兒圖次叔客居維揚名其居曰  
種字林求詩次者數合種樹

投袂歸來萬事無詩囊酒琰落江湖從來未辦謀身計  
不用重描鬼笑圖

題竹贈王皆吉

直節干霄百尺枝絕塵清韻結高姿洞簫湘管隨心斷

獨得王喬引鳳辭

嶺南苦熱用少陵韻

嶺南瘴雨不解悶赤鳥張羽相凌仍正愁熱客渾無賴  
更對炎官實未能海日初升萬鑪煨天風不來千竈蒸  
何時賓客同河朔酒酣自擘絳囊水

賦得夏雲多奇峰

朱夏南天日正長晴空層疊火雲張高低遠近連重嶺  
舒卷參差接斷岡烟帶遙山看歷歷風開淺幕望蒼蒼  
鷺溪素練堪圖畫坐對樓頭獨舉觴

荔枝

火珠千樹勝名葩初薦金盤實正華別院香深裁碎錦

晚樹樓詩葉卷四

七

客窓樽滿劈流霞漫誇甘液同瓊醴更羨冰丸護絳紗  
顆顆勾圓隨露摘瑞人滋味是歸槎

題李長華尊人種槐堂圖次同年徐虹亭韻

日擁琅函坐石倉功成依舊隱南陽愛他清絕新蟬韻  
不羨東山絳竹忙

涼風瀟灑自書裙原是當年舊冠軍應勝王家庭畔種  
清陰常得護烟雲

和子翼九日感懷時方來大立彤本慎菴諸兄弟

同作次韻

遠天風物異兄弟喜同游酒熟人皆醉年荒我獨愁時聞  
兩浙  
早古心真始見時論薄堪羞計日歸帆重琴書滿繫舟

贈楊開臣同諸兄弟小集

吳中九日尚衣舊

風光全不似深秋九日纔過續勝游剪燭雄談憐舊雨  
掀髯高論破新愁榻懸誰見留徐穉酒熟偏能醉馬周  
更喜肩隨多磊落賅宵險韻又重搜

泊頭望羅浮次宋唐庚韻

東坡云泊頭至羅浮十五里  
余以無濟勝之具不能往游

嶺外神仙宅多年夢寐親少哀難作氣秋暖似逢春辜  
負青山約空為道路人推蓬翹首望鮑葛定相噴

卧遊羅浮次陳白沙韻

余從博羅至今始得遊浮野  
飛二木舟中端閣以當卧游

玉京在人間東坡羅浮詩云  
間有此白玉京本有羅浮路仙人邀何許白雲  
寂深處開卷四百峰不愁隔風雨但堅必往心誰云年

歲暮

晚樹樓詩藁卷四

三

贈提督殷熙如

上公開重鎮南國靜嚴疆英略稱方岳殊勲紀太常旌  
麾騰紫氣節鉞凜清霜露布傳應徧鏡歌韻自颺橫鯨  
除窟穴封豕靖遐荒大纛馳沙漠中權制海防孫吳師  
豹變耿鄧叱鷹揚超距人皆撓投醪水盡香寶刀光燦  
爛神駿志昂藏細柳營原蕭天山箭果強宸旒頻顧問  
盛世慶明良鵲印金如斗龍章錦作囊東南安帶礪西  
北動櫓檣猗猗狂能噬塘螂怒敢嘗憑陵欺屬國牙孽  
近邊牆赫濯宣皇武親征出廟堂六師山嶽振萬里  
畢羅張聖算資帷幄前行伏斧折一麾先破膽再戰  
即屠眈迅掃烟雲淨驅除毒蠱亡壺凝紛絕域琛賂報

君王茅土酬奇績彤盧出尚方恩膏仍疊疊湛露已

漢漢特晉崇階錫元勲寵命將深源清望重郭令社綏  
長寶瑞呈丹陛珍奇貢篚筐天顏深有喜溫語更周  
詳魚水恩波合風雲際會昌智謀孚睿譽風度記戎  
行先生進上儀器致瑞器自鳴鐘等物聖心甚喜  
謝近侍以此是編平巨書持方畧中智謀兼全之人此日瞻元禮千秋  
仰益嘗立身垂簡策愛客重文章萬世皇圖固金貂  
奕葉光

寓惠絕句四首

偶佐三千里外遊扁舟秋老過羅浮兼旬白鶴峰前住  
攬勝慚無好句酬

寓惠詩文千遍讀西湖圖志百迴看人間何處無山水

晚樹樓詩藁卷四

三

自有名賢便改觀蘇軾詩云  
蘇東坡集及惠州西湖志

手披荒草弔朝雲千古長留夢幻墳解得六如剛四句  
死生恩怨不須分

孟冬猶熱戀清風嶺外春秋迥不同自喜輕衫腰脚健  
嗔人險處勸扶筇

謁韓文公廟

幼讀文公文神恠詭驅鱷稍壯知愛詩唯公乃願學文  
筆固起衰詩篇尤卓犖刮磨去盲翳心腎日開鑿運思  
入微茫滉蕩不可捉高擡萬里濤清聞九天鶴漢魏存  
古風齊梁真齷齪偽體競流濫元音漸渺邈芸鋤出蕪  
穢開闢見荒度元和詩格精孟張共犄角不然宋元製

早已恣輕薄公生孔孟後斯道獨先覺天不生文公日  
中成晦魄堯舜傳精一非公孰與託原道原性篇終唐  
無此作自公明絕統程朱紹高躅其功在萬世名與魯  
鄒若當時感佛老朽骨勢熏灼一表批龍鱗朝奏夕貶  
削萬里來潮陽瘴癘不敢虐先生得趙子鄉校興禮樂  
若潮有璫璣維公剖之璞若潮有梓材維公勤樸斷遂  
令海濱士結誦並京洛廟貌千載餘俎豆馨簋薦我來  
尋鱸溪遺跡儼如昨公門以私淑再拜契冥漠荔丹與  
蕉黃板漿跪傾酌有唐第一人題字實無忤翱翔丹霄  
鳳豈類笑鵬鸞誰歎擠公者消滅隨燐燼詩在茲山  
以公名特立叅喬嶽喬嶽有時泐此山終不剝

晚樹樓詩藁卷四

三

壽榕歌為薛元戎作

嶺海饒佳木榕類尤非常高者干青天其廣可蔽滿谷  
之牛羊疎理難剝作舟楫曲榦不中為棟梁析以為薪  
不炎上佐鼎不若茨與牆託根多在官府署龐然雖大  
材非良鳳凰偶來翔飛飛擇止息既無桐花可以棲又  
無竹實可以食鷄鶩且厭鐘鼓饗徘徊肯下千仞翼蛟  
螭糾結枝猗猗陰雨蔽虧葉鬚鬚行者過之晝不見白  
日夜不見月與星其下雨露所不濡禾黍所不植奪民  
之利肥其根使我一見為心惻共言大樹有靈神勇士  
不敢操斧斤嶺南霜雪總不到使汝盤踞偃蹇無涯垠  
唯有元戎國亭一樹寂奇絕上成連理下門闕樹中腹

石共嶙峋樹石相連彌歲月上古大椿八千秋此樹應  
同北牙蘗牙旗不動軍書靜鈴閣畫闌春日永起居八  
座太夫人百歲高堂佐湯餅七十萊衣舞壽筵孫枝庇  
徙更絲絲笙歌堂上會親戚鼓角營門拜玉鞭西越故  
人叨世締小詩作頌慚詞麗元戎勲業振天南大樹將  
軍即馮異

題潘梅仙五湖三畝宅萬里一歸人卷

潘人薛元戎

曠哉嵇呂儔浮名亦何有何如陶靖節歸來尋五柳侯  
門曳裾者無復裴仲友束縛酬知已歎息杜陵叟馬能  
望退之出入辰與酉雖為坐上客何異牛馬走筆墨供  
他人千金享敝帚戀校不敢歸欲歸時被時先生獨高

晚樹樓詩藁卷四

三

致去就合可否意氣吞雲夢胸中可八九為人不由局  
主人敬良厚千里人未歸寸心寄三畝尺素無輕舟詩  
囊兩奚負衡宇載欣奔歡迎見童婦譬如雲間鶴那受  
樊籠取無人肯結襪茲道喪已久唱高和自寡琴瑟雜  
瓦缶不受世俗牽行歌雜邨耕家中杭稌熟正可嘗春  
酒

送長汀縣潘話儀陞任承德

飛鳧搖曳引旌旆曉度江關柳色柔廿載撫循心力盡  
百年遺愛口碑留丹墀詔下承恩重青瑣班頭拜  
命優共道雲裝無長物一錢劉寵不須投

和中丞宋漫堂先生六境詩次原韻

坡公來黃州一官如萍梗庭前海棠花賦詩忘日永池  
清涵天光郡偏遠人境縱橫醉後書澄波浮藻荇先生  
分半刺高山見仰景今昔成一人舍若形與影嘯傲簿  
書間官閒唯嘯茗相門清議貴孰敢望簾屏發跡在江  
湖綵綸藏釣艇洗墨池

學問自有真豈敢逐時好朱陸雖異同高深並淵嶠姚  
江唱良知登峰極臨眺末學妄訾議望洋迷浩浩對彼  
忘歸爨千載仰孤峭緊昔狂瀾逞公時建旌纛吐嗟見  
經濟一手運樞要講塗久荒榛誰能探窹窹巖前題咏  
處至今聞清嘯忘歸嶺

晚樹樓詩葉卷四

三

有商丘公玉屑談霏霏茲亭匪送迎永以留光輝從來  
此官遊得似公者稀攘攘利名客俯仰觸駭機如彼朝  
舜華一謝無餘暉公實崇德業天衢振飛翬翱翔歷閭  
闔下風得相依鴻亭

鵲華峙齊望抱郡如玦環日夕佳氣多拖翠紆雙鬟訟  
庭艸上階為雀噪其間當軒鳴素琴清光映蒼顏況對  
二山圖積嶽如可攀卷簾秋色堂不煩登陟艱雖然勞  
簪組鈴閣門長關爰得清淨理知公真愛山鵲華秋色堂

夙昔游章江蓬窗睇嵒嶂時登滕王閣披襟卧其上爽  
氣從西來烟江景千狀盡手何乃神收拾歸素幃茲堂  
寫畫意面勢迥相向往笏吟秋屏金石鏗絕唱西山真

面目從此一開創桂楫臨中流微風搖蕩漾不共時世  
人機局關新樣湘江臺望

歐詩嗣昌黎蘓梅同得法一時豪俊人傲兀競相狎顛  
倒太極句猶信衆口雲脩鱗委密網芳蘭就鋤鉅缺手  
歸滄浪青蠅脫長筴先生緬遺風嘆詠滿箱匣自聞白  
雪唱和者誰敢壓披圖登斯亭懷古興不乏行當卜仁  
里躬灌理蔬甲雞豚樂比隣不教惱鷺鷥滄浪亭

萬壽無疆頌三章并序

康熙四十二年三月十八日恭逢

皇上萬壽之辰正當萬國珎球之會延荷

聖心宵旰憂勤軫念民依省方問俗臨幸所及守土

晚樹樓詩葉卷四

三

奉吏以及在籍諸臣拜舞慶賀恭進萬年之觴  
小臣東方俯隨班末心切懼忤思效衢歌以貢悃誠

仰惟我

皇上久道化成盛德大業史不勝書詹詹小言何能揚

托萬一竊念小臣東方材質駑下風蒙

簡拔感戴

聖恩雖在草莽敢忘華祝乃拜手稽首而獻頌曰

天佑衆民憐覆鴻龐

聖人則之子育黎蒼乾健離明不息自強泰倅闔闔合

德柔剛曰雨而雨曰暘而暘我

皇法



天萬壽無疆

三后肇基建此萬邦

皇帝敬承創守兼昌益光前烈化被遐荒

聖猷日懋

祖德彌彰億萬斯年慶祉靈長我

皇纘

祖萬壽無疆

聖母嗣音令德徽章龍樓問寢鳳閣稱觴孝治天下尊

養無方錫類不匱瑞應休祥慶餘澤厚俾熾俾昌

我

皇聖孝萬壽無疆

晚樹樓詩藁卷四

五

至聖作師植我綱常詩書執禮性道文章

聖主尊崇親登孔堂幸魯盛典今古煒煌山陬海澨徧

立黨庠我

皇重道萬壽無疆

日星垂象雲漢呈祥天縱

睿哲緝熙光明經緯曰文著述曰章典謨成訓翰墨流

芳悅心研慮超邁百王我

皇聖學萬壽無疆

明堂出治端拱當陽一日萬幾網紀四方求衣昧

旦中昃未遑用人行政纖鉅必當世遵熙皞道協

平康我

皇勤政萬壽無疆

生民艱食水旱克湯

天子聖仁免賦蠲糧史冊罕覯今以為常寒暑無咨家

有蓋藏含哺以嬉樂過虞唐我

皇恤民萬壽無疆

帝德乃武

皇威克揚逆孽荷角旋踵削攘肆征流沙稽首歸降凡

有不率孰抗顏行梯山奉貢航海遵王我

皇神武萬壽無疆

河流浩浩淮水湯湯下民昏墊災並懷襄

帝切其咨親築宣防指授方略

晚樹樓詩藁卷四

五

睿慮周詳或疏或塞安瀾順常我

皇底績萬壽無疆

觀乎天文仰察機祥觀乎人文天下化成文教誕

敷俊傑明揚拔自巖穴登之

廟廊廣搜溢取多士騰驤我

皇任人萬壽無疆

周道如砥禹域康莊河工告成

帝命省方年芳節淑

龍御翱翔

翠華蒞止兆庶瞻仰湛恩汪濊異數非常我

皇巡幸萬壽無疆

恭階平格羣工頌颺請上

尊號典禮皇皇

聖人首出道接軒黃

聖不自聖謙尊而光不

俞所請高深莫量我

皇克讓萬壽無疆

次韻同年顧芝巖前輩奉召入都留別親友

葑溪折柳贈君行駟馬駟驢入上京 聖主求賢方側

席汝南清望有公評

此身與世轉多違漸覺人間事事非橋首丹青有勁翮

敢期弱羽共拚飛

晚樹樓詩葉卷四

殊恩趣召嚴程迫正好清和四月天到日定知綸閣啟

賜金還給水衡錢

兩字榮褒雨露溥奎章拜捧子心歡南巡記注標

青簡留與千秋萬世看

轉眼升沉閱幾更覆翻曾不異楸枰不妨閑着持柯手

且與鷗鷺狎主盟

舍址新筠十數番舍南亦置犢車轅時時引領瞻春樹

為祝清時佐化元

送同年顧芝巖前輩 欽召北上

敷土功成奠百川東南民瘼慶安全帝心悅豫思良

弼聖眷殷勤屬大賢共聽殊綸求舊德喜看鋒駕

策先鞭微臣亦荷君恩渥重覩堯天十八年

次韻酬寶暉弟

廿載交情見面稀漁庄繭舍老荷衣已拚白恰隨檣散

豈有丹書到仄微聖主恩深還念舊愚臣才拙早

知非從今一倍承膏露未敢高言便息機

題袁舒雲觀舞劍器圖

妙舞臨風翠袖襜迴眸清射劍光鋸張顛一見能神解

不是貪看皓腕撻

題畫菊扇

泚此枯勁筆寫彼貞秀姿卓為霜下傑靖節有嘉辭浮

華非所尚落英充夕饌

晚樹樓詩葉卷四

懷東忽如坐東籬

自題默朝圖

上天何必鶴一隻虛空可看劉安宅閒與僊人畊紫烟

歸來侶鶴坐磐石

題曾希文浮家泛宅圖

五湖家近泛孤篷竹樹參差翠影濃碧水丹山隨處住

遲余雙槳得追從

翩然一葉傍烟橫寄傲元非汗漫行放眼開簾天地闊

濟川風利片帆輕

甲申春杪途中書所見

前年齊魯遭大水已說山東人餓死去年霰潦水茫茫

餓死人更在他鄉不見監門繪圖告

天子親巡下恩詔蠲租截漕又捐帑遣官速賑兼平糶  
州縣籍報貧名字賑官核減無三四無票饑民塞路啼  
拊膺搏額猶希覲健胥嘆喝不敢前眼看賑官身溘然  
節省之餘仍變價可憐不得充饑咽我來見之心獨悲  
蕭條萬井無生質原頭百草根莖盡有樹無皮皆立樞  
荒村極目斷烟火枳棘當門泥墜戶野田不聞鳥雀喧  
時有狐狸竄榛莽疊疊道殣伏草根呻吟未絕失腔聲  
汝誰姓氏孰鄉里欲問疇能反其魂驅馬去之不忍視  
旅飯下箸還復止焉得困栗隨我身一一授餐皆活爾  
今年江北翻憂旱旱以秋霖大麥乾枯小麥短一冬無

晚樹樓詩葉卷四

手

雪春無雨千里塵塵飛滿眼兒童打鼓賽神龍老羸顛  
搗沙土中有司請雨成故事區區屠禁從同同此地亦雨  
聖心仁愛通造化凶豐轉轂如晝夜九霄風雨幾時來  
願挽天河手中瀉

三老董公故里

楚漢皆先著興亡自此論謂不殺義帝則不能為西楚霸王沛公不為  
楚之仇與坑餘一遺老心在報亡秦三老明君臣大義乃儒而未及坑者  
心存故國一也余故謂三老實建  
大功而不辭漢乃秦之仇也此謂侯補漢報三老成義報秦其  
愛劉廢而不從漢名也本無主組意人傑敢同倫三老之功在三傑之  
跡其不若三老遠矣

長平驛

古今有奇慘莫若長平酷冤魂四十萬一旦同殞殞我

來長平道不覺兩眉感解鞍入旅店嘆吁忘盥沐主人

具盤飧掃榻更秉燭知客意不憚賤寔請更僕竊聞周  
命衰奸雄羣逐鹿秦國劇虎狼盛氣欲吞六初猶親穰  
侯繼乃得張祿不敢兵加趙所忌頗與牧巧計行反間  
奇兵試埋伏蚩蚩趙家兒曾受父書讀年少初至軍盡  
更諸約束上將隱姓名佯敗肆追逐堅壁不得入規臺  
已新築絕糧五十日人馬共枵腹智窮自搏戰趨死恐  
不足全軍盡驅迫顛倒填溝瀆尸積凌太行血漂漫林  
麓爺孃與妻子何處尋骨肉狐狸飫心肝鳥驚啄頭目  
聚骨朽成泥無人種種稜往往逢天陰近遠聞鬼哭燐  
火夜起人宵行神畜縮相傳唐開元題作省冤谷封括

晚樹樓詩葉卷四

手

骷髏王以鎮厲鬼族至今存有司祀典不敢瀆農父田  
間來古蹟或發斷戈頭黃金花箭頭青銅鏃戰國善兵  
器制廣鋒稜薄近代無此物自昔工雕琢太息趙王愚  
驕乳亦推轂垂老廉將軍揮淚見傾覆用人信惟舊善  
敗能不辱白起小豎子窮兇真莫贖當日固良算終亦  
蒙顯戮殺降至不祥況乃恣屠毒後時新安城楚坑秦  
亦速天意本好還物理有報復每思全盛世修德耻窮  
黷始知兵不精百萬徒碌碌今茲王報庄一帶戰場曲  
風雨洗氛塵山河靜草木賴見人烟稠且慶禾黍熟俯  
仰數千年紛紜難具錄我聽主人言更為斯民祝千秋  
殺氣盡永享太平福

卜子夏祠 臨汾州府十里

聖人歎鳴犢臨河弗既濟遂令三晉間過化未遑被不  
有卜夫子西河紹先衣焉能數千載此戶習文藝韋編  
暨三絕筆削重一字當時文學科微言莫敢覲詩三百  
五篇刪定昭美刺卓哉卜夫子一序獨深躋四始此興  
賦六義見根柢漢代表經術諸儒競同異小序及註疏  
紛紜更乖戾始知卜氏學文章取純粹 聖朝優先賢  
推廣破前例 幸魯思周公官及東野氏四子世祿外  
更及薦與賜濂洛關關後邵雍亦相繼卜子詩首庸傳  
經之非細裔孫尚草茅錫類恩未逮誰為告禮官此議  
非偏詖祖豆有遺澤千載永勿替

晚樹樓詩集卷四

圭

伊尹游寓處

商代尊元聖天心繫此身初猶輕聘幣終欲覺斯民一  
德君臣契書惟尹躬暨湯咸有一德千秋事業新聖祖讓低徊遊寓處負鼎  
迹非真

宿王莊驛

今春久旱五月中宿州鳳陽以南霖雨十餘日而  
一路地畝菽黍未播得雨之後唯見蒿莠盛長為  
雨惜也

甘雨蘓枯百草滋天公澤物本無私竭來未得霑嘉種  
莫遣春犁更後時

過淮河始見稻田

水田初見稻秧齊景入鄉關望轉迷更愛江南好風物  
株株高樹有蟬嘶

遊滁州醉翁豐樂二亭

六一文章玉局書千秋雙絕並留滁二記並坡公書豐樂亭記  
大字楷書雄深道健獨者  
絕醉翁在昔賓朋盛豐樂于今蔓草餘曲水流連堪永  
日亭亭有流觴曲水釀泉香美欲移居瑯琊山翠遙相接信是環滁  
景不虛

晚樹樓詩集卷四

圭

晚樹樓詩葉卷五

石門吳震方青壇

賦得

御製野望湖邊遠碧橫應

制乙酉四月初六日行宮御試

湖光山氣正晴和

天仗遙臨 玉輦過澗澗清漪涵曉色嵯峨碧嶽浸春

波欣欣芳草含堯澤嘒嘒新鶯叶舜歌無限雲天

資

曠覽長空一望景偏多

恭紀

晚樹樓詩葉卷五

聖恩詩有序

臣震方一介豎儒賦材謏劣康熙己未科蒙

皇上親拔二甲第一名進士由庶常改授御史二十五

年以言事落職四十二年恭遇

皇上南巡幸浙四月十七日奉

特旨復還原職蒙

賜御書一幅今四十四年於浙省 行宮

試詩又蒙

賜御書一幅臣感激

天恩愧無犬馬之報茲者

聖駕回鑾臣草野愚誠實切瞻戀伏見我

皇上膺學淵深天章炳曜

闡揚理學得上聖之心傳

崇尚儒宗發先賢之潛德

恩無弗屆八荒咸慶生成

德迺誕敷九有共沾化育實千載昌期之運萬年有

道之長也 臣瞻仰

雲天難形贊頌謹陳蕪陋上瀆

宸聰敬賦八章聊申抃舞臣不勝戰慄隕越之至

驚輅春巡動九垓山川重幸

翠華來陽和氣浹蒼龍轉淑景風馳赤社開四海晏

寧占豫順千官喜起頌康哉省方此日瞻

晚樹樓詩葉卷五

堯采萬井歡呼徧草萊

九如天保祝三多萬國琪球正止戈景運中天逕

化日芳辰季月值春和瓊漿漱澗雲華酌優樂鏗

鏘彩鳳歌南極一星朝

帝座軒臺望氣鬱嵯峨

軫懷勤依戾土功股憂日與萬方同雲中鸞鳳永

偃帝水底魚龍候景風地片黎陽期到海歌聽歌

子記成宮何須宛委求金冊蚤奏平成出

聖表

奎文雲漢炳千秋引領祥光貫斗牛商室旁求來

俊又周家佐士盛薪樞追風冀足應齊至剖璞荆

環欲盡收共聽絃歌增氣象載看麟鳳悉郊遊

東南民瘼正殷然

聖主鴻恩降日邊比戶歡聲騰遠近

大廷溫詔徧郊廛復除漢代農桑重施舍周官典籍

俾欲阜民財成至治

垂裳恭已奏虞絃

祥風煦育布春溫旋聽

絲綸到犴門五用典馳寒谷暖

九天雷解覆盆翻泣車

至德沾窮蔀祝網

深仁念飲寬貫索園扉青草茁

晚樹樓詩葉卷五

金雞仗下拜

殊恩

遙瞻

宸翰灑丹青榮被臣隣異數昭何幸儒生重拜

賜更驚蓬戶再分邀龍蛇勢動雲章麗星斗文成法

象選跪捧自

天鴻寶重傳家世世仰

清標

廿年遲暮別鵷鷺

天地無私覆載寬身傍

九霄露湛露華回

三殿識

金鑾素絲羔袖餘香染

丹陛龍光近日看

聖主恩深何以報願隨擊壤頌安安

送寶崖族弟應召北上

良璞不自剖靈珠固無脛奇光閤山淵輝媚破川嶺至

寶詎終秘忽然出彪炳廟堂要瑚璉照夜求宵景一朝

離潛隱寧與瓦礫並令弟天下才十年困泥滓辭峰抗

五嶽筆海吞九溟許與氣類合弘獎風流逞詩篇達

紫宸持板脫豪穎鵬臆既已接龍坂將趨騁待詔金

馬門奏賦策高等侍從間鄒枚綸閣文章靜規翔躡霄

晚樹樓詩葉卷五

漢高步凌青冥回頭看南雁庶復憶張邴

戚友有勸余求仕者笑答之

面改心衰百不宜爾來名字畏人知羞將短鬢重窺鏡

只為曾吟老婦詩

秋夜聽雨

秋牀聽越霖中夜耿不寐入夏愆甘澤時雨隨霽既良

苗勃然興禾黍看旆旆或云豐年祥飽食庶可冀我家

雖日落猶足供井稅奈何秋潦降連旬困陰沴平疇盡

減項甲折但空穽開霽不終朝白日隱何地夜深更滂

沱百感入肝肺聲聲寡婦哭滴滴疲眊淚遽覺余凋冷

念慮煎於內歲晏艱口食菰羹恐難繼人樂喜而憂易

豐為儉歲忘此西成候豈由天帝醉顛倒不成夢非為  
一身計悠悠偃宵夕曙燈光欲隊蚤與雲尚屯援筆聊  
自記

題唐石公美女問禪圖像 畫像冠道履釋袈裟

非儒非老復非僧天女何須問法行識得廬山真面目  
本來元只一唐生

七君子詩 有序

一代之興必有一代之人材或以事功顯或以忠  
烈稱或以節操著或以學問傳皆足以光邦家法  
後世天之所以生斯人非偶然也 國家創業垂  
統重熙累洽人材濟濟史不勝書方生也晚未及

晚樹樓詩集卷五

五

逮事前哲况橫學寡合所交名碩可屈指而數幸  
得仰其風規接其教誨高山仰止心竊慕之時一  
追念古人往矣而吾之心不與之俱往也暇日成  
詩聊識平生交誼共得七章皆當時君子也披誦  
之下如見古人其未及見者雖一代偉人不敢妄  
作以躡未同之幾

明編脩鄧縣葛全果先生

鳳為振高翼翔翔紫雲中文章輝五色棲在百尺桐一  
朝瓊樹折鳳去梧臺空飲翮歸丹穴希世不可逢青松  
生高岡上枝摩蒼穹結根萬壑顛凡木詎可同歲寒歷  
霜雪不改翠蒨容唐虞啓中天箕頤表清風周基開八

百採薇甘絕饗自古一代與間氣必有鍾聖人貴達節  
君子守固窮先生擢上第奮志期夔龍侍講金華殿較  
書蓬萊宮 先生與先君素稔已卯同門廩以第上  
隔九重豺狼沸京國焚掠九廟恫天子死社稷孤臣哭  
遺弓雲雷康屯難 聖朝際時雍塵外脫世慮空端結  
遐踪雲卧三十年長嘯四明憲著書紀節烈有錄名昭  
忠 先生著昭忠錄記北都死事南都死事封贈死  
事先君殉節維揚具載錄中人為先君誌墓 高名動京師有位皆  
顯顯 聖主詔天下求賢到萬達忠貞適撫浙 謂三韓制  
薦達惟至公先生竟不起江海飛冥鴻躬耕老泉石樂  
道以長終

明孝廉容城孫鍾元先生

晚樹樓詩集卷五

六

先生王佐才抱負通經權氣邁劉越石鷄鳴急先鞭壯  
心塞天地雄豪冠當年感激重然諾意欲凌雲天緊昔  
國步改萬目憂時艱瑤燭肆毒螫清流邁述遭左魏周  
三君逮繫孰敢援先生力營救調護供橐餗徒手扼瑞  
逆倡義輸金錢君挾濟時具矢志清妖祇帶劍遊塞垣  
指畫覽山川 是時高陽孫文正督師門監軍履歷節約先生同遊塞上  
歸 先生人蒙召對推轂賢豪先 先君以范公景文言崇禎帝召劉德  
爾梅 先生識天運迹跡沒蒼烟移家五峰下結廬歸百  
泉子孫習耕稼生徒講遺篇去聖千載後游夏孰敢肩  
一心紹濂洛指窮有新傳挺生得大儒理學復昭宣微  
書十一下高臥節愈堅司成虛席待束帛空交幾九十

猶好學几杖雜簡編方也託先契仰止誠拳拳不得見  
先生路廣難黃緣頻寄空中書方已百公事見開古教託寸心  
獨經綿大雅不可作誰見九方歎

大司馬制府三韓范觀公先生

天地有正氣人倫首君臣自古誰無死一死垂貞珉忠  
貞相公子射策登青雲廻翔綸扉地獻納切星辰聲  
華重臺閣致身匪舊恩主眷固非常宵旰憂斯民  
帝命撫全浙下車即埋輪慷慨志澄清墨吏皆解紳利  
興弊必除刑簡政自均美績非一一漏萬難具陳聖  
朝念遺逸進賢塗久堙公薦為先生少微倏光獎蒲輪  
竟空迂高節益嶙峋舉此一軼事見公道義尊未幾督

晚樹樓詩集卷五

七

閩疆萬戶若狂奔攀轅卧車轍嬰兒失慈親妖星孛皇  
極煽動俱強藩閩海亦騰沸公造當險屯百苗誘從逆  
罵賊齒穿斷幽囚困拘繫百鍊終不磷精神動白日憤  
薄連蒼昊篇篇正氣歌四壁書烏薪公被拘無筆墨以炭畫壁作詩願為太  
尉笏擊賊碎其元願為常山舌噴血氣愈嘆願為睢陽  
魏厲鬼雪國冤願為文山血濺白柴市門致命以遂志  
天地為之昏報國心未酬已號逆賊魂天星耀牙戟  
問罪戮鯨鯢檻車載元惡寸磔如魚鱗公獲死封疆  
萬乘為酸辛宸章備恩訓廟貌薦牢馨千古綱常立  
青史標麒麟左貂珥七葉朱輪三十人天用勵臣節亦  
以報精誠

相國武定李鄰園先生

相國本魯儒筮仕得司李才猷振東越風稜長柱史歷  
官匪閒曹經濟聞丹陛宸慮恤封疆朝端簡英偉  
廟算授方畧重寄腹心委忽然妖氛任天狼共蛇豕  
昆明演滇池蠢爾為禍始閩中及嶺外連難勢俱起太  
未扼要地馳腕仰基累蜂蟻肆毒蠱生民飽虎兇旌旗  
徧草木兵馬屯蟲蟻人烟絕墟落鬼火依城市江山方  
旦破賊膽遽夕喜耿逆破江山縣以為天助可以得江山之兆大喜江山衛屬邑也孤城鼓角喧  
重壕積屍磊公奮不顧身日夕親戎壘鞭刀立矢石礮  
火在尺咫談笑過橫流百雉金湯峙英雄若神授大才  
濟時否親藩秉天戈內固可外弭雷霆隨斧鑕石礪

晚樹樓詩集卷五

八

巢穴毀神噐難竊弄賊首旋拘縲是時滇與粵渠魁皆  
蕩洗天地咸清寧公功在千祀在昔睢陽城張公能守  
死唐室賴興復一城天下倚今公保三衢折衝在萬里  
豈徒吳民安長江實唇齒大勳書旂常歌頌在人耳枚  
卜持大鈞陰陽資獎理聖朝傳良相公無愧端揆

大司寇蔚州魏環溪先生

先生皋夔彥嶽立冠羣倫遭逢聖明主敢進批鱗言  
鐵柱厲風威奏對謁臣隣左遷佐光祿乞養娛晨昏廷  
論久延佇聖主思直臣報國心仍切致君志復伸  
歷躋卿貳班遂登九列尊亞相掌邦憲治國用輕刑夜  
聞持簡立朝見伏嚴閣獻納皆碩碩畫彈擊必頑囂院



仰經濟鉅更推理學真夏峰謂孫陸元先生及荆峴往復恣

討論斯道有心傳先覺覺斯民方當鼎鑪用拂袖歸丘

園杓斗望彌高泰華增嶙峋繫余實小子埽門未有因

世好通往昔先生尊公大先生與先祖中丞同官江右聲譽最深先生與先君庶常於未同試禮闈傾蓋定交論心極合俯接

承笑頃目為有用才先生許方為有用之才嘆賞同荀陳雖紫國士

知竟乏中人援哲人已云亡直道世不聞顧我槍榆者

翼短失飛翻澹然養浩氣不負知己恩陰慶有先德素

風貽後昆文章起南國北闕贊經綸盼望儀型在緬

懷古道存敢忘孔李交感激徒書紳

大司空睢州湯潛菴先生

於戲湯先生致身在虞唐其道惟正直其人信巍昂河

晚樹樓詩葉卷五

九

嶽儲精靈日星垂光芒自入承明廬賦性秉真剛崇朝

天子擇英才經濟試嚴疆乍展千里足乞身龍吟居致一

奉高堂家居二十春讀書見美牆蘇門有孫登魏元先生

絕業能擔當先生親受業論辨獨精詳關閩漢洛宗揭

若中天陽天子求良史應詔趨巖廊班馬今復出才

識冠三長前席既論思退食筆仍囊獻納侍經筵一

誠之所將天子咨四岳匹馬來吳邦清節邁古今惠

政周窮荒剔弊貪蠹息持正邪魁攘淫吳裁二載忌者

實萬方天子念青宮特簡贊儲皇復行坐講禮

異數出非常受恩忘險艱寒暑竭忠良下河格邪說嗾

聲沸蒼黃余議與公合廷議時余力主閣下河關海水為於內祖楊地之說且請去楊黃瑞反復力持再三

櫻鋒鉞蛾眉積謠詠魚目皆夜光身名同風波習坎不

可量黃金銷眾口白璧竟毀傷聖主恩不替存歿示

寵章三代有好惡千秋公論彰斯人難再得灑淚氣

填吭

待御平湖陸稼書先生

世人逐富貴苟為身家利富貴如可求執鞭何必計盛

衰不自由得失恒相成庸夫見目前踴躍趨遺鄙官歟

雖小屈大伸在名義名義苟為玷富貴焉足恃吾黨有

古人矯矯陸侍御起家試烹鮮中年見三異處彼膏粱

邑持已彌刻厲褐衣嘗不完蔬飯未曾飲民富官日貪

妻織身荷簪祇知答君恩不能事大吏拜手辭上官

晚樹樓詩葉卷五

十

下考甘自棄再舉宰百里四海仰康濟柱史謁承明奏

事登丹地肅肅儀仗裏風急鷹隼擊儒生直如弦命與

時俱背還歸舊山隱聖賢日相對逢時洵為拙初服聊

得遂理學溯程朱制行不爽惠授書東山濱嘯哦輟宵

寐精研四子書析理窮奧秘微言破秋毫良鋤劉蒼藜

仁義路不荒後學得深嗜先生有四書大全先生今往矣精神留

篋簡笑人豈云遐芳規在六藝還視富貴徒變滅若雲

翳

老至效白香山

人皆驚老至老至不須驚小酒時能醉微吟且復清要

拏薄恩愛親故昧平生身外何煩校天全一老彭

但有詩書癖而無吾樂因悠悠遺世累汨汨任天真少  
疾偏宜老無求不厭貧吾觀權勢者少有不愁人

戀主衷誠切謀身意未厭金章誰不受絲發日須添口

說家山好心猶魏闕淹平生思報國勲業在頭銜少陵詩云蓋詩

事則已者也

奴輩利吾財多財真可哀老猶用心計滿不畏身裁日  
月不相借青春肯再來通神錢十萬此語亦堪猜

謝人惠寒具

麪白油香味勝飴春冰輸脆雪輸輕慙無滿頰鏗鏘韻

嚼出宮商角徵聲余以齒碎不能快故

嘲長妓

晚樹樓詩集卷五

十二

五月穠華歷露叢亭亭獨立百花中遠人不辨葵名蜀

道是中朝一丈紅

遠望雲中翠黛危瑤姬騎馬赴陽臺到時不用扶金鉗

攜手低頭入戶來

題風箏

誰送風鳶劇轉蓬萬人頭上理絲桐眼前彷彿如鸞鶴

舌底依稀出微宮笑我規模肯時利知君機巧奪天功

繞乘一線春風信便自飛揚上碧空

贈韓敬一少參

西江東海識高賢傾倒才名三十年肝胆輪囷猶是昔

頭顱老大不如先重來茂苑登融坐好去金臺看祖鞭

時韓將赴補少參精奇門六壬  
更喜異人逢郭象尊前為說養生篇生中有郭山人善養生之術更

丁亥春二月偕同年談未菴渡淮迎

駕同憇百子堂三宿歸後未菴寄贈詩二章次韻奉答

歲歲芳郊萬木春嬾隨紫陌看花人半年彭澤陶元亮

一曲剡溪賀季真青眼久疎人共老白頭相許意如新

淮壩桑下同三宿戀舊應遭佛子嗔主僧願懷家

織錦寧庸削與菅莊薑不用照衰顏持盃共笑添蛇足

悅草何須被虎斑敢向丹青齊篋羽且耽綠野聽綿蠻

榮光頌照蓮蒿下辜負君恩是故山

迎

晚樹樓詩集卷五

三

鑒頌二十章有序

臣伏見我

皇上聖德覃敷彌綸中外凡日月之所照臨含齒戴髮

之民無有遠邇莫不顙顙向風翼輿

天顏

皇上念切河工屢巡淮甸於是吳山越水皆得霑

屬車之清塵企

龍光於咫尺康熙四十五年又奉

特旨蠲免四十三年以前積逋萬姓蒙

庥歡聲雷動

恩膏漸被民物咸熙自古及今得未曾有冬十二月

有暫停時巡之

旨隨奉

皇太后慈命仍於四十六年春月

南幸兩浙臣民始而皇皇然如嬰兒之慕父母繼而欣

欣然若草木之逢雨露臣工父老盡皆踴躍鼓舞

渡江踰淮奔走千里迎請

鑾駕瞻

天仰

聖以申犬馬依戀之誠至於武林明聖湖擅東南之勝

澄波翠巘風物妍麗控吳引越在江右湖屢蒙

六飛駐蹕山水增輝但僻在一方

晚樹樓詩葉卷五

三

乘輿至止

行宮未建殊褻

宸嚴非臣民之所敢安於是庀材度地卜築湖濱庶民

子來奔走如鶩費不煩民食稱其力崇儉去華雖

堯之上堦禹之卑宮不是過也臣生長是鄉受

恩深重吹枯噓稿

主眷有加夙夜冰兢報稱無地茲遇

翠輦重臨輟復隨臣民之後林舞恭迎採蒼黎之興頌

寫葵藿之私忱不揣鄙陋撰為迎

鑾頌二十章恭呈

御覽臣無任戰慄隕越之至頌曰

聖德巍巍邁百王埏埴淑氣裕嘉祥

湛恩徧給寰中物

雲日何人不近光

東南民物最豐登沐浴咸知

帝德弘况是蠲租頻

賜復羣黎百姓仰升恒

朱旂羽葆駐勾吳浙水喧傳慶賜醴草木有情咸獻

壽笑他嵩嶺只三呼

春色遙開閭閻門

龍旂展處萬人屯共誇此地生民福歲歲祥雲捧

至尊

晚樹樓詩葉卷五

四

笙管紛紛到處迎萬家歡笑雜歌聲鈞天今日開

僊樂此是簫韶奏九成

芳春和氣滿津涯風暖徐看

綵仗移一路惟呼瞻

舜日

天顏有喜萬民知

化日融融保太和豐年高廩黍稷多

君王不忘東南力細採康衢擊壤歌

頻年

沛澤滿窮扉戶口盈寧慶煖肥暫輟隴畊迎

聖駕不妨日暮荷鋤歸

解網

洪慈骨髓淪橫經東來盡良民都俞尚飭無虞戒疾

苦還從父老詢

明聖湖頭水碧寒清流倒景浴噴坑一從

御氣回腸谷載得

恩波海樣寬

一帶

行宮近水開蘭橈桂檝絕氛埃經營不用煩民力趨

事爭看頌子來

地僻湖山望

幸頻舳舳春殿及時新村農共喜瞻

晚樹樓詩葉卷五

五

天近笑指紅雲即

紫宸

六橋十景記微茫只辨山光與水光一自

宸遊題茲榜名區一一識

天章

青雀黃龍接尾來碧波深處蕩雲開湖山風景年

年好共祝三多

萬壽杯

樹樹繁華占好春絲絲弱柳最宜人融和不是東

風力

聖主仁恩萬物均

處士山亭已放梅朝朝白鶴共徘徊忽聞

下詔將臨幸會喚祥鸞落九垓

天邊佇望

六龍翔草莽微臣意倍長回首廿年

滿腔側至今猶染

御爐香

敢信

清時有棄材無私雨露荷栽培兩番

仁在承

恩寵捧得

宸章帶笑回

晚樹樓詩葉卷五

六

前度

溫綸感特膺

龍顏今日更親承願隨父老留

清蹕同效虞廷拜舞聲

河清海晏樂時康物阜民和

帝道昌共祝

聖人遊豫處年年歲歲慶嘉祥

硯池冰同未庵賦

文史三冬足討論墨池寒徹藉爐溫頻呵湘管書蟲篆

時點花牋學漏痕室煖下帷扁北戶詩成移几就南軒

待看一勺無源水也荷東風解凍恩

題查悔餘證因圖

戊寅六月偕查悔餘編脩及同年朱竹垞檢討過福州長慶寺食荔支有倡和之作忽忽十年矣今見證因亭圖欣然相對如悟前塵識此以申契濶之感

憶共三山摘荔支十年風雨繫相思證因亭子重披對長慶還尋舊雨詩

以永定甄硯贈袁子舒奕辱示長歌詞旨並美因辨其故事歌以畀之

鄴臺荒圯無陳跡漳河水底探遺璧同年中州新並卷以銅雀余家藏一硯背有銅雀臺建安十五年造餘三字莫辨甘泉宮廢幾千秋長生未央有人識

晚樹樓詩葉卷五

七

閩中林同人于素山得甘泉宮瓦硯背有長生未央四字王阮亭先生為作歌 瓦如黃琮李司馬傳灌嬰廟瓦硯此皆至寶人間希百金懸購難遭逢卯金之前有羽陽當塗之後有香姜曾聞古瓦不可見不比石鼓羅宮牆李唐沈泥世蔑有千蒸萬煉成瓊玖昌黎亦曾傳陶泓此法今時失已久我昔泛舟吳淞江偶過陳墓休僧窓忽見窻前數甃古拂拭苔垢喜欲狂問僧知是墓中物陳朝公主埋香骨珠襦玉匣化為烟牛羊上墮蓬蒿蔚戒聽此言增嘆嗟高岸深谷山可移金碧樓臺變塵土何况偏安一寨發命工試斷澄泥硯曜墨浮津流紫電扣之如玉拭如脂雙手摩挲日千徧吾友竹垞學識全銘此甄為紹泰年公主雖然

卒梁代武帝永定始表此錢藏不得稱駙馬贈以亭侯制曰可陳書武帝長女永世公主先適陳留太守錢藏生子岳並卒于梁紹泰至武帝永定二年唯主近封賜驛時請加藏駙馬表稱以公主早喪將加封之堊王既在武帝時此甄宜為永定者袁子好古善讀書精研經史勤畱畬贈以一硯供點黠永伴彥伯乘三餘報我長歌意滿灑筆落鍾王字工楷要時憫卑非厄言氣吐虹霓吞渤澥嗟余才薄不自由援毫欲答且復休但恐跋牂隨赤驥更將燕石混荆璆

樂府詩有序

詩者樂之遺也詩三百篇皆可歌楚辭九歌以饗湘君漢魏以降或三言或四言或五言或雜言皆奏諸樂章掌之樂府蓋樂府乃官署之名有令

晚樹樓詩葉卷五

六

有音監有游徵漢元帝時郎中京房知音律上使太傅韋元成雜試問房於樂府是也唐無樂府官郊廟則太常宴樂有教坊歌詞多是五言詩及七言詩宮禁所傳旗亭所賞無非詩者朱子謂唐五七言詩中宇多泛聲後人恐失泛聲故於聲中多添實字遂成長短句宋則全用長短句蘇黃秦柳辛晁輩所作皆可歌而瑞鷓鴣仍七言律小秦王仍七言絕皆有泛聲迨至元明南北曲盛行而詞無可歌者矣夫詞之所以可歌者以調為主詞以詞之音為主音有五聲亦有五又分律呂又分清濁輕重詞之平仄有可移者有必不可移者不差

錙銖若任意出入則歌時必有棘喉澁舌之病今人既不解歌輒染指為之詞雖工不知孰為音歌為調詞且失傳而況上擬樂府乎明李滄溟取古樂府竄易數字編入已集錢牧齋已極詆之故樂府之亡亡於樂府又亡于詞而樂府之存幸存于曲余嘗謂今之樂府不可作而今之詞尤不必作誠以是也然余此詩亦謂之樂府云者不過備採風誌謠俗效樂天秦中吟襲美正樂府之體循其名而不必責其實故僅謂之樂府詩爾

閨久旱

皇天久不雨千里無通津石田不可畊農夫苦冤辛高

晚樹樓詩葉卷五

元

田生荆杞下田飛黃塵嗷嗷向天悲一食或兼旬縣官催賑濟按戶皆極貧安得百萬粟徧飭窮簷人敢望改折例稍邀法外仁小吏不肯言恐遭大吏嗔草豕有微情何計達蒼昊寬征又減賦緩二自皇恩今冬得苟活幸待來年春飽餐麥與菽重作昇平民

翟公歎

富貴他人合貧賤親戚離古人為斯語猶未辨通濁吾觀夸詐徒分別在豪釐勢利視輕重因之有等差為術誠繆巧對面不相知上者餌以財金帛間珍奇尊異及卷軸璀璨光陸離次以食為餌觴豆盛華滋染鼎必異味雕盤充餽遺下餌以甘言甘言何所施詎爾一時惶

口與中心違操此三術者人人胥隨之勢客得所欲皆言主人殊即在一人身翻覆如雲泥朝為暮光貌暮為煢母姿翟公固有言乃知不我欺

誚讀書

古人重讀書貴不問生產今人亦讀書生事不可緩財簿為卷帙會計當編纂不惜捐黃金立可登仕版獲利相什百千萬心未滿層累更急公紫綬倏登綰子弟又為卿骨肉少閒散立賢固無方向何必資料揀貨殖走通都甲第起華館懷清財自衛天衢亨且坦短檠讀書人眇滋昏兩眼欲叩閤開門趨起淚潛潛

廢古玩

晚樹樓詩葉卷五

手

饑來資飲食籠糲同一飽寒至資衣被疎布亦自好世人重古玩風俗日浮佻嘗之通都市眩目悉瓊寶周鼎及漢玉晉唐宋真草畫跡妙通神筆墨存細縑珍怪遠方至明月來窮島問價皆千金百鎰詫為少求之不論錢云以充紉縞豈知訟庭下敲朴到枯槁誰能忍饑寒更受催呼擾輟此一物資百室稅可了吾聞古聖王賤奇技淫巧勸爾富貴人視之同糞草百姓如不足吾甘投荒繚

哀巧宦

朝廷設官位樞才到寒微下者司民社上者筭樞機苟受祿養恩敢與初心違奈何宦達者竟為高賢譏取民

若狼虎任事如脂韋一朝謝朝請解組懸高車金貨溢  
府庫僮僕皆輕肥高居鬼神若故人相見希豈無貧賤  
交肯恤寒與饑逢人輒患貧不知衆論非朝言乞米去  
暮道典衣歸一聞乞假言怒發不可磯已身錙銖惜子  
孫泥沙揮百禍集其門朝露見晞晞哀哉宜達者無人  
為愍歎

甘口鼠

物有甘口鼠春秋名曰鼯曾食郊牛角改卜又食之噬  
人不知痛反覺甘如飴食角深及腦腦竭不可治一鼠  
債金牛難作郊壇犧物小而謀大貪饕無厭時但知飽  
饒腹不復畏神祇聖人以為灾筆削不敢遺人中有鼯

晚樹樓詩集卷五

五

鼠甘口恣奸欺握手出肺肝金石矢不移咫尺隔萬里  
高城與深池難信若眩幻易染如膩脂擢筋斷骨髓死  
者無怨辭猛虎雖云惡猶可設藩籬聖王鑄九鼎莫能  
逢魅魍吁嗟甘口鼠伺隙鼓其頤慎勿忽柔佞後悔不  
可追

買吳兒

朱門大道邊堂高鬱嵯峨問言誰家宅冠蓋相經過答  
云作官歸位尊而金多前堂接賓戚後堂羅青蛾千金  
買吳兒命工誨之歌廣曲傳新聲朝夕奏陽阿列館恣  
遊賞園林貫清波流光書吾短秉燭莫蹉跎忽見滿鏡  
霜奈此吳兒何

茂苑花

古言生女好猶得嫁比隣吾言生女好不如嫁遠人閨  
門佳麗地綠水環粼粼生女勝生男黛眉朱點唇十三  
不織素十四不烹紉自小習儀態度曲彈箏簫盈盈十  
五六見者驚若神千金詎肯顧十斛未為珍青鳥通意  
指鄭重說良因不惜道里遠彩翼騰青旻翩僊輜軫去  
珠翠光照塵富貴過故鄉榮光被六親嗟嗟蓬牕女窺  
戶空長望終歲績麻苧不能煖一身折蒿以為簪頭土  
無金銀豈乏窈窕姿可以供采蘋嫁為田家婦沒齒甘  
長貧試歌茂苑花芳菲亦同春苑枯各自異始知貴緣  
貴

晚樹樓詩集卷五

三

紅毛劍

有客贈雙劍海外紅毛作其長三尺餘未曾出鋒鐔黯  
然兩片鐵色與鉛刀若屈之曲如鈎縱之直如稍霹靂  
鏗有聲鬼神忽驚愕勸我佩此劍良工為砥錯瑩以鵠  
鵠膏彩映蓮花萼飾以玉具裝寶過荆山璞謝容珍重  
意撫紉自量度人間不平事不敢輕一諾本欲刺蛟龍  
寧肯刈葵藿我如棄此寶必向延津躍恒半吐光芒吟  
嘯在囊橐存此千金寶藏用甘寂莫高詠寶劍篇天心  
豈終剝

無絃琴

有客彈鳴琴四座皆欲眠忽聞弄絃索攬衣起踟躕雅

音久不作正聲已無傳枯桐雖日奏古調不存焉高山  
與流水其名尚相沿非復伯牙曲何況師成連不如琵琶  
琴箏可以侑綺筵我有蛇跗琴不絙冰蠶絃難將太古  
意巧取時世憐抱琴挂空壁對此默無言

贈汪省齋姪塔守興化

駢聯五馬向歐閩粉署清郎出拊循攬轡即看隨化雨  
褰帷到處布陽春湖名九鯉僊蹤近山號華胥帝澤均  
更有古人情獨摯預分鶴俸慰松筠省齋為先兄墓田四十畝

喜看飛蓋出皇州列日清和景色柔驛路旌旗瞻使節

故人杯罍泥行軒老疎朝市甘終隱貧戀鄉園怯遠遊

聞說竹梅松舍好可能携策暫淹留府東南有松竹梅隱梅隱松隱三精舍松光湖講道

晚樹樓詩集卷五

五

憶花

余偃息里門遠避塵挾春風秋月摠不關懷至於

四時花木人間競賞者終歲亦不一寓目焉閒則

誦菰珠飲玉醴平日親友相覲益稀追憶少年賞

花賦詩選聲徵令如前塵昔夢不可復得矣聊志

憶花七章僅成韻語風雅之道無足取爾云

處處梅花發早春芳信齊筍興思鄧尉逢蝶想西谿登

涉都無分構疊久罷携牕前兩三樹對飲不成泥

偶度石梁去天桃開正繁兩人同採藥七世見諸孫無

計畱儂客牽情別洞門天台在方寸何事覓花源

平野千畦畫黃花若散金懶携筇竹杖緩步女桑陰曉  
曉多黃鳥高低弄好音雙柑與斗酒不用滌煩襟  
三月林園裏名花競殿春將離為近侍國色比佳人綺  
席笙歌滿豎壇詩句新愛將閒過日不是為清貧

湖畔銷繁暑荷風扇面香清歌臨水榭皓腕捧金觴寥

落非游日衰羸豈勝場憐君清淨質塞對數莖芳

小山叢桂馥秋半晚涼生窮鮮追歡客慵無玩物情誰

家歌酒開何處月華明偏是天香節荒齋斷送迎

九日能無酒籬邊亦有花千秋傳逸事勝繫屬陶家佳

色詩人詠餐英放客嗟卓為霜下傑桃李敢爭誇

祝族兄象星八十老而好詩頗有佳句

晚樹樓詩集卷五

五

三百速來茲遙遙數千載歌詠及投贈汎濫若淵海鮮

壽詩人詩斯理吾未解古來能詩人盜天固已倍盈此

者絀彼真宰意有在吾兄豪于詩絳縣生過亥今年正

八十詩力益崔嵬天使綴詩名又以日月待毋乃取太

奢李杜必相勦吾云詩雖工窮老獨蕭灑樂天固無兒

罵詩欠阿買樂之竟忘憂能詩亦何罪行看百歲翁登

豆腐詩有序

余性甘淡味自奉麤陋每食必以豆腐鄉人以吳

豆腐目之昔睢州湯潛菴先生撫吳日惟辦豆腐

十數斤吳人至今稱為豆腐湯余雖不敢竊比然



素位安分亦性之所近因佐豆腐詩自嘲

曾踏青天上九陔磨刀直割白雲來人間煙火無滋味  
麟脯龍羹未敢猜

學得仙人餐玉法羊脂片片落銀鐺甕頭更有金蘿釀  
敢向天厨飲大烹

羹翻僊鼎味甘芳傳自淮南菽乳方晨飲頓教空腹暖  
乳茶須賜憶 朝廊

一點丹成凝去聲似酥盛來滿碗白雲腰夢中如監荆王  
腦便是醍醐也不殊左傳晉侯夢與欒于栢楚子伏吟已如字而監其腦是晉侯監楚子之腦清解非是

食前方丈詎云多下箸猶言淡薄何老去始能知作活  
三錢向市未輸他

晚樹樓詩葉卷五

五

綠荇葉嫩紫薑芽手點吳鹽似雪花輕蘸碧油燠乍熟  
不隨劉阮問胡麻

村酒僅能蕉葉飲濁醪儘可樂朝昏一拌豆腐無兼味  
好伴田家老瓦盆

閉戶端居興轉孤眼前唯有腐相娛自歎石火調鹽豉  
緩送香梗日幾盂

編貝含犀半有無肥牯硬餅已全輸只欺豆腐無筋骨  
柔滑真堪奉老夫

不用牙盤微異味也無爭席饋漿人瘦骨原非食肉相  
此齋應是日隨身

莫笑尊前缺旨甘青蔬白飯并君三飽來緩步摩枵腹

如此風流久自諳

人輕豆腐云無味無味中含至味精莫向貴人誇此物  
從渠驕我五侯鯖

四月山行題山家壁

雞羖散比隣妻孥笑語頻桑空絲上軸後拆麥膏新去聲  
雞羖散詩豈祇公唯稷農家謂田破鼻龍酒色傾銀喧確韻時間為樵聲不見人蒸茶香  
菜牛倦臥荒茵山遠疑無路溪迴別有津相違唯白叟  
不到是紅塵暫愛幽居靜長思上古醇欲移家就住同  
作太平民

晚樹樓詩葉卷五

五

晚樹樓詩稿四卷

江蘇周厚  
堉家藏本

國朝吳震方撰震方有讀書正音已著錄是編乃其

詩稿始於康熙己未初館選時終於甲申游滁州

時初震方以御史罷歸康熙癸未恭逢

聖祖仁皇帝南巡以所輯朱子論定文抄進

呈蒙

恩復職且

御書白居易詩以

賜因摘詩中晚樹二字以名其樓併以名集云

雙溪草堂詩集十卷西山草

一卷

〔清〕王晉徵撰

南京圖書館藏清康熙刻本

附《四庫全書總目·雙溪草堂

詩集一卷附遊西山詩一卷》

提要

雙溪草堂詩集序

昔嚴滄浪論詩有云詩有別材非關書也詩有別趣非關理也然非多讀書多窮理則不能極其至又謂近代以文字爲詩以才學爲詩以議論爲詩夫豈不工終非古人之詩是說也余嘗疑之六經之文皆有韻語皆足與詩相發明岐而二之惑已若夫道性情通倫理非才學無以厚其積非議論無以達其用舍是而索諸空中之音相中之色水中之月鏡中之象以爲詩而詩愈不可問且既盡棄其才學議論則所謂讀書窮理者又安在乎少

雙溪草堂詩

王

一

司農涵齋先生溫柔敦厚深於詩者也當其讀書黃山白嶽中卓然負經世大志發爲文辭原原本本獨成一家言時而寄託詠歌抒寫吟風弄月之趣杜詩韓筆固已兼擅其長既登高第入承明著作之庭才學日富議論日高益肆力於古近體詩矯俗下空疎纖巧之習上溯風騷折衷三唐兩宋擷其精華去其糟粕昌明典重務以適用爲貴而非徒規規焉求工於聲律間及擢諫垣遷卿寺躋九列一德昌運嘉謨獻納鋪張對天之閣床揚厲無前之偉績羣推當代大作手至於皇華攬轡所

歷名山大川都邑文物之勝一一寓諸篇什以及僚友贈荅長筵刻燭落紙雲烟信乎積之厚而用之弘矣夫古者學而後入政亦不以政廢學厥後視仕與學爲兩途而并析詩與文爲二事故工帖括者恒闕於世務綜簿書者每絀於風雅如先生之貫通備善游刃有餘固非風雲月露之流所可同日而語也先生方掌邦教試以溫柔敦厚風教天下已足收通經致用之效進而論思密勿鼓吹休和爲皇輿爲益贊爲日之德音爲輿之遂歌又豈蠶管所能窺測歟今年先生手定其前後詩集

雙溪草堂詩

序

二

如千卷屬余序之余稔悉先生讀書窮理造極其至而願世之讀是集者相與力求根柢無惑於淪虛妙悟之論是先生立言經世之大指也又念余與先生爲三十年金蘭舊好閱歷仕宦約略相同獨詩文盛業有志未逮目擊先生文瀾壯濶如觀滄海而不克溯洄從之能無望洋向若長見笑於大方之家也哉康熙四十七年歲次戊子閏三月華亭年眷弟王頊齡拜題於燕山邸舍

雙溪草堂詩集序

余向讀少司農涵齋汪先生遊西山詩賞心悅目時先生官勲卿余贈以詩有能詩才並顏光祿任達心如阮仲容之句句雖不工竊謂先生之爲人與先生之爲詩已依約得其梗槩然先生之詩未及窺全豹也夫說詩者以古今詩大半不得志於時者之所爲也如先生鍾黃山白嶽之秀早歲掇巍科讀書中秘給事黃門近且佐大司徒以掌邦教遭逢遇合之盛與不得志於時者相去奚止尋丈其不必籍詩以傳也明矣雖然使詩之傳必不

雙溪草堂詩

序

三

得志於時者然後可如少陵太白摩詰諸君子歷盡夫山川之險阻虎豹之縱橫人事變遷哀樂之致而後卓然以詩名家固已乃有唐一代著作鼓吹休明必以燕許爲大手筆沿流至白侍郎終其身享山水園池之樂絲竹管絃之盛而其詩亦未嘗不膾炙古今則知詩之爲道不分窮達工者各造乎其極而可傳焉耳一日先生出平日之詩若干首示余余受而讀之不但垂紳待漏奉使乘輅有古詩人鹿鳴天保雨雪楊柳之遺卽或寄興登臨流連文酒一種望遠懷鄉之情事亦與防帖防

岡諸篇什相表裏可謂盛世之音矣况先生之詩不盡於此余祇就所見者論之和平大雅已足頡頏燕許俯視香山由是而之焉先生之詩與先生之立德立功日新月盛余又安能測其涯涘也耶康熙丁亥首夏朔日石門年家眷弟勞之辨拜題於長安邸舍

雙溪草堂詩

勞序

四

雙溪草堂詩集序

修辭之道必有其先焉者也繪事後素工銅鼎後太羹塗墍茨後築基丹雘後梓材先者其質後者其文是故誠積於中而言從之性寂情感而聲律生焉此詩教所由興也顧人代既殊好尚攸異或曰古今勝語皆由直尋或曰含毫邈然終踰於率爾是皆一隅之見而未原乎其先矣夫有周召而後有二南有尹吉甫而後有崧高蒸民有左徒宋玉而後有離騷與九辨雖盛衰不同哀樂殊致要其原本性情立誠以修辭之指則一也 涵齋先

雙溪草堂詩

序

五

生以大雅之才貳司徒掌邦教其爲人也而貞其所爲詩如其人積之有年都爲一集少宗伯王公御史中丞勞公序而傳之而先生復下問於予予庸流也雖學爲詩不知所從事竊觀 國家鼎盛喜起虞歌之風上溯唐虞而軼三代一時賢士大夫皆有卷阿之忠愛崧高蒸民之協恭所以爲詩者既有自來而先生復虛已受人不遺芻蕘若此是必府事修和民生厚而德正功叙可歌而邦教允諧矣豈惟其詩也哉卽讀其詩熙熙乎其志廣也颯颯乎其聲中也觀其自序曰某官太史時

畢力譯書給事黃門尤崑精於封事不暇爲詩惟  
皇華周道登臨贈會之什存其一二其意若有歎  
然不自足者於此見先生之大而所以爲詩固有  
其先焉者存耶蓋詩技也所以爲詩者道也人至  
於知道則技斯後矣楊子雲曰大文彌樸質有餘  
也梁鍾嶸曰文麗用寡長卿也是皆究乎其先之  
指與其中不足而外有餘無寧行之百而言之一  
乎予故推厥原本以告夫世之修辭者必知所先  
務而後可從事若夫先生之詩可以信今而傳後  
則既備於二公之論矣皆

雙溪草堂詩

呂序

六

康熙戊子孟夏中旬年家世晚生洛陽呂履恒頓  
首拜題

雙溪草堂詩集題辭

余賦質樸魯每有所習卽不能兼長少年專心帖  
括詩非所攻也自癸丑後苦塊之餘更遭寇亂舉  
業荒蕪緣情遇景始稍稍吟詠然亦非專家從不  
敢以詩自見通籍以來忽忽三十年間如中秘之  
肆力滿學瓊闥之留心章奏卿寺院部之鞅掌簿  
書志有所趨風雅又在未遑惟夫皇華閱歷友朋  
聚散以及羈旅登臨朝祭恩遇之所在苟得閒情  
未嘗不托於詩以寄興歷年既多筆札日積念一  
時精神心力所注竟聽其棄擲飄零殊覺可惜故

雙溪草堂詩

題辭

彙其言之稍不悖者略存以誌歲時之後先境遇  
之通塞俾論世者有所取云爾非敢謂能詩也康  
熙四十七年春季春月汪晉徵涵齋書

雙溪草堂詩集目錄

休寧 汪晉徵涵齋 撰

卷一

古今體詩七十一首 癸丑至戊午

東山沈雲菴

落石臺

過新嶺口號

修郡志和太守曹冠五先生喜雨詩二首

宴集五明寺次周恕菴太史韻

雨中溪齋遊眺 有序

雙溪草堂詩

目錄

一

栽方竹

蒼翠歌壽曹太守兩尊人

避寇宿白岳山房和家舟次壁間韻

再用前韻

冬日步洞天

贈羽士

山間不寐

臘月自白岳還家用山間韻

長兄昭自六十初度二首

戴賓臣新葺書齋有賦

長至日祭祖

邵東宜東至自白岳

陽月姪奕畢姻

寄東師會

乙卯正月三日同長兄拜墓道中聯句

謁墓晚歸

初四日拜墓途中得句

飲川上園有感

盆蓮放

五日溪泛觀競渡次韻

雙溪草堂詩

目錄

二

舟泊虎丘

春日飲野樓

春夜集漱石山房

修葺草亭有感

夜坐

草亭成和友人韻二首

園居雜詠四首

冬日陪趙玉峰夫子遊牛首山

金陵謁明道夫子祠次張秋紹韻二首 附張

詩

北上舟過陳村懷陳定宇先生

贈星士

晚泊

曉發淳安

酷熱

釣臺二首

夜泛桐江

族叔江山諭樾木陞國甫

西湖夜泛二首

九日涉黃河二首

雙溪草堂詩

目錄

三

黃河洲上步月

鴈

渡河歌

宿遷舟中初度

舟發泖溝用錢虞山韻

泊舟韓庄閘

九月十九日逢家君生忌

雨夜

仲廟二首

濟寧古南池

清源看菊

雪晴泛舟

清源菊花攜至京詩以詠之

呈馮司成

題畫

卷二

古今體詩五十六首

巳未至  
癸亥

巳未元夕和沈維菴夫子韻

二月十五禮闈玩月仍用前韻

同門趙元深母壽

雙溪草堂詩

目錄

四

祝益都馮夫子

月夜書懷

贈黃硯亭之黔

納涼

八月三十日 賜翰林詹坊諸臣鮮藕恭

紀

題合浦楊令五代圖

送族叔行芳廣文南旋

送零陵令之官

初月憶梅花



曹玉淵有綠水送春帆之句用爲起字贈

以五絕

春日瀛洲亭讀書 簡課

題畫

此日不再得和龜山先生韻 簡課

雪夜讀書

覽鏡

寄賀友人生子二首

登采石磯絕頂

太白樓

雙溪草堂詩

目錄

五

潮

冬日宗雅諸子招集斗山亭

斗山亭譙集再和子柔韻

知魚閣看雨

雨移盆中松梅置庭前

齋前栽竹

見齋中竹石哭同學諸子

首春集里中紳士來青書院釋奠 朱文

公禮成會講餞餘紀事二十四韻

賦得雨中春樹萬人家

詠羽扇

宿皖城外白衣巷三首

黃盆乘月渡湖

池陽道中

山行

哀牛歌

過大洪嶺

山行四絕句

早過大洪嶺

石埭道中

雙溪草堂詩

目錄

六

蚤起

望白岳二首

鵲噪

卷三

古今體詩四十四首 甲子至丙寅

甲子夏錫山謁道南祠和諸子見寄韻

七月十三母誕日涉黃河

夏鎮南陽道中

嶧山湖

夜泛運河

棹歌

武城道中聞來舟夜警

清源聞長洲朱夫子入相

衛河兩岸栽柳成陰

糧艘

晚晴

將到京望西山

通州道中

寄祝長兄七十壽

臘月趙玉峰夫子書至

雙溪草堂詩

目錄

七

程梓園侍御枉過

同年戴道園至

除夕二首

乙丑元日

懷兩家兄

天寧寺訪友不值

述夢

送方石潮授主政南旋二首

良鄉月

謁椒山先生祠和壁間魏環極先生韻附魏詩

首春畿南道中

良鄉道中望西山

道中卽事

鍵戶

蘆溝

題省中壁步少陵韻

吳魯園比部述及平反事有賦

疏請修天下先賢書院得旨允行用朱

子白鹿洞韻恭賦

瀛臺賜宴恭紀四首

雙溪草堂詩

目錄

八

太液池乘舟恭紀三首

壽徐九如八十

雙鵝篇

卷四

古今體詩七十二首

丁卯

奉命校士三楚初秋朔出郭

真定道中所見

渡漳沱河弔古

路出定州

沙河旅夜

邯鄲憇呂祠

曉發邯鄲

將至磁州口占

綠楊歌

銅雀臺遺址

淇水

望太行山

殷太師墓

七月十五日次衛輝

師會同至鄭州偶賦傷足悵然留別

雙溪草堂詩

目錄

尤

新鄭

信陽二絕句

曉渡望鄂州

登黃鶴樓

登晴川閣

仙棗亭

南樓

遊洪山寺

江漢和杜樊川一絕

九日大別山

浮江漢望洞庭作

武昌懷古二首

葉蒼巖少叅招飲署中卽席二首

贈別張夏鍾

酬贈丁鴈水觀察

留別葉蒼巖少叅

江中望武昌西山

題蕭湘八景圖

舟泊道士泐

潯江望廬山

雙溪草堂詩

目錄

十

舟中臥病偶書三首

琵琶亭

馬當山

江行雜興六首

舍舟山行遇雪

雪霽

抵家二首

北行與兩兄言別

烏紗灘阻風

舟過七里瀨用少陵萬丈潭韻

過湖上

舟過金山

望焦山三首

邗江訪洪秋士不值

途經泰山

卷五

古今體詩五十九首 戊辰至  
癸酉

宿薊州

帳房

盤山

雙溪草堂詩

目錄

士

青溝晤詩僧拙菴

通州歸途作

疏請修順天府學宮 特旨允行恭紀

宅後有石數十塊湮沒久矣偶取土得之

爲杭別作庭前假山有賦

壽真定梁相國三十二韻

寶坻道中遇雪

廣慧寺夜坐二首

古栢

邠縣謁孟子廟

和州浴香泉

渡江感懷

渡江見菜花

過南陵懷同年劉蘧菴方石潮

南陵涇縣道中

得歸

山溪石壁

道傍歎

旌陽遇雨

雨中過新嶺

雙溪草堂詩

目錄

士

悼亡詩 十八首  
存九首

人日謁 先祖中憲公墓

初春同里中紳士祭 朱文公

初春雪後探梅三首

再訪園梅

溪南野步

常清宮

春雨惜梅花三絕句

登牙山

栽蘭花

兒曹赴山園讀書口示三首

青蓮燈和廖令君韻二首

壽族中黃節母九十

送廖令君行取後守制還閩三首

園居四首

送紫滄姪入都

卷六

古今體詩七十五首 甲戌

發祁闔

次倒湖看月

雙溪草堂詩 目錄

主

宿景德鎮

夜半泛舟

將至饒州兩岸樹林如畫

彭蠡聞鴈

雨夜至南昌

登滕王閣二首

風帆

宿臨江天寧寺

臨江呈李述修夫子

聞梵

拜練子寧先生祠

哭黎蕭雲太史

過楊機部先生舊宅

過湖西道署懷施愚山侍講

發臨江

南昌旅寓

旅夜書懷二首

馬見五中丞招飲

午睡

安邑馬進士母周夫人貞節詩二首

雙溪草堂詩 目錄

古

冬日南昌登舟二首

將發南昌阻風遊北蘭寺

卽事三首

過彭蠡湖

舟中望廬山五老峰

大孤山

早發

湖口石鐘山

江宿

贈瞿者

題潮音庵贈僧坦然	官脾夾坐風	憶長兄	過九江懷陶靖節先生	晴江	不寐	讀書	吟詩	觀山水	靜坐	雙溪草堂詩	有感	夜聞簫篋步少陵韻	江風	楚山	楚江鴈字二首	蕲黃江石	赤壁	題赤壁睡亭	遊西山靈泉寺登絕頂	西山九曲亭
										目錄										
										五										

登湖口下鐘山絕頂	皖城渡江	貴池道中	霜	石埭道中	日中	蘆林橋道中二首	釣魚臺	旅閣水聲	早行	過大洪嶺入新安	雞兒灘渡口	過傅岩懷余飛霞	步小園課童子護花果樹	卷七	古今體詩八十九首	乙亥至 庚辰	元日雨雪	初春別族父老	發休寧城
										雙溪草堂詩	目錄								
										六									

經續溪新路

鎮頭集

旌德道中

雨途

度重山關

下坊渡

仙石舖小憩

旅宿卽事

讀放翁老盡行人路如故之句有感

賦得春流處處深

雙溪草堂詩

目錄

七

雨發江寧鎮

山東路見桃李花盛開二首

都門病中自遣

臥病

病間夢中得游心漸喜遂丘園句覺來足

之

中秋同叔省齋兄幼安諸子姪看月次韻

寄園次趙恒夫給諫林臥遙集韻四首

輓東明袁烈女

高宮詹脫佛手柑二首

宅後葺數椽爲肄業處二首

王文學雙壽詩

壽張魯級進士尊人

暮春雨過蘆溝橋

次涿鹿遇王薛激學士祭告還朝

定興東林寺古槐

定興韓家寫園看牡丹二首

武邑和吳鶴亭令尹四首

南宮旅次張映繡學使夜話

廣宗縣登東城樓

雙溪草堂詩

目錄

大

送高宮詹請養南還

依韻酬東林諸子見寄

九月二日祀帝王廟二首

秋日同梅桐崖太常過神樂觀二首

雨後早寒入署

九日

菊

賦得七夕今宵看碧霄以相賞付松石間意七字爲韻集字

限韻排律七首首十二句

晚春集慈仁寺海棠院次韻

蘆溝訪盧太守未值

趙恒夫給練招兒子文炯倬同諸公集寄

園分韻賦詩文炯得疏字倬得雅字依

韻遙賦二章

初夏同年招集常家道院看牡丹

中秋招及門諸子集齋中次韻四首

送徐華隱學士歸嘉禾

秋海棠

蓼花

勞封公祀鄉賢

雙溪草堂詩

目錄

九

送吳行人歸省

壽柘城竇太翁七十

題仙子獻桃圖

曹母方太君壽

送李梅崖方伯之楚

輓高顯之大司空

送杜輦餘大宗伯 予告南旋二首

送陳陟齋都諫假旋次留別韻

初夏瑯湖蓼懷兩詹事招集李相國寄園

分得落字

以花落寒窗未掃鳥啼山客猶眠分韻

季秋二日奉 命遣祭城隍廟

閩漳戴節母徐太君壽

初冬引見少廷尉述事感懷四首

卷八

古今體詩九十二首

辛巳至癸未

新正二日司成東川弟招集同館次韻

人日瑯湖宮詹招集畫舫齋次韻

齋宿大理寺署中

陪祀祈穀壇

同郡諸公集寄園

雙溪草堂詩

目錄

十

十五日赴暢春園道中

元夕齋中小飲夜話

十六日招同館諸子小集寓齋

李公凱奉常擢大銀臺喜賦

東客侍讀文漪弟貽六七兒字本兼索舊

墨

依韻酬陳心簡

喜中州冉永光檢討至

早春懷大兄

賀趙松五由員外擢浙藩



二月初五日大雪

大理寺署述懷

春分

得家書

齋中桃花放二首

清明前二日張卣臣少詹招同年集有綠

軒看白桃花

前題再和東川祭酒翁韻

清明

輓魏殿颺明經

雙溪草堂詩

目錄

三

四月八日同人雅集趙給諫寄園限韻五

言排律四十韻

侍御張遠若奏毀魏璫墓和熊相國二絕

句

除夕寓齋小飲次陸右民韻

壬午元日入朝仍用除夕韻

六十四歌三十韻

元夕飲寓齋和塾師韻

奉送桐城張相國 予告南旋四首 有序

讀熊相國 御賜澡脩堂額跋敬題 有序

趙寄園用四十八字集成八絕索和

和冉永光檢討年襄詩二首 附冉原詩三首

五月初十日次兒移居翰林廨中讀書

賦得萬物靜觀皆自得應制二首

雨中卽事

庭前丁香新秋大放

七月十五日常朝卽事

朱蓼花二首

七月廿四六兒生日

聽七兒讀書

雙溪草堂詩

目錄

三

秋日送修撰東山姪假旋次來韻

五月廿二日到光祿卿任二首

仲秋陪祀 文廟恭紀

陪祀 社稷壇恭紀

草萊莉

秋分日陪祭 夕月壇

絕句二首

勵少司寇宅陪弔

同閣部諸公暢春園請 皇太后安

八月廿五日早朝卽事

秋日公凱通政招集恪素堂和來韻

九月朔日大兄八十九壽作歌寄祝

家郵至知姪奕病愈喜賦二首

菊花二首

題廖蓮山侍御小照和原韻三首

集畫舫齋再次前韻

九月初五武兒生日

九日書懷

初冬 上親試天下武進士傳臚甲第恭

紀

雙溪草堂詩

目錄

重

冬至前齋宿光祿署中

陪祀南郊恭紀二首

臘八日同諸公集黑窑廠慈悲庵

封家書述懷

嘉平八日蓼懷學士招同年集飲次韻

雪石學士設席有綠軒公凱通政病足未

赴有詩志歉依韻和答

廿二日封印

壽梁母王太孺人

除夜立春同屠勺滄戴坤釜兒曹共酌

卷九

古今體詩七十七首

甲申  
乙酉

甲申朔二日卽事

初三日集東川學士第老學齋次來韻

再次瑁湖宗伯韻

初四日集蓼懷學士錫類堂次韻

再次家東川學士韻

人日集瑁湖少宗伯畫舫齋次韻

十一日集蓉湖通政有綠軒次韻

十三日集寓齋次瑁湖宗伯韻

雙溪草堂詩

目錄

重

集公凱銀臺恪素堂次來韻

壽張著漢少司馬八十

壽通州成翁

遂安陸氏節孝

壽程金山進士

洪母方太夫人苦節

壽王母顧太夫人

壽杜肇餘大宗伯七十

壽朱母林太夫人七十

送李禮山宰連山二首

讀同年盧子純檢討傳

雨窓

封家書示兒曹二首

仲春雪石侍講招集次韻

春分日劬齋中丞招集次韻

朝日壇陪祀

西齋栽松樹桃樹

劬齋招飲再和東川韻四首

肩輿赴苑途中口號

清明日入署有感

雙溪草堂詩

目錄

五

清明前二日同瑁湖蓼懷東川飲蓉湖白

桃花下次東川韻五首

二月廿九日先大夫諱日志哀

送南靖令培祖姪之任

新理西齋用韋蘇州韻

九日偕諸同年步黑龍潭次韻

狂風

長至前三日京兆署齋宿

乙酉春正二日瑁湖少宗伯招飲次韻

元宵前一日劬齋少司冠招集仍用前韻

初四日齋宿順天府署玩月得句

初五日齋宿神樂觀

初十日迎春口號

送李公凱學士致政還山陽

題河東張昭舍人四世祖驄馬按蜀圖

暮春東川學士第招飲李文勤公寄園

初夏蓼懷少司馬招看藤花步韻

清和九日江補齋宗卿招諸公集道院看

牡丹和韻

立夏前二日邀諸公道院看牡丹次壁間

雙溪草堂詩

目錄

五

李西涯先生韻二首

道院看牡丹再和勞大廷尉韻四首

祝顧伊在少廷尉六十壽

立秋前三日少司農東川弟招飲阮家園

和韻

七月十四日移樽有綠軒讌集諸同年再

疊前韻

有綠軒讌集三疊前韻

飲曹少司馬宅看畫蓮屏四疊前韻

少司冠勵文恪公祀鄉賢

題勞二公子竿頭須進冊四首

秋夜

乙酉初度日卽事

蓉湖奉常招集有緣軒五疊前韻

九日邀同年寄園登高六疊前韻

前題又和瑁湖宗伯韻

有緣軒看菊再疊前韻

題瑁湖少宗伯秀甲園圖二首

卷十

古今體詩八十四首

丙戌至戊子

雙溪草堂詩

目錄

七

初夏蓼懷少司馬招飲紫藤花下次韻二首

首

秋日卽事

九月朔日祝長兄九十二壽

九月廿四日清河道左迎 駕恭紀

朝房辦事口號四首

次韻荅贈張毅文檢討

哭施虹玉山長六首

有序

周蓉湖少司空招飲看菊次韻二首

和朱子十月朔思先隴韻

十月初九日瑁湖宗伯招集再疊看菊韻

二首

張劬菴少司寇招集看菊次韻二首

曹蓼懷少司馬招集忝齋得陽字二首

忝齋讌集再和瑁湖宗伯韻二首

懷式魯姪四首

送潘雪石學士假歸濟寧和留別原韻二首

首

和澤州陳相國商丘宋太宰郊館倡和之作

作

雙溪草堂詩

目錄

八

附陳相國詩

附宋太宰詩

壽吳尙木翁七十

除夕家塾小飲

丁亥元日卽事

初二日立春齋中小飲

初三日暢春苑請隨 駕

開家塾

人日和杜少陵韻二首

上元前一日瑁湖宗伯招集次韻三首

春分後五日瑁湖宗伯招飲桃花下次韻  
上巳日清明微雪卽事感懷

三月初七日前門市肆多燬惻然有作

三月十五日同內閣九卿暢春園請安

晚春千波行人荇洲編修姪招看白丁香

同諸公昌運宮看松因訪諸蘭若

昌運宮看松再和瑁湖宗伯韻

西齋紫丁香花大放

入署口號

晚春初霽入朝

雙溪草堂詩

目錄

壬

留春

餞春

清和月勞書升通政招飲寓齋

立夏日鹿蘭臯太常招同諸公道院看牡丹

丹

初秋書齋卽事五首

贈趙東籬二首

黟邑范太翁八十

丁亥九月六日 賜閣部諸臣松花江魚

恭紀二首

送李貞孟少司空致政還柘城

家書至知長三兒俱得孫

長至日 上親祀南郊禮成 賜閣部諸

臣松花石硯恭紀

二月十四日 賜諸大臣人參恭紀二首

春寒

和孫樹峰少宗伯古稀詩二首

晚春諸公招飲陶然亭仍次古稀韻

送宋牧仲太宰致政還商丘

寄祝朱竹垞檢討八十

雙溪草堂詩

目錄

壬

卽事二首

初秋署回

添孫

雙溪草堂詩集卷一

休寧 汪晉徵補齋 撰

古今體詩七十一首 癸丑至戊午

東山洗雲庵

聞說緇廬地最幽招攜勝侶此同遊林邊山徑依  
巖曲池畔清泉帶石流虛閣風生叢竹冷遠峯日  
落片雲浮亭阜舊址依然在悵望青松幾度秋

落石臺

郭外纔三里橋西異境開幽溪浮絕壁怪石疊層  
臺松古欹崖出鷗閒拍浪來阮家餽意興自倒竹

雙溪草堂詩

卷一

一

林杯

過新嶺口號

月到家山翻覺小層巒曲磴盤多少已教揮手捲  
重雲又見前途在樹杪

修郡志和太守曹冠五先生喜雨詩二首

百年文獻盡甄收六邑恩波帶雨流天畀史才來  
作牧士農歌舞報春秋

甘霖立沛慰民憂館閣旬宣第一流愧我疎慵叅  
史筆敢云大業足千秋

宴集五明寺次周恕菴太史韻

結侶叩僧扉探幽意不違雲山開綺席竹樹隱危  
磯聽雨清音足敲詩酒政稀禪房堪下榻何事早  
言歸

雨中溪齋游眺 有序

五月三日偕二三兄弟共訪戴子溪齋於  
時涼風入座嫩綠浮窓玩水波之潏洄聽  
雨音之寂歷江邊獨釣有遠立之簑翁空  
外聞聲見依人之飛鳥天中有樹碧影參  
差樹外有太白雲上下摩詰輞川雖云渺  
矣襄陽圖畫差足擬焉我數人者憑欄極

雙溪草堂詩

卷一

二

目隱几怡情時而展卷晤言時而澄襟神  
往友朋爲命風期擬諸古人山水多情詞  
賦敢云作者有懷難已聊述短章

林木千章水一灣招攜勝侶且閒閒山光有意侵  
書案樹色無心照客顏乍聽灘聲經雨亂徐看鳥  
影逐雲還裏陽一幅烟江畫助我清吟興未刪

栽方竹

君子庭中植蕭然自有情風來搖逸韻雨過作秋  
聲瘦幹方能直長條碧更清掃除塵累淨詩思幾  
回生

蒼翠歌壽曹太守兩尊人

靈鳳何翩翩鼓翮摩青天一出昭聖瑞高鳴紅日  
邊紅日閃閃耀丹闕杏花枝上春風發玉京五城  
十二樓紫極龍光天地揭仙郎聳翥踏花回文采  
離離珠玉胎寶馬連鑣出荒甸劒倚雙龍星斗摧  
循良嘉績古人擬士還於淳民還恥名宿都從詞  
賦收華頂奇標照毫裏何福不除天最優蒼松翠  
柏兩同儔南對老人朝馭鶴西隣王母夜乘驕洪  
鈞遍滿盡膏澤仰祝何人不忻悅抱玉幸蒙推下  
驥摘詞那可追前哲爲近天河挹酒漿聊向堯封

雙溪草堂詩

卷一

三

敷翰墨君不見魏郢州德厚椿萱盡白頭又不見  
宋吏部年高八十五丹諾榮褒及父母又不見中  
允張壽耆雙標在高堂豈是九紘日與月異質同  
標爭發越豈是丹山鸞與鳳靈符鍾匹並敦龐後  
懿前徽原不異千載於茲還歷歷鬱葱佳氣滿天  
都指日應膺雲外錫朝中青瑣席仍虛羣擁仙郎  
揚令譽瑤樹琪花齊爛熳蒼松翠柏共紆徐

避寇宿白岳山房和家舟次壁間韻

巍樓依北極信宿對山晴木葉當窓脫寒雲傍檻  
生鐘聲人未寐佛火曙猶明此地銷兵氣因風想

帝城

再用前韻

夜籟疑天雨朝曦報日晴山巔山復起樹杪樹重  
生亂後親知好時平涇渭明諸軍已出郭電掃向  
山城

冬日步洞天

一自亂離後登臨興欲刪偶緣偕勝侶信步叩元  
關木葉迎人下山泉引石灣峰頭曾著迹回首未  
躋攀

贈羽士

雙溪草堂詩

卷一

四

名山修大業方外有奇人講易風逾古餐松氣自  
春清姿鶴共瘦勁骨石爲鄰九轉丹非遠相期契  
上真

山間不寐

妻兒同起臥猶是客中身罷病終相慶饑寒豈在  
貧處卿多著作王粲未傷神乍見空山月風光偏  
照人

臘月從白岳還家用山間韻

氣煖山行好歸途又遇晴家經三月別人得幾回  
生壁破餘編在匣存孤劒明驚心歲已暮愁歎遍

鄉城

長兄昭自六十初度二首

秋來遁迹遠山岑南極星明澹夕陰自有烟雲來  
嘯傲何妨詩酒任浮沉故園花燬南枝發四國兵  
銷喜氣深覓得椒觴還共獻盈堦芝草更森森  
處士名高三十年詩情道味總悠然氣從李耳常  
瞻紫識過楊雄不草元揮灑雲山多舊蹟供完租  
稅只荒田追隨杖履天倫樂黃髮麗眉鶴舞筵

戴寶臣新葺書齋有賦

清事貧家占幽棲韻士栽樹依古壁逕堂對茂林

雙溪堂詩

卷一

五

開天意珍書卷人情羨竹梅出門無至友動即爲  
君來

長至日祭祖

不意亂離後猶能展孝思時危呼祖考節屈享宗  
祠陽律已應轉寒花猶未知工歌來格後分俊及  
童兒

邵東宣東至自白岳

三月青山伴與君音信稀荆榛遍道路動觸行人  
衣嶽雲送君緘讀之療我饑舉世趨時好靜者見  
其微隔天同一意所得在光機向夕孤燈照細雨

正霏霏懷人尙契濶獨酌擁衾幃

陽月姪奕舉姻

葭管初諧律人生始有家香風迴雪片鏡月倚梅  
花視夜心常警采蘋訓未遐光前兼數嗣從此願  
方賒

寄東師會

堪作素心友茲緣非偶然東窓燈共剔西席帳高  
懸千里維揚棹一庭風雨編兵戈猶滿眼知爾憶  
南天

乙卯正月三日同長兄拜墓道中聯句

雙溪堂詩

卷一

六

野澗流香影兄山光染客塵予聯鑣日始旦兄展  
墓獻初陳予古柏仙壇舊兄春風祖德新予再傳  
猶淺土兄靜念獨傷神予

謁墓晚歸

天上傳新曆人間展孝思燦燦催進酒剝寂好留  
詩日冷春光淡行遲花影隨松楸回首處暮靄映  
殘碑

初四日拜墓途中得句

乾坤新歲月山水舊烟霞風動春前草晴蒸雨後  
花弟兄歡未已宗祖澤方賒一望川原濶日歸日



未斜

飲川上園有感

既展松楸地，攜樽訪老梅。  
園亭新草木，書卷久塵埃。  
嘯詠今何似，風流古易催。  
花香未忍別，微月照山隈。

盆蓮放

綠天何處，香微櫺外，  
翛然點絳緋。清徹心脾，  
仍帶艷妝辭。脂粉自含輝，  
因風巧舞，何曾下著雨，鮮妍豈在肥。  
滿眼鸞鵲煩誰共，滌對君頓覺俗情違。  
五日溪泛觀競渡次韻

雙溪草堂詩

卷一

七

臨流密樹蔭輕舟，隔岸喧填暮雨收。  
石壁沉浮溪水面，村煙斷續柳梢頭。  
河山不改當年勝，風物還存此日遊。  
且醉且歌興未極，澄潭淺渚任悠悠。

舟泊虎丘

日落征帆宿，閒行到虎丘。  
松風深經滿，漁火隔溪浮。  
歌吹聞新調，風塵念舊遊。  
同誰盤此石，皓月塔高頭。

春日飲野樓

爲愛春光好，來登野外樓。  
村煙迷嶂靄，柳色入簾鉤。  
山水緣非淺，弟兄意自投。  
同歌千古調，秉燭夜

深遊

春夜集漱石山房

雅擅東南勝，樽開雲水間。  
初春人不倦，靜夜地尤閒。  
樹滴侵簷雨，嵐飛隔澗山。  
歌呼還未歇，石上水潺湲。

修葺草亭有感

亭隣安藏，先大夫常開眺於此。

屈指惟憂八載餘，風塵搖落未安居。  
祇緣綠靜業無專，地遂築孤亭近敞。  
虛花竹依然，環徑碧烟雲猶自護。  
窓虛深林不得椿，長在清夜難禁淚滿裾。  
夜坐

雙溪草堂詩

卷一

八

月色臨千樹，書聲徹一亭。  
傳家惟舊簡，絜已托明星。  
賦稅時方亟，蠶鹽我暫寧。  
行將局籬戶，染墨發新硯。

草亭成和友人韻二首

且喜幽齋倚小園，亭欄高築野雲繁。  
坐來不覺風生座，望去遙知稼滿原。  
今古低徊雙眼放，文章得失寸心捫。  
平平不是探奇處，覓得新醪取次吞。  
書滿巾箱蔬滿園，中開亭榭擬刪繁。  
甘食徒欲學爲圃，讀禮空悲末有原。  
花竹巧依庭砌列，煙雲低就遠峰捫。  
新詩四壁噲吟響，雲夢波翻氣可吞。

園居雜詠四首

一望衡門嫩綠垂彈琴坐嘯許誰知蒙茸不用頻  
芟翦清翠留他染客衣

蕭蕭引我到江舟激響奔湍迥不流萬木喧騰搖  
定後惟餘暝色一庭幽

夜靜無喧獨徙倚一輪皓魄林間起月能清夜夜  
逾清萬頃烟波何處是

千章古木擁亭西黛色凌空不可躋最愛林梢春  
雨後白雲一抹去天低

冬日陪趙玉峰夫子遊牛首山

雙溪草堂詩

卷一

九

衝霧出城闔逶迤寒山麓京廳正蕭蕭霜威未稜  
肅沿逕屢紆迴深松間修竹杖履追吾師躡足窮  
兀矗俯視白雲梯落葉樹欲禿更遵石磴層少憩  
濃陰屋舍虛閣可憑入極空一矚大江自西來滂  
漭盪胃腹日落千嶂丹煙生疊崖綠萬籟響高天  
四窓如飛瀑鐘聲渡壑鳴僧梵韻林木塵慮頓捐  
除清虛湛幽獨

金陵謁明道夫子祠次張秋紹韻二首

先生學緒若泉源宦跡曾經在上元古屋人誰重  
葺理遺書我自細推論碑傳四代仍留字址歷千

年賴有垣祗肅仰瞻追統系考亭心法接程門

繩繩一脉見根源貞下而今應起元共謁祠前希  
聖軌還尋樂處發新論德鄰不遠芹宮水淑氣應

浮紫極垣大道久宗伊洛範寧辭立雪在師門  
附張秋紹詩會看舊錄遡淵源今見遺型在上

元天理兩言宣樂記聞知一派接鄉論何人灑  
掃修蘋薦有石題名蝕蘇垣寄語吾徒休忽略

桐鄉此地亦龍門

北上舟過陳村懷陳定宇先生

新安陳氏諱樸

紫陽心法著新安自得先生緒未殘百世纂修成

雙溪草堂詩

卷一

十

集解一生行跡寄儒冠祠前明月含高樹舟畔輕  
風響急湍梓里非遙勤仰止誰傳絕學嗣登壇

贈星士

付命制羣動能知獨有君高談驚客座卓識透星  
文質俗成詩癖逃名混酒羣扁舟流水遠清話迴  
能聞

晚泊

三日離鄉邑孤帆破浪來趨程山易過遠俗律能  
裁萬慮懷中澹殘編几上開村墟今寂寞莫負濟  
川才

曉發淳安

蚤起炎威遠京風迴似秋城闌羅北岸舟楫濟中  
流五曜凝真氣三朝著大猷商文毅公故里宗風還未泯  
嗣哲有誰儔

酷熱

公車多衝寒我獨觸炎暑江流日奔騰迢迢望修  
阻有兒共晨夕琴書且延佇雅抱逐征帆時皆欲  
颺舉

釣臺二首

江水悠悠不可還高風千載絕追攀當年將相皆

雙溪草堂詩

卷一

十一

如此誰佐中興見一班

十八年來漢業泯半裘豈合釣江濱扁舟祇欲追  
前事烹狗何堪薄故人

夜泛桐江

一望中流靜碧空暑餘吹袂有輕風半天星斗參  
差見夾岸雲林想像中遠聽蛟龍翻夜水近看舟  
楫簇征篷香荷十里湖光勝早泛仙槎河漢通

族叔江山諭樾木陞國博

青瓊家法著須江六館型模晉秩雙先中憲曾諭  
須江歷國博  
代有文章傳滢液世推麟鳳瑞鄉邦綵衣競映高

堂宴爇火時明一夜窓 御苑花明同待詔且浮

香露對銀缸

西湖夜泛二首

今夜西湖月何人載酒厄主賢招舊友物換話當  
時掬水清暉亂挈舟翠嶂隨望中臺榭好猶有綠  
楊枝

藕花開落處疊嶂遠周遭下夜添詩興聞歌發酒  
豪堤長孤棹緩波濶一輪高放鶴亭間路懷深有  
夢勞

九日涉黃河二首

雙溪草堂詩

卷一

十二

重陽競說登高興而我臨深意自豪風日九秋來  
旅雁波濤萬里接輕舸未逢佳菊頻呼酒每遇奇  
文輒染毫遠矚堤工思國計應紆 聖主濬川勞  
晴空極目盡秋清潏蕩黃流迴不驚四瀆稱尊能  
順道重陽作客且怡情蕭蕭疎草隨堤遠渺渺平  
沙隔嶼明景物關心思舊國菊枝應有向南榮

黃河洲上步月

中流靜矚夜光浮浙瀝風聲萬境幽水外有堤堤  
外水舟前是岸岸前舟旅逢佳節尋知己客數征  
途話舊遊無限關山皆異地醉眠船上不知愁

雁

征帆日向北汝獨望南飛健翮憑風舉清音入露  
微稻梁隨衆意飲啄自忘機最是思鄉客聞聲歎  
願違

渡河歌

黃河水來百千折浩浩奔流無歇絕延袤兩岸少  
堅泥十里廿里無居閭但見荒丘白漫漫匝地霜  
侵草色殘江南寸壤供賦稅何如此際天地寬碧  
天新來雁數行參差列陣去瀟湘最是秋清聲嘹  
亮多少征人欲斷腸征帆入暮傍沙眠日落中流

雙溪草堂詩

卷一

三

水接天向晚舟師盡喧雜相逢多是捲掃船捲掃  
轉輸云孔急只願功成濤浪戢濤浪掀天未可寧  
圭璧雖陳空薦馨安得施功如已溺拯起百十億  
萬之生靈

宿遷舟中初度

我行入帝都信宿宿遷河小春氣融液黃流靜不  
波茂林森彼岸矮屋接城阿遙盼膠庠地飛費鬱  
嵯峨肅衣趨拜謁堂廡宿草多瞻仰意何限望道  
矢靡他矢靡他今無窮已希聖希賢是男子尙期  
所生無忝兮綿綿不息如茲水

舟發泖溝用錢虞山韻

忽遇清流發棹歌乾坤此際亦薰和荒村酒熟喧  
成集聞溜磯橫靜自波世路欹危同急瀨文心組  
織似盤渦行行不盡東西水送赴花明柳密河

泊舟韓庄聞

扁舟歷八閘第八到韓庄堤隔湖山近韓山湖水  
衝通冀北長韓庄水村醪堪貯甕市蟹盡盈筐坐  
待清暉出依依起柳傍

九月十九日逢家君生忌

葉落霜寒汶水秋驚逢此日倍添愁十年淚向江

雙溪草堂詩

卷一

古

天灑七尺軀仍君父留難黍薦時虛季子鄉關夢  
處遶荒丘征帆日逐浮雲北何事寧親可細求

雨夜

蕭蕭風雨枕邊聲不斷河流客子情夜半寒多清  
夢滅天涯俗遠慧心生攜來書劒堪呼侶到處湖  
山好伴行景物收歸新句內恬吟幾度待天明

仲廟二首

英風勃勃迴羣倫萬古難磨只一真 聖代卽今  
隆哲裔新添世爵奉明禋

寒鴉日落集祠門俎豆爭傳仲氏村非附青雲名

得顯悠悠千載有誰論

濟寧古南池

登崖忽得園林好循環極目舒懷抱堤邊對對楊柳枝長沼清漪分荇藻中有亭廊跨水開廣堂敞豁倚城隈碧欄曲檻叢叢立何人諧宴列鐫鏤青蓮一代詩無敵雄奇歷落人爭識曾醉城南最高樓至今相傳爲勝迹當年遊眺迹已陳弔古流連墨未涇百年瞬息同深慨寥廓坤輿未有垠

清源看菊

乘風迅疾到清源滿境舳舻擁閭喧半日閒觀尋

雙溪草堂詩

卷一

七

舊蹟先大夫曾司權偶逢南菊慰思存

繁霜不改娉婷態澹蕚猶宜沆瀣餐不盡口碑傳往事名花儼覺

道寒溫

雪晴泛舟

一派清光淨岸沙晴風蕩日漾仙槎調似鄂中方寡和賦成梁苑總春華招招舟子櫓歌起渺渺江天帆影斜中有幽人橫一卷滿斟雪水煮松茶

清源菊花攜至京詩以詠之

地非江南地花有江南意向日多笑妍臨風自矜祕孤舟誰晤言偕爾舒情志相攜踰千里何當忍

捐棄

呈馮司成

相業傳家舊師模表範新宗工推一代藻采耀千春制作開燕許祥光景鳳麟榮同稽古效帳啟問奇津多士蒙休遠蒼生繫望真通家稱孔李末學荷陶甄策勵南宮志快披東壁珍斗山欣已接葑菲獻逾親帝倚賓師席世欽保傅臣端揆能紹美大化樂洪鈞

題畫

喬木生叢陰遠山橫積翠獨有老松吟冬春恒不

雙溪草堂詩

卷一

七

易

雙溪草堂詩集卷一終

男升英謹編

雙溪草堂詩集卷二

休寧 汪晉徵涵齋 撰

古今體詩五十六首 已未至亥

已未元夕和沈維菴夫子韻

歐公吟好句新月正當圓 原唱有人間第一句之句九陌騰歡

夜羣英入穀年文章酬 聖主寤寐質先賢此際

渾無翳清歌思沛然

二月十五禮闈玩月仍用前韻

月屆闌中滿文成筆底圓計謨昭奕代藻采耀當

年豈爲虛名重應思濟世賢光輝盈宇宙相對思

雙溪草堂詩

卷二

一

悠然

同門趙元深母壽

苦節天所欽百靈効其應寸衷對衾幃千秋光愈

瑩孤燕何淒淒來巢幽人室空梁獨相守傷心在

其匹我讀趙母節烈歌高風萬仞鬱嵯峨廿五指

天存藐孤五十年來志不磨藐孤既長字元深文

章聲價重南金曲江共醉瓊林宴一言母節一酸

心節母今年登七十喜見佳兒能玉立披錦衣曳

繡裳應接綸褒到草堂瑞燕當時非偶爾母也開

顏進一觴

祝益都馮夫子

泰山嶽嶽表嶙峋淑氣應鍾名世身啟沃訐謨推

國老獎和政府重元臣天開景慶咸稱瑞史記嘉

祥自有真車馬駢闐朝士集椒觴迭酌舞衣新

月夜書懷

對月長安道經寒又復暑金門曾待詔 至尊親

承語建監在千秋此身今始許冠蓋日奔忙性情

無所與中宵一晤言乾坤獨延佇

贈黃硯亭之黔

丈夫生不得志於廊廟必思建功業於邊徼發其

雙溪草堂詩

卷二

二

胸中之瑰奇使姓氏長留於不祧何能往苒乎風

塵徒徇流俗之曉曉使君黃子天下士出入京華

五載遙 天子簡之爲州牧需次未得心旌搖會

當滇黔歸版籍中丞攬轡風蕭蕭黃子杖策願從

行中外從茲得干城寶劔拭罷光出匣銀鞍裝就

馬蹄輕貴陽歲歲苦兵革哀鴻雁鳴中澤使君

使君勉矣夫卵翼隳枯如保赤 天子重此殊方

民增秩賜金行當虛爾之一席

納涼

日暮涼風起銜杯遲月來官清疎禮節巷僻遠塵

埃喜有親知在無煩旅夢回從茲休暇少惟聽漏聲催

八月三十日 賜翰林詹坊諸臣鮮藕恭紀  
閨苑玉河東荷花數里紅涼秋更節物鮮藕出泥中芳旨超羣品承筐錫百工小臣叨 聖德霑感意無窮

盛世崇文治恩覃侍從臣香風來上苑珍品散秋晨薦熟烹調美登盤切縷新虛中兼潔白敢有負陶甄

題合浦楊令五代圖

雙溪草堂詩

卷二

三

世澤傳由舊光儀煥若新高會存矩矱色笑動尊親豈爲崇先志還留孺慕真化民先教孝持此著經綸

送族叔行芳廣文南旋

廿年風雨報難籌燕樹吳雲兩地秋絳帳生徒留舊業春風桃李發新猷詞瀾漣漫疏排力理學榛蕪辨析優 聖主右文隆宿彥會須簪筆近瀛洲

送零陵令之官

花封百里驟分符牒鳴絃兩有餘裴令官齋多勝事嚴安世務有成書名山秀色思招鶴高閣清

風間釣魚此去好將治譜緝天衢展布正舒徐

初月憶梅花

春宵寒始柔月影簷前落清光襲我裾歡然倒春酌晤對得良朋詞旨頗恬泊依稀在家鄉尙想梅花萼疎枝臨淺池淡影搖風閣香氣沁人心勝賞還如昨何當驛使來破我久離索

五絕

曹玉淵有綠水送春帆之句用爲起字贈以  
綠陰滴滴滿汀洲客子乘槎望若浮別緒風光傳不盡幾聲黃鳥柳枝頭

雙溪草堂詩

卷二

四

水雲迢遞自茫茫畫舫危檣指故鄉京國不堪分手處夕陽芳草潞河傍

送子河梁判袂時花香柳色兩迷離清輝別後相思地對月長吟子建詩

春入晴川春倍好關情別路江山老迢迢楚岫與吳雲極目兼葭秋色早

帆影煙光望去微天涯知己幾番違難堪送客當春暮兩岸桃花蝶亂飛

春日瀛洲亭讀書 館課

海內文章推翰苑編摩歲月奮精神曲池苒藻怡

情遠虛榭煙雲發興新習習風輕來几簾遲遲日  
麗炤花茵鹽梅欲待他年用須在今時載藉親

題畫

柳陰深處坐忘機景物熙然興不違何事有心追  
往蹟春風沂水尚依稀

只合躬耕隴上田此中意趣自翛然山莊稻熟時  
供飽愛看兒童伴犢眠

此日不再得和龜山先生韻 節課

此日不再得學殖如耕桑少小事勤劬綿綿到髮  
蒼如其間俄頃便已負時光陰邪容易熾用力在

雙溪草堂詩

卷二

五

扶陽實行非所貴古先得其方人禽雖霄壤界限  
在微茫君子事上帝小心以求臧小人徇物欲縱  
恣致自戕苟得非榮華故我守糟糠孔顏相契處  
用行與舍藏何必強安排義合自流芳趨善法用  
比克私道在剛至人樂天命世俗空徬徨道岸原  
在望欲登阻且長釋典談空寂虛無始老莊聖人  
中正訓定之乃成章聞道貴及時勿貪名利場嗟  
陀淹歲月老大歎亡羊敬義須夾持矢志慎莫忘  
坤德曰厚載乾行在自強聖哲顯提撕學者奉津  
航勿正勿助長其功重有常涓涓泉始達緝熙悔

乃亡勉哉宜努力悠悠徒自傷毫釐千里間一念  
分聖狂

雪夜讀書

入夜衆聲收燃膏見四壁重裘佐爐紅寒風知辟  
易縱橫架上編冥討事尋繹肇端自義畫源流溯  
往迹中間賢哲生競展神靈筆闢道析毫芒經時  
除謬忒高束不精研澤致誠何術古來勵志人梓  
材勤丹漆相彼起衰手窮年常汲汲愧予樸魯資  
生耽文史癖絕學久榛蕪扶持兼挾剔蒼生待煦  
濡論列宜剖晰報國盡文章阻華還按實隻眼千

雙溪草堂詩

卷二

六

秋後悠悠豈無識

覽鏡

憔悴不自知臨鏡翻可訝兩頰皺波紋絲絲流日  
夜小小綜奇編研精泯冬夏析理究毫芒冥思追  
造化植木克良材力耕慶多稼中秘富五車三年  
窺一罅升嶺伊始基鬱紆陟嵩華客光何太駛歲  
月不我假志士貴努力中衢聘長駕

寄賀友人生子二首

麒麟頭角已崢嶸照乘明珠掌上擎自是千門應  
兆瑞咸瞻虹井復騰精寧馨有種人稱異汗血無



前世自驚我在京華遙舉額慶申湯餅足平生

聞道君家毓秀奇天涯知已爲舒眉藍田種就瓊  
珩器鳥巷傳來金玉姿且喜詩書垂後裕還誇弓  
冶紹前基梅花消息猶留韻應趁春風寄一枝

登采石磯絕頂

大江盪心胸澎湃浩千里采石突危磯奔流濯其  
趾金陵龍虎都門戶闢於此前朝興大業戰功從  
茲始有亭曰戕巖燃犀誰照水萬樹碧參天天風  
落松子亂石嵌松根細逕穿石齒聳身防層巖孤  
絕去天咫尺星辰手可捫太白樓虛峙下瞰萬人煙

雙溪草堂詩

卷二

七

抱水帶芳沚估舶雜漁舟一一林麓艤把酒招謫  
仙鶴嘯白雲裏林巒探不窮幽情寄蘭芷

太白樓

四壁標題尙陸離人誇詩聖酒僊奇誰知大節傳  
今古只在將軍一薦時  
千樹松陰百尺樓詞人江水兩悠悠從來不朽還  
多少悵望長空淚欲流

潮

澄心探造化惟翁自有關百川指東趨潮汐忽倒  
逆潤下性固然迴旋亦地脉平陂往復理達人知

不易

冬日宗雅諸子招集斗山亭

山城契濶數年餘此日登臨百感舒遠近人煙亭  
外繞高低樹色水邊虛自宜斗酒來啼鳥誰放扁  
舟坐釣魚鬚鬢相逢半白雪青溪翠嶂尙如如

斗山亭讌集再和子柔韻

亭峙通文宿筵開聚大賢堞圍隨經曲煙散引峰  
前勁翮空天沒霜林夕照妍譚深抒意氣鐘磬隔  
山連

知魚閣看雨

雙溪草堂詩

卷二

八

獨居鮮所娛登樓恣遠矚混茫失層峯急漲添溪  
綠夏木高低濃官渡去來促願言卜隱居知足辭  
榮辱

雨移盆中松梅置庭前

院宇深且曠臨風思神契青松舊所歡老梅復新  
藝置之盆盎間厥位有次第霽靄庭陰濃掩映如  
棠棣旣負蟠虬姿亦具翔鶴勢霏微細雨餘光榮  
滋戶砌幽賞可忘年蕭爽亦祛蔽歸來靡暢懷茲  
焉當永憇

齋前栽竹

詩書妙自閒中尋道德味從世外賞疎竹蕭蕭三兩竿胸襟萬古相磨盪

見齋中竹石哭同學諸子

石邊伴竹未緣慳把臂良朋一解顏獨恨酒罇空悵望讀殘楚些鬢毛斑

首春集里中紳士來青書院釋奠 朱文公

禮成會講餞餘紀事二十四韻

禮樂遵前渠冠裳萃盛時陽春天布德細雨物知滋竹籜傳幽徑梅梢覆淨池軒開千嶂拱雲鎖萬青垂地接鄆山麓人環練水潛峰巒鍾秀特淳渚

雙溪草堂詩

卷二

九

鬱文漪顯達羣公出圭璋髦士隨誦絃聯里閭聲物著神熹自歷機槍警空懷蔓草悲 朝端勤翦拂間左荷寧綬漸復苗畝積欣瞻袞紱麗應求知有托茹拔自同推吾郡紫陽學千秋聖道師近探濂洛蘊遠紹魯鄒遺闡義典墳徧研精雲霧披講筵誠正獻法座梗頑麾允矣星辰煥皇哉泰華巖景行原夙昔宗主自今茲薦享修蘋藻鐫壘酌醕醢趨踰贊秩禮拜起祝陳辭忠信能昭格縈蠲益捧持煦風扇几席花氣沁心脾曠典茲焉舉嘉謀應可貽願敦至道嗜會見晚風移

賦得雨中春樹萬人家

春光半寫雨中容極目迷離沒遠峰隔岸喬林青欲黑千村溼霧淡還濃香花隱隱飛瑤席古院沉沉聽晚鐘樽酒論文今不負他年此會再相從

詠羽扇

相伴曾經十四年流風手澤尙依然敝車羸馬非吾志出入周旋不忍捐

宿皖城外白衣庵三首

萬松開古寺佛座倚山阿翠篠縈新徑低牆覆細蘿香花經雨減風樹靠江多地僻稀人事深杯且

雙溪草堂詩

卷二

十

自酤

高樹涼秋月空山古院燈寂寥僧梵遠孤冷道心澄冉冉庭花簇深深佛座層故園風物杳歸夢近頻仍

庭桂香初散砌花露尙濃山僧勤早課清夢喚晨鐘幸少紛來事因多世外踪蟲吟聲慘切客子意

黃盆乘月渡湖

湖水接天天水濶月照中流曉風迫小艇泛入蘆叢來擁衣坐待東方白東方旣白船到涯黃茅深

處野人家披蕪拂露尋荒徑條見中天明彩霞霞  
光片片真璀璨東鋪雲錦西邊斷陽氣漸升天宇  
寬松風蘭露隨歸鞍

池陽道中

細草迎風搖不住村童看客眼如迷小橋野店行  
人過綠樹清溪送馬蹄

山行

已到山高處又見層巒巒草露灑衣裳颯颯天風  
寒古木枝相樛亂石橫沙灘溝頭本西向忽復轉  
東瀾空山寂鳥聲其道曲如盤煙火四五家行人

雙溪草堂詩

卷二

上

稀且單昔時荏苒警悲哉行路難烽煙今已銷天  
意蘇荒殘行行遵坦道長遊天地寬

哀牛歌

牛產上江由羊樓大洪二嶺  
入新安驅者不絕作歌憫之

四民職一業逐末寧全非挾資覓贏餘途寬若九  
達何乃苦驅牛遠道勤鞭笞彼大江北耕田歷  
歲時老矣今無用遂復易銖銖勞苦既無酬反殺  
以取資爾求何不得徒然遂彼私行行千百里一  
步一鞭追登山陟層巘涉水經淪漪云赴新安道  
到卽受刀椎自分爲畜物一死安敢辭且死卽應  
死安用久驅馳嗟哉牛何罪蚩蚩殊未思相彼鼓

屠者子孫漸見稀無罪驅死地爾罪更倍徒齊宣  
憫穀觶且以羊易之爾盍擇仁術轉念天所知

過大洪嶺

潺潺風送絳升升日在巔衣單彌凜冽草露滴如  
泉菽麥時墾種山腰亦園田扳援歷層級轉轉如  
螺旋行役寧辭瘁懷安未足賢

山行四絕句

空山無所聞但聽松濤響緩步趁微涼舉頭明月  
上

石欹連樹古葉脫覺山秋靜對無言說潺潺水自

雙溪草堂詩

卷二

三

流

怪石多臨水清泉每傍山愛茲泉石好坐臥頓忘

還

道旁立牧豎手把芙蓉花顧我凝眸望山南是汝

家

早過大洪嶺

未明登絕巘放眼白雲飛戍卒初敲火山僧尙掩  
扉風高涼入骨露重濕沾衣况瘁與人老徒行上  
翠微

石埭道中

古木森森蔭綠天，檐帷幾度入雲煙。何時此地耽清賞，倦枕松根半日眠。

蚤起

尚餘茅店月，宿鳥未飛翻。露濕荒山逕，月明古樹村。層層穿竹塢，歷歷過柴門。此去家園近，肩輿似馬奔。

望白岳二首

天際諸峰湧鍾靈，此一方山川供翰墨。蒼翠滴衣裳，嶺上雲成海。松間月在牀，神遊孤絕處。怪石比琳瑯。

雙溪草堂詩

卷二

三

憶昔讀書處，夙然在一峰。衆山羅秀特，萬籟比笙鏞。自綰風塵累，漸疎泉石踪。何時成小隱，石室倚高松。

鵲噪

主人從遠至，兒女道寒溫。動問家常事，各陳語正繁。簷頭鵲亦喜，顧我噪前軒。主人素安拙，非分潛無言。精探物我理，難酬高厚恩。爾噪固無喜，鴉鳴亦不煩。飲啄塔前粒，棲遲爾林園。

雙溪草堂詩集卷二終

男文炯癸未年謹編

雙溪草堂詩集卷三

休寧 汪晉徵潤齋 撰

古今體詩四十四首

甲子至丙寅

甲子夏錫山謁道南祠和諸子見寄韻

南來大道復何如，猶是官牆數仞餘。與代儒宗尊特祀，同時人傑富遺書。雲開北斗迴，丹日樹滿東林拂。碧虛文獻千秋應，不斷何人再得草廬居。

七月十三母誕日涉黃河

初秋天氣泛河流，習習輕風兩腋收。漸近天顏儲諫草，遠違親側祝添籌。黃淮合注資漕計，昏墊

雙溪草堂詩

卷三

一

時聞厓廟謀，六載重經過。此地欣瞻未，雨有綢繆。夏鎮南陽道中

永晝輕舸似小年，相逢半屬賣魚船。平堤綠樹連山翠，古渡荒村冷爨煙。音耗浹旬京國少，親知千里夢魂聯。有時興到呼樽飲，墨汁淋漓瀉舊編。

望去南陽遠，接湖平隄綿。亘一帆，孤持螯背醉黃花。酒煮藕新嘗，玉粉舖地，喬東南。仍輓運水盈西北，尚焦枯何當溝洫連。田陌復觀中原舊，靡廬

北尚焦枯何當溝洫連，田陌復觀中原舊，靡廬

嶧山湖

夜泛運河

汶水三分北迤邐會衛河客心湍浪急鄉語運船  
多遠影惟漁火清聲是榜歌徇欹枕上聞溜夢  
中過

棹歌

發響自天機驚回客裏夢更是村雞聲一一牀頭  
送牀頭積有思千億口與心言人不識醒來紛集  
可奈何微吟低唱別離歌

武城道中聞來舟夜警

昔也絃歌今草竊行人相戒弓刀列皇天待爾豈  
懸殊何獨旱災粒食缺秋霖方至玉屑飛沛爾田

雙溪草堂詩

卷三

二

疇膏黍肥更沐恩綸捐賑疊起茲溝瘠慰調饑勸  
爾賣刀買犢爲良民長吏方將勤拊循自能轉災  
爲福不終貧同遊大化樂洪鈞

清源聞長洲宋夫子入相

相業由來屬廣平經綸巨手倍晶瑩蒼黎此際需  
霖雨廊廟今當寶玉珩蓋世勲名元輔望千秋金  
鑑老臣情自欣得附青雲上日沐薰陶志氣生

衛河兩岸栽柳成陰

朝京流水百迴灣岸岸濃陰照客顏儼有朱欄成  
茂苑恰如古木護深山煙雲裊裊供晨晚鷗鷺依

依任往還只是征人情不極旗亭每憶鬢來斑

糧艘

糧艘指上國簇簇千百桅春漲逆淮上秋風載月  
回四時飛輓無休息遑恤波濤天不測行如戰艦  
蔽江來住似村煙鄰里集雖然飄泊無停止却喜  
家人同臥起堪嗟薄宦每離家遠隔高堂數千里

晚晴

積日陰濛蔽短篷幾烟繚繞淚花紅晚來忽得輕  
霞照滿目空明意自融

將到京望西山

雙溪草堂詩

卷三

三

關河迢遞三千里始見西山突眼前一派峻嶒雲  
霧表千層蒼翠塞煙連澗迴應繞重巖過樹古還  
因怪石懸久辦公餘芒屨訪松吟鶴伴坐忘年

通州道中

八月陟郊原秋風入耳喧孤僧留古院密柳護長  
垣糲食餐偏飽懷人靜不言天門去尺五塵跡那  
堪論

寄祝長兄七十壽

黃山之麓一閒雲吐吞兩儀絕埃氛千年松石作  
伴侶摩盪婆娑歷氣氤我兄志慮迴無羣自離鞬

祿遊典墳霖施垓埏情飭憐徑留蘿薜老續紛耕  
犁手握秋三紀稅藉空輸歲萬文雪邊僊臥哀高  
士柳下酩酊陶隱君行年七十兒童樣癖耽泉石  
攜筇杖偶過老僧座上談機鋒觸處呼兼棒更嗜  
倪迂潑翰青春風尺幅發新硎奚囊得句時斷鬚  
高松明月賦空庭人世文網我逍遙得天者全樂  
自饒東籬菊綻楓初赭極星燦耀排雲霄我滯燕  
臺三千里遙望南天常比擬江湖散人陸龜蒙品  
茶顧渚天隨子山中宰相三層樓愛聽松風清兩  
耳黃雲一曲躡仙履舒卷去來渾終始

雙溪草堂詩

卷三

四

臘月趙玉峰夫子書至

朔風掀簸鳴窓紙大雪漫天飛不已主人寂寞坐  
空齋忽得書來數千里開緘見我夫子書整衣莊  
誦立庭除言言剖析聖賢諦官常道術理無餘顧  
予薄植遭逢幸八載時時規誨領奉身敢謂無顛  
墜鞭策驅馳常顧影今日昭昭示周行敢弗遵循  
履康莊敬之敬之銘東墻母負先生善誘古心腸  
程梓園侍御枉過

別緒年餘似轉蓬相逢歲晚雪花中悲歌共覓燕  
郊醉慷慨時廣大國風論列昔曾干氣象清言猶

得擬宗工從來異地難知已忍負高論但避聰

同年戴道園至

歲暮風光誰可共天涯惟爾許同論壯心猶自悲  
霜鬢宦興真堪托酒樽雪路驅鞭泥活活荒齋對  
火雨昏昏高談無限千秋事共惜年華逐電奔

除夕二首

紛紛今夕息更始在來朝樽酒鄉心動盤蔬客味  
調爆喧墻外樹爐煖座中貂獨念高堂側晨昏拜  
祝遙

歲序無停運風光又一年在家纔浹月作客到寒

雙溪草堂詩

卷三

五

天禁漏三更待燈花竟夜燃椒觴還未醉片片雪  
花旋

乙丑元日

元日閒庭却閉門耳聽車馬盛雲屯重裘輕煖何  
緣受萬卷英華取次吞花氣隔墻傳馥郁雪風透  
幔自飛翻陽春百物都霑化清切多應沐主恩

懷兩家兒

春氣到軒楹芳樽聊自酌雪花撲面飛回風響簾  
幕伯也俱天南季今京西郭歲時魂夢親起居轉  
寂寞豈不榮簪組何如同氣樂園居古蘇公樓吟

續輝萼杯酒每奇亭芳梅自幽整薺鹽安共膏褐  
衣換披著天倫白有真貧賤原無惡路隔踰三千  
况兼寒暑却感時動中懷慷慨愈磅礴關情異少  
年何能企飛鶚

天寧寺訪友人不值

風沙黯白日衝寒陟城阿興暮掩雙眸依稀景物  
過盡兀浮屠影琳宮敞鬱峨入門多古樹禿拙似  
磨搓剝啄叩僧扉主人駕已他曲房深扃戶壁間  
飛蚪蚪從容命回車口色映西坡靜憶懷人句殘  
編手詠哦

雙溪草堂詩

卷三

六

述夢

永夜能鼾睡將晨氣最清椿萱同入夢警欬迴聞  
聲所訓惟增德相期是令名幽明無遠隔孺慕倍  
深情

送方石潮授主政南旋二首

宏才夙負冠人倫六載清華翰墨新 聖主知君  
長吏事繁曹佐理借儒臣含香日侍仙班近待漏  
朝趨玉殿頻經術本期歸有用行行莫自戀鄉鄰  
行色翩翩出玉墀春風折柳艷陽時江河水濶征  
人遠驛路花明正馬遲籌國且儲千載計拯民當

慰萬方思送君道左憎惆悵痛飲深杯未可辭

良鄉月

同看寒夜月羈旅更分明院澗憐光滿簷低覺宇  
闕殘更千里夢隻影隔年情身事填胸臆淒涼百  
感生

謁椒山先生祠和壁間魏環極先生韻

先生浩氣許誰同萬古綱常百代風臣節不同甘  
鼎鑊天心難格歎遭逢封章灑灑傳清淚廟貌峨  
峨慰苦忠相去百年今日見丹心常照大虛中

附魏詩不與先生出處同此心切切仰高風生

雙溪草堂詩

卷三

七

來直氣天難折謫後良辰命不逢兩疏萬言真

大罪千秋一日是孤忠 先皇表出予應拜駐

馬低頭入廟中

首春畿南道中

屏跡踰九旬郊行曠空爽野平林樹疎日冷河水  
見車馬颺輕塵憂樂紛來往於役道非遙猶覺勞  
軟掌

良鄉道中望西山

山勢綿長不讓天石巖攢聚更蒼然神遊洞壑幽  
奇處俗念塵氛迴自捐

道中卽事

旅中破悶惟憑酒路上消愁只是詩沉醉一眠月  
半上放歌幾曲日中時遠山雪盡峯如黛深柳煙  
垂風不吹馬足塵沙將欲歇玉清尺五望天梯

鍵戶

天意遲簪組人心憶薜蘿看山三月少得句五更  
多有夢皆鄉國無朋獨詠哦羈煩偏得此彷彿巖  
之阿

盧溝

巖城臨水懸綿亘衛神京一徑飛虹度千山列戍

雙溪草堂詩

卷三

八

明朝宗尊禹甸攬轡問王程淡月疎星後驪歌聽  
最清

題省中壁步少陵韻

鳳樓高迥出千尋迢遞巖廊澹夕陰夙夜但知臣  
職忝封章難答主恩深三言聖訓時銘骨清慎  
勤三百世公評自繫心緩步徘徊青瑣闥幾人同

調話蘭金

吳魯園比部述及平反事有賦

民命關天道臣心質聖朝于公門可大盛吉筆難  
搖細草春承雨枯枝夜起條出來儒吏重夙志負

高標

疏請修天下先賢書院得旨允行用朱子

白鹿洞韻恭賦

昔賢讀書處傳來絃誦場世運繫污隆聖謨籍表  
章年代久湮沒榛蕪日以張值茲昌明會百廢舉  
輝光抗言陳往蹟披瀝竭洋洋微忱感天聽維  
新麗澤堂學士勤追琢希賢益慨慷萬世開太平  
盛業詎能忘

瀛臺賜宴恭紀四首

別苑弘開暑氣消青陰深靜鳥聲調君王勤政

雙溪草堂詩

卷三

九

無留牘日攬萬幾詢庶僚殿額日勤政

千官啟事涉浮槎灌木含風簇碧涯一帶綠陰趨

別殿置身恍近絳霄霞

傳宣光祿排珍宴銀盞頻添醺醑香百爾通嘗芳

旨後冷淘槐葉味偏長

長松影裏重鋪席紅藕香中漫舉觴不是天恩

深似海人間此景那曾嘗

太液池乘舟恭紀三首

蘭橈蕩漾水雲長蒨蒨紛披風送香更入最深處  
葦處林邊驚起野禽翔



珍醞今朝賜尙方玉泉釀就蘭曹嘗傳來 天語

無窮意萬載千秋捧 聖皇

桔槔聲裏泛舟來觀稼省耕歲幾迴 內苑片腴

曾不棄閭閻寧憚關蒿萊

壽徐九如八十

堪羨石門松與栢離離塵尾駢巖石幾經寒暑復  
春秋奕奕凌雲高百尺百尺樓前有異人當時曾  
號石麒麟貞姿秀質長相向試檢支干是大椿杖  
玉扶鳩世罕有華堂爭進長春酒爲君起舞頌岡  
陵八百錢鏗是君偶森森林立繼斯蓋而熾而昌

雙溪草堂詩

卷三

十

雙鵝篇

新河有士以詩隱縱酒時時吐孤憤性本忘機號  
海翁蕭然遠寄遺塵坳偶來僑寓江陵城帶經荷  
鋤躬自耕饑來日飲鵝池水詩成自署鵝池生問  
遭家難成鰥獨削迹銷聲逐麋鹿買舟特赴故人  
期採藥還尋高士躅脫帽科頭老更狂爲追前約  
遡錢塘魯連蹈海知何恨屈子懷沙定可傷王郎  
感事遙生美題碑忽感雙鵝現聊濡短翰續搜神

爲君補入鵝池傳

雙溪草堂詩集卷三終

男啟英謹編

雙溪草堂詩

卷三

十一

雙溪草堂詩集卷四

休寧 汪晉徵酒齋 撰

古今體詩七十二首 丁卯

奉 命校士三楚初秋朔出郭

帝城遠不遠山色倚雲屏野水過橋白墟煙遶郭  
青古槐臨上道高柳拂離亭萬里行行始愁人候  
使星

真定道中所見

朝廷念爾一方民獨租獨賦詔頻下皇天豈不恤  
爾民咨暑咨寒何滿野去秋七月水連天今年六

雙溪草堂詩

卷四

一

月雨方灑昔時膏腴變蒿萊間左蕭條鼠竄瓦白  
頭黃口慘呼號行人寧得幾錢捨此時秋黍漸登  
場尙爾鳩形面無頰非關長吏無拊循頗有賢良  
扶民社非關俗尙習驕淫家家力農絕天治問天  
天意不可知我亦憂傷淚如把

渡滹沱河弔古

滹沱河出雁門隈真定城南一溯洞綠樹人家秋  
雨絕黃沙古路夕陽開抱薪人自燎衣去豆粥時  
兼麥飯來唯有蕪蕪亭上月曾隨列宿照雲臺

路出定州

明星天乍起秋日宛宛白馬蹄亂水聲逶迤曉無  
迹恒山渺以遠驚得雪浪石欲尋東坡銘蒼蘚繡  
寒碧無端懷古情夕陽孤行客

沙河旅夜

沙河水不流遙山夕陽下驛館張明燈行人暫休  
暇斜月出荒城古槐蔭茅舍初秋氣漸涼攬衣問  
中夜

邯鄲憩呂祠

一沼當門自絕塵前期何復問仙真花開花謝邯  
鄲道啼鳥三聲送路人

雙溪草堂詩

卷四

二

曉發邯鄲

飛沙隨馬歇雞鳴驛亭聞新雨沐朝日好風吹夏  
雲冰心澄夙夜露氣挹清芬流火看徂暑舉帷路  
又分

將至磁州口占

夾岸濃陰送晚涼參差紅白滿橫塘野風澹蕩塵  
襟外一片斜陽十里香

綠楊歌

夾道垂楊如列仗東枝西枝紛相向搖拂繚繞作  
烟雲日光射地供駟宕早行叱馭穿林過綠天深

處情怡曠不數蓬萊島上遊何知季倫十里隴人  
生造作徒工巧穿鑿窄迫殊非暢探奇窮險亦荒  
唐毒虺危崖魄飛喪夷猶信步我周行其樂陶陶  
難形狀

銅雀臺遺址

漳水何年絕高臺落日沉美人空滿眼疑塚自傷  
心煙景華林接雲光總帳深淒涼銅雀望歌吹起  
哀吟

淇水

淇水何悠悠數里松寒雪萊竹何倚倚七月暑氣

雙溪草堂詩

卷四

三

滅灑然清我心永言共修潔緬懷衛武公風詩猶  
可說驅車過荒原流響石橋咽籊籊把釣竿考槃  
有高節素絲紕千旄遠行空子子

望太行山

帝城之西西山長西山以西接太行十日遠行雲  
不斷推車自昔聞羊腸黃河入塞帶其下山何巍  
巍水湯湯雲上於天作秋雨崩流盤谷山之陽自  
從泛濫少耕種沙飛風日田疇荒唯有蘇門山水  
好百門泉流在山旁孫登高隱烟月古阮籍常從  
問羲皇默無一言但長嘯聲如鸞鳳天翱翔林木

孤秀渺然遠幽禽日夕鳴風篁轉山旌旆後來者  
白雲孤飛親舍傍我行山下淚霑臆自憐於役懷  
高堂逝茲江漢收梗梓將母來諗詎不遑秋深舞  
綵稱觴日故園橙橘望中黃

殷太師墓

路出衛輝道孤塚殷太師古碑蒼蘚蝕翠栢蚪龍  
姿心猶照茲日名自表當時三仁聖所許白馬亦  
奚疑

七月十五日次衛輝

雞聲喔喔戴星行白日高春人至止經過城郭與

雙溪草堂詩

卷四

四

山川眼底興衰跡比比此邦繡壤車馬煩大河之  
北稱名藩熙代監司啟憲府前朝藩第今猶存連  
雲礙日飛丹甍閣道層層列畫楹迴廊曲院何周  
密池亭參錯紛橘橙梁園詞賦已消歇斷碣豐碑  
秋草沒空餘綠樹老淒清枝上棲鴉啼夜月我來  
諦觀長歎歎廣廈雖存人已虛何不庇彼諸寒士  
飄風零雨荒階除

師會同至鄭州偶感傷足悵然留別

二十年前挑燈夕雄心自負文章伯乙卯相期萬  
里飛已刷青天復歛翮鄭虔曾就一寒瓊梁多

士尊玉尺風木淚收需次補復作遊梁走燕客相逢燕市坐悲歌彼此驚看鬚髮白三湘七澤重掄才余賦皇華事茲役遂許聯鑣作楚遊山川勝覽興頗劇如何中道忽顛踣千里驂駟翻跋躓我車既具不能乘君且南轅我西適白日淡淡柳風飄旅雁天涯形影隻岐路叮嚀倍自珍明春同坐溪頭石

新鄭

幾日渡黃河風沙勞馬力日暮猶驅車王程入南國渙渙湊湊間士女行不息采風得雞鳴鳬雁猶

雙溪草堂詩

卷四

五

可弋好賢聞緇衣羔裘美豹飾世降如江河孰爲邦司直柳湖秋水清千古照顏色豈不思溯從伊人遠莫卽

信陽二絕句

筍輿遠入信陽州荒草黏天驛路秋斷石大書申伯塚誦詩曾識古諸侯

胎簪山下是淮源桐柏山過水作門不信黃河無故道同流入海楚天昏

曉渡望鄂州

曉望蒼茫裏遙乘青翰舟秋深葭菼國水滙漢江

流風俗聞南楚人煙見鄂州 王程今夕會興發庾公樓

登黃鶴樓

黃鶴磯分漢陽郭黃鶴樓對晴川閣樓上楚天雲夢深江邊漢水蟠岷落憑高秋日起離愁望遠寒蕪正寥廓赤壁華容猶鬪爭呂蒙陸遜皆寂寞古往今來生白雲月明星稀見烏鵲忽然鐵笛一聲橫孤飛仙棗亭前鶴

登晴川閣

大別山前江水流隔江城上黃鶴樓主人命觴當

雙溪草堂詩

卷四

六

九月客子登閣憑一舟碧瓦朱甍照落日丹楓紫蓼紛清秋下有魚龍臥寒水遙看鴻雁翔汀洲彭蠡匡廬天幾尺洞庭衡嶽雲孤遊對酒望鄉煙景裏布帆隱隱江東頭

仙棗亭

棗樹何人植如瓜實已無秋風吹鐵笛黃鶴白雲孤

南樓

庾公興不淺賓從滿高城何意南樓上依然秋月明清談追往事好客見平生江外風帆遠登臨萬

里情

遊洪山寺

曉日出遙林寒雲轉幽徑落水隨疎鐘尋聲破苔  
磴翠柏霜欲生綠筠煙乍暝地迴通江流攬物迹  
殊勝懸塔臨古殿褰衣發清興登高頗畏危道心  
寂孤磬

江漢和杜樊川一絕

黃鵠磯邊白鷺飛荒臺拂拭坐人衣巫山雲接瀟  
湘雨添送江流客未歸

九日大別山

雙溪草堂詩

卷四

七

大別山高楚水通重陽煙景異鄉同洞庭木葉秋  
風下鄂渚城樓夜月空候雁君門懷薊北歸雲親  
舍望江東故人又欲尊前別滿把黃花白露中

浮江漢望洞庭作

湖北湖南別水經南浮江漢采芳馨胸無芥蒂吞  
雲夢手把離騷望洞庭楚客幽蘭風嫋嫋湘妃斑  
竹雨冥冥漁歌煙艇乘流去夢繞君山一點青

武昌懷古二首

鄂王城對漢陽城江漢悠悠萬古情誰坐南樓明  
月上閒臨夏口暮雲平草荒故宅悲陶侃水沒空

洲弔福衡自有仙人黃鶴去楚天橫笛起秋聲

霜淨寒空雁叫哀洞庭西上更徘徊山連巫峽朝  
雲起水接瀟湘夜雨來謀國周瑜嗟未老下車溫  
嶠豈非才東吳事業無遺響樊口詩傳廣宴開

葉蒼巖少參招飲署中卽席二首

江左文章伯瓊筵散楚都芳聲舉薜荔奇偉出孤  
蘆縞帶欣相托山川可不孤高談風月夜猶自紀  
名區

整暇寸心降風流靜大邦射堂開隙地柳樹種高  
窓幸接清尊屢慙無白璧雙嘉魚非不美終是憶

雙溪草堂詩

卷四

八

松江

贈別張夏鍾

之子溫陵秀文奇海外峰先民皆有作今日豈無  
宗去國如王粲傳書自蔡邕孤遊江漢上別酒惜  
芳蹤

酬贈丁雁水觀察

文采風流出遠邦黃初以後更無雙人從水國趨  
東海地踞山城抱大江對酒談天風滿袖登樓懷  
古月臨窓棘闥霜氣秋先到披襟冰心屢欲降

留別葉蒼巖少參

登山臨水武昌城忽送人歸舊國情九月常同黃菊醉孤帆獨傍白鷗輕錯薪言川方舟遠官柳遲看邊郭行欲把螺杯重話別何由執手緩王程

江中望武昌西山

楚客古悲秋江風吹暮愁後聲歸樹杪雁影亂峰頭徑險惟扶杖鄉遙欲倚樓何從登絕頂日夕見黃州

題瀟湘八景圖

九疑九峰青湘江一千里遙望蒼梧雲流作洞庭水春曉啼鵲落花碧林裏瀟湘夜雨

雙溪草堂詩

卷四

九

八月洞庭水湘妃天外情君山孤鳥影月出天水明寒空木葉下人在岳陽城洞庭秋月

江岸蓼花紅江洲蘆葉黃水落沙勢出斜下三兩行愁隨天路遠幾曾過衡陽平沙落雁

瀟湘楓林丹離情自天出送客別南浦春水秋瑟瑟水落見歸舟迴風挂斜日遠浦歸帆

湘潭秋水明黃葉空洲晚漁歌水作家四鄰忘近遠殘霞飲夕煙沽酒前邨返漁邨夕照

日下煙初冥不辨山中寺孤鐘時一聲月上山空翠幽人生遠心長嘯荆塵累煙寺晚鐘

孤雲不出山人家住翠微日中不作雨霽色霑人衣山家留遠客稗子賒酒歸山市晴嵐

江水生暮寒風林凍雲落漁翁獨垂綸山白映寥廓明朝對酒人倚徧江上閣江天暮雪

舟泊道士泖

勝跡停帆得峰迴聳石磯高樓風淡蕩古寺徑依微江上丹楓落山前白鷺飛暮天清磬發漁父一舟歸

潯江望廬山

名山接南嶽勝友如相逢月出九江滸雲生五老峰松屏秋嘯鶴瀑布玉飛龍何處東林寺日高聞遠鐘

雙溪草堂詩

卷四

十

舟中臥病偶書三首

歸舟臥病覺身閒伏枕殘書忽破顏楓葉蘆花飛欲盡江心湧出小孤山

病裏看山絕意登冬餘秋樹挂霜橙暮來欲傍漁舟宿兩岸蘆花一點燈

江山如畫少行人誰識孤舟一病身圖作長江萬里去何年選石坐垂綸

琵琶亭

蘆花飛雪滿江洲夜泊琵琶亭畔遊莫謂白公詩  
思苦年年送客不曾休

馬當山

枕江山色出晴嵐險絕孤舟不可探隔岸秋林楓  
葉下斷雲殘照落江南

江行雜興六首

江洲蘆花白江岸蓼花紅一樣爲秋色迎人離別  
中

沽酒江村遠迴船月欲高漁家小兒女對對擘霜  
螯

雙溪草堂詩

卷四

士

大別有小別小孤有大孤漢水入江去江流是畫

圖

夏口何年戰傳聞壬戌秋周郎空赤壁蘇子憶黃

州

十月霜天下東籬見菊花如今過重九未必勝陶

家

何處泊孤舟九江江九流琵琶亭上望司馬去江

州

舍舟山行遇雪三首

匡廬猶未失江上北風多忽地迷青嶂遙天起白

波客心蘭櫂歇鄉路筇輿過皎皎蟾光似天寒奈  
晚何

江雪空盈水山風吹向人寒花深自舞野樹迥無  
鄰酒憶巡檐日梅藏隔澗春崎嶇寧畏險歸夢繞  
慈親

抱病淹殘歲衝寒近望鄉僕夫同况瘁旅舍總荒  
涼煮茗論心潔添衣覺帶長茅檐饑雀下對此忽  
神傷

雪霽

曉起寒添水山城雪後孤冰凝天似洗日暖氣如

雙溪草堂詩

卷四

士

蘇路漸庭闈近春催歲月徂復輿行不盡清絕輞

川圖

抵家二首

巖雪殘冬落庭梅欲著花游子息行役三年一還  
家登堂歡拜母髮猶去時華

天飛有鴻雁土著有松柏山中多壽年遊子疎枝  
夕故人携尊酒遠慰歸來客

北行與兩兄言別

歲暮天雨雪于役逼陽春冰霜在草木一舟倚河  
濱東風吹花雨南北間芳辰憶共讀書處古今爲

比隣兄弟聚晨夕何期別愴神薄宦有行邁會見  
翻如新昨自江漢歸話言經浹旬奈此意迫促日  
逐羈旅塵莫言故鄉酒可以醉遠人臨觴不能御  
離思念慈親

烏紗灘阻風

心急天偏緩嚴灘浪倒奔雨過深霧歛涯曲小舟  
屯傍水村烟綠邊山野色昏妻兒猶在眼慈母倚  
閭門

舟過七里瀨用少陵萬丈潭韻

雪下新安江山林積陰晦王程不可留夙夜孤舟

雙溪草堂詩

卷四

車

內巍然見釣臺雙峰出煙靄飛鳥翔高空北風向  
晚大尙想垂釣翁一竿兩厓對六月披羊裘陰雪  
水澹瀟灑然忘世心天光日炯碎物色有故人江  
海已無外徵車一朝至窮經紛旌旆漁父知高名  
猶傳七里瀨帝坐千客星羣疑君房輩空山自孤  
往風節東漢最客路川上紆出處詎相礙清操薦  
蘋藻徘徊去吳會

過湖上

山圍城西湖湖外會窮探茲遊止湖上數峰飛晴  
嵐寒煙散六橋斜日沈三潭孤山訪高士小憩亭

際庵舊種桃與柳花月春二三方冬欲零落草徑  
雨露含古碑蝕苔蘚幽禽鳴石楠還過六一泉濬  
池印荒龕寸心對湖水豈爲塵境耽何時尋雙棹  
高人雲外談

舟過金山

莫道三山不可過爲梁水國駕龜鼉天廻北固江  
聲壯地絕南徐樹色多蜃市樓臺翻變現龍宮塔  
廟涌巍峩孤高瞰徧神州外萬古東瀛障逝波

望焦山三首

樹色山欲高江流海空遠聞有古仙人林中坐將

雙溪草堂詩

卷四

市

晚

洞口碧桃灣斷碑銘座鶴欲暮華陽文秋水冬未  
落

何事爲高隱水漁山可樵海門空萬里月上見寒  
潮

邗江訪洪秋士不值

尙憶論文好今來訪舊遊幾年別吳下孤客滯楊  
州江海人何處冰霜歲不留明朝春水動那得更  
維舟

途經泰山



岱宗忽拔地萬仞摩春雲幾回經其下攀仰愁夕  
矚曠昔封禪者七十有二君金簡與琅函泯滅已  
無文空有碑無字混沌留未分我 皇姬虞舜東  
巡樂南薰日觀瞰滄海鯨浪恬無聞燔柴以告虔  
民物懷所欣天門霽寒雪草樹皆芳芬驅車瞻王  
迹香靄何氤氲終當登絕頂時參鸞鶴羣

雙溪草堂詩集卷四終

男 倬謹編

雙溪草堂詩

卷四

主

雙溪草堂詩集卷五

休寧 汪晉徵函齋 撰

古今體詩五十九首

戊辰至  
癸酉

宿薊州

顏垣土室度宵晨且喜霜風不近人雞犬晏然安  
里社桑麻漸亦入陽春雙眸作客觀書細半夜驅  
寒酌酒頻月照空庭難假寐來朝有事薦明禋

帳房

依山傍水鴈行斜擺列參差關綺華枕簟未齊先  
取火車輿纔卸急煎茶工成俄頃能安寢時至終

雙溪草堂詩

卷五

一

朝便挈家南北東西都可伴共懸清夢到天涯

盤山

自感化寺淨業菴歷少林  
中盤古中盤青溝諸勝

昔觀薊丘志茲山勞夢想今來侍 鑾輿松石遙

俯仰自襄 大禮還便道愜尋訪入山徑紆折泉

淙耳邊響初地得感化遺構落荒莽藤蘿坐石人

見招如柱杖林巒最幽秀淨業標名曩傑閣瞰虛

空踈櫺樹梢上緣石勇躋攀踰甲臺侔儻傳爲唐

太宗遺蹟行經少林寺風猶軒朗老衲慣將迎肅客

供栗橡咫尺中盤山仙梵清勞攘更上古中盤怪

石爭奇賞正法禪院開戶外一峰榜上遊中盤書

戶外一峰兼  
題詩鑄于石

聖人題詩句豐碑炳天壤高渾追  
正始山靈增輝晃我來在初冬輕寒氣猶益秋花  
一已謝鳥語聲逾爽絕頂雲罩峰遙瞻氣蒼莽信  
宿翠微遊黃山夢來往

御製詩曰中盤遙見蓮花峰日出山林氣色重老  
衲題詩渾半偈翠輿臨發又從容

青溝晤詩僧拙菴

一隱青溝數十年詩名道味上都傳霽霡亦復平  
坡住兩地瑤華可並肩

通州歸途作

雙溪草堂詩

奎

二

初冬雪後竟嚴寒馬首西還意自寬大禮告成  
傳萬禩聖情昭格動千官園亭遶郭蕭森遠煙  
井臨流笑語團見說羽林多獻獲凱歌齊唱掛金  
鞍

疏請修順天府學宮 特旨允行恭紀

京師聖廟二太學與郡庠太學勤歲修水部持其  
綱府學缺修典傾圯在堂廊先賢及名宦日曝雨  
淋墻柴市表孤忠戶牖皆頽唐勸募難頻舉師生  
神對傷職司專教鐸見此心徬徨一誠籲先聖千  
言叫天闔謂凡載祀典章理舉精詳何茲聖人

宅圯壞竟靡常奉 命下所司春卿費審量工役

需繁浩節省經國方嘆息不能寐行當再敷揚豈  
意 聖明鑒留心文教昌 特允宜修葺著令垂

久長逐時增防範太學並輝光諸祠各崇煥傑閣  
富縹緗休哉歌 聖澤景運萬年芳

宅後有石數十塊湮沒久矣偶取土得之爲

杭剔作庭前假山有賦

長安車騎滿朝昏稍雜勿勿懶出門官閒所課惟  
文藝紛紜史冊日披翻花卉有情隨地插膏泥挹  
取向頽垣忽見嶙峋石骨出玲瓏篆籀何紛繁湮

雙溪草堂詩

奎

三

埋荒草幾年歲一旦何期露瑤琨移向庭中常慰  
藉恍如彫瘵返春溫嶽峙歷落生來有刻畫無勞  
斧鑿痕三十六峰突入眼翠微青巘座前屯石乎  
面目爲人識無乃愠我破其渾凡物隱見莫非數  
石乎何能鬱鬱蘊天根

壽真定梁相國三十二韻

皇朝膺景運良弼輔鴻模社稷須王佐經綸藉鉅  
儒文章追典誥家世邁崔盧雅量誰能並驚才果  
絕殊巖巖懷岱嶽朗明踰冰壺鳴佩鸞坡入含香  
鶴禁趨秘書頒 御苑珍膳出官厨梧掖燃蓮燭

花磚集錦鳬知人寧假學拔俊敢忘劬翦拂皆遶  
驥珊瑚盡網珠六卿資擘畫三事訪訐謨韓泥通  
糧餉蕭何領輓輸十年財賦贍萬里舳艫紆旣裕  
京儲粟旋司上將符寶韜傳素女雄劒授元狐軍  
旅閒投石邊疆息鼓枹越裳重獻雉肅慎早歸屠  
枚卜從民望調羹荷帝俞虛衷先下士仁政首  
蠲租霖雨蒼生潤和風寰宇蕪千秋逢至治一德  
慶中孚位大心彌小官廉道足腴韋平慙啟沃房  
杜遜匡扶烏巷多瓊樹青箱付鳳雛詞華留琬琰  
光氣耀銀鐺競進金盤露爭陳瑤島圖火城賓從  
雙溪草堂詩 卷四

燕水檻管弦娛宰相雲霄侶神仙山澤臞子房兼  
有此李泌自非誣幸附宮牆末欣依游夏徒紫宸  
瞻補袞黃閣見懸弧天壽惟平格輿歌在碩膚

寶坻道中遇雪

混茫同浣漈簾影澹溶溶路濕知行徑人來問去  
踪敝裘遮體適村釀禦寒濃入暮炊煙起停驂味  
野供

廣慧寺夜坐二首

衆籟收聲盡孤燈煜煜明丹黃消永夕載藉足平  
生初獲逢新賞重披擯宿英歲華忽已轉天意免

逢迎

院宇何虛曠寒威檻外凌此身頑等石雜念冷于  
冰象外覘諸佛閒中話老僧擁爐仍徙倚夜氣愈  
清澄

古栢

寒風嚴朔地青草比瓊瑤況值隆冬月羣木同就  
凋獨有庭老栢衆葉光搖搖扶疎枝幹氣勢欲  
干霄遠風四面來清籟響蕭蕭洪濤疊洶湧瞬息  
千里潮戰騎馳長坂奔騰震連鑣來去無定聲吐  
納逞飄飄窺窗間洗我耳勞攘一何消芳霏歸何處

雙溪草堂集

卷五

五

對君訂久要

鄒縣謁孟子廟

夫子尼山屬見知範圍百世重師資異端剖折波  
全息吾道昌明統在茲古栢森森綿俎豆穹碑矗  
矗仰威儀受書束髮誰甘棄高美登天匪易覓

和州浴香泉

深淺寒溫已適宜澄清更可鑒鬚眉故園亦有香  
砂水曾與黃山訂後期

渡江感懷

江北江南春色好江山如舊人空老十年曾經破

浪過太白樓頭醉絕倒江流日夜盪心胸千言振  
筆雲煙掃一朝跬步上朝堂封章十上驚當道表  
彰正學 帝曰俞聖謨不墜抒懷抱雲夢搜才江  
漢清觸目琳琅儲國寶佐治京畿兩度秋文武師  
資恨不早歲支帑藏煥宮墻呼額宸聰傳豐鎬區  
區龜勉在人寰心期儘可盟蒼昊倏然左轉 聖  
恩偏是非倚伏真難計爲慰倚閭歸去來長擁萱  
堂稱壽考江風何柔柔江水何浩浩叩舷高唱照  
鬚眉江山如舊人空老

渡江見菜花

雙峯堂集

卷

六

春老芸薹萬畝黃七年京國未聞香籃輿此日花  
溝過想到山莊納晚涼

過南陵懷同年劉蓮菴方石湖

不過南陵已十年池塘竹樹尚如前故人家在東  
西郭一望雲山一悵然

南陵涇縣道中

路到江南屢渡河池塘漱灑抱沙坡三春芳草沿  
村滿夾岸青松帶雨多竹塢時時煙鳥嘯山椒處  
處晚樵歌逶迤更愜幽人意澗轉峰廻似旋螺  
得歸

不待秋風客已歸好花公路未曾稀漫言三泖蕚  
鱸美問政山頭笋正肥

山溪石壁

亂石水盤紆咽聲何激烈兩山壁立高環轉跡如  
臧中有一徑通臨流駭駭絕總無草樹姿時見崩  
崖傑蕭蕭萬古悲去來慘不悅

道傍歎

昨日猶紅顏今日倏白髮如何歲月催百年亦倉  
卒幼者日以老老者日以沒當年朋舊盡凋殘欲  
話心期誰與發君不見山前郊外塚纍纍埋却英

雙峯堂集

卷

七

雄如許骨男兒所貴修令名三立不朽慎無忽

旌陽遇雨

北地年來苦不雨梁米四月無膏土農夫荷鋤望  
恩澤日白風清田野圻有時作勢忽昏暗旋即開  
明雲淡淡江南入春雨太多綠野清池泛碧波我  
來近家二百里朔風蕭瑟山嵐起頃刻沾衣滑深  
泥溝渠浙浙流無已不足終難較有餘天工每事  
常如此此時江北有也無遠祝皇天遍地蘇

雨中過新嶺

新安僻處萬山叢四面崇圍一嶺通峰頂作雲鋪

海觀人家煮火照天空東西溝水成深壑遠近岡  
巒斷遠鴻欲望家鄉濃霧裏盤旋努力度穹窿

悼亡詩十八首  
存九首

我已賦歸潞水湄開緘忽報汝長辭齊眉詎意成  
虛說心事半生可語誰

竟日驅馳事遠征倦來偃臥夢難成空言歸去歸  
何處歎我無家淚自傾

年當十六到吾門屏却紛華不事喧但務儉勤謀  
鞠育寬余內顧澹無言

生平坦易普恩慈取與何曾著一私不飾女工婦

雙溪草堂集

卷

八

師譽只培方寸聽天知

自余戊午上公車一十四年子舍虛賴汝高堂承

菽水如今膝下只留余

困頓諸生廿七春情殷乳哺汝甘貧何曾報得糟

糠苦翻自舉帷哭舊人

偕隱今知事已違只憑萱草攬春暉浩歌歸去安

吾拙式穀傳經未必非

愁思一日百迴腸愧我飄零宦海鄉執手送行京

邸日誰知生別永淒涼

三十餘年伴苦貧因何先我反天真空庭獨對淒

清夜強作歡顏慰老親

人日謁先祖中憲公墓

松楸展掃十年疎此日趨瞻擗踊餘花暖香從空  
裏送草稀芽自縫中舒青山歷歷長川樹綠竹森  
森古佛廬歲事漸修歸步緩豐碑在望倍欷歔

初春同里中紳士祭朱文公

千秋道塞異端鳴賴有儒宗集大成著述弘多開  
後學精微深造奉先生井華到處瞻依切微露拈  
來誦讀誠祀事還期傳永久年年春色照人明

初春雪後探梅三首

雙溪草堂集

卷

九

最愛梅花雪後尋幽香乍吐靜披襟空山四遶如

城郭流水千盤出竹林人得暫閑寧縱酒心知守

拙合抽簪春光滿眼憑攜取笑向枝頭解語禽

春歸樹杪有誰尋先向橫斜一展襟香覺淡濃同

拂座花兼紅白自成林人醺不待清尊勸手折休

將短髮簪二十四番風信到扶筇次第聽鳴禽

那得閑時芳徑尋良朋招挈暫開襟十年宦夢同

春草一日遊情寄遠林山水依然來曠野文章漫

許等華簪且欣此地逢幽賞歸路松間響暮禽

再訪園梅

早春初日暖香浮亭榭分開樹樹幽玉友金昆同  
笑傲山光水色共夸猶不辭坐臥留芳韻何惜招  
邀散積愁三逕不須招海內阿咸驥子勝羊求

溪南野步

天放春光人共得不遊真是負蒼天南溪一棹情  
何限鳥喚枝頭麥秀田

常清宮

古殿鬱嵯峨弘開孔道側蒼翠栢成行傳是仙人  
植入門俯清池夾道照顏色香火奉三清淵密民  
推測太清焉有形無乃近不經蠶蠶世間人誕矣

雙溪草堂

卷

十

最難醒迴廊叩道關鳥鳴松竹間短牆欹梅樹曲  
檻露青山舊業在高樓雲物相與還當年侍立童  
今日鬢毛斑回頭二十載感集淚潛潛啜茗沁心  
腑高歌破愁顏

風雨惜梅花三絕句

何事春光放野梅牆頭樹樹向人開東風昨夜傳  
消息無主幽香任去來

一陣香來一陣微憐渠莫漫損芳菲年年春色占  
多少萬朵千紅何處歸

春來爛熳壓羣芳春去無多即罷粧瘦影疎枝依

舊在東風枉教斷人腸

登豸山

山勢屏開一望雄人家煙火白橫空叢林別館垣  
高出古寺寒松徑曲通幾度兵戈流水外千重雲  
樹夕陽中倚窓面面青山好此際披襟興不窮

栽蘭花

初佩秋香好山蘭亦自佳凌霜留勁草藝畹得繁  
菱顧盼堪孤賞芳馨莫與偕惟梅同逸致結侶伴  
高齋

兒曹赴山園讀書口示三首

雙溪草堂

卷

十

鉛槧吾家事園林自昔幽花香含靜意鳥語答清  
修歲月心驚駛雲霄志可求隨時期有得庶足慰  
深憂

行文臻妙境正趁少年時思學須兼進朝昏念在  
茲久之能透脫觀者自淋漓有秋憑耕耨至理莫  
相疑

讀書兼養氣動以十年期舉止存規範謙虛立本  
基嘉言勤諷詠懿行勉追隨聖教原循序登高始  
自卑

青蓮燈和廖令君韻二首

春宵競獻使君燈，燈寓謳思念匪輕。五載風期嘉卉色，千尋彩燄夜珠明。時當民樂標新賞，字合官常著令名。我亦躋堂稱壽列，揚扈酬唱不勝情。誰家花樣巧成燈，宛轉臨風態度輕。五夜管絃堪共韻，一天星斗迥同明。詩人舊借芳馨號，卉色今符卓異名。持獻殷勤惟紀實，花朝月夕永含情。

壽族中黃節母九十

園中百樹梅吐花香，滿野風雨一朝催。紅濕淋漓瀉徒令行路傷，高歌淚盈把何如。松栢姿疑疑光里，社總由內貞堅不同外。芳治吾宗練水涯，節孝

雙溪草堂集

卷五

主

本傳家奕葉至黃母，苦節人所誇。廿九夫子棄矢心，同入地。仲也善，回天立嗣等所出。母也茹荼獨抱兒，只知兒長續宗支。自從齧指閉閨閣，永謝紛華淚滿帷。鏡臺晨掩山川黯，機杼夜停神鬼悲。家人感動不言歡，共慰霜操隻影單。善成奇節真賢哲，扶植綱常世所難。天賜庭前玉樹秀，孫曾慶衍根株茂。牽車遠服養高堂，夕膳晨羞無敢後。得遂冰心六十春，年高九十未亾人。伏臘蒸嘗猶秩秩，中宵刀尺尚頻頻。稱壽考拜衣冠共期壽，母強加餐固知完節人間瑞。益信貞風耐歲寒。

送廖令君行取後守制還閩三首

作牧維桑五載餘，掛帆東下爲居廬。蕭蕭檢點充行李，紀略新編兩卷書。

京華接席效蕩蕩，撫字心勞令問昭。閭左謳思安所寄，峰頭碑石鬱峩峩。

聲名循卓已升聞，四海欣欣盼澤殷。讀禮應餘休暇日，好儲康濟答吾君。

園居四首

雨餘池水清，倒影照人明。碧樹圍虛閣，浮洲貼短楹。草香經日煖，鶯語近簾輕。養拙幽居好，畏人識

雙溪草堂集

卷五

主

姓名

福性合離物，靜觀與自奢。閉門深夜雨，臥閣午餘茶。砌竹盈眸綠，藤花舞樹斜。嶙峋窗外石，拱侍未嘗譁。

鉛槧千秋事，持衡貴得平。寸心明得失，羣論息紛爭。蒐討吾家駿，謂紫滄經綱維慈父名。謂廖書成關氣化筆削，敢云輕。時予修邑乘成

嘉卉日培護，園林事事幽。種蓮依淺水，插柳近深流。農圃能消暇，詩書足遠憂。閒吟臨沼榭，今古恣旁搜。

送紫滄姪入都

客行三月道載筆上皇州金馬鳴玉勒送君此壯  
遊男兒生有志所業在千秋規規里巷轍閣識達  
人羞振策事修遠縹緲滿後朝詞源倒三峽明珠  
不夜投干城砥吾道式靡繡皇猷硯席聯寒暑  
青燈力校讐百年成信筆恍如錮疾瘳濃陰垂驛  
壁白雨灑征騶今古難言別乾坤望遠愁勉哉期  
遜志秋風拭老眸

雙溪草堂集

卷五

十四

雙溪草堂詩集卷五終

男武英謹編

雙溪草堂詩集卷六

休寧 汪晉徵涵齋 撰

古今體詩七十五首 甲戌

發祁閭

九月遵寒渚逶迤石峽開確停移木到港湧讓船  
來紅葉山山見蒼巒面面迴灘門回望處家在白  
雲隈

次倒湖看月

登程二百出新安月下啣杯興未闌傍岸人家烟  
氣重轉輪確戶暮聲寒舟從石筍叢中過人在水

雙溪草堂詩

卷六

一

壺徹處看却怪倒湖湖不見青山綠樹木漫漫

宿景德鎮

丹楓溪上扁舟去百轉千迴水漸平坐對碧波人  
弄影萬家燈火半空明

夜半泛舟

睡迴枕上棹歌聲霧濕月朦鼓柁輕天地若浮雲  
水杳家山猶帶夢魂行時光恍似秋深葉踪跡何  
如野外萃欲問西江無限意不辭一葦慰平生

將至饒州兩岸樹林如畫

一望青紅襯遠天輕舟迢遞恣流連村間雞犬桃



源路岸上芙蓉錦水邊久去草堂蕪舊徑誰來仙  
棹訪前賢欲知景色空明處雪淨風飄寒渚煙

彭蠡聞雁

北風吹旅雁寒木宿孤舟一派光搖蕩千行影動  
浮已辭增繳累應向島洲遊客路情何限聲聲觸  
百憂

雨夜至南昌

暝色連天地孤懷慨古今賓朋前代會風雨此時  
心空雁乘風過疎燈伴客吟何時攜濁酒飛閣一  
披襟

雙溪草堂詩

卷六

二

登滕王閣二首

高閣臨流映碧丹西江山水未曾殘古今多少才  
人筆獨說當年王子安  
結構何年亦壯哉三遭劫火付秦灰須知秋水長  
天色不爲珠簾畫棟來

風帆

風微帆自轉舟側客常驚濶水連天白浮烟帶岸  
行秋深寒雨過地隔旅愁生浪跡多飄泊東西逐  
汝征

宿臨江天寧寺

一自西來多古剎此中佳寺獨天寧初寒細雨僧  
留客曲徑殘花院復廳回首驚波真隄汎息機初  
地且居停使君臥理饒清暇余亦高眠酒未醒

臨江呈李述修夫子

熊幡來劇郡鳳簡出軒墀文筆許燕並道風鄒魯  
遺金昆騰蕊榜奕世位台司澹泊恒磨厲堅貞遠  
磷緇六年清似水一節甘如飴法比于公慎恩同  
召父慈園扉空茂草泮沼習光儀既作衆人母兼  
爲多士師革心汗俗變鼓腹野人嬉時把潘輿擁  
喜將毛檄持神仙本姑射王母下瑤池宣室中年

雙溪草堂詩

卷六

三

召花磚淑景移詞場飛將久天聽德音隨夙忝甄  
培厚叨沾雨露私逢時羞媚骨涉世少通達千里  
音書濶數年間訊睽風霜搖畫檝湖海訴心期一  
見絲鬢改相看淚眼垂華筵臨碧沼飽德領芳規  
不盡探奇興還須啟絳帷

聞梵

晨夕梵音伴聲聲枕上聞清修惟爾助濁酒獨余  
醺鳥下庭前樹風飄檻外雲秋來雙鬢改况復歎  
離羣

拜練子寧先生祠

西江多節概此地挺孤忠靖難乾坤覆爭光日月  
同兵戈歸逝水蘋藻薦秋風俎豆猶專祀高山望  
不窮

哭黎瀟雲太史

明史先中憲  
傳屬太史筆

夙叨世講誼更復接駕行彤管傳先烈光風照玉  
堂人隨烟霧杳宅就草苔荒舊里那堪過悲歌問  
彼蒼

過楊機部先生舊宅

洪州一代多賢良前有練公後有楊勝國運數相  
終始浩氣直同日月光楊公早歲富經術江左聯

雙溪草堂詩

卷六

四

飛到玉堂雄視諸儒獨超卓至誠論列扶綱常昌  
言宰輔爲氣奪羣闕欽手無披猖耿耿孤忠動人  
主稜稜勁骨排天闔拂袖長林明正學闔門盡節  
歸茫茫致命從容如枋得丹心不泯侔天祥歎彼  
哲人已云徂惟餘舊燕壘空梁我來江郭深憑弔  
讀盡遺文增感傷

過湖西道署懷施愚山侍講

三十年前憲使垣風流文物我思存招來勝侶雲  
亭酒無去殘黎夜月村館閣難留今日作標題忍  
見舊書痕遠觀玉筍青猶滴近接金川淚欲吞

發臨江

袁江多淺駛汭流覺艱難茲晨揚順楫翻喜歷歷  
離忻愜何常數理勢因其端流俗爭乘便達人行  
素安我來臨江道八月駐旃檀丘墟舊井邑蕭颯  
動悲酸斯文就泯滅哲匠盡彫殘主人雖愛客無  
以遂盤桓閣皂須重繭仙踪和霧看何當遺世累  
扶筇恣幽探

南昌旅寓

攤書能破悶猶喜得南牕初日映烏几狂風翻碧  
幢孤懷懸北斗新句寫西江城外波濤惡朝昏繫

雙溪草堂詩

卷六

五

客轡

旅夜書懷二首

亦識江湖險能忘道路艱歲時飄泊晚俯仰嘯歌  
閒把酒因留月題詩當看山虛舟原浩浩未覺鬢  
毛斑

心空多在客詩進必兼愁來往誰同調遊觀幾處  
幽月寒堦露濕風遠鼓聲柔正苦漫長夜啾啾雁  
過樓

馬見五中丞招飲

筵開幕府值陽春風日晴和淑氣親大澤已同章

浦潤高標直接閣山岫喜無絲管紛多事賴有襟  
期照古人更讀從容安靜諭西江治化更還醇梁  
署上諭從容  
安靜爲上六字

午睡

悶坐日偏長三杯欹枕臥人聲門外喧雨響窓前  
過散步未曾舒高歌孰與和何妨夢逐雲飛到家  
山座

安邑馬進士母周夫人貞節詩二首

平陽自古多賢哲美俗閨闈尙可欽五十餘年貞  
媛志七旬有幾藐孤心紺溪光霽流風遠絳帳尊

雙溪草堂詩

卷六

太

嚴禮教深聖代卽今標節母孝思永慰有華簪  
江上相逢令子賢含凄示我介觴編南宮甫奏明  
光草北祀旋悲陟岵篇截髮芳踪旌此日九熊苦  
志想當年乾坤賴有貞珉在綵筆繽紛與共傳

冬日南昌登舟二首

百慮苦煩促登舟意始豁鄉心差自減詩興亦教  
濃高閣曾攜酒西山未策筇誰爲真靜者遺世住  
高峰

城頭懸東旭薄霧氣猶和水國家家曠遊踪處處  
多水分當古塔風軟皺微波市遠喧囂斷漁舟起

棹歌北蘭寺前洲分  
兩水古塔砥之

將發南昌阻風遊北蘭寺

聞道北蘭風景好今晨得遂北蘭遊聞寂柴門開  
曲徑疎籬斷續連城陬沙明石淨迴深塢千竿修  
篁清且幽碧林屢折開池樹題詠琳琅壁上浮老  
僧攜我花溪坐蕉葉桐枝風颭颭僧攜我花溪坐蕉葉桐枝風颭颭  
到汝堂  
前相抵掌論詩品畫針芥投到汝堂數杯雪乳涼  
心腑逶迤更轉詩屋留竹床鬆几取攜便叢桂小  
山堪逗遛閣有秋屏曾鞏蹟匡廬萬仞豁雙眸石  
磴散步籓籬撒江阜開堂舒百憂帝子危樓遜幽

雙溪草堂詩

卷六

七

絕天光雲影兩悠悠煙江疊嶂圖書古溢浦西山  
對面收我到正當冬始孟潦清木落水波柔獨尋  
蘭若逢奇勝空手寶山何所尤雲物依然千古意  
乘除多少萬年愁悲歌憑弔無窮極曠色催人歸  
路修半月西江遊展促羣公何暇話滄洲揚帆明  
日乘流去太息何年再狎鷗

卽事三首

洶洶風聲空外急鳴鳴客子短長吟荒灘聞寂無  
人語聽得篙工繫纜音  
孤舟夜泊野雲隈遙望依稀一葦來漸到收帆依

岸住同心作伴莫相猜

開窓仰看尙明星那得漂搖漫不寧明日孤帆何處宿恰如天地一浮萍

### 過彭蠡湖

仲冬湖水落極目猶蒼茫遠蕩日華碎近漾波光黃渺渺征帆去遙隨孤鳥翔邊岸山斷續霜老草木荒中有白沙洲蘅杜飄餘芳危檣夾岸出城堞浮南康朔風逐山折翻教帆順揚捩舵不如掌意愜履康莊漁舟迴雙棹出沒孤山旁廬峰逼天際秀色紛青蒼青牛雲外隱白鹿洞中藏何處康王

雙溪草堂詩

卷六

八

谷飛瀑千丈長遠公不可見白蓮池渺茫扁舟且東下鷗鷺機相忘悠然快所適前浦澄夕陽

### 舟中望廬山五老峰

巖巖匡廬未相見湖光平湧廬山面迤邐綿亘氣蒼蒼五老崢嶸秀獨擅有時正笏垂紳對有時欹側相顧眴大都隨地爲低昂亦或因雲分隱現中間端拱尤奇特兩列參差相後先青松古桂爲衣裳瑤草飛泉供清膳憶昔讀書白嶽巔四時五老最交善倏然契濶廿年餘今日新知復戀戀君不見商山茹芝四老人出定皇儲漢祚莫又不見洛

下會中萃耆英將相功名青史綯諸公今皆安在哉獨此插地摩天老不變

### 大孤山

萍萍平湖裏孤標勢自奇匡廬甘北面彭蠡列東籬塔古征帆指臺荒過客悲紛紛看來往頑石也應嗤

### 早發

早發蕪城暮湖口經程一百八十有遙遙彭蠡笑談過嶽嶽廬山鞭撻走遊人快意眼張天狂歌一篇酒一斗吼風入夜船猶動數問長年纜穩否我

雙溪草堂詩

卷六

九

生胡爲此勞勞欲訪陶潛舊五柳

### 湖口石鐘山

盡盡江面石一邑鈴門戶水漲頭角昂水涸全身吐或如人獸形或如刀劍舞上擁古苔青下刷無寸土確如洪鍾聲水石相擊怒老僧好清奇倚石開茅宇伊昔荒城郭船稀懼風雨樵關始自今賈船密如堵坡公泛月來佳文記所睹茲余破浪遊狂飈戢雙鵬晤爾堪怡神明月照江潯

### 江宿

浮生真汗漫萬里大江天入夜傍漁火凌晨侵市

烟孤城青嶂麓古剎白雲邊日日驚濤裏何時得穩眠

贈瞽者

善說

生長原東海遨遊到楚天長江渺一瞥短劒說多年不肖看時俗翻能述往編高談真聳聽客意轉悠然

題潮音庵贈僧坦然

巖邊結屋真清絕况復長江萬里雪磊磊茫茫過此生一瓶一鉢無它說

官牌夾坐風

雙溪草堂詩

卷六

十

五里離城郭長河岸幽大江連谷口遠水接濤頭人集微成市風歸急解舟廬山無捷徑竹杖幾時遊

憶長兄

千里音書隔深冬霜雪清探梅應憶弟聞雁每思兄杖國年尤健萍踪浪亦平幾回江月夜飛夢到柴荆

過九江懷陶靖節先生

先生振高風系出長沙胄瀟灑出塵表浮沉嚴去就五斗不牽懷三徑花長秀歌詩寫性情彈琴復

飲耐時代非義熙白雲還故岫時入白蓮社企石挹懸溜慨自漢魏來清虛釀禍寶獨立挺英姿心迹雙無疚我行匡廬間宅里訪其舊五柳雖不存遺蹤花草茂朗誦歸去來跋足芳軌後

晴江

晴江天宇澄水靜平如掌兩月泛客與不畏勢湍決霜清積陰寒日照微風爽坐看波紋洄側聽柂底響舟子貪滿風口燦呼蕩槳世人每好驟尺寸終尋丈進退良有時君子慎所往

不寐

雙溪草堂詩

卷六

十一

冬夜不肖明轉側何時已老來心力弱思多神益靡文章不精進德業恐中止上天與我全順事由踐履丈夫立名實草木同化恥身世兩茫茫勿令紛念起

舟課四事

讀書

古人迹已往燦列在典墳森然昭法戒所貴考研勤苟不親古訓理義日紛紜燈燼膏油沃塵氛書卷薰哲士三冬足高騫超其羣敢謂征帆忙而辭繙繹慰

吟詩

性情何以宣發越在吟詠琅琅三百篇抒寫不離  
正忠孝多憂思憤惋依義命歷來大雅林登高詞  
賦盛顧我魯鈍姿慚無句法今所觸難已懷村妝  
時露觀累積成篇什檢點多聲病

觀山水

詩書我性情山水我軀命每有可怡神流連日夕  
竟畢生難遍遊身到莫教剩江湖浩蕩觀黃廬嶽  
色映磊落多幽奇烟波助涵泳古蹟可追尋憑弔  
舒長詠豈日耽玩遊聊以適吾性

雙溪草堂詩

卷六

三

靜坐

人生擾擾間靜觀乃自得周子無欲訓萬世開法  
則程子見靜人稱為善學式匪徒形體安凡以固  
潛默省察先存養惟靜故無息勞勞滿天壤何處  
冥知識扁舟人事忘朝昏假片刻

有感

江河流日夜年歲恨蹉跎鬢白鉅還少牙疎剔覺  
多觀書目愛閒散飯腹常摩晚景添情態歸心逐  
浩波

夜聞簫聲步少陵韻

簫聲聞月初上孤帆浪湧隨所嚮客中懷抱愈  
淒淒江邊鼓角增悲壯從者衣單號夜寒况復長  
風激奔湍垂幙挑燈羣擁被人生遠道何艱難

江風

皇天無偏陂萬類各有適往者順欣欣來者翻苦  
逆順逆有何常人自私其役所以達觀人燭理勿  
徇迹常以有我心推準人地易造物有機權遲速  
難強迫時事每相須澹寧鮮不懌

楚山

霜氣肅羣木岡巒疊如砌楚山多跌蕩黛色凝遐

雙溪草堂詩

卷六

三

睇時蟲嵯峨觀忽縱平遠勢斷續何蜿蜒東西復  
迢遞遙矚無根株中有珠聯綴江流渺虛白面面  
呈奇麗欲訪桃源路尙想洞庭杳浩然天地寬清  
風爽襟袂

楚江雁字二首

自是無心侶臨風陣幾行偶然符韻籍何意合鍾  
王洲渚憑沙宿高空帶暝翔稍梁隨處得偏愛涉  
湖湘

道路關山遠春秋南北忙羣飛咸有序風急自成  
章美爾多兄弟嗟余少輩行江天紛漠漠遙影落

何方

蕲黃江石

江水徂冬歛迸石浮波上倒臥橫半江嶽崎逞異  
狀連崖根虛無斷岸磯骭髀南北對峙開崢嶸敵  
勢壯絕境寧虛生城郭面相嚮所以古哲人遇奇  
詎空放搜討無遺踪磊落復跌宕我來掛楚帆觀  
此神怡曠風帆遠西行客懷轉惆悵

赤壁

才人每托迹山川獻奇特流覽著篇章今古增物  
色柳州關愚溪刻畫無遺力杜句半西川草堂留

雙溪草堂詩

卷六

古

剩墨黃州赤嶼山橫撐大江側日月恣吐吞波光  
望不極樊山左對峙武昌亦西逼破曹詎在茲借  
文抒胸臆豐碑遺翰香榻工神不忒片紙等連城  
未教苔蘚蝕躡登最高樓星辰儼可拭山鐘起暮  
烟漁舟蕩如織層波漾夕陽衆鳥紛歸翼樽前天  
宇寬心目出宏域仰止二賦堂千秋心所式

題赤壁睡亭

當年一醉臥江干明月清風尙未殘自昔到今多  
少恨先生只作夢中看

遊西山靈泉寺登絕頂

自有蘇公遊西山名始著琅琅數篇詩恍惚千秋

遇我來值深冬蕭疎清百慮穿城出西郭行行入  
雲霧九曲躡層磴坡仙築亭處烟火橫萬家江流  
迅東注北轉叢林幽修篁雜蒼樹丹碧梵宇開層  
層軒檻具山谷有遺墨松風起思慕有山谷松僧風閣額  
話慰孤懷茶甌滋客趣委折尋深塢攜手登山路  
絕巘坐臨風江山仰一顧西連樊口湖北望黃州  
渡吳王迹已陳避暑基猶故寺即吳避暑宮舊址浩劫無窮  
期百年詎云暮歸路訪寒溪回看夕陽駐

西山九曲亭

雙溪草堂詩

卷六

五

樊山東走九紆迴亭傍松根髯老開何事短牆圍  
面面江山不放入亭來

登湖口下鐘山絕頂

全湖入大江橫亘有芳洲怪石從茲砥江湖三面  
收嶽崎通曲徑碑兀起層樓屢折牽衣履躋巔若  
平丘巖城立危磴雉堞環山陬遠望極天淨餘鯨  
渺浮鷗簇簇石龍從鐘聲隨客舟寒風撼四極時  
動飄搖憂乘興窮絕勝遊癖庶有瘳

皖城渡江

水宿經三月遵途適此時乍離驚浪險已慰故鄉

思塔入江流動風迴帆影遲危樓猶在望山路漸  
逶迤

貴池道中

池陽連婆壤辭水就山行小澗通林曲初陽出岫  
明人家隨斷續石壁亂交橫飽歷艱難路前途剩  
幾程

霜

凜冽風威甚客行衝早霜飛空無定跡著地有輝  
光比雪寒猶薄沾林氣帶傷衣裾拂不去戀戀意  
何長

雙溪草堂詩

卷六

六

石埭道中

羣木層崖出千峰一水橫野烟隨樹變寒鳥傍籬  
行肩擔盤山苦船篙上瀨聲勞勞休息少且慢賦  
閒情

日中

向暖風威減方中日色溫爐存晨種火酒近午時  
醺寒潦乾能度長原折愈分僕夫爭賈勇嶺上看  
鄉雲

蘆林橋道中二首

野烟似停雲亂石如堆雪日色映寒冰照人心愈

徹

小橋頻渡水循岸直窮源嶺上泉飛瀑流流赴海

門

釣魚臺

臺名傳自古誰是釣魚翁亂石千莖豎長河一線  
通巖幽人跡少地迴道心空緬想嚴陵瀨清波漾  
晚風

旅閣水聲

夜靜征塵息冷冷到耳根高如松籟發細似茗濤  
翻觸石白驚雪迴溪清遠門誰彈琴裏曲宛轉滌

雙溪草堂詩

卷六

七

蠶煩

早行

早行猶秉燭百里促歸程野屋留霜色山橋咽水  
聲筍輿飛鳥疾書笥片雲輕颯颯溪風起侵衣氣  
益清

過大洪嶺入新安

萬山盤未盡兩郡嶺頭分磴底鳴寒溜林梢抹宿  
雲陰崖殘雪霽細逕早蘭薰茗椀逢僧話村烟帶  
夕曛

雞兒灘渡口



山行頻渡水官路盡依河兩岸  
沙洲渚孤村隱薜蘿探囊尋酒肆  
坐石聽樵歌前路羊腸徑雲來溪上多

過傳岩懷余飛霞

奇峯真突兀縹緲迴人間  
雲氣飛猶住仙蹤去復還  
賁來惟白石駐去是朱顏  
託跡青天上何時許一攀

步小園課童子護花果樹

野館千竿竹人疎徑就荒  
遊時思石供臥去覺松香  
橙橘多經凍根株好護藏  
栽梅防一翦插柳記

雙溪草堂詩

卷六

六

成行籬落須添棘蔬畦畏壓霜  
蕉枯連露剝茶嫩慎風傷  
幽事勤相課閒情任所將  
田園娛老計今日趣偏長

雙溪草堂詩集卷六終

男文英謹編

雙溪草堂詩集卷七

休寧 汪晉徵涵齋 撰

古今體詩八十九首

乙亥至庚辰

乙亥元日

今日是今年春風到綺筵  
梅丸紅綻雨松幹綠參天  
少長衣冠聚高會規矩傳  
爆聲牆外發聒醒醉翁眠

元日雨雪

殘臘交春已十天梅花香暖入  
新年雪飛白地人稱瑞雨潤  
青郊樹覺妍物候似催行李  
色風光漸

雙溪草堂詩

卷七

一

使客心然欣觀大地同沾潤  
萬化昭蘇在眼前

初春別族父老

五載棲遲戀故園告勞不敢爲  
君恩離筵已盡燈前醉別緒  
難忘馬上論里社敦龐存故  
老文章佳妙賴諸昆祠堂再拜  
無他說家國同歸荅本根

發休寧城

征旆悠悠別舊疆山城雲樹漸  
蒼茫雨前茗茁春方吐雪後  
梅花暖更香十里前旌叨祖席  
廿年通籍尙廻翔人生出處關  
忠孝不用牽裾淚兩行

經績溪新路

曾記黃門返故鄉山間徒步指斜陽只緣峻嶺役  
夫散遂使歸裝中路忙忽睹砥平更蜀道還經谿  
壑轉周行世間險巇都如許共底康莊大道昌

鎮頭集

踰嶺肩初息村烟亭午時當爐傾竹葉開閣把松  
枝水落東西澗山迴南北達經過凡幾度追念轉  
凄其

旌德道中

稠雲碧樹兩依依遙望山城隱翠微野水碓邊多  
曲徑客亭溪上倚危磯山迷歸鳥投林晚岸接長  
雙溪草堂詩 卷二 二

橋過路稀正苦西風吹暮雪酒帘搖颺出荆扉

雨途

霧氣漸陰濛肩輿觸北風河流添早漲山樹發新  
叢臺笠層裝箬書囊密裹棧江南春月道大半雨  
聲中

度重山關

古隘將傾落歸然兩阜中何嘗成險隘徒自被兵  
戎松樹初春色佛燈宿火紅行人閒太息白骨朽  
山空

下坊渡

三分春光忽去一梅花落盡杏花出朝朝苦雨天  
影昏行人驢背愁顛顛下坊河流增壯濶渡人理  
楫何輕疾獅蹲象踞岸巉巖邇邇來步履亦惕休記  
得當年經過時飛揚意氣髮如漆

仙石舖小憩

石墻竹屋野人家一派疎籬帶水斜坐向清渠塵  
事斷安爐汲煮雨前茶

旅宿卽事

關山迢遞京華路風雨凄其二月天茅店窄容新  
舊客濁醪醉入古初年燈檠夜半難禁冷襖被天  
雙溪草堂詩 卷七 三

涯自穩眠世路艱辛能熟耐從他喧噪總恬然

讀放翁老盡行人路如故之句有感

老盡行人路如故衣裳濡透關山暮三年兩度南  
陵道池塘溢出山邊樹青青遠矚麥秀田歸鴉濕  
叫編茅屋肩輿雨汗不分明愁歎呻吟窘跬步皇  
天沛澤本深仁何必淫淫恬不顧眼前泥淖豈須  
論但恐秋成雨不足憂懷徒抱無終補老盡行人  
路如故

賦得春流處處深

風雨連朝暮滂沱四野平疇成澤國山谷奔湍

瀉草芽沒芳青泥潭滑與馬聖王勤溝洫蓄洩法  
無假若徒諉天公旱澇愁春夏惟冀雨暘時庶幾  
歡里社觀茲泛溢餘憂淚幾盈把

雨發江寧鎮

風輕雨脚遠山橫野水茫茫獨客行曲港小橋楊  
柳畔茅庵清磬兩三聲

山東路見桃李花盛開二首

那知春色好瞥見李桃花風雨兼旬過輪蹄古道  
除東蒙多茂樹南兗富奇葩彷彿家山路東風逐  
影斜

雙溪草堂詩

卷七

四

晴晝娛春暖他鄉感物華時疑過客眼偏傍野人  
家大地成金谷清溪映綺霞秋來登果實何異藝  
桑麻

都門病中自遣

病名為癘真是虐冰寒火熱相繼作間日一至不  
爽時恰似從前有期約我生五十有餘歲未受疾  
病相纏滯春來驅車走長途飲食燥濕多繆戾入  
夏忽嬰此疾煩依依藥竈無朝昏人言有鬼我不  
信豈有邪祟作疾疢昨宵有夢到南天豈知牀褥  
尚遷延人世虛名皆塵土歸與歸與好種練水津

頭二項田

臥病

伏枕當初夏窓日遲遲晚煩聒不休夢去幾回  
反筋力忽已疲連旬未曾飯惟閒得願神萬慮無  
繾綣

病間夢中得游心漸喜遂丘園句覺來足之  
高臥那知世事煩得閒應使病除根經旬藜藿堪  
供饌三月軒車未出門抱膝纔知容嘯傲游心漸  
喜遂丘園即今客舍無塵雜更取南華一討論

中秋同叔省齋兄幼安諸子姪看月次韻

雙溪草堂詩

卷七

五

帝里優游令節閒深尊傾倒比潺湲天光霽處高  
談迴月色空時俗慮刪桂樹馨香何縹緲竹林嘯  
詠此追攀天涯縱有悲秋意今夜同歡自解顏

寄園次趙恒夫給諫林臥遙集韻四首

仲宣久已懶登樓躡履重來訪舊遊古樹依依當  
檻出層巖曲曲引泉流圖書興愜仍揮灑丘壑緣  
深好逗留不盡高懷聊寄趣黃花碧柳幾春秋  
驥足由來迴出塵花茵石枕養吾真樽前賓客誰  
知已天畔音書想故人鶯助嘯吟聲更好鶴教導  
引頸常伸謝安會起東山榻豈合山莊隱釣綸

十載郵筒契濶餘園林乍過羨安居胸藏天下無  
前志架滿人間未見書對客銜杯新調奏臨風待  
月綺窓疎旌麾近出齊東路尺素遙頻寄鯉魚  
世事誰堪細討論琴書古意自思存王猷壯處喬  
聯梓家學承來祖復孫著作不辭尋舊草招攜還  
復倒新樽周遭延賞渾忘倦老樹牆邊倚石墩

輓東明袁烈女

境遇有順逆至性本天常世俗隨物變志人秉直  
方昊天昇爨倫全歸實所當妻道即臣道閨門振  
頹綱欽彼袁氏媛內則奉圭璋幼知事父孝父愛

雙溪草堂詩

卷七

六

等兒郎擇婚敦敦宿好莫如舊姻良之子歎亡祿禍  
結忽聞殤明誓在今茲之死矢不忘有嗣撫其孤  
無續潔冰霜三年妝閣閉輟食謝空房隕命報所  
天稟稟日爭光嗟哉鬚眉子史冊慕流芳一旦情  
委繭大節或虧傷對此巾幗儔得無惡中腸

高宮詹貺佛手柑二首

最愛秋香好霜催橙橘時客心耽逸韻佛手擅幽  
姿淨几情彌接輕幃夢亦隨贈遺托蘭契紉佩以  
爲期

拈花微笑後嘉實馥秋林異質炎州產清芬上國

珍駢枝疑絕俗蘊籍幸諧今掩幔儲芳氣悠然動  
遠心

宅後葺數椽爲肄業處二首

小築臨空際天澄碧影寬傍籬宜種竹依砌好栽  
蘭以此娛清境因之發采翰更教留皓月觴詠任  
盤桓

需次來朝市林泉習未除幽期尋石澗清夢把圖  
書菊徑荒區闢花磚日影疎風塵堪托足搖落免  
愁余

王文學雙壽詩

雙溪草堂詩

卷七

七

春光艷艷令人醉共慶華堂壽筭開天上兩星輝  
斗極人間雙樹鬱蓬萊青藜色借瑤編見玉珮聲  
隨瑞靄迴最是仙家多勝概六琬奏罷舞衣裁  
壽張魯綬進士尊人

滿目濃陰映瑞堂笙歌迭奏慶瑤觴毛公壇側靈  
椿老角里村邊彩鳳翔華國文章騰紫禁傳經紱  
誦播青箱南雲遙望慶天保會見丹書下廟廊

暮春雨過蘆溝橋

高樹雨添青出郭諧極目白波送微涼橋榭斷還  
續陽光時出沒行裝盈一束驅車指岱宗僕夫轉

瑟縮攘攘歎時艱何能遂所欲

次涿鹿遇主薛澱學士祭告還朝

契濶七經旬相逢范之許君爲王程勞我行客路  
苦祝幣表寅清芳香薦蘭杜帝王各有歆虔申歸  
報主時艱訪友生邁征歷齊魯邊關畫角鳴愁  
思增縷縷春光不可留柳花隨燕羽里俗饗嶽神  
揚旗復擊鼓歡會寧偶然懷抱相傾吐樽酒佐清  
言夕陽駐遙浦

定興東林寺古槐

誰插五株槐禪房幽而黦蒼翠照臺階昂藏勢盤

雙溪草堂詩

卷七

八

屈枝幹漸升巔落落還鬱鬱老僧爲余言志乘記  
森蔚由來歲月深先代曾噓拂嗟余山園中兩樹  
相對屹挺秀幾百齡邇來頗不苑江南地力微栽  
培苦難掘觀此叅天姿逸興何大歛步履發高吟  
風聲耳根拂

定興韓家寫園看牡丹二首

地關東南境畝餘四十寬依城栽密樹汲井得清  
瀾名卉成方圓疎花剩幾團客中聊寄目鄉思動  
千端

廬市見喬林悠然物外心孤亭千樹裏片石一池

深看竹無人問拈花且自吟最憐香染袖三徑待  
重尋

武邑和吳鶴亭令尹四首

樹色陰濃氣漸溫勞車馬擾晨昏欣瞻渤海三  
年績且罄平原十日樽羨爾斑斕長奉母愧余老  
眼盼添孫半生踪跡何堪數共憶同游金馬門  
借榻精廬也適宜草花香煖對初曦月明旅店人  
行早酒散殘更客睡遲索句詩成堪博笑敲枰戰  
勝亦舒眉登堂更有琴聲好儒雅風流自可追  
麥穗生岐碧色寒他鄉知己慰愁端南天疾苦孤

雙溪草堂詩

卷七

九

臣泣

吳前任北關封章

聖主看給諫撫字殘

區恩通易離憂十載路行難風塵大半多悲慨揀  
醉如泥強自寬

天涯把臂夢中如積緒紛紛盡豁除喜見鳳毛騰  
瑞彩行看鶴爪下徵書風吹郊外農桑足月到天

心院宇虛整理征衫明日發依然別去歎離居

南宮旅次張映繡學使夜話

天涯宦跡各升沉消息黯然十載深剪燭難消長  
別緒傾杯聊慰乍逢心冰壺拭淨風追昔玉尺平  
衡頌至今屈指頽齡誰健在悲歌莫使淚沾襟

廣宗縣登東城樓

他鄉強出遊乘輿一登樓曲港多潛鯉頽垣布小  
丘麥風入郭靜山影隔烟浮北望平蕪裏悠然想  
帝州

送高宮詹請養南還

秋雨霏霏灑上林宮端歸養主恩深駕隨瀚海  
參方略石掃天山紀捷音北極自須論道口南陔  
且慰倚閭心知君不是尊鱸思行樂潘興永嘯吟  
依韻酬東林諸子見寄

雙溪草堂詩

卷七

十

高論塵尾風生滿座春

同調遙傳錦字新鄉思忽動北遊人孤懷却愛千  
峰雪又對西山送一春

九月二日祀帝王廟二首

志祀崇三禮昭虔享百王春秋陳俎豆明且發馨  
香道啟唐虞統臣依日月光兩廡廡皇心勤鑒古  
敢不肅趨跼

秋深夜氣寒昧爽謁高壇珪璧將元老簪裾肅百  
官駿奔諸樂舞裸獻格神歆天祿綿昭代皇圖

永奠安殿額影德崇聖

秋日同梅桐崖太常過神樂觀二首

緩轡仙壇路高秋此日晴入門花竹韻登閣畫圖  
清野曠千林影天空一雁聲浮生閒不易流覽倍  
含情

最喜尋方外冷然塵慮開魚游碧水蓼蔕覆綠墻  
苔採藥山人去添香童子來坐移亭樹影相賞興  
悠哉

雨後早寒入署

風聲淅淅雨聲微振佩登輿初日晞曲折衝泥逢  
舊識淡濃布畫見新機階前古樹槐陰冷市上秋

雙溪草堂詩

卷七

十一

花菊蕊肥寒氣履霜知漸列貂裘黃酒幾時歸

九日

每對黃花酒蕭然與自來山川逢雨後鬢髮覺平  
催塞外龍旂駐江東雁字迴鄉關望不見何事又  
登臺

菊

三載京華客黃花幾度新東籬懷故國剗雁感鞿  
人竹石原相待圖書尙未貧啣杯歌永日莫漫負  
芳辰

賦得七夕今宵看碧霄以相賞有松石間意  
七字爲韻集字限韻

排律七首  
首十二句

其一 黃香先梁襄相

巖花酣吐紫丹葉乍流黃斗柄鋤纖翳梧根吸細  
香經廊閣梵響坐院望蟾光攬縷梭添線臨河鳥  
借梁分籌襟自快琢句錦為襄淹泊吾曾慣持壘  
且勸相

其二 樊上與綢繆賞

呼朋愜素懷秀麗慚推獎隱隱琴絃歇迢迢露氣  
上交聯吟詠繁睡起簪裾爽林滿鋪成茵簾多縈  
若網憩庭邀雅趣澄日結遐想絡繹繡紅堆醉心

雙溪草堂詩

卷七

三

祈鏡賞

其三 右紐日偶藕有

月暈轉墻陰佇遲懸磴右朱芝匝塢圓綠藻橫洲  
紐杳接雲中娥應疑桂邊日鉤環抱好音鳬雀求  
良偶玉盞引霞漿銀絲裊雪藕境饒鬱澗深曠絕  
余何有

其四 濃容從逢封松

窓檻迎樵岫冷然滴翠濃勝遊殊俗迹淨室愛芳  
容渺渺人難就依依夢可從敲金皆促節織錦更  
初逢筍熟瓊觴錯枝垂苔徑封一身安檢約拍扇

指寒松

其五 驛碧夕核隔石

名區當郭西叩訪似乘驛樹影正浮青荷翻遙映  
碧小橋樂曲紆做榭宜朝夕脂竿憶烹鮮盃盤供  
擲核丹山此許通神侶寧終隔支杖忒窮披烟蘿  
枕古石

其六 顏裴還班顏間

繫綵期生巧尋仙獨得頑蕉軒題子墨紙幄澹烟  
鬢溽暑移巾散清秋放鶴還笑談聆塵馥縹緲眺  
筠斑孤嶂時招客村醪幾解顏仰觀天可問閒息

雙溪草堂詩

卷七

三

菊梅間

其七 竊寄易遂淚意

佳會足慇懃新詩勞寤寐誰耽耕釣思早用魚鴻  
寄研席融于壺醪傾易易蓼莪粉面妍瓜竹歡  
情遂鄰馨擊忘憂妝臺看掩淚凌霄願合酬飄忽  
飛鳴意

晚春集慈仁寺海棠院次韻

歲歲海棠看不厭今朝花下互傳觴可知薄暈連  
朝酒更憶低垂半面妝古寺風微含逸韻小山日  
暖護餘香最憐院靜人歸後嫩蕊嬌紅只自芳

蘆溝訪盧太守未值

輕風浙浙怯春寒柳眼微舒並轡看岫色遙鋪天  
一面村烟細裊樹千竿維桑近自需良牧中澤何  
人報永安重趸未辭將下悃臨流惆悵未瞻韓

趙恒夫給諫招兒子文炯倬同諸公集寄園

分韻賦詩文炯得疏字倬得雅字依韻遙

賦二章

風塵老古今苦難清百慮鄉夢到丘園名都逢勝  
處樹石開幽奇泉流紆洞注春深草木長嫩綠迎  
人吐臺敞柳新舒橋欹晚烟渡萬卉簇芳妍老木

雙溪草堂詩

卷七

古

矜蟠踞三餘時過從頗愜山林素今茲羨快遊詩  
酒聆歡趣主人壇坫雄諸寶文史足高談動碧虛  
精藝面能疏稚子解就書漫學邯鄲步冀北虛驂  
騶終邀伯樂顧衰顏志伏櫪見獵猶生妬涼風襲  
我裾時雨沾泥路廟市買新花參差課童布濁酒  
只三杯論文無限數姻亞瞻衡宇異地聯親故高  
歌銷永日且莫遄歸去

雨後潤新畦蒼苔明古瓦好風起樹間曲竇迴湍  
瀉飛費繞碧欄磴道新花結野鶴遠相依游魚聽  
未捨童冠列錦茵片石深杯把風流續習池勝事

追白社鐵嶺稱飛將宛刻溪舊文雅在環谷與東

山傳經盛名寡哲肩孔季交榻移倚樓下上人有

客翩然來羣曰若東夏西華宗富鴻儒佳藻足牽

惹騷期小阮絳帷開泉石供揮灑紫軾轍逢歐陽

况復勤樽竿論文近口邊清思競抒寫揚鑣騁達

衢述作追班馬爽氣淨塵氛攄懷無托假絕調陽

春詞誰是和歌者潛夫老著書時還遲天冶

初夏同年招集常家道院看牡丹

每緣齋祓淨壇來此際尋芳亦暢哉曲徑藤垂香  
撲袂孤亭樹映綠盈杯色分紅紫迎人笑花結樓

雙溪草堂詩

卷七

五

臺對面開廿載襟期欣聚首良辰勝地共徘徊

中秋招及門諸子集齋中次韻四首

聚首金門且合歡少陵風味具盤餐秋當八月八

初爽月得繁花氣未寒建監助飲中外爛裁成文

武鑑衡寬脚杯共盡今宵興立馬天街玉露闌

秋來此日得尋歡俸有餘錢愧素餐節序遷流鬢

鬢改雲霄志氣斗牛寒世途東下徒增歎吾道南

傳強自寬遙想故園今夜月蘭馨桂馥共團圓

斗酒新儲可盡歡吾徒勸飲更加餐南來眷屬福

舟近北望 鑾音塞路寒時幸關外報國文章期



振靡勞心撫字尚崇寬階前紅紫秋花盛露下天  
高爽氣團

老來知已喜言歡文牘詩腴日共餐泥甕初開嘗  
宿醞綿衣漸覆怯新寒應酬懶去心常靜貧病攻  
時帶自寬令節聯吟成勝事坐移月影落花團

送徐華隱學士歸嘉禾

封章修爾奏 楓宸歸去青山五柳新半醉綠樽  
娛永夕閒吟白雪樂清晨友情偏自疎中切交誼  
還從別際親更羨鴛湖明月夜扁舟欸乃最怡神

秋海棠

雙溪草堂詩

卷七

六

弱植天然賦媚映北堂嫩莖凝宿露密葉簇新  
妝幹讓垂絲挺姿分西府芳秋階多點綴憐汝動  
柔腸

蓼花

亭亭凡卉表搖曳逞風前紅粟朱垂蕊綠荷碧照  
天巡簷頻亂眼步履儼隨肩何限江南興寒沙野  
水烟

勞封公祀鄉賢

長水滌洞稱澤國襟江帶湖最奇特奇山靈秀接  
語溪此中間氣鍾耆碩勞公盛名川岳輝家有賜

書噪鳥衣組織五車精著述深隱何妨知者稀學

並季通追芳軌一生衾影洵無愧區中大雅仰扶  
輪希文更喜行博濟當年梓里粒食難酷吏徵漕  
民力殫公哀窮簷代出賦八千石粟輸之官似此  
一端概百善澤被鄉邦誰不羨義方教子作名卿  
別歷諸曹邀 主眷紫誥疊膺意澹然嘯傲烟霞  
全其天布衣徒步真忘世白傅龐公可比肩厚德  
在人真不朽輿論追思如一口使者采風重瞽宗  
特署公名奏朝右廉頑立懦果非常如公直爲大  
道光漫賦蕪言歌道範遙望山高與水長

雙溪草堂詩

卷七

七

送吳行人歸省

上苑春濃嬌綺繡宮花旖旎開晴畫更有長楊翠  
縷垂絲飛驛路雕鞍驟武木吳君擅驚才少領仙  
班人共推輶軒使節昭丰采四牡不遑宣力來駿  
首 皇途效靡臨望雲屢動倚閭慕况值 聖朝  
使事稀拜疏陳情辭 天府稽蓋從教出鳳城平  
沙芳草綴去旌曉鶯頻轉歌行色到處關山動客  
情屈指歸時尙春暮愛日方餘喜延佇高堂鶴髮  
正婆娑膝下承歡顏可駐暫移補袞裁斑衣氤氳  
染得 御香歸花間扳輿真樂事驚啼萱草報春

暉古來娛親期捧檄那識省覲情尤適故園聊伸  
烏鳥私始信三公莫與易歐母時聞督教深勤宣  
大義勵臣心促赴天家勉亮采他時日下重披襟

壽柘城寶太翁七十

古毫有隱山蒼松天外峙巋然五老堂自昔烟霞  
地共說燕公山今之隱君子理學承庭訓潛心研  
經史置身三代前端方凜行已曾開趙清獻告天  
表素履又若蔡季通袁影兩無愧讀公不欺箴後  
先同一致宜其昌厥後大儒校中秘亦復振宗風

雙溪草堂詩

卷七

太

題仙子獻桃圖

我聞閨風吟冰沍最難得吸露與餐霞下年一結  
實曼倩是歲星元後三偷摘亦越劉阮侶食得長  
生策仙書多不經大年意可繹中州有大儒間氣  
鍾山澤純修本自足不事安期術別駕筆有神繪  
此青城客聊復攜三枚來自蔚藍宅願奉地行仙  
鶴算無紀極

曹母方太君壽

耿耿銀河秋最潔桂輪浴露晴雲接遙望婆華異  
樣明知是北堂錦袍設鶴髮婆娑有誰同翟弗魚  
軒淑氣濃珠履三千紛介祉共言慈範姬郝鍾當  
年同心調琴瑟弋雁相箴何足述歡承菽水潔蘋  
蘩恩周三黨尤竭力晨起丸熊謀諸郎早教雁塔  
姓字香詞壠樹幟喧多傑氣挾風雲翻欲翔今日  
綺筵開七袞宮袍綵袖瑤階集長生妙曲叶雲璈  
還看笙鶴御雲入

送李梅崖方伯之楚

雙溪草堂詩

卷七

亢

半壁提封雄楚甸長江鎖鑰重藩翰風流自昔說  
庾公瀟灑南樓月正燦美公才望嗣青蓮臺閣文  
章海內傳帝識名臣饒經濟化行鄒魯口碑鵠  
當年執法于徐並一塵不染懸冰鏡牂牁將慰福  
星臨忽隆鄂渚旬宣命大儒學術本非常從茲  
撫字遍三湘正已率屬甦民力十千惟正足輸將  
豈徒轉餉裕軍國總持風雅弘教澤妙句高題黃  
鶴樓崔顥而今亦閣筆薊門此日驪歌催珍重元  
規幕府開轉盼政成報天子雲霄曳履冠三台  
輓高顯之大司空

卓卓司空業黃墟歎渺然精心依日月英氣辟風  
烟家起文明會靈鍾弔伐年歌棠今適野避馬背  
朝天西顧山河肅南憑江海平翟圃曾繕學劉晏  
實籀邊馮翊徵東郡司刑擢穎川高名非赫赫休  
度久淵淵屢佇蒼生目虛擔任道肩幾年爲柱石  
一青蹶林泉本擬留瞻式何知溘棄捐不堪風度  
擬未覺典型遷禮愛存鄉酒仁思掩露餅得無哀  
峴首應獲祀龍眠戶尙元勳戟家惟舊客邇每懷  
楊氏德既見褚郎賢定論歸貞碣長悲魄短篇再  
來休化鶴應乞鳳毛全

雙溪草堂詩

卷七

辛

送杜肇餘大宗伯 予告南旋二首

聖代蓬瀛列姓名廿年鼎鼐籍和羹六師獨統安  
邦國三禮親釐佐治平武庫學推黃髮老上台光  
映紫宸明巍巍勲業高中外爭說朝堂曳履聲  
上林禁苑拂薰風弼亮賢勞格 聖衷珍重絲綸  
三殿下從容杖履五湖中樓名烟雨巾車到水類  
駕騫畫舫通早晚重頒丹鳳詔黃扉補袞待元公  
送陳陟齋都諫假旋次留別韻

羨君勇退早還家正值春潮起浪花謔謔當官中  
外重老成去國道途嗟 九重他日思威鳳三徑

今時聽暮鴉我亦久耽林壑趣西溪共訪影橫斜  
初夏珥湖蓼懷兩簷事招集李相國寄園分  
得落字 以花落家僮未掃爲  
啼山客猶眠分韻  
九陌滿風塵尋歡望郊郭夏木茂初陰新雨滋華  
萼綠野晉公開音徽儼如昨良朋招我來綺席紛  
酬酢軒楹敞好風松子樽前落曲徑得芳叢石池  
環虛閣笑語盡開懷敲枰分勝却簪組日羈人遙  
情在丘壑昔賢秉燭遊達觀良足樂陶陶暮忘歸  
游心任寥廓

季秋二日奉 命遣祭城隍廟

雙溪草堂詩

卷七

壬

廿載金闕客三年禮樂場詩書通黼座樽俎答明  
光雞唱呼金勒星輝整繡裳虔伸昭格意菲祿頌  
無疆

閩漳戴節母徐太君壽

婺星朗映耀清漳節孝雙標百世芳獨日青年完  
雅操八旬黃髮正康強請觀母教循良傳還喜孫  
枝翰墨香疊獻椒觴紛彩舞旌書遙下五雲章

初冬引見少廷尉述事感懷四首

不調曾經十四年蕭蕭白髮已盈顛除書今日邀  
宸聽往事回思一惘然

銓衡啟事及微臣鄉貢頻煩

聖主詢已卯六月

細問茲又問疎遠自應難記省故教下里殿前陳

禮樂褒明數載間駿奔常得傍 龍顏欲遷執法

承 天語恩重愚臣似戴山

由來法曜號廷平民自無冤在得情樗櫟未應材  
棟用駑駘敢不策遙程

雙溪草堂詩集卷七終

男世英謹編

雙溪草堂詩

卷七

主

雙溪草堂詩集卷八

休寧 汪晉徵涵齋 撰

古今體詩九十二首

辛巳至癸未

新正二日司成東川弟招集同館次韻

獻歲華筵此最先貂裘環拜逐時鮮

服禁初開瀛洲兄

弟渾如昨花月風光又一年酒力不勝杯減半詩

懷無限律盈千忘機一任霜侵鬢日裏尋歡夜醉

眠

人日瑁湖宮詹招集畫舫齋次韻

年年春酒宴深堂此際襟懷更倍常燈影參差連

雙溪草堂詩

卷八

一

樹影燭光搖曳映蟾光殺蒸不數葦鱸美臭味如

同蘭蕙香座羨妙齡如陸續老夫傾倒愧啣觴

齋宿大理寺署中

暖氣初回月色寒窓中獨樹捲簾看班僚兀坐消

春興山水雄談到夜闌

莫廷尉述華

肅肅風清宜

法署乾乾夕惕儼齋壇來朝浣沐申蠲潔快靚居

欽海宇安

陪祀祈穀壇

聖主求民肇首春土膏方動致精禋明堂宗祀勤

三禮大享升中洽百神庶績雍熙先稼穡羣工肅

穆協臣鄰豐登有象 天顏喜四海昇平景運新

同郡諸公集寄園

輦下維桑氣誼饒早春歡聚話清宵人多舊戚纔  
新識情洽初交勝久要樹老石欹迷曲徑危樓虛  
閣轉平橋垂楊似得東君意欲向風前試舞腰

十五日起暢春園道中

聽漏熏燎肅哀裳巾車於邁指西岡鷄聲喔喔城  
邊路月色濛濛野外霜翠岫依然人自老蒼松無  
恙徑猶荒昨宵清夢頻來去春雪梅花舊草堂  
元夕齋中小飲夜話

雙溪堂詩

卷八

二

忽忽初春已半過喜逢令節迂天和燈前對酒閒  
時少月下論文客裏多街鼓聲喧憑舊俗爐香煙  
裊發新哦經年潦倒成何事只合山中老薜蘿

十六日招同館諸子小集寓齋

春月仍圓夜未央招邀勝侶互傳觴行從火樹銀  
花過吐屬金莖玉屑香一口遭逢鍼芥合廿年風  
雨苦甘嘗只慙野味無投箸漫借清宵引興長

李公凱奉常擢大銀臺喜賦

惠風初暢到堦墀喜見伊人副 主知用作鹽梅  
占異日職司喉舌冠當時三年禮樂昭明信一代

文章埒鼎彝淮海卽今元禮重愧余榜散企芳規

東答侍讀文漪弟貽六七兒字本兼索舊盟

咕畢聲中幼學時晴窗春煖習臨池欲傳鐵畫銀  
鈎法難購顏筋柳骨碑義獻一門親指授機雲二  
妙許追隨篋中檢得隄廩錠聊當山陰道士遺

依韻酬陳心簡

少小已聞名藉甚今朝相見定交新百千億劫雙  
親淚四十三萬里人語到酣時原自壯情從難  
後愈留真莫愁世路無肝膽忠孝由來任大鈞

喜中州冉永光檢討至

雙溪堂詩

卷八

三

三年弊澗歎離羣此際開顏氣自芬一夫名山傳  
絕學重來玉署發高文水簾畫捲花飛座細帙宵  
披月透雲衡宇相依時把臂編摩有托紹前聞

早春懷大兄時年八十七

春風容易動人思况值連枝大耋時兄弟祇今惟  
爾我夢魂那復有分離梅花莊上香千樹柏葉樽  
前酒一卮魚鴈難傳珍重意天涯衰晚益淒其

賀趙松五由員外擢浙藩

聖世登賢多不次欣聞超擢出 楓廷含香正待  
趨郎署秉節何期作翰屏琴鶴隨人傳自舊保釐

奏績德彌馨五經世胄標能事分手躊躇柳色青

二月初五日大雪

冬日既多晴初春亦少雨竊恐田疇間根深無濕  
土煖氣太早舒凝固將焉取萬物歛斯發至理固  
可數中和三日來陰威侵牖戶俄而蔽如珠忽復  
絮花舞萬井灑飛鹽堦前零玉乳稚子集欣欣掃  
作天泉袁旋掃又旋鋪高堆漸如許紙窓暗變明  
老眼書能覩笑指童孺輩我腹笥難補但願歌屢  
豐鼓鐘報田祖

大理寺署述懷

雙溪草堂詩

卷八

四

春雪霏霏滿帝城筍輿入署拂衣輕生來得意惟  
圖史老去關心祇弟兄但閱愛書應盡法欲求生  
路在原情 聖人眷念祥刑意懋簡官師教化行  
春分

春光過已半寒色未全輕花憶江南好月隨薊北  
明曠懷難獨往暮齒尚前征庭樹森芝玉御杯一  
再傾

得家書

三冬寂寂更初春忽接鄉書慰客神三徑無荒松  
竹老九畦方茂蕙蘭新家山久別惟尋夢親戚多

疎只爲貧莫道寸絨容易得昨宵燈燼結花頻

齋中桃花放二首

藥紅花白映堦前乍見芬菲二月天手植芳條經  
隔歲心期茂實在他年雖慚勁質松同古剩有嬌  
姿杏比妍客裏春風今幾度閒吟倚樹倍流連  
長安花事春時少二月山桃亦自嘉淡淡輕粧迎  
日笑盈盈天態颺風斜故園爛熳思千里過眼韶  
華對此花連日晴光增艷冶樽前片片泛流霞  
清明前二日張占臣少詹招同年集有緣軒

看白桃花懸燈樹間  
花更鮮妍

雙溪草堂詩

卷八

五

艷質偏宜作淡粧名花對酒倍芬芳人從閱歷知  
朋好地自蕭疎任我狂滿樹驪珠添倩態一庭艷  
雪佐流觴長安大半閒情少且趁園亭共徜徉  
前題再和東川祭酒弟韻

九陌滿塵氛何處尋幽屋伊人結構新中多時嘉  
木二月艷陽天露桃噴羣玉賢主藉開樽行樂至  
秉燭叢枝爛熳光素肌照眉目北地春無梅占先  
此花獨不屑偶時艷繁華競追逐惟憑冰雪姿清  
標離世濁相賞托知音豈乏陽春曲收筵羅庶品  
濯濯皆新沐但知愛景光何辭醉醺醺飲量盡輸

君看吸百川速賭墅興不違賀勝欣然足

清明

陌上紛紛插楮錢羈懷感惻一潸然松楸待省憑  
歸夢酒炙親澆憶往年風日好時增旅思鶯花麗  
處抱愁眠餞餘舊事羣霄醉應念遊人在遠天

輓魏殿殿明經

正當強仕年倏爾歌薤露幼卽通經史辨難多奇  
悟長更窮濂洛理學稱獨步同儕奉章程成均沾  
化雨王母疾瀕危誠孝乃刲股至性既過人懿行  
難悉數忽赴修文召憂傷遺慈父秩當補袞蒼

雙溪草堂詩

卷八

六

生望甘澍子姓尚振振難弟翔雲路受祉方日增  
莫把飛熊呼冢嗣孝且賢那得不哀慕徒傷亦何  
裨修短從天付

四月八日同人雅集趙給諫寄園限韻五言

排律四十韻

論文招舊侶攬勝及芳晨簪組同嘉會蓬蒿異隱  
淪陰濃纔入夏明媚尚留春曲水牽萍荇小山蕃  
栗榛南樓依老樹北戶列低筠丹竈藏仙火宗龕  
薦澗蘋千層松雪意一幅大癡皴初旭暄猶淺遙  
煙淡未勻拙思如縲緒接席比田畝景物俄成幻

性情自寫真仰睇窮鳥翼俯視數魚鱗骨相稱名

駿編摩耻算縉冠裳滋絡繹風槩本嶙峋瑣闥焚  
章舊夢庄琢句新黃山雲作海白岳石爲娘間氣  
鍾南極僑居邇北辰園林供嘯傲族姓拜絲綸聖  
作中天午時逢巽命申亨衢羅赤紱天路並朱輪  
屢動敲詩與難辭許國身河渠仍策賈烽火遠銷  
秦世運還義昊郊原見鳳麟泉刀流浩浩廩粟溢  
陳陳治理初無迹休明各有因升階叨法曜聯袂  
坐花茵揣分但迂性素餐空愴神常懷猿鶴伴願  
起儒頑人朋友生來命文章席上珍顧茲著作手

雙溪草堂詩

卷八

七

盡是許燕倫前輩欽風格後賢留後津詩書原可  
貴藜藿豈長食筆迅推宗匠氣酣免主臣曲終延  
上坐筵秩樂嘉賓已盡東南美何須勸酢頻煙光  
浮曲檻月色照西隣花欽疑珠露鴻翔謝米困閣  
虛疑泛宅石立象垂紳且極今時選還尋舊路塵  
相如能起草張翰豈忘尊新得忘筌解人生有屈  
伸

侍御張蓮若奏毀魏璫墓和熊相國二絕句

受禍諸臣墓木寒凶渠高塚瘞衣冠在廷大義誅  
奸魄如許封章筆削看

能言不少似猩猩抗疏乾坤憤始平更得相君施  
袞鉞一時快事萬年名

除夕寓齋小飲次陸右民韻

莫將心事嘆忡忡令節啣杯客況同宦跡何心隨  
命達素懷吾道詎途窮兒孫兩地傳佳報四兒嶽  
州得孫三兒通歲序聯吟踵舊風庚辰除  
夕有詩我醉且圖高臥  
穩未明擬集候仙蓬

壬午元日入朝仍用除夕韻

經年興緒總忡忡氣象春回自不同顯達有期隨  
分足芝蘭日茂未全窮早知人事符天意但願今

雙溪草堂詩

卷八

八

時見古風 聖主方求民瘼切中達應鮮歎飄蓬

六十四歌三十韻

兒童集欣欣稱茲六十四六十四年人聞焉翻涕  
泗十四研芸窻芹宮已展翅靈椿花甲週黃海搜  
奇閱高秋獻菊觴天倫修樂事廿四烟兒生崢嶸  
頭角異後母艱未終省闈空守制三四關父憂偶  
拔明經幟易期在歲晚遂憇毘陵地藏修半載餘  
秋風悲雨躡四四衣錦還父老迎轡轡城西別業  
開蘆葉荷香吹五四失荆房重以慈親棄病骨難  
支撐朱顏頓憔悴邑乘久荒蕪大夫敦擬議撝觚

矢水鐵終得成信誌本支居止隘丁壯苦不利充  
拓使高閣羣叨廣廈庇郡邑舉先賢吾親德淵懿  
金陵謁制闡明禋馨宗遂兩世尚淺土牛眠勤寤  
寐佳氣表鐘阜煩費何曾避匆匆四五年勉襄數  
大事重來走京華兩載局需次丑秋拜太常登降  
昭上帝三年禮樂場始進襄廷尉讞牘不敢康求  
副欽恤意集議隨班行因時規措置高高天聽遠  
百爾何能識嗚呼吾老矣遂初本素志

元夕飲寓齋和塾師韻

今宵乍見魄初圓共在他鄉望遠天酒氣香從花

雙溪草堂詩

卷八

九

裏過燈光談自月中傳團圓且喜烏衣集研席新  
瞻絳帳懸良會唱酬尋好句聽君高調似冰絃

奉送桐城張相國 予告南旋四首 并序

蓋聞路公謝政名重黃扉裴相還鄉榮留  
綠野楓宸褒美衛國標一代之楷模梓里  
遂初疏卿艷千秋之圖畫而况五百年名  
世三十載清班忽上引年之表益懷浴日  
之勲我 年伯桐城張相國嶽瀆分靈星  
辰苞采三長卓犖早領臺閣編摩五庫淹  
通特備廟堂 顧問 天恩賜第全家居



傍九霄 帝簡掄才秉鑑風維八代躋普  
天於樂利致率土之謳歌治翊垂裳共仰  
格 天元輔功成解組欲追平地神仙爰  
請乞歸倍邀 特眷重申 天語老臣須  
俟東陸以僦裝更荷 皇慈令子仍居西  
華而入直安車遄返鹿門飽萬壑煙霞別  
業頻遊鶴棧賞四時風月雖付絲綸於哲  
嗣在 聖朝又覲韋平然欽柱石於上公  
惟吾輩冀留房杜徵才慚虎觀職隸鸞坡  
與公子兮同舟竊附昌黎之仙榜幸宗工

以接席得親傳說於經筵久慰依厦之歡  
頓起扳轅之想都門祖帳羣公瞻鶴蓋以  
神移驛路行騶鄙人進兕觥而色動共諧  
榮遭於千載敬賦蕪語以四章

槐堂燮理本無雙風度於今羨曲江早領仙班聽  
玉漏獨標史苑燦銀缸絲綸共識乎 三殿霖雨  
從知溥萬邦裴相何爲思絲野治功久已躋淳龐  
其二

入侍西清三十年學歸誠正著 經筵黃扉大業  
追韓富紫闥鴻文邁許燕齒未懸車辭政府恩逾

賜飭憶林泉安車緩駕邀 天眷詔待春和返舊  
田

其三

自昔明良一德難如公遭際冠朝端西華 賜第  
仍巢鳳東閣抽簪早見鸞 賜第 上仍命嗣君  
時見 天語從容千載遇 宸章燦爛五雲開臣  
心報荷知無極幸付來昆佐乂安

其四

此日歸來繼鹿門芙蓉溪畔樂晨昏棋書浴社招  
賓友絲竹東山聚弟昆奚必赤松誇辟穀何妨紅

杏數開樽 帝思耆舊深存問溫詔頻宣秋水軒  
讀熊相國 御賜澡修堂額跋敬題 有序

仰惟

皇上聰明天竄好古敏求四十餘年以來躬致太  
平一言一事皆可爲後世法其出治之本  
皆得於讀書稽古之力爲多

皇上天性好學造詣淵深而澂川相國實佐之  
皇上宸章雲翰頒賜甚頻茲又 錫以御書澡修  
堂額先生躬行心得爰作跋以暢厥旨精  
義微言復見於今謹述俚言宣揚其盛

聖學無窮期所重在躬修修亦非一端被濯乃日  
休還川有大儒詣造閩洛儔循循下學功力挽世  
風浮學統一書成邪正別薰猶名教中流砥異說  
息紛投吾 皇學淵邃敷政著優優懋簡登良弼  
先生乎應求宜室勤清問乙夜備研搜 聖情精  
翰墨 睿藻匪頒稠近署堂名義澡修筆墨適知  
臣惟 聖主浴德是良謀人欲惟澡盡日新盛德  
周本無遺稟稟固有存悠悠曩括生平業抽繹識  
芳猷闡揚昭至理作聖基有由明良洵一德交泰  
禹臯倅後學咸宗仰則倣紀源流

雙溪草堂詩

卷八

三

附熊相國原跋 臣本魯劣叨侍 經幄最久  
仰見我

皇上睿學淵深遠過前聖卽萬幾閒譙 宸翰揮  
灑如天章雲漢迴絕古今年來御製詩文親臨  
法帖琳瑯焜耀頒賜微 臣者甚多甲子南巡江  
表蒙 召至行在 諮訪維殷 特賜御書太  
極圖說一卷既又 額 臣讀書之室曰經義齋  
於戲 愚臣稽古之榮抑已極矣茲復蒙  
親題澡修堂匾額賜之 臣捧至邸中懸掛廳壁  
并虔鐫貞石用垂永久 臣思從古聖賢之學不

越存遏兩端遏其所本無而存其所固有以至  
人欲淨盡天理流行全體大用罔弗在是澡修  
者卽存遏之謂也澡取其潔而修取其精潔淨  
精微何莫非盡性至命之能事繫辭曰洗心藏  
密論語曰克己復禮皆是物也 臣何人斯而敢  
當諸然而儒生下學固次第井然當其矢志敦  
行孜孜汲汲未嘗有纖微頃刻之間缺卽如盤  
孟銘勒亦義取前圭璧追琢惟功深切劘久  
之涵養純熟體備冲融表裏初終兼綜條貫引  
而伸之約而尋之所謂聖經賢傳大義微言有

雙溪草堂詩

卷八

三

一弗出於御書兩字者乎 臣日夕瞻仰益勵精  
研閱敢惰逸以副我

皇上殷殷獎厲之盛意且以垂示後裔俾世子  
孫咸祗遵 聖訓於弗諉云康熙歲次壬午日  
遷寶沈之次 經筵講官東閣大學士兼吏部  
尚書加一級 臣潁川熊賜履謹跋

趙寄園用四十八字集成八絕索和 謹 寄 七

集字限韻成詩肯賜教者屆期卽刻光臨  
務盡一日之興凡貴相知風雅自命并祈  
轉達恕不再  
速新又堂具

風光與不盡雅韻寄新詩一再邀園集層層肯自

期

園光貴日新雅屆臨風夕期速集相知盡成詩并

字

詩成園轉韻日夕速新知不限臨風具凡期盡并

之

光風詩盡雅新夕又臨七日日肯相邀園詩期并

一

集詩一寄與命字祈新雅七日轉邀光務成風教

者

寄與盡不凡詩成韻轉恕相期屆卯臨雅賜新園

雙溪草堂詩

卷八

古

具

風期知自謹與屆日祈光轉轉成園韻新詩集雅

堂

風光刻刻轉雅集自相期不盡臨園教堂新又迷

之

和冉永光檢討羊裘詩二首

羊裘猶是舊時衣館閣風微未盡微輕煖固辭孤

腋美堅完還敵歲寒威君曾嵩少披雲海我亦黃

山憶釣磯出處何嘗殊故我飲和食德任天機

羊裘猶是舊時衣四十年來願力微聊以禦寒披

故篋惟知適體避風威商山漫說衣冠侶嚴灘偏  
傳雪月磯顏也簞瓢由敝緼孔門樂處有真機

附冉原詩三首 羊裘猶是舊時衣煖力而今

漸漸微不忍弁髦存故物重爲補綴敵寒威入

朝幸免陳三凍垂釣將尋嚴子磯銀鼠紫貂紛

照眼迂翁相對已忘機 羊裘猶是舊時衣歲

月頻更鋒銳微半脫渾疑同豹鞞嚴寒稍仗禦

風威何堪並立侍臣列只合攜歸漁父磯縱令

如韋還作佩輕肥快意有危機 羊裘猶是舊

時衣白髮添多宦興微旅進徒慙依玉署衰顏

雙溪草堂詩

卷八

主

不敢近天威披雲久憶山中塢釣月深懷澗下

磯潤入村氓無復辨鳶魚活潑玩生機

五月初十日次兒移居翰林屏中讀書

兩世承恩到玉除親師博習敢徐徐槐陰枝映瑤

編麗瀛沼紋依錦軸舒經義貫穿朝罷後詠歌嘹

亮夢回餘大醉賴有江都在謂凌子文學士著述行看富

五車

賦得萬物靜觀皆自得應制二首

一氣氤氲造化功飛潛動植本來同天機到處成

真樂物理通時遇箇中有意存誠誠不息無心觀

化化何窮太和宇宙唐虞在萬彙昭蘇景象隆  
魚躍鸞飛天地寬自家意思未殊觀紛營念起無  
非礙體認功深總覺安太極分來物各具羣生合  
處理同團孔顏真樂隨時見何待幽探九轉丹

雨窓卽事

清淨渾如入定僧芸編數架伴孤燈雨能驅暑炎  
威減酒可攻愁晚興增高樹當簾翠滴滴涼風拂  
袂透層層二三童子書堂散一枕羲皇夢亦澄

庭前丁香新秋大放

四時花卉相推謝幾見春葩復報秋色濯林間朝

雙溪草堂

卷八

七

旭映香凝簷際晚風留園丁一望何曾識花譜翻  
來總未收遮莫好音還踵至結將鷄舌掛枝頭

七月十五常朝卽事

鷄鳴煮蠟著朝冠望闕趨踰斗未闌嚴鑰早開排  
闥過曦光初照隔幃看盞簪始就班行列曳履同  
登卿貳壇何幸微臣叨內府得聞宵旰祝加餐

朱蓼花二首

高下映堦前莖長色愈赭迎風舞未休秋意添瀟  
灑  
年年根底發得潤更多花最愛秋陽照盈階散綺

霞

七月廿四六兒生日

舞勺纔當歲初秋此日生文章能屬草昆季可齊  
名祖德淵源舊師傳誦習精老夫高枕畔深夜聽  
書聲

聽七兒讀書

讀書原有種音韻聽來清一覽羣知意細尋漸致  
精六經勤講肄十歲露崢嶸家世安愚拙循循戒  
速成

秋日送修撰東山姪假旋次來韻二首

雙溪草堂

卷八

七

久知鵬鶚出風塵何事清江訪綠蘋館閣生輝推  
後勁松楸素願見先人篋中寶翰奎章麗衣上  
盤花寵賚新最怯老來揮別淚車音又聽響鄰鄰  
秋風送客倍踟躕况值宗賢欲遂初君子立身高  
易退聖人在上敢懷居掄才已入千絲網獻賦  
爭誇尺一書匡濟正須調燮手蒼生屬望有誰如  
五月廿二日到光祿卿任二首

佐理卿班十七年今朝正授主恩偏八駟舊說  
新安少幸破天荒啟後賢

鑒輿將駕競匆匆新沐恩綸非分中佩服清勤

兼矢慎三言聖訓味無窮

仲秋陪祀

文廟恭紀

時修國子監神位移順天府學

金風薦爽動新涼歲事度伸洙泗堂元宰登興嚴

禮數羣工肅穆秩班行曲終三獻飛時雨祭時不雨先後

告大師表千秋佑聖皇曾疏廟庭傳小草休明

文教自輝煌已任學政疏請修學宮特旨允行

陪祀

社稷壇恭紀

每逢社日常多雨今值晞陽豁雨眸圭璧並陳尊

土穀羽干迭舞報春秋一方水旱如傷切比歲豐

亨景福優對越一心昭格在民依國賦賴神庥

雙溪草堂詩

卷八

七

草茉莉

爛熳來人賞何曾種著名朝職千葉發宿雨一庭

清舞蝶因香至繁枝著地縈閒觀頗不厭濁酒共

相傾

秋分日陪祭夕月壇

夜明壇宇在西郊盟薦秋中肅百僚松柏陰森依

素壁冠裳絡繹簇華鑣涼風瀟灑人同爽夕靄迷

離雨欲飄舊忝秩宗諳灌獻向人猶自說規條

絕句二首

從來仕路閒情少知己盤桓亦覺難剩得老朋三

四輩須尋快聚勸加餐

聞道東邦被水災聖明分遣近臣來多方賑救

勤輸輓務使恩膏徧草萊

勵少司寇宅陪弔

秋風蕭瑟響疎簾故老彫零撫几筵聖主念勞

頒白鎡親王揮翰賜鴻篇廿年交好趨臺閣牛畝

園林映史編獨恨耆儒難少駐幾回悽斷淚如泉

同閣部諸公暢春園請

皇太后安

聖母迎涼別苑新起居省問集朝臣炬光迢遞踰

雙溪草堂詩

卷八

九

郊路曉色依微坐露茵例有署名緣教敬恩叨沆

液共沾唇金輿尚駐關山外竚待秋高盼輦塵

八月廿五日早朝即事

明發振衣起輕寒猶襲裾數問東方白匆匆入朝

趨羣公肅冠冕揖我承明廬所言闕竅要微謔博

歡娛巡班甚俄頃署名手自輸忽復解朝衫東西

任所如光祿府居內就府親簿書日行按故牒尺

寸靡有踰稍持侃侃議便與衆心殊雖然塵物力

有時付長吁任事甫三月中腸未曾舒但愧糜祿

糈何由效些須

秋日公凱通政招集恪素堂和來韻

薦爽清秋風日嘉  
堦前繁卉作秋花  
剩有吾徒七八人  
尚存悃悃無矜誇  
歲時杯酒頻來往  
蕉葉碧筒隨意加  
今夕星漢殊璀璨  
萬里晴空翳莫遮  
肴核既具多且旨  
一椀何嫌衆手叉  
御墨高懸知恪素  
蔚然文采何風華  
不知人事誰倚伏  
相逢但說種桑麻  
聞得近來新句好  
狂吟不覺聲啞金  
蘭交誼還敦固  
流光迅駛如奔車

九月朔日大兄八十九壽作歌寄祝

我生四人弟與昆  
及今惟有伯季存  
伯也年躋八

雙溪草堂詩

卷八

三

十九尚能健步行  
鄉村當年我祖令  
諸暨兄生乙卯在  
伊地鑑湖刻曲鍾  
秀靈一洗川巒峭  
激氣廉吏相招作  
門楣坦腹曾遊湘  
水漪結交天下知名  
士張艾諸公見品  
題翩翩落筆富文采  
樹幟詞場成勁壘  
俄遭陵谷有變遷  
拍手空山終不悔  
憂來琴瑟中道捐  
鋤耰無伴理荒田  
租稅虛賠長拮据  
杖頭買酒無餘錢  
有時哦詩調聲律  
有時作畫灑瑤箋  
亦曾占象勤讀易  
亦曾參悟學逃禪  
總是天機足真趣  
人生何事爲兄慮  
養得敦龐元始全  
歷盡風霜無新故  
今年天子播新恩  
粟帛頒來瑞

滿門風日九秋天  
氣好錦堂壽域正  
開樽我在京師椿  
樹里宦情僅飲光  
祿水五雲遙望幾  
徘徊安得縮地來  
稱兕惟願長如白  
岳五老峯正笏垂  
紳無倦容又如黃  
山絕頂數株松四  
時不改青龍蔥子  
蔭千條茂盛叢人  
呼地上有仙翁

家郵至知姪奕病愈喜賦二首

吾兄存綫縷汝病最堪憐  
貧弱因成疾妻兒只問天  
傷心千里切脫體一家全  
生計何時遂老夫屬眼穿

忽得南來信沉疴漸可捐  
秋風堪挹爽冬雪慎加

雙溪草堂詩

卷八

三

綿祖德原同蔭家聲有獨肩  
幾年飽喫飯相見合歡然

菊花二首

每遇高秋後悠然愛此花  
名多載入譜色異爛成霞  
矮傍疎籬發高宜曲檻遮  
凌霜偏吐艷晚節最堪誇

柴桑三徑後千載號相知  
豈爲花應重還期人可垂  
團團清露浥朵朵冷香吹  
杯泛重陽酒陶然共爾宜

題廖蓮山侍御小照和原韻三首

海陽六載播春光，弦誦耕耘日月長。今著繡衣來折檻，獨標風采姓名香。

松竹柳桃景物偏，蓮山風月本無邊。閒庭閒寂焚香坐，別有空明一洞天。

今日唐虞四海春，大廷幽獨著精神。琴絃茗椀閒中趣，卽是經營廊廟人。

### 集畫舫齋再次前韻

建安七子古所嘉，我輩同遊愛晚花。寧說宋唐文字理，豈同晉魏清言誇。雅人深致推賢主，三槐榮戟頗無加。引我登臨致爽樓，西山面目未全遮。羣

雙溪草堂詩

卷八

三

賢競讀日前賦，索句何勞手八叉。珠璣滿壁走龍蛇，難弟新篇擅國華。讀薛翁和一觴一咏且成樂恍如劉阮餐胡麻，容湖述鴈潭柘目前紅葉勝。神遊石瀨響嘔啞，相將探遍幽奇處。願言屈日早脂車。

### 九月初五武兒生日

武也產京都，六歲歸鄉井。所稟朔方資，遲遲發鋒穎。猶能遠浮澆，硜硜知勉。眎我家本儒，素詩書卽倉廩。旣不問科名，丈夫期樹品。聖道傳曾參，以魯得要領。平仲冠元儒，魯齋號自警。明儒推河東，讀

書錄炳炳三賢皆爾師，切實而非倖資鈍。本無妨所懼，功不永悠悠。歲月遷轉盼，成老景志士惜寸陰。時時切觀省。

### 九日書懷

已見黃花九度新，卽今尚作客中人。常留藥裏甦疲困，賸有詩篇答令辰。山水興濃思舊國，交遊緣淺任天真。此時擬踐西山約，何似黃雲一問津。

初冬 上親試天下武進士傳臚甲第恭紀

聖治高千古，皇威播四方。昇平思制勝，選舉莫留良。大典昌期屆，羣英健翮張。五雲翔鳳闕，十

雙溪草堂詩

卷八

三

月集龍釀武庫青，霜肅文韜紫電光。分題齊射策，命中早穿楊。甲乙親裁定，熊羆快對揚。丹霄開御仗，黃榜下天閭。入彀嫖姚勇，傳臚姓字香。干城全豹略，頗牧列鵷行。儒將謀樽俎，元戎壯廟堂。烽煙知永息，重譯盡來王。

### 冬至前齋宿光祿署中

曾叨三載職寅清，每遇齋明儼若深。况值葭灰初轉籥，正操蒼璧覲居歆。寒飈入座將回煖，皓月當庭許靜吟。自分散員無寸補，一誠昭格盡臣心。

### 陪祀南郊恭紀二首

藹藹陽和天未明紫壇光映玉階平雲門迭奏千  
官喜燿火遙通萬國情忝稷馨香明德遠牲牷肥  
腍歲功成微臣忝附趨踰列敢進南郊雅頌聲  
鑾輿西幸傍邊方特遣元臣代裸將天日晴和修  
大報班聯清靜助微陽青煙一縷通霄漢銀燭千  
行照袞裳祀事孔明知帝眷監觀還錫萬民康

臘八日同諸公集黑窰廠慈悲菴

城邊莽曠湧高臺精舍窻虛四面開衲子招邀尋  
勝去羣公絡繹觸寒來棋枰茗椀多情興遠水遙  
山好溯洄簪組幾逢休暇口追攀且醉歲前杯

雙溪草堂詩

卷八

五

封家書述懷

封識平安後胸懷覺灑然詩書勤素業含哺樂堯  
天食祿慚無補懷水凜自全伴緘希長物數畝有  
山田

嘉平八日夢懷學士招同年集飲次韻

廿載幾人同館閣每逢臘節歡共酌鳳管初諧秦  
晉約學士華筵儼如昨時學士娶媳知已披襟禮數略  
煖屋明燈結新萼雅韻如聞搯賀若意氣不曾殊  
聯絡黃柑白笋和北酪藏闔射覆分思索瑞雪紛  
紛欣可噉入地遺蝗都壓縛田家無復憂出作會

見豐亨起民瘼君不見青齊之間暴漲落饑骸枕  
藉相磅礴但願有年浮滿爵太平歌咏非寥廓  
雪石學士設席有綠軒公凱通政病足未赴  
有詩志歉依韻和答

鬢髮看來盡皓然相逢痛飲興何偏清詩夙昔推  
供奉雅會今宵少惡速應昇盤輿來席畔休耽雪  
咏臥窻前瓊瑤寄我消岑寂倚和初成人未眠

廿二日封印

書生初綰度支章七月勤劬底事忙供億但期名  
實核節宣應使吏民康臣心敢謂同冰蘖 主德

雙溪草堂詩

卷八

五

眞能軼夏商一載署衙今告竣紫泥九叩入封囊

廿四入光祿署口號

終年僕僕未曾休亞歲猶來署逗遛若問幾時能  
暇逸除非逝水向西流

壽梁母王太孺人

閨中儀度自從容海內驅車拜女宗絳帳傳經慈  
訓遠板輿行樂 主恩濃王家自昔人如鳳荀氏  
出來號是龍此日北堂多燕喜芙蓉遙映紫雲重  
除夜立春同屠勺滄戴坤釜兒曹共酌

春風又是一年過種種華顛可若何此刻歲除人



事少中宵春到爆聲多會難別易須同醉道遠情親且放歌為更喜燈花含異彩大家春事共安和

雙溪草堂詩集卷八終

男升英謹編

雙溪草堂詩

卷八

美

雙溪草堂詩集卷九

休寧汪晉徵涵齋撰

古今體詩七十七首甲申乙酉

甲申朔二日即事

人生拮据竟何為此日奔忙更可嗤名刺遍投人不見歸輿載得有新詩

日色融融漸覺長宜春帖子報春光先生倦臥閑無事清茗烹來餅餌香

初三日集東川學士弟老學齋和來韻

同來玉署綰綸絲仕路揚鑣任早遲相對一樽春

雙溪草堂詩

卷九

轉候聯吟五字夜深時開懷旅舍無如酒遣興風光尚有詩轉盼園林多逸趣東風早報柳芽知

再次瑁湖宗伯韻

春城景色煥家家薄宦羈樓廈歲華幸有金蘭齊吐馥每逢時序泛流霞留賓異品盤中出驚座新詩字裏誇放直還餘旬日暇應知不必嘆天涯

初四日集蓼懷學士錫類堂次韻

臘節初辭凍春風漸扇和庭閒張宴屢志合問遊那橘酒無嫌少蔗漿豈厭多歡言須命醉醉後且高歌

再次家東川學士韻

清時何必獨言醒  
好友良宵泛醪醕  
四日春光消  
東色廿年老伴許  
忘形分柑錫類歌  
護草紫湖樓  
乘燭良宵倚曲櫺  
我輩偶成文字飲  
敢言太史有  
占星

人日集瑯湖少宗伯畫舫齋次韻

初春天氣最芳妍  
舊侶招攜逸興偏  
樹樹含苞風  
送煖山山獻黛日  
呈鮮容臺主爵逢  
人日客座追  
歡盡大年一擲呼  
盧全得采陶然醉  
倒畫船前  
十一日集蓉湖通政有綠軒次韻

雙溪草堂詩

卷九

二

九陌明燈鬧上元  
何如風月并高軒  
立庭白鶴聞  
清唳繞砌青松露  
舊根僮試新粧諸  
笑謔令嚴行  
酒比鉗髻歡場忽  
動良朋感揮涕難  
禁老眼昏  
十三日集寓齋次瑯湖宗伯韻  
憶昔同簪筆今慚  
列末卿良辰龜命  
酌歡會客時  
平燈月輝將滿金  
蘭誼不輕盤殮無  
俊味欸坐待  
深更

集公凱銀臺恪素堂次來韻

初春天氣散輕寒  
蓓蕾依稀吐嘉木  
同人此際薦  
春盤一間煖透藏  
書屋通政生處廨  
日一間書屋李侯著作直

燭

雙溪草堂詩

卷九

三

壽張箸漢少司馬八十

昔贊中樞聲望重  
才猷早已殿家邦  
文章本是真  
司馬風度依然昔  
曲江共羨遐齡方  
未艾更推世  
德久無雙象賢正  
慰蒼生願好啟華  
筵醉玉缸  
壽通州成翁

塵累紛紛盡掃除  
閒心夜雨憶秋蔬  
胸中浩落千  
觴酒物外逍遙一  
卷書鼓瑟賦成江  
水綠洞簫吹  
罷世情踈拍肩莫  
道洪厓遠胸有煙  
雲任卷舒

遂安陸氏節孝

節孝由來重八埏一門奇烈更雙全纔聞粵客悲  
陽鳥頓令空閨化杜鵑貞婦三更哀殺魄孤兒萬  
里殉重泉江湖隱傳幽恨憑吊堪爲染素箋

### 壽程釜山進士

秋來煙月九峰新正是高人揆覽辰韓范勲名存  
綠野阮劉詩酒傲朱輪曲諧玉琯清聲奏綵舞宮  
袍樂事真更喜茱萸剛酒熟霞觴競進賦靈椿

### 洪母方太夫人苦節

苦節芳踪未可求笄年大義已凌秋水扶旅視歸  
千里身撫孤兒集百憂就食全生穿虎旅清操終

雙溪草堂詩

卷九

四

古比湘流此心早化秦山石風雪年年萬古留

### 壽王母顧太夫人

五雲寶婺燦榮光珠履爭過畫錦堂挽鹿當年膺  
翟茀九熊此日羨圭璋爲知益壽歌新韻花爲延  
齡吐異香仙醴不煩青鳥使萱庭愛日本舒長

### 壽杜聲餘大宗伯七十

星明璿極慶生申綠野堂開歲月新燕許文章傳  
秘省夔龍事業在楓宸歌諧瓊笛翻霓羽綵舞宮  
袍集鳳麟聖主垂裳思舊佐猶煩杖履就蒲輪

### 壽朱母林太夫人七十

姑射山清乍有霜鴈衣爲壽介高堂重封玉笈傳  
南岳迴舞青鸞憶女牀班史久煩彤管錄神鉞猶  
度蘭絲長參橫北斗浮雙竿袖拂天風進桂漿

### 送李禮山宰連山二首

讀書須作親民吏能使窮簷笑口開况復大儒嫻  
治譜坐令異域享春臺蠶煙處處興絃誦瘴地時  
時聞草萊報最妙聽循卓績相期燕市醉金蟬  
十年學道芥平生我友曾推命世英初爲太史  
之蕭寺塵談茶味永於長椿寺講堂書課夜燈明  
紫雲一行吏履敷經術百里花封起頌聲惆悵春

雙溪草堂詩

卷九

五

風歌折柳燕雲粵嶠遠含情

### 讀同年盧子純檢討傳

與君同館得相依孝友深知世所稀將母渾忘非  
已出從兄那得片時違瀛州亭畔編書久金碧山  
邊校士歸蘿露遠歌悲里閨九原難作轉欷歔

### 雨窓

雨天窓易暗覺減讀書功客阻碁無伴才疎句未  
工聽兒談館課染翰答詩筒大雅歸前輩恬吟味  
不窮

### 封家書示兒曹二首

懶握家書筆紛紜起遠思土膏方脉起柳絮尚飄  
遲夢裏松楸念膝前兒女離我兄登上壽巒樂更  
稱奇

拭眼揮長翰春來第一函孫宜晨夕課見著煥寒  
探宦味清於水人情窄似僦應交門外事接物尚  
包含

仲春雪石侍講招集次韻

春宵月影早盈階客既同心景復佳唱和每番傳  
秀句招攜幾度訪幽齋老來更覺朋儔好情至方  
知笑語諸愧我經旬仍病肺彈碁鬪酒少情懷

雙溪草堂詩

卷九

六

春分日劬齋中丞招飲次韻

春光九十恰纔中有事郊壇在郭東

朝日壇  
陪祭清簾

招邀臨翠篠良朋把晤坐條風花邊一局聽碁響  
月底雙燈看炬紅可但霜威能凜冽風流儒雅更

誰同

朝日壇陪祀

東出扶桑職大明昭蘇萬彙著咸亨月時用卯迎  
朝彩玉帛殷紅象日精樹色霧迷郊路遠人家煙  
繞野航橫春花過眼仍留半柳外黃鶯漸放聲

西齋栽松樹桃樹

碌碌逐塵寰無以舒情性刈草葺西齋讀書資遊  
泳絳帳懸其中兒曹業方進階前待嘉卉耳目始  
清瑩偶經花市過松栢垂青陰山桃報春早細藥  
纍纍孕不惜杖頭錢昇置庭除映呼奴掘土深砂  
礫在所擯畚鍤加黑壤清泉來灌潤會見新雨滋  
松枝日向盛桃腮漸漸開淺紅間深靚功勤斯有  
獲力穡秋成應顧茲傳舍場弗辭補苴勝况余桑  
景迫所在宜芳令有酒期共觴有花喜同詠現在  
無安排胸次得寧靜

劬齋招飲再和東川韻四首

雙溪草堂詩

卷九

七

終年何事少安居拋却平生幾卷書朝日壇邊歸  
過午綺筵更就碧紗虛

圖畫屏開午夢回同心舊侶逐春來花迎劬履呈  
初綠杯泛葡萄醑玉醅

煙繞芳郊收宿雨鶯穿紫陌報新晴春宵正好浮  
春酒淡墨燈前分外明

中丞聲望屬埋輪袞袞同登侍從臣我覺倦遊人  
易老當筵不禁憶秋萸

肩輿赴苑途中口號

雨後風吹面朝曦漸透光晴郊欣土潤踈梵送茶

香嗽病良難已鵲班祇自忙何時塵鞅息灌圃看松長

清明日入署有感

節屆清明禁火新家家展墓酒散陳三千里外傷心處杉木干前少一人

杉木干先塋地名

清明前二日同瑁湖蓼懷東川飲蔡湖白桃

花下次東川韻五首

老年春日倍憐春幾度尋花答令辰觴咏及時休錯過年年花發正撩人

巷南近接周郎宅曲徑迴廊匝樹枝最是一年稱

雙溪草堂詩

卷九

八

絕勝半園冰雪淨明時

朝對清風瑩麗日暮看倩飾燦明霞南華一卷差

堪擬不羨吳綾與越紗

紅燈上下映花前樂事今宵勝舊年醉後脫巾銀

髮見瓊枝比並益清妍

碌碌車塵無住日長安難得暫閑身但逢有酒須

教醉莫負名花莫負春

二月廿九日 先大夫諱日誌哀

三十六年泣藐孤久踈省視中茹荼封章雖沐丘泉賁鼎食難追菽水娛漏盡奔趨臣職忝是日起苑啓奏

午餘殷薦子心瘳九原不作哀何補空向青天搶地呼

送南靖令培祖姪之任

吾宗起新安分派繁三楚代挺賢達人蟬聯耀簪組姪幼富才華讀書超訓詁壯歲遊京都秋風振庚午維時次子俱二難人爭覩丑聞先著鞭中原樹旗鼓荏苒八春秋策邑在漳潯茂宰得新才連城重玉圃海疆凋瘵久吏道宜循拊先人舊井州芝山延豆俎爾治自光前行行佳政舉

新理西齋用韋蘇州韻

雙溪草堂詩

卷九

九

經年理劇署傾頽蝸角居稍得棲棟葺因之拓階除春深氣向煖青條結藥初欲添新樹絲先剪舊枝蕪生機覺條暢庭宇恍蕭疎吟咏神思發兒童志意舒鵲鵲暫有託漫憶故山廬

九日陪諸同年步黑龍潭和瑁湖少宗伯韻

登高攜榼指郊原老伴招邀笑語喧一帶紅牆圍碧沼數聲疎磬出荒園塵襟已覺秋同爽酒壚難隨客共翻獨怪龍潭龍不應禱祈曾此費鷄豚昔來京兆常來禱雨

狂風

天清應得少塵埃何事狂風一夜來野外繁花還  
自蔓巖前幽菊坐相催空餘剩馥增悲感僅托微  
根付草萊借問沙蘂終息否騰騰皎日一朝開

長至前三日京兆署齋宿

廿年曾向此棲遲今日重來繫客思鬢上漸添先  
臘雪階前猶列報春枝空慚國士恩難答漫道班  
行祿易糜矢得一心昭格在詎容方寸有微虧

乙酉春正二日瑄湖少宗伯招飲次韻

新年兄弟話平安競漉春醪破臘寒几席淨明爐  
共煖花枝綽約影同看升沉任運何須計去住忘

雙溪草堂詩

卷九

十

情總是歡時公凱將簪紱勞勞曾未息夢回溪上  
竹千竿歸淮海

元宵前一日劬齋少司寇招集仍用前韻

新年酬酢喜清安共耐先春雪片寒賴有同心筵  
上賞更饒燈火夜中看銀花照屋蓮同燦珠焰騰  
空月並歡珍重良緣還惜別扁舟淮水正盈竿舟將發

初四日齋宿順天府署玩月得句

初弦月色出林端吏散庭空步屨看撫卷閒吟岑  
孟易挑燈追歎趙張難聖人齋祇祈民事百爾

寅將集帝壇幸有班聯同肅穆且教清夢到更殘

初五日齋宿神樂觀

兩宿齋宮志潔蠲今來壇宇更昭虔農功自古爲  
邦本國史常書大有年聖主躬勞還命駕臣工  
將事敢安眠夜中得句兒童寐欲把精忱質九天

初十日迎春口號

東郊淑氣浩無垠僚屬欣迎此日新士女環觀春  
景色笑誇京兆髮如銀

送李公凱學士致政還山陽

結交三十載館閣昔同登史局編摩覈譯書記憶

雙溪草堂詩

卷九

十

能青宮資啟沃諫院表峻嶒分飛隔南北譽望  
漸騰騰廣厦優遊久容臺卿月升維予秩宗佐祀  
事偕寢興趨蹌供秬鬯二老一時稱班聯廷議洽  
風月綺筵增敲詩時往復論古屢挑燈君才應密  
勿我拙愧憑陵望衡俱卿貳同學盡股肱睿藻  
輝堂與恪素主恩承正當榮輔飯采薪忽相乘  
藥裹親旬月趁起若履水乞身還淮海勇退誰能  
勝洛下來君實仙舟望李膺柳枝行可折祖道酒  
如澠歌管雖歡笑羈愁別緒仍蕭蕭白髮映亭亭  
孤月澄人生難會聚何當論友朋願言飽喫飯餘

慶日繩繩

題河東張昭舍人四世祖驄馬按蜀圖

巨浸區中首大江，澎湃滙萬餘里，其源始自岷。  
山麓煙波直接歸墟止，蜀中宦蹟舊多人，文翁清  
獻最稱美。勝朝察吏重巡方，繡斧西來撫邊鄙，我  
戎牙冠誰出羣？競數河東張氏子，張氏由來積德  
門，篤生公爲名御史，驄馬蠶叢入西川，吏畏民懷  
歌燕喜，歷今二百有餘年，公之聲名猶在耳，章僧  
寫出按蜀圖，山高水長夫子是，再傳流落在人間。  
文孫重得連城比，世寶綿綿到舍人，代標令譽馨。

雙溪草堂詩

卷九

三

芳芷故人樂有賢，子孫祖功稱述流千紀。

暮春東川學士弟招飲李文勤公寄園

相門宅後滿園花，有客攜樽酌紫霞，紅樹圍來飄  
綺席，白鷗飛處起圓沙，投知四世論交密，兩李公孫在座  
行樂三春曲徑斜，勝地追歡忘晝永，千林夕靄望  
中賒。

初夏夢懷少司馬招看藤花步韻

司馬門閭舊相家，石欄斜點古藤花，歡情似接濃  
如酒，閒味方知永似茶，老餘鋪枝成翠幙，叢苞綻  
藥碾金沙，年年花事清和勝，再訂尋芳莫駐車。

清和九日江補齋宗卿招諸公集道院看牡丹和韻

丹和韻

擾擾九衢間，塵網何時遣，思得蕭爽遊，志意能舒  
卷，春深花事繁，次第牡丹殷，藝植數天壇，家家臺  
砌艷，鋪設常家好，曲廊通敞院，年來跡濶踈，花盟  
屢未踐，江氏好弟兄，邀我諧歡宴，入門撲鼻香，新  
綠盈眸絢，玉樓最早開，左右爭芳變，高亭俯叢陰，  
翠色染衣練，紅白尚舒徐，珠蕊疊疊現，歡場酒不  
辭，嘉旨更番薦，忽憶秦青歌，家伶充妙選，走馬促  
呼來，彈板一時擅，俄頃聞清謳，雲中子晉見，再移

雙溪草堂詩

卷九

三

席就花古墨悲屏扇，屏上諸人無存者人生如寄耳，雙九  
不我戀，古人秉燭遊，此語良足傳，夕陽在樹顛，暮  
靄迷山面，振策各歸去，抽毫滴凹硯。

立夏前二日邀諸公道院看牡丹次壁間李

西涯先生韻二首

數里尋花未覺遙，楊鞭並轡影飄搖，客推人鳳占  
奎宿，路近天壇過玉橋，入座暖風留晚馥，出牆高  
柳舞柔條，有懷往哲標佳句，未泯風流恍見招。  
連日花邊舊侶尋，今朝嘉客與偏深，紫藤隔院蟠  
高樹，流水清音訪道林，十載風塵勞遠夢，三春花

鳥托知心滿園景色供幽賞日暮同吟壁上吟

道院看牡丹再和勞大廷尉韻四首

名花看不厭決日訪清暉犬喜常來客人開舊識  
扉一天皆布綠滿砌半衣緋座上香風至悠然想  
化機

道院饒幽趣名花儘可觀枝橫疑鳳翥蔓古儼龍  
蟠比屋香葩接迴廊怪石攢尋芳欣不遠嘯咏送  
雙丸

人世閒難得花時更灑然不辭杯裏物豈惜杖頭  
錢李杜波瀾濶雲霄雨露偏向來花下醉屈指已

雙溪草堂詩

卷九

古

忘年

清卿曾備位此地屢傳觴少壯看雲影羈棲久帝  
鄉攜尊過別院步履繞連牆節物無輕負非云老  
更狂

祝顧伊在少廷尉六十壽

三吳佳氣鬱氤氲名世昌符衆望殷天上文章推  
館閣寰中節鉞數河汾冰桃火棗從卿月修竹長  
松映瑞雲玉樹森森齊獻祝冠裳處醉斜照

立秋前三日少司農東川弟招飲阮家園和

韻

入夏徂秋淚萬叢同人邀我坐花風泉流澗澗皆  
除下月影淡淡屋角東身世久撫迷蝶夢燕空  
撫寄書簡何當老友經年聚憂樂相隨氣味同  
兩月

七月十四日移樽有綠軒讌集諸同年再疊

前韻

三十年前翰墨叢交情耐久話秋風綠從庭左復  
庭右席自巷西還巷東老矣敲枰無勝著偶然得  
句有詩筒菜根滋味猶堪嚼雅聚更深誰復同

有綠軒讌集三疊前韻

雙溪草堂詩

卷九

五

滿園秋色競芳叢列席花前起晚風雅會似應追  
洛下鄉思大半在江東祇將綠蟻時邀月那復青  
錢可貯簡並得薰絃分燕喜主恩思報將無同  
飲曹少司馬宅看畫蓮屏四疊前韻

如何忽在碧花叢恍有清香過席風萬朵紅綃浮  
水面千層翠蓋遠欄東尋梅久負西溪約得酒何  
嫌象鼻筒秋色正佳逢好會相期引滿興方同

少司寇勵文恪公祀鄉賢

清時碩望許誰同三十年來啟沃功謹慎傳心

天語重勤勞勗節主恩隆千秋定論光朝野亦



世鴻儒濟孝忠俎豆賢祠知允愜通門尤切仰宗功

題勞二公子竿頭須進冊四首

蘭芽播瑞原非偶竹馬知書志軼羣不朽有三男子事名駒汗血總期君

方伯由來積德門名卿物望我思存神明世冒肩承鉅無忝兩言慎勿誼

慶源講道有祠堂語水人文亦代光富貴固應吾自有須知先哲是同鄉

紫陽洙泗同庚戎道集大成非我欺我亦有兒年

雙溪草堂詩

卷九

七

十二對君應作仲謀思七兒與公子俱甲戌生

秋夜

微雨發新涼疎星粲天半孤燈伴舊編幽人起長歎溽暑忽已過中夜意如何日月不肯停愁思秋更多

乙酉初度日即事

生辰每值黃花節今歲黃花得未曾玉杖慙呼清府尹每歲耆老持羊酒靴帽拜祝繡衣趨拜老中丞兕觥競勸醅顏暈蠟炬高擎紫霧騰尤喜宗賢齊入座客中相聚是難能

蓉湖奉常招集有綠軒五疊前韻

菊蕊纍纍綻綠叢幽芳可挹耐秋風持螯人立迴廊下呼酒僮來小院東宦拙久知空嚼蠟吟疎那辦寄詩筒良朋未易諧歡宴話到深更感歎同

九日邀同年寄園登高六疊前韻

大隱堆成怪石叢長塘一葦蕩秋風野亭返照樓臺北精舍初開草樹東勝節登臨催木葉良朋歌咏付詩筒龍桃李新成徑珍重移栽上苑同川東

前題又和瑯湖宗伯來韻

雙溪草堂詩

卷九

七

九日風光宜野趣登高休沐釋朝簪月張木石由來賞星聚賓朋好發吟國待賢書羅俊士人持藻鑒重南金曹王兩公子待雋相攜共醉黃花畔薄暮歸鴉欲滿林

有綠軒看菊再疊前韻

人逢黃菊多謀醉此日先操醉墮簪高下共迎風日笑色香猶動短長吟不隨世界爭聯袂只合同心話斷金恩重那能言弛擔聊將清夢戀丘林

題瑯湖少宗伯秀甲園圖二首

高槐樹樹盡成圍看駐金輿翰墨飛三泖九峰

霑雨露千花百鳥遍光輝已邀 異數遊人羨不  
信深林見者稀御書聯有深林 何日平原來就飲  
停留信宿玩芳菲

熙朝望重是容臺海壖能邀 玉輦來彩燕窺顏  
知欲避碧桃承露却先開池寬不起千層浪門靜  
終無半點埃展看畫圖喬木裏已知杞梓早同栽

雙溪草堂詩集卷九 終

男 偉 謹編

雙溪草堂詩

卷九

大

雙溪草堂詩集卷十

休寧 汪晉徵涵齋 撰

古今體詩七十五首 丙戌至戊子

初夏蓼懷少司馬招飲紫藤花下次韻二首

藤蘿倚石似山家密密疎疎條遍作花遠挹幽香清  
肺腑近看紫艷奪雲霞

深春花市鬪春花爭似庭前一片霞政暇呼朋花  
底醉宋山遙隔可停嗟

秋日卽事

花殘餘韻在步屨玩秋清藥櫨垂實青青菊綻

雙溪草堂詩

卷十

一

英彈棋入後拙飲酒舉初輕幽興隨年減吾衰淡  
世情

丙戌九月朔日祝長兄九十二壽

憶昔乙亥春置酒與兄別各言年齒衰何時復相  
接我自戀京華十二歷寒熱兄看溪上花不杖不  
蹶躄菊秋正期時懸弧逢令節大耋有二春長生  
似得訣我亦近古希朝祿猶忝竊念受 主恩深  
請乞難陳說撫問與兄違那能遂歡悅失念三載  
中引年志已決兄其登期頤俟我吐心結歲時展  
松楸栢棧同飲啜竹下訪寒梅泉邊玩明月二老

怡怡然填篋響無歇

九月廿四日清河道左迎

聖駕恭紀

綠畦紅樹點深秋策馬迎 鑾爽氣浮雨霽遠山  
餘積霰路遙饑僕探乾饌黃衣隊裏天閑過錦被  
叢邊野水流自愧長楊難作賦空隨豹尾轉林丘

朝房辦事口號四首

風入長廊背負寒踟躕坐久起蹣跚如山案牘無  
留滯盡職敢云心力殫

一飯深慙蹈素餐時思職分是何官民情國脉皆

雙溪草堂詩

卷十

二

當念自昔司徒本在寬

何曾旦暮有安居伸紙如親萬卷書調劑擔持常  
互用總期造化有留餘

昨日驅馳覲 聖顏一重烟水一重山明朝仍在

秋風裏事事關心莫等閒

次韻荅贈張毅文檢討

回憶當年雲路平三春共聽上林鶯君從建白怡  
豐草我亦迴翔待列卿京國重來悲皓髮花晨對  
酌撫芳英交遊頓訝如星少老驥猶期試一鳴

哭施虹玉山長六首 有序

憶與山長自癸丑定交三十餘年忽聞訃音意  
不自勝情見乎辭

新安道脉屬何人大力撐持四十春小學近思欣  
發蘊一生心事淑斯民

記得當年始訂交紫陽壇站說乾父深秋望日趨  
踏下相我周旋薦白茅九月十五日父公誕辰同  
祭五子到會諸先生相  
予主祭此其友之始也

還古紫陽兩振興春秋講習成繩樞垣抗疏修  
明後千里書函喜氣增予以修理先賢書院  
疏請先生寓書志喜

武水錫山負笈殷道南講席定紛紜孤忠俎豆馨

雙溪草堂詩

卷十

三

香遠公論昌明賴有君先生主講東林公  
舉先中憲禮記

會虛絳帳俟河汾渺渺遐心付白雲十二年來誰  
晤語名山大業歎離羣

我道由來信不孤今將消息泣吾徒鄆山練水渾  
無色空向天南淚眼枯

周蓉湖少司空招飲看菊次韻二首

小山置屋最清幽况有黃花面面秋交歷歲時稱  
肺腑地多曲折卽林丘觥籌漸減微沾口霜雪相  
侵欲滿頭屈指世年成底事親知星散起人愁  
曲檻疎櫺景物幽經過從不問春秋菊開三徑追

陶令星聚諸賢憶太丘久積簿書難脫手細論消息但搔頭餘年所願惟麤糲共爾加餐遣客愁

和朱子十月朔思先隴韻

冬朔逢時享遊子倍含悽松楸憶別淚一紀歷歲時朝署簿書繁退思夕掩扉聊以勉勤劬敢云弗磷緇展掃違節物霜露動歔歔臨深履薄志永矢當在斯

首

十月初九日瑁湖宗伯招集再疊看菊韻二重陽匝月共探幽座繞黃花尙帶秋病起應難留

雙溪草堂詩

卷十

四

黑髮顏衰只合問丹丘容湖病後髮盡白夢傾懷談服藥養生之法

杯宿釀多餘瀝入饌新編剩幾頭我愛容臺詩句好陽春和寡撚鬚愁

曲房閒院境偏幽風色初寒過暮秋五部偶然符象緯一賢安許就林丘謂義龍團活火輕身骨幼婦新詩滿案頭幸值休明多暇日每逢花夕共銷愁

張劬菴少司寇招集看菊次韻二首

客逢舊侶飲能寬累日追尋興未殘每羨潛鱗遊浩蕩謂公凱東川堪憐病骨久闌珊謂蔡畫屏彩映黃

金盞寒菊枝搖白玉盤那得蕭閒同唱和纔言愁罷卽言歡

相親白髮且相寬黃菊凌霜未向殘睡鴨欲紅烟鼻鼻香醪微暈態珊珊買書豈惜三千鎰攬勝常思十八盤西山洪光寺嘉會於今良不易深譚痛飲共追歡

曹蓼懷少司馬招集忝齋得陽字二首

小春氣候正扶陽司馬開筵興未央朝政不譚三進酒家書無恙一焚香是日得家書宦場歷久心逾怯友道年多味更長終是林泉難忘却扁舟共訂五

雙溪草堂詩

卷十

五

湖傍

欣逢聖主正當陽日有封章奏未央退食閒尋籬菊徑開樽共對獸爐香同人促席精神健異地

關心日月長懷公凱東川轉瞬朱顏成白首何妨痛飲古藤傍

古藤傍

忝齋集再和瑁湖宗伯韻二首

暇日兵厨又舉觴石欄藤架護雲房燕臺久駐忘羈跡吳語相逢不異鄉座上皆江浙人寒夜休嫌長耿耿天街早已促踰踰昇平屢動歌吟興共約詩城戰一場

歡聚何妨數命觴高齋布席似蘭房雅懷戀戀航  
知已幽夢頻頻到舊鄉幸遇清時容賦詠多慙厚  
祿勉趨蹌寒燈晚菊相搖映老伴聯宵開幾場

懷式魯任四首

記得當年硯席時聯吟觀我齊名繭抽絲朱顏頓改  
成霜髻練水遙遙寄夢思

大鄣山下有耆儒九代傳來理學模射策金陵會  
展翅臯比再擁淑生徒亳州六安兩任司訓

紫陽還古講堂開七十鬚眉策杖來童叟咸稱二  
山長歲時書札到燕臺虹玉佳紫陽式魯任還古

雙溪草堂詩

卷十

六

自爾青瑣移貴筑願予糜祿備朝班廿年契濶無  
由見回首南天一愴顏

送潘雪石學士假歸濟寧和留別原韻二首

歲序將闌何所營送君此日百憂生翺翔館閣文  
章在修煉真詮鼎竈成學士留心修養家花月有時閒命

酌輸贏無論坐敲枰晨星每戀當年侶判袂長干  
悵別情

自愧投簪何太遲美君勇決早能之南池返駕樽  
常滿西省騰章鬢已絲舞綵庭前成子孝貽羹膝

下體親慈懸知到日梅花放競進春醪介壽詩

和澤州陳相國商丘宋太宰郊館倡和之作

幾人今日建安詩晉水鴻裁宋玉知二妙趨朝騰  
譽早三台握政話心遲才人共賞惟風月知已相  
逢憶歲時顧我荒慵慙學殖瑤華展誦起長思

附陳相國詩

黃散功名畫省詩卅年心事故人知迴驚海內  
交遊少却訝天涯聚散遲芳草長洲春去後落  
花高館夜深時藤陰舊是棲棲地風月今宵有  
夢思

附宋太宰詩

雙溪草堂詩

卷十

七

英遊遄日共論詩寫意開心托素知一去江湖  
驚浩蕩重來京國歎衰遲綠楊上苑聞鐘處紅  
藥香風入座時羸得藤陰投贈句却教蠶尾寄  
遐思

壽吳尙木翁七十

延陵甲第重當時排解高風四海知道比太丘垂  
澤遠年齊洛下享名奇邗江月朗杯中賞黃岳仙  
多杖底隨我亦萬山叢裏客爲君酌獻介壽詩

除夕家塾小飲

帝里追歡此夜中匝年心事話燈紅職司會計懸

劉晏業授生徒屬季通法酒分嘗宗誼紫滄以賜酒見  
珍饈共味 主恩隆臘月廿三日蒙一堂師友  
諸家宴那覺天涯旅次逢

丁亥元日卽事

元日朝天禮數周班行逐隊告無尤老來筋力還  
隨健春近寒威亦漸柔四顧舊遊成落落每逢新  
彥並悠悠好書覓得須頻讀兒輩常從問校讎

初二日立春齋中小飲

立春天氣最佳辰匝地融和萬井春新韭堆盤兼  
聚栗羔羊命酒啖麋麋奇書滿架教兒讀名士盈

雙溪草堂詩

卷十

人

庭聽語真竊祿熙朝知莫補秋風那禁憶鱸蓴

初三日暢春苑請隨駕

聖主勤民遠閱河班聯請侍拜恩多瓠宮漢主徒  
沉璧六塔中丞在決波肝泗安瀾千里慶漕渠通  
濟萬年歌微臣未得隨騶從官守常經志不磨

開家塾

日暖風和好讀書少年此會下帷初傳經孔伏原  
尊宿同舉郊祁聲令譽夜楊吟聲驚老夢曉窓文  
思發新摠人生志學須當早功若無恒是櫟枏

人日和杜少陵韻二首

氣象交春別晴光到此時兒童喧鼓早花柳茁芽  
遲鄴架新書滿西河舊淚悲一官垂老繫愁緒織  
如絲

病肺經年仍未減擁衾聊取舊編看趨時懶作因  
人熱守拙還思故我寒有意裁皇憑酒醉無心勝  
負任棋彈春來好事羣知否課子書聲聽不難

上元前一日瑯湖宗伯招集次韻三首

燈火當春分外鮮梅香撲鼻綺筵前一年景物元  
宵節五老盤桓霽月天巨浸工殷煩濬築良朋病  
久廢餐眠卷湖病經年未痊酒徒星散難成醉坐到更深

雙溪草堂詩

卷十

九

未覺顛

纔撤椒盤又擊鮮元宵節近開燈前盆梅初放香  
侵座斗柄東移月滿天老去得朋寬老態愁來有  
酒釋愁眠世間萬事惟閒好擬抹雲林學米顛  
初春天氣已澄鮮設席呼朋醉月前鹿尾韭芽嘗  
俊味華燈家釀快膾天梅花見若親知好老友情  
同大被眠頗悟浮生消息理茫茫世事枉生顛  
春分後五日瑯湖宗伯招飲桃花下次韻  
仲春佳日綺筵張花片迎風舞欲狂四面樹枝茁  
新綠儼然畫舫居中央畫舫名紅桃間白殊嫵媚高

高下下爭妍芳醇耐微微暈臉頰好風細細透衣  
裳坐久深譚思往昔論交世載見肝腸簪筆承明  
稱著作聯鑣腰裏志飛揚世事烟雲多變態年年  
歎逝詎能忘還有投閒湖海上時聞伏枕覓靈方  
嗟予病肺徒躑躅潦倒長安不自量歎舊懷賢百  
感集蒼天遙望空悲傷俯仰今古同一慨知心零  
落歸蒼茫但期無事常相見更飲杯中送夕陽

上巳日清明微雪卽事感懷

春睡每難足辨色早披衣開窓見雪飄和雨灑荆  
扉須信清明節由來雨霏霏同官俱掃墓因得休

雙溪草堂詩

卷十

十

庭闈我生本勤苦經年暇日希忽得一時逸有如  
遠行歸乘閑且謀兒命題試新機師友三五輩擲  
管各爭揮老夫手一卷丹黃慰渴饑讀罷忽深念  
十載松楸違值此零露濡不能展孝思兒孫雖在  
列難黍雖代持何如親省視伏臘跪陳詞簪組何  
所補徒令中歎歎逝將返林麓慕慕長相依

三月初七日前門市肆多燬惻然有作

冬春雨雪微陽亢成枯槁萬物少潤澤災祲焉能  
保闕闕櫛比稠貨務集繪縞居人偶不戒鬱攸暴  
難掃一炬百珍空慘氣浮蒼昊望去盡頽垣瓦礫

填周道我過弔丘墟掩袂傷懷抱乘除原有數循  
環似顛倒造物每忌盈盈者虧必早風俗勿崇奢  
奢者無常好願言返還淳勤慎可終老

三月十五日同內閣九卿暢春園請

皇太后安

春深天氣尙輕寒郊路迢迢望遠轡別苑千林浮  
碧靄人家半市動朝餐起居山壽偕鵲序芹曝葵  
忱達鳳鑒昨日南來中使到聖皇遙祝北堂安

晚春千波行人荇洲編修姪招看白丁香

帝城何事攬春暉興到尋花願不違小阮院庭多

雙溪草堂詩

卷十

十一

升木陶公籃輿醉芳菲銀花滿樹水相映膩粉千  
團玉作團堪笑老人差不愧鬢眉霜點競光輝

同諸公昌運宮看松因訪諸蘭若

阜成門外繁紺宇處處長松青幾許昌運宮中號  
最多四五十難指數其高挺拔直上天其根屈  
曲深蟠土縮皮剝落招生香潤澤瑩光時吐乳神  
靈呵護幾百秋風吼洪濤驚驟雨當年結構何崔  
嵬佛力撐持歷劫灰大半皆由巨闢作至今闢塚  
猶鼎鼎我來已值春將暮摩訶杏苑花殘樹法華  
海棠爛熳紅牡丹滿砌苞呈露乘興還尋元賴宮

文昌竊像范銅鑄宣德年間銅汁工摩抄千載精  
光吐感歎有明綱紀頽貂璫掖庭互胚胎百萬金  
錢付草萊蒼生膏血等塵埃吁嗟乎松風日夜悲  
號起人哀

昌運宮看松再和瑯湖宗伯韻

聖節垂紳來別苑歸途閒眺喜相從僧寮歲月惟  
嘉卉法院陰沉得古松好趁鶯花諧話舊堪嗤章  
掖愛參宗綠楊活水娛心目緩轡流連到暮春

西齋紫丁香花大放

公餘有暇耽文史春晚怡情蒔草花北地丁香雖

雙溪草堂詩

卷十

三

易植南窓紫纈更堪誇一團駸形分袍色千朵霞  
光映絳紗步履每從枝底過清芬恍昧古園茶

入署口號

公府晨趨慣何辭風雨侵僕夫防隄阨寒濕到衣  
襟溪上魚堪釣籬邊菊可尋昨宵清夢裏來往北  
山岑

晚春初霽入朝

不論陰晴日揚鑣赴玉橋巡行多善紀雨露到荒  
微借此韶光麗因之詩思饒鶯花留不住惆悵故  
園遙

留春

朱夏纔交朔僅留五日春春來迎淑氣春去轉傷  
神白日何皎皎條風亦頻頻歲月奔如駛嘉修尚  
因循被恩優且遲夙志愧未伸年華日以逝衰  
謝日以親大業無窮期靜念一沾巾

餞春

九十春光忽已過年華堪歎日蹉跎無情桃李風  
隨落得意詩篇老更多退食息心耽午枕課兒乘  
暇寄酣歌留春不得翻成餞眼見春歸可奈何

清和月勞書升通政招飲寓齋

雙溪草堂詩

卷十

三

入夏春宵未覺殘初五後劇談樽酒可言歡席羅  
俊味堪娛口院納微涼自脫冠暮齒同心多舊侶  
良辰嘉會好披肝醉餘話及從來事翦燭流連到  
夜闌

立夏日鹿蘭臯太常招同諸公道院看牡丹

牡丹舊說常家好此會容臺綺席開風日晴和人  
競爽樹林茂密客時來紅英不減芙蓉臉紫艷何  
殊琥珀杯獨歎年年一相訪都成白首共徘徊

初秋書齋即事五首

竟日無來客空齋自掩門隔簾看新綠心目一消



頌

雨後催移竹塢時課灌蘭敲枰能制勝高詠出毫端

官清心自逸性褊俗全違每向簷前步書聲送隔

扉

趨朝興辨色休沐寢朝曦但得飽麤糲寸心足自

怡

浴罷坐空庭移床避露零澄心觀物化明月上疎

櫺

贈趙東籬二首

雙溪草堂詩

卷十

五

淵明高寄在東籬今日東籬愛索詩須識柴桑多

大節不徒冒雨訪花時

逢人便乞短長吟嗜好寧同俗下心徵士本非忘

世者誰云千古少知音

黟邑范太翁八十

新都自古多耆碩令望如君屢過從孫子燕貽標

藝苑春秋裡祀萃華宗荷香十里浮仙醴榴實千

年照粹容 聖代即今褒舊德佇看重疊錫榮封

丁亥九月六日 賜閣部諸臣松花江魚恭

紀二首

時乘秋獮出金城輦過松花江上行滿目游鱗占

歲稔爭先舉網趁波清

慈寧遠供晨羞潔侍從均沾喜氣盈海錯希逢天

外至班聯遙祝奉階平

塞外 恩頒異味新綸扉傳 詔集羣臣人持觴

鯉途中美熟薦甘鮮席上珍賓從遍嘗榮

主賜兒童普被沐

皇仁深慙庶祿糜無補自矢冰淵微惕頻

送李貞孟少司空致政還柘城

雙溪草堂詩

卷十

五

山好我羨全瑜弛擔難少室書堂尊學行中天風

月話金蘭兼懷冉實 典型寥濶如星散分手悲吟

強自寬

家書至知長三兒俱得孫

清曉閒庭聽鶯喧兒曹書到各添孫月明秋樹桂

枝發日暖春條梅蕊繁仁讓百年風自遠詩書五

世澤猶存錦旋遂得山林樂掌上雙珠仔細捫

長至日 上親祀南郊禮成 賜閣部諸臣

松花石硯恭紀

葭管初回陽德亨 聖人監薦樂和鳴卿僚競慶

休祥集遠穆方加雨露榮石潤遙從塞北至製精  
巧自哲工成 恩光普得傳家寶每遇臨池荷

聖情

御銘曰壽古而質潤色綠而聲清起墨益毫固其  
寶也

二月十四日 賜諸大臣人參恭紀二首

聖主恩同覆載寬普天懷保起彫殘臣鄰更切痛  
瘼念愛護尤期食息安五葉三楹占瑞草一莖百  
尺現神丹遐方輦到頒羣下永戴 皇仁欲報難  
山名長白鍾靈遠江號松花毓秀奇形以似人稱

集賢堂詩

卷十

十

特異性能益氣總相宜春風遍資昭臣寵天闕承  
恩出 聖慈獨愧疎庸無寸補亦同僚采拜鴻施  
春寒

壯年輕臘凍暮齒怯春寒新柳遲舒綠天桃未露  
丹臨池頻炙硯撫几強加餐凜冽詎能久陽和大  
地寬

和孫樹峰少宗伯古稀詩二首

人生七十古來稀七十如余是也非蒲柳豈期松  
比茂精神差擬鶴同飛少時志道規芳軌老去修  
辭遜德輝自分胸中無一事惟求全受與全歸

人生七十古來稀七十而今歸不歸世路升沉如  
轉轂哲人進退在先幾蟹肥菊綻堪謀醉木落霜  
寒計授衣宦况真同飛倦鳥兒孫簪隙久依依

晚春諸公招飲陶然亭仍次古稀韻

人生七十古來稀休沐尋芳觴互飛莽蕩平疇天  
共遠參差林樹堞同圍清歌志慨傳遺事勝地消  
閒待落暉連日簪裾諧燕笑友朋山水可忘歸

送宋牧仲太宰致政還商丘

履聲猶記殿東墀祖餞輝光惜別時去國大賢興  
望重登庸冢席盛名垂雲霄暫隔冥鴻遠花木方

集賢堂詩

卷一

十

深綠野思替綬多才能濟美榮恩常自日邊施

寄祝朱竹垞檢討八十壽

九州何處尋耆宿寤寐伊人駕水涯經史貫穿雄  
百代詩歌抒寫冠當時歐陽秉鑒文風變正叔陳  
書主聽移杖國大年慶戩穀摘辭頌禱寄遙思

卽事

愛植隨時卉食繙未見書公餘攤午枕一覺到華  
胥

每見新硯發愁懷一展顏循循應不息莫做老夫  
頑

初秋署回

徂暑氣初清涼颺豁心目晨趨坐府署紛紜親案牘僚采誼實恭辨析必反覆邦民本一體未便視兩局調劑倘適宜快然在幽獨

添孫

桂秋風日佳兩兒文戰畢錦字胸臆抒雅音按度律老夫意欣欣敦勉勤學殖家僮送燕喜長枝添嗣息丁男天所畀感召在修德詩書賴傳人前徽慎思匹

雙溪草堂詩

卷十

文

雙溪草堂詩集卷十終

男文英謹編

西山詩序

夙昔讀唐人關中諸詩輒掩卷深思緬然神往如與之同時游憩眺聽于雲物丘壑烟嵐杳靄之間甚矣詩之能移人情也厥後再使秦蜀凡所經歷二華終南惇物之奇驪山藍田樊川韋曲鄠杜灞滻之勝往往于唐人詩中髣髴見之如昨夢如昔遊焉始悟唐人固工于語言而非關中山水之奇勝有以發之其工亦不能至此今京師形勝踞九州之上游不啻三輔陸海而西山爲太行之支巖壑幽邃泉石靚深亦名山之一也自元明已來登臨嘯咏不乏斐然其工卒未有唐人若者其故何歟予固嘗疑之乃今見光祿汪先生涵齋詩而灑然光祿以癸未秋休沐之暇一筇兩屐爲山中之遊比歸而詩盈卷軸清綺幽曠

似欲追王孟高岑常建劉昫虛諸君子于  
千載之上與之揖讓而互為主客者繼自  
今西山之奇勝與二華終南惇物並傳寰  
中光祿是詩實為權輿或謂古今人不相  
及詎篤論哉遂喜而書之濟南王士禎序

序

雙溪草堂詩

新安 汪晉徵函齋

西山草

西山道中二首

荏冉京華廿六春西山日日對嶙峋一朝發興來  
相訪洗盡名場十丈塵

烟霞信是生來癖塵累栖栖每愴神常恐名山秋  
忽過松青葉赤趁芳晨

戒壇

雙溪草堂詩

米

為探幽勝上重岑十八盤來紺宇深層級漸高三  
界濶古松排立一庭陰千年不變蒼虬色五戒常  
輸鐵石心滿目烟雲堪眺玩何煩丹竈日侵尋

興土  
木

薄暮由戒壇至潭柘

暝色遮山色崎嶇僕馬疲月明風落籜犬吠客過  
籬香霧峰頭起閒雲杖底隨琳宮知不遠明發待  
重披

潭柘山岫雲寺

岫雲  
御賜寺名

九瓣芙蓉列九峯峰簇護梵王宮雙溪環抱寺  
前出百澗逶迤樹底通石橋跨水清冷冷中開棹  
楔規模崇翠嶂丹泉標御墨香林淨土天章

濃

御題碑坊南曰翠嶂丹泉北曰香林淨土

層層金碧聳雲霄頭陀大衆掛

單瓢午鐘響罷如雲招一飯常須百斗消齋厨自  
有清泉注不用銀餅長綆取金鱗得得在藻游山  
家清福常如許掉頭東北真人居脩脩叢竹擁精  
廬更有古樹參天立綠陰滿地八窓虛

聖皇閑暇時凝睇翠華至止江山麗興酣愛作壁

雙溪堂詩

卷

二

窠書岫雲聊採柴桑意紆迴引登百尺樓香山羅  
漢來遐陬千年殿宇今猶在妙嚴禮拜雙趺留我  
來秋深風氣爽樹杪山山瞭如掌修篁可以滌煩  
襟喬林可以供幽賞逍遙信是神仙窟未脫凡胎  
不敢上吾儕遊足出山阿回首白雲自來往

同曹蓼懷學士宿岫雲寺二首

不負秋山約同來宿上方孤燈熒几榻老樹奏笙  
簧蔬美流匙滑泉甘滌茗嘗得拋人海外此會果  
清涼

置身雲霧表夕話得良朋不啻探山水還來適寢  
興清遊千載誦塵慮一宵澄聞說幽深處攀蘿再  
試登

石徑山

渾河東渡去曠野一山迴塔影峯頭出僧門石畔  
開亂藤圍似葢敗瓦聚成臺聞說金元代曾經玉  
輦來

善應寺

勝遊三日指平坡歌馬山腰入薜蘿未動鐘聲聞  
犬吠庭前古樹白雲多

雙溪堂詩

卷

三

聖感寺同霽公桑簡齋夜話次桑韻二首

高秋山色好發興訪休公門敞空天地巖幽歇草

蟲嘉蔬嘗俊味鉅製挹儒風

續霽齋和尚詩集

哲士欣聯座

深譚剪燭紅

攬勝忘臨險歸休息在公身名如寄泡宇宙一鳴

蟲樹炤空山月花迎遠壑風明朝還極目葉色入

眸紅

九月十三日聖感坐雨過初度

山眠雨滴空堦響，早起雲山渾不分。青苔石滑行人少，巖上潺湲隔竹聞。僧厨催我清齋供，湯休新製續紛誦。此身已似御風行，不記人間蕉鹿夢。當日懸弧在今朝，風霜歷盡歲華遙。愧無分寸

皇朝補徒傷老大，中心焦不如結伴探山水。芒鞋竹杖從今始，香雲一片好徘徊。未識茫茫何處是，聖感寺二十八紀詩和霽崙和尚韻

翠微峰

寺之主山也，如屏如障，眺矚百里外。

雙溪草堂詩

卷

四

高峰聳翠微，屏列衛畿甸。衆山皆崿嶭，欽崎當萬選。雲樹歷千重，天光團一片。奮飛愧未能，動我無窮眷。

杏子口

入山之口，兩崖狹甚，經數折路稍廣。杏花

最繁

久慳山水緣，中腸似百結。層岡次第過，心目隨境折。出茲窄山徑，迴首嶺雲潔。緬想杏花天，一帶紅如潑。雞犬恍若僊，翠深開繡摺。秋訪接高蹤，禪心

堪指月

清涼臺

山之東南隅，拔起數仞，不與諸山連。方廣可百餘步。

不屑羣巒伍，超然獨出塵。有心供眺覽，無意表嶙峋。晚秋天氣高，涼風動浹旬。褰衣陟崇梯，振步莫逡巡。鐘磬朝昏發，梵音遍四隣。

聖水

在東山之塢，兩崖夾流，鏗然有聲，中有巨

雙溪草堂詩

卷

五

石作象形，累累若垂飲

登頓不辭煩，峰巘如花萼。循徑探清幽，小橋架危壑。泓然碧澗深，涼氣沁巖齧。遠水建瓴過，鏗鉤振飛瀑。對此盪心胸，直欲窮碧落。安得靜者居，把臂聯酬酢。片刻坐忘言，一洗塵襟濁。

秘魔崖

崖右有池，相傳隋仁壽中，盧師所居之地。有二童子曰大青、小青，久旱禱雨，二青遂化龍去。其後盧師不知所終。

聞說渾河水當年繞翠嵐滄桑改平陸不見滙深潭  
盧師居崖際雙青侍幽探禱卽化龍去霑足以  
有年杳渺傳難信牌版未全諳造化有常理脫幻  
任奇男

### 靈光塔

在山之半與清涼臺對峙

紅葉間松梢霜風漸冽列半山聳孤標浮圖高千  
尺勢能壯關河氣與雲霞結四時清賞同春花並  
秋月儼似南中山夢應到天闕

雙溪草堂詩

卷

### 尸陀林

古桑乾河直抵林下今平陸矣

不見蒼林影空餘倦鳥還殘碑未磨滅來者記桑  
乾雲根出石壁幾載砥狂瀾遠望祇林境高下就  
空山靜念平陂理興亡事可刪吾徒分有在休嗟  
行路難

### 第一橋

由此入峪氣象迥異旁有崇福蘭若

塵襟日以深幽探攬空翠入谷徑紆盤筌簣響萬

籟小橋跨碧澗淙淙捐百累霜葉點秋山丹綠呈  
嫵媚雲壑倒來深境與心俱遠

### 花溪

從峯頂而下諸水會集奔湍激湧亦此山  
之奇觀

造化現靈奇神功巧開闢亂壑萃爭鳴襍花浮丹  
碧秋來花事少天水同一白幽人遺俗氛鼓興展  
遊屐試叩靜者機孤雲戴怪石

### 繡谷

雙溪草堂詩

卷

七

山轉成谷春時襍花盡放燦爛如繡

峯迴路轉幽簇簇似芙蓉花塢經春氣爭呈繡色  
濃我來值秋晚丹碧透雲封高蘿掛衣袂苔痕濕  
脚踪再訂春山約清賞豁心胸

### 雙徑

躡山趾高岡旁有人家由東徑入道雖坦  
却平平無奇由西徑而上甚險峻大有佳  
處

徑有東西別烟樹帶山村東行不告勞夷曠望無

恨西路費躋攀松石表嶙嶒岐途慧眼擇仁知于此深

### 楊樹灣

委折而入漸至佳境古木葱蔚雲梯石磴皆從此起

古木鬱青蒼清陰照客裳秋風振落葉草木散餘香  
循灣轉山曲危石矗道傍穿巖陟前巘望望近高岡  
壑竇泉鳴溜音韻何鏗鏘

### 第二橋

雙溪草堂詩

卷

漸近寺門斷澗小橋蹊徑更別

行行近寺門烟雲迷等級飛虹跨石澗天造藉人力  
緇塵盡滌除到此可緘默高蹤已匪遙仰止勤三益  
五燈剖邪正修悖判凶吉造物無盡藏來者各有得

### 平坡

險峻之中忽開平行天然結構四山莫不擁抱

到門天宇濶心目躍然起位置本天成靈竒擅勝

址百里見秋臺四時具眾美春月攬芳菲秋風擊  
蘭芷萬壑儼若流羣岫凝然止圓通剏自唐平坡  
更舊旨興朝開法界聖感培元祉禪宗闡道脉  
妙諦拈花指彪炳亘乾坤西山共終始

### 御碑亭

碑有二皆

皇上御書一聖感寺興復記一敬佛兩字  
大道明中天源流非有異敬以存此心千聖同斯  
義我

雙溪草堂詩

卷

九

皇契其微十六字堪繼穹碑豎不刊敬哉發真諦  
沫泗遡勲華直接無旁系

### 寶綸閣

在正殿後

欽頒藏經及

宸章

御筆皆貯其中

樓閣鬱崔巍氛遠殊澄潔中貯

天子書輝光映四澈大藏百千函指示多諄切其



間判淳漓猶費廣長舌 王言鎮寶山湛恩無時  
過萬古開顏蒙端賴 聖人說

深雪堂

寺之西隅境極幽靜雪月尤勝中多琪花  
異卉

靜者闢虛堂著書喧避久居寺西之隅涵濡氣深  
厚我來經信宿此會良非偶月影炤千山空明冰  
玉守午夜叩禪關清談起詩叟

戴雲構

雙溪草堂詩

卷

十

與深雪堂連而稍北李空同平坡詩有百  
里見琉璃截葉戴雲構之句故以此名

委折訪幽齋嘉樹何窈窕往復前賢句祇覺山居  
好兩檻望雲烟那復分昏曉

十間樓

南北綿亘宛若巨艦西窓對山色最佳

敞樓成巨艦雲海渺無涯窓前巒岫湧簇簇若蓮  
花恍聞鳴嶰谷應疑起渥洼夜靜風搖樹何殊鼓  
吹蛙

寶珠洞

由寺北攀援而上將至頂結構依山橫列  
煙雲中有石突出如粘珠千百顆

初晴陟層岡雲霞出天外老樹盤藤蘿石壁生香  
靄顆顆現珠光陰洞凝眄眈道人心貌古百結衲  
衣碎看破大虛空聳身得三昧

龍泉

在西谷龍王廟內泉汨汨從龍口出匯爲  
池方廣二丈許

雙溪草堂詩

卷

十一

龍口吐清沫涓涓成小潭偶憇藉孤榭山光入短  
簾層級漸漸升衆綠團几前酌泉辨泉味洗心兼  
洗顏酣歌山水窟吾徒是葛天

虎巖

在山之西巉巖雄踞壁立萬仞遠望宛肖

虎形

猙獰屹而立似使衆山悚陡勢絕攀援躡足難賈  
勇平途心猶怯巉巖誰不恐嗟余負遊癖見此先  
搖動涉險莫輕過趙趙戒慎重

雷鳴洞

由洞入梯空而上僅許駢肩中有聲如雷鳴

閒尋幽壑裏得奇乃怡神有洞門峭崿梯空頂上行原谷皆呈異欣然遠世情桃源信不遠別洞始傳今隱隱輕雷發四顧澹無雲飄飄動遐想松濤萬樹鳴

一片石

在山後石色淨潔周匝可百丈餘峯巒秀

雙溪草堂詩

卷

十二

出又開一生面也

石在山之陰方廣備四隅別有一天地秋爽炤鬚眉佳日携朋侶列坐當穉瑜虎阜苦紛沓習靜此堪娛耳目俱易新如逢未見書安得逃世外翛然來結廬

紫霞莊

由北麓入繁花茂果丹碧交蔭罕有人跡緣逕迤邐北尋煙林開別墅柿栗滿山紅瓜蔬盛塲圃雞犬靜無驚山家不閉戶耕鑿自春秋麋鹿堪

爲伍晚花剩餘枝落葉迎風舞淳朴舊山川民風還太古我來譜花源勝事從茲補

第三橋

入深谷中溪流有聲傍橋數松作虬龍勢知非近代物也

深山開亂壑疊石作危橋蒼松左右盤晝夜鳴飛濤無風亦有聲磔磔虬騰驕巖谷已幽邃響答在雲霄早辦荷衣待終非戀市朝

獅子窩

雙溪草堂詩

卷

五

深山中有石如獅諸峯環抱登巔始見

陟彼山之巔飛鳥不見迹怪石時欲舞百獸皆辟易天然安樂窩端居神罔數崎嶇得坦夷何地非仙宅

昌化嶺

道頗峻登嶺將半青紫紛披山中諸寺隱隱入目

來窮山水與轉轉更標奇峯巒自闔關幽徑故逶迤祇願搜巖壑何心惜履綦豁然形勢變追尋滅

險巖遊山須記寺僧廬到處宜自當安薄劣免作

北山移

宿聖感寺霽公贈詩依韻次和

性耽山水興多濃何幸名區歷幾重翠岫玲瓏開  
古院奇書絡繹浣塵容閒花滿地禪心在明月翻  
堦秋夜逢深雪齋中留信宿詩筒惠我得追從

附霽公原詩

曉渡桑乾興果濃徧探名勝歷重重風生偉逸  
龍蛇氣秀發精神山水容青眼不隨紅樹變丹

雙溪畫堂詩

卷

十四

心偏向白雲逢矧知吉甫周邦憲何幸寒巖得  
過從

洪光寺

山深林自密磴曲道還平十八盤中過白雲樹杪  
生

秋風灑樹林落葉響紛紛閒叩高僧話山頭正夕

曛

高麗舊刑餘幽宮伴佛居遊人追往事太息過山

墟

寺爲成化中高麗  
太監鄭同所造

北山衲子來法界喜重開疎影清潭意雲山共溯

洄

梅池和尚奉  
旨住持從北山來

宿洪光寺

徜徉四日到洪光磴道陰陰紆且長右擁香山紅  
樹壑東環玉華白雲鄉清詩倚榻逢僧話鮮果挑  
燈共客嘗一宿未窮幽谷趣勞君指點陟層岡

同隱林上人步香山來青軒

欲識香山路携僧過寺門危牆還護塚峻級直侵  
軒樹密藏深壑峰迴蔽小園憑闌東望濶舒嘯可

雙溪畫堂詩

卷

十五

忘言

玉華寺

策馬過層岡紆迴入林麓法界盛花叢青葱常馥  
馥煖風出竇中經冬枝無禿士女好爭奇盆盎紛  
來蓄春至氣漸溫次第呈芳郁乃知人事勤直能  
轉化育

碧雲寺

碧雲寺荒蕪徒存寥廓屋中有四五僧菜色乏儲  
粟層層古樹陰鶴鵠繁其族清泉流汨汨淒風寒

謾謾殿後開壯麗坊表巍然矗石獸儼若生翁仲  
拱而肅豐碑府庫消馬鬣脂膏築魏監穢衣冠坐  
平碑已撲其餘尚紛然僭侈踰方幅聖王定經制  
差等有定數嗟哉勝國政俱遭刑餘毒厥衛肆鉤  
距清流罹訊鞠侵尋至國亡開門主受辱此輩應  
掃除緣何加蟒玉祇爲權下移遂至無拘束若定  
尊卑分自宜慎爵祿匪徒重名器亦以厚風俗觀  
此感廢興浩歌淚盈掬

臥佛寺

雙溪草堂詩

卷

十六

入門西徑走山阿兩樹娑羅剩一柯醒眼早知塵  
外事不如高臥息風波

退翁亭懷孫北海先生

憶昔講學東林區早識先生爲名儒迨視學政文  
教數得接聞孫構著書砥柱狂瀾用力劬含英咀  
華滋味腴近思節要合雕鏤五子學約旨無殊明  
續羅高併薛胡宗派直追程與朱人物紀傳詳京  
都五經纂述翼訓謨中遭桑海氣未舒有志弗遂  
捐微軀晚年倡道破蒙愚維持正學無岐趨振興

北方之學徒我也私淑廿載餘泮水賢祠盡荒蕪  
風雨不蔽文貞俱時順天鄉賢本朝只先生暨王文貞公二人曾經捐俸爲修  
除更加題請煥規模道南片席德不孤先祖同  
堂享令譽先祖憲副公同先生祀道南祠退谷神遊是宿逋秋高挈伴  
尋歡娛深壑涼風吹衣襦清泉宛轉入葫蘆事前泉大小蘆君不見濂溪之圖說乎默契直欲接泗洙又不見廬陵之亭記乎至今何處不笙竽先生之學將無如亭兮亭兮千載峙山墟

入櫻桃峪望五華廣泉二寺

雙溪草堂詩

卷

十七

櫻桃千萬株沿河引入谷綠葉罩陰陰怪石爭轟  
轟樵人互往來犖确紛觸目仰觀山上雲精舍隱  
然伏鐘磬落松間清響答幽獨

萬壽寺一帶河柳二首

老樹溪邊古剎小橋柳外斜陽兩岸山光弄影孤  
雲鴈字回翔  
馬首穿林過去山頭對面來迎薄暮行看柳色微  
風遠送鐘聲

東川學士弟以未得同遊作詩五律依韻次

和

廿載長安塵滿面秋風淨拭出雙扉厭隨朝市高  
軒去喜傍叢林落葉飛翠岫時時雲作幕蒼巖處  
處樹成圍遲君未得同歡賞松竹看來亦少輝  
福性最宜守一丘自縻好爵自增憂讀書不爲輕

肥計安拙終無遠大謀佳日良朋尋好景蒼松翠  
嶽度深秋浮生得暇殊非易花底還期續舊遊

西山遠望嶺雲孤林有幽香水有蒲修竹長搖清  
夜曲古松新作蟄龍圖翠微老宿談成藪潭柘流

雙溪草堂詩

卷

十六

泉味似酥盡待君詩描寫出連宵可得夢遊無

西風軋軋卷秋陰出郭登山不厭深宛轉峯巒藏  
紺宇滌迴溪澗出丹林每逢勝跡開雙眼願領清

談愜寸心歲晚莫愁蕭颯到巖頭古樹鬱森森

有約名山訪薜蘿幽巖邃谷飽經過且來石上聽  
泉瀑莫憶朝中散玉珂月下烹茶消宿醉松間得

句放高歌櫻桃十里花春發載酒從君興更多

戊寅秋欲遊西山問道于黃子樵谷承二詩

見示至今乃得遍遊因追和前韻郵寄激

江府署計六年始踐約甚愧余之懶鈍也

出門迤北涉渾河墟落蕭疎君舊過松遶戒壇虬  
樹古竹深潭柘茂林多

御題璫璅千峰裏聖水逶迤萬樹阿崇化龍門難  
訪到東來取徑上平坡

平坡之麓舊桑乾廿八詩題儘可觀深雪堂中僧  
共話戴雲構裏月當團退翁亭峙櫻桃峪魏監碑

餘白玉盤一路山光遊屐遍多君指點入毫端  
附黃樵谷太守原詩

雙溪草堂詩

卷

十九

攬勝先宜渡大河爲君道我舊經過戒堂絕嶽

雲松老潭柘雙溪水竹多處處樵歌紅葉底時  
時僧梵白雲阿若言幽僻東林好路指龍門更

幾坡

龍門迤北渡桑乾直到平坡寺可觀無樹當門  
天更濶與僧深話月初圓一樓塔影千尋立萬

柳崖陰十八盤谷口溪濤聽未了廣泉鐘磬落

雲端

雙溪草堂詩集一卷附遊西山詩一卷

兩淮鹽政  
採進本

國朝汪晉徵撰晉徵字涵齋休寧人康熙己未進士

官至戶部侍郎是集爲晉徵所自定以編年爲次

始於康熙癸丑終於戊子

# 馮舍人遺詩六卷

〔清〕馮廷樞撰

遼寧省圖書館藏清雍正十一年刻本

附《四庫全書總目·馮舍人遺

詩六卷》提要

晴川集原序

三百篇既亡而楚詞興楚詞不競而古詩作故學士大夫將自兩漢以邇風雅之濫觴舍楚詞其道無由宋晁無咎朱元晦所緝錄自淮南小山而下其聲類楚者咸采摭不遺而東坡山谷教人作詩之法亦惟曰熟讀三百篇楚詞曲折盡在是矣晁朱二君子之書豈非竊取坡谷之意而爲之者歟然雲林黃氏又言屈宋諸騷皆書楚語作楚聲紀楚地名楚物故謂之楚詞若些只羌許蹇紛佗僚者楚語也頓挫悲壯或韻或否者楚聲也沅湘江澧修門夏首者楚地也蘭茝荃葍蕙若蘋蘩者楚物也蓋伯思之說云爾而余以爲不然何也善學古人者學其神理不善學者學其衣冠語言涕唾而已矣今必歷楚地寫楚物而強倣楚語以擬楚聲夫而后得謂之楚詞庸有是乎馮子大木以中書舍人典省試于楚賦詩百餘篇其詞甚麗蓋真能得三百篇泊屈宋唐景之曲折者而身之所歷又皆沅湘江澧修門夏首之地所名者又皆蘭茝荃葍蕙若蘋蘩之物其天才超逸類多頓挫悲壯有九歌九辨之遺風於是讀者交嘆慕以爲是真

楚詞也余顧以爲馮子之于楚詞自少已窮其曲折卽不歷楚地名楚物其善學古人者自在也而其南浮江湖東過夏首得以流連唱嘆攬香草像嘉禾思公子懷美人則天所以昌其文以與江漢洞庭內方大別其爲南國之紀楚之利也而馮子固不必以楚聲爲工者也使起東坡山谷無咎元晦諸先生而質之其必有取耳矣同郡漁洋山人王士禛序

晴川集原序

二

康熙乙酉余如德州受學於李聖木先生每顧余而言曰惜子不見大木也余因知大木馮先生天下名爲詩者也其後與李先生子爲人後者褒光坤含讀書先生故宅坤含亟稱先生詩不置而數爲余言其平生爲人人如其詩詩至此不患不傳因舉已刻晴川集示余曰此不可想見其爲人耶坤含好古有識而先生坤含之姑夫也故其知之爲深嘗有意於全詩之刻而未逮也先生孫德培貧而才少孤未能理其遺業今其同里趙子季良金子霜傑之屬相與掇拾先生全詩資德培奉以爲舍人道詩不跋

之青州求先生執友秋谷先生序而刻之余樂觀其盛而惜坤含之不及見也敬附數語於簡末以諗後之讀是集者其必有因詩以見其人如坤含者也雍正癸丑七月既望景州門下晚學生申詡拜手謹跋



右先祖詩共六卷凡若干首惟晴川集爲典試楚  
中時刻餘或家藏或散在友朋間德培不肖日謀  
存活計不足未遑收拾也庚戌辛亥間始漸哀集  
抄錄友人資以東行得秋谷先生序論里中前輩  
及同志諸君子共謀之乃克付梓先祖一生精力  
在此梓成謹援筆識其所以不至湮沒之由不敢  
忘癸丑三月初四日孫德培謹識

銓取醉呼鄰翁聊輟閑工課

右緯蕭堂

蒼松如人立天風吹古音雅歌無由和鼓壁止  
琴琴能雜鳳鳴松作老龍吟

右和松菴

綠漲菱蔓滑水色淨于練步步向廻谿短橋欹沙  
面怕逢問津人喚掃落花片

右芟梁

唼唼野鳬鳴隨流出復沒挾彈立空亭躊躇不忍  
發愛爾自呼名將雛弄明月

馮舍人遺詩卷之一

右放鴨亭

歲暮書懷八首

深燈小院坐黃昏屋老泥殘見漏痕半榻剛如蠻  
帳大一官爭似布衣尊蒼茫遠市風吹柝落莫他  
鄉雪打門牘有故時裘褐在相將聊以待春溫  
尋常供具只隨緣摩腹消搖欲放顛蔬美蕪菁青  
似玉麥香餽飢白於綿送窮博士終何益媚竈王  
孫定不然近悟浮休多妙理經冬新託達生篇  
久向人前拜下風而今休說欲吞虹詩情已退慙  
佳士酒量元低愛醉翁豈有奇才堪斫地都無怪

事漫書空此生不願侏儒飽羸得飄搖似轉蓬

納納乾坤何所之此心剩與古人期局中成敗憑

誰判鏡裏妍媸祇自知阮籍胸懷徒壘塊桓楚骨

相本嶽峙一時失腳紅塵界搔首風前無限思

十丈愁圍撥不開小窓破悶有誰來交疎那解長

探病奴去方知不愛才白面恥談天下事黃金空

弔昔王臺苦心一寸何曾試况復年華取次催

我生漸與老爲鄰虛負鬚眉著此身范叔漫言天

下士杜陵空望眼中人蕭條白屋鷄豚社辛苦金

門蟻蝨臣自分支離本無用不須彈鋏怨沉淪

### 馮舍人遺詩

#### 卷之十

#### 三

野人本意不求名却被浮名誤此生睡起心情渾

汗漫病餘骨格尚崢嶸饑鷹上臂空思颺驚馬投

銜強欲行至竟推顏作何事依然書劒兩無成

冷淡襟情百不堪無才只合早投簪短長策陋何

須按上下經疎久不談竊祿一年渾是夢求田二

頃未爲貪他時若遂飄然計好傍釣盤結半庵

#### 黨人碑

古者立碣頌功德其詞紕繆多大言後來好事競

粉飾碑文磨滅今無傳浸淫下逮宵小輩斲削頑

石誣羣賢元祐黨人百二十御書大刻端禮前老

奸疾忌意不快亟趣郡國窮雕鐫搖筆親題定三

等重搜三百餘九員果然乖氣能致異妖星一夜

西方縣詔下黃門立毀石雷轟電掣遺仆顛迄今

粵西剩遺跡蒼崖古洞蛟龍纏風剝苔侵未湮沒

河朔蜀洛紛鈞連乍觀墨揭輒擲去禍人家國殊

堪憐景靈遺像不負女簪揚羅織何拳拳我酌一

卮酹公等未投濁流差瓦全灘江千尺七峰古蠻

花瘴雨悲年年

#### 題孫孝堪小照四絕句

溪口桃花水拍天春風料峭打魚船不須夢想人

### 馮舍人遺詩

#### 卷之十

#### 四

間世徑入山中六百年

兩笠煙簑穩稱身青谿白水好垂綸灘頭多少魚

蠻子未解誰來拜丈人

照水船牕特地明竹爐石鏡篆烟青偶然拈得閑

書卷不是茶經是酒經

獨坐船頭醉放歌滿江鷗鷺泛晴波翻嫌著箇樵

青伴攪亂詩人張志和

#### 送洪昉思歸武林

世路今如此他鄉胡不歸賣文堪作活使氣未全

非洛下誰推轂江邊合掩扉桃花春水發憶爾到

庭闈

題耿豹人樂山草堂

槿籬藤架綠初勻，紙閣油牕取次新。  
半畝幽篁搖鳳尾，數椽古瓦葺魚鱗。  
多才陸子良佳士，解事齊郎尚舍人。  
倘許狂奴來結伴，不妨醉倒卧花茵。

題趙秋谷并門集後

淖沱渡口夜呼舟，井陘山下黃雲愁。  
高車大馬去不絕，山靈失笑河伯羞。  
千巖萬壑紛窈窕，空有勝賞何人收。  
古來豪士苦寂寞，投足萬里窮冥搜。  
名山大澤豁胸臆，落筆卓爾凌九州。  
天公作意良不

馮舍人遺詩

卷之一

五

薄設險豈爲諸王侯，趙生去作并州客。  
恰與山水爲朋儔，太行綿亘洪濛鑿。  
黃河排突崑崙流，忽然落手成一快。  
腕底千尺飛龍虬，倒瀉七十二河水。  
盪滌西北三山秋，歸來秀句滿懷袖。  
摧壓沈謝欺曹劉，逸興浩浩殊未極。  
放眼仍欲探六幽，不知當著幾兩屐。  
抱此奇癖，何時瘳伐木穿山未可作。  
驅石駕海終繆悠，地上去天八萬里。  
遶爾千年騎鶴遊。

夜直東閣二首

阿閣疎櫺樺燭香，葛衣綵帶晚風涼。  
一丸烏玉明

於水細檢封書注，貼黃

踞遍東華香軟塵，日邊小吏屬閑身。  
更番夜直中書省，鄧禹何曾解笑人。

題吳水持山水畫冊

半生欲住山，見山輒騰蹕。  
亦如山中入，引領忽西笑。  
山靈怪我頑，驚風發石竅。  
吹落海西頭，黃塵沒烏帽。  
東去三神山，咫尺如可到。  
飄搖二十年，此事竟錯料。  
把君八幅圖，煙霞紛窈窕。  
捲簾露晨光，放眼歛狂叫。  
十日留几楹，羣峰羅堂與。  
小橋萬樹楓，斜陽挂鳥道。  
我抱邱壑情，痼癖無人療。  
防君限牒

馮舍人遺詩

卷之一

六

來飭使且勿報徵，雨過前除援筆爲古調。  
詩成獨秘惜，那避羣兒誚。

送曹寶庵之任徽州

十年坐聽鈴索聲，白龍賦就金石鳴。  
六押掌故今已改，舍人解事徒虛名。  
誰言丞相判官貴，却羨方外司馬榮。  
先生高岸負幹局，刺口論事波濤傾。  
青錢三千直謝絕，此意真足治疲氓。  
頗怪子柔強解事，雌雄之論多不平。  
列爵於古六百石，乘傳行部何崢嶸。  
况復領職得善地，溪山合沓新州城。  
武漢子石如脂膩，一丸烏玉蒼龍精。  
題詩三十二峰頂。

洞口白日尋容成竹芽石鴨好滋味北客久已思  
南烹閉閣閑理無事酒好拌一醉浮干觥豈似侏  
儒一囊米癡腹堪笑空彭亨明朝徑當掉頭去不  
須長揖辭公卿蘆溝南下路如砥馬蹄倒捲秋風  
生

秋懷六首

年年羈旅歎飄零秋雨秋風幾度經細布裁裘僂  
絮軟簷簷貯飯避銅腥酒徒無意逢蘇晉揖客何  
緣重衛青半世蹉跎歸未得故山負草堂靈  
書生未解入時宜游戲登場自一奇倦客應慙通

馮舍人遺詩

卷之一

七

狗監名流莫問出牛醫千秋陳蹟杳難信四海新  
交誰見知空負少時情性在虛談王霸亦成癡  
尋常對客不論文倦似歸禽嬾似雲書畫休稱狂  
博士語音初變醉秦軍支離閱世餘雙眼辛苦憐  
才憶四君入夜倚簷獨立荒堦涼月白紛紛  
人間岐路十分長  
名入帝鄉鳩欲移巢方  
悔拙蜂因貪蜜那知忙頭顱見責渾無賴舌本仍  
存定不妨從此不須誇五字風流慙愧晉時郎  
漫將富貴怨天慳發跡元無席帽山劾鼠文章驚  
世上食魚客子誤人間水宜有骨應非妄石尚能

言似不頑但使眠餐畢吾志肯教蕭瑟鬢毛斑  
纔說歸休理釣簑前村風雨妬如何黃楊怯退偏  
逢閨白芡能圓不用磨剩有詩情濃似酒那堪禮  
數細於螺也知去住關心事秋老閑愁分外多

題張杞園浮家泛宅圖

滄溟鼓浪三山關破碎琉璃炫金碧神人驅石御  
長風飄渺飛煙去無跡張髯正在海東頭坐弄九  
仙好泉石攤書滿屋盪胸臆放眼苦覺天地窄尋  
源欲渡崑崙崙選勝直窮雲夢澤太湖三萬六千  
頃刺舟一夜東方白往來君嘗暫遊戲恰似移家

馮舍人遺詩

卷之一

八

還泛宅吳中好事寫爲圖此景人間何處索我從  
京洛逢髯卿標格僊僊如曩昔却尋長卷覓江湖  
兩峰三潭雲氣積烏菱白芡滿松牕正與漁人算  
殘爽耳中彷彿棹歌聲穩下寒江三千尺跋足欲  
躡九峰顛拂衣早辭五陵陌與爾携手海上行矯  
矯雲鴻展雙翮紅塵汚人拋不得夜半詩成轉蕭  
撼

送陳聿修之官

送爾鄱江去秋風入槩牙名山王子曰古堞范公  
舊土潤宜收林泉香早試茶衡良應有傳肯負好

才華

讀史絕句十首

乍幸靈臺貴兆成美人曾笑舊時盟神龜也解天  
王意灼背庚庚卜大橫

投老監門入漢營飛狐白馬浪談兵東來恰遇王  
孫犬掉舌平原吹酈生

買田置酒總尋常却羨文成辟穀方我欲尋人寫  
顏狀女中誰作好班行

詔許田園置觀津外家故事比靈文采桑墮樹還  
如昨數日封侯竇少君

馮舍人遺詩

卷之一

九

白首齊人奉詔初馬肝知味轉迂疎宮中別有卒  
文在安用司空城旦書

山林開宴主家忙自贊庖人謁漢皇綠幘打頭鞞  
傳臂風情不似賣珠郎

負薪瓠口功成後西上洪河復問津都坐山經空  
語怪人間何處覓崑崙

軫車未入漢宮門蓮勺何人識至尊只有夏蟲差  
解事青青柳葉爲曾孫

鴻寶遺書總不靈輦郎好事又譚經阿翁昨謝陽  
城去又有何人到訟庭

大賈春秋滿國門當年關內最無人若逢識字揚  
雲在合爲黃金西入秦

鬼車

昏風倒吹海水立夜黑月斜山鬼泣旄山之尾百  
鳥驚竄伏空巢啄遺粒瞥然有物天南隅兩翅輪  
囷大於笠衆音發竅參差鳴如奏笙竽節轉急魯  
門誤認爰居來賈室却非鵬鳥入或云此物爲鬼  
車狀似鴟梟其頭十天寒撇振橫空游野鬼憑陵  
項背集相傳姬旦居東周怪鳥驅除須決拾天狗  
盤挐誇爪觜一頭墮地血沾濕千年遺種留人間  
馮舍人遺詩 卷之一 十

送吳侍御罷歸

時平休上書儒術元無用藉甚千載名奚翅一羽  
重出身結主知合獻聖德頌紛紛論鶩鴨上意  
久不中君自草中來爲國作上棟頭著鐵柱冠騎  
引青絲鞵希蹤洛陽人少年抱隱痛目擊關市征  
輒爲道路訟豈知賦役書明明列九貢游民什二

利何妨浮正供封事下有司大農顏色動漢家三尺法小臣敢戲弄去去復何言馬上醒殘夢吳山杳何許潞水方解凍官柳看甲拆野鳥聞晴哢行東方過作詠弔衰鳳有田倘可耕還山宜抱甕題徐電發小照二首

顏狀分明野鶴姿煙簑雨笠最相宜歸休穩作江湖長莫賦參軍五字詩

南湖日沒晚烟青乍捲絲綸入草亭驗取銀鱗三十六向人細講養魚經

送電發還吳江

馮舍人遺詩

卷之一

士

徐生七尺強特立天骨勁手握三錢筆千言輒立應壯歲奉徵車大廷著名姓詔拜文學臣俾之紀國政不隨計吏來誰識才華盛遂遷三館職出與掾吏並徑從吏爲師僂俛習法令幡然裂儒巾庶免迂踈病轉欲希高風還山洗釜甑終南饒佳色于今迷蹊徑長嘯歸去來他山選名勝

送于克承歸里

神丁鼓勇鑿山背力挽五牛出關內忽焉滿地糞黃金牧奴屠子爭狡獪魯國諸生方雅歌褒衣大袖吁可怪帝謂嬴政爾何爲又留萬卷遺坑外東

方自負滑稽雄吏隱金門騁高邁首陽柱下兩紛紛工拙何勞辨纖介不如歸卧南山顛九點青烟饒變態家有七十雙白頭燈火團樂樂尤大遺君一卷鴻寶書此中的有丹訣在但願學成黃白術鑄作金人厭世界重來京雜逐紅塵一洗胸中舊堊塊

送田綸霞巡撫江南二首

穩駕勾吳鐵軸船輕風五兩滿旗竿阿儂舊識齊公子小吏新迎漢上官乍暑宜敷六尺簾早凉合著二梁冠平分上下三江水取次澄清定不難

馮舍人遺詩

卷之一

士

吳中真箇水雲鄉二八門開四面涼此去方知遊宦樂到來却比睡卿忙黃金正藉寬三品導水猶煩服六郎銷夏灣頭聊蕩槳可能細酌橋林旁

茅龍行送田雨來歸里

君騎茅龍飛上天我鞭土牛行不前踉蹌入東華省看君長揖蓬萊仙君言仙籍無可樂五城菴事紛拘牽十年學道不舉職何如歸去壺中眠獨把綠章夜奏事詔許東耕滄海田滄海東頭神山五憑石游戲何峰巔是時祝融恰當令火雲不動金烏睒疾呼少女來木末阿香頃刻車闌闌竹衫

焦隱好結束飛煙一道凌三千或遺劉郎鹿角枕  
或贈魏氏芙蓉冠老我飢朔懷無肉但持二百四  
十青銅錢逢占道旁不快意徑買二尺荆馬鞭正  
欲從君龍掉尾廻身下墮千尺淵乍見羣鳧亂唼  
喋蹋水雙翼難飛驚又見巨鈎沈海底陽鱗貪餌  
垂鏡涎兀然鼓掌爲一笑覺來仍倚支頭孰自是  
吾生少仙骨不須浪拍洪崖肩待予金門小住五  
百年諧語警警伴放顛

讀史二首

羸秦肆吞噬六王競畏避宵夜萃謀臣惴惴如縮

馮舍人遺詩

卷之一

三

蜎祖宗斬荆榛肇擴尺寸地分割啖虎狼下眎同  
敝篲塊然荆山石何預家國事用結強鄰歡庶幾  
旦夕利相如紉九賓輕身試斧鑕褐衣徑道歸無  
乃非善智奈何茂陵人千秋慕名字

東遷王綱墜典章委邱墟策士爭口舌決計在斯  
須信陵引巖穴屈身鼓刀屠忱慨赴秦軍畫策奪  
兵符公子義最高矯命定何如秋風滿夷門拔劍  
增跼踖咄嗟老侯羸報恩徒區區

除夜

短檠燒蠟燭兀坐餞殘夜鼎鼎雙跳丸東隨海水

瀉長繩墮杳茫短髮忽衰謝乍憶少年狂詞場矜  
躡藉昂首望古人縱口談王霸心陋五鼎食身許  
十年嫁詎意硃硃質終焉乏善價一著微名縛輒  
如馬泛駕時爲同舍憐幾遺長官罵鬱鬱上林樹  
未許一枝借慨然念敝廬白首老耕稼春雨種麥  
菽秋風收穫種種飽婚嫁畢蠟展遊嵩華此事豈  
繆悠吳腐了難化感時增脚謝寒風透牕罅

送李紫瀾出守臨江二首

十載清詞供奉班軟香塵裡與開珊偶將名字傳  
中禁乍換頭銜作外官一路斜風過衛水他時好

馮舍人遺詩

卷之一

十四

雨蕭蕭灘語君休薄臨江守第二螭頭夜正寒  
驛路春光潑眼濃到官恰值杏花風江邊結社尋  
佳士山上縛亭稱醉翁長孺何嘗留郡閣子公切  
莫寄書筒南行若到高安市父老逢迎定不同

春日移居傲石湖體四首

移居不向玉河津愛與城南小寺隣圭竇還通五  
都市蝸廬恰受一家人乞齋僧過纔亭午賣菜傭  
來正及晨收拾詩囊和藥笈人言吾子未全貧  
一帶欹斜曰板塋三間瓦舍土花香茶鐺乍沸青  
煤竈書本十攤葉竹牀倘欲論文還結社偶逢作

戲便登場此生自分無歸著忘却春風客異鄉  
門前卓立五高竿客過何憂覓路難但有素心時  
命屢依然故態不須冠消閑最愛棋聲苦怕醒翻  
嫌酒令寬一榻西偏如斗大春來風雨莫相干  
一枕蘧然興正長卜居恰在古槐旁門無客到何  
須候室有妻迎豈善忘過眼是非誰理會交春冷  
暖好禁當從今大隱金門裏竟長兒孫也不妨

題文姬歸漢圖二首

誰貌文姬歸漢圖玉關紅樹錦模糊應需金壁知  
多少莫笑阿瞞非丈夫

馮舍人遺詩卷之一

五

兩首新詩絕可憐那堪異域又生還老成人在應  
須恨錯斷孤桐第四弦

春杪集神樂觀送徐泗瞻秦文湖羅西叔高

大垣諸同年之官限行字

尺五天邊春晝晴同遊南陌鞠塵生客來彌勒金  
中坐詩向桃花潭上成文苑千秋應作傳酒徒四  
海舊知名于今却被閑人笑好事羅郎又送行

送王子千之任惠州

鼓棹東江雪浪長使君新到尉陀鄉雨殘江驛藤  
花落風定蠻村荔子香水部詩人方著句山亭野

吏正行觴他時續就龍川記起取南郵好奇將

馮舍人遺詩

卷之一

六



馮舍人遺詩卷之二

晴川集古今體詩九十首

出都

曉渡蘆溝水秋原雨過時  
泥新增曲折山近益離  
奇亂草司空第殘花聖女祠  
官途憐寂寞先望酒  
亭旗

長鄉道中

廣陽城外水如銀夾路秋光潑  
眼新驢背剛來乞  
漿客牛衣斜臥賣瓜人  
壞橋白屋三家市古岸黃  
塵四角輪卻喜晚涼生木末  
西風作陣打烏巾

馮舍人遺詩卷之二

酈亭懷古

夕涉鹿鳴澤日氣飛倒影泥行路滑  
漸入范陽  
境茅店乍黃昏暑退成凄冷永懷酈亭人  
結廬遠  
市井秘密蘊奇懷汲古引修綆羅縷系  
欽經藝苑  
恣馳騁凡百三十水歷歷如燭炳盛年  
富著作投  
老困簿領虫虫荆南民詣闕訟吏猛慘  
澹陰盤驛  
大雅沒秦嶺穢史竟浪傳名與崔谷等  
撫膺三歎  
息孤燈坐耿耿

定興道中

紺碧烟中寺接藍雨後天高棚僧施水  
野市嫗求

錢竹客竹鞭重新涼藤帽偏城南十里  
渡喜上夕陽船

保定阻雨

低雲無賴壓城頭涼雨驚飛保塞秋  
一畝泉肥聲  
活活三陵土茂草油油羣蛙排浪鳴  
官柳獨鳥衝  
烟下寺樓笑我短衣初解帶荒郊孤  
店又勾留

柳宿城

哺發盧奴北乍憶柳宿城不見黃牛  
嫗但聞白鳥  
鳴翁婆歌舞兒厥惟妄人生少時緣  
單衣往來廣  
望亭一朝登車去忼慨伸離情大石  
忽起立枯柳

馮舍人遺詩卷之二

發朝榮公孫幹獵車蓮勺竟龍騰飛  
書下九州三  
老具可憑立賜博平第門戶何崢嶸  
瞻彼中途婦  
牽挽兒女行忍垢事作活無爲歎飄  
零生女終有  
遇生男無所成

新樂道中

翩翩烏帽細塵生沙路青驛作意行  
殘暑還因老  
將退秋蟲何事不平鳴半陂野水初  
投釣千耦斜  
陽欲輟耕如此風光堪領畧晚來頓  
覺旅懷清

過真定

恰過中山鐵板橋三重門外雨瀟瀟  
依然紫袖當

棚立不見黃鍾袞六么

漳沱懷古

麥飯亭前路呼舟古水濱  
倉皇銅馬帝歷落白衣  
人危渡千年蹟昏風十丈塵  
臨流何限意鼓柁下通津

馮唐墓

吾家中尉迴翔地烟雨淒迷草樹荒  
誰向墓田招父老空傳輦路辱  
君王低徊宮監談遺事愛惜郎  
官問故鄉莫恨白頭知遇晚  
阿奴短髻亦蒼浪

沙河城南作

馮舍人遺詩

卷之二

三

火雲不動秋陽驕行人畏午行  
僊僊車轂摧陷馬蹄沒黃埃  
突與青天高溫州恰在湯山麓  
下有泉眼通沃焦洪爐日燎泉水沸  
坤靈膏涸愁煎熬蒸爲黃沙彌大陸  
茫茫九野堆雲濤有時西北驚風號  
飛揚跋扈矜雄豪或如掉尾時渴虎  
或如戲水騰饑蛟或如病瘵聳項背  
或如蒲伏連睢尻詭譎奇幻非一狀  
信由天造非人勞我願茲沙化爲石  
千年屹立無動搖待遇畫工曲肖物  
十日五日圖生納不則沙爲糟邱水  
爲醪石手上挹北斗杓左手還持東  
海螯一飲壘塊須臾消高陵深谷兩  
寂

寥行人終古無辭陶

邯鄲懷古

驅車趙南陲訪古邯鄲郡人代兩茫  
茫興亡杳難訊七雄駭龍爭狡焉不  
守信武安小豎子猛氣懾行陣引兵  
歷山東長平屋瓦振維時平原君結  
客著令聞嫣然美人頭竟爲虛名徇  
晚逢側儻士高節凌萬仞鄙棄千黃  
金蹈海餘孤憤山木涕趙亡詩書陷  
秦燼區區戰國雄事往誰定論慨過  
遺墟秋風掠衰髯

磁州二絕句

馮舍人遺詩

卷之二

四

水面田田荷葉開午風吹送野香來  
山僧倘結蓮花社遲我籃輿取醉回  
滏陽驛裏小迴翔菱葉荷花似故鄉  
乍憶嵒湖湖上雨當軒脫帽唱滄浪

七十二冢

濯龍老樹夜流血阿瞞乍見魂斷絕  
強將歌吹教官人丈五銅臺總帷結  
練巾風流付逝水橫槩意氣隨烟滅  
當時規地西門祠紛紛陪陵左右列  
卽今疑冢七十二死骨千年尚詭譎  
炎靈不耀土運與太白煜煜垂天闕  
秦山漢陵兩銷亡邾王天下

人誰說磊磊落落乃豪傑寡婦孤兒宜不屑

湯陰

晉鄙曾誇矍矍人  
蕩陰境上士如雲  
不防屠子龕  
豪甚袖裡神椎四十斤

重經安陽懷舊一首

紅螺醑酒魏公祠  
正是西風乍緊時  
記得斜陽人散後  
狎鷗亭子醉題詩

戲陽城裡月三更  
共聽狂奴捉鼻聲  
寫就齊紈持贈我  
殷勤只有薛髯卿

淇縣道中

馮舍人遺詩

卷之二

五

秋入淇門路山城日正中  
嵐開螺髻翠溪淺殺紋  
工逐熱鳩呼雨迎涼蝶弄風  
籃輿隨處歇我意戀幽叢

幽叢

荆卿故里

一卷輿圖計已疎  
單車徑入虎狼都  
縱然意氣傾燕市  
豈有功名到酒徒  
空向夫人求匕首  
誰教賢子把頭顱  
南來曾過邯鄲道  
還問人知劍術無

欲遊蘇門不果

蒼茫亂雲西落日  
射潭影隱隱蘇門山  
恍惚露靈境中有披髮翁  
讀易消晝永雲卧嘯臺側  
鸞音出

半嶺我作大梁客  
黃塵役牒領西風  
斷續吹山徑孤烟冥欲往  
從之游足繼無由  
騁感嘆區中緣商歌激清類

汲冢

聖經陷秦阮古史軼東觀  
王迹墮渺茫紀載雜真  
屬歸然襄王陵秘義資幽贊  
烟昏鳥迹殘土蝕竹簡斷  
詳究杜預言博采東晉傳  
金玉梁邱藏譚易公孫段逸書  
七十五亡者將過半我讀紀年書  
起自軒轅戰筆爭董狐良義與春秋  
貫王季文丁誅桐宮太甲變世儒  
守師說遺文坐荒誕悠悠億萬年  
事往難臆判訪古歷山川懷奇徵文獻  
夙願紛未酬中夜起三歎

君子村

昔賢休沐地籬落偶然存  
綠樹黃茅屋青崖白板門  
崢嶸萬古宅冷落三家村  
問訊鄉中叟交情誰與論

廣武懷古

商風慘澹吹廣武  
大野蕭條急飛雨  
千年戰壘莽荆榛  
白晝嗷嗷聞鬼語  
大蛇已斷赤帝與鹿走  
中原角漢楚戡戡亭長竹皮冠  
七十二子排左股入

蜀西致降王三出關東劫諸侯五高築甬道三室  
類意烏猝嗟愁項羽獨身挑戰決雌雄列戟營門  
插軍鼓天下句句未可知幾令乃翁辱高祖走狗  
辛制冰猴亡龍顏終成馬上主兩人倘爲文字諸  
垓下大風各千古吁嗟頭顱千黃金突兀長陵一  
抔土楚亡漢跳兩千年遺墟蒼莽蟠龍虎荒山獨  
影弔陳蹟雲破天青日方午

歸雲堂

烏皮几穩且閑憑佛閣經堂嬾未登粥鼓纔停修  
午課愛他香火住山僧

馮舍人遺詩

卷之二

七

黃山谷歸雲堂大字詩

槐陰蒙密羅修徑傑閣百尺雲垂棟古佛漠漠龕  
燈昏破衲僧雛五七衆涪翁大字縣中央老蛟蟠  
挈岌飛動千年墨氣尚淋漓臂指出力筋骨重秦  
斯史籀既變法家鷄野鷺紛紛弄或曰今瘦或古  
肥畫虎畫龍空聚訟如公書格豈易得定費禿筆  
十八甕蘇門君子只六人邾莒小邦誰伯仲巨筆  
故應欺歐虞清詩端合凌沈宋投老却爲宜州民  
有才不作清廟頌殘紙遺墨未銷沉流落僧榻閑  
無用簷外野竹還疎疎時有風枝送鳥夢

閑步

烏柏林中扶短筇經堂又過午時鐘客行歇路貪  
沙軟僧卧斜陽愛樹濃乍聽竹聲飛舊雨時看溪  
影數前峰縑衣絲帶蕭閑甚自笑征夫性太慵

列子祠

雨沒苔侵列子祠御風飄渺去何之空留一卷新  
書在四十年間人不知

許州道中

行經南鄭城南路土茂泉香思煞人待訪荀龍兄  
弟去騰騰烏帽打黃塵

馮舍人遺詩

卷之二

八

許昌懷古

言居東西有午兩日並光主爲輔鬼在山禾女連  
一軌七百二十年紛紛妖讖一時起代赤眉者魏  
公子漢家蒙孫復何言告祠奉獻皇帝璽繁陽升  
壇古有徵舜禹之事知之矣一朝巡幸許昌城哭  
兀南門無故崩邾王天下曾未幾典午功名取次  
興襄武長人白髮生黃巾拄杖呼太平魏晉興亡  
如流水奸雄盜竊徒然耳千年人過許昌宮滿眼  
黃塵西北風

黃塵西北風

羅鄴感秋節曾經陂上歸我來重眺望落日漣斜  
暉不見蘆花白依然沙鳥飛才名到頭盡轉嘆昔  
人非

臨潁道上

遙山遠水罷登臨却愛秋林十畝陰病葉蟲工行  
草帖修枝鳥解短長吟涼雲孤堦三重上新雨寒  
溝二尺深都是詩材須記取不妨客路一披襟

郾城懷古

秋雨郾城道荒寒野草青愁雲迷下蔡亂水入潏  
亭故壘盤蒼華空壕落濕螢晉公遺烈在終古仰

馮舍人遺詩

卷之十一

九

前型

贈西平魏秀才

翟穉詞人汝水邊秋風茅屋小於船短牀斜倚藤  
蘿下正讀南華第二篇

嶠呀山

朝遊西平路遙望嶠呀山山勢何厓屨羣峰紛鈎  
連東隣下蔡郊南逼武陽關大野莽寥廓慘澹少  
人烟伊昔寬旬民盤踞茲山顛妖幟薄東都狂醖  
輒熏天奇絕軍中語蛾賊遁拘牽一朝王師至白  
帟軍五千鴈門李節度兵氣振藍田符命究無徵

丑口真繆言投牒向山靈千秋有慙顏誰挽天河  
水一洗諸峰巒跋馬趨山脚餘憤激肺肝

謁諸葛公祠

壤垣歇徑野花幽蕭蕭靈祠祀武侯紅飯三升村  
賽晚黃桑千樹廟門秋壁間畫妓遺巾幘山下征  
人役馬牛太息高麾游渭上誰教天末大星流

確山道中

十日荆河客山行第一程斜陽平氏野秋樹朗陵  
城路僻荆榛合陂空鶴鶴鳴天南二千里愁絕旅  
人情

馮舍人遺詩

卷之十一

十

朗陵行

郾城以南數百里廬舍蕭條田野不治訪  
之土人蓋數十年於茲矣夜抵確山感而  
賦此

荆河惟豫州厥賦實第二汝南天之中亦屬中上  
地漆絲既繁興織絮以時致泊乎井牧荒農民乃  
多事或爲旱潦侵或固兵燹棄阡陌紛錯陳溝洫  
久廢置朝廷重稼穡特設牧民吏厚以賜復恩重  
以荒田議匪惟念民依亦將收地利豈知羣有司  
相視等兒戲荆榛翳邱隴瓦礫羅市肆我欲呼流

黍糧千里至相彼高下田畝以耕耘器播穀居  
其始種菽及其次三時課晴雨豈曰非善智惜非  
勸農官懷此終何試

確山早發

縣小門長閉山荒草尚青高風騰虎氣老樹作人  
形路逼東西嶺天垂五十六星黎明垂語切客裏不  
堪聽

信陽渡淮

淮水下桐栢東趨義陽徑河身十丈濶中流不沒  
脰客行靈山側正值西風勁乍想海門東馮巨不

馮舍人道詩

卷之二

十一

受命澎湃山陽郊勢與黃流並比年患衝決重爲  
河渠病特遣都水使乘時舉大政盡伐淇園竹遠  
迫飯子詠三策未奏功或非人力勝我讀靈威書  
趨下水之性與其激而行無寧順爲正願倣古遺  
法蹙下移民令引漕東入海庶幾省徵應腐儒敢  
議此大言無足聽

懷何仲默先生

一到淮南里清詩幾度看夙傳天下士浪作舍人  
官士忌才名大官憐骨相寒因君商出處老淚忽  
闌干

出關

屹立千仞青疊爲冥阨塞獨徑闕靈跡奇峰露光  
怪拾級歷層巔頓覺天風大松響石鼠飛崖危白  
猿挂深谷失迴蹊目邇一髮在旁列東西嶺神丁  
關疆界香乳滿巖腹寒溜落高派蜿蜒下山足大  
壑舞澎湃離離黃葉村茅屋圍石砦乍想山中客  
閱歷幾人代夕曛蒸嵐光晚涼擎雲蓋欲尋採芝  
翁從遊方之外兮鶴不飛來嗒然墮塵壒

應山道中

荒村籬落樹成圍千疊晴雲屋上飛遠水石梁雙

馮舍人道詩

卷之三

十二

鷺下斜陽蕭寺一僧歸雖無脚力尋巖徑尚有心  
情叩板扉竚立沙頭寒栗栗四山空翠濕單衣  
德安道中

高下山間路縈紆水際田泉香疑麝過沙軟認牛  
眠細雨村收稻涼天客放船土風良不惡小住亦  
陶然

雲夢澤有懷太白

南楚大澤七雲夢首江表幽壑積陰彌望皆宿  
草日氣開鴻濛天風吹浩浩徑徑問蛇跡高屋劃  
烏爪未覺滄溟濶轉意彭蠡小尚懷謫仙人逸氣

躡雲杪戲弄吳江水過此窮幽討遂就許公宿示  
結兒女好一夕高興發酒酣烏帽倒南辭桃花巖  
東入蓬萊島謁帝三十六致身外臣早高風邈難  
卽短晷催人老難寐塵網中衆緣紛難了寄訊澤  
中客何處最容窮未能學飛雲且願依樓鳥

孝感道中

獨馬緣荒徑輕舸渡淺谿野橋烟斷續村落水東  
西花鴨浮蓮蕩涼螢入稻畦徐行愜幽興風雨乍  
淒迷

黃陂道中

馮舍人遺詩  
客中犯曉困懣騰路入江城日漸升近郭染人初  
曬帛隔橋魚戶正扳竹器遠販紅毛酒風浦新  
翻紫角菱恰值朝饑投野市欣然一飯釋行滕

渡江

西陸恍方息南江船始放榜人候明發鼓櫂排高  
浪三崖驚嵯峨九派勢駘蕩開頭如箭激帆轉疑  
鷹颺中流倚柁樓極目騁遠望緬想錫圭初嚳冢  
此導漾江漢交瀝流龜蛇森列仗舳艫通南荒輸  
輓盡東向莫邦鄂王紅城堞經始創沙沉鐵犀脊  
樓扼黃鵠吭人代幾廢興江流帶悲壯溯洞蘆之

滿仿佛漁人唱初日滿寒汀泊舟獨惆悵

黃鵠磯

沔江駁浪流淙淙夾岸屹立雙芙蓉黃鵠高峙郡  
城角倒挿石壁當其街上戴萬古神仙宅下踞千  
尺蛟龍宮我客江郭百無事獨著雙屐攜長筇斜  
日慘澹山徑黑窮秋蕭瑟楓林紅綠崖歷磴到絕  
頂危樓哭兀臨三重森然魄動當檻立參旗斗柄  
搖虛空俯看長江一帶耳翻疑天塹難爲功廻身  
欲倚江閣坐四牕白霧寒濛濛神仙有無墮荒邈  
英雄割據空遺蹤冠古才人零落盡感時五岳排  
馮舍人遺詩  
胸中山雨初來樓角暗躡級欲下心忡忡憑高放  
眼一長望茫茫八極雲而風

生日

忽忽行年三十九龍鍾態度十分強病容差似秋  
山瘦愁緒偏如江水長但使陶家三徑在何妨陸  
氏一莊荒人生端合卽園老休說男兒志四方

補衡墓

日暘潮波黑頑風嚙沙岸平蕪青草歇寒洲鳬鴨  
亂傷哉古狂生芳躅隨露電高文未銷沉飛辨軋  
霄漢人間只兩兒餘子無足算大雅淪鼓史解相

露雙胛蹠踏三重閣頓覺青節纏疎巾單布衣營  
門坐譏訕吉利亦得賊竟作雀鼠看屈身入夏首  
賓筵逞詞翰詎知黃死公褊心不受善平生任史  
儔才大果爲患我來薦芳蓀憐君同鄉縣遺風如  
可作潘費永當鼠

明楚王宮二首

殘蕪黃日落楚國滿西風露冷王孫草烟銷帝子  
宮高垣水衣碧廢殿土花紅悵望前朝事茫茫人  
代終

何限淒其意憑高眼倦開依然三戶在愁絕大西

馮舍人遺詩

卷之二

五

來黃霧朱方暗青燐白晝哀寒江鳴咽水不共楚

王回

論史

三代初立國幹強而枝弱列侯秉文德亦不廢武  
略田賦藉甲兵猶足壯關鎗洎乎秦漢興古制寢  
零落封建廢不行于孫日滋削縱云錫茅土曾未  
賜弓繳一夫揭竿起狂談輒熏灼揮鞭下連城無  
異掃秋籜銜壁誠知慙寧忍苟求活徒手弄戟戈  
一夕遽成縛嗟哉同姓親無如匹夫樂貽謀良不  
臧後嗣將何托先王樹屏藩列服相聯絡異世兄

弟邦豈必盡背約漢室外戚強唐家節度虐時無  
七國叛亦以陷京洛世儒寧知此封建終可學

江郊

百穀登場秋欲成阿香近日已收聲偶然雨腳風  
前立乍見雲鬟天際行簪笠人歸漢陽市雨衣客  
上武昌城正愁避濕妨食路又放斜陽特地明

高觀山

朱方熊楚邦羣山此都會我我高觀峰坐鎮閭以  
內方城十萬戶雜還集趾背絙昔漁家兒投隙弄  
狡獪土風故慄悍子弟多亡賴元日正昏瞢忽焉

馮舍人遺詩

卷之二

七

自尊大盲弟一夕殂漢家事大壞建業五百人激  
昂奪石砦徘徊山之麓尚遺朽骨在友諒墓在山趾城郭

未變遷人代幾興廢于今車書一朝廷大無外

湯湯廣漢流千年輦襟帶澤國富魚蝦湘岸美菰  
芥尚乞高觀靈永厭江濱怪他年舉祀秩當與三  
公配

江夏寓中

小飲膏騰醉復醒短牀曲几臥寒廳羹材滿貯烹  
鷄鼎書卷空携相馬經鏡裏頭顱催我白燈前眸  
子向誰青江城愁絕思鄉客繁杵西風不耐聽



游洪山

岸幘臨青厓携筇入雲岫土潤泉水肥木脫山容瘦  
江郭多葦廬人家闕圭竇花放黃州菊果熟雲夢  
柚到山蠻童迎入寺僧雛候粥鼓響諸天法雨飛  
晴畫古碑龜趺缺老樹龍鱗皺宛轉達山脊笑兀  
凌雲構峰高千盤曲徑危兩崖隳石裂蒼蘚合草  
枯古藤壽陡覺蹤跡絕自關古今宙下瞰南湖山  
歷歷入吾殼萬馬爭鬪決羣龍相奔湊鴻濛列畫  
屏造物工雕鏤頓悟法界寬一洗井底陋孤興邈  
無極勝事恐難又獨坐上方燈俛首聞梵呪

湯舍人遺詩卷之二

七

旅懷

飄泊他鄉歸去遲江天又屆授衣期人疎自合吟  
齊語客久偏宜讀楚詞寂寞黃花時節雨鷓鴣鳥  
帽丈人祠遙知故里逢秋社朋輩開樽正見思

示張文篤

大雅久微缺元音忽淪喪衆鳥驚狂飈羣魚逐駭  
浪錚錚瓦釜鳴靡靡優伶唱變爲八股格制由拘  
相剗厥初尚清通滋久乃流蕩選勢規粉本攷言  
獻俗狀腹儼瓠壺形畫依葫蘆樣村師守曲說市  
僧矜巧匠抵牾速漢儒燔棄追秦相家被僞學毒

士受詰詞莊邪說有常刑定爲仁人放繫余東魯  
寄寄跡楚江上談藝憂無徵準古信有當識克氣  
自華論渺道乃也設境造幽折懷響游昭曠匪惟  
堙洪濤底幾奮高颺赫赫千載名努力崇令望  
題徐電發南州草堂詩

一卷南州未刻詩清風院裏讀多時直須放過詩  
工拙不怕窮人亦自奇

鐵犀行

武都怒特西入水空舂黃牛躡空起逆潮蹴蹋汚  
江濱夜吼霜天猶掉尾驚濤下撼龍壘宮腥風促

湯舍人遺詩卷之二

六

浪打沙背群魚跳波鯨人避一見凜凜輒垂涕乖  
龍貪勢不受降鱗間出火光射地老牛關酣兩角  
折兀然不動化爲鐵風剝雨蝕三千年垂胡猶帶  
戰時血卽今江水白於銀潮平岸穩沙無痕漁舸  
一葉飛夏口龍驤千斛奔荆門篙工舵師坐收益  
豈知鐵犀與有力事往功成那可說倒卧寒江千  
尺雪

偶作

骨相元來坐一寒天然下士強名官平生恥倚二  
重障此日思裁二寸冠白屋有田歸亦得黃金無

良難心情嬾慢知何似兀兀騰騰向夜闌

將發武昌

官身敢怨十分貧商略行勝費二旬玉版殘書携  
素簾紅藤新輦上烏巾行經鸚鵡洲邊去坐想懸  
胎山下人正是楚天鳴雁候冷雲寒水最酸辛

江上四首

朝氣結嵐陰衆峰互明滅披霧見高墉躡級歷靈  
闕長揖青蓮生風流愛前哲舉酒酹郎官錫名果  
獨絕古岍轉摧頽深谷已銷歇永懷廣漢人挂席  
拾海月

馮舍人遺詩卷之二

九

右耶官湖

拄杖遊北郭言尋桃花洞霜清水初沉雨歇雲不  
動黃葉四山飛寒禽發幽喙乍見水際村板扉接  
竹棟捫蘿緣迴谿頓覺巾履重靈僊不可企吾將  
翳鸞鳳

右桃花洞

企腳陟層巔探幽凌絕壁藉草撫盤陀坐收千頃  
碧傑閣兀晴空入牕雲氣積松響巖谷驚一鳥下  
山脊魚龍畫浴波雪飜汚江石待招騎鶴翁相與  
永令夕

右晴川閣

溯洞水之漪艤舟上古渡近山得早陰臨水多夕  
露幅巾野人裝蕭然成遠趣歷歷漢陽郊一抹冬  
青樹獨影弔陳蹟歎惜懸鎖處

右鎖穴

畱別徐電發

去歲狂歌共上都今年結伴到江湖旗亭酒醉徐  
高士驛路金羞陸大夫少喜詩情猶健在却憐豪  
氣已全無他時君返虹橋去好畫樊山夜宴圖

漢口

馮舍人遺詩卷之二

十

薄日尖風釀早涼蘆簾竹舍小家忙千林落葉投  
僧院一簇紅樓壓女牆石湖竈戶當場收舊直獠  
奴入市買新裝人間半是驚秋者况復飄零在異  
鄉

重遊大別山

風雨臨江閣平生名岳懷疎簾搖白舫曲磴踣青  
鞵霜樹龍鱗滑秋山雁齒排不逢漢陰客夙願一  
時乖

江村

望裏修修竹萬竿欹斜籬落倚沙灘吳牛拘與人

爭路魯酒酸供客壓寒二別回頭猶哭元三汀滿  
眼自波瀾羈懷惟有言歸樂誰料歸程了又難

澗口

三江鼓浪寒魚縮太陰奔黑風拔木乍寒中人禁  
不得坐擁駝裘凍起粟牽船開舵遶洲渚黃昏始  
就渡頭宿雨脚斜飛亂帆重灘聲怒轉兩崖東江  
郊地僻古驛荒遠客下投白茅屋村犬如豹吠猜  
猜炬火微明出修竹屋底老人解客意倉卒能辦  
黃鷄粥平生自羞飲戶低怕寒苦憶杯中淥矮牀  
布衾涼於鐵一夜鰥鰥澁兩目輪與茅檐老婦翁

馮舍人遺詩

卷之二

圭

未下昏燈睡已熟

山行四首

路入靈山境界奇風光况是小春時白雲半擁維  
摩室紅樹全遮漢壽祠蒲薦竹輿還有分綿裘絮  
帽最相宜此行不爲看山至却到淮南行又遲  
海色微茫欲放紅客行已入亂雲中橋當水面剛  
三板路轉山腰恰半弓多事寒禽爭噪日無情落  
葉解吟風此時驟背頽垣下只有人間田舍翁  
柳颺荷乾村路荒霜天過午十分涼雲容帶雨疑  
神女風力拔山追霸王猿抱枯松投澗淙鳥爭落

日起巢忙人生行路看如此何事營營滯異鄉  
客裡沉吟閱幾旬還來寂寞想荒村半篙溪水振  
圍屋一陣山雲雪到門正可烘衣消白日不妨沽  
酒趁黃昏相隨但有青猿在無限心情底與誰

大雪宿明港驛

族雲如魚龍朝出淮水岫疾風西北來鼓盪兩山  
縣乍見雨絲飛旋作雪花亂后土寒未結俄頃成  
漉漫泥行卯至酉始就沙頭店垣屋岌傾側盤飧  
無兼饌書生行萬里寒餓習成慣僕夫強解事積  
困生憂患安希軟脚酒或來野人獻豈知逆旅客

馮舍人遺詩

卷之二

圭

一飽亦天眷自脫二寸冠獨坐六尺薦哀猿啼石  
欄飢鼠齧瓦硯寂寞一無言俯仰俟天旦

陳畱感懷二絕句

穹碑笏立欲參天雨剝煙昏莫算年一自老成人  
沒後千言不直一文錢

近郊市小人聲寂傍晚晚天寒雪意濃野市皆蔬愁  
不足人間何處覓茅容

汴梁懷古四首

夕過大梁墟弔古戾門監決策奪虎符坐致秦兵  
陷晉鄙雙哨將竟爲侯生賺排難誼良高矯命理

或僭區區烈士風白首伏長劍

北望陽武城蒼茫飛暮鴉秦皇舊轍跡尚遺博浪沙徒切壯士憤竟破韓相家關東山鬼來視壁但咨嗟九原求鮑魚滿載輶輶車

落日平臺東悲風集灌木何處節杵聲如聞睢陽曲當時七國功沒世五王福詎意牛背聞崢嶸出一足寂寞千黃金壘樽空遺屬

遙瞰鳳凰山突兀一簣土華陽隨劫灰零落遺柱礎不見黃楊樹但聞狐狸語人間好花石空歸道教主試問五國城行帷幾風雨

馮舍人遺詩

卷之二

圭

渡河

崑崙三角兀欲摧飛湍分布洪河來伏流地底行不輟東合浪蕩金隄開河水一石泥六斗陽侯之窟皆黃埃濤聲回薄終古怒青天哭兀鳴殷雷我行西南歷荆楚已溯廣漠窮長淮還過大梁天欲雪寒冰未結河流哀熾舟古岸人競渡蒲帆十丈懸高桅木末西風飄忽至篙師相覲顏如灰我獨裁舸方得意中流放眼周八垓大呼河伯漫蛟螭揚波沛屬何爲哉淮陰引度輸海口下灌滄淵纔一杯揚舲鼓柁過河去登舟毀壁啜滄臺

封邱道中

慘澹荒原暮愁人可奈何高風飛白草低岸護黃河孤鳥如含怨兩山空放歌青陵臺畔路流恨至今多

浮邱山

浩渺大河北四野平如砥突兀三神山墜落黃塵裏與大伍紫霜重嵐氣白煙昏石色紫縹緲翠微峰羅列如雁齒頗聞浮邱公於此悟予旨絕頂鴻濛亭尚遺仙人履金鼎秘神丸蘿洞流石髓瀟灑羽衣客時隨白雲起古樹冬不花寒水澄見底平

馮舍人遺詩

卷之二

圭

生名岳懷垂老興不已行棄濟陰田永住黎陽里未能成神仙差堪學不死

內黃早發

蒼莽柯城北駝裘犯曉行馬調添睡味山過減詩情樹密疑村近阡荒覺路生鷄聲何太早應是客貪程

晚宿小灘

黃昏時節罷征驂野市蕭條夜氣嚴趁晚新灘生水骨怯寒老樹盡霜髯微茫漁火出篷背斷續樵風摧帽檐一種淒涼禁不得客程何事又遲淹

渡鄭口

只尺清河路迎風上渡頭  
潯坡高鳳麥半嶺戴嵩  
牛水縮新灘獻人歸晚市  
收計程無百里明日到  
陵州

抵舍

踏遍茫茫九片塵歸來依舊一  
齋髡腹雖負我猶  
堪說頭要責人無可原未註六  
經羞武庫強安四  
壁傲文園愛閑便倚南榮坐兩  
背如山尚有暄

馮舍人遺詩

卷之十一

重

馮舍人遺詩卷之三

京集古今體詩八十四首

送座主翁大司空歸常熟二首

十年贏得九遷官好向勾吳訪舊  
壓黃雀風來初  
解帶綠槐花放便登舩行將水竹  
栽旁舍重買山  
松種墓田莫道宦成容易去幾人  
名姓果堪傳  
稻香菱熟紫魚肥不俟功成也合  
歸洛下羣公方  
觸熱山中一老早忘機田臨法貝  
新松塋宅傍言  
游舊竹扉賣盡黃金謀醉飽初心  
從此不相違

送陳荀若之官臨湘

馮舍人遺詩

卷之三

十

揚帆幾驛到湖城竹簟藤輿上  
岍行龍窖陰濃深  
簪合鳴榔汝漲野花明遺民初  
集爭歸市儒更新  
來早勸耕暇日無風潭而立青  
螺十二鏡中生

生日放言

男兒墮地長七尺漆髮貝齒懸  
雙瞳崢嶸火色騰  
面頰瀟蕩浩氣流心胸直當假以  
六月息垂天之  
翼搏秋空崑崙西極滄海東奇勲  
落手銘鼎鐘我  
冠如箕印如斗黃金高與邱山同  
不則南山之南  
北山北芒嶽斗笠支長筇飄然振  
衣手切峰嘯傲  
五岳凌三公胡爲低眉歛版向時  
輩短轅局促悲

途窮兩角勝負戰蠻觸一介得失爭鷄蟲丈夫遭  
時竟踏蹬尺寸不効俄成翁眼看陽鳥振高春回  
首已墮虞淵中三萬六千何匆匆且拚一笑傾千  
鍾顏然不醉亦不醒與世渾如牛馬風

九日雨

龍湫老龍蟄不出九夏不雨千里赤却將晚節贖  
前非滿注江湖思一擲窮秋蕭縮寒霧與甲夜半  
雲塞四極雨足下垂冰絃鳴簷雷倒瀉玉虹立信  
宿綿延勢未休積水滃滃沒階石起看陽鳥晝不  
飛扶桑東盡太陽黑巡檐踟躕徬徬徬徬徬徬徬  
馮舍人遺詩 卷之三 二

天上謠傲李長吉

瑤圃行雲顏不休冰絲璫管鳴高秋十二樓前華  
仙子乍驚瀛海迴瀾紫罡風吹斜二酒星杖藜紗  
帽過青城酒酣倒飲西江水湫底乖龍怒掉尾指  
爪差工之而字綠藤斜封夜奏事

送趙秋谷罷官歸里

君不見天祿名馳九花文一麾斥人凡馬羣又不  
見爰居避風栖魯門兩翼空若垂天雲丈夫遭時  
合有道工拙反覆徒紛紜看君天骨森颯爽浩氣  
洞豁凌秋旻總角抱書走燕市拔筆摧倒西崑崙  
十年游戲金華省聲名萬里風雷奔忽焉洪河起  
短掉中流唐突蛟鼉瞋入宮蛾眉例見妒誰持正  
議排九閭滄海東頭散廬在收身穩卧蒼山根手  
中大瓢實五石倒甕滿貯羅浮春葢代風流但狂  
飲酒酣放眼收乾坤東溟滾滾波浪惡北陸漠漠  
風塵昏請君徘徊東岳頂遲看初日扶桑暎

馮舍人遺詩 卷之三

王

西城別墅十三首爲阮亭先生作

香海浩茫茫乾坤一浮甕旅人操虛舟終古舞頤  
洞好假石爲帆八風搖不動

右石帆亭

空閣散衆香默坐畱迅晷前生金粟身洗眼看雲  
水何處更求法天龍豎一指

右半偈閣

谷口採薪歸日夕發高唱空翠滿前軒歌側錦石  
上古音何人知天風吹浩蕩

右樵唱軒

何年海上山飛下巨鰲背秀發三芙蓉屹立青冥  
內石氣鑿鴻濛時見雲破碎

右三峰

披襟歷深林策杖陟疊嶽雲岑衆竊集一鳥啼春  
晚乞就白石灘更修竹里館

右小華子崗

坡陀莽迴互中有靈仙宅沙磧石髮斑洞口流雲  
白何人把筦鑰童女桃花色

右小善卷洞

手種雙株松閱歷幾子午化作兩蒼龍青天起雷

馮舍人遺詩

卷之三

四

雨伊誰攀髯飛絕頂結巢宇

右雙松書塢

偃蹇石丈人高卧春風裡獨留太古色永契無言  
旨鮐背雨斑斑雜花明於水

右石丈

適意逍遙遊乃有蒙莊叟終古等俄頃萬物夫何  
有愛茲植靈椿聞一得八九

右大椿軒

活水流空池池上春容麗靈芽生古香飛湍走逸  
勢撫枕午夢迴翛然續清製

右春草池

婆娑萬竿竹寒梢弄清影雨浣石徑滑風動苔花  
冷足音蹙然來一鶴飛人境

右竹徑

啼髮登高臺臨風一長嘯空山忽動搖鸞音發石  
竅客至終忘言駭機已坐照

右嘯臺

結屋桓臺旁端坐追邃古競春雲蘿垂四壁老蛟  
舞移榻向綠天石銚烹花乳

右綠蘿書屋

馮舍人遺詩

卷之三

五

懷克承

夢落寶泉東蹠脚五峰頂下瞰清水流瀾漫鏡千  
頃青厓峙其旁桃花覆半嶺盧城大於丸微茫露  
光景乍憶故人居掩關事幽屏獨榻陳竹編長歌  
擊柳瘳入山尋白石歸來燃松鼎烟霞豈膏肓投  
簪卽箕穎世界牛蹄涔長魚何由聘余亦倦懷歸  
抱形甘息影買田叔牙城貫屋朗公井名泉七十  
二臨流一笑領與子華初盟滄波浮舴艋短簑風  
雨夕相期共酩酊

送方山歸里二首

茅齋夜雨對題詩曾記當初入洛時青史功名終  
汗漫朱門行事自離奇十年舊學真無用四海新  
交定有誰愁絕東風寒食後雙柑斗酒話臨岐  
乳鶯啼遍野桃開驢背行吟日幾回零落北音人  
漸少蕭條東道客方來雲歸大壑元無意樹老深  
山定不才莫戀故鄉蓴菜好遲君重上古金臺

懷秋谷

山雲颺西郭微風動北牖疎槐散清陰好鳥各求  
友展卷意憺惓巡檐屢搔首口盡海東頭心依秋  
谷口眷我同懷彥晦迹卧隴畝芳園足嘯歌少長

馮舍人遺詩

卷之五

六

相携手疏泉種豆菽戴雨剪松韭峴峴小我嵎高  
名共不朽應憐京雒客屈節戀升斗流塵化素衣  
浮雲幾蒼狗寧能鴻鵠飛終作牛馬走何當稅駕  
還提壺酌春酒羈軼紛難釋悵斷青門柳

呈書湖馬先生

潑水當年負笈遊白袍鶴立蒲城秋曾無曼倩三  
千牘坐置元龍百尺樓青巒蹉跎誰料得黃金寂  
寞覺難酬即今相遇橫門道落日昏風祗益愁

穫麥行

雷聲隱隱車輪轉山田刈麥天將晚舍前開場鏡

向光青絲鞭牛下隴坂去年春雨雨三翻墜車麥  
穗黃雲捲今年風吹三月晴麥苗看似秧針短官  
家下詔已蠲租積逋并勅免追呼田夫田婦私鼓  
舞早買豚蹄賽田祖老翁眼明豎花幡稚子手勺  
擊羯鼓紙錢化作麥蛾飛村酒雖澁祈神許鄰人  
忽從城中來驚聞傳呼謁官府上司明文昨日額  
屯糧不在赦中間且秣蹇驢夜炊飯打疊新麥入  
市販

夜雨

盤空掣金蛇夜照四壁赤雷公躡其尾雲遶恣騰

馮舍人遺詩

卷之五

七

脚大塊鬱磊砢一噫周八極太乙黑熾懸雨脚飛  
鐵疾初疑涿鹿戰帝遣百靈集又疑天關摧迸落  
嫫皇石浩蕩四溟傾鴻濛一氣闢仰屋空有歎避  
溺了無策奴黠兀不語婢弱髮碎魄狂夫困膏騰  
坐待東方白引領望檐溝雲破天卵色貫錢市豚  
蹄山中方曝麥

題朱軒畫

濕烟漠漠土花殘石理青蒼露豆斑好語雲林杜  
居士重添佳句品螺山

空林閑澹水雲隈片石秋深冷碧苔題作江山小



平遠竹牕紙帳卧遊來

論史四首

狂秦陷東周大蛇起白帝騎虎遊八極傳國僅二  
世繆言黔首亂悉坐儒術致焚棄詩與書金人鑄  
十二蚰興隆準公儒冠作溺器倨傲見長者任用  
刀筆吏歸然魯兩生學古識大義心鄙叔孫陋不  
屑盡一議尚懷鄭魯間禮教相維繫邑尊鄉先生  
家育良子弟截然貴賤分正名以定志此風旣云  
遠千古靡士氣

漢道昔寢衰厥風日媮情法吏忽縱橫擊朴遍間

馮舍人道詩卷之三

八

左設意立國威弱水而烈火於時張趙輩領職本  
么麼公卿競薦達殘人斯已夥蒼鷹凌空飛乳虎  
道旁坐敢行絕顧忌多怪少所可其始尚束濕其  
流極鬼瑣詭法以中人齊民罹死禍嗚呼喪亂萌  
發機實由我所以賢聖君登用惟碩果

赫赫四豪名差我壓世界賓客久寂寥餘烈猶未  
艾匹夫尚輕俠氣馘通中外遂使法網張豪傑蒙  
繫逮關東郭解亡濟南矚氏敗庶姓甘屏息富民  
徙關塞大獄忽煩興奸人弄機械澆風熾一時遺  
禍流異代傷哉王迹熄版籍久破壞世族業摧殘

細民究何賴根本終動搖有國當深戒

萬雀忽悲鳴夜衛懷陵土虹蜺竟揚輝和同亂棄  
取鈎黨互紛糾大名書王府三君者英流棄之如  
腐鼠高高首陽山愁絕對海語誰謂人鬼謀當貞  
觀二五黑山與白波道路化豺虎構禍始甘陵流  
毒南北部咄嗟蠡吾侯貽笑千萬古

張華宅

水沒方城蔓草肥司空舊第滿斜暉人亡劫火羣  
書散屋老秋風一劒飛廣武勲名憐寂寞式乾諫  
事記依稀如何少日鶴鴉賦却到封侯不解歸

馮舍人道詩卷之三

九

耶律村

孤村斜抱甕山陽遺像蕭然古佛堂五尺長鬚真  
灑落一圓禿樹最荒涼尚聞摘阮消閑日還憶巾  
車入醉鄉幾向人間尋大匠買絲擬繡廣寧王

送朱敬如之官

使君雅意愛流泉郡閣天然水竹間便埽軒牕聽  
白雨徐開屏障看青山亦知吏牘紛難了須信詩  
人到處閑寄語江州諸故老莫緣新律緩追攀

阮亭先生與予同生日奉投十六韻

偶下天門東駐足清水岼遂成汗漫遊竟被紅塵

昔未約俱避秋風便到來逆旅中計日苦  
握券公騎六尺駒長空凌飛電點筆雷轟立制  
頽波變豸角兀崢嶸高列通明殿時爲御史中丞余時轉

踏蹬避風患伏竄失脚墮泥塗昂首望雲棧歛見  
燕南隨羣龍正酣戰得失何足云掀髯一笑繁愈  
指阿奴狂惟公錄片善我意遂傾倒執鞭諧素願  
時恐舊學荒永與至道畔尚乞金鼎丹灑然凡骨  
換嗟嗟無復言茲事或夢幻

題朱文盎月波吹笛圖二首

手裏篴材何處尋短篴斗笠向湖陰人間到處情

馮舍人遺詩卷之三

十

騰甚不信螺潭有賞音

笑指黃公舊酒壚紅塵遊戲亦須臾而今我欲浮  
家去肯割雙溪一半無

題陳與可囊琴圖

連峰合沓翠箝空亂水奔流飛玉虹山腰直下得  
平阪蒼然雜立雙青楓此君宜著岩壑裏科頭露  
坐當秋風茲圖毋乃蜀孫作筆格妙與神明通古  
囊何所貯三尺焦尾桐平生愛山水雅與琴理同  
玉山秋老叫孤鳳寒湫月落吟潛龍能往時記君士  
指妙而今疑我雙耳聾燕山泉木琴材少霹靂空

斲山骨紅秦箏趙瑟競撫美南鄰北里絃管濃冷  
泠流水引謾謾風入松嘆息知音何處去茫茫海  
水扶桑東

阮亭先生出荷露琴魚見餉二首

名釀新誇菡萏春滿浮三雅色如銀一瓶試寄柴  
桑去定作蓮花社裏人

春暖琴谿翠浪堆槎頭漁子打魚來須知不比閑  
滋味開遍桃花只一回

樂毅墓

勞軍濟上意何如感泣先王有報書五國幾曾金

馮舍人遺詩卷之三

士

市駿諸田尚解鐵籠車淒涼磨室成功後想像騶  
夷抱憾餘太息客卿骸骨在離離秋草滿邱墟

北平城

蕭蕭圓陣大黃鳴愁絕將軍髯欲星躍馬南馳還  
自許封書東道竟誰聽霜沉水草笳聲靜雨洗弓  
刀虎氣腥醉尉人間應不少何須遺憾霸陵亭

曹素功壘歌

香海蛟龍忽安尾下飲屏山一滴水冷光直射風  
宇脚濕烟欲沉玉版底白嶽仙人秘妙訣落杵俄  
成烏玉玦筆尖略洒壁上塵黑蛟屈盤太古雪偶

然一丸流人間奚家父子詫奇絕長安貴人競購  
致典以黃金每不屑我時正卧墨穴中筆床紙帳  
蕭蕭風眼底冥濛昏霧合屋角黯淡平雲濃一螺  
點漆忽落手顧向客卿開笑口平生坐汝恒苦饑  
火速磨來歎一斗

聞田雨來將移新居却寄三首

五畝城西宅移家定幾時屋連屯氏水巷接董生  
祠背郭桃花發巾車渡口遲卜居先占此真與懶  
相宜

瓦舍三間大蘆藩一帶長几排風字硯簾護鳥文

馮舍人遺詩卷之五

五

香闌茗消閑晝翻書入睡鄉真成清淨退寧復問  
行藏

我亦齊東客游梁興已闌頭方徒自苦舌倦果然

難世界憑鳩閑還家學螻蟠十年看爛熟未敢戀

閑官

卓火傳傳經堂詩二首

講學何人最著名清涼山下老經生移家螺髻麓

中住四十年來不入城

莫道名賢沒草萊講堂還對水邊開人間何限譚

經客趣取桃花渡口來

陵州詞十首

逐隊尋春古寺門轉輪藏裡乍黃昏辦香繞禮空  
王罷重拜阿羅十八尊

東風寒食紙錢飛祭罷墻間已落暉經過陳公堤  
畔路杏花斜壓帽檐歸

桃花水漲御河濤手挽長竿下釣綸細柳穿魚盈  
尺大離離三十六金鱗

柴市東頭古道場競春兒女競焚香茶房酒肆蘆  
棚下高唱吳歎賽藥王

笠子蒙頭傍午行壓肩竹担繫長繩沿街銅斗聲  
馮舍人遺詩卷之五

五

聲喚小戶兒童解賣冰

沿村柘火夜青熒星斗羅羅天宇澄手把殘荷歌

野岸更深打疊放河燈

月明時節照千家齊買中秋五色瓜晚向廣寒修

故事銀刀巧樣劈蓮花

麴米吞生缸面開黃雞秋老作羹材詞場酒戶人

多少都辦紅旆速客來

屋裏丹禽啄粟忙風情最是少年狂深屏韜日絨

帷卷隊隊黃鸝出錦囊

青青占塚子城旁父老猶傳蘇祿王高鼻兒孫仍

舊業迎風白帽賣黃羊

讀唐人詠錢詩廣其意成四首

九市泉流遠千春榆莢香黃牛關漢業白水兆新  
亡參奉心君正司空曠子方魯褒殊好事商略到  
軒黃

狼籍金溝第蕭條布被囊溪頭扶甕客夢裡濯船  
耶客笑和公癖飢憐曼倩狂一輪才半兩底事有  
低昂

買盡人間事清光總不殊乃翁寧解臭阿六只成  
愚纖月飛千里神龍戲九衢西園初罷市絕倒一

馮舍人遺詩卷之三

古

囊無想見清光未破時買盡人間  
不平事宋女子詠破錢詩也

拊髀還相笑先生亦固哉買山終寂寞典史莫遲  
迴拄杖閑遊去穿鞋謁選來床頭阿堵物輪郭滿  
塵埃

送張儀陸之官鳳陽二首

六尺藤輿斬簾寒翛然拜級石梁間人誇東魯無  
幾士客過淮南第一山官路踈槐風細細野田香  
稻雨斑斑寄書先報中都守儒吏心情最愛閑  
早衙人散暑風清攬勝還尋短李亭一水分明人  
面白羣山烘染墨花青膠藤香落詩初就蝴蝶飛

迴酒正醒定有高情閑訪古九門甲第漸飄零

蔡魏公貽端硯

峽口蒼岩流石髓下沉羚羊萬古水青花爛熳  
斑勻石面滂滂江雲紫端州工人椎髻來踏洞窠  
厓擘石子臆皮剥落鶴眼明肌理激碧羊肺美依  
樣琢八風字脚垂裙四直非一軌或如腰鼓或馬  
蹄或八人面或龜背何須古瓦誇銅雀并將金星  
陋龍八往年選材貢天家歷歷摩崖紀終始頗笑  
包老八倔強一硯不取胡爲爾蔡侯昨放西江船  
買石八入巾箱底貽我一段蕉葉白銀線黃龍淨

馮舍人遺詩卷之三

主

於洗壁彼翡翠解屑金墨海洋洋露清泚鼠鬚縛  
筆蚕齒紙竹牕柴几松烟起閉戶從今註硯史

題曹魯齋先人畫像三首

骨字修修骨相清詩場酒社舊知名青衫破帽西  
風裡想見騎驢出洛城

游戲青邱亦偶然前身合住玉山顛綠章奏事分  
明道誓向人間作醉仙

掃盡凡塵一點無天然標格列仙臚羽衣他日遊  
華表好寫歸來化鶴圖

山陰諸孝女詩

修竹蘭亭路靈旗孝女祠歌成蘇醉吏書上慰良  
駿濕墓淒涼地殘碑絕妙詞香魂終不滅名滿鑑  
湖湄

答張隣仙同年

藉甚張公子新詩逼大家小樓燕市月微雨社城  
花晏坐青燈暮狂吟烏帽斜夜來題秀句傳唱滿  
京華

阮亭先生匏墨齋觀盆魚

高齋貯古香灑落非凡境敷牀坐秋陰四宇流清  
景寒藻漾文鱗罌面白雲冷波翻黃金色日浴滄

馮舍人遺詩卷之三

七

海影先生拄杖來羣魚識引領物性熟易諳人跡  
靜能屏我卜東隣宅種藥螺山頂鑿翠啟清池瀟  
泉待修綆往往步履過相從淪山若時或譚莘渭  
因以及箕頰綺言寓道妙予亦欣有請願開水畜  
法他年補零箸

次勞介巖先生移居韻三首

尺五城南社移家小寺東園花妍似女鄰樹禿如  
翁齋閣秋陽裡帷燈細雨中時聞佳客過尊酒未  
曾空

躡絳苔侵屨鈎簾月滿庭淡烟浮著窻深柳護巾

車徑引涼陰直窻涵夜氣虛無人閑問字猶自手  
鈔書

靜理床頭帙閑驅屋上塵西風吹戶牖秋色滿城  
闌名釀浮三雅清砧各四鄰憑闌發高唱誰解和  
陽春

二首

同王汝敬房申公汪文漪釀飲勞先生寓齋  
散步清齋下東偏取徑斜池連到公石壁卧趙昌  
花竹几紅絲硯香瓷白雪茶元經初就草一笑向  
侯芭

馮舍人遺詩卷之三

七

移坐花陰裡庭閑小院清竹棚山翠薄石磴水衣  
生相賞松間意悠然濠上情酒闌人未散偏愛夕  
陽明

秋懷六首

鬢角秋風滿意催那堪岐路更低徊愁經和氏門  
邊去取自王戎墓下來微雨潞亭須放艇小樓燕  
市且銜杯黃昏獨立空庭裡醉把闌干拍幾回  
青楊巷裡舊耕夫朱雀橋邊訪酒墟誤信英雄多  
市僧豈知富貴半侏儒清秋定怨山中鶴日暮空  
悲轅下駒可惜邇來懷抱盡床頭檢點一錢無

無端天水兩違行坐覺胸中五岳生未必清流終  
見錮果然豎子竟成名鳩喧雨後偏多事蟬噪風  
前定不平太息人間多右座醉時腦語欠分明  
茅齋風雨送黃昏一卷騷經案上存近社釀成缸  
面酒經秋埽斷馬蹄痕故人漸遠誰分座殘客偏  
來屢叩門却喜阿多標獨解相逢一笑竟忘言

世上逢迎了不諳蕭然高寄一禪龕姓名不上綾  
紋刺態底真堪玉冒簪薄宦無功蒙省錄散曹有  
例免朝參油窓紙帳西風裡伏枕蓮蓬夢正酣  
小園開遍海南花岸幘花前一笑譁雙蝶迎風先

馮舍人遺詩

卷之三

木

結隊孤蜂怯雨早還衙青山到眼能娛客白首何  
心更憶家晚上層樓南下望茫茫烟水斷浮槎

馮舍人遺詩卷之四

京集古今體詩八十首

九日介巖先生招飲四首

佳日開文讌新寒拂曙袍風簾垂鳥骨繡薦藉駢  
毛秋對黃花老天連白雁高頻年虛過節今識酒  
人豪

歷級層臺上憑高一解顏涼雲斜漏日薄霧遠沉  
山見塔心情豁懸梯腰脚頑五華何處是只在有  
無間

敷坐衣襟緩風來七箸香鷺黃新破殼蟹紫乍盈

馮舍人遺詩

木

巨羹美宜吳豉蔬寒點蜀薑一金初購得滋味似  
江鄉

醉後飛涼月簷前見列星名香麝螺甲秋菊放蜂  
鈴蠻榼安茶具巾箱貯笏經東華塵土界應有幾  
人醒

讀秋谷寄洪昉思絕句却寄三首

元詩垂空  
高坐本難  
安身外鴻毛擲一官獨抱焦  
桐俯流水哀音還爲董庭蘭

一林秋竹水潺湲坐水彈琴看竹還未是庭蘭解  
相負先生元愛陸渾山

西音東舞苦相仍一曲平雲得未曾除却風林張

伯雨阿誰更識趙昇興

依古無人解愛才空山寂寂柘絲哀請君暫輟松  
風引試喚花奴羯鼓來

輓李星來先生十首

蘭室淒涼遺愛存松門乍掩畫黃昏殘禾衰柳霜  
天裡丈五新墳第四村

青史誰傳身後名盛年意氣自崢嶸龍門夜渡桃  
花水玉勒戎衣萬里行

試手功名一笑休鷄豚社裡竟閑遊江湖他日詢  
遺姓千佛名經在上頭

馮舍人遺詩卷之四

二

占斷人間清淨緣油意紙閣擁囊眠前身商略知  
誰是五百年來一睡仙

捉麈多言自一奇清機妙緒有誰知他時擬拾平  
生語準擬重刊第二碑

讀罷招魂老淚垂窮泉杳杳去何之九關不是修  
門路自合華陽一劍隨

了徹彭殤總不殊蕭然身世付黃墟白衣布簞沙  
床上定繪名賢坐位圖

青鳥啼罷夕陽紅一樹松花照殯宮銘後幾人題  
秀句山阿樵徑寫秋風

零落山邱宿草肥傷心寒食紙錢飛從今對酒難  
成醉怕向西州取路歸

十年悔不共林邱梁宋於今已倦遊打疊平生磨  
鏡具炙鷄絮酒復陵州

送孔沂南之官昭化

龍門西去棧雲長魯客之官古益昌野戍雪殘葱  
嶺碧山城風過藥臺香千村舊說遺民盡九井新  
聞制賦忙計到馬鳴高閣上天涯應憶故人狂

輓潘允慎先生

昔過任城市貰酒太白樓朔風吹廣野黃葉飛樓

馮舍人遺詩

卷之四

三

頭把酒不成醉恨焉憶名流遂趨僕夫駕操奇到  
林邱雙扉映落日古屋含清幽龐公採藥去竟虛

鹿門遊距今十五載人事忽繆悠龍躍延津水鶴  
唳華表秋美人委黃土神理杳難求寒雲繞澗曲

積雪明松楸白晝烏鳥啼窮泉夜颼颼空令魯狂  
士中心結煩憂

歲暮四首

積雪滿檐楹飄風夜夜生客衣寒更劇市酒醉難  
成漸老知時節長閑失姓名何人復相賞虛負歲  
崢嶸

飄泊今如此，羈懷不奈何。愁中只低睡，醉裡忽狂歌。  
幕府思蠻語，禪堂學羯磨。前塵應已定，回首故山阿。

浩蕩乾坤裏，崎嶇行路難。首山橫絕壁，高水起狂瀾。  
怪鳥迎人語，荒林背日寒。無心更吟望，惆悵鬢先殘。

忽憶山中客，棲遲歲晏時。東歸余未得，西笑爾何爲。  
狂態依然在新詩，和者誰懷人。憐薄暮蕭瑟晚風吹。

題呂鐵菴止園圖八首

馮舍人遺詩 卷之四

四

坐遍春風湖上亭，輪君舍北一林青。尋常瓦閣油牕裡，曾注名花九品經。

筍籬莎徑藥欄紅，畫裡分明數畝宮。何事淹留佳客坐，三重茅屋捲秋風。

門外一畦秋水香，籬邊三角草亭涼。阿誰福相抵當得，合與元和充講堂。

洛陽勝下賣官田，何處先生許醉眠。妒煞橋南安樂老，大家爭集買園錢。

流盃亭上雨昏昏，語鳥名花總斷魂。畢竟此翁差解事，不教片石累諸孫。

羊桃雀李墮荒蕪，野草青青上座隅。他日畫家添故事，更圖微雨牧豬奴。

爭君不掃枳門開，古鐵菴中蒞綠苔。試問千金何處覓，應從魏博六州來。

但笑酒邊兒女語，安知世上將軍名。英雄罵坐尋常事，何至人歌潁水清。

集阮亭先生寓齋以夜闌更秉燭爲韻五首  
擁爐坐齋閣，愛此歲寒夜。鮮香疊金綿，酒甘壓霜蔗。一醉拚一石，渴飲浩如瀉。

落日鴉翻樹，晚風人倚闌。如入鷄豚社，相對古衣冠。

馮舍人遺詩 卷之四

五

冠誰云在朝市，不敵江湖寬。

酒人思策勲，臨觴先下令。風流照坐隅，佳會恐難更。我亦學鼻飲，欲使不戰勝。

騰騰夜向闌，篝火亂人影。食譜脯掾語，茶政甌宰乘。坐落緩緩歸，更戀須臾景。

坐看歲崢嶸，誰能更刺促。屋角一縷雲，簾下兩行燭。夜深復如何，且盡杯中渌。

送徐健菴先生還吳

天池夜發青芙蓉，華釜絕頂飛虬龍。偉人挺起滄江岸，開張鱗甲光摩空。萬言奏對明光宮，帝曰：



汝爲儒者宗高懸豸角列殿階九夏凜凜如寒冬  
手提天綱視八極浩浩瀛海吹長風迴頭乍見三  
山碧飄然歸興春雲濃平生博雅國倚敵義媧典  
與排心胸握髮接引天下士炎言一發開羣孽食  
熊食蛙雖異味萬間廣厦羅新豐金門飢朔正寓  
直謦謦諧語羞雕蟲兀然青髯蘆花色三十六帝  
愁難逢仰瞰天際翔高鴻三江綠綠揚孤篷門前  
萬頃太湖綠屋角千樹梅花紅人間擾擾何有窮  
終古俄頃將無同

魚山陳公輓詩

清舍人遺詩

卷之四

太

縹緲飛魚閣屹立東山界不記神魚飛但知高閣  
在閣中魚山公斯人已不再當年大河東妖星犯  
九塞裂背碎逆檄忱慨櫻石砦大厦羅萬間士氣  
所倚賴迄乎三晉饑父老思沾丐一揮巨萬石受  
者競羅拜焚券誼良高辭名德逾大有司輒以聞  
一勸而百戒安知古性情往往利用晦望彼斗筭  
人擁財以自衛豈無千黃金持此鬻大貴於今關  
隴間輾轉愁無歲金穰與水毀天行偶稔疹 詔  
發大農錢爲民起凋瘵嗚呼秦無人何處尋公輩  
千秋仰高風名與東山配硜硜爾何爲淚灑丹水

丙

送汪文漪典試秦中四首

昨日蓬山脚新聞靈鵲啼觀風分陝右流火入安  
西地接桃林近天連華嶽齊秦川風物美到處好  
留題

一夕關門雨秋風遍客程寒花圍漢時高柳拂秦  
營小市粉榆社名家韋杜城霸橋東去水持似使  
君明

亂石畢原道高槐隴上村驅車渭南市鎖院漢宮  
門幽俗昔猶朴秦聲今漸繁諸生應詔至仔細與  
馬舍人遺詩

卷之四

七

重論

未惜風前別翻憐別後思涼雲秋到日夜雨夢來  
時孤客情何限離亭醉不辭西郵消息便爲報故  
人知

送房申公典試中州

沽酒樊樓客興新東都往事問遺民野化落日明  
金水衰柳西風拂玉津梁苑競傳辭賦客夷門誰  
是鼓刀人氣酣弔古繁臺上日視平蕪感慨頻

送孫子未典試閩中

朝發瀛海道暮宿九河灣南窮吳越三千里乘秋

量度仙霞關左鼓右旗互迴抱南臺西峽雙彎環  
無諸城畔駐高蓋風流照耀珊瑚鞭高懸鐵網滄  
澗岸鯨宮明月光爛斑豫章翻風邁大匠驛驢汗  
血歸大閑知君雅負人倫鑒軋苗險怪徒紛然公  
餘好登烏石頂道山亭子窮躋攀綠榕林外驛遠  
眺丹荔樹下開襟顏越王化去幾千載水晶宮闕  
餘潯爰扶桑東迴赤日躍微茫望見琉球船翡翠  
文犀達交廣多羅闕鏤通諸蠻暇時爲續風土記  
千秋大筆誰能剛况復李侯謂方有佳句秋風携  
手螺江邊鎖院共飲紅毛酒興發高吟冰雪篇人

馮舍人遺詩

卷之四

八

生壯遊有如此誰云勝事天所慳君不見蓬蒿賤  
士太拘牽窮老不出環堵間豈知域內名山川

贈慢亭

一夜濯枝雨凌晨不放晴夢迴推枕起沐罷出門  
行問訊西隣客傳聞卯日生遺將白團扇愛汝好  
風情

贈卜者

欲問山中信逢君日下行白頭還市肆青史幾公  
卿鷄卜從今廢狐疑何事成祇應拈一字爲我話  
分明

送王清遠之官在平四首 阮翁子

南野亭西路相逢阿大來纔沽燕市酒復向魯連  
臺春草迎人綠桃花傍馬開客途應感舊惆悵首  
重回

此去青門路垂垂遍綠楊官橋通聖水村路入樓  
桑微雨春衫濕東風客夢長博州行未到取便且  
還鄉

計過西城宅監輿復暫停人來綠蘿屋花發石帆  
亭玉塵眞瀟洒青氍毹自典型之官須記取到日好  
談經

馮舍人遺詩

卷之四

九

望望重邱野誰傳異代名殘碑畱鐵墓荒水斷壕  
城一石風流盡千金意氣輕遺踪如可並爲問魯  
諸生

答劉波千見贈

古風忽衰颯樂府日湮淪後無作者與女雅何由  
振劉侯擅絕調高步起咸秦碩學富典壯思逐  
奔輪蓬山肆奇藻飛聲動八垠投我瓊瑤詞言言  
準先民嗤彼浮薄士摘筆失本根聲詩豈小技僞  
體何足陳曹氏名父子謝家諸弟昆覽其所述作  
大致歸清淳後賢雖萬變誰能決離藩李杜則入

與元白纔倚門放翁句何況全異輩慨詭喪其真我  
生千載後望古希清塵窮流測大海尋源探崑崙  
謬欲續絕學弱繳回千鈞所慚才力薄兼之數位  
屯萬言不直水安比連城珍荷君意良厚顧我逾  
遠巡藝居器之次名乃實之賓相期各努力學古  
以終身

題徐道冲觀泉圖二首

巨石如抱犢虬松如屈鐵何處湧神泉晴飛太古  
雪

七十二泉邊三十六峰頂靈僊時往還石上幻形

鳴舍人遺集

卷之四

十

影

除夜二首

星斗闌干夜欲殘魚蔬隨分饒流年平添蕉葉深  
杯露晚飯桃花小甌烟隔荳蔻光如院裡倚樓人  
語近天邊今宵莫作尋常醉教老風情儘放顛  
不下風簾不掩扉頽然醉卧亂書圍總教歲月堂  
堂去未許心情種種非薄宦還餘新祿米長貧尚  
有舊儒衣生涯自笑原無累詎係中乍悟道機

奕棋戲贈友人

春寒作雨晨纖纖有客訪我停羸驂下簾欣然拈

事具摺願相對成幽探我生百藝了不諳粗通奕  
事元非耽耽十年坐隱長安市誰爲第一誰第三看  
君頗解習常勢開場虎視何耽耽十道經營卒未  
定窮邊奚事煩屢芟萬一腹心更受敵要厄相劫  
將奚堪我寧鬪智不鬪力計出攻守常相兼未云  
制勝在守靜庶幾悔禍先懲貪項籍重瞳乃自暴  
湘東一目誰能矧人生失計不自量往往嗜好殊  
酸醎宣城一郡詎易得乞取別墅亦所甘一局羸  
輸雖小道古來成敗由天監羅羅從前十九路試  
舉禪語還當參

鳴舍人遺集

卷之四

十一

送程松皋還里

阿蒙亭畔好山莊解帶歸來問故鄉寒水遠沉千  
尺玉晚花秋放一林黃人經鹿起山前去家在龍  
眠谷口旁可似參軍風味否詩情酒態定能狂

新硯歌爲姜西溟賦

阿中三尺劒臂上兩石弓丈夫萬里乘長風安用  
窮年守枯硯顛毛種種老不逢看君才大干夫雄  
搦筆作賦聲摩空文章江海書虬龍依然奔走西  
復東何曾身到蓬萊宮縱復給札三館中祿米不  
比侏儒豐謂硯負君君負硯此理恍惚疑難通何

年一片石東吳逢顧雍酒酣耳熱氣塞胸霹靂激  
手騰豐隆斷雲零落堆書叢阿誰不龜藥將無假  
神二鳳背麟角煎膠濃青花爛熳垂玉虹墨海洋  
洋秋水溶與昔完好無異同我欲尋君叩始終君  
方支枕過高春短床依壁鳴寒蟲我亦蕭瑟如枯  
蓬簷花細雨歌未竟頽然醉卧頭冬烘

春日書懷十首

十年塵土老京華冷淡心情只憶家縱有微甘如  
諫果終難久繫似匏瓜春寒試帽頭圍減病起鈔  
書眼界花前路茫茫看逝水欲從何處問津涯

湯舍人遺詩

朱

主

宿志蹉跎苦未償卽今殘髮已蒼浪訛傳海上醫  
貧藥豈有人間賣困方對奕明知先著好置薪元  
是後來強無窮世事誰能了欲飲亡何入醉鄉  
小樓燕市日携壺曾記當時舊酒徒玉勒五陵朝  
試馬銀盤雙蠟夜投盧元龍豪氣昔猶在方朔狂  
言今欲無且幸春前餘病骨蹣跚階下倩人扶  
欹斜老屋短長檠春雨風幾度更欲借鵲巢占  
向背難憑鳩語判陰晴白頭浪作三更夢青史誰  
傳千歲名二頃良田吾事足人間到處洛陽城  
大隱何妨老一官山林應比市朝寒每誇屠估藏

名好却笑侏儒共事難靈沼有魚皆聖水宮門無  
草不芳蘭滑稽豈是英雄意誤作風流謔浪看

滿院曦光曉漏催布衾紙帳夢初迴恐防塵到簾  
先下恰好風吹門半開老甕專車新酒至春城騎  
馬故人來尋常風味誰能似天假安閑養不才

志士由來不諱窮偏於世法老難工頻驚駭浪生  
杯底斗覺繁霜落鏡中空憶湖山三畝宅何時雲  
海一帆風平生淡泊元無慕只羨冥冥天際鴻

南華一卷枕邊存事大如山更不論螺甲燕香常  
滿室綾紋拂刺向誰門帷燈寂寞看花影匣劍依

湯舍人遺詩

卷之四

主

稀認水痕堪笑癡人錯算事欲將鉢鉢付來春  
行年過午老駸駸依舊書生擁鼻吟試問談經等  
白鹿何如采藥鑄黃金夸娥有意移山去修鞭無  
端放日沉獨倚闌干添悵望那堪瘦影晚來侵  
東風乍到感離羣寂坐茅齋客思紛鶯占高枝嬌  
欲語水流淺瀨曲成文矮窻探墨方清曉古寺聞  
鐘又夕暝過眼流光今若此那能不憶故山雲

送楊恭士歸錢塘

潞水黃花發歸舟欲放時薄寒添絮早微雨落帆  
遲家近青衣洞門臨白傅祠看山湖上好遙憶醉

題詩

答予未移居晉別四首

六街何處避囂塵費盡青錢爲買鄰怪得延康里  
中住此間大有素心人

但有深情數往還何須惜別復拳拳杜陵韋曲無  
多路都在城南尺五天

許池居士醉中僂醉裡題詩衆口傳爲報鄰家多  
釀酒夜深恐到甕頭眠

余亦携家住洛城數間茅屋半飄零對君門外西  
勾水輸我螺山一段青

馮舍人遺詩

卷之四

四

送劉子順歸大梁

汴中劉郎好標格少時曾賦梁園雪竭來吏隱金  
門中風流謔浪大奇絕與余結鄰城南社竹屋紙  
帳風騷屑談詩說劍皆第一奕品第五未爲拙持  
錢往往市古器茗鉢香爐俱清潔偶然被酒高興  
發夢想樊樓悔輕別對客脫却頭上幘倚簷仰視  
浮雲白顧問西向長安笑何似南歸大梁客洛陽  
郭外二頃田信陵亭邊五畝宅小兒狡獪騎屋棟  
大兒殷勤讀書冊弟倡兄酬美莫加况復高堂好  
顏色人生樂事有如此一官何事苦羈縻看君掉

臂紅塵裏我亦明年東去矣

送李漁村歸里

掀髯一笑趣裝還滄海東頭瓦舊屋身外閑名那  
直水箇中小劫亦關天門前馬耳迎蹄蹄洞口盧  
牧遲散仙計到漁村秋正好紙窓紅日綠書眠

文漪齋中見示新詩

我行四海求朋儕冷絲枯木誰與偕相知還是故  
鄉客春風拂帽過高齋眼明乍見新詩卷縱觀渺  
渺無津涯太古遺音久墜地後之作者淪優俳山  
鬼嘯風蟲號野正畫兀兀疑陰霾就中意思蕭索

馮舍人遺詩

卷之四

五

極偶一嚙咀如枯茅郊島苦寒溫李愴已此倡此  
爲厲階我欲奮筆指其謬惜以事役無好懷得卿  
挺起清淵尾詩與淵水爭清佳詞源蓄洩昆崙窟  
餘波懸注江河淮冥搜漢魏晉唐宋閱年十度更  
檀槐句道語老功力到如此大筆堪磨崖父士結  
習世未化憑愚護短相睨乖我今懷響嚙欲廢牛  
鐸喜與黃鐘諧一彈再鼓有餘韻簷外好鳥鳴啾  
啾

題予未詩卷後

孫卿淮南來貽我詩一束午餘推枕起携之石上

讀忽如入名山歷歷縱遊目又如對肯酒飲少味  
至足其音清且剛其旨和以淑往往出桀句瘦勁  
若枯竹外枯中則腴標格殊不俗我昔奇君才驚  
賞公車牘豈知三百篇正變復爛熟古之作者誰  
杜韓蘇黃陸更後五百年風流將奚屬我少不自  
量有志慕剛述老悟舊學非內訟無由贖行且抱  
書歸冥棲在巖谷君家海西頭與我正比屋二士  
相往來庶幾揚妙曲

題山谷書後

世人謂余頗知書書有筆訣余不解少時苦愛趙

馮舍人遺詩

卷之四

七

吳興中歲纔師李北海不信腕有鬼神憑凡骨隨  
身老難改今晨披閱涪翁書字裏行間太瀟灑結  
體豈必規古人用筆乃能合妙楷北宋書尊四名  
家殘紙遺墨人競買頗怪襄陽米漫士銳頭果腹  
誇風采大都文士貴耳學但見高名輒驚駭紛紛  
廣蹟流人間籠具形骸氣則餒於今北客慕孟津  
亦有南人學元宰二公書格竟何如定論遙遙俟  
千載

老母歸里感賦

伊軋數犢車晨出國西門我行詣道邊念別愴心

魂挽車石橋上仰望白頭親大風從東來白日揚  
沙塵我欲因風發舉足復遂巡情結語不極回頭  
矚細君此去長安道東歸鹿角津山田小麥熟尚  
堪給饔飧阿炎幸成立早爲畢婚姻余家本單緒  
寧復望簪紳昔者爲貧仕今茲仕逾貧豈不切歸  
思情事難具論僕夫已先驅征馬鳴向人行行度  
坂去目斷西山雲

介巖師擢太僕卿

我聞東海海上山大勞小勞高插天林巒洞壑紛  
窈窕時有鸞鶴巢其巔吾師家世此山下以山易

馮舍人遺詩

卷之四

七

姓非偶然不記何年渡漸水崢嶸甲第相蟬聯竭  
來門戶更振耀千秋勝事儒林傳頗聞秩宗修典  
禮學宮俎豆皆高賢語兒溪畔祀召父秋風采藻  
薦几筵又聞粵西開府上薦剡荒徼於今循吏難  
上思江邊思公子剖竹來牧烏白蠻述者在後作  
者前吾師顧盼開笑顏一生何曾守鄉井廻翔廊  
廟三十年忽看天庭黃色起明朝有詔當遷官駐  
駟駟駟駟駟駟 帝曰汝往司天閑雙藤呵殿初  
朝還撫摩穉子美簡編袖出十幅玉版紙呼我高  
吟雛鳳篇吾師舉似大勞山曉巖削壁難躋攀朝

朝暮暮與雲烟蒸爲霖雨霑桑田耶君舉似小勞  
山層岩疊嶂皆奇觀伯也已著珊瑚鞭迎風萬里  
看騰鶩仲也七齡何便娟開卷日誦二言揮毫  
輒復蛟龍蟠置身青雲如等閑白頭弟子喜欲顛  
攬筆作歌歌未闌簷花細雨鳴秋蟬

馮舍人遺詩卷之五

雪林集古今體詩七十三首

述懷二首

殘髮鬢鬆對鏡明胸懷猶尚鬱崢嶸荒山坐度三  
千劫碧海空懸九萬程未信化兒司性命由來達  
士薄功名蓬萊正在家東岸大有桑田我欲耕  
書巢雲卧幾黃昏林下青奴已見孫潯水光翻大  
瀛海盆山勢作小崑崙花塔雨過蛙成部草老人  
稀雀噪門未是年來耽寂寞閑中風味儘堪論

送盧喜臣之官偃師

馮舍人遺詩

卷之五

一

昨宵夢渡鄣溪水今日高車溪上來涼雨朝隨軒  
蓋至黃花秋傍縣門開好尋洛社名賢去且遣高  
陽道士同從此風流屬儒吏髯卿元自不凡才

九日同蕭韓坡田雨來集程二如園亭二首

一團殘雨菊花秋選勝還成九日遊高樹全遮亭  
四面小山恰在舍東頭紅闌曲沼開新徑白帽單  
衫上舊樓記得昔年豪飲地重來尚喜故人留  
竹几松屏六尺床風簾不捲一亭香牕含暮色成  
深碧菊對衰顏是淺黃莫向杯中問賢聖祇堪基  
裡較低昂何人秀句爭傳唱二老風流果擅場

遊慈氏寺四首

簾布单衫白氎巾，儵然一棹出紅塵。  
隨緣乍到蓮花座，錯認如來是後身。

古寺荒垣四面風，殘碑剥落土花紅。  
蕭梁不到齊東界，誰創西方老佛宮。

藥草長依佛土青山門，一曲玉泠冷人言。  
屯氏遺流在，試向桑欽問水經。

苦愛禪師世外情，木魚粥鼓一龕燈。  
水田合製他時服，來作雲堂淡飯僧。

和田子益招遊慈氏寺

馮舍人遺詩 卷之五

二

晏坐苦寂寥，晨起整巾履。  
言尋東林遊，初渡西城水。  
黃帽始停機，緇衣忽倒屣。  
飛閣望崢嶸，修徑轉迤邐。  
荒鐘宿雨餘，殘碑夕陽裡。  
龍象終古存，浩劫何代始。  
居近遠公房，客來柴桑里。  
人寂佛火青，院冷苔花紫。  
齋鉢俱落蘇，雪飯抄雲子。  
勝會托禪叢，幽賞悅平理。  
行歸不二門，永契無言旨。

題周伯公小照三絕句

鬚如蝟磔桓宣武，貌似婦人張子房。  
頗怪老奴和孺子，風流併作一周郎。

裘馬清狂四十秋，黃金散盡酒家樓。  
祇應箕踞長

松下白占雲，溪署醉侯

我亦高陽舊酒徒，紅燈臘雪夜投盧。  
於今却被丹青誤，不貌英雄貌腐儒。

平原君墓

野花如霧草如茵，望斷平原一撮塵。  
廢井疲氓談往事，綠垣村女笑行人。  
未逢海上千金贈，欲醉東風十日春。  
慙愧邯鄲公子客，空懷高論向誰陳。

東方朔祠

荒林下馬揖清芬，野殿陰沉隱暮雲。  
斷石塌殘狂士傳，古臺蠹遍外家文。  
曾無厚祿歸常侍，偶有閑

馮舍人遺詩 卷之五

三

錢付細君欲覓蒿，廬畱客住夜深諧。  
語倘來聞和謝方山重遊慈氏寺

不復登臨戀落暉，聊憑竹杖倚禪扉。  
客隨流水傷然至，僧趁白雲何處歸。  
法界空花開復落，香臺怖鴿定還飛。  
舊遊彈指西風裡，太息重來事事非。

卽事四首

盡付生涯寂寞中，茫茫四海馬牛風。  
何須重讀子虛賦，方識人間亡是公。  
十年閣筆倦臨文，安有閑情問社君。  
縱使世人皆欲殺，寒冬自卧竹溪雲。



觸鬪蠻爭事事說茅齋被酒且高歌劉郎鷄肋還  
如昨辜負尊拳可奈何

正好胡盧一笑休憑誰更與障狂流匣中雖有魚  
腸在不雪人間細碎簪

漫游

一杖西南去逢山到處野風漁子市春雨酒家  
樓襖被雙林宿空裝五觀遊元龍亦豪士湖海任  
飄流

抵恩縣

雙廡高駕竹輿輕穩卧茸氈盡意行薄醉不知身

馮舍人遺詩

卷之五

四

是客斜陽忽見貝州城

高唐道中

小憇魚邱驛伴狂在埜市中羣鴉晴噪日獨樹午搖  
風榆火田家宅茶煙老氏宮平生方外意蹤跡許  
誰同

高唐志載鳴石山作詩正之

我昔流覽東山經古水荒山杳難問狂秦一炬不  
成災茲書炳然歷魏晉千年恃有輿圖存九宇山  
川藉討論羅列齊魯未了青靈嶽定位出乎震不  
知何緣鳴石山掌記乃隸高唐郡平壤沃野黃塵

飛一簣絕無况千仞將母夸娥移山去滄海桑田  
歸劫運酉陽雜俎但耳學侈稱幽人比肥遯更有  
少室古仙來白布單衫好風韵搜奇釣詭不厭煩  
紕繆豈但魚豕混我閱遺編意茫然但作書觀了  
無溫蒙莊寓言理或然齊諧志怪事難信地上曾  
無崑崙山爭傳穆滿馳八駿

博平道中

東風寒食候客路正栖栖宿麥晴分隴新楊綠漲  
隄古亭聊攝北小市博陵西投策孤村裏春深鳥  
亂啼

馮舍人遺詩

卷之五

五

博平望東南諸山

數點青螺縹緲間扶桑東望影彎環分明一段天  
孫錦幻出雲林水墨山

埜渡

亭午板橋上臨流呼渡船水光和氏玉榆影沈郎  
錢日暖征衫薄風斜醉帽偏篙師纔問訊已到岸  
西邊

田家

驛門車小泊行飯至田家爐煖竹根火杯分槐葉  
茶草堂春蠟藥草徑晚修花忘却風塵客流連忽

日斜

魯連臺

落日聊攝東訪古仲連臺廣野絕人跡大風海上  
來北望易水流西顧函關開當年倜儻生卓絕濟  
代才抗論恥帝秦意氣凌八垓投策過齊城飛書  
燕將哀功成不受賞飄然歸蓬萊我來尋遺蹟愛  
茲澹蕩懷翩翩鴻鵠舉逸翮挾風雷海水終古淥  
斯人安在哉空餘廢墟在野草生枯荻

張松友同年

斗笠蒙頭竹杖輕東風吹我上齊城醉投石雁洲

馬舍人遺詩

卷之五

七

宿老向去觀裡行野草漸從官路合春雲恰

到縣門晴懸知海內張公子尚識人間魯兩生

雪林書院

元楚公惟  
善讀書地

問柳尋花野路長來探遺跡雪林旁衣衫苦被黃

塵浣羞上先生七聘堂

石燕

出朝城石雁洲土人盛以  
草囊入藥與陽山石同

一雙黃玉勢翩翩來向山人了舊綠背印螺紋堪

作畫骨成蟬蛻早昇仙奇材未合囊中處大藥終

當時後懸莫到零陵山下問齊城正及雨綿綿

清豐道中

整水瀾瀾草葢坡園林到處果花多村翁閑向花  
前坐指點當時六塔河

主簿寨前風色大將軍祠下午陰斜行人剛過三  
叉口恰遇橋頭賣餅家

頓印懷古

惟茲頓印郡地介古澗淵秋山峙臺陰鮒鱖臨郊  
關鴻濛天子都陵寢此中間揭來成田北野花春  
爭妍眺首望高空不見西山巔崢嶸萬古宅寂寞  
空雲烟清水黃塵飛變遷非偶然天造草昧初切  
火幾千年地當洪河衝巨浸屢滔天龍蛇所撞搯  
馮舍人遺詩

卷之五

七

南將軍祠

祿兒煽禍漁陽亂三郎西上劒門棧睢陽太守鬚  
怒張死守孤城身百戰將軍仗義乞師來慨慷不  
預賀蘭宴斷指墮地血淋漓髀裂浮屠沒半箭南  
八故是奇男兒烈節堂堂勒史傳至今祠廟頓印  
北遺像崢嶸目如電山爲含憤水含怒蜀魄哀哀  
叫深院古來不乏艱危時世上幾許偷生漢司看

二十四郡人降幡徧豎河北岸

劉伶墓

在天日酒星在地日酒泉星隕爲頑石泉乾爲旱田有時失其故於酒輒無緣我仰竹林風七賢皆醉仙千秋劉伯倫酒趣更盎然三萬六千日無日不醉眠大哉酒德尊不聽婦人言頗疑荷鍾隨於

野望

青林桑聚遍長原村落家家各灌園草市遊人十數輩花田春雨兩三番豐年也自憐絲賤樂土何

馮舍人遺詩

卷之五

八

由識賦繁佇立斜陽遊目久高巢忽見暮鴉翻

論詩十首示謝文偉陳初山

五字河梁久寂寥四聲東郡未全消準篇約句規模在畢竟風流屬六朝

五柳先生舊葛巾吟詩終日不知貧籃輿懶入蓮

花社大半詩人是酒人

酒肆藏名三十年詩人競美李青蓮那知心折宜

城句欲問青天太華嶺

一代唐家詩史成秦州以後律尤精昂然高視騷

壇上飯顆山前太瘦生

疎雨梧桐句最清詩家也解奉前型重尋輞水高人句不到襄陽拜孟亭

七字權輿始栢梁閑將樂府較低昂杜陵死後昌黎老也數奚囊李奉常

長慶詩成體較強春風野火好篇章郊寒島瘦何煩說絕倒風流白侍郎

藉甚睂州和仲名白梅盧橘最關情六篇詩送東南去別有鑪錘學不成

江西詩派幾人知國史猶傳句法奇試上心香第三瓣來看山谷道人詩

馮舍人遺詩

卷之五

九

團扇家家畫放翁新詩萬首許誰同平生自負廣陵散只在琵琶羯鼓中

寶蓮寺

數間佛屋老僧居方外閑情世不如花底蜜蜂能著句燈前醉素絕工書六時開講長清淨一指參禪盡掃除最愛西偏闌角下半巒古木養紅魚

寓樓

無計除閑去乘閑且上樓雁斜風作態屋老雨添愁長日惟低睡他鄉已倦遊買山吾意決不復覓菟裘

六言詠懷四首

雨後天成卯色風來水現螺紋春事闌珊一半花  
光瀲灩十分

未忘故鄉風味誰憐客裡情懷羹熟先嘗骨董杯  
來不論茅柴

客情正似雲倦老態羞勝石頑輟杖由他西笑脂  
車吾欲東還

阮籍雖然磊塊切與自合巉巖何處邱壑堪老七  
十二泉濟南

題山谷詩後

馮舍人遺詩

卷之五

十

有目但覩蹄涔水五湖浩浩空萬里有耳但聞箏  
笛聲流亦高山空復情半生不悟山谷詩如生馬  
駒落庭墀雖有銜勒何由施四十九年悔較遲從  
今初見牛鑿兒蛟宮生綃冰蠶絲紫鳳天吳光陸  
離筆力可使風倒吹意態欲作雁斜飛公孫劍器  
電光走花奴羯鼓風雨隨詩中變化非人爲詩外  
工夫知者誰用意險怪李長吉句法聲牙韓退之  
後來亦有陸與皮數子於詩爭出奇舉以似公公  
不知江西別自有宗枝杜陵野老真吾師

雨中遣興四絕句

酒樓吹滿一旗風兩日頑陰翳碧空隱隱雷聲驚  
戶牖阿香挾雨過城東

雨點參差白晝長消除淡悶了無方風爐親候桑  
柴火閑品南茶十六湯

正及燈殘酒盡時愁人最是雨絲絲夜闌對榻了  
無寐自啟巾箱翻宋詩

遣悞歸期穀雨前故園春事有誰憐遙知一夜廉  
纖雨開過名花玉馬鞭

將去頓邱

欲趁春風打帳回深燈茅屋坐銜杯醉鄉此去真

馮舍人遺詩

卷之五

二

堪老合遣門生致酒材

曉發

梨花開遍野亭香知有遊人自在忙夾路犢車聲  
陸續東風吹到小崔莊

花事田

我行頓邱城西偏流聞古有花叢田厥壤上中賦  
下下一畝僅課六釐錢青林白沙望如砥村屋高  
下相鈎連上種纂纂千樹棗下植鰻鱕千頃綿村  
氓貪得意不厭種瓜每及春雨前計獲不止十倍  
利秋成豈但克饑寒春秋二稅先期完絲毫丕望

官府憐自從秦人開陌阡取什之三國用艱一方  
民力何獨寬大兵大役亦偶然但愁蓄積無九年  
卽今養馬平北邊花作布襦裘作脯持糧竟度居  
庸關九州處處花聚田官家何慮軍興難

清豐道中

秦女樓頭花正開行人競向大隄回那知都布單  
衣客只爲秋山特地來

誰傍樓桑注水經高陵深谷總凋零卽今風雨頓  
邱路何處殘碑遮害亭

重過內黃

馮舍人遺詩

卷之五

五

曾摩病眼望樊山千里柯城一駐鞭細雨青衫猶  
昨日東風殘夢已茫然綠楊陰匝開新徑宿麥苗  
肥出古田欲覓舊題何處是風流頗憶十年前

晚宿大名

廢堽春深繡綠苔野棠花傍郭門開蹇驢破帽滿  
滿雨夜半城南瓦路來

渡漳水

老岸長橋古水渾參差籬落出前村停車村畔尋  
微徑落盡桃花不見門

威縣道中

散步陟高岡春林野望長鴉爭楊葉綠蜂趁菜花  
黃野店三叉口官橋十里坊前村宜覓醉爲怯晚  
風涼

宗城夜坐

殘髮蒼浪客籌燈夜坐時風巾綠醉墮書幔借閑  
披魯國諸生老臨邛貴客誰巡檐還自笑碌碌欲  
何爲

故城道中

拂帽黃塵送客歸荒程小驛草初肥林間柳坐雙  
鶯醉溪淺風驚一鷁飛逆旅心情元汗漫故園景

馮舍人遺詩

卷之五

五

物尚依稀從茲東望陵州近鹿角津頭認釣磯

同李文衆田子益李聖木趙怡齋過蕭韓坡

南莊四首

松徑陰陰滿綠苔園扉正午不曾開三重樓上披  
風坐那管遊人下界來

持將簾箔護花寒共坐東風芍藥闌莫笑山家無  
供帳一瓶一鉢一蒲團

試遍溪山草木香旋收烟甲滿芝囊不妨小屈持  
螯手閑與鄉鄰檢藥方

白頭何事逐塵氛我亦東臯學種雲他日買山來

結伴清溪一曲好平分

馮舍人遺詩

卷之五

市

馮舍人遺詩卷之六

曹村集古今體詩一百一首

專諸

千秋五劍客中以專諸聞荆蠻不振權國難忽紛  
紆公子畜內志亡臣適東奔壯士與俱來慨慷爲  
報恩雄背抗東風倭口藐吳人匣中三尺水精貫  
赤山雲殺機生窟室胎禍始盤殮嗟哉巨昧子觸  
手蕩精魂興亡一瞬耳成敗何足云炎天構李戰  
將指駭三軍青草越來溪白水吳東門望望北山  
下但見闔廬墳

馮舍人遺詩

卷之六

司馬相如

高揖諸侯客重拜漢皇使冠蓋天西南傾動成都  
里牂柯春水白邛作蠻花紫功名耀窮荒文采流  
青史平生好著書家徒四壁耳當其困阨時萬言  
不直水彈琴王孫毛賣酒臨邛市藉無四海交徒  
抱千秋恥巍巍漢宮門踟躕倦遊子一卷諷諫文  
白首逢知己尚書綰筆札縣令負弩矢儻酬國士  
恩當自狗監始

李白

高卧香爐峯晚泊青溪棹一生詩酒懷恥被桃花

笑買酒入新豐誤被縣官召池東索賦詩振筆如  
懸瀑阿瞞故解人玉笛倚新調倉卒范陽騎豬龍  
歛騰蹕終藉朔方軍收復奠九廟雅識汾陽賢肯  
奉永王教飄零湖海中汗漫學仙道西上太華顛  
東入蓬萊嶠偶騎天上鯨永投溟海釣但畱正始  
音終古震凡竅

夏日書懷十首

敝廬元傍董生臺重葺茅堂向午開樹是十年親  
種得竹從五月醉移來簷牙瓦雀爭雛鬪水而文  
魚擁婢回借此消閑良不惡夢魂早已絕塵埃

馮舍人道詩

卷之六

二

小關荒園半畝餘松棚高架紙窻虛偶參苦李蒙  
莊句頗愛顛張醉素書蛙部迎人先奏樂鷄壇懷  
舊早乘車此心只有浮雲似一任天風自卷舒  
瘦骨崢嶸一薄夫不遊城市不江湖曾登紫閣千  
尋壁徑度青泥九折途未酬快馬追風志也免窮  
猿失水呼浮世坐觀渾似奕算來此局未全輸  
小住人間亦偶然豈期塵界浩無邊夢中不覩三  
竿日甕裏還窺一髮天冒雨看山因採藥乘風跨  
海欲求仙此主不是忘軒冕占斷清閑白以緣  
羊桃雀李夏爭榮况值茅齋雨乍晴陶令有廬供

嘯傲謝家無墅賭風情三餘只好垂頭睡八韻何  
煩又手成架上殘書都懶讀擬將蕭散送平生

小麥盈箱唱滿村還來冒雨牧鷄豚常穿東郭先  
生履不踏南陽公子門貧士家風病難改書生習  
氣老猶存閑年亦有和光處時挽鄉人坐樹根

寄跡園林道益孤人間何處覓吾徒不逢燕趙悲

歌士誰畫朱陳嫁娶圖故里逢迎隨處少中年憂

患幾時無蕭條賸有殘燈在自向更深候藥爐

兩間到處是紅塵何必東華始汚人但許卑枝棲

弱羽不妨駭浪屬游鱗誰能水擊三千里又負花

馮舍人道詩

卷之六

三

開九十春自覺邇來情興減頭銜合署古遺民  
退士躬耕自可傳所憂不但買山錢青門縱可求  
瓜地丙舍何時築墓田海鳥聞鐘空自失吳牛見  
月不成眠散人也抱無涯恨日極松門一愴然  
赴壑流年滾滾催殘容何日滌純灰欲投選佛場  
中去愁向平都觀裏來只恐形骸隨草木肯令名  
字沒蒿萊案頭尚有農書在試爲鄉鄰講一回

題郡侯新齋

盆山如髻水如羅坐覺衙齋風味多好下湘簾調  
綠綺徑攀翠幕醉紅螺消除公事晨翻卷指點官

昨夜聽歌尚有東方狂朔在輕衫冒雨許頻過

題田子盆畫扇四絕句

丁字香殘雪乳濃白團扇裊微風來看沒骨徐

熙畫合在花經幾品中

葛服紗巾坐翠微濯枝雨過晚涼歸嬌黃淺紫秋

容好只欠尋花一蝶飛

綠樹陰中展畫圖阿誰渲染費工夫人間何限看

花眼曾見卿家半面無

行經柳巷與花街學畫丹青願不諧何似西風禪

榻下野花開過老僧鞋名花

鴻舍人遺書

卷之六

四

鵲四首

不同海燕與江鴻何事秋驕也避風徒使戈矛生

幕下曾無鱗甲在胸中鸞身自昔元非計尚口於

今竟不窮寄語枋榆諸伴侶漫將短翮欲凌空

趙際燕陲側翅難空經南陌與東阡人間黃鸝爭

誇翬天上蒼鷹欲奮拳苟活寧須升斗費高飛誰

假羽毛全無端墮落桑田裡也有牢籠在路邊

勝敗纔如一髮輕元非朝市欲何爭翔風枝墜終

難立浴日亭空那得行落手雖然無死法處囊應

有不平鳴借逢湖上平章老促織何由獨擅名

寒宵結伴向南歸魂斷天山雪打圍多愧龍禽知  
學語差同海鳥欲忘機虞人自此虛施巧相者從  
今莫舉肥淮水楚波寥廓極不須更傍玉田飛

盆梅

盆山梅老花氣重樹壓山尖森欲動新蕊作色猩  
點斑老幹屈鐵龍垂洞茅齋四壁雪花白地爐著  
火春破凍坐見南枝開五分自撥床頭雪一甕斗  
帳攤書香乍濃雙頰潮紅酒初中醉倒花前花不  
知我與梅花均一夢記得長安許史家天紅艷紫  
人爭貢梅花偃蹇不遇時岑寂荒山了無用但其

鴻舍人遺書

卷之六

五

水鶴誇妻子聊與山礬呼伯仲幽姿逸韻持向誰  
幸有香名識者衆全勝桃李太俗生迎暖風前自  
炫弄

東聖木

幾番花信到山齋犀脚紅梅只半開妒煞西堂千  
樹雪可能分遣一枝來

卽事八首

正及春風作惡時是翁矍鑠一何奇人言西域買  
胡似滿載明珠貽阿誰

雀鬧鳩喧戶未開倚闌愁思倩誰裁恰逢賣藥韓



康叟幻作湘東帝子來

雲海茫茫九片塵白衣蒼狗總非真無端先入土  
囊口十丈盲風吹倒人

萬事渾如一羽輕曾誇謔浪少年情那知今日鍾  
離禍都爲卑梁女子成

青史流傳半是訛人間飛謗本來多五都市上曾  
無虎爭奈三夫喋喋何

奮髯抵几怒如雷曹掾紛紛色似灰笑煞齊兒太  
舒緩白巾塵出府門來

悶悶鄉鄰太古風厥初誰與整鴻濛不應天水違  
鳴舍人遺詩

卷之六

七

行訟也在包犧六畫中

排紛解難氣如雲義士由來不顧身昨夜邯鄲正  
酣戰圍城玉貌是何人

偶成三首

行年未艾已成翁聊作林泉一寄公支枕酣眠流  
水外扶筇散步亂雲中有時賣藥三家市盡日澆  
花五畝宮偶向閑中舒倦眼冥冥天際見高鴻  
北斗南箕總浪傳虛名何事苦拘牽釀將漢水縱  
成酒鑄得銅山能幾錢蝸國久宜休戰伐蜂衙至  
竟尚喧闐不妨獨立清涼界自在深山六百年

正是維摩示病時還如甫里愛吟詩巖巖骨相偏

宜老土木形骸一任衰夢裡邯鄲空自失枕中鴻  
寶欲貽誰神仙亦自尋常事慧業何人解見知

秋日園居十首

背水人烟少藜門盡日關風來簾角下秋到樹中  
間一鳥穿花去雙童汲井還幽栖真計得何待入  
深山

逃名恐未得入世亦良難終歲依樊圃秋來灌藥  
園綠簷垂馬乳花徑養鷄冠便欲習通隱蕭蕭天

又寒

鳴舍人遺詩

卷之六

七

薤草通幽徑編茅補破扉寒蟬戴屋苔老水添

衣秋院花開早貧家客到稀祇應鷗鳥熟來往欲  
忘機

紙閣拋書後松牕浴罷時小山歌窈窕微雨弄參

差燕語爲尋侶鶴眠知夢誰平生相賞意沉芷與  
湘離

徙倚東籬下陽狂懶裹巾瓜分灌園客若寄苦吟  
人好事元成癖清言不到貧誰修高士傳左海有

遺民

雙鵲坐簷鳴秋陰忽放晴几寒意影碎土潤展痕

輕濕葉因風墮流雲觀日明茅齋工課了親自候

茶鐺

涼風吹杖屨隨意到鄰家陋巷秋偏好清齋日又

斜橋枝垂棗實

謂金

柳葉放桃花

謂柳

葉桃近社能携

酒重來一笑譚

埜水城東路官橋駕犢車田荒秋澹泊村近樹扶

疎客省松陰墓僧歸塔下廬偶然逢父老相與話

農書

高坐海東頭商歌寫素愁風鳴松子落蟲響豆花

秋古雪欺殘鬢昏燈伴醉眸茅亭新結就我意畧

馮舍人遺詩

卷之六

八

休休

尚有襟情在行當息衆緣半龕殘照裏一衲野雲

邊秀句惟呈佛閑愁莫問天儒衣真可怪回首欲

逃禪

東村四絕句

巾車取路九河旁雲水荒寒四野涼都布裝綿蕭

索極黃昏薄醉李家莊

風簾曲護火爐溫壯酒寒更過十巡自撥殘燈爭

博道囊家今夜是誰人

布衾如鐵不成眠睡起烘衣自笑屏一夜大風三

尺雪黎明驅馬到菰山

黃葉村中白板扉雪花如掌撲人飛狐裘高帽藤

輿裏正遇髯翁半醉歸

謂韓坡先生

冬夜卽事四首

白頭情性許誰同萬事因循一笑中雪滿東籬紛

不埽小山畱護菊花叢

老屋三間費埽除曉寒日射紙窻虛矮牀斜倚隱

囊坐信手閑翻丁部書

一褐蕭然擁故邱人間虛願不煩酬了知垂老宜

高卧新結茅亭署枕流

馮舍人遺詩

卷之六

九

紙帳油燈夜欲闌散人工課不曾完地爐自熱茅

柴火特爲梅花準備寒

遣興五首

滄海西頭濟北邊敝廬正在此中間分明不及漁

樵侶坐占林泉愧滿顏

睡起披衣不下床貧家風味太顏唐春寒例有閑

供給清曉山童煮栗湯

晴簷瓦雀鬧多時坐見南枝樹影移一事破閑差

得意半盤雙陸子行遲

紅塵不到野夫家飯罷消搖日又斜自笑俗緣猶

未了隔離取水灌甯花

清涼界外偶閑行平覺人間萬事輕曉向空齋爲  
雅拜瓣香離坊古先生

戊寅元日試筆四首

舉手欲挽西飛日滿引長繩繫不得回首欲拂髮  
角雪蘆花滿鏡空愁絕既無金鼎燒丹鉛坐愧青  
山不老仙又無博帶與我冠勲業崢嶸羅簡編兀  
兀騰騰五十年一杯歲酒忽入手歎息今爲扶犁  
叟

提筆一掃千尺壁天陰昏黑神鬼泣伸紙立成萬

馮舍人遺詩

宋之木

十

言書懸流千斛酒明珠舉頭四顧覓吾徒世上大  
笑癡誇符左手尚據天下圖右手引決毋乃愚不  
如聊復守須臾行年五十古云艾嘆息今無前輩  
在

一年十有三月閑無計破閑但醉眠一月四十五  
日醉事大如山總贖贖昔時大罵程不識平生不  
作一錢直而今恥附子公書投老甘爲山澤癯三  
杯五字長相於我生五十何足歎百歲堂堂纔過  
半

奇書壓架三千軸秋毫無補烏用讀良田二頃繞

東郭不辨菽麥誰耕作三山脚下舊荒倉老作清  
時一白丁燕陲趙際九萬程五角六張了無成翻  
然自號景迂生五十之年成皓首肯作人間牛馬  
走

梅花十絕句

散人夢不到繁華野水寒林擬住家短髮星星雙  
眼白青春茅屋見梅花  
黯淡春雲晚不收玉肌斜立迥含愁梅花何預人  
間事一夜東風也白頭

數枝冷艷弄春柔點綴茅齋晚更幽若向花經歷

馮舍人遺詩

宋之木

士

九品不應輸與紫風流

初圻南枝四五分一簾寒日映嬌雲纖塵恐忤梅  
花意曉倚闌干喚淨君

花開便是嫩寒天時約鄉鄰到坐邊乍聽風來簾  
角動一羣飛過瓦亭仙

雪壁紅燈四尺牀白頭一叟坐中央矮窻半展松  
紋紙夜賦寒梅十二香

松風亭下兩株斜何似茅齋風味賒傳語高樓誰  
弄笛連宵緩奏落梅花

愛花無計勒花歸一樹花前一舉杯喚起城南舊

游夢寓樓殘雪醉紅梅

擬作梅花樹下僧却思名飲不能停藥爐粥鉢東  
風裡靜掩柴門註悔經

買花曾記到青村倦憇松陰古樹根他日南船橋  
下泊携錢準出小西門

送賈明府還齊東

衙齋清晝雨斑斑放罷晨叅簿領閑芳草滿庭除  
吏至桃花夾路借君還官如鹿角津邊水春到虎  
頭崖畔山不是感恩兼惜別老夫例不出柴關

齋中蠟梅初花四首

馮舍人遺詩

卷之六

七

竹譜花經待細評西堂來共一枝燈紅爐臘酒歲  
寒夜笑問黃梅開未曾

風巾雪屨醉即當爲愛梅花鎮日忙昨夜圍梅煩  
月且無雙國士屬黃香

暗香十斛透窻扉歲晚名花眼見稀應是玉妃臨  
檻立一團黃露濕仙衣

買遍曹南數種花宮黃一樹太天斜石湖浪作梅  
花譜只愛仙人萼綠華

題田子益兩津釣叟圖四首

桐帽蕉衫野鶴姿桃花水漲打魚時分明似是臞

仙輩跨海東來作釣師

小壺城外富烟嵐千頃平田百丈潭蒼筤漁翁橫  
釣艇丹崖翠竹水村南

滿灘鷗鷺好尋盟人倚東風撥櫂輕小坐釣臺天  
薄暮菱歌漁唱一聲聲

白石清泉一道良投竿來釣九河春隔溪望見修  
門路烏帽黃塵笑煞人

上元雪二絕句

幅巾不整布袍斜扶醉游春一市譁無計和他雪  
爭艷星星滿髻插梅花

馮舍人遺詩

卷之六

七

春燈歷歷照書龕斜倚藤床睡未酣忽憶城南天  
尺五內家雪裡正傳柑

蘇祿王墓

樹杪青烏盤陣鳴松門斜對九江營七州蕃部連  
秦界萬里蠻君老漢城芳草遠隨方外碧野花閑  
傍隴頭明數家井曰諸孫在尚有春田雨後耕

題吳旋公墨蹟二首

草賢草聖幾人知閣帖拋殘學悔遲閑倚硯屏舒  
倦眼延陵妙墨看多時

北邙南董徧流傳信有人問真賞難試把公書臨

原本應教才叔怨孤寒

集飲西堂

粥盂茗碗午厨煙相喚鄉鄰到座邊岸幘狂談天  
下事據梧高坐地行仙紅燈擁伎人中酒雪屋投  
盧夜意錢一老白頭無藉在風情聊復似當年

咏蘇長公月夜至承天寺尋張懷民

古寺滿竹栢夕月流清影寂寂夜向闌渺渺滄洲  
景素練浮空明澄波浩千頃藻荇翠交橫零露濕  
衣領坡公步履來招客淪荇茗淨因悟道機慧業  
生靈境翛然成高寄淡懷託箕穎至今聆清言披

馮舍人遺詩

卷之六

古

豁發深省余亦樗散人舊舍朗公井瞑烟起林薄  
古月升東嶺結願步後塵明朝謝朝請

謝田子盆餉武夷茶二首

山經橫几攢嶄巖武夷乃在天東南羅列奇峰三  
十六朝朝峰頂生烟嵐幔亭仙人老孫子春風暖  
茗來雲岳十六洞天多珍木靈芽獨出春纖織建  
州風土妙水揀茶人戢戢如官蠶青莢纖籠謹包  
裹十千論價人稱廉嚴道蒙頂欲避舍漸西顧渚  
懷林慙元豐龍團誇內樣豈知後出尤清甘朔風  
寒日吹茅簷芋粥豆羹如蜜甜忽報故人分玉茗

白泥赤印勞封緘石銚香生驚老饑摩挲便腹誇  
潭潭

北客飽噉三斗葱大肉硬餅伸手空一生不求本  
草讀茶經誰閱三篇終人言官焙美無亞何如家  
釀滋味豐今晨忽拜故人賜佳茗遠自甌以東武  
巨老仙鬪水品靈芽遍採春山中活火煮湯魚眼  
沸兔褐甌面雲脚濃小啜一掬香滿腹暢飲兩腋  
生清風始知曩日邾莒會與酪爲奴非至公從今  
收身墮水厄小劫應滿三千鍾青銅三十早準備  
不辭厚報煎茶翁投老昏昏輒嗜睡憑仗茶力來

馮舍人遺詩

卷之六

五

相攻但恐衆人盡沉醉一勺之水難爲功

重入長安述懷十首

小壺城下幾春秋再入修門已白頭蠟展初拋雲  
外寺青衫又醉酒家樓投轄老馬元知路縱壑長  
魚復中鈎滿眼黃塵京洛客相逢不是舊同游  
僥得城南屋數椽蕭然駐足市橋邊還如司馬游  
梁日不是機雲入洛年白雨聲中銷歲月紅塵界  
外幾神仙風爐石銚茶初沸坐看紫簾半篆烟  
籬畔殘花映日紅高槐陰滿小窻東蝶穿密葉猶  
霑露鳥坐低枝爲避風偶有閑情思飲渴更無怪

事欲書空矮床笛簟涼如水一枕遽入夢中  
慙負金門吏隱名半生潦倒了無成客游燕市偏  
多感家世齊人尚有情眼已漸花憑驢腹猶未  
果欠膨脝無端碌碌還西笑真覺區區欲右行  
漫將身世等閑看朝市山林到處難蟠壑巨梧千  
歲槁摩雲俊鵠九霄寒有生但覺形骸累無地能  
容禮法寬趙北燕南如礪大不知何處著儒酸  
人間來往計程長尚憶風流託古狂飄泊一生唐  
太白陸沉七尺漢東方有心欲著遊山屐無路難  
投選佛場淡悶滿懷誰遣得獨持麈柄坐斜陽

馮舍人遺詩

卷之六

去

誰共爐頭一甕春客途空與酒樓鄰折腰未敢攀  
陶令攘臂何須笑晉人四庫奇書空滿案三山靈  
境杳無津昏燈斜倚蚊帳卧細聽更籌報幾巡  
何處昭王市駿臺崢嶸馬骨自堪哀囊錐露穎尋  
常事彈鋏思魚特地來高鳥遠從天際落野花爭  
向日邊開閑心無計驅愁去撥盡寒爐一寸灰  
白頭襟抱有誰知青史遺文每繫思蠻府叅軍名  
自重夷門監者老尤奇徒聞策士縱橫計何處狂  
生大小兒寂寞茅齋無客到一杯岸幘夕陽時  
滿眼清愁不奈何唾壺擊碎未成歌山經禹鑿由

來險書自秦燔分外多濛濛年光在下坂悠悠世  
事鳥投羅此生汗漫知何似慚愧湘皋結薜蘿

阮亭先生席上分賦得葡萄

左手持巨螯右手引翠杓花前酌酒對明月四座  
長歌天上謠天上明月不可招當杯還復吟葡萄  
紫蘭紅桂香拂袍玉盤錯落羅珍肴佳果傳自乘  
槎使西來萬里蕃王郊又聞流種當塗高鄴都下  
詔承寵褒老蔓千丈秋盤梢綠雲委地絲纏腰龍  
珠初剖胚流膏玉膚光寒籠絳綃爽入齒頰瀟秋  
澗香生兩腋吹涼颼應與熟客臭味別合共酒人

馮舍人遺詩

卷之六

去

逸士冷淡交不然風流文豪有如此磊磊落落真  
吾曹青蓮仙人不可招碧玉琥珀相敲敲巨觥一  
石不辭醉醉後壘塊應全消

馮舍人遺詩六卷

山東巡撫  
採進本

國朝爲廷樞撰廷樞字大木德州人康熙壬戌進士  
官中書舍人丁卯典試湖廣作詩一卷名曰晴川  
集王士禎序之是集乃廷樞沒後趙執信所編首  
爲京集三卷次卽晴川集一卷又雪林集一卷曹  
村集一卷併爲作序以士禎序爲知之未盡蓋當  
日執信方以論詩與士禎相左故雖同一推獎亦  
持異議云

居業齋詩鈔二十二卷文稿

二十卷別集十卷

〔清〕金德嘉撰

湖北省圖書館藏清康熙刻本

附《四庫全書總目·居業齋文

集二十卷別集十卷》提要

居業齋詩鈔卷首目錄

舊序四首

周廣菴序

李劬菴序

張長人序

周漁璜序

自序十三首

黔遊集序

涉湘集序

釋甕集序

居業齋詩鈔

目錄

鄂縣集序

軌曉集序

餐霞集序

咏物集序

歷陽集序

掘塚集序

漁唱集序

稗菴集序

史編襍識集序

松牕集序





舊序

余同年金子會公古所稱閱覽博物君子也恬澹寡營開卷尺許外不復知戶外有何事時俗攘攘有何途頗著文章自娛而已歲丁卯忽膺簡命典黔試擔囊就道歷途數千里其間高山大川名都巨鎮與夫幽崖絕谷荒陬僻微之區足跡所經興會所寄一發於詩於是彙而錄之命之曰黔游集志所事也既還報出以示余而屬爲之序余惟古者列國大夫出使於外其有登高能賦者號曰卿才然考之傳記所載不過援引古辭斷章取義居業齋詩鈔

舊序

一

楚無風而後屈原宋玉之徒雄文麗詞凌轅百代楚材之盛蓋自古志之矣會公生長於楚而才藻橫溢含風躡雅方之於古其屈宋之儔乎然屈宋以憂愁憤懣之意著爲文詞君子讀之未嘗不悲其遇之窮也今會公際休明承使命而於馳驅之暇發其和平之音以鳴國家至治之盛其遭逢之幸豈易得哉今試讀其黔中鎮遠諸什撫時紀事隱寓古初采風陳詩遺意則是編也且將貢之法宮領在樂官以時存肄於以考俗尚而知政治匪特區區用以自娛之具徒足供人欣賞已居業齋詩鈔

舊序

二

也既受而卒讀因書於篇首時康熙戊辰夏五雲間周金然

嘗讀史至傅介子班超奉使塞外所以建功立業者其勝氣奇謀數千載至今猶使人鬚髯欲張精神飛動雖其人骨格姿力本不猶人亦所歷山峰激詭湍流蕩涵人民物產異狀殊形接之耳目而動乎心志足發其胸中悲涼颯爽之奇氣因而忠憤生心維猷突出故能懋建武功光流傳記也即文事亦何獨不然今

皇上智勇天錫文明廣運固已化洽梯航光被無

外矣在今日視滇黔則猶內壤也顧其地越在南  
限漸摩於大德者視他方獨後而近又以吳逆背  
叛煩師武臣力討平未久金戈鐵馬之氣猶殷流  
巖障間歲下卯直省屆大比

天子念遐荒兵燹之後亟須得非常之人譔敷文  
教以移易其觀聽和柔其心思特遣太史金公  
以禮閣第一人往典厥事公奉命跋涉數閱月  
而乃至其地聞棘旣撤錄所得士及文上呈一時  
聲噪輦下咸謂黔南小省得士之盛乃反加於  
諸內地爲數十年所罕觀公反權沿江而下次皖  
居業齋詩鈔  
三

城念慈遠依人在此因得接見左右受讀黔墨信  
都人士揚拔非虛公又以黔遊近草相示自出都  
反抵黔往還所至覽奇紀勝山川風物畢見諸篇  
什中風格視公嚮作更進一籌蓋公以大文至忠  
教  
天子文命以振衰起陋化導殊俗若文翁之於蜀  
而又得於絕徼山川奇異之所映發以其正者取  
士盡以人事君之誼而餘者見之歌咏凡山水之  
形狀風俗之異同地土物產之肥瘠盈絀皆可一  
覽而得公既職在史館而國家方簡命儒臣纂

脩一統志則公之詩咸可以資考稽備采風於古  
陳詩之義實有當焉不獨氣力渾厚詞旨弘深若  
少陵夔州以後諸作使讀者髯張而神王有若讀  
傳班諸傳可以增益人才智也已關中李念慈

盧元薦先生云明詩洪武初高季迪輩一變宋元  
自開大雅而李大泌先生則云明詩初多沿舊習  
李文正起而反古卓不少移有開闢功是皆本前  
人明詩盛於洪武而衰於永樂成化之言其曰再  
興於弘治者意專推文正耳蓋其時北地操戈已  
磨礪須之北地列文正門牆其壽文正也不一及  
居業齋詩鈔  
四

有韻之語瑯琊後起世宗朝則唾罵及之晚而託  
諸樂府以懺矯耳百餘年而虞山蒙叟方一破成  
議推文正以冠全明夫蒙叟悲離頓挫小小遇合  
風情一發之於詩似亦宗騷些而背優容樂易者  
顧其言數十年金科玉條之亦氣運使然歟不然  
何粘天之濤終歸清晏也近者門戶分熾風發雲  
流而宋元雕蟲搜括殆遍同事憂之間見楮墨要  
亦卒無冲融大雅古道淋漓湧爾文泉隨地瀟灑  
者豈艱澁者好排異幽窮者事淒涼而稱詩爲餘  
事者復波蕩於呂梁之三十里而謫激於留帝帝

黃陵雲隙間與奇極反平濃至反淡暢反塞恠  
反坦也夫以意烏猝嗟之貌救畫目豺聲之遺欲  
指爲開闢功豈可得哉余非能遍讀詩書者乃不  
出里巷而典型之則無如吾友金豫齋先生先生  
之先大夫守秦興安郡當寇氛大熾時精忠大孝  
困於圍城而瘁以卒豫齋財五歲耳坎珂事母李  
宜人成過目誦即稱神童子弱冠以諸生試冠多  
士旋雋棘闈教授安陸者九年壬戌出爲南宮第  
一人方先生之讀書安陸也日游歷山水間夜篝  
一燈足成之如長吉故事久之有自怡石城諸刻

居業齋詩鈔

舊序

五

傳布海內矣及南宮墨出則天下又以爲文恪文  
潔再生已而歷金門上玉堂倡和諸苑老富有日  
新天下化之則又以操持軌躅司文章氣運者率  
自吾楚始先生詩壇之傑也復以文恪文潔倡其  
在斯乎余曰是固然然蒙叟與松圓老論文正詩  
反覆發明必深求其忠厚和平之所在不徒皮相  
也茲者先孝廉與先生之先大夫肝胆金石邑里  
所共聞見余與先生又日夕編摩亦更有窺其氣  
候者乎先生少孤貧固鬱伊蹇仄士也自少迄壯  
及對策大廷介不出門戶清羸自守乃讀所吟詠

清和坦白霽日薰風有懷必達有達必盡境思  
如圓睟霽惻夫楚固以騷些祖禍後人而後之論  
詩者又復以窮而後工豎訓今先生入爲侍從出  
秉鑑衡藜閣抒忠鎖垣潑墨無一不自學問溫摯  
中出即孺慕棟哀痛哭皆清風也且治詩者艷詞  
綺語之設穽中扼腕之言未必不供風雅一點染  
而先生皆却棄不登於俎豈非風教一大關係乎  
今試觀長沙諸集俱在向所謂平平熟爛者北地  
瑯琊不過以精悍藻績壓之考其實大則栽培國  
運小亦砥柱菰林數變而淳氣存史議定文襄之

居業齋詩鈔

舊序

六

言遂足千古長沙初寧娓娓告人哉先生之所爲  
亦猶是耳或曰先生素未以私淑長沙聞今前後  
一轍何也余曰南嶽主楚兩先生皆南嶽產也楚  
山之高者廣者多峰者不啻數百而衡八百里七  
十二峰雍雍穆穆不以高廣奇秀與衆峰爭故兩  
先生以和平深厚應之豈曰偏霸云爾哉余視先  
生爲兄退處山林不與人世先生不我遐棄編詩  
以示並索屏毫簡首因爲述兩先生功勳契合如  
此時康熙壬申春日同邑張仁熙

聲音之爲道根於氣運而人精神心術隨之非苟

焉已也正風正雅作於周道方隆羣侯軌道四裔  
賓服之時故其爲體也中而正其爲言也和而平  
其被之樂章也廣大而雍容風雅變王迹息矣謏  
夫昌熾女謁盛行君臣沈湎禍亂發於前而不知  
於是賢士大夫交於微而呼號發憤於其著則諷  
刺興焉孟子所謂詩亡春秋作也夫詩曷嘗亡中  
正和平亡耳中正和平曷嘗亡王迹亡耳東遷以  
後非詩乎騷賦非詩乎漢魏以至於今非詩乎自  
騷以降憂愁怨誹愈多而詩日益盛迹其悲天憫  
人纏綿愴惻託美人以思君子傷怨女而感逐臣

居業齋詩鈔

舊序

七

不可謂非詩人之極致而角聲多宮聲寡陰律多  
陽律寡慷慨如越石冲澹如淵明其輪囷抑塞之  
氣不自知其忽隱而忽現可謂盛世之音乎明君  
良相繼作詩書教澤涵養百年則詩盛矣而盛之  
終亦衰之始不知其始盛時誠有先王遺意焉詩  
莫盛於唐而陳伯玉其首也次亦盛於宋而歐陽  
永叔其首也唐盛極而至杜子美宋盛極而至蘇  
子瞻其才力既不可一世而又好學深思故遂較  
轢千古奄有衆長及其終也適時不造夔州感興  
僭耳瀕危忠愛之情結轡于中而光芒愈不可掩

抑自是藩鎮禍唐紹述禍宋而詩道亦漸歸凌替  
矣嗟乎此亦古今成敗得失之林也說者謂有明  
之詩盛於長沙北地而北地出長沙之門遽爲茅  
盾其後好事之徒迭相攻擊訖於明亡而止我  
朝仁育義正涵濡海內六七十年矣士大夫以文  
章名家者其師承淵源各有所自大率出於虞山  
之門者爲多吾師廣濟金先生海內咸知爲近日  
正人君子之冠獨其詩世雖知愛之而效者蓋寡  
蓋世方務纖新而先生獨依古澹世方矜穠麗而  
先生獨事雅醇世用以博名高取榮進而先生特  
居業齋詩鈔

舊序

八

自娛於荒江老屋之間而已故其爲詩也五言法  
漢魏七言及諸近體法初盛唐極其才力之橫騫  
可以上追少陵近擬眉山而無難而先生不炫奇  
不矜能寧側身伯玉永叔而甘避杜蘇者所以培  
文章數十年中正和平之氣惟恐其盛極而衰爲  
良臣勿爲忠臣魏文貞之志也先生自爲校官時  
名播於海內後歸承明著作之庭鴻文典冊照耀  
四方人皆耳而目之及其歸也魚莊蟹舍牛欄豕  
棚一經點定悠然有陶韋遺致焉夫世惟有真人  
而後有真詩安貧樂道樂行而憂違者先生之所

以爲行也醇雅古淡中正而和平者先生之所以爲詩也渭遊先生之門久竊以爲先生人似程明道而詩似陳伯玉歐陽永叔人似明道故其自守雖截然不可犯而士無賢不肖莫不愛之敬之詩似伯玉永叔故人雖好之而效者蓋寡然而後世公論則有不可泯沒者渭非不能舉少陵眉山以例先生也歲之初秋渭以請告南旋獲拜先生於里第几席言笑間無非以通經學古爲勸而以干進嗜利爲可耻次出其詩若干卷屬渭校讐而勘訂之自維末學管窺曷足仰測先生之萬一然幸居業齋詩鈔

舊序

九

側門下而又得挂名簡末有深幸焉故不辭而爲之序嗣是厥後先生年益高學益邵而著述日益富請以俟後之爲伯玉爲永叔者而已康熙戊寅秋七月貴陽受業門人周起渭頓首拜謨

黔遊集自序

黔關之役聞

命以四月趣衰就道以五月初旬例也炎暑薰蒸征輶轉仄時有吟詠不遑脫棹郵亭小憩則藥爐茗碗較勝於饕餮比及楚南放於黔西秋風微涼旅次加餐然曾崖疊嶂箐叢絳紉俯視大壑千尋萬丈頭洞官冥心膽驚悸片雲垂垂驟雨淋漓雷霆不嵐瘴濡濕即事成詩境過輒忘提腕實菊款鍵署靜坐點檢腹笥十財一二篇什寥落無可觀者顧念人臣恭承

居業齋詩鈔

自序

簡書誕敷文教於數千里外凡所過名山大川通都劇郡土風人物悉當筆之于書黔雖絕徼戶口宮牆霞露涵濡之日久矣古者太史氏采風輶軒獻於天府德嘉史官也三寸油素得採方言爰彙小峽歸載輕裘比於汲水巴峽畚石鬱林云爾若夫四牡皇華菁莪棫樸黼黻鴻猷鋪敘盛事惟遷固淵雲之徒閱裁鉅筆或庶幾焉區區紀行之冊何足數哉康熙丁卯重九日使臣金德嘉書

涉湘集自序

丁卯歲余有黔之役竣事言旋從鎮遠買舟

以達鄂渚到于今忽忽十年矣捷戶息游游具都  
廢會故人期我於巴陵掛席西征越二旬穢城陵  
磯下而館榭又在澧澧信風解纜風停則止煙雨  
孤舟四望無際兒子披裘讀史中有感觸輒成詩  
句燭燼蓬窓東方乃白余因念少陵憑軒處僅存  
古礎而鐵笛三弄忻然庶幾一遇曷可得乎搔頭  
惆悵久之旅次多暇哀沿塗所作古今詩都爲一  
冊顏曰涉湘集是地也司馬子長曾一至而余且  
升矣江山亡恙年齒漸增存詩以紀歲月其工拙  
又何論耶時康熙丙子冬月

居業齋詩鈔

自序

釋甕集自序

一畝之宮園半之於是乎有抱甕之役俛而惟仰  
而眺有所欲言則釋甕以書之昔揚子雲有所論  
著劉歆譏之曰徒自苦人用覆瓿耳詹詹之言  
敢以供人甕具聊塞吾甕中抑猶念乎四體不勤  
動而又無所用其心者也豫齋老圃自記

鄂縣集自序

客武昌縣倚晴閣焚極不能伏案成一字游寒溪  
小憇僧榻得五言今體詩八首已而賦鄂縣覽古  
詩凡九首於蘇端明過江展齒所到都有詩然而

感慨深矣是夜公入夢夢中見公趨朝有所啟奏  
貌與往日所見畫像肖噫異矣於是捃拾公譜傳  
成七言今體詩十首公言語文章妙天下不假言  
其生平最膾炙中外人口者竄呂惠卿制草一篇  
而晚節之斥逐播遷艱難坎壈實胎於此蓋小人  
之妨賢害正無所不竭其力怨毒深報復彌酷理  
固然也元祐諸君子當年受熙豐羣小之禍千載  
後可爲寒心溯其本根則半山實爲之此余雪堂  
覽古歌行之所由作也嗚呼山川勝蹟往往藉名  
賢以有傳而幽憂侘傺不得志於時者之傳尤久

居業齋詩鈔

自序

豈獨雪堂也哉過夢澤子雲兩先生故里有詩附  
焉是役也客邸甫浹旬共詩如干首命兒子鈔謄  
成冊名曰鄂縣集時康熙丁丑秋七月望日也  
軌甕集自序

唐李供奉宋蘇端明明楊脩撰余嘗觸緒成詩藏  
諸笥客有覽而歎歎者大指謂造物生材良難材  
如三君子而不究其用可惜也於是鈔謄爲一集  
客曰集必有名茲何名乎告之曰氣鬱於鼻發而  
爲聲月令所謂軌甕也遂以名斯集焉康熙己卯

清明後一日

餐霞集自序

震於我無與也而餐之何哉草堂徒四壁立即眾  
顧亦復奚獲則餐霞而已矣然猶有時乎爲詩久  
之哀輯曰餐霞集義無所取紀實耳

咏物集自序

兩牕飲徑醉走筆咏物夜分乃就寢草堆案頭墨  
落沾漬且盡矣詰朝有客來詫曰新詩耶苦不可  
讀余引陶公語謝曰君當恕醉人客別去命兒子  
錄以藏之康熙己卯夏六月

歷陽集自序

居業齋詩鈔

自序

四

之歷陽千里而遙所過古蹟捉筆成詩風帆簸蕩  
藁草黥點洛兒會意鈔謄爲一集昔人讀史至可  
喜可愕事輒浮一大白余乏杖頭錢不能多得酒  
以詩當之句復不佳蓋亦醒而狂矣康熙庚辰冬  
十月書於含山旅次

掘堞集自序

偶讀宋玉風賦有掘堞揚塵語竊以爲詹詹之言  
似之用名厥集焉後有厭之者法當火浣幸勿納  
諸溷也從子江請曰昔左太冲賦三都藩溷俱著  
筆札馬糞巷口人物大有可觀亦安見塵之愈賤

余曰不然漢史以胡廣趙戒爲糞土則凡妨賢

位眈眈而逐逐者皆厠鬼矣惡可近塵則不然其  
揚也視乎所傳松筠竹籐桂萼芝房菊之籬孫之  
晚梅之莊辛屈之鴟皆清塵也其在干几也可拭  
冠也可彈襟帶也可滌琴囊劍鞘筆牀研匣第藉  
一塵尾之力而光景忽新若夫敦羹罇罍洗鼎  
藥禹碑周鼓之屬以塵羃焉而寶貴於來世由斯  
以觀塵何負於人哉江辟席起謝曰聆是言也可  
以見志自時厥後蓬蓬鬱鬱於腕下可矣康熙辛  
丑陽月

居業齋詩鈔

自序

五

漁唱集自序

湖邊聞漁唱唐人暢當句也余小詩一集以漁唱  
名客曰子非漁安得漁唱余曰若非我安知我之  
不爲漁若即令我不爲漁我安能不漁唱夫野渡  
花發寒溪亂深絳雲在霄冷風出壑水族喁喁山  
巢鉤輶涉境成趣應接不暇當此之時風颯於竹  
竿蓬蘽之際即施肩吾所謂顛狂楚客歌成雪者  
也客曰善是夜夢客提簑衣簑笠來相贈余熟視  
之謝客曰此西塞山下張子同物也已而念子同  
五月五日生余辰亦如之嗟乎人生有命余又安

得不爲漁乎客貢諛者前致詞昔王戎墓下有人  
解唱黃鸝負薪出山輒驟貴余日記不云乎擬人  
必於其倫若第聽漁唱可矣客遂巡別去余唱云  
晉晉蜀蜀族如虹直釣中流橫一艘露肘年年此  
獨漉也無物色似桐江又曰長天漠漠水盈盈鶴  
夢酣時忽有聲萬頃一絲垂百尺收來坐對短燈  
檠康熙壬午午月釣童山迤東二舍許隱者題  
稗叢集自序

擬叢爾邑四封以內古蹟爲一編言務雅其冗長  
事弗遺其零碎說在乎淮南子之稗叢也巾箱可  
居業齋詩鈔

自序

六

載攜以出遊避通人用作方物之類其纖已甚  
儉者或有取乎康熙乙酉穀雨

史編襍識集自序

識大識小都無倫次有觸輒書限以三韻括一事  
於六句中一唱三歎視鐵厓之樂府較難記曰毋  
剿說毋雷同亦各言其意爾廣濟老僧呵凍藁

松牕集自序

史不勝詠偶有感觸輒成一絕句零星得二十首  
遣懷漫興數亦如之歸田以來韓公所謂文字飲  
竟不可得而荒江寂莫想到昔人玉山雅集直似

洞天福地若復不弄桑翰即飽食終日無所用  
心矣康熙乙酉冬初豫齋潛夫自記

居業齋詩鈔

自序

七



古君子宦轍所至聽治之餘必歷覽其山川風土  
友其賢士大夫采擷其鄉先生之著述以想見其  
爲人非僅以廣葺見矜博雅也嚮往所存風教寓  
焉余不敏心焉企之憶自承乏齊安以來簿書鹿  
鹿未遑從事幸今閱三載政稍和事稍舉因以公  
餘將竹樓雪堂諸勝次第脩復署之西偏枕江面  
山得以收一郡風景之勝因築堂于其上以爲遊  
憩之所嘉客戾止則淪茗以俟又徧訪鄉先達之  
詩文家集以供披覽已得四照堂吧思堂白茅草  
堂藕灣玉照亭數種朝夕晤對尋味不置自喜竊

居業齋詩鈔

蔣序

祿名邦得以旁搜博采津逮生平未見之作雖才  
不逮于古人然每以古人爲法不敢以風塵俗吏  
自委已又念斯黃名勝之地自紫薇玉局諸公倡  
導以來流風遺韻往往而有至江山靈秀郁釀孕  
蓄人文之盛自應不止於此即如數十年來翰苑  
巨公若金先生豫齋張先生石虹文名藉甚兩公  
皆黃產也其應制諸作風行海內照耀今古固不  
必言間有片辭隻字流播人間未嘗不膾炙人口  
思其端居撰著自無不可傳世而行遠惜也人多  
未見其全集耳已而豫齋先生之令似欲汾以

先生居業齋詩藁見示爲之欣然色喜開函亟讀  
見其瀏然以清窅然以深洋洋纚纚行乎其不得  
不行而止乎其不得不止其史編襍說上下今古  
更足見其讀書之有識他若友朋投贈道路驅馳  
緣物寓言撫時感舊之作無不淋漓盡致激昂多  
姿雖窮極變態不必規規一轍而恬澹之致忠厚  
之情惟祈不悖于道探其本原其致一也風人之  
旨其在斯乎彼以格律升降較量于唐宋明之瑣  
瑣者非足以知先生者也使後生末學各奉一編  
以爲準則將見溫柔敦厚拔藻摘華風雅之傳于

居業齋詩鈔

蔣序

焉復振鼓吹休明有厚望焉寧僅齋心退食之餘  
得以焚香雒誦之爲快哉集凡二十二卷尚未開  
雕因與令似謀付諸梓以公海內然尚以未及見  
石虹先生集之爲悵也康熙己亥人日暨陽蔣國  
祥撰

詩至今日亦云盛矣然詩至今日益難言矣上而  
諸紳學士以泊文人墨客莫不各有吟咏盈囊積  
奇較唐絮尔丹鉛奪目類謂發雕龍於綿絮糴靈  
蛇于掌握詎不駸駸乎稱盛哉顧個儻者鮮實力  
愿謹者之雋思輕者疎而卑者俚甚至各設旗鼓  
爭長爲雄而究其性情氣骨温和朗潤一唱三嘆  
如鏗金戛玉足以留連感興而羽儀風教者什不  
遺一二焉甚矣詩之難言也憶余操觚時讀壬戌  
禮閣第一人豫齋金先生制藝渾噩純粹儼然商  
契周鼎可仰而不可跂輒神往靡敢載觀丁卯棘

居業齋詩鈔

卷一

讀惟黔省卓越迥異他舉益歎先生學識淵弘允  
爲當代宗匠每以不獲罄誦鴻編爲憾而未知先  
生之深於詩也猥膺簡命承乏珂里者數稔于  
茲因得居業齋詩集諸鈔盡首尾而玩繹焉第見  
古今各體備美萃精無不躋其極而臻其妙夫先  
生當去古安遠之時獨能追風雅之遺韻誠足爲  
後學津梁矣亟勸其家君禹書授剞劂以大其傳  
而君小試廣宗方以藝應辭緩余曰當今

聖天子垂拱幾甲週峻德遐齡變絕前代猶日以  
振興古學長育人材爲急以故凡選藝擢用

臣工必馳 閣奏對審其才品試以詩賦稱 旨

而後命之官否則雖大寮世胄必擯斥用是薄海  
內外以迄荒裔殊俗罔不蒸蒸向化惟以不得與  
于壽考作人之盛爲耻斯時也正宜以先生温和  
朗潤鏗金戛玉之音引其繩而正其鵠俾曉然于  
詩之爲詩自有真性情真氣骨非浮聲麗采者之  
可以貌襲也爰是翕然相率而返之大雅于以廢  
歌至治羽儀風教焉豈不盛哉而顧可緩哉因即  
其舊選各集凡若干卷捐俸助梓至先生詩之源  
之忠孝本諸行誼而涵濡于清操雅度以自成一

居業齋詩鈔

卷二

二

家言則本傳與諸舊序論之備矣康熙戊戌冬月  
武平蕭壘撰

居業齋詩鈔總目

卷一

江澣集古今詩九十四首

卷二

石城集古今詩四十五首

卷三

願廬集古今詩三十三首

卷四

京邸集古今詩三十四首

卷五

居業齋詩鈔

總目

黔遊集古今詩四十三首

卷六

續京邸集古今詩五十六首

卷七

南征集古今詩十一首

卷八

續江澣集古今詩二百十九首

卷九

涉湘集古今詩五十三首

卷十

江州集今體詩十九首

卷十一

釋甕集古今詩五十一首

卷十二

鄂縣集古今詩二十九首

卷十三

勦寇集今體詩二十六首

卷十四

餐霞集古今詩一百四十八首

卷十五

居業齋詩鈔

總目

咏物集今體詩五十七首

卷十六

三陽集古今詩九首

卷十七

堀塚集古今詩九十三首

卷十八

粹裘集今體詩六十八首

卷十九

史編襟識集古體詩一百五十四首

卷二十

松窓集今體詩四十首

卷二十一

漁唱集古今詩一百九十五首

卷二十二

漁唱集古今詩二百二十六首

居業齋詩鈔

總目

三

居業齋詩鈔卷一

江許集

廣濟金德嘉會

聖人出

聖人出萬國寧靈臺望泰階平雲五色芝九莖白  
雉斑黃龍呈登寶鼎川嶽禎湛湛露瀼瀼瀛瀼蓬  
瀛聖人壽德施溥蕃釐輳開明堂觀羣后蒞辟廱  
升孝秀天垂象四序布青陽熙朱明茂西顙淳元  
冥宙調八風九歌奏聲教敷經緯寃日出入天所  
覆梯航球共重諱徠臣拜稽首歌康哉

居業齋詩鈔

卷一

江許集

閩闔行

閩闔開賢人慶舉元凱升宅俊鳥有鳳覽德輝千  
仞翔五采儀龍在田見以時雲油油雷雨垂天地  
變化九有熙芄芄械樸聲諸詩秉燭傾壺永今夕  
四牡在門車載脂

咏史

信陵却秦軍其聲動天下慷慨獻奇謀爰門抱關  
者士固不易知訓知自有時堂上三千客何如鼓  
刀兒救趙有矜色聞言乃自抑千古下士人終收  
士之力毛薛進讜論一朝整歸鞍羶羶賴以退宗

社爲之安當時諸公子紛紛競養士冠蓋彌道周  
高風誰似此

青青山上柏直幹凌蒼穹矯矯天下士挺拔將無  
同布衣耻帝秦蹈海誓微躬黃金與相印棄之如  
轉蓬悠悠千載後斯人不可逢

虎狼恣啖食六國無堅城千金奉說士割地爲連  
衡燕秦不兩立乃謁田先生畫策殊侷儻七首咸  
陽行祖道易水上臨風奏羽聲壯士盡慷慨怒髮  
上冠纓登車不返顧氣可吞暴羸英風振千古惜  
哉事不成

居業齋詩鈔

卷一

江詩集

二

天子好征戰迺貴大將軍天子好名法九卿務深  
文丞相時燕見惟視上所云矯矯汲都尉獨以直  
諫聞淮陽一以卧所志徒辛勤逢時而富貴於我  
如浮雲

騏驥謝羈勒駕言千里遊鸞鳳翔九霄羞與燕雀  
謀黃綺之商山嚴灘一釣舟迴驪吹紫芝白雲擁  
敝裘或輕如鴻毛貴之比山丘或重於鼎鼐賤之  
若蚍蜉

漢高成帝業經營何苦辛百戰殲彊楚三章董蕭  
秦履霜一不戒牝雞司其晨夫常日傾覆大義誰

與陳斷割其神器思以貽所親陰霾蔽白日火德  
一以淪朱虛與絳侯偉哉社稷臣

李斯挾鼠智結鞶西入秦當其并天下遂據要路  
津三王與五帝陋哉何足陳諸儒師古制詩書相  
因循吏議摧燒之當風揚其塵皇帝尊無上丞相  
勢絕倫有詔賜洗沐門外車麟麟璧玉爲軒堂當  
戶羅金銀百官前上壽成列何逡巡人生願已極  
稅駕將誰隣駢首思上蔡聞者爲酸辛

思美人

煙藹藹雨萋萋披蘭若拂蕙枝芳華實歲蕤衰風

居業齋詩鈔

卷一

江詩集

三

入房慘柔肌思美人隔雲泥出門望是耶非罷瑟  
琴遺履茶如狂易宛調飢魂惆悵步逶遲寓尺素  
愁路迷川東逝不可追瞻繁星何離離歌且謠寫  
相思

短歌行

然據續燭經箱史軸藜藿不充羣書果腹窮巷  
一區蝸壁蛭塗松棚爲益茲屬當車手灌一畦  
躬鉏十畝有客升堂葛巾漉酒湛湛者池有鷗  
樂之朝煙暮雨飲斯啄斯人亦有然其樂不改  
悠悠戶庭高丘遠海

矯志篇

直如張弦僵仆道邊猛虎耽耽間擇豪賢屈沈清  
冷賈賈卑濕今曩同秋前顛後躓孤服當暑織締  
禦冬疇非方物易地則凶役騷服箱使羊將狼物  
違其性動罔或臧鯢雖寡憐不妃鱣鰈驚飢死  
不侶鳧雛

神物歎

龍泉太阿光熊熊蛻蛻變化猶真龍風胡薛燭善  
相者原始莫能要其終赤瑾山頭錫若耶溪底銅  
雨師爲灑掃擊索煩雷公陰陽作炭鑪鍾紅太乙  
居業齋詩鈔卷一 江蘇集 四  
下視羣仙從歐冶天工匪人工鑄成拂拭青芙蓉  
羣神上天歐冶死世間神物今難逢嗚呼神物今  
難逢奈何棄置泥沙中君不見斗牛之間夜夜有  
氣如長虹

牆上難爲趨行

反裘不可負緣木不可漁人生如駒過隙安用徇  
馬充衢堂下鐘鼓堂上笙等佳人絕代冰雪肌膚  
俾夜作晝恣客騷娛晏安乃耽毒睡耽欲誅鋏爰  
書奏當駢首路隅故人賓客首鼠踟躕歌臺舞榭  
燕沒縱橫寡鵠孤父老歛歛太息牆上難爲趨

白苧詞

嚴霜照月夜沈沈紅顏皓齒發清音回眸一盼千  
黃金陽阿下里且莫吟商風蕭蕭動客心動客心  
魂悄悄安得雲間雙鳳凰喈喈聲出梧桐上  
越羅楚練成繡衣樽前宛轉帶斜暉仰視雲間雙  
雁飛酌君酒醉忘歸淥水歌殘朱火微芙蓉帳底  
君莫違

直釣吟

長年把釣竿沙頭候水色暴雨狂風動地來河大  
水深漁不得漁不得飢無食衆人釣曲我釣直嗟  
居業齋詩鈔卷一 江蘇集 五  
乎渭濱之遇不可稀一生直釣徒爾爲  
襍詩

物生各有托所托非一端有鳥附鸞鳳飛鳴啄琅  
玕亦有野田雀卑栖以自安所營徒飲啄曾不憂  
彈丸

蟻穴潰成川狂瀾乃撼城荆榛蔽丘阜豺虎以縱  
橫愚者憂其著哲人觀未萌曲天眞上策焦爛祇  
扶傾

題友人讀書寺寓

琴書隨杖屨來住此江東醉卧梧桐雨歌生薜荔

風秋聲寒浦外雁影夕陽中萬象澄觀得清言孰與同

寄舒山人

聞君高卧處古道逼柴門獨隱烏皮几微吟黃葉  
邨野風喧水碓細雨濕山根飲罷田家酒幽懷遲  
客論

旅邸襍咏

薊門真落魄此地復何如幾醉平原酒經旬古寺  
居鶯聲花外老柳色雨中舒屈指鄉關路愁人問  
十虛

居業齋詩鈔

卷一

江詩集

六

旅食春將盡日歸猶未能輕裘殘蠹簡短髮愧青  
銕慘澹還逢雨蕭疎合就僧高談非管輅安得酒  
三升

南征道中

萬古桑乾水蘆溝橋下流浮雲還北望倦鳥已南  
投日落鞭羸馬春寒擁敝裘行歌猶莫放旅夜更  
生愁

瀟口

煙樹黃州路風帆瀟口船人家臨古渡野水漲新  
田細草斜陽外長鏡曲巷邊生涯元稼穡飽飢况

春天

好風迎舊路芳草待歸人水曲荆榛少柴門雞黍  
親艱難爲客慣笑語故鄉真屈指吾廬近江邨月  
色新

劉廓菴先生過訪

荒年驚會面耦坐百憂生至日還祈雨山田總未  
耕誅求勞長吏守望費經營安得輶軒使微聞哀  
痛聲

薄暮

薄暮何人到喧呼江上村發倉遲謁者圖繪得監  
居業齋詩鈔卷一江詩集  
門已到顛危極猶靳覆露思芻蕘如可獻民瘼儘  
堪論

庚戌除夕

椒酒驪今夕柴門愧此身十年三上策疋馬獨歸  
人簫鼓喧兒女盤餐費里隣江梅知節序又放一  
年春

送盧二之蘇州

酌酒今宵且盡歡凌晨東望路漫漫片帆雨色三  
江遠短劍霜花六月寒金虎跡荒哀壑在水犀軍  
散夕陽殘彩毫到處應題徧江渚秋風待羽翰

寄題李二別業

偶攜書卷出郊垌，  
偶得虛堂盡日扃。  
對酒不須仍白眼，  
辟人聊復寫黃庭。  
雲霞澹引千尋竹，  
蘿薜深藏五夜螢。  
幾欲從君空徙倚，  
更愁江上雨冥冥。

得張師石書問却寄詩二首

杜門久與故人違，  
忽有音書到竹扉。  
過眼物華雙鳥翼，  
驚心風雨一牛衣。  
春雲草樹黃泥阪，  
秋水漁燈赤嶂磯。  
日暮狂歌當濁酒，  
不禁西望思依依。

大別山前分手後，  
幾回爲子淚沾衣。  
南州是處知徐釋，  
京雒何人薦陸機。  
月湧江聲三迕冷，  
雲深竹居業齋詩鈔

卷一

江詩集

八

樹一燈微，新詩有快還。  
應寄莫使虛堂雁影稀。

春過楊處士

草亭地僻人來少，  
我到看君倒屣迎。  
老至北窗惟酒醖，  
當年南國有詩名。  
瓦牆雨色千尋竹，  
沙浦斜陽一樹鶯。  
儉歲盤餐偏繾綣，  
劇談因見古人情。

雷子對瓶花寄家書悵然有作見示和之

爛熳花枝倚幌齊，  
含愁徙倚朔雲低。  
樽前驛使書初發，  
夢裏鄉關鳥亂啼。  
何處折來春已暮，  
那堪愁向日銜西上林。  
千樹看如錦，  
年少翩翩望欲迷。

東懷胡十水

水部仙郎胡十水，  
官梅東閣興何如。  
河渠舊在龍門史，  
玉帛新成禹貢書。  
曳履星辰聽漏箭，  
披裘風雨對盤蔬。  
鳳城歲晚鄉書發，  
猶到江干水竹居。

贈景陵胡孝廉君信

對酒休悲行路難，  
逃名自覺世塗寬。  
巾車竟擬陶元亮，  
阜帽真同管幼安。  
汚水雲深千樹綠，  
邵亭月泛滿村寒。  
吟成青玉期誰和，  
獨倚西風把釣竿。

觴賀蘇林吏部

賀公瀟灑八仙徒，  
早歲承恩賜鑑湖。  
扶杖看雲流水碓，  
倚欄聽雨過山衢。  
輕帆野艇鷗爲侶，  
老樹柴居業齋詩鈔

卷一

江詩集

九

門風有雜詞，客過存無俗。  
韻詩成不讓輞川圖。

龔又泉書至却寄

鄭虔蕉萃官情薄，  
病骨支離草閣閒。  
安得青樽傾北海，  
祇將皓月勝東山。  
繩床竹几蘭臺下，  
楓葉蘆花漢水間。  
一曲寄君銷別憾，  
故園東望每思還。

舒二過飲江齋

鬱鬱園中花粼粼，  
水底石秋風吹夕陽。  
照此邂逅客草間，  
步徘徊佳期良不易。  
矯首望青冥，  
眷言懷曩昔。  
悠悠千載間，  
寂寥揚子宅。  
俛聽寒蛩聲，  
仰視浮雲白。  
清尊琥珀光，  
且當共今夕。



竹窗雜興

田父急春作犁鉏列衢路我生天地間悠悠何所  
務種麻不滿丘種桑不成樹倉鵬顧我鳴忽復舍  
我去好風江上來吹向芳菲處薄言就東隣橫經  
理章句

堂前何所有脩脩數竿竹黃鳥鳴樹間池塘春水  
漾俯仰有餘閒盤餐一以足出門任所之日暮還  
來宿

舉俗謀其生徵逐亦何苦我身獨蕭散所樂在環  
堵通勉課兒童聊以當田圃更番侍壺榼邛醪忘  
居業齋詩鈔卷一 江詩集 十

吾取酒酣步江皋斜陽照沙渚

落日滿前邨東皋禾黍好農人自憐匹我思在遠  
道經歲闕雙魚深山恣幽討每念結交初惻焉傷  
懷抱少壯曾幾時漸欲向衰老古人立修名致身  
苦不早

虛館百無營堦除馴鳥雀天懷日浩蕩不復知憂  
樂朝見南隣翁喪車出北郭觀者如堵牆素衣滿  
墟落稱道其生平令人誠輕薄

萊田逢儉歲百口守空倉收荒寡善策惻惻兄嫂  
旁僅双拾苦菜終日不盈筐引頰麥秋至甍勉餐

種糠顛瞻野田雀飲啄安其常人生固有命母爲  
徒慨慷

梧桐當我門楊柳蔭我屋攀條陟其顛可以眺川  
陸童子六七人種松兼種菊荷鉏薙草根門庭常  
肅肅

懶性寡逢迎兼之卧病久柴門晝不閉鎮日無賓  
友移席即濃陰孺子解趨走夜來螻蛄鳴螢火在  
牕牖四座悄無言逍遙看北斗

送盧小相之蘇州

置酒臨江皋朗月照江水之子東南征雞鳴戒行  
居業齋詩鈔卷一 江詩集 十一

李與子相周旋江閣影翩翩子有嶧山桐我有鷗  
雞絃因風揚妙曲往往入青天前年驅走馬別我  
垂楊下訪古昆明池灑翰麓川野歸來卧草堂堂  
上焚名香龍鱗松千尺煙芽菜一筐曰眼看見人久  
浮雲爾何有閉門燈火深微吟在窓牖客從遠方  
來素書爲君開故人久惆悵遲爾姑蘇臺擊舟一  
相見臺下聞驪讌吳歌白紵詞吳儂白團扇掛帆  
下尋陽早晚達橫塘大江波浪濶雲樹莽相望

蘭花續詠

猗猗谷中蘭漠漠清泉際雨露滋其陰幽人與之

對臭味一以忘陶然有冥契仰觀天宇空俯聽  
韻閣沅水與湘流同歸而一致豈無桃李蹊素心  
非所寄一章補原韻也

湘水有靈均湘皋蘭滋植雲策古先生悠然得斯  
意春風動地來益益發其氣雲山夜蒼蒼相與通  
寤寐晨起步空庭頽然而神醉二章懷雲策也

澄觀念終始草木亦根蒂泫然而淚下感彼蒿與  
蔚嫋嫋續遺音泯泯成新製賸茲倚蘭篇毋乃南  
陔頽江風吹暮雨疎櫺鏗影細四壁悄無言徬徨

發深喟三章志則筆亦思也

居業齋詩鈔

卷一 江辭集

七

古意

月下星漢高南隣砧杵發滅燭掩蘭房蛩吟竹間

月

日落青楓滿天空秋色來江雲又過雁不見狂夫

月

朝朝江口望雲帆亦未歇向夕啟羅幃空牀鑒明

月

麗人曲

若非鏡中人絕代竟無侶畫眉泣春風莫照清流

水

今別離

掛帆前溪去月滿前溪口風起溪月昏行子空回

禱詩

芳樹生道周女蘿相縈抱天寒霜露深蘿樹俱枯

蛟蝶隨輕風翻飛不肯住向花間來風吹復飛

去

君從山中來應識山中樹碧桃千萬株花落知何

處

居業齋詩鈔

卷一 江辭集

七

採蓮曲

白鷺立青天芙蓉開渌水誰盪木蘭橈笑語橫塘

裏

大隄曲

大隄春風發楊柳綠絲絲金鞭驅駿馬爭向習家

池

艷曲

朝歌渌水曲暮撥朱絲絃皎皎雲間月來照綺窗

前

有以潑墨石爲太白時物索題者戲集供奉

句成四首

裂素寫道經天樂鳴不歇偶然值青童對此石上月

長歌吹松風泉漱階下石酒酣心自開青天何歷

雪欲尋廬峰頂掃石待歸月拂拭倚天劍清風灑蘭

揮翰凌雲煙蓬壺望超忽就我石上飢清涼潤肌

田婦歎

居業齋詩鈔

卷一

江詩集

五

長夜金風鳴促織五日織成練一匹門外喧呼吏  
索錢蓬頭老嫗抱兒泣黃姑賣盡犢已無只有健  
婦把犁鋤縣帖昨來趣更嫁了却新稅兼宿逋縣  
門土功晨擊鼓差繇族族來如雨老身行竄知何  
許

山農詞

茆堂四壁不蔽雨蠶箔蜂房走田鼠新婦銅釵換  
米炊縣隸苦填飯熟遲往年人客留我屋人有盤  
餐馬有粟今年客至坐雞栖不聞雞哺聞兒啼阿  
翁有家不得住身帶桁楊縣西去

江風行送家兄之黃州

唾壺擊罷江風起江上數峰石齒齒長年拔柁木  
蘭舟遠上黃州古竹樓吾兄長劍霜花鐔籠布短  
衣飢藜藿俛首從人試諸生揮毫意氣傾京雒有  
弟踉蹌走公車雨雪燕山四上書去日敝裘來蹇  
驢噫嘻騎驢棹舟俱不惡人生豈得老丘壑秋江  
皓月無波濤臨臬斗酒且詩整

觴表兄李二孝廉

李生昂藏七尺青雲器狂歌倚劍聲動地仰視蒼  
天斗柄東倏忽人生四十至草堂江上賓筵開如

居業齋詩鈔

卷一

江詩集

五

雲車馬滾滾來琅玕繡段紫霞杯舉以贈生生莫  
猜憶昔垂髫事伯舅生爲吾兄兼爲友焚膏劃粥  
聯牕牖炯炯雙瞳相左右比年挾策長安走生也  
虬須已盈口捫蘿搗徧幽燕碑解衣賞盡東溟酒  
黃金臺畔夜淒涼南望瀟湘道阻長折柳官橋何  
慨慷上林春色正芬芳歸來空江湧明月夢裏低  
徊雙鳳闕酒酣睥睨走且呼虛堂藜杖光有無相  
逢且未稱老夫

芝山先生歌

陽鳴山下水悠悠陽鳴山人泊釣舟釣臺笑兀山

之午月涌山根魚龍舞山前山後產紫芝芝山  
生卜築時築得茅齋僅容膝遂有伏靈松間出  
今七十如嬰兒方瞳大耳秀雙眉巖邊橘井琴聲  
動洞口桃花客路迷洞口巖邊歲月舒芝山採芝  
且釣魚釣罷放歌紫芝曲山色蒼蒼湖水淥

贈余山人

七十老翁猶身輕童顏鶴髮雙瞳青秉燭夜勘青  
囊經詰朝荷鉏劇從苓北走黃河南滄溟鼓柁襄  
漢舟朱停鄴元郭璞久沉冥此翁尚復餘典刑孤  
南炯炯老人星照爾輩江舊草亭草亭高卧醉復  
居業齋詩鈔卷一 江蘇集 六

沙頭瓶

金山

江水朝東去孤峰障小洞天垂河鼓近日涌海門  
來古洞蟠龍寂驚濤決石厓游人頻解纜回首妙

高臺

寺

萬古金山寺巋然直斗疆江聲僧枕上帆影佛  
前座解端明帶茶烹芹泉山靈能致客獨少

焦先

過何大復先生故里

信陽城外先生宅殘碣今看古道橫萬古風騷齊  
北地一朝文治逼西京山連嵩少雲猶起水帶河  
淮月迥明客子往來頻繫馬斷垣衰草不勝情

劉廓菴先生爲先大夫志墓感賦二首

先君繫馬南山寺曾與先生細論文把臂忘年孔  
北海揮毫命世鮑參軍衡門風雨兒曹在往事淒  
涼父老聞此日山頭初勒石居然五尺大夫墳  
君家王父岡東子識我先君弱冠時莽莽百年俱  
且悠悠悠千古是襟期韋編草閣兒孫事馬鬣空

居業齋詩鈔卷一 江蘇集

七

山故舊知直筆自來歸有道白雲吟望不勝悲

遣懷

黃河古渡延津口潏潏濤聲半夜聞邂逅有人同  
阮籍殷勤呼我是劉黃騎驢蹶躓隨芳草倚劍低  
徊過亂雲回首昔年殊慷慨揮毫欲動斗間文

竹磴

月波名蹟已荒丘城角還營古竹樓檻外冥冥赤  
嶺雨牕間潏潏滄江流地容拙宦居偏勝天入寒  
溪望轉幽此日登臨惟載酒風帆沙鳥舊黃州  
攜客登樓眺古城短牆高柳故縱橫雲移殘照

前起風送商秋笛裏生異代瓦墻惟竹色多年廢  
院自江聲隔隣蕭寺疎鐘夜萬里天空月迥明

已酉秋逢黃漢崖明府鄂渚僧舍

天涯猶得此論文古寺疎鐘且對君逐客那堪臨  
楚水故山原自枕秦雲一官萬里雙僮僕七發孤  
吟五夜聞蕢酒辛樓不成醉西風莽莽送離羣

庚戌挈舟送漢崖不及

檐帷無復官亭上廉吏清時已倦遊歸路遲迴穿  
隴樹客程浩蕩涉湘流榴花日暮君何處梅雨江  
深我欲愁十酒聯吟成往事此心今在水蘭舟

居業齋詩鈔卷一

辛亥東懷漢崖

使君解綬賦閒居三逕蕭蕭已歲餘聲價久忘燕  
幕夢魂猶怯太行車漫勞白眼人間世好著青  
山雨後書羅雀門屏人跡少楚天問訊客來初

劉廓菴先生移家入鄧遣興詩七首和之

舊宅岡東原水竹移來郭北亦邨墟澄觀野馬惟  
長歎痛飲離騷且卜居儘有隣翁譚稼圃何妨幽  
夢到樵漁香清茗熟三更後絮帽藜牀一卷書

古屋嶙峋河水曲喧無車馬勝堪容短牆自傍烏  
皮几喬木猶臨白石峰喪亂幾經還禮樂賢豪此

地更過遙高燒蠟炬初筵啟綠蟻樽中味正濃

心跡年來雙寂莫市廛來往往紛紛古松北郭千  
尋立清磬南山五夜聞名似韓康還賣藥交逢李

白始論文漸看簪雪籬邊濕梅鴈春回繞屋雲

梢拙煨殘可辟寒吟成徙倚出林端叩門拙已過

元亮避世謀還慕幼安好癖丹鉛疑馬帳交疎長

吏絕豬肝室無長物何須問短髮財勝柳子冠

席門曲徑背城開晨夕何人數往迴北海忘年交

收好元亭問字酒先來曾峰野外留殘雪瓶水塔

長舊苔竹杖逍遙時極目走登鮑照讀書臺

居業齋詩鈔卷一

五

小至陽回春意動虛堂霽色涌冰壺卜隣自昔期

王翰博物何人似蔡謨晚節漸能安薄俗艱難還

欲啟新圖編籬樹柵茅茨穩緩步長吟一事無

滄桑眼底亦尋常土銚松關復此鄉老去無書通

吏部僧來有話到金剛行雲莽莽騰空谷瀑布聲

聲下石梁塵世尚留三逕在可無二仲與翱翔

居業齋詩鈔卷一終

居業齋詩鈔卷二

廣濟金德嘉會公

石城集

短歌行

繁星麗天箕畢異行庶彙焚錯薰猶殊藏驥匹駑駘不如腐鼠驚驚卑栖翰音遐翥豈無餘艘不可以陸干將雖銛倒持則劬附媪背翁孰雌孰雄毀冠苴履易都而鄙涇渭濁寸短尺長晦宵曙晝維其常寧芳而鉏不涸泥塗寧飢欲死不飽侏

居業齋詩鈔

卷二 石城集

誠子

莘莘邁征以月以日輟抵于衢車攻于室神智在人弗鼓弗出勤動以萌晏安則匿韶齡微學旦晝如漆堯爾後生勿自暇逸力穡東疇西成乃實兼營而枵不如專壹涓涓者泉川塗漏溢亭亭之松苞華挺質威鳳翔鳴斥鷃唧唧念茲物理皇然中梁汝罔予徂祖烈用述

田家謠

鑿渠九仞不及黃泉走望百神不達蒼天羽衣道士磔狗龍潭垂垂雲氣散而成煙以日以月帝

石田胼手胼足遵此凶年

役夫謠

山居畊作無以餬口賣犢買驢轉輸糧糗羽書敦迫亂流而走河水暴至乃濡其首吏白長官沒者某某嗟嗟歲旱大無疆畝如何河伯降此凶咎人驢襍糶如溺雞狗誰其瘞之爲岡爲阜

牧童詞

下山山無泉上山山無草五月芒種斷雨脚八月白露尚祈禱長鞭短笛漫縱橫今年東作不西成隣家牧童仰天卧十牯焚損已九箇美我黃犢猶

居業齋詩鈔

卷二 石城集

得存吁嗟牧人多苦辛南箕北斗夜粲粲田父空倉罷朝餐嗚呼黃犢何足冀

捕魚詞

綠絲結網船頭坐男學刺篙女振柁舉網得魚養水神將魚換米足生活往年斗米直百錢船船網得縮項鰻今年米貴漁不得日日沙頭候風色山農買罟爭徙湖高田低田顆粒無捕魚入市而無米棄山走水亦徒爾

昆陽廟

古廟畫冥冥陰風吹石馬雨過松濤深中庭鼓聲

下當時頌功德妄欲希風雅居攝幾何年膏血  
浸原野千古麟閣名炳炳從龍者

東懷舒二漸鴻

束髮爲朋友耿耿抱幽獨攜手步河橋皓月照茅  
屋乖離踰二載迢迢隔川陸君若雲中鸞我若栖  
中驚念我道路難遺我以尺素相思日以深長跪  
再三讀

讀罷長太息側身望故鄉故鄉不可到雲樹鬱蒼

蒼矯矯舒仲子振衣東衡岡伯季俱邦彥聯翩騷

居業齋詩鈔卷二 石城集

三

雅塲念昔殊黽勉拊時多慨慷幽懷誰與道山風

吹草堂

草堂臨山谷昏曉常煙霧鮑照讀書臺微茫古時

路灝氣滿蒼松白雲入康瓠採芝可長年行與仙

翁遇

對雪憶伯兄

忽雪連晨北風號千岩萬壑如凝膏病夫瘦骨鐵

石冷支離轉側一半羔我兄昨日東歸去孤舟此

時東何處羈旅惟于童僕親鬢眉安得故人遇人

百年亦須臾吁嗟我兄胡瞿瞿有弟一官不待

力衝風冒雪走江湖飢驅出門復驅轉身如飛蓬  
任飄捲此去高卧故山雲哀安之廬頗似君浮名  
世上徒紛紛君不見當年鄭廣文

贈牧顛詩

牧顛上人善牧馬短筇破衲石城下踞齧驕嘶雲  
錦屯猶憶當年馳突者控弦十萬捷如飛河朔寒  
雲擁鐵衣星羅碁布將軍幕烽火中原羽檄馳是  
時牧顛年少壯長矛大劍唯所向結交盡是扶風  
豪霜月稜稜馬頭上沙場轉戰一身輕有耳惟聽  
刀斗鳴馬前累累載婦女馬後啾啾聞哭聲天陰

居業齋詩鈔卷二 石城集

四

雨濕旌旗亂千邨萬落炊煙散琵琶一曲壯心驚  
停鞭笑語風吹斷春燕秋鴻轉眼新石火電光愁  
此身滄桑翻覆尋常耳畫爲朽骨夜爲燐一朝祝  
髮頭陀寺掃地焚香學文字詩成無復隴頭吟酒  
酣猶說垓下事蹉跎白首漢江頭潯潯乾坤夢裏  
遊見桃擊竹渾無意開門惟見水東流即今萬念  
已灰燼披圖尚復憐神駿誰向空門識異人今之  
牧顛古丈道

寄懷顧黃公江居

掃地北風搖馬尾送我春明酒半醺我馬且行爲

君立城頭殘月照離羣是時巷南歌偏側君苦欲  
歸歸不得五月逢人北寄書潭州博士報雙魚舒  
郎仗劍客秦隴君亦掉頭還舊廬斬春草樹佳可  
賞草屬紅藤况蕭爽江水盈盈浮玉磯西塞山下  
鰕魚肥人生安能牛馬走細爭雞口與牛後元瑜  
記室事徒然鄭虔官冷更誰憐何如爛熳花前茗  
芋醉醉眼看雲雨湖邊

張石虹教諭江夏聞而作歌

坐君梅花鐵笛之高樓啖君沆瀣金盃之仙棗上  
有悠悠黃鸝磯上之白雲下有萋萋鸚鵡洲邊之

居業齋詩鈔

卷二

石城集

五

芳草男兒入不腰金衣紫直承明出不駟馬安車  
愁大壽一官咄咄擁青氈誰能豁爾嶽崎歷落之  
懷抱前年北上黃金臺去年南走岐亭道今年捧  
檄漢陽門涌月城頭月皓皓噫嘻張郎有官冷亦  
得君不見少陵歌中衮衮諸公竟磨滅又不見龍  
螭風雨其人出河汾人言絳帳未必輸金門有舌  
且將讀典墳有筆還將書獲麟後有萬年前千古  
誰能詰曲俯仰前如叔孫後平津相思一夜西風  
起眼底英雄使君耳有便遺我雙鯉魚明年攜手

燕山市

石城老翁歌

石城老翁隱君子方瞳廣額髮垂耳今年懸弧七  
十春自言生長石城裏石城自昔擅豪華湯沐園  
林帝子家繡閣雕甍環戚里金鞍寶馬簇香車繁  
絃急管無冬夏青娥紅燭陽臺下王孫桃李樂遊  
園俠客芙蓉明月榭少年都尉大長秋羅衣寶帶  
珊珊鉤金埒年年珠絡馬橫塘歲歲木蘭舟郭邊  
沁水聯金谷翡翠雙栖連理木霍家驕貴馮子都  
炙手熏天走華轂中使南來邸第開馬官廨養森  
成堆小吏望塵拜羽壽祠官擁篲除蒿萊膏腴田

居業齋詩鈔

卷二

石城集

六

園徧阡陌南東疆里寢紛贖投獻爭趨羽林軍魚  
鱗馬齒混區畫乾坤翻覆無事無彈指少年成老  
夫眼看銅駝氣銷歇茂陵翁仲嗥野狐赤眉亂後  
空城郭東園西第總墟落鉤盾弄田里正收蘭房  
粉淮豪家奪石城往蹟對斜暉漢水滔滔帆影飛  
何日笙歌臨孔道誰家裘馬闌芳菲舊游回首夢  
中路記得兒時歌舞處原廟已爲道士宮子規猶  
上皇陵樹小肆冬青初茁芝荒逕殘畦過雨時偶  
凭髹几斯須坐黃庭不書書楚辭今古滄桑那復  
道數聲橫笛倚城吹



東衝草堂歌寄友人秦中旅次

東衝草堂何崔嵬，霧巘雲峰千丈堆。蛟龍洞壑殷風雷，上有鮑照讀書之古臺。舒郎二十下帷黃牛院，三十捷戶讐書卷。四十梁宋齊魯遊，五十上策明光殿。旅食京華秋復春，結交盡是賢豪人。君卿喉舌子雲扎，芒屨踏遍長安塵。長安相識多卿相，意氣直出雲臺上。圯上得傳黃石書，坐獻行歌天莽蕩。縱金伐鼓馬駸駸，將軍草檄用陳琳。仗劍朝飲蘆溝水，揮毫夜作龍頭吟。吟成按部伊涼樂，手把箏篴佐蓮幕。春風馬首嚮廉泉，雪夜詩瓢留鄴居業齋詩鈔

卷二 石城集

七

閣棧道雲門烽燧紆，東望鄉關千里餘。渭北春雲浮漢水，雙魚傳到故人居。西來弔古興元路，我先大夫戰守處。至今俎豆比桐鄉，父老猶說甘棠樹。喜君作客走天涯，憐君客裏度年華。白蘭紅藥幾開落，雪風又放山梅花。君家仲氏氣食虎落筆山堂驚風雨，堂上賓筵鸚鵡賦。堂下兒郎鸚鵡谷舞就中頭角，誰最奇。大兒能諷黃初詩，小兒背誦經史熟。山頭骨拙喂蹲鴟，噫嘻山中之樂有如此。山月山風遲遊子，男兒燕領虎頭行。就封不爾掉頭長揖謝，二公短衣疋馬歸。亦得興來射獵荒臺側，欄

醉草堂看山色

讀史襟感

再有三城戍，仍煩細柳營。潢池爭鼠竊，鼓角亂蛙鳴。長吏飛芻急，中男帶甲行。杞憂空浩蕩，何日奏昇平。

車書同萬國，戰伐起何年。使者三巴節，將軍下瀨船。賈生曾上策，卜式但輸邊。廟筭從今好，綢繆未雨前。

鼓鼙行處肅，露布幾回看。秣馬驛亭開，推牛戲下驩。已勤師武力，還藉惠文冠。樽俎銷烽得，將軍漫

居業齋詩鈔

卷二

石城集

八

築壇

崎嶇關索嶺，迢遞點蒼山。烽火尋常接，虎符朝夜頒。將軍期馬革，干羽化苗蠻。磨閣何年事，天威咫尺顏。

紀事 爲左道也

舉俗靈犀炬，宵人岸籜冠。衛簷傾幕府，名漸到長安。小伎馮龜甲，偷生遲馬肝。感時蒿目者，徒有劍鉞寒。

傳送厨鯖饌，郊迎厩馬忙。何曾工射覆，祇是信如簧。肉食謀俱左，師中鼓不揚。最憐手板吏，僕僕折

腰行

踞坐臨公府奴顏隳隸人

坐受顧者拜謁而若頭來將命則平禮厚贈以結之其點於盜名如此

無端從禩竈所至或如神出祖家垂索停驂衆望

塵周官左道濫司冠幾時陳

婚宦俱須小苑枯總乞靈大都盲顯者容易蠱鄉

亭軺舫官儀具杯梓弟子銘煌煌天有監曾不畏

風霆

已見少君死旋聞樂大誅後來仍傳會百慮一虛

無斧鎖垂腰領禎符尚囁嚅龍門史筆在不愧聖

人徒

居業齋詩鈔

卷二

石城集

九

渚宮

左次黃陵廟畫疆城紀南前茅頻逆女下令復徵

男飲馬旌何嚮椎牛士已酣仲宣樓畔望別駕想

羅舍

軍興空郡縣版授足官僚羽檄車牛聚坻京雀鼠

消吁廬驪夜夜度曲醉朝朝回首昇平日生涯轉

寂寥

寄懷毛子霞

小艇江湖興疎簾白日垂財臨乞米帖又及授衣

時舊雨車聲少新涼雁語遲燈殘如有夢應到漢

江湄

筆床乘興到題徧鄂王城僦屋參元火爲隣細柳

營三冬謀未得八口累非輕白下誰知已孤帆又

遠行

輓張寶持學正

雲樹汚陽路蕭蕭春水寒用違當路好身沒腐儒

餐入世原難助傷生豈馬肝孤兒扶櫬穩歸向蓼

花灘

忽忽斯人去空江月苦明鯨鯨騎李白鍾果瘞劉

伶野濶滄浪水天荒魚復城素車安得到爲爾作

居業齋詩鈔

卷二

石城集

十

鹽鳴

宜溝驛端木祠題壁

如何桑梓地荒廢昔賢祠畫壁蛛絲冷空牆鬼火

疑奉祠誰遣去冕服尚空垂惟有門前柏亭亭似

舊時

過楊忠烈祠

保定城門裏椒山尚有祠陰風生草樹烈日照鬢

眉俎豆滄桑在詩歌史冊垂至今逢故老灑淚說

當時

搔筆詩成日孤忠行路嗟令生論市馬瀕死却堪

蛇月冷蓉城草霜飛柴市花可憐鳴鳳曲唱入五侯家

送周伯衡觀察之荊州

細雨西風泝淺灘扁舟此去路漫漫登樓且復同王粲  
捫鼻何須比謝安聞道遠山烽火急暫從暇日酒杯寬  
殷勤別後如相憶壁水茅堂五夜寒

呈柏鄉魏相國

柏鄉二月草青青槐水春深綠雪亭調燮元功歸赤舄  
絲綸暇日寫黃庭大言賦就實常滿小峴詩成酒未醒  
聞道蒲輪宵肝切幾時太史更占星

居業齋詩鈔卷二

石城集

士

都門顧黃公餞別次韻  
經旬握手忽言別坐到三更酒未醺屋角燈殘留細語  
城頭月出照離羣老蒼君擁杜陵律兒戲吾同灞上軍  
此後長安春色遠不知誰肯憶劉蕢

讀樊奉常請告疏

直諫當年動九天乞骸一疏倍淒然風霜地過六千里  
瘴癘身垂三十年詔下殊思心更惻夢殘往事淚猶漣  
故園剩有茆堂在赤壁清風江水邊

友人遺秦中近詩却寄

興元城郭莽蕭蕭舊凋殘姓字遙耕牧已非秦

谷口鼓鼙又過霍嫖姚餘民誰復憐雛鳳壯士爭言寵射鵬  
令下忽嚴樵採禁參軍功已見輿謡

漢中指臂此孤城天柱雲門險不平故國屢經銅馬亂  
先人曾用火牛兵陰風鼓角三軍氣遺廟烝嘗萬古情  
君到細詢秦父老年來風鶴幾回驚

讀王山長集東懷

溪上茆齋對石屏溪邊書帶草青青乾坤此日留詩史  
朝野何人識歲星過眼物華齊野馬傷心吾道問湘靈  
山剝石刻應題徧垂老于今筆未停屈宋騷壇今蔓草  
了菴惆悵卜誰隣朝煙暮雨無

居業齋詩鈔卷二

石城集

士

多事春燕秋螢只此身壯志儘教添鶴髮灰心勿復轉車輪  
蒼山恠石潭州路湘水年年長淥萍隨州風土亦南天  
半水橋門清可憐竹影移窗雲細細松濤入座月娟娟  
時無司業難呼酒鄉有毛萇且附箋獻策又當偕計吏  
好風催發孝廉船

木香亭

千巖萬壑此亭中散髮逍遙百慮空喬木問年知太古  
幽香入座引清風漁燈雁語秋多興酒賦茶經老漸工  
我欲移家浮漢水結廬安得倚東風

居業齋詩鈔卷二終

居業齋詩鈔卷三

廣濟金德嘉會公

顧應集

毛子霞黃鶴樓古今詩刻成見寄作

武昌城上黃鶴樓武昌城下鸚鵡洲潏潏大江流  
日夜古人今人來去遊隔江遙望晴川樹歲月無  
情鳥飛去昔日仙人跨鶴來白雲縹緲今何處游  
人把酒話當年蜀漢孫曹事惘然赤壁烏林舊焦  
土而今早暮飛煙雨枉殺才人祿正平嗚咽濤聲  
怨黃祖老瞞關力復關智藝苑詞場爭位置何年

居業齋詩鈔卷三

伐石此山頭劈窠大書漏月字江月江風無盡時

仙棗亭前鐵笛吹夜郎還客南陵王云恙高樓酒  
一卮切灰幾度樓重構詞人提筆青蓮後短歌長  
吟哀樂多野曠江山詞翰富是陵毛叟與欲仙白  
雲黃鶴相周旋攬取卷軸樓頭立今古詩人俱眼  
前我客郢中子江夏白雪陽春無和者一編寄我  
卧游時解衣盤礴蘭臺下

伯兄忌日

不堪當此日兄復已經年雁斷寒塘雨鳥啼草閣  
煙無顛垂白髮有眼入黃泉孤楓長隄上霜風正

颯然

北望長安道客登徒自扛短裘衝怒雪孤艇沂寒  
江筆絕餘年譜吟殘但草窗生平無限意泉壤豈  
能降

西風頻洒淚幾度到江湄苦憾招魂遠終傷得計  
遲誰言槐市夢竟是玉樓期箇裏傷心字丙辰初  
度詩

贈蔡靜子

白雪知難和胡爲到郢中我觀高士傳君與古人  
同短褐千江雨孤帆萬里風天涯方汗漫俯仰意

居業齋詩鈔卷三

無窮

東衝君亦到訪我故人來夜月黃牛院朝曦鮑照  
臺土風吳楚異懷抱古今開性癖無他好惟憐曠  
世才

東懷譚太史

聞道寒河畔亭亭白竹房詩歌猶漢魏人物自幾  
皇曉日鳳池氣春風雞舌香素心應有寄不獨聽  
滄浪

幾年遠柱下遠意且墻東月色當松逕風聲滿桂  
叢書能奔渴驥技不棄雕蟲曾遣陽春調殷勤到

詩中

郊原時極目帶甲尚縱橫  
基置樓船將烽高細柳  
營飛芻流馬急羽檄澤鴻驚  
前席如相問師貞伏

老成

江湖高枕日夢想到岩廊  
草檄動司馬輸邊寵牧  
羊繞朝曾有策陸賈豈無  
衰慷慨澄清志脂車並

累糧

星嶽乾坤氣弓旌雨露恩  
詞臣逢狗監處士附龍  
門汲冢書應出金臺禮又  
尊從容各掌故太史奏

輜軒

居業齋詩鈔

卷三

願應集

三

向望瀾過訪

江夏相逢俱作客別來忽忽已三春  
驚心南國今戎馬回首西園舊主人  
讀史鵠吟真可傳卜居漁父欲爲隣  
且憑濁酒過殘腸  
疇看清江長綠蘋  
野水今年浸藥欄  
橋門蕭瑟坐風濤  
青燈閣裏書千卷  
白鶴江頭竹萬竿  
塵世每思黃石履  
羸軀誰乞紫金丹  
漫言鄭老逢司業  
還恐人間行路難  
冬夜夜長生事微  
故園松竹苦思歸  
朝來有客談今古  
物外何心判是非  
詹尹筮前休揲策  
丈人河上已忘機  
盤餐籠羈迂儒慣  
小坐虛堂看夕暉

讀二遠堂集

虎觀崇儒當盛世高文典冊用相如  
蠲租賜酺頻年詔諭蜀招佗萬里書  
西苑承恩馴貢馬南郊珥筆侍鑾車  
只今瑞雪歌縹緲猶憶先皇十

初

英雄慷慨數論兵捫蝨盱衡早有名  
神武不煩征白鹿壯猷原只爲蒼生  
嫖姚戰伐還虛耗充國屯田自老成  
八陣分明指掌得豎儒何苦費縱橫  
萬卷淋漓常自擁千秋興發與誰論  
伍員豈怨秦庭哭召忽何妨管子存  
苦恨舞陽輸督亢長懷公子得夸門  
漫言今昔空憑弔鐘鼎應酬國士恩

居業齋詩鈔

卷三

願應集

四

詞臣奉詔事南征長子師中節制行  
肯聽田橫無漢朔須教海畔有金城  
雲梯百戰軍逾壯露布千言賊已平  
孫武運籌司馬法誰言祭酒是書生  
勸農有詔出明光特領東萊太守章  
治郡嘗如龔渤海問田豈似漢南陽  
犬牙繡錯蓮華泊蠶食根株鬻海場  
履畝澄清歸九賦梯航總使足神倉  
廟堂南顧倚英雄伏鉞褰帷沅水中  
銛衛版圖連貴竹苗民茅蕝有歸弓  
綢繆唇齒熊羆壯邊滌煙嵐孤鼠空  
自古巖疆資鎖鑰伏波威信此時同  
雷雨行時萬象殊金科玉律照冰壺  
唐民生向徐

候得漢獄冤從張季無爲惜空羣除害馬不容復  
壁隱城狐豈惟畫一從蕭約歛恤由來讀典謨  
汗漫天涯猶未休詞場赤幟更誰倚春雲秋月隨  
雙展鳥篆蚪書到十洲文自平淮追典誥詩從入  
蜀小曹劉叩門有客詢奇字彩筆銀鐙共倚樓

東懷王子重景陵客舍

思君頻上古蘭臺東望竟陵秋水隈無恙布帆詞  
客興可能樽酒故人來空亭只見遺雙鯉短笛何  
時散落梅青眼高歌千古事獨將懷抱向誰開  
天涯鹽坵每相望京國遨遊故雁行圯上受書推

居業齋詩鈔

卷三

願齋集

五

孺子酒酣拔劍有王郎子虛賦就雲生幄人日詩  
成雪滿床藝苑一時傳勝事翩翩騷客楚東方  
蘆溝橋下水盈盈斗酒雙柑客子情南北東西瞻  
馬首寒暄風雨聽雞聲貂裘敝盡書還在牛角歌  
殘劍欲鳴搖落至今傳宋玉秋風從倚漢江城

郢中八景詩

陽春臺上氣氤氲極目蒼蒼七澤雲蔓草已荒鉤  
盾路斜陽曾照羽林軍千峰積翠城頭擁萬壑飛  
濤樹杪分有客登臨詢往事歌殘白雪幾人聞

春陽

汗漫江湖孟隱士鹿門乘興郢門遊丹青畫壁巖  
眉在白雪空亭姓字留雲夢氣蒸千澗月梧桐雨  
過萬山秋至今詞客登高望漢水猶同襄水流

風晴

石頭峯嶺漢江湄城郭稜稜閱歲時鐵壁千年王  
設險金陵雙峙容題詩春來夜漲漁燈繞雨後晨  
光草色滋結就招提增勝概登臨誰勒簡樓碑

石城

二閭弟子古今雄奔濤遠落蒼松外野鳥低  
傷楚王宮傳說披襟起大風九辯騷壇天

居業齋詩鈔

卷三

願齋集

六

細柳中石畔清泉猶湧出臨風沾灑幾能同

蘭臺

風午

荒煙何處莫愁湖水自蒼茫草自蕪春色離離桃

萬點細腰脉脉柳千株玉簫金管江風斷翰舫細

簾夜月孤聞道秦淮歌舞地依稀寫出楚宮圖

楚宮

渡古

千年遺跡已茫茫沙草猶餘展齒香解珮事同巫  
峽夢分襟人自楚歌狂無情漢水東流急有韻梅  
花古道長別憾天涯曾有賦來過此地更蒼黃

春陽

龍山彷彿雨花臺古寺鐘樓倚巖開地湧雲霞千  
嶂出天垂雷雨半空來佛燈夜永蓮華漏香積春  
深竹逕苔塵世不知誰夢覺聲聲驚到枕邊回

龍山

曉

仙客曾浮漢水槎煙波是處度年華書傳圯上黃  
公去丹轉爐邊皓月斜地肺豈通勾漏洞天星嘗  
照上清家只今鐵笛聲縹緲吹放寒梅樹樹花

仙橋

月夜

居業齋詩鈔卷三終

居業齋詩鈔

卷三

題廬集

七

居業齋詩鈔卷四

廣濟金德嘉會公

京邸集

訓魏子

客自梁園來示我一書扎坐言魏兩峰念我久離  
別浩歌繁吹臺三見春草茁扶筇上嵩山俯視諸  
嶽嶠潏潏洪河流百川資蓄泄千載懷信陵津津  
在喉舌落日照夸門疑見古車轍國故訪侯朱合  
襪及毛薛此意良殷勤於時爲古拙往往風塵中  
庶幾遇豪傑吁嗟會面難所賴書不絕遠道附雙  
居業齋詩鈔

卷四

京邸集

一

魚寒暄無瑣屑男兒具鬚眉何者不磨滅在昔枚  
馬徒免苑相顧頡建安諸才子鄴下復森列高李  
相經過少陵行石訣後有李空同倡訓邊何迭是  
亡舊壇場到今存表駁君如叔孫通稍稍施絲繆  
聲雄絡繹奔英華供將顛亦如葵丘會束牲不歆  
血書成未及封行子苦炎熱詰朝客叩門寒衾行  
聲勞熟視乃魏子長揖而大啞良久出詩編捲簾  
層次閱謾謾來松風中庭似冰雪偉茲攬拾勞所  
登率英哲僕本樗散人姓字亦忝竊寓內方太和  
采風詘駟鐵元音被管絃宮商咸中節最哉丹黃

功四始六義繫

黃陂張伯明靖節詩

男兒讀青史識得忠孝字往事難具陳痛憾於明  
季熹廟委太阿璫禍剝元氣寇盜起中原所在不  
勝記閭閻賦卒彼倡秦寇實始事蔓延崇禎年計賊  
廟謨瘁勦撫失機宜封疆悞悍帥中州焚掠空蹂  
躪三楚地荆襄藩封屠郢鄧園陵棄嗚呼張先生  
潦倒儒官位奏記大中丞灑盡賈生淚殲寇露瑞  
倪輻鈴未及試亡何困孤城賀關救不至饗士雀  
鼠殘登陴矢石匱痛哭拜先師人臣死無貳罵賊  
居業齋詩鈔卷四京師集

旌表王母朱太君大節紀述八章

亭亭崑山松皚皚崑山雪歲寒萬木凋蒼松獨不  
折山雪有殘時山松無貳理結根崑山阿與山相  
終始苦哉王母心艱貞有如此

九月商飈吹槐堂莽寒沍炭未亡人呼吸黃泉  
路蒼言堂上翁顏蒼髮已素新婦始于歸五日  
其嫗良人趨鯉庭庶幾慰衰暮在再八春秋遽罹

此大故爲翁強視息茫如墜煙霧

仰視浮雲徂高堂歲華晏人非王子喬流光速如  
電丘壘竭區區廩庾一無美念爲世家婦禮儀式  
鄉縣况復泉下人大事不及見幽明路則還子婦  
理非緬涕泗省雞豚潔蠲牖下薦

空房獨拊膺徬徨念天道大兒甫五齡小兒尚襁  
褓豈惟延本夫亢宗以爲寶煢煢象勺軀所急匪  
溫飽勉旃讀父書菰林志接討聞道與致身古人  
苦不早

貌孤日以成慈訓日以肅茶蓼三十年書聲出茅

居業齋詩鈔卷四京師集

屋扎扎機杼聲丙夜無斷續雞黍共嘉賓老身唯  
恃粥努力樹修名倚閭展新矚枋榆燕雀翔雲霄  
遲鴻鵠

南天五色雲鬱鬱崑山郭崑山二王子英氣凌海  
嶽伯氏上金門承恩排閭闔視草明光宮校書天  
祿閭鳳詔下九霄里門坊表擢昔母歷窮冬慄慄  
冰霜壑春陽轉萬象顯氣始磅礴

表宅樹風聲王化此先務方岳貢輶軒秩宗稽掌  
故賜錢三萬緡驩聲動里閭往事總難辛不堪一  
同顧井甃涕淚過年華冰蘖度晚節乃光榮剝復



亮有數

望闕拜殊恩登堂上母壽綸綽及里閭親故賀牛  
酒國史當大書宗祊亮不朽阿母從容言涕淚執  
兒手我生早零丁鞠於外王母十七婦從姑姑亡  
逮事舅舅起孝廉科聞望滿朝右伯既南宮售季  
亦賢書偶維昔止菴公策名於己丑冠蓋紹瑯琊  
忠孝傳家久汝父終賈才弱齡期大受以此稽古  
勤直欲窮二酉中饋無攸遂所司在井臼蠶績佐  
青鐙中夜看星斗歲序遶龍蛇年運丁陽九絕粒  
還舖糜餘生爲黃口到今漸有成婦職簪无咎入

業齋詩鈔

卷四

京師集

四

天壤間綱常實荷負小子慎祗承肇基亦以厚  
弔大名道朱忠烈公

公諱廷英字表白單  
縣人崇禎甲戌進士

桓桓大名道大名竟千古身殉大名城血濺大名  
土死去何所陳列宗與二祖明亡於魏璫熹廟器  
已廢士氣摧殘盡中原莽豺虎崇禎初討賊出師  
猶賜斧賊困房竹間譬彼魚遊釜奈何熊文燦養  
癰事招撫獻忠叛穀城擢髮罪難數文燦乃噬臍  
李闖竇納侮武陵出視師大勦立營伍驟貴左良  
玉用以爲楷挂左帥罷漸驕逍遙而跋扈焚掠慘  
於冠所過無完堵以此闖滋蔓僭號傳兵部便殿

策勦除西嚮揖揆輔俛首立斯須覲顏對明主鳴

呼甲申年堅城齊爛腐太監有杜勲緋衣迎宣府  
保定郭中軍真定丘郡守輸款望風降捷如趨市  
賈仗鉞何中丞僞死仆旗鼓可憐居庸將匍伏柳  
溝許當年受國恩良玉同珪組城郭三太營曾無  
一穀弩火車與巨礮縱橫志賊取危急議犒軍求  
金于肺腑周奎置多藏逡巡十應五登陴勒內侍  
詭言乏干櫓杜勲縋賊入洋洋爲賊柵守陵申奄  
來直陳悖逆語先是秉國鈞宋檜唐林甫誤國雖  
伏誅遺賊與君父大易誠履霜周詩綢繡戶既積

告業齋詩鈔

卷四

京師集

五

予忽微有明則宦豎二百七十年凡遭三大蠱魏  
誅餘孽存南渡猶戮輸乃知死事臣握拳透爪怒  
苟活爲累俘倘受刑畢畧未幾亦同盡死輕于鴻  
羽何如忠烈士日星照寰宇正氣上九閭俯視然  
膺陽范倪諸大臣汗簡千春觀賀相死江夏里居  
節尤苦封疆書盡瘁大名與宣武大名產單縣名  
不愧鄒魯所以同學翁爲作招魂譜白首望天雄  
浩歌淚如雨

周同山壽詩

男兒負奇氣飲酒學神仙當其少壯時駿馬黃金

觀上書丞相府長揖將軍前左顧無李廣右顧無  
張騫片言行萬里摧陷中精堅功成不受賞荷衣  
上釣船北走長安道時登廣武顛臨風發長歎今  
古何茫然一麾尋出守中夜望星躔所懷百未展  
放言及僱伶笙歌緩頰月浦淑美門煙醉客葡萄  
酒款客玳瑁筵客上千金壽主人歌萬年

呂太傅忠節公紀事詩

辛巳正月洛城破藩王公然尺組縛白頭司馬立  
王前頓足牽衣哭向天老臣垂橐槁死士誓衛天  
潢報天子嗚呼王異梁孝王帶河礪山今若此雲  
居業齋詩鈔 卷四 京師集 六

如皋桑氏雙烈歌 姑吳婦李

廣陵月冷風蕭蕭雙烈桑祠照雉臺十米黃巾狗  
鼠曹當年竊發何腥臊烽火沸騰星漢高繡闥雕  
甍鍵不牢偷生崩角從呼號疇控賊鋒與賊鏖嗚  
呼二烈出蓬蒿孀姑血濺鵲鴛膏少婦頭顱寬大  
刀黃口女孫活空窰比聞罵賊聲嗷嗷烈婦視冠  
甘如醪令名身後播漁樵銀瓶岳井曹娥濤後先

暉映勒霜毫何以誅之用楚騷

先大夫入陝西興安州名宦祠不孝孤瀝淚

成詩七首

五十年前事于今得表章人情憐召樹風俗此桐  
鄉頻壁金州古祠門漢水長春秋勤父老萬禩此  
宮牆

名勝古梁州巍山傍郡樓先君曾苦戰衆志亦同  
仇天意殲銅馬人謀協火牛功成壯士賞金盡出  
衣裘

城固敗用兵用奇計破賊於先大夫遺唐游  
擊世有云不佞整衣衣衣衣衣衣衣衣衣衣衣

曾聽先慈說興元戰聞時大夫無內顧家室已生

居業齋詩鈔 卷四 京師集 七

離烽火暮年从生靈萬戶危後園古井上夜夜烈

風吹先人于井上書先所二字  
與先大夫訣披甲上城去

慷慨艱危日髮膚持報君蠟書行間道奇計掃妖

氛百戰孤城在三秦凱奏聞至今看斷碣猶勒唐

將軍

晉書時為將軍擊虜先大夫請救率五百人  
來合州兵破賊而城完紀功碑在州城外

荒郊殘戰壘日落有嘯鳥掩骼成焚冢炊糜哺餓

夫神傷壯士傳淚盡流民圖稍得飛鴻集旋驚鵬

鳥呼

破賊後賊飢殺于南門外為義塚要勞極而先大夫痛  
矣巡按御史上守城功朝議擬漢中太守未到而卒

官舍琴書留先慈却賻金四郊春罷杵三老淚沾

襟絮酒梁州郭益香漢水陰當年與頌處猶見古

人心即人雖金買得劉上舍柏木以驗地宜人移  
葬葬在衣物價之即人扶柩出境乃還

蘋藻尋常薦何如附宗家聲清白達崇報子孫

逢直道追三古交章徹 九重入祠方俞允又復

荷貽封不幸得難翰林達  
恩勅贈父母

郡人劉應秋曰是年賊所至無城不攻而與安一城獨完明年國忠即  
人若見公錄在大懷立城上哭曰大夫走且衛安也嗚呼名臣豈  
舍公其誰哉刺史手君揭郡人誰從祀狀上之  
中丞屢駁而請益固公道在人蓋不允不休矣

許山潯孫樹峰余子閱過訪

寒極梅花放香分竹葉杯每當清歡處輒有故人  
來舊史編摩得新詩懷抱開不須車轄絆直待夜  
溪迴

居業齋詩鈔

卷四 京師集

祭酒王阮亭先生招飲同山長峙山長將之

登海

沈水香薰萬卷書畫圖猶似輞川居當筵授簡題

鸚鵡送客之官從鱸魚掌故細蒐前代編步趨聊

恕醉人疎中厨坐久冰盤出四壁涼於風雨餘

東觀嶙峋已數過西園汲引復如何官閒稍挹金

莖露才薄難賡石鼓歌元草窺來應載酒黃庭寫

去待籠鷲日斜緩步雲深處謾松風到薜蘿

尤悔菴先生歸興詩依韻屬和

詔許詞臣洗沐歸藏書即舍掩雙扉清藜閣下驪

駒賦紅藥亭邊畫錦衣細雨楓橋鹽鱸熟秋風

瀆蟹螯肥旅人無限樽前思遙向江南梧葉飛

雞鳴拜表忽言歸虎觀低徊未忍違筆繼獲麟傳

自久疑存亥不意原微五年東望占星聚乙夜西

崑到露晞尚有唐書攜篋底侍兒難燭且相依

送王少詹南旋

宮詹最近青蒲地洗沐言歸黃葉邨侍從兩朝多  
諫草世家三楚一衙門江聲夜聽寒溪雨野色朝  
看赤嶂暄點檢閣中書萬卷西山鄴架至今存  
北海尊岳客路從東山絲竹秣陵松交遊自愛荀

居業齋詩鈔

卷四 京師集

九

鳴鶴人物還尋陸士龍桃葉渡頭青翰舫雨花臺

畔紫芝峰西樓月下江如練緩步微聞古寺鐘

黃中閣枕郡城郭萬里江雲入畫圖野艇壺觴攜

二客門闌筆札擬三都浣花檻外鷗為侶種竹堦

前鳳有雛跡寄里門心魏闕誰言著論是潛夫

和嚴藕漁太史南還詩

江雲深處墨書催物色當年徧草萊待詔嘗攜青

管入承恩不許白衣回班聯虎觀日邊直喜動

龍顏公等來泮奭卷阿詩句好曲江讌罷上臺

聳身已自逼蒼旻歸去翻思煙雨津故里北隣陽

美宅時賢號爾謫仙人泛舟漸覺五湖遠潑墨因  
傳三絕真塵外登樓時北望五雲縹緲帝京春

送周儀部星公使安南

絕域懽迎道左時森森羅拜似彤墀天開極北風  
雲到雨過交南草木知虎節星輶周柱下金章駢  
紐漢官儀富良江上波濤靜采入輔軒太史詩

送富宗伯旋里

龍圖學士講堂開薜荔濃陰長綠苔紫帽山邊金  
粟洞羽衣人自洛陽來

居業齋詩鈔

卷四 京邸集

十

居業齋詩鈔卷四終

居業齋詩鈔卷五

廣濟金德嘉會公

黔遊集

典試貴州恭紀

皇帝廿六載聲教已洋溢寓內當賓興詞臣柱下  
出貴筑道阻長滇南遣同日乘輅建雙旌夏五月  
初吉 帝曰往欽哉汝嘉侍從秩臣心本淵永拜  
命滋慄慄雞鳴戒行李蕭然一書帙仰瞻承明廡  
愧茲魯鈍質

行次蘆溝橋

居業齋詩鈔

卷五 黔遊集

一

水從桑乾來潏洞盤渦折古橋跨宵冥下有蛟螭  
宅旅行白晝長時當朱炎赫飲馬憇征輅涼颼乍  
浙瀝樹杪夕陽收欽見西山碧農家方閔雨壓市  
游衍闕長吏奉 詔旨疑獄從矜釋 皇恩信浩  
蕩埭堦登衽席更瞻雷雨垂前邨雲霧積回首蓬  
萊宮天顏猶咫尺

涿州作

我自京師來曠望惟平陸西山隨我行雲樹日在  
目長橋沙磧黃與人指涿鹿往歲陰雨頻行潦漲  
空曲奔濤拔石走殷殷裂地軸今年苦旱乾火雲

相迫蹙吏欲焚巫尪陰氣滋慘黷以茲悟燮理蒼  
昊響應速昨聞禱桑林籍田已霑足涿水會涓涓  
濡潤同四瀆

保定道中

倒馬關頭雲英英出林數寒風起青萍號怒土囊  
口父老爲余言古有屯營守丁男勝帶甲夜夜聞  
刁斗太平四十春沙場骨已朽荆榛闢田疇黨孽  
開戶牖山亦產靈芝朝光映榆柳我行視平原土  
膏亦以厚停驂茅屋間臨風酌卮酒

渚沱河

居業齋詩鈔

卷五

熱遊集

二

潏潏渚沱水其來自雁門中流沙草合蕩潏無朝  
昏古人已陳迹往事難具論倉皇麥飯意慙慙泰  
至尊君臣艱難際有如骨肉恩恩遇能終始享祀  
配陵園韓彭如有知應傷地下魂

却郡懷古

平原佳公子翩翩當濁世合從定楚廷日中得毛  
遂養士徒虛聲因人乃成事岌岌却郡城賴彼魏  
無忌

回車巷

矯矯蘭相如桓桓禦秦寇完璧出潼關以身殿其

後折衝樽俎間鼎鑊亦可就豈愛十五城義不受  
秦垢人臣急公家精誠塞宇宙異哉庶將軍纖纖  
爲私聞應之以謙冲交驩若婚媾嗚呼回車人高  
風邈難邁

過湯陰

褰帷過湯陰蔓草溥朝露四野何蕭條黃鸝鳴古  
樹烈烈嵇侍中千秋此遺墓下車省殘碑披榛得  
微路涕淚沾衣裳升車數回顧

飛雲巖

奇石笑凌霄飛雲潏奔轅雷雨挾泥滓嵌空作雲

居業齋詩鈔

卷五

熱遊集

三

竇巖洞各端倪窺窅冥不可究造物於炎荒孕結偏  
靈秀緬想巢居前踞然此堂構軒翥象雕甍覆羃  
象檐雷倉龍衛左方白虎峙其右殷殷列垣墉森  
森具庫廩般輪夫豈能鬼斧一以驚怪石露天眞  
賦形隨所受或驚如鷗躡或猛如虎闢或如貌逆  
逸或如馬馳驟如蟬或垂綏如鳥或引喙容與或  
如驚狡捷或如猓細或如江鷗大或如海鯨天下  
瑰瑋觀總向茲巖簇變化少雷同所以苞蓄富以  
茲悟物理莊生齊亦謬傍巖太古松勢與巖爭壽  
秦時大夫封辟地不肯就山浸濕松根疏鑰爲平

園游入頗拘取飲之甘如酎古之登山者伐石書  
篆籀歲久蝕苔蘚漫漶半難讀後來日紛紛羅列  
比宴豆脫葉載行笥以山藏其副我爲山靈思理  
應謝雕鏤安得無字碑停雲立清畫

黔山歌

黔山笑兀千芙蓉曉日未上雲蓬蓬我來手把青  
錢管日對青青文筆峰峰高千尋復萬丈呼吸可  
以蒼冥通巖巖之石何光怪其下毋乃藏蛟龍採  
石作貢漱清廟或勝蒼壁妃黃琮胡爲金泥玉檢  
久未至猶然遠古天鴻濛峰頭御風風莽蕩何人  
居業齋詩鈔卷五

卷五

黔山歌

四

禹碑歌

神禹碑在岫巉椒萬八千丈凌青霄七十二字聞  
之於山樵當年韓公千撥萬索悲猿猱今之所見  
何人雕維昔疏鑿洲渚遙攀身鳥跡無昏朝南濱  
衍亨初畊苗萬世永賴隨刊橈我阻摹搨心鬱陶  
墨本購來當瓊瑤潛局秘笈裹縑綃虎擎鳳泊兼  
鷺飄九疑雨過煙嵐消凌晨好放湘江船

黔中雜詩

貴陽古絕徼風土近如何地勢魚鱗少山形虎踞

多荷簑防驟雨把箸說香禾最喜昇平久苗人夜  
踏歌

漫道黔陽僻猶爲南詔衝荆梁俱禹貢參井並堯  
封地湧靈泉窟天開文筆峰萊田屯衛濶流寓總  
歸農

疆域兼溪洞時清戶口多力田嘗擊鼓迎客且賡  
歌關險消烽燧卽深長薜蘿披圖尋往蹟漢已屬  
牂牁

山氓猶太古力役競爭先雨具攜茆笠生涯藉竹  
簍絕崖舒兩肘餘勇賈雙肩攘攘黔遊客宵征亦  
居業齋詩鈔卷五

卷五

黔山歌

五

晏然  
泉泉雲垂屋稜稜石作關大風傳古洞清水志名  
山土瘠翻宜稻籬疎輒補菅瓦盆盛濁酒旅次得  
開顏

金筑領番部石阡通夜郎車書天共覩冠蓋日相  
望鳩舌土風古雞占歲序長片雲能致雨山樹鬱  
蒼蒼

繫馬聽秋蟬人家老樹邊花開嶺上路雨潤峽中  
田竹園因成屋刀耕亦有年遷民初占籍安土已  
晏然

沅陵

古驛依林麓茅堂駐使車  
水高帆入座人靜鳥窺  
書樹色五溪上山光二酉  
餘入秋初得雨沾潤及  
園蔬

洞庭湖

萬古巴陵道千帆楚客艤  
中天煙淼淼浴日水淙淙  
一氣涵三郡支流匯九江  
乾坤此極目長獻倚篷窗

空濛疑太古溟滓入虛無  
漠漠黃陵廟茫茫青草  
湖星躔從水濶鳥影際天  
孤一夕安能賦瀟湘渾

居業齋詩鈔

卷五

六

畫圖昔人有十年吟古鏡  
一夕賦瀟湘之句

雲夢爲襟帶君山一羽毛  
五行偏積水二氣潏生  
濤煙雨湘靈瑟風雷楚國  
騷涼秋應漸涸臨眺尚  
滔滔

登岳陽樓故址

湖山能萬古勝蹟此臨城  
舊院煙霞路諸天笙磬  
聲蒼苔蹊徑積落葉石牀  
平一自黃冠散桃華久  
未萌

桃源山

冥桃源路蒼茫樹杪分  
坐疑來驟雨行恐墮飛

雲漁艇詎能到雞聲何處聞  
山僧多謬誤剔蘚讀碑文

馬伏波祠

沅陵江上伏波廟古碣嶙峋  
尚有亭老向炎荒甘  
馬華身緣戚里謝丹青  
朝雲漠漠壺頭暗夜月溶  
溶漢水渟最是主人懷舊  
德年年祈報比昭靈三閭大夫祠也

建興次趙民部韻

金筑嚴裝萬里還秋深細雨  
濕童山豬肝久絕炎  
荒外舊例供其  
祭絕不納馬首仍行洞壑間  
鎮日輕陰雲裊裊  
居業齋詩鈔

卷五

七

清風舊路水潺潺逍遙豈有  
蒙莊意賞得村醪亦  
解顏

石屏山

石屏千仞削芙蓉鎮遠城邊  
第一峰蒼翠迎人疑  
雨到虛空鎮日有雲封縣  
分施東三苗襟路入偏  
橋六詔衝草閣渾如圖畫  
裏疎簾曲徑影重重

舟行

甕蓮關外水東流千里雲山  
一葉舟斷岸向人頻  
作雨澄江留我尚如秋楓林  
鐘磬古時寺煙霧邨  
墟新築樓臨得濁醪隨意酌  
忘機喜有棹邊鷗

平溪衛

平溪古渡再經過泊岸扁舟近薜蘿地盡黔山青  
嶂少江通楚水白雲多寒風催客傾壘飲皓月邀  
人鼓柁歌旅次蕭蕭常不寐推篷永夜對星河

辰溪縣

臨溪斗大一孤城復嶂曾崖路不平委巷逢人多  
鳩舌萊田極目少牛畊官程空有停驂館詔使曾  
無負弩迎漠漠荒煙豺虎窟天寒日暮客心驚

嶽麓書院

麗澤今層構名山舊講堂羹牆依孔孟俎豆肅朱

居業齋詩鈔

卷五

八

張衡嶽晴看近江聲夜聽長舊書懸嶽麓宸翰

灑瀟湘使節青楓浦官亭淥水航儒型期鼎鼐雅

質視珪璋氣欲西京上星占北斗傍濯纓成朗咏

汲井作流觴歲月芸窗靜乾坤藝圃芳赫曦臺數

仞闕里遙相望

雞鳴關

誰將泥一九封此兩山口匹馬不能過何須壯士

守

飛虹澗

夜入飛虹澗渾疑到海門衙枚不敢唾恐有蛟龍

吞

月潭寺

巖洞貯飛雲去天不盈尺涼鐘何處聞下有月潭  
寺

辰龍關

十里層崖此鬱盤中天聳出碧峰寒雲深老驥難  
馳突風急冥鴻絕羽翰

芙蓉關

繞礪千峰復萬峰關門削出雙芙蓉時清不用壯  
夫守鳥道蛇盤辟荔封

居業齋詩鈔

卷五

九

馬底關

嶺巖絕壁碧雲留馬底關前亂石頭野史不書何  
歲月鑿山通道入辰州

賢媛歌

海鹽徐家女許作印家婦少小讀禮經事舅如事  
父蒼頭弑逆天日昏麻衣灑涕黃葉邨

熒熒印家孤嫗娉徐家婿遭家不造婚姻道廢之

子于歸侍嫗姑暑挽鹿車寒澣澣

病夫亦不婦病婦亦有姑推布以操作猶勝一丈

夫鬼伯如迫姑過徂婦視含殮歸泉壚



吁嗟三印即貌悴而神傷朝朝暮暮舉案相莊饔  
殮後飽藥先嘗手未刃賊劍在床日出杲杲天蒼  
蒼

天蒼蒼春露復秋霜兒不計賊劍空鋌有婦幸未  
廢丞嘗新婦老作印家姬年年淚滴冢頭樹

居業齋詩鈔卷五終

居業齋詩鈔

卷五

默逸集

十

居業齋詩鈔卷六

續京即集

廣濟金德嘉會公

題將歸浮山躬畔養母圖

白雲何英英千里同一色游子念高堂中夜長太  
息南山有薄田歸歟理溝洫寒冬野燒肥春來藝  
黍稷豚蹄祝篝車可以供子職諷彼伐檀詩有懷  
良惻惻

杏華播輕土莠苗墜東菑田家習操作所貴順天  
時陶然養情性晨昏侍母慈母心饗藜藿子力任

居業齋詩鈔

卷六

續京即集

一

鉉基先民亦有訓餘慶良在茲

秋雨寒蟬鳴春風黃鳥轉山居百無營感物知時  
變先世掌蘭臺賜書餘萬卷指畫勞護堂校讎一  
以徧富貴如浮雲安得羞貧賤

送吳東巖旋里

束髮馳苑林弱冠游京雒屬文何老蒼鬢眉還小  
弱君家良弓冶嚴君殊確碣緼蓄一以豐稍稍露  
顰顰春雨太液池秋風天祿閣校讐擁縹緲直廬  
響鈴鐸伊余苦疎慵往往藉開拓曲臺本后倉牋  
疏僅崖畧孔鄭暨皇熊汗簡相參錯益以草廬氏

微言願昭灼三禮屬草成奉 詔覽丘索職方之  
所隸宇宙迥寥濶山海大網羅郡縣細疏淪大書  
具紀綱瀉意存渾噩艾彼繁蕪家迅如掃秋穰阿  
兒擔簦來帷燈侍筆削挹注研田間濡潤勿乾涸  
與君時過從肩隨比花萼綺筵吸駝羹雕盤啖羊  
酪餽餽哺朝飢旗槍濟午熇欸欸嚙沫情天涯同  
氣若男兒敦古誼素心相娛樂誓將千載期豈止  
踐然諾兩家庭訓嚴交游絕戲詭黽勉同邁征所  
志非糟粕爾今且南旋行躡家山屬暇過昉溪却  
或指黃墩泊紫陽舊書院可以置簾幙會操入室

居業齋詩鈔

卷六

續京師集

二

弦母作過門嚼客窗話別離中宵列星矐何時良  
燕會論文對蔬酌

夏日萬壽宮次少陵贊公土室二首韻

飢驅出國門暑日莽行路羈旅天津城土風方競  
渡停驂萬壽宮發篋理油素盆荷新雨過卽事涉  
清趣良久聞妙香巡檐時散步主人靜者流虛齋  
延我顧置身窗靄間毛髮歛寒沍顧瞻停雲寓且  
種青松樹緬懷及千載流連逮日暮雨止坐空除  
纖月林間露

雨餘鐘磬發四座心俱靜飛鳥集前楹鳴啄動花

影我生客裏過嘗苦夏日永荷鉏當種瓜挈瓶歎  
無井側聞行樂人夜深燭方秉時命一以殊枯菀  
何其迥許身漸管樂肥遯愧箕穎賴茲琳宮幽杜  
門塵事屏黃冠許昌徒南望白雲嶺趣余廬霍游  
芒屨陟其頂

津門次杜三川觀水漲韻

嗚呼浩穰區財賦會川陸客居雨杜門窗如卧窮  
谷晨登城南樓徙倚豁雙目車馬何駢闐綺紈何  
喧覺繡閣蠹煙霄怡亭瀨水曲闌闌五方人摩挲  
幾奔踣雞鳴列肆開箕絡如卽鹿梁肉飽優伶棚

居業齋詩鈔

卷六

續京師集

三

耦門巷塞炎炎夏晝長猶苦桑榆速吹簫賣餅僮  
黷燭環溝瀆故老爲余言天運有翻覆此地昔沮  
洳蓬蒿刈則禿禾黍比不登推埋接軫軸伍籍隸  
膠庠章縫無老宿鮮微蠲復恩流民常野哭當暑  
絕締棠梨冬疇旨蓄肇自泰階平陰陽茂慘贖賈  
遷民居稠蟻垤地氣束生苗日蓄滋素封陳灰足  
俗漸五陵豪宕逸罕拘跼達人乃知微先幾視羸  
縮安得漢文翁詩書果其腹客子聞土風聳立視  
黃鵠

鐵研行

秣陵塵沙覆古研烏衣巷口無人見夜夜冶城光  
燭天有時照入含章殿漢陽李侯精鑒別邂逅洗  
出黃金屑空庭叩之鐘磬音松窗竹几開煙雪掛  
帆西上穩帆居與客摩挲研背書蠅虱鳥跡猶芳  
第乃漢天祿閣中物淋漓曾寫太元經繡澁頗似  
揚雄吃飄零江左涸農圃六朝翰墨羞爲伍委身  
知已行復古嗚呼紛紛瓦石何須數君不見未央  
宮銅雀臺千秋遺瓦沒蒿萊長鏡短鐻苦撻剝廟  
市往往售僞作李侯李侯攜載上金閨還有太乙  
老人照之以青藜

居業齋詩鈔卷六

報循草堂歌

吾師桐城馬先生官翰林方端人家居構書齋  
課徒有二十餘年京邸諸翁先生慨然言先君  
文章之句其以報循名堂可矣

報循草堂枕龍眠朱霞天半相新鮮驚嶽莽蒼雲  
霄裏蜿蜒旁魄通山泉迤南登臨有鳥道可以眺  
望岷峨巔岷江直下千萬里浮山一點大如拳涌  
出芙蓉三十六朶朶挿入桐波川沐日浴月生百  
寶葱蔥鬱鬱虛堂前吾師太史馬夫子曾祖太僕  
先朝賢忠鯁太節燒楊左至今照耀蘭臺編兵部  
聞孫繩其武清畏人知俟諸天松筠柏鵲雲縹緲  
桂風杏雨花田田太史通籍垂十載里居容膝猶

居業齋詩鈔卷六

讀史次夏無易韻

暑日杜門辰到戌坐觀史局如觀奕最憐田實傾  
奪初數頃田耳驟斯積魏其行酒徒殷勤故人避  
席半膝席囁嚅耳語諸兒曹坐起更衣相絡繹是  
時仲孺悔已晚牛酒交驩非石盡將軍臨況第戲  
許不見日中猶緩策長安安得貴賢豪多錢巧宦  
爲巨擘須臾麾騎天日昏居室公然擅誅責不忍  
夫死嬰獨生大行遺詔發家籍上知醉飽不足論  
東朝廷辯且精核廩廩汲鄭是魏其安國兩端殊

渭澤慮囚渭城危及春肺腑熏天勢所迫明年春  
及蚡亦死諱服謝罪竟奚益兩地綢繆籍福苦生  
來母乃交游癖武安若在後當族田園狗馬何足  
惜我思管鮑貧時交蕉窗展卷天爲碧

題苦節吟冊子

蕉窗聽雨雨不歇有客衝泥浣雙屐手把冊子吳  
綾緘長跪橙橘花前發羣公蛻壇鳥跡書雉膏許  
媪冰霜骨上言老姑老哺糜嬌閨果腹財糠乾下  
言孤兒讀父書地爐蹲鴟煨棗拙阿母將雛志煙  
膏蜚鳴欲向蒼龍闕叔重五經故無雙門闌哀哀  
居業齋詩鈔

卷六

續京師集

六

送周安侯太史予告旋里

去年祖我之西黔春明夏五羣公酣今年送君隴  
西去榴花艾葉仍氈毼君家商山萬峰裏詔許  
洗沐過終南半夏青青千午谷古木鵬鳴相參  
草閣煙雲好三逕趨走况復諸兄男東觀奇書影  
毫注西京襍記青箱弁獨少隱囊誇俗客聊用盛

尾搖清談我今匹馬蕭蕭至輕裝小籠貯僧庵繞  
樹三匝憐烏鵲茶瓜枕簟依瞿曇邂逅幾日又分  
手人生如此其能堪二華六月清無暑君其扶筇  
一躋探得句驚人留郾閣有便遺我雙魚函承恩  
暫輟承明草來年早盍蓬萊簪

黃涓詩卷歌

黃門嶠昔官潛江襄水漢水流衝撞樾戶墮竹蛟  
蜩伏是時治行真無雙璽書徵入位瑣闥塞惟露  
冕辭南邦人言廳事徒四壁賸有杞菊園罌缸檣  
載水行何長物涉江漢渚詩盈艘入朝縹縹盛

居業齋詩鈔

卷六

續京師集

七

藕陂老人歌

藕陂草閣仙翁坐槐眉青鳥雙飛過都梁香護紫  
霞杯松窗不受纖塵浣憶昔對策天安門天子  
垂衣臨左个需次懶逐公車生掉頭歸去藕陂卧  
奉詔然藜修楚書登壇指授羣疑破江漢書院

諸少年濡毫左右承咳唾草就掛帆下荒江牧伯  
馳函獻繡座抱道能甘久寂寞立言未必長軼軻  
擁書萬卷分四編編目大書曰兒課兒郎衮衮半  
荀龍天池蛇蟪已一箇今年八十縣桑弧余亦婆  
娑成老大回首壬戌南宮春長歌遠致未能和鴻  
蜚鶴翥真逍遙蠅利蝸名空摧挫前年邂逅春風  
橋腰膺猶勝驢背馱步屨河干泥潭塗揖別不用  
杖藜佐楫拙煨芋又三載囊粟仍受東方餓大年  
君比松柏增小句吾爲燕雀賀異時煌煌抑戒篇  
賓筵當續武公作

居業齋詩鈔

卷六

續京師集

石鼓文呈張叟

太學廟門十石鼓拳蚪九鼓形模蒼其一無言渾  
太素周遘臚列鐘鏞傍是物初在寶雞野唐時移  
置岐山陽有宋大觀漸雕飾汴京殿裏嵌金藏金  
人輦致宣府宅歲久剝落泥沙岡元臣虞集雅博  
物出之草莽升宮墻共和到今幾千載章潘鄭薛  
參稽詳天壤文字壽金石流傳躋駁滋參商雉膏  
許容搨此本屬我作序公詞場楚北耆舊吾張叟  
當年盤礴成均廂以此遺之當辯識如鑑洞徹權  
低叩張叟藏書三十乘遠極絕域前鴻荒瑯琊古

臺岫嶮碣往往探索窮毫芒之罟詛楚疑繆誤搖  
筆能掃千夫狂年已八十雙瞳方羽觴速客瓊筵  
張鼎彝圖書俱逮古芝草琅玕森中堂酒酣夜半  
摩茲卷藕破爛熳星河光

題冬郊獵馬圖

男兒齷齪成何事臂鷹走馬差快意朔風獵獵捲  
黃雲葡萄酒熟帳前醉虬鬚厮養亦壯哉後隊攬  
轡齊驅來蘭筋汗血猛無敵奮鬣長鳴萬馬推躡  
景追風潏馳逐莫待英雄醉生肉何物草中渾似  
虎一發遂沒將軍簇

居業齋詩鈔

卷六

九

胡飲馬暮吹角大霧高牙殊不惡骨相人誇萬戶  
侯手挽僕姑腰吳鉤麟閣雲臺咫尺耳勝衣矜子  
龍蟬矣承恩郭杜又賜田鼎食鐘鳴戚里邊笑問  
隣家爾何事三寸油素蠅頭字榜腹哦詩更屬文  
苦思俊逸鮑參軍

黃鵠磯歌呈姚陟山先生

黃鵠磯上鶯鷗呼鄂王城頭鬼張弧亂兵歟起撫  
軍徂從容就義葉大夫街北巷南坐狗屠長官往  
往遘拘俘蒼頭手挽金僕姑乞兒腰懸玉鹿盧丹  
書魚腹叢祠狐亂階實始於僧雛督學使者披

踰踰踰出走城西隅家世生長蒼雪區出門咫尺  
須人扶一朝短衣窺榛蕪雞鳴出郭午未鋪斜陽  
草店卧泥塗荆棘刺體無完膚此身乃脫黃巾汚  
變故可憐起須臾狗鼠偷竊依崔符惜哉中丞幕  
府麓徒薪曲突一籌無坐令閭左倒倉儲養養凶  
人同蛟螭扁舟汗漫太白湖邂逅沔陽舊生徒難  
火燎衣水澆跌坐定屈指箕狂奴三旬藁街懸頭  
顱亡何將軍果援袍脅從竄伏渠魁誅澄清江漢  
息戎軻澤宮亡恙草花萼先生就舍省書厨紅籤  
碧軸雨沾濡白晝縱橫魁與龐東望故里吳興邠

居業齋詩鈔

卷六

續京師集

十

古歌三章贈徐石幼

徐郎操觚雅好事千錢買簞長安肆上寫百首梅  
花詩二千八百蠅頭字森羅辰宿燦列星縣之中  
庭爛照地嗚呼世人知者稀十載京華尚褐衣  
快雪堂書尚遺鏤厥鉤如銀畫如鐵客餉千緡不  
肯售持來贈我經年別龍蛇蜿蜒氣蒼蒼盤空瘦  
硬真奇絕君才虞褚合齊肩老夫老欲數張顛

坐殘木榻手穿研搥具戔戔光若電去年西行涇  
鹿城前年南走義陽縣比聞鴈月治輕裝明年易  
水濤游行易水春風解沍寒祖君莫歌行路難

大司空朱先生輓詩

康熙丁卯夏德嘉于役黔西杪秋返棹楚  
北忽承凶問北向爲位哭汝淚成詩猶憶  
仲春我師出年譜屬校訂已而念病軀孱  
弱徵還原藁曰峽差竣從容爲之嗚呼斯  
言遂成永訣矣痛哉

居業齋詩鈔

卷六

續京師集

十一

灑淚安能到門牆道里除公曾甬水土歲豈遘龍  
蛇小築財三逕遺書過五車考亭藁藁在傳誦徧  
天涯

猶記披年譜殷勤屬校讐言多成史漢志本在春  
秋晚節園林趣詞場汗漫遊至今門下客不忍過

西州

郭外南莊路萋萋蔓草生亂雲迷柳色暮雨斷書  
聲徑曲容蛛網廊空任鼠爭往年載酒處回首不  
勝情

樸園

不苑久蕭瑟相州復此園風雲河岳會翰墨古今

存懷飲朝臨澗漁燈夜到門青青河畔竹歲歲長  
兒孫

大司寇魏公壽詩

北嶽雲深處寒松舊草堂賜書懸日月老筆挾風  
霜物外賓朋古山中歲序長黃花開爛熳初進紫  
霞觴

里門隣涑水耆舊復香山馬邑清風永壺闕畫雨  
閒深林容歇傲俗客少躋攀鴻寶新成帙丹砂可  
駐顏

送馬仙軻南旋

居業齋詩鈔

卷六

續京邸集

主

故里浮山曲新秋賦曰歸簪簪行遠道素筆侍親  
闈過眼彈碁局傷心伏弩機園林松逕在細雨濕  
柴扉

讀方合山所刻古今釋疑書

萬卷書中老此身樓居歲月豈全貧過江苦憶東  
京事覽古偏傷北望神野外白衣存信史山中汗  
簡識先民蕭蕭暮雨班荆地分手長懷折角巾

云先人藏書家  
樓尚有五萬卷

歷盡崎嶇長物空獨留書乘草堂中文明喜說西  
京上掌故親承太史公天柱山頭雲裏哀惜陰膏

畔雨濛濛蕉窗竹鳴烏皮几泉石風流館閣同  
尤謹庸招飲次席間韻

幾年聯步向金門失路余慙每飯恩夢到山頭尋  
橡栗飢從柱下得饗殮南隣晚菊曾分席東閣官  
梅又滿園此日霜風寒澈骨坐開罇釀覺微暄  
晨起驚聞速客函詩題公讌復雙槭老饕頓喜分  
雞跖忙走翻愁脫馬銜卽事今宵應有賦移花別  
墅莫令芟天涯好會疇過此坐待星斜月滿衫  
屬車豹尾侍臣偕退食羔裘亦我儕却恠碧山招  
飲客還同紅藥放歌懷天寒薄醉顏差駐性拙長  
居業齋詩鈔

卷六

續京邸集

主

遣懷

落拓由來俗少偕疎慵相恕恃吾儕已將七發蘇  
沉錮還引三杯慰苦懷坐久呼僮難掾燭天寒爲  
我焚山柴生涯到此無言誤帶索披裘已自佳

次潘一韓韻

荒逕寒泉似野渠圍爐頻到故人居將歸已報南  
邨叟逐隊猶翻東觀書泛愛聯牀容袞褐神交命  
酒只園疏遙憐別後長相憶尺素唯馮雙鯉魚  
送朱玉汝之滄化

駟馬雙旌祖席看送君西向苦長安三渠雨到涇  
河漲六月風清華嶽寒韋曲花深堪繫馬灞陵樹  
光欲棲鸞遙知灑翰登高日挹取仙人承露盤

送桐城馬先生南旋

路水扁舟一葉如臨風鼓柁賦歸歟天開絳帳容  
稽古地湧浮山待著書通籍十年猶袪褐爲園三  
逕可樵漁聽歌曾說滄浪好眼底浮雲任卷舒  
淺水蘆花返照邊京華回首意茫然緒書幾見黎  
光下解褐曾居藍榜先紫氣十年占北斗清風一  
路向南天方言未盡登油素研匣猶沾太液泉

居業齋詩鈔

卷六

續京師集

七

歸到龍眠舊草堂松陰歷歷柳蒼蒼靜聽天籟門  
如水清畏人知座有香客至共依青玉案酒醒常  
對紫羅裳翻雲覆雨俱無問南嶠東臯歲月長

大司寇徐公請假旋里祖道二十韻

制詔煌煌下九閭尚書洗沐向吳門南城十里朋  
簪盡東觀三更掾燭煇霽雪梅花當祖席條風鶯  
語送郊原嶙峋燕國衙齋架爛熳溫公史局言盛  
代同文過海表宗工載筆訪河源丹黃自課編成  
丈竹素分曹列滿垣伐木今開林屋洞褰帷直到  
辟疆園池塘春草登樓句絲肉華筵入郭罇文選

熟精呼稗子周官新楷屬諸孫中宵定見賢星聚  
每餘難忘聖主思容飲侯鯖爭志喜座分閣帖  
漸無喧隔隣祀菊龜蒙社比舍薔薇慧曉邨乘興  
雞陂揺舴舨薄游鶴市採蘭蓀洞庭絕巘千尋上  
角里蒼藤萬壑存購得石函窺邃古吹然藜杖達  
朝嗽百家浩淼兼滄蓄九域縱橫恣討論充棟紅  
籤題甲乙聯楹碧軸綴瑤琨辨繇博物犀能斷談  
則驚人亞可捫禹貢山川歸冊府虞廷曆數會貞  
元合香曳履瀛臺直播笏垂魚謁至尊

甲園

居業齋詩鈔

卷六

續京師集

七

茅屋峻嶒石屋山絳雲裊裊出江關郵筒新得安  
仁賦藤迺蕉窗萬竹間右柴閣  
柳羃緜簾三逕綠杏垂垂幾几半窗紅繡衣亭畔雲  
縹緲瀉入浴溪春雨中右浴溪  
陽羨詩人畫畫舟片帆春水溧陽浮草堂雨過纖  
塵絕話到秋江萬里流右秋江  
建炎古閣又春暉石磴蒼苔跡已微詞客凭闌時  
眺望賜書曾挾五雲飛右高閣  
浮山草色半天霞江上緋桃二月華錦幄春宵應  
有夢丹陽彩筆屬君家右披霞



九天擢露望金莖且向華陽洞口行紫府瓊花初  
作佩紅雲起處嘯歌聲右丑

角巾野服坐江風歌歎儵然淒淒同忽憶故人京  
雒遠殷勤錦字托飛鴻右肅

白玉和成白鷺洲江行畫舸橫江留詩成漫鼓山  
陰棹問月還登孫楚樓右山

易水

白衣冠出祖西征易水筵前變徵聲遲客不來攜  
豎子立談毋泄烈先生將軍斷脰圖俱往公子傷  
心劍欲鳴留得酒人燕市裏他時一筑報荆卿

居業齋詩鈔

卷六

續京師集

樓桑村

桑樓層蔭日曛曛千百年來尚鬱蔥地產真人如  
白水天開帝里紹新豐袞衣已去王去巴峽魂魄  
還應來故宮廟貌闕張今並列君臣一體舊時同  
張司空宅

固安北郭薜蘿村博物先賢一里門劍韉雙精何  
地去井欄八角故園存廟堂賜物淪沙草邨落蕪  
田長子孫四百卷財傳十卷徙居書乘與誰論博物  
志此四百卷今所傳者十卷耳固安縣張華村今多張姓  
自是後先後然家乘與徙居蓋載書三十卷云

賈閭仙墓

孤雲裊裊竹珊珊墓下淒風六月寒官去瘴鄉悲  
蜀道名高落葉滿長安青鏗獨夜千秋許白首公  
車一第難知已有人差不憾推敲得句便驚韓

楊令公祠

雁門北口楊無敵血食祠堂古北城一子馬頭先  
效死百夫戲下總捐生殘沙潏潏旌旗路亂草蕭  
蕭劍槊聲趣戰王仇真失律還朝吏議只除名業  
熙中副藩美黎望丹將糾紛襄州有王仇者起戰敗績業于延玉死之業被  
擒三日不食死帳下壯士皆死之凡百人事聞則美三任除仇名詔贈業太  
尉紫風號楊無敵今祠古北口或行營也

文丞相祠

居業齋詩鈔

卷六

續京師集

七

丞相祠堂萬禩瞻孔仁孟義一時兼北來苦憶謝  
枋得南去何傷留夢炎燕市大書天日霽廬陵歸  
骨夢魂恬傷心毅甫弛擔日八座萱堂正捲簾毅  
甫真公曾諱堯吉州達家入自廣  
東奉其母日夫人極同日至焉

姚廣孝墓

韎韐紛紛佐命興袞裳行脚也同升瞻烏有術逢  
燕邸下馬無顏拜孝陵殿上蒼鷹收謝貴行間首  
鼠媚朱能少師願力金川滿流落乾坤一老僧

楊椒山祠

易州楊五先朝露抱贖山妻倚朔風馬市糾彈前

事驗軍機羅織此謀工舍生惟覺聖恩厚瀕死仍  
憐廷尉公萬禩千秋青史上五奸十罪一嚴嵩公  
中極感揚西永誼故有祭易州楊五文臨米  
日妻張夫人疏乞身代嚴嵩拘之不得上

居業齋詩鈔卷六終

居業齋詩鈔

卷六

續集

六

居業齋詩鈔卷七

廣濟金德嘉會公

南征集

咏懷五百字次杜自京赴奉先韻

我生五歲孤賦性矧愚拙慈母口授書劃荻書稷  
契薄祜園林荒親故俱契濶淚盡蓼莪篇沉憂不  
能豁世亂恃孀親艱危如執爨寘身菀林中黽勉  
嗣先烈蓬茅忒討論蓼荼延歲月藐孤十五齡慈  
闈遽永訣郊原戎馬屯饋奠朝晡缺瀕江水竹居  
亂兵時攘奪八口依伯兄麻糗竄岩穴遥瞻故倚

居業齋詩鈔

卷七

南征集

一

盧湏洞若溟渤亂定旋丘壘杜門謝請謁腰鎌刈  
蒿藜泥滓雙脰沒儉歲歷諸艱謹守後凋節豈無  
素封隣醒齷齪當絕所恤匪飢寒孤苦腸寸裂二  
十試冠軍仰天歌明發省闈三獻書罷歸愁思結  
雲路阻躋攀艱哉何喘嶮讀書深柳堂喉吻壅溺  
滑慘澹數經營壯懷莽鳴憂賓興庾子秋江風冷  
纖葛杖策上公車霜天一短褐七下劉蕡第騎驢  
春明出壬戌冠南宮拜手蓬萊闕生平說遇羞義  
比諸苟活通籍忝詞臣俯仰慙造物簞著實司存  
保直滋慄慄九丘並三禮編摩於石室澹泊鮮映

聞恭謹則臣質置器別薰猶審音析等瑟變體詎  
能書探懷空有橘囊粟親不待每飢痛心骨秦豫  
名宦詩先猷龔紀述奉 詔典黔關八千里車轍  
羅施諸巉巖鬼斧見笑兀蜿蜒戈鋌鋒稜稜無斷  
折下視氣鴻濛野花亂勃率苗獠所憑依飛鳥不  
能越歸帆及洞庭始見君山雪行役可無罪使臣  
慰飢渴蹇蹇誓匪躬臣道貴有卒再入承明廬感  
激潛悲咽鉛槧仍填委拜命心屢折畏塗失將迎  
彈射由倉卒覆露 九重深異數紆剪伐羣公相  
過存臺壘霏玉屑南征賦卜居輕裘戒走卒沅湘  
居業齋詩鈔 卷七 南征集

蘭蒨鄉行行當採掇

南征寫懷

晨起嚴裝舊路還幾年玉署點清班夢游樵牧煙  
霞處家在瀟湘水竹間世味渾如雞跖飽浮生合  
放馬蹄閒高歌青眼從今得濁酒微醺亦解顏  
南北關山道阻長羣公把袂賦河梁五更共待蟬  
頭渴八載同分雞舌香泛愛似嶰生計拙包容真  
恕醒時狂雙魚此後如相寄萬柳深村一草堂  
苦憶前年送我情朝煙漠漠水盈盈解衣持贈之  
南詔 丁卯有 折柬相期賦北征木訥翻憐存古道疎

懶故許竊詩名天涯詞客長安好春雨春風樹樹

南行咄咄轉城闔拙宦生涯最苦辛暮雨停驂栖  
古寺晨炊乞米過西隣韋編獨把絕還續坐榻雙  
穿冬復春重累故人時繾綣相逢杜口不言貧  
陋質長懷赤芾羞朝餐囊粟敢優游石渠案筆牋  
三禮金匱紬函讀九丘壁立空庭門似水鑑帷子  
夜夏如秋遂初賦就今歸去還葺荒江古竹樓  
客中歲月易蹉跎應向園林卧薜蘿綠酒當筵歌  
白雪黑貂無恙渡黃河購書直渾三墳上掃選聊  
居業齋詩鈔 卷七 南征集

客二仲過擊壤自今娛暇日乾坤佳氣草亭多

聖澤高深天地同詞曹侍從魏微躬 貽封大慶

光泉壤 應帝徵詩 俎豆先臣與頻宮 先大夫入秦陳

草二京霄漢上里門三逕楚雲中涓埃未報行吟

去回首花磚日影紅

行藏身世共誰論俯仰難酬覆載恩通籍蘭臺班

玉筍備員虎觀識金根輕裘油素方言具徧揭拳

岬石鼓存歸去漢陰尋故侶相將抱甕老丘園

抱膝從吟草閣宜趨庭負笈有男兒鬻翁篋底先

大易杞菊籬邊甫里詩射虎莫言從李廣援琴聊

復待鍾期南窗一幅秋江畫留對青林過雨時

水經注

塵容瘦骨轉江皋夢裏驚心馬首勞無復振衣臨

廣武祇須痛飲讀離騷衡山採藥神猶往秋水名

篇與自豪老向丹鉛過歲月肯將姓字沒蓬蒿

附都門祖道詩 破額山前水依然碧玉流吾黨可安此外復何求

名已高三館歸還讀九丘讀花何處采通送木蘭舟滿天邊影千峰

恰對門舊遊時入夢君到必窮源雪後庚子谷花時開令村遠公相憶

處共聽一聲猿新坡王士禎 諸君人海我未還君亦得佩珠眉班忽

有紅藤杖七尺歸臥黃樓樓三閣脂粉香酒戶大月明風靜漁舟閒

有時橫江逐孤鷗一聲長笛開心頭秀水朱砂尊 西風短笛訪柴荆

喜讀新詩和止平盛代漁樵吾道貴備家應獨世緣輕人當食宜惟舊

卷客遠秋江有雁聲遠佛場中名第一至今人譽滿蓬蒿直先梁清標

亂山飛葉點霜旌玉著歸裝一區輕雁唳春風成昔昔馬蹄秋水松

浮生青林湖畔采田稔橫布磯邊野艇橫出處倚蓬窗父問行吟看草

居業齋詩鈔

卷七

南征集

四

不勝情丹徒張玉書 才華第一冠詩軍現復驚坡嶺古文不謂書空

長咄咄遂令意到或云馬嘶秋去清沈雨帆掛春曉漢沙雲日暮九

重思祝草正須題起蒼苔動湘北亭天發 朝發星津又海沙落河雲

水清宮靈燄燄蒼苔江城柳絮照離樽上花紅燭三條知已淚秋風

五色故侯家病年萬事悲歌外至之騷人楚調聲澤所陳延敬 相見

依然別思傾年萬事悲歌外至之騷人楚調聲澤所陳延敬 相見

道何人憐碩艾如首滿眼是公卿昨來曾共山公語流涕終朝說賈生

已過中秋逢九月便歸北關向南鴻登高來玉蕊秋寒零雨孫荆岐路

中清切苦各條疏草鶴鳴眼眼枯桐白嶺皓首瞻東觀十載論交泣

轉蓬遙寄美哀哀 前此別意何如雲樹蒼蒼離車耳耳鳴咽留

視草然虎虎已成書清風隔袖湘水情雪三更燈火感離情待卿雲

曉鳳關冰州還復聚轉視武馬陳筆 撫今感文集念昔情猶獨雪

使余添添蘇子悲河梁同心自古難惜別和御街離離誰能吐且為陳

離羣忽聽雁傳聲秋陰驟雨凝含泪斗酒言歡未端情古道只今難

留雲無計挽行旌歸休詎為博名高天遠隔人笑我曹權倚酒江邊

夜月窗臨明水拂秋清滿書說說藏金匱抗志行香楚楚從從此雲

空帳望瞻言極別極心勞吳縣孫岳頌 楓楓金風動石鏡楚雲雲

試雲程月明驛路江花白帆落天遙湖水清共美伊人歌紀在獨橋浴

官未幾名相期何日重攜手風雨難忘問字情 扁舟一葉返荆扉秋

水等歸官與微友道如今無直諫文名到處有北齊青雲客去花殘冷

白社風高鶴鷟歸此後湘江能念我好惡雙雙離調帆大同李旭升

一官原身外浮雲意澹然水姿還白璧奈火亦背世道氣真存古時名

已奪先人倫標矩矱經業掃言差有意肩前若無心競世實心機聚累

冲避巧得神全謝辭身逾貴遺榮骨自堅楚天迴夢澤錦里入梓川不

廢林泉肯無勞車馬閑墳丘繡舊錄漁釣理新篇吾輩殊堪笑侯儒信

可捐即今懷大雅私獨愧離離深防黃髮 把酒青門送客還十年

閣下共驚班班詩筆奔奔劉壘歐策名傳寶蓋開老樹柴門應似舊

江草開晴能開荷山杖策尋常到不得丹砂好駐顏宜城阮爾詢 五

署師門舊比肩歸與忽賦向林泉里居亦楚江雲湧波倚松窗聽火然

玩世無妨行帶索微歌且復即遊船及時東歸志宵永楓葉蘆花沒水

天坐談仁山萬卷書高室口授且安居杜陵律細村方老栗里家貧

未除心至清讀策貌貌音狂名標第一一人彩矣題獨獨懷和塵謙敬就尋端

賦子虛高安未期 淡墨名標第一一人彩矣題獨獨懷和塵謙敬就尋端

居業齋詩鈔

卷七

南征集

五

頤立獨作漁翁釣水濱西風折柳柳離離此去銀青似不忘依舊舊

苦局裏海家枝上鵲聲輕澤州陳廷統 浮生合放馬蹄閒知君

曉夜還我記新春舊曾過牛城江抱萬盤山武山湖下足青葛葛柳深

村一草堂風滿高林書滿屋飄來酒是舊香香積向天涯意未平相送

十日便南征故鄉景物原佳勝春雨春風樹樹皆抽宜生涯最苦辛未

妨奔走不如人從今穩即滄江上只仰櫓櫓把釣輪身名成矣復何求

還雲荒江古竹樓我竟長安偏久戀生隨明月黃黃州人非人是只箇

歌射影其如抱影何放意風流看飛燕乾坤佳氣草亭多回首花磚日

影紅一曉鈴鈴冷秋風歸與出却即上上落仙人舊夢中春明出

是過門俯仰難離離散思獨許宮袍丘壑外太虛處在高臺高名

盡在當時手筆還容大鳳池共美清歌秘書去趨庭有兒見我須

痛飲讀離騷思我我神神山月高萬里江流開雁足一天秋水夢持觴

丞丘鵬亦何傷一官雪浪三山險九載京塵十載荒此去歸居休咄咄

集 252-427

論林下能寒暑冷暑由來雀可羅松紅玉九齡 楓葉舞華亭客還  
年時決意朝遊起衰健筆難刪後振古雄文英魂開利有松筠成竹  
可無形奇高閣名山自古千秋業尺素頻傳破曉顏危行公議  
長懷人落月仰空深難柱玉辭塵累什襲圖書發古香初落漫驚  
子白迂疎堪學杜陵狂却思江上同秋秋步向臨風訪雪堂松林分  
往歲情知思幾見月虧盈幾從燕市欣祥合又向秋風逐雁征關  
腸驚在路有來難勝浮名幸老向金門客大隱何如若若此為  
斜直若城關八載輾轉劇苦辛幸有知人數幾及難幾萬幸未為  
樗杜拙同老月聯聯登臺若惜春顏有知人數幾及難幾萬幸未為  
卿亦幸然人勝蓋其山某水指曾遊王湖從宅安雙槳三徑披荒  
丘汲汲盡端周柱下某書重續晉陽秋即看到日更泥坂定有新詞  
選漫征車雨下未踰跡汀月寒生石上難九日霜高白塔三臺木落  
渡津河貯書猶有微盧在掃選無殘交過見說沈湘煙蘆澤那容  
雪和人多典冊高又枚馬同職司詎敢微躬石葉投關分碎管已  
搜書採益官鴻寶已陳丹最上水心常映玉堂中遠近一枕松風  
松窗有秋火紅公車甘戰每同論從倚難忘知已思蘭本國香非小  
愛卿晚節有孤根扶風懷裏展星散青筠門前舊路存時時行樂  
光賦曾學先吟石鼓詩三篋已知傳世業一經聊復托心期其  
南溪是六朝排風會時探香日月泛蒼皇楚楚先期人夢夢青雨只

居業齋詩鈔 卷七 南征集

憐成興閣新詩真可續風騷情時遞跡終無問拙官空囊也自來  
三思難報稱知君未忍榮選常長洲彭亨求 三載星霜遠道懷  
華省猶驚切切殘韻過金蘭侶來幾情開伯仲問隨地吟歌進後乘有  
時科第伴餘閒自憐故能言多放談語何人更信顏才氣虹飛百尺長  
清時幸得齊川梁紅綬座傾金紫紫綵華花生玉階香白社有忘詩侶  
舊青蓮難破酒時狂有言性松竹不用發文到草堂風夜知君為  
園情一簪華髮已盈盆綠閣特簡簪南服文飾皆閑賦遠征驚楚  
無長物品室涵鑑獨面名我來會見新桃李添得春風上楚雲昨歲  
寒天希閣相連遊鼻話艱辛餘光且喜委東壁薄醉還教乞比隣球桂  
難去非舊日陰晴無定又新春莫若早送歸田願同直道履可食粥  
增一貲轅下蓋飄然獨創別同游登朝久藉光東觀去志難移乞改丘  
紫禁霜清楓葉晚黃州雲冷菊花秋道車自有閒經濟好足之舊竹  
樓徐卿有子豈堪耽天半喬松映翠蘿近文星隨上順流分學海早  
成河風高北溟騰鵬起日暖葵蘭見經煙吹從金管失計君家所得  
已云多前武選閣概同先朝遺範想持躬未遠孔李親九枝幸魏朱  
陳璧堂宮商世勳名依日表十年看後付杯中秋云行德田家樂遠望  
山深何處處松風那堪舊信傳前失職得相思憂裏存此去想應非久  
別宜麻竹看到山園一路塵清策策宜擔頭香重好吟兒身閑易得開  
眉酒官散不致瞻詩回首頌成蕉鹿地繁榮重訂釣船期

告奇眼智德休文望遠時先生立 錦城東表哀傾軋出錢勞會見  
門增歡息辜因白髮成風騷停輟筆彩霞輝綠放艇江登簡創素但  
管生洞翠後來山豈竟先蓬蒿歸安沈位曾 秋風嘶風野心猶壯  
三馬供奉莊陳博清霄漢上謝公雅興雲間身跡殊野心猶壯  
遠江大境自開三徑未荒離翰在一樞重對好開顏繁馬青門別路  
望 希星見澤深十年清宦文章重一旦完名姓字香若作應從洛下  
一 猶似似公門桃李盈為美賢者期北上旋最新韻賦南征梅川詞  
志漢上聯聯有有名歸去好從方外支開構構酒酒酒酒酒酒酒  
金海城關寂寞蕭蕭意味生計推推書滿架幽懷獨結現為酒酒  
業九卿終日草竹蒼梧又幾春玩世不同方朔隨社門與似晏殊  
從秘署借我玉軸卿面憤淚海已臨鴻文光汗簡仍留雅志向丹丘  
輕裘檢上多殘卷揮臂歸來已素秋自是漢南推獨步江臨高並仲  
樓官遊謝恐歲歲蹤每向詩篇話舊緣筆端煙煙射斗清言噴噴  
懸河論文已斥青梁下作賦難教屈屈來過最是忘年客隨隨推  
指南多出處由來道本同君親大漢風持躬承家承林傳傳何改後文  
章清洋草草得恩封千里外猶來 賜紫五雲中錦樂長物滄江上返  
照依然草閣紅時命升沉未足論步趨趨去 君思達人宦本同柯  
夢高食能紅竹根根根已從湘水逝若書報向是山有長安日風  
塵色都美先生離國草草草草草草草草草草草草草草草草草草

居業齋詩鈔 卷七 南征集

能講易趣庭發德善言詩眉山樂事方前華落木風蕭蕭後期開道街  
陽頭有雁殷勤記取北歸時拂承南去臥聽琴子思相思有夢夢入  
滄浪浪釣史筆傾瀉瀉注離騷陽城好學食獨獨獨獨獨獨獨  
此江鄉鄉清極里門冠蓋接蓬蒿城城城城城城城城城城城城  
人反寂靜清極里門冠蓋接蓬蒿城城城城城城城城城城城城  
浮名應許許許許許許許許許許許許許許許許許許許許許許  
長歌歌歌歌歌歌歌歌歌歌歌歌歌歌歌歌歌歌歌歌歌歌歌歌  
拓落有才原未味味狂 聖朝舊學思思思思思思思思思思思  
致古人情露白東蒼一水盈有溪不堪揮遠別無幾那可賦長征舊條  
且醉生前酒寂寂休論世上名七澤三湘何處是雙柑好處隨黃鶯深  
秋綠澹出都關少女吟成與來辛風雨千竿燕雨隔莊莊舊舊舊舊  
東籬菊蕊滋滋露雨雨雨雨雨雨雨雨雨雨雨雨雨雨雨雨雨雨雨  
貪食清無使玉堂蓋蓋蓋蓋蓋蓋蓋蓋蓋蓋蓋蓋蓋蓋蓋蓋蓋蓋  
浮丘閣中事業業業業業業業業業業業業業業業業業業業業業  
晚登樓閣居我亦若若若若若若若若若若若若若若若若若若  
意渡渡渡渡渡渡渡渡渡渡渡渡渡渡渡渡渡渡渡渡渡渡渡渡  
漣漣晚風多光分幾幾幾幾幾幾幾幾幾幾幾幾幾幾幾幾幾幾幾  
來時直直直直直直直直直直直直直直直直直直直直直直直  
新詩時時時時時時時時時時時時時時時時時時時時時時時  
水樹樹樹樹樹樹樹樹樹樹樹樹樹樹樹樹樹樹樹樹樹樹樹樹

居業齋詩鈔

卷七 南征集

八

登嶺園下推還擬不窺園行樂湘江事宜此生可治付佳兒閑來  
任看三徑與到微吟賦一詩好鳥好花無俗韻佳山水佳水佳心佳  
淨洗長安市紫微西時雨時來微日憶東來回首清時心轉夢  
思還將存大雅猶詞未敢續離離無媚骨能惜儘有文心可自來  
思思馬還歸遠處門如仲舒滿蓬蒿山陰余素來晨夕金門共往還  
偏君辭後謝朝班綠琴歌寄三秋暮蘭芷思深七澤間貧官曾無生  
物長八縣清與漢梁香多花柳經秋瘦不似梨花耐晚香醉過江都  
深學老律追杜老謝詩任松筠歸去應無恙好草南山舊草堂古為交  
由來多變態如君真不愧科名痛歌此後遇誰語獨旦傷神曉曉  
趨裝車九重閣船擊掌辭力獨幸信史編厚耶卿整職方臚列若比隣  
從容委佩歸常晚閱歷感感幾春莫謂水條滋味苦若身若作未全  
貧官點微霞白壁蓋中融况復與天游行為世惜高元禮風表人倫識  
太丘自有公評操月旦誰存直道在陽秋輪君今去煙霞身世萍踪  
一倚樓年來進退成蹉跎家有故車舊燕燕君滿洞庭煙水我思潭  
國指淮河吟三徑應時開張翰扁舟何日過揚揚鴻飛天外遠離思  
江上白雲多珠璣萬斛許誰同大雅千秋任一躬作賦直驚丹禁地輪  
材看步藍珠宮詩紫別緒燕雲雲雲雲雲雲雲雲雲雲雲雲雲雲雲  
桂黃粉綠琴花紅世世悠悠莫細論湖乞得荷君思生坐樹破還

居業齋詩鈔

卷七 南征集

九

日猶見書前紫火紅素心最久共誰論三益難忘師友恩細峰金  
玉宇開穿月照與天張千松竹簡真儒識一代風流古道存自有名  
堪付託歸來端不問田園魏闕江湖自宜追隨舊創有佳兒廣微正  
補南陔什于美新成熱食詩少日致榮趨雅會晚年山水赴幽期沉  
澁並無人采獨立江村暮雨時時發安泉石卧林泉十載風塵自勞  
抱道還修傳注窮愁佳句續風騷歌字內通三韻曉曉前笑二家  
我亦流落尋常班鴻飛容與青冥裏鴻影參差落照開晴窗古風卿  
渠從司馬暫開雲樹樂事如何限馬首青山亦審顏才君獨擅三  
長發雅尤工賦柏梁玉局校書常健戶芸窗讀易靜焚香論文直過時  
賢辭載酒獨容我草草任此日驪歌情緒總湘江何日一登堂丹鉛幾  
素交情貴氣難離別淚盈幾日泛舟起北關今晨攬轡南征彈冠  
題名上帶蘭蕭然四壁耐艱辛朝朝暮暮花當牖夜夜吟林月作隣  
志千時惟草賦有時出郭共尋春春風起柳花當牖夜夜吟林月作隣  
扁舟斗酒鰲魚羞上津三湘汨漫遊平古不須悲賈傅仙舟可掛  
丘鳳凰山外梅兼柳鵲洲邊春復秋好景留連新月上何人攜手  
公樓長安歲月我蹉跎此際輪君返薛羅玩世逢人開白眼驚秋送客  
浹黃河門門誰執轡陵陽酒大應逢袁紹過歸去草元且什裝君山知  
已恐無多夢我詩思古人同稽古榮親齊厥躬驅疲鹿封來紫極報

占才多大雅翻翻壯俗同一時買董肅時探覽直下井折微故海余  
後碑石宮孤神在還三楚外寸心迢迢五雲中已切密勿迫青蓮宜寧  
光分寶地紅金門史隱臣論去國頻懷聖王恩有託身情辭冷香祇  
曉後漢書盤桓歸未改儒生業稊被終於古道存幾歲西清閣書序  
舊近思錄卷上白壁行藏任所宜青雲際尚有佳兒蘭臺早不承  
史新伯從教老牙時却新駢駢馳驅正途征雁斷歸鴻足為憶江  
如好飲倘少耽耽時清秋從容過臨春回首風塵暫變夢得酒人興  
輪囷博雅經雅曲律蕭蕭聲聲韻關中絕佳仙山標世外乘閑開  
思更就草款延慈徒備官高黃度蕭 從從東洛送君還尚憶當年玉  
前班名世而宮雙閣下光瞻東壁五雲閣蕭索雲白歸程遠漢江深  
雲思開以新政圖無恙在無恒應感舊時顏真穿諸史攢三長學海還  
須駕海濤聲聲盡堪登汗齋靈書不待辟書香馬遠遊獨胸逾曠受情  
既東游亦在披帶天與容衣章每絲開字一登堂閱世同懷太古情敢  
真性嗜虛虛早知絕學兼野技况有潛修勵進征袍疊志存寧棄城  
嶽山業說不名上林棲息原無定設為春風美柳驚相過每驚開城  
關再再年華過若老我無閒心似醉美君有學德成麟西窗剪燭雲  
幸暮東閣端端應酬春分手不須惹我莫江湖南廟總長黃傳錢久已  
辦費差開歷京華浪遊喜共校書探石室寧甘道跡老林丘人心發  
幻原無從天道乘除有夏秋數息難才新未盡蕭蕭江上獨登樓登朝  
五十未遲蛇歸即肯林樾綠且自煙霞安枕簟任他風浪激江河金

居業齋詩鈔

卷七

南征集

十

居業齋詩鈔卷七終



居業齋詩鈔卷八

廣濟金德嘉會公

續江游集

行路難

我歌行路難請君四座且勿謹瞿唐灩澦未為險  
人情翻覆有波瀾范睢蔡澤立談可以取相印汲  
黯心是魏其不能片言折武安破縱連衡傾六國  
蘇君若在張儀何敢言所以魯連誓死蹈東海不  
肯帝秦持兩端屈原憔悴死江潭賈生歎獻憑弔  
仍摧殘古來高人尚如此何況餘子悛悛祿利間  
居業齋詩鈔 卷八 續江游集  
行路難險且艱客星驚帝座依舊隱嚴灘何如踰  
垣洗耳謝物色穩着羊裘持釣竿  
龍躍天津抵觸藩斥鷃枋榆騰九天乾坤賦物固  
有分陰陽小大乃相懸君不見東方曼倩陸沉金  
馬門廷叱董偃匡至尊射覆乃與幸倡伍通籍祇  
承囊粟思漢朝大臣富且貴喉舌呼吸安危地奈  
何布被翁曲學以阿世面折廷諍汲長孺立朝獨  
有浩然氣不冠不見武帳中古來社稷之臣差可  
同卧治淮陽竟不召張湯緩步登三公行路難難  
為工介者塞工者通九折羊腸跬步底須臾失足



軾軻逢或言辟世可以无大咎君公祇合居墻東  
男兒生來有命直星斗長安日者知吉凶不然端  
笑卜居從詹尹問我何去當何從

漢廷王父偃逆施而倒行日暮塗窮且志意五鼎  
食亦五鼎烹賣薪行吟朱翁子綰綬乘軺耀鄉里  
睚眦報復何斤斤張湯獄成身亦死行路難難有  
終鷄夸鼓柁載西子子房辟穀游赤松白衣山人  
歸採衡山藥柱下老子變化其猶龍千春萬祀青  
史上旋轉乾坤乃英雄

道旁蠶薑芒有毒蝮蛇瘼狗往往噬人肉齒牙犀  
居業齋詩鈔卷八續江蘇集

利尾鋒鋸不及饒人劍在腹饒人利口覆邦家襍  
糅白黑翻瑜瑕中傷匹夫何足校眼前萬事滋紛  
拏上官得志三閭死子胥吞聲爲伯嚭直弦曲鈞  
自古嗟網羅檻阱當衢市天下有道是非公洞開  
四門達四聰獸能觸邪草指佞元凱食福驩兇凶  
青蠅莫遣汗顏色饒人莫遣當君側君側饒人白  
晝寒崎嶇險熾千萬端梅福掉頭市門去高卧不  
見行路難

### 麟鳳篇

鳳不可使獵兔麟不可使搏虎干將雖鋸不刈束

楚畹蘭之茂不當門戶古人治國如衡平道在尊  
賢而使能有虞登庸十六族拜手交讓於殿廷周  
官三百六十屬如冶鑄金工度木秦則重臣用成  
邊李斯所以錮蒙恬後來踵事更陰賊繫用徽纆  
寘叢棘內史部中素難治請徙汲黯往爲之膠西  
驕蹇殊無狀仲舒乃作膠西相真卿三朝老大臣  
宣慰希裂豈其人嗚呼天之生材亦難矣當軸何  
人顧爲此古人治亂必有根大書特書前史存

### 遊石鐘山

亭亭石鐘山瀕江得微路垠圯阻躋攀飛鳥兼雲  
居業齋詩鈔卷八續江蘇集

爰混茫一氣中乾坤猶太素刊落游人言窺領山  
中趣仄徑滑蒼苔沿綠愁窘步盪胸彭蠡濤目眩  
頻左顧積陰固冰雪春來湊寒沍俯視襟帶間青  
青湖口樹我游當亭午低徊至日暮下山憇招提  
短褐雙肘露

江天濤空濶山根萬象靜春雲縹緲間僧牕恠石  
影茶瓜款游人坐語忘日永緬彼中冷泉轆轤猶  
在井茲山香積厨洞壑乃天粟即事幽興存何必  
詫箕頽天涯汗漫人到此諸慮屏翛然支許會秀  
色餐諸嶺窄徑可披榛步屨躡山頂



望小孤山

滄江湧拳石何山作鼻祖長風萬里浪澎湃自今  
古飛鳥動雲根縣崖垂綠縷其陰凝積雪其陽溜  
花雨恍景入嵌空烝嵐相吞吐三面阻路攀峭峻  
無寸土獨立天使然岌岌絕僑伍

訪藍明府石雲丹陽

春雲縹緲大江天潞潞江聲縣郭邊喜雨聽鶯登  
木石臨風把酒憶青蓮丹陽十詠初成日絳雪孤  
亭獨步年老友過存留話舊琴堂燄燄夜深然

焚黃展墓

居業齋詩鈔 卷八 續江詩集

四

長跼增封土一杯黃雲白雪冷松楸宮袍上冢三  
千里夢飯思親十九秋天上龍章含淚寫夢中馬  
驚謝庸愁不知鼎鼎成何事磬石明年到壁頭  
春秋俎豆昔賢俱秦隴人傳楚大夫令署益棺殘  
藥在輕裘歸里一琴無火牛血戰完城堡鐵馬忠  
魂入畫圖五十餘年新最願碑陰鬱鬱長松梧  
唐有遺文碑今又建立於名宦祠叙先大夫申庚午危城用唐通故兵使  
賊子後賊城郡人見先大夫歸衣大帽上城上以爲大夫死且衛撫安也  
孤兒五歲伴啼鳥羸瘦朝朝恃母扶草屋鱸香依  
畫像麻衣收淚誨之無掘蔬屑豆當飢歲嘆雪然  
棟樑壯圖水蘗音容今宛在可堪酌酒向霜梧

稌詩

小時嗜六博稍長游俠斜馳逐五陵間跌宕送年  
華惜交投劇孟亡命抵朱家昨朝拾竹箭一發尚  
五靶

任俠不成名脫身去學估鐵冶處臨叩箕繆業胃

脯蹲鴟踰杭稻黠奴俱肺腑纖嗇乃羸餘雍容誚

郭魯

述病

我生歷諸艱善病則自幼天昇倉廩官乃與水穀  
關晉魯度五齡焚焚而在疾先慈手丸散參苓泰

居業齋詩鈔 卷八 續江詩集

五

豈尅寢息仍頻興嘗以夜爲晝辨香韻若吳安得  
孤兒壽愚從喚犬豚賤可力耕穡疆記畫荻書引  
申涉篆籀家世治周易端笑識其繇小學與孝經  
牀頭受句讀緬懷先民言仁者昌厥后嗚呼先大  
夫清德在隴右散衙甌有塵行部衣無副岌岌聯  
陽圍英英即墨守一棺到里門編素千人幃屋不  
敵雨風租不贍糧糗薄糜糲野曉敗絮纏衽裏迹  
者已如斯將母遲來胃拊此零丁兒奈何頻顛覆  
貌孤十五年諷堂閉凶邁慟絕經夕甦麻衣起馮  
樞荒江雁亂兵踉蹌川谷走亂定返柴荆氣厥歎

僵仆起死賴越人微生診脉候壯年號書活扶病  
苦研究八上公車塗敝裘朔風透通籍忝承明石  
渠書襍糝操觚眠食忘僧忌多繆誤力疾事編序  
脫藥俱入奏南歸南雲堂插架還仍舊兒曹趨過  
庭疑義資口授老病復侵尋攢掖虞里漏夏五雨  
淋帷丹鉛間釘恒旋覺腹膨亨童年病且又或謂  
書當停聞之面欲皺我病即膏盲匪書曷能救展  
老釋沉憂譬如飲醇酎側聞漢張蒼乳哺當饋餽  
侍妾可百人孕者不再收我衰室罄縣迎能話婚  
媾又聞唐李泌採藥衡山岫蕭寺訪懶殘芋爇曾  
居業齋詩鈔卷八

漸鴻兼述借隱之志

我衰久杜門展書憫顛顛雨中春興詩沉吟但紙  
費豫章曾山人東衡來把臂爲我話山景夜不遑  
假寐東衡高栢天真宰元精萃遠迤烏道盤殷爰

龍宮閔混濛太古雲融結峯巒出峙如虎豹蹲進  
如鷹隼驚嵐蒸濕蘼蕪鮮絢萌蒨荔槎枒鐵幹裂  
宵靄金莖捍瀑布下懸崖溜若洗山皆絕頂眺滄  
江渺若田間遂松老遯秦封石幽謝漢記桑郡阻  
躋攀山靈良有遲皇矣鮑參軍寓公憇斯地振衣  
讀書臺騷壇蔑有貳顏頤濤霍高顧瞻小赤鼻悠  
悠千載後踵武得舒二索居憎無營性癖耽奇字  
時似王逸少書罷籠鵲飲時仿郭恕先畫作紙  
戲坦懷馴鹿豕豪氣走魑魅名山不榛莽斯人  
居業齋詩鈔卷八

爲擁雙鳴呼長安道咫尺成顛躓何如入山深疎  
鐘聽古寺豈惟絕煩囂可以益神智再拜謝歲規  
搔首發長喟僕本澹宕人任運百弗覲寂寞荒江  
濱已爲世所棄置身古人中原憲與季次卜隣學  
稼圃舒翁我同志雜草結精廬鈔書可代匱蔣徑  
行闢三杜松稍植四興酣大小言萬象從罕譬莊  
惠率天真不知老將至春雨倉鷄鳴春服野風吹  
芭屨踏蒼苔攜手看山翠詎能驚鷗翔麓領丘壑  
意藉君作置郵素書爲我寄

擬陶徵君田居

東風百草萌郊原一以綠荒園江水涯倉鵲集喬  
木積雨風氣深皇天散晴旭畝田及春畊田父轉  
相告我生獨晏如松間展書牘魏彼谷口人千載  
留芳躅

寄題張乘石書齋

山水有清音伊人構茅屋童子六七人執經學干  
祿是時方麥秋芳菲徧川陸郊行辨句萌咨詢及  
漁牧江雲自卷舒乳燕迴翔熟林下登高樓悠然  
展遐矚念我蓬蒿中遺我一詩牘

蒼山峙南北大江貫其中江北青林口江南馬頭

居業齋詩鈔 卷八

峰支流爲刊水樹石襟長風白沙何浩蕩清曉萬  
賴空瀕江一長歎邂逅釣魚翁顧瞻康王谷千古

青濛濛

弱齡弄柔翰歌聲出戶牖先民有遺訓宵構與終  
鼙弧天志四方晚節倦趨走素筆爲人師日飲田  
家酒逝矣古之人其書在吾手夜中不成寐攬衣  
視星斗

半舫詩

春雲霽洲渚曉日暄江步園林桃始華倉  
樹客從江上來江雲濕芭屨悵望赤嶺

游賦

新沐岸輕憤虛齋愴無事有時涼風吹北窗展詩  
笥古人千載前爲我益神智巡檐聽疎鐘隔岸寒  
溪寺

白露洗梧桐江城宛山谷落葉滿黃岡竹瓦覆隣  
屋秋深鰕魚肥舉網勑僮僕新醪琥珀光東籬行  
采菊

擁褐坐草堂江上數峰對天際孤帆影縹緲欸明  
晦滄洲一夜雪曉起松杉大緬懷京雒人雞鳴整  
冠帶

居業齋詩鈔 卷八

詛鼠

窮居萃百憂而復罹鼠竊蕭蕭縣罄家何以禦饑  
饕儉歲常饗戒藜羹佐豆屑困廩闕無聲闌入芸  
牕穴插架古人書縱橫漭漭縹緲細剥落盡寢食  
及鏤鏤狼籍檐楹間往往塞門楔嗚呼秦火餘老  
生拾殘缺辛苦汲縣人冥搭隧道揭後儒耻面牆  
夏螢而冬雪老夫杜門久貴游車馬絕丹黃不素  
飽聊用小怡悅自以爲無患如何當此孽昨得或  
山扇辟人數披閱習習有清風可以送炎熱端  
古時研棐几蠶香列墨藩或淋漓字學泝金

鑄一以疎蒲葵遂毀折丙夜呼羣飲詰朝研水竭  
盤匱污遺溲沾濕到繒纈紵帳龍鬚簾存騰胥點  
涅槃漿膽瓶花黃綠恣噬齧迎貓豈無爲鯨鱗祇  
徒設天網緩冥誅羣凶一軌轍殺如魍魎行猶可  
施桃剗猛如豺虎嗥猶可閉振闌青蠅亂人聲奈  
蜚蜚人血暑往則寒來且受霜風滅此物獨蔓延  
此毒何時輟萬事任摧殘無勞頻哽咽蕩搖我書  
厨腐儒憤所切緬想磔汝年張湯亦人傑

詰蚊

嗟爾蚊之生曠爲爾族類五月始一陰草間暫而

居業齋詩鈔

卷八

續江詩集

十

至短小則精悍冥行施擊刺晝伏而宵興蘊毒滲  
游戲嗚呼露筋女千古爲酸鼻造物右凶頑殺機  
日以恣往往忽細微患生于目昔勞人鉛槧間便  
便一腹笥倦隱烏皮几曾不遑假寐捉襟財及肘  
萬弩中兩臂突如其來如攻人於無備血出鏃完  
膚白顛至於脆平旦天宇開痛定還復悸倉頡象  
爾形偏傍亦文字溷廁且包羞逢人復深刺猛虎  
鬚賢豪倭也爲之祟公膺若汝曹豈亦用副貳不  
然胡紛紛其麗乃不億矯首望蒼旻我生一以萃  
循環亮有期此物罪當治金天如肅殺羣小合

界

偶然作

客自何方來短衣濕春雨焚火燎客衣手持析薪  
斧疇昔黑頭人素髮今如縷  
去日亦以多英雄其奈何生平易老大攬鏡惜蹉跎  
跼留客今宵飲聽我昔時歌  
狂夫少壯時有力亦孔武入水刺蛟龍上山搏猛  
虎惜哉劍術疎歸來守環堵

員耒學老農薄田逢歲惡方春典鷄鵲坐客行觚  
爵礙礙鄉里兒閉廩齊山閣

居業齋詩鈔

卷八

續江詩集

士

澤居利瀉鹵山居利蹲鴟牧羊與牧豕往往勝耕  
犁有力能造命人生苦後時

我遇一章東吳鳳梓

我遇夫如何午夢數驚覺百慮曾弗售虛聲則所  
希苑枯敢任運索居恒自檢晏起與科頭厥咎合  
當貶顧瞻南岡松飄飄烈風颭植根豈不堅搖落  
憂其漸括囊本天真有舌安能飮入山山未深衡  
門社以居藿食亦危安履歲襲人歡啼飢且勿營  
典衣赴箕歛延陵苦節士憇我荒江广有舟不能  
刻有楫不能刻小築藕花陂寒裳摘菱芡昨來遺

我詩崑崙一何險展讀過炎蒸對之端且儼禍性  
別薰猶斷斷不受染晨夕此幽人素心或無點伏  
雨灑蕉窗丙夜鐙缸焰凌晨最邁征年華嗟荏苒

環溪草堂

大江日夜流萍溝無今昔江上素心人澄觀時岸  
幘擁書萬卷餘築舍名三易

乙夜羣動息何處藕花香清酒三升後夢可到羲  
皇興來忽把卷焚焚掾燭光

此君無俗韻可以飭高臺况復中虛極溶溶海月  
來夜闌疑紫府梅花鐵笛開

居業齋詩鈔

卷八

續江游集

三

古之九曲亭乃在樊山麓蘇甫經營一夕風拔  
木勝跡遲名流無勞詹尹卜

池水澄如練量之不盈尺江鳴雷雨垂須臾千頃  
白伐竹此成橋雨中度詩客

西山太古雪灝氣渾磅礴朝來海日升稍露松風  
闌至人步前楹手攬登山屨

枕上何所聞砉然豁神智披襟臨竹窗澹澹天風  
吹良久辨鐘聲來自寒溪寺

萍草歌爲黃山人

八十老翁猶未遇茅堂坐隱耽佳句醉後新翻白

雪歌塔前舊種黃柑樹此翁十五二十時細簾捲  
映珊瑚枝平頭奴子捧雙研詩成墨汁何淋漓坐  
即彈碁行蹴鞠花間夜遊常秉燭越羅蜀錦競鮮  
新飴盆蠟薪通微逐歡樂幾何歛離憂掛帆東下  
客南州祭酒布衣諸生耳燕頤虎頸誰封侯操觚  
幕府還說劍將軍椎牛開廣譙虎鼠龍蛇未可知  
男兒豈得長貧賤夜闌回首少年場低徊慨淚  
霑棠往往難燈燒檄草時時鼓柁咏滄浪一朝垂  
綵還鄉里儕輩英雄都已矣誓將採藥上衡山不  
爾直釣湘江水即今大耋尚童顏手把詩篇屬我

居業齋詩鈔

卷八

續江游集

三

刪衝泥冒雨之何處鴻臚洲頭放白鵬

典衣詞

二月南榮日杲杲農夫牽牛踏春草春暖入當畝  
稅期主伯亞旅齊典衣坐市列肆多錢賈估直公  
然書爛朽氈包席累財一金踟躕不敢近官府冶  
就白金官無咎吏手低叩安得知微天之靈十報  
六長跪請待麥子熟詔問循良下虎符報最昨言  
苛政無吁嗟我生獨不淑舊稅還將新婦鬻田家  
鬻婦亦不傷可憐嫁去無衣裳

青林曲贈張貢方

青林湖接鴻臚洲有客扁舟過我遊別來遺我一  
詩冊朗吟似得韋蘇州君自青林來已向青林去  
青林山色青到天是君掃地焚香處把君此卷清  
且都寫出秋江萬里圖而後看雲踏紅葉沙間載  
酒隨白鳬君歌寶劍篇我唱紫芝曲掛帆幾上黃  
鵠磯襍被仍返青林麓遣興奚囊賦千首傳家草  
閣書萬軸三十羽翮已麓成雙瞳剪水金石聲黃  
河明月蘆溝水遲爾翩翩入鳳城

短歌贈陳帝侯

陳侯遠作燕山客雙眼逢人脩青白短衣匹馬春

居業齋詩鈔

卷八

續江詩集

五

歸來太白湖邊深柳宅燕山豪貴酒人多六博博  
捕漆揮擲客子素無千黃金安得賓筵虛左席搔  
首且登郭隗臺黃沙蔓草已千尺欲將劍術訪荆  
卿舞陽豎子乃充斥秋風落木雁南飛攜拾紀行  
詩一冊天涯游子思故鄉亡恙湖光千頃碧陳侯  
陳侯澹蕩人萬事過眼俱陳迹得歸茅屋敞柴荆  
瓦盆盛酒遙盛麝對客掀髯時岸幘爛醉仰天歌  
白石飯牛且種山田麥

容園歌

縣門我友胡石存栽花負郭爲容園一畝之宮萬

派水大河乃發橫岡源如象如馬潯衝瀉春風搖  
石滄浪痕鐘聲夜動南山寺日色朝噴東郭門竹  
牕松棟舊山舫何年移此成新軒京口耆舊臨池  
去拳蜊倒薤檐楹蹲山舫四座客常滿更開燭跋  
猶聲喧三日采蘭九日菊百里以內名流奔即今  
渠几敦槃在詞場滾滾登兒孫芝莖蓀苗山雲裏  
韓融汜毓壘荒悖藩籬茶布俱筆扎擗據絕俗之  
方言盪胸決背空埃盡去天尺五睨天根寂莫荒  
江吾老矣安能走倒牀頭樽題詩寄與垂素壁卜  
隣還擬居南邨

居業齋詩鈔

卷八

續江詩集

五

恪先來江上爲我話容園之勝輒欲命駕往  
觀即席成詩一首

胡郎短褐禦江風喧我陋巷之牆東蟹螯雞跖文  
字飲虛堂永夜張燈紅羅雀門閑故人少時將亡  
恙存衰翁去年人家閉高廩望衡對宇餐歎禮今  
年萊田倉刈獲餘客白粲茹畦松尋常剥啄惟詩  
債吟成往往慙雕蟲胡郎別業城隅好蘭亭梓澤  
將毋同客至煙霄唳馴鶴應門赤足雙兒童閨餘  
節序憑花信紅蘭紫萼開芳叢粉壁昨經丹青  
天水一氣渾鴻濛有時藉草幽人坐東話滄海西

崆峒老夫聞此色惆悵惜哉舊游徒匆匆衝泥北  
征辭地主投轄不宥停花驄朝郎熟視從容請丈  
人有興還扶筇叢爾垣墉無長物插天萬仞青芙  
蓉老夫蠟得幾緱屐已拚踏雪凌穹窿招邀况復  
吾佳壻筆牀墨沼光熊熊人生山水適意耳逍遙  
身世俱冥鴻梅浦歲寒梅放後遲我爛醉園林中

田進士茂生過訪

昔我乘輶黔中行飛雲巖洞紛詭變龍牙鳳味直  
煙霄迤邐喘汗褰裳踐捫蘿讀盡前朝碑低徊亭  
午未朝膳詩成伐石勒其顛過眼年華疾如箭今

居業齋詩鈔

卷八

續江詩集

六

朝手把田郎詩髣髴飛雲當我面田郎磊落夜郎  
才射策南宮千人見題名雁堦杏花春掛帆潞水  
隨風便南征訪古到江淮柁樓朗吟又幾卷別我  
西上黃鵠磯晴川俯瞰江如練黔西燕北七千里  
索裘祇一琉璃研曹劉鮑謝寢食俱山風江月滌  
游衍歸去搔首文筆峯新詩訓倡同門編老夫荒  
江久杜門詞場家來遲羣彦

黃進士太白湖舫歌

太白湖上煙蒼蒼絳雲島嶼青蘿莊中有長吟抱  
膝之黃郎黃郎上策排天閭煌煌姓字呼明光蹀

蹀杏苑五花馬揚鞭騎出南宮坊故事臨軒除  
從鄒枚揚馬肩相望隱囊紗帽充妙選男兒有力  
當騰驤此時黃郎氣瀟灑玉河緩步殊徜徉秀骨  
方瞳編貝齒生來不繫紫荷囊瑣闥物色曾第一  
猶豫澹墨翻蒼黃故園南走三千里斑衣彩筆升  
高堂長安近事無須數長跪且進蟠桃觴眼底  
一囊粟飽死侏儒飢東方磔裂混茫揚執戟祿  
位容貌中人行五斗學士亦停醞拂衣茗芋東皋  
鄉殿頭異數李供奉金陵秋浦晞斜陽虎鼠龍蛇  
信所適猶雞魚蒜夫何常呼僮料理雲卿躬劬蘭

居業齋詩鈔

卷八

續江詩集

七

爲佩荷爲裳高頭大鼻陳驚坐去年並踏黃河航  
折簡招呼披衣到髣髴燕市荆高旁酒酣仰天忽  
長歎水愁象馬山羊腸驟貴可憐三長史淹留亡  
恙一馮唐百齡相國張陽武六十太保瑯琊王冠  
君進賢甫四十方來數歷時能量功成邁就赤松  
子千古英雄一子房不爾華陽洞口陶貞白一枕  
謾謾松風涼山中可以養帷幄安能鹽車任載踴  
踏而踉蹌黃郎掀髯復搔首昨者邯鄲道上有入  
炊黃梁且入衡陽蝦芋火徐聽爐邊老衲占行囊  
荒江釣叟杜門天上貴游如夢商洪崖之肩

丘臂放言往往疑陽狂爲君浩歌一曲夜未央蕭  
蕭四壁號寒蜚菊有黃華賓鴻翔邂逅執手臨滄  
浪

憶昔行寄吳祭酒鮮潭梅莊

憶昔同君供奉班筆牀研匣相周旋君家白嶽黃  
山裏退食曾賦南陔篇別來聞君官祭酒曰歸曰  
歸頻搔首去年遺我數行書問我好事還能否人  
生意氣無今昔袒褐簞囊亦自適煙煤老屋書一  
牀霧雨積垣草三尺洗沐君歸我歎嗟螭頭五月  
下黃麻護圖倚廬人燕喜游子乘輅初到家二十  
居業齋詩鈔卷八

附答詩

吳 苑

聯鑣共直承明廬判袂江山七載餘夢斷千尋  
峭赤壁夜開波濤冷蟾蜍君才燕許大手筆石  
渠藜光分太乙問奇曾許載酒來磯線直斷等  
蟻蝨后蒼曲臺共冥搜王存九域相旁求夜然

絳蠟抽蠹簡曉趨金闕聽雞籌如雲意氣堅鐵

石蓬頭晶飯忘形迹兩家兒子亦漆膠款款楓

天話蕭城自謂長年把臂游星鬢牽衣白雪謳

一朝冥鴻天外去江村日暮酣漁舟空餘小臣

歌靡盬日上橋門摩石鼓古柏霜皮溜雨寒殘

碑鮮蝕開塵土去年家山烏柏黃陳情將母到

梅莊高堂鶴髮幸強飯少小環視胸茫茫自憐

宦海負羈紲荒齋寥廓溪聲徹閒看白鷗浴汀

沙翹企黃州沁水雪炎天遣信雁雲飛瑤草芬

芳上我衣多君好事勝時昔浣花獨慨賓朋稀

居業齋詩鈔卷八

我亦南來閉深竹殷劉凋絕如髡禿興來潑墨

寫山川追逐蕭幾補王駕時踏天都最上峰楚

江匹練煙雲重好待斷春泛秋月陸羽泉畔尋

高蹤

君不見

君不見陶子鋸老死斷蓴茹又不見朱百年冰天  
却綿絮江泌畦菜不佐饕張根河豚不下箸一枕  
孀閨萬壑風有兒有兒今何處鳳詔龍章到環堵  
何如三年桐杖一杯土生時齒指不歸來此日招  
魂酌酒誰家臺



貞女行

燕兒樓邊葫蘆嶺李家貞女墓門冷三十七年處  
子影不識劉郎鹿車屏劉郎逝矣夜臺永及笄女  
兒何骨鯁薇作盤餐麥作餅百尺寒泉汲修鯁纈  
絲織素不織聚憂來尺組常在頸致命遂志銀瓶  
井歲在癸酉辦香請金絕糠覈手絕蘇考終正寢  
無灾青冢中貞魄星河炳轡軒使者行當省山木  
蒼蒼石耿耿

典絮詞

絲象賣盡不賣絮黎明捲白質錢處得錢匍匐應

居業齋詩鈔

卷八

續江蘇集

三

征輸賤估惡直吞聲去去年田收畝一鍾倒廩轉  
漕嘆歎體嚴冬大雪滿川各道傍僵死田家翁田  
家質錢十當五庫吏叱咤猛如虎上策無如倚市  
門有錢莫買立錐土

麥粥歎

麥秋積雨麥欲落田婦腰鎌墮頭顱小兒口涎餅  
餌香越陌手弄菜花黃縣隸催租縣帖下到門指  
麾秣官馬不惜傾筐飽饕餮近前但怕馬蹄齧內  
顧宿春無斗糧款客何以上高堂縣門昨有發倉  
事安得荒村拜官賜縣隸拍手笑且呼爾乃何人

問官儲飢民口數夜書紙城門旦開去如矢依倉  
雀鼠常苦飢倉吏前月歸休矣田婦仰天行蹣跚  
捫下顆粒還可掬且斧濕薪炊麥粥

楚江漁父詞

青林湖畔野人家不種桃花種藕花風徐到日初  
斜坐石灘頭餐絳霞

鼓柁垂綸煙雨間筆牀研匣水潺潺左叔靜右叔  
閒寒溪春老碧桃灣

烹鮮酌酒也開顏曬却魚罾放白鷗陽城洞釣童

山朝發扁舟薄暮還

居業齋詩鈔

卷八

續江蘇集

三

十里湖山爛熳花輕舟一葉載琵琶清明酒穀雨  
茶瀟灑風流屬釣家

雨中

積雨漲空林茅堂草色侵賓朋俱潤絕酒債且浮  
沉蠹簡尋方藥蒼松伴苦吟囊琴從掛壁耦坐避  
知音

寄語山中客江村水滿谿君懷草堂刺直到竹林  
西老樹藤蘿抱濃陰鵲鵲栖身閒無一事荷鍾宇

松畦

機事貧家淺幽居暇日多白雲時滿樹深木欲微

波種豆看萌甲爲欄引薜蘿農田知節序隊隊雨  
中簾

示啟洛

晨省驚吾瘦繞牀見汝心鬢髮垂素髮落落祇長  
吟諸事荒年減衙門細雨深傷身唯藥畧老向北  
山岑

甲戌人日

垂老逢人日題詩憶少陵陰晴書歲首稼圃望豐  
登臘盡無冰雪春前已鬱蒸逝將尋管輅安得酒  
三升

居業齋詩鈔

卷八

續江游集

五

瓶梅

郭外冲陽觀梅花樹樹開客從筇鶴裏移入水雲  
來已似林逋宅猶慙何遜才數株如可得繞舍我  
能栽

鄭千子自廣陵寄書來賦詩却寄

天柱曾宵上君行一采茶偶逢山縣使傳送野人  
家箬裹芝莖色械開竹隔霞烹來新雨到坐對小  
園花

萬竹一茅廬幽人竹裏居食貧偏貰酒好事祇鈔  
書花放雲深處鶯啼客到初來朝君過訪舉綱得

送表姪李渭絲之蒲圻

行篋千山過英英兩袖雲男兒今有室早歲已能  
文冠蓋外家里土風者舊聞荒臺登眺後苦憶鮑  
參軍

對酒

細雨濕江皋疎林風怒號開門詞客至命酒僕未  
勞身隱耽鱸膾厨荒贖蟹螯當筵孫解笑萬事勅  
兒曹

送姪啟洙兒啟汾往黃州試

居業齋詩鈔

卷八

續江游集

五

汝父竹樓句壁間今有無孤兒空悵望舊路每踟  
躇經史家聲久艱難身世俱騰騰何可得努力且  
爲儒

壇坫黃州在我曾冠一軍單衣聽夜雨席帽濕江  
雲古蹟清流到名香靜處聞兒行逢故老亡恙說  
嚴君

喜汾兒舉孫

春玉正月夜觀象歷歷文星與壽星夢把天官年  
在甲老斲子舍歲添丁三更東觀餘書乘五色南  
雲舊草亭衮衮兒孫繩祖武高歌清暇此江汀

許山濤典試雲南北上賦贈

君到承明話遠遊西南行李值商秋滇池煙雨淨  
空艇鐵柱霜風綻傲裘天遣使星臨絕域老當鎖  
院識名流輜軒問俗丹鉛紀曾上梁州百尺樓

春興

老至傷春興轉饒春寒連日雨蕭蕭空囊憾我曾  
金注廣譙從誰更玉簫忽見隣家新種竹傳呼稚  
子各移蕉年來澤畔成何事憔悴行吟續楚騷

泥塗咫尺步蹉跎苦憶當年客路多月滿金臺臨  
易水煙深銅雀渡漳河蘇門俛聽孫登嘯牛角羞

居業齋詩鈔

卷八

續江游集

雷

聞寓戚歌長劍短檠行篋在荒江搔首近如何

野性安能行步工江潭且自採芎藭欣看祖德還  
孫述謾道兒曹有父風愁海雲經書捐散醉鄉月

照酒罍空拂龜不復勞詹尹過眼都成亡是公

蒼苔寂寂掩柴門黃鳥翩翩入故園手把長錢聊  
半飽心憐微篋可孤存雲深五老時窮目雨暗三

湘欲斷魂舊日神交天萬里何年契濶酒中論

草堂伴我是蒼松我若爲雲汝作龍矯矯干霄將

百尺亭亭歷雪已三冬茶煙雨後細簾出醉客春  
來惟石供莫道貧家無長物松根還有茯苓封

偶成

瓜圃疏畦又藥欄絺巾芒屨足盤桓鬢眉自合煙  
雲老門巷非因雨雪寒剩有舊書鸛鳥跡喜無賢  
仕費豬肝膏車繫馬荒江曲痛飲無歌行路難  
楚江舊是逋臣地肥遯風流亦可論漫叟兒童饒  
隱德龐公雞黍足衡門青林湖漲桃花水赤嶂煙  
深辟荔村誰道王風真蔓草騷壇千古在乾坤

寄題景濂堂

檻外江風入紫簫長風山嶺鬱岩崑稊田雅似陶  
元亮仙客還期王子喬威鳳碧梧臨岫沼流鶯修

居業齋詩鈔

卷八

續江游集

重

竹影雙橋狂來欲拜米家石漸有新詩寫綠蕉

東衝詩老黃牛院衝雪騎驢江上邨看劍夜閑應  
有賦賞花春盡豈無言曾將畫舫安碁局許過荒

厨瀝酒樽飛鵲巡檐空送喜留題仍在辟疆園

南山種豆倚茅廬西望遺君雙鯉魚江漲及門驅  
擁席樹陰移榻鳥窺書閒身自合狂吟老逸興還

當痛飲舒何日倒衣吾命駕碧雲紅藥滿階除

東懷胡十水方伯

草堂隣近南山寺日夜鐘聲枕席邊老至看花渾  
似醉閒來煉藥已名仙曾峰亂樹涼應到曝月

臺霄可憐遙憶故人江水上披裘五月釣魚船  
柳陰十里西郊路鹽背微吟到藕灣莊惠怡神俱  
在水倪黃潑墨可成山嘗聽鐵笛雲中鶴欲放筠  
籠雨後鵬萬事浮沉青白眼丹砂且駐老來顏

陳白友招飲

草堂記得留君日六月滄江暑氣蒸比屋牆頭過  
麥酒濃陰鴨裏坐松藤放言直到羲皇上古意唯  
推管鮑能攬鏡即今俱老大新詩兒輩可鈔謄

藍石雲明府歸田

江上彈碁少席謙松風謾設坐長檐學忘寵辱心  
居業齋詩鈔卷八續江詩集

卷八

續江詩集

六

逾寂詩到林泉律更嚴期客不來雲滿座攤書無  
語鳥窺簾閒行稍喜籬邊竹積雨東園露筍尖  
十詠丹陽秀可拈芙蓉初日故纖纖深林雨後餘  
蒼翠高枕風來正黑甜北郭種花聊寓目南山對  
酒欲掀髯有人爲說長生訣雲笈應開第幾籤

秋興

蓼花楓葉影蕭疎曲逕橫塘一畝居隱几常披高  
士傳杜門欲廣絕交書衡星古劍藏塵匣待月新  
醪澆野廬搔首西郊行把釣鯉魚風起鱗鱗魚  
果市針樓非舊游石田茅屋又經秋焚庭百里

龍蟄荒郭千家雀鼠愁儉歲披圖看賣子富民上  
計且封侯猿啼鶴唳聲聲到日色淒涼淺水洲

四壁蕭蕭三逕存盆花砌草濕雲根談空偶共緇  
衣坐訪舊頻過黃葉村薄俗人中防虎豹荒年席  
上咸雞豚採芝逖世慚商皓騷雅猶從屈宋論  
霜天搖落總西風蔀屋萊田一望中移粟秦閭溝  
瘠起料民楚戶橐囊空螢聲短草蕭蕭白雁影斜  
陽寂寂紅蒿目老生成底事發倉苦憶濮陽功  
星緯陰陽景自催雲端雁字幾時來垂綸已絕龍  
虎夢振翮曾經鷄雀猜嵒阮狀頭傾白酒求羊展  
居業齋詩鈔卷八續江詩集

卷八

續江詩集

七

齒破蒼苔西京襍記丹陽集散髮空庭懷抱開  
羅雀門闌靜晝長蘆花細雨更蒼涼人乘逸興江  
如練賦到秋聲菊已黃咄咄生涯憑柿葉悠悠歲  
月恃松肪芸編漆簡牀頭在警校曾邀太乙光  
五雲南詔潏飛騰瓊院曾難子夜燈節使乘軺星  
野潤史官臺筆露華凝歸田勇決疑疏廣每鉢低  
徊比少陵北望有樸天咫尺黃花時節可頻登  
豹尾班聯憶昔時龍圖清切鳳凰池九重玉露含  
香近七夕銀河珥筆隨宮省賡歌唐令節侍臣出  
入漢官儀年來小隱滄江曲緩步臨流自詠詩

冬日偶成詩三首

枕江茅屋楚江東，敝盡貂裘倚朔風。射虎豈能隨李廣，反騷當復續揚雄。青霞晚照羣峰出，白雪寒光曲逕通。節序催人垂歲暮，放歌時與少陵同。牀頭點檢舊書函，鐙下鈔謄髮影鬢。三易傳人期孟喜，一生知己換桓譚。鸛鷗典去今無酒，篋筭殘尚有柑蠟。展朝來何地好，碧雲深處俯澄潭。褐衣短後此江湄，選石臨流獨坐時。竹抱冷風垂自老，梅含瘦影放應遲。寫鵲已謝兒童債，賣藥還愁老嫗知。手把一瓢都散盡，春來草閣又新詩。

居業齋詩鈔

卷八

續江詩集

六

桐城馬先生輓詩

空齋夢想不勝悲，回首長安遠別離。祖席淒涼東觀夜，幽懷抑塞潞河湄。日邊老樹浮雲暝，山左孤舟返棹遲。一賦悲秋惟宋玉，三閭心事幾人知。匹馬蕭蕭歸路荒，蓬蒿三徑是江鄉。杜門稍喜違豺虎，鍛翮仍愁比鳳凰。短鏹長鐙修竹圃，紅籤碧軸白雲房。招攜二仲經行處，畫史傳來總斷腸。家世桐陂水竹居，衣冠耆舊鹿門如。栽花欲遣雲沾席，葺屋唯防雨注書。十畝萊田供薄宦，千尋喬木蔭村墟。無端鵬鳥飛鳴到，總爲修文赴碧虛。

放舟東下海雲昏，然諾殷勤古道存。遺世獨尋揚子宅，辟人偏到翟公門。客中病肺初停酒，枕畔搔頭尚哺孫。好事楚狂行採藥，寄書猶作養生論。

空濶浮山象外幽，赤城霞起接山樓。巖齡入道貧非病，癖性耽書老未休。萬柳堂成煙漠漠，四松閣在水悠悠。人間爛熳元亭草，問字侯生已白頭。甲第南宮稽古榮，一燈千古屬桐城。幅巾豈待小山召，囊粟原成大隱名。老圃花深期客醉，畝田豆稔急躬耕。匡牀竹几音容在，跨鶴疑聞綬纓笙。楚些何人復問天，黃蕉丹荔講堂前。賜書成史班居業齋詩鈔

卷八

續江詩集

元

生出燕坐通經鄭，女傳姓字三朝鐫。雁堦交游四海識，龍眠荒江寂寞宮袍冷。白氣中宵直斗驤，水榭山齋級幾層。攜琴負笈我曾登，銀魚十載衣仍褐。鐵研三冬榻似僧，度鵑流雲深苦竹。名亭喜雨到蒼藤，招魂此日傷心地。九辯含毫魄未能，江風灑淚濕詩瓢。讀罷騷詞吹短簫，拙宦先生青史在。空山晚節紫芝凋，煙霞洞冷餘丹訣。鸞鶴難成望，赤霄紀叟夜臺真。貫酒壚頭供伴也，逍遙

讀舒嵩嶽章園集

戰場弔古獨吞聲，五十年前此用兵。左次大軍屯

水許長驅羣盜嚮山城書生刑馬高牙壘義士襟  
牛細柳營斷甲遺弓荒草出南林不忍謀深阱  
詞賦登臨多感慨齊昌荒廢古藩封空樓易代登  
王粲斷碣頽垣過蔡邕東去大江煙漠漠西來爽  
氣樹重重離宮寢殿俱黃土客子停驂見瓦松  
詩藏斷篋手鈔謄辛苦天涯子夜燈海嶽巷邊看  
鐵甕鳳凰臺上賦金陵生來作客天涯慣興至逢  
人傾倒能總爲苦吟成老瘦只今霜鬢影鬚  
北郭腴田荒蔓草東山絕嶽拾清疏筆牀半在高  
僧榻丹竈常留羽士廬坐愛松陰躋鳥道醉捫蘿  
居業齋詩鈔 卷八 續江詩集 手

送馮我生之京

雨後江皋芳草色與君對酒唱驪歌秋風倚馬頻  
搖筆夏日騎驢再渡河北道亭臺燕樹古西京詞  
賦楚人多素交邂逅如相問爲說柴門長薜蘿

老屋

老屋蕭然江水阿白雲深處長青蘿年來萬事唯  
高枕眼底千秋欲放歌盡日巡檐馴鳥雀有人對  
宇隔山河亭亭修竹吾憐汝掃逕還期二仲過  
友人自中州歸詩以懷之

六載中州一寓公許家月旦幾人同虛堂襟帶河  
淮水老筆丹黃風俗通歸向故園留碩果坐令清  
世歎冥鴻芒屨絮帽吾從汝踏雪尋梅萬壑中  
王黃門幼華輓詩  
給事西莊奄逝後黃湄幾卷枕中詩老摩蜚海文  
公碣生傍龍門太史祠橐筆竟羞封禪草拾遺曾  
荷 聖明知詞場苦憶前高會斗轉星斜客散遲  
黃門嘗大會海內  
名士分韻賦詩

小除夜汾子旅次未歸

擁褐還呼酒圍爐尚苦寒諸兄俱座側念汝獨江  
居業齋詩鈔 卷八 續江詩集 圭

干轉覺杜門好深愁行路難燈花龕送喜旦起訊  
風端

六十吾加五紀年又小除深衣行止冢禿筆坐鈔  
書節序催兒長聲名覺我虛土風兼月令歷歷憶  
生初

乙亥元日

丘壑今元日蹉跎已六年學簪如老圃風尚憶先  
賢牆面箴兒懶蓮心悔我顛瓶梅知節序爭放草  
堂前  
臘殘一夜雪歲首客來稀試筆烏皮几撥書白

扉人家江上舊史局日邊歸後飲磨磨老長鏡  
探薇

鹿門非小隱十畝足躬耕世用垂簾棄身辭賣藥  
名冬寒屈如獲春到喜同鶩腹有盈樽酒圍爐過  
五更

凍極園林春復回梅花香過短牆來養生暇日贊  
眉告對客新年懷抱開夢裏早朝趨北闕田間家  
課補南陔土風長物吾何有雪屋瀕江一酒壺

鏡中華髮已垂顛几上新書又紀年老向名山留  
姓字狂呼處士應星躔好風漸長東皋草春水仍  
居業齋詩鈔卷八

浮西塞船飽飯晏眠娛晚節漫勞搔首問青天

小隱

小隱滄江曲爲園萬柳中經年無熱客此地足清  
風芸草侵堦綠桃花繞逕紅斜陽牛背笛吹過短  
牆東

鄭黃門方南過訪

朝聞給事發西莊午泊荒江深柳堂眼底年來俱  
咄咄夢中世路總茫茫安得如齊贅落拓居  
然是楚狂飲盡一罇仍解纜旅懷多在水雲鄉  
春花爛熳放臨臯却上扁舟揮彩毫客路何須鬢

錫賦家聲已有鳳凰毛劍鳴靜夜魚龍起酒對離

筵星漢高汗漫江湖饒逸興唯憐仲蔚隱蓬蒿

祖道前年分手時紅亭綠柳薊門垂賜骸疏廣歸  
應早折檻朱雲數亦奇一劍剛緩隨拙宦三閤茅

屋遲新詩家居莫話春明夢攬鏡而今兩鬢絲

傳聞五日治行裝挿架羣書載滿艘老至衛生須

藥果更深警史藉銓鉅披裘聽雨登西塞料席乘

風下九江過我草堂呼治具濁醪脫粟在松廳

布帆煙雨五湖寬鼓柁春風下急湍赤壁釣磯栖

小隱金門棋局笑長安冥冥霄漢雙飛翼浩浩然

居業齋詩鈔卷八

續江蘇集

五

湘九畹蘭中夜搔頭占斗柄少微光已直林繚

歷盡崎嶇興未窮古來坎壈幾人同桓譚酷好偏

揚手汲黯齊名是鄭公沉醉乾坤雙眼白飢寒歲

月一鎗紅長江煙水淒涼極皓月溶溶照轉蓬

杜門鎖歲影蕭蕭傾倒何緣忍此宵最喜開樽當

穀雨翻辭伏枕過花朝春帶得雨飛初急老鶴將

雛羽故翹即事詩成濠濮興浮雲身世且逍遙

索居健戶即巉巖不見山濤書一函萬事脂韋食

尺組幾人骨鯁脫輕衫停雲絕嶽虛堂盡漏月滄

江上水帆招隱小山疇昔好至今叢桂未曾芟

喬畫川太史有時見懷慕示易侯新刻

竹樓小隱自蕭蕭一葉煙波吹洞簫地里懸壺隣

屈宋家傳易學社京焦龐公峴首行相遇漫更焚

山已見招無幾故人霄漢上幾時書札問漁樵

尋餘令弟軒輓詩

萬里陰風噴羽翰故人終老進賢冠一官絕域原

雞肋何物傷生復馬肝吏牘已閒登上考家書不

遺報平聲嶺峻嶺黔中地身後猶愁行路難

寄唐學博湘陰

君在瀟湘澤盡圖澈湘書屋隱水壺山形五木黃

居業齋詩鈔卷八

五

陵廟雨色千帆青草湖揅策自言詹尹後徵夢人

似楚騷無合香亭畔蒼筤竹好寄鄰關慰老夫

七十二峰一草堂竹樓何苦憶黃岡黑貂為舊裘

燕市白雪歌中和楚狂坐客無愁仍好事解纜有

佩更呼觴湘靈鼓瑟他年賦洗筆池邊湘水東

寄胡聽巖學博

聽巖鎮日捲簾坐滿瀟湘雲戶可封醉後山色

白苧醒來江上幾青峰有童款客還別鶴鳴松

園且種松秋水扁舟欲乘興蒼筤谷口一

寄王呂倩學博

王郎拔劍今何處一別江干春復秋水挹鄱湖初

熟酒雲開衡嶽幾處樓金光草向煙霞覓玉簡書

從嶠嶢收我有懷君一短札涉湘直到雁峰頭

蹤跡如君亦楚狂短衣結客少年場曾逢擊筑過

燕市欲見琴舟渡岳陽李白夢應勞杜甫山濤書

豈到嵇康紉蘭餐菊詩成否寄我荒江舊草堂

聞吳中允西李予告省覲

歲月君從書裏度偶然乘興定高歌九寒易象趨

庭得四月鱗魚入饌多黃石山雲通瀚海甘羅城

樹接淮河別來五載新詩卷何日光芒到薜蘿

居業齋詩鈔卷八

五

江防

江防鼓角聲聲壯饒饒官舍歲歲消垂橐呼盧明

月夜臂鷹走狗綠楊橋校重宴會彈箏戲將領行

營負弩朝羣盜殺人尸澤畔有司鈔緝阻遷喬

秋日有懷王伺菴

負郭蕭然一隱居曾峰蒼翠足庭除壯遊易水金

管盡晚節騷壇酒不虛幾曲河流摩詰畫前朝墨

蹟右軍書九皋鶴唳秋風到黃葉邨中萬木疎

老至幽栖役彩毫芸窗五夜續蘭膏亭前雁影千

行字檻外松聲百尺濤讀史新詩成日課懷人遠



夢到江皋攜琴曾入靈山谷曝月臺邊看碧桃  
詞場家世同桑梓作客年年赤鼻磯楚雨連旬竹  
瓦薄江風兩岸鯪魚肥登樓爾自高王桀囊筆吾  
嘗遜陸機剪燭話來俱往事蒼松手植已成圍

寄舒二亮草山房

縣門結客曾豪舉亂石蒼苔蠟屐登月湧細簾人  
四座花分草閣酒三升勤君側展疑王桀及我同  
舟是李膺一別參商踰廿載舊時好事老還能  
覽楚泥行七十里年年乘興到江干批燈賞激龍  
驚帖坐而淹留聞鳴榔揚子之官徒執戟貢公有  
屈業齋詩鈔卷八

東劉懷寧

芸草碧山初寂莫蕙帷陰雨墨線寒蘆中萬感此  
身集海內一人知己盡世路危嘗過虎尾明公惠  
豈啻諸野紛紛已事從頭說燭淚樽空尚倚欄

寄東衝山人

東衝抱照古臺上有客言歸自汝南空谷禦冬深  
牖戶圍爐列坐少纓簪久荒瓜圃殘修竹新葦節  
堂傍老楠曲巷長鏡晨自把匡牀散簾夜猶探半  
腸世路髫齡過鶴髮生涯晚節諳熟計餘年應抱

甕緬懷往事欲弛擔自憐六載舒州幕人羨千秋  
汲冢函異等郎官逢卓茂中原治行復張堪琴堂  
下榻經緯五粉署開筵巡掃三授簡摘詞曾倚馬  
塞帷執轡也停驂淋漓墨潘渾銅水繾綣香膠半  
角鋒無敵送難焦唇味亦甘以此劬勞同左癖將  
毋閒遠遜蘇耽清宵旅夢還山郭几舍輕鞍到石  
龍潭子候門蒼鹿擾攘前蹤步碧雞衆還期煉藥  
前朝院飯舊然燈古佛菴儉歲秋倉饒橡栗潁河  
水確代丁男重陽日暖籬頭橘小雪霜黃檻外柑  
居業齋詩鈔卷八

江都

居士鹿門作室先生甫里名家吟成起弄蕪業客  
至留看藕花

釣魚船繫沙浦闌鴨欄臨板橋老雲怡情畫筆食  
家長物詩歌

掃閣焚香捲幔分畦藉草澆花疏巾頗似陶令醉

石何如米家

雨後茶煙入樹花前鳥語窺人輞川雅稱摩詰谷口財宜子真

題西洋畫

大鈞統物心並育而相保六合以內外同冠一蒼昊梯航絕域人京華呈技巧前朝方物貢大小瑣里好紅撒哈刺織錦被兜羅襪中官鄭和輩三下西洋島星槎勝覽書我曾恣蒐討彤輝虎拜時門外見諸僚田居觀此圖豁然開懷抱鬢眉纖毫具執器露指爪荒江木葉凋細雨濕秋草桃笙枕微居業齋詩鈔卷八

涼夜夢長安道

平陽地震聞即報作

嗚呼陟谷變平陽乃倉卒一郡逮四縣元元同奄忽乙亥夏四月丁酉雁厥罰城或復于隍裂土似耕墜潭潭公府居不能庇袍笏婢子殉夫人狼籍溷齒髮多錢倚頓翁賣餅兒俱窟有谷量馬牛何曾瘞雙轂生平睚眦仇邂逅一喝菜色僵路隅猶是穴旁窳長平四十萬往者從征伐伍籍隸司馬側書死事骨乃若災沴終名氏誰昭揭縣官軫戶口宵旰咨不歇馳驛遣侍從往哉輕裘發逝者

覆釜封存者予糠粃比屋經延燒蓋藏一以竭封疆有大吏職司扶顛厥拊循苟亡狀何以稱官閥九卿奉詔旨夙夜凜如鉞修救上封事青蒲滋矻矻蠲復惠子遺可以奠其危皇哉汪濊思用補坤維闕

東衝行

嵩嶽山人東衝山頂住手種度索山桃千萬樹晨興積翠臺上漱青霞夜半懶殘爐邊煨紫芋太室少室黃冠薜蘿來口誦河上公手素書註今年次得緱山子晉笙山厨迸落紅泉如雨注有客爲言居業齋詩鈔卷八

七十二峰游衆糧蠟屐便擬湘江渡山人任俠少年最有聲門庭酒人劍客亦無數昂藏七尺曾爲知已訓骯髒一言也令豪家怖事已功成掉頭不少留往往嗚噓陳遵與樓護晚節遜跡空山高枕眠牕間大署人間五石瓠酒酣忽憶管鮑貧時交朗吟少陵翻手覆手句我亦辟世墻東王君公儉牛出戶不見戶外屨東衝蒼頭長跼前致詞山人期我茲羈山頭步我上釣臺山上理釣纜黃花細雨淹留朝復暮十月小雪山人壽筵開是日松棚裴几列仙聚聞道方竹之杖斷紋琴毬包箬最都

入山人庫荒江陋巷縣磬一物無濡毫澆澆  
嵩陽賦嵩嶽嵩嶽位當天地中真宰長命山靈  
霞烟九老堂中一老山人同百三十六猶能趨飲  
酺我欲買山谷口種山田卜隣東衡咫尺桃源路

說韻

真絳壺羣動陰陽清濁判大樂自人聲五臟五行  
實虞廷俞依永卿雲賡復旦易韻天地心象傳詒  
爰彙詩三百五篇朝廟通里閑寂寥秦火餘鏗鉤  
者炎漢沛中三侯章皇矣大號渙建安逮黃初古  
風迄未散韻學見羣書鄭應服許段蒼粹經傳遺

居業齋詩鈔

卷八

韻部

四

持論鮮冰炭江左音釋編乃有徐廣翰類譜此濫  
觴沈約四聲按李唐詩賦科膠柱肆童冠嗚呼九  
域人都就武康絆吳越東南隅方言保無諺孫廼  
作唐韻於沈亦點竄迨元周德清中原韻以煥有  
明洪武興一從正韻斷樂宋諸通儒審定成壯觀  
歲久甲令湮簡編尋漫漶墨守譌休文遂如農有  
畔徐生委巷居窮年草堂慢頭涔手龜拆不律仍  
驅腕辨色先晨鵬筆羹後旅爨矻矻事討論何人  
頻送難漫漫長夜中把卷爲三歎

薄俗歎

矯矯梁伯鸞焚弗因人爨生平一知己齊眉爲舉  
案夢之烈士隣千古同星漢薄俗金石交疇似閨  
中爨

落落蕭茂挺虐使一傭僕區區憐才心忍楚受其  
扑委身事名流義不之他族嗚呼鮮終者論交如  
轉轂

黃鵠山人餉茶

晉代宣城公采茶漢江潯邂逅十八翁盤旋積設  
圖探懷授以橘啖之甘如飴鳳凰山頭雲鸚鵡洲  
邊雨芭屨時往還儵然絕塵土悠悠千載後此山

居業齋詩鈔

卷八

韻部

四

君爲主相羊九峰間采采萌芽觀蘇蘭帶清芬用  
以侑松塵筠籠致我堂沆瀣充廊廡新甃沸異香  
素月涌芳杜往者歐陽公金石錄集古序藉蔡君  
謨書法精且嫵酬以鼠鬚筆龍圖爲之輔蒼頭欵  
扉獻惠山泉一甌古人雅好事具載歸田詒老夫  
今索居未嘗入州府側身望九峰歷歷如可數步  
屨遠莫至拏舟亦良苦每念清渴晨安得紫筍乳  
昨遺蒲葵扇龐似戴山姥恭承此佳惠厥施抑何  
溥羣動息夜分博山氣如縷

黃鵠山人以京師鼠筆見寄悵然成詩一首

昔余在京華手弄銀不律出入承明廬含香職紀  
述中朝大掌故討論史牋出辨色傷火城亭午直  
溫室視草嘗兼人往往廢盤櫛歸卧荒江濱匡牀  
餌芝术研匣勅兒曹老夫差暇逸客自江夏來素  
書寓蓬華上言劉孝威遺我鼠鬚筆摩挲百感生  
搔首忽自失此物市薊門別來年已七今爲參與  
商昔爲膠與漆聚散有如此其故惡可詰千古拈  
拈者董狐與史佚緬想義農前結繩何渾沕人生  
方外游潢沅鮮所產窮居得管城丹青尚可暱寫  
樹當寫松寫芻當寫芻寫雲麗桐孫爲雨潤荷蕊

居業齋詩鈔

卷八

續江詩集

里

龍寫其蜿蜒馬寫其奔軼以茲澹宕懷汗漫列仙  
術譜出梅花笛繪就湘靈瑟潑墨爲仙棗或有如  
瓜實不然摹黃庭彷彿其什一與耐爛熳書縹緗  
充一帙五花入我夢日者卜云吉拜手謝故人長  
吟而抱膝我我黃鶴樓煙波何蕩潏閤筆李供奉  
司勛罕儔匹何當再躋攀共君語移日假我以如  
椽藜光下太乙

寄張五

大每百川歸日夜此奔放萬古青濛濛炎風司鼓  
盆幽性之所宮厥族故殊狀鱗鬣可四尺鰭骨

二丈陽烝歛陰慘鯀溪司欽堊皇天覆露頗  
隙從冗長尉佗椎髻生盧耽隻履喪聲教逃中朝  
鬱塞千載上韓公迸逐來忤時以飢體我我鐵漢  
樓後起韓亭傷古之有道者往往災无妄遠俗匪  
所能宵壬工訕謗鈞軸動齟齬寘之於閒曠習坎  
惟心亨盪胸轉濶壯姓字壽圖經山川藉靈貺更  
歷幾滄桑祠廟今亡恙客子薦藻蘋俛仰色惆悵  
把君前日書憑弔知所嚮新詩擣拾還江天搔首  
望

安陸王進士全臣求志其母墓詩以送之

居業齋詩鈔

卷八

續江詩集

里

王郎采芹初其髮甫覆額濟楚章縫間函經趨講  
席賓興丁卯秋籍甚賢書冊甲戌雋南宮雲霄見  
羽翮我我進賢冠方式南征軼行行及里門慈親  
已易簪愴惻游子懷觸事感疇昔寢若鳥鳥號食  
若鹿齟齬護堦度夕陽惆悵心魄上堂侍嚴君  
屏氣滋踧踖奉勅營阡壟卜云石門眷泉下發幽  
光磐厥南山石乞言匪踰涯所斬質且覈千三百  
里舟東向草堂泊老夫久杜門蓬蒿三徑僻執手  
話舊游騷壇俱陳迹聚散良可念矧茲孝思迫  
槩慰所求副本度諸祐勉旃行道身孝思永無

贈郭秀才

郭生闕里游夏四月初吉搔首書雲臺瞻言蓬海  
日雞鳴肅章縫盥漱心魂栗拾級升曾塔鞠躬如  
有失裁裁行聖公冕服里門出裸將俱膚敏執事  
薦芬苾歲事沿舊章是日四禩一男兒產鄒魯勝  
衣象勺匹南楚一諸生歛觀舞八佾束髮慕昌平  
六十始願畢異聞招拾來富矣青林室

儒家雅好古往往栖衙門百聞不一見討論滋譁  
喧偉君此壯觀直源魯源邨剏逢廟禩日摩挲古  
爨罇車服與禮器一一咨聖孫宸藻章霄漢雞  
居業齋詩鈔

卷八

續江蘇集

田

嗶海雲驚草莽布衣臣仰瞻盪心魂北向九頓首  
咫尺天間噉垂橐購囊籍什襲踰瑤琨藝香恭贊  
校歸老刊水園譬諸導河者隨刊自崑崙

牛肝磯江閣落成爲作記繫之以詩

盤塘馬口山屋屨牛肝磯出江之涯如象如馬篤  
工疑歌帆側舵人涕洟錦纜王舟西征時中常侍  
兼羽林兒郵亭供張丁男疲吏牽百丈譴訶隨東  
南風起過斯須父老懼呼神功奇歲在丁卯肇祠  
基前朝尚書呂公爲紀夢薦馨苔蕃釐雙桓麗碑  
勤有司今年乙亥新其楣桂棟蘭楹辛巳櫛官制

釜廩士寃孽瓦墻石甃涓涓池曰若稽古無滯  
有庇于民則禩之坎坎者鼓悠悠虎眚冥恍惚神  
靈怡式過湍瀾潛蛟螭千春萬禩宮于斯特書紀  
事系以辭龔成最願肩豐碑

典裘行

典我篋中裘辨君江上舸英雄失路今白頭骭  
滑稽無一可輕財結客豪使君萬事向來俱計左  
懷刺漫感鄉里兒數錢官庫如炙輶岸幘仰視滄  
浪天羅雀門邊曉向我牽衣執手訊其人欲言不  
言淚雙墮我擊唾壺壺欲破曼聲長歎聯床坐眼

居業齋詩鈔

卷八

續江蘇集

聖

底小兒驕且惰安得丈人矣似火時無莊助朱買  
臣白黑混淆思仇頗行路難旅瑣瑣覓糈粲爲  
君傾祖君去鼓秋江柁

園廬載葺即事成詩

乾坤容鶴唳俛仰信鴻冥浩蕩春多雨光芒夜有  
星一庭高士榻四壁古人銘書帶盈堦草爲吾故  
故青

勞生亦已極何許慰襟期三徑求羊友五言蘇李  
詩鳥啼雲起處花放酒酣時潑墨成圖畫蓮池定  
習池

華咍從壯歲書屋此江干手撚薔薇露願豐杞  
餐出山真小草解組得龐安老作遂初賦滄浪一  
釣竿

韓城張景峰太史過訪投詩二章次韻奉酬

楚客治歸乘羣公惜雁行秋林圖嶽麓夜雨賦瀟  
湘馬首焚魚袋牛腰載筆牀故人招隱急舊業近  
潏梁

君上滕王閣滄江白露時寂寥孺子宅燕沒灌嬰  
池客路金天肅秋聲澤國悲郵筒八九舍老眼遲  
新詩

居業齋詩鈔

卷八

詩集

吳

小園渾一氣秋雨桂花時老尚貪螢幌兒俱戀墨  
池體羸嘗靜攝俗薄莫深悲盟類觀義畫紀年近  
有詩

步屨探花信巡檐趁鳥行黃精勤婦晒白小役奚  
湘微露清晨沆松陰假寐牀著書辭剗剗疎懶愧  
津梁

中秋

此夜偏無月張筵爲醉謀忘年呼小友  
過中秋陋巷橙香到疎林柿葉收老夫渾漫興行  
事說南樓

忽忽中秋夜冥冥細雨時瀟疎一父老閑靜弱男  
兒驟冷添衣數常貧酒遲清輝霄漢上又是隔  
年期

不淺阿咸興銜杯到五更詩成期月出雨過受風  
清果實紛紛列燈花故故明明年此譙會爛醉武  
昌城

送日者旋里

黯黯滄江別蕭蕭白髮人生涯嘗道路骨相老艱  
辛薄俗攢眉過神交把臂頻故園三逕在雪裏看  
松筠

居業齋詩鈔

卷八

詩集

七

不寐

黯澹過今雨淒涼老樹聲驚難方輟伏鼠輩滯縱  
橫紫氣憑誰見蒼天不肯明君平能熟寐無復問  
盧生

尚恍尚如此勞勞何所求乾坤萬事過身世五更  
恩薄酒醒殘夜孤眠冷徹衰不成蝴蝶夢搔首愧  
莊周

嵩嶽山以觀詩

東衝芳草路竟負隔年期月冷簾堂夜雲沉  
時遺文殘篋在絕筆老僧知寂莫千秋後

尺碑

水碓春猶急柴門晝自開他時座客滿今日幾人來宅種桃千樹塵封筆一堆桐棺成馬鬣好並鮑家臺

清磬黃牛院聲聲到枕邊蓋棺勤道士拊石酌山泉日落千峰晦香升一縷然令威如化霍華未嘆何年

撥悶

尚有荒園在生涯亦未窮酒能令耳熱文足愈頭風樺燭松脂代萊田菜甲充門闌從寂寞也似漢

居業齋詩鈔

卷八

靖江詩集

哭

揚雄

喜雨

憂時方學稼喜雨遂名亭月令過芒種農祥驗畢星江流河驟綠山色洗餘青貰酒園丁到花間注瓦甌

萬物蘇時雨懽聲農圃多倉無勞礪詔果不貸監河薄種安桑梓餘霑潤薜蘿連朝翠宇禱一夜此滂沱

次潘仙草韻

隱几江聲到釣簾野色侵膚雲彌嶺岫紫滴徧蹄

岑米價平還減萊田簪亦深柴門逢老圃鵲噪天佳音

紫荊花大放率爾成詩

歲寒曾見汝骨立抱冰霜粲粲今炎夏依舊草堂頗能容俗客時復吐微香瀟灑孫枝出來年共我長

東漢陽張明府

苦憶故人徐孝穆封書寄與藉扁舟漢陽一夜桃花水吳客千帆鸚鵡洲友道天涯存管鮑詞場我輩忝曹劉包山洞口煙霞路爲破蒼苔款竹樓

居業齋詩鈔

卷八

靖江詩集

哭

東懷周太史安侯商山隱居

武功太白雨靈靈沾灑商於曲巷檐蟾飲涼秋仍老樹螢暉子夜正疎簾形骸漸覺窮居放氣韻偏當晚節嚴方外有人觀象緯比年爛熳少微占逃名迹跡久荒郊不用諄諄解客嘲皓首羞稱長樂老素餐幸遠大官庖生涯水碓充臧獲風俗山隣互犬貓史局他年摻隱逸紫芝深處一書巢蝸涎古跡逍遙館熊耳高峰竹樹蒼暖日鷺行人漸少秋風鱸膾興偏長品題已過孔文舉骨相不妨虞仲翔書札頻年當路絕安車定不到山岡

扶杖北山曾採藥，偏逢老友過門時。牀頭牘有  
家酒浦上，徒逢漫叟兒。畫舫清風千里路，細簾落  
日五更思。羞肩把袖雲霄迥，鬢鬢年來入夢疑。

呈朱即山先生

河間禮樂廣川經，油素揆來目未停。芍藥欄當滄  
海日，芙蓉閣直紫微星。金臺人物收廊廡，酈注山  
川入畫屏。數澤張羅少遺逸，劉黃賈島並充庭。  
澤宮類水入青霞，郡國車書自一家。骨鯁匡時思  
李絳，淹通博物問張華。蒐求三館金閨彥，得上九  
霄銀漢槎。水鑑朝朝懸使院，還將爐鼎煉丹砂。

居業齋詩鈔

卷八

歲時雜集

平

韓軒拾拾史，臣功話俗方言歷歷通。慷慨最憐燕  
趙士，沉雄猶是漢唐風。誕敷古訓虞周上，直使諸  
生鄒魯向。棧樸菁莪歌雅什，年來氣象已昭融。

潘仙草過訪

羅雀門闌隱杜蘅，何人曳履破柴荆。儼份侍側堪  
行酒，沮溺同鄉且共耕。曲巷雨深塵草榻，連宵花  
放短燈檠。科頭晏起疎慵慣，倒屣今朝此一迎。

歲暮襟懷次虞山集中韻

水壑霜崖野燒煙，柴門竹迳總蕭然。汗青事業  
頭篋斑，白生涯谷口田。世路驚心三寸舌，人

臂一囊錢。寒梅解向吾廬放，遲客攜琴撥五絃。  
典去鸛鵲為醉謀，又添南郭酒家籌。青燈夢到揚  
雄閣，白露悲殘宋玉秋。辟地自堪門似水，途人何  
苦曲如鉤。簑衣箬笠籠安穩，風雨寒江一釣舟。  
鳳池虎觀已茫茫，襟記西京仍感傷。見說張弧車  
載鬼，謾言教弩賊擒王。朱游耿耿諱青瑣，桓典斷  
斷費阜囊。有客掉頭煙霧裏，杞憂搔首眺滄浪。  
塵世銷魂有雉羅，冥鴻絕迹竟如何。異聞百世陽  
秋在，名士千年草澤多。閑戶久無乞米帖，仰天時  
作苦寒歌。江潭憔悴人垂老，短髮朝來鏡裏皤。

居業齋詩鈔

卷八

歲時雜集

平

對雪

雪裏紅梅作杏看，烏皮几隱鹿皮冠。荒江老我將  
殘臘，濁酒留人過小寒。舉俗久如雲漠漠，貧家猶  
有竹珊珊。扁舟未發興先盡，寄語戴逵行路難。

讀王學正懷嶽樓集

曾聞摩詰詩中畫，展卷今朝信有神。醒酒嘗過青  
眼客，卜居惟傍素心人。鶯聲草樹春雲裏，雁影郵  
筒遠水濱。古意尚留懷葛在，生涯爛熳總天真。  
蘊香鎮日依青史，人物千秋冷眼中。長樂老儒多  
壽屏，冶錢郎竟一簪空。嘆殘嶽麓長奇計，龍極膏



梁祇詐忠大往小來紛轉轂勞君拮拾入詩筒

雪過毛禹九山房

昔我直承明汝父游京雒下馬拭征衣  
焚薪炙菹  
矯勞問諸故人一一安丘壑燕市淡易酒張廷取  
次酌踰月告南歸旅懷慘不樂  
張先公傳剪燭  
為商畧龍泉歷險艱沙縣仍盤錯拙宦老病身言  
旋祇垂棄賤子守窮巷堂構慙丹雘到今豚犬兒  
頭顱俱小弱余時為贈言需毫滿揮霍君年甫強  
仕胡乃話落魄男兒志雲霄豈終飽藜藿祖道出  
青門行行之廣漠里門寓報章為我慰寂莫亡何  
居業齋詩鈔卷八續江蘇集

卷八

續江蘇集

五

玉樓召桐棺草土着汝姊吾家婦禮法儼鍾郝無  
祿又黃泉孀母拊其鄰兩家王謝交生死誼不薄  
今我展先壟汝復酌漿醑衝雪過汝門黃昏具羹  
臠煖我鸛鵲衰醉我鸛鵲杓嗟我縣車久衝門已  
羅雀尚有忘年友與我相盤礴爰作紀事詩爛熳  
留山閣

表先墓

寒山老樹鬱蒼煙坏土成封四十年沒世無慙名  
士表生平不愛好官錢上丁俎豆春秋永令甲升  
鉛日月懸豹尾螭頭兒特從焚黃兩到墓門前

雪壑霜峰冷碧梧先慈久附此山廬脫簪曾購三  
蒼宇畫荻嘗期五歲孤康吏家貧遠徑滿孀聞世  
亂涕痕枯一孟麥飯泉臺路腸斷岡頭返哺鳥

廿七夜

歸路指柴荆江頭已二更烏驚枝下馬犬吠雪中  
倉歲晏村春急林疎寺火明吾衰猶未甚僕僕此  
宵征

乙亥歲杪暨先大夫墓表驟雨尋大雪碑版

麓安經營未竟丙子春七日遣洛子入山

竣事

居業齋詩鈔

卷八

續江蘇集

五

表墓下山岡皚皚松楸雪迥寒逼歲除征塗行李  
絕迴瞻覆盆封元氣渾素蛻春晴命汝行筵衛循  
舊轍畚土塵石根屹如門兩模峩峩大夫封有兒  
衆開闢丙舍築未能墓田財數畷昨鳩鵲工典  
表貿一銚垂橐還江干廩粟則已竭長跼拜貞珉  
涕洟聲哽咽皇哉良史書忠孝之大節日星所照  
臨河水俱澄澈前臨萬仞峰萬古霄漢揭

先墓事竣

瑩壘四十春峰椒初片石義例仿龍門共言贊以  
嚴嗚呼先大夫有生誓馬革百戰保危城社稷功

赫赫旅櫬歸舊廬貌孤財二尺慈闈下我亂坎壈  
無寧宅九死幸一生猶肄兒書策不孝樗散材明  
光忝執戟貽恩再焚黃木主鄉賢祐雍豫宦游邦  
上丁俱展席沒世荷天休大書史歲冊乃知史世  
家薄厚視所積用告我後人祇承庶無斁

毛忠移室爲紀事詩示其二孤諷之

夜臺寂寞人桐棺淺土駐奄忽經十年秋霜復春  
露嬌閨荼蓼過鏡中髮已素眷言北郭莊占侯符  
馬步出門踰二里慈慈見雲樹丙子王正月日躔  
輟管度執綽引輜車兩孤尚孺慕杯土植松楸鳴

居業齋詩鈔卷八

五

咽對山芋逝者縹緗存山堂函雅故有友今史官  
大書毛公墓

新醞酌山椒生芻一以薦人生天壤間光陰逝如  
電古有向子平清言脫拘牽富知不如貧貴知不  
如賤死未知何如生亦非所戀太空自冥冥此境  
君已踐萬物象郵亭二氣司祖錢正月蟄蟲與二  
月倉鷗嘯溫風扇夏螢涼風歸秋燕虹蜺有時  
雀雉有時變達人返其真冷然御風善魂魄依山  
靈千春此游衍

送張景峰太史還秦

草草江湖會蕭蕭風雨辰驚行俱契濶雁跡幾  
塵一別金閨後頻更石戶春露綏寧倚劍折角祇  
餘巾土俗安推魯生涯遂隱淪因人蓋焚爨遠已  
足縣鵲地僻茹茶慣年荒采蕨頻今朝微緩頰已  
事歛愴神珥筆曾趨走難藜最苦辛典墳君問楚  
詩樂我觀秦時命宜畊稼筮占且釣綸素心徒自  
許拙宦覓難親賈誼孤危客揚雄寂寞臣知幾遲  
有悔率性慙難馴衷甲當途伏頭銜逐隊瞋由來  
冰炭異况復笑啼真攘臂應搖落抽簪合股貧有  
厘原竹瓦亡恙是松筠元亮柴桑賦漫郎樊口身

居業齋詩鈔卷八

五

兒令濡墨飽孫誨帙書勻秣秣春如雪盤繅繭似  
銀籠驚傾翰藻闢鴟亂溪蘋逕待求半侶耦邀汎  
溺人葵烹嘗永日藿食每兼旬狂士煙霞錮幽居  
鹿豕隣短衣聊看獵脫粟也留賓世業仍鉛槧家  
聲或席珍珍安希青鳥使遐慕赤城闔鎮月門羅雀  
孤吟背負薪乍聞傳隻簡旋見踏荒榛稍憇楓林  
鳴徐鋪櫺葉茵匡牀容促膝岸幘觀舒輦游記參  
峰上征塗漢水瀕寒雲諸葛宅皓月少陵振卽落  
孟亭好酒泉東井醇習池星暎暎羊峴石  
渚千帆鷁晴川萬樹鵝樓疑橫鐵笛裏尚出荆榛

鼓枕黃泥阪吹簫赤嶺垠流西塞砥新張北沱  
齋東躡康王谷南浮揚子津諸天垂瀑布五老鬱  
嶙峋寶氣豐城部戰場彭蠡濱五經俱鹿洞十木  
九龍鱗騰閣披襟徧商顏返轡循紫芝過角里芳  
杜述靈均方外悠悠到眼中簇簇新乾坤雙屐商  
歲月兩車輪誕漫狂夫劇登臨瘦體皺從茲撰杖  
屨便擬謝冠紳物色嚴陵瀨朵頤千里尊觀魚卧  
栩栩賣藥走僊僊景只依蜩蟬心猶怯虎蹲周防  
蟹類蠶豫遠瓊同輪幸得鬢眉懶何妨骨相屯縣  
縣除里布僅約絕街器野碓烏殘啄柴關犬罷信  
居業齋詩鈔 卷八 續江詩集 五

農疇安小正傳註詒先民旦鵬欣馮曉宵螢理冥  
縹薄帷蠅喙割矮棚兔兔駸里豈名通德舟營息  
怒嗔浩歌懷遠古搔首質蒼旻茶品陸鴻漸飲酣  
劉伯倫鶯花訓好友騷雅度良晨問字奉料對編  
李汲冢詢芝蘭幽更茁薑桂晚逾志輩上舉夔貴  
田間巢許淳於言予跨鶴屈指爾圖麟來往從寒  
暑行藏任屈伸故人倘相訊此義藉重陳

大司寇徐公輓詩

東海風蕭蕭崑山夜寂寥賜書厨老屋遺表上曾  
霄里第行人至靈牀法酒澆商聲盈震澤楚些出

中朝皇矣文章伯歸然冊府寮雁行超玉署魚貫  
珥金貂鼎鼎曹劉壘亭亭燕許標菰林推柱礎策  
萬里星杓輔叛暉堯壤饗颺叶舜韶搜羅九域志  
播拾八荒謠歲月紫霞鵬門關紅藥苗異聞接家  
墓汲引到漁樵鉛槧朋簪盍都梁廣廈燒鴨欄供  
從倚鶴圖志逍遙僊石貧交共懼論隱士邀拳甥  
心豁齒瓦屑譽垂髻博物今吳北冲懷古鄭僑榻  
名仲舉市且號公超喉舌君卿熱心旌元禮搖  
袂袞袞旅殯倒屣餐塗枵駟爲扶顛解脣因急難  
燕歸田瞻馬首行篋役牛腰祖席勤三省驪歌簇  
居業齋詩鈔 卷八 續江詩集 五

百僚踟躕煙水渡縵縵夕陽板濯濯河邊柳芊芊  
雨後茗萸萸千里足蝦菜五湖饒篝火包山洞疏  
泉錦帶橋續騷延屈宋端策訊京焦景避舍沙蠶  
啼防集木臬方言消魂礪別業湘芻蕘老耐蠅頭  
細閒看蠅尾驕犀難祛魍魎鑑定識瓊瑤皎月丘  
園曙卿雲草閣漂彈冠聞貢喜濯瀚說韓潮跡似  
斷景仙疑王子喬配顏雙靈簡龜手訂芬器自  
編成丈分曹載滿軺汗青欣有日頌元竟忘宵  
禹服森森列周疆井井條鴻裁驚虎觀大業壯  
駘楓陸臚傳下鑾披左席招幾將航諸

如鴉丹穴雞仍好瑯函墨已銷不材偏擁臍隨巷  
苦飄飄絕壑倚長劍橫江弄短簫關河神黯黯  
仰憾迢迢採藥寧疎放行吟自鬱陶傷心食碩果  
酸鼻寫生綃磨鏡行重研望衡儀一舸昔年別離  
處涕淚在詩瓢

居業齋詩鈔卷八終

卷八

浙江詩集

五八

居業齋詩鈔卷九

廣濟金德嘉會公

涉湘集

樊口懷古

次山中州彥豪宕稱漫郎惻惻春陵行少陵爲感  
傷隱居行其志乃在樊山旁罇罍得恠石爛醉而  
相羊從游者二子陶然如故鄉白雲隨杖屨寓公  
詩一叢寓亭千載後萬樹煙蒼蒼

七里山

嶙峋七里山下有古戰場楊公宋羣盜揭竿此跳  
居業齋詩鈔卷九

卷九

涉湘集

一

跟中朝務姑息養寇以自戕桓桓岳將軍天威獨  
肅將師行撼山岳令下日星光伐木君山頂爲筏  
塞湖汪蛾賊遂窮蹙藁街湖水旁視師七日耳露  
布上明堂宋運奄奄日厥伐莫危疆荒屯遺跡在  
落日飛沙黃

將涉湘夢周中允吳祭酒文酒會款款如舊

詰朝悵然有作

昔我同門友翩翩直東觀出入承明廬摩挲青玉  
案方言據九丘史筆討三館譬校曲臺書講席頻  
送難隻字折羣疑浩然春水泮蹉跎踰八載雁行

一以散賤子賦南征垂釣滄江岸晞髮草萊中短  
衣財及飢尋聞周公瑾洗沐歸里閭澤畔望京華  
往往若霄漢客言吳季子家食亦衍衍嗟此素心  
人泉石俱魚貫川原憾阻修歲月音書斷釣竿涉  
湘流長夜歌漫漫夢中一執手篇章仍點擷何當  
香山會垂老同宵旦眷言念居諸中天過羽翰晨  
興把筆牀極首發長嘆

新隄阻風

江許杜柴門欵撰湖南履黃州渚武昌兩岸煙霜  
樹片帆掛夕陽涉目頗成趣十月湖水平放艇一

居業齋詩鈔卷九

步韻集

二

朝渡青青九疑峰歷歷君山路緬懷王仲宣悠悠  
澹澹句叢綴所歷區祖述水經注於心愴無替朗  
吟朝復暮歸棹乃嚴冬同雲黯黯布七宵洞庭水  
旅人百憂聚靜言念微躬母乃徇瓦注岳陽樓以  
顏登臨不可賦東向黃鵠磯行行無返顧垂索磔  
寒江乃與朔風遇是時岩壑翁枕流而獨寤上山  
亦有芝下山亦有芋探梅聞雉雄然松照雞乳僂  
視濤浪間紛紛走如驚人生不滿百豈容一再誤  
我本巢許倫浮雲非所慕微纒繁泥滓直以虛聲  
故風伯毋不仁爲我息號怒明年謝交游荷組一

卷八

舟泊蘄州作

君不見前朝赤社荆王宮寒雲漠漠朝霞紅方花  
古碣牛礪角謾謾滿院松杉風嬾妃遯跡香火院  
王孫乞食蓬蒿中昔人簪笏趨蹌地今人荷鋤鉏  
畦菰鐵甲將軍此幕府材官韎韐橫刀弓大呼小  
遺無不可金鋪玉砌眠青驄嗚呼蛾賊猖獗藩輔  
空雒陽襄陽燒殘同烽煙楚府屬荆府侯拜寧南  
南逾凶白頭宮監俱黃土天寶遺事滋憤憤頽墻  
廢井銅駝憾江上惟有垂綸翁

居業齋詩鈔卷九

步韻集

三

西塞山

江水漢水滂東注一山砥柱差回旋成削嵌空華  
嶽掌波濤瀕洞彭蠡天呼吸可以通帝座孤根沐  
浴蛟螭涎龍鱗豹鬣含蒼翠今古更歷幾桑田吾  
生汗漫頗好事奚囊繫肘節隨肩桐帽棕鞋自弱  
冠江頭華髮吟垂顛登臨絕頂拳蜩宇安得泰和  
摩崖鐫

呂蒙墓

沙陽抔土穿狐兔行人指點呂蒙墓白衣搖櫓何  
所成萬事都已泉臺錮斷斷唇齒自剪剪約二

臣漳河路咫尺烏林舊戰場將母地下慙周郎

登岳陽樓舊址歌

我欲攬取白雲九疑峰峰峰都入洞庭中上湧湘  
山纍纍之螺髻下覆瀕洞不測之龍宮手拄仙人  
方竹杖杖頭杖底光熊熊湘靈鼓瑟鈞天奏溟滓  
沆瀣凌蒼穹鐵笛老子珊珊至竦身直上乘天風  
劫灰飄忽荒蔓草頽堦壞礎斜陽紅乃知東方豈  
倩大言耳十洲金銀宮闕將母同神仙窟宅且如  
此何況區區人間多錢翁盈虛消息如轉轂請看  
春燕與秋鴻十九年中三致千金亦何益何如利

居業齋詩鈔

卷九

涉園集

四

山兼伐石還使岳陽之樓高百尺

舟泊西塞山下

聳出曾霄上天門呼吸通停雲迷鳥道倒景逼蛟  
宮怪石江聲裏空亭樹色中客心當此地偏喜石  
尤風

湖泊漁戶

野澗樹蒼蒼人煙荻葦場土風無版築家具匪倉  
箱翁媼簑衣製鯢鮪瓦釜湘不知城郭處戶口是  
安鄉

水天渾一氣澤畔雨風餘地勢蛟龍窟人家舴艋

居曲眩偕狗彘胼手競樵漁生齒滋蕃息桃花洞  
口如

水落聊栖泊春浮別有家終天違木石墮地侶魚  
蝦野爨煙三尺宵燈雨一涯如何鄉俗語卑濕止  
長沙

憶汾子

洞庭風雨夜有夢到衡門黃竹深三徑青燈獨一  
卽貧家饒典則祖訓遠雞豚涉獵兒龕記遲吾細  
討論

憶孫

居業齋詩鈔

卷九

涉園集

五

短髮人千里長吟夜五更客中新雨後詩裏故鄉  
情步履逢花放開軒得鳥鳴最憐孫學語頭角也  
崢嶸

夢過啟江讀書精舍

憶汝談經處江聲入磬聲秋風迎雁字春雨過鶯  
鳴藿食僧爲侶蕉窗筆代畊別來曾幾日夢裏繞  
階行

舟旋

汗漫江湖慣十年重渡湘雨風孤白舫圖史一青  
箱耿耿寒燈焰悠悠夜漏長未衰仍好事採藥慕

衡陽

雪

同雲八百里涵覆洞庭湖一氣混濛合九江支派  
無龍宮深澤洞鳥影絕平蕪有客雠生詠冰心在  
玉壺

望君山

楚天歛雨去雪半夜滿湘山縹緲一孤頂微茫十  
二鬟霏霏濤浪裏脈脈竹松間亭午炊煙出黃陵  
廟口灣

布袋口阻雪

居業齋詩鈔卷九

涉湘集

六

客程留滯久衝雪過三湘清入孤衾夢寒生瘦面  
光輕舟還正好鎮日卧何妨且喜邨醪近開頭向  
岳陽

阻風

行路難如此終朝高枕眠不堪當下水况復逼殘  
年歷歷還家夢蕭蕭碍客船黃雲迷咫尺幾日到  
晴川

攬岸還傾側撐撐三老難雲迎雁北向風送水西  
瀾數米炊簷飽加棉卧小安新隄卑濕地何處可  
憑欄

侘傺殊無謂颺颺尚有加攤書都簞蕩作字半欹  
斜奇貨居爐炭珍羞度簋蝦倒囊謀一醉茗芋即  
吾家

豈邀膝閣送只似剡谿還盤礴衣全綻跣趺榻半  
穿占雲推曆日候氣卜筵算萬事岩栖穩垂綸一  
釣船

又阻風

號怒還無已霽威能幾時挾雲俱滯滯過水故遲  
遲作意凌羈旅橫行府怨客退飛六鷁後孤棹此  
江湄

居業齋詩鈔卷九

涉湘集

七

肱枕髮繁繁項強不可探東征程甫半西向讓浮  
三逆旅思千緒騷人賦一函往年梅鴈下斗酒對  
黃柑

泊岳州

岳州十月雨冥冥絮帽臨風向洞庭遠樹低垂殘  
水白寒雲濤入九疑青魚龍湧洞詢湘老屈賈淒  
涼弔古亭傍岸人家新釀熟短燈檠下汲菟瓶

舟次綠溪口東懷李巖詹表兄

坐客無羶十二載朝朝水飲汲蕪湖爐邊煨芋偕  
僧否雨裏尋花載酒無悟後應書莊叟與來合

寫輞川圖請看淺水蘆花夜極首江天一釣徒  
草閣栖遲已七年短衣又到此江邊買書客夜添  
兒課沽酒人家穩獨眠垂老欲聽仙子笛得閒來  
泛洞庭船篋無長物爲君寄攜得紀行詩一編

涉湘

乾坤浮晝夜星日薄魚龍烏渡垂千里青青只數  
峰

白田鎮

白田蕞爾地荆湖古戰場廢興圖史在陳迹已茫

五代梁開平四年荆南節度使高季昌敗馬  
殷兵于公安之油口追北至白田鎮

居業齋詩鈔卷九

涉湘集

十一月廿五夜

一葉湖中央浮生百慮息下有浩浩流上有蒼蒼

色

衆星一水夜欹枕獨醒時物外瀟閒極何人鐵笛

吹

雪朝懷古

白玉成天地驚山好聽鐘幽人心胆澈赤腳踏曾

峰

湖夜

司晨亦無雞求旦亦無鵲冥滓一氣中茫茫

淪奔湊萬支流九江第崖畧  
有舟容萬斛不如一畝宮所以古釣徒蘆花淺水  
中西塞瀕江岸舉頭知西東

綠溪口

白雲湧綠溪白鷗溪雲裏浩浩東北風兩岸吹蘆  
葦夜永盪輕舟漁燈散空水

釣童山

牛肝磯下水潺潺斷口扁舟四月還黃葉萬峰霜  
落後掛帆又上釣童山

魯肅灣

居業齋詩鈔卷九

涉湘集

九

拒蜀屯兵駐楚山長風積布總江關孫郎版籍歸

曹後衰草斜陽魯肅灣

蘄州城外青樓故址

前朝官妓此爲家十里緇簾一水涯江月有情來  
照夜宮人斜畔野棠花

孝山故居

蘄州城有木某亂離後漂泊蘄東百里外江邨  
隱于醫雅與士大夫文酒遊更姓樊字曰孝山  
荆府名妓某工畫蘭楚楚有致酒間曼聲度曲  
能說開元天寶故事孝山寵之遂妻焉與之偕



老已而孝山病廢歸蘄結草廬以居今燕沒矣  
白頭宮女嫁王孫一陋巷頽垣煙雨昏  
梳茗爐香曾此地琵琶一曲客銷魂

次黃州

風帆沙鳥黃泥渡煙樹霜花白板橋  
聽得洞簫兼喚鶴蓬窗都寫入詩瓢

漁父詞

年年把釣竿無冬亦無夏  
潄潄清冷淵廊廡嶄岩

下無炊爨可餐無棉草可藉  
瓦盆盛酒寒水神得魚換米富兒舍江頭尺地長子孫幸無催科吏打

居業齋詩鈔卷九涉湘集

門

牧童詞

簑爲衣箬爲障朝朝暮暮青芻上  
短笛牛背吹相向飯牛藉草問云恙  
瘡憂卑濕喘憂場牧人爲牛寧下卷  
汗牛不惜如雨流畝糧井稅望有秋

樵夫詞

長條可攀短可莖青山望望腰鑣過  
及骭短衣肘後破糠粃晨餐亭午餓  
偃僂束濕口頻啞努力負芻下山根  
縣隸焚衣黃葉邨

春粟詞

朝隴首夕杵白婦任簸揚姑任帚  
大兒荷擔小兒負主伯持籌箕升斗  
輸向官倉期恐後歎體藕蕨今年過  
明年貸粟布田禾

振柁詞

賽水神候雲氣振柁開頭從指臂  
粵羅吳練估客裘長年三老夜無寐  
江防有樓高插天宵燈暮鼓亦兒戲  
有船灑掃載官家官貧圖書總一車

洞庭口號

列宿低垂光一川寒雲裊裊月娟娟  
千帆散落鴻濛裏安得鍾聲到客船

居業齋詩鈔卷九涉湘集

湘水六章開流穴也

土

湘水滔滔汎汎其舫大婦盪槳小婦前刺篙  
翁媼涕唾拊摩黃口號舉族行矣遠彼樂郊

豈予望兮汶山瞿唐灩澦水潺潺如象如馬阻且艱  
聞有蹲鴟山之顏蠹蝥不得到其間逝而逝而沒齒無當還

沒齒無當還

狐死猶首丘人生乃如兔筭露籃縷懷新棄故田  
廬雖已汙萊豈無高曾冢墓哀哉三戶人行行竟流寓

蜀人歸蜀前年路哭厓屢次且左擔紮足其險也

如此故鄉非所欲汝何人斯舍車而陸輕去其鄉  
其欲逐逐疇則汝毆逆征不復

一生九死流疇戾止迺難蒿藜迺理春日子  
耜田峻至喜回望故鄉湛湛者水丁男大無邨落  
墟只上官按圖魚鱗馬齒杞人之憂蕭條桑梓  
誅茅伐竹麓安仰眎星斗關干櫓拙煨芋言懼故  
里來日方艱小家擔負俱殫課最誰佐倪寬辟地  
可以盤桓請君無歌行路難

居業齋詩鈔卷九終

居業齋詩鈔

卷九

涉湖集

三

居業齋詩鈔卷十

廣濟金德嘉會公

江州集

客有話白公草堂者賦詩一首

青衫司馬宅寂寂白雲中社許高僧入詩教老婢  
通荒臺猶竹露古院自松風飛瀑無今昔朝朝正  
練同

庾樓

望中積雪康王谷落日寒煙萬木蒼舒獻古臺蕪  
沒久危樓猶此鎮潯陽

居業齋詩鈔

卷十

江州集

琵琶亭

元和學士青衫淚偏向長安老妓零一曲淒涼千  
載後江風江月滿空亭

陶祠

靖節祠堂已寂寥柴桑城郭莽蕭蕭東籬采菊詩  
篇在甲子于今又幾朝

九江關

武昌東下掠蘄黃屈指金陵是戰場板子磯頭  
鎖鑰將軍跋尾過潯陽

再登庾樓

憑欄俯江州滔滔九派流古人舒歎處今日放歌  
樓五老分佳氣三吳此上游春風芳草綠客子爲  
淹留  
層樓城郭上吳楚望中分嶽色尋常見江聲晝夜  
聞市荒無估客野濶有官軍暇日重遊此衣沾雉  
堞雲

雨

春江二月雨應節始聞雷虛閣晨昏望匡廬黯不  
開驟寒添袷褐緩步破莓苔旅次瀟閒極流鶯故  
故來

居業齋詩鈔

卷十

江州集

病肺

垂老江湖客蕭然傷故人薄寒初病肺不寐頗傷  
神藥餌貧還足鬢眉懶更真南窗風雨夜苦憶小  
園春

朱使君勉余寫真賦此謝之

如何此骨相畫史肯成圖辟世疑商皓貪書類賈  
胡不才偏得老何物與爲徒曾寫杜陵句乾坤一  
腐儒

次葉秀才韻留別

狂夫潦倒滄江上攬鏡蒼顏久未歡庾亮高樓來

弔古陶潛故里話辭官短衣疋馬看何事長劍單  
車興已闌行篋蕭然無長物歌殘石鼓妄希韓  
高士南州徐孺子逢人漫道魯諸生胸中歷歷龍  
門史眼底紛紛馬服名曳履何妨行北郭操觚且  
復向南榮編蒲過日然糠夜有志從來事竟成

盆蘭

檻外清香書裏來名花寂寂雨中開隱囊方褥朝  
眠穩夢到故園看幾迴

朱太守衙齋感舊悵然成詩四十韻

居業齋詩鈔

卷十

江州集

三

躬坎壈諸艱歷蹉跎百慮惜十年三止策廿載一  
飄蓬祿命楚騷薄酒人燕市窮 聖朝新甲令元  
老大司空奉詔羅邦彥論文泝古風不才趨北闕  
驟起冠南宮菰苑收劉焯詞場繼馬融西清頻授  
簡東觀許雕蟲姓字含香署頭銜太史公雞鳴班  
管直豹尾蔗漿蒙閣咲青藜火書成白虎通退朝  
時問字函丈日鳩工賞激嚴彭祖吹噓左太冲名  
園儲酒榼曲水繞詩筒春雪疎簾曙秋岩返照紅  
張筵談倚馬逸興數冥鴻哲子扶鳩杖諸生侍錦  
幃二儀旋晦景三徑滂飛峯負土侯芭戚招魂宋

玉仲望鄉黃葉候歸隱綠蘿叢歲月依修竹田疇  
足晚菰短衣行鹿柴岸幘對魚罾咄咄今狂客蕭  
蕭老秃翁地隣九派水天隔半江楓跨鶴尋神爵  
騎驢看畫熊使君迎倒屣燕語坐呼醺徙倚雙株  
桂婆娑百尺桐薔薇珠露浣松菊瓦盆豐蕉向層  
霄立蘭容襟佩充驚寒增短褐計口啖藪體下榻  
延徐穉傳經屬阿戎輓轡泉甃潔楮芋爐烘喜  
有米顛石嗟無曹霸驄壯齡茲出守家訓早提忠  
上俗間閭問先賢碑版礱惜陰陶侃後清履宋均  
同廉吏亭亭望窮交款款衰滄浪簑笠在別去采  
居業齋詩鈔卷十

江州集

四

江防詩奉朱使君

登聞已報潁川最守郡還當渤海如數澤夫牙難  
戶口江湖蛇蟠直遠慮冥冥霧雨蛟鼉竊寂寂煙  
嵐翹翹墟行部采風收上策便宜可獻治安書  
講武防江豐暇豫租庸間左歲時充將軍虎子藏  
油幕壯士鵬兒試角弓飛檄兇渠隨馬尾選徒吉  
日賦車攻輕裘緩帶黃堂守舒獻臺邊廣讌同  
邨樓江上應綦布方畧由來樽俎前軍募三科刀  
斗肅盜期八日藁街懸水犀勇捷船如馬金鐵鋒

銘石應弦賣劍買刀盧井在先聲禡魄已歸田  
璽書師帥兼文武五馬塞懷薄領勞選士澤宮懸  
畫墁隸民蒐狩豎雙旄鴉音樹從帝屢靜鯨沫江  
澄星漢高治行如君今籍籍中朝啟事有山濤  
百尺危樓霄漢上建牙吹角總雄圖歐刀肱篋穿  
林去綵線縫裾入市無頗似貌貅屯細柳肯容解  
軀作荏苒行間司馬真行法奏績疇庸有大夫

居業齋詩鈔卷十終

居業齋詩鈔卷十

江州集

五



居業齋詩鈔卷十一

廣濟金德嘉會公

釋覽集

小葦書齋

野性憺無營容膝處成宅萬里來滄江有范滙溪  
碧東南五老峰岩岩煙霞色厥構樸以堅引甃眠  
泉脉古礎莓苔痕頽架或蒙藹宗楠雜杉栴構檻  
謝凋飾資綠狼尾苔紫帶鼠筦織編籬限菜傭題  
額表書場荷鉏飽飯餘灌花先僮役畦畛縱復橫  
頗用井田畫坐客每忘言發書譙求益生理足圍  
居業齋詩鈔卷十一釋覽集

林曲肱亦已遠

平陽翟誠齋過訪

客自河汾來機棹荒江畔衝泥過草堂褰裳濕  
胛坐客烏皮几飲客朝至盱往事爲客陳中心  
悽惋哉我方伯公清德在江漢講壇籌夜火畢比  
聚童冠厠舍三百楹執經人受祭課義茂青箱一  
一躬點竄六經日中天學子春冰泮文治復古初  
卿雲歌復旦賓興庚子秋皇哉楚壯觀維新論  
材黃流貯玉瓚鱗次升岩廊彬彬若魚貫  
年譜輦下羣公讚嗚呼公往矣遺書藏里閭

佳公子煙霄挿羽翰操觚騷雅場時論比公幹  
裴綠綺琴拂拭青玉案東望天門山訪古舒溪畔  
雨中掛蒲帆投轄未能絆行登翠微亭酣飲爵無  
笑五月南風興披襟適我館

制犬

大有害於人窮凶者曰獒走無西東亂流而倖  
濟吠影恣馮陵賢愚同一例蔓延獒若獒厥凶亦  
不細黑白都混淆信信洩其情是物亦有初蛟蛇  
鍾厥沴伏陰岩洞間蘊毒萌芽綴犬也中肝腎狂  
發乃睥睨蓄人於無備往往涉顛蹶蛟於犬爲胎  
居業齋詩鈔卷十一釋覽集

遺懷用五平屬上去入成三詩

蒼蒼冷浪天望望湔沅水渠渠幽人居窈窕溟  
裏牽蘿沿松檜俯篠掃葉几鉤簾前峰遙奄有浦  
漱美繽紛辛巳花楚楚鵲在危檐都無管遺悶  
轉小喜開軒疇吾朋混沌礙甫里  
焚魚歸東臯閉戶悽悽卧蕭晨詠筵莖盤頰玩

坐乾坤恒屯蒙歲歲悔吝過撫牀隨傾危攢甌狗  
塵破紛紛翻飛螢瞬瞬認箇箇鴻鈞如輪碾空灤

互蕩簸蒙莊濠梁吟風風寓意大

儵然希長生羃羃浙白石晨昏煙霞間榭葉站槭  
槭凡材啞黃楊櫛沐獨觸厄倉鷓鴣溫晨鶻旦默  
亘夕陰陽無停樞蹉跎一局奕人非天真存踏踏  
噫喋宅聊從商顏翁落拓却物役

牝雞詞

書所聞也

雞司晨膠膠鳴東方未曙聽雞聲牝雞一聲萬事  
索桃笙艱晚羅帷磔君不見家如行潦夫如泥奔

君業齋詩鈔

卷上

釋義集

三

新棄故糟糠妻

射虎行

有虎有虎視眈眈野田白骨高如山俵鬼嚙道關  
閭間人命不得如草菅姑嘯婦哭烟漠漠下叫黃  
泉上碧落晨雞三啼天閭廓帝命巫咸下大索白  
額消魂走踉蹌俵鬼宵奔趨北邙千夫送喜萬夫  
慶音父老道旁笑啞啞只恐化為草中石安得異  
時飛將軍射石飲羽沒一尺

觀打魚

失魚跋扈骨如鐵鼓浪成雷沫噴蜺罟師縮項或

吐舌大船小船流欲絕利劍一斫頭顱血目眈眈  
奄賴尾折是日千人萬人悅取以充庖界饕餮饕  
子提顱走且呼丹青好手今有無盡作月支當年  
飲罷圖

吳山人餉海蝦

延陵公子好幽探鄂王城頭思交南蝦鬚四尺聞  
客談千接萬索充筠籃側身東望釣童山遺我別  
來雙魚函中有海物如春盤使我朶顱視眈眈荒  
厨麥釀財一既遶君憂五同清酣廣州記載舊所  
諸博物不抱虛循慙

居業齋詩鈔

卷上

釋義集

四

丁丑冬至

病起逢長至蹉跎又一年債深偏貰酒裘敝復裘  
棉子力參苓竭吾衰薑桂便不須思舊雨閉戶也  
悠然

衰顏頻攬鏡令節且加餐兒孝貧逾苦老催病更  
難枕邊羅筆扎夢裏蕭衣冠兩月科頭過殊難  
幼安

寒

骨瘦今如此如何又苦寒穩跌芒草屨  
冠饑鳥征方厲同雲族不攢荒村渾雪

袁安

小除

歸田書節序忽忽七年過梅說孤山好芋推衙岳  
多冰澌喧水碓野燒滌岩阿亡恙寒松柏龍鱗手  
自摩

春興次覆瓿集韻

春寒積雨日鳴鳩極目園林綠漸稠筆扎柴門供  
稗史蹲壘竹鳴遲名流蒼顏瘦骨荒江老坐數行  
吟滿地愁風俗清明家上冢連宵夢裏見松楸

長風積布亂雲封赤壁青林紫霧重洞壑古應饒  
居業齋詩鈔卷十一釋奠集

五

五

杞梓江湖春合變魚龍卜居詹尹多年識采藥龐  
公何處逢雙汲小僮簷鮮事藜羹麥粥按時供  
瞻蒲望杏紀年芳表褐依然襲舊裳長物貧家惟  
惟石幽懷癖好是名香衙門羅雀隣原少曲水觀  
魚盡儘長今雨少陵殊寂寞祇看燕子入雕梁  
潦倒居然阮步兵陸沉歲月累浮名銜星劍匣龍  
仍在映雪簾櫳鶴自鳴往事酒人燕市即昨游詩  
句岳陽城荷鉏種樹渾無賴厄閭黃楊也復生

惆悵

壯遊蹤跡逐飛蓬歲月自自醉夢中三輔春雲槐

陰綠九衢夜雨杏花紅濡毫清切金莖露鮮謁追

隨玉筍風惆悵年來無一事草衣芒屨此墻東

邸舍雞鳴盟激行天曹通籍棄繻生螭頭詔下龍

樓宴豹尾騰傳虎觀名開閣三公當北斗盍簪羣

彥逼西京幾年契濶分霄壤惆悵江流夜有聲

彩毫惆悵日遄來荏苒年華霜鬢催三禮校讐存

講帷九丘擣拾入蘭臺寶篋也折潮亭柳詩句猶

傳東閩梅厚祿故人天尺五衡陽雁影覓飛回

惆悵星輶萬里游舞依南斗望神州漏天細雨冥

冥夜齋地涼風颯颯秋客以寓亭殘燈尾聚輕行

居業齋詩鈔

卷十一

釋奠集

六

簪一羊長江湖不淺登臨興返棹經旬黃鶴樓

至今惆悵暮雲天寂寞荒江春可憐踏草青青蘿

逕外書空咄咄竹聽前狂來煉藥臨丹竈醉後披

簑上釣船結客但期如二仲藜羹麥粥可年年

聞西渠舉進士志喜

榜下知名九域謹郵筒何日蒞長安廟堂今試董

生策草莽思彈貢禹冠古籍警殘財入直陳言去

盡始登壇往年案筆論文處藜杖光分過藥欄

同

祖道賦詩行篋在行間字裏見天真愁看我向

泉老恨不身為獻納臣別後每偕高士夜談來猶  
覺草堂春天涯此誼今寥廓古處交期信有神  
蘭臺石室清華地安得齊年拾級登儕伍王楊吾  
豈敢衙官屈宋爾真能春來羽翰偕威鳳秋老騰  
騫信大鵬聞道曲江新燕會南雲五色已前徵  
期九月

述夢寄胡抑齋

肱枕南村老樹林故人夢裏一招尋鬚眉又對荆  
高酒囊索還分管鮑金草屋今年春社過蓬池舊  
雨夜燈溪殷殷短扎郵筒寄數寂寂江天抱膝吟

居業齋詩鈔

卷十一

雜集

七

邨居漫興

滄江滌沔涵春暉陳厓頰洞揮翠微杏花柳花邨  
舍出遠浦近浦漁船歸寒雲澹澹覆竹鴨古苔鱗  
鱗蒙石矶晨昏杖屨遲二仲莫遣輪蹄踪跡稀  
鬢鬢鬢鬢素莖生荷蓀戴笠溪山畔煙芽雨甲蔬  
吟出松肪竹根蘿石橫林除楚茨地三畝割記夏  
令書一羸鉤輶鶴鳴喜南向郎事田父詩又成  
語麗聲斷荷葉簪平浦激漠漠天冥冥不驚蓬古  
窟宅蠶頭簪中宵沆瀣冷軒駒桃笙客瘦牖盤鱗  
井檻花覆亭東方生自隱朝市不知何人稱歲

鴻冥蟄屈歲月長石牀磁斗風蘭香邨西邨南水  
潭潭樹底樹頭烟蒼蒼病起充囊三茅术春來服  
食九節菖蓬山緩嶺不可到踵武龐老來相羊

題鴻爪集

高丘遠海幽尋徧鐵笛瓊簫雲漢槎雙屨曾沾銀  
地雨一筇尚帶赤城霞幾年天姥徒勞夢一旦仙  
宮竟可家篋底紀行詩句在紅泉飛掛杜鵑花  
落屐亭荒康樂後白雲一剎也榛蕪中天忽踏羊  
甌壑絕頂真探雁蕩湖五月龍湫山雨漲千春鳥  
道客星孤僧雛好事冥搜極應寫開山一畫圖

居業齋詩鈔

卷十一

雜集

八

寄吳東明

俯視三千六百丈飛雲峰頂振衣時海涵日出蒼  
烟合山逼星芒紫翠垂仙去城頭羊跡在客來樹  
杪雀聲知韓亭蘇榭都亡恙苦憶先賢俎豆祠  
七十二峰登至再具區水正落西山龍蟠蟠雲  
千岫玉柱金庭雪一灣二月梨花含宿雨六晴竹  
乳滴屏顏前賢篆刻猶虛左灑翰題名伯仲間  
三十年前襍被輕同舟鼓柁賦東征疎鐘夜半金  
山寺積雪冬深鐵甕城過眼乾坤詩句在關心景  
物夢魂驚倦游偈側牆東久萬事消除一酒觥



江干谷口並幽居。牖戶清光切太虛。年稔翻愁萬  
米價客來祇可罄。儲蔬養生合寫黃庭冊。過日應  
離素問書。斗柄東回風解凍。春郊步屨絳人初  
老我田間兩鬢絲。十年無夢到蓬池。鈔書蠹簡兒  
皺手學語芸窗。孫解頤萬里江聲水畔後千林雨  
色電來時期君泥飲松筠。鵬把讀新詞當竹枝  
老乞丹砂爲駐顏。命宮磨蝎早多艱。行過三舍梅  
花地。夢到八公桂樹山。仙掌金莖霄漢上。蓬壺紅  
藥水雲間。故人南雁無消息。與子荒江看白鷗。

孫業訓初有外舅

居業齋詩鈔卷十一

釋覽集

九

冰人鵬月撰良辰。彩筆裁書問懿親。馬貴烏衣江  
浦巷。雀屏錦幄縣城閨。兒從父立聞詩禮。祖爲孫  
謀及藻蘋儀物。芟芟筐篚具雙僮。遠去歷堦陳  
重孫。咄咄炯雙眸。被褐婆娑竹瓦樓。語客何妨默  
奉倩。疏名且復慕莊周。老夫素族門閨靜。時論賢  
豪地。望優見說蔣家三。運好幾時乘興訪。羊求

黃山吳祭酒書至存問。竊巷殷勤悃悃進。

念舊游成詩五十韻。却寄花嶼山莊側身。

東望情見乎詞

首知心友黃山古處賢。風流勞瘁寐然間。把詩

殘疇昔西京會。晨昏北斗邊。螭頭雙彩筆。虎觀並  
青氈。騷雅襟期叶。虞歌項背聯。折衷三禮注。擯拾  
九丘編。落日然藜杖。疎星跨錦鞵。石渠無素飽。汗  
簡必精研。絕俗方言採。冥搜日者詮。退朝曾洗沐  
羈旅竟沈綿。瀕死交情見。餘生友誼傳。涕洟司藥  
果。慷慨割餐錢。小愈扶羸起。重逢喜欲顛。改容若  
走卒。動色訊筵筵。籌涸轍財蘇。鮒高林。歛下鷗。數奇  
嗟李廣。謀拙愧焦先。吉士卷阿日。幽人澤畔年。乾  
坤隨廣廈。霜雪壓孤挺。影已含沙射。身猶抱璞旋  
輕裘殘敝帚。短策曳空拳。去去尋愚谷。悠悠信直

居業齋詩鈔卷十一

釋覽集

十

弦艱難文舉惻。憔悴少陵憐。集穀言歸矣。采苓幸  
舍旃。青門張祖席。綺綺梓梓詩篇。廣武冥冥雨。洪河  
漭漭烟。壯游俱夢耳。往事總徒然。竹瓦黃門路。松  
皋赤鼻嶼。柳塘萍泛泛。荷沼葉田田。鐘磬前朝寺。  
綸竿淺瀨船。陸通狂亦得。元結漫尤便。瘦啖寒雲  
鵲。清吟吸露蟬。蛙燕在馬齒。壁立走螭涎。恒福恒  
垂絡。樵蘇或藉稍。泥香巢燕熟。花菜啣蟲蟻。夢寐  
邛醪醉。方冠野製妍。飴舍孫接武。復出乎佳肩。伏  
櫪閒誇驥。開軒戲卜鱣。送窮舌盡盡。懷老骨金金。  
番畫王摩詰。丹經葛稚川。守雌林樾樾。齊物論。

望遠覽十洲島懸圖五岳巔昨聞湯嶺嶠已著祖  
生鞭齒苔琴牀益硃砂研匣泉承明今入直磻戶  
更誰牽鳳翅人看翥龍光自應驪朋簪槐市盍簪  
碣詩堂鐫壁水逢逢鼓雍宮濟濟筵藥欄萌玉筍  
院燭賜金逆景運躋懷葛詞臣侶倜傥洞庭隱逸  
者聽樂奏鈞天

汪訥菴使至惠寄方書存問窮巷却寄五言  
長律二十韻志謝

古處黃山老神交楚水濱片帆來使者七澤訪騷  
人爛熳列仙宇康強大耋身迢迢思遠道惻惻露  
居業齋詩鈔卷十一 釋覽集

卷十一

十一

天真疇昔班荆地蒼茫近市隣彈茶憑渠几漉酒  
藉絺巾壁壘曹劉上賡歌皮陸頻揮毫摩長史著  
論逼先秦抱璞渾無價濯纓思絕塵我行衡朔雪  
君去守松筠契濶三千里調飢數十春日邊聲遯  
友夢裏志依仁歲月詩書度門關鉛槧新癡兒攀  
驥尾令子躍龍鱗警校辟靡禍婆娑槐市齒文明  
周鎬雒月旦漢陳荀拙官辭囊粟歸田理釣輪槍  
關羅雀候高枕卧疴晨緬想青牛過行看白鹿馴  
腰舒元亮歎耳聽少陵墮郵事財難助窮途信犬  
信耽經抽蠹簡嘗藥薤荒榛玩世今禽慶清談舊

許詢方從肘後出訣自掌中輪欵起膏盲銅過回  
祿命屯養生窺有主泛愛濬無垠墨試米顛研茶  
烹陸羽薪恭承十賚詔敢弗五官忘勾漏丹同壽  
安期棗並珍服膺懷繾綣搔首視青旻

市隱

躬畔何必南山南近市吾廬靜亦甘竹鳴吟風塵  
不到燕園聽雨懶仍堪悠悠白眼恒多暇落落蒼  
顏故少慙驟寫飛鳶兒子戲徐聆飲憤老夫談浮  
雲入夢人無數皓月臨觴影共三家勅行當區丙  
舍戶繇且喜逸丁男盤盂渾饜庾腴味卷軸頻擦  
居業齋詩鈔卷十一 釋覽集

卷十一

十一

汲冢函腐草螢生客幌度香醪蟻泛着奚探指願  
卜肆逢端筴緩頰隣村看浴蠶一扎無勞通吏部  
手栽五柳已鬚髭

墨浪山人輓詩

少小翩翩家素封芝馨蘭茁玉爲容雅青褶子驚  
黃履蠟鳳剛成戲畫龍

喜談投筆棄繻生長劍倚天夜欲鳴大壽府中嘗  
左席參軍記室也知名

興盡歸來兩鬢霜篋中賸墨寫鍾王兔園冊子低  
頭話小學爭傳急就章

手種黃柑並戶高蕭簾坐雨面東臯大癡絕筆丹  
青隱猶有故人看竹濤

野棠花裏酌新塋麥酒沽來纔一罌地下逢君知  
已少半澆阮籍半劉伶

積雨濛濛萬柳垂荒郊鎮日嘯黃鸝桐棺三寸泉  
臺冷表墓歸然黃憲碑

丁丑除夕

招拾瓢中今歲詩衙門緩步向江湄貧應同谷稼  
黃獨老合商顏拾紫芝帶索自成高士傳買山誰  
乞故人資焚魚學士書牀在一字何曾可救飢

居業齋詩鈔

卷十一

釋夢集

三

居業齋詩鈔卷十一終

居業齋詩鈔卷十二

廣濟金德嘉會公

鄂縣集

鄂縣覽古

樊岡時極目木葉下秋風無復御溝水猶傳安樂  
宮微雲松嶺碧落日釣臺紅割據雖陳跡孫郎故  
已雄

草色江聲裏當年幕府墟曹休奔北後陸遜凱旋  
初御蓋張臣舫宮寮設講廬吳儂鄉井戀不食武  
昌魚

孫權嘗用御蓋覆遜遜  
輔太子登寶劍武昌

居業齋詩鈔

卷十二

鄂縣集

疊石磯城郭瀕江晉上游陶公門種柳庾府客登  
樓人物烟波逝勲名汗簡留時清無戰壘歌獻滿  
漁舟

聲叟幽栖處蕭然樊上村靜閑名二子淳樸守孤  
罇勝蹟圖經具高風山水存人生能萬古流寓儘  
堪論

江頭無一事到處訪先賢詞客潘邠老參軍孟萬  
年乾坤詩句裏歲月酒壚邊各自窮愁得其人亦  
已傳

黃州團練使五月過西山茗粥寒溪寺憫荒老禪

間雲生藉草坐月落放舟還造物有深意清流

地閒元豐三年五月宋  
坡與子由同游山

半夜聞風雨天成九曲亭狂歌邀素月醉眼看晨

星主意無深譏謔言亦未聽如何舒李後珪確又

充庭舒聖公詩句上曰朕問無深譏  
而王珪確確在上前時時道之

國史掄材急量移得汝州廟堂方特簡宵小尚羣

咻北謝東坡客南浮西塞舟空江如練水曾照幅

巾流神宗御用公成國  
史王珪有戲也

### 寒溪寺

萬古寒溪寺山田谷口耕絕顛懸鳥道落葉下秋

居業齋詩鈔卷十一郭集

聲竹鳴停雲薄蕉窗受暑輕客心安熟睡不入武

### 昌城

西山吾未到坐受此清幽鐘磬前朝在烟雲曲水

流墨花留太古貝葉滿層樓酷暑煩襟滌渾疑過

### 十洲

望隔江王夢澤子雲兩先生故里

先賢騷雅古壇在軼事傳聞今孰能辟客踰垣王

太史草間邂逅顧中丞顧公華玉無楚索公一見不待伺  
押進時老至舍卒具成王乃定矣

二客周旋王裕州江邨五月也披裘騎牛控霍朝

朝出不絕豪游絕貴游公自梧州解組歸  
二卿客不去左右

雷轟電激發臨臯尺牘熊熊亦足豪豈爲窮居多

佗條楚材自合續離騷皇前百泉詩其遺類十五陳監察書若  
結東之山字寄余應昭舒國東二北

即楊惲之  
報恩宗

撫臣奉詔紀興都授簡歸田楚大夫直筆書成清

議許雷同張桂豈通儒顧中丞聘公修興獻帝志隨州顧公木  
京山王公格同事志成不稱有古論賢之

夢澤遺書十七卷家底爛熳已滄桑絳雲樓上虞

山老招拾零編汗竹光

竹瓦樓前乘舴舺康王谷底卧斜曛柴桑依舊晉

徵士有字蓋同揚子雲先生國記與漢李雲同字晏陳著  
號屬五處士之一微辟不就者也

智林菴裏著麻衣回首鄉園萬事非詩寄貧交黃

居業齋詩鈔卷十一郭集

御史鈞臺慟哭雨中歸懷黃侍御仲孫  
詩有黍離之感

五老峰頭墨不乾校讐嘗怕後生難飢驅偶出烟

霞窟阜帽裁裁管幼安著作多典冠  
服亦古製

疑獄平反只片言當筵立雪故人寃盧梅徐渭吞

聲日道姑何人此義存先生客滿司李辭齊會廣濟吳幼庵亮  
思華連訟標司李恕其儒源大業之先

輕舟亂後泊江汀還上先君舊草亭歎美一官清

白好孤兒菜色尚橫經先生過存諸故人于惟余兄弟亂  
後猶未廢業當留徐院額桂樹去

過王大令國士宅上

君上滕王閣詩成幾卷歸水天真一色霞鷺自同

飛雲滿琴書篋煙深薜荔衣故園名勝在赤嶂一  
漁磯

訪王一士明府里居

因愛寒溪水爲廬漫與旁江聲元赤壁竹瓦古黃  
岡琴入松濤韻鶴沾蕉雨涼清秋應有賦繞郭樹  
蒼蒼

鄂縣覽古詩八首有三首詠蘇公古蹟於公

黃州之謫感慨尤深是夜公入夢詰朝賦

詩凡七言今體十首鈔入軌噉集已而望

赤壁又作歌

居業齋詩鈔

卷十一

四

蘇公赤壁二賦留雪堂千年雲木空蒼蒼元豐以  
來一十一甲子何人江頭月下懷周郎憶昔仁宗  
手攬公制策云爲子孫得一宰相於岩廊英宗召  
試直史館解組僉判來鳳翔奇才奇才未進用神  
宗內殿明囑何煌煌太后感愴哲宗泣金蓮送院  
此眷都非常人臣邇逢累朝異數有如此安能模  
稜脂韋隨朝行丰骨稜稜兼翰藻其直如矢剛如  
鉅螭頭草勅惠卿竄羣小側目逾臨張舒寬楊畏  
先攘臂章惇蔡卞之徒不可當上誣宣仁下衆正  
元祐黨籍欺天閭新法蔓延其禍至此極甚於節

甫以漢溫亡唐是時我公飄零轉徙到儋耳樹下  
得句銘枕柳炎蒸蜚雨蒼顏老回首臨臯歲月真  
茫茫滄桑易代已陳迹有客馮弔爲神傷把公詩  
句歌一闕安得中山松膠爲公堂下羞壺觴

載歌

元豐甲子詔命首夏至東坡逐臣拜手東征地是

時手扎傳聞出九關量移不關廷臣議神宗欲用軾修  
史學小注之一

日特出手扎曰人神實難不忍終棄遂量移汝州帝曰國史可用軾成之大哉王

言堯禹智三旨宰相王上言軾不可三班臣輩且

姑試以此遂巡托空言遂令一祖四宗良史關金

居業齋詩鈔

卷十一

五

匱往者荀悅漢紀括班書八萬三千四百三十有  
二字班草八十餘萬言芟繁舉要製乃粹唐曆柳  
芳四十卷廬陵新唐掇取成紀志沫水資治通鑑  
亦採諸軼事前聞鮮遺棄汴宋百十一年無善本  
况復仁英兩朝王珪之撰次林希蔡卞充史官竟  
非尅準是丁謂自古史家義例別賢奸如何猶乃  
入薰器二十一史今具存宋史蕪弱無與二乃知  
安石簧鼓在人心茅茹樹蔭俱匪類史局賸駁萬  
禩垂豈止三經之字義嗚呼表忠碑版人文世  
山蘇氏故史才王安石嘗言蘇軾  
忠觀碑文似史記

天歌

赤嶂今夜溶溶月猶照先生古時居先生一去雪  
堂虛何人堂上夜半呼斗酒往對巨口細鱗之江  
魚客于洞簫音寂寂水落石出白露初覽古長沙  
哀賈傳招魂汨水弔三閭男兒此身墮地無不可  
有口莫讀萬卷書筆欲如椽墨爲沼造物混沌其  
厭諸先生雪堂注周易忘言忘象已蘊蘊後來上  
章道士邂逅先生天上直奎宿徽宗時事玉皇香案之  
書復何如古往今來世事不勝數藉手先生天問  
一起予前有倚馬萬言李供奉母乃先生異代而  
居業齋詩鈔卷十二終

居業齋詩鈔

卷十二

終

六

章清涵坐話

去天財尺五一曲是君家撤燭夜歸院賜書展滿  
車螭頭簪彩筆豹尾寫黃麻故事趨庭得西京記  
有加

博物今如此公孫豈國僑詩歌懷祖德掌故記前  
朝筆用蒲編慣書探汲冢饒南邨吾欲卜晨夕共  
陶陶

寒溪示鄭男蒲

山行不受暑一路水淙淙住可成蓮社來初聽午  
鐘偃松應老鶴神漢定潛龍昏黑上方到詢僧南  
北宗

寺上覽汪鈍餘詩句賦贈

疎鐘花裏出日午綻花明老樹龍蛇氣寒溪風雨  
聲山空深薜荔寺古足廳魁把讀驚人句巡檐岸  
幘行

居業齋詩鈔卷十二終

居業齋詩鈔

卷十二

終

七

居業齋詩鈔卷十三

廣濟金德嘉會公

軌寔集

采石懷李謫仙

斗酒百篇人已去尚留名蹟此江皋清風一路秣陵舫皓月三更宮錦袍絳雪亭荒餘鳥迹黃山樹老足松濤騎鯨稗史傳多誤萬古丹陽馬鬣高風流絕代自沈雄度日狂歌痛飲中飛燕題詩驚九御釣鰲署版謁三公死隣畢卓青山墓生別秦州白首翁少陵時客秦州無數貴游磨滅盡偏將流寓紀江居業齋詩鈔卷十三

東

寂寞漫言身後事汗青千載尚如生召來立奏清平調放逐曾無寒乞聲六逸酒中渾太古九華江上想蓬瀛交游冠蓋長安滿至竟汾陽獨擅名光燄至今猶萬丈興酣落筆况當時貴妃笑飲葡萄酒御史驚傳鸚鵡詩貂解西京逢賀監錄傳北海有高師殊恩豈獨承天寶寶應還將拜拾遺金花牋賜宜春苑玉食手調興慶池主眷何妨中貴憾詩名竟使太真知匡廬辟地心如雪巫峽開醺鬢已絲大雅千秋壇坫在隴西編共少陵垂

居業齋詩鈔

卷十三

黃州之謫感慨尤深是夜公入夢詰朝賦詩十首槩括諸傳用志鄙懷

黃州之謫感慨尤深是夜公入夢詰朝賦詩十首槩括諸傳用志鄙懷

端明往事不勝悲最是黃州團練時羣小蔽賢文字獄奇才絕世聖明知淒涼異代還成夢鬢髯同朝更有詩論定千秋公是在大名青史日星垂雪裏題詩寄子由春王二月到黃州一身輕似風帆過萬事俯觀江漢流主意憐才猶謫謫人生好古定竊慈泉源隨地涓涓出灑翰元之竹瓦樓定惠僧寮臥聽鐘居亭無地寄朝餐途窮合飲滄江水骨立應栖赤壁峰昏曉趨庭惟禪子

地流寓此詩備孤忠報國寓言苦臣罪翻因咏

龍

殷勤逆旅故人情失路英雄仗友生五日岐亭投

轄住陳季多年廢圃荷鉏營馬正天荒澤國偏鳴

鶴樹孤城轉聚鶯客邸只難風雨夜滔滔東去

大江聲

謫宦如公未寂寥幅巾芒屨也逍遙黃泥雨後過

修阪赤嶂風前弄短簫方外逢人山石供枕邊知

己酒罇饒何家莪苑好兄弟寒碧茆堂先荷鋏

命宮磨蝎合多艱散地翻憐王半山執拘樹人人

居業齋詩鈔

卷三

三

見伐紛更富國國終屏雪堂玩易期緘口幽谷尋

花藉解顏史筆屬公空內召王珪蔡確尚朝班

綠楊村落清泉寺遷客新詩筆未停福建豎兒徒

誤國臨川丞相枉談經荒厨下箸元修菜好月披

襟畧畫庭來歲春牛先入夢元豐癸亥此江汀已

皆叙公

色正芒寒望有鋒安能儕俗俛相從言成此興多

糾紛針重李定王珪筆挾風霜一竄凶聖恩拜手簾前

官學士失聲殿上哭神宗金蓮燭送金闕夜異數

詞臣古未逢

萍蓬踪跡信亨屯文采風流千古存金石遺鐫

蟲履陽秋片語直璵璠游窮水濱青霞窟坐到山

壺黃葉村藿食絺巾偏逸興江湖漂泊是君思

螭頭制策至尊題虎觀才名代罕齊黃口親聞希

孟博白頭嶺海弔昌黎挑柳樹裏書留葉杞菊筵

邊客滿蹊乾道九年御製下文忠姓字壽金泥

讀楊升菴集有感

新都才子侍明光詞賦淵雲早擅場名起談天承

顧問注張罪因議禮竄遐荒西京史筆終騷些南

詔流年付酒狂擗拾成編千萬卷永昌萬古一書

居業齋詩鈔

卷三

四

堂

先皇實錄手曾刊金匱歸然墨未乾家有嚴君爭

大禮臣將孝德率同官殿頭痛哭蒼梧遠杖下秋

巖白日寒稍稍模稜當驟貴清宵豈得夢魂安

國是紛紛及此辰承恩就列敢因稽史成定敬垂

千古謠唱曾當第一人誓拾微生安廟至誼同九

死諫南巡祖宗養士期匡救折檻披鱗幸有身

拜杖南征洱水邊然藜東觀故名賢蘇軾自西

涯起李文白首心憑半谷傳蘇軾潦倒間行花滿

淋漓醉墨仗隨肩文明欽起蘇軾蘭地草昧初開



樊天

藻翰才名終賈齊丹鉛歲月老雕題八千里外依  
金馬三十年來例碧雞鐵柱秋風猿猱下瀾滄夜  
雨鷓鴣啼日歸繡閣頻勞夢太史分明錦水西  
旅鷺羈魂長道路盤江滇海懼風波莊周悟後渾  
如夢宋玉悲來一放歌廊廟涕羹端士少邊荒淪  
落世臣多夜郎曾赦青蓮去不信先生沒齒過  
升服窮荒學士魚柴門破壁史臣居點蒼豈用登  
樓賦滇徼何勞諭蜀書老至須眉秦四皓吟成蕉  
萃楚三閭紛紛張桂俱黃土兩疏千秋在石渠

居業齋詩鈔

卷三

亂變集

五

居業齋詩鈔卷十三終

居業齋詩鈔卷十四

廣濟金德嘉會公

餐霞集

戊寅人日

人日雨霰霰萬象如新沐出門眺春江春雲興水  
曲遠峰青不齊隱隱出茆屋吾廬水泮後移植數  
竿竹

勸酒

春鳥鳴樹顛春山甫蒼翠席門春風開松窗春雨  
至有酒輒飲之不然汝何事

居業齋詩鈔

卷十四

餐霞集

酒中成三韻詩

東臯草未綠雨色潤根荂巷無車馬轍梅花香一  
齋客來固可喜獨酌亦復佳  
萬族各有營人皆集于苑蕭然一畝宮乃屬張仲  
蔚酖顏對汗青有此下酒物  
嚴瀨客星孤酒星夜相照三公使者來發書忽高  
歎君房一何癡乃欲罷吾釣  
咄咄劉伯倫一飲直一斛當其得意時荷鍾出茆  
屋豈爲身後謀生趣於此足  
秋風吹季鷹浮白還鄉里蕩舟蓴菜湖步屨鱸魚

止小有後世名江東步兵耳

飲中能泛愛古有劉公榮元亮荀與下兩兒一門生不然邀明月白也亦崢嶸

承萬又月書問有詩却寄

浩浩廬江水出三天子都江州匯九派廬山峙共邪遠公廬山記寫出廬山圖上有上霄石下有宮亭湖湖山莽舒鬱異人無時無白石山房後萬家一書厨

書聲出花萼乃在蓮華洞花間文字飲醉倚灌花甕亭亭碧梧枝往往見威鳳幽人憺無營官然華

居業齋詩鈔卷十四

胥夢興來捋紫鬢鐵笛時三弄仰瞻五老峰帽濕飛來凍

望氣直斗間開闔豐城坐夜永曙窗搖寒芒如斗大寂寂南州虛何人高枕卧世事難具論萬事渾一壘冷官餘不足杜口不言餓典衣滿罇罍長歎羣公座

東望有懷兼寄萬又月豐城學署

嶙峋五老峰方輿大掌故煌煌山海經燦燦水經注鴻荒六字碑禹封一以固官冥絕人區往往到仙聚匡俗名一家後起益無數霄漢三石梁一

坐桂樹吳猛往從之玉杯盛甘露所以李青蓮忻然庶幾遇梨素寫道經栩栩塵外趣好事蘇端明灑翰開先寓濺沫惟山靈不洗徐疑句以此知名山苦受游人汗我誓廬山遊不作廬山賦脈脈孌孌顏飛泉濕芒屨

西山眺彭蠡掛席章江口之子家柴桑里門陶公後緬想彭澤年秣田五十畝牀頭漉綿巾一石或一斗始安二萬錢擲送釀家醅攢眉蓮社僧愴懷馬隊友風流千載存酹之以醇酒

放舟庾公樓覽古滕王閣徙倚檐楹間懷抱莽寥

居業齋詩鈔卷十四

廓顧瞻金石文三王紀事作昌黎官袁州厥記乃踰度登臨嗟未能謹書其厓畧五百五字中氣象何渾噩感慨作波瀾載名竊喜躍譬諸滄海流浩蕩納衆壑用此規蕪林可以鎮浮薄

神物不浪出陽精故所秉入地泉黜經天光同回博物微司空千古閱其景一獻一自佩雷君行有青然石徑入洛莫邪豈道梗亮哉終當合直如玉在鑛劍池六尺函至今土花冷潛躍自有時卷

言發深省

矯矯子真咄咄南昌尉上書行在所舍生効謹

貴前車王京兆傾覆亦可畏疏遠小臣耳叫閤仁  
其毅遜跡元始中餬口市門儼會稽變姓名不呈  
新莽尉云敝同列傳史氏有深慨嗚呼千載後斯  
人猶生氣

墓先兄

戊寅既小除送兄宅冥室野廬廿三載大事今甫  
畢廟壤眠其剛庶無水泉溢樵爨乞山隣草草薦  
芬苾墓田未有疇丙舍未有殯童童覆釜封松楸  
亦未茁萬事始於茲如荷之方落阿兒取石材磨  
礪以需日生平家乘在有弟當年筆

居業齋詩鈔

卷十四

祭墓集

四

嗚呼兄下世厥齡五十五是年當北征明經貢禮  
部弟官襄郢間爲兄北道主筭輿代馬驢阜隸佐  
僮豎東望方治行計聞誓解組奏記不見收遙奠  
淚如雨比入承明廬念兄殫淺土薊丘朔風號夢  
到滄江許丁卯黔之役焚黃覲先祖其時迫季冬  
薦兄以一鯁脂車急簡書不得久環堵庚午遄歸  
來爲兄校年譜今年垂七十墓門猶偃僕兄其寧  
幽宮馬鬣亮無鹽

示啟洙

男兒七尺軀禮三十曰壯家門寶令子莚林逕誓

匠譬彼孔道車長征眠所嚮汝孤甫髫齡汝叔官  
郢上念汝草土辰搔首數東望汝叔直承明焚黃  
王父壙釋菜勅汝曹橫經思七鬯澤宮汝爲儒章  
縫弟子行彛訓仿顏柳恂恂鮮跌宕友於代所敦  
昆弟一衣衾雁序汝當六筮和而壙倡天倫有如  
此其極安可量汝叔髮種種於人已名丈汝今桑  
弧懸五言爲汝貺攬鏡問鬢眉厥宗胡以亢

望桐城

東望桐城山蒼蒼蒼煙霧我師太史公喪車出山  
路昔爲太史莊今爲太史墓涓日報小寒束芻且  
居業齋詩鈔 卷十四 祭墓集 五  
奔赴客數及隧期尼我山行屢出門復入門拊膺  
淚頻雨

已卯五日

縹組直金閨解組卧愚谷襍佩或紉蘭用躡三閭  
躡偃仰松樹陰相羊藕花曲江南五老峯悠然展  
遐矚迹從三徑荒心自一丘足舉觴俸賓筵中厨  
酒初熟  
蕉林渾積陰引領遲新霽榴葩燦檐楹芸荻萌堦  
砌典衣具蒲觴招尋愜幽契東園有匏瓜誓將與  
僦繫而我同門友雙魚遠道至盥手讀素書仰天

發長嘯

坐雨

炎夏渾太陰積雨漲林麓野眺煙蒼蒼萬樹一洗  
沐坐令龍藏子行潦隔茨屋葛巾漉濁醪不得果  
其腹獨飲酣日中陶然倚修竹

雨望

振衣出柴門襟袂漉漉瀟瀟羣峰如九疑百川渾一  
派水石俱清冷安得王宰畫須臾渡石梁草堂已  
滿潏顧語兔園生澤洞爾毋恠造物閔童觀盪胸  
豁其隘

居業齋詩鈔

卷十四

卷十四

六

雨筵

野渡泛輕舸湖雨濕芒屨解簑及南榮整幘上西  
昨不速三人來貰得酒一斛惆悵乏燔魚銜杯左  
右顧夕飡饜客難淹留則煨芋

苦雨

小屋水中央蟪蛄漉糾結笑烟濕雲根三旬雨不  
絕麻豆在草間安得荷鋤列情農且偷生晏起而  
饕餮東陵種瓜人呱呱杞憂切恒寒千五行矧  
小暑節課晴仗筵籌鶴鳴又于垓

雨止

五月雨冥冥六月哉生魄腐草倏爲螢江天一以  
廓土膏潤溫風鑑水知魚樂是夜中厨豪大享出  
葵臠興至累舉觴弄孫哺糟拍舂言松竹間臙  
猶一壑

百石圖歌

雪堂太守墨翻盆百石圖掛百石軒天劃神鏤迥  
光恠水崖雪壑蟠其根乃知畫手貴神智雷同最  
苦隄瘵痕雪堂寫石惟寫骨解衣盤礴天真存以  
身使臂臂使指六合内外山靈奔陰陽變化無不  
有混茫超忽衆妙門王宰當年索高價五日一石

居業齋詩鈔

卷十四

卷十四

七

如瑤琨此圖落成幾晦朔慘澹毋乃忘朝昏異時  
邂逅皇初起叱起羊蹄四百躡我椎不能工畫筆  
拳石空老荒江邨乞取袍笏米家拜披圖搔首從  
公論

半山木蘭詩倡和成帙余聞而作歌寄李巖

詹

青峰二月天如藍荆泉洞口初收嵐半山亭樹臨  
半水嶙峋老幹千尋探蛟如霽雪葩流濕映人綠  
鬢光豔聚九畹都梁渾一氣山陘水濱春相涵  
詹先生芸窗几蕭蕭禪隱鼻觀參衙齋壁立無

物佳植光潤驚書蟬陶甃畚土成一鴈歸然惟  
依孤龕傾城觀者摩肩立兒童驅過如筐蠶相額  
東坡雪堂字興來拊檻松塵談靄星門外羣籟靜  
歛閭縣隸款門三文采風流佟大令塞帷行部此  
停驂中厨治具旋進酒提壺行炙勤丁男花萼爲  
屏石爲案使君小飲分黃柑須臾隄禿香出戶即  
事詩成飲飽酣大叫爭何可屬和歌聲我且徵何  
歡沙羨騷雅人懷槩長篇短什思皆覃瓊潢盈頁  
寄僖老掛席直到茆堂南寶筵盛事吾夢裏玉樹  
吹落白氍毹

居業齋詩鈔

卷十四

八

節母吟

吳縣潘榮  
酒王母也

黃海瀾翻黑風起烈烈夫人冰天裏夫君挾策太  
學游手提一劍殉知己是時國運丁桓靈中常侍  
手一天子郡縣旣無日無土崩瓦裂固安始素  
車白馬驛亭來絳衣席帽樂軍死桐棺北郭煙蒼  
蒼夫人一殉萬事已筑筑衰經九歲孤孀姑雪髮  
垂過耳方家大耋吳家栖是爲夫人母許氏二母  
辨香寢門嗶奈何孤兒令失恃宗祊之鼎懸一絲  
主豈安可喪其七夫人以此緩須臾奄奄草土情  
斯旨長跼饋與未亡人紉縫滌滌龜十指巷南

北嘯驚鷗旦日眈眈一號視拾級大言來托孤夫  
人致辭直如矢予手拮据口卒瘞孤存予存毀予  
毀昆吾百煉鵠鵠膏掛壁幾年行復砥虎尾不啞  
守龕寧姑也遺命凭髹几我孫弱不任苴杖攀輶  
執紼疇可以夫人殯侍七春秋以待孤能讀喪禮  
麻衣畚土馬鬣封太學之木亦拱矣英雄弱冠有  
父風駸駸人言管樂擬結交寓內半老蒼感時指  
顧傾其否地老天荒黍離歌西臺淚滴桐江水貴  
志九原報乃公炎午生祭文山耳大忠大孝古一  
門畫荻所志非二理善無不報報有時老見孫曾

居業齋詩鈔

卷十四

九

冠蓋里夫人七十壽筵開豕孫孝廉奉滄瀟與譙  
節婦凡九人姚輩婦曹及姊如癯顏瘦骨茶蓼年  
皇矣馨聞在桑梓沐日浴月花嶼莊蘭晚芝房渾  
蕤蕤焚香告墓苦節亨夫人豕孫官太史大書特  
書汗竹光後死爭光前烈士操觚握槩者楚僖曰  
吳世家有如此

書謝母傳後

謝君司馬今南昌傷心不忍說漁陽弔古戰場漁  
陽路有母有母曾踉蹌列傳大書坎壈日天爲黯  
黯雲蒼蒼其言悱惻泫泫淚共人謝家中表行曰

明崇禎歲壬午閣部督師師殲傷紅粉青娥俘掠  
盡四郊血肉腥林塘是時司馬先公游太學司馬  
王母就養經危疆見危授命太學死四十七人斯  
須戕亂尸撐拒脫鋒刃一未亡人二十強上有奄  
奄七十老姑在下有筑筑六歲之兒郎呱呱幼女  
方襁負婢子蒲伏扶還僵一門喘息無多口未亡  
人亡則俱亡太學宗祏其已矣老姑疇與廷高堂  
以此銜哀緩引決招拾遺骸爲終喪夜半青燐出  
廢壘桐棺三寸依頽墻草草太學封馬鬣春秋或  
可歆烝嘗世亂椎埋苦惡少長鏡短鍾按黃腸未  
居業齋詩鈔 卷十四 餐霞集

卷十四

餐霞集

十

亡人曰吾殉耳麻衣號叫排天閭鄉隣攘臂縛羣  
盜乘間用奇增隄防亡恙太學一杯土倉卒計盡  
何其良荀輿還姑京邸養孤兒寄食僧雛房九死  
一生戎馬後千盤萬錯過水霜茶蓼茹殘兒露角  
冠而字之曰君章君章累官頻上考承恩貤贈恭  
焚黃我聞此事三歎息深閨智勇何可當疊山舉  
羽俱男子如何巾幗能相望其節稜稜心耿耿下  
通井冽高星芒嗚呼史記世家延陵久載生謝母  
家底光

憶洛子

汝客南州滕王閣上遊輕裘惟載筆五月尚披  
裘藥向洪崖採詩因梅尉留龍門好山色避暑又  
龍湫

得南州家報

客路疑秦贅時名謬楚材短衣能貫酒長歎可登  
臺漸有江山助應令懷抱開異書如購得驢背早  
歸來

雨中恒抱膝雨歇倚柴門獨酌消長晝分甘弄小  
孫千章新夏木一壑老荒園眼底紛紛事兒來好  
細論

居業齋詩鈔

卷十四

餐霞集

十

歲月依鉛槧江湖仗友朋故家書萬軸高士酒三  
升誼合生平足神交古道興親闈侍撰述阿率任  
龔勝

梅花大放巡檐咏懷

一畝宮臨水千株影到門亭亭餐沆瀣族族長兒  
孫絕俗風常澹逃名望轉尊寄壁林處士吾宅已  
成邨

素質許誰偶清風渾一莊宛然三徑雪爰及四隣  
香韻歷苦寒在年從肥遯長醉眠留照夜几上竹  
書光

興如何水部豈必在揚州  
鳴聲星垂樹花深月滿  
樓齋開如有約古處故無求  
歲月吾廬好乾坤鎮  
笛秋

雪中憶洛子

新年頻雨雪久客殢江湖  
本爲飢驅汝翻令愁到  
吾篋惟敗絮在儲已宿春無極  
目寒雲裏征帆宛  
畫圖

立春憶洛子

草堂過小雨萬象歛春暉  
廬水書曾到海山人未  
歸飢驅驚節序客久急庭闌  
送喜勞乾鵲朝朝繞  
居業齋詩餘  
卷十四  
屋飛

已卯穀日得慈谿姜太史前年書問用詩代

東却寄一安即舍

蓬池雲靄靄上苑柳髮髮特達  
遲何憾疎狂早不  
堪期君方李泌以僕埃桓譚分  
手十年過猶憐舊  
盍簪

把臂論文日悠然俱素心  
短衣燕市別佳句楚江  
吟萬事從蓬轉吾生合陸沉  
塗窮天宇廓草閣白  
雲深

恭承長者問繾綣及兒曹  
龕竭肩輿力常分抱

勞爲腰偏用非有徑懶除  
蒿骨相丘園得安能比  
鳳毛

小飲無須數滄浪水一灣  
卧遊償夙約戒創駐衰  
顏地許收黃獨天容放白  
鵬蒙莊前詔我材與不  
材間

貧賤人極公然竹瓦樓  
大書牛馬走曾記鳳麈  
洲鏡笛三湘夜半裘五月  
秋筆牀茶竈具烟雨一  
孤舟

吳東岩過訪

落澤江聲裏英英雲一房  
炎官書信絕散地獻歌  
居業齋詩鈔  
卷十四  
長世治偏冥漢吾衰更醒狂  
蓬蒿蕪塞久忽有客  
升堂

博物吳公子詞場好事能  
竹林雙雅調黃海一詩  
勝入楚秦衡待班荆雲夢  
黍窮居存野老暖眼僚  
蕭鬢

掛席漢陽渡振衣黃鵠山  
古臺湧月上夏水入江  
灣軼事按羅得新詩行細  
刪曰歸期歲暮搔首遲  
柴闌

東懷周礪岩

大別山前別歸來杜此門  
傳書安得到有夢亦生

言往事不勝數新詩誰與論日邊如念我顛顛

荒邨

挿架吾書籍南窗共客看高能凌絕巖倪欲捲迴  
瀾光性蓬瀛島鴻濛太古壇別來垂十載墨汁幾  
宵乾

屈宋騷壇後周郎一以豪辛樓晨弄笛赤壁夜吹  
簫文字留金石輶軒直斗杓簡書程限迫踰月已  
趨朝

採芝旋用里躍馬上蓬池聞道英雄色還如少壯  
時列朝接掌故三館足襟期垂釣滄浪者搔頭獨  
居業齋詩鈔

卷十四

全集

古

爾思

同君清晏代吾乃似虞卿去國渾無故著書何所  
成艱難存古道坎壈立脩名欹枕荒江夜蕭蕭風  
雨聲

東懷胡抑齋

盍簪東觀日素筆用羣賢史料三朝稗官儀六典  
詮大庖沾法酒故事給餐錢我友胡中允朝朝手  
一編

年少好兄弟雁行俱有聲起家通六藝篝火過三  
更爲友彈冠喜聞賢倒屣迎儒林公等在猶比漢

西京

里居垂十年矣追憶齊年諸君子悵然成詩  
京華冠蓋聚好友我同門拙宦幽憂日羣公古道  
存遭逢嗟趙壹骨相問虞翻銜戢何年報生平知  
己恩

寒風過易水霧雨渡黃河行路難如此歸田感倍  
多瀕行人割俸逆旅我微貲贈別詩盈篋吞聲不  
忍歌

故態狂奴遂同人望已虛宅真隣五柳環復錯三  
閭獨立堅冰後嚴寒落魄餘門前斷車轍誰問碧  
居業齋詩鈔

卷十四

全集

古

山魚

萬感來深夜微名愧楚龔裘難償酒債筆易禿書  
傭豎課晨肩木田租歲獲封春明夢不到安得故  
人逢

數竿修竹裏鎮日短長吟著作非司馬阮籍如展  
禽乾坤耕牧老烟雨薜蘿深小札蠅頭字行間露  
此心

有客飢驅去何人吹洞簫鹿門謀已熟詹尹卜徒  
招泥飲過時節醒狂破寂寥十年良讌會我友在  
中朝



往事從頭數詞場亦有聲早朝賡贊至夜語過韓  
翺展席名花放班荆好鳥鳴比年書信少回首不  
勝情

戶外售芒屨牀頭掛簪冠貧勞名士駕老饕腐儒  
餐紙筆兒曹費絳錢藥裹碑不堪癡僕御喋喋語  
長安

荒園

荒園鎮月掩柴關萬竹脩脩簇一灣懷古身令愁  
似海積書何補債如山學成稼圃巢由後老得賢  
眉沮溺間眼底多情惟燕子年年飛去復飛還

居業齋詩鈔

卷十四

寒集

共

一畝之宮枕大江盪胸日夜水淙淙課兒詩話兼  
文筆趨我南榮又北窗漸蠟名山雙屐齒蒼推老  
屋一燈缸求田問舍人過去豪氣猶疑未肯降  
衡門石磴齒松根盛酒朝朝老瓦盆瘦骨黎床聊  
宴息貧交黍臠屢過存西京襟記分吾子東觀前  
聞授小孫蕉葉寫殘看柿葉田家物產足丘園  
木筆花開春霽初絳雲深處一茅廬林泉暇豫戴  
安道枕席鮮新陶隱居辟穀衛生還采藥杜門過  
日儘鈔書洞天福地芒屨到不踏金閨與石梁  
浮雲濛濛雨垂垂讀罷騷詞痛飲時老至關心

自得生來清節畏人知將眠客且抱琴去緩步

常簪筆隨屈指古來高士傳披裘帶索可爲師

巷北巷南無馬蹄十年一榻此幽栖漫勞侯霸來

書扎已約向平同杖藜飽刺盤餐頻下鳥遊需斗

酒一謀妻夢中喜得米家石疊嶂層巒袖裏攜

混沌人疑太古壇朝看溟滓夜芒寒飢牛細草渾

無場開鴨清流小有欄漫士放懷聊酒寄龐公垂

老尚泥蟠光風澍雨行春令滋得江天九畹蘭

晨起荆扉風自開郊行野望亦悠哉紅梅爛熳穿

林出白鳥翻飛破水來過雨叢雲仍滿席瀕江坐

居業齋詩鈔

卷十四

寒集

七

石已登臺詩中畫裏尋常得苦憶朝川摩詰才

抱瓮疏畦又種瓜春來飽飮此生涯身閒獨漉牀

頭酒客韻偕澆鳴裏花纖草籬根留綠雨古苔屋

角露青霞游人徙倚蓬蒿逕楚尾吳頭處士家

青簾白舫綠楊橋竹瓦虛堂帆影搖畫手權奇留

駿骨書家瘦硬得龍跳江風十里聞吹笛溪月三

更照緯簫傭保挈壺趨走慣浣花財暇浣詩瓢

贈新州學正岳起霞

翼際山頭江漢水蜿蜒斬口氣氤氳乾坤人物興

州里騷雅風流溯典墳畫壁遙涵千畝竹書堂款

起半池雲梅花笛裏中宵放詞客翻翻四座聞

橐筆曾觀尺五天詞場知己玉堂邊螭頭籍籍推  
王吉驢背悠悠老鄭虔白兆山巖聽夜雨金沙浦  
口漱寒泉人生踪跡渾難定方外何時訪僊仙

讀桐城姚司寇集

建節乘輅出鳳城使星夜向岱宗明典謨詰採濟  
南老風雅賤客輟固生秋霽雲霞看闕里時清人  
物儼西京琅邪名士王璜舉費直門牆最有聲  
入直恭承霄漢恩皁囊白簡映朝暉採山議卹青  
燐豕賜復漸沾黃葉卹骨鯁人言汲黯似丰裁自

居業齋詩鈔

卷古

懷慶集

六

許魏徵存螭頭俞拂勤宵旰詔旨煌煌瑣闥門  
貫索星躔刑法通白雲有錄代天工仁行漢約三  
章外智盡周官五聽中律令匡時思魏相春秋斷  
獄比于公同時司寇今俱老猶說當年囹圄空  
廩粟餐錢問有無解推誓與古爲徒一焚萬券田  
公子頻散千金范大夫乞食嘗憐陶令拙謀生苦  
憶趙兒孤賜金幾日旋垂素笑指疏公好畫圖  
冰壺瓦缶總還淳方寸能涵海岳春小技雕蟲視  
大老危途履虎惜通人過江塵尾憂妨國入雒  
駒筭及身最是巷名馬糞好飄然物外絕纖塵

客言朱近菴侍御詢余近狀悵然有作

燕山祖道之秦嶺一別于今已十年浩蕩襟期霄  
漢上聯翩姓字國門前夔龍漸陟虞廷陛沮溺遠  
歸楚澤田客于過存談往事雞鳴風雨倍淒然  
父老函關道左遮郎官課最上京華春雲春雨郊  
岐路一鶴一琴槐柳衙 詔下九卿推骨鯁臺參  
三省察奇衰立朝正色朱雲好有友江湖也  
日邊靄靄三陽候夢裏英英五色雲有馬已爲真  
御史不侯翻念故將軍行藏世路分車笠朝野詞  
場共典墳回首昔年誦唱地藜床竹几雪紛紛

居業齋詩鈔

卷古

懷慶集

六

竹瓦樓頭氣鬱蒸烏皮几上畫嘗凭六經分注還  
需子二仲同栖已得朋擇地可容馴白鹿潔身兼  
得遠青蠅萑蒹葦粥能饜又貫隣家酒一升  
花鴨涌雲渾赤壁水天漠漠樹蒼蒼愁來獨寐宵  
無寐醉後如狂醒亦狂剝啄驚人俱燕雀縱橫塞  
路半螭螭老僧小隱悠悠過稗乘編來滿一囊

次韻謝何蘭石

五遠堂中雪作清風流何遜座爭高凌室爲出千  
尋竹遺興吟成四月桃酒注瓦盆疑遠古衣沾柳  
汴訝羣髦橋門歲月滿閒極短簪長鏡手自操

潛夫穩卧此江渚下有漁磯高樹林竊比榮公常  
帶索漫勞鮑子更分金停雲涌月牀頭夢馴雀懸  
魚座右箴出處相期俱努力鬢毛怕受雪霜侵

檢山雨堂遺集

幾卷殘詩山雨堂一生踪跡總蒼涼祇緣落魄  
蠻府不信灰心竟夜郎薄海交游壇坫在故園兒  
女墓田荒寓公姓字傳江夏鏤版曾留石鏡旁  
結客天涯書卷隨名場才老數偏奇心勞元結當  
官牒淚盡劉黃下第詩自哂諸艱緣骨相人言萬  
古足襟期蠻烟瘴雨腸堪斷最是荒郊送子時

居業齋詩鈔

卷十四

餐霞集

十

天涯潦倒一狂夫遺興詩成覓酒徒六詔脂車閑  
索嶺三湘倚檻洞庭湖雲沈古屋龍蛇句露濕摩  
崖蚪斗模硯礪生前消耗盡漫勞山鬼向人呼

檢石秀才晚廬遺集

世路崎嶇合愴神辟人酣飲欲全真時非漢末羅  
鉤黨隱豈吳門濁市塵鉛槧生涯過儉歲薜蘿荒  
逕老幽人千秋直筆垂鄉曲有道猶傳折角巾  
物外翛然衆所聞如何羅織陷深文操觚苦憶張  
廷尉每餘難忘封使君忼慨頗能全白社蕭疎自  
不附青雲異時馬鬣封何處應傍要離數尺墳

束懷沈侍御東粵使院

制詔下雲霄檐帷嶺表遙塢頭真御史虎觀我同  
寮賦筆存三館詩名著一朝沈才原甲未賈策更  
兼晁炎微行驅鯨霜威已射臬書儲管敬仲議採  
李文饒汲古襟如海匡時功北潮驚波頻出素積  
雪直凌敲浴日登鵬頂囊雲到鶴掖五年馴使院  
萬雀迂呈輶人物羅威得門牆區冊邀漢臣褒陸  
賈秦尉哂任囂燕喜藉亭夜龍吟越秀朝貪交憐  
杵臼遯跡侶漁樵細雨荒林鴉殘霞淺瀨舸疏哇  
分半種抱甕長藤苗屈宋天冥漠蕭相澤寂寥阻  
居業齋詩鈔

卷十四

餐霞集

主

姚映垣輓詩

萬里滇山路并州是故鄉屏經瘴癘客死竟蒼  
茫南詔寨帷使西京執戟郎何人攜絮酒爲爾

斜陽

舍山社令能課士余聞而作此詩

黔陽才子宰烏江手把巨筆如長杠龍亢古城舊  
萬卷焚焚丙夜然燈缸緬想縣人張司業韓門疇  
昔搖麾幢攘臂直作元和體東野孟生差能雙長  
吏下車今妙選有大力者龍文扛課日開軒集羣  
彥經牋史牘充南窗南楚老人聞之喜如此可以  
稱爲邦海涵地負中有物俗吏往往碌碌此  
從來聲相應萬石之鐘非廷撞惟文學令能得士  
詩書氣盛風斯厲蘭陵崖畔華陽洞青霞鬱鬱泉  
居業齋詩鈔卷十四

餐霞集

五

淙淙竹杖芒屨吾乘興吸取佳醪浮春缸

合肥李公以康熙己卯冬十月薨於位廣濟  
門下士金德嘉於十二月丙子爲位哭焚

奠章一篇詰朝賦詩四首

望氣淮淝草樹殷台星忽貫八公山典章盡一蕭  
曹後調燮從容丙魏間黃閣且開遺赤舄丹爐宵  
暖失朱顏王喬洞口風蕭瑟丞相沙隄舊往還  
雲裏蒼蒼大蜀峰鬱葱佳氣自變龍虎殿東閣  
三事吐握西清入九重別業平泉歸未得仙湖  
嶠許誰從上公兆域官家賜不用侯生負土

巖巖殿陛挺孤標古大臣風猶未遙廣廈筵中憐

白屋清香閣裏僚層霄世家軼事里門熟碑版空

山星漢昭最是易名閣掌故褒稱異數出中朝

公府遙瞻霄漢上辦香爲位此江濱尊聞三館丹

鉛役夫路十年草莽臣伏枕夢猶疑虎觀操觚書

已斷平津東征磨鏡濡須水丹荔黃蕉隧道陳

讀文吏部集書後

白石山房後藏書又此門半天飛瀑到諸壑亂雲

奔葱鬱名花氣沈冥老樹根當年傭吹夜鐵笛滿

乾坤讀吹笛名也

居業齋詩鈔卷十四

餐霞集

三

傷心跋扈將髮指復聲吞蠹爾赤眉族豁然白額

蹲殊恩如李勣大逆竟王敦即事操觚記書童腕

脫幘謂左良玉也

草草朝儀立何曾李勉尊新亭方灑淚鈎黨忽銜

冤鹿馬渾從指鴟鴞總一樊辟人歌當哭對客舌

先捫謂與鴞同類實二物

過江財幾日萬事此瀾翻惡草青青肆長蛇蜿蜒

繁實陳羶骨血節甫長兒孫屈指平陂數肝衝黃

葉邨

岌岌史丞相邦溝戎馬屯麗華方進御江總正承

恩報絕龍潭驛望窮爪步援血書留寸紙南渡一忠魂

望望金陵氣終朝黯黯昏琵琶天寶曲蟋蟀半閒門國是紛豺虎宗祏綴犬豚石頭歸命出肉袒豎降幡

尚有姜維在素衣嗥野屯權門鷹犬散破國馬牛奔散髮栖同谷殘編累罪言銅駝千古恨淚眼拭

滿帽  
白衣終不出阜帽老孤鶩漠漠西臺雨荒荒北郭墮壁經留國故心史識去君恩却聘殘書藁何人

居業齋詩鈔  
卷十四 餐霞集

言

更討論

讀丹木齋集有作

有明之衰天地閉大權旁落中常侍客魏宮掖莽彼猖乾兒義子紛搖曳應山楊公都御史危言高目宗社計二十四罪章留中朝堂白晝遂陰賂殺人媚人許鎮撫羣賢北寺願指斃江夏桓桓有吳公阜囊白簡應山繼上言媼相璫所馮鈞軸之地憂不細疏入矯詔逮廷杖血肉淋漓漣塔砌吳公賁志事已矣緹騎縱橫九衢獬生平交游半長安死後曾無故人詣是時豈少賢公卿往往杜門而

雪涕鈞黨刈人若草菅其於楚人尤艾薙熊公斷胆楊公囚吳公赭衣訴上帝楚客不敢操南音出門跬步行恐泥恍慨獨我先大夫哭公直欲從公逝椒漿麥飴爲公羞長衾短褐爲公蔽三寸桐棺廣柳車雨泣送公蘆溝汭嗚呼此事我傳聞我生公卒後四歲弱齡盡獲先宜人稍長尚論及先世公與先公真死友范張款款於幽寢昨得嶺南朱公編上有弁言當此際朱公時從先大夫眠公舍殮脂公聽滄桑以來更甲子遺書猶並日星麗賤子作詩系家宸竊比柳州先友例

居業齋詩鈔  
卷十四 餐霞集

言

漢祚將訖用甫節刊章告密清流絕明三閭禍熾魏璫詔獄雖黃由反舌揚左繆魏顧李黃偕三周公牢戶閉趙公戍殞高公沉崔魏田許濟餐餐侃侃吳公憤所切疏草四通淚沾血嗚呼霜臺形影予誓死差寧生匪屑君不見虎之年虎之月虎齧賢豪尸巷轍一棺束身裹以楨急難故人獨勇決嗚呼虎尾不啞力已竭

御史死諫諫官職下從龍逢比干游亦得丞相上言臣紹軾幸微寬政今下直下直大延東閣寔是日丞相驪已極閭人歛報御史來潭潭相府盡登

黑丞相股栗無人色茗碗墮地語悽惻朝廷萬事  
厥臣手僂員閣下亦緘默魏公顧公肺臍交軼也  
譬諸數之仇越二日朝丞相死長安籍籍冥誅  
嗚呼陰陽翻覆豈人力漢史大書田武安呼服謝  
罪魏其側皇矣天監故難測明年天子當陽討羣  
賊死者刑尸生者殛御史墓門綸綍忠烈易名  
金石刻白頭滂母哭向北男兒有身當許國

鳴呼先大夫蓋嘗周旋死友吳御史於逆璫羅織之日誼甚高不孝聞  
之先宜人云吳御史者諱裕中字幼益一字磊石江夏人萬曆乙卯  
先大夫舉于鄉已未成進士知順德新會二縣事課最已丑入為御史  
憤魏忠賢亂政大輔丁紹賢阿諛取容職上斥大輔而逆璫始敗百  
制血繡衣死當是時應山楊公勛逆璫二十四大罪忠賢方切齒而  
諸者又深文殺經署熊公矣嗚呼牙捕楚人急吳公親戚故舊盡冤

居業齋詩鈔

卷十四

喪祭集

三

而先大夫義不反顧理其喪事歸其柩先宜人謂曰今國家以廷杖指  
諫官口幸汝父不當言路當言路則必言言則必如吳公矣不孝時蒙  
釋鮮所知識稍長知讀書而先大夫書底遺左良玉叛兵東下歟且盡  
順治癸巳秋於處君首傳所得先大夫手書自警編乃鈔謄副本易之  
以歸日夕誦讀于是知先大夫之學有本也先大夫與人交于死生之  
際甚篤有岳州老生杜于登者為先大夫詞記言有蜀人秦某司訓者  
川卒官貧無以濟先大夫割俸資之蜀道險遠不能歸又割俸歸之此  
事昔前時家成所不載吳公之歸觀也不孝第聞先宜人言其未可知  
是矣其甚者何人頃之從子歐江結藍丹表架上書得後南來進士可  
與占遇氏丹木蕭集有已未進士陳鍾璽序言吳磊石以廷杖死親友  
當器俱畏勢炎莫之敢往占遇獨從金孝廉經紀其喪而歸大義抗懷  
君子以為難及觀集中詩目與先大夫過從倡調極雅不孝感憤之餘  
側不成麻絮明起讀三楚文獻錄言吳公與金孝廉之對面不孝感憤之  
是以疏一入輟真之死又聞吳公草薈時研水不可若墨呵凍為之草  
未就風成濁者三公朝衣冠告三祖列宗之靈乃入直其志豈畏死者  
哉一死而言責盡矣惟是鞭撻喧騰於殿陛血肉淋漓於縉紳有明神  
政趨宋教百年天下所未有者士氣削而國是沸羹刺極而復至于忠  
賢追殺呈秀斯屈田許諸山人駢首就戮當時與結交者七等定罪而  
死諸君子復官贈廕然與日月爭光焉嗚呼吳公最屬不遺恤以  
貧於君父先大夫除難不少避以無負於朋友聖學之在人以至季世

而尤裂裳不孝書此志  
感焉神自勉於學也

君子之與小人券不兩立若漢黨錮之慘唐清流之難其在史冊然  
封之傳言胡璉雖黃襪未雨其子明之季世者也其死與經居也  
封疆其死楊都憲也以其經居其左學魏黃周李諸君子以東林  
夫東林之招忌由講學而然公生平未嘗講學也應山江夏為同鄉而  
楊公與熊公實未嘗相善也為逆璫謀者日不引入務宮則名不  
不假借封疆則難以進駐嗚呼此計一定而正於是乎梁燾矣為此  
者誰歟璉星秀田國明阮文煥大耳許顯純楊爌耳而東國鈞擅生  
殺者璉璉也方都憲二十四大罪璉上逆璫亦備璉無入邑客氏從  
中乞請令就相繼官而逆璫辭職一疏先下備極溫謐次日始下臣  
阿順且編天下罪豆直進先聖繼承擁戴之禮豈直門生而已哉廣徵  
者魏公允貞之子允貞名都史也當時江陰李公言曰允貞嘗為言官  
公正憤憤璉施至于今廣徵當進讀父書保其家聲毋與言官為難此  
疏一出璉遂欲其之死地璉家奉趙公南星家居三十年再入朝遇璉  
微其嚴亦以父執故廣徵遂力排之璉言胡李復璉山西巡撫以  
論成振武衛趙公趙英士伍卒於成蓋人方念乃父之賢將以爲子  
而為子者一聞語及其父之名氏輒與人共戴天焉嗚呼父子之倫  
至此日而漸滅已盡幾楊公之始歸應山也有陳舉人恩元懷堂勸以

居業齋詩鈔

卷十四

喪祭集

三

默喪元氣母為禍始勸璉璉至仰天太息此泣買禍行且盡殺諸賢  
及後遂征征行千里兩湖日徒以先母在未能送君渡易水耳嗚呼  
諫元懷叔父公生平以言官路朝議諱曰忠烈楚人謂之生死云云  
吳公之死諒也疏之上以乙丑十二月二十五日死杖創以西貢正  
月二日其懷中尚有疏拾楊公所未盡者逆黨奪而獻諸璉璉入  
骨體以故適辛勞午其後飲視楊公允難而先大夫月死以爲之補  
送更不前為散盡出後猶行道尚可問哉以此知朋友誼篤至於急難  
而尤烈也不孝率遺書之用告我後人都為一冊曰往事錄

胡京蒙太史過訪

畫舫南溟來席濕羅浮雨朝涉宮亭湖夕攬青林  
鳴我我金閨彥步履寒梅宇主人拙言辭客訊何  
縷縷是日荒江濱觀者聚如堵朗詠緇衣篇此事  
今猶古

晨興送君發好鳥鳴春樹歸帆鄂王城雨色漢陽

渡捨舟而脂車北嚮長安路出處固殊營雞鳴鶴  
所務廟堂志鼎鐘山林司掌故矻矻百年內拮据  
尚無誤別後有雙魚可以傳尺素

王荅博伾來徵書兼餉土物賦謝却寄太極  
研一方詩韻一册侑以詩

琉璃研水經冬涸晨起爲君面北牕有槩仍須時  
少暇如椽直恐力難扛苦思柿葉秋堆案安得蠅  
頭夜照釭大令傳家自真跡羊欣羞溢豈能雙

生來自不合時宜坐上踴然太古姿脈脈豈真涵  
萬象蒼蒼頗似絕羣疑氤氲瀦沆北山足黼黻丹

居業齋詩鈔

卷十四

養真集

天

黃東觀期洗墨池邊夜雷雨才人拂拭寫新詩

六經韻學虞歌始三百篇終續楚騷臺臺大文天  
壤在萐萐傳說古今遙靜從谷口聽流水閒倚江  
風吹短簫料律齊梁四聲部一編袖裏出韶韶

送劉學正椿子之官均州

天官除日日邊來襄水官船解纜開行到宜城芳  
草地提壺一上杜康臺

萬壑千岩過置郵襄州覽古又均州濯纓真得滄  
浪水題壁好登文選樓

白龍潭裏涌青蓮三十六岩沆瀣天他日我來看

鄉黨振衣直躡太和巔

好事儒官行篋隨皮家文筆孟家詩無多俸入也  
豪舉倒着接離遊習池

葛衣芒屨出東郊爛醉狂吟解客嘲漫道先生鉢  
不足撻頭縮項儘充庖

王粲井欄新轆轤寒泉挹注飽生徒巡檐試問升  
堦者誦得登樓一賦無

臨卽賣酒圖

滌器鑪邊未可嗤男兒通顯亦須時上前奏事人  
無數才子偏令狗監知

居業齋詩鈔

卷十四

養真集

天

高力士脫靴圖

大璫俛首作官奴一事千秋入畫圖闕下火城人  
赤烏殿頭役得此人無

長安碎琴圖

旅舍蕭條客斷腸八千里外劇神傷憐才世已無  
文舉誰念幽憂盛孝章

唐人落第圖

曲江大譙赴慈恩誰向窮途拭淚痕黯黯斜陽黯  
背上劉蕡題壁出青門

送何蘭石闖遊

名士看山到武丘輕裘楚製少人知茶煙聚落提  
壺坐荔子園林拄杖窺榕樹綠肥雲谷口蕉花紅  
綻筍江湄追尋前代僊公跡九鯉湖邊定有詩  
小隱蓬門江水曲南榮寂寂長青蘿朔風地又薰  
風至舊雨人還今雨過老向騷壇追屈宋窺成韻  
語覓年何送君解纜開頭去繾綣斯須別恨多

秋浦詩

秋浦煙波似洞庭九峰復似九疑青謫仙去後酣  
歌少皓月溶溶到古亭

疎星耿耿寒芒夜古樹修修細雨天最喜寓公無

居業齋詩鈔

卷十四

餐霞集

辛

李赤亭臺不把廣詩鐫

寄張六菴刺史

十九年來刺史厨年年費冷似萊蕪飲泉亭子青  
青竹潑墨何人入畫圖

解褐南宮四十春勞勞半在此江濱眼中惟事渾  
如夢賸有鬢眉不負人

王薈樽遣我犀觥飲徑醉作歌

臨臬故人贈我卯飲卮正當比舍田父泥飲時四  
座傳看詫此何代物母乃步兵校尉之所遺巧匠  
嵌空鏤刻形模古隱若蒼龍出水撐之而從此一

斗一石入吾手公然酩酊罷耗高陽池有時脫帽  
露頂赤雙脚仰天大叫劉伶真可兒客于不勞辟  
席或膝席眼底都無武安與魏其酒後耳熱彈箏  
仍叩缶南山種豆何妨落爲其前夜剪燭頻呼金  
鑿落蒼頭走貰隣家幾鴟尾紀叟去釀夜臺不可  
作折券武負之遇良難期所恃挿架有書索高價  
諺云借者一甌還一甌魯宮汲縣文字俱蚪斗後  
生往往雅誦而瞠眙我自鷓鴣典去渾亡賴杖頭  
羞澁出門安所持晨夕醒狂老子殊寂寂鼓柁逝  
將西嚮江水湄故人此日釀酒應已熟吾當竟往

居業齋詩鈔

卷十四

餐霞集

壬

舖糟而歌醺三萬六千日已過大半奈何男兒有  
口徒舖糜况復赤幘樽中邀明月巨口細鱗舉網  
而得之不淺主人騰觚飛爵興碧雲深處嫋嫋洞  
簫吹十年契濶一朝乃有此人生樂爾須富貴何  
爲夜告江神吾行解纜矣詰朝藉手東南風相隨  
聞張六菴使君寓齋辛丑花夏放詩以紀之  
城北城南人總至樹頭樹底語頻仍爲園豈必潘  
懷縣有鳴居然王右丞分飲青霞攜一雀繞臨淥  
水聽諸僧沅湘蘭畹尋常見五月辛丑得未曾

東懷張使君三角菴寓



茶竈筆牀俱一車使君行部此爲家瀕江小艇能  
垂釣負郭長鏡可種瓜折券幾人除酒債空囊何  
地覓丹砂贊公房裏鐙前睡稍喜臺邊夜雨花

小物歎

天下小物慕炎熱夜有白鳥朝青蠅反舌無聲此  
族出陰之浸長斯其微短小精悍冥行者嗜膚噉  
血人難任典去鸛鷀買葛帳中央四角俱馮陵萬  
弩齊向便便腹尻腫腰脊連雙肱腹據舊聞副篋  
笥肱用使指勤鈔謄書淫書癖夫何咎罹此辛螫  
疇云應黃昏鼓射薄夜半昂藏七尺爲之墮伏枕

居業齋詩鈔

卷十四 食霞集

圭

轉仄不成寐引領賜谷瞳矐升雞鳴鹽救財隱几  
離頭醜扇來帶帶晨褰欵接龍纖子觴間多裏營  
營登森森塵尾斥不懾蒲葵左右駢寧勝大溲小  
遺輒點污琴床筆格都頻仍輕身剽忽乍離舍往  
經越次而奔騰亂色清流無不可襍糅壇坫渾溝  
騰浩綠傳會爲一飽絞繩之足工趨承強亦有房  
鼠亦窟此物漂泊云胡興壁上見燭照猶喜奈何  
白晝令人憎何怙恃以蕃息養爾生氣於何乘  
昊天有赫臨下土於斯二者曾無懲者休逃出爲  
世患分曹引類殫其能聚之成雷吁可畏縱今止

棘仍多朋拊膺太息誰致此察其所以惟炎蒸是  
橫實拔蘊隆勢宵旦出沒機相磨是時大風况有  
隧吹噓鼓扇公麼昇我所思兮清冷谷北山之北  
曾曾冰筋疲氣短遠莫至夢之帝所時凌兢嗚呼  
人生之苦亦有極少待寒露商秋凝霜風瑟瑟掃  
陰後掀翻失勢天衢澄世事眼底如轉轂彼哉小  
物何足稱

寄胡平玉黃州

冷官官舍雪堂近坐引青霞到北窗肅客登樓眞  
竹瓦觀魚出水似松江杖藜安穩黃泥步壺榼頻

居業齋詩鈔

卷十四 食霞集

圭

傾赤鼻紅寒碧園林能信宿枕流軒睡夜淙淙  
畫裏江城寧寂寞有官獨冷亦置器三更月露迎  
詩舫萬頃煙波送客簫覽古茫茫談戰伐會心忽  
忽到漁樵眼前物色渾無盡孤雀踟躕夜復朝

鄭生授詩過訪大韻訓之

瓦盆盛酒衙門下脫帽披襟酌酣歌一壑栖身行  
辟穀十年杜口不言官挈舟唱我當炎暑得句驚  
人逼夜闌却笑東坡老居士命宮磨蝎竟如韓  
幾年契濶今攜手苦說彈碁局不平五柳三閭誰  
合傳千秋萬歲總虛名區區散地魚邊樂咄咄浮

生夢裏榮搖筆荒園書柿葉故人往往見詩成  
舍北舍南江漢水擁書萬卷在中央壺觴折東羣  
賢至鉛槧分曹鎮日忙屈宋騷壇應後勁鄒枚人  
物定前行崢嶸眼底吾期汝大海迴瀾日載陽

王瞽搏遺畫軸畫手名氏印記都無亦古矣  
走筆歌以紀之兼用志謝

驚溪之絹可一丈中央墨妙僅盈尺黃中閣藏幾  
千春今朝挂我荒江宅樹帶蒼蒼蒼雲崖縣崖  
崖峇峇石殷地沆瀣直星躔兼天鴻濛混潮沙老  
屋攤書二老生燎炬兒童佐倚撫身前後擁青

居業齋詩鈔

卷十四

五

箱狼籍古人漱其液跌坐檐楹瞑目者潭思寂神  
亦書癖兩人對舉琉璃盤漆書耽耽欄干射凭欄  
遐矚三君子其一拄杖有所造何年好手寫此圖  
軼厥氏名良可惜顧陸張吳代已遙後來往往徒  
踐迹造物留此餉幽人餐霞辟穀惜晨夕都梁手  
藝絕纖塵卧遊疑到鏡姑射側身西望寓素書  
異時報君雙白壁歌罷捲入縹囊封神物還怕逢  
蛟龍

周秀才過訪

肯相汝崢嶸  
齡遂老成學從艱苦入  
楚自寂寞

生蟄壤朱桑里寒雞風雨聲結廬當瀑布瀉到  
池清

纖塵不到况復藝名香白日康王谷青衫司馬  
堂竹書結汲冢石鼓搨陳倉隔岸過三舍論文覓  
楚狂

寄題周生書齋次杜東山草堂韻

別業蕭然匡谷口壇場太古物華新飛泉迸落煙  
霞塢返照淹留樵牧人天半屢屢萌綠筱雨中澹  
瀨足青芹卜隣白石山房得坐愛寒松帶雪筠

寄田茂生恭城

居業齋詩鈔

卷十四

五

漢代蒼梧地隋年曰恭城  
文分異軫華蓋峰崢嶸  
燦下有昭潭水其流駛以清  
人物古周渭立朝若  
直聲田郎剖符至治若小鮮  
烹政衙靜無事夜對  
短燈檠出戶巡檐望  
耽耽者長庚薄宦不溫飽聊  
以代躬耕僻壤上官少手版  
絕將迎寒雪煨茗讀  
春山採杜蘅荷鋤辰砂得遺我  
佐青精

胡生復亨會來刻太僕仁常先生罪因禁持

過草堂會余鳩工鉅往事錄為江夏磊石

吳公死諫先大夫經理其喪以歸也事正

同時感而作歌

天寒欲雪黃雲屯朔風獵獵荒江邨紫霧谷口  
郎至圍爐擁褐當黃昏高燒麻炬拭髭几濁醪徐  
出中厨罇胡郎衰裏先賢卷四座把讀齊聲吞有  
明天啟寺人亂太僕胡公罹於冤殺人媚人薊崔  
子深文阿指無平反胡公榜掠數瀕死灑血囹圄  
書遺言奄奄枯拳微天幸天子欲改崇禎元是時  
應山楊公江夏熊公俱已矣楚人有些徒招魂應  
山罪狀官豎猶未訖御史磊石吳公補牘論吳公  
以此殞廷杖親戚故舊亡命奔我先大夫歸其骨  
桐棺葬懷城南門此事特書東粵朱家丹木藁陵  
居業齋詩鈔卷十四 雜錄

紫霧山房歌

紫霧之山千萬樹屏障紫山人昨山人仙去羣  
玉峰樹頭樹底霧猶雨山房棟架古人書山人丹  
黃都訓故捧檄一上集雲亭拂衣還返桐川路歸  
來晨夕此婆娑引年不飲張蒼乳兒孫羅立  
游紫霧垂垂濕芒屨山脈蜿蜒壇坫開大

千人具我生未踏紫山邨聞聲曾志紫山墓厥孫  
重趼來江干邀我遙作紫山賦天寒積雪手凍皴  
為拭剡藤寫長句

贈萬友弟

南宮榜下人得意翩翩走嚮鴻臚寺與辰薦士三  
百人阿弟瑛也四十四故事解褐會成均承恩大  
譙曲江醉國朝得人科目中三公九列由斯地阿  
弟天官一選人南歸聽除吾把臂輦上清卿江文  
通書來說弟行步工萬里之行脂車始君不見陽  
城汝師黃閣翁

居業齋詩鈔

卷十四

雜錄

三

居業齋詩鈔卷十五

廣濟金德嘉會公

詠物集

竹几

隱几湘雲生  
湘山竹所成  
校讐書幾卷  
可以代躬耕

石盤

盥手藝都梁  
磁鑪度竹房  
疏櫺浮一縷  
隱見漆書光

盆山

居業齋詩鈔卷十五

詠物集

一

水立一峰青  
君山在洞庭  
與雲而致雨  
吾以名吾亭

紙屏

驟覺草堂深  
中央坐客吟  
淹留二仲久  
月出正當心

書削

稜稜百鍊剛  
築氏世爲削  
所向及其鋒  
鉛刀勿用割

筆牀

毫毛猶茂茂  
乃在一草廬  
咄咄珊瑚架  
曾鈔東觀觀

書

墨池

清淺故蓮瀛  
時時風雨聲  
飲中唐供奉  
方外宋端明

端研

地數翻奇暈  
星精乃蠖攢  
出山豈驟貴  
聲價在長安

竹榻

此君無不可  
小屈作匡牀  
直使纖塵絕  
兼令六月涼

居業齋詩鈔卷十五

詠物集

二

竹杖

拄到洗頭盆  
方莖仍九節  
怕逢粥飯僧  
削削老板關

簫簟

高枕得桃笙  
炎天遊化城  
中宵醒蝶夢  
皎皎見參橫

藤枕

區區獨寤心  
伏枕亦無暇  
不得荒雞啼  
漫漫長此夜

藥鑪

鬼戴警警車蓬心渾草昧九泥封此墟揮手絕其

喙

花架  
鉏鑿難狂花措撐役散木物生今有區楚楚若新

沐

酒榼

國器是鴟夸出門信所之明朝已陳迹一冊紀行

詩

劍鞋

夏日傳看客恐令髮毗寒冷然三尺水莫信詫龍

蟠

馬阜

伏櫪志千里昨朝試蟻封一經曹霸手畫骨其猶

龍

銅甌

光浮新雨夜湧出古雲灣漫漶何朝字摩挲爪甲

殷

笛步

唳鶴潛蛟處穿雲裂石秋蟲人嘗獨往一氣滿滄

洲

琴囊

湧月上虛桐冷冷能解慍水山氣自通匣亦有餘

韻

燈缸

霜鬢坐深更小窗膏火繼花占遠客來焰報詰朝

簾掛

芳樹前林綠遺來好鳥音細簾垂復捲即事稱吾

心

瘦瓢

居業齋詩鈔卷十五

鵬肝老樹膠沉瀝果其腹俛傍枕流人仰觀天半

瀑

簫笠

巡檐綉綠簑戴笠影傴僂萬事寸心裏今年雙鬢

瞻

行屨

郊行眺遠山誓作山中客蠟屐幾經秋空山未有

跡

造物愛桐孫出林光蕤蕤微雲渡厥根疎雨沃其

桐巷

草木考云凡木本實而末虛也  
桐小枝堅實世所以貴桐孫也

子

蕉衡

黃色雙眉上碧濤岸幘分班荆羣籟息清磬隔溪聞

荷澤

芙蓉水一涯蜺蜺飽頰霞共我碧簫者滄浪一釣家

瓜蔭

家矣東陵侯盤中常五色縣縣陟相仍覆露豈能測

居業齋詩鈔

卷十五

詩物集

五

松鳴

青青殿歲寒矯矯垂千尺謏謏華陽風白雲怡枕席

古鏡

掛壁牀頭光皚若雲間月如何閨匣中不使鑑毛髮

古槩

朝可挹瓊漿夕還盛桂露何年田舍翁掛此萬蘿樹

古槩

送難訓都講據聞質已事方言油素得往往摘奇字

塵柄

伏汝禦青蠅爲吾去所憎止榛還止棘牽引故多朋

籀書

准人許容場石鼓鑄版  
余序之決一册以歸

解褐入承明校書直天祿揭來石鼓文老向楓窗讀

隸書

羸秦仇古先事事湊交雍丹鉛趨徑省籀乃變爲居業齋詩鈔

卷廿五

詩物集

六

隸

八分書

南海陳元孝大書光  
風霽月字遺我書生

苞緼石經後鑪錘韓蔡初草堂歛光恠遠致自扶胥

先人墨蹟

前甲戌先大夫守陝西與安會蜀寇走漢南至郡縣望風破而興安一城固數月不下用奇計破賊有

遊擊擊唐通書集猶存不孝承乏之官雖州縣猶有兩先生書後相潭王山長無錫悅閣公都陽王君若子題之裝演成卷

百戰危城日十行血淚痕于今傳館閣神氣宛生存

古敦

王山長物也館人借  
入質庫今夫所在

春秋良燕會列卿莫爵卑失身憤鼻揮播越酒壚  
下

畫筑

矐目入秦關酒人猶好事慶卿亦已矣千載人酸  
鼻

馬箠

迢遞長安道馬蹄疇昔多雪中登廣武水上過黃  
河

游山畫冊

入海求蓬萊神仙不我迎入山計未左向長與禽

居業齋詩鈔

卷十五

雜物集

七

慶

書篋

何以益神智讀書能識字皇皇天地心炯炯六經

筍

食簞

飽飢而襟裾畏人呼笨伯有腴常用韭安所得牟

腊

酒船畫

壇坵江湖裏夢魂竹肉場風流楊鐵雅汗漫玉山

堂

茶竈

煙霞分一握水火互爲朋桑苧素風在吾廬今亦  
能

帶鉤

腰未折督郵陶公一以樂又聞榮啟期九十行帶

索

漁艇

短扎訣君房羊裘穩釣艫狂奴千象緯千古一桐

江

燕巢

居業齋詩鈔

卷十五

雜物集

八

帶雨來蓬巷穿雲語華門幾經新改歲猶念舊時

恩

鶴鄉

老傍幽栖得真于野性宜飛鳴俱有待清亦畏人

知

居業齋詩鈔卷十五終

居業齋詩鈔卷十六

廣濟金德嘉會公

壁陽集

出游示洛子

風雨杜衡門客來倒徙迎內顧嗟荒厨何以行吾  
敬良久羞一簾展席蔬糲併怙怙拙言辭猥云貧  
非病九月未授衣亡何涉冬孟求濕充地爐乍暄  
安能更踟躕蕭蕭離間終朝此恹恹卜筮利攸往薄  
遊以適性黔突豈盡賢暖席况非聖緬懷古之人  
向長與禽慶我生寡儔侶惟子侍溫清筍輿勿用  
居業齋詩鈔卷十六  
肩扁舟逸以輕丹黃幾卷書緘勝一古鏡出門信  
所如久速我爲政澄江日夕佳行行發新詠

琵琶亭夜泊

江煙漠漠水冷冷燕沒青山司馬亭九派爭流俱  
送客不勞冠蓋出郊坰

登石鐘山

此地能頻到吾生幸老閒危行探古蹟直上逼孱  
顏游喜當秋霽留應待月還山根息羣竊只是水  
潺湲

王文成墨蹟石鐘山石覽而作

有明中葉荒厥家公膺宦豎莽紛拏牽復疆藩擁  
護衛江湖羣盜爲爪牙推轂王公撫南贛維大司  
馬憂萌芽南昌亂作死孫許公乃薊薊兼杭爬罪  
人斯得上行在赭衣面縛檻其車紀功之書大於  
手鉞石廬霍栖青霞舟行泐詩此山骨神氣淋漓  
江之涯我來摩厓得微路捫蘿剔蘚穿谿訝摹搨  
未遑放船去躡履次且三歎嗟

望小孤

九月江湖客侵晨過小孤游還存舊句老漸藉人  
扶古寺當云恙山僧定有雛犖舟風迅極寫入少

居業齋詩鈔卷十六

文圖

犀照亭

典午昔南渡神器一以窳僂力豈無人氣衰於揮  
塵矯矯溫太真立朝忠且武長劍倚江天灑泣江  
之許警師討賊峻慨執桴鼓八州顧臣誼相與  
依車輔亂賊懸葉街人乃知君父師行次丹陽難  
犀到水府犀照一名亭圖經遂千古

亞父城

言歸歲月已蹉跎一劍霜花五載磨聞道沛公能  
好士結交苦未得蕭何



事成不過一通侯骸骨歸山百慮休癯斲秦成陳  
孺子美如冠玉只陰謀

亞父城晚眺

亞父城頭古時月至今猶照亞父城亞父曾掉三  
寸舌疾呼緩頰渾無成銷魂義帝郴江去吞聲沛  
公霸上行乞得骸骨歸卒伍有耳不聞楚歌聲嗚  
呼男兒仗劍從軍止于此何不居巢田舍扶犁畔

居業齋詩鈔卷十六終

歷陽集

居業齋詩鈔

卷十六

三

居業齋詩鈔卷十七

廣濟金德嘉會公

堽堽集

蕉鹿早醒金馬夢尊鱸遠遂碧中思桐城清  
子彥昇遺我扇頭句也一字廢以絕句詩  
一首用志淪肌兼憶鄙懷

草堂徒四壁有客坐吹簫一幅潮川畫冷然雪裏

出關何所之東鄉康王谷見說古之人洞天馴白

居業齋詩鈔

卷十七

歷陽集

一

幽栖亦漸老回首傷懷抱有鑒射人時潛身苦不

醒人如轉轂拙宦若拘囚酩酊荆高市寂寥我獨

左計是書淫朝朝搞項吟曾漂庭際麥豈識菜邊

金插架胡爲者凝塵高閣下男兒奔要津汗血當如

馬綵柳陰青門驪駒勞餞送終風吹凍雨渾入莊

夢

蕭蕭草莽臣落落荒江濱尚有山鋤厥時將水笔

澤畔月模糊煙波一釣徒細鱗巨口得饌出松江

筮直天山遯紉蘭出九畹尚平夙有期采藥夫何

遠鉤簾僚曙光龕識行間字仰眠蒼蒼天生涯亦已

遂鑪香手自焚潞潞讀三易夜雨漲前溪停雲老樹

碧居業齋詩鈔卷十七

竹鳴復松關盈盈水一灣客來無可道唯恐負名

山半酣倒接羅芒屨步遲遲手把少陵句搔頭有所

思次韻訓潘彥昇

春雨滄江漲小池雙魚忽到草堂時蕭條七澤壇

場在蕉萃三間鬢髮衰短扎經年疎熱路寒燈靜

夜對思浮山高卧垂綸叟千里懷人數詠詩

白舫青簾此渚涸春風吹過九江來詩勝獨酌初

欲絕纖埃藐林眼底誰皇甫走向桐坡捉筆回

東望有懷馬仙軻

世塗何偏側行步苦難工坎壈郵亭外呻吟旅食

中肯災當一臂骨相豈三公日日臨江潞期君君

又東

已攬中原轡還歌行路難駕駘何可御蟻垤未能

安天意存腰膂人言待羽翰江魚傳尺素東望勸

加餐

送王眉英謁選

雲樹八千里天官一選人輕裘少僕馬旅食歷冬

居業齋詩鈔卷十七

春懷古循良吏起家文學臣薊丘踏芳草詩句定

鮮新

辛丑

木末芙蓉惹鬱時巡檐有客步遲遲裴王輞口賡

歌徧不稱辛丑鵑裏詞

桃花

舍鷓鳴向野人家草閣蕭簾暎早霞昨夜園林足

春雨曉風吹放碧桃花

太宗伯黃岡王公南歸却寄

詔下南宮歸洗沐舟行蠟屐上東山青雲縹緲

衣巷黃鵠踰躑牛首灣天入華陽泉石古人逢許  
邁歎歌閒紫瞳綠鬢神仙骨採得丹砂又駐顏  
臨臯賓燕還依舊大老招攜復聚星策杖過江尋  
漫叟披襟躍馬問岐亭紫裘客弄橫江笛白舫人  
供薄暮鯖下水雙魚三百里可能頻到藕花汀  
蒼煙古木寒溪寺高閣鐘聲到水濱乘興偶爲櫻  
筍集忘機應與鷺鷥羣詩僧入座衣沾雨詞客分  
題筆湧雲斗轉參橫驪未極曼聲長聲隔江聞  
一別青門遂各天風晨月夕每淒然拂衣掘塚三  
千里匣劍霜花十二年作賦遙推小許筆論詩近  
居業齋詩鈔卷十七 堀塚集

接大毛編詞瀾滾滾看無盡滄海由來幾百川  
釣童山下氣蕭森鎮日瀕江搔首吟襟記西京諸  
史料校讐東觀一書淫陶潛蹤跡杯中蚤宋玉悲  
秋賦裏深見說園林渾綠野薰風倘許拂瑤琴

解衣篇爲從子啟江賦

綈袍之贈人何許拜別斯須出門去鄉里窺識名  
則忘雙趺前村作流寓天涯無數羈旅身坎壈茫  
如墜煙霧高樓廣厦積雨時粵羅楚練坐朽蠹季  
倫溷厠足衣桁惟一處仲著其袴棉忽奇溫朱百  
年淚下中宵如雨注七夕阮家並插竿巷南

區豐寰造物於人薄厚殊或擁重裘或敗絮所以  
聖門露肘賢時人无咎亦无譽阿江逢人輒解衣  
于古人中何所慕省闈頻薦不登科青衫過過漢  
陽渡鎮歲授經黃口兒朝說田何暮轅固楫拙煨  
爐夜達晨短褐不能贍童孺昨日廡下老蒼頭席  
帽泥塗濕甚屨苦雨三晨突不黔走向質庫渾無  
具一寒至此尚憂人室如縣罄夫何措嗚呼眼底  
富兒齷齪真可憐吾今酒酣走筆爲汝吟成豪士  
篇

半水吟送舒二堯草之官

居業齋詩鈔卷十七

堀塚集

五

先王養士設膠庠馮翼孝德興斯地鼓篋釋菜士  
親師函丈輒咨古初事有口閭閻三物書有腹便  
便六經笥章甫逢掖別丁男射飲讀澧借長吏漢  
代文學有桓寬上殿力陳鹽鐵議唐賢何蕃仁且  
勇六館生徒眠爲幟師令道尊教乃行如臂使指  
身使臂所以慶曆太學中科條壹自湖州至經義  
治事各有能湖學鑄人如鑄器皇哉考亭先生言  
貢舉不用徒文字限年窮經鮮虛曷其學既成乃  
就試牋疏訓故尊所聞譬木從繩水從繩當年若  
果著爲令人到于今受其賜半山學黜制

殘糠秕釜殘裁明例科舉人一經兔園詁經遂不  
二邂逅老生發絨勝黜黜點點渾造次大全纂輯  
實徑省專門名家遵棄置館閣不收書賈收往往  
散軼在市肆豪傑之士偏嗜古倚撫貫穿益神智  
辭必已出怕雷同炳麟行厥志不然剽竊倖  
通顯舉比壇坫將毋媿司鐸一官官獨冷操觚藝  
苑則勞動搔頭朗咏少陵篇羲皇屈宋夫豈易顧  
祿詩入九重驚桑悅文成三公悻半水欄邊着此  
人宮牆庶幾任鼓吹方今聖學日中天妙選耆儒  
司講肄我友績學四十春之官初納十脰贊我爲  
居業齋詩鈔卷十七 題梁集

六

沅陵行送張晉天之官

沅陵博士解纜去掛席直到沅陵城沅陵昔有龍  
標尉至今城尚龍標名雲樹漠漠五溪水一官南  
去五溪行茗飲坐看溪花放藜牀眠聽溪鳥聲長  
歌短咏詩千首開軒下榻延諸生何人捫蘿小酉  
洞探出秘藏宸箱籠校讐可以儷墳典寶之不啻  
楚白珩張君家世此書癖藹花陂上充閑閣雪顛  
上策如賈誼日菴稽古如桓榮以此腹笥方朕來  
珍錯頗似樓君卿壯哉此行增挿架熊光

鐙檠有官獨冷亦不惡俸錢龕足代躬畊况復  
接百稱意書帶草間紉湘蘅望氣中宵泰塔平風  
前月下閣餘笙洞庭南北六千里詞場無席容飢  
僮君去老夫仍無暇操觚襍記是西京

壽新淦教諭文靖廬

靖廬老人嗜細繅戲魚堂帖摹成函飲小廬山掀  
其顙安得司業錢囊探衙齋吸川亭額嵌峽江象  
江雙流涵紫瞳綠鬢視眈眈雅與仙人朋盍簪羅  
浮道士章山菴棗實纂纂松珍珍凌雲峰屬漱玉  
潭令威孝先奚猶黔三十六峯玉筍峴梅尉丹丘  
居業齋詩鈔卷十七 題梁集

七

豐城學宮五月大水伏日聞而作歌

辛巳夏五豐城水校官官閣夜三尺天在水中人  
酒醒大呌星河壓枕席短札遠訊滄浪翁鴻濤胡  
爲此奔滄荒江隄戶鮮方聞桑經鄆淫龍倚據廬  
水出三天子都章水貢水交吭隘滕王閣下歛滂  
沆劍池溟津沒壘場涌若灩澦之象馬渚若錢唐  
之潮汐兼山之卦之習坎觀象此中悟損益富兒

呼號泥困廩荒齋幸甚徒四壁農田奏記在有司  
不勞校官書大瘠亡恙縹囊充綺疏差勝穰種連  
阡陌牀頭賸有車應螢眼底久無高鳳麥諸生入  
侍仍舊儀琴瑟几杖並書冊禮殿尚不至陸沉盟  
漱燕香謝河伯檐楹奄有澤中荷榴花瀕水照顏  
色好景應落王宰手新詩直兼輞川格最是河魚  
大上半水之欄干舉網可以餉佳客是時先生逸  
興逼潦梁往往痛飲一斗或一石我欲從之路阻  
長月下作歌自三復詩筒垂發東方白側身東望  
通水聲

居業齋詩鈔

卷十七

楊傑集

八

棄簑歎

十畝稻田耕釋釋學稼先學紉襦襖方春三月雨  
不絕草繩斷爛續以絳五月六月田旱乾此物牆  
頭遂棄擲有客負牆歎且歌天實爲之奈爾何老  
農占候歸來牆角語月離于畢滂沱雨天意來朝  
還屬汝

桔槔行

十里一堰五里渠捐轉送田一區老姑鬻糜新  
婦饁浹旬不雨苗其枯主伯亞旅吞聲坐家不爲  
農無此甌入山捕鹿水捕魚男兒有身無不可寄

藏舊穀閭左豪閑糴坐待米價高煇雞炮鼈饗兒  
女大笑旱魃真我曹

旱

東畢有星不好雨田父呱呱係天宇夏日可畏晝  
又長火雲熇熇煙蒼蒼千尺古湫一以涸下有蟄  
龍安所託陰陽錯迕今年飢不爲苦焚皺雙眉  
稍覺西林日景薄躡履南榮遶日落露坐夜分露  
不下瓦墻偏側葦熏灼葛帷如火焚桃笙嗟汝旱  
魃亦已虐趨炎醜類况蕭蕭夜有白鳥朝青蠅

瘡牛謠

居業齋詩鈔

卷十七

楊傑集

九

去年冬焚牛羣破田家十箇殘五箇方春買得比  
隣賀不爾今年無耕作深耕溉種六月枯桔槔輓  
水出長湖湖水半落牛已瘡老農田塋藉草吁輓  
水憊矣鞭使奮牛力幾何能不憤此物肥瘠閱歲  
運來春道喘何人問短笛牧兒吹復歌十日不雨  
湖其涸牛則有皮田無禾牛兮奈爾耕人何

立秋

桐葉下秋風微雲仍不雨赤燂焚青冥延燒及黍  
稌洲渚昨舞雩昏旦人過鼓方士伎已殫雌蜺懸  
一縷筵簞百無驗羣巫色加上袒跣撒豆登壼鬻

無田祖卑魁曾莫懲坐令猛于虎

露筋祠詩明徵士王彛常宗据米中岳碑記

採諸舊聞梓而成篇也余覽之慨然有作

湛湛清淮流脈脈鑑星斗峩峩處子祠籍籍行人

口處子軼氏名幽光澈林藪當其致命時嫁也相

襟襟有膚如凝脂而顏則孔厚渙忍幾春秋人與

骨俱朽處子全而歸乃令金石壽瘦硬殺露筋奉

科米公手嬌雌子郊行浩歌搔白首貫穿諸舊聞

於言無所苟竊比五代史大書斷臂婦古來正氣

人生辰厄陽九造物用百罹試彼堅貞不男兒據

居業齋詩鈔 卷十七 揭傒集

十

要津往往喪所守形管寫赫蹏犁然別好醜嗚呼

處子身坤輿一樞紐維江有曹娥維井有岳女

閨閣此三仁焜煌千載後

胡平玉學博過訪

雲漢歌初歇蒲帆客到門清風生竹鳴驟雨長溪

痕坐永圖書夜談深薜荔邨主人興不淺剪燭灑

空罇

即席贈孫司訓聖草

東來三百里掛席過長風樓閣千尋上煙霞萬

壑中忘機尋釣叟好事訪詩翁陋巷秋仍暑薇

對客紅

沉瀝歌爲恪先聲

沉瀝秋滿南山壑瑤華雨後茁東郭仁壽橋頭

膝人晨起後園躡雙屨走上千峰復萬峰絳雲深

處蒼苔封崩岸不用扶方竹清談搖塵即山松眼

底富兒門巷口茗芋牕牕無宵晝清流苦節日大

難車如雞栖馬如狗別有福地與洞天丹砂之竈

青精田穰冠弁服迢迢者邈邈可以相周旋龍取

驚難多無數財寫黃庭經一編書妙坦腹東床日

書法今年初放筆學書學仙其實一英雄好事輒

居業齋詩鈔 卷十七 揭傒集

士

努力有口須令吹鍊笛

束濕行

上山腰鑣下山束濕垂手沾濡謂天雨汁 蕉猶

襍糅芝栢散晉陵麓童童言發其蟄 有草曰棠

枕岡負磐杼之血指來日大難

老饕行

老饕朶頤頤指氣使雞跖駝峰衍衍樂只 奉令

曰咨旦往懲之陟彼山止游于水而 水廛山屋

千慮一失饕曰於乎諫也不力 宰夫司饔庖丁

奏刀我饕則具焉用汝曹

訓張秀才

開閭俯大江濁浪何翻覆逝將負長鏡北山採黃  
獨獲亦有時蟠龍亦有時伏蓬蓬掘塚中買買勞  
驂服何以慰幽人冷風入深竹

深竹隱茆堂疎櫺晨漱光古人去我久念之不能  
忘清言灑肌髮令我歛蒼涼短札來何許爛然成  
一章持用展遐矚雲海浩茫茫人生苦契濶相思  
日夜長澄江下白露寒裳葭莢傷

靖州有夫天死而新婦雖經以殉之者胡學

博徵詩紀其事

居業齋詩鈔卷十七

紀樂集

主

農家女笄十七爲新婦侍人疾鵬鳥鳴山魃出致  
唾帷刀圭室旦饒饒宵饒饒請用吮饋以郝顏慘  
愴氣慄慄額排閭薦香必蘭膏輟盟柳溲遺間  
九十日舌聲淚如綆編樹有考禾有柳嗟活人乃  
無術卜筮筮兆云吉旋啞啞竟蕭瑟神憫悅不可  
詰逝矣魂盪焉卒棺束身萬事畢婦人義軀從一  
新布練舊布相奔夜臺駛如駟冰融水劍入鞋歸  
混濛絕塵沕高者峰下者滴藏者卽附者姑趙左  
宅鄧右埵木連理石雙瓊損官縉營萃嶺靖州人  
載盈快采風詩紀事筆

拾語三章

甲倡乙和期期不可寔牖腹誹鄉亭祖左 埤埤  
蓬蓬促促僂僂焦萬寂壹噓噓嗒嗒 牛車擔負  
大家小家貫輸經屬課最官衙

據閑三章

有虎有虎賜睽睽肝田父能能攘臂崆峒 獨漉  
獨漉笮笮空腹沮如大無舍旃即鹿 萬斛之船  
掛席千頃石尤打頭不如炸艇

有瘋三章

良弓宛宛大獲視隙嗟爾冥冥白晝如曉 睚眦  
居業齋詩鈔卷十七

紀樂集

主

則仇錙銖是校龜亦能嘆鳥亦惜袍 燭火燎原  
溫泉浸谷閭闔之門朝歌夜哭

小箴三章

漁也晞網獵也輟弓井收勿蕪蕪雅則凶 蠟屐  
幾緡平踏靛靛稗藥于丘火崩共瀉 折勒傾軛  
厥監不遠衛公孫鞅漢主父偃

先大夫忌日

望斷秦雲隴樹天鑑香此日倍凄然山梅樹裏松  
楸路霧淞霜花又一年  
草土餘生五度孤于今黃髮滿頭願舊聞招拾寒

星出故老能言先大夫

孤兒學語未趨庭慈母床頭口授經喪禮讀殘纔

祭禮麻衣直經冷江汀

志銘行述家成在碑版嶙峋覆釜墳循吏傳中龔

渤海鄉賢祠裏范希文

墓門谷口雨蕭蕭郡縣前年禁採樵苦憾無錢營

丙舍幾時篝火近山椒

九日

東籬鎮日視耽耽有菊含葩採不堪垂老數奇仍

愛九小園逕僻自成三濤聲潄潄趨羣壑木葉蕭

居業齋詩鈔

卷十七

題集

古

蕭入暮嵐何處白衣人枉過陶邨猶在此江南

好事佳晨仗友朋側身懷古代相仍酒邊歲月陶

元亮詩裏乾坤杜少陵細菊遲霜俱爛熳冥鴻于

野儘騫騰經營江閣當霄漢灑翰凭欄我亦能

九日懷古

菊蕊黃房重九天鯉魚風起渚宮前龍山謠會俱

冠蓋千古傳孟萬年

孫監揮毫如寫真參軍歷落座無倫當筵脫帽

忘勢宣武安能駕馭人

彭澤歸來喜欲狂素心豈肯負重

江郭擬向南邨索酒嘗

六言詩呈十水方伯

古水澗邊草閣百花橋上仙翁悠然莊惠家意卓

爾羲皇代風冒雨巡籬採菊穿雲出郭鉏松炎官

斷絕書札野老過存歲功緬想龐眉四皓偶談折

臂三公短燈檠依丹槩老瓦盆共碧筒口笑張蒼

乳臭胥隣李泌爐烘黃梁夜熟盛饌亦鯉朝騎在

涖隱且逃名物外人猶索歡墻東貧交契濶相望

搔首詩成一通

贈畫史

居業齋詩鈔

卷十七

題集

五

邨侯發墨宜春雲千巖萬壑春雲裏混濛一氣洞

庭湖七十二峰峰峰似蒼蒼蒼蒼黃鵠磯仙棗亭

下點盟起東五百里青青樹青林湖上掛帆處白

雲處處長隨君爲君朗吟供奉句

東懷馬形廢仙軻桐城

芭屨不到皖城東萬柳園林入夢中亡恙昨聞鄉

曲語山泉脈脈舊時同

伯氏吹埤仲氏篴鳳毛犀角看羣兒曝書偶得西

京事追數先公珥筆時

十畝田租今歲豐兒郎果腹藉款體一寒至此鄰



翁說清德堪憐太史公

絮語三更捐拙灰責家明日款門來雪深不用尋  
雙展赤脚能登皖伯臺

絳帳門前簪筆生半沾薄祿半歸耕齊年通籍人  
無數二十年來到九卿

竹窗風雨一燈寒不把書看把劍看人在湘江慙  
悴極無端又憶皖江湍

遠道故人頻寄書幾行小楷託雙魚青絲白粲何  
曾到只似相如賦子虛

華表歸來白雀雙先師覆釜壓鴻龐大書欲比龍  
居業齋詩鈔

文鼎筆力何人可獨扛

活溪志中有晤臺作晤臺歌

天寶至尊梨園藝垂衣手按伶人振力士念奴薰

天勢腹劍大臣工壅蔽營州牧兒入宿衛宴賞狎

暱寵絕世歸去狂御翻爲沴機槍夜直甘泉刪沈

香亭子早恩壙二十四郡失埤垓顏家太守堅城

閉常山者兄平原弟扼其吭領掣其精西巡以此

得乘橈靈武青宮一稱帝李郭將軍俱匡濟王

破竹收帶礪封豕長蛇漸次殪馬嵬坡下覆短

輦路肅清天宇霽臣結流寓湘江泊昨聞吳

江祭中興有頌仍雪涕晤臺搔首望天際

題舊樽所遺古冊

鄂縣鐘磬寒溪寺聲聲九曲寒雲亭仙公洞裏風

瑟瑟漫叟罇前泉冷冷東坡居士題名去磨礪鏤

刻人無倖山骨歷年亦消蝕莓苔浸長蝸涎陘王

郎揭取裘黃都一冊東三百里來吾庭平頭屐齒

黃泥阪過江沾濕樊山筵蹶踏將命逡巡退茗飲

藕飮湏街廳我獨鉤簾摩挲過丙夜中天啖啖長

庚星月滿屋梁見顏色恍忽王郎捫牕櫺安得還

近良譙會脫帽露頂空江船有酒應共六逸醉有

居業齋詩鈔

卷十七

題集

七

懷莫數三閭醒我手君冊三歎息我歌一曲君其

聆金石文字漫漶且如此何況區區七尺巾衫形

把臂直到湧月古臺上極目夏口漢口萬古煙波

江

送吳山人還桐城

踏遍山城亂水津筆床墨沼到江濱客亭乞得思

王帖手劈溪藤寫雒神

蟹市漁邨白露秋寒雲縹渺庾公樓苾苾九派尋

陽水送爾浮山一葉舟

五老峰頭殘絳雪康王谷口足青松推篷都落白

描手攜入山莊伴蜚龍

漢川王希齡枉過小飲話舊

厚祿故人書信少  
款門投刺布衣生  
漢川老屋荒  
三逕王父先朝列  
九卿亂失青箱殘  
舊譜過存黃髮話  
西京不嫌酒味江  
邨薄燭跋圍鹽滌  
月明

胡紫山傳成作歌

紫霧厓邊胡孝孫  
過我斷斷徵祖德  
王父當年令建平  
解龜歸來一書帙  
耽書老眼苦鈔謄  
輟耕錄踵陶家出石  
屋諸孫茹蔓菁荆  
釵大母啖饌饌月  
旦評入耆舊中恭  
請先生撫其實章  
侯祖德聲諸

居業齋詩鈔

卷十七

雜集

六

詩賤子魯鈍言從質  
牽衣覩縷數吞聲  
令我巡檐長太息  
無數厚藏高廩兒  
先代彛行不省識  
古人送葬傾鄉縣  
今也墓門無點墨  
何况傳誌費棗梨  
箕綬安得禾生藟  
嗚呼詒厥金滿籬  
曾弗報以數之仇  
胡生胡生尚古風  
孳孳造請廢眠食  
老夫爲汝萬感集  
脫橐不啻周人急  
一編捧出磐石室  
循吏列傳史官筆

吳允猷過草堂爲話其先人往事酒闌作歌  
有明崇禎求治急歲貢詔選高材生是時中

寇盜秦豫郡縣荒  
荆榛悍帥擁兵屯  
幕府尾賊移營滋  
縱橫被賊如梳兵  
如櫛膏腴千里無  
人耕主上宵旰轉  
樵悴安得俊傑吾  
干城科目備員已  
破碎求諸韋布聊  
措搆楚有明經吳  
季子仲兄少常先  
朝卿發憤騎驢走  
闕下螭頭對策心  
怦怦驟聞選場人  
襍糅要津子弟尤  
髣髴丙夜燎麻具  
疏稟披衣即舍需  
雞鳴天子臨軒可  
其奏再疏三疏彌  
鏗鏘疏草郵筒遍  
直省上書人嚮金  
陵行南渡枋國遭  
馬阮拂衣歸隱依  
宗祊黃精山裏老  
木朽烏皮儿上殘  
燈樂飲酒時荷伯  
倫鍾學仙似聆子  
晉

居業齋詩鈔

卷十七

雜集

七

笙仙經酒榼消佗  
僚生兒晚節傳書  
簾滄桑陵谷翻覆  
矣廡間頭角還崢  
嶸七百餘年伯起  
宅萬千炎源檻躡  
屬櫓盤盤今過我  
當筵走筆談西京  
篇爲王侗菴

名山閣譙大耋翁  
酒酣能說歷朝事  
先公耆舊鄉校間  
三物孤校六經笥  
王父光祿名京師  
雅神賦寫大令字  
名山閣在河之許  
曾王父所藏書地  
冒王父昔爲大夫  
生平出處徵縣志  
起家進士令太湖  
課最入攬澄清轡  
比部平反少寬民  
人言朝廷有張季  
中官銜命稱使者  
尚書以下左右侍  
曹郎

抗疏言官儀大臣中官豈軒輊璽書旦出位中央  
中官左班差寵異宮府一體禮數均大小臣工均  
盡瘁疏稟鈔謄中外驚掌故久謫大理寺九卿何  
以寂無聲乃有郎官爭坐位是時丰采天下聞汲  
黯魏徵後勁出擢視學政出滇南尋遷西粵左叅  
議年甫強仕遽言歸事未幾人孝德備皇哉祖德  
有如此卓爾垣墉曾孫塋縹緲碧軸充檐楹髫齡  
發篋益神智懷抱不肯負名山解衣盤礴中亭記  
朝朝暮暮手丹鉛歲歲年年司鼓吹十上秋風黃  
鵠磯一趨春雨蒼龍闕叶山公啟事官橋門飄然  
居業齋詩鈔卷十七 獨樂集

卷十七

獨樂集

十

遠謝諸生贊曾峰雲覆滄浪水青羊白鹿沙頭次  
南極老人直賓筵摩肩踏踵仙公至煙波釣叟往  
從之奉觴上壽茗芋醉采芝咫尺南山巖如瓜之  
棗庭心植古來洞天福地溝逍遙又見名山閣裏  
王子喬

吳祭酒輓歌

長安昨日來素書館閣故人遇我厚發篋開城涕  
淚零中有凶問鱗潭叟鱗潭耿耿素心人不數  
市荆高友橐筆七年承明廬驪歌一曲青門柳  
蛇當路藁含沙大聲疾呼日中斗我歸寂寞

江間道鱗潭官祭酒往來提攜貢禹冠彈向田間  
沮溺耦亡何娑羅草堂詩勸我丹鉛期不朽是時  
承恩省觀還筆尊雪藕上母壽大好山水萃蒐羅  
勒成一書代罕有天上玉樓豈落成璇題瑤榜藉  
君手憔悴可憐盛孝章君之帝所當能割蕭蕭陋  
巷羅雀辰丹荔黃蕉盛瓦缶天寒歲暮行路難東  
望黃山搔白首

居業齋詩鈔卷十七終

居業齋詩鈔

卷十七

獨樂集

王

居業齋詩鈔卷十八

廣濟金德嘉會公

碎裘集

鮑照讀書臺

集里有宅在黃梅而讀書於廣濟之東街  
第一學堂中無月日可考然地以人傳矣

山雞啼徹九天聞萬仞芙蓉五色雲臺下青青書

帶草至今人識鮑參軍

曝月臺

縣令劉侯然及勞東書臺山書法著周通來海後會  
言後顧山前柳句非善狀潘者從游有劉克伯王長福  
甘志甫陳伯光胡孟培盛孟惠悅仁情吳  
幼唐諸名士俱題名萬曆甲寅九日也

甘志甫陳伯光胡孟培盛孟惠悅仁情吳  
幼唐諸名士俱題名萬曆甲寅九日也

曝月臺前一片石怒雷笑電古龍湫使君手把如

椽筆不遣人書碧玉流

居業齋詩鈔

卷十八

碎裘集

浮度石

距曝月臺二丈許亦劉縣令筆也然未有記後數十年  
邑人劉縣令劉縣令筆也然未有記後數十年  
縣門山吳乃作記曾能  
始撰入天下名山記中

縣門山吳乃作記曾能  
始撰入天下名山記中

惟石宮泉水作楹濫泉脈脈沃泉鳴山靈餉客惟

天籟谷口何人獻一聲

明水山

飛瀑奇絕劉明府記聖聘  
始九思長歌具縣志中

明水峰頭石髮垂炎天散雪作水池山靈潤絕康

王谷不受徐凝一句詩

曾峰青著寺

宋學士余  
介讀書處

青着僧房夜聽鐘手提一劍下曾峰釣魚山口功

成日何不還山訪赤松

宋制科榜

寶祐丙辰文公天祥謝公初得陸公秀夫同舉也  
士廣治則梅公應春借佛應中也不制進士凡十  
中錄今  
在梅宅

中錄今

六陵王氣髡銷盡不朽文山與疊山最喜滄桑留

澹墨科名千古在人間

貢帝升遐陸秀夫當年對策並魁梧荒村安得丹

青手宋有三仁寫一圖

岳宅

志云子孫黃梅五郎閣者名震遐邇大河民間弟建  
往從之增德未詳遠近其十一代孫沐陽令  
全五世孫文源當明萬曆初松遊岳宅建主廟祀定子  
三人念二念五在黃梅念八孫萬三徙廣濟今為岳族

志云子孫黃梅五郎閣者名震遐邇大河民間弟建  
往從之增德未詳遠近其十一代孫沐陽令  
全五世孫文源當明萬曆初松遊岳宅建主廟祀定子  
三人念二念五在黃梅念八孫萬三徙廣濟今為岳族

焚黃入廟祠忠武鄂姓猶存岳姓身長跽中唐何

許客頭顱鐵鑄大書秦

居業齋詩鈔

卷十八

碎裘集

文丞相信國公遺像

五里橋文宅祖曰天順信國兄也  
宋寶祐間開府廣濟清世孫大才中嘉靖辛卯舉人  
西之建應居不仕家貧清世孫大才中嘉靖辛卯舉人  
素願未遂列季舍家時用信國高像歸藏于祖祠  
前以表忠愛後乃出以告諸寮  
廟愛本長安如之像至今存也

西之建應居不仕家貧清世孫大才中嘉靖辛卯舉人  
素願未遂列季舍家時用信國高像歸藏于祖祠  
前以表忠愛後乃出以告諸寮  
廟愛本長安如之像至今存也

正氣受殘萬事已歸然骨相尚青縑生平幸甚臚

傳日十甲人中少蓂炎

南山寺

縣志古刹先大夫嘗嘆  
當其寺尚有唐剎物

南山古寺木蒼蒼蒼鬚鬚老僧背夕陽指點舊遊先

刺史題詩曾寫贊公房

四高樓

劉使君所葺也暇日延知名士登樓上有表  
素秀句云縣人須教刺赤墀使君猶憶長西州

四高樓俯滄浪橋呼吸星河影動搖雪裏探梅人

四高樓俯滄浪橋呼吸星河影動搖雪裏探梅人

去後何年有客夜吹簫

劉季峰

旁有觀射臺走馬場俗傳漢高祖討彭布九江道此山望故石

馬上桓桓隆準公功成垓下與關中龍門史已書

高祖亭長猶名楚澤東

積布磯

水經鄱汪江水又左運長風山南得長風口江浦也江又東逕積布山南俗謂之積布磯庾仲雍所謂高山也此即西陽尋陽二郡界也

按西陽即新淦舊改爲西陽

長風山口白雲飛月滿滄江積布磯直釣幾年魚

不得江流脈脈送人歸

魯肅灣

孫吳屯兵處鉄船山下有魯肅府

雪霽天空放白鵬遺鏃拾得草萊間武昌不得吳

居業齋詩鈔

卷十八

梓裏集

三

儂住楚樹蕭蕭蕭蕭

樊噲城

午山湖廣志言樊將軍下九江道此策方與紀要城旁有九江王英布宅

折戟沈沙雨後畊亂雲飄出古時營乾坤翻覆圖

經在樊噲于今尚有城

龍坪

志曰古爲龍洲也龍院見嘉靖志未詳治後樂堂記

潏潏江聲楚澤東江雲深處有潛龍陽精變化爲

雷雨雲起千峰復萬峰

江漢書院

羅荊川九思萬曆所修西望人里居時有院後爲之史學遷就廢初以爲翰林許紹不使碑史爲院

院院許江上著書院後爲之史學遷就廢初以爲翰林許紹不使碑史爲院二十餘種經進今府志于科目下徑將官符認誤矣

瑞君却聘此江干奉詔舉此坐講壇歲祿縣官同

供奉著書郵遞送長安

仰瞻寓

張子遠復徽州休寧人爲羅門弟子勤學甚力先生壽七十有客益庭張生獨乘茲進曰造物勞先生又壽

意者牛星先生領之生

素冠上壽瞿夫子已謝東方乘一囊垂老莫登子

雲閣滄江雲樹且相羊

二餘齋

冠巨源學海龍坪人詩名在七子三甫間交游且牛天下面鄉里吳明卿陳玉叔張勛甫丘謙之李本寧趙孟

白皆暇就焉朱東崑一見輒稱之慶成王王迎致爲上客所至必贈金兩手散盡止肅歸而家徒四壁立友人湯之相劉東

錄爲備晨夕焉二餘齋若于卷行于世

短褐蕭然劍刺緱詩成咄咄逼曹劉二餘齋裏騎

驢出長揖西京王子侯

居業齋詩鈔

卷十八

梓裏集

四

陽城洞

洞在山之腹高可百餘仞有一老道士進入關江上橋聲振從江底穴下行驚而出焉詳吳明卿記中

陽城山底故砮砮夜半嘗聞欵乃聲才子過江來

紀事紅泉洞口一吹笙

青林山

水經注宋太始元年明帝遣沈攸之西伐于勳伐攸音目下勿當于何勞伐此泉中忽不見水之對隔洋馬頭山者爲刊水

青林山下水淙淙東注大雷南九江禹跡星羅衆

鄺手一編晨夕此松牕

寅山

明時中官陳奉開鑛大爲楚害巡道湯公應京疏論留中奉指寅山爲銀山後猶山無銀乃止

牛肝磯馬口水潺湲稼圃人家竹樹灣最喜時

清無鑛使大書此地是寅山

蔡山江心寺

杜氏通典蔡山廣濟地鎮文公曹史王碑叙陳  
山隔岸即廬山李太白江  
心寺詩有手可摘星辰句云

星辰手摘江心寺隔岸平臨五老峰伏枕游人不  
成寐雞鳴海日又瞳矓

鴻臚洲

在江口新洲元史云宋嘉熙中徙縣治于此明末  
于難治移此有品人結營縣令張登儒爲印伍籍  
遂自盡殺人祭旗肅亂日燬士大夫糾衆討平之

赤嶂東來三百里大江中斷湧孤汀鱗鱗浪息斜  
陽渡亡恙乾坤舊草亭

清白堂

先大夫藏書老屋毀于賊人  
之購得手書自署編一節

清白堂中書萬卷一械剩得亂離餘傷心手澤泔

居業齋詩鈔

卷十八 梓裏集

五

泔淚只歌劉家變體書

山梅衝

先輩在馬松柏  
皆數百年物

五河潏沆一山衝十里千峰復萬峰梅鵲前朝燕  
沒盡亭亭祇有歲寒松

多雲山

吳幼庵亮思居山下崇禎庚辰歲貢廷試是天下荒  
亂上憂之才詔于殿內選送三十餘人皆用而大臣  
私其子弟親友亮思榜榜名三上疏上亦展怒相陳諫  
果開爲上官殺其事而亮思已傳稱中外時論題之

多雲山下老明經封事公車筆不停痛哭令人怕  
欲殺掉頭歸去卧空庭

史孝子邨

史王明嘉靖朝人平賊賊志甚  
周開縣令劉侯禮之飾賢祠

負母傭耕奉母殯暑依林樾鴈迎曦天荒草土烏

歸樹行路人知孝子邨

寇山人墓

山人久渡土龍坪劉侯得其遺像梓之遷葬豫東  
五里坡城關後至山人新泉酌酒三飲碑題曰有

明詞人寇  
巨源之墓

前朝好事劉明府異代文章信有神手把殘編過

丙夜詰朝起葬寇山人

節姑渡

節姑吳蒼石女遠親夫死歸母家貧而志堅久之憂  
此崇禎壬午正月六日事也後六七年有神降其方生家言  
節姑仙去矣吳建祠祠之不果節姑之火解也在龍坪南崖之  
沙洲其從父臘鵲有紀事詩  
洲上人至今呼爲節姑渡也

魂魄遙遙烈火無蓬池松雪映冰壺人間塵土營

祠廟何地清芬稱去節姑

居業齋詩鈔

卷十八 梓裏集

六

紫荊夫人廟

盤唐江許昔有人若見麗人月光中詢之各以  
詩明日至廟前土牆前屋紫荊樹與詩合報耕  
焉幸也

焉幸也

土荳茆茨秋復春江聲瀲灩石鄰鄰揭公篋底無  
騷賦安得高唐夢衆人

平章城

徐興者元末累官平章封歸國公紅巾賊據濟  
水爲亂築城擊之其後斷黃泉而廣許獨全

彈丸小聚亞夫軍鞞鼓聞關百里間磨盡隄防害

露布何人冊府載遺勲

鹿易堂

縣學舊在河東今陳君按察家言遷縣治於城東門  
俱成惟講堂地偏側君出衙齋馴鹿易民地爲之  
夫相與歌咏其事名曰鹿易堂名金南  
呂人弘治己未進士由廣濟令權御史

馴鹿一時同李渤講堂萬禩比文翁縣門如帶河

渭水曾飲南昌御史驄

生春堂 縣治東知縣事高君偉建以延賢講藝

白首諸生談往事寒風淅淅灑衣裳顏垣廢井水

霜裏記得生春舊有堂

牛肝磯

磯在江心有廟創於明大故年開碑漫漶不可識也縣志三王之國權璫私人護行舟所過郡縣莫敢以迎之有司懷懷思謹怒當是時民力竭矣縣令張安任白武昌推官鄭君來磯消日韓江神廟東南風北手舟及縣界龍坪地感大作須臾過去縣人惟呼羅拜江神曰神賜也遂祠焉祠歲久且圯康熙乙亥重新之土人鑿石勒余記

錦纜牙檣不可當中官爲虎吏爲狼公然驅遣開

頭去風伯應封異姓王

有道布衣廬

縣令劉侯手書也布衣陶復九之哲生八月而孤事母胡盡孝母年九十七終廬墓墓前古松

居業齋詩鈔

卷十八 梓表集

七

寄有白雲聚其上侯遠去碧聯事通字董君上其事撫按行旌閣

白雲樹裏一節茨霜鬢兒如黃口兒草土餘生羞

麥飯麻衣穿到蓋棺時

書簾莊

饒秀才叔更先生諱嘉純學漢記著書多奇字人往往不能句時以書簾名其所居云

槁項老生誦架廬跌穿木榻注蟲魚隱囊方禪樓

居者消得人間幾卷書

盤塘堤

江堤自盤塘東抵安慶界延袤五澤盤塘一澤五縣皆歲巨浸明永樂四年遣都臣監築陸慶五年縣元朱邦華再築萬曆三十六年大水縣人太平太守張謙奉命撫按賑災民補塞決口四十一一年大水縣令劉侯委張承曾厚倍薄堤乃固劉諱龍昌字燕及一字清永桐城人萬州府廩進士邑中名跡題咏且猶而履功尤大縣人不可忘也

盤塘涿洞來江漢五邑桑田一蜃宮脫豪萬言張

太守宣房瓠子決時同

柘湖別業

先叔祖縣學生太和府君居也生當嘉隆盛世歷行先王父楚濱公爲人經師王父江居府君湖居先大夫前賢愛經于府君所卒後有孫德裕早慧先宜人鞠之成人沒于乙酉之亂嗚呼府君別業墟矣墓在草間先明經兄德榮書款勸一石未遂也族

柘湖煙雨先生墓還傷先生故草亭辛苦一生三

逕裏可憐豁齒尚傳經

連城港

龍坪之北有古溝時淫塞正統間港之爲通津相傳有一港塔價十五城之句或曰楚濱金先生詩也然藏

棄父失矣

東來賈舶大雷岸上水停撓刊水頭最是家家臨

釣瀨細鱗巨口似黃州

居業齋詩鈔

卷十八 梓表集

八

高山壘

廣濟縣城崇巖兩子流賦薄嶺州東偏縣可與史蹟時先以排兵三百人駐據高山崇巖夜襲賊營斬賊而還平日賦偵知兵少持全營奄至則高山數重時先揮雙刀斃十數人賊攻逾急時先斷馬繫賊於崖賊死之其以收時先骨走報上官上官匿不以聞當是時縣無居民其兄走龍坪南厘之新洲旅食數月死有南昌友人領之哭極哀傷大歎曰弟死官守兄死懷德後死者奈何生合湮沒乎手制時上言其事驗數月聞于朝得旨贈時先縣主簿世廬子一人百戶從祀名宦其友望閣叩頭謝乃歸縣人

高山尉死天荒荒蓋却桐棺兄又云留得故人書

野戰雙刀匹馬魏時光

瀕江古祠

祠在出江濱堤上可遠眺前朝父老題咏在壁間有里人李鐵真爲余言先王父楚濱府君九日吟絕句寫神處最爲奇見時猶及見之余趨往掃墓悲傷觀祠雖漫滅止有老石江頭看水流七字可辨識然亦未應獨觀





人大魁乃引至皮閣此處所當割其半與之送出戶終身不言其人民名先大夫舉此勸俗曰此亦公卿也

曾無長物比青黿安得看囊尚有錢倒庾傾筐聊餽歲少須雞唱並朝天

### 孝廉坊

先大夫里居日有西隣少年侵我界地築一牆於蒼顏橋手誠曰不可前後數十丈皆我家地也若安得闖入其中少年氣憤悻悻語侵先大夫左右隣人皆不平先大夫改容諭之曰若楊工吾首費界不足論也王父楚演府君自外來聞之曰孝廉過鄉曲當如是矣里父老傳述此市過門輒稱孝廉坊云

讓畔從來是古風何妨版築過牆東比隣廿載三更姓賸得寒門一畝宮

### 古塘一橫

控引南江淨涵北數星輝電掣射鰲極陽開魚跳喧喧離落客來二仲酒可三升蓬戶從風界勞政則蒙欄受雨奚擇荒枯兒任妙勝老作爲洪傳記庶解句讀時拍劉向遺經當清世而有聞人信造之與盡藏東望

### 居業齋詩鈔

卷十八 梓表集

士

柴桑一宅今無非通鑑懷鄉口諸詩此影不述也

水天一氣俱滄浪荷葉田田二頃長誰着年表營釣瀨老夫已作浣花莊

### 黃牙寺

赤磯湖上或曰古觀也寺自遠公始名

丹丘半畝煉丹砂白雀青牛昔此家盧霍老僧繡貝葉山門依舊額黃牙

### 幽居寺

寺亦古矣相傳地得雲板上有古題山幽居寺名因之後人改作幽居寺

白茆衝裏幽居寺月滿空山寺轉幽山色至今猶太古寒雲都入沈泉流

### 石牛

中田雨立吃如也

在田安得龍爲友出谷已無木與居骨相天成河草味紀年應源燧人初

### 白龍潭

縣西南可六十里面平湖左右長坂竹樹陰森異時避亂者往往依之

鬱鬱新篁簇古松白龍潭上白雲封雲興七澤三湘雨望氣占星一老農

### 西橫里

蘇長公謫黃州時手書以遺鄉人以爲聖俞庵也

黃州城裏憶宣城愛屋殷勤額開閣小築雪堂橫槩几澄心堂紙寫西橫

### 釣童山

今田家鎮地三國時孫吳戍守處

野老江頭話戰塲江風颯颯水湯湯釣童山北廿居業齋詩鈔卷十八 梓表集

寧廟日日烏啼下夕陽

### 刊水

武穴縣也水經注云對馬頭山明焉唐初劉少卿之亂土人得樂有功

悠悠刊水淥莎渚畧場鱗鱗足土芝一幅溪藤白描手好來雲起馬頭時

### 白石山房

縣治北最高處劉太僕子東銘字正叔號其北其地寬伯乘欽才而棄于飲劉明府無從伯不樂也

風流絕代公榮飲白石山房白石器千仞只憑雙不借歡聲都入鮑家臺

### 柏樹下

饒秀才汝噴居也劉明府劉三足詩序序汝噴詩則草云汝噴間余來深喜得當予而汝噴則不可得也賦詩補云示其從子仁信

古柏林邊韻士居三間古屋一牀書待刊草出三

良後不是相如賦子虛

名山閣

縣治東北河干大寨王公處舉藏書處公  
子光祿寺署正逢年字長儒以書法名于時

河流活活草青青墨沼當年傍草亭  
插架縹緲灰燼後傳家猶有換驚經

賓湖

明羅文恭公遺集  
莊書於老人之屋

邂逅壺觴江浦去龍跳虎卧此湖濱  
煙霞歲月神仙骨殿上臚傳第一人

忠孝廉節大書

學使楊公書伍宅也公子之忠公廷和孫  
修撰慎公之官楚也咸念伍之先代有知

已思物色其子若孫辭墓修祠舉族之勝衣者咸補學  
官弟子員古誼于是乎極矣公諱春成化辛未進士

狀元宰相並新都先哲曾為楚大夫灑翰山家留

居業齋詩鈔

卷十八

三

四壁光風丘壑卿雲衢

滄浪橋

四馬樓落成之日福滿樓亭舍是橋跨之花晨月夕劉  
使君輒在焉知名士六七人亦無以從者是時邑大治矣

雲樹桃源客醉鄉滄浪橋上月蒼涼濯纓只用軍  
持水繞郭涓涓十里長

梅川

梅川蓋勝樓岡山蜿蜒可二十五里至縣治而漸如也種  
川上梅自桐城劉大令始斷王孫仲良以紅白梅各二本

來祝大會賦詩有百里君梅  
種我樓之句蓋種之樓前云

梅川川上梅花樹樹都從皖口來一夜初徵梁

苑賦王孫筵向此中開

橫岡

天柱峰巍然卓立是之望也而山嶺盤旋  
泉石崑崙招提精舍龍宮鳥道之奇不勝書

何代仙公跨赤龍中天萬仞削芙蓉宮闈瀟灑來

年到且踏橫岡第一峰

南雲草堂藕陂

楚尾吳頭一釣家竹竿籊籊雨風斜  
舍南舍北渚雲水看過梨花遲去蕩花

居業齋詩鈔卷十八終

居業齋詩鈔

卷十八

梓裏集

居業齋詩鈔卷十九

廣濟金德嘉會公

史編襍識集

春秋書天王至尊茂與二封爵醕有功大夫無專  
恣晉以三卿亡錫命胡爲至

公旦成相業大事炳炳書異哉公儀相拔葵而却  
魚子柳子思在委任竟何如

鞠躬盡瘁人用武嗟無地小藉周郎手龔令曹瞞  
躐汲汲行師年皇皇正統義

蜀師竟東嚮夫豈志云吳痛心於漢壽奮臂一長

居業齋詩鈔

卷十九

史編襍識集

驅左次狁亭日阿蒙已冥誅

石頭馮虎踞巫峽下龍驤辛苦三分地殘雲照夕

陽白頭吳父老酒淚說周郎

韓非韓宗臣乃爲亡韓首子房韓相孫報秦韓亡

後一猶與一薰厥名並不朽

竊符一如姬能令盟秦候嬴讓其智朱亥遜其

勇志存殲父仇遺惜君王寵

雅慕公子賢願爲公子死五國走秦兵功由一女

子公子能受言毛薛直如矢

毛遂定從約十九人俱下拱手推先生雍容於廣

厦和衷而讓能夫豈碌碌者

英雄非一科能語或能默語者一驚人默者未可

測三千客舍中選此百夫特

東西二京後兩川纔一角鑿山開道來鄧艾爾何

酷軍功上幾時父子駢首戮

漸臺冷夕曛鄴鴟殘衰草覆釜誰家封纍繫漳河

道謫哉題墓辭竟以曹侯老

莽女忠漢平操女忠漢獻童山忽微萌焦釜尚微

淚紛紛逐隊兒鬢眉落藩溷

石晉無男兒社墟尚餘辱裂哉烏氏王殉國仰天

居業齋詩鈔

卷十九

史編襍識集

哭銷魂十六州生亦無湯沐

軼才定可憐陽狂夫何恚黃祖斗筭兒蠱測奸雄

意一坏鸚鵡洲千古福生地

魏元既禪晉歷年三十八眼底炎適但亮瑋倫同

殺兩宮不可言襍記成一扎

五馬浮江東一牛化作龍東海越輜方駕本支于世

浮生苦盛名清流當濁世知幾人所難難於出處

際季鷹飽導美士衙悲鶴唳

竿后何足書待書工獻媚今寵一以軒舊恩渾從

輕可憐息夫人看花滿眼淚

犧牲都不殺留待侯景來寫經徒勞耳還上講經

臺沼淮堰水青燐掃不開

劉裕伐姚泓桓溫征李勢炎災閭外助岌岌塔前

地朝臣憶其威國史誅其意

伍員首椎埋偏釋費無忌杜則仇蕭郎乃發昭

明隧怨壽罔云深施行亦已戾

一相霸先王再相楊堅帝舊君若遠慮故國可蟬

蛻望氣若韋鼎書與癡王例

纖纖桑下人凜凜閭中議係彼金夫身專將忌母

居業齋詩鈔

卷十九

文編補遺集

三

晉冤哉妬婦評守身乃受刺

淮南數十城存於魏釗手汴京百萬戶活於楚材

口生靈胥帖危仁言一慈母

降周穆提婆賞以宜州牧亡何殺其軀周法豈云

酷越有伯懿誅漢有丁公戮

浩浩淮陰流渟渟漂陽水英雄失路時遲遲遂知

已婦人劇憐才以愧推男子

四世五公後建牙亦壯哉天心方厭亂王室正需

才如何二烈士荑蘿如蒿萊

奄奄魏少帝生當典午兒少康空有論潛龍空下

詩懷中討賊詔漫滅令人思

岌岌魏孝莊生當爾朱氏詔草存魏書詩存伽藍

記藉手溫子昇遺文猶不墜

范粲不繫魏乃入晉書裏不言不履地志終魏臣

矣遂志而逃名臣節當如此

齊臣顏見遠餓死痛齊亡協也傷父沒餐食不臣

梁范雲與沈約閱閱兩相望

皎皎青溪月蕭蕭白鷺洲後庭花放盡隋家入蔣

州風流江僕射有賦不悲秋

休文三寸舌諛篡復諛弑巴陵三尺劍夢中來一

居業齋詩鈔

卷十九

文編補遺集

四

劉緬懷安漢公捫舌猶惴惴

魏有司馬孚國亡殉以哭徐廣與王琨晉宋淚兩

羽孤臣徒眼枯安得酒人筑

可望不可親詞臣搖識筆遂有鈎簾請天顏語唧

唧舉朝皆婦人無言不私暱

武后遊興泰版築憂其危武后幸玉泉石運請無

馳普天謠盡喪二臣萬歲期

庭奏與希烈眈眈並虎穴顏公之帝所韓公復胡

列死生亦有命未必剛盡折

莫撫推張相宣慰舉顏公中外惜二老命在卷一

中漢廷譽汲黯陰謀與此同

十君長樂老人用夏姬匹不知前五代鄭韜歷十  
一前賢偶遺之以俟後賢筆

宋亡十一年却聘尚如此彼哉薦賢人賤疏徒費  
耳生卒信國同官不入元史

西湖占王氣鄱湖識難星天象指諸掌人事豈冥  
冥一勺惟庸酒奈何醉不醒

乞憐是何語孝孺身後辱天下負心人曲筆司實  
錄久要周是修夜臺寧瞑目

聖學不終晦仁山金先生績學仁山東而無講學  
居業齋詩鈔卷十九 史編標讀集

名處士大書卒何必位公卿  
明壞於門戶事由講壇始京師設書院君子憂之  
矣院撤而獄興痛哉諸君子

名山有向禽耕耦有沮溺異學而同羣余影俱仇  
敵亭亭管幼安割席豈云激

學如袁伯業不知老將至華歆亦學人垂老成何  
事古人立修名爲學先辨志

志士能溝壑杜口不言貧達則善天下封已爲不  
仁所以爲長倩撲撲滿戒平津

史家貨殖書掘冢及博戲賣漿酒削人販脂胃哺

事据拾何紛紛竊取構机義

大初合虛譽何鄧無關簪傳生有憂之利口覆邦  
國荀彧清識人推轂亦已錯

崢嶸總角兒清談有妙理山公譽不休羊公憂方  
始壯而果盛名神州陸沉矣

北海筵開日座上客嘗滿一朝忽見收門前屣履  
斷痛哭微脂生何人酹一瓊

平輿有二龍邵陵一水鑑韋趙杞梓材燕公亦稱  
羨觀人於其微夫豈論隱見

咄咄野王令羊公一知己一擬郭林宗再方顏氏  
居業齋詩鈔卷十九 史編標讀集

子祖道至免官掉臂還鄉里  
太原王處冲辟人讀周易名士三十年阿濟始嘖  
嘖山濤魏舒間可以分一席

建陽蔡牧堂家訓不言祿聖學不再傳西山九峰  
出孫曾舉進士先人書滿屋

損智非可兒况復益其過不幸多錢者爲害至此  
大達哉疏傳言何不留黼座

鹿門不應辟採藥鹿門岡有時陟其巘搔首望南  
陽中厨雞黍熟故人笑滿堂

人無適俗韻亦各懷其智名山招不來安能過馬

辟處分亮已定萬事無如醉

空山此清寂有秋能養和自種兼自釀所獲亦已  
多人世勞勞者饜飫知幾何

提壺花圖中花落鋪座下學士有花相何必譙  
樹古之能樂人於人無乞假

臧獲四三人田園十六頃盡日馴鳬雁有時搖舴  
艚緬懷千載前此樂惟箕顛

烏帽羃紗巾肅客非草草羹蔬出中厨亦復能精  
好所乏只油衣此身杜門老

有形撐薛蘿有腹進松朮江州乃饋遺報謝知何  
居業齋詩鈔卷十九 史編續集

日一勝盛老莊長歎匡山室

不足助有餘君平喟然嘆各且虞累身胡然勞白  
粲益貨損我神何以觀爰彖

茗溪舟敝漏刺史請更之掾吏械害到釣徒前致  
辭浮家泛宅久無地着篙師

燭斧事傳疑後人枉費辭德昭與廷美試問誰死  
之論語朝朝讀致君乃若斯

皇矣澶淵策壯哉社稷功開府天雄者束手危城  
中孤注讒言入天書効詐忠

宙州司戶居崖州司戶過烝羊不暇羞一介走相

賀請看南溟濤汴河無此大

國是吞聲日天道猶可論子厚雷州沒子瞻惠州  
存直枉臣心異存沒並君恩

呈身工唯阿以道則慨慷道輔十臺臣納言盡忠  
諫詭詭者何人上前目為黨

志完之嶺海王回為治瘼事聞逮詔獄載賡廷諍  
章田畫故諤諤曾誕亦堂堂

宮新延福後山成萬歲名花石都攜載朱勔遂縱  
橫鳥哢來儀局聲聲媚蔡京

王雱信嬌兒蔡攸疑諍子兩家志龕行趙宋社墟  
居業齋詩鈔卷十九 史編續集

矣寂寂居門山滔滔汴河水

熙豐紹聖人翻覆護新法羣賢散江湖漂泊如鳬  
鴨半山一畝宮蕃息鴟鵂噉

和親竟亡宋遼金亦相隨元以招安覆明用撫賊  
危五朝何一轍厲階秦檜時

布衣呂祖泰請誅韓侂冑杖百配欽州老友程松  
奏賣友松已遷何必獻松壽

十日財一朝平章功定策葛嶺泊湖船萬幾悉關  
白患失翻辭官祖述王安石

倡樂半閒堂蟋蟀一戰場邊事舉朝默文煥遺

陽忠魂岳少保宰木衛殘疆

理宗至度宗蝟鳩粹一皿內患賈似道外患復劉  
整青蒲蔓草中何地容骨鯁

壁壘釣魚山辛苦一余玠羣小是何心忍令長城  
壞方叔爲鴟鳴清叟爲蟻蠱

桓桓孟珙亡荆襄疆已蹙勞勞余玠死宋乃無巴  
蜀淳寶器先窳德祐脫其輓

二冉畫爐灰幕府亦壯哉賓客與軍旅人各盡其  
才閭外求賢急中朝莽摧頽

峩峩多寶閣一日一登眺玉帶青蒿冢發冢豈所  
居業齋詩鈔卷十九 大編標識集

料異日木棉菴惟有青蠅弔 青蒿餘余  
玠墓也

章蔡用擗擊彌遠則陰柔搏擊傷國體陰柔國運  
道臺諫盡私人真魏一網收

起復史嵩之舉朝人共嫉殛去十三年一杯萬事  
畢死造肖彌遠生乃慙富弼

三公歷四世清德總如初老屋閨鄉縣七葉同一  
區李肇補國史操觚爲大書

三楊難識面肯通奄宦名一朝拂衣去郵亭乏糒  
羹易名垂千載矯矯薛文清

華容劉尚書軼事不勝舉學使出都門殷勤致一

語有兒懶失學從公乞夏楚

落落慈谿公巖巖先進風檄試劉公子庭答報乃  
翁沒後東山淚泫泫楚些中

詔釋李夢陽中外歌且舞聖德同天地大澤兼雷  
雨直臣顏如山戚臣色如土

六部尚書賢但慮王翱老斯言出九重萬象俱皦  
皦至尊親耆舊大臣自壽考

聖主得賢臣萬幾無虛晷造都承都俞久之扶掖  
起公車計吏年九卿門如水

三原王尚書里居尚亡恙春秋垂九十存問使相  
居業齋詩鈔卷十九 大編標識集

望老臣草莽身獻納彤廷上

新淦陳公壽歷官四十年大半居散地天下稱其  
賢枉人夙所戒惜才淚連連

中朝馬公理絕域慕高節安南貢使來說公不在  
列高麗使亦云購書於朝闕

水妖崇御園大臣懾不驚詔令送海瑞須臾寂無  
聲乃悟幽明理至德無如清

煌煌伏闕書謬謬滿朝薦舉朝負陛下比周渾一  
串閣臣三十劾曳履猶上殿

古人開言路所以集忠益廟堂息沸羹封疆紆駿

賜諭制且害成矧乃工彈射

世衰工莠言君子慎所好仲深好秦檜卓吾好馮  
道有筆徇斯人何以衛名教

竊位十九年封疆輸已竟垂死大獄興五十三家  
穿點畫款模糊詰朝薄海慶

翔步敦回頭朝端所共指如何二侍郎為此歸田  
里相業不勝書此其大畧爾

須用讀書人經術洵可敬藻翰何足言君子平其  
政汴宋讀書者後先三文正

放言身中清猶是古之逸龍湖講學年胡挂糾彈  
居業齋詩鈔卷十九 史編雜錄

筆至今潞河上孤冢羣狐出

好書誤好名安石前車矣老子已屏國况復挾周  
禮一言姑予之喪地七百里

養癰袁應泰債轅王化貞閭外滔天水濫觴于本  
兵捐搢熊經畧傳首到邊城

蹇蹇劉侍郎憂時數哽咽嚴衛告密禁驛場監紀  
願縣責陳啟新名器尤可惜

燕師徂鍾山人命悉雉免取國用甲兵守國用刀  
鋸諸籍起陳瑛朝臣僂無怨

十詔必先生先生翻十族自有書契來律令無

酷奏者酷於庭謀者酷於幄

火照金川門秦不胡為者同官有成言此身殉宗  
社旦日當少年往哭孝陵下

南風遂不競朔風何可當同心期好友致命得膠  
庠斯須泣血處萬古曩倫堂

招魂通濟橋夫人二女侍皚皚節孝身皎皎冰霜  
地夜臺覓侍中省識勤王宇

薄命胡家女老作解家婦割耳侍郎君嗟不逮事  
舅父命一以違朝命差無負

大內移宣府蜚龍臥豹房南康已獻馘下詔征南  
居業齋詩鈔卷十九 史編雜錄

昌誰寢秦藩勅老臣念苞桑  
尚書家均州大盜不敢入泌陽相公家割樹當割

級生者何奄奄逝者何熠熠  
振豎柰官儀大臣行瑾豎設官并忠賢逆滔天功

德頌無竟九千歲一呼媚子將其敬  
拜手登黃閣長跼獻青詞陛下軒皇壽宮觀額蕃

釐西內如弗肅閣臣糾其儀  
藥竈掃炙煤真人安在哉四字黃封下禮官請誥

殊恩無掌故舉朝訝上裁  
死諫南巡舍生爭大禮國家卷士恩烟燭青



襄武宗猶有臣孝廟乃無子

排闥哭孝宗詞臣爲之首其議雖未諧其人則有  
守一錮訖其身利哉親臣口

用官偏用刑用情偏用怒國恩冰上霜臣命蘊上  
露前有姚少師後有張少傅

修力保河西九疇猶孔壯張桂力攻之用扼楊公  
吭異哉胡司寇讜言能不讓

一賊脫於桎羣賢離于羅輔臣豐其節勛臣爲之  
高伏誅已奉詔反汗毋乃訛

槐棘虛無人三卿並用攝吏議從唯阿吏牘從据

居業齋詩鈔

卷十九

史編雜錄集

古

拾財成大禮編大獄又一牒

作俑殺言官當時亦不恤侃侃王公言頌繫見王  
日竟成御史名各因三禁出

新建初有聲推薦由桂萼田州策勛後蜚語奪其  
爵益棺論始定文成謚自若

貴溪如雪瓜椒山如燎毛炭炭保安者要領焉能  
逃曾王屠割盡何處覓殘膏

倭來苦鋒鏑倭退苦文華闔閭內八座拮克滿官  
衙軍功填効秦野老長歎嗟

往事追沈楊公子聞之喜愛筆置勿論公子泣

帝是日微華亭公子生還矣

南嶺一都堂逆藩檻車送中樞一司馬逆謀縣揣  
中天下豈乏才有才視所用

大饗李將軍寧夏賊平矣跋李三寸舌賢於六師  
壘世無梅克生何人知二李

桓桓戚將軍所至渾破竹政地時有人算定於帷  
幄遣將如車輪任將如車轂

恭承顧命恩頂踵復遑惜力竭於清宮鬢毛一夕  
白羣小自信信公望自赫赫

封貢若捕謹討伐若騎虎小醜倖冥誅大賚傾內

居業齋詩鈔

卷十九

史編雜錄集

古

府何人秉國成坐令國事寂

毋與言官難尚惜若翁名斯言一齟齬大難遂以  
成人而欲富貴豈復顧家聲

潭潭東閣居乃成點將錄一網可能盡將母虞覆  
鍊逆祀徧天涯頌者猶逐逐

青衣東廠夜蒲伏至稱男黎明具冠帶斷斷朝右  
談親承阿翁指羣公仍盍簪

刊章留廠衛駕帖遍岩阿諸賢盡龍比一賢如汨  
羅三朝要典在野史書如何

烈烈吳江夏雁行楊應山書留九閣裏命絕

問白頭倚閣望蕭條旅觀還

三輔祠工峻薊州乃獨無何物薊州道偏容強項

徒械繫許鎮撫瞬息臂無膚

吞聲歸壘殞絕粒隕山墟搥鼓書猶在堪胸劍已

無吳天夢夢矣忠孝一門俱

慷慨熊元敬幽憂絕命辭矯首天門遠傷心吏議

奇乃從先公逝魂氣無不之

大安魏家鯖小宴客家餽服食蝦腦良鮫人供四

斛房中生幾兒水族殺無數

五人摠義憤褫魄到中涓黃繩無絡繹白望亦收

居業齋詩鈔

卷十九

文編釋義集

五

還馬鬣荒丘上要離共墓田

高皇鎬雄墓孝廟成康業羣奄披其枝羣盜落其

葉剥極于鉤黨蠱深於靜攝

歲歲賈生策人人汲黯言留中成故事主默而臣

喧四十三年夏天子一臨軒

戚臣亟洗雪廷議乃洵洵是時睢尻際有人為養

癰貴已孔光上苦無張禹封

史書中常侍外廷無逆案苞蘖自何年明乃甚於

漢過江抽條肆鍾阜遂陵亂

落日殘雲下三山二水頭將軍方跋扈政府只風

流股肱好相國偏遣出揚州

黯黯石頭城蕭蕭挑葉渡宮女散如雅樂工去如

驚酒闌歸命侯肉袒知何處

低徊清水塘物色楊閣部遺像趣丹青名待國史

補嗚呼賈將軍此誼足千古

即乃也將軍惻然良久命書史寫真乃墓之額西門外

大呼走奏軍前祭軍江天一生叅休寧軍死共休

寧日義賈與義僧周旋大事畢

人高倫易以美材營墓地勒石

下淚沈瀾往往落前史苦憾不同時雁行為君

居業齋詩鈔

卷十九

文編釋義集

六

子過塞何足言無疚于心耳

卷仍三歎羣小何其愚方其達意時人

無後來奠土喻乃甚於刑誅

居業齋詩鈔卷十九終

松窓集

史不勝咏偶有感觸輒成一絕句零星得二  
十首

長沙城畔賈生宅嶽色江聲今古同千載大名齊  
屈子半生知已一吳公

古往今來天問中孤臣滿目黍離同生年若逮泥  
山手持撻安能逸楚風

七首霜華落研池龍門搦筆傳殘時英雄之死撼

居業齋詩鈔卷二

懷抱瞠目無成亦可兒

著書漂泊老虞卿羈旅窮愁爲友生前日長平工  
畫策此行空到大梁城

韓市人聞於邑聲狗屠身後始知名荆卿傳裏俱  
男子軹縣偏書一女兄

露冷扃門烏夜啼信陵祠外草萋萋生平好士交  
游徧偏失窮途一魏齊

九卿廷議李陵日無數故人俱直廬坐視貧交  
室苦牢騷徒寄少卿書

慨歎太史公不將成敗論英雄封侯有

猿臂李蔡爲人在下中

甲夜難爐丙夜燈下帷跌榻似山僧方言絕域都  
捺得附離超還獨不能

駟馬車中衣錦身還鄉記得路傍薪思仇歷歷酬  
難盡給食簞償結髮人

方禠隱囊白下橋過江人物盛中朝登臨牛首渾  
天闕鎮日都將麈尾搖

偏師擬待王文度名理專推裴逸民舉俗詆諧兼  
茗芋神州佳氣已沈淪

衰顏聊藉飲微醺山海圖經軼事多却有匣中三  
居業齋詩鈔卷二

尺水東籬花下詠荆軻

蘆荻江邊潯水涯古亭水上額琵琶把詩却恠傷  
心夜淚濕青衫不怨嗟

藍面兒郎銜魯公曾將死事說而翁家聲輝赫惟  
權要人子何須有父風

瞋目難容蘇舍人枕干還用匿喪身詞頭李定家  
常事追服何勞汝讀陳

五代淋漓書一人廬陵懷古劇傷神爲身便割織  
纖手何物男兒可失身

漂泊歸來歸董祀琵琶馬上憶河東夜臺魂魂之

何處滿腹經書對若翁

鐵笛聲聲到碧梧停雲邀月好江湖豕荒金粟賓

朋盡留得崑山雅集圖

滿朝簪紱足詞人獻吉瀕危誰憐神料得對山能

救我乾坤此義足千春

遣懷

埽除三逕遲半求月色溶溶竹瓦樓疑事欲瞿天

不曙泥人偏是五更頭

衙門之下藕花塘素練丹霞蜿蜒長籬外深林渾

谷口雨中人似輞川莊

居業齋詩鈔

卷二十

松窓集

三

裘索蕭然榮啟期行吟盤首坐揩頤蒼蒼天自油

油覆垂老還如黃口兒

條凡莊書乞米帖鉤簾細寫換鶯經溪藤窰給兒

曹手栴菜無須上草亭

車中鄰上應星芒泉石園林家慶長枝欲出林非

笨伯氣能盈晚是都梁

憂青一簋韭三簞杵臼故人晨夕歎口腹無勞賢

令長夢中曾似過邯鄲

三致千金十九年一航毛恙五湖船收竿後永只

鑊給賣屨桃墟只路邊

田畫舍口漱漱邂逅通人咲爾勞智慧可成天

下事如何徒用析秋毫

廬居却聘李宗子藥畧逃名韓伯休肥遯何如僧

牛者墻東觀易儘優游

斷斷輔頰殊無謂碌碌鬢眉自可憐飲酒學仙天

地潤風流豪宕李青蓮

義經家學述田何字襄行間瞽校多貢舉虛勞考

亭議龔通章句也登科

兩曜尼山萬古庭兔園風雨畫冥冥老年記得兒

時誦志在春秋行孝經

居業齋詩鈔

卷二十

松窓集

四

大儒未及歲三禮小戴專家列學官簪筆詞曹雙

虎觀傲來曾耐五更寒

班氏家宸擁賜書書成子駿子長餘葛洪襟記西

京後范史操觚漸不如

三國志成失正統蕭常後起費刪裁襄陽習老傷

心極漢晉春秋良史才

歐陽紀事龍門體五季傷懷無事無士氣奄奄幾

欲盡篇篇論贊起嗚呼

宋史荒蕪貉一丘何年秋獨更春蒐人材百煉耐

應出此事安容統指柔

素筆趨朝志一統披帷舉漢遲雞鳴明時插架今  
彈駁前輩從來畏後生

詩學制科令甲尊四唐人物此中存大支小派涓  
涓出韓杜洸洋渾海門

聖學中天太極圖維閩之鼓道州抱翁齡細楷鈔  
謄急江漢人傳先大夫

先大夫手經理學書院後  
撤快尋購得一節存案

居業齋詩鈔卷二十終

居業齋詩鈔卷二十

卷二十

松惠集

五

居業齋詩鈔卷二十一

廣濟金德嘉會公

漁唱集

覽匡谷集有作

廬霍枕宮亭沆瀣閱靈奧嵯峨三石梁羽流恣遐  
眺黃龍一足練萬古無停瀑呼吸天關通河鼓薄  
蘿嵩皇矣列仙都餘人不同調所以攢眉翁不赴  
雁門約豪宕李青蓮爛醉臥匡嶠元和老學士青  
衫搢藥竈一去笙窅空草堂荒野燒咄咄楊山人  
振衣復高歡前年遶南溟羅浮踏鼇鮑鮑觀與葛  
居業齋詩鈔卷二十一

卷二十一

漁唱集

一

寄李岷山

峩峩天柱山嵐光際天綠漢皇此登封紅泉沸山  
谷探策豈無言從官祕其錄潛江李仙公捫蘿發  
書匱炯炯兩方瞳隱几松間讀頗似東方生游戲  
一囊粟君家狂供奉司空山縱目曾哦瀑布詩懸  
厓卿雲簇藉手搦一通遺我荒江屋

送藍丹表之太學

蘭畹蘄皋豁霧淞碧梧往往翔威鳳鹿鳴之歲賦  
驪駒提壺行酒脂車送野老故人多日邊逢君定  
訊幽栖洞爲言飽飫一事無竹竿籊籊青林湖

淮水行爲南陽曹司馬紀事示其孫紫麓進

士

清淮之水胎簪山導自桐柏流潺潺亭亭碧梧珊  
珊竹中有異人廬其間御史大夫曹司馬建牙仗  
鉞鉤遼闊眼底寺人極亡狀黃岡劉公宗祥飛章彈劾驚天顏  
殿頭危言真御史公宗祥督臣一疏大可觀是時天

居業齋詩鈔

卷二十一

二

下事孔棘幕府疏墨無時乾請設大帥扈轉運萬  
艘亡恙漕河灣寧錦戰塲請贈卹創光耿耿衡星  
寒羽林三千四百口官倉請發賑其艱鎖鑰北門  
衛畿輔其望屹屹聲桓桓苦憾齟齬復牽掣中璫  
睽賜師中難師律不可當曰可羣小總利封疆殘  
魏闕傾軛後不戒觀軍容使何嘖嘖曹公解組傳  
公宗龍代中原盜起滋憂患登陣禦寇歸田後白頭  
戮力臣心殫我傳司馬書至此夜分閤筆挑鐙歎  
國是沸羹天運已故家喬木幽壑蟠公子孝廉科  
盛世一官頻壁尸詞壇孫也南宮第進士捧檄今

我追賢冠麟縣野老荒江曲爲陳舊德書編爛

雨中

哦詩脫藁期顛客澆酒盈觴遲醉覺昨夜菱塘又  
新漲蕭蕭風雨一柴門

讀嶺雲集中見懷詩有感

九峰三泖際書屋直清霄詩韻渾摩詰仙風復子  
喬寢中通海嶽方外狎漁樵舊日聯床夜相思千  
里遥

訓岳州汪教授于岡

丁年解纜沅陵別隔歲空勞燕市期俱有鬚髮雙

居業齋詩鈔

卷二十一

三

鬢在坐令睽睽歲星移挑笙欹枕過長夜裊燭當  
筵憶往時遠道一書藉雙鯉荒村到眼不嫌遲  
小隱瀕江草閣前雲中雁影亦翩翩搔頭遲客青  
燈夜把臂過余白首年囊賸一錢償酒戶與酣登  
韻費詩編生涯漸近龐公宅採藥長鏡且上肩  
狂夫老至麓更事解事兒曹細與論鉏耰小園三  
徑得筵筍碩果一陽存雷行東雨江還濶谷瀟寒  
雲嶽自尊回首向來多繆誤無端僕僕走中原  
偶見胡聽岩爲人序梅花卷口號寄之  
冷官露肘梅花鴨寫入遊人行卷中澤國暗香風

瑟瑟虛堂斜影月蒙蒙

浮山老人歌爲桐城舫齋馬先生賦

浮山老人太僕孫數間老屋桐坡邱先公司馬無  
畏物遺書萬卷縹緗存公沙六龍俱矯矯潛者蟄  
伏躍者歎太史張筵有絲肉老人依舊吹其墳陳  
倉之石汲縣竹簪疑送難無朝昏老人人生來嗜探  
索高窮岳頂深河源即今七十如四十瞿瞿手滌  
書兒幡蠟鳳小兒娛大父七歲日誦幾千言駒齒  
未落龍文具季父爲饌盛銅盆老人摩頂嫣然笑  
抱瓮九畹臨東軒惜陰亭上烏皮几飛瀑澗邊屢  
居業齋詩鈔

卷二十一

漁唱集

四

次韻訓桐城潘木厓

新詩爛熳見天真挽盡桐坡洗髮塵有逕不容車  
馬駐爲園嘗與鷺鷥親幾年初把磻磯釣十載前  
名絳縣人時年八十三手種碧桃間已熟莫將蛙火役勞  
薪

雲樹依依壇坫在皖江入望若比隣片帆直上滄  
浪水短札過存懽悴人惟事追談三里霧驚村太

頁九方歎先師馬先生也安仁老筆詩兼畫頗爲狂夫一寫  
真

呈劉觀察

行部曾過竹瓦樓蒲帆桂楫木蘭舟山城一路黃  
梅雨古寺雙峰碧玉流犢背畊人窺汗簡兔園雅  
子識陽秋鄉亭蔽芾甘棠樹三老爲公處處留

重陽前一日寄洛兒武昌

鯉魚風起怒江濤鄂渚書來萬頃遙落筆驚人翻  
下第側身懷古且登高白雲樹裏舒眉目黃鸝磯  
頭惜羽毛却憶故園三逕在東籬細雨未蕭騷

居業齋詩鈔

卷二十一

漁唱集

五

題春郊走馬圖

天生神物有如此伏櫪誰知志千里春郊踈蹢萬  
人驚蒲梢來自渥洼水炯炯房星光照夜寫入丹  
青尤長價古來畫骨何人哉少陵曾許一曹霸  
石泉縣爲朱悔人

使君剖符之劍南屢屐前芳雨霖霖三老上言章  
旄纛明府從事當腰鑰衙齋前者備無虞請公轉  
粟從沱潛使君領之挾長髯筍輿叱隸馳其轡大  
小匡山渾煙嵐徑踏李白之書僉名寺古來多  
蠶風流酷好蘇子瞻前水溫腸玉壘巖巖纔有

指梨槩縣北石紐石如鏡此行禹穴真親探詠懷  
古蹟詩成函郵致輦上資叢談濟南先生今滄海  
手揮銀筆潤且芟故人黃州釣江潭遺以素書雙  
魚緘人生轍跡信轡銜仕宦豈必饕肥甘我聞斯  
語喜沾沾李冰文黨遲君三汶嶺之奇夙所耽眼  
中地主君猶堪如象如馬足清酣千年蹲鴟飽吾  
饒行攀赤甲躋白鹽歷盡萬點蜀山尖

寄豐城楊叟

曾愛養生主廣莊今若何浮名隨事減隱德逐年  
多陟嶽步偏捷銜杯顏乍酖洪厓煉藥處一月幾

居業齋詩鈔

卷二十一

漁唱集

六

番過

覽吳允猷詩藁竟歸之多雲山房

冠蓋門閭出芒屨躡亂峰荒邨攀稚子急就續朝  
餐風雨鄉書斷窮愁韻語攻十年財一卷豈肯受  
塵封

素位吟贈允猷

吳叟昂藏衣綵綵仰天頓足嗟亡賴十年家入亂  
山邨口授黃口鉢籠糲煤編蠶簡俱從營壘  
黜亦已憊寂寂寥寥鹿豕游回首故里原  
去來辭磨厓書重趼依舊涉沙瀨腰纏小

林有簾可織竿可賣不爾渾脫胃朝嵐露肘墻  
作牛僧寒食上冢麥孰秋瓦盆盛酒山茅酌束髮  
受書今若此拊膺得無念顛沛有客搔頭前致詞  
眼底萬事足悲慨五陵隊裏尋薊縵七貴筵邊歎  
蕭蕭三致千金十九年乃用癡兒罹患害覆艇奔  
輶無日無往者已矣來未艾天虧西北星辰移  
曲桑田日中昧盈虛消息不勝數齊諧志恠撫其  
最觀魚獨有濠梁生存而不論六合外我亦江潭  
侘傺人偶從夜半聞天籟請君還臥素位軒檐前  
雜草留書帶

居業齋詩鈔

卷二十一

漁唱集

七

餉酒用詩代東致劉明府

有願不朶五侯鯖有腹不果五鼎烹有田種秫不  
種秬富兒皆飽我獨醒衝風冒雨毛髮撐丹砂駐  
顏無此顏一斗一石蠟淚繁挈壺小童報五更點  
檢牀頭牘幾器饕餮怕逢阮步兵折柬且餉劉公  
榮

題樹裏觀書圖

萬樹裏一卷書汲縣之竹陳倉石心摹手揭而口  
呿倚撫貫穿無虛日上窮躔次下方輿側身懷古  
從所好如山之獵水之漁不然挿架高樓偏廣



胡爲科頭箕踞濃陰下

郭聚五輓詩

松欄月落石牀橫瑟瑟湖風止短檠遺却君山方  
竹在蜘蛛網絡帶霜莖

南涉洞庭東泗水一簷雙屐不曾閒故人鮑照臺

邊臥遲爾同栖萬仞山

子子干旌及敝廬麻衣兒迺白楊渠鎮年謝客豪

游絕身後翻來長者車

十七史宸渾白蟬鬼燈如漆照疎林行勝賸有蔡

山記挿架何年棗木鐔

居業齋詩鈔

卷三十一

漁唱集

八

蒲伏空庭滿面塵豐城潦倒舊游人肩頭荷得刊

山鍾來送黃腸折角巾

期期不可怕雷同攘臂操戈簡冊中三寸舌根今

已矣筆牀研匣冷青蟲

鱗潭祭酒行狀傳到愴然成詩

吞聲看行述氣結倚衙門日落紫陽谷天荒黃葉

邨遂令長契澗誰復此過存二十年來事酸辛不

可論

力爲憐才竭聲緣多藝吸禁方蘇錮疾垂橐收窮

交髮指沙含戴神傷莽伏虢歸田歌一放續繼及

江郊

祭酒朝端望人師汝實能多年門似水歷鑑試如

水虎觀書增注烏皮几獨凭經生誰負土南向北

黥登

進士題名碣出之堀堞封制科稽二代掌故備三

廡薄海先賢在延陵軼事逢成均諸疏稟度閣視

笙鏞

輓彭瞻庭侍讀

王恩方游至天使忽相要奪席李長吉分符王子

喬總帷親舊隔丹竈故園遙僚友收行篋詩題半

居業齋詩鈔

卷三十一

漁唱集

九

早朝

鬼伯橫相趣斯人不少留無端唳鵬鳥奄逝逐沙

鷗世掌唯青史朝班尚黑頭鵲令原畔苦老淚濕

貂裘

挽潘惕巖宮贊

安仁吾好友文治際西京栩栩金門步津津玉糝

羹胡然分出處邈爾隔幽明風雪蕭蕭夜何人唁

楚僖

晉闢方撤棘聞我賦歸田短札馳郵遞分金助馬

韉後遊期白首遄逝乃黃泉燕市酒蘆在淒淒暮

雨天

得宮洗周礪岩凶問

苦憶周公瑾經年斷素書遣伴林屋去問訊洞庭  
居返棹來凶問巡檐係碧虛老成凋謝急不待脫  
銀魚

碎錦追昌谷連珠仿陸機昂頭期跋扈白眼看輕  
肥高獻晴川閣豪吟赤嶂磯分襟成永訣雲樹尚  
依依

通籍承明後操觚輒解頤陶陶文字欲咄咄早朝  
詩忽感中搖落長歌古別離零編行篋在換眼不

居業齋詩鈔

卷二十一

通唱集

十

能窺

得少司農王公垂凶問

京雒堂堂七尺身睢陽寂寂轉車塵白頭老友荒  
江上夜雨燈前哭故人

江關

浩浩江漢水淙淙盪我胸窈窕渾無藉斥鷃安能  
從搔首望東南離立五老峰

昔者謫仙人孥舟從此去江心古寺門上落  
句我來千載後寒雲濕芭屨

孤聲絕纖埃天閭咫尺開江風一以滌烈

埽安得如椽手大書湧月臺

馬仙軻由桐城入蜀舟次釣童山下遺詩一

首次韻和之凡十章却寄於成都

釣童山下問茆廬尺素傳來二舍餘旅食飢腸偏  
好事征途左臂也工書囊錢去買郫筒酒滌釜行  
湘兩穴魚搭拾浣花詩幾卷下川音信莫令疎  
冷落桐陵舊草廬客中高獻雨風餘封侯合擲班  
生筆用世還操賈傳書往事神傷白額虎家聲話  
到碧山魚江潭蕉萃好兄弟短扎過存不忍疎

居業齋詩鈔

卷二十一

通唱集

十

州賦篋底行成蜀道書天入瞿唐渾象馬土名赤

甲足蟲魚薛濤殘寫蠅頭字鐵畫銀鉤總未疎

擔簦有地即精廬錦水光涵萬頃餘白帝城頭搔  
首歎武侯廟下鞠躬書方言歷歷收鉛槧軼事斷

斷辯魯魚山劉躡鴟強川粟飽食無使鬢毛疎

處處從心可結廬圖經勝蹟古人餘東西瀼水晨

觀漲大小匡山夜讀書試筆便當身倚馬行歌豈  
爲食無魚獨憐老友窮愁極瘦骨蒼顏邂逅疎

生來閱盡幾蓬廬有器已經盤錯餘蠟屐端遊巴

子國操觚苦素餐翁書悠悠夢裏一蝴蝶款款天

涯雙鯉魚無數寓亭花樹影梧桐百人獨蕭疎  
俱有先人一敝廬蒼蒼喬木雪霜餘途窮阮籍狂  
呼飲天放虞卿老著書塵事茫茫空即鹿素心脈  
脈且觀魚寄聲伯子湖南路皓月澄江雁影疎  
洞庭小扎到吾廬推枕摩挲午夢餘銛錫空潭尋  
柳記浯溪壞碣覓顏書行滕長物零陵草好句驚  
人鹿角魚却寄八行久未發窮居中散故簷疎

居業齋詩鈔

卷二十一

漁唱集

三

狂夫潦倒一蝸廬卒歲儲無儲石餘累足新縣宗  
炳畫謀生故乏計然書荒衢是處從羅雀直釣何  
年可得魚獨有中原壇坫在羣公縞帶未全疎

追憶先師報循堂有感用前韻成詩九首

拂衣人出永明廬漆簡瑤囑掎捩餘家世不勞門  
吏諱生平無寄要津書詞場雅慕蘭亭繭異物曾  
傳紫石魚挿架凝塵藏不得光芒夜夜見驚疎  
報循額寫古時廬苦憶先人櫛沐餘袍笏龍眠三  
世譜丹黃鳳沼一床書不令弟子疑追蠹常遺兒  
郎從蠹魚望氣至今來皖口手栽梧桐日扶疎

堂上朝朝說直廬氤氳香氣早朝餘屬車祇有甘  
泉賦即舍全無封禪書身在日邊啞伏馬眼睜夜  
永笑鰥魚歸來點檢奚囊徧坐對青霞入綺疎  
蜀輿二子步田廬五柳先生爛醉餘半夜衝星歐  
冶劍佳晨曝日郝隆書生憎上蔡人牽犬老愛桐  
江自釣魚家孫維今輩出家箴原不許慵疎  
萬柳當年繞一廬年年攀折幾枝餘楊家冠蓋閤  
鄉第杜氏春秋汲縣書牘有高岡栖埜鵠曾無數  
罟及池魚好風好雨梁間燕繾綣呢喃尚未疎

居業齋詩鈔

卷二十一

漁唱集

三

前史零碎旁書補正書懲惡寓言湯捕鼠揚清極  
予續懸魚瓦墻土鏗門如水不待而今輟跡疎  
吳江一研楚江廬師所遺黯澹先生手澤餘問字侯  
芭應上冢談經費直豈成書仰天苦恨含沙貳窺  
日殊慚附壁魚稍喜郎君存問數旬旬報謝恕生  
疎

鳥語花香媚小廬零編隻簡是師餘狂吟季朗居  
山伴笑寫清臣乞米書何日攜童名枸杞有時舉  
網得鱸魚一囊羞澁偏亡恙高枕藜牀萬事疎  
江雲澗日湧窮廬眼底黃楊過閨餘三逕徐行時

倚檻七言急就老攻書聽松頗憶陶弘景鉏耒  
唯華子魚咄咄兒曹好紙筆橫經訓故課無頭

結轅行

芒屨昨乞朱居士雙轅今朝遠道至凍皴短脰行  
復溫高歎北窓雙脚踏鉤簾把讀數行書故人款  
款有深意窮居安得結轅人千古漢廷一張季  
坐穿木榻仰觀屋蹒跚七尺生理足奔輶道上人  
匆匆一老自浣滄浪曲人生蠟得幾量屐夢裏東  
馳復西逐此轅踏穿莫再縫赤脚走上潯嶽峰  
天寒得轅用東坡遊白水山韻作歌

居業齋詩鈔

卷三十一

漁唱集

古

老夫雙脚今豪縱左右踴躍作兒弄簡雲直上跨  
厓屨凌坡蹴澗窺潭洞似放黃鵠行絕塵如騎青  
驃更飛鞚履霜不知木葉稀踏雪微覺絢頭重暖  
到駢枝及爪甲謝却銅鑪捐瓦釜獨立亭久轉  
溫獵獵朔風吹不動故人遠在淮河渚此境安能  
與我共挾纊之歡從地起火浣罷能言宵夢我欲  
報之黑貂裘縑包席褰帟伴送蜩涎字寫剡溪藤  
天昏只怕墨池凍浦上裊裊暮煙沈江干脈脈  
雲湧窮巷過存尚有此楚狂且莫歌衰風

詠懷滄浪亭古蹟呈滄湄居士

居業齋詩鈔

卷三十一

漁唱集

古

蘇州滄浪亭湖州長史第長史天下才立朝矢匡  
濟校理集賢時欸欸思獻替國家討元昊廟算厲  
精銳忼慨數上書言天下大計一監進奏院輒以  
酒食廢廬陵序遺文蒼粹爲劄劄曰嗚呼長史太  
傳杜公壻令妻走京師乞作墓門碣追數入朝初  
實由范公契言路一舉網范公且爲蟹註誤總清  
流官箴並無戾天子尋感悟牽復仍聯綴羣賢滿  
朝班一人獨幽竈廬陵書及此惻惻行間噫我讀  
不終篇拊膺而雪涕春秋書有貳含沙當水際往  
往中人影行路多佗條二氣有盈虛或祥或爲沴  
居業齋詩鈔  
沴氣所熏烝熾而爲權勢宵旦何所營惟善入是  
雍腹劍橫要津陰風萃魘魘倚伏無端倪能使天  
地閉苦恨烈士名力莫能掩蔽士以此自豪弗憚  
若人憐不磨滅者存後且千萬歲長史昔操觚廓  
清五季弊牽樓穆叅軍立言必根柢引經力追古  
刊落諸肫贅用此施諸官孤立故有泥事久覓論  
定賈誼劉蕡劍海內有通人讀書論其世釣遊騰  
水丘于今茁蘭蕙上有滄浪天波瀾下落瀟我友  
出承明洗沐古亭泐遺我滄湄詩清若九皋唳古  
體柴桑風今體劍南製觀魚此亭中會心宛莊泉

楚人老江潭何以豁慈憊良辰戒行李一鼓滄浪

東彭西叔用東坡白水山韻

羅山自浮來神工融兩股三千六百丈大鵬垂其羽使君陟絕顛沆瀣時吞吐仰天曰壯哉撐空石能補顧瞻百仞厓飛瀑白於乳太古龍葱竹霜筠未經斧玉京敕仙令剖符守茲土山頭五色翎望風先翔舞句容丹成後漢陽今接武鮑家履跡存仿佛露雙拇岩岩蓬萊閣檐楹濺花雨仙公偶凭欄哦詩建杓鼓覽古白鶴峰精舍如閬府聳蘇鶯居業齋詩鈔卷二十一

漁唱集

六

再賦長寧縣用東坡自金山放船韻

長寧縣閣何耽耽長寧治行聞東南循吏惠州古寥落陳林直待彭侯三禾稼年來四封熟桑畝鬱鬱三眠蠶國家吏治西京上宋賢凌跨夫何慙同門老友別來久竹竿手把垂江潭直釣曾無筭簪帶鵷尾倒注朝微酣邂逅澣表遊人舫班荆坐聽

惠州談地自葛洪汗漫後所至頗有朱砂龕彭侯官似橄欖味苦徧齒頰脣麓甘嫌名舊井回車過不使僕從濱于貪山遊雅愛朱明洞渴漱沆瀣飢能堪我聞莞爾發遊興寄聲爲我結茆菴

書李巖詹傳後

十七年來官半水半山花鳥雪堂雲布袍旅櫬尊湖路寒食淒涼雨後芹淶溪口即大江干解纜如何下水難鄉里家家人上冢先生何處木皮棺

有客瀕江弄短簫羈魂只用楚詞招長隄柳色還居業齋詩鈔卷二十一

漁唱集

七

依舊麥酒爲君澆滿瓢

走筆千言一傳成江風瑟瑟短鐙紫嶽崎歷落殊無謂留得詞場身後名

諛墓紛紛走赫蹄衣冠優孟向人時誰將真氣留青史記得龍門絕妙詞

吳守戎請予志其尊人墓用東坡和頓教授韻

矯矯吳將軍結交天下半緬懷古之人一唱而三歎插架龍門史衙齋觀且玩即事感慨生襟期乃瀟散射獵臨臯亭行勝亦相伴棐几夜篝鐙往往

坐達旦太公行述成度諸青玉案於家紀創垂於  
世書治亂掩卷藝名香開械恭頌盟言念馬鬣封  
大書不可緩幽宮有志銘家傳理一貫東嚮三百  
里徵索及膚懦公子雨中來芒屨踏塗炭老夫及  
塔迎聯牀話虛館終朝雨不絕濁醪觴屢煖脫橐  
隣雞噪仰眠長庚粲

贈吳生珽

古人誌墓誌其志今人諛墓諛其位縑包帛裹致  
鴻文萬善都歸顯者遂倚掖盛事不勝書書丹腕  
脫雕鏤費委巷潤色多錢翁其生也推沒而責叙

居業齋詩鈔

卷二十一

漁唱集

六

次舉俗尚雷同義例不更更名字孝子慈孫曰不  
可信今傳後理無二生事盡禮禮以誠炯炯夜臺  
惡庸僞辭必已出務闡幽昌黎之筆龍門側沐宋  
作者則廬陵行間字裏有生氣此事譬諸寫真手  
傳神豈暇及疣贅眉山妙喻示王郎膏面飽腹須  
史事君子於言無所苟俾死如生生不愧最是天  
涯坎壈人不可磨滅于沒世抑塞咿嚶天弗聞吞  
聲飲泣歸于地不有區區幽宮名朽骨何異山頭  
樵老夫念此嘗惻愴有言不肯從飢餓吳生長哭  
前致詞感歎王父蘇蘇涕零編箋簡千秋存九原

實拜明公賜蕭蕭寒雨坐深更更端促膝讀不置  
予肱拄座掌承頰孰眠吳生亦奇哉三百里外拏  
舟來嗚呼安得良史才

司寇新城王公爲先大夫作家傳賦詩五章

英英岱宗雲萬象俱涵蓋臺臺漁洋編洋溢海內  
外畎席周旋人日進于光大賤子悵離居仰天發  
長慨

琅邪神明胄代有命世賢疇昔穀城史傳例班孟  
堅又聞唐叔達詩歌大雅綿歷下今望氣涓涓酌  
突泉

居業齋詩鈔

卷二十一

漁唱集

九

先生稷契身而簪董狐筆光風轉蘭茝靈雨潤荷  
蓋往往發幽潛仁心代罕匹大文日邊來焜耀荒  
江室

唐運屯安史漢祚剥甫節有明則兼之先子心力  
竭百戰存一城傳記興安  
戰功甚悉九死拾一骨吳御史死於歸其  
體先生以爲難

身後六十秋大書欽昭揭

筑筑五歲孤慈闈課草土孝經語孟篇口授無點  
駐先考生平事十不得其五三復夢我詩潛潛淚  
如雨

尤慧珠寄詩三首次韻

盡釣青林湖家徒立四壁仰眠蒼蒼天倪踏  
石尚有故人書殷勤來敝邑讀罷復長語聊用寫  
胸臆

故人金閨彥巋然古作者洗沐昨歸田門巷貴游  
寡散髮步滄浪欲與鷗爲社朗咏蒙莊篇悠然悟  
鑪冶

攜手承明廬別來十四載索居懷古人省躬耻不  
逮寤想昔游驩三山一大海期子賦浮湘斯須擷  
蘭茝

附原什

尤珍

居業齋詩鈔

卷二十一

漁唱集

三

我聞黃州好夜夢游赤壁蘇公謫宦處文采映  
泉石故人拂衣歸高臥廣濟邑千里馳尺書殷  
勤寫胸臆

館閣多英賢君才實作者古調人不彈曲高屬

和寡一從辭青門長此栖白社江山勝蹟蟻

屐志游冶

夙昔奉箴誨一別踰十載獨學歎無友千秋志

未逮瞻念平生交邈然隔雲海何當鼓扁舟涉

江攬芳蒨

次韻訓南韵侍講

山恩山蹟屬水虞水淪人匪馮虛翮安能無所  
因幸生三古後渠獲眎先民有懷斯自達於人何  
喜噴把卷衡門下行歌荒江濱素心鮮儔侶抱膝  
嗟荆榛恭承長者誨諭及索居人眠道真如砥能  
者跋而遵有釜炊其粲有爵斟其醇勿逐啖名者  
徒以似亂真茲言入吾耳飛瀑洗埃塵問君何所  
目聞之於雒閩敢云志未逮勉旃佩諸紳

先生謝春華皇皇捋秋實歸田築南韵六經貯一  
室隱几藝名香談藁鮮儔匹持摭先儒言羣峰森  
峯律趨庭夙有聞仰瞻滋懽悅聖學日中天萬景

居業齋詩鈔

卷二十一

漁唱集

三

區以別寤寐契諸圖豈直獲麟筆大業與人同譬  
射之穀率澄觀發微言表裏具昭揭潤彼汗漫家  
悠悠志口說好古敏以求大聖羣編絕奈何攤皋  
比任作不任述誓將約馳驅范之以一垆

附原什

彭定求

良朋鑒寥落正學徒沈淪固陋者賤子切磋嗟  
無因退居淹歲月微尚從先民編摩幾卷書尚  
忍流俗噴忽逢琅玕贈迢迢楚水濱證道若符  
契抗論披荆榛曰惟講習衰緣被噉名人狂瀾  
誠待障周行當勉遵鴻功與鉅節出自鉅儒醇

仰止期無數次廣斯歸真三復動深省胸消萬  
斛塵上以稽鄒魯下以宗洛閩停雲方在望長  
此書吾紳

三楚富風騷銜華誰佩實歸然有耆儒談經入  
孔室遠追舒與向詎屑鄒枚匹著作名山存文  
峰峙崑崙何由晨夕偕蘭言忘怡悅感茲尺素  
來迥與時賢別遙披先子圖璫揚出鉅筆謂有  
典刑垂學人得穀率具陳六經義煌煌聖矩揭  
立志一以明無爲騰口說情悅契神交未忍微  
言絕再拜告几筵用識老彭述千秋載道文百

居業齋詩鈔

卷二十一

漁唱集

三

朋未足埒

索居言懷登前韻

播種哺艱食疏淪拯沈淪兩聖大憂忠厥功則用  
因尼山任刪述萬古覺斯民踴躍七十子討論無  
喜嘆寢食渾仁孝肅雖泗水濱桓桓者茲氏雄辯  
關荆榛沈寥秦火後辛苦拾遺人專門從所受執  
轡實同導人唯無所爲虛中言乃醇爲名而壇坫  
近理彌亂真樵簪僦僦聚終風日揚塵尊經與聖  
學濂溪與洛閩其言今具在後生謹書紳

大儒擷菁英乃掬琅玕實學子從之游如入芝

室有志第師古何必定誰匹辟諸五岳圖真形都  
釋緯辛勤五穡人粒食口自悅聖學放一源何年  
我派別禍始盜名人高座搖其筆手招萬夫雄俱  
從我穀率枹鼓聲相聞旌杠復聳揭馴至水火爭  
斯道荒于說魯鄒去我久微言將毋絕皇矣先聖  
功六藝只言述賤子夫何能謹守聖宮埒

大南吟韻過周忠介公里第即事五首

苦物于今風肅然此君自昔節蒼堅製成歲月老  
笑記閱徧滄桑虛閣縣伏枕吞聲憂廟社披帷雪  
涕說名賢江東長夜渾無寐應與遼東榻並傳

居業齋詩鈔

卷二十一

漁唱集

三

惟雨狂風無處栖此房還爲贊公題臨池藝自鍾  
聖上詣獄名將李杜齊生死寸心渾不貳蒼黃岐  
路豈能迷輕棄吏部匆匆去墨跡留難古寺繁

摘編

天子當陽吏議更登聞鼓下一書生陳蕃寶武心  
俱白朱並牢脩面不賴請劍尚方刑虎尾招魂北  
寺聽雞鳴封殘舌血書籠具闔閭天開夜迴明

賈賈是長公茂  
蘭上通時副本

褒忠闕下漁絲綸老屋江干奕葉新浩蕩恩兼皇  
壤及艱貞事到史書真劫灰運過宗祊好汗簡



來世守珍何物小兒阿節甫黠汚家世誤呈身三代

軸語

忠介戡戡萬古墳祠堂俎豆浴朝曛大名直較冰  
霜裂勁骨原從河嶽分鴻寶代言心貫日石齋紀  
事筆凌雲後生安得青多薦把卷如沾紫氣君介

墓公

開讀日事覽之志慨

清流岩處不寧栖炎路私人更品題安得有天容  
屈賈直令無地置尼齊踏翻大海滄波立昏入層  
陰白晝迷碩果剥殘生意盡漸看野燒及蒿藜

居業齋詩鈔

卷二十一

漁唱集

五

過弔朱文學

旌門何必荷恩綸草莽諸生陋巷新死去先尋滂  
母報愁來更比燮兒真立身亂世朝朝淚同傳斯  
人字字珍聶政荆軻俱已矣乾坤留此丈夫身

五人墓

鬱鬱葱蔥五姓墳要離宰木並清曛一丘千古賢  
眉在羣小須臾首領分地近寥洲無濁浪天垂梅  
里足慈雲殺人大吏終塵土上冢何曾麥飯煎

贈京山王生介山

我昔囊粟金馬門雲杜王郎隣西舍朝遊三館暮

來過恠我官庖乏酒觴王郎卒業我旋歸感懷勸

我歸學稼犬兒天官一選人太學王郎共插架十

年不着進賢冠一竿垂釣荒江汙昨者王郎素書

來報逍遙曹如穉極寓言頗笑老禿翁手把一編

如啖蔗我言貫穿千載前如矢用鏃孤用肥滕緘

枕秘可鈔謄一觀財償一觀借徵文考獻于雲杜

摩挲辨識古彙萃猗嗟少泉太史公當日有聲在

天下大事力爭世宗朝危言不避中涓嚇志就興

都蠟屐游哉眉邂逅神仙駕矯矯虹塘真御史蒿

目直憂坼天罅阜囊白簡立螭頭戟手頻向分宜

居業齋詩鈔

卷二十一

漁唱集

五

罵方伯保釐郡縣清侍御威名桑梓藉稚恭天爵

砥節同幼振風流中丞亞至今萬卷一家歲王郎

篝火無冬夏即官需次雞肋耳公車還當一戰霸

我脚不踏京源山江心寺裏凭虛榭書淫詩癖信

所便辟彼猿臂人之射長鏡木柄常隨肘短布囊

衣足掩豁畝收不稔橡栗充寫書柿葉燭以樺泥

飲亦復無所之平明不用塞衙跨兒孫喋喋鉛槧

間負劍辟咤時鮮暇以此老作嬰兒聲終日長吟

嗑不啜新詩寄我側弁哦老眼耽耽睇鮑謝

一環溪書屋歌寄范對敬

溪鳴漱漱溪雲墮溪鳥翻翻溪流破曾綠峰下六月寒千尋老樹十圍大歷歷落落草堂人蕭蕭瑟瑟指顧坐剝啄啄鉛槧來斷斷粵粵點黠過生憎齒腸張祿汚老厭脂粉曉已流屢空金甌豐一瓢盥漱低徊不忍唾齧足爪孤絕腥羶濯祇蓴芥無莖莖抱瓮夏畦未腍腍不用桔槔備豎課飲牛可睦幼安隣闢鴨能殖魯望貨烏皮几鑑雪松濤水經在右茶經左有時橋步跨滄浪狂歎驚起癡龍臥乘興訪我江之游行勝狼籍山牕作笑我荒江把釣竿一畝之宮竹萬个眼中江漢滔滔矣溪居業齋詩鈔卷二十一

寄寄瞿僧

不到山城十五年  
葭蒼露白又秋天  
老僧知我仍云恙  
簪簪竿垂一釣船

舊游陳迹老來吟  
無數招提蔓草深  
賸得奚囊殘藁在  
已公茅屋可追尋

破寺崎敗絮溫鎮年  
柳樵社柴門故人寫  
入高僧傳  
江蘇黃葉邨

龐眉皺面影蕭蕭  
萱葉充蓬那一點  
綠木可能

舍利九泉時復號參寥  
小慧琴聰與蜜殊浮沉世路取權娛老號子子焦枯樣留伴空山面壁圖

江心閣

君不見岷江沱江禹所鑿瞿唐滬瀆噴薄咆哮白帝下江陵吐吞雲夢包鄧鄂百川萬賴不勝數繁經鄴注第厓畧煙波溟濊翼際峰沔口夏口爭搖擺西塞山石小洞瀾直如六馬馭一索五洲九嶷難撐扛蝦蟇山北矧大作長風有浦積布圻琵琶灣浸失垠墦刊水左得青林口迤東一舍乃吾居業齋詩鈔卷二十一

居業齋詩鈔卷二十一

宅叶楚壤至此界江州隔江九派瀝瀝蘆花勝蹟古有江心寺手摘星辰傳太白叶今年小構仿晴川英英白雲遲黃鶴寄與好事丘壑人攜琴載酒來江閣

自警編編竣

性癖摩挲老亦忘嚴冬日課滿匡牀大蒐青史兩朝元明遍小楷赫蹄三寸強六百二子雙書時左右童孫索筆慣趨蹌恭承先訓家成在自警編中世澤長

聞匪菴掌院事志喜

華傳聞吳少宰螭頭奉詔領詞臣卷阿車馬多  
無數盡是周京孝德人

皇皇聖學日中天多士含香上講筵播笏著恩財  
辨色何人候景過花磚

送難羣儒待折衷大賢博物耻雷同一經皓首嗟  
難究幸有前賢力啟蒙

專門老學漢興初据拾前聞辛苦餘義疏一成都  
棄置貞觀經術竟何如

貢舉議應從考亭分年課試爲窮經螢牕雪案成  
何物肯向人間學說鈴

居業齋詩鈔卷二十一 應留集

皋比坐擁六經師雞犬勤如肄業時賀客及階方  
耳語門生都在鳳凰池

東張景峰學使

卿雲裊裊鳳凰臺使院褰帷亦壯哉古樹千尋鍾  
阜出長江萬里秣陵來六朝軼事資詩料四序佳

晨足酒杯却憶故人殊契濶荒邨老屋隱蒿萊  
曾款瀕江白板扉寒雲冉冉日暉暉西征伐石梁

山頂東嚮披襟赤嶠磯茶竈筆牀俱涉越沙鷗浦  
鶴並忘機棗梨一部長安道編首題辭是布衣

蒼顏瘦骨老丘園角里年華甫里邨窮到學仙應

碎錄老來觀象欲無言十年簞笠諸農圃一卷丹  
黃長子孫霄漢夔龍公等在煙霞灌莽此衙門

聞道天涯念索居笙歌隊裏數欵歡也知莊叟能  
安命却怕虞卿苦著書地望封疆隣五柳天官腰

次近三閭鶉衣百結霜楓下曝背搔頭看老漁  
挿架兒曹取次探短燈檠下視眈眈萬端往事俱

河朔幾首新詩似劍南態是狂奴狂已老鄉無醉  
客醉因愁開頭會有東征舸馳寄知心札一函

寄題桃源水府祠

宣房之塞昔何勞沈罷美玉塞長茨捷石遠下淇  
居業齋詩鈔卷二十一 應留集

園竹將軍負薪薪不屬帝曰瀕洞愁吾人嗟爾河  
伯何不仁河上一歌名瓠子河渠大書龍門史我

朝聖德宣懷柔南瀆衍亨農有疇 應書特遣

大司馬灑沉澹災淮徐野芒芒禹服告成功九河  
既道隄障崇叢爾桃源蟻穴潰鄉老上言隄其內

三版垂漫龜產蛙丁庸股栗吏咨嗟辦香係神伏  
地告水落賽神新神廟是夜雨止風冷冷絳雲漸

起黑雲停黎明奏記聞幕府南邨北郭人軒舞詰  
朝水落一尺強浪痕勇退晨曦光推牛醺酒秋報

社禱祈明年足桑柘怙恃神庥典禩存銀鈎鐵

勒廟門蕃蘆薦嘏詞誰作迎神送神用楚些

讀嘒城四先生集有作

東吳作者歸太僕文采風流至今存生平知己張  
文毅抗疏易名酬其恩厥初獲伏安亭上有文挂  
壁三家邨徐渭讀之搔首歎亭午盤礴逮黃昏古  
人歎歎緇衣誼苑枯通塞非所論震川一集傳里  
閑如蘭之畹松之根婁氏子柔唐叔達奉爲程式  
以立言其學爛然貫經史其辭旁魄而渾侖松圓  
詩老交道廣長蘅孝廉質行敦是爲嘒城之四傑  
賢令括拾爲一門我覽四家懷太僕江渚嘒豕河  
居業齋詩鈔 卷二十一 漁唱集 三

戲語江湖游人

布被翁曾憎故人青絲撲滿怕重陳尋常傾蓋論  
交者漫向平津話苦辛

廬山老僧超顓投詩過訪次韻謝之

太空容五老萬古此清臞下有蓮華社曾招栗里  
儒草根飛瀑到山骨點塵無寂莫蒼松底茅菴一

畫圖

虎溪高歎久芒屨踏雲深何日江州發來爲楚  
吟身閒無歲暮陽復見天心偶憇架漿地煨爐竹  
柏陰

月滿霜林樹煙高雪壑峰一瓢於此掛羣袖幾能  
從觀入曾霄上書嫌半偈重宮亭湖畔水春雨看  
魚龍

新安許節母詩

盟手藝名香鞠躬書大節嗚呼延陵媛卓爾汝南  
楔十六爲新婦內則樹閨臬遘姑寢疾辰帷布易  
其緝擣珍期無鼓鸞禳祝無噎噎下躬禱祠榛栗

居業齋詩鈔

卷三十一

漁唱集

三

豆籩設蕃釐口呢喃祓除把桃荊姑齡不少延婦  
忱則已竭大事相夫君經營周瑣屑孝子草土中  
三年遂萎茶免喪婦有身宗人詠爪爬天予寧馨  
兒聊以紆哽咽呱呱甫浹旬嚴君遽與別是日過  
鳩鳴園林衆芳折上有黑雲天下有汎泉決身贖  
既不能殉矣失何說太媼哭嚮天貌孤若蘭茁無  
母復何恃烝嘗將恐絕婦亡萬事已婦存一綫綴  
白頭旦暮身不如竟永訣承太媼命強爲孤茹  
藥二十未亡人淚盡繼以血淒淒履冰霜呱呱望  
嵒嵒太媼數云道考終踰太塋喪紀視先姑上詩

肝腸裂貌孤漸勝衣拜跪賓朋悅後姑稱婦賢攜  
孤亦人傑尋奉託孤言躋姁于姆列鞠之既有成  
藉以光閭閥九能誨諄諄孤也誦弗輟學官弟子  
員飽餽肆綿蕝親師志魯鄒許身晞稷契所憾顯  
親難對人泣啜啜辛已大故臨麻衣歔如雪緬想  
母生平燈前瘦影子荏苒三十秋強半服衰絰其  
生于憂患其卒以鬱結志狀噉春官陶母歐母烈  
宗伯掌邦禮家傳莽昭揭藹藹中書君騷些並清  
冽黃山蔚蒼蒼白岳高嶽嶽于中礪片石大書可  
以碣

居業齋詩鈔

卷二十一

漁唱集

三

王齋樽過訪

舒敞古臺雲不收好風吹上庾公樓遊人摺作江  
州集素月泠泠載滿舟

黎明解纜別宮亭昏黑篝燈鴻腦汀邂逅故人文  
字飲蘆花楓葉雨冥冥

衡門之下一繩牀促膝論心累舉觴記得舊遊燕  
市久馬頭驢背總清狂

典衣沽酒對寒燈十日平原我亦能繼續留君君  
徑去相逢只費剡溪藤

相逢行贈十水方伯

相逢一嘯遂長揖升堂再拜萬感集昔也日邊迎

乘車今也壘上俱戴笠天壤欽崎歷落人一近九  
十一八十叢爾邑乃兩靈光沐日浴月巋然立十  
七年來七十里絡繹赫蹏有底急乘興欲踏春風  
橋郵亭諸侍苦無粒不期不速此邂逅狂喜賜夫  
得河汲角里衣冠甫里邨四隣驚看二老入烹煎  
盛饌咄嗟噉騰觚飛爵一而什巨口細鱗饜老饕  
廡下狼籍與臺給是歲甲申月春仲倉庚初轉電  
初媚桃華爛熳槐柳衙英英谷口絳雲浥即事公  
勅阿戎書方聞我命阿舒輯山莊圖合乞好手發  
居業齋詩鈔

卷二十一

漁唱集

三

墨直傾斗許汁

書齋長物寄張景峰

十年契濶素書通萬緒纏綿把臂同劇欲盡言言  
不盡暮雲春樹寸心中

詩筒

桑苧遺經天下傳荆溪此物也蒼然露英雲茁鬚  
髭到斟酌人間第一泉

陽羨壺

霧朝楚樹千邨松澤畔人家備飢甕提向吳門玳  
瑁筵緇衣館下亦清供

孟

夜半夢遊東冶亭凌晨東望雨冥冥素心人在花  
深處湘水湘雲餉一瓶

范

寄題容園

譚叟臨池去歸然一舫存雲深河北樹日湧縣東  
門軼事聞耆舊淳風長子孫青青書帶草栽徧薜  
蘿邨

射策升鄉校傳經復此亭天空應下鵠野潤定流  
螢灩澦泉浮白曾曾岫出青揮毫如有暇乘興寫  
黃庭

萬仞青芙蓉橫岡第幾峰鉤簾蒼翠入挿架紫霞  
封屨濕煙中崔庖充雨後葑南山精舍近欹枕聽  
疎鐘

居業齋詩鈔

卷二十一

漁唱集

三

天水並滄浪窈然深柳堂客應辭襍穢書且渾鴻  
荒瓦缶三升酒菟醺一穗香幾時莊惠到此地亦  
濠梁

廬山老僧歌

廬山好事一老僧下山好說山中事山龕古雪直  
天間五老鴻濛渾一闌叶偏山楮拙猛火爐蹲踞  
咬盡及鹽豉十日五日一開門大叫寒山轉蒼翠  
一輪皓魄湧宮亭萬仞芙蓉上霄霄無數山花山  
鳥不知名校以神農本草山海圖經下逮東方曼  
倩十洲記有山如此竟寒盟太白當年亦左計橫

看成嶺側成峰子瞻亦復匆匆下山遂所以山僧  
大署青衫司馬之草堂留與後之君子重擁簪是  
日茗飲午至昏是夜欹枕不成寐明年定買山行  
復今年辦得泥行橈從此東林西林汗漫遊橐筆  
操觚大小識不然衡門之下大言臥遊宗少文山  
頭笑人豈少何無忌老僧歸去讐山志提壺遲我  
開先寺

信至

信至開城三嘆嗟巡檐搔首望京華令人不踏公  
孫閣公孫弘有無  
迹故人語古道偏存鮑子衡王蓼蒸蒸分七箸

居業齋詩鈔

卷二十一

漁唱集

三

銀缸暖暖共窗紗翻雲覆雨滔滔日天壤間猶見  
此家

開城知爾念衰親曝背南榮攬鏡嘆壯不如人偏  
耐老天將使我竟忘貪忘食狂吟信筆酣因酒瘦骨支  
牀暖藉茵却笑方筇也閒却長隄坦步到江津  
平安書信到柴扉老樹亭亭乾鵲飛澹泊吾能安  
菽水晨昏汝尚戀庭闈傳來妙穎仍藏匣製就輕  
裘尚在櫛數過霜天城十道南窗挿架受春暉

聞洛子假館司寇示公書此示之

明公好士萃拔羅詞客翩翩盤辟過瑋瑋建瓴臺

彥華贈瑯架裏舊聞多興酣亦似蘭臺否材薄將  
 如石鼓何水鑑冰壺澄澈甚品題豈屬力田科  
 旅食長安渾楚儉詞場安得稍知名看雲甲第逢  
 春雨觀樂工歌識夏聲天下清流依北海日中襍  
 記補西京南來短扎頻頻寄有雀翩翩屋角鳴  
 日邊雲樹氣熊望氣氤氲邸閣中人羨珥貂過  
 七葉自能栽樹卜三公聯鑣已見烏衣巷授簡應  
 成白虎通羅蠶形模渾遠古摩挲辨識幾相同  
 白雲司裏足賢豪三宥之先五聽勞肺石仁嘗周  
 節屋鈞金辨且折荃茅官儀讀誓位俱在司冠祥  
 居業齋詩鈔卷二十一  
 刑門獨高靜自能遵畫一九卿推轂有皋陶  
 傳聞司寇衙齋好退食羔羊坐北窗漢約三章天  
 廣大周官八議世敦龐論當鞠繫神猶惻案到平  
 反力獨扛望古有懷一張季史書廷諍故無雙  
 碎錦坊邊松竹居旅人題咏近何如門閭幾日施  
 行馬家庫多年擁賜書正是池塘春草候恭逢  
 城闕卿雲初鼠鬣筆寫蠅頭字飽餘母令臂  
 插架名家今罕儔寓亭有暇恣冥搜經從備覽除  
 輻輳史揭宏綱削贅疣探賸直須餘論出詠懷應  
 得大文訓鈔謄摭拾充行篋遺我荒江足臥遊

寒集良辰壺榼期齡癡符豈趁旌麾曹劉壁壘  
 糧入李杜光茫洗眼窺客子藜牀冰雪夜鄉園草  
 閣雨風時人生遼意需何物書裏清香畫裏詩  
 以詩代柬寄周漁璜  
 木榻蒲編館閣中華簾紙檻禦寒風恒言費是梁  
 鴻焚且喜途非阮籍窮宦拙何人知骨相書淫也  
 自得疏通炎官邂逅如相問珥筆垂紳太史公  
 十二年來一史官懷鉛握槧幾時閒思親萬里頻  
 書夢黃酒三升日駐顏鷓鴣鷺層層霄漢上旌旌往  
 在置郵間冷齋只有貧交至巷口相逢入直還  
 居業齋詩鈔卷二十一  
 問君寂寞頗願晞余爲說荒江寂寞居勇退猶存元  
 亮帶疎慵未寄子公書披裘褌襪炎烝候直釣相  
 羊小水渠賴有先人遺篋在摩挲差不負三餘  
 叢爾官衙徒四壁嶽崎歷落許誰羣世途苦乏孔  
 文舉容貌何傷揚子雲決計斷斷期近古勞生捐  
 捐欲多聞案頭一事偏豪縱艾納都梁日夜熏  
 松風竹雨擁柴關光屋先生髯几閒往事撐腸能  
 自道新詩脫手遲人刪囊琴不向長安碎賣藥終  
 收小草還最喜大江流日夜滄浪天覆有無間  
 寄王司寇新城

羣山過雨疊空青海內風流歷下亭想到春宵良  
讌會寒芒永夜照林垌

山齋六月渾無暑蠟屐還尋釣笑泉手把新詩臨  
水坐名香一穗晚風前

徂徠山下松風秋桐帽樅輶朝暮遊朝采松華暮  
松液蒼霞四面當山樓

地負海涵千古期冥心獨有古人知短燈檠下聞  
天籟正是空山雨雪時

三湘七澤水盈盈短褐疎狂一老生滌釜船頭烹  
白小腰鑱鵑裏劇黃精

居業齋詩鈔

卷二十一

漁唱集

六

衡門隔岸天濛濛五老晨昏煙霧中記得青門臨  
別語開先寺裏訊顓公

放船近到江心寺倚檻長吟供奉詩手摘星辰叫  
閭闔飄零恰是醉狂時

蓼莪眼底淚痕枯史筆誰傳先大夫一自漁洋汗  
青到遂令摩揭徧江湖

送黃司訓歸安陸

歸去來辭醉後書郢雲深處一茅廬斜風細雨蘆  
花夜白口槎頭漢水魚

楠山樹色冷斜陽鳥道蛇盤舊土墻拙宦歸田

竹瓦輕舟上水過黃岡

敝裘破帽治行遲話到前人畧解頤司業酒錢如  
炙輠冷官安得到京師

馬形廣過訪

掛席乘風上錦江木蘭船上二銀缸醺醺花作鄂  
筒酒玉壘嶙峋對客牕

死盆盛酒別江湄絮語諄諄解纜遲蜀道蹲踞無  
素飽行牕應載浣花詩

飲筠菴過訪

桂棹蘭橈及此汀片帆來白快哉亭日生野色荒

居業齋詩鈔

卷二十一

漁唱集

元

荒白山露寒姿脈脈青

不到青門十五年衡門羅雀雨風天聽君半夜金  
閨話沈水香殘一穗煙

栩栩蘧蘧蝴蝶夢碧梧威鳳久無詩每當好友過  
存夜都是田家泥飲時

積布磯頭穩釣磯釣童山下足蓑衣客來紀事無  
多句細雨斜風白鷺飛

千頃煙波上水航樊山渡口卸輕裘一筇雙屐之  
何處廢院牆頭看海棠

巖巖亦辟一氣熊熊千古黃州一寓公造物至今無



盧藏舉頭山月復江風

吏隱安能睨曼倩官清只可到萊蕪山中宰相華陽洞地有三茅入畫圖

覽館課竟與筠菴散話至夜分得斷句凡二十首

竹簾藤囊一卷書柯亭館下幾年儲石渠虎觀讐經日不是相如賦子虛

辛苦惟憐昔老生零星拮拾漢西京唐人義疏從刊削後起何人得滿籬

冊府元龜編蓄多太平御覽富按羅曝書籍籍誇居業齋詩鈔卷二十一

三館簪筆成書更若何

凍水書成日月縣廬陵五代已犁然本朝筆削偏無手蕪弱千秋劇可憐

蘇軾史才曾奉詔含沙有或王竟蒙蒙漂零老哭炎荒飯送院金蓮只夢中

雒陽抱鼓元賢操江漢先生臂指勞大澤深山人有學丹黃鉤貫並功高

通鑑前編翻後出網羅持撝亦良難仁山凍水俱千古處士何曾讓史官

開館編摩名大全內頒筆札予餐錢元人賸梨鉢

勝過增秩曾傳視草年

館閣雖離弘治時詞林倡和比堽麓家無語錄人無黨經術昌明士氣怡

懷麓先生多士師中朝騷雅盡簪時枯魚上壽留酣飲賣字錢來續午炊

文恪魯公科舉魁獨憐科舉壞人材急流勇退窮經老門對西江鎮不開

青詞驟貴列三公國本留中疏百通史局兩朝書底事裨官據臂草匆匆

江夏郭公百煉剛要津齟齬也跟踰羣賢清議能居業齋詩鈔卷二十一

湔雪解纜楊邨返故鄉

明倫大典喧喧後史筆何人說仔肩水火戈矛充廣廈僣僣直到甲申年

玉筍班頭學士魚便便腹笥不應虛隱囊方禱神仙望緒過西清幾卷書

循階拾級上彤墀枚卜遭逢自可期年不老蒼官欲速刀圭催得鬢如絲

卓爾妻東張庶常宋元紀事論堂堂斯人若直承明久綸閣猶存止水坊

側身懷古欲何如有目眈眈手拮据太乙老人曾

後茫茫復何逐觀象得兼山兼索蕝茅卜夏易艮  
爲首知止善之族冉冉七十春燈前鬢已禿念我  
同門友寂莫滄江曲滄江寂莫久展書歎忠告用  
子名山篇冠我涉湘錄從今汗漫遊芒屨信兩足  
岳陽一葉舟長沙千里目迢迢榮公裘物色萊子  
服邂逅琵琶峰盤礴蒼篴谷夜觀列星躔中央周  
四角盈虧如聚沙消息若轉轂方外說長生著書  
亦已遺太上黃綺流其次求羊屬但令魂夢清無  
憂性命促學道信有成悠然對松竹

雨中

居業齋詩鈔卷二十一

漁唱集

三

荒江漠漠雨濛濛一縷香浮萬卷中拂拭溪藤徑  
妙手草堂描出浣花翁

居業齋詩鈔卷二十一終

居業齋詩鈔卷二十二

廣濟金德嘉會公

漁唱集

遂寧令陳智若輓詩

捧微寧知蜀道難披裘策馬徑之官長安往事都  
如夢記得南宮子夜寒

三朝三暮過黃牛一鶴一琴之閬州手把圖經說  
廉吏牽繯猾捐也風流

楚些招魂舊路諸峰歷歷水潭潭船頭曝日囊  
中草絕筆題猶寫劍南

居業齋詩鈔卷二十二

漁唱集

一

忼慨平生似醒狂高頭大鼻故堂堂夜臺寂莫誰  
知己只有先生在錐陽

張進士杞錐陽人嘗分  
校楚圖智若出其門

寄題鄭右巖書齋

應山何物映冰壺手藝書齋香一爐似有人歌廉  
叔度還須自許范萊蕪

南吉雲飛北吉陞蒼松壑老碧梧枝凭欄有客成  
圖書馴雀芝田過雨時

莼花巖裏謫仙居石几松窗故有書春雨春雲山  
色在使君懷古意何如

題畫竹

滄州戴侍御筆也有御賜  
一章在馬范生手詮屬題

月落影充老屋雲來翠濕新衣一竿幾日能到溪  
上吾成釣磯

曾入宣和畫譜吳頭傳遍天涯此君到處怡悅豈  
獨渭川一家

溪邊風韻瀟灑好手還應有圖滿院白描亦可兼  
書饒似萊蕪

寄題冠山人墓道 示范生

畢四嶺一抔墳黃腸高枕冠居士丹荔庶羞劉使

君文采風流足千古山靈爲辟鼠狐羣居士玉樓

前作記使君復脩地下文騷雅壇場天壤在有光

居業齋詩鈔 卷三十一

爛熳氣氤氳城南郭北富兒墓絲麻百夫何紛紛

行路問此誰家子送者踟躕無以云亦有賜塋葬

輝赫石人石馬高于粉生平碌碌膏粱耳史家執

簡難其名 叶 丈夫蓋棺論始定身後有聲如鼓鼗

君不見東衡天半荒煙裏一臺猶屬鮑參軍又不

見星辰手摘江心寺圖經直以供奉聞名士邂逅

登臨且如此矧茲蛇壇旁魄昂藏七尺之所宮 叶

從今下令禁樵採喬者梧櫟天者芸鳴呼山泉賦

脈風冷冷皚皚白石停白雲

戲談示日者

漫致君平草閣前鏡中華髮已盈顛力衰拜罷防  
生客酒半軒渠話少年骨相自應辭赤紱家聲原  
只在青氍揮毫麗翰無多字點綴莊生秋水篇

日者答

世事無勞攘臂求鯁生借箸効微籌名山最壽陶  
貞白好語相傳馬少游無數青精充飯糲有時紫  
氣凌丹丘紛紛小道都麾去坐歎行吟可自由

題畫卷 十八羅漢一軸

爲龍未必點睛去學虎還愁畫不成且向空門揮

灑墨繞廊盤礴聽鐘聲

居業齋詩鈔 卷三十二

此事居然斷葛藤門前明月佛前燈何年語錄填

方丈盲殺叢林粥飯僧

偶題畫卷豁羣蒙清磬一聲霧雨中不是揚州開

府筆僧家無費碧紗籠

柬懷周漁璜

江干草閣倚門樞東望杭州信使無料得清詩吟

畫舫澹雲斜日過西湖

京雒同官定歎嗟錢塘使院足煙霞鉤簾夜坐中

秋月六一泉烹顧渚茶

南屏佳氣滿襟裾正是梧桐細雨初九月黃花都

放盡山陰晨夕更何如

當年好事有眉山鎮日紅泉綠雨間橐筆攜琴人又到院廊禪榻幾時閒

南牕散話寄漁璜

賤詩微誚鄭三禮話易都刪荀九家義疏驅人趨

徑省把文何處漱菁華

科條沿襲學模糊明遠樓頭可太呼一自西京三

策後幾人堪作廣川徒

浙江江上步亭皋初看廣陵八月濤省試諸生諮

掌故前朝詞客已揮毫元至正元年省試羅利江賦試者三千人獨錢惟善以錢齊江為廣陵之曲江

居業齋詩鈔卷三十一

名于時謂曲江在揚州矣

飛雲崖上勒新詩是我黔游極目時君到吳山徧

登眺飛來山色也屢展

汾兒自江夏榻得湯月大書來喜而作歌

樓船鼓角潯喧喧陣雲黯慘蛟鼉堆橫槩賦詩時

灑翰彼哉漢賊亦多才臨池下令斲山骨大書湧

月臨高臺一碣踴然千載後江水夏水相潏洑吾

家小兒哦詩句往往盤礴辛樓隈客久歸船無長

物捧持榻本趨南陔老人摩挲良久令衰潰掛之

東壁步徘徊廿年不踏武昌路過眼陳跡俱寒灰

對此忽如中秋之素魄晴川樹裏盈蟾今夕何夕懷抱開研屏筆格光皚皚腕下波瀾潯潯沉眉端河漢迥昭回我已臥遊黃鵠磯頭矣西征放艇何為哉

歲當乙酉追思往事觸緒愴然成詩五首

乙酉我曾丁喪亂春王二月出奔竄露宿林栖石

港崑偷生怕聽雞啼旦山家麥餅禦朝飢十日五

日一炊爨嗚呼八口入山三口存存者余兄弟及一僕歲杪言

歸蒿蔚邨

掃除瓦礫彈丸地丙丁戊己渾顛顛禿筆鈔書日

居業齋詩鈔卷三十二

幾行藜牀塊枕宵無被先公遺像亂時亡夢裏嬌

親猶揮涕先公人爭當先夫大忌日生辰慨然嘆嗚呼漂

搖風雨百憂攢門戶可憐措拄難

庚寅肄業文昌閣一試冠軍小有獲曹偶隊中豐

羽毛古人書裏屢糟粕三踏省闈不見收拂衣歸

去仍蕭索嗚呼河清谷暖知何時搔首江天自詠

詩

庚子青衫脫羗牖公車八上不停手壬戌之春冠

南宮一官太史牛馬走侍從七年忽還山頭銜依

舊史臣後嗚呼青門戴笠入衡門抱甕荒江且蓮

圖

大兒爲我學千祿五斗來年充我腹小兒晨夕侍  
南牕夕把新詩晨削牘雙瞳炯炯吾之孫口授經  
書龕能讀嗚呼生辰在我曆在天七十六年今死  
全

題宋丞相信國文公畫像

六陵寒食天瑟瑟冬青樹厓山颶風浦冥冥蜃海  
霧滄桑一以更魂魄之何處皇哉信國公精靈猶  
此注河岳俱流峙日星並躔度弗隨運數徂正氣  
歌已具

居業齋詩鈔

卷二十二

源唱集

六

夢炎監降旂宜中跳絕域家國總陸沉丹青何可  
得山縣五里橋丞相哲兄閩宗祔縣此圖寒芒下  
南極謾謾紫檀風英英蘭棹色綿綿蘋藻延秩秩  
文孫陟

齒髮歸廬陵巋然信國墓後人殫楚鄉終天感霜  
露以此憂國容稍稍告童孺一朝羣盜來里門不  
遑顧耳孫巡廟塹徬徨獨哀慕緼袍負先靈空山  
薦清醑

炎午誅公生舉羽慟公喪公死如歸耳當仁夫何  
讓背城戰未果維城疏曾抗吞聲哭向天飲泣神

逾王真州行次且溫州色惆悵奮臂呼雩都荷戟  
萬夫壯

東南大有人人親公所嚮成敗論英雄字羅母乃  
安三年一小樓歌哭俱樓上積翁黃冠請乃速策  
城謗耿耿睢陽心嶽嶽魯公狀宋運三百年萬古  
一丞相

太平興國間廟謨主休養新法竭閭閻花石罄林  
莽遂令汴水都更建西湖上秦賊工頑譏賈賊足  
欺罔整賊來跋扈煥賊去稽顙馴至栖海濱宮闕  
馮沈沈

居業齋詩鈔

卷二十三

源唱集

七

率土戴昊蒼勞臣獨瞻卬致命則從容勤王則慨  
慷緬懷元祐人羣小目爲黨極目德祐人稱臣以  
地往何物非黍離何辰非板蕩涕洟歷闕河悲憤  
歸泉壤我生千載後飲容覲茲像

蔣使君餉茶

案頭一卷桑苧經床頭一斛中冷水洗錯欲得小  
龍團穀雨前出煙霞裏客言岐亭琴鶴瘳若最筠  
籠曾有此珍重不知爲何人封以澄心堂中紙今  
朝小奚長跼前致辭前月擔酒白衣又至矣老矣  
開械大笑笑不止厥餉乃爲玉川子枯喉渴脂潤

有時雪滿茅簷何足比却留少許遲客來馳書報謝且志喜

啟江北征書此送之

擁褐圍爐尚苦寒晨興送爾鄉長安騎驢蹇蹇三千里記得當年旅食難

仰瞻高裏碧嶺君短燈檠照爾頻年字滿簾中有天人三策在殿頭無似棄繻生

寒天事事費吟哦一研朝朝手自磨席帽舊衫今北嚮又從水上過黃河

七葉相承此一經冬牕依雪夏牕螢丹黃讐校諸居業齋詩鈔

卷三十一

家遍王父薪傳是考亭

朔風獵獵雁聲聲汝父瀕江送我行僕僕公車成

底事南宮榜上一書名

搔首行吟汝叔凝板橋茆店步遲遲公途粉壁今銷盡賸得宜溝驛裏詩

阿雅秋闈得意晨郵筒書至慰衰親朝來送喜勞

乾鵲仍是天官一選人

邸舍連牀永夜酣挑燈念我髮髯髯豈知殘飢寒

蓬手也有新詩似劍南

誅茅畚土葺荒廬弱弟霜天手拮据不踵龍門談

貨殖濡毫還寫治安書

日下故人詢老龐爲言垂老戀銀缸杜門四壁渾如水新製泉比擁北牕

藍丹衷持古畫索題

醒狂人似醉時狂狼籍羣書滿一牀如此江山誰共造數聲漁笛在滄浪

古物流傳歷幾時龍眠畫筆輞川詩藍生好事蕭齋裏添得老夫坐亦奇

江心閣得詩僧

詩僧高嶽倚南牕五老巖巖隔一江粥飯生徒都

居業齋詩鈔

卷三十二

散盡夜來孤影係明缸

雷同棒喝互咿嗶優孟叢林貉一丘早入詞場窺

韻海貫休齊已也風流

瓢笠逍遙鎮日閒看雲飛去鳥飛還悠悠古意溪

邊樹脈脈禪心江上山

寫徧新詩說故鄉浮山亦在水中中央蕭晨掛出龍

嗅畫簷椀新添一穗香

比隣精舍額青龍能到江船夜半鐘一事最宜大

擬手白沙洲外水南峰

春江潏潏日遲遲揭過黃庭洗墨時却恠狂僧書

楠葉佛堂清畫走蛟螭

逝水迴瀾石鏡涵垂楊倒景雨去 甕甕鉤簾拭几

留詩老即事詩成貯一函

湘潭張秀才豈石過訪

湖南詞客到黃州桐帽青衫赤嶂遊懷古詩成還

弄笛江風山月送行舟

青林湖口布帆來鴻腦洲前筆戶開東嚮庾樓搔

首望金陵佳氣鳳凰臺

閑荒

茭菱啖已空劉微上山垓長鏡得霞炊瓦盆渾罕

居業齋詩鈔卷三十一漁唱集

離望望湖水乾餘生活瀉屑兩岸方盈盈連句雨

不絕野廬有積貯故爲飢人設大無報有年遂令

官廩閉隣縣昨發倉哺糜饘耆耄

皇皇蠲復恩汪濊甫田舍粟可支十年益藏遲米

價踊貴日有聞朵願如嘆歲搖手謝故人凶年毋

乞假糠粒我朝饗黠臺我夕藉解推讓賢豪夫我

則不暇晨興涉大川賈舶千帆下潯洞往從之高

廩爲我瀉殷勤致一詞轉粟人所罵擔負行日中

牛車當以夜

客自田間來草堂留小飲頗聞過糴人洵洵畫連

社族類日以滋沸羹日以甚殆哉守錢翁頭岑復

古禁重門距衝撞或虞室窺闖隣曲過存疎周親

怨望深吉凶舐筵簞害藏防浥滲紅朽高于山假

寐無安枕多財乃甌梯仰天歎災祲

上農負笈管中男荷蒞弱五行偏王水天方授蛟

鯉恤災思考亭蓋嘗聞其畧存活起溝涂奄奄半

老弱濟如中流壺扶則左擔笻斯須不忍人厥施

遂以博當厄予歎體受者踰羹臠區區抱此心蒿

目倚虛閣

偶談及臯伯通廬下事示談者以詩

居業齋詩鈔卷三十一漁唱集

漢有臯奉卿三吳之大姓邂逅梁伯鸞改容廬下

迎古人論躬行往往視家政落魄備保間逾起闕

房敬五噫出闕來掉頭謝徵聘肅宗徵天生偕隱人

閱觀知其性居將角里隣墓與要離並矯矯被裘

公圖經共暉暎獨立絕躋攀此事安能更問門一

皋橋大書由梁孟讀史千秋後雨炮發長詠

九華山有費孝子墓未審今游人馮弔否問

之

唐有費子軍諱冠元和弟進士榜下聞母喪衰絰

還鄉里杯土馬鬣封倚廬待沒齒長慶除諫官

詔徵不起灑泣辭有司千祿爲親耳白日照空堂  
何處羞甘旨永與朝班絕埋骨荒山矣後人杜荀  
鶴題詩補國史峩峩九子峰中峰一孝子

謝餉

冒雨爲欄初闢鵬衝泥荷鋪只鋤葑三春咄咄成  
何事十畝閒閒一老農菜甲今如青玉案鶯肪忽  
似紫駝峰郇公厨裏分甘極四韻詩將尺素封

送吳生東遊

春雲春樹柁樓間一卷新詩手自刪行到圯橋望  
滄海披襟還上鬱洲山

居業齋詩鈔

卷二十二

漁唱集

主

桂楫蘭橈楚水舟乘風一過月波樓逢人指點桃  
花浪不是宣房瓠子秋

桃源縣裏繞城隄一水盈盈雉堞齊記得功成三  
版夜衙齋四壁有詩題

毛生移居縣郭詩以送之

小小江樓煙樹中焚焚燈火五年紅廡間戲寫梁  
鴻字此地原無皋伯通

酒酣停醖話先朝梅浦春風吹古橋雁塢題名歸  
額第至今墨藩未曾消

入宅應先列畫屏山松爲檻竹爲櫺尊前若得賢

人聚占候城南定有星

淶樹紅泉映石臺春雲深處草堂開鉤簾新得龍  
瞑畫便有呢喃燕子來

檐牙邃邃宇潭潭速客逶迤逕有三雨後堦前初  
輒茁比隣送喜說宜男

廬山老僧遺扇及香志謝

遯斷熏天十丈塵炎威不到葛衣身蓮華社裏清  
涼極來傍嶺崎歷落人

燒殘沉水覓都梁僕僕經營一穗長箬笠筠籠今  
暴富春風吹得滿庭香

居業齋詩鈔

卷三

漁唱集

主

公流洗盥何時到白粲青精可一升今歲來游江  
閣好江心憑檻有詩僧

江心跌坐聽疎鐘宛在江南巔巖峰只有泉聲留  
月谷山門依舊白雲封

東望廬山有懷

寂莫荒江濱衡門晝常閉弗寄子公書貴游一以  
絕有客唁我寒而我方愁焚殿閣俯蓬池曾叨侍

從列解龜賦遂初遂守田農掘穀雨視鳴鳩春分  
聽鷓鴣麥秋螻蟬鳴短衣步丘垤南望五老峰冷

冷太古雪逝將雙芒屨一踏願公聞願公遲我游



新詩策疲茶遺我蒲葵風信以旃檀屑荷茲方外  
交味若寒泉冽安得果此行炎天漱寥泔

偶見張愛溪書問中有病俗句用山谷醫俗

解之

行篋刀圭在如何別索劑兔肥應骨瘦牛從自雞  
尸七發枚乘苦三升管輅宜博山難艾蒨是汝有  
瘳時

不信醫何物浮生絕可憐蝸涎猶是字脈望也能  
仙肥腴膨脝後苞苴錯互前乾坤仍草昧萬事總  
茫然

居業齋詩鈔

卷二

雜著

古

何妨寒澈骨所過只留馨源水茹蕒菜舉厓劇伏  
靈幽懷常矯矯獨立自亭亭回首舊游處數峰江  
上青

狂生無長物是處可盤桓響榻籠鶯帖丹青圖鴨  
欄采頤占不到垂橐夢常安只說清齋極還須藥

一丸

捐捐苦多藏應探肘後方右軍蘭渚會庠詰輞川  
莊奄有朱門樂長留汗簡光人間此味好病已可

能嘗

捃拾剛三册周防徧一毛蒙頭規襪極勾股析推

刀庾非遙嘗設樓鯖鱸不勞養生能至此晨夕也  
器器

量谷渾愚谷鑄山亦假山蚩蚩眉睫上齷齪夢魂  
間素問空談脈丹砂豈駐顏浩翁真妙手藥石到  
冥頑

舉比危坐久忽憶馬頭山破浪千帆到穿雲萬鳥  
還酒浮桑落滿詩入竹林刪東向扁舟發江心閣  
可攀

寄范對敎蘄州山後

隱到山深處人間大布衣囊雲充石戶馴鳥徧柴  
居業齋詩鈔

卷二

雜著

古

扉客又逢新好辭應覺昨非向南通短札還上釣  
魚磯

逃名吾計決寂寂守青鐙送客之盤谷看人入灞  
陵幽懷渾潯宕好事半鈔謄倘發山游興今年可  
得朋

二林壇玷在遺槩問如何人物膏粱少風流水竹  
多從來傳世事不數力田科篋底元亭草憑誰側  
弁哦

讀書漸識字此意我師韓蟲簡烏焉夥奇文點黠  
難兔園紛駭陽芒屨定蹢躅風雨蕭蕭夜何人說

范丹

邂逅吳公子細論偕隱詩藥欄花放後茅屋茗香  
時次韻歌三疊還書酒一甌人生能有此悵望復  
何之

一畝前朝鵲三弓曲水園清明來燕子穀雨長桐  
孫元亮飢駢去君公版築存客中揮畫筆時到縣  
西邨

江心吾有閣凭檻走詩筒訓唱羊何埃襟期管鮑  
同十年流水曲一日亂山中步履扶藜杖西郊天  
氣霽

居業齋詩鈔

卷二十二

漁唱集

六

孜孜懷古意尚友冠山人殘篋搜尋得荒邨眺望  
頻松楸久寂莫碑版忽嶙峋對敬重立  
山人墓碑藝苑相傳說  
文章信有神

黃山古松歌

毛生老松如老友得之黃山老僧手要我爲作老  
松篇松老黃山不記年我老未踏黃山麓咫尺黃  
山風謖謖摩挲二鬚想平泉却惟五粒之歌出昌  
谷薺芘五寸伏靈根其下殷殷螭蟠存鐵幹銅皮  
何屈曲是日疑到廬山大林之寺門天生神物有  
如此手植母乃容成子泠泠下通白嶽崑鬱鬱

凌紫陽紫毛生載之畫舫中吟哦日日崔丞同人  
情好事苦不足徵詩欲得浣花翁此松不受大夫  
爵惟有妙筆能令起纖末畢生韋偃不可逢何人  
解衣盤礴此江閭

芍藥放

京雒花時醉幾迴豐臺筵上放歌來瓦盆竹几兒  
孫酌又看家園芍藥開

曲水流觴步屨遲天涯游子盍簪時阿戎兩度看  
紅藥春草池塘又有詩

以詩代東復馬仙軻

居業齋詩鈔

卷二十三

漁唱集

七

左臂書來連日攤側身東望望平安下帷漫說浮  
山好作客應知蜀道難昏嫁經營殊捐捐泉刀債  
負尚桓桓詞場稍喜佳兒出令我臨文動色看  
聞道清羸局竹房爲君搔首數徬徨一身儘向書  
中苦萬事都因醉後忘世路崎嶇曾折臂生涯顛  
顛幾迴腸學仙可遠華陽洞謖謖松風歲月長  
惜陰亭畔舊書寮今雨何人破寂寥無病窮來還  
賣畚有懷悶極可吹簫江湖問遍驚濤渡岩壑過  
殘亂石橋從此丘園留步屨何妨名氏狎漁樵

觀史

青史清流區偽誠無將苦節潤虛聲幼安獨立  
行善尼甫空談浪得名身自蓋棺衡已定人從論  
世感逾生獲舟之上排墻下天網恢恢萬古明

泰運三陽方彙進一陰闌入竟如何死攘賢哲汗  
從禪生攬經書壞制科官禮徒滋桑孔幟封疆卒  
致恹懷戈履霜誰識堅冰後矯矯眉山論不磨

半山日錄編方出合浦尊堯集已成靖國朝端曾  
奮臂廉州署裏只吞聲陰謀竟可誣君父聚歛  
云志治平十九年間苞孽在紛紛章蔡莽縱橫

吏議深文從太師格天閣裏日孜孜請誅散地蒼

居業齋詩鈔卷三十一

源唱集

大

顏老張忠獻無貫幽囚黃口兒忠簡舉綱羣賢俱此

訖諸事和揮毫隻字復奚疑大猷上檣力疾書押鐘鳴漏

盡之何處朝野彈冠又一時

覽雪中牡丹詩卷次廬山老僧韻

菴溪精舍裏物候老僧知冬卉俱凋夜春華獨放  
時異徵人不得生意爾偏私柳絮因風起深藏絕  
世姿

不逐繁華過安知節序殘侵晨擅喜鎖日倚欄  
看竹色分光潤松聲共歲寒紛紛姚魏譜雪後寫  
應難

沉香亭子後僧臘得春先十月朝如此頻宵雪復  
然單疑蓮社掛曲似郢中傳勝賞茲遊極歸裴緩  
着鞭

寄題胡會來新築山房

紫霧山頭磐石家三間小築薜蘿遮纖纖漸出凌  
霄竹灩灩初開繞砌花題咏新莊仍稼圃畫圖古  
物半龍蛇汎泉灑灑過深夜沉水香中穀雨茶  
初賡供奉餘春賦遂構端明喜雨亭舍北舍南松  
出壑山前山後石爲屏蒼蒼曲逕留馴雀落落疎  
櫺好聚螢折柬來期江詩客濡毫豈欲寫西銘

居業齋詩鈔卷三十一

源唱集

尤

衙成槐柳晚成蘭峰自屢屨谷自盤白社羣公歌  
伐木滄江一老賦斯干小山別業時多暇名士縣  
書志不刊却笑尋常通尺素區區爲爾勸加餐  
三月工成十畝藹倚欄晨夕近如何碧梧計日還  
栖鳳青簡逢人且換驚雨後鶯雛飛隊隊花間燕  
子舞僊僊吟殘即事詩筒出好事同人把臂哦  
老夫市隱菱塘曲竹瓦三楹水一灣卑濕每當炎  
夏苦釣遊安得富春閒倦馮北牖烏皮几狂暑西  
橫玉筍班見說山齋清晏極詰朝襍被且尋山  
汾子赴磐石之約中道而返戲爲此詩

寒衞青芻秣出門信所之故人文字欲新歲草堂  
詩免首殷勤極雞鳴風雨思萋萋真好客猶見鄭  
當時

好會良難得通人致自殊班荆存古道折柬集文  
儒石鼎期聯句山莊待寫圖此行如信宿懷抱豁  
襟蕪

西嚮駸駸去得朋當軼羣開筵無俗韻發篋有新  
聞竹雨浮蒼翠松風入自雲東樹壇坫近應憶鮑  
參軍

日出行山嶠日中仍水瀕不成高會約殊負素心

居業齋詩鈔卷三十一

人待葵香還在垂醞酒更醞望衡終可到握手是

佳晨

頗似王家棹戴村微有聲襟期千古事來往片帆  
輕餘韻留山水清風共友生如何馳逐者捐捐五

侯鯖

膠漆談何易其人定環狂寸心如可告千里若相  
望澹澹驩無竭綿綿味有常少陵思管鮑遊燕豈

能當

五日

長安逢令節游子定思親蒲柳憐吾質桑弧記

晨充庭縣艾虎採藥傍松筠屈指阿咸到籬邊日  
幾巡

門長新蒲萋朋來舊草堂兒彊任負米孫慧解侍  
觴善病顏從瘦耽書日儘長莫言無長物掃地焚  
鑪香

抑齋老友過訪即事成詩凡十首

曰口開頭之漢口東征遙指大江東注經自補桑  
欽闕望氣人推郭璞工諸形家言雅集江心茶竈裏清

詩樹杪夕陽中沿流應接殊無暇陋巷還尋老瓦  
翁

居業齋詩鈔卷三十一

小艇朝朝槐柳衙怡情處處可爲家衣帶赤嶼山  
頭雨手摘青林樹裏花旅食兼羞猶踖躇行勝一

卷自整牙有泉清冽呼停棹爲試瓶中顧渚茶  
十七年來財此會滔滔江漢眼中波送君行訪皖

山伯嗟我已逢春夢淩豹尾螭頭書不盡茅茨竹  
瓦話偏多石尤風信明朝得鴻臚洲前一放歌

客至兒勝趨走任周旋杖履稱親心解頤北郭佳  
山色高歡南窗苦竹林追數舊游風雨夜襟成今

夕短長吟長年三老船頭語江水如人別意深  
中年聚首難爲別况是相逢髮已絲夢裏蒼顏但

好在江頭錦字每來遲君思鱸美東行去我卜漁

音西嚮時磨蝎生辰勞話及可憐蒲柳最先衰

五日生人西塞山生來骨相合漁灣蒼煙淥雨俱

朝暮淺瀨深泓信往還通問久於炎路絕一編猶

待故人刪八旬屈指三年到薄醉村醪小駐顏

索居惟倚竹爲屏蕉葉沾唇醉易醒虎觀神交多

宿草騷壇諍友亦晨星兒曹袞袞從驅蟲老眼蒙

濛復聚螢裾拾前言待讐校期君上水泊沙汀

鏡裏雙瞳吾自厭臨文嗟歎乃勞君蠅頭細措馮

虛庸塵尾卮言述舊聞架有蘭亭從我搨林無柿

居業齋詩鈔

卷二十一

漁翁集

三

葉索誰分往來二老風流極安得扁舟共水漬

京華早有丘園興垂橐蕭然返敝廬偏側安能栽

五柳汚邪只可獲三畝墻頭過酒非桑落席上充

盤是韭菹知我長貧唯鮑子臨岐執手步踟躕

史官簪筆直詞曹御柳氤氲宮錦袍三館編摩曾

屬草累朝纂述再揮毫青藜傍我林泉逸紅藥邀

君竹帛勞賈至新詩諸老和何時郵遞到臨臬

聞鄭方南近狀詩以訊之

黃岡豈乏肩輿竹方伯歸來只步行却笑陶公猶

好事每勞二子一門生

處脂無潤也陶然四壁滄洲水接天頗似吾鄉胡

十水疎籬矮屋臥梅川

幾年闕下飢方朔枵腹歸田飽菜羹賸有西京書

卷在索居苦憶鄭康成

赤嶺磯頭吹洞簫臨臬亭下木蘭橈樓成竹瓦書

充棟差勝洲居夜寂寥

寂莫荒江霧雨堆懷人每上釣家臺呼僮日日鉏

三逕鎮月何曾二仲來

會來遺絲絹

長倩縑絲已織成縣車人不嚮西京新成小憐匡

居業齋詩鈔

卷二十一

漁翁集

三

牀上臥聽長江夜雨聲

桃笙欹枕足松濤露肘猶憐遮迺勞垂老下帷龕

宴息故人此惠勝綈袍

黃絹篇

吉貝花成白氎布蠻姬織就紫茸氍毹暖一時輸

紙帳風流豪宕雪堂仙我家蔡牀之此物窮巷偏

側段亂邊青蠅揮去愁白鳥嘷血曾不擇豪賢股

腳雕尻何足恤堂堂眉目嗟可憐今夕何夕獲安

寢磐石山人使之然山人山深紫霧裊蠶桑機杼

願指便盛筐遺我折柬致使者猶云束裘裘量以

玉尺付并剪中央四角帷具全相棚而夢蓬蓬  
老夫樂此高枕年却恠鄉里小兒扁其笥寸線尺  
素直萬錢讀書不識緇衣注豈不受經邊孝先腴  
貺乃從遠道至令我三歎當賓筵念當醺以皇甫  
字搖筆且成黃絹篇

聽瀑軒

枕邊琴筑復箏篴獨寐桃笙奏不休玉兔多情來  
照夜廣寒宮也愛清流

涓涓脈脈洗塵霧一縷循環朝復暮留客此間長  
物無牀頭惟有白雲屨

居業齋詩鈔卷二十二 漁唱集

四

湘靈鼓瑟幾時來桑苧茶煙雪作堆節奏未成誰  
顧曲松風謖謖讀書臺

寄萬遠涵聽瀑軒

孤雲厓裏溫泉光屈注奔騰下夕陽無數飛蓬瀾  
滌盡詩人瀟灑一茅堂

山靈宮微出谿訝有客驚心幾數嗟購得無弦琴  
到手三間小築此爲家

江頭苦憶蓮華洞聽瀑軒中抱郝人朝發江心暮  
淦浦班荆握手是佳晨

婦人有火其夫之骨于叢冢裹而繫之腰

者兒不知也由潮陽來陸踰梅嶺水滌馬

當彭蠡諸險夜以骨爲枕兒不知也凡二

年病且死乃以告兒嗚呼此人家婢子也

其遇艱其節苦其智深而膽大能使其夫

客死之骨出亂山而納之腰簪登之衽席

迨沒齒而合并于青林之一壙其志豈不

可哀也哉或曰二年來再醮之說屢矣婦

塞耳不聞余曰天下有枕其夫之骨而忍

更事二夫者乎余聞其託身之微賤而悲

其志爲作禽言以表之或告余曰此鎮平

居業齋詩鈔卷二十三 漁唱集

五

周令之僕婦也僕周某婦蓋某氏云

泥滑滑百夫岡煙蒼蒼一夫阡叶千山萬水復還

鄉蜚雨腥風離揭陽

行不得哥哥負也多戴也多絮裹毳包可奈何纖

腰任載淚滂沱

婆餅焦啼兒食淚如河骨如石石不歸山河不乾

爾父千鈞母一息

得過且過山奔水簸婦孤余兒兩箇夜哭無聲渾

涕唾瑟瑟羈魂枕邊臥

捉胡盧沽美酒月盈升歲盈斗仰天踰酹他鄉魂

婦有夫兒有父

不如歸去天荒雲暮濁浪分終風安寢今何處一  
枕枯骸同穴瞑冢頭萌蘖雙松樹

王潛樽輓詩

曾放江州上水輪乘風過我草堂門開頭兩岸青  
青草一路隨君到故園

黃州城裏黃中閣歲歲溪藤屬我書雲物而今渾  
一夢酒壚蕪沒月牕虛

山月江風共友生行吹玉笛坐吹笙居停饌刻年  
來暇過客無人復馬卿

居業齋詩鈔卷三十一

繡閣香奩墨未乾吟成都過棗梨看黃花瘦影銷  
魂日泉下還能說易安

永寧死事歌

爲湖廣方伯王公鉅齊之父也名之鼎諡忠毅下從死者十二人

昆明池水昔騰沸點蒼山下賊如蝟蕞爾永寧當  
賊衝斗大孤城足萬蔚將軍帶劍入誓師爲張睢  
陽段太尉百戰矢盡援兵無夜半仰天歌正氣戲  
下一十二男子戟指罵賊無獻歎排闥殛賊賊伏  
誅颯颯英風良可畏國恩予祭死事場鐵衣汗馬  
魂勞髯於赫王公死猶生祠額褒忠謚忠毅

聽瀑軒歌

開軒霞起康王谷下有寒泉上飛瀑聽瀑憑軒且

讀書又月先生萬事足此事設詒子若孫碧軸縑  
囊挿架存一官放艇豐城去家塾分曹恣討論州

大部居檣楹下摺拾貫穿無冬夏松明夜照蠅頭  
編百家襍碎表諸雅闕西太史絳紗帷脫囊升階

立奏之清詞妙楷稱標格大阮小阮離立時豐城  
官閣聞之喜中秋月色明千里澤雉已美鳳將雛

天馬行當龍爲友叶陋巷兒孫腹笥虛來日擔簦  
來借書白石山房蘇記在君家乞我今何如

江夏吳昭若過訪

忠烈公曾孫也

居業齋詩鈔卷三十一

羅雀門闌少貴游世交來泊木蘭舟桂華大放疎  
林夜桐實初成細雨秋

兩家文獻昔何如故老猶能捉筆書折檻孤忠存

四草招魂血淚灑三閭

先大夫

難香醇酒貶車輪廣柳車邊霧雨晨死諫真從龍  
比逝可憐水蔡太夫人

潭潭相府問門開白晝喧嘩御史來睽暘巡檐諱  
服久始知驄馬挾風雷

排闥御史豁天衢司寇明刑甫節辜崔魏作生猶  
幾日眼前丁已伏冥誅

應山江夏兩忠烈身後恭承聖主恩袍笏森森兒  
上冢大書還有史官存

里門葱鬱冢嵯峨蟄蟄繩繩後起多經疏丹鉛充  
揮架先人治易本田何

先進遺風不可忘說殘江夏又黃岡兒時記得劉  
開府枉過荒江問草堂

劉公諱宗祥與忠烈  
公並先大夫齊年

故家喬木並前朝水曲山阿道里遙剪燭龕成先  
友記盍簪何意得今宵

昭若屬余作  
忠烈家傳

莫道貧家徒四壁田居也直少微星烏衣馬糞尋  
常事要把銀缸照汗青

居業齋詩鈔卷三十一

源唱集

六

九日憶洛子

燕山高處把茱房遙指南雲說故鄉最是衰親思

子極詩題三度見重陽

讀蘇集書後

醉翁行處步遲遲彷彿凭欄對酒時賸草殘花題

徧後樽前追詠醉翁時

二歐日日共銜杯先進家風濟美才白戰手中無

寸鐵聚星堂上雪皚皚

雨漲西江葛幔垂先生高歎惠州時一官萬里看

盧橘四月中旬喫荔枝

縱筆成詩月滿樓龍葱竹葉寫羅浮詩成幾句令  
人怒不到匡州怒不休

囊書襆被聽星馳覆雨翻雲少靜時白鶴峰頭成  
小築團圓幾日又分離

蜚舟碇海夜漾漾水色連天萬慮空周易傳成攜

肘後煙波漂泊信天公

藟菜荒蕪遲米船負瓢生意已蕭然孤臣日日憂

廊廟河復窺成志喜篇

笠屐微行酒半酣催詩雨色帶晴嵐肩輿安得陶

家穗萬苦千辛一少男

居業齋詩鈔卷三十一

源唱集

元

日下紛紛設網羅明朝朝鍛羽為東坡天荒僭耳偏

留得三五諸生載酒過

蛟宮蜃市水盈盈蟹舍蝸廬寄此生苦憾頭銜人

齒及田間老嫗又知名

枕椰樹下寫枕椰

公結菴枕椰樹下為  
偃息之所摘葉書銘

笑指金闕舊簪

牀記得同官當視草無端藉手挾風霜

忠烈之貶也制  
詞下朝野快心

而公之受禍自茲始蓋當制  
者引疾公乃毅然為之云

海外孤帆卜日歸舊游回首思依依杏華燕子黃

樓下山月江風赤嶂磯

竭糾纏道未亨南飛鶴獨海南鳴紫裘進士歸



何處夢裏穿雲裂石聲

雷州民舍相公來惶恐灘頭也  
湔洄却羨前年蘇學士新詩還上鬱孤臺

金門勇退即良圖玉局承恩歲已徂  
故事早能援鏡曲便將煙棹老西湖

骨相清寒霧雨俱使君行跡徧山衢  
松窗竹几朝朝得耦坐琴聰與蜜殊

泉石風流若寫真樂天太白合三人  
在朝却是昌黎手浩氣凌空筆有神

亮節孤忠薄海知中朝偏不合時宜  
貫穿三十餘居業齋詩鈔卷三十一

年事也似編年說杜詩

哭馬仙軻

折臂書良苦如何記玉樓半生渾逆旅  
瀕死更窮愁薊北篝燈夜川西襤被秋孤吟成幾帙留待故人讐

不見西來信災祥入夢疑禁方曾數  
寄存問只空爲思渴談星後愁深對雨時生芻是何物此日竟

成詩

驥子名方出龍樓望不遙傳家惟史筆  
長物是詩瓢嶺月穿松逕溪雲湧石橋  
數間虛閣在風雨莫

漂搖

難兄沮水別遠上蜀江濱欹枕夢春  
草倚欄思暮雲遣懷應有句多病最憐君  
凶問郵筒至唬猿峽裏聞

適意清景少傷心俗物多長貧疑骨相  
獨立過風波稍潤芝田茁旋摧玉樹柯  
招魂吾不得老淚灑江沱

石虹過訪

破浪輕帆飛鳥過日中停訪故人居  
麟經蒼萃縹囊載宋史爬梳充筆書短燭頻燒談不盡新篇載

居業齋詩鈔卷三十一

漉菟將虛阿汾笑對羣兒說二老還如在石渠

胡會來購得南宋十數家詩而惜其爲殘本

也爲作此詩

購書得殘書乃食耽書報賈人僦解事殷勤踐風  
約拈拾出煙煤奔趨踏蹴蹴之磐石居捫石披

藜藿主人展匡牀高燒樺燭照南宋諸先生光遠  
而有耀更歷幾滄桑相逢豈所料摩挲徧氏名拭

几事讐校衷輯自何年序言誰手鈔文謝兩大家  
胡弗登稍稍悵恨久無言賈人忽大笑舊物到人

間如穿汲縣窖致此亦良難呈漏夫何憚聞諸

功子物聚于所好來日饗大師先以乘韋情長揖  
謝賈人恭請再騰趨山行輓鹿車水涉飛蘭櫂大  
索來充庭垂橐爲君勞

以詩代柬寄老友王醇叔

寒窗聽說崑山友曾過荒江問草廬深柳既能遙  
望氣衡門何不小停車一竿我已漁村老三篋君  
仍豹尾初蹤跡萍蓬應入畫更闌燭燼不勝書

美爾周南太史公銀魚不與碧山同蓴鱸飽喫煙

霞裏筆扎頻來館閣中酒載師門經有故南銚深

子舍史名通諸令新詩定寄同心友先與狂吟短

居業齋詩鈔卷三十一

三

三

三

三

髮翁  
尺素書成出每遲懷中漫滅已多時人惟學道甘  
貧賤友到知心苦別離追數昔年都是夢忽逢今  
雨又催詩西來短扎安能得日日搔頭步水湄  
五色南雲壬戌秋羣公衮衮鳳池頭幾能皓首留  
金馬財及蒼顏赴玉樓囊食高眠青石枕芭蕉穩  
踏片帆舟莊生齊物無多注眼底滄江日夜流  
沉水香中酒一杯酣時徙倚讀書臺驚濤目送危  
檣過曲逕心期好客來梅雪壓令茅屋隱竹風吹  
得席門開故人折柬若舊爲說龐公與老萊

四壁蕭蕭風雨聲疎櫺炯炯焚松明編存自警章  
弦佩史述前朝稗野評求友只思袁伯業卜隣安  
得鄭康成皋橋皓月楓橋水一葉輕舟我欲橫  
雲中鶴出雨中還檜作書亭松作關垂索向人難  
乞假揮毫從我足清閒琴牀謝客聊酣寢藥累無  
心學駐顏皺手蓬頭成襍咏風流摩詰可能刪

老榆行

方伯明公宅遺物也公年垂九十而榆則數百年矣

天上歷歷種白榆散落人間冰雪春風橋頭老  
一株宅邊老人列仙徒九十雙眉覆雙驢冬夜篝  
鐙注道書有屋不令馬旋際有泉不許牛飲渠比

居業齋詩鈔卷三十一

三

三

隣泥飲盡其觚步屨何須藜杖扶南山寺裏坐團  
蒲大索山僧煨芋爐黃冠道士要與俱走踏海上  
之方壺老人搔頭歎且吁勞勞遠涉胡爲乎種杏  
吾家已近榆

題張長人遺像

白石何嶙嶙萬陂何瀾瀾碧梧修竹間風濤常若  
此嶽崎歷落者何人褒衣博帶古君子年與伏生  
轅固齊貌於綺季東園似清吟疊疊通斜川老屋  
潭潭渾甫里晚節誰能爲寫真白描一幅龍眠紙  
追摹題咏人紛紛絡繹行邊又卷尾我倚寒窗照

松明鬢眉栩栩尚如生嗚呼寂莫身後名

雪中懷洛子

雪深梅鳴不成詩被褐圍爐酒一卮游子思親應  
有句衡門蕭瑟苦寒時

次韻復石虹

搖落園林碩果存寒威乍入小陽溫相逢老友開  
懷抱回首當年說弟昆瘦面銚前還似壯疎髯醉  
後也能掀蕭蕭四壁泠泠水暖暎星芒照石門  
細簾畫舫信風驅抱鄰微吟皓首儒懷刺匆匆投  
委巷升階歷歷指書厨看雲眼底朝昏變聽雨眉

居業齋詩鈔

卷三十一

漁唱集

三

頭今昔殊留得寸心千古在何妨一代兩潛夫

忺來下水泊輕舟忽解衡門歲暮愁樺燭看詩過  
永夜冰池得句似清秋交游落落晨星在世路茫

茫亂水流無數幽懷存片紙書殘封固度牀頭

小集編名取暢當

唐暢當有湖邊聽漁唱句余集名漁唱

時人爭道陸通

狂留賓滿載花間酒採藥兼鈔肘後方雪霽行看  
千頃白更闌坐擁一銚黃生涯到此消岑寂况復

鴻音過草堂

養病

瑤函玉檢氣熊熊一穗清香百慮空自許茅山承

九錫何須魏闕拜三公能潛定是奇男子好選  
推老秃翁探得紫芝充飢羗方書也不用昆蟲

汾兒再舉孫

一十三年再舉孫江天佳氣此衡門兒言骨相晞  
王父我覺啼聲類阿舅賀客翩翩冠蓋里貧家鬱  
鬱薜蘿邨衡寒梅蕊垂垂放黃髮蒼顏對酒罇

丙戌小除得洛兒家信

客中三小除今夕尚如初參伍同人筆編摩老父  
書極貧勞自慣干祿學原疎最是思親夢頻頻到  
草廬

居業齋詩鈔

卷三十一

漁唱集

三

長安居不易吾子竟三年道遠勤書札家貧割俸  
錢參苓亡恙日裘褐苦寒天節序悠悠過書懷又

一篇

題江心閣東寮

一盞琉璃閣上巔小移茶竈閣東偏江風瑟瑟無  
新舊吹放梅花又一年

佛閣南臨五老峰厨成香積白雲封何人來共詩

僧榻欹枕江心夜聽鐘

鐘聲盡處水淙淙雲作漪瀾石作砭天上長庚光

似月隔簾垂影入僧窗

雙璫行寄何蘭石

燕山遊子輕裘來別有青璫驢背馱巡檐省視來  
何許西寧故人封兩箇故人與我別離久念我苦  
寒甚於餓一璫鋪我幾几凭一璫肆我匡牀卧備  
保摩挲詫蒙茸家僮啖陽驚奇貨斬新敝設炎官  
同襪襪兒來不敢唾老夫暴富當米天坐臥逍遙  
無不可叶身隱無用鹿皮冠齒豁弗上舉比座久  
無席帽遊江湖安得羊裘近掘堞寂莫江干容鄰  
居隱囊方褥此爲佐南牖東榮俱嚮暄松煙芸火  
並驅螯叶溫柔四體枕邊吟妥貼雙肱書裏坐却

居業齋詩鈔

卷二十一

漁唱集

三

惟當年東閣翁布被儼僂空老大西寧上谷小山  
城考獻徵文初有作握槩遐追良史才兩漢龍門  
三傳左四千里外老經師舊聞駸駸荒于情馬糞  
門闌訊不休龍鍾歲月踰相賀頗從敝篋採方言  
故就茅廬咨日課素心縷繆誼殷勤苦憶操觚函  
丈過揮毫爲寫雙璫行契濶還如執手話叶喔喔  
荒雞屋角嗥寒芒當戶垂垂墮一檝寄令遊子間  
有暇持索西寧和

索西寧志

何生故書淫作吏清不溷掃地藝名香官衙事已

足行部采風謠四郊新漲綠歸來麥餅焦新新  
果腹鉤簾諷雅詩菁莪與早麓前軒流鶯栖後園  
鹿鹿伏負郭春草深黃犢千夫逐緩步及宮牆高  
樓時極目諸生鱗次居耆舊出老屋叶令輯志書  
詞客無勞速凡例郡乘徵歷歷仿遺躅草創屬通  
儒修短無方幅鉛槧朝無遲膏火夜相續異聞都  
摭拾燕弱非所欲蒼粹成一編犁然存上谷瘞潢  
上郵筒何時令我讀北望西寧人江干倚清竹

訓某庶常

要期千載後安得一編成鼎鼎曾無緒茫茫過此

居業齋詩鈔

卷二十一

漁唱集

三

生疑從良友豁眼到老來明剪燭虛堂夜雞聲續  
雨聲

不得聯床話傳來滿筵詩知君豐暇豫念我獨踈  
跂天上白榆夜人間紅藥時衰年猶入夢恍忽不  
成辭

頭銜前進士筆札老潛夫倚擬愁難到爬梳苦易  
蕪寸長何可得千慮總成思紙費重刊削無令辱  
誓旣

儒腐原無益書淫何所求惟將償歲月不是爲窮  
愁好事徒虛語名山只夢遊衰成仍度閭莫遣近

時流

沉水香深處清言許阿戎佳晨文字飲大旨昔賢  
同往復頻無厭疵瑕細亦攻論交真有道千古寸  
心中

附寄詩

夫子今耆舊好學老不渝鴻寶不自秘猥承遠  
來誼與不知者謀付託無乃孤海濶玉無瑕未  
由窺大都酌容爬礪陋攻藉確畧愈安能裨萬  
一要惟竭狂愚

惠我雲中書都非世上言學憂夸毗多士惡鈞

居業齋詩鈔

卷三

漁唱集

三

奇繁墜緒揭終古孤節振家門焯焯光大夫危  
城抗秦原狂氛倒五岳彈丸屹崑崙弱毫宣未  
得敢闖作者藩

大江吞楚蜀雲氣接荆關漠漠鴻臚洲一老偃  
東山暇即吐宏詞旬甸天地間探幽日不給豈  
謂小隱閑敞廬壤相錯行當拂衣還相從几與  
杖一洗緇塵顏

送張其脩之官安化

青林解纜梅鵲赤鼻開頭柳樹三老踰瞻大別決  
旬可到長沙于時好鳥初囀是處青桐甫華賈傅

祠邊暮靄道鄉臺畔朝霞宮牆翼翼猶古學子祈  
訴無譁屈宋雄風壁壘滿湘夜雨人家官田下令  
栽秋菜園分教種茶瑟韻峯生浦淑蘭馨晚足餘  
衍臬比大衍圖象塵尾旋驅井甕浸長叻叻白鹿  
尋看鬱鬱蒼葭壯游發篋今始前路鋪筵有加祖  
席羣公既醉江天斗轉星斜

送張接三東遊

春風刊水月塘流詞客高吟倚花樓萬壑千峰雲  
樹裏一時收入木蘭舟

斗酒雙柑處處家倉鷗初囀柳初衙清晨過雨園

居業齋詩鈔

卷三

漁唱集

三

林濕舴艋船頭看杏花

露淞江天白石堆衙門三逕足蒼苔中厨賸有盈  
觴酒留俟仙公跨鶴來

毛生自黃山移得老松聞我草堂落成移作

南榮之障蓋古物也爲作歌

謾謾今松之風宛在黃山第一峰瑟瑟今松之骨  
乃在黃山千仞谷故人念我鮮儔類爲我懸若絕  
壑移到此我憇松根思故人襟期瀟灑氣嶙峋一  
唱三歎而自遠叢爾草堂敝生白君不見子猷蘇  
枝鬱鬱蒼蒼劫燹天矯離立相望元亮盤桓徑道

荒少陵手植無許長吁嗟乎故人之遺安可忘

嗚呼先府君以康熙丁亥夏五病劇伏枕此詩口授不孝敢泐筆記之時伯兄需次京師聞信數程歸里越三日而府君遽棄人間世集此詩於此章矣嗚呼痛哉男敬汾和淚謹識

居業齋詩鈔卷二十二終

居業齋詩鈔

卷二十二

通編集

早

楚黃州金會公先生以文章名海內有年公車屢

上壬戌冠南宮其制藝縣之國門流播遐邇咸謂

與其鄉劉稚川熊鍾陵相埒也余幸與同舉且同

讀中秘書每清宵偃直明燈邸舍時抵掌縱談往

復上下今古相得懽甚會公既得窺金匱石室之

藏著述日益弘富至其人古心直道殆所謂鍾君

至德可師者余心尤敬愛之優游禁林出枋文事

方大抒其所畜蘊潤色隆平乃以休沐旋里臨別

各申贈處之義黯然也余還寢聖室服闋遊楚之

泰山用償夙願沿江流檣棹會公之門相見問

居業齋文稿

張序

無恙茶酒間出所作詩古文詞余讀之以謂三楚

山水雄奇壯濶甲天下君生長屈宋景唐之鄉家

距九江三舍而近衡嶽匡廬洞庭彭蠡內方大別

皆在左右襟帶間故其文得江山之助為多癸未

歲余再有江南之役私喜幸一水盈盈耳會公其

過我乎今校試濠梁稔余行部勿劇恐弗獲相值

不果來遣使持居業齋文集至余乘暇稍一審閱

歎曰是誠可稱巨麗也已竊謂古人文章皆有為

而作昌黎以物不得其平則鳴而實之以皋陶鳴

虞伊尹鳴殷周公鳴周下至東野章各以其所能

鳴信乎文未有無故而爲者也會公於經傳子史  
百家之集無所不窺其學湛於經術其文原本西  
京而追於唐宋諸大家其天性仁孝篤於倫品以  
故發於篇章滔滔汨汨如江河流轉中間衆寶襍  
陳晃耀震盪集內如嚴冲馬公傳并論議及乞先  
公紀傳諸書至性迸發聲淚俱下使人讀之明發  
不寐之懷師友淵源之感交集胸臆所謂言之有  
物者非耶他若氣盈朔虛等篇穿穴天官律曆諸  
書揚雄謂通天地人曰儒朱子亦謂雄知曆法又  
知曆理君所詣得毋類是楚才自昔稱極盛他不  
居業齋文稿  
張序  
二  
具論如明之茶陵李文正久在館閣主持風雅虞  
山錢宗伯推挹贊慕幾如辨香南豐者然厥後雲  
杜李本寧先生以詞林宿望廻翔藩服用文章擅  
聲會公繼起其集自能信今傳後何渠不與茶陵  
之懷麓雲杜之大泌等集後先相焜耀也哉抑虞  
山壽李雲杜文自昔文章盡在館閣王李之徒以  
館閣相訾訾先生起而禪王李之統文章之柄乃  
復歸館閣夫君子之道或出或處昔人報國獨在  
文章會公得告里居所成就卓卓如此此固足以  
鳴

國家之盛哉要其有功於館閣非細鮑宣所云骨  
鯁大儒白首者文魁壘之士議論通古今喟然動  
衆心者會公庶之矣會公書且云知使院清於水  
不以劓劓事相煩余雖貧方當謀之但久留斯集  
其光芒四射恐下六丁而干南斗也先序而歸之  
焉至其詩篇繁夥甚可貴愛以不在茲集中故弗  
論云康熙四十三年歲甲申季夏闕中年弟張廷  
樞題於濠梁使院

居業齋文稿

張序

三

渭既序先生之詩以謂當今無能爲陳伯玉歐陽永叔者而先生爲之其培養元氣有功世運不小人或以爲知言客從旁笑曰子徒知詩而已先生爲文是誠今之永叔也子其烏知渭嬰然而起悚然而對曰嗟乎小子固欲言而未逮且吾子既知先生之文爲永叔矣亦知先生之所以爲永叔者乎今夫舟楫之浮於江湖也載者水也運者風也倏操倏縱縱撤振往復於高下疾徐之間者飄檣舳舻也水自崑崙過龍門歷雍豫北至大陸播爲九河其南條自鳥鼠山下由蜀而楚而吳以達於海

居業齋文稿

周序

其支流派別不同而茫茫東注則一耳風則不然有南有北有順有逆春之風熙熙然自東者也秋之風刁刁然自西者也操舟之子春而遶齊秋而遶秦是風也遽舍勿用乎長年三老振施開頭瞬息千里以舟爲水用而已而風則爲舟用者也飄檣舳舻又所借以爲風用者也夫惟以舟爲水用而後能用風無水豈其陸而能舟乎無水而用風是春必不獲遶齊秋必不獲遶秦也水譬於文理也風其氣也飄檣舳舻其詞也理之支流派別萬有不同而其歸則一風之爲變亦萬有不同而

則隨吾所之焉已矣是故善爲文者以文爲理用氣爲文用而詞則爲氣用焉夫古之人未有仁義之道茫無所得而其文至今存者也韓子曰養之於仁義之途游之乎詩書之源無迷其途無絕其源終吾身焉夫理勝故氣隨之其於詞也直舉而措之今先生爲文於仁義之道有深得矣而又見於文詞是故意深而體嚴詞溫而氣肅數暢條達旣醇而肆是先生之所以爲永叔者耳不然而莽焉蕩焉遊而不知止往而不知返竊銜與轡泛駕自喜是猶長年舟子不知水道所之而飄飄然信

居業齋文稿

周序

風而行東向望秦北轅遶楚爲妄而已吾子其知之乎客曰善遂以此言請於先生而書之爲序康熙戊寅七月貴陽受業門人周起渭拜撰



士大夫有根本而後有氣節有氣節而後有文章忠孝者立身之大本也品行者人生之大節也本節既定而又充之以學然後發爲文辭至性誠懇惻然動人無一言之不合於道不必言忠言孝而吾知其爲忠臣孝子也清思雋理迥出塵表崇論閎議建白於天地之間不必矜奇好異駭俗震世而吾知其爲品詣高潔特立獨行之君子也太史金會公先生積學登巍科入館閣讀中秘書廣蒐博討早夜不遑揚扈風雅名重一時海內想聞其丰采如景星慶雲以公之才之學躬遇

居業齋文稿

岳序

聖主何難立致寵榮驟躋槐棘而公獨高蹈遠引乞假旋里鍵戶著書校讐甲乙夜分不輟七年以來詩古文辭浩瀚充棟率諸子弟恂恂孝謹誠樸敬恭悉遵先訓豈非所稱出則盡心於國處則爲政於家而一毫富貴利達之念不足以動其中者耶余入楚三載其名可得而聞其人不可得而見也長公洛次公汾子瞻之過邁也八月闡事畢始識鳳雛驥子因得寓書於公往來翰墨聆其緒餘豁蒙振懦爲我序萬廬楚江集言言至性并惠寄館課懷古涉湘諸詩文讀之蒼深純粹自成一家

益信公之學問淵博於中已有所得本原澄澈咀爲英華峻節高標文成典則世之人徒以科名重先生者非知先生者也臘月雪後公從澧湖東還泊帆仙棗亭下余登舟把晤懽若平生眉宇澹靜清風穆如十數年仰止之情於茲始慰讀其文得見其人又何幸也司馬子長作史記上自軒轅迄於太初百三十篇藏之名山副在京師以俟後世聖人君子公所著書不一種居業齋文集若干卷較子長撰述更富兩公子分類鈔謄哀輯成帙藏之於家豈亦有所待而傳耶然而公之忠孝品節

居業齋文稿

岳序

二

蓋已卓然千古矣於文章又何讓焉康熙丙子臘月旣望毘陵岳宏譽適亭撰

居業齋文稿目錄

卷一 序



夏忠靖公遺集序

黃侍中忠節紀畧序

黔墨序

石鼓文鈔序

送尤檢討悔菴先生請假南旋序

楚詩紀序

思研齋序

送汪悔齋檢討出守河南序

居業齋文稿

目錄

夢雲四書五經字譜序

送王眉英進士之任白河序

送胡平玉教授應聘江西省闡序

左節婦馬孺人序

郝中丞易注序

胡太僕遺稿序

卷二 序

張長人文集序

藉草序

夢齋堂詩序

灌園詩序

康谷子集序

榛苓遺草序

黃大象詩序

寇山人集序

畊雪灣稿序

詹氏族譜序

瞿氏族譜序

廖贊侯詩序

梅浦軒詩序

居業齋文稿

目錄

赤壁志序

徐氏宗譜序

草窗遺稿序

桐城潘氏族譜序

陶氏族譜序

卷三 序

詹氏明良世翰序

張侍講小題稿序

贈德化兩萬生序

桐城馬氏宗譜序

左傳紀事本末序

馬先生詩序

東浦詩鈔序

谷園印譜序

賁貞女序

饒氏宗譜序

藍石雲詩序

毛尊素遺彙序

翟美如集序

張太守遺詩序

居業齋文稿

目錄

靈山遺草序

卷四 序

毛氏家譜序

靖州鄧婦紀事詩序

贈王介山序

寄贈翟美如序

定陶名宦序

送舒嵩嶽之蒲圻序

感勞集序

芝山遺彙序

饒叔度先生詩序

鄭禮部鄉賢錄序

觀海集序

折柳吟序

大樂嘉成序

楚江集序

魏一齋視學江南序

胡教菴先生語錄序

卷五 記

鴻臚洲記

居業齋文稿

目錄

重建牛肝磯神祠碑記

重修白湖渡橋碑記

楚東江閣記

西陵書院碑記

讀經後記

讀史後記

記古人姓名

願廬記

李岩瞻雪堂記

卷六 考

未陸異同考

氣盈朔虛考

文廟祀典考

卷七 辯解說

駁膠辯

匡山讀書處解

班馬異同說

三通說

啟江字說

百石圖說

居業齋文稿

目錄

無名說

卷八 銘 箴 贊

石牛銘 三則

井銘 五則

研銘 二則

書檣銘 二則

座右箴

幔

几

研

五

筆

墨

爐

榻

繩牀

罍

簋

朱子贊

邵子贊

古井贊 五則

居業齋文稿

目錄

瀛洲亭贊 五則

伯兄像贊

劉蓋公像贊

張藕鰲像贊

吳叟像贊

傅昌生像贊

毛大令像贊

卷九 傳

忠烈吳公傳

劉修撰傳

六

桐城馬先生傳

吳祭酒傳

卷十 傳

張太守傳

吳癯鶴先生傳

先王父楚濱府君傳

從祖太和府君傳

先妣李宜人傳

先兄明經傳

胡經歷傳

居業齋文稿

目錄

徐葵垣傳

介節先生傳

卷十一 傳

陳松麓家傳

范龍崗家傳

棗強知縣張君傳

容園翁家傳

蒲圻教諭李巖齋傳

徐玉槎先生傳

阮明經家傳

吳明經家傳

郭寧玉家傳

李貞女傳

節母詹氏傳

旌表貞節何母陶太君傳

楊醇齋傳

卷十二 書

上座主澤州陳公書

復胡石莊書

與高學使論文書

居業齋文稿

目錄

與姚給事論賦役書

與河南林學使書

上湯潛菴先生書

上王大司寇書

再上王大司寇書

謝王大司寇爲先大夫作傳書

與孫祭酒書

與興安知州劉君裕公書

上館師京江公書

與舒嵩嶽

復張日菴

與張日菴

寄周戴公

卷十三 跋 書後

澤州陳公壽言跋

張氏遺書跋

題王待詔剔耳圖

讀近思錄書後

呂忠節公傳書後

午亭文集書後

居業齋文稿

目錄

九

書徐侯齋芝譜後

讀廣濟縣志書後

自警編書後

讀李先生隱逸傳書後

讀可亭篇卷書後

書廖氏家傳後

魏果敏公贈張鞠菴詩卷書後

書朱信昭冊子後

志矩齋讀書圖書後

程母序太君死節詩書後

卷十四 墓誌銘

平南知縣殉難贈按察司僉事周君墓誌銘

封徵仕郎翰林院庶吉士路君墓誌銘

奉政大夫太僕寺少卿楊公墓誌銘

封徵仕郎內閣中書舍人王君墓誌銘

誥封光祿大夫巡撫山東都察院副都御史

二等阿達哈哈番郎公墓誌銘

朱恬野先生墓誌銘

王母劉恭人墓誌銘

卷十五 墓誌銘

居業齋文稿

目錄

十

翟苞九先生墓誌銘

建平知縣胡君墓誌銘

孫草亭墓誌銘

封懷遠將軍戴君墓誌銘

封文林郎廣濟知縣劉君墓誌銘

封承德郎左春坊左中允兼翰林院編修胡

府君墓誌銘

卷十六 墓誌銘

何象山墓誌銘

文學何君妻王氏墓誌銘

處士王暉吉妻陳氏墓誌銘

封明威將軍吳君墓誌銘

鄭參議妻孫孺人墓誌銘

胡母丘太君墓誌銘

杜府君妻周孺人墓誌銘

卷十七 墓表

明故巡撫湖廣都御史宋公墓碣

元光祿大夫中書門下省平章事蘄國公徐

公榮一墓表

李大復先生墓表

居業齋文稿

目錄

士

朝議大夫江南督糧道布政司叅議張公墓表

劉廓菴先生墓表

奉政大夫兵部武庫司郎中程公墓表

鄭寅崖先生墓表

黃山人墓表

毛忠移墓表

卷十八 墓表

奉議大夫刑部江西司員外郎吳君墓表

張府君墓表

蒲圻教諭李巖詹妻陳氏墓表

姚宜人墓表

明金谿知縣劉君墓表

廣濟知縣黃侯墓表

舒嵩岳壽藏記

李幼萌墓表

陳翹展墓表

卷十九 祭文

告座主鹽城薛給諫文

桐城馬先生祭文

居業齋文稿

目錄

主

吳祭酒祭文

先兄明經祭文

表兄李巖詹祭文

汪訥菴祭文

劉蓋公祭文

周念劬祭文

卷二十 雜著

紀異

驅瘟文

贈羅大若詩小引

示兒啟汾

與萬生遠誠論讀書

與傅生論讀書

示外孫胡仕宁

與劉生沁永論學

示汾子

居業齋文稿

目錄

三

居業齋文稿卷一

廣濟金德嘉會公

序

夏忠靖公遺集序

湘陰學諭詹生校刻夏忠靖公遺集垂成矣。俾來  
 徵序。余追邇久之，未有以應也。夫通觀數百年天  
 下之治忽而後可以論一朝，通觀數十人當國之  
 本末而後可以論一人，通觀一人生平立朝之首  
 尾而後可以論一事。序公集可易言哉！鄭端簡嘗  
 用襄夏並稱言蹇公善謀，夏公善斷，外兼臺榭內  
 居業齋文稿卷一 序  
 案館閣吏治民安且三十年，有古大臣風焉。兩公  
 事諍國史，今就夏公言其大者。時賞功封建，下者  
 定鼎費億萬計，皆取辦公手。永樂十九年，廷議舉  
 臣難遷都，利害陳瑛罵言官白面書生不識大計。  
 蓋為大臣地也。公獨曰：「臺諫應詔陳言，實無罪。」  
 在臣等上命左右問至再，公對如初。上乃親而言  
 官大臣盡釋不問。宣德元年，漢庶人反，公力贊親  
 征。罪人斯得夫一身任拮据而國計以盡一言。露  
 主怒而國體以存，一謀定惟慳而國威以振。國祚  
 以安，其功如此。即古大臣何以加焉？勉先賢之言



行指數固不能盡即論公而牽連及之劉忠宣之  
治河底績不在公下然公理財凡二十七年澤在  
三吳尤溥李文正意主保全善類委蛇於瑾暨鵬  
張之日所謂吳以行權也然視公之心跡俱白鰲  
然不滓有間焉張文忠謀討伐智勇深沉其任  
專其力獨矣然國以富強而躬爲叢射之的虞山  
錢宗伯嘗言江陵敗任國事者無人雖氣運使然  
亦文忠有以招之也若公之贊親征會東楊先之  
一則曰榮言是再則曰榮言是上意遂決故賜卿  
文曰含弘貞靖若文忠能如是豈能間之夫大臣  
居業齋文稿 卷一 序

黃侍中忠節紀畧序

讀明史至於遜國之際蓋傷之云高皇帝有天下  
詔廟祀元死事臣余闕尋謫降臣危素守廟和  
衷忠節謹貳心所以樹臣鵠也燕兵南嚮用一

謀竟歿大統金川門啟陳瑛羅織則忠臣義士屠  
割比諸亂賊嗚呼何其酷也迨鼎社既得亦於忠  
義有怨辭而逝者已糜爛矣侍中黃公學不負其  
師甘死如飴也固宜所難者翁夫人暨二女子耳  
以招魂脲塋相信若聯衽席脩身教家豈偶然哉  
事久論定侍中與方鐵諸公爭光日月髡奪廟饗  
斥還僧寺而瑛也易名醜厲於南渡之日然後知  
天下事之顛倒於一時者如終風暴雨而天地貞  
觀之道固自在也有明殺運有二始於一髡卒於  
一闢阿髡旨者爲瑛遂令肝腦狼籍者榜曰奸黨  
居業齋文稿 卷一 序

黔墨序

功令三歲一舉士於鄉則寓內之人材風氣胥於  
鄉舉之文徵之易傳曰聚而上者謂之升升也者

始進之辭也士試南宮對

大廷由鄉舉始則衡文選士主司之任綦重矣康熙丁卯余有黔之役客有爲余難者大指謂垂索辦瘼難矣暑長征難道里險阻難余曰得士爲難耳今夫黔古荆梁二州之南境也按星野貴陽安順都勻平越平遠大定黔西威寧岑井之餘鎮遠石阡思州思南銅仁黎平翼軫之餘是故天混混耳濛濛耳雲垂輒雨踰巖輒霽已輒復而陰陽燥濕莫可端倪蓋方言曰漏天云地勢豐於山而澤涸山童童然石饒乏土石盤互礪何界兀嵯岬上

居業齋文稿

卷一序

四

衡霄漢下凌絕壑車騎半不得至人不得步如是者曰關四封以內關百有一所人自郡縣戶口外有世其土者曰土司其崖塹箐洞錯處者曰苗苗種三姓九類十有五皆黔產也疆域之通道也自楚將莊蹻始也郡之有犍爲牂牁自漢中郎將唐蒙始也順元路之置自元至元始也行省之設自明永樂始也巡撫都御史之遣自正統始也鄉闈之屬四川附於雲南自永樂辛卯始也其專附雲南自宣德乙酉始也鄉試之於本省自嘉靖丁酉始也建學設科視諸省最後是以耆舊鮮少書籍

自江東西歷湖南北重趼擔負往售士即好古不能多購嘗苦涉獵無資中土士大夫抱鴻裁操鉅筆遊歷其地者益寡傳授講貫後先莫續也誌載前賢王陽明張鶴樓鄒南皋皆以遷謫至當是時諫言勁節遐邇嚮慕黔士從之遊興起良多然其書院講堂今在草棘間矣視黔學者則有若吳明卿典黔試者則有若鍾伯敬陳大士三先生皆宗工哲匠然其科條渠則到今已無可考蓋黔俗之荒僻久矣由斯以言得士於黔豈不難哉豈不難哉試日與同事約摻羅芟薙於茅葦中拔其秀乃

居業齋文稿

卷一序

五

相與歎賞黔亦何嘗無士耶榜放來謁則英英濟濟彬彬如也已復彙諸卷選而刻之有典雅者有閎博者有豪邁者有蒼潤者有簡潔者有雋逸者言人人殊要各如其意所欲出而剿襲附會者無有焉在黔言黔亦庶幾乎得士矣多士績學砥行方將勉進於古經國大業予日望之然即斯一集亦足以見天之生材無盡而我

盛朝文教洋溢誕被遐荒有若此在易坤之爻辭有之含章可貞地道也臣道也先是黔風屯堡猶有含之義乎黔士之學自是漸進不期大而太

矣其彖辭曰西南得朋則

簡合綸秀之臣亦與有慶矣夫

### 石鼓文鈔序

如皋許子實夫精叔重氏說文之學有年矣所著有篆海說篆諸刻往年質之輦下諸君子諸君子籍籍稱善於其南旋也蓋人贈以言云今年來與伯兄山濤檢討同邸舍山濤余齊年兄也晨夕過從茶酒間實夫示余以谷園印譜余受而藏之亦贈以言實夫嘗於廟市得石鼓文校讐良久疑薛尚功鄭樵潘迪諸家音釋微有牴牾慨然曰百聞

居業齋文稿

卷一

六

不如一見於是入太學門內手摹之摹既竣山濤俾梓行以公海內而屬余爲之序余逡巡謝不敏便者趣至再乃復於山濤曰石鼓紀事自唐貞觀中蘇吏部勉始勉言虞褚歐陽咸稱古妙蓋唐初已顯聞矣然後先辯識者殊不一說韓愈曰此周宣王獵碣也張懷瓘之說如之寶泉亦如之韋應物謂文王之鼓至宣王而刻詩程琳董道據左傳成有岐陽之蒐指爲成王之鼓鄭樵以其文有與秦斤秦權類者斷爲秦鼓金時馬子初又辯爲字文周鼓其因韋韓之說而疑之者歐陽修也夫指

謂傳記不載石鼓文不知二公何所據而知爲文

宣之鼓其因韓張寶三家之說而信之者蘇軾趙明誠也蘇云宣王史籀書趙說亦與蘇合其合乎鄭說而援引逾詳者鞏豐也豐云平王東遷岐地屬秦秦人好田獵二詩之作其在獻公之前襄公之後乎焦竑云據蘇綽傳魏文十一年狩於岐陽孝武保定元年又狩岐陽是時命綽倣大誥則詩倣雅詩可知夫石鼓一物耳而羣言踳駁若此後之觀者安所折衷焉按古文苑孫巨源得石鼓文於佛書龕中凡四百九十七言蓋唐人所錄者宋

居業齋文稿

卷一

七

治平中存四百六十有五元至元中存三百八十有六今則三百三十四言耳實夫曰不知再千百年又當何如也噫思深哉夫天壤間物之可寶者多矣實夫一切不留意而惟金石文字是求金石之傳較壽於他物然風雨莓苔之所剝蝕即質甚堅剛亦有不能自保其長存者而實夫乃鰥鰥慮之而欲久其傳於世抑獨何歟山濤懷抱觀古今嗜好與實夫同故亟取乎不佞之言夫自甲至癸九鼓凡三百三十四言而辛鼓獨無一言余言之而無能有所發明也則與辛鼓之惜惜異異哉

送尤檢討悔菴先生請假南旋序

長洲尤先生當

世祖章皇帝時受特達知固已顯名天下矣迨西堂撰著之言出天下辭人多手一編諷之以爲徐庾潘陸殆同工也

今上詔修明史徵博學宏詞之臣先生被舉入館局珥筆侍從垂五年而伯子慧珠成康熙壬戌進士已又選入庶常讀書中秘天下於是以扶風中壘之業望諸尤先生父子矣居亡何先生請告書數上而後許之行有日朝士大夫設供張祖道都

居業齋文稿 卷一 序

一

門諸爲慧珠之同年進士者悉與焉酒三行德嘉執爵而贊於先生曰嗟乎士之用世豈不以學哉人第知用之用而不知不盡用之爲用大也先生其深於易矣乎昔者孔子之於易蓋韋編三絕云而仕止久速與時偕行也後孔子而用易者莫如孟子不言易而所行無遠非易何則用而不盡其用也在漢則有若留侯張良唐則鄴侯李泌而宋則康節邵先生雍留侯鄴侯之用見於朝而其不盡用也超然遠引於勲名寵祿之外康節之用見於皇極經世一書而其不盡用也即當時聰明才

智之士屢求其說而不可得而以俟諸其子今之士急於用者衆矣惟有一二不盡其用之賢然後朝列有難進易退之官則士貴夫惟士貴也即三公不足以渝其生平之素是故食稽古之報而事不媿於古人而國家養士之效至於厲行誼遠耻辱其亦可謂極盛矣若乃州閭鄉黨後生晚進聞大賢高世之風耻爲一切干祿之學而以古獨行之君子爲期其處也沉深於經史之中而其出也亦不役役於祿利以小就而喪其所守蓋君子之闕於人心風俗如此曩讀先生所爲文章雕鏤

居業齋文稿 卷一 序

九

萬有天工極人巧錯矣及見先生之貌顧瞿然長者三吳之俗都麗甲天下而先生所居一室圖書香茗蕭如也以此知賢者學術實有所本焉先生里居惇行齒讓質任樸素鄉人化之漸進於古由三吳以推諸天下薰其德者不可勝數然則有道之士在朝在野皆有益於人焉而謂先生不盡其用者猶未爲深知先生者也德嘉言未竟先生顧慧珠而詔之曰珍也勉諸夫用有不可盡亦有不可不盡學焉而不盡其用則畫也官守焉而不盡其用則踰也朋友箴規焉而不盡其用則諛也而

可不勉乎於是諸爲慧珠之友者前應聲曰敬受先生之教先生陶然再舉一觴而遂行德嘉退而記之以見能爲先生之所謂盡其用者乃能爲先生之所謂不盡其用者也

### 楚詩紀序

楚之先鬻熊爲文王師漢藝文志鬻子二十二篇唐貞元間柳伯存所謂子書起於鬻熊是也三閭大夫乃作離騷太史公曰國風好色而不淫小雅怨誹而不亂離騷兼之矣宋玉唐勒景差皆三閭弟子也而玉之詞賦獨傳是以屈宋並稱於世考居業齋文稿

#### 卷一 序

十

亭朱文公集註之作離騷名經餘皆名傳詩十五國風當年如此者幾人哉唐以詩取士而孟浩然皮日休席豫李羣玉鮑防薛據綦毋潛朱放崔道融輩或仕或隱要皆詩家所不廢若工部以詩史稱論者直謂三百篇以後一人而已其先亦系出襄陽者也夫自淮北沛陳汝南南郡史稱西楚彭城東海吳廣陵東楚九江江南豫章長沙南楚今豫章以東皖霍甌阨以北不復名楚然湖廣一境幅員致廣故代有聞人即有明三百年以迄今日肉自三公九卿翰苑臺諫曹郎中書行人外至中

丞藩臬郡縣大夫暨章縫彥士岩壑隱人操觚握槩自名一家者不勝數也長沙廖傭客網羅楚詩溯上古至近代薈粹成編屬胡康成學博涉湘踰漢徵言以勒簡端康成書言傭客承世父黃門家學爲潭州知名士楓宸篝火覃心警校郵筒括拾幾至充棟竊謂楚無風而以是補之余復書曰枉下莊列諸子鬻熊先之也漢魏六朝四唐人之詩賦離騷先之也至若橫渠二程考亭諸先生之微言大義則又太極通書先之也楚人開疆啟宇往往爲其難者鬻子尚矣藉令屈宋生當聖人之世居業齋文稿

#### 卷一 序

士

及聖人之門受經請益未知視卜子夏何如濂溪推一理二氣五行之分合立象盡意若親炙無隱之誨豈直聞夫子之文章已乎天之生才不一時人之立言不一轍奈何以楚無風也而少之是故上下數千載人文輩出譬諸參衡之氣蒸爲雲霞而江漢之水流行於地中也當明世宗時有學士廖公道南著楚紀一書人到於今稱之是集也削刪告竣即名曰楚詩紀可矣補云乎哉

### 思研齋序

凡物之藉古人以傳者後之人不及見其物也第

想見其人則其所傳之物不啻見之况真見其物乎張司空豐城之劍蔡中郎柯亭之笛陳正字長安市上之琴是皆寶貴一時傳千古矣然琴碎於正字矣遂亦與中郎俱逝矣龍泉太阿化延平津矣到今稱之豈不以人哉則又不必果見其物也若蘇端明一研瘞於鍾山之麓而復歸於有明中丞許公之手噫異哉公守紹興命隸人種竹一長鏡啟土而得之夫二千石奄有一郡力能購其郡之古物以供玩賞然極其力之所至僅可得之餽遺與貨鬻者耳或不焉無由得也公之清靜寧謐

居業齋文稿

卷一 序

三

澹然無所徵求於其郡向使餽遺貨鬻而得則公不得可知也當天啟之時仕孔棘矣使巧宦者得此勢且入於長安津要或中貴人之家而公乃扁之郡齋至臨別郡父老猶徬徨不忍攜去聞未得之先端明以夢告有以也夫微公則此物亦豈浪出哉公出羣之致庶幾端明所謂寓意於物而不留意者物之存亡聚散公視之直如浮雲其又何愛焉乃嗣君蒼巖先生於兵燹散失之餘每一念至輒泫然而灑涕至以思研名其齋者何也君子曰此孝子之行也夫物有可忘有不可忘中丞公

宦游之陳蹟可忘也蒼巖先生手澤之寤思不可忘也今生洲先輩起家翰林遷農部交游且徧天下於是述思研緣起以告天下之能言者先進廉介之風孝子思慕之志文孫紹述之美自是且傳之無窮則此一研也謂長爲許氏物可也

送汪悔齋檢討出守河南序

康熙二十有七年冬十二月

上念天下郡守需人而部曹郎序遷鮮及格廼臨軒引見文學侍從之臣遴才望異等者凡三人以往明日除目下則悔齋汪檢討知河南府於其

居業齋文稿

卷一 序

三

行也翰林同官祖道德嘉與焉奉觴於先生曰先生直承明之廬垂十年矣纂著之業具在冊府乃者奉

命之琉球宣布柔遠至意屬國向風至於遣子侍學德化翔洽矣先生瀕行却餽遺中外相傳使者清節近古以來不多有異時軺車畫舫往還輒彌歲月而先生竣事言旋視乘傳中土較速

上以是知先生材駁駁且大用故先試之於劇郡也古者爲天子大臣未有不歷民事使知四方利病所宜興罷然後進於公輔之位有明三百年既

廢丞相於是出身翰林者多不越十年而登內閣雖才相間有其人然迂疎不諳世務者率居其大半說者謂詞臣或不足仗豈非清切養望不歷民事之過歟

上以經術適用之難其人也

特簡文學侍從之臣爲太學先生此行出其素抱使天下曉然於文學侍從之臣蘊籍閣深設施廣博不止可以潤色鴻猷而一出即可以師帥長吏則詞臣之重更自先生始矣且雒陽天下之中也其土風淳樸其民善耕稼千里沃行桑柘棗栗相居業齋文稿卷一序

遷太守富而教之又以間進秀民講求二程遺書借之於聖賢之路行之朞月有治理效

上且璽書褒勵非久召先生安在漢人由太守入爲三公故事不復見於今日也於是先生陶然舉一觴坐客亦是余言迺人爲歌詩以送之

### 夢雲齋四書五經字譜序

周官教國子以六藝一曰六書漢世試書九千字以上乃得爲史今也責成人以周官童子之課校秀士以漢世掾史之長宜若無難然求其省記四書五經全文訓故合六書書皆正體者十未必一

五蓋小學之不講也久矣唐初以說文字林試士篆籀之學士童而習之其法猶近古開成之末天下多故猶刻張參五經文字於石不可謂知務矣

乎至於宋去古日遠而爲說日以鑿王半山三經字義構思良苦然再羈二字偶被詰難輒無以應

益其意甚私直欲籠絡天下學子畢出於新學故

與新法不久而俱廢今考亭學校貢舉之議既不

特列在學官以取士而所爲科舉文字又不奉先

聖大家之貫穿經史自名一家者爲法直以房書

選本爲鈔撮之資則經史且不能舉其名况經史

居業齋文稿卷一序

圭

中大字有能究六書之原者乎小學之廢勢實使然無足恠矣余得夢雲齋四書五經字譜覽觀之何其立志之誠以壹而肆力之專且久也六書鈎考後先相承往往多所彈駁要之彈駁者學人致彈駁者亦學人其人皆可敬是編綱羅富討論嚴裁割精其言平易近人非欲臨深以爲高者公諸讀經之家其亦比屋之菽粟矣夫

### 送王眉英進士之任白河序

貴陽王生眉英以康熙丁卯鄉舉丁丑成進士高次爲令除目下得陝西興安州之白河縣州屬

凡六皆處萬山中而白河尤隘而瘠客曰爲之令者不亦難乎余告之曰靜則與隘宜廉則與瘠宜王生讀書學道有年行無遽坐無倚語無譁色無愠與富者處而不言貧與貴人游而不加語入通都大邑而不美當窮居旅食而若忘如是其靜且廉也老子曰治大邑若烹小鮮而況於蕞爾之白河乎今夫擇善地而後居之居善地而後樂之其入內不足而外倚於物者也夫惟無倚於外則所至皆有聲績可紀余故知王生之宜於白河也且白河固隘且瘠也其人則吾人也以讀書學道者

居業齋文稿

卷一序

七

而宰之古所謂忠信之長慈惠之師也人之推也槩之於詩書俗之悍也柔之以飲射讀法閭里之貧且匱也勤之以農蠶樹畜微王生其孰能之哉厥考嘗累官至郡丞矣王父官郡丞且任陝之臨洮矣代有令德生紹而大之其又何難焉夫矢無彘勁幹直則中斡無遐邇穀堅則良王生其勝厥任有餘矣

送胡平玉教授應聘江西省關序

黃州胡教授平玉故以禮經舉於鄉會江西鄉試分校之員徵之隣境上官檉諸郡縣學用教授

教授率舟東下橫余鴻臚洲余曰君舉禮經而以專經往取士學禮家得君往可無憂不遇矣抑經學之荒禮爲甚余更有望於君也朱文公撰古禮經傳通解二十三卷集傳集注十四卷其子在常刻之南康是書之目見於文獻通考余求之久未得君今往豫章訪藏書故家當有存者古禮經傳續通解二十九卷外府丞長樂黃幹直卿撰幹晦菴子壻世所稱勉齋先生者也始晦菴撰禮書喪祭二禮未及論次以屬幹續成之信齋楊氏序曰禮莫重於喪祭文公以二書屬之黃先生其任至

居業齋文稿

卷一序

七

重也先生推明文王周公之典辨正諸儒異同之論指擊俗學蠹壞人心之邪說以示天下後世其正人心扶世教之功至遠也漢儒倚經營校戴德八十五篇謂之大戴禮戴聖刪大戴之書爲四十六篇謂之小戴記馬融傳小戴之學又足之以月令明堂位樂記三篇合四十九篇鄭康成爲之注古人之勤如此明初奉勅纂修南康經傳通解猶與宋監舊本諸刻並讐於館閣其援引書籍則取長樂黃氏爲多故禮記集說大全陳皓一序有云章句通則蘊與自見正不必高爲議論而卑視訓



故之詞也由斯以言則全經之舊稗衍緯卽隻字  
星漏豈其可哉明之中葉有爲講章者出於經之  
爲場屋命題者則詰之否則闕焉其意以爲經不  
可刪而解可缺缺之使委巷孺子便於誦習焉爾  
然而漢宋以來諸先賢拳拳表章之微意漸滅盡  
矣夫古人說經以垂教而後人祇取爲祿利之具  
焚繁就徑沿習固陋後有爲人師者卽問以篇目  
而茫然弗應蚩蚩學子孰從而口授之教授一官  
亦未能抗言古學以告當世惟是修明全經以自  
游於聖人制作之塗則甚善也況今日者以禮經  
居業齋文稿

卷一 序

六

左節婦馬孺人序

康熙二十年郡縣長吏奉

皇帝詔察所在節孝具疏以聞江南安慶府桐城  
縣有左節婦縣令王君上其事撫軍徐公疏奏癸  
亥九月奉

旨俞允建坊旌表其門按左節婦馬孺人者明故  
太學生左之乾之妻武康令左國柱之子婦僉都  
御史贈少保諡忠毅左公光斗之孫婦太僕寺卿  
馬公孟禎之孫女庚辰進士兵部督捕主事諱之  
英之女而今已未會元編修名教思之姊也當天  
啟朝奄人魏忠賢亂政都御史楊公連劾二十四  
大罪直聲震天下先是移宮一案實賴楊左二公  
義憤以弭內變迨忠賢勢益張諸君子矯旨下詔  
獄少保里居而緹騎至桐城有詔且就繫少保倉  
皇顧太僕托以妻子姆抱之乾床頭呱呱泣太僕  
居業齋文稿

卷一 序

六

對少保哽咽語曰行矣母內顧我孫女異日爲君  
孫婦當是時人情洶洶禍且不測也而太僕竟以  
孫女字之乾到於今爲節婦云節婦生十五歲而  
歸之乾踰年產一女會之乾病衣不解帶者數十  
日夕病劇則焚香籲天願以身代已而之乾死節  
婦水漿不入口殉矣或諷之曰殉則殉耳使高堂  
且哭子而暮哭婦不危若朝露乎節婦悟強起衰  
經治具供晨昏而鋪糜以活久之寇亂歲浹飢或  
諷節婦易嚮節婦頭搶地仰天長號曰嗟乎未以  
人豈難一死哉索刀立自殺言者慚慙乃止節婦

今五十六歲矣左氏子弟以採訪節孝事爲言節婦曰婦職也焉用表爲邑令廉其賢而舉之故有是旌焉德嘉少時聞長老道楊左事未嘗不流涕想見其爲人又聞崇禎初魏忠賢伏誅客氏磔餘以七等定罪凡二百五十有八人夫客氏市井婦人耳固不足算乃鬚眉男子生爲宦豎鷹犬於朝端沒與客氏並書於國史豈不哀哉向使節婦微高堂故則必殉太學使太僕仕與楊公同列則必死璫禍如少保然太僕不必與少保之難而能令少保之逮繫不牽於內顧節婦不必舍生以殉太

居業齋文稿

卷一

序

學而能令太學之泉壤不憾於晨昏則馬之功於左也大矣一門之內忠者表墓節者旌閭天眷之在左氏豈其微哉德嘉生楊公之鄉嘗拜其祠墓獨以不得拜左公之祠墓爲憾今出編修公之門聞節婦姻儀家訓有古列女風而大節凜凜若此夫紀述國典頌敬節孝後死者事也遂執筆以敘其大都焉

郝中丞易注序

易書成於四聖大都義蘊閑深意言苞蓄天下萬世範圍於其中而研索則無盡記曰潔淨

之教也荀九家之說主乎象然先儒有言九師興而易道隱矣京房翼奉孟喜郎顗之徒語涉識緯故其書不列於學官揚子雲之言曰宓戲氏綿絡天地經以八卦文王附六爻孔子錯其象而彖其辭然後發天地之藏定萬物之基子雲之學蓋嘗殫力於易者而後人乃病其艱深何哉王弼專言理而掃象范甯比之桀紂蓋清談之家往往影響云程子伊川專治文義不論象數考亭朱子所謂象學久失其傳也邵堯夫曰太極既分兩儀立矣陽交於陰陰交於陽而生天之四象剛交於柔柔

居業齋文稿

卷一

序

交於剛而生地之四象八卦相錯而後萬物生焉宋儒談易若堯夫可謂精矣然且見嫉於秦珍鄭夫惟司馬君實兄事之明時性理大全奉程朱諸先生爲鵠晦菴兼程邵之說而爲本義啟蒙其說曰有是理則有是象有是象則有是數本無朕之中而無窮之理已具有揲著之數而前民之自用彰噫易之大指於是乎備矣定州復陽郝先生治易有年所論著能推先儒之說而益發明之卷首以乾坤二卦畫一圓圖屯蒙以後皆兩卦合爲一圖先生立言必澄觀有得而後筆之於書非苟作

者然以經濟旁午發揮猶有所未竟令嗣仲美進  
士手茲篇示余法然曰此先中丞未成之書也然  
手澤於是乎在子盍序諸余於是嘆易學之難也  
以大聖人生知猶有假我數年之說況於後之學  
者乎先生好學深思間闢羈旅皆具巾箱而歛爾  
捐逝造物者意留其緒以待後人歟史記漢書兩  
家皆本先人志踵成之仲美勉乎哉余不及一拜  
先生堂下而猶及見是編也為序以歸之

胡太僕遺藁序

公忤逆閹魏忠賢下獄事往時劉千里先生蓋言

居業齋文稿卷一序

重

其大都云今讀公所為罪因一冊公雖泉壤數十  
年至今凜凜猶有生氣噫何其烈也當逆閹亂政  
時忠烈楊公受禍最慘而黃左諸君子皆血肉淋  
漓以死先是許顯純者為諸生遇兵科給事某不  
避道給事怒鞭之許生罵曰異日得志盡殺諸朝  
臣及忠賢竊柄收用為爪牙授錦衣衛千戶掌北  
鎮撫司屠戮諸賢無虛日東林君子有自沉以免  
於拷掠者後因吳門顏佩章五人憤周吏部之枉  
擊殺緹騎逆閹懼郡縣變起逮捕稍稍緩公以就  
逮歲月遲故不死於鎮撫之手然亦危矣崔呈秀

之憾公也以路冲霄宗珏蕭文忠李時諸宵小之  
諧其欲死公也以薊之不肯祠閹鍛鍊坐贓皆不  
足辯其後忠賢呈秀既死烈皇詔戮屍以伸司敗  
之法許鎮撫撫典刑諸附逆者死徙畧盡欽定逆案  
播告天下公巍然獨立為先朝骨鯁之臣疇謂惡  
無報而善不可為耶忠臣義士遭罹非辜往往訕  
於一時而伸於千古小人貫盈伏誅始之氣燄熏  
天者一旦冰銷霧散獨遺臭於青史下逮里巷小  
說傳奇田夫牧豎聞其姓名猶戟手唾罵不休故  
曰小人枉為小人也千里擅史才所為楊忠烈及

居業齋文稿卷一序

重

公傳其言可信今而傳後千里公甥也兒時住公  
家盡發公樓頭書讀之後成博物君子故渭陽之  
誼終其身不忘余論公居官大節單舉忤閹一事  
序之俾後之增修邑乘者得以覽焉公諱士容字  
仁常萬曆庚戌進士時官薊州兵備道

居業齋文稿卷一終

居業齋文稿卷二

廣濟金德嘉會公

序

張長人文集序

張君長人曩修楚藝文志江漢書院志成而中丞  
潘臬諸大夫設供張祖道黃鶴樓上放舟歸歸而  
著書竊陂灣杜門不出且十年矣壬戌余會試京  
師則大司成新城王公比部郎商丘宋公詹事黃  
岡王公相見輒勞問張長人起居司成詹事長人  
綽紆交而比部者嘗通守黃州禮聘長人而館之

居業齋文稿

卷二 序

雪堂者也乃長人杜門鵜陂一切寒暄書牘久不  
至其簡貴如此宜興蔣公視楚學雅知長人名而  
長人杜門自若蔣公試事竣需次武昌采錄先大  
夫從祀鄉賢檄下矣長人乃具陳王父平武令治  
行上之報可則又疏邑之隱居有學行而宜從祀  
者凡四人而千里劉君與焉余束髮讀制舉文字  
里中蓋有長風山社云當是時士方務經史實學  
楚風之雄聞天下而廣濟則千里長人聲籍甚然  
竟不售於有司而後先以明經貢春官也迄於今  
兩君著書等身矣其已刻者劉爲芝在堂集張爲

藕灣集長人之先公雪顛孝廉與先大夫友善當

公車時先大夫嘗貸金孝廉所已而孝廉卒雖從  
行僮僕不與聞也先大夫爲人言之如是孝廉早  
卒而長人績學砥行爲聞人蓋千里劇切之力爲  
多焉余之倖冠南宮也長人喜而作歌踰年遺書  
京師且曰不佞今春秋七十有四矣生平纂輯不  
腆之辭編次總若干卷蔣公既有序言足下世交  
也得無意乎余讀已而遂巡者良久已而念長人  
布衣蓬蓽垂老手一編不少休其亦司馬子長之  
所謂窮愁者矣然讀其所爲詩若文往往渟涵迤  
邐陶然春夏鬱葱之氣而暑不見有牢騷侘傺焉  
者何以故則其得於道者深也嗟乎士患不能著  
書耳窮與達又何足論哉

居業齋文稿

卷二 序

藉草序

操觚之家耻言凡近則必爲其澆漓變化不可端  
倪者矣書契以來其莊騷兩家乎莊創體也騷亦  
創體也莊寓言也騷亦寓言也莊層見叠出無涯  
涘騷亦層見叠出無涯涘也微異者蒙叟輕世而  
肆志三閭大夫則惘乎有餘悲焉太史公謂離騷  
兼國風小雅之旨是故楚人之有騷也以續三百

殆爲宗子而傳之後世則選之禰而唐人之祖也  
追名之爲經騷於是乎不祧矣亦有毛君楚人也  
其治詩有年今於藉草之自序而獨有取乎莊生  
何也曰此亦悲思之所寓也其悲思奈何曰毛氏  
兄弟齊名者凡六人焉孝瞻先生以甲科顯名天  
下公闇樸男中副榜有聲後先相望惟尊素魯臣  
與亦存以布衣諸生老耳今亦存春秋高歸然如  
魯靈光身世之際殆有感焉然有取於莊而不及  
騷何也曰屈大夫君國之感感之大者也若夫升  
沉顯晦一身之事耳故以莊生之達觀者淡之雖

居業齋文稿

卷二

三

然若此所謂藉草者藉以存天壤間之人物則與  
騷之君子美人詹尹漁父留夷揭車杜蘅芳芷菊  
之英薜荔之藟九畹之蘭百畝之蕙何以異焉噫  
亦存益深於騷而不言騷者也不言騷而騷已具  
然則讀是編者其勿僅以爲毛萇之家學也哉

夢謝堂詩序

前鄉貢士饒仁倩所著夢謝堂詩藏於家且數十  
年矣歲丁卯余以于役黔西返過里閭饒秀才起  
爨發篋鈔謄屬余序余兒時聞仁倩及弟叔度並  
以詩名江漢間仁倩舉於鄉而叔度以諸生老乙

酉歲叔度過余江居褐衣大襖夾袋高尺許苴繩  
貫之皆詩古文草其貌蒼而言質余以故人子僂  
僂唯諾惟謹當是時余年十六里居經喪亂席門  
土銼橫大石傍檐爲几叔度拊几嘆曰廉吏兒  
寒至此若飲罷乃去先兄告余曰里中士大夫甘  
貧嗜學推饒氏近古以故先大夫往時過從其家  
相與商榷藝文交最深久之叔度卒有子隆中曰  
臥侯爲縣諸生亦言詩而其先集竟未有知者起  
爨曰亂後散佚且盡家塾所有者夢謝堂詩耳當  
明萬曆間邑令君桐城劉侯燕及起家名進士與

居業齋文稿

卷二

四

廣濟六七君子講就無虛日廣濟人士斌斌夢謝  
堂詩蓋與劉侯唱和爲多云仁倩服膺北地借計  
上公車嘗攜載其書以行蓋寢食以之矣然機杼  
獨運自如其意所欲出當其時賢大夫主盟枹鼓  
響應肆其力於古又戎馬雖滿天下未及近郊敦  
槃好會桑梓晏如故其言鮮幽憂坎壈之氣若叔  
度晚節卑帽麻屨播遷泥滓視仁倩則苦矣乃其  
言又散佚不及茲集猶度閣以存更數十年讀茲  
集者但知仁倩耳惡知少時齊名江漢又有叔度  
其人者乎余是以把卷低徊於世運理亂詩文

沒之際重有歎也序以歸諸起與起與之考待華  
孝廉有晚照堂詩余嘗爲之序先是字汝順者有  
待刪草極爲劉侯所賞汝順者仁伯父也偕余  
兄弟言詩者有已亥進士軫中字翼次詩亦成帙  
又聞隱君木倩詩亦工苦秘不以示人蓋饒之多  
計人如此起與其亟合家集以梓諸庶諸饒之詩  
不至淹沒不傳也

### 灌園詩序

灌園故所謂詩老與余邂逅潯陽江者再而口不  
言詩余心竊異之及讀其詩則真詩老也夫老於

居業齋文稿 卷二 序

五

詩而不言詩豈以舉無可與言之人而默之歟余  
微窺其意似深患夫世之紛紛言詩者蓋古人學  
而後言言亦言其性情耳非欲以言立異於天下  
也自黨同者出於是乎有壁壘焉有戈矛焉而古  
人溫柔敦厚之教遠矣詩莫盛於漢魏三唐人而  
其爲言不相襲亦不相爭爭者必有所不足於中  
而徒欲勝人以言者也言之紛也各有不返之勢  
而詩學以裂名詩代不過數人而影趨響附招尋  
而叫喚者不可勝數何則便於不學耳古人之學  
爲已而已非靳以勝人也一有勝人之意則必恃

其言言與言相角事久論定未必終能勝人而其  
言之形於書者天下後世皆得而見之夫天下後  
世卒不可勝則其勝人也亦慙耳是故學莫大於  
爲己已誠學矣則不暇與人角此不但詩而詩其  
一也灌園詩孤行立一意無希乎當世之名非所  
謂不襲不爭者歟灌園聞余言以爲庶幾古之學  
者遂欲載諸編首余固不能詩又豈能言者乎滋  
媿矣

### 康谷子集序

康谷子嘗有茂陵消渴疾其友人黃岡何子韋長

居業齋文稿 卷二 序

六

誤暨弟緘仲謙歲時勞問不絕念其羸瘦不措牀  
炎暑不耐茵褥則買藤牀馳送宅上安其寢當是  
時生理奄奄垂訖矣然猶萬一幾其不死也居亡  
何竟伏枕藤牀以死於是拏舟三百里理其後事  
唁其孤區畫其衰親無弗至焉已又發篋鏤刻其  
生平所爲詩曰吾求其生而不得矣使天下後世  
讀其詩者慨然想見其爲人人不與骨而俱朽即  
雖死如生也嗚呼友誼至此雖管鮑何加然叔牙  
之知敬仲當其亡恙之年異其大有爲于天下耳  
康谷子則已矣何子又奚望焉望已絕而施不替

何子以爲朋友之誼在是夫惟吾不死吾死友而後死之責乃盡嗚呼巨卿元伯之情其類是耶康谷子詩余不具論論其友微此友今安所得康谷子集而讀之然微康谷子又惡能取此友也明嘉隆間吾邑詩學方興古體言漢魏今體大都以少陵爲鵠是時蛙鳴蚓竅未尸壇坫草莽知名士往往有實學康谷子限于年猶未究厥詣然所著說鈴具見詩家要領後人把玩是集亦可以觀世矣康谷子姓劉諱養微字敬伯有弟養吉字修仲亦攻詩

居業齋文稿 卷二 序

榛苓遺草序

鄉先輩楊舉人之卒也吳黃門創其生平所爲詩顏之曰榛苓遺草而惜其不壽余讀之而反其說曰黃耆台背沒世而名不稱壽乎人亦何益哉伏生轅固之稱也以經學爲伏波以武功顯太師以精忠大節是之謂身與名並壽王子安李長吉之倫到今猶在人口身壽有盡名壽無窮也然則舉人又何恨焉康谷子哭舉人詩凡七章有曰浮雲西北馳江漢東南流蘭蕙一以頹不如蒿與芻蕘壚笛韻殆不勝情矣然舉人之卒以二十九度

子亦三十有四而徂兩家集歲久散落余購求漫漶殘編爲重鐫之于是歎人之虛度歲月碌碌無所短長爲可惜而能自樹立者直超然于壽算修短之外也舉人諱大鰲字用極子諸生晉二歲而孤弱冠以詩鳴有父風

黃大象詩序

黃秀才大象者名鉉一字鼎玉廣濟縣之龍坪鎮人也白石先生以明經有聞於鄉里大象蓋其從子云白石下世子若從子孫若諸孫雁行鄉校者凡七八人而大象獨攻詩當是時縣有長風山社居業齋文稿 卷二 序

科舉文字甚盛劉先生千里操抱鼓爲長數招致大象入大象遂巡不果願時時過從千里問詩學於明人酷好李獻吉然其所自爲詩亦未嘗沾沾規撫獻吉也黃故素封適運艘橫江千篙工入市觀劇有廬兒與閨由是以訟破家家徒四壁立獻賊據縣城游騎走掠江上數千家一夕燼而大象四壁亦燬矣走隔岸洲居聞獻賊破江夏倚席門側弁而哦詩酸楚至不可讀與人居抗顏論天下理亂之故語至左良玉秦兵逸寇戲下兒所過掠掠于賊輒髮上指頰憤不欲生口故吃漬

益期期不絕聲也初補學官弟子員冠巾過市必  
張蓋冠履都雅商旅往往詫爲官人亂後一二蒼  
頭財給薪爨蓋不具矣則不出報謝故人黎明走  
長隄道不然或以夜其爲人少所可視闐闐觀  
諸生若將免焉父山吾翁市隱弟人長綏以詩游  
江湖客東南諸將軍幕府垂老而歸郁文秀才綸  
守萊田用筆研應租賦人長客遊時鞠其子若已  
出宗族稱焉人長郁文今有孫大象獨殘橐在耳  
念之愴然同邑冠山人詩名且徧天下而大象夔  
伏窮巷以死死之日年纔三十四人亦有遇有不  
居業齋文稿 卷二 序 九

冠山人集序

赤嶧迤東可三百里古鴻臚洲地一曰龍阮今龍  
坪也當明嘉靖時有冠山人以詩鳴山人名學海  
字巨源其詩爲二餘齋集序二餘集者爲漢陽蕭  
太史京山李宗伯沔陽陳廷尉而東萊原公蔡襄  
敘山人交游爲最悉其言曰山人徧游名士執牛  
耳蜀人張肖甫蘇以時越朱東器余君房梁張助  
甫劉子玄李襲美金陵李惟寅柳陳甫李汝藩晉  
王明甫朱惟襄燕張叔廣趙夢白李仲仁郭華伯

梁見心金衡卿秦康子秀南子興閩袁景從楚吳  
明卿丘謙之周元孚梅克生伍子謙同縣張子龍  
湯惟尹劉寬伯皆山人昆弟懽也蓋山人嘗捷戶  
盤山凡五年而後出言詩一時公卿爭引爲上客  
晉慶成王使人抵山人所曰不穀願交驩冠先生  
山人辭使者三至乃往南向坐王敬禮山人殊於  
他客以是山人名逾高所過迎勞饋遺有加禮而  
山人性不羈橐中裝輿至輒傾倒立盡於是轍跡  
且半天下而山人之豪宕極矣倦游歸二餘齋徒  
四壁立而名士過從累日夜不絕其卒也停櫬淺  
居業齋文稿 卷二 序 十

土萬曆中桐城劉侯清冰令廣濟讀山人遺集爲  
遷塋縣東郭畢四嶺伐石表其墓按其詩刻焉嗚  
呼風雅之盛倡於館閣而泉石隱佚亦往往有異  
人長沙李文正公興起詩教弘正嘉隆間士大夫  
枕藉騷選務爲大雅之音即布衣好古亦哀然有  
以自見於當世蓋風教漸摩使然也然文長丈概  
坎圻固園茂秦遨遊七子而交亦隙末若冠山人  
則可謂遭逢獨盛善始而善終者矣詩集鈔謄譌  
缺余爲丹黃存之以俟他日彙刻楚詩者采焉

咩雪灣稿序



昔唐以詩取士士之通顯者非詩末由然亦有工詩而窮者孟襄陽游京師失意於明皇遂歸隱鹿門不出賈浪仙名噪長安僅得一長江主簿若二子者可謂窮矣其舉進士不第而猶不窮於隱居者陸魯望也魯望居甫里有田數百畝有屋三十楹置茶園顧渚山下取租自給買一舟齋束書茶竈筆牀釣具時謂江湖散人若此又何美於通顯者乎里人吳鳳梓少時雅好游東南登金山鳳凰臺牛首三茅觀錢塘湖北渡黃河登廣武然不至京師輒歸歸而隱居釣渚山下數年偶乘興鼓柁居業齋文稿卷二序

至鴻臚洲邊爲寓客其如魯望者書一束耳魯望不喜與俗人交雖造門不肯見鳳梓之門無造焉者鎮日手一編巡檐而哦夜燈熒熒帶遠旦如是者數年人鮮知之余于役黔西旋里兒侄輩言鳳梓狀余曰此古之獨者又聞其謀兒且謫且灌園益賢之今年夏五鳳梓既口余南征詩十首復出其所爲畊雪橐屬余序其橐爲顧徵君黃公所定余覽竟告之曰窮達命也唐人中達而樵者不具論其既第而風流可親者吾得一人焉少陵所謂孟子雲卿是也雲卿仕校書郎歸遊江湖製三舟

一自載二賓客三飲饌與布衣焦遂進士孟彥琛置女樂一部舟中奏清商曲侑酒倘異日者余若有泛舟之樂共載者必鳳梓也顧焦遂僅以飲仙挂名少陵集中孟彥琛不復有聞二子皆無詩名於當世鳳梓則自以詩名豈待孟雲卿之舟而後有聞乎哉

### 詹氏族譜序

宗法廢人心渙萃渙莫如族譜仁人孝子於是盡心焉譜也者溯世系敘昭穆詳婚娶志生卒年月紀冢墓山川書德行道藝節義事功文章暨科名居業齋文稿卷二序

閱閱爵誥誥命之光榮亦周官小史所掌之遺意也自聯宗之俗成而譜亦不可問矣大率以勢位富厚爲的往往折行輩不難退處於從子輩孫之列乃至韋布藎食之宗人族老則塗人視之求禮所謂祗席受下觴酒豆肉受惡亦勢有不能嗟乎風俗至此古人所稱無忘其先人之所自出者安在乎余讀詹氏家乘而歎古道之猶存也詹故姬姓周宣王支子文食采於詹子孫以邑爲氏黃岡之詹則自明翰林學士承旨公同始而都御史吏部尚書公徽趾美焉到於今遠而彌耀矣勿廬司

鐸黃陂於官舍修譜既成其弟陟圖書來屬余序  
余嘗覽歸太僕志詹仰之之墓畧言詹氏出於詹  
侯其後有詹父詹嘉詹何詹尹而唐宋間有奉忠  
公五大將軍以忠勇秩於祀典今爲休寧五城之  
詹乃知詹族之蕃滋皆以周宣王爲始祖周之明  
德遠矣哉黃岡詹之先賢具在楚通志郡志縣志  
文獻錄爰及苗裔賓興之書絡繹天府選造之籍  
蟬聯南宮庠校章經濟濟焉彬彬焉盛矣今譜之  
凡例簡而該其爲言也質而覈支分派別營萃成  
編信者登之疑者闕之誠詹氏之信史哉宗法之

居業齋文稿

卷二 序

吉

翟氏族譜序

翟爲廣濟著姓其父老相傳一切遵考亭家禮凡  
委巷所爲巫覡祈報繼黃經懺畫像革鼓銅飯簪  
簫之屬無過其門焉者惟是伏臘祀先冬至清明  
上冢刑取妻告廟士入學諸生廩貢鄉舉少年展  
墓周旋磬折咸有先民遺槩余嘗爲鄉人稱道之  
至是咸九以譜屬余序告之曰譜之質也塗人而  
諸父伯兄矣夫棄梨何知之有筆注墨濡則登之

傳及苗裔乃塗人是親而受姓命氏之初茫如也  
今夫聚族而語方仁孝昇務而以簣鼓爲之招母  
乃不可乎史稱萬石君家不言而躬行齊魯問儒  
者遜謝以爲不可及然則舍考亭家禮而華僞以  
趨者聞翟氏之風其亦思敦本而尚實矣乎咸九  
曰先君子之敘譜則有詞矣又拜君子之賜其什  
襲藏之用詔我後人載告之曰諺有之祭天之木  
基於萌芽浴日之濤肇於涓滴言有初也翟之世  
澤不但萌芽涓滴而已祭天浴日其在後人哉遂  
書之以爲序

居業齋文稿

卷二 序

吉

廖贊侯詩序

廣濟有前明縣學生廖贊侯者名必科自其夫父  
父居龍坪世爲龍坪人贊侯習而慧書五行俱下  
然詰以訓故輒暗無以應年十七補學官第手歷  
試有聲然益遺落世務而豪於飲督學無錫堦公  
循錫奇其文試高等是時有同里廬生應模試第  
一前學生廩缺兩生以次並當補而兩生者日酣  
飲弗之問遂不得補其後陝西李公可喬視楚學  
奇贊侯文如堵公乃餼於學贊侯爲制舉文字大  
都如李長吉之爲詩語不驚人不出闕試屢蹶結

茅屋授徒其授徒也刮膚抉髓辨析極於秋毫曰才士第有不循人之語耳理則布帛菽粟也以是從遊者恂恂按繩墨鮮跣跣焉年四十搖首謝同人曰祝嘏之詞不願聞余爲七言古詩以賜之戲言君以侯稱剖符安在奈何尸此空名耶詰朝執手笑曰獨廖生也歟哉且去年省試船及巴河中流濤浪幾覆挾柁者無人色而我手把書卷晏然自如當此之時身且置度外而何有於區區之榮名乎余聆其言以爲達晚節文漸馴然竟不得志飲酒亦漸減斗許遲醉醉賦詩秘之笥中門下陳居業齋文稿卷二序

梅浦軒詩序

吳膺公先生諱敏功明太常少卿長子也由恩貢除四川南谿縣訓導署合江縣事性恬不競事上

官日送迎僕僕道左憊甚則脫冠弛帶歎曰陶公地下笑人遂投劾歸當是時流寇蔓延楚蜀數千里而廣濟縣無城富人有築層樓以禦寇者先生亦如之樓垂成而財力已竭縣人號曰空亭寇薄黃麻間縣人迸山谷結砦先生率仲季弟僑寓蘄州城蘄州士大夫方日夜酣飲爲樂官兵兒戲而賊鋒不可當所至如破竹城陷先生妻暨冢婦幼子一夕都盡長男兆崑秀才賊繫去先生獨身跳得舴艋下龍坪渡江以南有七口一時沉江水隻身百里竄蒿萊句新洲依先兄所先兄先生子壻居業齋文稿卷二序

也兄嫂前寓蘄州先宜人憂亂趣令東歸得免於難嫂慧通書史大義侍先生從容言逝者已矣大人奈何不爲守祀計乎於是先生繼室武居亡何有身幾幸產一男子彌月女也左良玉反武昌樓船蔽江下先生走石港山祖居山下人團聚羅山寺互爲守望北兵奄至先生闔寺門勒蒼頭襍土人鉏鑿禦之日晡引退土人慮兵再來吾屬且無噍類踉蹌走湖涇團遂散已而先生道遇兵斫左臂赴水死亂定宗人收塋焉其生平所爲詩曰梅浦軒集從弟敏材鈔謄什一存、嗚呼家毀於

賊身殲於兵先生之禍烈矣造物又弗令有後其  
不與骨而俱朽者祇此殘編耳同弟擗拾之勤惡  
可少哉人有坐視其父兄之簒者散亡名氏庶滅  
而漢如行路者抑又何心也

### 赤壁志序

黃州之有赤壁山桑經鄭注備矣經曰江水又左  
逕赤鼻山南注曰山臨側江川經曰又東逕西陽  
郡南郡治即西陽縣注曰晉書地道記以爲弦子  
國也山之紀載章章如此蘇公賦乃及周郎戰曹  
孟德事即經江水左逕烏林南注吳黃蓋破魏武

### 居業齋文稿

卷二

志

於烏林處也夫博物如蘇公豈於水經渥而忘諸  
蓋前賦寓言耳後賦江流有聲斷岸千里山高月  
小水落石出後人諷之猶如公灑翰雪堂唱大江  
東去時也公言語文章妙天下所過名山大川咸  
賴之以不朽西自岷峩東至陽羨非中山南檐耳  
館閣中州京華紀述都徧而赤壁以兩賦特聞公  
之黃豈惟黃人賴之抑亦赤壁之幸也其賦以  
元豐五年壬戌之七月十月其量移汝州以元豐  
七年甲子之四月到於今踰十二甲子矣縉紳章  
縫之產於黃者中朝士大夫之官於黃者四方

人學子之客於黃者登臨題詠無虛日蓋自二賦  
啟之也赤壁舊無專志河東賈大夫守黃始爲之  
垂四載志成山水亭臺詞宇人物題畫金石藝文  
犁如也燦如也大夫以治行遷陝西按察副使以  
去其治黃也爲是志乃荆前賢所未有夫端明之  
在黃也不得行政以惠我國人徒以詞賦爲光寵  
大夫則吾父老子弟旣身沐其治化而又高文巨  
筆爲江山大發其英華則黃人之於大夫自此以  
至於千萬斯年其與端明俎豆同有千古更當何  
如也讀是志者其不以余言爲然乎

### 居業齋文稿

卷二

志

### 徐氏宗譜序

余覽觀徐氏宗譜惔然有當於心焉世家絕晰如  
也統宗括如也世表燦如也家規肅如也階杜世  
德煌如也遺跡墓道祀典藝文秩如也鼻祖斷自  
隋代不復景響傳會遠古孝穆世系繫聯若貫珠  
而廣濟以中夫爲始祖其義嚴成章官廣濟當縣  
治肇建初爰隸籍焉是庚桑子之畏堊也居書其  
閭遷書其次庠書其經貢舉書其歲官書其階  
事實易書其孝子順孫女書其貞婦淑媛生卒  
其年月日時婚姻中表書其地望家乘淵平備載

余嘗按計前明實錄洪武四年正月壬辰河南府知府徐麟以母老居斬之廣濟請終養詔改麟爲斬州府知府俾就養其母縣志書事在三年要當以實錄爲據用此見開國帝王孝治天下之典而徐之邀異數於朝廷實三百年士大夫所未嘗有也夫汾陽富貴極天下而膏粱饜沃子弟惟而寡文令狐相公子不好圖籍詞人即事規諷終鮮虛受之色徐則用后倉之學專門名其家訓故爛焉彼夫行不稱學君子譏之以余觀於徐之家廟家箴何其莊恪而整齊也古人有言曰積厚者流光

居業齋文稿

卷二序

尤

徐之世益大有以哉秀才之環侯復徒行六十里來徵余言余緒其譜既竟曰此家之良史也於是提筆而爲之序

草窓遺稿序

蓋予自伯氏之沒哭之而不能詩也已而思伯氏生平所爲詩則使人走故園索之草窓草窓者伯氏讀書處也方是時諸孤閔苦塊中而淫沫尚幼獨濂與濟江三兒撿笥而鈔錄之於是留其舊本而以鈔本遺余余手之而不能讀也久之爲洛汾兩兒追述少時余兩人焚焚孤苦侍先太宜人

事及更歷亂離奔竄於山菁湖島落魄於村莊野店短褐敝裘殘杯冷炙種種艱辛之狀輒舉草窓紀事詩爲證嗚呼伯氏之於詩其亦歐陽子所謂窮而後工者歟夫人生百年親戚故舊死生聚散觸目而愴懷者何可勝道而其間又有不幸負氣自豪落落無所表見而齋志以死者蓋尤可哀也伯氏爲詩垂四十年西遊關陝東走維揚掛帆蠟屐興復不淺嘗語及余輩渡黃河望太行王屋歷梁宋陳鄭蔡魏趙代之墟涉滹沱易水以放於燕山慨然嘆曰壯遊哉迨餽滿學宮束裝且就道而

居業齋文稿

卷二序

辛

溘然長逝矣嗚呼余尚能讀伯氏詩哉伯氏詠史詩常單成一冊今散矣又嘗哀集明史軼事竊比西涯樂府以摠其胸中抑塞磊落之氣今已矣而篇目亦不存集中存者四十年來所爲之首一耳嗚呼開篋淚沾臆見君前日書余何人也而能讀草窓詩哉

桐城潘氏族譜序

凡譜系本欲其壹也國繪欲其釐也列傳欲其覈也誌命碑版欲其有依据也士大夫贈言欲其無溢美也父老謨訓欲其可則倣也言姓昉五帝見

於春秋者二十有二焉自諸侯賜卿大夫以氏而公子公孫孫之子支分派別駁遠其初則弗壹也姓氏之稱龍門混而爲一賴直下旁行不至淆訛耳表王氏者云周靈王太子晉後而莽乃祖舜竇氏古無所本爲之說者引逃出自竇生少康少康次子居有仍遂竇姓焉則弗釐也傳以傳信若網之在綱有條而不紊魏蔣濟郊議稱曹出自邾子建作武諫曰於穆武王冒稷脩周是又姬姓之後以國爲氏者矣若此者數乎古者食采各有分域揚雄之揚在河汾之間反騷云有周氏之嬋媯今居業齋文稿

卷二

三

或鼻祖於汾隅厥後楊與楊通若是者奚所依据乎神聖之後光遠有耀而元史孔思晦傳五季孔末後嗣以僞滅真不有廟碑其能保贈言之無溢美乎顏柳家訓念祖德警頽風戒懼兢兢若崔盧李鄭地望潤色用作青紫階梯其果可則倣乎宗法廢而恃譜譜學興而復滋弊老蘇所謂仁孝之思油然而生者幾何操觚家蒿目而思救之豈不難哉以余觀於桐城潘氏譜則壹矣釐矣覈矣有據矣無溢矣可則倣矣蜀藻良史才縣志既葺爰及家乘仙草論篤而意誠屬余言余不佞惡能爲

役且先達諸公在前矣惟是僭爲發凡起例用復大命云

陶氏族譜序

廣濟縣靈東鄉陶家之有顯人自總管始也總管名世安字子遠一字菊隱當元之時嘗節制蘄郡已而歸田以叢菊老鄉里名其地爲陶家塘云余考元朝官制諸路設總管府達魯花赤之下爲總管總管之下爲治中同知判官散府則達魯花赤之下置知府或府尹紹興杭州多有總管廟皆是昔守郡者之生祠夫總管之官亦大矣而世安飄

居業齋文稿

卷二

三

然去之意其人必憺於利祿而以廉潔居官者元末郡縣吏多墨民窮盜起史不勝書其開國之初紀綱整肅吏猶守官箴焉傳曰論其世知其人可忽乎哉總管爲陶五世祖其始遷廣濟者曰汝明故都昌左蠡人以靖節徵士第二子曰侯者爲鼻祖靖節母夫人孟郭縣孟長史萬年第四女具載徵士所誤孟府君傳蓋陶中外譜牒班班可指數異乎世之傳會而失其真者故可觀也昔長沙公侃都督八州勲在王室於徵士爲曾祖當時功烈未嘗須臾忘之劉宋華命彭澤解組迨北憲高臥

自謂義皇上人然猶咏荆軻以見志靖節在國在家忠孝有如此五男兒左右就養無方用荀與承歡膝下視萬石家孝謹不更難乎余嘗謂出處之際可以觀人柴桑潔身於晉之末造而菊隱勇退於元之初年其取於造物者甚約渟涵蘊蓄若有待焉後之人聞其遺風餘韻當有興者余以是知陶宗之方大也故爲之序

居業齋文稿卷二終

居業齋文稿卷二序

三

居業齋文稿卷三

廣濟金德嘉會公

序

唐氏明良世翰序

明太祖定天下帷幄侍從之臣惟劉宋唐王恩寵爲朝右冠亡何忠文死王事青田以論淡洋地奪祿浦江用孫慎累安置茂州卒於夔而唐公獨以文學入直承明之廬蒼顏皓首宸眷弗衰嗚呼何其盛也夫君臣遇合靡不有初留侯鄴侯勇退於功名烜赫之日至辟穀採藥託神仙荒唐之說以

居業齋文稿卷三序

謝人主蓋善始善終亦難矣公嘗奉詔訪求古今書籍藏祕府資覽閱總裁日曆成凡五卷奏名皇明實訓厥後歷朝大政史官記錄隨類增入遂爲有明不刊之典穆叔所稱三不朽立言其一焉公足當之矣尚書祇承家訓踵武登朝上以其奉職公勤詔有司復其家嘗曰都御史唐徽剛斷嫉惡不容奸僞役吏髮蓬面垢容愁肌瘦不得肆其貪其受知聖明如此尚書子洗馬綬爲尚寶司丞有聲從子中書舍人希原書法兼歐虞顏柳凡宮殿城門榜題皆出其手是皆國史所載華華大者



嘗承乏史官與修明史故識之若夫家乘之所傳錄則世世子孫奉爲琬琰矣昔班孟堅敘傳曰家有賜書後來讀者以爲榮李文饒平泉之一木一石誠子若孫以善守則通人譏焉學士公旣以鴻文遇主爲後人之鵠而今之紹其緒者績學好古余且以似續之業期之矣

張侍講小題稿序

石虹侍講初教諭江夏與武漢間學子論文最久已而成進士官翰林出典淞江試視學江南其精神材力未嘗須臾不在文字中也歸田以來鏤刻

居業齋文稿

卷三

二

所爲小題文百篇爲來學式余覽之籍籍稱善夫文以辨體爲先務也呂相絕秦韓非說難李斯之諫逐客魯仲連之遺燕將書莊騷之千變萬化不可端倪皆天壤大文也若施之亭臺丘壑則韓柳歐蘇之言爲宜夫韓碑柳雅歐蘇兩文忠廟堂著作豈不炳炳摩摩有典有則至於亭臺丘壑則若彼何以故體固然耳世之應試作小題者往往支離曼衍至于不可收拾其人皆負才名第按諸先輩大家之法則有間焉題位本虛也而顧實之題脉尚留也而已竭之題之淳泓苞蓄正如春山之

鬱鬱葱葱有佳氣也而斧斤伐之如曲水之逶迤深澗無盡藏也而桔槔擾之其於體也不已戾乎史記書楚漢之戰本諸左傳敘述晉楚諸陳法而氣象雄渾後來居上乃其作贊語繩削鮮溢詞也范史爲贊沾沾自喜以爲丘明復出然駢麗瑣碎大失史家之體由斯以觀文章之化裁限制可苟焉而已乎石虹甚愛乎天下之有才人也第欲其循循秩秩相與爲渠獲之言毋徒鹵莽咸裂以之于無何有之鄉是亦辨體之深意也夫學者息心靜氣澄觀而有得焉則庶乎善用其才而不盡也

居業齋文稿

卷三

三

矣

贈德化兩萬生序

德化萬生遠涵受知德安令李使君冠一邑使君起家進士山右世家也閩西楊侍御視學政納卷一夕詰朝而士之去取以定遠涵於是偕從子虞覲補縣學秀才人趣余一介行李走豐城學爲又月先生賀余告之曰賀必以言言而沾沾兩秀才所樂聞者言其人材之所由興而余之所當言者則曰人材之興視乎學夫學豈科舉文字之謂



舉文字學中之一事耳自委巷兔園冊子專以科舉文字爲學經史遂束高閣而先王養士造士之學廢小試例用小題歌後巧搭割裂聖經率童子以骯髒爛熟而先輩大家科舉之學亦廢嗚呼學至此人材尚可問哉兩秀才自今無小試之患矣法當專講科舉之學而余曰否否士之有志者嘗卓然獨立于舉俗羣趨之表鄉試三年一舉行竭材力于先王之學而兼攻場中科舉之程文由學而爲文則言有根柢而其人爲不負科名之人天下人材之興由此始兩秀才士之有志者也又月

居業齋文稿

卷三

四

藏書之富甲於江州發其五世以來度閣之書勅子若孫爲閱覽博物之學者江州文獻之望于是乎在余故爲志喜詩往挂諸聽瀑書齋之壁而非若世之沾沾以秀才爲賀者也且秀才之名亦豈易副者乎唐制科有六一曰秀才二曰明經三曰進士舊唐書杜正倫一家三秀才甚爲當世稱美唐登科記武德至永徽每年進士或二十餘人而秀才止一二人秀才之難如此今者秀才之選即不古若而士誠有志豈得無才奈何徑以不學之身戕然襟帶旅進旅退以爲光榮也哉遠涵弱

冠能詩工楷法虞觀亦如之聞是言也夫亦早夜筆華斯勉進于學而弗容已矣

桐城馬氏宗譜序

桐城之有馬氏自文學始也文學諱驥六安州人當明永樂初游學桐城贅於馬遂馬姓焉故趙姓也遷桐城百餘年數傳至太僕公成萬曆戊戌進壬令分宜入爲御史累官至太僕卿太僕公孫兵部公舉崇禎庚辰進士令陽江入本朝知定陶縣課最擢主事兵部其卒也定陶人思之爲請祀名宦兵部公二子我師檀石先生暨弟屏菴也檀石先生以康熙己未舉禮部第一人選庶吉士尋授編修而兄弟子侄之起鄉庠國學者彬彬且數十人蓋文學之世澤遠矣先是屏菴輯宗譜未竟令子伯達仲昭皆高材生今續成之列圖表世繫傳凡生年科目婚宦卒塋及姻戚族氏犁然可考其言質而核有條而不紊師以示德嘉且曰先太僕甫釋褐時請復趙姓疏且上矣會夢寐中若或止之者未果號六初所以志也德嘉讀已而復於師曰春秋傳言因生賜姓胙土命氏及以今以氏以官以邑數者而已後之得姓者凡三十有二

居業齋文稿

卷三

五

焉傳記所載不可勝數班史稱夏侯嬰初爲滕令奉車故號滕公及曾孫頗尚主主隨外家姓號孫公主故滕公子孫更爲孫氏此其事與文學相類夫顯于桐城亦猶顯于六安也康熙二十六年德嘉于役黔西旣竣事還道桐城登師之堂圖書彙鼎皆數百年物長老古貌莊敬猶先進遺風諸少年績學善屬文而謙退若不勝衣即童稚出拜揖亦皆雍容嫺雅舉止若成人桐城人稱里中族姓親睦家法可爲楷模者無踰馬氏德嘉動容嗟歎久之雖萬石君里門何以加焉然史於石氏第言

居業齋文稿

卷三

六

其醇謹而已奮當孝文時官大中大夫無文學慶備員丞相在位九歲無能有所匡救若太僕公正色立朝劾貴相捕妖人請神宗御朝聽政召用鄒元標趙南星諸名臣疏滿朝薦王邦才諸清白吏滯獄議出楚宗之株累高墻者定晉藩世子之嗣立按部山東折福王之請莊田及舟行騷擾人以爲難而熹廟時忤魏璫與東陵諸賢同削奪左中丞被逮親故大都竄匿而公獨周旋左右竟以孫女許字其孫之乾當是時周魏以此罹禍而公獨奮不顧崇禎改元東陵諸賢起復掌銓者公

論勦人也欲得一書問數修好而公絕弗與通此其犖犖高行豈人所能及者兵部公治定陶焚冤獄簿活數十百人使得大行其志其豎立亦豈出同卿下我師爲史官飯糗衣惡數年如一日遺落世務肆力於古以是知馬氏之熾盛且未有艾而文學之始基于桐城亦可謂光遠而有耀矣夫

左傳紀事本末序

漢藝文志有春秋古經然夫子所修之春秋世所不見而自漢以來所編古經則俱自左公穀三傳中摘取經文名之曰正經耳春秋三傳本與經文

居業齋文稿

卷三

七

爲二而治三傳者合之先儒務欲存古於是取其已合者復析之命之曰古經三傳中所摘取之經文既有異同復有增損矣擇其差可信者言之則左氏爲優蓋公穀直以所作傳闕入經而左氏則經自經而傳自傳故劉子駿曰丘明親見夫子好惡與聖人同也吳若李氏言左丘明將傳春秋先采集列國之史國別爲語旋獵其精英作春秋傳傳成矣而先所采集之語草藁具有時人傳習之號曰國語云宋胡文定公安國奉旨撰春秋傳其書按左氏義取公穀之精者採孟子莊周董仲舒

王通邵堯夫程明道張橫渠程正叔之說以潤色之先是王安石欲釋春秋以行於天下一見孫覺春秋經解自知不能出其右遂詆聖言而毀之曰春秋斷爛朝報耳文定序畧言近世春秋不以取士庠序不以設官經筵不以進講則王氏新說實爲之益五傳惟胡傳尤拳拳於天理人欲之坊憂患深矣眉山李氏有言司馬遷謂春秋文成數萬張晏曰才萬八千字遷誤也細數之萬八千字更關一千四百二十八字數最易見者尚爾錯誤何況聖人筆削之旨乎文獻通考書目夾江勾龍傳居業齋文稿卷三

馬先生詩序

桐城馬先生吾師也用尚書起家冠南宮成進士通籍爲史官其爲學精于易而閑肆于詩其言詩也往往後聲格而先性情嘗言風雅頌而後爲騷爲選爲唐人古體今體詩聲格屢更矣而孔子所謂興觀羣怨事父事君者仍於是乎在則奈何舍性情而言詩哉蓋人之性情如其面不能強同久矣無暇多引即詩家並稱者一曰陶謝一曰韋柳一曰元白可提論焉陶公卷舒任運視一官如敝蹤東籬采菊悠然見南山自謂羲皇上人謝能然乎韋公性高潔少思寡慾所至掃地焚香而坐柳居業齋文稿卷三

明甫撰春秋三傳分國紀事本末而後漢劉氏序之自東周而下大國次國特出小國滅國附見不獨紀其事與文而兼著其義吾師桐城編修馬先生好學深思憾此書之不復見於是毅然爲之書已有藁而不幸捐館舍仲子靈過余以爲言余告之曰昔史記漢書皆肇于其父而子成之遺書其在後人之責也仲子曰諾瀕行稽首曰敬拜君之賜若以先君之靈汗青有日即載君言簡端以爲序

山蘇氏瞿唐宋氏諸家言與程傳考亭本義參伍  
錯繚期勒成一書書未脫橐而卒嗟乎夫人于利  
害攻取進退存亡吉凶悔吝理順水釋而絕不凝  
滯非深於易學而能然乎先生詩不多作亦不  
存草藁伯子霄仲子靈擲拾若干首屬余詮次并  
作弁言昔楊子雲草太玄作法言訓纂州箴四賦  
於時人皆習之惟劉歆范滂敬焉而桓譚以為絕  
倫其門下拳拳服膺者一侯生耳德嘉自先世相  
傳治易而汎濫及詩學今於師說無能有所發明  
不及侯生遠矣

居業齋文稿

卷三

十

東浦詩鈔序

潛江朱悔人初以詩名江漢間長老言詩咸推悔  
人為鄉里之望已而擔簦出游游漸廣轍跡且半  
天下所至敦槃好會景趨響赴莫不推悔人矣貢  
入京師則名公卿稱詩者率先期招致至則論詩  
竟日夕坐無悔人不樂也悔人性豪邁伉爽持論  
多彈駁鮮所傳會故其為詩也往往如怒猊渴驥  
奔騰蹴踏望之疑不可近又如巖巖斷壑樹石支  
撐更歷冬霜夏日迅雷裂風而蒼凝之色自在也  
潛古郢地屈宋之遺風猶有存焉朱於潛為科第

甲姓故多藏書尊人石戶耆年績學論著成一家  
言其於鄉先達若茶陵夢澤大泌五嶽暨公安竟  
陵諸家源流正變言之井井悔人之學貫穿濡染  
其所得者深矣東浦詩鈔之刻羣公序言具在簡  
端而余與悔人同里知其家世尤詳故復為推本  
言之如此

谷園印譜序

雉皋許默公過余邸以谷園印譜見示余靜觀久  
之復於默公曰自蒼頡訖漢初書凡五變君家叔  
重說文篆學也陳顧野王造玉篇禰以隸書非復

居業齋文稿

卷三

十

說文之舊唐大曆間李陽冰獨以篆學名乃更刊  
定說文至南唐徐鉉作為繫傳蓋直尊許氏若經  
矣宋雍熙中徐鉉詳較說文行世而凡將訓纂皆  
亡咸平初郭忠恕與夢英往復其論篆學尤析君  
所著篆說韻書庶幾紹衣家學而刀法匠心復奄  
有三橋雪漁之長余故拙於書安能品君印譜然  
山谷有云王右軍初學書衛夫人小楷不能造微  
入妙其後見李斯曹喜篆蔡邕隸八分於是楷法  
妙天下張長史觀古鐘鼎銘科斗篆而草聖不覺  
右軍父子由斯以觀事固有觸類引伸發人

者君之益余豈淺也哉

### 賁貞女序

往者李獻吉之於史烈女也蓋以梨花如雪霜鴛鴦不成雙詠之其言曰史烈女者未嫁而死其夫是踰禮以守信破經以成仁者也然有激俗之功焉噫俗之頹也匪激曷振矣六經之教有甚其辭以立人道之坊者春秋大書許止以弑聞而傳曰止惟不嘗藥以至此此義明後世乃有刲股以爲孝者夫刲股之孝孝而過者也然而君子稱之與其不及也毋寧過乎爾豫讓之斬衣蘇武之臥節居業齋文稿

卷三

主

段太尉之挺笏嵇侍中張睢陽顏常山之血之齒之舌皆激於瞬息而磅礴天壤稍濡忍焉尚可問乎余悲廣陵賁貞女之志故於激有取焉賁琮黃理者貞女父也游京師爲余言當曹郎死時女絕粒者七日投環至於再瀕死者數矣賴救獲甦越數月而姑沒女欲往執其喪母止之不果行又四年而曹翁病革女固請往往拜之牀下翁卒女成服如婦禮哭之哀卒於曹之東堂金子曰異哉貞女之激也迺其死則從容矣今夫從容之視恍惚也不綦難乎若此者非獨貞女賢也黃理之教

讀使然爾

國家追錄死事諸臣其加惠甚厚所以敦化勸俗法良善也夫忠臣烈女事異而道同若貞女者例不得旌于理宜得旌雖然貞女豈斷旌於世而爲之者哉余既序貞女而復挽之以詩

### 饒氏宗譜序

余兒時嘗聞吾里中士大夫家敦行禮教者饒爲最庭除坐作儼若官儀衽席豆觴之受下受惡不煩父老詔告而爲子弟者少成若天性云服不綺紈澣濯必潔器不刻鏤位置必莊宴不絲竹惟好居業齋文稿

卷三

主

必浹遺不筐篚勞問必勤祀不繁縟哀思必愍大都寧徇毋通寧子母諧寧憺毋熱寧樸毋豪寧鯁毋纖一切彈茶說劍蹴鞠吹簫星卜巫覡過其門弗入蓋先代桀黷有如此科名宦蹟庠校中惇行長者具在縣志家傳歷歷可矜式叔度先生爲先大夫素心交厥修先輩之公車北征也嘗與余偕即含翼次進士垂髫應學使者試先明經兄壇坫相望故余之所聞於饒也真以析今者修譜之役起誦秀才唯余言是徵亦以世好故按饒故籍進賢其爲廣濟人也肇自宋建炎間歷元明以迄於

今系本昭穆爛然一家信史攀附者不得與焉余以是論其世竊歎禮教之澤遠也顏柳家訓於世家尤切紹休濟美尚存乎學行哉

### 藍石雲詩序

余友藍子石雲尊人玉生先生嘗以詩為一邑祭酒一時名士劉千里張長人咸推其敏石雲生有父風甫髫齡偕余補學官弟子已而偕登賢書其年為庚子湖南北凡五十三人廣濟一縣得四人又副榜二人石雲五策刻鄉試錄覽者籍籍以晁賈期之公車北征相與言詩人方櫟鬢苦吟石雲

### 居業齋文稿

卷三

古

輒已脫彙已而創除學官余教授安陸石雲教諭長沙之攸縣于仕路固為濡滯然幸無損於學石雲仰觀嶽麓倪眺湘水學日進余成壬戌進士官翰林石雲詩得之郵寄為多尋課最擢知常塗縣事余寓書告之曰陽水一席君彙筆而登矣第姑孰十詠蘇端明嘗疑非太白手王平甫以為李赤所為石雲有暇幸以謝眺驚人句為山川洗諸居亡何余歸里門石雲亦謝事去職益簿書執掌非其好也方石雲及余輩同舉之時少年盛氣視天下事無足難者今侵尋數十年而所就不過如此

蓋無復昔年飛揚之色而亦已頽然老矣會里有刻詩者石雲敏于詩而疎于存彙隨手散佚無算茲按輯所得百一耳石雲大兒縣學生之望為余子聶仲之桂今拔貢季之鳳已補太學生余外孫家秀才早慧能操觚作文字由此什襲詩彙薈粹成編蔚為大集余雖不敏猶能總攬而細論之也

### 毛尊素遺彙序

廣濟東鄉有讀書學道而以布衣諸生老者曰毛尊素燦尊素仲兄炳成順治己丑進士邑人所稱孝瞻先生也然論學子輒推轂弟人有以古文奇字

### 居業齋文稿

卷三

五

質者輒搖手曰第明弟云尊素之為人也其與人交以誠其論辯如懸河如炙輶如風雨驟至如牢醴錯陳其山居未嘗入州府絕不問家人米鹽凌襍亦可謂篤於學者矣然歷試有司竟坎壈以死其死也財及中壽人往往惜其遇之窮且無年也昔伏生齒豁於九十張蒼乳養於百齡皆以其所學有聞於來世今尊素篋笥僅存史說一編耳生紙禿筆朱墨淋漓襍糅於行間異時散佚闕闕誰復知有尊素氏者嚮令天假以年淳涵蘊蓄成一家言其所就竭可量哉嗚呼尊素往矣零編隻簡

披拾而枕秘之母朽蠹於山窓梅雨是則後人之責也夫

瞿美如集序

鍾祥之白口有八十老人曰瞿美如哀其所爲詩若文都爲一冊屬余序古者養老之禮虞夏商以燕以饗以食代各著爲令周人修而兼用之後人貽背兒齒生不當其世即春秋高誰問焉美如少任俠人所不能爲爲之人所不敢言言之白口李舉人者宦成而家沃墨者利其橐囊左袒宵人名分倒置鍾祥人髮上指然無能爲舉人訟言之者居業齋文稿卷三

序

文

美如一奮不反顧亢聲長吏之庭舉人事解而尊卑之分明白口人至今稱其義嗟乎緇衣好賢巷伯惡惡虞卿惻歎於窮友文舉纏繞於素交道則同也集中駢語尤極工昔王楊盧駱皆以少壯操觚故能文采颺發藻翰葩流今八十老人若此何歟古之高年者往往藉社會以傳洛陽耆英十二人自富鄭公文潞公以下並逾七十唯司馬溫公猶未七十當時朝野咸以老稱美如年過耆英諸公而以頽然野老處曰口寂寞之濱知之者幾人孰爲之社而與之會哉春秋左傳定四年楚昭王

奔隨將涉成白白口亦古來戰爭地也美如幸直天下休兵歸於一統有田五十畝稔歲瓮給饗殮邇年

天子重養老之禮時賜肉帛厥子又筆畔以佐甘旨孫又繩繩輩出殆庶幾古人之擊壤康衢者哉是亦天之厚於美如不必親見三代之淳史乞言而後爲盛也

張太守遺詩序

余讀張太守遺詩慨然歎其世之盛也當明嘉靖時海內承平日久閭井老生往往褒衣大袂盤辟爲禮容士大夫耻見聞之陋則閱覽博物力於古學吾廣濟則劉敬伯養微楊用極大鰲寇巨源學海稱雁行而張太守特聞劉楊早世巨源以山人服游京師及二三宗藩間寇山人名籍甚故太守集中寇山人往復詩尤多太守以曹郎出守中年解組時爲萬曆江漢間有水災而天下猶未亂一畝之宮聲出金石晏如也會桐城劉侯爲邑令以

卷三

文

風雅爲縣人師帥嘗築四高樓落成延致太守太守辭焉時春秋高矣然詩益工迨年踰九十猶未嘗須臾不言詩也四世諸孫實持孝廉嘗爲余言



先太守里居徜徉泉石得詩人溫柔敦厚之旨嘗  
庭設華鼓命侍兒作漁陽摻過以娛客興至訪詩  
友御柴車迺遷行鄉人望見曰張太守出遊矣其  
風流如此嗟乎彼一時也天子高拱穆清海內文  
人競爲風詩之會即退居鄉老寒帷高蓋施施汗  
漫之遊曾有憂生之不暇而徬徨之不能給者乎  
余嘗綜唐詩人論之其仕路蹉跎如太白夜郎子  
厚柳州則憂在身其丁亂離避瑣尾如少陵夔峽  
次山峽陵則憂在國國無机隍身無坎塲幸矣而  
年壽道盡如子安長吉則雖有英風雅韻其以忽  
居業齋文稿卷三

靈山遺草序

嗚呼此靈山吳子遺集也吳子名兆崙字懸璞王  
父太常少卿諱亮父確山令諱敬師吳子弱冠入縣  
學則從季父孝廉諱敬合學詩書法仿舅氏劉九諱  
父諱敬功子壻也明末流寇亂廣濟無城郭吳子走  
寓蘄州州城陷走龍坪渡江以南洲居當是時左  
良玉兵蹂躪武昌黃州諸郡潁江無寧宇邑有亂  
人鴟黨結營書伍籍請印於令令西蜀張登衡首  
鼠請印輒予之印亂謀遂決白晝殺人祭旗大言  
屠滅士大夫家俾無遺種士大夫人人重足立謀  
居業齋文稿卷三

焉此皆詩人所不能盡徵諸造物者乃富貴福澤  
壽考張太守獨奄有之嗚呼張太守遭時之盛爲  
弗可及也已鄭康成有言周自文武集大命時則  
風有周南召南雅有鹿鳴文王之屬成王周公致  
太平制禮作樂而頌聲興焉盛之至也孔穎達曰  
哀樂之起宣於自然故燕雀表啁噍之感鸞鳳有  
歌舞之容詩理同夫開闢詩迹隨運而移余嘗涵  
泳二家之說知其有味故於張太守詩論世而三  
歎也太守諱步雲字子龍廣濟之靈東鄉人



爲笑樂暇與先兄共研席作閑亂詩先兄嘗與吳子執手而歎幕府草檄江國登樓蕪城之賦舂陵之詩人生遭遇天實爲之矣久之確山浮湘去吳子入靈山依白雲菴居白雲菴者吳氏構以藏少常誥命畫像師白齋集而屬山僧司其管者也吳子屢居燬故山居焉夜有大書門必殺吳某者或曰曷去諸吳子笑不答日治具結客客踏踵來夜張飲往往達旦宵人曰是有備矣不果殺吳子破家豪舉以禦仇人劍客僅免於難而西望湘水音書閤絕枕席涕淚沾濕先兄過靈山信宿歸告人居業齋文稿卷三

卷三

序

居業齋文稿卷三終

居業齋文稿卷四

廣濟金德嘉會公

序

毛氏家譜序

古之言姓氏者皆本諸世本世本本諸左傳左氏之說字謚官邑四者而已鄭漁仲通志則分三十有二類云蓋古者氏以別貴賤姓以別婚姻三代後姓氏合而爲一而以地望明貴賤魏晉九品中正以門第官人唐時論相爲重人姓林寶元和姓纂八姓外凡三百五十姓宋景祐雁門邵思謨姓居業齋文稿卷四

卷四

序

舅往年遊京師瀕行以譜序請余領焉久未脫橐  
忠移卒令弟若子申其請余告之曰宗法行而天  
下有善治尊祖敬宗敬宗故睦族親親長長治  
之本也宗法廢民德寢薄矣聯羣萃渙使一本之  
親不至同於行路則譜是賴漢司馬子長刪世本  
爲世表旁行邪上祭若列眉後之爲宗譜者師之  
族之有譜所以爲教也譜系明而春秋必祭歲必  
讌冠取妻必告喜必慶災患必恤游惰必戒孝弟  
忠信廉讓惇樸之行必勸相與勉爲文獻之家而  
異於委巷之澆俗則所以維宗法之窮者其惟宗  
居業齋文稿 卷四 序

靖州鄧婦紀事詩序

靖州有田父之子短折而十七新婦侍疾九十日  
於其夫舍殮甫竟開戶雉經以殉之平王孝廉官  
黃州聞其事而賦詩十首郵致往弔焉且徵余言  
余曰可賀也弔云乎哉女子未嫁止知有身身潔

則生不幸瀕於汙則舍生而之死露筋孀子是也  
嫁則知有夫耳安與俱安危與俱危延與俱延促  
與俱促從一之義也此婦力竭能索於九十日夫  
蓋棺而其事已盡藉令閉戶時家人覺而救之水  
漿不入口嗚咽拊棺於逝者無毫髮益視息徒存  
苦彌甚耳嗟乎委巷婦人女子之濡忍喪志者可  
勝道哉忼慨赴死則無憾也州志大書此事而女  
郎傳男子亦藉以傳其爲舅姑者氏名亦傳其爲  
父母者亦傳表其墓墓傳好事者祠之祠亦傳  
詩若文第嚙矢耳靖之士大夫尚留意焉

居業齋文稿 卷四 序

贈王介山序

余往年官京師京山王生介山似覽數過從即舍  
時余分纂明史列傳一日歎美余都御史王公宗  
載名王生辟席言似覽曾大父也余停觴告之曰  
春秋友邦好會往往舉先大夫以潤色辭命魯衛  
晉鄭諸聞人具在左丘明內外傳楚王孫之對趙  
鞅微觀倚蔑寶焉皆國故也漢之袁揚晉之王謝  
唐之韋杜宋之范呂則以家鳴非徒官階之重蓋  
其生平言行有過人者以余觀於京山維爾王氏  
尤多君子哉明世宗之自興王入爲天子也廷臣

之驟貴者由二塗其初傳會大禮其後逢迎青辭  
京山地比漢光武之南陽乃王氏之仕於朝者獨  
多以匡救聞也世宗南巡行宮火於衛輝中涓齋  
訖撫臣如束濕侍從貴人莫敢言時則巡視河北  
僉事王公格抗言火自內發於外無預何物細人  
喋喋辱封疆大臣輦下羣小稍斂手退然蜚語中  
傷王僉事有詔逮巡撫僉事杖而歸田金陵顧公  
麟撫楚纂興都志志成上僉事暨隨州顏公木黃  
岡王公廷陳名受金幣之賜然亦不甚稱旨先是  
僉事官翰林庶吉士例遷編檢或科道官會永嘉  
居業齋文稿

卷四

四

用事校翰林知名士不附已概補外坐是由縣令  
累官至僉事河南迨以鄉老給筆劄修外史猶以  
方枘員鑿不相入則骨鯁猶昔也相嚴嵩亂政而  
王公宗茂官御史則劾嵩誤國負主大罪八並罪  
狀嵩子世蕃私人萬采疏入嵩恚尋謫丞平陽後  
嵩敗世蕃伏誅而御史不及見也隆慶初贈少卿  
光祿寺太倉大司寇王公世貞弔以詩有曰漢賊  
不兩立臣死安足辭獨憐請劍憾猶鬱蓋棺時士  
大夫讀而傷之僉事及御史皆王氏之望先僉都  
御史而聞於海內者也大禮議定後馴至與王入

廟禰宗則安陸寢園踵事孝陵宦豎窟穴其間鄧  
府梁府請設奉祀元佑宮增置焚修道士官守陵  
添差錦衣衛使與獻陵直爲亡命淵藪市井亡賴  
受陵使指用王莊蠶食民產無算當是時人臣進  
言愈難矣僉都公時爲監察御史巡視北城墮發  
輦上巨璫陰事即上疏悉數陵使橫暴狀上察其  
忠報可一切冒濫革去而桑梓以寧蓋王氏之世  
德如此而僉都公之有功於其鄉尤甚大夫比附  
權要者榮利及身而止耳爲之後人辱莫甚焉而  
不能爲之改也若爲賢者之苗裔則雖屈於一時  
居業齋文稿

卷四

五

而世世子孫被其榮王生勉之哉念爾祖矣於是  
介山辟席謝曰敬拜先生之賜似覽雖不才敢不  
勉諸

寄贈瞿美如序

偶覽杜子美秋述有曰長安車馬之客舊雨來今  
雨不來掩卷久之粲然而笑來者人也致人之來  
者我也我無以致人之來雨不雨等耳况我自足  
何與人事而以來不來介介耶且不來固已萬一  
來吾所不欲來是更使我不堪也余自歸田索居  
雅慕蔣徑之求羊二仲龐門之徐元直司馬德操

相與往還然而不可得也我非詩詞又非龐公敢辱客乎乃郢上故人翟美如歲時勞問不絕窺其意似有超然於雨不雨之外者昔陶公欲徙居南邨曰聞多素心人樂與數晨夕余敢多望一美如耳相隔數百里莫能至爲之奈何美如春秋高矣詩曰靡不有初鮮克有終若美如庶幾初終無間哉爲詩一首追憶白口邂逅石城過從歲月歷歷毫端尤舉其少壯時義憤急難言人所不敢言一事縷縷稱之古來忼慨倜儻人實由學問濟其材力故於師友之際獨深即祿位容貌寂寞如揚子居業齋文稿卷四

卷四

六

雲亦禮敬之弗替士患獨立無具耳果能以古人爲徒萬一坎壈世路迹跡沉冥而抗顏濶步猶能擁書萬卷以自樂虞仲翔乃云天下之大竟無一人知己亦論之過激者歟况乎時移勢易早暮未可知居亡何津涸燄銷氏名磨滅者曾無零編隻字散布人間士大夫方將指其奔軻覆榭曼聲長獻歎其擇術之弗工然則曷之砥行力學而蹉跎坎壈於一時者豈真爲不幸也哉

定陶名宦序

漢史循吏傳敘曰生有榮號死見奉祀祀者民所

以報也後來名宦之典載在令甲吏有治行異等者在所聞於朝朝議協而後予之上所以勸也勸之行於上也法用核非其人則弗與也而天下不得冒循吏之稱報之動於下也誼用公爲循吏者初無意於身後之名而功德在人人於去後思之愈久而歌頌不置此亦甘棠詩人之遺意也桐城奉政大夫馬公諱之瑛字正誼起家崇禎庚辰進士知陽江縣有善政已而知定陶其下車也以順治十六年至康熙八年課最擢兵部督捕主事行有日矣而遘疾卒官康熙二十七年以邑人請祠居業齋文稿卷四

卷四

七

於學宮始於報終於勸而卒成其報也公之治陶也大盜李化鯨以順治庚子陷城間左蕭條四郊灌莽公單騎詣諸賊砦壘曉譬順逆大義凜然有盜魁陳居上等華面向化餘黨乃平公念田荒則賦無出乃捐俸給牛種令民墾土數年報墾踰千頃又履畝清丈得豪強隱占地二千六百頃荒闢賦均流冗始歸焉陶濱河舊例代辦滕縣夏鎮壩夫十四名歲費庸直千餘金陶人苦之公申請豁免費省而民以寧乙巳歲大荒公捐粟煮糜活飢民七百餘口奏記請賑檄下二千兩存活無算先

是有朱小仁者僞印事發株連單縣紳戶李懷雅  
李景陽鉅野富人胡守祿胡守法蔓引且百家屢  
經鞫讞案未定公知其冤也一訊而決遂爲平反  
始陶人未知學公月有課季有考甄拔鼓舞人文  
乃興是皆治行大者公丈夫子六人而編修檀石  
先生次四德嘉爲編修弟子故知陶之治績獨深  
且晰也嘗歎民之報循吏也往往不於其身而於  
其後天之報人也亦然公卒定陶編修昆弟居喪  
留滯且二載資用乏編修夫人方賣侍兒往佐旅  
食當是時編修布衣諸生耳越十年而冠南宮成

居業齋文稿

卷四

一

送舒嵩嶽之蒲圻序

廣濟舒嵩嶽隱居鮑參軍讀書臺下有園曰韋園  
堂曰簑堂社門不出且十年矣誅茅伐竹壘石構  
書閣東衝之巖隱居之樂不踰匡山盤谷哉余同  
年中表兄李子岩詹教諭蒲圻蒲圻大令山東韓  
侯迎致嵩嶽授厥子禮經蓋嵩嶽曾大父元渚公

以禮經起家成進士故舒氏經學爲黃郡專門而  
山東之韓進士以禮經起家者亦且數世宜其合  
也余嘗承乏史官分纂禮經書成上之大都貫穿  
孔鄭皇熊及陳氏禮書草廬纂言而融液以成一  
編未知有當於經否南望鮑臺雲樹惜不得與嵩  
嶽參伍而論定之也夫立言之家行修爲難戴聖  
馬融遺行取譏儒林惡焉孔北海爲康成特名一  
鄉開廣門衢號爲通德人到於今稱之嵩嶽內行  
醇篤與人交有終始士之逆旅患難飢寒憔悴者  
往往歸東衝如鄉里友人劉生早世嵩嶽酌酒誓

居業齋文稿

卷四

九

天以女字其孤薰染劇切今且爲諸生韋園所撰  
著自名一家詩有大雅之音又晚而好易不獨盤  
辟爲禮頌也韓侯余齊年鄉舉成癸丑進士豪邁  
有北海風教諭仲子之經嵩嶽子壻亦余授經弟  
子侯下車致之西席詰羣公子語孟孝經矣漢人  
尊師學成大廷贊對輒曰臣師云云至有讓封爵  
以章顯先生者經學之盛今猶古也余於嵩嶽之  
行序以送之

感勞集序

東粵郡縣瓊州故有人而州所屬之感恩縣則無

之縣無人焉即有山川藝文闕如也漢陽彭西叔起家康熙壬戌進士再補官得是邑登臨眺覽於歲序土風物產戶口租庸及瑰奇光怪出創見者胥筆之於書而聲之以竹枝之詞蓋感恩之有藝文自是始西叔初令西粵之陽翔有粵嶠吟由陽翔調宣化用治行人吏部以名上例徵京師矣已而補外其故不可知當西叔蕉萃感恩時余念之瘴癘辛螫危若朝露西叔而憂生耶當左手方書右手藥餌二三童豎欠伸嚏咳之不服乃猶懷鉛握槧若此異哉西叔其困而亨者歟澤水之卦象

居業齋文稿

卷四 序

十

傳繫以致命遂志程子傳曰推致其極朱子本義曰委致其命要之惟聞道者能之人生不聞道即奄有富貴福澤擅予奪進退人權力其志亦有賺賺未遂者苟有道在即無入不自得焉故遂也瓊州故珠崖也蘇端明左官珠崖儋耳困極矣然志嘗信於金蓮送院代言草勅之年西叔則一行作吏無遘而非困也困於前者亨於後當與端明異地觀哉余嘗謂宵人得志顯有害於國是而隱有益於寓內之名山大川嚮令舒豈李定之徒不能混淆黑白則赤嶠安得有子瞻之賦厥後章蔡之

毒不極炎荒絕徼安得有枕柳之菴載酒之亭白霍峰頭之祠廟千載後焜耀圖史而田間老嫗又安得以春夢一語物色於學士若此者皆當時鈞軸小人之賜也西叔所為感勞集祕諸笥中不出余謂粵嶠吟既已錄本不可不以此集繼之且使天下之知西叔者覽之而見西叔所以處困之道也於是脫橐而錄之

芝山遺橐序

此芝山陳先生遺橐也先生隱居陽塢當七十懸弧時余為文以觴之又作芝山歌書之篋先生諷焉而喜曰百歲後飯舍畢輒以此卷及篋置枕邊

居業齋文稿

卷四 序

士

矧我其達如此陽塢種竹樹萬株林田可百畝草閣柴門葦簾土銚客至命酒追話少壯時事酒酣賦詩緩步登釣臺與漁人舟子樵兒牧豎相問答興至輒歌都無詮次曰直釣意不在魚醉翁意不在酒吾詩亦如之舊居鴻臚洲負山面江竹風館在焉暇則跨驢之江許江上人掃逕治具更番迎致飲往往夜達曙歸而鼾睡亭午起潄櫛作報謝詩甫脫橐而速客者又及門矣如是者蓋數十年如一日云少時科舉入鄉閭事既竣徘徊黃鶴

雲間會崇禎末詔取文士兼武試聊一往遂中式策馬渡黃河抵京師所過三千里通邑大都名區古蹟及賢士大夫倡和皆有詩經亂後散佚鮮存今篋笥中皆晚節遁跡詠懷之什耳唐人詩有極少而傳者其標格韻致自名一家似無意乎身後之名而名卒歸之千載後把卷者想見其人唯恐其編之終至於反覆尋繹若有悠然雋永之味然則詩之可傳固不在乎多也芝山之於酒有竹林河朔之趣而未嘗遺落世務以爲高故斗亦醉石亦醉而終身不及於亂其言詩也曰吾得乎四始居業齋文稿

卷四 序

主

六藝之意而已矣嗟乎言有盡意則無盡且物以少爲貴者朱弦疏越太羹元酒尊絲醢膾桐華之布枕椰之麴人偶得則珍之讀芝山詩者惡能測其意之所至哉

饒叔度先生詩序

廣濟有饒先生叔度者博物君子也少時嘗與先大夫友善先大夫嘗之饒先生所觀挿架書踰晦朔忘返饒先生來江上講藝草堂淹留亦如之先大夫仕陝西興安捍剽寇保危城勞瘁卒官而饒先生偃蹇屢試不第猶僕僕諸生間意無可一世

試牘刊落經生家訓故大放厥辭督學異而黜之評曰語必驚人饒先生仰天大笑曰嗟乎生來性癖耽佳句語不驚人死不休古何人乎某今乃信於知己矣於是衣短後阜帽芒屨徜徉山澤游必以詩囊自隨肩荷臂挈倦則倚樹而休焉驚人語滿緒迸出如山崩石如水倒峽矣寇亂日劇大家僕佃亦往往乘間爲暴先生捲詩囊竄山莊設竹几上坐會佃人割雞燂且就烹詰之曰若餉客乎世雖亂若故佃也毋得爲主客禮脫餉我若毋得坐佃人蹴踏應曰唯唯日哺出脫粟飯盤惟蔬筍居業齋文稿

卷四 序

主

飯已自笑曰佃人知禮佃人知禮然割雞何爲豈亦如茅容有母在耶其癡如此饒先生世家子書淫自天性酒人劍客一切無所近人質行好古則引爲性命交蓋吾邑自桐城劉侯爲大令物色六七君子入詩文社登山臨飛瀑壺觴嘯咏無虛日由是人士彬彬向風當是時士大夫擁萬卷書下筆立就千言乃爲令上客俛視妮妮方幅鮮衣怒馬出入里門者偶人耳先大夫受知劉侯最深會督學太湖馬公試第一補諸生尋鄉舉通籍而饒先生困諸生久所如落落難合老且憊俯仰今



昔憤懣無聊一一寓之於詩嘗言邑之理亂視令  
令之賢否視其學與不學抵掌數十年鄉里人材  
風俗如指掌是故讀饒先生詩者可以觀世焉厥  
子隆中臥侯亦言詩嘗於縣東郭茅齋延余茗飲  
甘生名宗一焜俱甘生者孝廉忠甫家子孝廉與  
先大夫鄉舉齊年余三人追話先世未嘗不泣下  
沾襟也亡何甘生卒無子臥侯亦卒有子未能世  
其家嗚呼兩家先業衰矣余駑鈍不任著述嘗欲  
仿柳子厚作先友記以示兒曹而未能今於饒先  
生之集重有感也爰識諸編端俾莞厥家乘者藏  
居業齋文稿 卷四 序 古

鄭禮部鄉賢錄序

古之鄉先生沒而可祭於社者其言行深入乎鄉  
人之心不與俎豆期而俎豆之在鄉人自不能已  
焉者也後世學宮之有從祀不復問其可不可矣  
子若孫循例而乞之郡縣循例而請之中丞藩臬  
諸上官循例而與之鄉之人無能稱道其言行之  
萬一也曰例耳嗟乎生而冠蓋輿服通顯出鄉人  
上乃言行於鄉里無毫髮益斯已媿矣及其沒也  
又濫廁於二丁之饗祀其謂之何或曰臚而列之

而不可不在乎其鄉人三代之直道未嘗不行於  
天下也是亦一說也余覽貴溪鄭禮部鄉賢錄作  
而歎曰是誠鄉人之不能已焉者歟禮部入直承  
明之廬敝歷曹郎南望江西距三千里而遙乃其  
心未嘗不在鄉人也其大者見於漕揭一篇慨慨  
淋漓凡數千言視一拂先生之流民圖不啻過之  
嗟乎禮部家非伍籍也而痛哭流涕至此豈非念  
厥鄉人哉推此心也至於急病拯阨垂橐不足繼  
以稱貸當捐館之日積逋直以萬計此又一拂先  
生之所未能者也士大夫之惠不逮於鄉人者往  
居業齋文稿 卷四 序 古

觀海集序

往者京師邸舍余與潭州王山長比隣山長負盛  
名座客嘗滿而余往往先客至後客歸夜分巡檐



執手縱譚今古事蒼頭鼾睡頭觸牆壁火燎衣醒  
醒復睡而譚者疊疊弗休當是時孝思侍側雙瞳  
炯如也出游則孝思從豐臺萬柳園黑龍潭報國  
寺松下酒榼茶鐺無虛日已而孝思從山長令澄  
海澄海距京師且萬里昔問間歲一至迨山長下  
世旅櫬歸潭州而孝思亦還里頃之訪余江上殷  
勤道故存以聚散念之愴然酒酣出所爲觀海集  
見示今夫洞庭嶽麓楚之大觀也孝思俛仰襟帶  
騷雅之韻譬諸挹水於河取火於燧至於渡黃河  
登廣武覽觀宮廟城闕之盛又日侍庭訓與賢士  
居業齋文稿 卷四 序 六

大夫抵掌得聞所未聞宜其詩之偉也若乃海瀕  
遐遠古大賢若韓公蘇公猶以還謫至而孝思雍  
容都雅宴坐木蘭舟與嶺南知名士壺觴獻咏粘  
天浴日之濤奔騰腕下尋訪陸丞相古蹟濡毫紀  
事即曩時所稱區冊大顛及春夢婆之屬邂逅訪  
佛興至淋漓人生汗漫若此其爲文宜何如哉惜  
山長已沒不及見孝思之學之大成也孝思有志  
於聖人之學年方富紹衣而充擴之余且拭目  
以俟蓋不但作詩人已也

折柳吟序

崧高烝民古贈行詩也後人讀其詞有盛世之思  
焉大都寄託深厚而勸勉期望之義溢於言表以  
此見古之公卿大夫學術湛深交游贈答有道存  
焉非苟而已也唐詩送人之官亦有寓規於頌者  
故篇什雖多諷之不見其複立言之旨固有在耳  
士大夫生有道之朝聚四海九州之賢豪于輦下  
敦槃編紆握手言驩而發爲詩歌以宣其纏綿排  
惻之意豈非盛事哉溧陽史胄司偕余言詩垂十  
年矣自聽雞待漏篝火讐書以至於公餘燕會郊  
原登眺即事倡和往往成集其贈餞齊年諸兄弟  
居業齋文稿 卷四 序 七

也別爲一帙屬余序以梓之蓋壬戌同榜之仕京  
師者凡數十人交誼猶近古當天官導人出宰百  
里時輒釀飲以祖其行相與勉爲循良以盡厥職  
故治行高第入爲臺垣者今且相屬胄司贈言具  
在讀之若著蔡之驗而軌轍之齊壹也胄司之言  
藹然忠告踰度數千里外山川土風戶口人物如  
履其地故興致波委雲屬引人入勝此亦由于其  
學而余操觚而志喜者當

國家文明熙洽之運合同人道義性情以聲之于  
詩覽者將謂吉甫作誦穆如清風可以觀世運而

豈直綠酒紅亭蕙揚聲氣云爾哉

大樂嘉成序

昔者子夏之與魏文侯論古樂益以聲容器數言也而脩身及家平均天下之道於是乎在臨川吳氏曰古禮之僅存於今者猶有儀禮十七篇樂經則亡矣其經疑多是聲音樂舞之節少有辭句可誦誦記識故秦火之後無傳諸儒不過言經之義而已然則論古樂於今之世必掎摭周官爾雅毛詩戴記諸書貫穿之然而簡括爲難明世宗之議禮也於文廟易象以主八佾減而六當是時張珩

居業齋文稿

卷四

序

驟貴一切彈駁紛更以矜其能然樂歌祇議收數字未嘗有所發明也楚有黃梅瞿九思神宗以待詔翰林徵不赴巡按御史史學遷爲建江漢書院於廣濟之龍坪鎮疏請勅九思著書其中得俞旨有司歲給白米六十石書成擢用九思著書凡二十餘種中有孔廟禮樂考經進矣其草藁藏之家康熙戊辰有孫曰道弘攜載游江夏時選刻全楚文獻錄者採之會叛卒噉碎散亡都盡其書俱有闕經學而禮樂考尤可惜嘗力爲購求竟弗得拊膺太息久之竊念天下之大豈遂無博物洽聞踵

武瞿聘君者頃之黃岡孫司訓芝瑞以大樂嘉成勅本屬覽覽其書殆所謂貫穿而簡括者歟夫學之不古也大率古人任其勞而今人耽其逸漢魏學者拾殘補缺勤於鈔謄精於讐校專門名家相望五季槩本行一時便於涉獵然有插架聯楹而徒爲飾觀之具者唐貞觀義疏定爲一是而漢魏單行之家盡廢明大全功逾徑省而塗逾隘迨科舉文字並樂記亦僅存章句耳泝古樂者何人哉司訓得是書推與天下共之亦庶幾泝古樂之階梯也

居業齋文稿

卷四

序

楚江集序

楚地蓋延袤六千里而遙也圖經所載若衡若蓼若赤嶧若江若洞庭登臨覽眺之樂士大夫之賢而楚游者往往得而有之然而奄有之也則難古唯太史公汗漫耳若賈長沙柳永州蘇黃州暨道鄉岳麓諸先生官守區域即圖經諸名勝已不得而奄有之矣由斯以言極全楚之大觀而無憾也豈不難哉岳僉事適亭之有楚江集以視楚學也自蘆溝乘輅南征所過都有詩入楚詩最多楚地經行都有詩衡蓼赤嶧江漢洞庭諸古蹟詩最多

古蹟憑弔都有詩於前賢金石之刻次韻屬和詩最多其行部也凡三易寒暑其竣事也再周十五郡其宅心也靜而虛而其操觚屬草也神而速浩瀚潄潄而則乎古蓋前賢所歷之地奄有之即前賢之藻翰風流亦彬彬乎奄有之矣夫古人有各至專長而今也兼之固由乎其學若乃古人所不能必得諸當世而今也不啻過之則非所遭之幸有異於古人者歟彼終身馳驅名山大川間而寂不能一言雖所遭過於古人即謂之無所遭可也

魏一齋視學江南序

居業齋文稿

卷四

序

魏子一齋之視學江南也人皆籍籍稱之以爲功名富貴若此其盛余獨言功名則有之富貴則否蓋一齋非汲汲於富貴者也夫人之汲汲於富貴者當其始進之日必殫心竭力有不肖後人之勢內之倚藉父兄之地望外之攀傳師友之接引視天下無不可得之物若操左券以取之此其材亦非尋常無聞之人所可及然而去古人澹泊寧靜之風則遠矣康熙壬戌南宮榜放一齋以載記舉第七人年方弱冠果敏公官刑部尚書清德爲九

之望故事大臣子弟往往對策爲舉首漢唐宋

皆然而明之踵武登上第者尤多果敏至是若有遠嫌意果敏之超然獨立大臣之道固然也而一齋亦遂忻忻退處無幾微之意見於顏色若與白屋崛起之士無異焉者當是時君子以爲難旣而果敏致政一齋方服官就列人情莫不以父兄未竟之緒早作夜思求造乎其極以爲顯揚之孝在是而一齋則端歸寒松之堂也昔關西楊氏四世清德然皆位至三公其身未嘗一日離於朝獨閔鄉老屋令子姓萃處而肄業焉果敏肅至司寇而遽以寒松當閔鄉楊氏之宅斯亦急流勇退者矣

居業齋文稿

卷四

序

一齋偃仰清泉白石間躬奉菽水是之謂養志遲之又久而後之官也荷天子異數不次擢用居亡幾何而至今官即天下之汲汲於富貴者未能或之先也古之人惟不汲汲於富貴也故素富貴行乎富貴處之必以其道纖毫無負焉而後即安然則一齋之視學必有其道矣江南文獻淵藪人才之盛甲天下大富大貴之人時時出其間而不汲汲於富貴之風則自督學使者倡之諺曰以身教者從視學如一齋則廉

康平身教矣論人於三代以後寧取其狷狷者有

所不爲其人非不能爲也能爲而不爲故於舉俗之所汲汲者而緩之至於決大疑任大事毅然當之有餘力焉孟子所謂可以有爲者也爲國家得有所不爲之士養之庠校之中而後賓興貢舉歷歷有可指數之人是督學使者之責也宋儒解卷阿之詩言君子者尊貴之稱士者衆多之目其曰藹藹吉士維君子使是吉士者君子所引之善類而君子者吉士之宗主也至於馮翼孝德人主之左右前後無非吉人則如梧桐之萃華萋萋鳳凰之雖雖喈喈君臣遇合之盛矢詩送歌而天下之

居業齋文稿

卷四 序

三

治極矣一齋之靖共報稱自是日有聞於天下而要不不及汲於富貴之一念始基之論人者可不深觀其志乎哉

胡教菴先生語錄序

劉廓菴芝在堂集有胡太僕傳稱太僕父教菴先生內修端潔專積善起處必依禮口無擇言荒年捐貲濟人有貸不償往往焚其券已所居舍僅存而別構涇瑩書屋招集名賢講業因使其子從之遊余嘗讀而偉之然以不及見教菴先生著述爲憾也先生五男子並登仕版知名者二人一曰士

定字鎮常歲貢官趙城主簿經歷潁州衛一士容仁常萬曆庚戌進士累官薊州兵備道以忤崔魏繫獄瀕死後赦歸起補臨洮鞏昌兵備道卒贈太僕寺卿詳具本傳太僕時與楊左諸公齊名而海內士大夫溯其家學籍稱道不絕口里門學者則人奉教菴先生爲楷模矣初太僕知長洲縣迎養購書可萬卷歸度江閣崇禎末寇警蒼頭竊賣且盡太僕所自爲撰著在親故家什之一二遭亂穢子傳觀散失止存書一冊言呈秀事余得之鎮常曾孫承棟秀才所趣鏤刻藏諸笥承棟且乞余

居業齋文稿

卷四 序

三

爲曾大父作傳傳脫稟亦刻焉胡之藏書止此矣今年承棟從鄉邨老屋購得教菴先生語錄來余驚歎曰異哉嚮令此編早出與太僕集同時傳觀則委諸草莽矣遲之又久而忽返先生舊第豈夜臺之靈有以呵護之而然歟拭几南窓讀竟大都居敬窮理修身齊家要領古人所謂布帛菽粟之言也夫闢闢所行語錄有所爲而爲之者有無所爲而爲之者東吳顧炎午寧人嘗言孔門四科宋以後添設一語錄科此有所爲而爲之者也龍溪以尊師樹幟用無善無惡一語爲定本捕風捉

影淪胥入禪論者紛紛口實累及陽明何心隱李卓吾厭常喜新言古人所不敢言清議弗容身名俱敗語錄之不可概收如此是編則無所爲而爲之中人以下皆可與知而大賢君子終身行之不能盡真閭然之學也先大夫手書自警編旣爲吾家饗殮表葛又得見此編追念曩昔里門先大夫踵武太僕爲名臣所至聲績可指數而先王父楚濱公頽頽教菴爲江漢間經師兩家衡宇相望學術皆有源本爲後人者勉乎哉

居業齋文稿卷四終

居業齋文稿

卷四

五

居業齋文稿卷五

廣濟金德嘉會公

記

鴻臚洲記

縣志龍坪舊曰龍防古鴻臚洲也負連城山面大江襟帶太白大洋諸湖浸水經江又東左得青林口注江水又左逕長風山南又東逕積布山南長風積布青林蓋鴻臚西壤東十里爲蔡山唐曹成王臯破李希烈處昌黎韓公敘臯戰功噉鋒蔡山踣之注云時希烈柵廣濟之蔡山杜佑通典云蔡

居業齋文稿

卷五

一

山屬廣濟蓋鴻臚東壤今爲黃梅界矣元史地理志宋嘉熙兵亂廣濟徙治大江中洲中洲龍坪江以南地也明興至成化弘治天下無事戶口蕃息故老嘗爲余言龍坪編戶蓋三千七百有奇土著家索千金者不可勝數而遠方富商大賈舟車輻輳廛市浩穰亦漸黃以東沃土也然是時士非績學善屬文不得補學官弟子富人子往往藉省祭儒士冠帶榮其身嘉靖隆慶間秀才知名者鄭弘綱黃白石金太和三先生者方巾大棗行里門里人坐肆者見之咸拱立歲抄富人例致饋餼

脯擔負塞衢巷太和先生捷戶謝使者歲事幸免  
具勞苦鄉里敬登酒一觴益風俗之厚如此萬曆  
中我王父楚濱府君以詩鳴先大夫暨胡太僕用  
科名起家里中駸駸多文學士迨天啟崇禎之際  
學官弟子踰百數矣丙子冬流賊陷廣濟縣城尉  
死事令跳山砦潰者胥走江上賊游騎掠江江上  
人逃江南中洲居焉壬午癸未賊愈熾左良玉兵  
躡沿江州縣縣有兇人聚黨倡亂書伍籍脇令鈐  
印令蜀人張登衡恒怯予之印遂白晝殺人祭旗  
蘇士大夫惴惴無人色倉卒立堡以禦之相持莫

居業齋文稿

卷五

二

敢先發會賊退龍坪人渡江北還田里而亂人裹  
甲過江且殺人事露伏誅亂乃定當是時大江自  
蘄口注潯陽潯勢如海甲申馬阮亂政左良玉  
聲言興晉陽之甲順治乙酉三月由武昌放兵下  
金陵舳舻相屬五百里火兩岸民居光燭天夜如  
晝居人竄匿太白湖關闌為墟江干數百里灌莽  
長隄馬踏成坑塹而中洲亦灰燼矣丙戌丁亥里  
人伐竹誅茅為廬生聚十年屋始用陶瓦時沿舊  
制豐廩鎮加蠲復士於是蒸蒸嚮學館穀有歲至  
百金者伏臘宴會隣曲洽比民俗歸仁焉南漕倉

厥瀕江里胥因緣蠶食又鄉保千長僉點居民稍  
胥侵牟為溪壑居民患苦之康熙甲子以後奉文  
徵里甲易民乞為官兌又罷千夫長民稍安堵然  
江身東北涸秋冬財一衣帶挾不容舸市無商賈  
貿遷一遇歲祲則艱食者十室嘗四五比年饑日  
甚細民惰窳亡聊而操觚翰為童子師者終年佔  
畢一童子奉不能滿千錢筐篋觴豆比戶闕如也  
傳曰倉廩實然後知禮節民生可念哉舊郡志廣  
濟凡七鄉四鎮有黃岡人應府檄更修耄而荒簡  
編刊落四鎮書其二而龍坪土名逸矣後之人又

居業齋文稿

卷五

三

安知所謂鴻臚洲乎連城港古通黃梅歲久堙塞  
明正統時濬之以行兩縣舟楫連城山有砦元末  
盜起邑人楊普銘保聚鄉井後歸明南有女兒城  
或曰漢樊噲女築按登壇必究書載江防信地南  
岸自城子鎮起下至馬當北岸自龍坪鎮起下至  
沙灣角異時江湖羣盜如劉少溪輩過龍阮武穴  
輒就擒是地勢實為吳楚要害然則曹成王立功  
於此蓋亦地勢便也

重建牛肝嶼神祠碑記

廣濟瀕江之山載水經注者曰長風曰積布積布

磯與隔江下山磯對載縣志圖而馬口有磯志曰  
牛肝土人相傳爲牛關舊有神祠云康熙三十四  
年春三月司檄行郡縣畧曰蘄州所屬廣濟縣有  
牛肝磯兩岸峭壁波中暗石纍纍激湍爲危險第  
一舟行觸石往往傾覆操舟攫物者視人命爲兒  
戲可爲寒心近見黃州通判董某道士汛守備梁  
某蘄州知州張某州衛守備陳某會議捐貲於江  
邊鑄鐵索使操舟而過者得以用力挽拽並造救  
生船二以備不虞議於磯旁立祠招僧居住膳給  
有貲使昕夕瞭望此事行真萬世利遠近軍民其

居業齋文稿卷五

四

悉知州郡諸大夫與營衛諸君樂善之意急圖之  
無忽於是有人隆智思構祠於磯上祠成置田  
若干頃歲供牽纜之具通判爲募疏以始其事工  
垂竣知縣事四川劉令又趣之田家鎮翟生田生  
以落成有日屬爲之記勒諸祠中按碑記舊祠構  
於明天啟七年丁卯以秋八月告成當是時宗藩  
之國所過郡縣辦絲帳行殿戲廠民供億殊苦官  
吏縮項虞譴責縣令雲南張侯燮任請于武昌司  
李鄧來鸞曰公能速王舟行使不擾吾境乎鄧乃  
祭江禱東南風已而王舟自龍坪江揚帆徑過馬

口須臾出境去令難香拜曰神力也會扈行兵部  
呂尚書感宵夢心動捐俸營建是祠而藩王宮眷  
聞之亦解橐中裘相伙助張侯伐石紀其事歲久  
祠圯而碑亦漫漶矣今紀新祠營建緣起以志憲  
使郡縣諸大夫不忍人之善政因念神之捍患禦  
災今猶古也書厥梗概俾僧大書深刻於石以垂  
不朽焉祠工始于康熙某年某月某日成于康熙  
乙亥某月某日捐輸銜名具在碑陰

重脩白湖渡橋碑記

居業齋文稿卷五

五

黃梅縣西南三十里有白湖渡蓋孔道也先是渡  
口有橋明成化丁卯縣令樂平進士朱君璧率縣  
人創建之郡守徐君霖爲之記崇禎壬午流寇亂  
縣人斷道以禦之橋遂廢

皇清順治十年重建歲久又圯邑令張侯憫念行  
旅病涉捐俸以爲士大夫倡士大夫翕然協應鄉  
耆里老捐助惟恐後於是鳩工伐石屬北平行僧  
貞一董其事鄉人趨事者佐之工垂竣請記於余  
黃梅余隣壤也誼不可辭按水經江水東過下雉  
縣北刊水從東陵西南注之又東左得青林口鄧  
道元注青林水分爲二水一水東流通大雷一水

西南流注於江蓋東通大雷之水逕梅壤之太白湖匯爲巨浸白湖屬太白支派瀾漫潯潯固其所也渡當南北之衝凡驛傳租稅商旅非此塗莫達春夏漲濶渡以小舟舟弗任載往往覆溺秋冬水落泥淖彌望徒涉者次且不前不有橋也其何以濟唐六典天下造舟之梁四石柱之梁四木柱之梁三巨梁十有一皆國工修之其餘皆所管州縣隨時營葺是則有司之政務此其大者然非有明濟開豁之才則逡巡不肯爲非政通人和百廢具舉又勿遽不暇爲夫車輪阻絕行李患苦道路嗷

居業齋文稿

卷五 記

六

嗷而長吏若罔聞知者可勝數哉是役也於公帑無毫髮損而周道如砥星輶之使者方軌以行漕糧輓輸絡繹而達于水次東西南北之車牛任載負戴貿遷者至此無須臾之留滯其利溥哉張侯咨諏民隱殷殷以興除爲務而又倡此大工爲百世利數年來省視勤勞如一日工成而後即安其賢於人也遠矣橋長可二十丈濶丈八尺高丈八尺下爲三孔以通舟楫石之費大約白金七百兩灰百五十兩椿費如灰傭五十兩隄築之費如傭欄百八十兩面石百四十兩工始於康熙某年某

月某日訖于某年某月某日凡四載而橋成官紳士庶捐助錢穀之數首事名氏別珉具載張侯雲松字壽南山西祁縣人康熙壬戌科進士監修者縣丞加一級李君詮字衡侯廣東潮州人也勞而有成例得備書以告來者

楚東江閣記

湖廣地載在圖經凡六千里而東南之界於九江者爲龍坪龍坪古鴻臚洲地蓋山川之氣蜿蜒縵結亦久矣瀕江有閣則自今歲始閣之高以尋計者五廣如之修亦如之壓水而基欲其母蓄也郭

居業齋文稿

卷五 記

七

以石石穿土深入欲其母也郭以杙用松幹爲之杙周圍繚繞若垣墉然欲其母凝也羃厥顛與土埒凡礱斲之工畚鍤之工繩削之工日有備月有備費具別珉輸白金錢米氏名纖悉都載工肇於某月某日至某月某日而竣余不佞齒於鄉誼當記諸石按水經江漢合於翼際峰下潯沅而東也右得山曰西塞曰釣童水小潯左得齊昌之斬口廣濟之青林口水小渚青林一水東通大雷支爲湖一水南注於江匯於潯陽九派龍坪負湖而抱江奔湍駭浪江之南朔涯際遂濶古有江心寺



李太白詩所謂手可摘星辰者也蔡山小刹今沿舊名而江心澤洞則蟄龍所宮矣形家往往言龍坪之閣於東南隅也宜興議胥協從刊水移置焉是役也趨事赴工捷於鼙鼓於是知人之可與有爲也前朝萬曆中江漢書院之會庸言懿行籍籍入口由今視昔將毋同乎登斯閣憑檻以思冠蓋聞閭相望庠塾誦讀聲比屋相聞猶有先哲之遺風焉若乃農贍蓋藏賈裕泉貨肆鮮奇技淫巧之工巷無吹簫拊劍鬪雞走狗之徒月吉讀法古聞師黨正之規尚有存者郡縣大夫行部輒稱龍坪居業齋文稿卷五

西陵書院碑記

翟君漸齋之爲政也大都以風俗人才爲先務風俗欲其樸邀而厚人才欲其湛深經術而有體用以待庸於世君子以爲知務矣翟故聞喜著姓君治周易成康熙壬戌進士知廣西賀縣課最入於部矣部議以君任拊循用出知麻城縣事除目下而君色喜或問其故對曰先伯考方伯公之澤在楚楚人至今思之麻城岩邑也承乏專城採與於故光遵循方伯公憲章而行之幸甚

子又以爲知政本矣方伯公諱鳳翥起家順治丙戌進士累官藩吾楚楚人不以官稱也僉曰象陸先生則以江漢書院之教公大有造於楚也歲在己亥洞開書院以課士檄徵督學使者所取前一人入院肄業當是時余亦與焉公雞鳴入院日晡而返試牘彙手丹黃甲乙之其與多士言嘗舉宋范文正公司馬溫公居家立朝故事梳櫛貫穿而申之以勸勉楚人由是蒸蒸向學遠近聞風者踵武解舍至不能容則庇材鳩工以廣之庚子賓興之盛近古所未有也到于今垂四十年而楚之舉居業齋文稿卷五

於鄉顯名於南宮者往往多公門下士蓋公教化之廣遠有如此今君能繼厥志以施於一邑諺曰源遠則流長有以哉麻城先賢如鄒中丞之清德梅司馬李冢宰之經濟焜燿寰宇麟經風號多專門名家鄉舉之領解額者後先相望吏於是者振興樂育取士膠庠猶采木於鄧林焉君日與縣人學行剴切於是乎有西陵書院之建余聞而逾喜之也麻城岩邑也令三晉故家子也縣治棟宇無增於舊而以書院聞將人才起而風俗因之移易焉詩曰夙夜匪懈靖共爾位其是之謂歟余是以

屈落成之期而爲之記君名鴻儀漸齋其字余壬戌同門友也

### 讀經後記

易書詩贊修刪定於聖人而春秋則其所筆削也孝經則口授於門人者也前史藝文志俱以孟子入儒家陳直齋書錄解題始同論語入經類馬貴與經籍攷從之今則並爾雅三禮三傳附易詩書孝經論語爲十三經矣秦火後易以卜筮獨存惟失說卦三篇至漢宣帝時河內女子發老屋得之其書爲孔氏之舊無復可疑中間更費直鄭玄王

居業齋文稿

卷五

十

弼諸儒紛更不過離合經傳耳至程傳朱本義既行而論已定歐陽永叔之疑文言陸象山楊慈湖之疑繫辭至有明郝楚望何玄子且信後天圖而不信先天圖抑何其喋喋也漢藝文志尚書古文經四十六卷經二十九卷二十九卷者伏生今文也四十六卷張霸古文也漢儒止治伏生書而張霸古文至成帝時已黜及梅賾二十五篇之書出稍有証驗又有孔安國傳及序世遂以爲真孔壁古文也唐初孔穎達等從而爲之疏義自是孔義五十八篇行世至天寶三載詔衛包直改古文爲

居業齋文稿

卷五

上

今文宋蔡沉作書傳則復合序篇於後明胡廣等大全從之萬曆甲午司農部葉春及疏請乘小西飛封欵之使檄彼國揆尋三代以前古書馳獻闕下蓋以秦始皇二十六年遣徐福入海求神仙福得童男女數千人又載珍寶圖籍以往而古文尚書亦在倭徐福種也故宋歐陽永叔嘗作倭刀歌有曰徐福行時書未焚遺書百卷今尚存是秦火後行世者五十八篇而大聖人手定全經百篇乃攘竊於徐福入海之年矣要亦未知其信然否也詩有韓齊魯燕凡四家毛詩最後出而獨傳益毛貫穿先秦古文其釋詩與金縢孟子左傳國語儀禮有合河間獻王深知其精以爲漢初諸儒所未見之書而毛說先與之合故謂之源流子夏也至朱子集傳始改其說而胡廣大全主之詩序之作或以爲孔子或以爲子夏或以爲國史皆無明文可考馬端臨曰朱文公之解經於詩國風抵斥尤多以愚觀之書序可廢也詩序不可廢也就詩而論雅頌之序可廢而十五國風序不可廢也鄭漁仲曰小雅大雅者隨其音而寫之律耳變風變雅之說夫子未嘗有益詩之次第皆以後先爲序而

非正變之謂也二家之論如此亦學人所當參伍而折衷者乎春秋古經雖漢藝文志有之然夫子所修之春秋其本文世所不見而自漢以來所編則從三傳中取出經文耳漢初公穀鄒夾凡四家厥後惟公穀立於學官左氏最後出而最傳則劉歆杜預之力爲多云禮古經出於淹中河間獻王獻之凡五十六篇惟十七篇與高堂生所傳不殊而字多異世所傳儀禮也張淳謂漢初未有儀禮之名賈公彥云儀禮與周禮同是周公攝政六年所制鄭漁仲言三禮之學所以訛異者其故有四

居業齋文稿

卷五

記

主

有出於前人之所行而後人更之者有出於聖門而傳之各異者有後世諸儒損益前代自爲一朝之典者有專門之學各自名家而以臆見爲先代之訓者考亭朱子以兩言槩之曰儀禮禮之根本也禮記其枝葉也周禮一書劉歆善之蘇綽王通善之至王安石用之而亂天下矣要豈書之罪哉爾雅初不著撰人名氏郭璞序亦第稱其興於中古隆於漢代而已至陸德明始謂釋詁爲周公所作其說蓋本於魏張揖上廣雅之表云朱子語錄曰爾雅是取傳注以作後人却以爾雅証傳注矣

孝經一書顏芝藏之於秦火之日長孫氏張翁后倉翼奉張禹得之以名其學孔安國爲之傳劉向爲之校讐鄭衆馬融爲之注至唐明皇自注元行冲造疏頒行天下宋咸平中詔邢昺杜鎬等撰正義人到于今與語孟並童而習之矣要而論之經學之在天下大明於有宋一代諸大儒周之太極易通爲之首張之西銘程之傳朱之本義集注啟蒙邵之皇極經世繼之蔡九峰之洪範皇極西山之律呂新書呂東萊之近思錄真西山之大學衍義又繼之日星燦而江河流矣而漢唐以來諸君

居業齋文稿

卷五

記

主

子孜孜捃拾存亡繼絕之功亦烏可少哉明西亭宗老嘗得李鼎祚周易集傳鐫板行世又爲諸經序錄凡爲經之傳注訓詁者皆載其序文使世之學者不得見其書而讀其序固已知其所以爲書之意歸震川序之有曰唐人崇進士之科而經學幾廢本朝學校科舉之格不免有唐世義疏之弊有味乎其言之也嗟乎學者苟不安於寡陋而欲閱覽博物舍窮經奚由哉

讀史後記

夏殷以上左史記言右史記事周則太史小史

史外史御史分掌其事而諸侯之國亦置史官  
秦漢之先王之典其存漢武帝時始置太史司  
馬談爲之以掌其職時天下計書皆先上太史副  
上丞相談乃据左氏國語世本戰國策楚漢春秋  
接其後事成一家之言其于遷又爲太史令嗣成  
其志創爲義例上自皇帝迄於炎漢撰成十二紀  
以序帝王十年表以貫歲月八書以紀政事三十  
世家以序公侯七十列傳以志士庶上下三千餘  
載凡爲五十二萬六千五百言遷沒後缺景武紀  
禮樂律書三王世家漢興以來將相年表日者龜  
石業齋文稿 卷五 記

永傳新削列傳十篇元成間褚少孫追補及並以  
武帝後事辭旨淺陋非遷本意也後漢玄武司馬  
班固續司馬史記撰十二帝紀八年表十本志七  
十列傳起高祖終於王莽之誅凡八十餘萬言然  
始元而前馬遷先之始元而後固父彪成之自昭  
至平六世資於賈逵劉歆復有陳宗尹敏孟異之  
徒共之而八表天文志則所補也固書實無幾耳  
爲後漢史者有謝承薛瑩司馬彪劉義慶華嶠謝  
沉袁山松七家其前又有劉珍等東觀記至宋范  
蔚宗乃刪取衆書爲一家言撰十帝紀八十列傳

初令謝靈運撰志未成而蔚宗伏誅晉秘書監河內  
司馬彪紹統補撰梁刻令平原劉昭補注於魏  
車服尤詳云三國志晉陳壽撰魏四紀二十六列  
傳蜀十五列傳吳二十列傳宋文帝嫌其畧命  
松補注博采羣說其多過本書數倍矣唐貞觀中  
以何法盛等十八家晉史未善詔房喬與褚遂良  
許敬宗等再加撰次乃據臧榮緒書增損之後又  
命李淳風李義府李延壽等十三人分掌著述敬  
播等四人考正類制西晉四帝五十四年東晉十  
一帝一百二年又五凉四燕三秦二趙夏蜀十六  
居業齋文稿 卷五 記

國劉據中原共成帝紀十志二十列傳七十載記  
三十例出於播天文律曆淳風專之喬以宣武紀  
陸機王羲之傳上所自爲故曰制旨又總題御撰  
焉梁沉約撰宋書十本紀三十志六十列傳齊永  
明中約奉詔爲是書以何承天書爲本旁采徐爰  
之說以成之蕭子顯撰南齊書八紀十一志四十  
列傳唐姚思廉撰梁書六本紀五十列傳又撰陳  
書六本紀三十列傳北齊魏收撰後魏書十二紀  
十志九十二列傳唐李百藥撰北齊書本紀八列  
傳四十二令狐德棻撰周書本紀八列傳四十二

魏徵等撰隋書紀五列傳五十五長孫無忌等撰志志高宗時始成上總梁陳齊周之事俗號五代志云李延壽撰南史八十卷北史八十卷延壽父太師嘗謂宋齊追周隋分隔南北欲改正擬吳越春秋編年未就而卒延壽後依司馬遷體總敘八代北起魏盡隋二百四十二年南起宋盡陳百七十年爲二史刪煩補闕唐高宗嘗善其書爲之序序今缺矣唐書唐章述撰因吳兢唐史舊本自創業訖於開元刊去酷吏傳爲統志列傳一百一十二卷至德乾元以後史官于休烈增肅宗紀二卷

居業齋文稿

卷五

七

而史官令孤昶等復於紀志傳後隨篇增補而不加卷帙石晉宰相劉煦因章述舊史成帝紀二十列傳一百五十較之實錄多所缺漏又是非舛錯至以韓愈文章爲大紕繆宋嘉祐中奉詔別定歐陽修撰紀志宋祁撰列傳舊書約一百九十卷新書約一百七十四卷而其中增表故書成上於朝自言曰其事則增於前其文則損於舊也開寶中詔修梁唐晉漢周五代史盧多遜扈蒙張洎李昉劉兼李穆李九齡同修而宰相薛居正監修焉歐陽修以薛居正猥煩失實重加修定藏於家修沒

後朝廷聞之取以付國子監刊行今所傳五代史記也宋史本朝凡三書太祖太宗眞宗曰三朝呂夷簡等撰仁宗英宗曰兩朝王珪等撰神宗哲宗徽宗欽宗曰四朝嘗專付曾鞏使合之曾鞏以憂去淳熙中洪邁奉詔修成三十餘卷矣而有永思攢宮之役尤袤以高宗實錄爲辭請權罷史院於是遂已迨元世祖立國史院首命王鶚修遼金二史宋亡又命史臣通修三史延祐天曆間屢詔修之以義例未定竟不能成順帝至正三年命脫脫爲都總裁鐵木兒塔識張起巖歐陽玄呂思誠揭

居業齋文稿

卷五

七

奚斯爲總裁官修之或欲如晉書例以宋爲世紀遼金爲載記或又謂遼立國先於宋五十年宋南渡後嘗稱臣於金以爲不可待制王理者著三史正統論欲以遼金爲北史太祖至靖康爲宋史建炎以後爲南宋史一時士論雖知宋爲正統然以元承金金承遼之故疑之各持論不決詔遼金宋各爲史發凡舉例論贊表奏多玄筆焉明洪武二年詔宋濂王禕總修元史徵逸士汪克寬胡翰宋禧陶凱陳基趙增曾魯高啟趙訪張文海徐尊生黃箎傅恕王綺傳著謝應爲撰修官而筆削則濂

禘之力爲多云蓋自仲尼既沒諸子百家各以空言著書至於歷代實迹無所統繫惟司馬氏通黃帝堯舜至於秦漢勒成一書使百代而下史官不能易其法學者不能捨其書六經之後惟有此作故謂周公五百歲而有孔子孔子五百歲而此書繼之其自任之重如此班固識其論大道則先黃老而後六經序游俠則退處士而進姦雄述貨殖則崇勢利而羞貧賤後世之論遷者多以此說爲不然遷特感當世之失有所激而寓之於言不察其心而驟議之過矣蘇轍古史言馬遷淺陋粗疎

居業齋文稿

卷五

大

而東萊呂氏惡之其言曰太史公之書法微而顯絕而續正而變措意深遠寄興悠長文見於此而起義在彼若魚龍之變化不可得而蹤跡讀者可不參考互觀以究其大指之所歸乎噫之言也乃善於讀史者也史記一書功在十表猶衣裳之有冠冕水木之有本源固乃以古今人物照立差等重複駁亂且謂漢紹堯運自當繼堯則無稽之論也史記之太史公曰者皆史之外事不爲褒貶間有褒貶者褚先生之徒襍之耳紀傳直書善惡足爲監戒何必於後更有贅詞後之史家或謂之論

或謂之敘或謂之讚或謂之評則皆固啟之矣然漢書規模閎整猶後來莫能髣髴若蔚宗自謂體大思精序論筆勢縱放往往不減過秦論嘗以此擬班氏非惟不媿而已而世多譏其創爲皇后紀及採風俗通中王喬抱樸子中左慈等詭譎事列之於史又贊辭佻巧失史之體矣陳壽身爲蜀人徒以仕屢見黜父爲諸葛亮所髡遂以魏爲帝而儕漢於孫氏其死未幾習鑿齒作漢晉春秋起漢光武終晉愍帝以蜀爲正魏爲篡謂漢亡僅一二年則已爲晉廬陵蕭常起昭烈章武元年辛丑盡

居業齋文稿

卷五

九

少帝炎興元年癸未爲續後漢書張枋經世紀年直以先主上繼獻帝而附魏吳於下嗚呼一人之私意其能蓋萬世之公論乎晉史叢冗又采語林世說幽明錄搜神記悠謬之言宋書本志兼載魏晉失於限斷南齊天文但紀災祥州郡不著戶口較諸前後漢其風日下豈材固不可強耶思廉以謝顧諸書綜括爲二史以卒父業其書成之甚難而久不顯及宋興已百年始得列於學官魏收德揚休之助謝以佳傳納爾朱榮子之金爲減其惡穢史之稱流傳千載矣百藥父德林在齊嘗撰著

紀傳貞觀初因續成以獻諸史稱帝號百藥避唐  
朝名諱獨不書世祖世宗之類例既不一識者少  
之武德中德業建言近代無正史有詔分修久莫  
能就貞觀二年復詔修定德業與岑文本崔仁師  
次周史李百藥齊史姚思廉梁陳史魏徵隋史房  
喬總監是周書成於德業而數朝修撰之原亦自  
德業發之也隋志極有條理可以無憾蓋五代南  
北兩朝紛然淆亂豈易貫穿而讀其書則了然在  
目良由當時區處得人顏孔通古今故令修紀傳  
而十志付之志寧淳風輩是以綱舉而目張也

居業齋文稿

卷五

三

齋陳氏謂延壽南北史龔得作史之體司馬溫公  
亦曰延壽之書亦近世之佳史也唐書之成也歐  
宋各著名銜上之舊例止署官高一人宋祁感其  
退遜然紀用春秋法不失簡古而列傳字多奇澁  
然則歐殆不滿於宋名銜之著亦用以自表異耶  
五代史紀發論必以嗚呼其意曰此亂世之書也  
於諸臣之止事一朝者曰某臣傳其更事歷朝者  
曰襍傳尤足以爲世訓然不爲韓通立傳識者有  
以見作史之難而又歎五十二年君若臣無赫赫  
可紀之聲跡雖有良史才亦莫如之何矣宋史然

弱事之首尾人之顛末逾繁逾晦望之如黃茅白  
葦自有史冊以來無如此者金史頗稱簡雅遼元  
又無譏焉

記古人姓名

昔大衆陳彭年便殿賜坐定謫問曰墨允墨智何  
人對曰伯夷叔齊也問見何書曰春秋少陽詔令  
秘閣取書書至彭年曰於第幾簡尋閱果得之蓋  
允字公信智字公達云古人姓名字有不載正  
史本傳而襍出於書疏記注家者如蒼頡姓侯剛  
氏見古篆文注許由字仲武見莊子釋文墨胎中

居業齋文稿

卷五

三

子名伯遼見周曇詠史詩注仲雍字孰哉雍古褒  
字褒熟食也故字孰哉孰古熟字也見索隱注子  
產一名美春秋襄公二十五年傳莊周字子休列  
子注孫叔敖名饒計然姓辛氏字子文或曰研或  
曰計倪索隱注王良字子期韓非子曰爲趙簡子  
御杜康字仲寧魏武短歌注鬼谷子姓王名訓續  
列仙傳陳仲子字子終皇甫謐高士傳范蠡字少  
伯呂覽高誘注漢高祖父太公名崑或曰蠡字就  
嘉後漢書注及皇甫謐帝王世紀高祖兄仲名  
曹參字敬伯申公名培並史記注項伯名鏗字伯



漢書注叔孫通名何楚漢春秋四結東園公姓園  
名秉字宜明陳留志襄邑人常居園中故號園公  
夏黃公姓崔名廓字少通鄴志綺里季姓朱名暉  
字文季角里先生姓周名述字原道並皇甫謐高  
士傳壺關三老姓令派名茂荀悅漢紀楊王孫名  
貴西京雜記伏生名勝字子賤西漢碑文翁名黨  
字仲翁歷代小誌揚雄所稱李士元者名弘蜀秦  
史傳注鄭子真名樸嚴君平名遵漢書王貢兩龔  
傳注張宗字諸君杜茂字諸公陳忠傳注公孫弘  
字次卿漢書不載而鄒長倩與弘書有次卿足下

居業齋文稿

卷五

五

勉作功名語施延字君子後漢書注河伯姓馮名  
夷字公子聖賢冢墓記並秦宗新祠頌衛夫人名  
鑠字茂漪翰墨志汲冢書汲縣耕人於古冢得之  
耕人姓不字讀作彪其名准秦方士徐市又作  
徐福非有兩名也市乃古散字漢時未有翻切但  
以聲相近字注其下後人讀市字作市厘字故疑  
福爲別名耳蔡邕父名稜字伯直後漢書注傳奇  
戲文蔡從簡杜謨無稽矣諸如此類不可勝數余  
讀古文褒異何燕泉餘冬序錄楊升菴集璣綴之  
又旁撻博引以見讀書人見聞不可自盡也古人

名字大都義相表裏聖門端木氏字子貢蓋自上  
而下曰賜自下而上曰貢也卜商字子夏仲由字  
子路皆相表裏餘可類推已古人往往有一言字  
者大夫種姓文字禽張釋之字季袁益字絲朱雲  
字游鄭當時字莊畦弘字孟之類是也張晏曰匡  
衡少時字鼎故諸儒語曰無說詩匡鼎來後乃字  
桂圭耳古人之字子也循名責實唐元次山子長  
叔閑呼爲直者次叔靜呼爲正者宋老蘇字長公  
軾曰子瞻次公軾曰子由於字說寓家訓焉明歸  
太僕不喜人稱號問之則曰有光字熙甫固請之

居業齋文稿

卷五

五

漫應曰震川已而聞信陽何進士出圖號與相符  
乃自述緣起明其非有意於號也今則人人而號  
矣公卿大夫固然然稱者止用一言而以翁字老  
字足之甚矣人之好諛也

願廬記

金子爲學官於郢四年矣署故湫隘不可以居風  
雨霜雪几榻沾濡當是時雖歌聲聞出金石而意  
興不屬蕭如也康熙丁巳秋于役荆南漢江旬日  
兒子啟洛構茅廬遠成高不盈丈廣八尺許縱亦  
如之前移植脩竹數竿松四本秦魚盆石累土成



花塢卸人士園卉次第羅而致之日夕讀經史三  
六九日學作制舉文字點竄之餘稍稍示以周程  
朱子微言及昌黎廬陵眉山諸大家之法會友人  
遺余杜集丹黃諷詠油油乎甚適也一日兒子欲  
圖所以名是廬者且乞客山毛叟法書以額之適  
讀王充論衡至厯與憲同廬之句則告之曰古有  
之矣樓曰竹閣曰芝堂曰浣花亭曰喜雨臺曰超  
然齋曰君子舫曰浮家泛宅皆寓言也古人意之  
所到筆輒隨之余其名此廬曰願廬乎兒唯唯遂  
書之

居業齋文稿

卷五 記

五

李岩瞻雪堂記

客有從沙羨來者爲余道教諭岩瞻先生起居曰  
先生築書屋三間於明倫堂左方擁書可萬卷筆  
床研匣酒壘茶鐺棐枰皆古物堂前襍植花卉凡  
數十種玉蘭叢桂則韓大令所貽也先生日課丈  
夫子三人牋毛詩注古文暇則含飴哺孫係羅立  
先生心樂之其屋之落成也顏曰雪堂余曰昔鄭  
虔官廣文少陵猶曰坐寒無氈賴蘇司業予酒錢  
耳若州郡俸入薄其冷愈甚明時桑悅民憚之諭  
泰和也連宵旦雨舍圯守妻子不得候上官今

甚矣沙羨先生舍不圯足矣顧能堂乎且孰與登  
斯堂也客曰沙羨人士踏踵來戶常滿余曰學官  
期得士耳桑民憚於泰和得徐威者領弘治壬子  
鄉薦授鄭西諭取桑古賦字棘家不能旬者爲之  
疏通箋注以傳若沙羨得士豈一徐威乎先生不  
貧矣且夫雪至潔也昔人赤腳上嵩嶽峰大叫曰  
徧天地白玉和成使人心膽澄澈登斯堂也塵襟  
滌矣客曰善請以是爲雪堂記余脫囊界之先生  
姓李氏名必泰余中表兄鄉舉齊年者也

居業齋文稿卷五終

居業齋文稿卷五 記

五

考

朱陸異同考

朱陸之有異同也其始於鷺湖之辨歟曰不自鷺湖始也陸子美開端刺譏溪無極太極爲老氏之學而晦菴則表章濂溪者也此其異者一陸自艸角時聞伊川語輒有如或傷我者謂人曰伊川之言奚爲與孔孟不類而紫陽以爲明道語猶渾淪超邁學之無可依據不如伊川之論確實精密耐

居業齋文稿

卷六

學人咀嚼也此其異者一子壽子靜原本伯兄與晦菴格物致知之說爭源分流學者從之遂分徑路此其異者一陸學主於求放心或勤之著書輒曰六經註我我註六經考亭本涵養在敬進學在致知之指而萼萼以羽翼六經四子爲已任發揮研索惟日不足也此其異者一然而象山之言曰建安亦無朱元晦青田亦無陸子靜考亭之言曰南渡以後著實理會者惟某與子靜而已由斯以觀則是兩先生者異而未嘗異也然觀子靜之言軍同曠達焉耳而朱子於講說喻義一章則動容

歎服至請筆之於簡受而藏之忠信篤敬有交友之誠焉朱陸之氣象亦於此可見矣陸氏兄弟崛起其學鮮所師承而朱子不然蓋宋學以濂洛閩闡爲宗閩以朱爲宗朱以楊中立爲宗中立受學於明道比歸明道送之曰吾道南矣中立一傳而有羅仲素再傳而有李愿中三傳而爲朱子而籍溪胡原仲白水劉致中屏山劉彥冲皆朱子父執也遵道命事之聞道最早蓋朱學之元元本本如此兩家門弟子皆有可觀陸門高弟有袁燮沈煥曹建舒璘之屬然楊敬仲獨以不起意爲宗至詆

居業齋文稿

卷六

思孟爲小覺捐棄經典師心自用猖狂放恣於是乎極矣朱門則有蔡元定質行篤學文公稱爲老友而尚書之集傳洪範皇極之數沉也著之至於黃幹李燾張洽廖德明葉味道李方子詹體仁陳淳傅伯成徐僑輔廣楊復黃灝石子重之徒亦皆恂恂規矩不敢放言高論以之乎宏佚之域焉其學之傳人又如此善乎清瀾陳氏之論曰朱子未出以前蘇子瞻以佛旨解易游定夫以佛旨解論語王安石張子韶以佛旨釋諸經程門諸子以佛旨釋中庸呂居仁以佛旨釋大學自朱子出而後

諸家之論皆廢由此推之六經非得朱子六經之  
精不明佛學非得朱子佛學不息宋世禪學非得  
朱子禪學無所折衷然則朱之與陸安得謂無異  
乎哉蓋嘗論之由孔子而後曾子子思得其微至  
孟子而始著由孟子而後周程張子繼其絕至朱  
子而始著孔子得唐虞三代之道法文章乃可以  
任刪述朱子得濂洛關中之師弟議論著述乃可  
以成傳註是故集羣聖之大成者孔子也集羣賢  
之大成者朱子也學者誠有志於道由朱子以溯  
乎周程張子由周程張子以溯乎六經四子致力  
居業齋文稿

卷六

三

氣盈朔虛考

古迎日推測自黃帝始也以閏月定四時成歲自  
帝堯羲和之命始也在璿璣玉衡以齊七政自帝  
舜受終文祖始也夫占候之法東西朔南鳥火星  
昴析因彛燠孽尾希華琬訢俯仰觀察無弗及焉  
聖人之敬天勤民其謹如此或曰曆者歷也人之  
推步有常而天與日月星辰之所歷者變動不一

是故太虛三百六十五度四分度之一天與日月  
星辰歷乎其中而晝夜之行或遲或速周天之日  
或多或少星辰之遲留疾速見伏順逆或合或不  
合日月之晦朔弦望盈虧交食或應或不應節氣  
之虛盈消息寒暖雨暘或符或不符三代後曆法  
不同其閏法亦從而異焉秦用顓頊曆以十月爲  
歲首遇閏年即閏九月謂之後九月蓋取左氏歸  
餘于終之意漢初因之至太初曆乃用夏正建寅  
洛下閎言數百年後當差一日理有必然五季時  
戴法興祖冲之互相彈駁然自冲之大明之曆成  
居業齋文稿

卷六

四

始悟太陽亦有歲差之數自是歲差法言人人殊  
使五十年退一度者虞喜也倍其年者何承天也  
取二家之中數爲七十五年者劉焯也唐開元麟  
德曆書推步漸疎敕僧一行改造是爲大衍曆一  
行曰夏四百三十二年而日差五度商六百二十  
八年而差八度自宗周至春秋之季亦差八度於  
是乎有曆本之議曰交會也交終也朔差也望差  
也陽曆陰曆也有中氣之議曰歷氣始於冬至取  
諸晷景也有合朔之議曰日月合度謂之朔無所  
取之取之蝕也有九道之議曰日有中道月有九

行中道黃道也有五星之議曰歲星自商周迄春秋之季率百二十餘年而超一次也嗚呼一行之法密矣宋則蔡元定邵雍之論又加密焉而論者以爲堯夫差法冠絕古今元用郭守敬作簡儀高表所考正者凡七事曰冬至曰歲餘曰日躔曰月離曰入交曰二十八宿距度曰日出入晝夜刻所創法凡五事曰太陽贏縮曰日行遲疾曰黃赤道差曰黃赤道內外度曰白道交周自守敬上訴干一百八十二年曆經七十改其初法者十有三家及守敬又加密焉然法愈密而差愈多者何也象

居業齋文稿

卷六

五

山陸九淵之言曰曆家所謂朔虛氣盈者以三十日爲準耳自前合朔至後合朔不滿三十者曰朔虛一節一氣共三十日有餘分曰氣盈蔡沉之言曰日與天會而多五日九百四十分日之二百三十五者爲氣盈月與日會而少五日九百四十分日之五百九十二者爲朔虛合氣盈朔虛而閏生焉考亭朱熹之言曰閏餘生於朔不盡周天之氣周天之氣二十四氣也月有大小朔不得盡此氣而一歲之日足矣故置閏焉黃瑞節曰一歲日行多五日又五百三十五分一歲月行少五日又三

百九十二分將日行所多合月行所少通得十日又八百二十七分一歲之閏率也三歲一閏合三歲之間日行所多月行所少通得三十二日又六百单一分也五歲再閏合五歲之間日行所多月行所少通得五十四日又三百七十五分也十九歲七閏合十九歲日行所多月行所少通得整日一百九十九又每歲餘分八百二十七十九年共得一萬五千七百一十三以日法九百四十分而一除之得十六日猶餘六百七十三分並一百九十九通二百单六日又六百七十三分也凡二十九

居業齋文稿

卷六

六

日零四百九十分爲一月恰是七閏月之數所謂氣朔分齊者十九年合氣盈朔虛得二百单六日不盡六百七十三分也七閏月亦二百单六日不盡六百七十三分氣之分與朔之分至十九年而皆齊此所謂氣朔分齊而冬至定在十一月朔是謂至朔同日乃一章也昔伊川程頤曰曆象之法大抵主於日日一事正則其他皆可推蓋當由是說而思之日者陽之精天之用月與星辰之宗也故日躔定則天與星辰歲時月日無不定矣今試因中星以知日躔因日躔以定節炁因日躔入

而爲年因日與月會而爲月節節察日月月察斗  
季季察中星按今歲之冬至爲來歲之曆元則三  
歲一閏五歲再閏十有九歲七閏氣朔分齊是爲  
一章焉若三年而失閏則春之一月入于夏矣子  
之一月入于丑矣積之之久至于三失閏則春皆  
入夏矣十二失閏則子皆入丑矣欲以課農桑興  
庶務不亦難乎

文廟祀典考

先師孔子之廟漢祀太牢唐封王爵宋尊稱爲至  
聖元加號曰大成禮恭重矣明興典章儀物逾益  
居業齋文稿卷六

考

七

備焉洪武元年定釋奠儀每歲仲春秋上丁先期  
皇帝齋戒獻官陪祀執事官皆散齋二日致齋一  
日前祀一日皇帝服皮弁服御奉天殿降香至日  
以丞相初獻翰林學士亞獻國子祭酒終獻牲用  
牛羊豕各一幣一白色籩豆各八簋簋各二登一  
鉶二犧尊象尊山罍各一四配位牲用羊一豕一  
幣一白色籩豆各四簋簋各一登一從祀十哲兩  
廡各用籩豆各二祝文曰維王德配天地道冠古  
今刪述六經垂憲萬世茲爲仲春秋謹以制幣  
牲齊奏盛庶陳明薦以克國復聖公鄒國宗聖公

沂國述聖公鄒國亞聖公配四年禮部奏更定儀  
物正位籩豆各十酒尊三爵三餘如舊四配位每  
位羊一豕一酒尊一餘同正位從祀十哲東五位  
共用豕一帛一爵一西五位同東廡五十三位爲  
十三壇共用豕一帛一爵一每壇籩豆各四簋簋  
各一酒盞四西廡五十二位亦爲十三壇與東廡  
同陳設用高案牲用熟樂生六十人舞生四十八  
人引舞二人凡一百一十人擇國子監生及公卿  
子弟在學者教肄之天下府州縣學釋奠儀正位  
酒尊一爵三登一盛大羹鉶一盛和羹籩八實以

居業齋文稿

卷六

八

形鹽藁魚棗栗榛菱芡鹿脯豆八實以韭菹菁菹  
芹菹荀菹醯醢鹿醢兔醢魚醢簋二盛黍稷簋二  
盛稻粱簋一實以帛牲羊一豕一四配位共酒尊  
一各爵三登一盛大羹鉶二盛和羹籩六實以形  
鹽藁魚棗栗菱鹿脯豆六實菁菹芹菹鹿兔魚醢  
籩一盛黍稷一盛稷簋一實帛牲共羊一豕一解  
爲四體十哲位共酒尊一東五位爵五鉶一盛和  
羹籩四實形鹽藁栗鹿脯豆四實菁菹芹菹鹿兔醢  
籩一盛黍稷一盛稷簋一實帛牲用豕一解爲五  
體西五位如之東西廡每四位共一案爵四籩二

實鹽鹿脯豆二實菁菹鹿醢簋一盛黍簋一盛稷  
牲用豕二解爲百五分兩廡各設香案一篚一實  
帛三獻府州縣各以正官行之有布政司則以布  
政司官行其分獻定以本學儒職及老成儒士充  
十哲兩廡一獻祭服則主祭陪祀官與執事者服  
之陪祀儒士用深衣幅巾每歲以春秋二仲上丁  
日行事兩京廟學之制皆南向廟在學之東中大  
成殿殿左右兩廡前大成門門左右列戟二十四  
門外東犧牲厨西祭器庫又前櫺星門嘉靖九年  
更定稱先聖先師不稱王稱廟不稱殿祀用木主

居業齋文稿

卷六

考

九

遵豆用十樂用六佾配位公侯之號削稱先賢先  
儒廟中至聖先師孔子位四配位復聖顏子子淵  
回述聖孔子子思伋宗聖曾子子與參亞聖孟子  
子與軻東西相向稍後先賢閔子子騫損冉子仲  
弓雍端木子子貢賜仲子子路由卜子子夏商冉  
子伯牛耕宰子子我子冉子子有求言子子游偃  
顓孫子子張師亦東西相向東廡從祀先賢澹臺  
子子羽滅明原子子思憲南宮子子容适商子子  
木瞿漆雕子子若開樊子子遲須公西子子華赤  
梁子叔魚鱸冉子子魯孺伯子子析皮冉子子產

李漆雕子欽哆漆雕子子期徒父商子子季澤任  
子子選不齊公子子正良儒奚子子哲容蒧顏子  
子襄祖勾子子疆井疆秦子子丕商公祖子子之  
句茲縣子子祺成燕子子思伋顏子子叔之僕樂  
子子聲欽邾子子欽吳公西子子上輿公西子子  
尚蒧陳子子禽亢琴子子開張步子子車叔乘先  
儒左丘明穀梁赤高堂生毛長公萇杜子春王仲  
淹通歐陽永叔修周茂叔敦願程正叔願張子厚  
載楊中立時羅仲素從彥朱晦菴熹陸子靜九淵  
蔡仲默沉許平仲衡陳公甫獻章王伯安守仁凡

居業齋文稿

卷六

考

十

四十九久西廡先賢宓子子賤不齊公冶子子山  
長公智子季次哀高子子羔柴司馬子子牛耕有  
子子有若巫馬子子期施顏子子柳辛曹子子循  
卹公孫子子石龍秦子子南祖顏子子騫高壤駟  
子子徒赤石作子子明蜀公夏子子榮首后子子  
里虔公肩子子忠定鄒子子家單宰父子子素黑  
榮子子祺旂左子子行郢薛子子徒邦原子子籍  
亢廉子子曹潔叔仲子子期會狄子哲之黑蔑子  
子蔑忠施子子恒之常秦子子之非申子子周振  
顏子子聲噲先儒公羊高伏子賤勝孔子國安國

董仲舒后近君蒼韓退之愈胡翼之瑗程伯淳顯邵堯夫雍司馬君實光胡康侯安國李愿中侗呂伯恭祖謙張敬夫枋真希元德秀薛德溫瑄胡漱心居仁凡四十八人啟聖祠之建也弘治元年吏部尚書王恕疏請十四年侍郎魯鐸復請至嘉靖九年從輔臣張璁議始令國子監及各省府州縣俱立啟聖祠祠正位啟聖公孔子叔梁紇配位先賢顏季路無繇孔伯魚鯉曾子皙點孟公宜漱東西相向從祀先儒程伯溫珣蔡季通元定朱喬年松亦東西相向萬曆二十三年續入周輔成從湖居業齋文稿

於其鄉當是時進王通胡瑗蔡元定以濮議故進歐陽脩天下不以私訾脩而以公許通瑗元定也其請祀而未允者王禕請祀孔顏達范仲淹魏了翁吳澄成化中辛訪請祀何柏王基金履祥許謙乙酉助教李申請祀許謙劉因知府彭宣請祀吳澄丁亥學士劉定之請祀陳澔大學士彭時請祀劉子翬胡宏弘治己未給事中吳世忠請祀呂大臨游酢尹焞黃幹張洽陳淳魏了翁何基王柏劉因弘治戊申禮部尚書周弘謨請祀黃幹輔廣金履祥許謙己未給事中吳世忠請祀吳與弼婁性居業齋文稿

田大年王士性御史黃師顏寺丞李禎詹事沈一  
貫諭德韓世能尚書沈鯉少卿王用汲請祀羅倫  
甲申黃師顏給事中田大年寺丞李禎侍講學士  
周子義左都御史趙錦詹事沈一貫諭德韓世能  
給事中王士性尚書沈鯉郎中唐伯元請祀章懋  
黃師顏韓世能沈鯉請祀黃仲昭光祿寺丞李禎  
請祀曹端御史黃師顏龔一清祭酒張位給事中  
王士性萬象春諭德韓世能侍郎周子義尚書沈  
鯉洗馬陳于陸學士沈一貫郎中唐伯元少卿王  
用汲戊子都御史詹仰庇皆請祀蔡清甲申寺丞

居業齋文稿

卷六

七

李禎尚書沈鯉左都御史趙錦郎中唐伯元蕭景  
訓少卿王用汲請祀羅欽順給事中田大年左都  
御史趙錦詹事沈一貫諭德韓世能尚書沈鯉給  
事中王士性請祀鄒守益乙酉戶部郎中唐伯元  
請祀魏校甲申吏部侍郎周子義左都御史趙錦  
給事中王士性寺丞李禎尚書沈鯉郎中唐伯元  
御史龔一清請祀呂柟祭酒張位侍郎舒化員外  
蕭景訓郎中唐伯元請祀羅洪先乙酉給事中田  
大年詹事沈一貫祭酒張位諭德韓世能郎中唐  
伯元請祀王艮禮部主事劉元卿請祀胡直待詔

瞿九思請祀馮應京是皆以部議參差旋請旋  
太倉王世貞里居私議以為明儒實學實行得大  
儒識者則亡若章文安懋羅文莊欽順有體有用  
得大儒節者則亡若王端毅恕胡居仁吳與弼宜  
專祀於鄉而進王端毅章文安羅文莊於孔廟之  
庶可也凡與居仁與弼例者十人焉學正曹端布  
衣陳真晟脩撰羅倫給事中賀欽郎中莊景布政  
司陳選國子祭酒蔡清御史陳茂烈太常卿魏校  
贊善羅洪先皆可專祀于鄉者也瞿九思言漢諸  
葛武侯亮宋岳忠武飛文信國天祥當從祀聖廟

居業齋文稿

卷六

七

以垂千古附志之以俟後之議禮者采焉

卷六終



辯解說

駁勝辯郭生駁公羊傳一娶九女之說書此以示之

隱公二年冬十月伯姬歸於紀七年春王三月叔姬歸於紀胡氏傳曰叔姬伯姬之姊非夫人也則何以書古者諸侯一娶九女必同時者所以定名分重亂源也今叔姬待年與宗國不與嫡俱行則非禮之常所以書也由斯以觀一娶九女不獨公羊之言爲然矣左氏傳衛莊公娶於齊東宮得臣居業齋文稿卷七

之妹曰莊姜又娶於陳曰厲嬀其姊戴嬀生桓公杜注古者諸侯娶夫人則同姓之國以姊姪媵之戴嬀者厲嬀之姊也由斯以觀姊姪媵嫁不獨公羊之言爲然矣曲禮天子有后有夫人有世婦有嬀有妻有妾公侯有夫人有世婦有妻有妾晉義古者天子后立六宮三夫人九嬀二十七世婦八十一御妻由斯以觀諸侯雖一娶九女亦未爲過矣勝字送女從嫁也又凡送皆曰媵屈原九歌魚鱗鱗以勝予小星之詩維參與昂傳曰參昂比小星爲大蓋以喻姊媵也最氏詩輯云參昂雖大星

然其星非一亦止可喻姊媵夫人一而已言小星之中參昂爲大小星不敢比參昂猶我衆妾不敢比姊媵貴賤有等級也由斯以觀媵之外猶有衆妾明矣江有汜美媵也疏曰媵妾也古者嫁必姊姪從謂之媵士昏禮云無姊媵先言姪若無姪姊猶先媵是士亦有姊媵但不必備耳文王之時江沱之間有嫡不以其媵備數媵過勞而無怨嫡亦自悔也程子曰不以媵備妾之數而侍君也由斯以觀諸侯之多媵也必矣帝乙歸妹其君之袂不如其姊之袂良來知德云諸侯之妻曰小君故不

居業齋文稿卷七

曰妹而曰君三爻爲姊故辭曰反歸爲姊由斯以觀姊之說不自公羊昉也易又象先之矣公羊言古者蓋孟津之會諸侯八百即春秋之世見於經傳者猶百二十四國諸侯之媵何至乏人乎古者國君之禮與尋常不同甫即位而爲禪出疆則以禪從自後世視之不幾疑於不祥耶其爲此亦必有道矣若夫九女並至其事後夫人有禮其服物采章有差其進御當夕有時大都旨在廣嗣續承宣相政耳公羊去古未遠其立言必有依據若達以爲無稽而駁之天下經師亦代有之矣能保非

國語者之竟爲定論乎

匡山讀書處解 示知生

杜甫詩懷李白有匡山讀書處之句解者或曰四  
川彰明之匡山或曰尋陽之匡廬山按白年譜天  
寶十四載乙未避地廬山永王璘脇行故詩有迫  
脇上樓船句肅宗至德元載丙申乾元元年戊戌  
坐汙永王璘長流夜郎乾元二年己亥流夜郎中  
道承恩放還其寄王明府詩云去年左遷夜郎道  
今年勅放巫山陽由是復過江夏尋陽金陵歷陽  
宣城二郡皆有詩文上元元年庚子二年辛丑寶  
居業齋文稿 卷七 解

居業齋文稿 卷七

三

應元年壬寅族人陽冰宰當塗白過之十一月卒  
享年六十四杜此詩若作于天寶至德間則指尋  
陽之匡山無疑若上元寶應則白放還之後爲東  
南之遊似不應又讀書廬山矣細玩詩意杜在成  
都東望而曰不見李生久又以吏議長流夜郎之  
故而曰世人皆欲殺終之以匡山讀書處曰頭白  
矣曷歸來乎察校至此案乃定蓋年譜避地二字  
深得供奉潔身之旨當是時避跡五老峰頭雖內  
子亦送訪女道士李騰空蓋入山惟恐不深也不  
幸而罹永王之難杜詩往往纏綿致意迨赦還東

下則九華秋浦宣城秦淮諸名勝遨遊無虛日而  
年亦已老矣然猶不歸故鄉少陵近指彰明山川  
雲樹而招之亦已之便下襄陽向洛陽意也論者  
舍年譜安所依据哉且尋陽故無匡山之名王彪  
之廬山賦序曰廬山彭澤之山也孫放廬山賦曰  
尋陽郡南有廬山九江之鎮也豫章舊志曰廬俗  
字若孝本姓匡漢封俗于鄡陽曰越廬君故世謂  
之廬山遠法師廬山記同周景式曰廬山匡俗字  
子孝周武王時廬于此山俗後仙化空廬尚存世  
稱廬君故山取號焉鄴道元曰山海經創志大禹

居業齋文稿 卷七

解

四

記錄遠矣海內東經曰廬江出三天子都是江彭  
澤西廬江之名山水相因互舉殊稱明不因匡俗  
始又張華博物志曹著傳其神自云姓徐受封廬  
山吳猛隱山得道者也尋陽記曰廬山上有三石  
梁長數十丈廣不盈尺猛將弟子登山過此梁云  
廬山之北有石門水廬山之南有上霄石是則歷  
代紀述之家皆不言匡山也唯元和丁酉白樂天  
有祭匡山文一時指廬爲匡遂令後人相沿不復  
深考耳即杜甫詩似得廬山路真從慧遠遊隱居  
欲就廬山遠何嘗言匡山乎南康軍圖經云李白

至五老峰愛其險峭奇勝曰卜築於此吾將老焉  
今峰下有書堂舊基白後北歸猶不忍去曰與君  
再會不敢寒盟又送姪遊廬山序云慚未歸于名  
山由斯以談則不見李生詩實作於夜郎放歸之  
後而敏捷千首漂零一杯是時已不在康王谷也  
審矣

班馬異同說

班馬之有異同也讀史者往往指數之嗟乎古人  
往矣第毛舉其篇章之繁簡敘次之先後字句之  
多少以爲言而遂能窺見夫古人立言之心乎哉  
居業齋文稿 卷七 說

五

太史公自以承五百之運續春秋而成一史上始  
軒轅下迄天漢其體創出特變左氏之舊其屬草  
据左傳國語系本戰國策楚漢春秋及諸子百家  
之書而後貫穿櫟括各使成一國一家之事蓋締  
造若斯之勤也孟堅之爲書也後元而前太史公  
其之始元而後叔皮先之志有十大家補之相提  
而論爲史記者不亦難乎史記之文大都道遠宕  
跌變化不可端倪由齒頰所及而指次心思之所  
不及令千載後洞心駭魄慨然如身履其地而  
擊其人漢書藻畫布置引繩運斤極復亂

首尾節族森羅具在列在史成皆懸諸日月不刊  
之書矣然而讀之若有異者何也固以渠獲勝而  
遷以風神傳也遷負不羈之才縱觀海內名山大  
川以盡其胸懷之氣又遠罹宮刑幽憂侘傺故其  
爲書於豪俠貨殖神仙戰鬪縱筆所之有溢於人  
情者亦其勢使然哉固家有賜書內足於財探撰  
前記綴緝所聞以成一家言當是時蘭臺歲月亦  
甚優游矣綜厥大槩並有可言史記先項籍次高  
祖詳於楚而畧於漢也漢書首高祖後項籍詳於  
漢而畧於楚也若是者何也一敘秦楚之際以昭  
居業齋文稿 卷七 說

六

天與人歸之統也一尊開創之祖以立聖子神孫  
之極也八書苞緼淵博而故實或闕也十志考核  
依据而憲典具存也若是者何也一摭拾往籍歷  
天人運會之變書見聞於本朝或有微詞也一鈔  
撮柱下志道揆法守之常垂章程於奕禩無容罣  
漏也韓信傳采入武涉蒯通之言特詳也蘇武傳  
附書李陵衛律之事俱悉也若是者何也一以微  
文寓意見淮陰之不貳心於游人也一以比事屬  
詞見典屬國之不降志於絕域也東方朔之諷諫  
骨鯁間見而襍出也揚子雲之攤賦擬經兼收而

備錄也一奇其人一怖其學也鄴陸朱婁之例非也  
也蒯伍江息之合傳也一著游說之有功效也一  
明利口之覆邦家也不寧惟是清淨之末流也而  
爲刑名是故申韓並老莊而傳也質行之巧爲也  
而爲容默是故周仁張歐之徒繼石奮衛綰直不  
疑而傳也四辯士之富貴也以舌也是故曲書之  
盡其態也三長史之通顯也以筆也是故直書之  
洞其裏也屈三閭之憔悴澤畔也爲之述離騷閔  
忠也劉宗正之抑鬱中朝也爲之述封事旌直也  
賈生策治安而待罪長沙也明其有齟齬也不幸

居業齋文稿

卷七

七

也匡衡熟典故而持祿宮禁也明其倚與援也幸  
也叔孫通之禮儀爛習也而依違二姓書兩生之  
不行以別之也安昌侯之經術淹貫也而渙忍羣  
小書朱游之折檻以章之也李蔡之封侯王朔之  
望氣乃見諸飛將軍之傳也傷其勇戰而故厄於  
衛青之日也劉向之疏谷永之疏具見諸陳湯之  
傳也傷其沈勇立大功而竟沮於石顯匡衡之口  
也虐戾之報也當強盛而已絕也遷之所以醜秦  
也亂賊之誅也雖閏位而不貫也固之所以討莽  
也此二史之異地同揆可並行而不悖者若夫古

今人物宜網羅於子長之手而孟堅顧獨表之何  
歟漢書紀漢事耳鴻荒以前非漢家之字也上古  
羣佐非劉氏之臣也臚而列之藉令差等無差且  
乖史例而況於踳駁乎孟堅之意或以補子長之  
不逮然而非著作之體矣漢書之傳司馬遷也宜  
著遷字子長馮翼陽夏人而因仍本傳畧無增益  
列傳之體當如是耶固言司馬遷是非頗謬於聖  
人裴駢引之唐張守節讀而嘆曰此亦通人之蔽  
也固作漢書與史記同者五十餘卷謹寫史記少  
加異者不弱即劣司馬遷引父致意班固父脩而

居業齋文稿

卷七

八

蔽之優劣可知矣嗚呼此則班馬異同之大較也  
夫

### 三通說

天下事創始難承襲易其勢然也杜岐公佑通典  
一書蓋創體也先是劉秩采經史自黃帝迄唐天  
寶末制度沿革廢置論議得失倣周禮六官法爲  
政典三十五篇房琯稱其才過劉向佑以爲未盡  
因廣之參以新禮爲二百篇以食貨選舉職官禮  
樂刑法州郡邊防八門分類敘載世稱該洽越三  
十六年而成書德宗時上之其後宋白之續通典

魏了翁之國朝通典皆踵事也鄭樵通志畧淳熙間聞於朝自敘畧言總天下之大學術而條其綱目凡二十畧百代之憲章學者之能事盡於此其五畧漢唐諸儒所得聞其十五畧漢唐諸儒所不得而聞蓋高自稱許有如此然考其書則氏族六書七音等畧考訂詳明議論煥發所謂出臣胸臆者誠是也至於天文地理器服則失之太簡若禮及職官選舉刑罰食貨古今沿革不一岐公書五者居十之八漁仲於天寶以後中興以前陸續詮次如班掾之續史記可也乃天寶前則志仍原文居業齋文稿卷七

卷七

九

毫無增損天寶後不復陸續又以通典細注掠爲己意附其旁而亦鮮所發明然且自謂非諸史之文不亦誣乎鄱陽馬端臨之爲文獻通考也因通典而增益之其言曰賦非可析之於田制之外貢非可襍之於稅法之中敘選舉則孝秀與詮選當有分敘典禮則經文與傳註當有別敘兵則宜詳賦調之規而畧成敗之跡至於天文五行藝文前史各有志而諸侯王列侯表馬班二史皆有之王溥作唐及五代會要首五帝系一門以各帝歷年之久近傳授之始末次及后妃皇子公主之名氏

封爵後之編會要者倣之而惜乎通典之未及也於是補葺而潤色焉是故田賦錢幣戶口職役征權市糴土貢國用選舉學校職官郊社宗廟王禮樂律兵刑輿地四裔俱仿通典而經籍帝系封建象緯物異則自唐天寶以後至宋嘉定之末摭拾諸書以成之凡爲門二十有四爲卷三百四十有八每門著述之成規考訂之新意則各以小序詳之此馬氏立言之梗槩也蓋纂著之難大都有三家無藏書則搜括不廣一難也胸無卓識則墨漏爲多一難也數千年之紀載諸子百家之傳聞而居業齋文稿卷七

卷七

十

折衷未定年壽不待一難也岐公宰相貴與宰相子其勢易故通典通考傳示來茲皆大業也而夾漈窮僻在下其勢難採擷貫穿亦已勤矣昔陳壽號善敘述李延壽亦稱究悉故事然所著二史有紀傳而不克作志蓋志之大原起於爾雅司馬遷曰書班固曰志蔡邕曰意華嶠曰興張勣曰錄何法盛曰說餘史並沿班史謂之志而隋書新唐書爲良徵實博物益若斯之難也後之學者博觀三通之異同詳察創述之難易設以身處古人之地取其長而勿輕議其所未至則庶幾司馬子長所

稱好學深思心知其意者哉

啟江字說

楊升菴曰江出岷山其源實自西戎萬山來至嘉州而沫水自舊州合大渡河穿夷界十山以會之至敘州而馬湖江會之又十五里而南廣江會之至瀘洲而內江又自資簡會之至重慶而嘉陵江自利浪果合等州會之至涪州而黔江合南夷諸水會之至萬縣而開江水自簡達等州會之夫然後總而入峽是江自峽而西受大水凡八及出峽而下岳陽則會之者洞庭湖所受湖南北諸水也

居業齋文稿

卷七 說

士

又自是而下鄂渚則會之者漢口所受興元諸水也又自是而下黃州東四十五里則會之者巴河也又自是而下九江則會之者彭蠡今名鄱陽湖所受江西諸郡水也又自是而下則會之者皖水所受淮西諸水也夫然後總而入海是自峽而東又受大水凡五畧計天下之水會於江者居天下之半其名稱之大而可考者凡十有三故曰江源其出如甕而能滔滔萬里達海所受者衆也嗚呼問學者可以觀矣吾從子啟江質行澹泊而有志於學即舉是以告之江之字曰同九取尚書九江

居業齋文稿

卷七 說

三

言人人殊矣抱殘守缺其可以爲學乎哉余既勉江於學又字之曰洞野

百石圖說

圖以百石名古無有也自二千石可齋賈君始君守黃垂四年廳事如水而雅樂山凡赤壁之垣墉亭榭葺理一新迺輯志人物藝文章章具矣退食雪堂輒臨池作書有暇復滌墨爲娛水山蘭竹魚鳥悉出匠心不相襲也赤幘登眺久又撫寶山怪石磁盆菜几脩脩有致馳觀域外寫諸麥光客子覽觀嗟異以爲王宰所難能君莞爾笑曰昨

自怡悅耳果佳耶端明蘇公有言清風明月造物  
無盡藏余之品石乃有盡自今不百不止也踰數  
月而圖成金子聞之曰易卦虞象艮爲小石天下  
名山皆石爲之礎爾雅曰礧曰礧曰礧曰礧蓋  
象形云樂八音石居一虞廷擊拊嘗舞百獸焉崑  
山碑云刻此樂石讀者往往不能詰顏師古謂以  
泗濱浮磬石作碣山海經錢來山其下多洗石注  
陰石必雨久雨鞭陽石雨止宋玉高唐賦若浮海  
而望碣石注兩岸相合聚石而中高碣石蓋海畔  
居業齋文稿卷七

卷七

主

山半在水中故名天壤間物更僕數弗盡君惡夫  
雷同也性情所至形體肖之圖所由作歟夫言不  
盡意涵之以象一可以縉百百可以縉千萬億神  
明默成存乎人耳石則百而圖豈罄於百石乎哉  
君以百石名堂爰及家訓清白世守則海岳東裏  
之天劃神鏤楊次公所云非獨公愛我亦愛者曾  
不足以當君之一粲也金子欲假茲圖爲臥遊具  
故踵羣公題詞後而爲之說

無名說

邑侯宕渠劉君之爲治也清靜寧謐衙齋晏如夏

四月盛德在火日躔實沉之次律中仲呂佳卉  
焉爰爲之記而自署曰無名主人余覽而詰之曰  
無之時用大矣哉毋訓空空則淪於寂也毋訓息  
息則滯於行也詩不云乎上天之載無聲無臭無  
也者天之運萬物之祖於人爲莫知其然而然者  
也今夫蠶食而無飲也蟬飲而無食也蜉蝣無飲  
無食也戴角者無上齒也四足者無羽翼也無角  
者膏而無前也有角者指而無後也是疇使之無  
哉然無飲而蠶自若無食而蟬自若無飲無食而  
蜉蝣自若無上齒而戴角者自若無羽翼而四足  
居業齋文稿卷七

卷七

主

者自若膏而無前而無角者自若指而無後而有  
角者自若若者何也若其天也物各若其物之天  
故並育而不相害也天地之聚精爲陰陽陰陽之  
專精爲四時四時之散精爲萬物積陽之氣生火  
火之精者爲日積陰之氣生水水之精者爲月氣  
怒而爲風和而爲雨相薄而爲雷相激而爲霆相  
亂而爲霧陽勝渙而爲雨露陰勝凝而爲霜雪當  
其無也莫測其胡爲而來當其有也莫知其胡爲  
而往動靜互根循環不已變化不可端倪曷嘗有  
須臾之息乎若此者天爲之也天不空物亦不空

天不息物亦不息是故河無圖也無端而龍馬圖出於河洛無書也無端而神龜載書見於洛聖人則之而萬世文字之祖具此矣淮南子曰能盡大圖者履大方視大明處大堂與日月同光蓋天之予人也自無而之乎有人之事天也則自有而返乎無無欲故靜也無營故虛也無將迎故愔也無留滯故泰也貴無藉乎炎炎之爵富無資乎攘攘之財智無煩乎諉諉之辯勇無庸乎矻矻之闕是故人知有之之樂而不知無之胎乎有也人知有之之安而不知無之保乎有也人知有之之難

居業齋文稿

卷七

說

五

而不知無之裕乎有也若然則去其名而可矣名也者萬物之累也而人往往不能無之何哉今夫鑑無察之名而妍媸自呈也鋒無銛之名而剗割自利也戶無勞之名而出入自由也車無指之名而轉輸自遠也有而無故名亦忌焉鑑之淆也而混沌名鋒之頓也而繞指名戶之牡弱也而模稜名車之載裂也而脫輻名名者天下之大不幸也是以至人無之無弦之琴可以葆和無炎之味可以養生無人之舟可以消愁無鑑之藏可以彌蓋而又何取乎詹詹之名哉聖人絕四故知進退

亡而不失其正聖人之心天心也學聖人而有若無大賢之心聖心也三代後能用世而神明乎無之意者在漢則有若張留侯良在唐則有若李鄴侯泌神明乎無之意而不爲世用者宋之邵康節也蜀多異人篋翁醫史邃於易者也然而無名矣聞忠州有引藤山藤可以引酒銅梁已嶽上有崑崙洞時產異花溪名海棠園名荔枝樓名香草亭名翠薌皆蜀產也侯得佳卉而直以無名冠之其深於譙天授之學也夫

居業齋文稿

卷七

說

六



居業齋文稿卷八

廣濟金德嘉會公

銘 徵 贊

石牛銘

斯斯者石疇爲伍匪兇匪虎戴皇天而履后土記  
曰一元大武

睥其目瞻其腹不稼不穡不芻牧

後有萬年前千古鼓之以雷霆潤之以風雨日月  
運行一寒一暑

井銘

翰林院古井也館課

居業齋文稿卷八

陽氣潛蒙澤庫其容含潤攸同  
楚漏脩漏厥收勿幕有孚元吉

翕而腹源萬斛如川如谷

沸以灌旦復旦太乙下觀

以豆以觴翕翕皇皇登于明堂

研銘

知方而不知圓知默而不知喧既以予人已逾有  
既以礪人已逾堅古之所謂天全者歟

不渝其素故不緇也介者以汝爲師也不私其藏  
故不匱也通者惟汝是貴也

書櫃銘

有物處此久而仙彬彬者人云胡舍旃  
鼠穴其中我憤所切何以驅之夏螢冬雪

能壁俗於願已足勿藉以世世簌簌是之謂不辱  
可怡神於道已伸勿用以喋喋斷斷是之謂全真

座右箴

狂人之誤誤于弗詢大智聯床邈若路人豈無忠  
告虞以爲嘯默默矇矇如石如木薄極而芘燕老  
堙門其何能曙蟻蝨處禪

驕人之誤誤于多譽譽言日至有喜無懼白壁微

居業齋文稿卷八

瑕琢者歎嗟蘭晚而歲不如絲麻乍然乍否譽亦  
孔咎其初府榮其卒含垢

媮人之誤誤于恕已具曰予懦毋壯于趾蹈故安

常如斯足矣人競孜孜而予可已不督而蒙不都

而鄙踟躕踟躕有足無履

佞人之誤誤于有求趨炎焉潤弗遂弗休柔則繞

指曲乃如鉤得亦良苦包羞納侮其占爲屯其象  
爲蠱史評若人譬諸糞土

庶常之肄業衙齋也門有慢坐有几書有研  
有筆有墨人爐一榻一繩牀一日酒一升

肉一簋冬官考工光祿寺會計著爲令所  
以寵異詞臣而勵厥學也物書一箴以自  
策焉

幔

幔乎幸我容尚飭我躬毋黼黻其外而管蒯其中

几

晨夕爾凭並塵勿凝去職乃稱不然則已剩

研

廊之恢之肇厥基也暉而燦而春厥施也

筆

居業齋文稿

卷八

三

不中不督齋蠹之趣促吁嗟乎晨曦宵燭

墨

目勦勦神穆穆惟日不足

爐

剛長陽內上天之緯再如嫩如拙毋隣是貸

榻

雲漢炎炎爲章於天雞三嗥搔厥顛褰帷披衣起

巡檐

繩牀

倡疇和歎歎疇佐歎夜思而早作歎尚無負此坐

歟

壘

酤于顏而枵于腹耶母內惡耳耶

簋

不家食吉酤峰雞跣素飽是勅

朱子贊

聖學中天考亭矗起洙泗薪傳濂碓源委厥考章

齋仰天指示畫卦沙間默坐端視甫讀孝經不若

足耻問字籍溪胡原館甥白水劉致不遠之復屏

山仰止劉彥早志聖賢博觀經史筮仕同安治人

居業齋文稿

卷八

四

脩已往師延平李愿躬行踐履好古樂義無與爲

比孝宗求言封事累紙誠意正心極陳治體本原

之地朝廷而已隆興復召對亦如此乾道累徵杜

門掃執家禮成編論孟扶體綱目特書西銘標旨

太極易通洞澈表裏二程微言後先一揆淳熙二

年東萊共砥近思錄成驚湖會始集注語孟剖判

真似家食廿載不以窮累除知南康化行俗美講

學淑人白鹿遺趾應詔上書立綱陳紀提舉浙東

飢民怙恃單車上對天顏有喜顧謂侍臣動容附

驛直徹猷閣道將行矣行部至台摘發奸宄貪士

嫉之流言陰詆自浙歸田友教多士易學啟蒙孝  
經刊梓差嘗崇慶提刑再擬或要于路勸以逕遷  
正色却之昌言如矢平生所學惟有此耳上果稱  
善清要任使勇退乞祠宵人肆毀上悟復召拜疏  
校區秉燭夜讀詰朝降旨崇政說書旃屢唯唯光  
宗初政特賜緋綺江東政行湖湘亂弭所至立功  
掃除稗秕天下一人宮講是倚重道崇儒尚方賜  
璽侂冑柄用乾坤遂否迺號遜翁七十致仕先生  
之學居敬窮理致知力行日用皆是羽翼六經股  
肱四子泰山喬嶽千秋萬禩

居業齋文稿

卷八

五

邵子贊

安樂窩手易卷冬不爐夏不扇乘小車出游衍冠  
蓋衢騷雅彥來權迎去飲餞皇極書涵萬變陰陽  
根晝夜轉動靜主太極先內外篇聖一串飲微醅  
吟弗化風月懷江湖面身康強世清宴無名公自  
作傳

古井贊

井在興安州署內崇禎七年甲戌流賊圍城先  
宜人題死所二字於井欄上賊退後州人呼爲  
夫人井康熙丁卯興安劉貢士應秋與德嘉會

于京師追述往事屬德嘉爲古井贊先是新城  
王公題先大夫遺唐通書臺畧曰是時大軍在  
楚蜀賊入漢南時洪文襄公承疇方督秦疏云  
賊在平利洵陽間者數萬自巴州通江入西鄉  
者二三萬其自棧道犯城洋者又東下石泉漢  
陰之間畢會于漢興而突入于商維秦事大可  
憂者正其事也嗚呼先大夫誓死以守危城先  
宜人以死守佐之城旦夕且破幸以唐救免唐  
時官游擊領兵纔五六百人耳賴興安壯士死  
戰以成退賊功微先大夫忠義有以激之安能  
至此不孝念此聲淚俱下矣

居業齋文稿

卷八

六

泉水清飲使君衙齋四壁夜吹笙使君出泉水  
溢夫人佩刀泉上立一城如斗大四日夕攻  
不破夫人奄奄泉上坐蠟書問道乞師來興安  
城南門夜開銜枚襲擊賊賊魁寇難平泉流淅  
吁嗟乎夫人視死乃如生

瀛洲亭贊

五則

斗爲星網睽睽中央列曜之慶  
梧蒼蒼鳳翽翽三陽泰卿雲會  
茹沆瀣吐黼黻無此疆爾界斯征斯邁

受天之祐爲雷爲雨厥施用溥

肅肅靡靡以范以鎔俊彥之從岳峙滄容

伯兄像贊

鴻臚洲頭金伯子修文地下呼不起墨蹟猶在烏  
皮几少陵之詩龍門史生平一燈草窻裏嗚呼遺  
像掛壁天蒼蒼生辰有弟涕霑裳

劉蓋公像贊

噫伊何人哉乃飄飄而若仙或曰是金精火炁之  
絪縕而其生也與公齊年予應之曰其然其然而  
眉軒軒而髮纂纂而頰嫋嫋而指纖纖而履便便  
居業齋文稿卷八

而步嫋嫋予弗若也惡能測其中邊第見其周旋  
折旋左把圯止老人臂右拍太乙老人肩則還問  
寫真之術于龍眠蓋嘗聽鐵笛三弄于江天忻然  
庶幾遇焉夫是故解衣盤礴傳神阿堵問意予亦  
垂老矣而興猶顛尚能歌紫芝黃竹之曲而鵬翁  
于仙棗之亭前

張藕灣像贊

藕波之居沐日浴月西揖參衡東漚冥渤先生跼  
然瞻瞻黃髮玉色金聲驚安鳳骨采苓兔絲燁乎  
楫拙誰爲茲圖神思超忽後有覽者曰神仙窟

吳叟像贊

炯炯日使便腹裘褐衰鉛槧麓鬢皤皤容躬躬旦  
藝樓夕煖燭魯壁編汲冢竹刻中央刻四角一畝  
宮三逕曲孰哉耳孫州來族何人淋漓寫此幅青  
林湖裏松山麓

傅昌生像贊

有客寫真伊人宛在瀟灑風流嵇神阮態疇昔周  
旋聆君警欬事往年徂徠徠生愾君餽膠庠胡不  
廷對彼尼君者實君等輩臥龍躍馬齊歸朽塊不  
沒者名悠悠覆載江樹蕭森江雲靉靄隣笛愴懷  
居業齋文稿卷八

爲書梗概

毛大令像贊

辯若懸河慧若炙輶其靜也如山其動也如火盤  
錯海更煙水蕩蕩寫真者得諸炯炯雙瞳矣然烏  
能拾其欬唾有客熟視而再過之曰此大令毛公  
孝瞻也蓋嘗賦遂初而歸然此坐

居業齋文稿卷八終

傳

明江西道監察御史贈太僕寺卿忠烈吳公傳

吳公諱裕中字磊石號敬菴武昌江夏人也萬曆乙卯舉於鄉已未成進士授廣東順德令攝新會篆天啟壬戌乙丑兩舉卓異入補江西道御史當是時逆奄魏忠賢亂政羣小竊附興大獄羅織賢士大夫且盡而次輔丁紹軾陰施陽設中外側目居業齋文稿卷九

無敢訟言攻之者公義憤至廢眠食於乙丑十二月念四夜朝服設香案昭告二祖列宗曰國事至此臣不與賊臣俱生矣祝訖具疏草旋風滅燭者三公叱家僮再炳燭臺就畧言當今內有客魏之交通外有崔田之暴橫人情慘於蜩蟬國勢危若累卵次輔丁紹軾受特達之知遇杜口無一言近被臣同官趙應昌彈劾乃具疏求去謂其去也只緣馬世龍一去則可謝天下可報皇上夫世龍一操戈環甲之武臣耳世龍之去留何足以謝天下何足以報皇上其初矢口經濟大率謂人人騙官

事事賸實自入閣辦事以來補救安在是騙官者紹軾賸實者紹軾也欺君悞國焦芳嚴嵩得紹軾而三矣疏入已報聞而紹軾嘖崔魏矯旨削奪廷杖百緹騎馳馬繫公至午門拜杖血飛如注肉成糜骨節碎折猶誦天子聖明不絕口稍甦張目語曰杖亦君恩惟小疏四篇纔入告其一耳又曰老母遠隔三千里外豈知兒今夕爲國死未幾氣絕時丙寅正月初二日也公既卒諜者走報紹軾時紹軾手茶碗怒墮地碎俄見吳御史來倉皇失措偃身謝罪曰不干我事不干我事越二日紹軾暴

居業齋文稿卷九

死公凶問至江夏母聞仰天號曰兒某以諫死乎兒爲范滂吾爲滂母矣戊辰崇禎改元追卹死諫諸臣贈公太僕寺卿恩褒三代廕一子入監讀書賜祭塋謚忠烈冊命謚詞有白藁材摧折多矣而爾獨杖杖或不至死而爾獨死爾獨死其加謚如法以表忠魂是時高陽孫文正公承宗爲輓詩其序曰世人邀富貴遂殺人以媚要人以爲不如是無以長富貴曾幾何時頓捐其富貴之身也而容城孫徵君奇逢表公墓歎曰昔椒山公以誅嚴嵩而先死嵩卒以椒山故敗未爲椒山所誅

石公擊丁紹軾而身死紹軾旋爲磊石所擊殞命  
嗚呼千載下過公之墓未有不腐心肅容流連涕  
泗相與感憤而興思也公卒僅四十一歲子男四  
長歎廕入太學次歎次琬俱縣學生次琮知任丘  
縣手輯公年譜孫男十七人曾孫二十人而府學  
廩生溥過草堂以家傳請蓋以先大夫與公鄉舉  
齊年而公車旅食與順德朱進士可貞經營公舍  
殮歸其櫬也論曰公甫入臺班輒上言治兵理財  
實政謂剔兵之蠹先自兵部始剔財之蠹先自戶  
部始時逆奄顧指氣使而羣小趨之如鶩危言疾

居業齋文稿

卷九

三

呼皆剪奄機芽而落其角距也應山直攻而公旁  
擊舍生報國其揆一耳公嘗讀書靈山熊公廷弼  
立談定交告人曰磊石之爲人義所不可雖賁育  
無以奪後竟如熊公言然熊公之死死於僇力封  
疆而公之死死於挺身諫諍封疆不可以死熊公  
也而死於舞文之口諫諍不可以死公也而死於  
含沙之射方蓋棺而論已定豈待今日哉嗚呼明  
宦寺之禍若振若瑾熾矣至忠賢而燎原崔魏以  
忠賢爲尸而羣小以崔魏爲鵠國是魚爛寢至宗  
社陸沉而忠臣義士徒以皎皎之名與日月爭光

也悲夫

劉修撰傳

劉修撰龍川先生者黃岡人也諱子壯字克猷其  
先江西清江人遷黃岡國風鎮四世而生贈公照  
公二丈夫子伯克童先生其次也贈公暨太孺人  
蚤卒先生鞠於季父髫齡穎慧讀書一目數行下  
屬文奇肆甚弱冠登崇禎十三年賢書洲居有文  
昌閣先生下帷其中博綜六經左氏公穀史漢暨  
唐宋大家書戶外事不聞也順治六年成進士  
廷對策萬言其畧曰陛下統一海內于應元元隆

居業齋文稿

卷九

四

祀典以達孝廣試額以求賢罷嚴衛以寧人去宦  
寺以謹始近且勤召對以開言路弛養馬挾書之  
禁寬隱匿連坐之條亦旣湛恩汪濊寓內嚮風矣  
然猶發德音下明詔廣覽兼聽取法上古此三公  
九卿之任非臣草茅新進所能及也然臣愚述所  
聞誦所學竊以爲二帝三王治本於道道本於心  
故講學爲明心之要脩身爲齊家治國平天下之  
本請經筵講讀致知而力行之以敬爲正心之功  
以誠爲復性之道以仁爲成已成物之全復古者  
日御便殿之制令大臣取內外章奏面相商訂

官仍得於仗下封駁上下情通滿漢道合宰輔不  
僅以奉行爲職卿貳不僅以署紙爲能則中心隱  
微皆可告語而海荒萬里如在目前由是蠲荒賦  
以裕邦本并屯衛以杜隱占清釀成之源弭禍亂  
之萌以消寇盜立滿洲學設教習以同風俗敷文  
治斯享國億萬年而臣民咸獲厚載無疆之福者  
將在茲乎

天子覽之大悅於是臚傳第一授國史院修撰如  
經筵滿洲學教習屯衛諸大政悉著令甲次第舉  
行之八年分校南宮得二十有二人皆天下知名

居業齋文稿

卷九

傳

五

士尋請告旋里明年疾卒享年四十四元配張先  
卒繼曹侍讀學士曹公本榮姑也子孫茂甫二齡  
先生天性孝友諸父伯兄沒弟姪五六人孤弱拊  
而訓之婚娶成禮雖亂離不苟也常過崑山令稚  
與厚善願以千金爲壽有小吏獲罪急請救用將  
嫁女質數十金餉先生先生聞而止之吏恐解脫  
不力因諭之曰毋恐不費爾一緡也人白令令不  
可則曰第貲吏罪即拜賜千金矣令不得已從之  
吏得脫而女婿以全然終不以告人也邑子某適  
亂妻被掠至京爲貸百金贖歸後生數子戶

大蓄息南歸抵家垂索蕭蕭如布衣諸生時  
莊嚴格不問米鹽凌襍而覃精論著制舉文法深  
經術門人陸進士鳴時刻以行世至今傳誦之初  
肄業文昌閣省身唯謹旦晝所爲夜必焚香以告  
蓋數十年如一日云曹夫人拊孫茂成立今安陸  
府學訓導孫永錫純錫且繩繩矣  
金子曰余讀稚川先生對策竊謂經術爛然矣迺  
歷觀先生生平抑何恂恂篤行君子也名冠當時  
慶流後裔有以也夫

桐城馬先生傳

居業齋文稿

卷九

傳

六

馬先生者諱教思字臨公一字嚴冲號檀石安慶  
府桐城縣人也曾大父太僕公諱孟禎起家明萬  
曆戊戌進士明史名臣有傳大父諱懋襄縣學生  
以子貴贈文林郎孝行載通志父封文林郎諱之  
瑛崇禎十三年進士知陽江縣課最知定陶滿考  
擢兵部督捕主事未行卒祀定陶名宦母潘贈孀  
人先生兄弟六人於行爲四潘太君隨任陽江時  
先生甫八歲太君病侍湯藥衣不解帶太君卒  
慟幾絕居喪行禮如成人人稱馬孝子九歲屬  
不起草外舅檢討方公密之奇之讀書自門

寺召先生往受業嘗夜見雪院梅花江天雁字命賦詩時漏下二鼓矣先生賦七言近體詩三十首雞三蹕就方公曰奇才也年十七補學官弟子尋食餼已而八試南闈不第循例上成均康熙十七年應舉順天行人選安方公象瑛主事烏程姚公淳齋繼縣胥公琬交薦編脩婁縣楊公瑄山陰朱公阜甚激賞之中式第七明年會試舉南宮第一蓋出翰林孝感熊公賜璫之門而大學士益都馮公兵部尚書長洲宋公翰林掌院學士禮部侍郎崑山葉公總憲都御史海鹽楊公則總裁也當是

居業齋文稿

卷九

七

時馬先生名籍甚京師賀客輪蹄塞衢巷而先生不色喜有故人楊二唯初慙愚先生北征至是寓書稱賀先生復書大指言足下義甚高終身不可忘此者伏念先太僕正色立朝有古大臣風王父爲經師言行坊表具在里門先考兵部公之官定陶也平劇盜雪冤獄清隱田墾荒賑飢豁免河役定陶人至今思之雖兩漢循吏茂以加焉僕今倖一第旦日解褐服官其何以不忝前人負荷良難用是滋懼耳對策成進士選入翰林爲庶吉士旅食寢則授徒范舉人所雞鳴橐筆入館夜焚膏課

童子有里人納粟寄貯白金可二百兩偷兒胠篋竊去居亭惶恐先生乃油然無愠色海鹽楊公時開府貴州聞之曰馬生器量可大受爲割俸馳寄以償焉庶吉士解館除編脩二十一年分校禮闈得士十人而德嘉舉第一廣濟金德嘉嘉善人告人曰馬編脩薦卷多老蒼而第一人又出其門是可謂針芥之合矣先生俸入不能贍朝夕仍授經實抵楊翰林雍子翰林齊年也有

詔脩鑒古輯覽先生分撰唐五代遼諸史論贊闢

居業齋文稿

卷九

八

幽往往先儒所未發於唐史論昌黎韓公諫佛骨一疏乃舉朝所不敢言者其宣論王庭湊嚴詞正氣白刃可蹈萬一不幸即斷脰以死如顏魯公段太尉耳危言危行有若此奈何僅以文學臣目之書成上之總裁大司寇徐公公覽而善之曰良史材也先生姊爲左忠毅公冢孫婦十七守節年垂七十事

聞建坊旌表先生假歸焚黃展先墓又視節婦坊地爲文告忠教詞旨慷慨聞者多爲霑涕假滿入直貧不能僦屋徐公爲賃房以居肩輿二夫不能



具也雇一人旦供掃除出則街頭募一夫以行獲  
鹿魏卿以子受經先生始有館舍

會典纂脩先生分纂孝治一則夜分常不寐會

東宮講官遴選詞臣院長列名以

請先生與焉然性疎不能造請報謝與人爲過從  
權嘗讀史笑鄭莊之爲人曰何其僕僕車塵馬足  
間也以是得簡伉聲先生既與人不款曲人亦無  
有附耳爲先生規者而先生遂蹢躅獨行如布衣  
諸生矣屈亡何院中有所彈劾先生仰天太息曰  
嗟乎好惡何常反覆手耳且人生枯菀不有命耶

居業齋文稿

卷九

傳

九

遂買舟潞河以歸有園植柳曰萬柳堂兄仲舫齋  
老白首先生日侍論學茶酒間話及太僕京邸忤  
魏璫及彈駁權貴人往事輒呼兒曹劄記諸昆季  
後先下世先生拊其孤聚處太僕公老屋夜課誦  
燈火櫛比若膠庠解舍然念左孺人春秋高分甘  
問寒燠晨夕無間也先生里屈塞耳不聞戶外事  
惟繇賦羸縮關縣人大利害輒昌言於令令有王  
君者如先生言次第興除著爲挈令縣人賴之安  
慶巡撫薛公先是雅慕先生名數以文字來屬草  
而旁郡有急獄者奉百金爲先生壽請緩頰爲解

先生峻拒之其人慙而退自是扁戶所居怡園客  
至戒門者一切謝絕不通刺矣座主婁縣楊公被  
罪出塞先生聞信驚悼命長子霄北上賣一裘得  
十數金往餽烏程姚公六十先生攜家孫榜臣往  
奉觴上壽姚公大喜曰故人過存幸甚然前年別  
去間一歲又來桐歲大無矣資斧重累奈何先生  
曰弟子職也敢言貧乎烏程返棹先生期假道海  
鹽起居少司馬楊公會寒嗽舊疴驟發不果嗽之  
始也以哭弟屏菴慟汗透衣不知易遂成痼疾歲  
一發至是歸寢劇而醫藥亦不驗矣臨卒正襟盟

居業齋文稿

卷九

傳

十

漱治命如平常曰以天之靈幸終牖下仕至侍從  
年垂六旬復何嘆唯生成大恩未報耳所著有古  
學類解八卷羣書集粹十卷素齋襟組六卷等韻  
捷要二卷左傳紀事本末四卷詩賦古文十卷藏  
於家又皖桐幽貞錄攬摭明末喪亂婦女罵賊死  
者投厓者沉水者雉經者各爲小傳白縣令王君  
鏤板行焉嘗奉兵部公命自定陶歸卜太僕公包  
恭人葬地遂精形家言得冷水礪嚴家冲地寫圖  
以報兵部公曰其以礪地安太僕公包恭人而嚴  
家冲爲老人菟裘乎先生之字嚴冲所以志也又

精勾股九章算法定陶隱田千七百頃攤加一五  
七行糧前任官不能詰先生侍兵部公履弘引繩  
清丈田出而定陶賦以均先生官翰林兵部公入  
定陶名宦置主且入祠而先生次子露適至縣父  
老遮道言曰使君清德在人不可勝數均田一事  
吾縣人百世利也先生在京師時方孺人築舍以  
課子落成請齋額先生追憶兵部公之仕定陶也  
有詩句曰天酬循吏以文章乃復示方孺人以報  
循名斯堂蓋先生生平砥行績學志未嘗須臾不  
在先人也先生卒方孺人晨興上食几筵哭曰先

居業齋文稿

卷九

士

太史之清操介節人所知也其孝德人所不盡知  
也於是學者僉曰孝且介德之懿也上私謚曰文  
懿先生而德嘉爲之傳先生二子霄霽皆高材生  
女四人皆造大官著姓孫八人椅臣髻而惠一試  
輒補諸生

金德嘉曰馬先生之冠南宮也人以方諸范蜀公  
云益愔于榮利其天性然也及居官且十年矣然  
耿介猶如初君子以爲難先生頌而山立望之巖  
巖不可干然謙冲悃悃老而逾下嘗曰留有餘以  
待來者今子若孫繩繩式穀有徵矣昔蘇端明讀

六一居士傳曰居士可謂有道者也其詞簡而質  
德嘉又多言乎哉

吳祭酒傳

鱗潭祭酒之卒也余哭之有詩凡四章其卒章及  
於進士題名碣客以爲問余答云太學之有進士  
題名尚矣

世祖章皇帝開科丙戌碑亭具在厥後十有八科闕  
焉鱗潭昌言於朝凡進士見官京師或子若孫在  
朝列者捐金伐石衆論翕然趨恐後居亡何碑版  
林立矣廼按明進士自永樂至崇禎凡七十有八

居業齋文稿

卷九

傳

科唯五十餘碑存掘諸王中得宣德庚戌成化甲  
辰鱗潭色喜賦問故曰先少司馬公諱寧庚戌進  
士先巡按御史公德嘉曰公之已而歷科氏  
名盡出而永樂蓋穆復於厥聖祠塹得之蓋有明  
一代之制科班班可考矣一日獲元題名三一爲  
正泰國子貢試名記蒙古色目漢人各有正副榜  
一爲至正十一年進士題名記蒙古色目列三甲  
狀元爲朶剌圖漢人南人列三甲狀元爲文允中  
据此則知榜眼探花元代所無一爲至正四年國  
子中選題名記蒙古賜正六品色目從六品漢人

品漢人正七品皆有正副榜鱗潭曰此亦一代典故也爲文紀之嗚呼昔人集古錄以爲可與史傳正其闕繆用傳後學庶益於多聞然摘錄地上耳而今乃發諸地下嗚呼才如鱗潭好事如鱗潭居官盡力如鱗潭方將有爲於天下而今則已矣能不悲哉踰年厥子瞻泰以所撰行述來乞余作家傳余誼不可辭乃据狀而薈最焉

鱗潭姓吳名苑字曰楞香唐有左臺御史少微者家於歙州之休寧是爲始祖十傳爲宣議竦遷歙縣之澄塘又十五傳爲司馬仕仁遷莘墟又七傳

居業齋文稿

卷九 傳

十三

爲太學一初是爲鱗潭之大父今贈中大夫娶鄭繼方令俱贈淑人鱗潭之父縣學生曠學者稱前僧先生方出也今贈如子官母唐封太淑人生男子四人鱗潭其長也當明崇禎時一初肄業北雍有固安令王九鼎延致縣署縣有警帶甲登陴畫戰守城破死焉方淑人拊九歲孤事八十老姑茹荼禦侮督孤學學成爲歙名士試督學李御史用七藝補學官弟子第一人遷居梅莊鱗潭自入小學輒舉止儼恪如成人十七入縣庠康熙丙午鄉舉第三人時前僧先生方客游羅浮歸而寢疾明

年卒鱗潭讀禮暇傳極群書通曉經國大計壬戌成進士

廷對策極論黃淮分合之勢畧言用淮刷黃其說始自明潘季馴而後來治河者因之然河自宋熙寧間決澶淵曹村北流斷而南徙至南清河始與淮合前此刷黃者何水乎指陳剴切非經生家語及館選掌翰林院澤州陳公以經濟才薦改庶吉士授檢討當是時

上典學稽古詞臣橐筆入直能者多所纂著

大清一統志明史禮志禮經講義鱗潭分纂每奏

居業齋文稿

卷九 傳

十四

一篇總裁未嘗不稱善然亦眠食俱廢矣戊辰分校禮闈得李斯義湯右曾等十三人率知名士尋充

日講起居注官冬扈從謁

陵庚午奉

命主順天武鄉試得張振等百十一人辛未冬十二月陞右春坊右中允兼翰林院編修明年二月轉左三月陞翰林院侍講未浹旬擢國子監祭酒先是前祭酒去位鱗潭尚爲檢討懸數月特三遷而授斯官既拜

令與滿祭酒鄂公司業席公彭公約慨然以振飭士習爲已任曰南陳北李遠人乎哉國制雍中設滿漢祭酒司業九一切課試漢官主之後稍稍不克盡其職鄂公席公重鱗潭獨循舊制故鱗潭得行其道八旗官學生舊止講經不入試鱗潭令悉糊名考課文優者數以精筆良墨激賞之由是蒸蒸嚮學其國子生教習八旗子弟例與助教並坐後有欲抑之旁坐者鱗潭視事之初諸教習入謁則出席三揖之曰若等固諸生然視八旗子弟則師也吾不可無禮於人師及諸助教以爭坐位

居業齋文稿

卷九 傳

十五

爲請鱗潭曰官學教習

章皇帝所創也豈不知助教爵尊於教習顧所教者八旗子弟師也若等其父兄也豈有父兄爲子弟延師而屈之旁坐乎聞者帖服由此教習得正師席先是大司寇翁公叔元爲祭酒建言考用貢生十人贊釋奠禮行未久而罷而教習貢生部試聽除銜頗不均得知縣者八人州同二人有教習琉球國子者亦下考臺省數以爲言部議格不行鱗潭乃用教習諸生攝贊禮徐請期滿盡以知縣用其委曲成就人才之意有如此又請鄉會中式八

旗官學生比漢人各省例量增其額兼請摹御書闕里萬世師表額榜之廟中疏入

俞旨允行初八旗教習之設選子弟之秀者爲官學生使教習教之期滿授職後每試取教習奔競成風主者苦不能自主鱗潭與同官誓天公閱得陸士璟等二十四人造請之路遂絕朝野無不悅服數十年來所未有也官祭酒脯脩毫無所取而課試則出清俸飲食諸生不關九三年如一日至今歌思之顧念太淑人春秋高乞省覲再請始得歸歸而太淑人方康彊侍寢門足跡不出者六年

居業齋文稿

卷九 傳

十六

郡縣存問到門往往無報謝而經營高曾以來墓田則次第舉焉族有統宗祠舊每歲冬至一祭鱗潭謀諸宗老置祀田增設春祭宋時有祖曰大用者濬昌竭澆田田不一姓矣而修築之役鱗潭獨任曰承先志也族子貧不能婚者歲捐貲爲二人婚循長幼序及之前是舉主滄州戴御史卒於邸舍鱗潭經紀其喪爲代償責家其諸子乃得扶柩以歸大司空朱公寢疾召鱗潭至牀頭有所囑拜受命卒庀其家事纖悉靡不周同門王進士下世孤兒來京師鱗潭於齊年公宴日以孤兒見於廣

坐轡白金可百兩又恐不戒於筦鑰或惡少年豪  
宕訪得孤兒親戚召至面授之爲區畫歲可得子  
錢若干緡以養其母其篤於師友之際天性然也  
歛人楚游者爲余言昔與蘓州守高蒼巖相友善  
蒼巖沒負庫金累萬家人散走鱗潭公車道閭門  
徑入署清理其簿書諸負以次得完閩寇之破微  
郡也羽檄旁午巖鎮爲兵馬要衝鱗潭率鎮人具  
羊酒走迓大將軍大將軍令下兵無譁居民安堵  
鄉人德之徽守某以虧空繫獄法不賞鱗潭馳書  
廣陵趣其弟爲捐助倡守得免於法歛令孫君以  
居業齋文稿

卷九 傳

十七

弃城落職而其初實有捍禦功鱗潭直諸上官還  
令職海陵吳野人詩友也官京師時夜夢野人索  
棉布十丈詰朝憶夢中語寄以詩與布野人得之  
曰神交哉報以詩郡有紫陽書院崇祀朱考亭蓋  
韋齋先生讀書處鱗潭官祭酒時請

御書學達性天額事下禮部如所請其歸也鳩工  
且新其棧棟已卯暮春迎

鑒江上忽聞太淑人有疾遄歸侍湯藥閏七月太  
淑人卒擗踴叫號尋與兩弟卜宅兆寢處山林精  
力銷耗庚辰五月暴病遂不治鱗潭與余同事久

余知其爲人近于古之狷者義所不可輒面發赤  
嘗數人過人所難堪然急人之急甚於身受纏綿  
陬側見乎詞今所刻北縣集是也所居面北縣故  
晚節一字北縣山人

論曰歐陽文忠有言不獨賢人君子難得易失而  
交遊零落反顧先生盛衰之際又可悲夫嗚呼此  
余之所以拊膺而太息也雖然士大夫之傳家以  
學余嘗覽吳羅堂合集及瞻淇鄉會文字則信鱗  
潭身教之善而亦知其世澤之遠矣陳文莊公  
恪皆以祭酒邀易名之典於朝廷是在後人哉  
居業齋文稿

卷九 傳

十六

傳

張太守傳

張太守步雲字子龍雪松處士子也張氏南宋時有日中者死國難子文通遷廣濟隸籍爲廣濟人數傳至雪松皆有隱德雪松子四人太守其季也早慧就傳廬陵凡三年歸就試入蘄州學嘉靖辛酉鄉舉起家平定州學正遷國子監助教累官南北戶刑二部員外郎權淮安關出知廣西太平府

居業齋文稿

卷十

一

當是時士大夫嗜古學太守與吳明卿遊而同里冠山人學海相與揚扆爲詩詩古體言漢魏近體言盛唐又臨池精習永筆法名籍甚太平俗惟魯太守至務教化有酋長犯法坐死久繫獄會巡按審錄首賄獄吏釋繫道歸家婦有孕若而生子及議廢酋之侄訟言叔久繫安得子而陰行賂於守與襲太守卻之更賄監司監司納焉檄行府太守廉其實拘酋父子於庭置盆水刺血血合迺仰天太息曰嗟乎受賂而斬人之嗣人即可欺奈天譴何監司聞之恚中以他辭遂罷歸歸濱青

居業齋文稿

卷十

二

林湖關園曰抱甕結草庵曰必芻日與詩人徜徉其間而康谷子劉養微過從尤數嘗題太守園亭詩有云暮雨江聲吞夢澤晴雲嶽色滿匡廬太守勒諸壁邑志到今傳焉太守里居垂三十年而縣令劉侯燕及言詩雅好士數置酒四高樓遲太守而太守不入城市會江水暴漲瀕江隄自盤塘下抵安慶界可百里潰且決太守念隄關五縣民命走筆數萬言奏記撫按覽者皆感動乃捐金爲郡縣倡徵縣丞董其事隄成水不大浸是時年八十四矣里門邀遊坐筍輿寨帷道旁觀者嘖嘖張使君地仙云年踰九十徵詩文索字者踵門輒應不以衰老辭必窮度閣集卒後冠燬有四世從孫金基舉人以兒時耳目所觀記者追述藏家乘焉妻楊恭人無子以兄之子嗣三傳至嗣孫凱基當皇清康熙辛未大府採錄鄉賢太守與從孫先基進士同置主入祠先是劉千里誌太守墓矣五世從孫惟金秀才復屬余爲之傳贊曰鄉賢之祀豈不難哉事久論定若張太守足當之矣寶持孝廉嘗爲余言太守之甫入州學也貌頎而皙荆藩且以女妻之而太守不欲以荷汁

自染其面免焉晚節里居還遺金族人宗格賴以  
存活其軼事若此若乃淹貫騷雅彬彬有聲於七  
子之際抑又難矣沒世而名稱偉矣夫

吳璫鶴先生傳

璫鶴先生名亮思字幼庵姓吳氏廣濟東鄉石港  
山人也少時從里中劉敬伯學詩有聲諸生間錢  
塘葛公岷瞻督楚學覽其文激賞之由是與黃岡  
何遠宿閣中樊亢宗維城黃美中正色王子雲一  
翦頽頽齊名仲兄少常亮嗣萬曆中給事黃門迎  
養母太恭人先生侍京邸交遊多海內聞人而豫  
居業齋文稿卷十

卷十

三

章姜公曰廣徐公聚伯交尤厚已而歷試鄉闈不  
第學宮領滿貢上春官當崇禎十三年有詔按才  
歲貢額外更試百人進先生年甫踰四十大宗伯  
林公欲揖耳先生名且以應選而權貴人私其子  
弟親戚先生無與援攢不與會輦下物議洵洵指  
摘陳相演先生發憤上疏畧言皇上勵精圖治求  
賢若渴制科而外求之拔貢求之宗室換授求之  
山林薦辟今乃下及歲貢矣皇上求賢逾急而臣  
下奉行逾緩皇上求賢逾公而臣下奉行逾私富  
家得官以賄賂勢家得官以門生故吏之援引古

大臣以人事君之義當如是耶疏入上命指寶璽  
奏疏言臣楚人言楚大學士姚明恭以其弟居恭  
進兵部左侍郎王道直以其親識龍納箴進此則  
背公徇私較諸臣尤為可歎者也三疏言指斥逾  
切通政徐公石麒從容勸先生節縮疏中諺先生  
不可通政不得已上之演慮上震怒禍叵測乃屬  
徐通政陽好語羈縻吳貢生邸舍而乘間密疏楚  
狂生罔識治體於是上意稍緩先生旅食久資用  
乏絕乃治裘南歸而閣擬吳亮思挾私妄奏俟任  
官日罰俸用當是時吳貢士三疏稟郵遞且徧天  
居業齋文稿卷十

卷十

四

下矣甲申闖賊陷京師相演望風從逆以家富故  
賊徵索拷掠獨苦賊南奔誅演於市先生時客金  
陵或以演死告且曰幸矣不死竄而南且為國患  
先生曰患固有六於演者益指鳳督馬士英也居  
亡何士英引阮大鍼表裏亂政日畫計殺東林復  
社諸君子先生仰天歎歎曰詩不云乎人之云亡  
邦國殄瘁已矣遂歸隱石港山不出客至飲以酒  
酒酣談往時齒門邸中耳目所覩記事至更闌燭  
跋不休客就寢先生脫帽賦詩巡檐望星斗而歎  
嘗言江陵相富國強兵功在社稷而論者紛紛以

專詬之江陵敗後無復任事者矣應山楊公漣江夏熊公廷弼受禍俱極慘小人附逆璫以傾東林楊公爲東林所倚重摧折固無足怪乃熊公負氣孤立素與東林人不合而殺熊公者亦并東林爲一案異時史局誰知之者先生追論挺擊紅丸移宮顛末皆歷歷指諸掌嘗作山居謝客篇論國家陰陽倚伏之故而追始禍於神宗靜攝之季後人無以易也先生居約好飲偶攜族子飲隣舍毋障角勝負族子醉拉隣人脅仆地詰朝死訟之官族子逸先生就理掀髯談笑若無訟然司理潘君恚

居業齋文稿

卷十

五

且以先生抵會王子雲客司理所訟言吾老友寧三上疏發大臣陰事者歸田憊矣禍寬博安能殺人速平反引爲上客茶酒內猶得聞所未聞司理許諾事乃解歸而窮日益甚然吟咏不絕口性慙不能容人過人亦憚之然語及孝子順孫義士節婦輒紀述淋漓誅宕不啻親見之也山居杜門久仕路請謁都絕有少常公通家子徐君來守黃延至雪堂而黃美中來執手道故歌呼往往夜達旦已忽話及宋遺民西臺慟哭事洒淚別歸歸踰數月寢疾卒先是兄蒼石女適姚踰一年寡誓守節

歸依先生石港居冠至渡江僑居沙洲癸未寇警女晨起呼家人擔松柴瀕江盟沐更衣與往柴園坐及眉目火起焚死鄉里數千人聚觀歎息以爲難先生作節姑吟邑人到今傳焉所著石巖子集凡若干卷藏於家

贊曰吳先生與先大夫交甚篤德嘉五歲而孤又十年以故入子過從石港山房先生一夕走筆數千言爲先大夫行狀於是千里劉先生据狀以志先大夫墓先生之卒也千里亦志其墓矣而未有傳仲子敏材以請故掇拾爲之且悲其遇焉雖然

居業齋文稿

卷十

六

先生抗疏動天子矣雖不官何憾哉

先王父楚濱府君傳

王父楚濱府君諱鼎赤少時與季縣學生太和公偕治周易而皆教授里中當是時王母朱太宜人善病家漸落王父不視家生產日取漢魏三唐人詩諷之意欣欣有得門巷蕭然布衣糲食晏如也伯父棄經生業乃屬意先大夫使受易太和府君所先大夫甫弱冠即出授徒以佐孝養王父於是所不復爲塾師而肆意聲律之學隨所歷山川人物風土寒燠陰晴木石蟲魚禽鳥偶有所觸輒筆之



於詩萬曆乙卯先大夫鄉舉明年試南宮不第念  
王父且老計就祿養王父不可曰貧吾素也隣少  
年侵我界地氣悻悻無禮於先大夫里人爲不平  
而先大夫改容謝益恭王父色喜遇鄉曲當如是  
矣王父昆季五行次三友愛甚遇人無貴賤少長  
賢愚飲以和人以是稱長者先大夫四上公車筮  
仕醴陵教諭檄至王父瞿然念曰我先世西江人  
也自子成府君教諭廣濟已而爲廣濟人及吾之  
身五世矣而乃今起家博士也可不勉哉居亡何  
寢疾卒卒後二十年龍坪瀕江神祠石壁上九日  
居業齋文稿 卷十 傳 七

詩父老猶能道之曰楚濱先生句也生二子長伯  
父肖濱府君次先大夫復濱府君王父生隆慶戊  
申卒崇禎戊辰享年八十有一先塋馬口湖後遷  
本鎮便民倉後朱宜人塋左孫德崇誌其墓太和  
府君別有傳

從祖太和府君傳

府君諱鼎調字太和廣濟縣學生以周易授徒柘  
湖阪久之築草堂柘湖自龍坪徙居焉龍坪之俗  
敬禮儒生歲杪則富人具薪粢酒脯蔬果餽餽  
遺甚厚府君念曰奈何以口腹累人餽者到門好

語謝之曰家口無多歲事幸已辦矣感君厚意敬  
登酒一樽其介如此王父楚濱府君命先大夫受  
經柘湖草堂府君奇先大夫文曰是且爲經濟名  
臣萬曆甲寅先大夫入縣庠第一明年赴鄉舉府  
君屈指榜放可二日報且至晨起自柘湖走江上  
問日報未至耶王父笑曰談何容易府君曰以文  
卜之耳薄暮報果至明日返柘湖語諸生徒曰老  
夫不復應科舉試矣王父攻詩時時吟咏不絕口  
府君問屬和然不求甚工也而專治易其治易言  
象學嘗言荀九家亦未盡非自士爲科舉之文古  
居業齋文稿 卷十 傳 八

學寢廢如朱子學校貢舉議著爲甲令以取士庶  
幾其有救乎冠婚喪祭壹遵考亭家禮行府君老  
皓首兄弟五人伏臘會食飲酒酣輒追述先人往  
事輒哽咽涕泗霑襟而罷嘗語先大夫人人生惟孝  
經小學家禮講貫力行乃可以爲人先大夫髫年  
鈔謄王父所輯宋儒言行爲自警編遵府君教也  
府君夏一葛冬一緇袍方巾布襪行數十里無僕  
從驟遇雨徐行緩步如故見道上趨走詰之曰前  
塗不有雨耶讀易有得輒劄記且成卷有子早卒  
孫德裕孤先宜人奉先大夫命鞠之如已出德裕

聲書得黃庭楷法明末避亂江以南沙洲  
死無子兄子以亂離流落後不知所在府君墓拓  
湖草堂側土人至今樵採相戒不敢近曰太和金  
先生墓也

### 先妣李宜人傳

宜人姓李氏外王父李公繼堂幼女也德嘉少時  
師事伯舅太復公大復公骨鯁獨立意無可一世  
然時時稱說先大夫事未嘗不歎歔感慨泣數行  
下也蓋宜人歸我先大夫逮事王父楚濱府君以  
孝謹聞先大夫諭醴陵諭浙川知陝西與安州宜

### 居業齋文稿

卷十 傳

九

人從先大夫卒於興安宜人護櫬以歸大復公曰  
古所謂以死勤事者其惟興安乎方賊由蜀走關  
西而熾於漢興州郡縣道望風潰獨興安堅守不  
肯下一歲中圍城者四先大夫躬冒矢石睥睨間  
四十日夕宜人則坐古井上待不測斃耳如是者  
亦四十日夕賊鋒挫而城以完先是賊攻城急先  
大夫登陴不內顧宜人敕蒼頭召城中眾匠作堞  
障數百一夕而辦黎明懸之城上當是時先大夫  
不知堞障之所自來也坐古井時婢子繞井侍宜  
人念曰守城卒良苦括簪珥市豆數十擔令婢子

移署內鐵釜置井旁日夜炒豆以餉守者婢子有  
炒豆之役輒不寐而守者時時啖豆亦不寐也嗚  
呼大夫慄慄烈矣若夫視死如歸使大夫無內顧  
憂者微宜人其孰能之哉德嘉五六歲時侍宜人  
誦宜人且課且泣曰汝廉吏子也勉之會歲潦飢  
貸粟於富人滌釜以待爨宜人課誦如故曰燃糠  
映雪古貧士也卒以顯名汝勉之寇至江居火南  
徙沙洲洲居復自火左良玉兵亂奔竄無寧日宜  
人獨與先大夫畫像偕而帶佩刀時自礪如興安  
井上時也祝曰未亡人奄奄視息為兩孤耳崇也

### 居業齋文稿

卷十 傳

十

幸已補諸生有室獨嘉尚弱耳天乎其俾余旦暮  
保首領以沒乎宜人布衣蔬食為未亡人十一年  
以卒卒之日冢婦吳隱隱聞鼓吹聲異香徹座隅  
宜人端坐以逝也廣陵司李陳心山故興安人寓  
書德崇曰尊先公守興安誼至高得民死力有古  
循吏風乃若清操介節餽遺一無所受非獨刺史  
廉也蓋亦有內助之力云康熙庚戌德嘉上公車  
浙川李子偓侶相遇於長安旅舍哭甚哀且曰先  
師司鐸浙川浙人士彬彬興起至於貧者賑飢者  
餐衣敝壞者解贈羣兒倚一母焉到于今稱之不

衰也嗚呼由斯以觀可以知宜人矣伯父早世遺孤男二女四皆鞠育婚嫁之太和府君孫德裕孤育宜人所拊之如已出婦姑迎養怡怡愉愉終其身族之喪塋不舉者姑姊妹之子若女失怙恃者仰給先大夫宜人躬自節縮佐先大夫膏潤之無畛域焉宜人操家儉馭下慈而肅絲枲織紉豆觴醢醬皆可爲後人法子二人德崇廩貢生德嘉壬戌進士第一官翰林庶吉士檢討兩遂

羣恩勅贈宜人孺人孫男七女四曾孫男女若干人宜人生萬曆丙申八月十三日卒崇禎甲申七月二十一日享年四十九

居業齋文稿

卷十

士

月二十一日享年四十九先大夫山梅衡雨場山之原嗚呼宜人卒且四十年矣而未以節旌孤之罪也夫孤之罪也夫

### 先兄明經傳

先兄諱德崇字峻公一字泓陰先大夫復濱府君之長男先妣李宜人出也少時侍先大夫宦遊陝西之興安州先大夫卒侍先宜人扶輿歸十三歲補邑諸生始秉家政冠亂江居火走南岸洲居歲許飢洲居火家落崇禎十七年宜人卒順治二年左兵大亂春以八口竄山谷秋九月歸江上塋

居業齋文稿

卷十

主

有子請以身代病良已已而嘉生二男子兄愛憐之尤篤蓋兄之於弟如此於書喜讀史記詩於唐喜杜於明喜何李爲文伸紙疾書不加點竄然閱肆自喜飲酒無算然以酣故至目昏也兄生而侍先大夫十三年侍宜人爲未亡人十有一年補邑諸生四十有三年餽于二十人中二十有四年其與弟德嘉形影相依者三十有七年其鄉舉而不售於有司者凡八年十五年餽滿出學宮且上春官而暴病死矣兄自著伯子年譜簡而質少孤苦長更亂離播遷念先大夫孝友忠廉先宜人苦節

每讀孝經至於立身行道揚名顯父母未嘗不泣  
下露襟也又嘗言京華之遊往還數千里所過山  
川古蹟憑弔而聲諸詩庶幾少抒數十年蓬卷鬱  
勃之氣然竟已不遂而卒嗚呼豈非命也哉先是  
有泓陰集燬已有古歌集草窻襍錄詠史并年譜  
凡若干卷距生天啟壬戌享年五十五元配吳產  
男一女一皆殤吳慧而賢兄悼亡詩所謂織素孺  
人是也詞酸楚不可讀今逸矣繼娶郭生男五啟  
濂啟濟啟江啟雲啟洙江中康熙壬午副榜乙酉  
舉于鄉餘俱縣諸生女一適周儻廣東鎮平知縣

居業齋文稿

卷十

三

孫男七人德嘉曰余不孝五歲而孤蓋未嘗及先  
大夫庭訓也先大夫生平忠孝大節惟兄能言之  
然兄自十三歲後亦祇聆先宜人訓耳中遭世亂  
藏書散佚且盡鈔膳學豈不難哉而所就止此歐  
陽公有言士之爲善者潛德隱行必有時而發而  
遲速顯晦在其子孫余是以把卷三歎倦倦有望  
於後人也

胡經歷傳

胡經歷士定字鎮常廣濟之龍坪人以歲貢嘗官  
于趙城又官潁州矣學者往往往師事之不以官稱

也稱二華先生云父教菴諱應中母李有五男子  
而二華暨弟仁常最知名仁常諱士容明萬曆庚  
戌科進士累官陝西甘州道卒贈太僕寺卿教菴  
用子貴封文林郎贈奉政大夫李封孺人贈宜人  
教菴爲江上經師所成就人材甚衆而二華執贄  
黃梅瞿聘君九思受學從聘君游最久聘君纂著  
大都與鄭漁仲馬貴與相表裏其檣拾鈞考二華  
之力爲多焉太僕之備兵薊州也會逆瑞魏忠賢  
亂政崔呈秀薊人檄媚瑞者建生祠當是時瑞祠  
且徧天下矣薊兵備獨抗顏拒之瑞聞患甚已而

居業齋文稿

卷十

而

用他事羅織矯詔逮鎮撫司獄拷掠瀕死會崇禎  
改元瑞伏誅有詔起廢進官叅政則宦蹟在臨洮  
甘肅間沒而朝議贈太僕蓋褒忠也是時先大夫  
燕居嘗與士大夫論持身立朝本末至於胡公忤  
瑞速禍皎然與楊左諸公比烈則擊節歎賞且曰  
公天性骨鯁然哉抑父兄之教先之矣先是太僕  
起家進士數歷中外時稍引手二華可致大官然  
一主趙城簿一經歷潁州衛事耳其情於祿利如  
此二華子象成玉成迭成皆縣諸生而玉成字純  
石名最著余兒時嘗遊江漢書院望見頤而山

者心異之先兄告子曰胡山也他石子三人今存者從期從視從祝之子曰小棟受經余從子啟

江

贊曰書之於人大矣哉教菴有書癖二華踵之遂名通儒太僕之初令長洲也購羣書度閣招致外甥劉醇驥千里讀之卒爲楚博物君子諺曰黃金滿贏不如一經信然哉

### 徐葵垣傳

徐葵垣者名燧字煥然浙江山陰人也父左川通許縣丞葵垣十二歲而孤母張鞠之稍長游學錢

居業齋文稿卷十

傳

五

塘二十一歲遊京師旅食久屈停主人意寢薄稍聞煥語遂掉臂去已贅郝有室充戶部雲南司典吏輕財重然諾以俠聞久之妻暨母相繼沒會聞變跳匿至

國初則年踰四十矣出供事兵部當順治八年大司馬金公破資格物色人材之可大用者而葵垣與焉未幾運砲督師洪文襄公軍前以軍功加正二品銜大司馬劉公奏除授掌印都司得管福建屯田都司勤於其職踰七年課最陞都司江南掌印轄漕屯撫軍郎公器之十六年海警會有司繫

民夫百數閉之都司解廨間婦女號呼聲晝夜不絕聞而惻然傷之念曰更徭自有挈令奈何繫人而牛羊使之察其中有書生在又非其罪將走台中丞遣之且行且熟計恐請不得乃以便宜輒開門解其繫大言曰去吾放汝於是驩呼聲動地搏額謝盡去乃騎詣中丞府言狀且請罪中丞義之弗罪也當是時大江以南嘖嘖稱都閫君長者已而事平方上守禦功遽請老歸歸時年六十二子二伯麒伯麟伯麟涕泣以狀來告且曰先君居官廉居鄉好行善事請老垂十年而卒卒後十餘年

居業齋文稿卷十

傳

共

猶在淺土貧無以塋也余悲徐生之志故爲之傳贊曰見義不爲無勇也士大夫視人危急而次且不前者豈少哉夫蹠視一官而存活人且百數可謂勇矣而官卒亡恙嗟乎是可以勸天下之爲義者矣

### 介節先生傳

介節先生者廣濟人其家居藕灣嘗刻藕灣詩文集以行世者也姓張氏名仁熙字長人其卒也鄉人誄而私諡之曰介節先生云張故廣濟大家宋元明代有顯人大父玉臺平武令父雪巖天啟甲

子鄉舉母徐海防同知徐存吾女也先生生而徐卒大母劉鞠之年十一屬文有奇氣又三年受知督學顧公補漢陽學官弟子檄歸廣濟丘公毛伯督楚餉一見賞識遇以國士督學虞公試上等於名藉甚江漢間當是時雪巔以名孝廉紹玉臺家學度閱書踰萬卷而舅氏碌儒君又出海防藏書佐之藕灣草閣鐙熒夜達旦所爲古文意無可雁行者而獨與劉千里醇驥友善兩人者桴鼓約束里中文社之盛自是始孝廉公有志未遂而早卒先生感愴涕泣逾益肆力於學門以內結五

居業齋文稿

卷十

七

經社與從兄一生復熙競爽漢陽李愚公先生序其文寓書文文肅公評選以行白下於是楊維斗顧麟士楊子常吳次尾蔣楚珍劉伯宗諸名宿書劄勞問藕灣無虛日而同郡易曦侯王在明何子安黃美中梅惠連壇坫相望太倉王公澄川視楚學政楚人應以閱覽博物之言先生掉鞅與諸名士相長雄脫橐而書賈購之凌駿甫所稱爲風華古博者也先生貫穿史學慨然思有以用世然闢試久不第會流寇躡楚職方楊卓然又先議安掃隔里眼左金王諸降賊斬黃山後號曰新民先生

以故人子奏記畧言武侯兵民襁處渭濱而不亂以屯田耳今茲新民實賊也坐食民粟而弗佃舊民之畝不數月食且盡新民去而蠶食他方舊民還而寄命空谷蔓延濡染可爲寒心項襄毅之於房竹王文成之於桶岡大藤操縱有方服而鎮之且巢在則宅爾宅田爾田也今之新民譬諸勞獲挺鹿第藉此以紓旦夕之力而公乃以爲檻虎不憂其餓而噬人亦誤矣纚纚數千言職方讀而避之然不能用後卒如所料寇警至廣濟邑無城先生丁王父喪倉卒走避蘄州蘄城破還走藕灣自

居業齋文稿

卷十

六

玉臺下世鄉里兵火歲歲不絕先生作王父及考傳聲淚俱下先是母徐以產卒櫛拾婢子語觸緒蒼涼酸音促節爲人子者嗚咽不能讀其至性如此山居既謝絕貴遊而京口譚長益蘄州顧赤方同里胡孟培劉千里過從講藝麥飯豆羹往往往驩去今吏部尚書商丘宋公牧仲通守黃州于堂築東齋延致先生言詩推官王君侯齋黃岡知縣徐君亦久相與下上千古聯牀且踰數月介修通志布政使司張公九如聘篋藝文書成未

詔中外臣薦舉隱逸布政使司徐公子星列名且  
上督撫先生以疾辭而禮部尚書王公昊廬時官  
翰林吳文僖公時官禮部尚書都御史姚公岱麓  
時爲給事中欲合疏薦先生嵩岑李公時爲卿大  
理止之以爲不可屈也事遂寢宜與蔣公沅齋督  
楚學寓書藕灣虛左席以待先生以疾辭而手疏  
先哲吳自守韓紳同學胡篤生劉醇驥請祀鄉賢  
檄下鄉人僉曰此盛德事也初通志垂成而棄散  
佚於司庫至是再奉

詔先生力疾往事竣乃還先生之學大都苞蘊史  
居業齋文稿

卷十

九

漢渠獲八家而沉酣於騷選書法縱橫自得人以  
爲在顏米間初刻藕灣詩鈔十卷文鈔十卷續刻  
詩集十卷其日菴野錄雨湖莊論別錄草窓祕錄  
近詩文凡若干卷四編凡三十卷藏於家垂老猶  
善飯旅進曾元孫口授六經大義未嘗齒豁行間  
注釋猶小楷蓋春秋八十四以卒子佳勗晟昂環  
金咸績學有父風

贊曰漢史傳黃叔度言論風旨不少既見第載荀  
淑袁閎戴良陳蕃周舉郭林宗諸君子之論以爲  
道周德全無得而稱焉若介節先生者嘗脫人于

岸獄活人于刀俎陰德軼事余不具述述其師友  
之際近古者綴於篇嗚呼亦足以見先生矣

居業齋文稿卷十終

居業齋文稿

卷十

十

居業齋文稿卷十一

廣濟金德嘉會公

傳

陳松麓家傳

松麓陳先生文簡字有斐廣濟東鄉人也隱居萬松之間故曰松麓云父惟表隱君有子四人毋某早卒松麓冢子也侍隱君養會家苦徭賦中落弱冠即里塾授徒藉館穀以佐甘旨久之諸弟壯力農家稍稍饒矣而授徒如故崇禎甲申應童子試督學使者無錫塔公倚錫網羅楚人士方郡縣案居業齋文稿卷十一

傳

未揭更大收以蒐之松麓已用文簡名就試復易名應大收試比揭案則補博士弟子員者二矣而文簡名次稍後松麓念文簡家大人始命名也遂棄去易名生而竟就文簡名以列於學宮順治辛卯三原保菴李公視楚學政奇文簡卷科舉高等入闈是後科歲試輒就輒復高等而隱君春秋高垂九十卒當是時隱君孫十數自祐國以下入學宮者且數人壹稟松麓教以馴謹聞松麓一日飲酒酣慨長歎自是棄去制舉業迎致里中知名士課羣兒誦築書屋四楹環以池水手植桃李梅

竹白蘭紅藥橙橘薔薇種種掩映於萬松之間時引池水灌之夜半繞窓行手提壺漿勞塾師曰端摩良苦言已去就寢詰朝窓外擁篲掃落葉有聲塾師覺而遽命童子代松麓笑曰老夫聽窓中書聲萬事足矣會歲飢患盜富家遷居城市者十且八九松麓慨然曰耕讀世業也遷則人瘠田荒長譁踴散淳樸暴客未至而家先自伐毋乃不可乎擊析以守勤也器用陶瓦衣裳用布無慢藏無暴殄儉也滋吾儉而督吾勤若之何去之竟不果遷而亦無盜患松麓捐而顛其於義利之介確如也居業齋文稿卷十一

傳

二

與人交不能炎熱以媚人然自邂逅以迄終身如一日當其意所不可即萬端諷之不能動一有所諾於人即暑雨風雪亂離間之不爽毫髮其友愛諸弟也出必羣遊小疾痛疴癢必拊摩調治惟謹斗酒盤飴必共飲食瓜瓠蔬果鮮好必分嘗昏喪祭祀悉教以考亭家禮必誠必敬也其質行如此歲在年六十有寢疾語笑從容如平常殆庶幾聞道者歟

贊曰漢史石張列傳行事人人殊然要不失為長者士毋取聲聞顧力行何如耳若松麓之力行亦



世所謂難得者也

范龍崗家傳

范應明字起公一字龍崗廣濟縣人也爲縣學諸生性愿慤寡交而與甘越石一焜友善越石者貴陽通判忠甫子貴陽與先大夫同萬曆乙卯鄉舉余與越石兄弟行也數過從越石家越石嘗爲余言范龍崗余未及交龍崗也然越石長者言不妄越石竟以布衣諸生死矣又無子其生平湮沒亦無復有能爲言之者龍崗有子二人曰于鉉曰于銓范氏之先自縣學生玉吾以儒行顯玉吾生忠居業齋文稿卷十一

衡有還人遺金事忠衡生應明少時偕主五宜入學爲諸生應明之居親喪也遭寇至朝夕衰絰哭既塋守墓哭伯兄死撫其子如已出弟天無子以子主其祀冠掠里婦女十餘人傾橐中裝贖之不给則繼以猪牛有夫陷賊久未歸者食其婦且數年其人歸室家完聚如初會歲祲里人有貧乏不能存者舉家鬻且成券矣爲賣產數畝贖歸之妻方氏死遂不再娶鰥居數十年年六十七而卒諺曰不知其人視其友五宜哀輯邑志邑人至今思之越石悛悛言不能出口師友之際可以觀龍崗

矣

贊曰司馬子長有言閭巷之人非附青雲之士惡能聲施後世有激乎其言之也人患無行耳繩樞甕牖之中砥行取友曷常不傳哉

袁強知縣張君傳

袁強令張君鞠菴之起家進士也出蔚州魏果敏公之門魏公累官至九卿余壬戌解褐見公大司寇邸第公知余廣濟人執手問鞠菴家言已而歎蓋追念鞠菴材可大用而惜其用之未究也當是時鞠菴下世已六年到于今又十六年矣君諱先居業齋文稿卷十一

基字開有鞠菴之字蓋登第後念母劉太君不待養志感云武穴之有張氏世居月塘郡道元注經所謂刊水石對馬頭岸也鞠菴大父維樸縣諸生父封文林郎念川亦以諸生老所刻詩名念川集念川五男子鞠菴行二年十八受知太守靈臺許君時龔端毅公令斬水太守延之雪堂得鞠菴卷稱善明年試補學官弟子順治丙戌舉於鄉已丑舉於禮部壬辰對策成進士乙未除知縣縣素強畿南大縣也魏公爲文祖之知其任繁劇無難然是時郡縣有司往往爲逃人累誤魏公心

爲憂鞠菴下車則緝衙蠹緩逋征嚴保甲驅游惰  
庀材修學發廩賑飢月聚父老子弟讀瀉縣乃大  
治有故官楚藩右轄者子若孫爭廕訟久轆轤宵  
人窟穴其間互勝負案積寸許上官屬新令剗割  
鞠菴鞠訊時誨諭排側兩造感悟訟乃平先是縣  
獄大辟凡二十有八案丹書已定鞠菴愀然有平  
反意會卹刑使者行部輒條上請讞報可減等論  
存活百數縣故浩穰而人未知學鞠菴開衙齋檄  
生童都就課於諸生中得宋師祁於童子中得鄭  
司直端張殿揚鄭穉王恤已而庶常學使令長冠

居業齋文稿

卷十

傳

五

蓋相望東強之有人物自是始也治行優異紀錄  
加級籍籍考功魏公聞大喜居亡何而有逃人王  
應水之事應水匿東強久前令弗察也鞠菴乃坐  
是落職縣人傷之樹旂擊登聞鼓言狀然格於督  
捕成例竟解任魏公歎曰已矣抑命也夫鞠菴脂  
車南歸歸而念川方七十奉觴上壽愉愉如也母  
兄前基弟福基後母弟統基元基友愛無間拊從  
子之孤者鳴貢鼎如已出鼎天遺孤又拊焉族有  
老而獨者存養歿塋殯其力乃已祖墓田以次經  
營漸有緒歲大無輸國粟以爲鄉人倡按察使

縣大夫翕然稱張君長者統基饒於庠歲貢上春  
官他所濡染成就者甚衆鄭司直由庶常歷湖南  
按察使陞江南布政司道月塘步屨辦香及階瞻  
遺像兩泣且曰東強縣志殺青矣敢告我先師於  
九京又曰曩丙申元夕大將軍兵過東強兵與民  
格鬪而死大將軍譴怒令禍且不測有趙大者脫  
走踰二百里忽詣軍門自首曰殺旗丁者我也令  
無罪大將軍乃械繫趙大去嗚呼人情莫不自重  
其死也而趙大抗慨赴之師之感人古循吏所未  
嘗有哉余聞是言也而慄然久之曰若鞠菴者沒

居業齋文稿

卷十

傳

六

世而名稱矣鞠菴襟期散朗與從兄寶持孝廉酣  
飲長嘯披裘岸幘有魏晉人風然雅好購書挿架  
萬卷閣藏焉縣人之請祠鄉賢則具列其內行也  
初多女子少男子已感夢而產晉金年四十四矣  
輕財好施予孝友有父風甫踰壯而已四丈夫子  
繩繩方未有艾東強雖未大用於世而世澤於是  
乎遠矣

論曰士信於知已也漢南州徐孺子齋磨鏡具徒  
步千里而弔江夏黃公之喪感深哉鄭司直之於  
月塘先生亦如之諺曰磁鐵相引物理固然魏公

落落少可而款曲一張生及其死也猶念之知其爲人耳余是以感念於師友之際而有味乎古人祭川之義也

### 容園翁家傳

容園翁者廣濟縣東門人也姓胡名一玠字石存曾大父友濂縣諸生大父贈鎮將軍本臣好誼樂施予世父鎮將軍海字光伯起家萬曆癸丑科武進士累官山西總兵父浩字仲質用子貴累贈奉政大夫先是與將軍同居六十年以孝友聞於鄉里卒後且數十年而兄弟並入鄉賢祠母周

### 居業齋文稿

#### 卷十一

傳

七

贈宜人生五男子而石存行三髫齡讀書過目輒成誦弱冠受經已丑進士孝瞻毛先生甲中應賢學無錫堵公試偕仲兄石函一珙以七義爲高等石函與余順治庚寅同餞於庠而石存迨康熙壬子始餞焉胡世以孝友名家而奉政大夫累官廣西布政使十水先生行九篤十水石存伯兄也而石存事之如嚴師當通籍服官時會軍興縣人大都困於租徭石函卒則石存以隻手措擇家政且億矣然雅好與賢士大夫遊瀕河茅屋知名士過從無虛日京口譚長益允謙用法書額曰山舫里

先輩劉廓菴張日菴數游譙久之題詠成帙石存名曰高縣大夫列名以行優聞於學使者然性伉爽視一切脂韋齷齪諸封殖家嘗愴奮之弗屑也族人苦逋賦散匿且盡代爲償尋復聚諸生以口語違禍且成大獄輒挺身爲辯雪其誣里中游仲武老儒也閱其孤衣食之至於沒齒羈旅寥人王某從淮上依縣人來未幾有菜色石存愀然留衣食之踰三十年及其死爲殯塋之辛亥歲大疫隣餓者數十家石存比屋賑賑存活無算羅姓人鬻妻陳姓人質子皆垂橐助以金不足則繼之困粟

### 居業齋文稿

#### 卷十一

傳

八

其急人急往往夜不能待旦宗族故舊婚喪不舉而賴以竣事者蓋不可勝數若膠庠士氣盛衰尤抗顏以身任縣吏民齟齬成訟訟日熾石存言於大吏事乃解里人逋賦沉獄數十人拘繫累年石存言於令令爲貰出令有墨而猛者深文黜十數人新令甫下車石存建白爲請平反令申請而黜者旋復文廟學宮圯建議修葺典衣爲同人倡其輕財好義類如此戊辰兵變亂武昌邑令竄大將軍討賊道縣境縣人惶恐走匿石存率父老以牛酒犒師大將軍喜軍士款門則啖以豆粥汲河水

飲之人人饌飲詰朝起營去里人門戶井竈依舊是日也石存以一諸生從容罄折於三軍壁壘人以為難石存嘗出游歷淮泗齊魯過金陵廣陵入閩道武夷眺大海從伯兄宦遊之西粵過洞庭抵桂林梧柳上五羊城轉庾嶺涉彭蠡以歸以是盪胸寓目瀟然有塵外致迨歸隱容園竟以諸生老矣方伯公里居石存晨夕省視蒼顏斑鬢譙聚若孩孺時其家範恂恂孝謹如此石存少與余偕補縣學諸生子五人統思為余子壻孫男三人

贊曰余讀史觀信陵公子之為人好士關急有足居業齋文稿

卷十一 傳

九

多者漢人孔北海庶幾近之然皆席優處潤得如其意所欲出容園藿食耳豈不難哉觀其慨立談大將軍動色抑何以魯連自命也士有材莫試而第以一丘一壑名後有誌東門人物者舍容園奚述焉

蒲圻教諭李巖詹傳

廣濟有李大復先生者頤而山立幾親危坐門弟子侍側數十人終日無欠伸噫蓋鄉里長德人也其從子巖詹亦然里居授徒常滿門函席森列肅如也鄉舉後過蘄州州王刺史望見偉之貌

手曰君臺垣中人旦日早褰白簡言天下大事汲長孺豈得獨有青史哉已而廉其為諸生時義不苟合鄉曲數面數人過宵人憚之有所為輒計曰李君得無譙讓我以是逡巡謀竟寢王刺史告人曰我能望氣向者期李孝廉言不謬顧巖詹上公車輒下第久之試為天官選人家食雅好客典衣償尋常酒債良苦妻陳賢急則脫簪珥治具或勸就署教諭官雖冷奉入簷能糴秣十挺之脯亦足以充筵於是例陳乞改官得武昌之蒲圻既之官葺廟學完垣墉增廡舍別構雪堂待客時時取栗麥故鄉泛舟西上雪堂木蘭大放縣令山東韓君北平佟君屏從排戶入騰觚飛爵無算蓋風流豪舉名籍甚江漢間矣巖詹是時亦若不知學官之外更有若臺垣者之為樂也親戚故舊率舟過存帆影相望雪堂剝啄無虛日由是日因妻陳夜分洗醖質明料理薪粢勞苦視故園有加焉巖詹一褐袍至十年紉縫出對客陳至手指皸裂口未嘗言貧浮沉冷署忽忽十七年秩滿且遷遷有日遂以疾卒蓋王刺史之言于是乎無徵也悲夫

贊曰鄉舉當順治庚子廣濟凡四人余與張寶持

居業齋文稿

卷十一 傳

十

藍石雲俱縣籍巖詹補州諸生第一人故舉於斯也辛丑遊燕市逢術人相骨相已徧徐問曰公等四人一縣同榜然無一知縣起家者已而余三人試教職巖詹不就曰母成術士名然寶持學正汚陽石雲教諭攸縣轉當塗令余教授安陸垂遷縣令矣壬戌成進士入翰林而巖詹卒以蒲圻教諭老術人之言其偶中歟抑果有命歟天壤間負才而鬱鬱以終者何止巖詹也初大復先生自傷其數之奇歎曰否極思泰不於吾兒則諸子乎命巖詹名必泰字曰元闢厥後四十餘年有司舉先生居業齋文稿卷十一

傳

士

鄉賢而必泰以孝廉奉主人祠讀書砥行亦足以慰先人何必通顯哉

徐玉槎先生傳

玉槎先生者姓徐名長猷字曰彥合廣濟縣人也大父驚嘉靖己酉鄉試第五官翰林院孔目縣志所稱豹山先生者也父萬曆間貢生諱來聘字覺吾仕臨洮推官嘗監將軍劉綎軍征火落亦有功陞廣西永寧州知州會猗猗相仇殺卑騎往諭解之永寧人祀之學宮玉槎生而慧髫齡受書一目輒成誦十歲侍父之官臨洮舟行墮水久之警露

忽踰而山出比就外傳爲文不起草十七補學官弟子員試輒有聲然竟不第一日唱名於增廣生中當受卷昂頭大言生老矣督學使者顧問若爲諸生幾何年曰五十又二年矣迺微哂領之歸而棄科舉文字不復爲益肆力古學又十七年而卒蓋年八十有六云少時遊黃州與何炯卿甄景石諸名士友善抵掌論天下事欲以功名自見於世雅好覽觀山川阨塞及古人戰守舊蹟嘗仰天長歎曰嗟乎男子生而老死鉛槧間即安用此七尺爲哉越十數年浸衰酒後輒諷杜詩曰短衣匹馬隨李廣看射猛虎終殘年其爲人之嶽崎歷落如此又久之客遊返棹時有江西估客附舟病且死舟子利其貨夜取屍沉諸水僮僕聞之以告召舟子詰怒之舟子色恐玉槎因好言以厚直者與汝汝出其屍餘悉籍記以待其子言已呼隣舟買棺殮之舟抵估客鄉縣其子拜受籍而迎其殯以歸里居時有祖塋青岡嶺樵兒據樹頭斫伐玉槎造見之恐其驚而墜也若爲非徐氏者漫語曰此徐家山林也其人徐下執斧斤去明日乃知爲玉槎悟曰公慮我驚而墜公德厚矣敢不拜比隣盧姓

居業齋文稿

卷十一

傳

士

人急而鬻其田於玉槎事已悔玉槎知之即焚其券其直置不問蓋晚節行事君子以爲尤人所難也

論曰自隋時初設廣濟縣治而孝穆之孫斐爲令遂家焉唐宋代有聞人歷元明迄今而里門家廟如舊余十二三歲一見玉槎於稠人中褒衣博帶異之當是時學子遇先生長者於塗鞠躬屏息唯謹即委巷細民無識不識望見輒起立固由章服有別抑可以見前數十年風俗之厚也

郭寧玉家傳

居業齋文稿

卷十一

生

郭某字寧玉廣濟之靈東鄉人也郭故著姓先世有隱德君早慧受業陳君敬中陳經學名師君侍門墻久濡染貫穿書法仿蘭亭序洛神賦久之自名一家補諸生有聲嘗東遊吳門吳人得君書輒傳示家塾爲童子撫本歸而授徒江上江上人事之以嚴見憚嘗大會里中兒臨文畢輒豫算其貴賤壽夭一時號冰鑑云君久次諸生稍稍厭苦之於是謝去諸生冠服而以嚮所聞諸師者深服子子存會爲諸生又有聲君大喜里中慶弔文字踵門無虛日至輒濡毫脫橐無倦容存會鮮兄弟

居業齋文稿

卷十一

古

而體羸弱善病君課之肅不中程輒譙讓雖微諷之不少貸爲家社課族子件繫條列疊疊如顏黃門家訓君性剛數面折人過人有爭來質萌芽隱伏片言抉摘面發赤而訟端寢矣歲祲田價賤人急率減直以售踰一二年君設酒食召其人視原券補償之邑有南漕糧故民兇苦運軍科授例營改折而黠吏表裏貪人因緣中飽費無算康熙乙巳旱蝗君慨然曰邑人憊矣襍被西征獨任改折事先是費以千金計是歲財三百金而檄已下君在武昌念隣邑所在報災而廣濟獨否遂與司吏約乞例蠲而徐令補詳蠲下縣人懽呼更生而君嘗垂橐數十金以償司吏而口不言嘗自號病翁蓋謙讓其天性也配徐有賢稱歲辛亥存會率母命往潯陽置側室女入門色酸楚徐心動詢之有前夫在急呼存會立堂下灑泣而言曰兒誤矣兒誤矣立遣之去存會長跪曰諾時旱荒甚存會訪尋其夫還其券出廩粟買舟載之以歸當是時潯陽人籍籍賢郭母不容口厥後存會更置一側室而生齒蕃息至七子而猶未艾孫且繩繩焉贊曰張子寶持嘗爲余言里父老益傳郭先生

事云嘗夜郊行若有物等身立正色叱之隨行可里許此歸家焚炬則無有族子狂喪心若祟憑者大呼若名乞隻字救我君試書一紙焚之祟輒退而狂者以瘳其異如此嗚呼一報災而存活仇人以千萬數自天祐之矣鬼神亦受命於天耳何足異哉何足異哉

### 李貞女傳

貞女者李結其族蘄州之安平鄉大父徙廣濟之燕兒樓地居焉父曰君吉生男子三宗最宗武治儒業有名女許字劉賡甫子季年十八季死女聞居業齋文稿卷十一

傳

五

信慟垂絕而蘇父之請於父母曰兒劉家婦也不幸失所天當死不死而以喪殮累昆弟非長久計也願以紡績紉縫日蔬食待盡耳父母憐其志割田數畝歲取租以餬口服闋有微諷以易嚮者跪告父母曰兒劉家婦也安得聞此言頭搶地垂絕而蘇父母知其志決矣誠家人勿復言居亡何民間訛傳奉徽選良家子入宮媒氏乘機騰說驚動里巷則未字之女新寡之婦洵洵婚嫁牛車擔負相望媒氏來言曰蘄州有陳姓者富人也廣濟有胡姓者官人也請擇於斯二者父母微窺女志終

不可奪亦弗言而蘄州有世家子顧姓材名籍籍諸主閭父母心竊許之一日言於女曰郡縣人家婚嫁且盡事急矣脫徽至爲之奈何女曰兒死耳大人何慮焉於是父母不復言父寢疾侍湯藥不瘳輒焚香告神願以身代父卒而諸兄弟在郡城未歸也則治喪纖悉無弗備具人以爲難康熙癸酉秋八月微疾盥漱焚香曰逝矣年三十有七諸兄弟葬之燕兒樓之葫蘆磴

史氏曰壹哉貞女之志也視忼慨赴死者異矣曾子問曰女未廟見而死則如之何孔子曰不遷於居業齋文稿卷十一

傳

六

祖不附於皇姑不杖不菲不次歸葬於女氏之黨示未成婦也未成婦則不繫於夫也若貞女則字而未嫁豈得爲劉氏婦哉然身李而志劉也視身劉而志劉者尤難嗚呼推此志也爲孝則孝爲臣則忠爲友則義人道賴以立焉而不謂得之委巷女子也先是州人盧觀察嘗欲傳其事以女方年少未果今則蓋棺論定矣

### 節母詹氏傳

張節母詹氏者騎尉詹君國彥女五開張瑞寰之妻也年十四歸爲張家婦瑞寰卒詹氏年三十二



水漿不入口誓殉矣姑奉舅命洒泣而言曰殉易耳奈高堂老人何且焚焚者孤也一十歲一七歲汝不念汝死其能久存乎詹氏悟稍稍哺摩比營塋肩舂提鍾以封居亡何舅姑相繼歿詹氏營塋甫畢而寇至奔竄無所詹氏還依騎尉以居母曾先逝繼母蔣諷令易嚮詹氏泣曰死爲張家鬼生則母張家孤毫不及詹與蔣也曉曉胡爲乎乃從居溫崗屯會寇猝至母家被掠蔣偕大小十餘口死焉騎尉亦被繫携一子走間道歸詹氏匿溫崗山中天大雪岩巖幾殆僅得免寇退旋里斬蒿藿

居業齋文稿

卷十一

傳

七

簪瓦礫墾萊田踰年構屋畔桑越數稔乃成家兩孤兒次第有室孫男子學語輒爲擇外傳嘗曰今者幸太平家亦寵給復何望第令書聲與老人機杼聲軋軋至夜分於願足矣詹氏耄而強力夜紡嘗至四更穿窬伏籬落間紡聲逡巡退有伏梁上者俯窺詹氏危坐無倦容縮首去竊語其曹搖手相誡勿過張家云年垂九十而嚮之十歲兒七十七歲兒踰六十希韓上食不命之坐不敢坐得年九十二以終孫男凡六人曾孫男且十人贊曰史稱南陽宗元卿事祖母孝祖母病元卿在

遠輒心痛大病則大痛至性然哉今詹生瑋逮事大母幸亡恙然孝思視元卿則奚別焉古者庠序學校申孝悌之義則漸摩學子惟師儒是任校官宋應舉表章節母兼及孝孫之志余覽其徵詩引聽之教化大行古今人何嘗不相及也

旌表貞節何母陶太君家傳

當抑齋胡侍講大母旌閭之歲荆門里人爲余言有何節母法當旌已而抑齋過余言亦然而蘭石進士敘其事尤悉余心識之康熙庚辰武會試榜第一人何卜昌

居業齋文稿

卷十一

傳

七

廷對

簡入侍衛或來告侍衛節母子也余仰天而歎有味乎積善無不報而遲速有時之言壬午巡撫都御史年公採郡縣節孝事彙疏以

聞癸未冬十二月奉

旨建坊旌表甲申秋八月兒洛爲吏部選人旅食長安侍衛過存邸舍屬家郵以節母家傳來請於是節母稱太孺人矣

太孺人者陶氏何國能妻而今侍衛卜昌母也世居荆門州藻湖村藻三里父萬年有隱德兩家相



友善年十六于歸事舅姑以孝聞舅姑老善病藥餌體飽浣濯值伺無怠色沒則哀毀擗踊勉強事爲婦八十有二年會國能病致齋露禱冀減算以延夫齡國能卒一慟而絕救甦又絕粒當是時卜昌甫七歲仲若季一學語一在襁褓家姊如繞牀絮語若諸孤何太孺人張目熟視良久起視含殮自是稍稍哺糜則斷葷血家故農也辨色而興雞栖而息飭篋餼奉俎筵何之宗黨親戚慶弔問遺罔不周也卜昌旣冠有室則命造請境外賢士大夫鏃礪鋒穎以露頭角夜課業誦聲機杼聲相居業齋文稿

卷十一 傳

九

間久之學成有聲里黨間何戶口蕃息兵燹後孺人跳身羈旅久不歸先墓有不泐者有水衡藹者有孤兔穿者樵有露前和者有牛犢角者有夕陽射人衾枕者太孺人惻然傷之壬戌十二月鳩傭作可三百人人先塋封樹修葺明年寒食祭掃携子若從子孫若諸孫按譜系登記勿忘異時賦役繁苦產竭實兒有應試者迫租吏拘繫鬻於州民黃君望家爲奴太孺人贖還倍其償族子年及壯而貧不能娶婦輒捐金爲納幣簪珥紵絲之屬助益無虛日甲戌歲殷家有棺賣富媼得五

悉散給族子而自買杉木鐫字其上曰留以周吾身也藻湖故多士在荆門稱盛已而中落太孺人乃構書屋十五楹一曰經齋一曰蒙齋延師以課族子及鄉隣之有志於學而弗克具修脯者又於蛟尾村落置學田三百畝賦入藻三里冊建倉廩三間歲貯穀以供二齋之用冊之氏名櫛比中蓋有何母學田云以是都御史采風而州人相與颺言學宮大指言婦孝婉於子母訓肅於父內政勞於外事晚節瘁於初年荼蓼永蘖三十有七載迨蓋棺而後已焉初府以節舉而上官循例覈至再居業齋文稿

卷十一 傳

十

至是論乃定而何太孺人傳矣論曰稱婦節者往往競言德而畧於才內則女孝經之文爛焉可述然大率彷彿云爾覈以鑒鑒施行或鮮焉若夫澤洽泉壤化興黨塾視古十九年三致千金再分散貧交疏昆弟者不啻近之且彼男子也男子讀古人書多識前言往往行又廟切以大師好友其爲善也若耦射之赴鵠然孀婦人出不踰閭則孤立行一意耳嗚呼豈不難哉豈不難哉傳曰天道無親嘗與善人何之亢宗蓋自侍衛始今夫蘭之苗也斯馨寒松之下厥有伏靈蓮蕙

瓜萌莢杏中仁職載維地抑亦可以見天心也

楊醇齋傳

天壤間淳厚清淑之氣篤生異人則孝子義夫實當之其至性之勃發一往而深非有冀於成美名顯當世也然人極由是以立天理由是以存風俗由是以復古而氣運之康寧清晏由是以日新月盛焉則無意於名而彞倫世教重有以賴之矣余年官史局纂脩明史

本朝一統志遇孝子義夫名字輒浣手焚香正襟危坐而書之敬其人重其事也同里楊子光國字

居業齋文稿卷十一

傳

三

鼎卿一字醇齋父奕母陳氏先世居永西之楊家山明季流寇恣掠族屬逃亡二親繼逝當是時楊子一零丁耳門衰祚薄僅存一綫可謂危矣賴世父時大撫養鞠育及長執經鄉賢之門每讀詩至哀哀父母生我劬勞淚數行下尋以親像懸諸壁朝夕哭奠其事世父至性寓盤匱歿則哀毀踰禮春秋享祀腆潔亦天性然也娶吳氏構疾瀕留與夫訣曰脫不測如遺孤何楊子露禱祖天云一綫相延得永其祀足矣烏庸再娶爲嗣是守義不復有續主中饋之思君子以爲難余欲採擷孝義往

事分門別類成一集以公諸海內且以是登於蒼萃之錄若夫表揚孝義俾得昭垂史乘永傳不朽則郡大夫事也雖然幽光潛德亦自率其天性耳名不名又何論哉

居業齋文稿卷十一終

居業齋文稿卷十一

傳

三

書

上座主 澤州陳公書

昨廖傳書後恭呈座前言之不文臨池悚仄嘉數年來雕蟲之技本不足觀先呈集自餘俟鈔勝續進惟引領望樊川大集告成滌几諷誦大啟蓮心也中丞吳公今開府三楚楚人動色相慶定知發政施仁沛如江河矣然楚中之事有待於與舉者一楚中之法有望於申飭者三嘉欲進謁披露而

居業齋文稿 卷十二

望淺言輕未能徑達伏念我師以薄海蒼生爲念而吳公又師同里相厚善謹梗概言之亦可以見嘉之早作夜思非徒爲一身一家計者或可轉致吳公聊供采擇蓋楚有江漢書院在武昌省城大比之歲士子肄業循湖南之有嶽麓書院也往者翟象陸先生爲方伯歲在庚子徵取郡縣高材生負笈講義親臨課試號房數百間篝火丙夜達旦楚士觀摩興起良多嘉與今銓部汪君鐸屢試第一尋倖鄉舉當是時楚墨頗獲傳誦而數科以來漸次登選而去則是江漢書院之大有造於楚人

也中丞觀風得士正值貧與若煥然一新即楚亭白鹿洞之學規可以復振此所望於興舉者也楚地舊苦十年大當之差謂之里役正供有限襍派無窮積累因之以包攬猾胥因之以侵欺小民不勝敲朴則借債於營兵營債難償則逃逃則田荒田荒則正供亦負而有司往往受考成之累自前任制府徐公創爲穿甲之法革去里役俾單丁斗米咸得自封投櫃於是包攬之端絕侵欺之路塞良民輸將恐後而郡縣之課遂最此萬世之利也村市之民舊苦保長之役早快所至蠶食其家又

居業齋文稿 卷十二

官長生辰時節踵事增華中人之產當一役而遂盡及更換之期既屆肆行僉報人人視爲畏途多方請託展轉支離中人之產報一役而遂盡自革去保長之法行祇用鄉約約講月吉讀法阜快無蠶食之地而買遷有無之民得以安堵此又萬世之利也漕糧北運舊苦里民與旗甲相充陋規多而糧艘開幫之期常滯自官允之法行鄉民負米交倉旦出暮歸迨糧艘到日官與旗甲唱籌量米日中而竣事里民不見運軍之面而水次無所吝其久泊此又萬世之利也邸報中臺垣建白嘗讀

勅下未嘗穿甲之省一體遵行則此法之善可知然法之善者便於官便於民便於廉靜之鄉紳閉戶讀書之士子獨不便於地方之豪猾與衙門之吏胥故嘗有虎視眈眈思陰壞其法者嘉擬告之當事立石通衢以垂永久會前歲匆匆北征有所未遑今中丞憲帷仗鉞延見吏民訪問興除大端若通行曉諭杜絕宵小壞法之萌則召棠卹雨世世頌之矣此所望於申飭者也嘉素性恬退在長安懷刺漫滅已久即故園諸長吏杳無尺素相通問寒門子侄壘布衣恂恂謹飭長男啟洛又以居業齋文稿

卷十一

三

復胡石莊書

毋欲鼓柁竟陵城下一造先生之廬而冗絆未果

也方今史館弘開三百年來掌故惟先生燭照而敷計之如遜國奪門大禮下逮江左潰爛諸梗概海內操筆者類能言惟是吾楚先輩故事尚待折衷於先生若李文正之鼎鼎燮調劉忠宣之密勿魚水賀江夏之靖節橫流此據事直書無煩聚訟者也江陵當國綜覈名實富國強兵數十年而論者以專病之惟于文定公於朝議籍沒之日貽丘司寇一書以爲江陵父子事業文章與分宜有霄壤之隔乃得身後定論虞山宗伯嘗有言曰江陵所用者良馬也噫此可以概江陵矣熊楊慷慨任事而能以過剛見嫉於當世楊專閫仗鉞憂憤以死或曰自縊夫憂死之與縊死則有間矣當時失機逸賊別有主名武陵豈自經於溝瀆者耶楊忠烈之爭移宮此不得不爭者也而議者乃以爲激其効逆璫二十四罪疏清流之獄由此益甚夫有明之天下大率壞於門戶之角立而潰於吏議之紛爭任事者以壯往而債隸於局中議事者以媒孽而煅煉於局外平情而論非言之難行之實難耳至於甲申以後山巔水涘錕錕嶽嶽者不可勝數輿官野史或能志之敝邑劉千里有楚

居業齋文稿

卷十一

四

一書網羅極富惜千里下世其書不傳夫三長之說史家所難開館纂修料不盡徵信於石渠天祿之藏先生過槃高蹈縱令蒲輪遠賁亦必不出然以生平所聞諸故老見諸載籍陰陽黑白判然于心而了然于手口者豈不可揭日月而行乎史事關係重大毋論肉食藿食皆當任發明之責春秋二百四十二年之事大聖人筆削以垂萬世若爲魯司寇攝行相事日無幾耳發潛德之幽光先生獨無意乎承惠願志堂詩容靜讀蒲柳之辰遠辱注存重以鴻篇法帖附茲鳴謝餘容續布不一

居業齋文稿

卷十二

五

與高學使論文書

某自通籍以來未嘗有一介勞問寒暄於四方諸君子即嚮慕如執事而亦未嘗片言通左右頃之於朱玉樹所見江西試牘一冊讀卷首序及教誠士子之言於是驚歎以爲挽回風氣使學者各如其意所欲出不至敝敝焉竭其聰明才力從事脂韋鉅釘以爲人役而讀書學道之士且有喁喁嚮風賈勇以赴騶虞狸首之鵠者將在今日矣士大夫奉

璽書視學政始未嘗不以風氣爲已任然令之不

盡行而禁之不即止者何也有闡墨以爲之引有房行選以爲之驅也士以制舉爲祿利之路則欲影趨響赴求爲速化之術以倖售於有司而選家又爲輟熟委靡之說以招之故雖督學使者大聲疾呼而徂常襲故不能洗濯以自新由斯以言學政之行於天下豈不難哉今執事之轉移風氣何其易也豈非道力深厚而至誠諄切有以入人之深歟某嘗與同志論文矣其畧曰日星河嶽自乾坤開闢以迄於今而光景常新者何也實理運行而真氣磅礴也六經四子不假言即三傳老莊荀

居業齋文稿

卷十三

六

列諸子皆以各不相襲而單行千古三閭之騷龍門扶風之史雄向賈董之文曹劉阮鮑顧謝之詩杼柚各出人不相襲曹氏之於詩王氏之於書父子接踵矣然而陳思不襲魏武大令不襲右軍唐以詩取士數百年應制如一轍也而初盛中晚把卷而輒知其氣味之殊李杜光芒萬丈矣沈宋王孟錢劉韋柳溫李元白以及皮陸郊島各有不可磨滅之處何也不相襲故也宋儒濂洛關閩遠紹鄒魯其性命道教之微言本非漢唐諸儒所及即邵子皇極經世一書與司馬溫公同時而潛虛之

與先天何嘗一字之相襲耶科舉之文行而考亭  
扼腕矣嘗曰近日讀書人少科舉時文之弊也讀  
書時擬作時文將來雖朝廷大典禮亦信手拈合  
出來不知一撞百碎噫弊至此極哉然而有明三  
百年理學節義經濟詞賦諸名臣皆出科舉之中  
大都先輩寢食經史沈浸濃郁厚積而發之於文  
故成弘之渾灝嘉隆之閑博啟禎間之雄肆雖其  
中源流正變不同要無枵腹以當文人之目者士  
固有志寧能奄奄氣息乎執事之於江西十三郡  
有風行草偃之效即以其地之先賢牖其地之士  
居業齋文稿卷十二

書

七

子甚易也夫廬陵學昌黎而無一字襲昌黎南豐  
學永叔而無一字襲永叔故言心聲也文章特學  
者之一端耳往者吉水解大紳始以大庾西封事  
顯名其所爲詩弇州評之河朔大俠鬚髯張屠  
赤水亦曰學士峭厲迅快蔚然國初名家乃委巷  
俳優不根之語往往托之解氏則以倚馬之致豪  
而燃須之思寡也若南城圭峰羅公每爲一文鍵  
戶沉思幾於合筆而腐毫矣此二公者遲速敏鈍  
亦不相襲而要之可傳於後世至於制舉文字陳  
文章羅四先生出精光氣魄直快造化之秘雖不

能盡軌於理然要不可謂非文中之雄也江西多  
士奉執事教以肆力於文其於先正之風猶有存  
焉者乎陶汰凡庸之後當有湛深經術者輻輳而  
並進譬諸水疏其壅遏濬其行潦而導自積石龍  
門則洋洋大觀也譬諸玉人攻玉去其砭砭而登  
其天球和璧則煌煌廊廟器具也執事風指所及  
士曉然知好古矣更憑軾而觀焉質取其清者而  
又欲其蘊之閑骨取其勁者而又欲其氣之腴格  
調取其老蒼奇特光怪射人者而又欲其安雅凝  
重可以振聳而起靡試之論以觀其識試之策以  
居業齋文稿卷十二

書

八

觀其才試之表以觀其對數廢拜之度試之判以  
觀其剖決剝割之能而士之枵然者不得進於執  
事之前則讀書學道之實可覩矣比聞執事拔單  
寒振淹滯拯人之急不啻身受稱人之善不啻口  
出則又驚歎此古大臣宰相之事而執事之器量  
已備是以側身南望而有言焉伏惟執事省覽而  
裁荅之幸甚臨楮惶恐

與姚給事論賦役書

頃於邸抄中見閩督姚公請革里長一疏不覺歎  
容敬起蓋天下小民之窮不窮於正供而窮於課

派襍派之弊不盡始於有司而往往由於羣蠹夫所謂羣蠹者何也有經承之蠹有差役之蠹有城市歇保之蠹有豪猾表裏之蠹層累而上之以至於有司長吏之聲名日以壞黎元之膏血日以枯而中飽者羣蠹也羣蠹望風蠶食皆指里長爲例所固然耳白晝攫奪而文之以當年之名千條萬緒統稱之曰補庫官取之里長里長取之排年排年取之花戶終年稱貸逐月輪將而正供之逋欠猶自若也十年輪當之磨累不堪於是有以編餉南漕分任變十年爲五年一役者矣而經承差役居業齋文稿卷上書九

因循沿習日甚一日科派繁則正餉缺正餉缺則徵比勞徵比勞則揭借營債多揭債多則逃逃則田荒田荒則賦無出當此之時民欲學黔之術而不能官欲保飲水之操而不得官民俱困而羣蠹者肥酒大肉揚揚得意也嗟乎邦本之謂何而堪此陵削乎姚公急救一時之疾苦而又恐變法者之隨其後是故仰請天語勒石以垂永永臺垣諸公念切民瘼者屢請以此法通行天下誠有見於良法之行也小民懼若更生而眈眈而思破壞者羣蠹也此勢不兩立居業齋文稿卷上書十

歇保豪猾層累而疊出抱薪救火焰且燎原前役未完而後役又至奔走道路無時休息伺候衙門祗席以之不以畊讀爲職業而以城市爲生理鄉里淳樸之俗蕩然而無餘是顯虧者在正供而陰壞者人心風俗也若行自封投櫃之法官按冊以徵收民照畝以完納即敲朴不施而輸將恐後何則完一錢則有一錢之券票完一兩則銷一兩之由單官徵官解而箕歛之術不出於額外也里長之名革則官有清廉之聲民有樂利之實庶可保而富教可加法誠無便於此其不便者羣蠹耳若

聖德好生天覆地載察吏安民巡察有遣矣水旱災荒賑卹屢行矣然循察猶有待及之地賑卹猶有待澤之人惟良法畫一普天共遵則民力裕於平日雖小有凶年而不能災官嚴肅于典常雖有僉壬簞鼓而無以及于茆戶編民也今幸矣命九卿詹事科道會議具奏矣民命根本於是乎在國家久安長治之大要不外乎此矣先正謂大夫爲善唯立法濟民爲大此法立上有益於

賦下有裨於民生近之有拯於閭閻之貼危而遠之有關於風俗之淳古由八閩以推之各省六合同風九州共貫天下含生之倫沐浴歌詠於罔極矣區區慶幸之忱不覺縷縷惟足下省覽而留意焉幸甚

與河南林學使書

執事以寓內之望掌中州文教使六經四子之大義日星麗而雲漢章一時有志之士用其聰明才力於實學而發爲敦龐渾穆之音以進於古何其幸也往者信陽何大復崛起弘正間與北地李獻

居業齋文稿

卷十一

土

吉齊名其所爲制舉文字溫厚爾雅到于今讀之猶若新發於硎焉中州風氣視四方最爲深醇而又得大雅以爲之枹鼓今之爲信陽者行且項背相望矣歐陽文忠公嘗言學校王政之本東萊呂成公謂學校不領六官非簿書期會之事以此知教化風俗尤爲人才之要領而振興鼓舞執事之功於中州者甚遠且大也實與旣竣執事作人之功已見於天下矣意者採錄鄉賢名宦釐定祀典其次第舉行歟夫彰往勸來闡幽立教此學使者事也先大夫起家孝廉署湖廣長沙醴陵諭再補

諭河南南陽之浙川考最超遷知陝西直隸興安州以勦賊守城功擢漢中太守生平孝友清介大節載縣志府志湖廣通志

大清一統志全楚文獻錄崇祀鄉賢陝西名宦祠矣乃漢中之守未任興安刺史僅踰一歲而浙川之諭實歷三載當是時文教蔚興竟有蘇湖之目至今父老子弟猶有道往事而泣下霑襟者德嘉零丁孤苦天壤間不孝子也先宜人苦節鞠育以有今日顯揚無狀不得比於人數今以待罪翰林幸逢

居業齋文稿

卷十一

三

覃恩下逮而風木之感諷蓼莪而自等於鮮民此亦大賢君子之所憫惻者矣若省風問俗及於南陽浙川之人有以名宦俎豆爲請者伏乞垂鑒而留意焉若先大夫浙水得有春秋則惠露旁流直與伊洛漳汝汪濊於無極矣德嘉自通籍以來未嘗有隻字通問於仕路而今乃冒昧上姓名於左右以執事仁人錫類於中州也臨楮拳切不盡

上湯潛菴先生書

全楚文獻錄之刻敝鄉陳省齋盛事也昨見千里一家言耳有明三百年名家具在



大觀哉德嘉偶窺陳長公行篋劉集中有先賢諸傳諸誌銘亟上之左右以供史局採錄之萬一千里家藏未刻書尚未公諸海內然即茲集觀之敘事謹嚴讀之令人起敬嘗言有明宦豎之禍比於漢寇盜之禍甚於唐士大夫裂裂捐糜頂踵者史冊猶不乏人而至獻闔蔓延之際郡縣望風瓦解捍禦之臣抑何寥寥也以是於先大夫墓誌銘大書殲劇寇保危城以爲張許再見至沒後踰年見形睥睨死且不忘君國使得仗鉞專閫王文成韓襄毅豈得專美於前嗟乎先大夫守興安其城危居業齋文稿 卷十一 書 圭

之日倘有當於採錄焉不孝孤感且不朽矣又先大夫遺墨裝成卷恭請賜題什襲藏之以傳於無窮也臨啟惶恐不宣

上王大司寇書

拜別以來垂十年矣捷戶荒江遠近書問都絕一日劉明府枉過敬述翰示紙尾有垂問卑末數字悚栗銘感伏念人生出處任運通塞苑枯不足言惟嗟遠大賢君子最爲不幸業無指授拮据徒勞即或操筆學作文字而不經宗工繩削終不敢出以示人也京蒙儀棹殷勤勞問茶酒間具言輶車居業齋文稿 卷十一 書 圭 南向時恭承面命過詢陋巷光景停杯諦聽念此知己之言愀然雪涕曩妄乞先大夫一傳已荷俯允尋矢路踉蹌不遑申請然每讀昌黎廬陵諸集竊歎生當其時人得邀片言隻字遂與作者並有千古以此區區未遂之懷猶未嘗須臾能釋也頃於穀城山館集中讀瑯琊公傳司徒公墓誌銘輒命兒侄鈔謄成誦告之曰此新城公家乘也自于文定公以後代有作家爲之纂述到于今奕葉趾美光遠而逾有耀矣我先大夫姓名若得入新城集中視穀城之傳何如哉不孝五歲而孤先宜人

口授孝經論語八九歲時聽說先大夫居鄉居官  
事十財記其一二及里先輩作行狀墓志亦敘次  
有未盡今偶於里人架上抽得東粵朱進士集序  
言有先大夫名感愴涕洟挑鐙作往事錄嗚呼親  
有善而沒之不孝通天之罪尚可逭哉不揣地分  
懸隔爲此再三之讀若俯垂哀矜而賜之傳即古  
人所稱盛德事也小刻三種附呈左右使十年來  
晨夕鑑誡亦不至學殖荒落若斯之極也冒瀆尊  
嚴臨啟惶恐

再上王大司寇書

居業齋文稿

卷上

五

前奏記冒瀆尊嚴實藉手京蒙也邑子索京蒙邸  
第不得則轉投脩予聞人以歸至今引領北望未  
審得達左右否所懇者先大夫一傳斷託諸大集  
以有千古若不果拜賜是先大夫沒世而名不稱  
也昔張中丞段太尉賴韓柳二公大書千載下猶  
有生氣先大夫之禦賊興安視中丞太尉祇欠一  
死耳艱險盤錯克保孤城屬有天幸然竟以勞瘁  
殞命齋志於敘戰功遷太守之日矣先宜人冰蘖  
餘生流離轉徙鞠五歲孤兒以有今日所爲顯揚  
二人者安在幸出入大賢君子之門乃旅進旅退

曾無以邀華袞之光夫五刑之屬三千而罪莫大  
於不孝司寇科條其能逭乎先大夫當公車罷耗  
時奮不顧身周旋吳磊石先生之難歸其櫬於江  
夏吳公大節具在三楚文獻錄而先大夫已矣其  
軼見於東粵朱進士所著丹木橐之序言序出前  
已未進士陳公鍾盛手更歷亂離而舊槩猶未磨  
滅不孝得諸藍生架上歛歔哽咽以有往事之錄  
此其隱現之故若冥冥中有司之然者夫先人有  
善而蔽之張許兩家子弟材智下韓公所爲惋惜  
後之爲人子者奈何低頭效諸漢稱田叔孟舒等  
居業齋文稿

卷上

六

十人及田橫兩客魯八儒史並失其名陶公念操  
行之難而姓名翳然爲之拊卷三歎省覽至此不  
孝容身尚有地耶槁項黃馘日與田父菜傭爲伍  
纖毫無所異于  
日下惟是區區明發之懷不能自己謹盥漱焚香  
九頓首械牘以聞若俯示哀矜而光照汗青焉則  
曾子固所謂傳世行後無疑而數美者一歸於先  
生即不孝之遇亦可稱千載一時矣臨啟無任惶  
恐瞻依待命之至

附司寇復書

客夏休沐里居辱尺素遠賁曾有數行謝復在  
里中席未暇煖初冬即趣裝北來入都晤胡修  
予宮坊及河九悔人兩做門人畧悉起居弟以  
一陳人久玷清班頻年以來海內故人以道義文  
章相副切者零落殆盡老不知止顧影自憐每  
思同人中如老先生古貌古心何可多得同心  
離居恨恨奈何先公傳久稽報命耿耿不忘初  
秋病肺注籍決旬始得脫橐不識疲茶之餘尚  
能闢揚大節之萬一否茲屬河九馳上悔人云  
自吳門水行當維舟一訪高齋不知能果所願  
居業齋文稿 卷十一 七

否耶竹惠嗣音以慰懸跂不備

謝大司寇王公爲先大夫作傳書

不孝接家傳伏讀五六日至於旬時仰天而歎新  
城先生纂著皆懸諸日月不刊之書往者不孝館  
閣陪侍杖屨且八九年不能得而今乃得之岩栖  
谷汲獲落窮巷之年求諸古人中曠有是遭逢也  
不孝五歲而孤先宜人口授孝經至立身行道揚  
名後世以顯父母輒掩卷流涕不孝蒙釋不省所  
以迨稍長讀書悟先宜人哽咽悽愴之意而先宜  
人不及見矣先大夫居家居鄉行事宜人牀頭

述頗悉若京華交遊仕宦閱歷暨守危城破劇財  
中間委折十未聞其一二迨公車晤浙川候選別  
駕李佺齡始知有割俸歸司訓秦君之櫬於西蜀  
一事官翰林時晤興安歲貢士劉應秋始知郡人  
當年廟祀先大夫到于今水旱禱祈猶應若景響  
此又一事歸田以來從子啟江偶抽藍孝廉家架  
上書得東粵朱君丹木橐序有先大夫周旋死友  
侍御吳公一事不孝與兒孫言鄉賢祠舉於先大  
夫身後之四十八年秦豫名宦舉於身後之五十  
三年先大夫藏書一燬於獻賊再燬於左良玉亂  
居業齋文稿 卷十一 六

兵而自警一編以盧秀才首傳借去幸存歸不孝  
所而先人手澤乃有今日先宜人嘗病篤遺誠勿  
用未亡人茹荼集蓼慘目傷心之事徵詩索文爲  
兒曹作羔雁以遊於人世當是時不孝年十四謹  
識之厥後每逢生辰忌日吞聲而不忍言迨通籍  
詞曹恭承

覃恩貤贈至再焚黃泣告先靈此非兒干請所能  
致也先大夫遺唐遊擊書前輩倪閣公書後閭公  
言先公若入明史列傳當在以死勤事之列其却  
例金還俘掠賑飢埋齒視渤海較難而卒保孤城

以報天子視睢陽較苦不孝雪涕唯諾而退竊念直承明日久從諸先生長者後臚家乘或有憐厥志而書之者一旦襍被踰踰出國門則抱憾終天矣昔曾子固上執政書乞將母以爲得諸吾君吾相未有易於此時不孝先宜人未嘗沾升斗祿養已矣區區表章先君一念竟與耕牧儉父爲伍嗚呼蓼莪詩忍再詠乎言念至此則先生之施於不孝爲何如而能須臾忘之也

### 與孫祭酒書

省來書北嚮翹首者累日天下之人材聚於太學居業齋文稿卷十一

書

九

大司成模範而冶鑄之其爲課也勤其爲令也肅其科條鼓勵之捷也如置郵焉士君子得時行道之樂孰有踰於此者哉昔子輿氏以教育英才爲三樂之一然後車數十乘從者數百人致傳食諸侯之誚若生當鎬京辟雖其徒未必非馮翼孝德也者前朝之官祭酒者若樂公詔鳳劉公崧陶公凱皆以博學名而魯文恪日焚香讀五經清德尤著然數君子所成就人材史傳未嘗指數惟陳公敬宗之官南雍也有關西楊解元鼎試禮部下第上疏願入南監就公學報可其後學成禮部貢舉

第一人殿試第二人當是時北監祭酒李公時勉約束生徒身教嚴海內有南陳北李之目由是觀之祭酒之課最唯視館下生徒耳執事績學砥行爲人師若是之久所得士且徧天下矣僕請退食之暇尚留意本教焉制舉文字先輩大家皆從經史鎔貫而出故能各自名家生平之品行事業絕無依傍毋論在朝在野皆卓然有以自立無他其根深也風氣屢遷要以原本經術爲無弊而天下之學子趨向咸以成均爲鵠潛移默化所裨益甚深考亭先生學校貢舉之議即不得著爲甲令以居業齋文稿卷十一

書

十

取士稍稍師其意用爲程式引後生於經史之路其利溥哉唐建中初金吾將軍裴冀言曰若使禮部布告天下某年試題取某經某年試題取某史及期果然亦勸學之一術也冀爲此言歎經史鮮實學耳然唐人大率攻文選之學其應試亦不至張空拳挾垂橐若三家邨之爲八股者八股沿習優孟衣冠不思培其本澄其源而第欲蹈空以爲高後學材質不齊有畫虎不成者置經史於高閣獎將安極前代詩歸之選初主空靈馴至元氣蕭索彈駁隨其後到今遂爲厲禁雖曰物極則變而

人之受其害者多矣士大夫爲己之學首以好高爲戒姚江一派非欲害人也而其徒龍谿緒山假尊師制訓滿街聖賢徧地語錄土直傳註糟粕前賢末流乃有何心隱李卓吾潸潸潰決不可收拾此豈姚江逆料所及哉古今天下非無材之患自以爲材而不遜志於學則大患宋人如王安石邢恕李清臣其言皆足以切天下而其人實以旤天下若周程張朱東萊南軒西山諸大儒則言行著作百世以俟聖人而不惑是故擇術不可不慎也學校之在省府州縣如列宿而成均則斗杓大

居業齋文稿

卷十一

三

司成閱覽博物率本教以昭示四遠則語所謂登高而呼者乎上以報一時之知遇而下以友教來學傳之無窮惟留意焉幸甚

與興安知州劉君裕公書

曩在長安盤桓諸貴游屈指博物君子則耳明公名甚熟雖未得通刺納交然心竊識之古之人不必生同鄉居同地而讀其所爲書輒如其寢食笑語益言者心之聲也而書又言之精者其相見也豈待形面哉南旋以來京師通問當絡繹不絕而著作刻成者遠莫能至於是其有離索之感焉至大

集則徒勞夢想矣頃之部下劉貢士應秋寄興寤州志一部且曰向來匆卒掎摭未粹今大賢君子毅然以文教爲己任方修葺廟學竣厥事即稟輯志乘其所著石癡集數十卷秦州已家傳戶誦僕聞之怦怦心動遂急欲致書左右先大夫曾守是州身後五十餘年而入名宦祠其時祠屬創構尋被水災頽圯今費庠俸工則名宦俎豆皆得拜賜爲人子者望風銘泐感何可言會屬吏白河知縣王嗣衍爲寒門所得士藉令上國鳴謝附有先大夫守危城遺唐通書彙修志時可入菴文集申

居業齋文稿

卷十一

三

詹詹小言追述當年已事詞雖不文亦實錄也州志若汗青有日尚欲作小序以揄揚盛事應秋貢而嗜學興元人士中不可多得幸沾惠露亦讀書之報耶州有陳君心山諱大計者起家孝廉國初官揚州司李其生平可入鄉賢閭其苗裔卑寒惟明公俯詢而留意焉臨楮馳泐不宣

上館師京江公書

荒江寂寞隱几沉吟忽憶柯亭槐樹恭承提命適若霄漢掩卷三歎者久之又追憶潦倒公車之歲妄以刳竅及階生紙龕臆即覆瓿猶當快讀而

師乃歸之至於數年之久此真古人弘獎事也慶  
山錢象伯極推西涯相公茹納士類所成就甚多  
然其時游西涯之門者大率負雋才可與道古礫  
礫如德嘉而亦旅進門牆能無愆乎長吉受韓公  
格外之遇而竟無所立惜之者曰人不可以無年  
德嘉幸有年矣然光陰亦虛度日莊誦先大夫自  
警編以當鞭策先大夫所手錄者宋儒言行德嘉  
今於元明二史中掎摭成編元十之一明十之九  
分類標目悉遵前編之舊而篇數較繁計滿六百  
葉粹難繕寫謹以自警緣起呈之座右五歲孤賴  
居業齋文稿 卷十一

與舒嵩嶽書

春來晴暖足下當鼓柁西征至沙羨傳經以淑來  
學緩頰慙思有力人翻刻楚紀行世功不在刻李  
文正集下何則文正一家言楚紀則全楚文獻於  
是乎在也敝里後學有趣於江漢書院設講帷  
者僕內省則不敢又以爲似不必故以篤疾辭之  
漢人無道學之名而質行厚德有後來所不能萬

分之一者管幼安涉遼海風波大作回念生平止  
有一朝科頭三晨晏起之愆足招天譴此豈有纖  
毫粉飾之詞立於狂瀾鼓盪之際者哉若石慶之  
合門孝謹楊伯起之却金暮夜閔仲叔之不以豬  
肝累安邑黃叔度之所至傾動人倫師友推轂掄  
揚不容口而言論風旨未嘗有意表見於當世諺  
曰菟李不言下自成蹊漢時諸賢近之矣若甘陵  
南北部之譏揣及宋洛蜀諸黨之釁皆由生徒門  
客扳援附會而起明時東林君子退閑講學固自  
謂力追古人然卒貽黨人之禍當建首善書院時

居業齋文稿

卷十一

書

有身死璫禍之君子力言其不可蓋亦久有戒於  
此矣若蔡清夫劉念臺諸先生里居招携同志弟  
以砥行誼礪廉耻綱紀倫常嚴辭受取與之介杜  
高談濶論之弊孜孜矻矻恐涉於鄉愿之路非爲  
講學可以博名高厚實而爲之也善乎震川歸先  
生之言曰聖學具在六經經明則道明矣惡庸講  
哉夫不敦實行不置心經史而第高冠大帽爲鑿  
空之談於身心性命何與而簧鼓後生一倡百和  
相率以講壇爲生計此又宋元諸真儒所髮指而  
手戟者也江漢書院瞿慕川先生教人之所今試

取瞿傳讀之其居家居鄉及應接師友却聘著書  
生平有一不可以對人言者乎登其堂而躬行不  
逮此則僕之所大懼也江干寂寥無可告語敬以  
布之左右惟足下平心覈實而賜直諒之教焉幸  
甚

復張藕灣書

虞山毛舉竟陵詩句於寒河駁議尤多大有砥柱  
之力然排斥北地似亦太過其敘次陳仲醇生平  
微詞抑揚不逐俗論推許窺見至隱亦屬特識於  
海內不甚知名之士極意表章即一篇一句亦存  
居業齋文稿

卷十一

五

之甚有其詩已逸而猶述其人者然契合松圓詩  
老贊揚亦似逾涯列朝詩集首載元明之際諸公  
亦不無自寓之旨然此書流傳數百年人物於是  
乎在後來竟無繼起而編輯者即求如曹能始石  
倉園集留意網羅亦不可得矣大約山林鍵戶著  
書之人欲搜羅天涯詩冊實難而世路奔馳以尺  
幅爲羔雁者其時日有不遑暇而丹青甲乙亦未  
必允當乎人心此事之所以難也來書云粘天之  
濤終歸清晏蓋亦燕居深念讀書博物鮮其人耳  
若時下奔趨似亦便於不學之人廊菴若在其扼

腕注歎亦與尊旨同矣

與張藕灣書

橫渠先生祠修葺當主本祠立說見張觀察木本  
水源之思誠爲盛典而子安牽引赤松不知何所  
依据呈詞漢永平六年奉旨建祠豎坊通鑑綱目  
俱不載史記云願棄人間事欲從赤松子遊耳留  
侯之言若是未知實有其事否索隱曰赤松子神  
農時雨師能入火自燒崑崙山上隨風雨上下留  
侯亦未言從赤松子何地史稱留侯學辟穀導引  
輕身會高帝崩呂后乃強食之留侯不得已強聽  
居業齋文稿

卷十二

六

而食後八年卒塋黃石冢括地志云漢張良墓在  
徐州沛縣東六十五里與留城相近也子安大都  
沿襲委巷舊聞未遑深考呈云載在史誌郡縣誌  
譌繆不可深數此健菴先生於一統志俱以廿一  
史爲據中有考異一條荒唐者直芟薙之金石之  
文以信今而傳後未可草率下筆足下博極羣書  
想於家乘衆訂尤晰煩將德化赤松鄉瑞昌赤湖  
來歷見示鄙意第主橫渠舊祠作記而一切傳會  
影响之談俱畧之則文筆簡潔而無後人彈駁之  
患足下若以爲然則寓書子安使彼胸次豁然



以赤松仙蹟名鄉苛求傳會也表章理學大儒自足千古此亦文家爭上流法唯載示爲望揮汗脫一縑並呈郢正若有札寄子安屬其於我輩文字萬勿任意點竄幸甚

寄周載公書

讀書學道人最與冷澹相宜古未有讀書學道而不冷澹者然惡衣敝履闌入講堂而道學先生驟信而收之宋明皆有此輩以此益知能甘冷澹之難也辦定披裘帶索則無所不可矣少陵云千秋萬歲名寂莫身後事亦有激而然其實人患無可居業齋文稿卷十三

居業齋文稿卷十三

三

居業齋文稿卷十三終

居業齋文稿卷十三

廣濟金德嘉會公

跋書後

澤州陳公壽言跋

天下文明太和之氣在文學侍從間時則高都師陳先生掌院事也諸大掌故大纂修

上悉俞允以行而壬戌南宮之役師實董焉成進士者凡二百人官翰林者三十有五人人手一經稟師教堂上接武堂下布武濟濟矣師躬行表率敦本實遠浮囂以漸進於古大指謂經術之盛三

居業齋文稿卷十三

跋

代後則推漢有丁恭之弟子鍾興者授上經且侯而固讓臣師恭也請得侯恭而後及臣蓋古人之尊師若此然晁錯受尚書伏生所伏生長者而晁顧刻深以智囊顯何耶孟長卿受易田王孫而別引陰陽書博丞相掾上以其改師說不用也多士識之法戒具在矣羣弟子唯唯謹受教仲冬長至三日爲師生辰羣弟子奉羊酒人賦詩以獻詩旅進屬德嘉跋其後德嘉不敏蓋嘗聞之塾師云孔子之道與柱下史異孔以道壽天下故先天下而勞厥身柱下史以道壽身故逸厥身而後天下今



師之道壽身壽天下則體用兼焉者也迺者靈臺眺望馮相氏若見五色雲縹緲天際德施化溥有以也夫師聞是言而陶然色喜曰善爲羣弟子人舉一觴

### 張氏遺書跋

菊偶張先生嘗著存心錄共言與程朱相表裏孝友家箴辭簡而義已盡視顏柳家訓尤質先生學道著書不求聞達益潛德君子也適時亂播遷箬菴間生平所纂著一夕盡燬乃村莊田父度閣塵封遺楮猶存令子五階村行避雨邂逅老人止宿

### 居業齋文稿

卷三

二

雞黍道故板屋上隱隱字痕躍出五階取歸今梓之以藏家塾余讀而悲之古人質行格言入蘭臺石室之藏者蓋什一耳山巔水溪隱約以終其身名湮沒者何可勝道南史戴顓及兄勃受琴於父父沒所傳之聲不忍復傳各造新弄北史劉孝綽善草隸自以書似父乃變爲別體此皆感傷手澤之意若五階則不然遺橐之得也在世變之後屬有天幸而存心錄家箴又非琴書技藝可比梓之可公寓內豈直家塾哉五階偕余同舉壬戌進士榜放後相對歔歔哽咽益俱傷先人之不待也先

大夫遺書可三萬卷避賊洲居盡火唯手書自警編一帙載宋儒言行及守與安破賊遺唐將軍書橐爲親舊借觀歷亂離幸在不孝長跪泣請而藏之五階之有此橐得諸二十年之後與不孝之得先橐同以此知造物呵護良有深意而士大夫立身立言唯自爲其不朽乃可傳也書竟與五階交勉之

### 題王待詔別耳圖

王待詔墨妙籍甚南唐有羅漢十六軸宋初賈人劉元嗣齋入京師質錢一僧處贖時僧執不與成

### 居業齋文稿

卷三

三

訟太宗時尹京得此畫入大內越十六日登極都人目爲應運羅漢事載宣和畫譜吳興夏文彥士良嘗品畫成書名圖繪寶鑑言待詔好作山林丘壑寫道釋人物別有思致無朝市風埃氣也別耳圖屬王晉卿家物端明一跋足千古矣今落轡樽手委余題識余嘗於畫理寥寥數行歸之或有疑言之太少者轡樽舉嚴子陵賣菜語作答可也

### 讀近思錄書後

宋有周程張四子明大道而身體之其書則六經也其言則孔孟曾思也其悟則天命心性之微而

其事則彞倫日用家國天下之大也考亭朱子嘗盡心焉而有近思之錄首言性之本原道之統體次言爲學之要致知之方而深之以存養謹之以克治此修己之道也施之家而綱常倫紀惟天理是循證之出處而去就取舍惟古聖賢是則論治體則坐而言起可施行論治法則禮樂刑政師田學校秩如也論政事則班朝蒞官事上拊下交同列選賢才衆善備焉由是進則行道以達之天下退則明斯道以淑學者教學之法皆世賴之此皆治人之道也修己治人惟日不足故時加警省焉

居業齋文稿

卷三

書後

四

道著矣辨別異端以爲人心之坊人知嚮學則告以聖賢相傳之統而人極立焉是書也朱子與呂成公採摭旬日而成之寒泉精舍者也嗟乎人之有思也可以之乎千萬里之遙可以溯乎千百載之上而放乎千百載之下然而朱子近言之若此何哉曰此非朱子之言而古聖賢之言也子夏言求仁則學欲其博問欲其切志欲其篤而思欲其近也子思列言擇善之目則博學審問而繼之以慎思慎也者欲其近也孔子言君子之思而約之以九九者之思皆欲其近也蓋聖賢之學之難如

此雖然畏其難而諉之則溺於功利遁於佛老得其門者或寡矣朱子慮夫窮鄉晚進有志於學而無明師良友以輔翼之者以爲得此書庶幾爲四子之階梯焉然則後之學者讀是書也想見周程張子之心又想見朱子呂子汲引後學之心則不敢畏其難而諉之然由朱子之學以求周程張子之學由周程張子之學以求漸進於聖門之學又安敢見爲易而驟語高遠之域哉

呂忠節公傳書後

前明南京兵部尚書新安呂公諱維祺字介孺號

居業齋文稿

卷三

書後

五

豫石學者稱明德先生當崇禎十四年死寇難於洛陽事聞賜祭塋贈太傅諡忠節國史大書家有傳墓有誌銘隧道有表公於是乎不朽矣

皇清順治辛丑公仲子兆琳成進士康熙癸亥官至福建道御史德嘉待罪翰林識御史得觀其家乘把卷歎歎久之歎曰後之讀忠節公傳者莫不肆公之死要之死豈公所難哉惟當退食守封疆破冢以饗死士造膝藩王忠謀讜論臣力竭矣而卒至捱胸斷脰於逆賊之手此實難耳嘗惟明季廊廟大臣大都門戶水火而摧折勞臣任事之氣

士大夫晏安家食輒封殖積者而不恤細民之急  
夫民窮寇之資也斬木揭竿景趨響應附獻闡滋蔓  
實由於此有司奉甲令以乘城驅餒民而介胄小  
不應鞭笞隨其後而朱門繡闥永紅貫朽者無涓  
滴之施以及閭左曾不念之乎以登陴者為誰  
守也天子推轂而遣大帥鑿凶門湯湯方劍任綦  
重矣然敵愾不效輒以勦撫互劑養癰而延旦夕  
賊之利在流而專閭者任之飢附飽颺所至如破  
竹公奉封公命傾倉庾以賑飢存活洛陽數萬人  
起之溝壑當是時福邸之富且敵縣官公數屏人  
居業齋文稿卷三書後

卷三

書後

六

為王言大王貴則天潢尊則有土安危枯菀與國  
一體即鼠竊狗偷遠在陬澨猶思剪滅而後朝食  
矧塗炭中原烽燧且徹王宮也者大王何不散萬  
金以犒軍士固守危城洛陽安即宵旰少慰矣入  
以告於王出則垂橐裘犒士以倡之異幸王之一  
悟也亡何逆弁紹禹二心於賊城陷而王繫遇諸  
周公之廟乃始恍慨諫王曰死耳不可為宗社辱  
嗚呼王至是而思老成之言晚矣初光廟崩公甫  
郎中吏部也百官請見新君闕中阻而公獨厲聲  
大義責之乃見熹宗慈慶宮門及羣閣導駕幸小

南城公走勸閣臣請駕勿輕出鹵簿廼還愍帝朝  
進官卿寺則疏陳八漸言極切直上置公疏御榻  
每省覽動容咨嗟良久遷南戶部則剔欺隱清屯  
糧興鼓鑄鑿鑿施行軍實以足帝議遣中官省視  
九邊兵馬錢糧則首疏中貴預政熹宗已事未遠  
履霜堅冰惟陛下戒之賊劇秦豫聞則豫憂陽  
陵寢卑弱公之忠誠憂國如此獨使非忌公者齟  
齟而阻公之大用即何至賊勢彼猖至此極哉然  
公里居戮盜首王之典繪飢民圖進孝經註疏與  
服官之勤奚異也公生平亶心孝經一書口指手  
居業齋文稿卷三書後

卷三

書後

七

畫而力行之勇戰敬官其氣沛如城陷日豈有降  
尚書哉公生平樹立矯矯理齊獄不以強宗廢濫  
誠鄉人不以權闖建祠覈覆奏不以曹郎媚冢宰  
清銓路不以師恩故徇其介弟至於絕命之時北  
向拜闕西向拜父母從容就義非學有本原能定  
力如是乎

午亭文集書後

輯座主澤州陳先生午亭集凡八十卷校讐訛作  
而言曰聖人之道在六經經明則積諸身措諸家  
國天下皆是也而不必尸其名古之大臣有庸言

賢行平澹無奇而一時文人學子鮮能及者范文  
正公是也有甚惡乎標新鑿空之無益於天下而  
網羅舊聞摭拾散軼以成經國之大業者司馬文  
正公是也薛文清羅文莊在朝在野無赫赫名而  
讀書錄困知記閤然日章其衛道也力矣先生之  
學以雒閩爲宗大都奄有六經而湛深於易王輔  
嗣解從厓畧旨尚模稜先生排之斥之爲其作過  
江人清談之備而古經編次之撓亂爲可惜也揚  
子雲潭思渾天冥搜遠索先生能之而不肯爲其  
於辭占象變證觀妙悟井井鉛槧間若尚書若毛  
居業齋文稿卷三書後

居業齋文稿卷三書後

八

詩若三禮三傳渙然水泮沛若江河即辯駁先賢  
而實發先賢未盡之蘊

上知先生深儆直 講筵數十年如一日是則文  
清文莊生平未有之遇也初先生奉宸訓口不言  
祿利之路世父侍御公插架萬卷兄庶常寧食時  
與先生晨夕討論其根柢如此又審擇交游應接  
簡少研席訓倡必海內所稱賢人君子故於微言  
大義之剖晰毅然以斯文爲己任蓋自起家翰林  
累官大家宰歐謨亮工言必底績啟西清東觀之  
藏總領諸後進樂伍折衷所裨益甚大釐定樂府

登奏雅歌又頡頏韓柳誦敷一代之豐功駿烈光  
照汗青先生之學富有日新而先生之勤亦於是  
乎極矣夫大臣立言與經生異經生者奉一先生  
之言墨守訓故稍稍潤色以專門之言鳴當世又  
伏處草莽旁撝稗官野乘以爲談助甚者託爲逢  
異人受異書令一時講席不能難故其爲言往往  
無關於天下若夫大臣所志者堯舜周孔之道修  
詞立其誠所以居業矧事

今天子濟哲文明好問好察廣廈細旃之賡颺獻  
納左宜而右有豈不難哉豈不難哉學者濫泉之  
居業齋文稿卷三書後

九

未涸而盱眙潏沔亦徒勞蠹測耳矣

題徐侯齋芝譜後

嗚呼此長洲孝廉昭法徐先生遺墨也先生崇禎  
壬午舉於鄉甲申遭國變乙酉尊人詹事公死難  
遂襲伏窮巷爲前代逸民山陰高士戴南枝遊吳  
門與孝廉友善孝廉卒孤孫不克塋南枝身任買  
山垂簾賣字篆籀八分每幅售百錢越二年奄安  
事竣南昉彭侍講賦紀事詩五章東南人傳誦之  
而孝廉當窮餓日有郤餽金書南昉覽之作歌畧  
云十日一水五日石淋漓尺幅供壺鹽中丞湯公

嘗訪之隣人言孝廉上冢去不見亦不報其苦節  
如此余嘗東望慨然太息曰嗚呼孝廉往矣即欲  
拜其里門墓道亦徒託諸空言耳有如萬分之一  
及觀其零編隻簡幸甚然久之竟無所遇山榛隔  
岑朗詠古詩句而已蘄州馮生家章持此冊來屬  
題爲浣手書厥厓畧告之曰歸諸度閭者善藏諸  
勿與趙松雪畫手齊觀更購得南枝法書一弓即  
匣底銜星雙龍劍矣

讀廣濟縣誌書後

金公之純字健之父楚濱公隱居教授生二子

居業齋文稿

卷三

書後

十

公其次也兄之鈇棄經生業楚濱俾主朝夕而  
心器公堪大受授以家學兄既孝友能順父指  
殷勤佐弟誦讀而自待輒薄嫂洪亦如之公聘  
李氏有室仍秉家政於兄嫂而出授徒以佐孝  
養會歲試邑令劉公諱簡昌桐城人進士就知人一時所取  
皆英彥士而公與焉督學使馬公諱人龍太湖人進士拔置  
第一萬曆乙卯舉於鄉公事父暨兄嫂蒸蒸怡  
怡家無二爨四上公車不第署醴陵諭丁外艱  
服闋補諭浙川以績擢陝西興安知州興安隸  
六邑阻塞困於賊荒而民擇善關尤難綠御

公壹以仁和撫之五閏月賢聲籍籍已而流寇  
忽傳城大譟公倉皇登陴授兵誓以身殉丁壯  
皆義激殊死戰賊稍却會久旱夜半雨大注城  
塹暴深五尺許賊引去或曰忠感也賊伺水涸  
又至一歲中瞰城者四久之糧盡且陷矣公遣  
人檄旁郡游擊將軍唐通爲援而夜縋敢死士  
數百人會襲之斬獲甚衆時賊方羣飲歌舞砲  
發擾亂渠魁數十人殺且盡餘舉營遁走賊退  
民飢且疫公設粥食調鑿藥存活數千人御史  
以狀聞朝議擢守漢中會疾卒年僅四十六時  
崇禎甲戌九月也櫬歸州人焚香送道上跣行  
三十里父老呼曰公歸公所寇來殺我踰年寇  
至州民見公絳衣大幘立睥睨間故至今思之  
廟祀焉公卒而長子德崇年十三入縣庠次子  
德嘉甫五齡兄子德中德大皆諸生李宜人諸  
公志與兄子同居二子與兄子同學田不滿百  
畝老屋僅蔽風雨皆與兄子均旋以兵燹渡江  
結茅以居而教二子益嚴肅雖奔竄流離不使  
廢學出人必稟命牀下曰汝毋忘汝父崇嘉後  
皆以學行著世其家里中稱二難云

居業齋文稿

卷三

書後

士

右縣志先大夫傳德嘉讀之仰天太息曰嗟乎先大夫所爲極難耳賊以數十萬衆自蜀入漢南大軍在楚平利洵陽西鄉石泉漢陰賊乘勝轉戰所至如破竹而獨挫於興安當是時先大夫躬冒矢石衣不解帶者四十日夕嚮令非援兵出其不意賊視此城摧枯拉朽耳宜人嘗曰賊圍城急旦暮且破我嚙指告大夫毋以室家爲念脫有急後園古井吾所也嗚呼豈不難哉江居火獨存先大夫畫像一軸忌日生辰宜人祭且哭誓不令兩兒廢學以報先大夫地下壬癸歲游飢貧粟於富人俟居業齋文稿卷十三書後

自警編書後

嗚呼此先大夫遺編也不孝五歲而孤先宜人口授孝經論語踰年受業李先生於東隣之竹風館李先生諱奇觀字大復先宜人之伯兄也旦課於先生而夕背誦宜人所宜人摩頂誨兒母惜數舉馬牛襟裾語爲誠又嘗言先大夫故手自警編指爲人鵠而

今失所在兒將奚鵠焉當是時不孝蒙昧聞言而弗省也八九歲時繙李先生几上書得自警編目愴怛動容先生熟視良久曰孺子亦知自警緣起乎昔汝王父楚濱公潭思聖學哀輯宋賢言行錄都爲一集顏曰自警編汝父未補學官弟子時言動兢兢已書是編奉爲程式予借觀而鈔謄之汝從祖太和先生爲學宮諸生祭酒授徒柘湖阪亦舉是編以訓弟子然弟子鮮有誦習者言已肩諸篋蓋不孝方學爲科舉文字先生不以是爲孺子課也越數年宜人見背先生尋卒會左良玉亂兵自武昌下金陵數百里之郡縣卽落焚掠爲墟李先先生之書散亡且盡而自警編不可復見矣癸巳得先大夫守興安危城時遺唐游擊一書橐於洪子先兄諱德崇字卜用試几展讀有盧生諱首傳字卜用來草堂摩挲歎息焉公守興安當崇禎甲戌流賊自蜀走秦所過城輒破而獨挫於興安一歲凡四圍城糧盡且陷尊公用蠟丸書檄旁郡唐游擊通來救聞尊公寢食埤堦間數十日夜不內顧李宜人坐後園井上爲死所當此之時危於繫卵矣而字畫莊勁若此猶與自警編類何其整以暇耶先兄慨然辟席請

居業齋文稿

卷三

書後

古

曰足下安所得自警編乎盧生具言異時從君從兄爾孩大游偶見此編乞之去爾孩下世是編秘吾枕中避亂太白湖上左手挈理學書一束右手抱一兒舟覆書沒於水亂定購求得之編猶是也而丹黃點黜不佞祭半焉詰朝辨色輒款廬門索書書出而歔歔涕泗不能讀盧生從容言君弟持去償我以副本可耳再拜受之以歸命諸弟子分鈔決二旬而竟盧生曰嘻甚矣速顧余非欲速者欲得一手書耳君母乃憚勞乎對曰謹受教雖十易固所願也踰三月手書訖盧生納諸櫝而以前

居業齋文稿

卷三

書後

五

能破劇賊保孤城以報天子身後五十餘年與安人請入名宦俎豆追誦功德煇煌碑版蓋先大夫守興安一城而紫陽白河洵陽漢陰石泉平利岩栖草伏之餘民襁負入城而存活者無算寇退飢且疫則糜設於廩藥缸盛於衢不幸而物故者官區岡阜爲叢冢先大夫以是勞瘁致疾朝議擢守漢中府拜命而弗克之官興安人合錢買劉上舍楷櫃以進宜人銘簪珥括衣裘佐以法書名畫償之念曰大夫守興安止飲興安城下水耳毋以是累身後名宜人扶櫬歸里李先生素服郊次仰天長號曰嗚呼公所志庶幾坐言而起行矣夫奈何不假以年也蓋先大夫卒時年甫四十六而先是周旋死友吳御史諱之難年甫三十八吳公死廷杖逆璫爪牙羅織楚人不敢視含殮先大夫奮不顧身歸其櫬於江夏一切死生禍福無足以動其心大都自楚濱府君庭訓之日此志已定也不孝不逮事我先大夫惟是祇奉慈母提命以有今日無能尺寸豎立荏苒蹉跎今且髮種種矣拊斯孺萬感交萃言止而意未盡又伏念中壘七畧得獻以有成然史稱歆之行不稱其十可惜鄭侯充



書而子繁僅以插架聞天下亦可惜書以自誠  
爲子若孫誠也

讀李先生隱逸傳書後

楚通志纂修既成而廣濟有李大復先生入隱逸  
傳李先生德嘉男氏且師也於是德嘉聞而歎歔  
久之歎曰嗟乎古所謂齋志以歿者其李先生歟  
兒時聞先生與人論史事大指謂士大夫氣節事  
功真實爲難如汲長孺之面折公孫丞相不拜大  
將軍青至使武帝不冠不見而淮南王爲之寢謀  
氣節若此漢廷有兩哉宋則韓稚珪司馬君實范

居業齋文稿

卷三

書後

六

希文諸君子之立朝決疑定策捍禦大難功在社  
稷歷歷可指數此之謂真事功若班固譏司馬子  
長是非頗繆於聖人而其議論嘗排死節不殺殺  
身成仁之美是以失足於實憲而陳同父之大言  
使試之用未必不如殷浩也其持論謹嚴大率類  
此先生試不售於有司而從遊之士日益衆而求  
大冠望之若神明先生怒勝冠者免冠愛楚絲鑿  
冠復位誦如故曰慈母有敗子今師之爲母者獨  
多也二程寬嚴不同吾寧爲伊川耳先生與堯夫  
夫垂髫交手鈔先王父所輯自警編各一冊已而

先大夫官陝西之興安州且行先生曰自警編中  
操守經濟忠愛惠澤皆古人學力所存今力行始  
知古人之學然力行愈知古人之難也先大夫守  
興安以治行聞先生喜寓書勉焉當是時親故書  
問填委先大夫省視之裁答而已獨揭先生書於  
座右退食繞廊行讀讀已歎曰大復愛我大復愛  
我已而流寇圍城先大夫與先宜人訣曰致命遂  
志吾與汝伯兄大復有成言矣以是固守踰月竟  
保危城蓋先生與先大夫學問切劘之益如此向  
使先生膺一命得行其志必有可紀乃竟以隱逸

居業齋文稿

卷三

書後

七

讀可亭篇卷書後

今海內之望大司寇環溪魏公巍然如泰山喬嶽  
凜然如冰雪嚴凝之不可近而廣濟劉千里曾以  
明經貢春官爲人山野木強交遊蓋寡當是時公  
獨高其行與之交稱爲漢江學者賦五言律詩四  
章以爲贈千里瀕行賦可亭篇別公其歲爲順治  
乙未到于今踰三十載千里亦已下世而公猶奉  
奉念之不絕口嗟乎紵衣縞帶綠酒紅亭之什徧  
滿長安衢路方之於此爲何如哉公子中書舍人



學誠與德嘉同舉康熙壬戌榜進士交猶近古公既歸老寒松堂會舍人之官乃手授茲卷屬德嘉書其後以德嘉千里里人也千里富於著述而家極貧其已行世之在堂集乃邑人合錢以刻者又所爲楚先賢列傳及德嘉先大夫志銘已選入三楚文獻錄中矣其家藏未刻書猶近百卷異時接輯而公之海內則余與舍人事也舍人補官甫數月輒以省覲旋里余亟書而郵致之

書廖氏家傳後

明太祖賢故元大夫福壽旌之予祠已而官故元

居業齋文稿

卷三

書後

六

學士危素偶念其失節遂竄去不用蓋以節義風天下也功臣中廖永忠勞績最鉅乃止封侯而不公卒坐事死議者謂宋主在滁州太祖遣永忠迎歸應天至瓜步覆舟死帝心弗善故也夫韓氏托名宋裔一時羣起擁戴度如楚漢之奉義帝耳非素有君臣之分也項籍既使人殺義帝漢亦不過借縞素以屈項籍何嘗以其生死爲重哉太祖是時已不復北面之勢而猶黜永忠之功其爲天下萬世立大義之防者何凜凜也至南渡時乃追諡永忠武勇益人臣忠於所事宋主之不免永忠之

於太祖則忠矣易名之典固其宜也德嘉讀澤州陳公所爲廖氏傳益歎闢幽章教我公之功偉焉初武勇兄永安死張士誠之難得諡武閔孫銘鏞受學方公孝孺奉成祖命召孝孺草詔及孝孺死人懼禍莫敢視其屍而廖氏兄弟獨往慟哭收塋之以此得罪戍金山衛銘鏞雖不能不曲從君命於前而猶能直報師恩於後廖氏之世可謂有人矣迨明末造且三百年武勇之苗裔自金山徙居松江大兵臨城其居衛堅守猶有刎頸城樓以死者子殉之家二十餘口俱殉之嗚呼廖氏之節義

居業齋文稿

卷三

書後

六

與明祚相爲終始也太祖之激勸於是乎無窮矣哉我公網羅數千年之史事折衷大義予奪褒貶粹然天理民彝之公平居一嚙笑不肯假人至於表章前哲則洋洋繼繼揭日月而行中天蓋以古來開創之君其精神風指往往周數百年之人心風尚而握其樞紐是故秉史筆者生數百載後低徊愴息若或見之衮鉞所存非苟而已也

魏果敏公贈張翰菴詩卷書後

大司寇蔚州魏果敏公正色立朝數十年如一日危言危行有士大夫所難者年老善病

上念之賜參賜鑑無虛日

御書寒松堂捧歸里第其里居也三數者舊蒼顏皓首爲真率會子弟孫曾輩侍酒炙有香山谷下風子學誠成康熙壬戌進士官中書舍人予告歸養仲子以庚午舉於鄉皆祇承家法爲三晉知名士鞠菴張君順治己丑登第出公門筮仕棗強令公賦詩送行且勸勉爲循良吏大指如元道州而蒼渾沉雄過之大令謹受教之官有廉能聲令嗣晉金接三藏此卷余覽之愴然於師友淵源之際重有感也昔昌黎韓公言士以出於大賢君子之居業齋文稿卷十三書後

卷十三書後

手

門爲榮鞠菴之受知果敏不徒以進賢冠爲光寵矣嗚呼公往矣張氏世世子若孫寶之豈與平泉莊之一木一石等哉

書朱信昭冊後

古人學成而仕故所至皆有聲績可紀濂溪先生初主分寧簿邑有獄久不決先生至一訊立辨已人驚曰老吏不如也明道初仕鄆縣判宅中藏錢片言而決南山佛首歲放光檄僧取觀之至期不復有光考亭知南康軍講求荒政多所全活鹿書院遺址奏復其舊爲學規俾守之人

興起三先生之入官皆不欲以赫赫名動衆者然所樹立聰明才辯之士常不能及無他神定而志不分也同年朱君信昭知臨淄縣行有日告諸師友索書宋儒居官格言及薛文清讀書錄各一紙裝成卷將以置諸座右余於是知朱君之學矣長安送行例有歌詩朱君曰是冊成即詩可不作蓋朱君之志如此文清之差管湖廣銀場也同列以爲賀先生舉古詩云此鄉多寶玉慎莫厭清貧至則手錄性理一書潛心誦讀思有所得即秉燭書之其爲政黜貪墨正風俗抗疏罷沅州銀課湖北居業齋文稿卷十三書後

卷十三書後

手

志矩齋讀書圖書後

矩者何天則之具於聖心聖學之不息於天下後世者也天不能留聖人之身以待後之學者聖人留矩以待之然聖人能以矩待學者而不能必學者之人有其志也學者未嘗親炙聖人而毅然學

聖人之學惟有忠則然抑幸夫聖人之矩不與聖人之身俱往焉耳長洲彭雲客先生行年七十而以志矩名其讀書之齋皆深哉七十以前皆先生績學之年從遊者日衆先生慮夫學子之言浮於行也以是名齋益身教云夫學以講而明也然或遊於講學之門而騰口說以尊師馴至溢於師傳之外語錄曼衍非其先生科指之所及則踰已甚聖門之有論語無所爲而爲之者也後人叫號一先生之言闢入已之所爲語錄以自名一家自以爲羽翼師門實無毫髮益讀聖人書乃至窮大而居業齋文稿

卷三

圭

失其居也則何如彭先生之志矩爲自得乎嗟乎聖人往矣聖人之矩具在於易見聖人之與伏羲文王周公一矩也於尚書見聖人之與二帝三王一矩也於詩三百五篇見聖人與二雅三頌十五國風諸作者一矩也禮行於鄉黨宗廟朝廷擯好會聘友邦從容罄折不勉而中無非矩也若夫志在春秋行在孝經則萬世之人臣人子之矩莫大乎是矣有宋周程張邵朱蔡諸君子循乎聖人之矩躬行心得神明變化出焉於是筆之於書儒者幸生其後望矩而趨耻材力之不逮耳而敢放言

高論乎哉彭先生少而質行孝謹老而莊敬日強粹然古人爲己之學對南先生繼厥志瞻依几筵事以如存也居官勇退里居之日當多所校讐鐫刻書大都本趣庭舊聞用詔來學思慕不已繪斯圖焉記曰今世行之後世以爲楷皇哉圖乎其爲楷也卓矣學者苟有志於聖學敞厥圖而觀省焉庶不慚於所之哉

程母康太君死節詩書後

永寧程母康太夫人死節於甲申之八月到于今垂四十年矣京師士大夫聞其事而詠歌之太夫居業齋文稿

卷三

圭

人有子曰福亮者今總戎興安爲名將而農部止水於總戎爲同堂兄弟於是總萃詠歌之什凡成卷余把卷低徊久之揖農部而言曰嗟乎太夫人豈知有今日哉當羣盜蔣雙溪陷東宋寨時繫繫就繫者不可勝數人道漸滅且盡而太夫人以一死存之至於兩月後出之叢屍中容色猶未變天鑒之矣當是時總戎帶劍詣任帥幕府誓不與賊共戴天已而手提賊頭拜奠於太夫人冢上可謂壯士然呼天搶地腸寸寸裂矣豈復知有今日哉余嘗追論往事大都明季朝野元氣剝盡於

而盜賊起而乘之如獻如闖蔓延潰裂以至於此  
若蔣雙溪之起嵩縣狗鼠耳然以逆亂言之等賊  
也崔魏伏誅獻闖皆隕命矢石蔣雙溪斷脰於河  
底村民之手亂賊何嘗不滅然當其挺身烈焰之  
中有死無貳以拒之是爲難耳是故史氏大書人  
臣而死璫禍死闖變日月爭光矣若孀婦之不屈  
於寇盜彼非有爵命於朝又非有詩書陶淑之素  
也而一念忼慨以至於此豈非天性乎嗟乎世有  
視死如歸之人而人道常存於千古彼偷生苟活  
者當其飲啖視息覲然人面而生理已朽矣然則

居業齋文稿

卷十三

書後

三

聞太夫人之烈而不歆歆感歎歌之詠之豈情也  
哉農部紹伊洛家學實行君子余故抵掌而肆言  
之於是知孟氏所謂浩然之氣塞乎天地之間者  
皆無所爲而爲之者也

居業齋文稿卷十三終

居業齋文稿卷十四

廣濟金德嘉會公

墓誌銘

平南知縣殉難贈按察司僉事周君墓誌銘  
君諱岱生字青嶽一字雨山江西九江府德化縣  
人順治十一年拔貢康熙二年除知貴州平越府  
餘慶縣四年丁內艱七年補廣西潯州府平南知  
縣十三年會吳逆叛寇盜蠭起有羅智吳懷玉黨  
緱成德爲亂夏六月破梧州府攻平南君倉卒練  
武生義勇鄉兵狼兵出討賊距城七十里曰大峽  
口與賊鏖戰三日陣斬渠魁賊稍退秋七月  
引衆來距城五十里曰武令峽口君環甲躍馬陣  
斬賊千總吳飛龍而賊攻益急矢且盡義勇甘沛  
如黃琬謝可能馮登相黃洪統唐自勝賴勝盧耀  
經覃健標盧帝善何龍胡八李滿林貴周福劉兒  
賴翦子余盛陳等三十餘人戰死君退保城二十  
一日賊圍城援絕自寅戰至午城陷賊繫君於  
州脇君降君罵賊不絕口二十五日經桂平  
社妻楊氏自刎死殮於路不及瘞有董經歷  
之墟場側八月初二日賊誘君降君罵賊何

居業齋文稿

卷十四

墓誌銘

一

殺我遂遇害長子儒且哭且罵賊慘死有楚人  
吳建明殮君以棺瘞於潯州府城外西關上結塘  
官橋南儒墓墓當是時君仲子儻在楚久之聞變  
走廣西遇蒼頭周甲具知戰守殉難月日尋父母  
兄瘞所詣巡撫都御史傅忠毅公軍門言狀檄察  
周令被難家口俾完聚具疏且報聞亡何忠毅公  
亦殉難死二十年夏五月儻具告潯州孟知府府  
上其事七月巡撫都御史郝公面詢儻惻然傷之  
特章請卹十月儻收三骸殮以歸比行平南人路  
祭巷哭紳士誄庶人扶櫬走且祀君於廟儻歸里  
居業齋文稿卷十四

會

聖恩追錄死難者吏部議得廣撫疏稱原任平南  
縣知縣周岱生闔家殉難應照例贈按察司僉事  
廕一子入監讀書禮部議給全葬價行江西布政  
使給致祭銀兩

遣官讀文致祭

制曰可於是儻入監讀書期滿監咨吏部聽除以  
知縣用二十三年春三月奉

誥命褒錄嗚呼君於是乎不朽矣君慨明豁勇  
而善斷其爲治以興利除害立紀綱正風俗爲先

勅令察視鄉村戶口側遣衙官君至餘慶則單騎  
行部里民不費一錢而民數具悉餘慶荒徼俗信  
左道有妖僧以符咒禱祠惑衆一村民延至其家  
久之與其婦通焉村民夜半自外歸僧方擁婦共  
臥驚起婦倉皇披緇僧裹婦相械至君所君庭訊  
案已具詰其人曰有婦如此盍鬻諸尚可再娶村  
民叩首曰不願也君壯其言出橐金賞之而奸僧  
奸婦立斃杖下是時君已丁內艱護理縣印僧黨  
誣訴於府君星夜馳報守廉其實檄縣捕僧黨杖  
之驅出境云其治平南也下令禁婦人之燒香寺  
居業齋文稿卷十四

觀者罪坐其夫已而有犯者逮其夫治之民匿其  
少壯而以羸老來冀倖免君曰稍姑息令不行矣  
竟朴之自是境內肅然道無游女縣署有樹大數  
十圍父老相傳數百年物常有惟若婦女然家僮  
扳而上若有拉其腰脅者言訖墜而死君怒大書  
張樹上詰朝某刻且伐樹家人惶怖樹若爲祟且  
有害君弗聽竟伐之而惟亦息先是縣民何某亡  
賴盜牛以爲生族衆惡之沉於河其子勝雲尚幼  
也及壯不治產業其母誡之曰而知而父之所以  
死乎勝雲愕然母告之故遂誓爲父報仇夜入首

謀者之家斫其首而出尋擁火炬繞屋行大呼曰  
盜至我來救耳族人何之乾者素與勝雲有隙勝  
雲旦詣縣以盜報且曰此必之乾所招君疑之遣  
捕役廉訪各村無所得及庭訊之乾竟弗伏君乃  
齎戒牒城隍宿廟一夕夢呂仙投之以詩覆訊呼  
左右隣人問曰若知勝雲之父為何人當年得  
死所乎衆叩頭曰盜情即此可得矣呼勝雲上詰  
曰汝誠壯士為汝父報仇有諸勝雲色變君念曰  
得之矣復至城隍所焚香拜禱而械兩造訊之勝  
雲色變君曰盜情已露勝雲叩首具服遂定案勝  
居業齋文稿 卷十四 墓誌銘 四  
雲抵罪而之乾得釋平南人遠近傳誦以為神有  
老賊陳四者盤踞大同山垂三十年剿捕不可得  
君出奇計招之復至其巢曉譬利害曰王師且至  
吾生汝賊感泣誓終其身無反君曰盍隨我至縣  
城乎賊敬諾於是至縣署賜之食厚為之裝而遣  
之其後吳逆之變他縣賊皆響應唯陳四不受偽  
職云君治平南一如治餘慶而平南市荒民少君  
捐俸招集始至城內草屋數間期年商民大集平  
南俗窳陋居不產蔬菜君教以播種灌溉之方而  
畦畝鱗次相屬田老荒弗闢君招撫粵東流民

先可千餘家三年報舉事聞紀錄至於再君  
起家儒術幸得專城百里無以報 國恩惟勉  
為廉能吏以免疎曠其素所樹立如此變起倉卒  
而以身殉蓋義不反顧矣按狀周世籍九江始祖  
萬鑑娶郝生福三福三生旻山貢生旻山生勝宗  
貢生勝宗生繼同知繼生仕高同知仕高生慶四  
川布政司參議娶陳封恭人生在弘治甲子舉人  
雲南師宗州知州娶楊呂封宜以楊嫡也生鍊庠  
生娶廖生瀚庠生娶王生之冕河南襄城知縣娶  
譚封孺人生光俊廩貢生是為君父配劉生于四  
居業齋文稿 卷十四 墓誌銘 五  
長嵩生郡增廣生次即君娶楊宜人殉難者也次  
岐生德化縣庠生次幽生君生於前辛酉十一月  
二十五日卒康熙甲寅八月初二日享年五十四  
楊宜人生於前癸亥五月初八日卒甲寅七月二  
十五日享年五十二生男二長儒次儻監生廣  
東鎮平縣知縣余先兄子壻孫男七世淳庠生世  
濟世澤太學生世潮自世濟以下皆余外孫也孫  
女五曾孫男 儻奉  
皆營葬以某年某月某日葬君于某山之原楊宜  
氏則獨儻以知君者莫余若故誌銘為請余竊

死者生平慨多奇節鄉人稱之其居官所至有  
志澤及於民而楊宜人賢有婦德且臣道婦節無  
大於死難者故爲並書之俾藏諸幽宮之石銘曰  
是爲忠臣烈婦之藏雲山蒼蒼星漢光保艾爾后  
熾而昌

封徵仕郎翰林院庶吉士路君墓誌銘代

康熙二十三年秋九月

覃恩侍從臣各以其官推封曲周有路安卿者以  
子元升官翰林院庶吉士

勅封徵仕郎冬十有二月元升授檢討於是安卿

居業齋文稿卷十四墓誌銘

六

且就祿養矣明年乙丑春二月卒於曲周之里冬  
檢討營葬而以狀寓京師請銘且曰先府君行甚  
高而未爲世用故不大顯於世雖然古之人亦有  
未用世而傳於後者則惟立言之君子采其行事  
原其志而表章之敢請余不佞蓋嘗觀海內縉紳  
大夫之家輒合前後數代以知其人而論其世若  
曲周之有路氏自中丞以卓識偉畧顯名天下而  
君之賢爲之子今檢討又繼之其亦可謂世家矣  
迺据狀而誌之當有明天啟崇禎間中丞起家進  
士令涇陽課最入爲御史疏言時事十大弊又疏

劾首輔冢宰朝右憚之甲申寇亂京師中丞奉璽  
書巡撫鳳陽寇南窺中丞開府淮上防禦却賊君  
甫垂髫遂贊畫幕府機宜如老成人會擒得僞將  
縛之竿令兵民叢射之君三發三中觀者籍籍路  
公子神勇不絕口居亡何中丞丁母曾太夫人憂  
會道梗寄其家於蘇州之洞庭山中時閩中立君  
而中丞有舊恩招之甚迫中丞間闕海隅君從中  
道忽相失有強帥擁重兵者留之欲字以女日置  
酒屬衆軍從事款曲道意君不爲動至脅以兵於  
是君按劍仰天太息曰嗟乎人生不得行胸懷有  
居業齋文稿卷十四墓誌銘

七

仗劍死耳某廣平血性男子父方奔播自有室家  
不遑恤而乃闖入茂陵女家如司馬相如之爲乎  
帥聞意少解遂留書記室謝絕之乘間微服南去  
已而遇中丞公於廣州之海上逆旅人曰孝感也  
方是時閩廣已內附中丞積憂憤所死成疾疾甚  
逾益憤湯藥不入口君夜焚香禱北辰斬以身代  
長跪奉藥上進中丞稍稍嘗之然竟不起遂卒君  
一慟嘔血數升時年十七耳含殮竟扶櫬行且行  
且哭瀕於毀先是伯兄某侍母王夫人洞庭僑居  
訃聞奔喪兄弟遇於路相抱哭踴哀感路人聞之



洞庭山厝焉益君之生而遭時坎壈若此嗚呼以君之材踴躍發使得行其志其所就曷可量哉其施於家及於遊親戚者曲周父老至今猶能言之伯兄留滯洞庭貧不能歸里歲一南行省視久之患疾疾扶掖乃行欲往省伯兄迎以歸家人難之泣曰恐歲月不我待也竟力疾行既迎歸爲置宅一區井臼器用悉具割膏腴田三百畝以養仲兄某早沒遺孤元度十二歲元石六歲拊教之皆成人有王國翰者從中丞行病歿倉卒中殯殮成禮久之爲返櫬於其家卜景陽者負百金未

居業齋文稿

卷十四

墓誌銘

八

償疾急以爲言則取券面焚之小沒後更周恤其妻子客蘇時與處士顧寧人友善偶有緩急假顧金絕無一人知之者及聞寧人逝寄償其家嗣子來留之肄業踰二載厚瘞遣之由斯以觀亦庶幾篤行君子矣檢討又言先府君早慧十三入學制舉文有前輩大家風性不妄交唯與舅氏鳬盟觀仲隨叔三申公相得驩甚詩古文切劑無虛日里中置祖墓祭田二百餘畝修家譜訓族族有貧者日用以給之先王父建義塾縣東郭歲久以至是增葺延師以課弟子後先成名者甚衆

曰人生無論出處當有惠澤及物故雖居約而親識中有賴以舉火者不孝官翰林手書訓誡視兒時逾益謹晚年亶心易理詩格專主少陵氏工拊琴旁及於畫所著有宜軒詩一卷草堂襍著數卷琴譜一卷藏於家嗚呼士不讀書學道慎交友敦本行砥礪名節惡能傳於後世君早能堅忍於血氣未定之日彼其忠孝之志有足悲者是則可傳也夫君諱澤農字吾徵一字安卿先世潞之長子人明洪武中有諱真者徙居曲周是爲曲周路之始祖高祖來桐曾祖雲梯俱用中丞貴封都御史

居業齋文稿

卷十四

墓誌銘

九

中丞諱振飛天啟甲子舉人乙丑成進士仕至巡撫鳳陽都察院右僉都御史事具明史君生於山之原子人餘既志其行而復銘之曰路氏始遷自晉長子六世而昌拜都御史都御史興公子英英皇矣季公休有令名貴不敵德厥嗣蕃碩金馬石渠貤封式廓曲周之陽鬱鬱蒼蒼生遊沒藏厥名路莊華表屹屹寢廟翼翼筮卜協吉于焉永宅

奉政大夫太僕寺少卿楊公墓誌銘



奉政大夫太僕寺少卿荆門楊公以康熙己巳夏四月予告旋里南行甫三日而卒令子毓健等扶柩以歸越五旬同里翰林檢討胡君以太僕誌銘爲請余與太僕齊年舉進士是時太僕年甫二十四歟歷中外至今官方將嚮用而太僕遘疾遽已矣余雅知太僕生平於其幽宮之石安可以不文辭於是操筆而志之據狀公諱佐國字于常號荆湖先世江西人有諱植者徙居荆門州之後港遂隸籍爲荆門州人五傳而至庠生兆麟字煥斗公父也中萬曆乙卯副榜未仕用子貴

居業齋文稿

卷十四

墓誌銘

十

皇贈奉政大夫母唐贈宜人贈公生三子而太僕居長仲佐治早卒季佐慶太僕早慧讀書目數行下受經里中萬壁正甫弱冠補郡學諸生順治庚子偕經師鄉舉辛丑成進士筮仕陝西之西安府咸寧縣當是時公以少年甲科爲令慨然欲以功名自表見遇事剴割案無滯牘上官以爲能咸寧郡附郭會大兵雲集軍需旁午羽檄至倉卒屬令夕至則旦以應旦至則日中以應守大倚任之所條陳地方興革悉允行而公時時察便宜奏記大府咸報可於是大府杭公偕制府阿公交章以卓

異聞於朝康熙壬子鄉闈分校得士五人今翰林庶常王君吉相浙江按察使司馬君如龍福建泰寧王令篤祐皆所薦士也課最陞知商州商州陝孔道也會大將軍幕府久駐州民供億良苦公吏治於商視咸寧較駿發而州刺史視令所部戶口尤多下車則以均徭役爲先務以是軍興常爲諸郡最暇則嚴保甲勸農桑修廟學養老課士久之商州大治乙卯陞刑部四川司員外壬戌奉

命補行廣西鄉試主考蓋得人視陝爲尤盛云復命陞郎中禮部其司爲精膳曹務稍簡而公則孳

居業齋文稿

卷十四

墓誌銘

士

孳討論掌故曰稽古秩宗職也廣東驛鹽道員缺詔選用科甲能員以往公拜

命之官念曰昔吳隱之廣州刺史賦食泉以自況比其反也妻劉取沉香一片隱之命投諸江唐李勉節度嶺南以廉謹率屬舟行接家人所畜投之江曰毋令隱之笑我今驛鹽職故易稱所勵者清操耳及至勾稽纖毫歸之公帑吏惟抱牘而已公餘猶雜誦課子至丙夜篝燈達曙一切請謁都絕其介如此雅好士士秀而文者授以薪榮爲開然指授多成就者署臬篆者再平反疑獄嘗慨然

交色與人德之比去粵則遮道攀轅百里外猶有  
拏舟祖餞者戊辰春旋荆門需次入補京堂瀕後  
港引流種樹翛然有濠濮意己巳二月補鴻臚寺  
少卿未幾轉光祿寺少卿通政司右叅議尋擢太  
僕會邸舍中濕及腰股不能視事遂以洗沐請士  
大夫咸謂太僕年始服官政其疾在肢體藥當愈  
愈且還職而太僕竟以是終命也夫太僕內行甚  
篤仲有子孤拊而誨之訖於成立課季學嚴而有  
法宗族隣里有緩急解橐囊救之惟恐後持論斷  
斷不阿徇其於佛老之教辭而闕之斷如也嗚呼  
居業齋文稿卷十四墓誌銘

主

士大夫之重質行將以有爲也充太僕之學可以  
大施於天下而行事之可見者未宜止此然即此  
亦無媿於古之人矣公生於 年 月 日

卒 年 月 日 塋 山享年 十子某

某孫某某余旣志其墓復繫之以銘曰

山嶒嶒蒼以矗水渟渟冽以復藏於斯楊太僕組

豆馨世年卜泐斯銘貞地軸宜爾後昆綏百福

勅封徵仕郎內閣中書舍人王君墓誌銘

廬陵王君卒於里訃至都門長君中書舍人上選

哀戚不勝喪越五日弔唁之禮畢舍人衰絰徒跣

且南還而以君之墓誌銘請余與舍人同舉壬戌  
進士知舍人家世爲詳蓋古有鄉先生沒而祭於  
社者其生也郡縣大夫造廬請爲鄉人師舉鄉飲  
酒禮則以大賓禮之君廬陵鄉人師且大賓也是  
可銘君諱萬祺字季齡先世太原人有諱該者官  
吉州刺史遂家於吉十六傳曰賢可者遷居廬陵  
鶴洲隸籍爲廬陵人又數傳至宗化生三子季曰  
如鈴如鈴生之球鍊邑庠配彭生子三人長萬鍾  
次萬祥君其季也廬陵爲江西文獻大邑而藏書  
之多雅推王氏君念厥考績學有聲竟不第則肆

居業齋文稿

卷十四

墓誌銘

主

力於制舉文字以靳得志於有司甫弱冠即有名  
授徒藉束修以佐孝養彭卒哀瀕於毀考卒瀕毀  
者數矣遭世亂仲齋志死伯以骨鯁罹禍禍且不  
測君布衣諸生家壁立慨然歎曰急難之謂何其  
使伯氏戴盆以望天耶卒直伯脫於理久之棄科  
舉業課舍人兄弟學其言文原本經術絕去行墨  
鉅釘而要歸於古曰言不由衷僞學也康熙戊午  
舍人舉於鄉而君課之逾益肅壬戌成進士癸亥  
考授中書需次里門君拳拳以儉素訓且口人各  
有志陸賈五男子而以所過人馬酒食爲言是導

之耆也子以養志爲孝若澹泊我固安之矣丁卯  
舍人當之官戀庭闈有難色君趣治裝諏吉以行  
舟行至文水舍人拜別上馬君曰兒勉旃昔人所  
謂鳳凰池也君里居好行其德丙辰丁巳間吳逆  
亂里有惡少年十數輩公然爲劫闖入君室縛君  
榜掠甚楚良久釋去亂既定上官按戶籍詰爲亂  
者主名里人大喜馳以告君愀然曰事聞則邑子  
死於法株連蔓引且及無辜吾不忍也遂寢其事  
有掘煤爲業者嘗數十百人集羅姓宅後斬伐其  
山形家言將不利於羅族羅欲舉族徙君登山詰  
居業齋文稿卷十四墓誌銘

掘煤者曰煤利幾何而墜人之宗若等獨無廬墓  
乎衆悟散去而羅族以寧君嘗以授徒貲倡復先  
祠又嘗修橋梁以濟徒涉者遇老稚鰥寡廢疾輒  
贍給之多所存活以是言出而人信之古所謂匹  
夫而化鄉人者歟癸亥歲督學使者高僉事郡守  
陳君廉君行檄縣禮爲鄉飲大賓君辭弗就丙寅  
湯君以文守吉安陸君蔚文宰廬陵則式廬而請  
曰令甲設義學以贗行者爲師先生其無讓君辭  
愈固令以名上於是君名駁駁聞京師矣余嘗謂  
士大夫不言而躬行則鄉人化管幼安陳仲弓所

居人輒嚮慕固不以祿位容貌動人也若君者庶  
幾近之哉廬陵俗猶近古而君以質行倡是可書  
也已君生於明天啟癸亥八月廿日卒今康熙二  
十八年三月廿八日享年六十有七恭遇  
覃恩勅封徵仕郎內閣中書舍人元配郭生子  
人舍人卜塋君於安福縣

東鄉四十九都桐木坑之原銘曰

武功蜿蜒八百里鶴湖環抱莢花水盤礴東鄉桐  
木岡廬陵有道藏於此泉清土厚宜松梓

誥封光祿大夫巡撫山東都察院副都御史

居業齋文稿卷十四墓誌銘

二等阿達哈哈番郎公墓誌銘代

中丞郎公以經濟顯名天下自入官以來敷歷中  
外所至皆有聲績可紀其巡撫山東蓋未竟其志  
而卒踰二年令子廷模以狀來請誌其墓余不佞  
逡巡辭讓不獲乃爲誌其大都焉狀曰公諱永清  
字定菴世籍廣寧人廣寧故多世家而郎爲甲姓  
太宗朝選大臣子弟肄業國學公以父廕補國學生  
世祖章皇帝御極初授禮部筆帖式尋除渾源州知  
州會姜瓖餘孽高山等竄伏山谷間爲羣盜公至  
料丁壯躬擐甲跨馬率先討賊賊望風潰追逐多

所斬獲由是相戒不近渾源界而隣縣往往告急  
輒發兵犄角潛遣敢死士出賊不意戰屢捷賊平  
績聞陞江西贛州知府下車輒平反廖安民等冤  
獄政聲籍甚會明帥李定國鄭尚玖等逼兩粵大  
兵進勦廷議於贛養馬令甫下有司錯愕懼難應  
民間譁言太兵且入城爭挈孥竄避公相視城外  
教塲地爽塏區分八旗扎營所構棚廠具芻茭積  
峙如山又構大將軍幕府供張器具甚設躬前迓  
大將軍至萬安大將軍至大喜下令兵毋得入城  
於是贛民安堵如故粵平大將軍旋師道贛檄贛

居業齋文稿

卷十四

墓誌銘

六

民數千人挽舟十八灘灘水湍激公念緯夫中道  
乏食且逃輒載米大艦尾其後是役也軍行夫役  
無缺而贛民亦忘其勞虔撫以爲能特章薦值公  
從子廷佐撫江西例當迴避

詔留贛候代贛民立祠肖像祀公兩廣總督李率  
奏調閩浙道贛廉公治行

題補福建海防道而銓部已除知山西汾州府汾  
地富庶而俗故推魯公至用廢王府改建廟學徵  
稅考業士風翕然一變舊治渾源境內有恒山距  
城南十五里古北岳也前朝乃祭真定之恒石

國初遣官致祭亦於真定北岳廟漸圯公至汾捐  
俸徵渾源新之工甫竣部議奉

旨改祭渾源其興舉廢墜如此守汾秩滿遷山東  
東昌道副使海師圍江寧大將軍統領

禁旅往討道臨清樓船鱗集公履河千鼓舞率  
不寢食凡五晝夜而舟師早達江寧未幾奉有祭

藩湖廣下荆南之

命時餘賊盤踞房竹間鄖陽僅附郭一鄖縣隔河

賊壘相對垂四載未下大兵四面會勦陝督王公  
領兵來饒餽取給卽襄時軍食乏絕將士至食馬

居業齋文稿

卷十四

墓誌銘

七

陸路挽運由均州均距大兵營且千里會議派民  
夫十萬公憂之察水運舊有小河久湮塞乃建議  
濬河倣古轉運法安塘遞運而四鎮之軍糧遂克  
有濟陞山東按察使山東當亂後牽染至七百餘  
案公矜疑省釋多所全活比擢湖廣布政使瀕行  
猶有盆香泣送於路者湖南之有分司自公始公  
經營指劃戶口田賦條目井井皆可爲後來法衡  
永寶三郡苦粵鹽爲累公詳請改食兩淮至今便  
之康熙甲寅改河南布政使吳三桂叛

禁旅南行征討征南將軍穆公議養馬南陽公請

移牧於楚馬將軍養馬開封府城內公請移營近  
黃河大兵之在楚也楚撫請豫省協濟米糧至十  
萬石豫距楚不通舟楫陸路挽輸懼弗前官民縮  
項搢手無善策公請撫軍密

題於江南江西採買解運軍前費省而事集公布  
政河南十二載課最加級至三十二尋拜巡撫山  
東之

命方以治河南者次第施於山東廼甫下車而疾  
作遂卒官矣當是時長公廷樞官嶺南布政公寢  
疾馳諭曰吾自起家渾源歷官至今艱難險阻備

居業齋文稿

卷十四

墓誌銘

六

嘗之矣 國恩未報唯兒曹勉諸廷樞又曰癸丑  
冬都城有楊起隆黃才逢者糾聚奸人謀不軌先  
中丞覺察立擒之不孝廷樞赴部言狀

上府念犬馬微勞

詔從優議敘廷樞詣吏部言發縱指示廷樞父也  
先中丞聞而譙讓廷樞曰縛賊臣職也何功之有  
而喋喋分疏爲廷樞以是具疏未敢上先中丞不  
伐其功皆此類也嗚呼若中丞者庶幾古所稱社  
稷臣哉公生於天啟庚申年九月廿七日卒於庚  
熙二十五年十二月廿八日享年六十有七祖

仕廣寧諸生父一鶚皆以公貴累膺

誥贈公元配毛繼配賀皆贈一品夫人子八人長  
廷樞前授階光祿大夫二等阿達哈哈番加四級  
官廣東布政使司布政使次廷模候補知縣次廷  
極河南都轉運鹽運使司加飭管鹽法道次廷棟  
候補知縣次廷槐次廷樾次廷樾次廷枚次廷三  
孫男三人孫女五人廷模等卜以某年某月某日  
葬公某山之原銘曰

於赫中丞卓爾幹濟屢策奇勲馳驅王事渾源之  
南北岳峩峩公舉廢墜秩祀無訛公功良多書其  
居業齋文稿

卷十四

墓誌銘

九

大者薄海而遙誰其匹也所積既厚其流孔長於  
何而徵眎此銘章

朱恬野先生墓誌銘

崑山朱恬野先生以經學爲人師東南學者從之  
遊多以儒顯由是古學大興先生子而琦舉康熙  
壬戌進士解褐需次里居而先生卒踰三年聽除  
輦下以狀屬德嘉誌其墓嗚呼年壽有時盡而教  
澤之在人心則無窮東海先賢有后蒼衛宏者皆  
以注經講學傳後世若恬野何多讓焉德嘉與而  
琦齊年知先生家世爲悉誼不可以固陋辭按狀

朱故中州甲姓唐宰相敬則是爲始祖其後有官  
於宋者扈高宗蹕南渡居崑山中洛徑遂隸籍爲  
崑山人數傳至諱維新者生熙洽明萬曆癸酉鄉  
舉甲戌進士知潛江縣有善政累官貴州按察使  
司副使晉階亞中大夫崇祀名宦鄉賢貴州公生  
萊太學生萊生日燦萬曆壬子舉人累官福建布  
政使司右叅政管延平府事崇祀鄉賢福建公生  
三子伯陞臣以貢知富川縣仲堦臣縣諸生先生  
居季母譚恭人原諱璧臣更諱堦臣字子通一字  
恬野先生早慧甫十齡悉通四子五經大義十五

居業齋文稿

卷十四

墓誌銘

十

屬文有奇氣福建公教授中都會江西章大力署  
天長諭見先生文大獎賞當是時江西陳文章羅  
四子論文多彈駁而大力獨逢人籍籍崑山朱公  
子先生由是知名尋受知會稽倪公補郡學諸生  
婁東張受先采負盛名先生執經其門文益雅馴  
福建公官京師則從之京師崇禎十一年秋福建  
公奉差臨清在園城中且累月先生聞之憂思廢  
寢食明年福建公以工部曹郎事下詔徵譚恭人  
在京而先生里居倉皇附漁舟渡江風浪惡漂落  
金山洄洑舟垂覆矣幸而濟是時齊魯間白晝多

剽劫先生賴兩豪士掖以行至京洒泣拜譚恭人  
塵沙蒙面不及盥漱走請室先生哽咽酸楚而福  
建公故慰藉之同繫傳司馬宗龍賀弱菴鼎黃石  
齋道周成稱其孝石齋於是以道學節義相期許  
先生敬諾職索鎮定省凡十有八月有詔原出獄  
先生奉福建公譚恭人南歸會旱荒且疫僵尸載  
道土寇李青山焚掠淮北日經行瓦礫村墟中夜  
則枕戈待曙十七年南都立國福建公復補冬曹  
郎筭節慎庫捐例開庫金出納皆先生手劄記精  
晰無纖毫繆誤福建公奉璽書之閩取道崑山會

居業齋文稿

卷十四

墓誌銘

三

游兵道梗宵行晝伏先生出奇計脫於難又六年  
兩尊人相繼下世先生事兩兄及諸姊皆極友愛  
於宗黨咸惇睦盡禮從父涵之歿五十年族伯叔  
兄弟歿遠者二三十年近者數年皆不克塋先生  
次第經營塋之少時稟家訓貫穿經史時時從外  
舅輟水問業博聞強記游京師於政刑理亂人材  
消長朋黨顛末邊疆要害宦豎竊柄緣起歷歷可  
指數令通籍服官當大有所建豎以顯名天下遭  
時齟齬絕意仕進竟以布衣諸生老矣先生故家  
子然食貧家無長物與元配王孺人相敬至白首

而課而琦兄弟最嚴授徒且數十年子壻李備五  
少孤先生教之迄於成王建伯李成九兄弟皆受  
經垂十三載而琦乘間請曰大人春秋高矣乃辭  
李氏講席會王編修醇叔洗沐歸里固請先生課  
其子編修王孺人從子也先生往講席程督語輒  
驚座雅好飲雖多不亂王編修爲而琦言君尊人  
強固若此縱令躋伏生壽寧憂齒豁哉會如廁失  
足歸當臥疾時猶追說往游京師所歷搢紳先生  
及有明三百年興衰倚伏聽者娓娓忘倦踰兩月  
而卒嗚呼衛敬仲作漢儀四篇載西京襍事先生  
居業齋文稿

卷十四 墓誌銘

圭

按討掌故不啻過之后氏曲臺記當西漢立於學  
官至明世廟攷求古禮以近君爲禮之宗詔崇祀  
孔廟稱先儒后子而先生質行禮讓皆可爲後世  
法先生賢矣哉先生生某年某月某日卒某年某  
月某日塋某山之原子人孫人

銘曰

縹緲峰震澤水氣鬱盤鍾于此吉人藏千萬懷馨  
筆銘柱下史

王母劉恭人墓誌銘代

康熙戊辰夏兵科掌印給事中睢州王君紳偕其

弟東明知縣繻候選州同知組等將擇日奉其母  
劉恭人合塋於其父學使公之墓而給事子進士  
式穀謁余請誌銘給事以壬戌登第官庶常余適  
爲館師於給事有一日之長於其請誼不可辭學  
使公之塋也其同里大司空荆峴湯公方以監司  
里居實誌公墓其言簡而核質而有徵後有言者  
曷以如諸然當是時給事甫爲諸生大令兄弟年  
皆少恭人以未成人持門戶且十六七年卒能教  
其子若孫皆致身通顯父子昆弟三世踵武科名  
爲睢閭閥恭人之賢可無書哉古者揚厲婦德必  
居業齋文稿

卷十四 墓誌銘

圭

本刑于於恭人之補墓而追述學使公禮也學使  
公諱震生字寅東一字去非其世系俱詳司空誌  
中公生平忠孝廉潔在朝在野歷歷多大節益恭  
人內助之力爲多云劉故睢陽甲族而恭人父諱  
震龍者以行誼著聞里中會明季天下多事應武  
舉兩中鄉試後隱居不仕恭人母蔡少司馬石岡  
之嫡孫女恭人稟家訓幼嫻女紅年十六歸學使  
公事舅贈朝議公姑高太恭人以孝聞朝議公兄  
弟七人析箸後家中落學使公不事生產恭人推  
布操作學使公夜讀書則篝鐙以機杼相崇顧十



五年雖城陷於寇又三年而許定國殺高傑睢州大亂學使公踰鋒鏑間恭人從晨炊斷絕久之得少稊構惟奉舅姑哺兒女恭人或一二日不得會學使公奉贈公太恭人避亂河朔教授東明縣陳兵憲家束修僅資俯仰恭人則紡織如故入本朝順治丙戌鄉舉壬辰成進士而仲弟豸巖以戊子己丑聯第劉君士龍恭人叔父行也與學使公同榜進士當是時兩家鼎盛甲睢郡而恭人勤儉不減於舊學使公里居聽除嘗以事至和州識其守值和人有冤獄力爲之白而却其謝金歸而

居業齋文稿

卷十四

墓誌銘

五

行篋蕭然恭人大喜甲午授中書科中書舍人恭人留侍舅姑養乙未丁贈公憂服闋補官庾子擢戶部廣東司主事尋丁高太恭人憂服闋補戶部江西司主事康熙乙巳奉差通州坐糧廳恭人從差竣恭人旋里丙午課最擢本司員外郎丁未進江西司郎中己酉典福建鄉試充正主考是數年恭人皆里居方贈公之疾也恭人度鹽治且不効解橐中裘密具含殮比易簀附身附棺纖悉無遺憾積勞成篤疾瘳逝三十年未痊也太恭人卒于仲建寧司李署恭人聞訃哭極哀學使公念仲

居隨以祖屈推讓之恭人大喜學使公官坐糧廳剔蠹釐弊同官事有不可者輒不署名官刑曹嘗以去就爭一疑獄堂官不能奪或以治行異等爲言恭人曰臣職也庚戌擢按察司僉事視學江西恭人從學使公行部恭人留署中鍵署課兒誦飯蔬衣褐猶如寒素是時恭人治廨以內故學使公得壹志於學政屏竿牘禁苞苴葺學宮修講院廣取士額振興古學鼓舞人材爲東南諸路最會大計督撫麻公董公委署藩篆則舉有司廉能者數人而黜其幽者行部未竟遽遘疾恭人力勸請休

居業齋文稿

卷十四

墓誌銘

五

歸里力疾捐脩廟學居亡何卒恭人哀慟幾絕長子紳丁己舉北雍恭人且喜且勉之曰非止足地也辛酉孫男式穀舉於鄉誠之曰汝童年幸叨賢書皆先澤所致念哉紳捷南宮選庶常甲子改授科道候補假歸省侍恭人喜誨之曰言路要職報稱不易也丙寅正月給事工科九月轉兵科掌印恭人喜曰陞遷殊速何以酬知遇縉知東明縣恭人曰此吾往年避亂地汝愛東明百姓即吾心慰矣明年三月爲恭人誕辰東明父老子弟渡河而祝者數百人恭人喜曰小子果不負吾言尋拊組



曰汝兩兄以祿養矣汝尚績學以慰吾望勉之恭  
恭人所見之大類如此先是恭人有母喪輒垂橐  
襄事曰諸兄弟貧且男女各自盡也恭人在通署  
不及喪其父歸而瞻畫像輒哭泣不自勝其至性  
淳篤若此恭人接娣姒以和遇諸姑以禮御臧獲  
慈而肅歲時伏臘筐篚問遺皆極腆而自奉常嗇  
錦繡珠寶一無所受凡春秋祭祀及織紵醯醢皆  
有成式宗黨至今稱之益後學使公十四年而卒  
給事方鄉用為朝右名臣仲季奮厲拓先大夫未  
竟之業而式穀復以少年登上第嗚呼盛哉學使  
居業齋文稿卷十四

覃恩加一級

公任刑部江西清吏司郎中恭遇

誥授朝議大夫恭人所由封也銘曰

鬱鬱松楸通議之藏恭人附之卜吉允臧有子既  
貴給事黃門起家翰苑炳炳麟麟若仲若季紹衣  
趾美冢孫雲蒸聿成進士瓜瓞綿綿長發其祥孫  
曾蔚起俎豆馨香人亦有言惟善篤祐通議之行  
宣資內助柱下采風懿行則誌其藏萬年砥此貞

石

居業齋文稿卷十四終

居業齋文稿卷十五

廣濟金德嘉會公

墓誌銘

瞿苞九先生墓誌銘

先生諱鳳翥字苞九一字贊經山西解州聞喜縣  
人也少時與伯兄方伯公並以學行有名於鄉里  
方伯公既貴文章功業傳天下為

國朝名臣而先生則竟以布衣諸生老矣長子鴻  
儀成壬戌進士德嘉同經師門先生計至京師德  
嘉撰誄詞偕同年之官翰林科道部曹中行若縣  
居業齋文稿卷十五

令者元六十有五人致奠焉而先是方伯公之官  
楚也開漢江書院於省城檄郡縣推擇高材生讀

書其中德嘉執經為弟子遂以是歲舉於鄉蓋與  
瞿氏通家舊矣鴻儀卜塋先生且有日而以狀來

屬德嘉誌其墓據狀先生早慧王父贈公愛憐之  
不令就外傳六歲從方伯公趨庭受父封公教論

語小學孝經口授輒解其大義十四應童子試邑  
令奇之明年郡試第一補學官弟子第二人先生

既為諸生則鍵戶村莊之西舍讀書屏絕人事試  
輒有聲諸生間念王父績學名儒僅以明經起家

既為諸生則鍵戶村莊之西舍讀書屏絕人事試  
輒有聲諸生間念王父績學名儒僅以明經起家

父又數困場屋亦漸老則思淬厲鋒穎以高大其門戶然數奇闢試輒不售而內行醇篤宗族鄉黨翕然稱之里有爭就質片言而解不至具兩造非意相干泊如也久之其人媿服來謝領之而已終不較人以是益稱之崇禎甲申之亂指畫固守方畧備芻糧謹斥堠閭左賴以安堵順治戊子邑丑間土寇竊發縣令鍾甫下車城市灌莽無衙舍倚先生如左右手用先生策剿捕招撫賊衆潰散事聞歸其績於令而口不言勞也方伯公宦江西先生往存問返道江寧有富商落魄氣奄奄且死詢

居業齋文稿

卷十五

墓誌銘

二

之里人也解橐中裘拯之越數年貿遷積著爲大賈詣先生謝曰厚德久不報先生愕然其人灑泣具言曩壬辰邂逅於逆旅微公寧有今日先生飲之酒誠之曰子誠不忘逆旅繼自今富好行其德可也何謝爲方伯公觀察饒州爲先生買妾既納幣先生辭焉遣之歸幣置不問方伯公官秦臬臨疑獄捉筆久不下思所以活之者先生指牘中素無仇怨語曰此生路也方伯公如其言判狀獄竟釋前後商確諸大獄所全活多此類先生里居日方伯公遺俸十金供莊之西北隅祖塋春秋祀先

諭

居業齋文稿

卷十五

墓誌銘

三

皇贈福建左布政使配楊贈太夫人考諱凌雲邑增廣生 皇封福建左布政使配王李俱封太夫人封公生子三伯曰鳳翥崇禎己卯鄉舉順治丙戌進士累官至福建左布政使行詳志傳中仲即先生也元配王孺人邑庠生肖書女閑靜有令德前先生十年卒子男二長鴻儀康熙己酉舉人壬戌進士次鴻軒官生候選同知女二孫 人孫女三人銘曰

厥德邵兮厥行孔惇厥身隱兮顯於子若孫

茂兮瓜瓞蕃不騫不崩兮繫吉人之墓門

建平知縣胡君墓誌銘

君卒余官京師距里居三千里聞訃弗克弔踰二年于役貴州返棹鴻臚洲君有孫縣學生復亨以狀來請銘余北征未遑也明年寓書京師請至再誼不可辭君姓胡氏諱魁楚字爾大一字紫山先世有五三者始遷廣濟數傳至鎮元至正間登進士從徐平章築城縣西禦紅巾賊有功尋從明太祖行間數有功封懷遠將軍再世爲仲周有二子伯海宣德間官夏華知縣黎利反安南不屈死仲居業齋文稿卷十五墓誌銘

卷十五

墓誌銘

四

潤邑諸生潤曾孫爲一石處士有隱德一石生繼矩歲貢歷任合肥孝感遠安教諭巡撫都御史王公世貞薦於朝擢待詔翰林卒待詔生四子伯其昌縣諸生仲其大選貢官雲夢訓導汝州學正叔其可鄉賓季其久縣諸生其久生以愚爲縣諸生有聲娶方生子五人而君爲長君生五歲從族長者受禮經族長者數從里人擣蒲彈碁飲射爲娛樂不事程督而君獨慧於是君之父鍵樓居課之則善屬文當是時年甫十三耳里有甘先生忠甫籍籍稱胡童子材甘先生宿學負盛名偕先大夫

舉於鄉者也於君爲大父行而每諷君文未嘗不

擊節稱善於是文名聞里中天啟元年學使大倉王公澄川補縣諸生崇禎六年字使王公志堅拔置第一十六年獻賊躡廣濟山若數十所陷盡掠去賊營一人逸則瓜蔓斬殺無遺種君舉族宵遁從行者三百口至巴東巴東土兵圍之曰賊也衆相對泣君飲啖言笑自如長揖若長譚舉人參兩抗言陷賊狀參兩與語賢之遇以賓禮計口授薪漿餉之暮年爲送之江陵君謁江陵幕府具言所以江陵資之以歸初母方卒君之父繼娶于夏夏居業齋文稿卷十五墓誌銘

卷十五

墓誌銘

五

性卞急君事之唯謹其從賊中脫歸也剪蓬蒿築室收羣從弟姪皆同爨立寢廟春秋饗祀延塾師課子姪無廢學歲早墾萊田百畝明年穫麥可三千鍾賑貸隣里多所全活於是人人稱君長者順治二年父卒七年貢禮部是歲直省赴廷試凡千餘人

詔推擇高材生八十有五人除縣職蓋異數也君與焉十五年冬除知江南建平縣事建平俗麻委巷細民質其婦富室算緡錢子母刻期贖踰期既抱子猶襍處廬下忿爭輒訟令爲平其質劑低昂

如是以爲常君怒曰設令本司風化奈何視民禽獸行而恬不爲悔耶下令厲禁之委巷中由是無敢言質婦者建平距省會百八十里童子試列縣名例得免更徭而選首者率以賄君五覆試拔單寒生二十人學使者取半之邑人大服地丁按季徵斥美耗庫吏謹司筦鑰無所售其奸前令鄭汝南麻城人以虧空庫金久羈建平君捐俸倡邑人義助汝南旋里去而君亦具文乞休中丞疏報復在還平自海警後數起大獄君省牘多所平反先是有以奸殺人者前令屢訊不能決君齋宿城隍

居業齋文稿

卷五

墓誌銘

六

廟三日夕庭鞠案乃具丙夜空中若有聲太息云岑有輔者無子立從子期貴嗣亡賴尋養妻兄子王雲隆配以戴女岑強宗也某暱期貴乘上已踏青郊遊聚徒簪戴女歸雲隆訟戴父亦訟岑釀金請和議割昏而暮夜乘間爲君言君判云一婦安可再配竟抵奪昏罪岑乃以君所却賂賂所親越訴於監司監司駁案君聞慨然曰是非倒置若此令尚可爲乎單車詣省致仕章上候代留建平且一年新令柏君育堂知名士耳君治狀一見如舊比去建平邑人盆香祖道有至蕪湖關者君

勞遣之歸而故同爨弟姪皆成人以大婚娶田宅與之均康熙二年軍興挽運繁苦江水漲里人窵戶多流亡君族緩急倚君獨安堵村民爭鬪往往質成於君片言而解鮮至訟者十六年自城居徙鄉所居兩路口有亭曰薰風日與田父話農圃布袍阜帽徒步阡陌間行路觀者不知故大令也伏臘合族而饗問呼婢子奉王孺人領孫曾遊紫霧園中追憶少年辛苦賊中事每登先壠徘徊眺望久之曰吾雖耄瞻掃必躬親也君爲文老蒼遠時艷與孫復亨講先輩大家法所撰述多散佚惟乙

居業齋文稿

卷五

墓誌銘

七

酉以來剩稿復亨篋而藏之復亨嗜學而文君教也君生明萬曆三十年十一月二十六日卒康熙二十四年十月五日享年八十有五配王子二人長縣學生次某早沒孫四人肇亨太學生復亨履亨咸亨皆縣諸生銘曰紫霧之阡鬱鬱盤盤大令藏焉旣固旣安君其已矣厥澤悠然

### 孫草亭墓誌銘

休寧草市有孫草亭者嘗游楚與漢陽九同江公友善江公成進士貴顯交游且半天下矣而草亭

過從驩好如初江公長子補齋今光祿寺卿過草亭諸孫甚厚芝瑞官黃岡訓導翠舟三百里過余里居酒半言曰先王父草亭公有遺命幽宮一片石必藉手士君子之能言者瑞亡狀舍先生奚遑焉余領之然未遑以爲也尋趣至再曰待先生脫橐而後解纜余嘗讀葉文忠公所爲典客孫君傳郭文毅公壽典客六十序及太函集中爲典客荆園記每歎典客行至高典客名承誨字汝知草亭大父也以唐金吾將軍萬登爲始祖以宋處士子厚爲隸籍草市祖草市戶日息貲甲鄉里典客生居業齋文稿

排解事乃白曾祖母兄老而貧生養死葬於王父所悉無憾孀從祖姑苦節敬而養之終其身王母早世王父鰥居三十年不再室喪紀祭祀壹遵古禮絕遠浮屠氏猶典客公遺訓也當明季喪亂南顧廬鳳北望幽薊杞憂且成疾歎曰士氣弱矣上馬殺賊下馬草露布何人哉則屬家大人學司馬法史忠清公掌樞南都王父上策言事忠清公勳採納欲官之固辭而歸知時之不可爲也及天而王父已老對酒輒哦少陵將軍不好武雅能文之句瑞繞膝聆之知王父意在孫雛也司訓之言如此嗚呼今之素封擁高廩局厚藏者多有然親戚故舊之潤無涓滴焉文人躑躅到門鑿坯遁耳祖若考一蓋棺而鄉里莫能舉其氏名窺草亭之家乘參考其行事與其交游海內之賢士大夫若此其不可謂賢矣乎草亭名丕垣字惟茨元配黃氏生男子一人日璇順治丁酉武舉現任松江府白糧司運女子一人孫男二人俱占籍湖廣長芝璠武昌府學歲貢次芝瑞潛江縣學歲貢現任黃岡縣訓導草亭生萬曆庚戌九月十二日卒康熙甲寅十二月初七日以其年月日

塋某縣某山之原銘曰

此布衣處士封也而生平之行誼孔彰貞石鐫刻萬禩藏山靈扈之鴻厥慶

封懷遠將軍戴君墓誌銘

君諱時信字名生休寧隆阜人候補州同知以子朝幹貴

誥封懷遠將軍戴故著姓而荆墩一支以文章功業顯者尤衆父習之有隱德人稱長者兄時寬弟時敏時惠皆有名君生有異稟年十四喪母事繼母胡氏孝謹得其歡心會時寬遠客金華輒身任

居業齋文稿

卷十五

墓誌銘

十

家計如老成人鄉里賢之嘗拾遺金露坐終日俟其人至還之遺金者割其半以酬君笑曰若利此金肯待君來乎言已委之道左去時寬在金華值賊變死於水君冒險往拾骸骨棺殮歸塋事甫竣繼母病篤侍藥餌衣不解帶繼母卒後二年父卒哀慟幾絕丘嫂黃誓節君瞻養四十年如一日云康熙癸卯游楚僑居鄂城久之置田廬締婚媾居焉念祖塋距楚地遠則令時敏司烝嘗收田租贍其家而歲時餽遺無算躬與時惠徜徉晴川鵲渚間遇先人生辰忌日率子侄暨孫輩行禮肅如也

袁州太守汪進士爲君外祖君髫齡時舅方襁褓

不相識已而舅家漸落乙丑來楚君一見訝其貌

厚遇之以歸妻母程老而子多夭折君爲區畫身後事纖悉俱備他宗黨親故有無緩急往往垂橐

無倦容歲饑施糜粥疫施藥妻人死施棺滇黔變

亂後歲稔楚省賑濟君實爲之倡楚大府張公聞

而義之錄用朝幹幕府從大軍進勦岳陽累立戰

功事聞陞水師中軍轉江西武寧將之任重遠膝

下君促喪過遲是年五月晦武昌兵變居人走君

遘疾七月劇遂卒元配程恭人暨仲子朝臣理喪

居業齋文稿

卷十五

墓誌銘

士

事程休寧大家恭人幼嫻姆訓歸戴事舅姑以孝謹聞娣姒迎娶繁費皆身任之君之父年老家有蜀美材直千金命置質庫權子母及病革囑曰兒輩遠遊未歸木太華婦爲我更買次者可以省費恭人佯應曰諾私出簪珥衣物入庫贖還招匠一日夜成之君之父聞而歎曰孝婦心力竭矣於是附身附棺以婦代子戚易兼至人以爲難朝幹之赴武寧也值兵變君又寢疾恭人泣謂朝臣曰事如不測吾以身殉耳亂宸定恭人寢疾朝幹解組歸恭人稍瘳鄂城南閭外有白骨菴者以旅櫬停

唐得名火延燒骨體恭人惻然捐貲命瘞之再建  
普度菴招僧住掩埋骸骨遂成菴家朝幹歸新安  
卜葬君辛未秋旋鄂以告恭人喜踰半月朝幹暴  
疾卒恭人病命朝臣往休寧治喪事朝臣以恭人  
病有難色恭人厲聲責曰老人恃粥以生憾不能  
執紼前導兒奈何誤汝父兄大事耶且汝伯母苦  
節四十餘年年踰七十矣有蜀材在家孺子其  
之外王父程公淺土吾雖女猶子也卜葬亦以今  
歲孺子其畱之朝臣拜命往而恭人竟以疾不起  
尋卒朝臣以朝幹卜葬君善地奉恭人附焉君生

居業齋文稿

卷十五

墓誌銘

明萬曆庚申五月初二日沒於康熙戊辰七月十  
八日享年六十有九恭人生明天啟壬戌九月初  
四日沒於康熙辛未十二月廿三日享年七十以  
某年月日合葬某縣某山之原生男一長朝幹由  
武庠任江西武寧都司僉書次朝臣由岳州府石  
門縣廩膳貢生考授州同女一孫男五孫女四銘  
曰 隆阜之右厥名朱里以樹以封有道君子恭  
人附之延禧萃祉保艾爾後蒸蒸濟濟視此銘詞  
億萬斯禎

封文林郎廣濟知縣劉君墓誌銘

知廣濟縣事劉侯臨以漕務行龍坪水次父訃至  
擗踴長號曰天乎臨事父而不克視含殮也痛哉  
踰月用書幣來踵門請銘余回憶已卯遇君江上  
方善飯康強如五十許人別去纔三秋而明冥殊  
域也豈不可哀也哉按劉先世有廸者以計黃巢  
功封麻城公與梓溪劉公汾一派其遷順慶之宕  
渠縣爲始祖者萬祥也君之父燦生子三人長映  
奎次映璧而君又其次名映房補學官弟子貢更  
名世彬字月存號曰真仙生三歲失怙母某苦節  
鞠之至於成人獻賦入蜀舉族千人屠掠且盡脫

居業齋文稿

卷十五

墓誌銘

身走依外舅雷族墾荒積粟崇禎十六七兩年比  
年大祲孳載路君爲雷族寓公推食以哺餓者存  
活無算亂旣定宕渠漸有寧居劉之戶口日蕃息  
臨中康熙壬子副榜庭訓逾肅吏部考授沁水丞  
蜀道梗音書濶絕垂三載趙將軍師行蜀中秋始  
舉一觴然終以道遠不祿養於沁也越十年經歷  
黔之騰驤衛迎養威寧府君酒半歡舞有喜色曰  
言忠信行篤敬兒學驗哉尋做褒旋宕渠康熙丙  
子至廣濟署觀政燕坐誠曰兒半生散吏弄筆翰  
祇傲山水今專城百里則簿領是急矣日退食



問所庭訊何事平反疑獄幾何人久之問倉粟可  
夫幾年月課所造就高材生幾名上官交察訊報  
可者幾案邨落囂陵囂訟華面者幾家悉愜意乃  
行戊寅復至誠勅亦如之鷄三鳴起丙夜始休明  
年買舟西上解纜命掛帆無咤絮語歸而課諸  
孫誦讀月有程日有督行謹飭文字通曉者有費  
而時時寓書廣濟署郵筒絡繹不絕也壬午夏閏  
雨遣孫正瑛至廣濟官箴如初何生永清再至示  
永訣語尋寢疾卒疾篤洗沐辭家廟親戚故舊踴  
躍牀頭伏枕猶作禮容狀彌留盥漱分賜家少長

居業齋文稿

卷五

墓誌銘

古

內外有差遺訓耕桑詩禮井井如平常端坐而逝  
距生明萬曆丁巳十一月三日蓋享年八十又六  
云元配雷孺人故總戎秦開之女生萬曆辛酉正  
月一日享年六十七其事父以孝聞念總戎卒官  
塋黔之遵義府每飯不下咽以弗獲歸視故園爲  
恨其後臨官威寧訪得紅花岡移塋湯鍾山之左  
爲文奠且告蓋遵母治命云孺人端莊慈慧和興  
娣姒厚施於鄉黨隣里恪祭祀勤蠶績贈太孺人  
男子三長臨康熙壬子副榜累官湖廣黃州府廣  
濟縣知縣封文林郎君塋訖有日詮次脫棄爰敘

石而納諸幽宮銘曰

山蜿蜒今雲蒼蒼封翁贈媼窈窕然藏渾涵苞絡屬  
星芒樹之松檟豐且長爾後繩繩熾而昌

封承德郎左春坊左中允兼翰林院編修胡  
府君墓誌銘

胡府君年六十有八考終於里伯子作梅以翰林  
院侍講視學陝西聞訃奔歸聖室以狀遣使東走  
千餘里請銘德嘉作梅同年舉進士耳目覩記熟  
謹敘而銘之敘曰府君諱振翼字羽六一字可菴  
荊門州人也先世有由江西徙居荊門者曰允秀

居業齋文稿

卷五

墓誌銘

五

數傳至東隄先生海折節下士有聞於鄉里生少  
隄居士一元有父風是爲府君之曾大父大父諱  
連字奇珍行益高排難解紛使鄉隣無訟父諱之  
明字覺先少善射能騎惡馬嘗徒手搏賊於野奪  
賊刀刺其腹其黨睨眈散去郡縣大夫物色胡  
文武材而內行恭謹恂恂如也率仲若季應試有  
司一切資糧屨屨身獨任之其小弱者載以輿而  
徒步泥淖以之於試所府君生而慧九歲孤奉母  
丘太孺人教言動儼恪如成人祀先嚴墓必必  
依於禮遭世亂奔竄無寧日居數罹大災外王父



居業齋文稿

卷十五

墓誌銘

六

水環數道人來迎而丘太孺人言未已人無溫飽  
理固辭不往當是時歲比飢饉臧獲逸且盡又官  
兵所過焚掠甚於寇富家巨室往往不自存而府  
君奉一孀母措撐於荆榛瓦礫之墟人以爲難久  
之亂定稍稍復田里府君壯有室丘太孺人家政  
嚴譙讓無少寬假而先意承志子若婦俱以孝聞  
作梅生府君奉觴爲母壽比學語口授孝經小學  
令背誦寢門斬大母歡遣就外傳爲科舉文字令  
入白塾課於大母而仍自手指劃導以先輩大  
家法府君年四十而作梅首補博士弟子員康熙  
戊午鄉舉壬戌成進士府君入告丘太孺人曰孺  
子可教也通籍服官翰林府君馳諭京邸勉之學  
作梅奉嚴命於是提鉛握槧孳孳館閣間有聲居  
亡何府君元配劉孺人卒作梅奔還府君教之禮  
義一如未貴時且曰曩壬子秋漢江溢田在水中  
日無二鬴我不能俛仰饘粥富兒言有無惟藉兒  
館穀供兒大母又不耐米鹽凌襍劑量相以內贏  
縮兒母拮据力已竭然未嘗憂貧也惟憂兒以貧  
故廢學言水落而土具存來歲當復有秋學廢則  
猶石田矣歲稔亦惡母之望兒若此兒學麓有緒

居業齋文稿

卷十五

墓誌銘

七

而母弗觀厥成豈非命也哉蓋府君淚泫泫夜濡  
枕席而旦則以修短命數爲言冀小舒母丘太孺  
人之悲其孝思委折蓋有人所不能知者作梅禪  
而逡巡不出府君曰母往矣徒哀何益幸生當  
聖朝列侍從苟能稱職父可封也母亦可贈也作  
梅於是趣衰入直廬疊領諸纂著夜思早作脫橐  
上總裁日有聲迎就祿養久不至曰兒報  
國恩以文章老父家食吉也親舊勸駕至於再乃  
脂車北征會仲子作揖選拔貢入太學亦有聲府  
君色喜命巾車遊西山濱行舍車跨馬一日忽念  
母丘太孺人心動輒治裘翰林諸公咨至款款留  
府君拂衣徑南嚮兩男子將車踰蘆溝麾令疾趨  
京邸南征浹月及里門奉  
賜書告家廟纁帛上母丘太孺人曰此孺子稽古  
力也自是葺書齋手植松橙種竹縣蠟屐壁間示  
無復遠遊意會邸報作梅有三秦視學之役則念  
文衡大典兒豈力能獨任屬王舉人大田往助且  
曰往者楊文襄於秦得康公海呂公柁馬公理三  
偉人人到于今識之居是官也清慎勤三字一不  
至即名鯨官阿翁每飯不下咽白頭王母即含饴

弄諸孫亦鮮愉容幸爲我覲纓誠之然作梅行部  
科條當舉人未至時大都本昔所聞於趨庭者藉  
令久任闕中豈直踵武文襄即虞虞丰裁視薛文  
清之視山左學無多讓而府君過徂不及見作梅  
大行所學矣先是甲子歲楚撫軍慕公以丘太孺  
人大節疏奏

朝議下有司建坊旌表賀者在門而府君歆歔哽  
咽不能仰視或問故默無一語蓋追念先公數奇  
觸緒愴懷直抱憾終天云仲子亡於京信至哭  
而不號慟極則走哭於外舍恩增母丘太孺人感

居業齋文稿

卷十五

墓誌銘

六

女兄歸董門家中落歲時問遺相屬於道外家第  
弟食指繁絲穀緡錢餽無算以母丘太孺人念之  
也與人居侃侃諄諄義所不可立見於色然隋刻  
博名高而於人無涓滴沾溉者則以爲無惻隱心  
長安俸錙傳至舉以周人惟恐後拯人急夜繞床  
嘗達旦子若孫或受友人誣譏輒慙思俾竭其力  
人有瀕於危者自分束手且斃賴府君緩頰解者  
甚衆府君卒未嘗告人也府君髮早白旣而返黑  
鬢髯飄飄仙舉聲響若鐘嚴寒大暑亦無恙精力  
兼人能縱談夜分不止操筆作書頃刻數百言

讀五行家推算老壽徵也偶以疾厥遂捐館府君  
初封文林郎翰林院檢討進封承德郎左春坊左  
中允兼翰林院編修元配劉賢具家傳卒後一贈  
太孺人再贈太安人男子四長作梅現任翰林院  
侍講提督陝西學政次作楫丁丑選拔貢生次作  
相州學廩生側室子作柄州庠生女子六長適同  
里庠生張昌次適同里庠生李繼鐸三許字江陵  
張毓將嫁而壻夭守志張門四適本州庠生劉  
修祖五適景陵庠生譚一豫六適鍾祥庠生龔維  
衡孫男六克寬郡學增廣生克裕郡庠生克溫克

居業齋文稿

卷十五

墓誌銘

元

柔克發克強俱幼孫女一許字黃岡宋鑲曾孫女  
一幼府君生於明崇禎八年八月廿七日卒於康  
熙四十一年九月十一日以某年月日塋某山之  
原德嘉伏念府君以孤童承祧事苦節母憂勤惕  
厲數十年如一日又穀厥子爲文學顯天下昌黎  
韓公所謂法當銘者微府君奚屬哉銘曰  
錫龍章封馬鬣門閭光綽協高鬱慈下  
適從卿雲接緝蕃釐綿奕葉世家肝史局

居業齋文稿卷十五終

居業齋文稿卷十六

廣濟金德嘉會公

墓誌銘

何象山墓誌銘

象山諱惺字君慄姓何氏安陸鍾祥縣人也何氏先世爲山東大姓明永樂間有名海者以軍功遷安陸久之隸籍焉海生景俊景俊生鳳鳳生伏淮南諱崇科人太學授禮部司務未赴有子三人伯曰欽紹興倅季曰斗象山仲也生而慧甫十歲輒居業齋文稿卷十六

屬文應郡試郡守奇之年十五試冠一邑與欽同補諸生當是時錢塘葛公岷瞻視楚學政權貴人子無得倖進者所獎拔多文士而士習蘄蘄以氣自豪會與獻舊邸守陵璫橫蠶食間左亡賴者影附藉履畝飛租虐民鍾祥人患苦之甚象山甫爲諸生輒忼慨奏記當事即強禦弗畏也性好客座客常滿即盥方日者彈碁說劍繪畫鼓琴鞞鷹走馬之屬稍當意輒解橐囊以贈而晰微洞窳盡其術而奄有之其敏如此然內行醇謹會父患風病則寢枕牀下視湯藥膏熨且三年久之病良已

老壽終居喪哀感踰禮及塋會弔者不遠千里至母陳早世事繼母王以孝聞兄弟相師友怡怡如也欽旅寓江南訃至輒孺子泣族人爲之感動焉先是雅慕鄭莊陳同父之爲人已而忽自悔謝絕一切交游請謁杜門讀書文益雄楚風故勁崇禎間尤尚古學而典試如吳梅村蕭雲濤諸公又負海內望象山自以人闡幾必得之然以策語忤時報罷未幾寇躪鍾祥鍾祥墟矣獨何氏舉族先幾遁去竟免於難

皇清定鼎當貢春官是時歲貢有起家別駕司李

居業齋文稿卷十六

墓誌銘

者象山竟隱不出里有大利害輒挺身建白漢水溢鍾祥當其衝隄潰居民流冗率父老亟請命中止豁浮糧流氓迴歸郡守馬逢臯採其言爲隄政錄按察使馮公右京列爲條例鐫於石晚節精岐黃術鄉落緩急賴之所全活甚衆踰八十猶夜挑鐙作蠅頭細字里文士請益人人指授無倦容而酒酣對客嘗言某文當早貴某文當晚成若吾孫芬者庶幾吾家千里駒乎已而戊午竟鄉舉第三人芬治尚書一經皆大父口講手劃也生平所纂緝有四書正義經書大指引蒙字說六經批釋楚

發明解網鑑提要諸書所著有考槃居集凡若干  
卷當寇亂時耻書生不武取孫吳諸子蒼萃成綱  
曰武備指南其治內經有得也著本草歸一針灸  
圖保嬰摘要諸書藏於家垂老口不談二氏誠子  
孫異時母修佛事溷乃公也臨終拂衣整冠一寤  
而逝時康熙己未三月初十日距生明萬曆丁酉  
七月十一日享年八十有三元配孫氏子方暢庠  
生繼閭氏無子庶唐氏子方亨庠生女一孫三人  
長芬中康熙戊午鄉試第三名次把次梅俱庠生  
以康熙甲子十月十八日塋於內方山祖塋之側

居業齋文稿

卷十六

墓誌銘

芬來以銘請銘曰

聞厥初生有異表赤文在肩如環抱囊括鴻濛  
幽官歸而藏今爲鴻寶漢水渟泓雲縹渺蒼龍白  
虎相繚繞松楸蟠根桂杏杪億斯年今吉人兆

文學何君妻王氏墓誌銘

鍾祥文學何君誠菴有令妻曰王孺人卒將塋厥  
子進士芬詣余里居以銘請爲据行畧書之初孺  
人之歸何也爲象山家婦象山元配孫下世繼室  
間也孺人推布侍養以孝聞爲婦三歲而丁流寇  
之亂興獻陵寢宿重兵鄉人恃以無恐獨何氏先

居業齋文稿

卷十六

墓誌銘

四

期舉族行孺人襁負一女子竄山谷寇至鄉人多  
被屠掠獨何氏不及於難亂後田在草間家中落  
米價踊貴孺人則脫簪珥以給晨夕當是時書生  
家往往賤鬻產而何疆畝如故誠菴長者癖於書  
一切耕織都不問益袖手藉內助力云子生甫能  
言輒口授家訓及就傳鷄鳴治具餉塾師唯謹夜  
膏火繼讀於東稚子若成人然迨芬中鄉舉課逾  
嚴公車三上循例得校官輒握手誠之曰非駐足  
地也官竹溪古上庸縣亂山磽确俸入不足於饔  
芬有難色孺人立中庭詔以大義兒行矣地僻可  
以讀書官貧可以養廉也藉令處脂潤橐括克生  
徒用飾臯比冥罰不細亦可畏矣芬長跪敬諾之  
官孳孳課士士有興者丙子偕計上公車所爲制  
舉行卷且充麓南宮中高第榜後出其竹溪所纂  
著詩若古文詞以問世聲藉藉長安益母教於是  
乎驗矣而仲季二男子督日急曰膠庠豈兒曹老  
屋耶且雁行阿兄奈何章服差池也二男子以是  
淬厲學日進焉孺人相政蘄蘄言不及二氏教而  
性好施予凡宗黨親戚故舊之乏者賴之飢以粟  
暑以茗寒以纊殯以槨瘞以肝誠菴嘗從容言兒

服官得善地祿可以及於而家老人施予當更薄  
孺人以爲然方將大行厥志而遘疾奄忽徂也生  
於某年卒於某年父文學王君維菴與象山素交  
故兩家纏綿誼近古孺人子男三人芬中康熙戊  
午鄉試第三名丁丑成進士次祀次梅皆庠生女  
子二人孫男三孫女一銘曰  
穀厥兒祿垂及思需厥時貞珉立思壤厯厯景熠  
熠思景星告釐卿雲哀思

處士王暉吉妻陳氏墓誌銘

鍾祥王生全臣舉進士甫釋褐聞母訃南奔廬居

居業齋文稿卷十六墓誌銘

五

踰二年買舟東下千三百里詣予草堂曰先慈塋  
有日家大人勅不孝全臣曰乞斯誌銘也必於金  
太史氏太史故而師也蓋余曩官教授安陸適全  
臣補學官弟子余不佞周旋久知王氏家世孝友  
篤行爲詳故不可辭据狀母爲同郡陳士儒女歸  
王爲暉吉處士元配事舅姑以孝謹聞於鄉處士  
有弟質先合巹且數十年娣姒怡怡無間言質先  
嘗艱於子欲子其子者數年顧常遜謝不敢承曰  
子出多母禱求必男也已而果產念臣處士有四  
方之志不及庭課諸子則延召士居塾席飲啖必

豐必潔至於師也箸多少詢及僮僕劑量燂炙必  
極其精乃已以是諸子彬彬嚮學膏火牕櫺間夜  
嘗達旦也聞全臣旣成進士則摩念臣頂曰勉旃  
勿少怠而念臣竟以是歲入於庠其愛從子不啻  
己出率此類也處士好客客至治具立辦入盡驩  
然四座酣飲逾出逾鮮客以郇厨詫主人主人實  
未嘗與聞餽釘之數鄉人往往方諸五侯鯖焉而  
性不佞二氏教所言實有理嘗曰損有餘補不足  
於宗黨實實有濟其功德曷可思議哉聞者以爲  
名言方全臣之成進士也報至而疾已篤猶諄諄  
居業齋文稿卷十六墓誌銘

六

遺命以官箴其言深厚有味嗚呼有母如是亦賢  
矣哉生前辛巳正月二十日卒康熙甲戌五月初  
八日享年五十有四子男四人余臣太學生全臣  
康熙丁卯舉人甲戌進士次會臣郡庠生次介臣  
尚幼女子一人孫男四孫女二今卜以丙子歲十  
月二十六日塋於郢東石門山新阡而全臣婦董  
氏附婦事舅姑孝相夫勤儉而有禮姑嘗以爲賢  
其卒也以乙亥六月初一日距其生年丙子六月  
初九日得年甫三十全臣傷悼而並及焉余不佞  
旣爲敘次其厯畧而復綴之以銘曰

石門之山鬱且都也孺人之藏樹松楸也有耐者墳婦從姑也其祥長發銘斯符也

封明威將軍吳君墓誌銘

康熙三十三年

天子加恩中外文武臣工爰及其親時則嚴州守備臣壬戌科武進士吳日光循例邀禮官疏請封其父有泰明威將軍封母蕭太恭人明威君祿養凡九年而卒日光今守備黃州卜兆塋有日乃命其子珽挈舟三百里請余銘余念曰顯親令子也然課厥子以成名豈易也哉君生平行誼當有

居業齋文稿

卷十六

墓誌銘

七

大過人者按狀君字允寧一字中若世居延平之將樂縣宋咸平五年進士累官至沂州守諱濟者是爲始祖有林清者當宋末練土兵捍衛鄉里元行省征討大帥至閩率所部歸附官廣德路同知子二人長曰文讓敘廕官龍泉尹至元戊寅帥師討漳州賊李志甫力戰死謚毅愍庶曰文誼至正間由薦辟官至延平路總管毅愍長子克忠募兵討賊報父仇賊平官福建都元帥府元帥次子憲以宣尉司元帥守邵武計紅巾賊塗祐盧必達官福建行省左叅政其卒也祀邵武名宦祠元帥長

子夢星仕汀州寧化路總管自汀州總管以上宦績具詳家傳歷邦正道南一章能定凡四世皆有隱德能定字仲常生三男子君其仲也事母余孺人至孝侍疾不解衣帶居喪行家禮生辰忌日奠如孺子泣祀先祖追慕如生存睦族人如同產兄弟會歲祲有父若子繼殂於疫者人不取近君獨躬視其含殮宗族稱焉周人之急倒廩垂橐唯恐後縣有大營建輒捐貲爲衆人倡廟學祠宇津梁道路茗粥屏屨歲施予無虛日然性剛義形於色縣令某年少睚其私人勢孔張道路以目君獨廷

居業齋文稿

卷十六

墓誌銘

八

數之令悟告人曰吳君望若泥塑乃侃侃如是耶珽又曰先王父言行規撫古人然罹禍亦不細前丙戌有楊武烈者落魄於逆旅王父憐而居之廡下居亡何逸去莫知所之或曰楚人也或曰蓋王孫云當是時閩粵多故邑子多走險事露牽連王父名曰是嘗居奇貨者倉卒掩捕出不意王父就逮坐是破產久之其人伏誅黨與踪跡大白事得已歲在癸巳僉人以田舍細故修隙影射中傷猶以前事爲口實且不測屬有天幸獄垂具而讞訊平反家雖破猶以身免久之向之亂散譸張爲人

害者以次盪滅且盡而一老歸然冠帶爲封將軍然酒酣回首往事亦岌岌乎殆矣當是時蕭太恭人賢罄外王父嫁時衰以救王父於難故得免焉余懷然曰有是哉君固賢抑亦有賢妻哉宜其後且大矣君生某年某月某日卒某年某月初娶楊孺人伍孺人繼娶蕭恭人趙恭人側室莫氏丈夫子五人日高日光日彰日彩日亮女子二人孫男十四人卜以某年某月某日塋君於本縣南口竇燕巢爲之銘曰

山有水芄芄兮而肇于根澤有泉蒙蒙兮而萌于居業齋文稿

卷十一 墓誌銘

九

源厥壤安以敦兮厥涵冽以溫卜云其吉百祿之門兮蟄蟄繩繩宜爾子孫今

鄭參議妻孫孺人墓誌銘

黃岡鄭方南有令妻孫氏當方南令唐縣給事禮科時恭逢

聖恩封孺人者再矣給事外轉江西布政司參議且當晉封恭人而孺人卒參議既之官南昌居亡何書來屬余銘其墓孫黃岡著姓也孺人父用章縣諸生諸父素公從兄湘有皆鄉舉官知縣孺人生而端凝靜謐母朱愛之擇壻久未得參議父與用

章友善而鄉先生章孝忍籍籍譽參議早惠用章遂以孺人許字焉鄭家世儒素參議母凌太孺人訓子婦嚴肅孺人歸修婦職唯謹得舅姑驩參議成庚戌進士知建陽縣孺人侍凌太孺人養太孺人寢疾孺人盥頰櫛沐扶抱吮摩抑搔溫扇衣不少弛帶藥餌祈禱罔驗則含涕惟簾傳語諸叔籌後事棺衾纖悉咸盡焉朱孺人過存凌太孺人亦驟疾卒孺人兄植有客閩未歸孺人一手搭撐二喪心力殫竭勞憊而疾作矣參議之知唐縣也執掌况瘁瀕於死上官廉之書上考超遷入京師日

居業齋文稿

卷十一

墓誌銘

十

南望黃岡雲樹期補官迎養父而父又捐館舍當是時孺人力疾治喪事視喪凌太孺人費逾繁經營逾苦然孺人誠孝逾篤仲季婦後先下世孺人殯之特厚拊其子若女如已出有天者哭之慟隣媼聞而淚下蓋自參議通籍以來孺人未嘗一日支官廩一切婚喪祭祀賓客孺人拮据鮮寧畧焉迨官江西掛席扁舟可抵署而溘然長逝矣孺人箚鐙課兒書聲出機杼間而母教大指務誠樸謹厚諄諄以華僞爲誡女子歸寧至刲股以療母疾縣人曰是可以觀孫孺人之教矣余嘗覽古之潔



清官守孤立行一意者往往茹苦食淡不以家累  
自隨若參議庶幾近之其在唐縣日脫粟一盂客  
到市脯出韭脯佐饗即欲割俸以贍家不可得至  
給事黃門早夜孳孳獻納殆廢眠食其公爾忘私  
如此藉令微孺人才兒且失學矧頻經大故能中  
外嶄嶄禮成而罔訐乎余以是歎參議之內助爲  
弗可及也爲崖畧書之俾鐫刻於墓石孺人生順  
治元年十二月廿一日卒於康熙三十六年八月  
廿七日享年五十四男子二人長瑤太學生次可  
格歲貢生候選訓導女子三人孫男一孫女四余  
居業齋文稿卷十六 墓誌銘

敘述既而載爲之銘曰

是爲參議元配之幽宮土厚泉冽筆厥封晨曦夕  
耀光熊熊

胡母丘太孺人墓誌銘

胡母丘太孺人荆門州明處士丘君水環長女奇  
珍胡翁之婦胡君覺先之妻  
皇封承德郎左春坊左中允兼翰林院編修振翼  
之母康熙二十一年進士累官提督陝西學政翰  
林院侍講作梅之大母也苦節四十二年而旌旌  
二十有一年而卒享年九十有一作梅卜以康熙

四十六年營塋以狀來屬德嘉爲銘按太孺人年  
十八歸於胡事舅姑以孝聞覺先翁負文武才儒  
而俠時時物色異人相與忼慨論天下事以故座  
客常滿咄嗟治具客人人極驩去兄弟應試治行  
輒兼數人貲以給同人之乏絕者相以內脫簪珥  
佐之覺先翁兄弟凡四人婚娶大禮悉稟丘嫂籌  
畫舅姑籍籍稱善會寇亂奇珍翁以其家倉卒避  
地覺先翁遘疾卒於旅居太孺人扶櫬歸塋先壠  
塋畢長號辭墓水漿不入口者累日誓殉矣當是  
時振翼甫九齡振翼女弟五歲奇珍翁淚潛然下  
居業齋文稿卷十七 墓誌銘

居業齋文稿卷十七

墓誌銘

三

曰婦死易耳其若藐孤何太孺人始日進一粥居  
亡何亂稍定奇珍翁又捐館舍太孺人以冢婦治  
喪纖悉無遺憾而晨昏事孀姑矢志惟謹振翼就  
外傳束修供億太孺人拮据良苦家又多故三罹  
火災太孺人經營版築振翼始有室婦劉廟見日  
太孺人繞牀歎曰兒有婦雞鳴戒旦家其興乎自  
是耕桑歲有獲產寢豐然種樹畜養米鹽凌襍點  
檢綜覈數十年如一日也太孺人性至孝髫髻時逢  
父母病輒廢眠食及事舅姑尤切孀姑病閉戶視  
人願以身代嘗貼身枕席臭惡染苦不得比下世



則柴毀骨立也老年喜施予歲飢至典衣糴粟以哺閭左餓人族有逋負輒垂橐代償隣有羅媼者冬日披葛衣輒自解舊綿衣之慮其死爲預製一杉棺其賙恤委曲如此壹教大指嚴肅男孫月有課歲有程女孫則採古列女傳成編受讀皆成誦作梅女弟行次三者許字江陵張少司馬之第六子未嫁而壻夭往省墓遂誓不歸寧閱十有三年猶如初喪張公爲立嗣子拊孤延禩江陵人驚歎奇節曰丘太孺人教也嗚呼太孺人一身爲婦爲姑爲母爲大母爲五世家督爲一鄉母師竭誠盡居業齋文稿卷十六墓誌銘

三

瘁無所不用其極而剛大之氣堅貞之骨歷盤錯而彌厲豈不難哉豈不難哉德嘉指數太孺人生平歲月憂患常多惟作梅戊午鄉舉壬戌成進士官詞曹聞報一開顏至於旌閭曜日里嫗低徊眺望以爲榮而太孺人感念疇昔茹蘗飲冰痛滋甚矣然居恒不惑比丘尼疾不祈禱彌留無恙遺色修短之數澄觀已定即不百歲何嫌哉嗚呼古敬姜伯姬之倫無以加於此矣生明萬曆四十三年乙卯四月初七日卒於今康熙四十四年五月十三日男子一振翼用子貴封承德郎左春

中允兼翰林院編修女子一遼同里董之清孫男四人長作梅承重三年服闋候補翰林院侍講次作楫康熙三十六年選拔貢生才而天婦陳立孤守節次作相州廩生次作柄州增廣生孫女六人長遼州庠生張昌次遼州庠生李繼鐸次許字兵部左侍郎江陵張公著漢子庠生甄參參早夭誓節張門次遼例監生劉修祖次遼景陵庠生譚一豫次遼庠生鍾祥龔維衡曾孫男六長克寬郡增廣生次克裕郡增廣生次克溫次克彙次克發次克強克強爲作楫後曾孫女二長遼翰林院檢討居業齋文稿卷十六墓誌銘

四

宋敏求子鑲次未字元孫男一師昌元孫女一許字漢陽項俞銘曰

烏頭綽楔麗荆門兮鐵畫銀鈎幽宮存兮蛇壘蟠結伏靈根兮上凌松栝下蘭蓀兮閭風元圃峙崑崙兮昊蒼朗曜扶桑曠兮資生厚載至哉坤兮

杜府君妻周孺人墓誌銘

孺人姓周氏封文林郎貴州普安州杜瞻草之妻江南淮安府桃源知縣學林母也學林以康熙二十六年舉於鄉念父母春秋高循例乞祿養除目下得黃平州學正官黃平凡九年以卓異擢知江

南舍山縣未滿三載考奉

省調補桃源學林之官孺人以板輿就養桃源當黃淮之衝會水漲隄且壞學林捍禦有勞止官賢之康熙四十二年夏

上巡視河道學林恭受

宸翰之賜越二年春

上載視河學林辦理供張甫竣事旋署而孺人寢疾卒縣令丁憂則解任禮也桃源人罷市巷哭走中丞藩臬門下以奪情請不得則抗疏舉旌遮道言瀕河窮縣恃廉吏以生當是時學林涕洟草土

居業齋文稿

卷十六

志

間貧無以給朝夕桃源人則比戶供薪漿惟恐後而舍山人牛車擔負相屬於道迎舊令往居焉桃源人爭之又不得學林須父命決去留贈章翁雅愛舍山山水於是卜居舍山為孺人卜墓地墓有日俾來乞銘累言學林奉兩大人教服古入官自學語就傳以及強仕庭訓如一日而慈母之誨比於嚴父父今者追念往事雪涕而言曰吾今而始知吾妻之勞也蓋醢旨膏饘醢羹羹勞於孝養甞燈宿肉織火機絲勞於誦誦難鳴警誠鹿車推輓勞於操作舉案相莊甘毳偵候勞於暮年追彌留

喘息億矣學林吞聲飲泣夫復何言惟是鐵嵐畢

公督學黔中之歲直母病學林重違定省就試有難色母強起趣之行學林就試補學官弟子第一人尋科舉第一母聞而色喜疾有瘳黃平故州縣兩學學林到官始歸併為一母言兒為人師寒士束修母素飽學林書諸紳幸無曠厥職舍山廳事奉母教以清靜與縣人相拊摩而俗屠牛歲有牛稅可百金母命代納稅錢輸解禁屠勒石俗溺女母命厲禁歲存活無算桃衡而瘠陸吳兩鄉賦多逋戶口流冗父憂之母從旁懇懇請奏記題豁兩

居業齋文稿

卷十六

志

鄉乃安堵方水漲時父巡檐太息母言是當諸諸耆老學林由是博訪稠人果得老人內捨法以免於澤洞之災嗚呼人以祿養娛其親而不孝之勞吾母乃甚於家食也舍人祝嘏有屏幃母命辭桃人亦如之母辭愈固弟學海入成均母課愈嚴親戚故舊知我貧也而母之周旋愈益驚嗚呼有母如是曾不能片言隼字必聞於當世學林尚可以為人哉余不佞覽既竟拊几低徊久之喟然歎曰劉子政之著作屢列闕闕范蔚宗之敘傳標榜巾幗若孺人者何多讓焉法當誌且銘据狀周湖廣

長沙府之安化縣人孺人父庠生諱自豐以質行

聞孺人生於明天啟丙寅年六月一日卒於康熙

乙酉三月十日享年八十歲用子貴

勅封太孺人子男二人長學林官桃源封文林郎

前知含山縣分校江南已卯科武試官黃平應聘

雲南丙子文闈同考官次學海太學生女子一適

平遠州庠生曾士英孫男六人一燮一煦一煥一

光一炳一燦孫女二一適徐治邦一許字黃潤今

卜以某年月日塋某山之原銘曰

南山之石直以方隧道藏兮潛曜光厥壤歸如厥

居業齋文稿卷十六

辰良子孫逢吉澤孔長

七

居業齋文稿卷十六終

居業齋文稿卷十七

廣濟金德嘉會公

墓表

明故巡撫湖廣都御史宋公墓碣

嗚呼此明故巡撫都御史鶴峰宋公之墓也公禦

逆賊李自成難以崇禎癸未正月死死且十四年

而會

大清皇帝有詔追錄前明死事者於是順治乙未

歲直指張公上其事公乃與故都司留守與京沈

壽崇鍾祥縣令蕭漢並入名宦祠云自成之陷承

居業齋文稿卷十七

天也留守罵賊見殺令未得其塋處令絕粒七日

自經而公則引佩刀北嚮城上塋公處距城三

里許倉皇掩坎不成封也二三故吏勒斷碣以志

其姓氏蕭令死瘞吉祥寺側越十數年其同里鄒

二瞻官漢陽理刑從巡按行部鍾祥以其骨歸塋

南豐而公墓獨在鍾祥土人所謂三里墩也有墓

客高姓者後公死墳與公墓相望其子某歲歲當

寒食輒用瓦盆盛麥飯酒脯掛紙錢行哭先旅公

墓而後及其父墓也故吏某某走會哭哭已相與

飯飲公墓前去如是者歲以為常公死垂四十年

故吏皆老斷碣亦且漫漶矣於是釀錢伐石易豐碑焉屬德嘉爲文以表之崇禎壬午賊決濁河灌大梁捲甲南向汝鄧十二月陷襄陽連陷德安荊州當是時公豈不知承天之難哉顧念與獻弓劒寢園國家根本也急赴承天而賊已驟至先犯獻陵縱火焚柵遂毀享殿正月一日承天陷公抗志以死嗚呼豈非天哉沈留守時絳吏議方杜門聽勘不得與聞封疆大計而第以一死報主上也亦天也初公以藩參分巡荆南道日環甲走馬練試帳下敢死士遇酒人劍客折節下之散金錢資給

居業齋文稿

卷十七

墓表

無算前後戰豐邑坪斬首三千餘級親戰燈草坪斬首千八百級合擊桐城舒城間斬首四百六十餘級勞績著聞一時無比間語及其憤帥黷貨冒功逗留逸賊狀輒面赤目眦鬚戟張嘗侍楚王謙斗酒翫肩嘆且飲畧盡王左右顧曰壯士命撤豆間腳餽忭鋪之酒酣耳熱抵掌天下事激昂慨視纖趨矩步齷齪細謹書生蔑如也督師武陵楊公倚以爲重因上言公邊將才可大任以是晉僉都御史撫楚楊公死而言路岐者醜詆公公已於去年十月解官候代矣撫楚而死楚公何負朝

居業齋文稿

卷十七

墓表

三

軍自刎血淋漓皮肉猶屬一走卒侍公旁且哭且加刃焉而後絕嗚呼公之走卒亦烈矣夫公名一鶴鶴峰其字順天宛平人崇禎三年鄉舉以會試副榜官教諭遷丘縣知縣擢兵部員外郎出爲天津兵備僉事改汝南兵備駐信陽進副使調駐鄖陽遂撫湖廣一時同死者三人而公與留守皆在被論去職之後然則當時國論又何如也

元光祿大夫中書門下省平章事靳國公徐

公墓表

徐秀才璦侯復自敘其先世平章公事欲代石大

書深刻以詔其後人其畧曰公諱興字榮一樞密院使遷朝公之子御史萬立公孫也仕元至光祿大夫中書門下省平章事封蘄國公及致仕里居會徐壽輝據蘄水城爲亂公於邑西築堡以衛鄉人賊相戒毋犯新城兵當是時蘄黃城俱陷惟廣濟獨存有鼓圖徑丈高可五尺公教戰鼓也明時置縣譙樓上崇禎丙子流寇至乃燬牧馬場在縣北有亭舊令區曰東南保障事載縣志公生於元至元間卒至順間其月日不可考明太祖高皇帝兵至金陵公長子麒次子慶孫文壽率鄉兵歸附

居業齋文稿

卷十七

墓表

四

麒官廣威將軍慶字月齋河南知府洪武三年以母老辭官四年正月壬辰奉詔改知蘄州府俾就養其母任蘄一年諸惠政載蘄志子文顯初隨任河南受學答祿與權以孝弟力田薦授刑科給事中敢諫名擢刑部侍郎文壽官武畧將軍遷居遼東義州開衛有弟三人曰啟世居縣龍頭山曰昌曰隆一遷河南信陽州一遷固始縣云余把卷省覽久之嘆我里前代有文武材而徐之家世爲不可及也在宋有若余公玠官四川宣諭使用冉璉冉璞議徙合州城釣魚山屹然西郵屏蔽誅悍

將王夔紆朝廷西顧憂厥功甚大乃遭罹謝方和姚世安讒解其兵柄以資文殿學士召一夕暴卒而其子曰如孫者弗克世其家蜀人聞而悲之若平章者歷元而明子若孫冠蓋相望嗚呼盛哉且夫致仕而獲祿養異數也得之仁宗孝宗之朝猶易而當洪武初陳情爲最難其時爲臣而得遂其白衣之志者一楊廉夫爲子而得申其烏哺之忱者一徐月齋耳楊以孤忠徐以篤孝九重威嚴一若察其情而閔之然則人生惟忠孝大節可以自立於天壤間而古之人所爲世澤者其在斯乎其

居業齋文稿

卷十七

墓表

五

在斯乎詩曰繩其祖武書曰迪惟前令光爲徐之苗裔者尚顧譔貞珉哉

李大復先生墓表

先生姓李諱奇觀字大復一字巨海用經學爲里人師學者稱大復先生先生少時偕先太夫人先生治毛詩先大夫世治易相與研求濂溪洛闢大指先王父衷輯宋儒言行錄爲自警編先生與先大夫各手鈔熟讀而力行之事父繼堂翁母馬以孝聞會錢塘葛公岷瞻視楚學政先生入縣庠葛公所拔率知名士先生雅自負讀史慕汲都尉范

文正公司馬溫公之爲人嘗語及軍國大故輒歎  
息泣下有甚於肉食者先大夫知陝西與安州先  
生郵筒寓書大都潔已愛民匡時報國語先大夫  
揭諸壁出入省覽曰大復愛我先大夫卒先宜人  
扶觀歸誓不令孤兒廢學則迎致先生督課之先  
生於先宜人兄弟也流寇亂左兵蹂躪瀕江郡邑  
里人徙去渡江以南洲居門闌錯互茅茨數火屬  
當崇禎末造國威已殫邑令張登衡不能馭其下  
胥隸兇人懷縣印部署諸亡賴少年擅殺陳武舉  
祭旗日與士大夫家爲難士大夫人人重足屏息  
居業齋文稿卷十七墓  
父老陰謀圖聚鄉兵禦之莫造爲主僉言非大復  
不可羣造門請先生固讓久之不得已強起應父  
老請誠曰與衆約毋譁毋羣飲毋夜遊毋睚眦報  
復毋挑釁生事父老曰諾遂歃血盟諸神榜通衢  
曰守望踰年有保定營率師討諸兇人渠魁伏誅  
事定先生告於令而角巾授徒如故是役也捍患  
固圉先生力爲多云順治乙酉兵至先生倉卒匿  
林莽掇得刺其腦兵帥駐馬熟視先生整容山立  
瞻顧如平常帥曰君子也釋之踰數月疾發卒葬  
大竹林先生卒垂四十年從遊生徒物故且盡而

德嘉撫次生平實行請入鄉賢祠上之督學烏程  
姚公姚公微行郡縣覈實覆請報可於是先生從  
子舉人必泰奉主入祠先是先生講席衡文把卷  
歎曰季氏亢宗與安有後季必泰父也庚子必泰  
德嘉同舉賢書先生已不及見而德嘉學行所就  
今若此負先生矣濡毫表墓能不悲哉

朝議大夫江南督糧道布政司叅議張公墓  
表代

韓城張大夫有子廷樞成進士不佞爲總裁考試  
官於鎖闥中賞識其文字榜放來謁詢知其家世  
居業齋文稿卷十七墓

爲詳大夫旣自登通顯而廷樞官翰林垂十年至  
侍讀兩逢

覃恩貤封其父母又加榮焉及大夫卒諏日將與  
大夫元配薛宜人合塋以墓表請爰爲表其大者  
大夫諱顧行字篤一號蓮峰順治辛卯鄉舉康熙  
丁未成進士乙卯謁選初得江南英山令已而改  
補建平辛酉課最擢刑部江南司主事越四年陞  
本部河南司員外郎尋陞禮部精膳司郎中丁卯  
陞貴州督學道僉事課最奉

旨進一級以叅議道用壬申補江南江安督糧道

居亡何請老踰數月卒其治建平也葺廟學廣厲諸生人材奮興爲諸邑冠丁巳充江南鄉試同考官得人爲盛其官刑部也識決明允大司寇平反疑獄必專屬之其督學貴州也教多士以經史性命之學文以漢唐宋諸大家爲法黔人由是始興於學平溪清浪二衛初隸貴州後更隸湖廣鄉試道遠士不赴大夫奏記巡撫疏設貴筑縣學二衛生徒隸焉大定路險遠先是學使者行部安順檄赴安順試大夫則按臨考校大定人便之凡黔郡縣學廩額之隘者優等之少者苗生試目之有限

居業齋文稿

卷十七

墓表

八

者悉爲增拓嗚呼黔西荒僻幾不可爲矣而大夫尚爲之藉令大夫得有爲於江南勲業且不可量而竟以江安老豈非命也哉乃其輕財好施予則尤有人所難者嘗公車旅次遇蜀人下第落魄輒解橐中裘贈之以歸邑人許生客死河南子孫繼歿則捐金歸其櫬且塋之黔試歸道荆襄遇流冗載路垂橐賑濟至資用乏絕入潼關值米價踊貴鄉里飢人踵門相屬則糴粟外郡計口以授存活且千人大夫之賢如此固天性然哉抑亦薛宜人內助之力爲多云宜人之考曰承度者邑高材生

也教宜人通孝經論語大義十五歲于歸逮事舅

姑舅姑沒襄事盡禮宗黨稱之遇娣姒以和待嫗戚以敬馭妾媵臧獲井井有條理大夫雅好客客至酒漿脯醢咄嗟立辦其課子嚴而有方嘗憐愛廷樞早慧欲令遊名山大川以拓其懷抱曰古人文筆往往得山水之助也宜人卒廷樞有崇山之遊蓋宜人之教思與大夫俱遠矣子男三人廷極國子監教習先卒廷樞康熙壬戌進士翰林院侍讀日講官起居注廷柱直隸保安州知州女三人孫男三孫女四大夫生前天啟丙寅十二月十五

居業齋文稿

卷十七

墓表

九

日卒康熙癸酉八月二十六日享年六十有八宜人生崇禎己巳十二月初一日卒康熙壬申五月十九日享年六十有四以甲戌二月廿八日合塋祖塋地名坡頭村大宗伯桐城張公旣爲幽宮之銘矣然非表塋無以詔來世余不佞故大書以揭諸其墓之原

劉廓菴先生墓表

廓菴劉先生卒垂十年猶在淺土余寓書驕灣張日菴議塋事日菴旣已爲之傳而以墓表屬余余逡巡辭讓未遑也居亡何日菴下世是不可辭矣



然兩先生束髮共學以至白首其爲傳也質而覈  
後有作者又何以加諸乃撮其傳以表之曰劉醇  
驥字千里號廓菴廣濟人大父思郊父芝圃兩世  
皆績學以文名千里生而有文在手曰曆里媼饒  
一見奇之許字以女留居親授句讀稍長念諸外  
傳無足師者則構樓齋延思郊曰請阿翁授孺子  
家學十五入邑庠聰明志古蓬垢忘寢食芝圃沒  
逾益知學舅氏太僕仁常胡公佐之書自九經歷  
代史及諸子集揭膏晷摭括期會不見客每憾宋  
元以來文習日卑屏因奉左國史漢爲繩發詩宗

居業齋文稿

卷十七

墓表

十

初盛五七言近體尤雄深雅健或苦其文宏麗生  
痺寡兀幾不能句譏之千里益自喜更曲折興盡  
乃止其爲諸生試日數千言無起草加點試輒剋  
太倉王公澄川無錫高公彙旃尤才之方是時千  
里名噪全楚性方直簡僊人亦多忌焉獨與黃岡  
樊紫葢維城何韋長謙子安昌祚遊好年過壯始  
悔雕篆日取周程張朱象山慈湖餘姚山陰內江  
書浣剡植蓄時天下風鶴賊兵千里異一遇以用  
世然久之不第也崇禎壬午高公聘修楚四朝文  
獻錄癸未亂日劇千里閉門讀易作周易孔肯元

明論數十卷論學書數十篇亦時交方外互相啟  
發焉順治丁亥督學王公念尼聘主通社以歲貢  
當上公車不欲往已念都會英傑畢集因入京與  
柏卿魏公厚菴曹公環溪魏公講業極懽或勸仕  
爲有司者千里曰吾固不任是抑非其時也遂歸  
里李公五鹿呈祥分巡興國躬率博士弟子數十  
人以師禮迎至赤菴後得士如盧遠心高華公望  
士瞻皆成進士順治丁酉廬以待從出臬兩浙迎  
千里往數月汪君鶴孫等皆師事之於是海內嘖  
嘖稱千里者日益衆作語孟學庸解通書太極圖

居業齋文稿

卷十七

墓表

十一

定性識仁諸箋高微明捷融合靡罅康熙丙午復  
由吳入燕道曲阜謁孔墓作文告聖廟癸丑有  
旨修直省通志方伯張公九如徵千里等分局著  
書未及成而止甲寅家居秋病瘧乙卯四月倦弱  
氣息不勝惟以學不終易天下爲憾以七月初八  
日卒於正寢生萬曆丁未距乙卯年六十九所著  
書詩賦傳記通書五經諸解大易論語孟解學庸  
古本解共百卷先是里人陳金二百爲刻芝在堂  
集十五卷行世餘未梓千里貌頎而癯好深沈簡  
默介然高岸語無擇貴賤不可狎或告宜委折盡



人情不可強也不善治生產業以故貧窶歿至不能具棺衾焉元配饒無出繼娶胡子一名光智庠生女一適藕灣子佳邑縣學生康熙壬戌藕灣與諸生舒峻極爲請於督學宜興蔣公得祀鄉賢壬申秋光智亦卒無嗣嗚呼天生先生豐其材矣乃嗇其用既不得如廣川天人三策對敷殿廷受異數之知以顯當世又不得如伊川召對陳正學以發摠其生平之懷抱而第以山林鉛槧之業藉手同學故人表章於身後抑獨何歟余辛酉公車道柏鄉謁相國魏公於里第執余手而言曰君廣濟居業齋文稿卷十七 墓表

人廣濟劉千里君子也壬戌大司寇環溪魏公出千里當年贈別可亭篇屬余書後嗚呼兩魏公好賢如緇衣皆有古大臣風千里往矣而思念不置乃弗能汲引徵辟如有明康齋慕川故事也豈非命也哉芝在堂集明忠烈傳國朝初明遺臣傳楚先賢列傳及先大夫墓志銘敘事整瞻頡頏班史穆叔所稱三不朽德與言先生兩立焉鄉賢之祀抑與社稷並永矣後之修郡縣志者採摭人物尚於墓表是徵哉塋以某年某月某日歲時展墓者則先生子婿張佳邑暨先生同懷弟縣學生醇駿

龍大之孫某也

奉政大夫兵部武庫司郎中程公墓表

公諱湛字止水姓程氏伊川先生二十二代孫也先籍嵩縣有士謙者遷永寧家焉遂爲永寧人代有潛德隱居不仕考諱養相歲貢以公貴贈奉政大夫妣李贈太安人公由順治戊子恩貢除授湖廣安陸府通判廉靜勤敏善於其職行部汚陽決疑獄釋盜株連者數百人攝漢陽府事清逋均差徭却商人例金捕猾胥黜諸生之弄法者吏畏民懷廉能聲大著視景陵縣篆履畝編冊革私羨勸居業齋文稿卷十七 墓表

農止訟俾民務本業而瘠土以饒視潛江篆治決河增堤障通輓運規畫整肅潛人賴之康熙甲寅入覲乙卯春南還會軍興奉委轉餉大將軍麾下露餐水宿不遑寧處至幕府則籌畫勾稽日夜達旦凡芻粟出納無纖毫糜費按月日登記惟謹當是時謝絕聲華茹苦食淡凜凜若寒素迨事定後籍銷算同官輕俠者往往繆誤而公獨以長官督學試安陸公代守校士舉孝秀拔卓犖得人爲盛捐俸置學田歲收米麥具饗殮萃多士月餘之語具學田記中九歲滿入爲大理寺左寺副

明允提戶部湖廣司主事監大通倉轉戶部浙江  
司員外擢兵部武庫司郎中歷部曹凡六載潔已  
奉公性惻惻不事外飾而所至聲績可觀論者以  
爲有伊洛家法云退食之暇輯二程子遺書鳩工  
剏刷集成具疏通政司上之會

馳封勅下思馳告先壟乃請假丁卯春歸秋八月  
寢疾卒於家計聞京師士大夫之知公者咸歎息  
泣下以爲材可大用而惜其施之未竟也公天性  
淳樸九歲失母事贈公孝謹贈公卒居喪哀毀舍  
殯饋奠一遵古禮友愛同產弟怡怡無間言從弟

居業齋文稿

卷十七

墓表

四

總戎興安母康太君死節垂四十年未旌公灑泣  
徵言大書表章卷成都人傳觀以爲榮嘗舉通鑑  
綱目大義据耳目所見聞刻爲善最樂書風世二  
程子集成焚香告先廟藏於家元配田封安人有  
賢行從官安陸及京邸其課子鞠孫謙實馭下皆  
可爲後人法先公卒塋今公長子性以某年月日  
塋公與田安人合墓幽宮有誌銘家乘有傳矣性  
以余不佞知公生平爲深請爲表其墓爰擬其梗  
概而書之於墓云

鄭肯崖先生墓表

黃岡鄭肯崖先生諱先慶字亦懷晚節自稱曰臨  
臯漁人子昱以唐縣知縣逢

覃恩勒封文林郎先生封如子官初昱仕閩之建  
陽丁母憂歸服闋補唐縣地瘠而衝雖迎養衙齋  
辛苦儉素乃踰家食會課最超遷行且有日先生  
南旋里居居亡何寢疾卒昱數歷諫垣久之出爲  
江西藩參書來以墓表屬草先生詳具誌銘顧表  
其大畧先生於明季受知督學無錫高公補武昌  
府學生會流寇躡楚辟地白下讀書雞鳴山寺已  
逢世變則棄諸生家言肆力於史往來河南北豫

居業齋文稿

卷十七

墓表

五

章三吳七閩間交游多賢者耳目濡染學與歲月  
俱深清端于公之總制江南江西也先生客幕府  
大綱小紀裨益民生風俗而口不言勞清端卒官  
侍側無子弟親戚先生經理其後事歸其喪游轍  
所至友教士大夫往往至通顯如秦淮趙天馥雲  
間張昂三山林溥田國求同里劉同向龔之鼎鄭  
文甫瓚官五鄉經所指授蔚爲聞人以是拮据鉛  
槧不遑內顧家事昱作吏諄諄誠以清白又遭逢  
蹇澁俸入不能具滫瀡當康熙壬寅癸卯大旱大  
浸罄所有以濟人乃至家無甔石之儲泊如也天

性孝友幼居父喪戚如成人束髮喪母瀕于毀痛伯兄卒於亂世且無後為改葬而續其嗣女兄貧而老善病也歲時問遺絡繹於路從子嗣文佑文教育如己子按鄭故姬姓明初由江西徙居黃岡之團風鎮者曰興五世曰宏族寔大曾祖諱廷鳳祖諱文輔父諱復禮皆庠生妣徐孺人生三男子伯之俊次即先生弟之儒早卒先生元配袁黃岡百歲翁文衡女繼娶凌文學大則女賢而有才笄家政壹稟內則黃人以爲有崖生平得凌孺人之助爲多也男子三人長昱康熙丙午舉人庚戌進居業齋文稿卷十七 墓表

士累官江西布政使司叅議

### 黃山人墓表

墨浪山人黃綬字人長廣濟東鄉龍坪鎮人明經白石先生諱九德者其伯父也父三吾諱九錫足於財兄紘大象秀才工詩弟綸幼文亦補縣學諸生山人弱冠穎秀先大夫以我伯考孤女字之爲具奩買侍兒于歸歸二年產一男子曰寧名際昌當是時間里清晏山人日彈碁飲酒衣鮮好衣遊諸素封家家人米鹽凌襍弗問也已而家中落又寇亂廬舍火山人則襍被出游會故人賈任啟投

筆從戎建牙江西往依焉諸大帥幕府所過爲上客傳食久不歸寧失母鞠幼文所家有田荒不治幼文筆畊輸租稅寧稍長幼文俾就余受學迨山人倦游而歸也幼文尋卒山人哭之哀拊其孤課之居亡何寧及幼文兒大昌皆有室山人字寧曰燕皇大昌燕次寧贅壻外家距龍坪五里許山人結茅屋龍坪授書里中童子得錢輒勸燕次治具日延客爲笑樂酒酣賦今體詩或潑墨爲蘭爲竹書效歐陽率更體數中酒善病苦頭風自買杉木製棺而寧奄忽病死遂用以塋踰年再製棺如初居業齋文稿卷十七 墓表

燕次婦沒又推以塋八十誕辰余爲文敘次山人更歷苑枯蓋先後懸絕若霄壤云當黃氏盛時白石子若孫章縫濟濟相屬大開諱絃小縉諱紳兩文學於山人爲從兄而明昌當期日昌仲堅文昌仲謀俱山人從子至是墓木皆已拱也而家又日落山人把余文淚落澤下自此亦杜門謝客矣康熙丁丑某月日寢疾卒距生明萬曆某年蓋得年八十有 余爲詩十章以輓之孫男三人長儲次倬次倩某月日塋壙與寧合余爲伐石題曰鳴此墨浪山人之墓

毛忠移墓表

大符山有隱君子毛君忠移卒且十年乃塋其孤秀才錫昌來請表其墓墓距毛家門二里許莊名虎耳冲古者廬墓相近喪期有數事亡如存孝之至也漢時名士塋送者動千人塋必訃告遠或數千里必至其時不用形家言第營高敞地而已形家言濫觴於晉郭璞最著流傳至輓近世術逾疎說逾誕妄庸俗人至久淹親柩以需風水喪期於是乎踰矣得一地倉卒行事而訃告之禮亦廢諺曰山川而能語地師塋無所夫遠先王之禮而株居業齋文稿卷十七墓表

守術家之說以誤其親則惑之甚者也今錫昌之塋親猶近古余建之錫昌曰母命也余耳目所親記誓節拊孤若忠移之元配劉在里黨爲尤難於是謹志而表之君姓毛諱同鶴忠移其字廣濟之安樂鄉人大父冲甫縣學生父諱炳字孝瞻順治己丑進士知浙江龍泉福建沙縣有善政其知龍泉也分校鄉闈得士凡七人六舉進士而陳靜公景仁官翰林改吏部毛會侯際可官司李例改祥符知縣顧南樓高嘉官翰林俱有聲君以是遨遊郡國得縱覽寓內各山水某年補學官弟子食貧

養母先意承志唯謹受經仲父尊素得毛詩解詁極湛深然屢入棘闈不第毛自君伯父煥公闈中前辛酉庚午副榜仲父燦尊素博學益知名叔父煒朴男中順治丁酉副榜季父煜魯臣膠庠項背相望至君羣從兄弟行同鵠同鴻同鵠秀才同鵬副榜永年太學生君同產弟同鵠秀才同鴻俱相友愛君制舉文字淬厲鋒穎余兄南宮官翰林君則之京師館余邸舍過訪顧南樓客踰月歸瀕行入太學觀石鼓慨然曰男子生而桑弧蓬矢志四方不一覩宮闕之盛非夫也余送之春明門外君居業齋文稿卷十七墓表

上驢背道河間府訪孝瞻故人以歸居云何聞君病久之竟卒矣君生於崇禎庚辰八月十六日卒於康熙丁卯七月十二日得年四十有八以康熙二十九年九月十九日塋配劉壬午舉人岡玉女嫺婦道而笄家政尤有材于男二人錫昌縣庠生敷昌業儒女三人長造選拔貢生金啟洛爲不佞冢婦次造吳世錄次造太學生梅旻庭君生平忼慨強力慮事詳審而斷已諾必踐蓋近於古之獨者余知之深故質言梗概俾錫昌鑒諸墓上居業齋文稿卷十七終

居業齋文稿卷十八

廣濟金德嘉會公

墓表

奉議大夫刑部江西司員外郎吳君墓表

廣濟靈東鄉吳君諱瑾字璞懷亦字願餘以順治辛卯夏四月補學官弟子秋八月入闈舉於鄉與縣人宋象文獻同榜已而象文舉順治辛丑進士君例除武陵教諭下帷攻苦課多士以科舉文字士蒸蒸有興起者康熙庚戌會試登蔡啟樽榜進士出禮部儀制司主事山東顏君光敏之門已未居業齋文稿卷十八

除知山東萊陽縣課最

賜袍帽擢知山西蒲州下車清馬政減羨餘治行籍甚丙寅丁外艱已已服闋補任直隸滄州滄州旗丁駐牧地瘠而賦多逋君委曲籌畫輸將及額有宵壬馬七馬八勾連黨與為暴橫久為河間諸郡患先是刊章名捕莫能得君至榜諭曉譬禍福導以自新之路羣奸警伏羅拜階下乃上其名數於大府奸黨解散事

聞治聲大著會同年友鄭黃門為言於冢宰例擢部曹入補刑部江西司員外郎踰三月而疾作請

告壬申正月二日南歸保定祭政倚氏邵君九緘

亦同年友為診脉愀然曰病劇矣奈何含殮之役我則任之君力疾草家書區處後事絕筆而逝祭政殯奠成禮割俸賃夫舁櫬歸先是君在蒲以古鑑餉祭政款識千年物祭政乃出伴君櫬以行寓書誠其家世守勿殉葬也其為書酸楚不可讀云君櫬歸塋有故人舒秀才峻極哭之哀而宗明經熊率厥嗣子揖濟走江上謁余草堂乞言以表墓余乃表厥崖畧焉君先世饒州樂平人裔支徙富川宋末有仲文者徙廣濟十七世而為肖龍肖龍居業齋文稿卷十八

生季美是為君父配胡宜人生子四君居長次甸畿次光祉次晚皆庠生君元配梅宜人生男之協廩生癸丑年卒繼室鄧宜人無出幼子植濟錢氏出女一適庠生劉林連一適庠生舒迓吉君生天啟丙寅閏六月三日卒康熙壬申正月十一日塋癸酉十二月二十日

張府君墓表

墓之有表古也表而諛墓非古也古之表墓者志其里居姓氏名字而已後人增及生卒配偶祖考系代子若孫嗣續迨宋元後又遍及男婚某家

嫁某族有官則書其官封書其采貤贈書其朝此亦古人昭示來禋之義也若諛墓則一人之身而百善備矣蔡中郎敘其生平所作碑文不能無婉詞中郎良史才豈嚴於史而寬於墓耶此風自漢已然後來無論已余里居杜門久謝客有張君訓基以其尊府君墓表來請聆其言甚質庶幾猶近於古按府君姓張名皆然字匪譽廣濟武穴鎮人張著姓也先是子龍太守以詩名江漢間後起沿泝代有詩學至府君肄業尤力云父泰字產丈夫子四伯曰卓然仲輝然季定然而府君行次三當

居業齋文稿

卷十八

墓表

三

明萬曆甲寅受知督學太湖馬公人龍補博士弟子員歷試不第嘗遊京師交游多海內賢者久之襆被策蹇歸瀕月塘治圃手汲塘水灌之堦前襟植花卉興至即事成詩客踵門不受刺小奚應門客遽退曰張先生隱矣其勇退如此所著兩易子詩集藏度家塾元配周生子男三朔基進基訓基朔基早卒訓基邑庠生女二一適庠生寇士斌一適吳恒祖繼詹無出孫男七人曾孫七人府君生萬曆壬辰卒順治庚寅享年六十有九周生萬曆甲午卒順治乙酉詹生萬曆庚戌卒康熙庚戌

以辛亥某月日塋府君謝家山周詹附焉府君嘗與先大夫友善齊年補學官弟子府君伯兄子學正金基先伯父子壻又與余鄉舉齊年學正嘗酒酣道故兩家婚媾實兩叔父尸之余少孤聞其言未嘗不罷酒歔歔也先大夫鞠孤侄二女四一切婚嫁視已出等一日圍棋月塘老屋學正甫髫出侍側先大夫摩頂嗟令器尚未聘乎我則字以兄之子府君應聲曰善即命學正振衣拜議遂定學正又言當府君游京師時同游者往往口舌得官以墨致富府君竊笑之以故掉頭南向遂如漢陰

居業齋文稿

卷十八

墓表

四

夫人抱壻老矣學正下世余每念其言至悽然酸鼻嗚呼古來身隱而名寔藏者不可勝數即漢陰丈人已逸其名氏然則金石之文又曷可少哉爰書厥大都畧訓基使伐石而勒諸墓上

蒲圻教諭李巖詹妻陳氏墓表

蒲圻教諭李君巖詹妻陳孺人以疾卒於學宮之內寢厥子遵治命卜窆安於蒲之某山厝焉先是孺人母春秋高迎養蒲署以耄壽終塋是山也孺人拊棺號送曰母母憂寂寂異時兒當墓門相望迨寢疾彌留曰必傍吾母嗚呼若孺人則可謂孝

女哉巖詹磐石表厥墓屬余述其梗概余以中表周親稔知孺人生平賢又聞其奉養殉母之遺言逾歎孺人之孝也爰質言以勒諸石孺人黃州府廣濟縣泰東鄉人父諱某字萬里母徐孺人年及笄萬里擇壻良久及得巖詹大喜孺人于歸而巖詹以第一補蘄州諸生順治庚子舉於鄉萬里逾喜巖詹豪爽雅好客而家故貧客至茗椀高談弗內顧移時而羹臠已具主賓就席騰觚飛爵夜往往達旦於是遠邇士大夫僉曰巖詹有內助云偕計上公車則餼糧屨屨惟孺人是供條理井

居業齋文稿

卷十八

墓表

五

井間關數千里而旨蓄未嘗乏絕孺人力也兒初就外傅先生訓誥耳會巖詹有西粵之行孺人念曰兒浸長當更師巖詹領之俾執經爲余弟子比粵歸而兩兒翩翩露頭角矣巖詹需次知縣除日久不下孺人念曰教諭官雖冷可以讀書脫公田種秫可以延客盡循例改授平巖詹領之改授而得蒲圻至蒲而客日益衆晨興治具夜分又辨詰朝兒筵拮据不暇給孺人於是憊矣婚嫁俱大族孺人必欲成禮而俸入薄巖詹又不善心計一切措撐兒曹奉母指劃婚嫁甫畢而孺人益憊矣巖

詹急人急不啻身受如賑貧交歸旅櫬諸義舉孺人憊憊惟恐後垂橐則脫簪珥以佐之士大夫往往稱巖詹疎戚無間言而孺人之潛德實有以欣助也然憊亦甚矣嗚呼若孺人亦賢矣哉孺人生於崇禎丙子六月廿一日卒於康熙丙子六月六日得年六十有一以卒之後一日塋於蒲圻某山之原子男三人長之繩縣學生次之經縣學生次之綸太學生侯選州同女子五人孫九人

姚宜人墓表

姚宜人濟寧守備孫君敬亭之妻黃岡縣儒學訓居業齋文稿

卷十八

墓表

六

蕙芝瑞之母姚故新安著姓宜人父爾成游太學爲六館名士宜人人生凡孝經內則諸書自學語時極嫻熟歸敬亭樵布操作敬亭不復問米鹽凌襟事順治丁酉中武鄉試賀客充庭宴勞無虛日當是時敬亭母已下世敬亭鮮兄弟相以內惟宜人獨任之奉舅旨甘極懽舅交游多海內賢人君子客至治具極腆極潔敬亭受書父所父言古者陸絳灌各以其所能鳴然男子生而義然七尺軀要以文武材左宜右有乃能成大名顯當世敬亭以是爲經濟文字膏火常至夜分宜人以女紅相



極勤教子讀書就塾雞初鳴趣之起言教母誼誨教母情坐教母偏倚行教母勿遠蒸嘗備物習儀教母苟簡遇先生長者於路拱揖進退教母凌躐小過必懲微嬉必戒宜人慈愛天性然也又極嚴肅凡敬亭力於學旅食於京師然諾踐於朋友解推徧於耆舊多內助力也積勞致悴一病遂不瘳病篤涕零語芝瑞兄弟修短命也唯以不獲終養舅翁爲憾嗚呼賢哉宜人生男子二人俱占籍湖廣長芝瑞武昌府學歲貢芝瑞潛江歲貢黃州府黃岡縣儒學訓導女子二人長適歙洪橋板貢侯居業齋文稿卷十八墓表

居業齋文稿卷十八墓表

七

選知縣鄭廷璧次適同邑臨溪廩生吳元什孫男六人都鈞都銀都錦都銓都鎮都宜人生明崇禎甲戌十一月初九日卒於康熙壬子五月十七日塋某山之原側當並書

明金谿知縣劉君墓表

君姓劉諱近臣字亦斐號霍童廣濟縣人明天啟甲子鄉舉第一人崇禎辛未成進士知江西金谿縣事君之卒距今且六十年矣然生平文行宦蹟里父老猶能言之則庶幾君子所謂沒世而名稱者歟初君爲諸生受知督學瞿公汝說試第一當

是時文體蕪塞往往用子書入經君弗屑也逆璫魏忠賢亂政中外宵壬走趨如驚故東閣大學士遂安方公逢年以翰林典試藉策問入告君忼慨數陳極切而首義疏題最合主司旨是以剋省闈已而璫熾臺垣私人羅織諸策問憂時者罷斥凡八人方公爲首明年君會試遂報罷東鄉艾南英所歎爲不媿師門者也金谿故多巨室貴公子兄弟鬬訟先後院司累訊弗能決君至奉御史檄覈其事爲開陳人倫孝友大義兩造惶恐譬伏訟乃止御史以爲能學博陳時策卒官停櫬久君下

居業齋文稿卷十八墓表

八

車拊其孤捐俸歸其骨於鄉里於是縣人感化俗歸於厚有二陸書院槐堂書院祀君庀材新之聚諸生講業其中士乃蒸蒸向學崇禎癸酉分校易關得士爲多而楊公學愿最知名居官五載課最屬考滿遘疾卒金谿人有循吏之思焉父鳴卿有隱德輕財好施予嘗鬻產以濟里人之乏絕者君生而慧稍長酷嗜學故老傳其貌寢短小然爲文嘔心鏤劇語必驚人其爲學壹稟伯兄近甲舉人訓與中表弟藍舉人縉劇切良深辛未會試主者取兩漢八家文筆君出而與梅村西銘諸君子同



落魄者過縣侯飲之以酒拊其背曰衣何薄也立解衣衣之縣諸生之宴而待侯舉火者不可勝數然上官差至正色臨之犒勞無加禮以此得伉直聲或規之應曰通塞命也此輩餐餐何饜之有而吸吾民膏血以供斷斷不能益侯之爲政與頃日有聞而昔人所謂善事上官無失名譽者往往相左也太孺人春秋高欲迎養不得元配王孺人嘗一至衙齋席未暖忽心動輒脂車旋里侯西向望雲而歛歔者蓋視一官如雞肋也會大計縣人遊於膠庠者僉曰治行爲天下第一必黃公也已而居業齋文稿

舒生踰旬朔顧家徒壁無錢爲舒生贈行則爲言一僕舒生歸爲縣人言縣人憮然曰區區有韻之言胡能報侯萬一而乃累家食乎侯之爲人潔廉仁厚大都若此其分校楚關所得士人亦無大通顯者噫何其窮也當吳逆變亂有僞帥欲劄授官四川學道侯佯狂避之亂定後郡縣奏記上官有曰名節無玷大義克全侯之忠孝大節其天性然也侯生於前丁卯年十二月初六日卒於康熙己巳年六月初五日子三人念郡庠生想縣增廣生思郡庠生孫五人之信之什之俊之傑之之信居業齋文稿

舒嵩嶽壽藏記

廣濟東衝山有嵩嶽山人者自營壽藏寓書江潯屬余爲之記其言曰余年七十而自爲墓在先人墓右百步而近蓋生不能罄盡菽水之歡歿從九原晨夕侍側他日有高人逸士訪鮑參軍讀書臺因捫蘿識余墓亦足矣又言以妻饒結髮相依踰五十年耐余瘠左先卒已封庶室李勅將來右嗣焉余覽山人之言而嘆其達也山人舒姓名峻極字漸鴻曾大父玄渚公諱其志明萬曆乙未進士

官江西布政使祀鄉賢大父諱簡父益生文武  
行有男子三長逢吉季遂吉山人其仲也少嘗侍  
父結交海內賢豪長者已而歸應試補諸生試輒  
有聲然久不第則攻詩書法旁通金石法兼三橋  
雪漁之長其爲人伉直任俠雖布衣諸生座客嘗  
滿逆旅落魄飢寒無聊之士往往望山人草廬如  
歸儉歲餽榮茹蕨與客共七箸交數十年如一日  
與人期雖嚴寒大暑涉險難不爽友人劉秀才子  
杜才而天爲文告靈櫬以女字其孤王乘卒督課  
爲諸生他質行追古人率此類也所著韋園詩集  
居業齋文稿卷十八墓表

墓表

三

余嘗爲之序又按篋中往年京口談長益允謙斯  
州顧赤方景星同里藕灣張長人仁熙所評陽者  
屬子壻鈔膳凡七百葉所作梵宇琳宮碑版擗拾  
散佚凡數十篇其言皆可傳晚節杜門不妄交曰  
君平棄世世亦棄君平矣妻饒文學嘉馬仲質之  
女六歲喪母十二歲歸侍祖姑事後姑唯謹崇禎  
癸未流寇張獻忠破縣城賊獲奔竄崖谷死且盡  
饒襁載簪珥獨亡恙冬婚櫛林村歲飢斗米直白  
金六錢虎狼載路饒紉縫補綴以資晨夕其艱難  
如此其父母兩兄一孫凡五樞亂後合塋春風橋

舊地經營注厝饒身任之會山人試黃州饒寢疾  
歿康熙辛未十月朔日也距其生時天啟丁卯九  
月九日享年六十有五即以是年十二月二十三  
日塋生男二孺女六存者三人一適庠生劉王乘  
即子杜子也一適廩生李之經一適廩生郭永類  
余既嘆山人之達又嗟才如山人而章經以老也  
因爲辭以亂之曰鮑參軍古英雄讀書臺與天通  
踵武者嵩嶽翁七十載叢堂中歟長歎斷青桐大  
書曰寧吾宮詩落之斯干同百歲後馬鬣封邇先  
墓呼吸從結髮人前考終若孟光遲梁鴻邇白虎  
居業齋文稿卷十八墓表

墓表

三

李幼萌墓表  
廬龍佳哉城氣鬱葱嗟代謝本太空不死藥涸  
乃公彼軒轅冢胡崇漆園達曼倩工濬游戲樂無  
窮皚皚石濯濯礪史也記光熊熊億萬禩此東衝

蘄州學官弟子員廩餼者例五年中兩貢於禮部  
曰歲貢有友人李幼萌不及貢而卒余傷之至是  
塋有日爲表其墓幼萌諱本甲兄本晟字嵩岑順  
治己丑進士累官浙江巡撫父諱挺字亦有明天  
啟壬戌進士直隸遵化兵備道癸未里居遭獻賊  
破城死大父鑑池先生諱際春萬曆己丑進士河

南陽道卒官南陽人立祠祠之州祀鄉賢幼萌  
讀書先人書屢踏省闈不第當嵩岑官布政雲南時  
身任家政輸納租庸訓應官府餽遺四方賓客急  
則鬻產負責措撥良苦生長貴介服食豪腴遇親  
戚故舊厚視鄉里齷齪富兒擁高廩局封待價輒  
掩口笑之娶盧生男子五人長曰澤咸次曰澤潤  
爲余子壻延盧秀才小相授經家塾咸潤次第補  
諸生餘駸駸露頭角矣會嵩岑訃至匍匐奔喪以  
澤開爲之後旅食遘疾遂不起蓋以慟而卒也居  
亡何澤開天楚大吏弔嵩岑之喪則澤潤直經喪

居業齋文稿

卷十八

墓表

五

次余在京師聞而馳書唁之澤潤日夜哭哺糜不  
能一椀當是時余女甫生女子二人男子一人永  
芬而澤潤竟毀也於是澤咸用形家視大父大母  
阡蓋凶壤云先是嵩岑覽形家言以郭璞自命所  
館穀術士夏某者數十年然唯唯受顧指耳以是  
兩尊人體魄不安於泉下鄉人戟指夏某責諛而  
夏某亦已死矣澤咸善病日久顧永芬而嘆藐諸  
孤一絲且繫九鼎若不力學若宗祏何永芬入白  
母兒往外王父家受業母立治喪行受業余從子  
敬江所凡四年能捉筆爲科舉文字一試於督學

岳公遂補博士弟子員科舉人間亦有聲余命歸  
肄業誨之曰大母春秋高矣汝伯父又善病勉之  
歸二年而澤咸卒然幸有男子四人永芬歛歔太  
息勉以學余以是知李氏孝友之澤未艾也志稱  
鑑池之兄夢池諱盛春隆慶辛未進士由庶常歷  
官至南少司馬天啟元年補謚恭質愛池諱孟春  
嘉靖下卯舉人仕至蜀順慶同知昆季友愛斯人  
推賢行者必曰東門李氏余觀盈虛消息天運有  
時勾吳之先泰伯仲雍而延陵之蟬聯者皆仲雍  
苗裔王祥王覽並名於時而邯鄲之蜚蜚繩繩者

居業齋文稿

卷十八

墓表

五

胥覽後也幼萌有志待澤潤而未伸譬諸力穡幼  
萌苗之澤潤播之及永芬之代且豐年穰穰大有  
慶乎命永芬礱石以表於墓上幼萌男子澤咸澤  
潤並州學諸生澤開出爲巡撫後澤某澤某女  
一遶州諸生韓某一遶縣諸生胡繹思一遶州諸  
生李生桂澤咸娶馮氏繼張生男子永祚娶石某  
女永弼娶壬午副榜胡統思女永某永某俱幼澤  
潤娶余之第三女生男子永芬州諸生娶黃梅石  
氏江西安宜知縣定烈女繼娶田女子一遶馮諸  
生灼乙丑拔貢候選教諭以觀子一遶江西德化

縣周世澤廣東鎮平知縣周儵子永 生男子  
人永芬生男子 人是當並書

居業齋文稿卷十八終  
墓表

六

居業齋文稿卷十九

廣濟金德嘉會公

祭文

告座主鹽城薛給諫文

康熙二十年夏四月辛亥同年刑部楊員外書來  
告曰鹽城薛給諫溘逝矣德嘉執書哽咽讀已仰  
天長號曰嗚呼公其止於是矣乎於是擇日甲申  
爲位東南嚮望風哭敢告於

給諫公之靈哭已又仰天長號曰嗚呼公其竟止  
於是矣乎當

居業齋文稿卷十九 祭文

世祖章皇帝朝公上策公學不售於禮部而氣沛如  
也曰吾豈以賢書止者會有考選之例友人勸公  
應試公逡巡有難色曰若中選則遂以賢書止矣  
已而果然公之給事黃門也忼慨論天下利害興  
革及朝章掌故言聽計從

上倚之如左右手庚子奉

命典湖廣鄉試既竣事人曰薛公且大用其必不  
久於諫官也居亡何而上疏以終養請報可遂歸  
鹽城初公在京邸講性命之學曹學士厚菴稱公  
積學篤行命世才也方倣裴出都亭公洋洋色喜

告人曰今以報國之身為養親之身異日以養親之身為報國之身國家教孝之典所以作忠也久之高堂色養愉愉雍雍人曰求忠臣於孝子之門國家且有賴焉夫薛公豈如是而止者嗚呼而孰意其竟如是止也雖然公豈止於是者哉公直諫之聲在青史孝友之行在鄉國論著之業在篋笥詩書之澤在箕裘公豈止於是者哉嘉以庚子秋拜公於武昌今且二十年無毫髮樹立以報知己而望風哭公矣公之寢也以何疾公之卒也以何月日公之葬也以何地何年公之銘旌墓表大書居業齋文稿卷十九祭文

今見公遺孤如見公焉校讐公遺文如見公焉敘述公生平忠孝大節如見公焉若此者有一不盡心而泄泄以從事是則路人而已矣公其鑒之皇天后土其共鑒之敢告哀而繫以辭曰魂兮徂征上蒼旻些俯眠八荒胥宵冥些鹽城崔嵬倚空青些蘭宇芝房梓檀局些白簡阜囊霜稜稜些華黍由庚笙瓏玲些中天化居榮列星些雲夢洞庭迂輜輶些蘅蕙森森衛湘靈些魂兮西來陟降庭些霓旌鸞羽駉駉些虎豹咆嘯嘒嘒些扳援援狄駕鸞兮些松枝偃蹇帶橘橙些駝銅腳籃襍些居業齋文稿卷十九祭文

滂沱些

桐城馬先生祭文

嗚呼先生往矣門下士不復侍左右矣尚何言哉尚何言哉疇昔侍先生自壬戌暮春始出入承明之廬依几席奉觚翰自壬戌冬初始已而先生請假南旋不侍左右者垂三年先生再入直侍左右者踰一歲今則已矣幽明異路矣痛哉先生之烈

南宮也中朝士大夫翕然慶問卿兵部公之有後先生貌頎而山立又公望也冬一裘夏一葛蕭然無長物所居陋巷不蔽風雨歲朝坐肩輿褰養纔一卒出門雇募備數以行貴遊造請至旬月不報謝囊粟弗克贍朝夕授徒邸第以佐乏絕嘗有故人橐環二百金寄貯先生所會居亭不戒於鎔偷兒夜探篋去先生旦起無幾微不平之色嗚呼澹泊寧靜古大臣之量何以加諸先生緒校經史夜分不寐館閣中握槩屬草勞動往往兼人先生不言而人亦無有言之者聞人有異書購求鈔謄

居業齋文稿

卷十九 祭文

四

衝泥冒雨惟恐後一日排戶入德嘉邸德嘉倉皇下階迎先生曰無他觀插架書目耳嗚呼書淫書癖古誠有之何物楚儉而忘分枉顧若此乎德嘉之始進也以制舉文字而先生每見輒與下上今古挾摘鈎貫頗以爲知言先生惻惻與人無款曲酒後耳熱雅以分校得人自意且曰積學砥行有針芥之合嗚呼學行荒落安得此不虞之譽意者踰涯獎借鞭影而使前乎嗚呼士絀於不知已而信於知已此所以仰天椎心淚盡而繼之以血者也丁卯黔之役竣事北征過桐見先生里衍肅然

爨鼎圖書俱古閨門禮讓儼若朝常考亭涑水家法彬彬具在乃知先生身爲鶴的不籍籍於語言者抵京師上謁具言萬柳堂素風先生迎勞黔行良苦然土瘠而文腴庶幾不負此行嗚呼師弟子議論往復何嘗有隻字出於溫飽者乎先生嘗言歸太僕庾子鄉舉至乙丑成進士蓋九上公車德嘉亦以庾子登賢書八上公車而成壬戌進士大都士之無所爲而爲者其售不必速嗚呼知己之際人所難言太僕感恩圖報沒齒諄諄上書請謚表章其師德嘉驚弱不及前賢萬一嗚呼先生在

居業齋文稿

卷十九 祭文

五

天之靈即不見督德嘉何人能不媿於心乎先生出都門亡恙惟項背有時痛風德嘉奉斬艾爲茵褥先生曰徐之小飲酒藥當有瘳比聞先生客烏程亦亡恙烏程姚先生寓書言先生携冢孫汗漫江湖栩栩有漆園秋水意德嘉讀之喜以爲先生超然枯菀通塞之表真深有得於大易者嗚呼憂能傷人孔北海嘗爲孝章慮之先生樂天知命而又何傷乎使者云患咳悞餌參過多嗚呼參以養人也而乃曰誤譬諸鳥將遠鸞鳳而近鴛鴦譬諸人將遠由爨而近蹢躅乎此又說之不可解者也

仲春有人東行尚尺素起居念桐坡侍側  
期壬申夜寐有人報先生不幸覺而歆枕視南  
將曙晏意先生且援捐輸例出山越二日而得計  
嗚呼夢故幻也至先生而乃真耶嗚呼先生往矣  
疾也不及視藥劑瞑也不及視含殮幽明異路矣  
痛哉昔宋玉悼師騷些以作德嘉神魂憤亂聲淚  
俱下搔筆不省所云也先生尚以爲知言耶否耶  
嗚呼哀哉

吳祭酒奠章

嗚呼鱗潭明冥異路矣比肩直承明之廬凡八年  
居業齋文稿卷九祭文

卷九

祭文

六

而別君之遇我也如一日誼甚高更僕數之不能  
盡故涕吞聲麓述其大者丙寅之歲偕纂  
大清一統志下直而病時則洛兒未至牀頭一老  
僕慙如土偶程郎中湛以醫來醫河南人用犀角  
黃連地黃飲子余三飲而僵僅能張目君挾二醫  
馳視一姚姓一廣陵王孝廉錯愕不舉方君勃然  
怒大詬坐視人瀕死而不之救焉用醫爲姚以旁  
無親人對君言親孰如我齊年兄弟者醫乃書一  
方於油素去飲至夜分稍能動踰旬兒子至再踰  
旬始能言參飲五旬始能起立嗚呼此東方生

謂不死之藥也以君一怒而得之到于今踰十  
六年髮鬢髮如絳縣老人矣嗚呼微君其能有今  
日哉其能有今日哉丁卯黔之役垂橐而往戊辰  
垂橐入直亡何有蹇蹇之來也無端君閱余數奇  
其中人也甚於疾君急欲索不死之藥而不敢怒  
也屬有天幸邀異數得完名以上先人丘墓君舉  
觴告我曰

上恩高厚即捐糜頂踵無以報行矣余乃南征羣  
公祖道於君之邸舍君賦驪駒余賦泌水酒三行  
有賦緇衣者余問故則捉余臂耳語曰日者鱗潭  
居業齋文稿卷九祭文

卷九

祭文

七

之爲君心力竭矣嗚呼余何人也而得此於鱗潭  
哉歸田以來君頻入我夢語笑如同朝時余紀之  
以詩輒示兒曹王陽在位貢禹彈冠理則然也嗚  
呼君念太夫人春秋高一歸省覲余方奠君脂車  
北向期長公東岩過我江上持君王母方太君苦  
節傳屬余爲紀事辭後脫橐寄上莎羅草堂音問  
疎濶以爲當脂車北向無暇也而乃長逝耶君嘗  
作長歌寄我敘同朝事歷歷如昨又言著一書顏  
曰大好山水書成余庶幾得寓目焉今何如矣君  
嘗洞視辟離之壘發元明以來數百年之題名

土中余欲勸君按碣而鏤版俾數百年公卿大夫  
之氏名不脛而徧天下窮鄉下邑讀史者尚論其  
事即知其人之起家通籍於何年此亦挿架所不  
可少之書嗚呼君往矣何可得耶然君之子材而  
賢當有踵厥志者余日望之也嗚呼君素強固疾  
何因雅諳方書藥何以相左寢臥幾何朝遽逝何  
月日祭酒之有謚也防自魯文恪何人爲君請於  
禮官荒江寂寞膏肓一無所聞即長安公諒亦不  
克附書名目以達諸黃山之几幾也嗚呼鱗澤之  
帝所矣蘇端明直奎宿道士上章見其奏事而不  
居業齋文稿卷十九祭文

知其所奏何事意者善善惡惡賢賢賤不肖與立  
朝丰采無異歟安石欺君惠卿賣友邢恕背師清  
臣無母歷歷指陳都無賞歟鱗澤譽人之清介者  
如避避古人而柔媚洪忍之徒則譙讓不少避意  
與端明將母同歟嗚呼明冥異路矣君如念我亦  
如我之念君尚入我夢如元伯之於巨卿也嗚呼  
哀哉

### 先兄明經奠章

嗚呼兄竟逝矣痛哉追憶先大夫見背於興安之  
官署嘉始五歲家居不識音容不親合殮終天之

### 居業齋文稿

#### 卷十九

祭文

九

恨與年俱積今兄歿而又音容之不識合殮之  
親也嘉何以爲人哉先宜人爲未亡人嘉與兄共  
侍膝下自崇禎甲戌迄順治甲申纔十一年耳時  
兵火播遷饔飧不給宜人恐廢兒學兄弟伊唔形  
影相弔宜人卒後丁大亂大疫始以九口出及秋  
止存兄與弟兩人暨一僕病骨支離弟死一日夕  
而復甦藥餌扶救皆兄躬親後兄自揚州歸乃始  
築茅屋舊址漸次有室庚寅兄生啟濂明年弟生  
尤兒無何尤兒夭後兄生啟濟中間弟連生女庚  
子弟患咽疾疾篤兄廢寢食乃焚香告天告祖告  
先大夫先宜人曰嘉疾篤嘉未有子崇幸已有子  
願以身代已而嘉竟不死兄未嘗對人言踰年嘉  
始知之兄生啟江厥後嘉北上公車生啟洛兄喜  
及啟洛讀書兄愈喜及作文兄愈喜嗣是兄生啟  
濂啟洙甲寅弟之官家舉啟汾兄愈喜乙卯弟挈  
家安陸學署兄書來惟念兩兒不置囑啟洛無廢  
學又詩歌數篇亦惟以兩兒爲念墨蹟淋漓今成  
絕筆矣嗚呼痛哉先是亂離之後先人皆在淺土  
兄日夕深憂節縮經營塋先祖妣嗣塋先祖塋先  
大夫於山梅衝附先宜人於大夫墓事事繁費年



年焦勞繼以男女婚嫁叢勝奔馳即弟教授之官  
兄亦扁舟往返至再經風濤冒雨雪顛指乏人備  
嘗艱苦弟日登樓東望異兄由此路之京而豈料  
其至此兄自崇禎甲戌入學順治辛卯補廩至康  
熙丙辰而貢國學弟方念經明廷試返轡丘園優  
游詩酒之場沉酣菰文之圃教子弄孫自是或可  
少抒勞瘁而今乃溘逝也嗚呼痛哉往歲弟北上  
兄爲倣裴弟之官兄爲親送弟疾篤兄願身代弟  
微病兄調藥餌即去歲書來猶鈔老鑒方見示屬  
弟調攝而今已矣弟其何以爲心哉弟日夜哀號  
居業齋文稿 卷十九 祭文

不聞兄答設位跪拜不見兄形望風祭奠不得兄  
至無已而索兄於夢寐又復恍惚無憑又匏繫一  
官不能旦暮東歸爲兄營兆域俯仰徬徨白晝如  
霧嗚呼已矣尚何言哉今濂已生女生子濟已有  
室江已聘獨淫洙尚幼然有弟在一息尚存不令  
夫所也兄勿復慮惟是兄篤愛敬洛頃亦文理長  
進而兄不及見其入學異時即推牛祭墓亦何益  
哉兄所著草廔集年譜讀史諸詩弟行付諸剞劂  
然不刻於生前而刻之身後亦晚矣嗚呼痛哉江  
干一別幽明永訣靈位在堂遺書在篋嗚呼痛哉

表兄李巖詹祭文

嗚呼一官冷署十有八載而竟以攬歸也哀哉古  
之高爵厚祿宦成而歸故鄉者不可勝數而君獨  
卒官何也官之冷者至教諭而極然可以請假展  
先人之丘墓今人往往能之而君獨不能何也君  
之遷縣令且有日余方望君里門竹樹以爲銜杯  
酒敘契濶今年庶幾可得此區區尋常之讌集而  
造物亦若靳之抑又何也曩余官教授安陸君一  
再過余署余齋捧南還挈家西上君送余至夏口  
自君在蒲圻而余竟不能至曾有涉湘之役棹舟  
居業齋文稿 卷十九 祭文

六溪口賦東懷詩數章解纜而去君未嘗不惟余  
之疎然余念信使絡繹具知起居亡恙即不見君  
亦無憾至今日而乃悔余之疎也少年共學及庚  
子歲以後同上公車一切瑩臆雪案馬首郵亭諸  
已事述不勝述唯記丁卯冬黔行返棹武昌君來  
抵掌一夕詰朝見君衣褐袍更十年如舊黯然別  
後猶眷念不置嗚呼豈料武昌舟次遂爲永訣地  
耶哀哉君在蒲圻拮据無寧日文廟學宮之圯者  
修之牆垣廊廡增城之未有者創之衙齋之湫隘  
卑濕者整理之士大夫之賢者交之人之貧困者

賑之恤之冷官若此亦無伐檀詩人素餐之譏矣以君之才行君之志得百里之地而宰之猶可以有爲而奈何竟止於此也或語君性過剛言過直用力過勤然剛則不畏強禦直則不近險諛側媚之人勤則夜思早作不以玩愒廢事良有司任舍君奚屬焉而奈何竟止於此也君需次知縣聽除可坐致而顧改授教諭以家食之貧也然俸人幾何座客常滿急則稱貸治具故里人沓來資糧屢屢應接不暇又不幸有嫂夫人喪君之遇亦良苦耳嗚呼銓路之滯也科名人銷耗材力於壯盛之

居業齋文稿

卷十九

祭文

主

年尺寸不能超越乃至局踏芹宮無由表見於當世栖遲偃仰迄於皓首回念疇昔師友之所講貫經綸注厝託諸空言嗚呼始以三物賓興於鄉中以一官困頓於學戶儲材造士之名乃投閑置散之日萬一薦拔可以速化而珪璋特達良難往者大府闕西楊公嘗知君矣有在旁者沮君一言之害遂至沒齒其人於君未嘗有睚眦之怨第以有所爲而出此北門之詩曰天實爲之謂之何哉所可爲君解者男子三人皆學行謹飭孫男八人從此雁行克世其家官之冷熱都置勿論君夜臺亦

可以自慰而余之所嘆者焚黃告先墓之歲曾一少牢祭外王父暨鄉賢公三舅氏余之外王父君之王父也當是時不力勸君請假一過里門是則余之過也夫嗚呼江風瑟瑟煙水蒼蒼素旌銘旌搖颺鵲首比閭族黨莫不歎息泣下而況於余乎嗚呼此昔人所謂言有盡而意無窮者也君素豪於飲飲至一石不亂今者爵君及三爵而不又矣嗚呼哀哉

汪詒菴祭文

居業齋文稿

卷十九

祭文

主

嗚呼新安汪君詒菴卒而余生平至交且盡矣余之交君也方鄉舉杜門謝客先明經兄一日從外來曰頃過東隣樊墅邂逅休寧汪君其人益有道云余蹴然曰何也先兄曰鼓枕楚游甫及岸而舟覆行李蕭然油油無愠色非有道者不能余詰朝訪之一見遂無間當是時先兄豪於飲余不能則言詩詩古今體倡和無虛日從容執余手曰君何不及盛年稍舉導引法庶明聰至老不少減余頷之然未遑也後十年左耳聾官安陸距新安千里而遙即欲聞導引之說不可得矣又十年而官京師新安書問數至有詩則次韻謝之會選拔之令

下君之子端由江南余大兒啟洛由湖廣並入成  
均考授教習後先秩滿俱爲天官選人則歲歲郵  
筒弗絕庚午歲余歸田一切貴游之劄無有矣惟  
君尺牘頻來是年夏五余七十初度書幣遠致首  
夏發函及仲秋始至余讀之拊几歎曰八十有五  
老人摘詞至此再十年且爲衛武公抑戒哉東向  
馳謝書及門而君已逝矣端孝子也把余箋聲淚  
俱下焚告几筵尋以訃至嗚呼素車白馬明冥感  
通余老又寧弗能也爲詞以酢之曰君昔徠兮楚  
江攬余袂兮楓旆朝空予篋今暮酒予釭送君解  
居業齋文稿卷十九 祭文 五

劉蓋公祭文

嗚呼余之與君交也蓋始於順治辛卯之孟秋經  
綿數十年如一日而今則明冥異路矣嗚呼痛哉  
辛卯就試武昌甲午再至丁酉又至至必過君東  
歸解纜君目送江干而始別庚子鄉舉君色喜公  
車北征君又目送攬轡而始別君有墓田在東鄉  
與余莊櫛比屬有宵人與余佃不協流言惑君余  
立命佃居徙構中田之廬以息其釁宵人慙沮君  
亦大悟自是交彌篤余過君先墓必繫馬相視土  
人偏墮走旣成交路余叱命改塗君聞之作詩以  
志不忘焉康熙癸丑之官安陸過君君代取部檄  
居業齋文稿卷十九 祭文 五

甲寅余以事過武昌訪君君時挈家寓湖上余逢  
君弟致語君不及面君去余官安陸凡九年書信  
勞問不絕於道壬戌剋南宮君聞報喜躍余官長  
安距里居三千里而遙凡書問之南來者必藉手  
君以達於家郵之北向者亦如之君之封緘必  
固委託必周月日登記必悉丁卯余典試貴州返  
棹武昌君率子弟過余招余飲意甚切值風便鼓  
柁去已已余六十初度君先期馳賀於京邸君六  
十余以館閣纂著無暇賀君則稍後君表章王母  
大節余徵詩文且半天下長安士大夫宴會余道

故鄉人物輒言劉蓋公家孝友真江夏無雙人謂  
君雖里居亦與游長安等矣丙子冬十月涉湘東  
旋過訪君詰朝君過舟次圍爐握手話別來事如  
目前君精力強固猶如壯年久之聞君病非不良  
於步履余意君肘後方活人無算豈昧於養生者  
惟是性好容飲常至夜分爛醉乃罷又贈遺酬答  
纖毫不苟坐是勞憊致疾靜攝當有瘳耳二月朔  
札來余開械知君疾猶未減夜即挑燈走筆作七  
言歌行書之冊端丁兼程到鄂詩稟至而君逝矣  
君往年爲戴君乞言戴君方臥病稟幸至伏枕聽

居業齋文稿

卷十九

祭文

共

兒輩朗誦而瞑君寄書爲余言之如是余故亟欲  
此稟之達君曾幾何時而君不待也嗚呼痛哉君  
妻吳賢能贊成君孝友大志治具延客又成君名  
君之從子及諸子雁行遵家訓又好學能以文鳴  
九原可作夫復何憾唯是悠悠世路朝炎暮冷朋  
友之交有終爲難若余兩人庶幾近古而一旦明  
冥憂絕也能不悲哉多難薄奠質言之以將也嗚  
呼哀哉

周念劬祭文

嗚呼天壤間之勞人至於念劬而蔑以加也哀哉

當吳逆賊黨緹成德圍平南念劬尊人死難之歲  
念劬爲余伯兄子壻贅於吾家聞變奔喪人以道  
梗難之念劬灑泣西征間關萬里穿灌莽之墟入  
虎狼之穴九死一生而達先人槨墓之所更殫禮  
殯以受平南人弔唁一告哀於廣西巡撫忠毅傅  
公公具疏且上尋以討賊力戰而死再告於都御  
史郝公郝公忼慨奏聞九卿動容僉議卹典塋  
祭分少府之錢贈階晉僉事之列廕入冑監例官  
縣令是時念劬毀瘠平南人以歸里爲難而念劬  
扶櫬東征至九江而權厝形容委頓鬢眉僅存然

居業齋文稿

卷十九

祭文

七

檄至則襤褸被上京師伴身一童豎耳比及邸舍出  
無燕市酒人之游入無上計吏盤旋勞問之雅斧  
水浙米其糴已甚至於除目下得廣東之鎮平僚  
從不增一人幕客不設一席念曰百里之任良艱  
且鉅儻何以不忝先大夫至是身雖稍稍逸而神  
愈勞也及之官則以潔身愛民爲官箴以夜思早  
作爲日課以徵發無須臾之停緩錢穀倉廩無纖  
毫之蒙溷爲月要歲會鎮平人籍籍稱其勞兩視  
篆於平遠平遠人亦籍籍稱其勞上官聞而賢之  
曰勞吏也然勞極而疾作矣夫他人之疾也必有

其因或以聲色之好或以長夜之飲或以游公俠  
宮彈琴說劍失起居之恒或以暴怒躁急傷肺時  
之和或以登臨歌舞失寒暑調劑之節此數者念  
勉無一焉而何以疾也其疾也非勞而何以致也  
疾甚而區處後事冊籍井如箴誠秩如下逮臧獲  
之驅使注厝罔不森如是疾以勞而致勞以疾而  
彌深也而最難釋者先人尚未竟事然處分則已  
周悉生亦勞死亦勞勞何時而息乎嗚呼造物之  
於念勉也當其瀕死之年而生之當其樂生之日  
而死之此不可測者也然瀕死而不令之生則忠

居業齋文稿

卷十九 祭文

大

臣孝子有餘憾樂生而竟不速之死則膏粱文繡  
無了期盈虛消息理有固然此可測者也且人亦  
視生理耳生理無愆雖死若生不忠不孝之人即  
登大位躋壽考而享受訖於其身忠孝之家則往  
往畜於身而裕於其後也念勉有子子且抱孫周  
之宗自是方大而平南之澤寧有極乎而余所痛  
者念勉既勞於生復勞於死為天壤間不多見之  
境遇而不得以尋常誄詞舉似之者也今茲之言  
微似蒙莊之作達而西銘之至理寓焉念勉其能  
聞之否耶

九

居業齋文稿卷二十

廣濟金德嘉會公

雜著

紀異

李子來自漢陽為余言解舉人兒死復生事甚奇  
舉人居漢口貧事母孝兒甫一歲母弄之輒喜一  
夕忽中驚風暴死家人瘞之郭外叢冢旁詰朝有  
田父荷鋤過聞冢中兒啼以為恠田父兒墮至發  
冢視之生兒也道逢一婦人語之故婦指兒絳紗  
袍此必貴家子老父其界某所尼鞠之便田父抱  
居業齋文稿 卷二十 標著

兒去遺一履婦拾之以歸後竟如婦言鞠兒尼所  
當是時舉人母老矣舉人有一女使冠男子冠以  
娛母母顧之時一笑然每念女孫非男也輒泣伏  
臘及兒生辰母或對案不能食舉人亦泣不食居  
亡何市上有老翁似通術數者數為舉人言兒在  
舉人不信已有神降乩判漢陽數事首及舉人兒  
在舉人又夜夢神告兒在在某所今就塾矣舉人  
曰信旦如神言走尼所問尼尼匿之弗得則往尋  
田父田父死矣故發冢兒尚在牽引拾履婦婦在  
履在漢上人從而觀者如堵尼乃以實告絳紗袍

亦在也舉人於是厚酬鞠兒尼以兒歸拜母堂下  
母乃喜食如常死兒復生生不相見者數年乃以  
神夢復得娛其大母聞者以爲舉人孝宜有是也  
然則至孝動天不信然耶舉人名乾濬以庚子舉  
於鄉

驅瘧文

丁巳之歲冬十月壬申病瘧十有一月甲戌丙子  
劇余乃焚香危坐捉筆爲文章于汲宋井水灑以  
桃荊而驅之曰瘧行秋令涉冬則過人亦有言禍  
避而大矢石戈矛蹂而躡我瞬息昏旦枕席水火

居業齋文稿

卷二十 雜著

二

伐我髮膚侵我肌骨撓我膏肓鏤我手足榮衛虎  
爭長平鉅鹿賸理蠶起赤眉青憤嗟哉藐軀違此  
剪伐謂天蓋高不省顛越虎則有侯瘧則有鬼福  
善禍淫上帝之紀撓棟豐蔀虎皮羊質是曰無良  
汝曾弗殛圯毀堂梅情祇甘旨是曰悖德汝曾弗  
理怙倭蔑義暴殄天物汝害其盈曾未湔袪機弄  
城府盆覆影射汝瞰其室曾未禍謫雌黃軒輊厥  
惟利口汝則弗懲士罹於咎纖芥誅鉏厥惟竭澤  
汝則弗戒民濱於阨凡百大慙網漏吞舟憑陵善  
類鼠竊狗偷騷舉冥趨曾不內顧再至三至輕車

熟路維天有監不食碩果汝背天行帝曰不可  
汝典刑竄汝海隅汝游廣漠歸於虛無四海寧謐  
烝民以康淳龐壽考虞夏義皇言既畢悠然如寐  
頽然如醉若然而身輕霍然而神滌振冠馮几陶  
陶視息已而歎曰上治不兵消患未萌天下有道  
垂拱廟庭至人返照固蒂葆真清心寡慾久視長  
生

贈瞿大若詩小引

黃梅瞿道弘大若手其大父父伯父殘書過余江  
上草堂聘君慕川先生其大父也伯父孝廉甲字

居業齋文稿

卷二十 雜著

三

太初父崖州知州罕字曰有家藏著述凡十六種  
百數十卷會黃岡陳省齋徵刻全楚文獻錄工垂  
竣適值兵變武昌書遂散亡都無副本孔廟禮樂  
考四冊當未亂時有人從書局借鈔亂後書具在  
也然亦不可復得語次酸楚不自勝蓋羣書散亡  
他日猶萬一庶幾遇之若借鈔者則絕望矣黃梅  
楚北孔道也往者獻賊蹂躪左良玉亂兵劫掠所  
過往往爲墟當是時瞿家藏書幸亡恙久而亡於  
徵文考獻之日抑獨何歟孔廟禮樂聘君萃萃拮  
拾將以公諸天下萬世也今則如賈胡之居奇貨

韞積焉耳矣九原可作聘君能無恫乎按聘君事具列廊廡所作傳其所著易書詩春秋禮樂各有以俟錄中庸口授中庸位育圖洪範衍義仁統孔門溫解和燮圖實用編時務表邊畧萬曆武功錄做古編舊文編土俗章程肖玄錄佛鑰孔廟禮樂考明詩擬幽贊錄文莫堂集紀思錄言善錄知命篇曆正同仁手札後甲之舉賢書也甫十九歲所著有與善堂草赫蹏編伏闕稿遺孝錄忠志錄罕少侍父博通五經廿一史諸子家言爲父訟冤及請謚凡五伏闕取先儒朱文公所訂孝經古文旁居業齋文稿卷三

卷三

四

采諸籍爲考經貫注二十卷朱子刪者仍注後存餘三卷古今文篇次不同考異一卷敘作經注經歷代取士進講對問三卷崇禎七年進呈上命刻頒天下學宮十二年授廣東崖州知州嗚呼瞿故無班氏賜書也而纂著之富有若此君子以爲難垂百年矣而一旦忽焉失諸可勝痛哉大若奔走購求零編隻簡顏曰瞿山世業而孔廟禮樂考究以勢位濶絕懷刺漫滅每一念至嗚咽而已余因此以告天下之爲人子而能讀父書者苟無副本慎勿驟出以昇人也

示兒啟汾

讀書古勞而今逸蓋備物致用古不如今者多矣古未有楮惟書之簡端竹則汗青而貫以韋韋最堅韌而大聖人學易至於三絕則勞可知矣漢給尚書筆札札亦簡屬也揚子雲采絕域方言用三寸油素油素當如今粉板古未有高坐竹素膳書席地盤辟良苦曰汗牛曰充棟重且多也迨蔡倫造楮而鈔謄始便五代馮道請鑊板傳播始廣汴宋設高桌而坐起始安後人事事逸於古故言曰趨繁唐繁於漢宋繁於唐勢使然也然自楮墨便居業齋文稿卷三

卷三

五

於嗜古家而鈔書者不可勝數南史王筠元禮七歲能屬文其自敘云余少好鈔書老而彌篤讀五經皆七八十遍愛左氏春秋吟諷常爲口實廣畧去取凡三過五鈔餘經及周官儀禮國語爾雅山海經本草并再鈔于史諸集皆一遍未嘗倩人假手宋尤尚書袁淳熙名臣每公退則閉戶手鈔古書其子弟及諸女亦鈔書一日謂其子曰吾所錄彙而目之飢讀之以當肉寒讀之以當裘孤寂讀之以當友朋幽憂讀之以當金石琴瑟嗚呼二公之勤如此若容齋隨筆弁洲筆記升菴丹鉛諸錄

苦心手無暇晷吾嘗有志而未逮焉今老矣書此以示兒曹尚勉旃哉

### 與萬生遠誠論讀書

世傳槧板始於馮道後之學子賴之然古人逢一秘書輒乞假鈔謄諺云借書一瓿還書一瓿是也自槧板書出書賈列肆買書之路漸廣則鈔書之人漸少富兒求之高閣全不措手千卷萬軸亦復何益士習媮古學廢大可歎也然人亦視乎所志李唐趙宋有以鈔書名家者指數不盡未嘗不在槧版大行之後也明弇州筆記升菴丹鉛諸錄大

居業齋文稿

卷二十

雜著

六

都目之所及手即隨之下子夏所謂日知其所亡月無忘其所能也虞山列朝詩集每人一小傳言一名士收窮鄉老儒日廩月餼蒐獵古事成編以傳四遠此又鈔書中一新局然亦勤矣士大夫難得一勤字當八股取士之日而猶探研經史務為有根柢之言生刻書盛行之後而仍邂逅追尋貫穿稽粹何以故不忍以飽食終日畢其生平也程子玩物喪志語專為學而不思者針砭非謂人不當學其案頭一部唐鑑晨夕省覽以為治忽興亡可為後來法戒豈真以靜坐捐棄書籍者哉潯陽

萬生遠誠過余草堂偶見古逸書便伏案撮錄成編余獎其勤也生方往成婚禮於外舅石家余告之曰昔呂伯恭新婚杜門兩閱月成東萊博議一書人初疑其學有間書出而後歎服其勤也生其勉乎哉

### 與傅生論讀書

讀書大事也而以科舉文字當之則其塗至隘而其用亦至纖矣春秋時周禮在魯典墳丘索楚左史能讀之故其時列國名卿賢大夫皆有辭命可觀遭秦火中絕漢儒拾殘補缺於灰燼之餘用專

居業齋文稿

卷二十

雜著

七

門名其家其師友講習皆殫精畢力於學晉時汲縣耕人發蠅斗竹書於冢而海內好古之士益有所据依唐人應制家攻選學未有枵腹而自命書生者迨宋濂洛關閩諸大儒出則聖學中天矣王半山欲以其新學籠絡天下暫行之而旋廢以此知天壤間讀書種子未嘗須臾絕也明以八股課士其初三場並重績學者亦可以自見於世即以八股言先輩大家皆沈酣經史而稍稍發為文字啟禎間科有名家家有傳稿其言各如其意所欲出未有枵腹而言時文者艾東鄉廓清於子書縱



橫之日其選文大有功於來學驅子書焚錯之材而歸六統則學日勤而爲工逾刻即欲榜腹向人不可得矣自油腔滑調之選行於閨闈而後生不知學爲何事如優人之坐場搬演箱篋一朝如是終歲亦如是嗚呼書至此豈非一大厄耶項之童子試用小學論一篇觀其言卜其行也乃論不由單行之體不講起伏照應收繳之法而仍以俗下時文充之師以是爲訓弟子以是爲肄無他不學之過耳

功令以科舉掄天下之材而爲科舉之文者不務

居業齋文稿

卷二十

雜著

八

學以出是徵白槩而應以麤麤也夫麤麤不可以衛生而區區油滑之文字乃可以卒業乎然則以時文爲讀書之極詣者誤矣傅生鈞受業吾從子啟江之門以文來質余壯其言之殊於流俗而漸其進於學也爲是說以勉之

示外孫胡仕宁

仕宁索書外王父臨池故不工而無益之言又不可以垂訓也撮其切要於身心者示之時方夏五告之曰深耕易耨農夫之勤苦極矣士有學爾飽食終日何所用心試自省焉昔三百有六句唯

且行禮春秋展先墓其餘則皆學日也日有課早起讀書午間何書午後何書夜挑燈何書譬諸續由絲至寸由寸至尺由尺至段由段至足古人之言讀書以此也書有句讀文氣未止而小停當中一團文氣止處從旁一團聲有平上去入即如大學聖經中治字一也朱子於先治音曰平聲於而后國治音曰去聲何故豈虛設乎句讀清則語氣清四聲明則字義明不然而徒索之講章去立言之旨遠矣六經萬世文章之祖也本經客經之說可發一笑經有客乎若曰本經則治之當極精居業齋文稿

卷二十

雜著

八

矣詩經中下字俱當音戶朱子用吳才老韻補注出若讀作春夏之夏便不叶易之象傳雜卦且有韻而詩乃無韻可乎讀書當識章法秦漢文不言章法而章法具存唐宋諸大家起伏轉捩照應收繳章法井然矣書爲六藝之一古小學與禮樂射御數並習今祇書一事而不講耶取說文玉篇廣韻諸書鑽研字義而書法則以二王爲宗古人學書有臨有摹有搨法帖掛在壁鋪在几靜觀有得而仿之謂之臨用薄紙覆而書之謂之摹厚紙影照而書之謂之搨窮工而後極巧未有一蹴而至

者小楷不精遽言行草諺所云先學走也躓於埵矣詩無盡境能者學之然學之一字極難惟學然後知其難動言我能作詩者妄人也雞鳴而起輒有萬不能已之事今日待明日至明日又待明日待之一字誤人生平不少士爲四民之首而學不力者無課也勤歟惰歟工歟拙歟父不能必之子兄不能必之弟師不能必之徒是在已而已矣

### 與劉生沁水論學

宿渠劉侯讓夫過草堂小飲對雪令似正璜沁水侍自升階以至於出門秩秩有序亟稱之曰大器

居業齋文稿卷二十

禮著

十

也越二日書此與論學凡五則一曰定志志也者心之所之也古人志在立身而成就不止於一身故毅然有所必爲志在用世而昭垂不止於一世故介然有所不爲能爲是謂才能不爲是謂守有才守是謂完人廉頗藺相如千載後猶有生氣胡廣趙戒自李固視之直糞土耳然則人亦安可以無志哉一曰課工有日課有月課有年課今日待來日則虛度一日矣今月待來月則虛度一月矣今年待來年則虛度一年矣古人購書極難假借到手輒鈔故多強記自鏤板印行家戶都有然

而累篋聯箱束諸高閣竟無益矣鄭畊老勸學記云毛詩尚書周禮禮記周易春秋左氏傳論語孟子孝經大小九經合四十八萬四千九十五字旦以中材爲率若日誦三百字不過四年可畢全在日積之功耳里諺云積絲成寸積寸成尺尺寸不已遂成丈疋其言之切要如此余舉此以課工其如農之有畔乎一曰草筆言生於心筆心畫也學校貢舉取士以區區之時文而太義微言障蔽於邨俗之講章精華果銳挫抑於荒唐之坊選譬諸矮子觀場人笑亦笑人罵亦罵譬諸跛夫上道欲

居業齋文稿

卷二十

禮著

士

前不能欲退不果士無實學世鮮真才大可歎也若夫豪傑之士不肯隨時俛仰則必自名一家生蜀人也請言蜀揚子雲之與竹蘇子瞻之清俊絕不相類然其名具在天壤豈非筆爲之哉一曰慎交入芝蘭之室襟帶俱馨墮溷廁之中鬚眉都惡近朱者赤近墨者黑皆不知其然而然也士之濡染莫切於友二十一史內志符道合相與以有成者不可勝數第舉一同而異者言之管幼安華子魚並漢名士共硯觀書一朝割席非有大故也一顯者冠蓋過門幼安坐誦自若而子魚趨走望之

鉏菜見金幼安弗顧子魚拾之掌良久乃擲去趨  
向一殊品詰遂別其後子魚位極卿相而行事玷  
汙汗青幼安辟地遼海歸而屢却徵聘而一卓帽  
一木屨至今詞人引入詩句灼灼有光是以君子  
於交友之際不可苟也一日拔俗習俗移人賢者  
不免自古志之清談美名而王何之徒倡以禪晉  
盪滅禮法淪胥江左齊梁世族麀尾望若神仙而  
倩人答策假手賦詩顏家家訓引爲口實馬冀巷  
王姓子弟恭謹質樸學行見稱於人蘇端明曰冀  
至賤也有時因人而貴由此數事以觀士亦貴自  
居業齋文稿 卷二十 雜著

立耳豈以詹詹諧俗爲能哉此五列者祗行績學  
畧有基本而設施注厝因乎時潛躍卷舒任乎遭  
日新富有其益无疆生勉乎哉  
丙戌初夏贈明經詩中有貞觀永樂語汾子  
問故走筆示之

嘗讀震川歸先生之敘經敘錄而歎我生之不幸  
也其序畧曰昔孔子修述先王之經以教其門人  
傳之世世遭秦燔書漢儒存以繼絕不遺餘力自  
此六藝稍稍備具太常之所總領凡四十博士天  
子時會羣儒都講親制臨決所以網羅遺佚博存

衆家其意遠矣唐貞觀間始命稗章句爲義疏定  
爲一是於是前世儒者僅存之書皆不復傳蓋唐  
人重進士之科而經學幾廢故楊綰鄭餘慶鄭覃  
之徒欲拯其弊而未能也宋儒始以其自得之見  
求聖人之心於千載之下然雖有成書而多所未  
盡淳祐詔下其書大行於世元遂用以取士本朝  
因之而學校科舉之格不免有唐世義疏之弊非  
漢人宏博之規學士大夫循常守故陷於孤陋而  
不自知也震川之論若此蓋有慨於永樂大全之  
書而猶未顯言迨崑山顧寧人日知錄出則訟言

居業齋文稿

卷二十

雜著

三

攻之矣其於四書六經原委考摺俱晰而中言詩  
經大全全襲元人劉瑾詩傳通釋第改其中愚按  
二字爲安成劉氏曰而已當日儒臣奉旨頒發錢  
給筆札書成之日賜金遷秩所費於國家者不知  
凡幾而僅取已成之書鈔謄一過上欺朝廷下誑  
士子唐宋之時有是事乎豈非骨鯁之臣已空於  
建文之代而制義初行一時人士盡棄宋元以來  
所傳之實學上下相蒙以養祿利而莫之問也經  
學之廢自此始矣余旣以抱殘守闕爲耻有感於  
震川之言至觀日知錄而愈歎我生之時之地真

不幸也漢專門名家鉛槧自唐義疏列在學官而不收者盡委諸草莽矣宋元諸儒載籍極博明大全行則一切淹沒之義疏猶參伍貫穿自成一家言大全則纂著無絲毫力趨愈下矣窮鄉下邑不獲請益於直亮多聞之師友而家無擔石之儲即欲購書而不可得垂老無成攬鏡滋媿繼自今旁搜遐採殫力實學兒曹尚勉旃哉夫十三經之有義疏人稱之而漢魏以來諸家之所倚據實掃際於義疏單行之手也六經四子之有大全人稱之而宋元以來諸家之所發明實絀漏於大全告成居業齋文稿卷二十

標者

之曰也此其事非君相之所能為而文運之魁柄則君相操之貞觀永樂之主皆黷武而未遑文教而為之佐命者亦鮮著作大手故名為表章苑苑而適以晦之可歎也若至元和之代宰相稽古右文而使昌黎操觚李翱張籍孟郊皇甫湜之徒輻湊並進其所就必不止此王忠文不死事方正學不罹大獄而受旨於宋文憲公發凡起創勸成一書則王相金履祥吳澄趙訪之緒論其於行間字裏豈止草草若是得失一朝流傳千載大較可觀矣學者讀書論世可耳食焉已乎

卷二十

居業齋別集目錄

卷一 論

安不忘危論

聖德脩而萬民化論

聖人定之以中正仁義論

無欲故靜有主則虛論

立綱陳紀論

卷二 賦

經史賦

瀛臺賦

居業齋別集目錄

秋夜讀書賦

葵賦

玉馬風聲賦

閨月賦

黃鶴樓賦

太和山賦

江漢合流賦

翰林育材賦

水亭賦

石牛賦

卷三 頌 壽序

幸闕里頌

勤政頌

平海頌

黃連山壽序

萬又月壽序

胡母丘太君壽序

卷四 表

擬上尊號謙讓弗許表

擬進日講易經解義表

居業齋別集 目錄

擬纂脩三朝國史表

擬進景福頌表

擬舉博學鴻詞表

擬進大清會典表

擬卹刑表

擬 駕幸闕里表

擬重刊性理大全文獻通考表

擬舉行畊籍大典表

卷五 策 策問

殿試策

治道心法

吏治

河圖洛書

理學

弭盜

樂律

卷六 傳

永興教諭萬君家傳

張同知家傳

何小崑家傳

居業齋別集 目錄

胡欽若家傳

石溪居士家傳

怡雲隱者家傳

何令聞家傳

李母張太恭人家傳

桂東知縣李君家傳

卷七 四六

與楊筠湄督學啟

移賜錢桐城馬先生啟

與荆南道鄧公啟

與蔣學使啟

賀座主澤州陳公入相啟

韓城張太公暨配薛太君徵言啟

吳母唐太君徵言啟

楊封君徵言啟

贈太常寺卿遵化李公徵言啟

復程總戎書

與李州牧書

再謝李州牧

復王璠博

居業齋別集目錄

謝喻制府啟

賴灘詩序

白雪亭詩序

和秦遊詩序

卷八 四六

靜觀亭序

饒臥侯詩序

翟叟詩序

石牛詩序

喜雨詩序

東沈樂存東粵使院詩序

盧時夏制義序

對菊倡和題詞

梅花詩題詞

江侍御壽詩序

訪藍明府詩序

江防詩序

容園序

黃鵠山人壽詩序

張州牧壽詩序

居業齋別集目錄

上巳楊園雅集跋

書陳雲卿冊子

敬業堂約

友道楷模

呈請舅氏大復李先生入鄉賢祠

呈請內鄉于先生入鄉賢祠

呈請建平知縣胡紫山入鄉賢祠

卷九 祭文

祭周雨山文

祭毛孝瞻先生文

祭座主合肥李公文

祭姚中丞文

祭蔣學使文

祭余封君文

祭蘇苞九文

祭方鶴軒文

祭武允安文

祭胡石存文

祭毛忠穆文

祭吳中望文

居業齋別集 目錄

祭郭集五文

祭王孺人文

祭江孺人文

祭阮孺人文

祭長恩神文

卷十 雜著

懲僞

陸舫圖說

冷齋說

江風說

六

善貧說

三誠

代僧告諸文士文

代某州牧募疏

茶亭小引

東城寺募疏

四洲祠募疏

僧寄瞿傳

谷巷詩序

牧顛詩序

居業齋別集 目錄

牧顛募疏

七

居業齋別集卷一

廣濟金德嘉會公

論

安不忘危論

聖王之治天下所以祈天永命建久安之勢成長治之業而能綿億萬載无疆之曆服者惟此敬天之心爲之也天命人君以天下非曰崇高富貴之而已將以天下之大天下人之衆於人君之一心統之而人君之心往往憂勤於戡亂之始而逸樂於莫安之後抑思天下之所以致此安者豈一朝

居業齋別集

卷一 論

一夕之功而一手一足之力乎夫天之仁愛人君蓋嘗警戒之矣苟思及於前此之警戒而深宮之中廣廈細旃之上有一息之晏安而不能者以此爲祈天永命之實而天之仁愛人君於是乎無已也昔者聖人作易以教天下於苞桑之誠三致意焉而有曰安不忘危誠萬世有天下者之鑑也請申之今夫天下之幅員如此其廣大也天下之車書如此其輻輳也天下之武功如此其赫濯而文德如此其昭宣也進言者曰天下已安矣而聖人曰未也安而思其所由安焉昔何以紛紜而今何

以統壹也昔何以旁午而今何以寧靜也昔何以命將出師轉餉運饋之勞而今何以山梯海航廟廊高拱之逸也此固天心之仁愛爲之而其所以憂勤惕厲宵旰不遑對天命而凝天休者亦實有其道矣若之何忘之夫怠荒之戒詳於唐虞之君臣而幽風之詩無逸之書諄諄於成周之世古者草昧之天下至唐虞而安燮伐之天下至成周而安而當時之君若臣曾不以其安而少懈者何也則安不忘危之心爲之也三代而後漢懲秦之孤立而以分封太侈而至於危東漢懲西京之權臣

居業齋別集

卷一 論

二

而以夾輔卑弱而至於危魏危於肺腑之猜嫌晉危於清譚之誤國唐之危也以藩鎮宋之危也以兵力寡乏而明之危也以羣臣之門戶要其所以致此者固由運會使然而亦人君居安忘危之心有以啟之也若夫聖王之治天下則不然早作夜思罔即於豫急至於盤盂有誠戶牖有箴刀劍几杖有銘凝承輔弼妙選天下之端人而封疆之大吏其難其慎以使之官不界私人惟其能爵罔及惡德惟其賢六計課吏而統以廉九式用財而要

以節三刺詳刑而加之以矜恤四時講武而馭之



以整暇盡其兢兢業業一日萬幾即可以稍自暇逸而猶不敢康者則以安不忘危之心爲之也夫如是則大綱小紀燦然允釐兵以不用而威財以不聚而足官以不冗而當賞以不僭而人悅刑以不濫而人服法度以不紛更而畫一人材以不惰廢而奮興而天祖以臨之忠諫以匡之防微杜漸以保之於以祈天永命而綿國家億萬載无疆之曆服豈非敬天之一心有以操其本而握其要也哉故曰一人元良萬邦以貞

聖德修而萬民化論

居業齋別集

卷一

論

三

聖人之治天下使萬民咸若其天而已蓋天下至大而萬民至衆也天治之不如聖人治之何則陽生陰肅一氣而已至聖人而始有其事以此知天心之仁愛萬民而生聖人也然聖人代天而有其事育之正之日孜孜於萬民矣而終不敢以爲己之有所加於萬民夫其不敢以爲有所加於萬民者則以萬民自有之理而天心之在萬民如一民也當是之時萬民之受治於聖人也亦已至矣而未嘗曰聖人治我是故萬民日戴天而莫能名天也日受治於聖人而莫能名聖人也化矣哉周子

曰聖德修而萬民化此之謂也今天之爲德也無心而成化焉聖人舉事必求其端於天夫求其端於天者聖人敬天之學也而合其撰於天者則聖人及民之德也聖人曰吾繼天立極而子萬民萬民之咸若其天若金之鎔於冶也若土之甦於陶也若鳥獸之孳尾於春希革於夏而號於秋冬也予一人何德之有焉雖然聖人之所以致此於萬民者亦非旦夕之故矣民不自育惟聖人之德有以育之是故賢者育之於三公九卿二十七大夫八十一元士之位矣其樸者育之於野其秀者育之於學其操作者育之官府之肆而其貿遷化居者育之日中之市幼穉者育之布帛粟米高年者育之爵醕袒割罷者育之郊遂寄棘而遐遠者育之象胥鞮譯海隅日出之鄉蓋聖德之汪濊若斯之盛也匪惟育之而已而又有以正之其在

上者正之以都兪吁咈幾康咨儆兢兢業業皇皇如也而下焉者正之以豳風月令之時正之以禹貢周官之法正之以擇人之誦志調人之止爭太師之采風司市之納賈正之以孝友睦姻任卹之鄉物正之以大司成樂正司馬之辯論官材正之

居業齋別集

卷一

論

四

以大冢宰之幽明陟黜正之以大司寇士師之刑  
獄正之以職方氏大行人之車書文宰聖德之於  
萬民裁成宰制而不過者又如此當斯時也師師  
在廷濟濟在位士食舊德農服先疇商循族世工  
用規矩老耆壽終幼孤遂長罔圉空虛至於刑措  
而東西南朔聲教訖四海於是秉五禮備六樂薦  
九廟懷百神觀明堂臨辟廱登靈臺俯仰乎乾坤  
參象乎聖躬而無偏無黨遵王之路不識不知順  
帝之則者萬民也非聖德之修而能若是之化乎  
是以聖人之世陰陽和風雨節年穀順成庶彙蕃

居業齋別集

卷一 論

五

廡河洛出圖書應鳳在郊藪醴泉甘露卿雲芝草  
史不絕書而聖人曰此天道行而萬物順焉耳予  
一人何德之有焉噫此聖人之誠也周子所謂誠  
者聖人之本其以此夫

聖人定之以中正仁義論

聖人者天地之心也太極者聖人之心也曷言乎  
爾天地無心而成化聖人有心而無為故曰聖人  
天地之心也天地之間一氣而已而分而為陰陽  
為五行為四序為男為女為萬有不齊之物此各  
一太極也而陰陽五行四序男女萬物要之統一

太極也然有無知者焉有日用而不知者焉有只  
仁見知各得一隅而目為全知者焉惟聖人則渾  
然具備也故曰太極者聖人之心也周子太極圖  
說有曰聖人定之以中正仁義是言也為太極言  
之也今夫人之有是太極也果何如哉寂焉而不  
淪於無也感焉而不滯於有也大極於無際而無  
不通也細入於無倫而無不徹也前乎萬古而無  
不溯其始後乎百世而無不要其終也若之何欲  
動情勝利害攻取憧憧焉擾之久之而通者塞焉  
久之而全者偏焉冠履方而實則與物無異也

居業齋別集

卷一 論

六

夫天之愛人甚矣豈其畀以二五之精而使之淪  
胥焉以此至此極也嗟乎不有聖人何以定之哉今  
夫聖人者道之運也理之會也陰陽之度也萬物  
之紀也曰生知曰安行曰文武聖神曰位育參贊  
其名為天下萬世之所不敢望要之其心渾淪太  
極耳而天下之故常感通乎寂然不動之中蓋中  
也仁也寂也太極之用所以行也正也義也感也  
太極之體所以立也試思夫太極一焉耳原於一  
而衍之為萬極於萬而復歸於一若此者豈非靜  
亦定動亦定哉聖人之定也亦若是焉則已矣行

之也中處之也正發之也仁裁之也義有不知其然而然者何也太極也仁者善之長中者嘉之會義者利之宜正者貞之體如環無端如川流之不息者何也太極也正合於中中正合於義中正義合於仁合同而化萬殊而一本者何也太極也故曰太極者聖人之心也不然欲動情勝利害攻取憧憧往來朋從交感而何能定哉然而古之聖人止曰中何也蓋天有三百六十度而樞爲中也地有九州萬國而河洛爲中也曆有晦朔弦望歲縮閏餘而冬至子半爲中也樂有五聲六律七音八

居業齋別集 卷一 論

七

風而黃鐘爲中也推之度生於黃鐘之長量生於黃鐘之容權衡生於黃鐘之重而要以黃鐘之宮聲發於自然柷黍之中數不爽毫髮者爲中也然則周子亦言中足矣而又曰正也仁也義也何居曰古聖人之所謂中者專言之也天下之大本也周子之所謂中猶四德之禮焉耳正也者智也智斯中不智則弗中也仁斯中不仁則弗中也義斯中不義則弗中也故中正仁義並言之也然中而後正不中則弗正也中而後仁不中則弗仁也中而後義不中則弗義也是故中正仁義序言之

也執中建中言中自尚書昉也知進退存亡而不失其正言正自大易昉也孔曰仁言仁自孔子昉也孟曰仁義言仁兼言義自孟子昉也若夫合中正仁義而備言之則自周子昉也周子之言太極非獨爲聖人言之也爲學聖人者言之也邵子曰道爲太極又曰心爲太極言太極也程子曰體用一源顯微無間言太極也張子曰推行有漸爲化合一不測爲神言太極也朱子曰不離乎陰陽而爲言亦不槩乎陰陽而爲言言太極也聖人未生太極在天地聖人既生太極在聖人聖人即不數

居業齋別集 卷一 論

八

見而太極之理未嘗一息不在天下周子以爲聖人可學而至也嗟乎學聖人者即不敢曰我可爲聖人也獨不得有太極乎哉

無欲故靜有主則虛論

天命人以太極之理而人心能如之則可以事天矣何則天之理未嘗一息不變動於天下而天若不與焉者靜之至也天之理未嘗一息不充滿於天下而天若不有焉者虛之至也二氣于是乎互根五行於是乎嬗代四序於是乎循環人於是乎成男成女而物於是乎生生化化而未有窮也豈

不以靜且虛者爲之極哉聖人以此洗心退藏於密無弗靜也無弗虛也於艮背得聖心之靜焉於咸感得聖心之虛焉要非離動以爲靜而避實以爲虛之謂其謂爲二氣君爲五行宰爲四序節宣爲鬼神明察爲人物盡性立命而聖人者有心而無爲焉若是者何也靜之至也虛之至也善乎臨川吳氏論心學而折衷於周子程子無欲故靜有主則虛之言也而或者疑之人生而靜性也感於物而動其欲也耳目極聲色之好口窮芻豢之味身安佚樂而夸矜勢能之榮於是有不熱而煩者矣有不寒而慄者矣有不見可惡而怒有不見可欲而喜者矣夫以憧憧之心而之乎熙熙攘攘之域靜且虛也不亦難乎而不知君子之所以致此者固有其道矣內重則見外之輕也已大則見物之小也義明則順於境之遭也理達則安於變之值也如是靜固靜動亦靜矣厥惟無欲之故於外無將迎也於內無餘欠也於存無彼此也於發無假借也如是虛固虛實亦虛矣厥惟有主之故蓋害之伏於人心者往往有不知其然而然之勢欲引而滋蔓難圖也主荒而神散散易潰也如是

者心危將矯制以爲無而乍消旋長來莫能禦也將堅執以爲有而外強中乾勞莫能理也如是者心危夫人之有心將以宰制萬物役使羣衆幹陰陽否泰之運挽天人理亂之幾而若之何輟輟以至此乎是故治心者若大帥之克敵然不致於人故整以暇也不懈於已故澹以寧也學至靜虛之候而二氣五行四序鬼神人物之所爲不滯於有不淪於無不墮於方所不淆於紛錯者一以貫之矣乃喜怒哀樂未發時之氣象於何見之西山真氏曰天下之理惟中爲至正惟誠爲至極然敬所以爲中不敬則非中也敬而後能誠不敬則非誠也橫渠張子曰言有教動有法畫有爲育有得息有養瞬有存蓋言敬也朱子曰主敬者存心之要程子曰尸居而龍見淵默而雷聲亦言敬也是故古人之於身也敬以養之目視衽袖耳聽琴瑟步中采齊行中肆夏自灑掃應對以至冠昏喪祭無惰儀焉自日用踐履以至造次顛沛無越思焉敬則無欲無欲故靜敬則有主有主故虛信乎天命人以理而人心如之此羲文周孔之易堯舜禹湯武之書聖賢契伊傳望散之勲業顏曾思孟之

紹述纂修異地而同揆者也後之治心者其尚所衷於此也夫

### 立綱陳紀論

治天下者智餘於身是曰睿知道餘於物是曰天道制餘於朝野上下是曰帝制功餘於子孫臣庶是曰聖功是故一人首出而萬國由之以咸寧一朝建極而奕禩由之以寡過則立綱陳紀之謂也今夫網之在綱也有條而不紊焉星之從紀也久照而弗差焉而況人君以聖人之德位天子之位居可致之勢操必得之權而宰制寓內範圍創守

### 居業齋別集

#### 卷一 論

士

者乎其曰苟可以爲而止者闇於治忽之大較而自立於無餘之地者也唐虞之聖人平章協和時雍風動豈非卸隆之治哉然兢兢業業一日二日萬幾其爲天地立心爲生民立命爲千古闢草昧爲萬世開太平者惟是明父子之親君臣之義夫婦之別長幼之序朋友之信蓋大綱若斯之重也而授人時平昏墊播百穀明五刑謹納言治工虞典禮樂紀之陳也又如此三王之王也彞倫攸敘人紀肇修睢麟精意官禮法度所以立綱也而貢助徹以爲養庠序校以爲教子丑寅之殊其朔忠

質文之異其尚其陳紀也豈不較著與今夫天下如此其大也天下之人如此其衆也天下之理猶紹述如此其遠也而宰治者身智弗餘焉受治者物道弗餘焉待治者朝野上下子孫臣庶制與功弗餘焉不亦難乎人君之治天下非必襲古人之成蹟也非必矜天授之絕質也非必馳騁乎兼容並包參兩登咸之顯號也然而師古之意法天之行裕兼容並包參兩登咸之量則惟綱紀乎是微是故有堯舜禹湯文武之智斯有堯舜禹湯文武之道有堯舜禹湯文武之道斯有堯舜禹湯文武

### 居業齋別集

#### 卷一 論

士

之制有堯舜禹湯文武之制斯有堯舜禹湯文武之功若曰苟可以爲而止也其何以立於有餘之地乎哉

### 立綱陳紀論

中

綱曷言乎立也天下萬世莫能踰焉故曰立也紀曷言乎陳也天下萬世莫能消焉故曰陳也表立而影從鵠立而矢赴範立而器成鑑陳而妍媸形衡陳而輕重得度陳而短長分之數者形而下之器爾且有以周乎天下萬世矧聖君賢相與卿大夫謀之旃厦布之象魏載之冊府者乎而何忠乎

天下萬世之踰之而消之也然非天下萬世踰之  
之爲患而我實有以立之之難非天下萬世消之  
之爲患而我實有以陳之之難果能厚天下萬世  
之生正天下萬世之德定天下萬世之命若天下  
萬世之性而立於不仆之地陳於不貳之方者在  
我矣然而三代以後鮮善治者何哉則以本之不  
建而矯枉過正之勢往往而失也秦矯周之文弱  
漢矯秦之孤立光武之矯哀平魏之矯漢晉之矯  
魏各有畸重之勢而其失也即在於畸重之中唐  
貞觀之治厲精矣然目舉而綱不正宋之興也厚  
居業齋別集卷一論

三

立綱陳紀論下

致天下之治者人材也維天下之人材者綱紀也  
大法小廉而賢者得以效其公忠於國漢治之所  
以近古也變政易令而不肖者得以引其私人於  
朝宋治之所以衰弱也然則綱紀之繫於人材亦  
大較可觀矣天無言而日星雨露風雷各效其職  
焉天非日星雨露風雷無以布其好生之德於萬  
物人材者天子之日星雨露風雷也是故天子之  
於人材太上養之其次激厲之其次整齊之夫誠  
養之於家塾黨庠之地月吉讀法之時閭閻族師  
之人司徒司馬樂正之官而獻之天子之廷夫人  
居業齋別集卷一論

古

隱其意於教養之中而厚其積於風俗人心之內誠非後世一切之治所能及也夫惟聖君賢相察天下綱紀之所在與海內正誼明道通達國體之儒日相講求其利於天下者爲天下因之其害於天下者爲天下革之天下有未然之幾鑒於古而預爲防之天下有將然之勢辨於微而力爲砥之有不可變易者立臣民遵循之極有不容簡陋者昭太平潤色之文本乎民彛順乎天則而無事於矯拂之勞布爲道揆習爲法守而無事於紛更之說此則人材與綱紀相維而治保邦百世不易居業齋別集卷一論

之道也夫

居業齋別集卷一終

居業齋別集卷二

廣濟金德嘉會公

賦

御試經史賦有序

臣聞德貫三才賴繼往開來之聖道周萬世藉經天緯地之文粵若虞廷夏代商祀周年之淵源肇於庖羲之畫至於體國經野班朝蒞官之綱紀代有柱下一書其傳心也如日星江河之運行而不息其紀事也若雨露霜雪之被物而無私義固精於折衷功實由於閱覽蓋經以順性命之理言取居業齋別集卷二賦

其有常史以明治亂之原事要於徵信此人心之統會而道法之權輿也夫合二帝三王之傳立百官萬民之極維茲經史實亘古今欽惟我皇上又思澄哲典學緝熙六合同風四表光被矣臣備員石渠燃藜虎觀愧乏蘭臺之筆竊窺金匱之藏謹拜手稽首爲賦以獻其辭曰

維兩儀之法象蔚雲漢而爲章伊人文之化成實亘古而未央龍馬呈而易以出精一肇而書以彰四始六義之蘊蓄三千三百之周詳治朝治野周禮垂一王之法立愛立敬孝經鍾百行之詳言六

藝者折衷於尼山泗水肄麟經者衍溢於公羊穀  
梁七篇以魯論爲祖述儀禮與周官爲紀綱人官  
物曲纖悉於爾雅之目博聞強記罄折於經曲之  
場斯性真之總萃亶學海之汪洋若夫司馬宕逸  
於西京班掾典贍於東漢乃史局著作之宗亦詞  
臣觚翰之冠嗣後則蔚宗沿二京之流陳壽振三  
國之畧晉書駢麗於房喬宋書繁蕪於沈約子顯  
魏收令狐百藥後先纘承斐然有作南北史芟繁  
就於簡新舊唐取新從其確姚踵事於父子魏濟  
美於君臣永叔備五代之錄後斯存二季之聞宋  
居業齋別集

濂編年於元代鄭曉記事於有明是皆彬彬郁郁蔚蔚芬芳然而網羅富於涑水褒貶定於考亭若妍媸之入藻鑑譬輕重之歸權衡論世者於斯而洞若觀火知人者以此而昭如列星凡厥載籍爛然柱下之藏被之風雲卓爾鴻都之庫爾乃九域同春八埏共晝論辟廱之鼓鐘瞻闕里之渠步於是藹藹王多莘莘國秀載考載稽是圖是究潤色乎休明鼓吹乎宇宙是以苞虞毓夏甄殷陶周翔翔乎三皇五帝並包乎八索九丘也爰作頌曰景星燦兮卿雲爛兮日月光華圖書煥兮天下文明

日復旦兮

惟曾臺之岌業表壯麗於紫宮沐日浴月凌雲馭  
風列宿環其表飛霞璨其中右盤拏今白虎左螭  
壇兮蒼龍渟涵沆瀣呼吸穹窿茹四溟之潏潏匯  
八極之鴻濛其下則金鋪鉅砌彤墀玉堦琳瑯碧  
趾珊瑚錦苔面闔闔之閭敞極坤軸之崔嵬其上  
則東峨泰岱西瞰華嶽嵩室南峙恒嶺北擢俯洪  
河以如帶量滄海之一勺列鐘簷於隅隩樹鼉鼓  
於中唐環玆棟以羽衛抗桴楫而虹梁參兩天地  
居業齋別集

矩矱圖方繡錯庠品彙經緯庠陰陽渙五色之炳  
耀萃三靈之輝煌繚以嚴簿侍以虎賁衛以期門  
欣飛懸以玉漏金鏡天門則迺地瀨以悠手捫參  
井肩摩斗牛冷如雨凜爛如雲流歆如搏扶搖羊  
角而上倏如披緌嶺鶴望以遊於是乎素鶻倉鷹  
碧鷄黃鸝昆雞孔雀鷺鷥鵲鷓鴣鸛鵒鵠鷺鷥鷓鴣  
鴈鳬雛離縱鳳穴淋滲羣飛旅浴晨游夕泳於是  
乎修鱗耀雲髻鬢撼山唵喁沫渚聳骨彌淵羗水  
立而炭漫條波委而蟬蛸灌叢嘉卉蔚若鄧林青  
葱菱葍繡爽櫛森布葉垂蔭吐葩萼榮枯拍杞梓



樓械梗楠金櫻盧橘銀杏黃柑光明熠燿文彩  
編夏無炎暑冬不返寒警周盧屬閣道僊駮娑之  
觚稜並神明之宵渺浸昆明滙太液井幹別風縹  
緲皆萃漾洪濤于碣石矗積翠于樓桑儼員嶠與  
方壺位蓬萊乎中央時維夏令漏長晷永

天子乃六駿駁駕雕軫倚金較搢玉珽樹招搖曳  
雲梢枉矢弧旌虹旃霓旄鴻儒扈從端士丞弼史  
奏飢風屏書無逸坐三公以論道布六卿而受職  
魚魚雅雅莘莘翼翼講獮狩蒐苗之掌故覈廟社  
郊壇之位秩最循良之吏優文學之級俞伯葵以

居業齋別集卷二

四

典禮選咎繇以祥刑命龍納言咨契明倫詔垂益  
以儆工庸罷虎以展能爾乃憑高遠覽發號施令  
軫荒服之疆圉馳軺使以濡潤燁煌雲漢之篇於  
鑠桑林之命於是儀象和雨澤普百穀登庶草廡  
海晏河清衢謠巷儻當此之時卷阿優游乘象輅  
權龍舟張鳳蓋建翠旂仰瞻碧宇俯鑑清流鼓吹  
震絲肉聯鳥羣翔魚躍淵招白鵬下雙鶴投文綬  
出比目大官行庖饗人割鮮尚食命爵太常張筵  
引金罍頒玉竿庭實續紛法酒沾灑太師乃陳金  
石奏雅樂鞀鞀鏗鞀煜煜磬磬朱鷺翔白狼畢歌

九功舞八佾陬澁垓埏覆載所極皇權決羣工醉  
蔚烟煴調元氣於是三事大夫颺言而進曰仙乎  
豫哉昔者夏后兩龍穆滿八駿漢射獵于長揚唐  
晏樂于興慶孰如遠穆九重優游大內誦典誥之  
書講義文之易逍遙乎禮樂之林饜飫乎周孔之  
籍四三皇而論功六五帝而比德者哉小臣固陋  
簪筆承明之慮謹拜手稽首賦詩以獻其辭曰於  
鑠瀛臺帝京中央眺聽九有襟帶三光煌煌穆穆  
天子臨之洪濛天覆萬物熙熙

章一

皇陟瀛臺自天靈雨貽我來牟載藝稷黍臥鼓索

居業齋別集卷二

五

弓普天率土白狼檠木式歌且舞臺之上今  
卿雲郁郁兮芬芬觀人文兮化成樂韶護兮泰階  
平醴泉溢兮芝田田昭

聖瑞兮億萬年章臺之下兮水悠悠桂檝兮蘭

舟躍白魚兮翔赤鳥圓麒麟兮致騶虞龍宛宛兮

集皇都太史占之兮告禎符章

秋夜讀書賦

惟渾元之網緼戶闔闢而乾坤誕昇予以國冠方  
履肆寢食庫東壁西崑仰觀俯察臆測手捫汗漫  
摩圓極塊北庫無垠幽尋鼻祖蔓衍耳孫踏月竄

躡天根森羅塔軸囊括藩垣漢江嶠冢濬河崑崙  
泰華呼吸雲夢吐吞翔游滉漾之域容與洪濛之  
門爾乃金風至玉露浮蓮房改夏桐葉迎秋赤霄  
雁語銀漢螢流瑟瑟松濤之逕淅淅竹雨之樓枕  
芳漱潤膏脂濡喉封管城以穀璧拜石戶以通侯  
子墨叅客卿之畫赫號尸記室之籌於是微秘篋  
發重函鸞鳥跡啟蝸涎左汲冢之輻輳右宛委之  
駢填推疏仡循蜚之始泝大庭栗陸之光參伍盡  
前之代擗據逸去之篇管何知乎卑耳爾何辨乎  
薄廉奕何鑑乎金剛之石寬何測乎女人之躔鐵

居業齋別集

卷二

六

斧禁物服匿酒捲貳負之足鸞鸞之翰西漢故倉  
之趾顯陵科斗之械犧尊荷橐石鼓銅盤新豈由  
於天授母乃得諸簡編迺若彪鼠蹊鼠蹊之雀刀  
篆龍之鮮海鳧之毛鯉鱗之纖馬骨之高鐸于銅  
振之響于閨玉印之彫莫不精如水鑑斷若秋毫  
嗟羣言之滲漉茫目眴而心想時頽洞以滄勝或  
奔駁而潏蕩富踰南面百城之奉驪頻鈞天九奏  
之饗於是披文相質按部就班書清通而簡要賦  
綺靡而流連詩比物而醜類論往復而纏綿奏莊  
嚴而爾雅議凱華而衡權箴篤實而徑省銘古質

而蒼堅檄駿肅而蓬涌誅隼側而盤旋說頓挫而  
宕往劄條暢而鮮妍是乃骨理洙泗苞孕虞夏  
翮莊騷權輿左馬馳驟乎向旌銜轡乎董賈酣肆  
於班范曹劉綺麗於潘陸鮑謝當此之時如選鄧  
林之木如游蓬島之居如崑山之拾璧如合浦之  
採珠飢以之餽寒以之襦罔以之起舞倦以之神  
舒雲澹廣莫星燦階除六宇皎潔萬籟清虛太乙  
老人然黎于夜半其尚有以啟予

葵賦

夫何佳卉之芊芊兮氣獨稟乎瑤圃帝鑒錫以赤

居業齋別集

卷二

七

心兮候太陽之晷度爛熳于爾雅之篇兮璀璨于  
幽風之譜或蒼或黃亦朱亦素儼芝田之五色兮  
般葳蕤其類聚儼若麻生之孤植兮曾不虞乎桂  
蠹亭亭兮如徂徠千尺之松韓韡兮非漆園五石  
之瓠在西蜀號曰戎肩兮若東吳且目爲繁露爾  
乃朱明粵華潏收舒嫋札札軋軋雲根布濩吐葩  
紅藥之欄垂蔭金莖之路花繁木槿籊勝土芋輝  
煌璚瑁之屏照耀流蘇之幕發青萍之爽籊鼓鸞  
陽之繡羽餐崑崙之玉液兮飽沆瀣之魯霧葉燦  
燦其瓊玕子離離其瑤璐餘挺挺兮銅龍銀箭之

傷枝踈蟻兮長楊五柞之堵於是哲匠合臺宗工  
託懷竹間上客之吟松下清齋之句傳玄微曜日  
之祥陸機美晚凋之祐延年則以冠冕乎羣芳韓  
偓用之掩映乎黃獨爾乃景風翔卿雲布甘泉涌  
堵朱草萌昨禮行泰始樂奏韶護豐條先春勁質  
後沍上相以爾占玉燭之調九重爲爾垂金華之  
顧當斯時也婆娑乎瀛洲閭苑之班煒煌乎子虛  
上林之賦豈非擢秀鴻龐含苞貞固者哉爰作歌  
曰自我天覆風颺颺兮甘露時雨沃土膏兮綠葉  
紫莖曜九臯兮衛足貞心永逍遙兮

居業齋別集

卷二 賦

八

玉馬風聲賦

夫何天籟之鼓盪偏翕受於虛中鏗鏘戛戛錚錚  
鏦鏦如泗濱之浮磬似彭蠡之石鐘非水搏擊匪  
山瀧從惟測圭以面勢則大壯而考工或爲靈光  
之殿或爲閭闔之宮或爲嬰珞之梵剎或爲爐鼎  
之琳封上棟下宇負陰抱陽四洞八達用圓體方  
巢燕雀棲鸞鳳畫藻於枕繪丹於枋於是範土燒  
磁冶銅鑄鐵取象鐘鐻植根簾業上出曾霄下臨  
厚地肆外閭中玲瓏堅緻八方之風以來四時之  
氣以備駛若奔駟緩若翔鴻勁若木挺柔若草豐

驟若巫峽之雨沛若廣陵之濤泠泠若匡廬之  
夜潏潏若洞庭之秋高於是協律於崑谷諧聲於  
伶倫陋焦桐之細響嗤瓦釜之雷鳴倪澈於廣莫  
之野仰通于鈞天之庭邇而不偏樂而不滯後而  
不厭處而不停可以宣幽達滯理性怡情使屈平  
紆怨於湘水宋玉釋憾于高唐王粲登樓而惆悵  
庾亮隱几而徜徉若此者豈非天下之徵角而萬  
類之宮商歟於是舉酒屬客巡簷而歌歌曰若有  
聲兮四隅星河爛兮庭除我心寫兮踟躕又歌曰  
若有聲兮中央軒楹敞兮月光我心澹兮徬徨又

居業齋別集

卷二 賦

九

賡歌曰渺兮栗兮聲蕭瑟兮超兮忽兮聲沸湔兮  
鐵兮玉兮聲肅穆兮天馬徠兮從西極兮河馬出  
兮從異域兮聞斯聲也有不激昂慷慨悚心而動  
魄者哉

閏月賦 有序

皇帝御極三十有三載紀年甲戌厥閏庚午時則  
瑤樞夜朗光燭紫微珠斗宵成氣連黃道地過日  
出咸際昇平河源火散奄觀清晏  
皇帝乘朱輅駕赤駟載赤旂衣朱衣服赤玉帥三  
公九卿大夫聽政於明堂念曰予一人誕受景命

曆圖撫錄惟是欽若昊天授時以綏我蒸民遐被  
載籍緬想前模作訛成易煌煌帝典之編流火授  
衣璽璽幽風之什咨爾廷臣疇克渾思渾天敷陳  
閏月之掌故朕將覽焉於是尚方給札光祿傳  
有索筆小臣載拜稽首而爲之賦其辭曰二儀  
緼萬象混淪邃古之初邈矣罕聞太昊氏作仰  
天文圖負龍馬奇乾偶坤始造書契龍火官各有  
熊軒轅土德代起爰命大撓肇作甲子義和日占  
常儀月眡車區眺望隸首排比天儀之造昉容成  
氏周天歷度縷分櫛指斗綱所建寅爲歲始己酉

居業齋別集

卷二

十

朔旦日南至矣史蔭上言得天之紀迎日推策三  
百六十積餘置閏歲功攸協顓頊水德氏曰高陽  
民事紀官雅重農祥金正蓍收木正句芒祝融元  
冥水火相望句龍配社代饗烝嘗懲彼少昊九黎  
亂德絕地天通重黎是則釐定曆象仍首寅月大  
哉放勳光被四表敬授人時穹昊慈討喁嘉賜谷  
測候精渺閏月定歲庭生曆草月朔日生月望日  
槁一葉後凋用知月小虞夏因之庶績允彊孔門  
垂訓行夏之時若商若周子丑遞革魯廢告朔閏  
次差武瀛秦蔑閏書後九月炎漢之興賈生上書

請改正朔時號通儒孝武太初始循夏正治曆明  
時憲章以定歲差里差代不勝數唐書月令刪注  
御手禮經經先月令卷首其駁呂氏日在營室無  
遠變通往往乖謬氣逐閏移節隨斗建定以杓指  
攝提準箕集賢學士典司觚翰大戴禮云朱草生  
落亦如萸莢隨月晦朔又聞梧桐一月一葉閏十  
三蔘地靈斯叶宋臣有表志此閏年黃楊短寸桐  
葉十三五勝之感陰陽相薄方諸水渟陽燧火爍  
箕動而風畢麗而雨土龍致澤桐魚鳴鼓雄虹雌  
霓翔燕潤礎萬應不齊亦俱有故矧茲曆理羸縮

居業齋別集

卷二

七

躔度天行至健晝夜不舍氣盈朔虛哀多益寡以  
年立春至明年立春二十四氣全數並有三百六十五日零二  
十五刻零即氣盈也月有六小一朔無三十日全此朔也 聖人則  
之自強勿息闔門左扉所其無逸黜賓應律施命  
四方天地相遇品物咸章二老策數符厥歲運歸  
奇于劫亦以象閏三歲閏一五歲而再千九百年  
七百閏屆唐有淳風宋有康節推演上元具在書  
冊 淳風推自嬰德元年甲子距上元甲子積纔二十六萬九千八百八  
十載康節以十二萬四千五百年爲一會云自開闢至堯王當其中數  
故名歷字曰堯夫後 律歷同志曆與律通先其算命 堯書也  
世必有辨其學者 言王符統業先立算數以命百事也楊慎曰俗士  
不知冥命之義顛倒其字作先冥其命成何語 數起黃鐘度起于  
長量起于龠權起于重銅管是索 元壽曰此二律者皆  
以銅爲管轉而相生也

歷十二辰五數以備孟康曰初以子一辰五三辰則四也

極肇自黃鐘法用左旋職在大樂太常掌焉同位

娶妻隔八生子黃鐘九寸三分損一則得林鐘六寸三分林鐘益

至未得八下生林鐘數太三得八上生太簇律上下相生皆以此為率

一上生者三分益一黃鐘乾之初九也隔八而下生林鐘坤之初六也

施于律呂經于日辰天綱孟康曰斗在天上中則四方星紀

居業齋別集卷二賦主

變閏法以立孟康曰天終數九地終數十窮終也時紀啟閉

月紀分至亡事必書春秋之義先王敬天履端舉

正歸餘于終積而成閏師古曰履端于始謂步歷之始以為術

生民用不匱左傳建歷之本必先立元元正定日

日度周天惟天聰明惟聖時憲躔離懸象日月所

踐高明博厚悠久乃成參天貳地與時偕行若乃

方煥皇哉億萬禩元疆之縣歷而八千歲有道之

黃鶴樓賦

升兮夙夜緝熙亶厥心兮穆明師濟颺於廷兮挈

壺握槩班斯箴兮

居業齋別集卷二賦主

運涵今滙雲澤雲夢而滯沆瀣今若滄海之容沛

今若洪河之放紮廣陵曲江之濤今而非旋長旋

消之區礙灩澦瞿唐之漫今而無如象如馬之望

天五行也水德偏王地四瀆乎江身亡恙潏潏蒼

蒼巍巍蕩蕩氣象萬千奔湊乎樓上繁審曲而面

勢兮蓋取諸大壯桂棟今蘭枅研城今玖璣膝閣

遜其閭妙高讓其廣踰睥睨樓今如甍俛瞰石鐘

奉斯須之筆安得踵司勳偶至之武然而臨流會  
心登高作賦人物自新江山自故於是側弁而哦  
曰樓之陞何冷冷若有人今寫黃庭樓之曲何霖  
霖若有人今馴黃鶴我所思今仙公手摘星辰與  
天通蓋欣然庶幾遇之相與奏鈞天廣樂於其中

太和山賦

儼衡霍以萬古今錫鴻號曰太和炎精蜿蜒繁華  
嶽之地肺今直翼軫而嵯峨苞荆豫之絲邈今滙  
沔漢之逶迤截業嶙峋今去天尺五峯七十有二  
今天柱爲祖涿源石竇沈而灑灑珠璣萬斛今天

居業齋別集

卷二

五

紳散落絕頂今員顱呼吸乎清都丹霞飄氣博山  
一鑪嶺嶺嶺今三十六紫霄直上銀河矗傑構玉  
虛羣峯四角井不焚而冽今臺不繁而高碧潭千  
尺今黝黝古濤丹疑勾漏今木似三茅山行得桃  
今亦足以豪昔有人今山之曲餘青精今騎蒼鹿  
崇山宇以謝羅今柳梅興於空谷毫州二十  
年煙深九室今草芊芊金人提劍麾之去走向華  
山洞裏眠陽狂三丰髯如戟昂藏七尺今一簪笠  
九重物色詔使來欲往從之不可及淨樂天人天  
神訶邂逅老嫗鐵杵磨靜而與陰合德今動而

陽全波倚嗟列仙窟宅今追真武佐命而彌裂肆  
永樂之秋祀今崇閣青泥瓦今黃金闌

江漢合流賦

以萬折必東爲韻

宇宙喧霽雲濤漱灝俯晴川其洵美兮徐遐矚夫  
四遠曰天一生水兮胡蜿蜒蜿蜒而派則有萬江  
淮河濟古四瀆並紀今惟楚有江而佐之以滔滔  
之漢漢蟠冢甫濫觴兮逕武都合沮漳而渺瀰  
漫於是巨穀鄧鄂郢之疆歷習池宋井春陵檀溪  
之畔迴雲杜鰲左桑潛三澁滄浪晶滌潭施至  
翼際而支流無算若乃岷谷之蒙泉也自夏后隨

居業齋別集

卷二

五

刊而始見穿巴梁度巫峽漲江津浮赤岸如象如  
馬迅復猛悍微如坤裂豁若乾判潞九江滙東陵  
逼夏汭而漫漶浸灌繁坎常盈而艮或缺今肆左  
旋而右折旦澠澠以圖潏今宵遺施而澈冽諸覽  
牽柁挾之欵乃今躡蛟宮與鼉沈建二川之祭并  
今若洞庭雲夢之根楔其南受芙蓉絕壑之風今  
其朔霏花古洞之雪當列星擁樹而彌光今即  
火雲赤地而弗竭族育則鱣鮪鱗鯉鮪鮪鯢之  
屬飛涎破浪揚鬐成列瀕居而厓坻之隈沙嶼之  
至鳧雛離襍雀子頑頤侶浴羣翔鼓翮羽潔

凌兢闐闐炎熱浮家陽翟之賈泛宅川西之桀鱗  
萃乎二廣七閩駢羅者三吳兩浙樞關之篆龜紐  
市門之卒龍節長年三老其麗不億兮蟹舍漁邨  
人篙而戶牖要人機兮牙檣韻士涉兮桂楫陳賓  
筵兮中流發櫂歌兮更迭弄笛仙公于焉挈瓶而  
逍遙濯畦隱者是以抱瓮而怡悅汲其清兮可以  
濯孺子之纓鬻而冽也聊用造桑苧之舌小德之  
川流有如此兮厥鎮山曰大別爾乃逢涌沕滴溟  
滓瀟瑟頃洞奔軼鴻濛泌滌司勳率爾豪吟供奉  
踟躕閣筆脈脈停雲泠泠浴日浸曉而蘭且秋紉

居業齋別集

卷二 賦

夫

潤臯而筍還冬苗惟煙波之飄忽兮往往迷阿而  
襄座相彼遄往之專壹兮孰禦之而能必豁舒  
籠兮氣欲天通電暎激兮餐蜺飲虹與安期美  
門爲期兮望蓬瀛方丈以爲宮鼓清飈之颺戾兮  
行盪五老二姑之胸挾青霞之滃鬱兮苞金山鐵  
甕于其表騁茲盤螭撼軸陽侯之吸砥兮將瀚浩  
演漾濩濩漫漫而無窮夫惟汝量之際天蟠地廓  
乎其足以有容兮予且踵桑經鄴注而大言乎扶  
桑暘谷之東

翰林育材賦 有序

翰林之育材也肇於唐瀛洲之選而盛於明永樂  
甲申之歲唐之名臣具在唐史明則自第一甲曾  
祭而下有王文直端王文安蔡李忠文時勉周文  
襄悅文章氣節卓卓在人耳目而李文正東陽奉  
詔育材之賦作於成化戊戌成典更盛矣我  
朝策進士凡十有五科選庶常亦如之名臣鉅儒  
之休命賢士大夫觀光之盛際視虞書周雅之所  
紀載不啻過之儲材蓄德之科條皆足以詔天下  
示來世則遠敷撰述以宣達風教固臣下之職也  
其詞曰

居業齋別集

卷二 賦

七

離文炳煥冥命重申闔陰闔陽握乾黃坤號令雷  
發響駸駸奔如虎斯風如龍斯雲乃啟玉署開詞  
垣舉甲第收羣賢蓋是莘莘濟濟郁如彬彬降精  
靈于四岳應列宿於高旻文章彪蔚千宰宣德澤  
覃敷乎生民監唐瀛之浩渺俯漢閣之嶙峋猗歟  
休哉卿雲載呈奎緯聯合禮門洞開德化旁浹棘  
省春暉杏垣晝接蒐羽翼於網羅攬英雄于數蹕  
錄歷牘于宮墀閱人文于仕牒煌煌宗工樂羣故  
業事資利器器資良工庶玉不雕有金必鎔爲鏞  
爲鼎爲珪爲琮載路協彈冠之慶同朝肅引領之



容芄芄乎連茹之征藹藹乎菁莪之叢也其居則  
璇臺疊雲畫棟迎月風鈴語靜露榜花額其用則  
菱牋松墨玉液粳羹文線積筍楷鏤分膳粟廩歲  
繼膏釭夜明其書則東觀傳經西崑秘錄宜明鴻  
都石渠天祿孔堂舊壁汲縣遺竹張華之所未嘗  
見揚雄之所未嘗讀其製則敲金戛玉刊宮叶徵  
從律諧聲分條晰縷太平御覽遜其精冊府元龜  
讓其旨其學則上沂義農徵探鄒魯五緯錯陳六  
籍奄有搜羅二儀囊括千古簡嚴肅括黃麻是敷  
表志傳贊太史所書勸懲闢名教之大歌詠本性  
居業齋別集 卷二 賦

大

情之餘益將聞百禩之禮樂而恢一代之規模者  
也載歌曰巨鰲萃兮高峰玉堂起兮凌空歷貝闕  
兮八紫宮姬髦兮商考文之淵兮德之藪瞻爲山  
兮戴爲斗朗曜兮三台同文兮九垓歌明良兮咏  
康哉又虞歌曰贊鴻業迺蕃釐兮受駿祉及清時  
兮臯兮夔兮傳兮伊兮翊運凝績美哉基兮

水亭賦

亭爲漢口陳家別業  
刊水張生授經于此

天一生水地中湧亭吐吞沆瀣呼吸滄溟卓爾張  
幔歸然挂鈴祖衡禰崇而纖塵絕沐日浴月而百  
寶生象曰習坎居之元亨工垂成也喜雨客乍至

焉占星礪礎刊花琢崑谷刻栢丹楹凌宵冥晞  
解之洞酌仿君山於洞庭方春巢燕徂夏蒺蜚雁  
影秋羃虹藏冬櫟非魚而知魚之樂好鶴而使鶴  
若丁暇可洗耳清斯濯纓充庖祇用垂釣泉腹無  
勞拉旋擇謝龍襪坐留娉婷遲披策之逸叟邀鼓  
瑟序湘靈爾乃拭素几斟中冷鬢眉競莖襟帶餘  
馨傳徧玉川諸椀注完桑芋一經琴彈雅操劍試  
新酬似得漳河之瓦凝浮泗上之磬叶濤浩浩而  
无息木忻忻以向榮松檀檜柏楮桂華荳杏榆杜  
蘅辛巳在陽芙蓉稱城桃葉梅根並價姚黃魏紫  
居業齋別集 卷二 賦

尤

齊名迭苗迭秀或從或橫鷺鷥鷗嶼蒲汀柳汀沱  
無馬人登戶汜有鹿柴駢耕闢鴨疊檻飲牛坳泓  
賓朋灑翰童冠揚舲鼓柁青林財三舍牽縵赤壁  
可二程榻敞仲舉北牖詞指蔗先西京若上已流  
觴掩蓋似江心古寺砮砮虎臥龍跳聯卷軸官袍  
畫舫及郊垌斯斬春之壯觀而藝圃之鴻聲也亂  
曰長尋遠眺何濛濛叶今來何迅邁去何終叶今  
張融郭璞一海一江今混茫大手疇匹雙今電戰  
雷奔滙此亭叶今鯨魂龍魄將母升叶今踏瑤階  
酌桂漿今若有人奉手觴今含宮吐角激徵清叶



分碧雞黃鵠俱翱翔兮

石牛賦 韻用柏梁詩體

古之肥遯物也噉則奈何乃不飄然曠野叶獨立少

可叶背疑嶷兮讓負荷頭泮泮兮蒙垢垠口銀

兮謝豆莖蹄踈踈兮遠坎坳剛也若挫毅也若情

潔也若宛猛也若煥無呵無唾無累無邏神農太

役以耕作后稷未徵以黏稌廟犧希樽犧未往

作餼人牽人未來過鞏用革耶賈勿貨法如毛耶

葆勿破三危有焚罔絜大豷山有獮罔隣以依帖

之傘毋耦坐梨首之憐毋旅和霽大夫曾莫哺餓

居業齋別集 卷二 賦

丙丞相豈復憂瘳叶戴天履地剛一筒沐日浴月

無兩座柔麗中正重離那太占之拜手賀

居業齋別集卷二終

居業齋別集卷三

廣濟金德嘉會公

頌 壽序

幸闕里頌 有序

皇帝運啟文思道隆濬哲禹疇羲畫後先同符武

烈文謨經緯共貫覆載所及雲漢為章是以

巡守岱宗瞻言闕里

六龍謁集霞巖鞋以建旂萬象景從雲縹緲而張

蓋贊牲采之班者瀕海仁域千里受地自之錫者

生民以來一人陟降肅雍金石絲竹宮庭瑤琨樂易

居業齋別集 卷三 頌

東春秋忬舞杏壇濟濟簪纓之博士嵩呼閣道亭

亭帶礪之上公是日也天宇雍和

皇情豫悅用羹墻二帝之心遙通祖述以範圍百

代之學遐契儒宗倚歟煌哉昔漢高祖魯祀以太

牢唐宗崇儒加之王爵猶且焜燿簡編傳聞奕禩

若乃四表光被煥乎堯文六藝表章爛然愈歷於

斯為盛莫之與京矣臣恩叨侍從喜切瞻依典禮

維新宮墻自古文在茲而未艾道歷久而彌光增

益 高深懋剛健粹精之學緝熙

上理開蕩平正直之途事冠古今典垂天壤而珥

筆圖紀述未遑非所以昭盛美揚景風也恒謹  
拜手稽首獻頌曰

皇帝御極德洋化溥雨潤日暄敷天率土汪濊  
挺漸被遐滸士詠氓謳老嫗穉嘯東西朔尚同文  
壹度浮竹扶桑日出入所效關獻琛重譯學語車  
闕槐市肩摩石鼓

帝坐明堂曰若稽古巡省方嶽時邁東魯吳風號  
令離曜疆圉蠲所過租賑氓倉庾保章諏日廬師  
飭墅京兆清遠司馬整旅上公駉乘微侯備耦豹  
尾虎賁駕翔鸞聚建靈囂薛樹翠鳳羽貂蟬綺合

居業齋別集卷三

二

驟駟雲縷旦發樓桑夕飲涿漱玉露金風微雲疎  
雨壤擊蒿呼

聖作物覲昀旬服滌滌安堵渟沱淠淠太行俟  
俟瞻言岱宗鴻濛之宇日觀天門莘莘齒簿雞鳴  
海曙沆瀣光吐漢柏秦松閣道偃僕俯矚洪河千  
帆萬艘風餘雨霽灌輸積貯南過塗山東臨淮楚  
龍蟠虎踞燕磯牛首仁磅施厚沾漑陵藪倬矣  
皇言遠符堯禹返旆緇青眷言曲阜魯壁天章坤  
靈地腑峻嶒老檜葩耀春嫵浪暖洙泗潌光柱礎  
太牢特祀備物鼎俎奠璧薦馨登降拜俯肅肅

雖還規折矩大哉乾元龍飛九五寤寐美牆慙慙  
簋簠顧瞻左右彬彬廊廡紫焰蒼文鱗荀毛簋鏗  
鉤融諧笙磬祝敬聖道中天日正當午五經博士  
講解訓詁四姓苗裔黃童白叟

帝命主爵誕受絳組滂沛涵濡便蕃養子煌煌  
御蓋番蔭廟戶傳示來茲與球貝伍禮成樂奏適  
駿祥嘏鳳凰和鳴舒翼自拊赤雁黃龍凌阡豫懽  
皇帝曰咨予臨天下欽若昊天爲生民主重道崇  
儒修文偃武治鑄八荒甄陶九有天錫

居業齋別集卷三

三

天齊壽小臣魯鈍備員藝圃橐筆噉詩敢告冊府  
勤政頌有序

皇帝神聖文武在宥區夏覆載所及協和平章萬  
物各得其所乃者盪滌三凶懷柔九域車書同浮  
竹之鄉聲教訖扶桑之外凡有血氣翕然尊親雖  
堯典之紀光格禹貢之書漸被曷以加焉然且厲  
精上理寔斷風行疏銓路清流品獎廉能覈殿最  
廣額以羅人材及鋒以試科目特簡以任風驅大  
吏欽命巡察以抑豪右懲貪墨急蠲賑以蘇貼危  
省刑獄以昭欽恤嚴承審期限以警惰窳肅

六祀迓宇宙億萬載无疆之祐是以一日萬幾  
間于寒暑一二臣工仰瞻宵旰不勝區區之意  
稽諸古漢宣帝勤政令主五日一視朝史且書焉  
皇帝曰吁咈哉率作興事慎乃憲屢省乃成惟時  
懋哉於是朝野中外曉然知天行之健也謹  
拜手稽首而獻頌曰

聖德廣運雲漢爲章緝熙濬哲照臨彼四方迺  
御應門百僚鉅鉅旌旆揚揚廷燎之光

皇帝曰咨誕受天祐奄有萬邦丕顯

居業齋別集 卷三 頌

頌

四

烈祖思日孜孜載績厥武百辟卿士惟朕躬是式夙  
夜在公不懈於位小醜三孽既殲既茂至於海隅  
莫不震疊奉圖獻琛來同軌轍作都臣僕載歌樂  
府外薄於扶桑蜃市之游重譚欽關依瓜均石鼓  
載秦載戢六合熙熙清靜寧謐惟賢是乂之母曰  
已安尚懷馭朽欽若五行繫三事六府如水斯鑑  
如水斯幹爵罔及惡德薰蕕茲判如飢如渴廉吏  
之求行省平章迄墨綬銅符收祛害馬孽息乃稱  
丞相臣寅亮庶績是熙家宰率屬黜陟允登司農  
司馬分職以稽罔徇于虛伍罔滲於漏卮扶宗

禮神人有則率由典常勿僭勿忒刑獄司命明  
惟敬比

詔令屢下欽恤用訓冬官庀材母纖母窳若網之  
有綱若宮之有堵迺咨納言出納惟允迺咨廷尉  
平讞訊是謹咨臺省庶職汝無面從寒蹇諤諤王  
臣匪躬咨御史大夫丞相之副肅肅憲綱盈廷貞  
度百爾有位亶思承弼佐吁食宵衣勿予暇逸思  
昔殷湯綏猷胥匡亦越姬武不泄不忘彼禹益交  
戒無怠無荒肆唐虞之際喜起明良維

皇丞哉參倖闔闕電發霆馳須臾八極載物以貞

居業齋別集 卷三 頌

頌

五

自強不息敬勝義勝丹書之吉允執厥中惟精惟  
一嗟臣固陋任司珥筆

平海頌 有序

皇帝臨天下二十有二載德澤汪濊聲靈震疊覆  
載所及罔有內外大司馬掌九伐之濩肅將天威  
會演黔兩粵間小醜芽孽六師但征草薶而禽獮  
大者懸首藁街細者械繫司寇脅從罔治灌燧銷  
鋒蕩平矣維茲海島益弄潮汐自勝國之季蔓延  
迄今多歷年所

皇帝曰咨上帝既以普天元元畀予一人覆露

茲海濱敢外聲教迺命師武臣煥其帥厥師徒以  
計用提督旌節視師以賞罰用命不用命煥至大  
修戰艦簡水軍具揆構謀知游魂假息阻險虛聲  
迺順風舉颿直搗澎湖流矢雨集飛砲雷鉤波濤  
起立溺死無算餘衆潰遂遁臺灣扼彼喉襟迸逸  
無路閏六月乙巳鄭平英林維榮請軍門降秋七  
月庚寅薙髮八月甲辰何仕隆迎王師壬子進師  
次臺灣迺上書輸誠願解甲歸農棄水即陸幕府  
露布以聞其畧曰昔越裳重譯朝周尉陀奉朔歸  
漢俱棄前過借之大道今臺灣僻壤遘倉鼠竊雖

居業齋別集

卷三

六

後至當誅然方來可念臣願

陛下特沛曠蕩之恩用廣埏埴之路

制曰可九月壬辰

詔下於是垂髫戴白蒲伏道左馳傳播告不戮一  
人民雖呼聲動天地貴若山川草木萬象維新迺  
祇版圖料民數延袤數百里可郡縣城郭者請於  
朝張官置吏以治之海氛平

皇帝齋肅告

廟策勲加授煥靖海將軍封侯吏士陞級兵丁賞資  
有差於是寓內清晏縶弓臥鼓父老嬉遊不見兵

革臣愚稽古高宗伐鬼方三年乃克之漢武用  
南越樓船騷動淮南王上言軍興繁費公私勞苦  
國家帷幄運籌決勝萬里數十年煙水飄忽一旦  
傳檄而定雖虞書之美于羽周雅之咏江漢曷以  
加焉謹拜手稽首而爲之頌其辭曰

昊天眷佑

聖神文武誕敷廣運普天率土輯瑞明堂喬喬皇  
皇東西南朔享貢終王逆桂老兇蠢爾芽孽註誤  
吏民牽引黔粵義旗遙征電掣雷鉤獻俘飲至凱  
奏西京維茲海徼長蛇封豕憑恃菁藁飄忽煙水

居業齋別集

卷三

七

閭閻顛狂蔓衍沸蟾罔知聲教尚阻顏行

皇赫斯怒迺命貔虎迺薙薙薙薙遼疆圍臣煥仗  
鉞厲爾戎兵百官僇力揆構舩艚島嶼煙嵐初猶  
獻啞螳臂枝梧以當車轍大軍雨集囊括臺灣摧  
枯破竹釜魂讐焉解甲投戈歸命細柳悔旣輸忱  
厥角稽首我旌我倪我負我犁永辭海若卜居山  
陬昔孰今安昔枵今哺日月照臨撤我豐蔀大帥  
日嗟余弗汝劉露布上請唯汝與咻

皇建厥庸刑牲告

廟鼓吹鐃歌衢謠巷笑師終此首後夫方來勿追勿

此維德柔懷考功載書剖符錫組幕府咸旌軍民  
安堵海瀕聚觀盆香手額浩蕩之仁厥聲嘖嘖還  
獻版圖戶口來蘇幅員廣袤租庸上都若郡若縣  
長吏治所壹隸職方永無偏頗維  
皇大武不殺而威累紀逋寇一矢加遺維  
皇寬仁赦罪宥過服而舍之無小無大維  
皇睿鑒洞澈遐荒獻琛奉贄如彼鬼方維  
皇寵任成此駿烈夙吉師貞勝彼南越八廼九域  
怙冒涵濡熙熙皞皞義軒唐虞臣贊勸庸文字是  
職拜手揚休式昭民極

居業齋別集

卷三

黃連山壽序

六經皆垂世之書而其學莫大於易自漢以來學  
易者代有聞人要以用易而不盡易之用爲難揚  
子雲盡乎易者也邵堯夫不盡乎易者也子雲殫  
思探索能人之所不能然而生平之力以天祿閣  
而盡矣堯夫則不然擊壤之有吟也力不盡於擗  
思安樂之有窩也力不盡於應世識如濂溪學如  
伊川才如涑水極其用豈不大有爲於天下然相  
羊嘯歌以一丘一壑老焉是故古之能用易而不  
盡易之用者未有若堯夫者也科場取士人占一

大都習爲帖括之文而湛深經術者蓋寡直省  
卷出於第一人屬耳目焉其責之也重以周往往  
名實難副若吾同門友黃子連山之文則自一鄉  
以至於九域未嘗不籍籍稱善也公車即舍黃子  
戶外屢嘗滿賦緇衣而具館穀者相踵於道而豐  
沛大姓以幣聘先得之函丈講義琅琅疊疊一經  
指授輒取科名以是館選中黃門弟子歲有聲長  
安人第知黃解元文字而不知其遠於學也黃子  
尊人庭訓閱覽注疏正義而折衷於考亭故零陵  
易學推黃氏爲有原委一鄉舉一鄉貢雁行羣玉  
居業齋別集

卷三

壽序

九

若子婦孫若孫婦其能雞鳴盟漱按內則之儀而羅拜堂陔乎君子以此知連山學易爲堯夫之豐亨浩落而不爲子雲之寂寞者也三易之位連山首艮艮之彖傳曰動靜不失其時其道光明繫辭傳曰終萬物始萬物者莫盛乎艮論語言仁者樂山則靜而壽是則同門之友所爲區區之義疏也夫

### 胡母丘太君壽序

楚地當荆襄郢鄂之衝有州曰荆門有著姓曰胡有節壽大母曰丘太君太君者徵士可菴之母而居業齋別集卷三

壽序

十

胡子修予之大母也修予弱冠登東隱戊午賢書今成壬戌進士矣高堂具慶而又侍大母養喜可知也然微營修予之意猶若有嘆然者余乘間問之乃曰大母苦節而德不布聞作梅何以爲孫矣蓋明季壬午癸未間獻闕諸寇蹂躪楚北郡縣左帥唇齒劇寇爲民害田荒歲祲又數有火災當是時壯男子當戶猶難之太君拊孤避寇則三旬孀婦耳到于今垂四十年復亨剛反吉大來矣而太君之地道乃無憾云夫地道無成而代有終者也自天以下冰霜雪電堇鴆荼蓼墜壅潰一切可

驚可愕之狀地悉受之而景星卿雲甘露霖雨則上之於天修予胡氏之景卿甘露也自時厥後紀胡宗之盛大都歸本太君乃太君則讓善於太封翁以爲此皆太封翁之所肇基而積累者也金子曰異哉造物者畀太君以煢煢之子而報太君以炳炳麟麟之孫也

國家湛恩汪濊旌表節烈而外則惟孝子順孫忠臣廉吏修予立身行道爲孝子爲順孫爲忠臣爲廉吏以荷无疆之福而太君苦節由此聞於天下天下士大夫家人人得而書之則太君之名壽且居業齋別集卷三

壽序

十

與身壽而並永也進二年甲子爲太君七十修予從高堂二人後羅拜而奉觴上壽豈惟荆門之慶崔山南曾祖王母之盛於是乎再覩矣

### 萬又月壽序

蓮華洞者江州萬君又月藏書處也異時余官京師偶過一庶常即舍見舊槧廿一史意其購諸廟市已而家弟瑛萬友晨夕過從話及此書粲然而笑蓋蓮華洞中古物云廣濟東衝山鮑照讀書臺下有黃牛院當曝書時輒指文苑英華之善本津津詫客客諏諸道士道士曰嘻非家藏也來自蓮

華則耳余嘗以此二事想見又月之爲人庶幾  
史所稱長者歟諺曰借書一瓿還書一瓿今也何  
箱倒屣邂逅予人而人亦竟忘其書之所自出何  
瓶之有焉宋葛文康嘗用酒券質得太平御覽一  
鈔藉令生與又月同時直若已有之矣焉用質趙  
文敏宋槧前後漢書明太倉王司寇買之故家價  
騰貴司寇爲割一莊後落歛富兒手虞山錢宗伯  
用千金取出歷絳雲樓羣書卷久之有急需與四  
明謝家三得白金八百兩題其後有此書去吾手  
大難爲懷語若此類皆楚大夫不寶白珩而寶典  
居業齋別集 卷三 壽序 三

談鎮日未嘗顧指治具而酒炙立辦則張儒人內  
助力焉孺人庚戌進士張君秉鉉女亦讀書知大  
義者也又月有恒言樂莫大於藏書苦莫大於藏  
貨鄴侯三萬軸富矣然韓退之言其子繁牙籤未  
經手觸則藏而充棟又不若公諸人也貨有何好  
而人好之金谷之藏也收者誚讓於潰散之日鈴  
山之藏也歐陽夫人憂危於培克之年丈夫擁書  
萬卷安所得此苦哉余聞斯言於是益歎又月之  
賢也又月以康熙十七年舉於鄉署豐城縣學教  
諭豐城甲乙科踵相接分校泐闢所得率知名士  
居業齋別集 卷三 壽序 三

墳丘索意也又月將無同乎且江州非有太倉虞  
山之積著也挈縹囊碧軸以公諸人而手不持一  
錢何耶萬友爲余言蓮華洞與李公擇白石山房  
相望又月高大父諱衣嘉靖辛丑進士累官河南  
左布政使所著有禺子集曾大父嗣達萬曆辛卯  
鄉舉著有芋栗園藁官至金滄道大父崇禎庚辰  
御賜進士堯一官戶部員外父華亭縣令諱邦鉅  
又月嘗告人曰映川一畝之宮藏書五世矣又月  
少任俠急人之急揮金錢若委唾見此世之  
緒爭錐刀者輒戟指笑罵目爲土偶客至

而林君元桂許君田已登南宮高第獨其身稍疎  
出青門耳嘗引太乙山房大士先生以自解蓋大  
士八上公車而成進士也今且駸駸如安亭江上  
之熙甫先生公車九上矣余之脂車也如大士之  
數寓書豐城畧曰夫遇合何常之有山陰徐文長  
渭賞激熙甫文字迴翔雜誦於書生之壁走告諸  
狀元大綬狀元時官學士大饗客馳索歸文於座  
座客籍籍文長知言針芥之合有如此然海內士  
大夫微茶陵張閣老四明余翰編知熙甫於塲屋  
者何人哉大士入試主司爭欲令出其門下拊几

摩人自以爲得大士然俛得而俛失之抑又何也讀書學道人亦爲其自信者而已矣若卜式之輪邊拜爵張季之入貲得郎讀書人豈能爲之乎又月以爲然用此自信即以此課子若孫長君方肇貢禮部有日矣方泰既嘗有聲庠序而方英方昌又以文鳴孫之露頭角者四人朝燕翥而攻楷法余有詩句美之又月乃歸功我大兄政洽之授余觀又月子壻凡六人彬彬如也而吳許阿洛乃踰涯何以故亦謂洛麓好紙筆耳前年擢拾湖裏冊府元龜來草堂命整齊部次梓諸架誨之曰

居業齋別集

卷三

壽序

苗

昔白石山房書乞與蘇文忠公讀而山房遂以蘇記而傳是洞之藏書也余當有記到于今十月爲又月覽揆辰又當奉觴上壽矣而記猶未脫藁心竊恐焉萬友又爲余言洞口頃之有人望氣郁郁芬芬有若天官書所謂卿雲者然此何祥耶余起搔頭東望勅孺子買舟將有涉江之役又月滿載黃花新釀遲我於書帶草間也

居業齋別集卷三終

居業齋別集卷四

廣濟金德嘉會公

表

擬

上聖德神謨指授方畧滇南底定海寓蕩平諸王

文武羣臣屢表請

上尊號

上謙讓弗許羣臣謝表

壬戌會試

伏以

峻德邁三皇萬國際咸寧之日

居業齋別集

卷四

宋

鴻猷光四表千官遊廣運之天

萃文謨武烈而蕩蕩難名化成久道

當海晏河清而巍巍莫贊謙益尊光慶洽臣工

權騰海甸臣等云竊惟繼天立極大哉幾農

之稱受錄膺圖焯矣黃軒之號刪書始自二

典論治爰考三謨放勲協和帝垂裳而師錫

重華濬哲臣拜手以賡歌夏德祇台聲教誕

敷四海商王桓撥帝命庸式九圖文流邇遐

之聲惠鮮懷保武擅宣聰之譽者定永清是

皆以臣子而推崇君父璀璨瑤圖抑或由上



野而謳歌廟廊丹青玉版若乃功誇馬上位  
號兼皇帝以爲尊德推代來恭儉頡成康而  
並美表章六經之后開戎索於槃瓠夜郎同  
符高祖之君靖妖氛於赤眉銅馬唐則善政  
爛熳於貞觀之日宋乃仁風翔洽於興國之  
年蓋東觀詞臣大都輝煌珥筆而西清掌故  
亦復藻采編摩摠七萃之羽林參差豹尾設  
三嶼於禁苑繚繞虎園池鑿昆明獬豸思  
鼠微樂嫺巴舞版圖未及雕題乘萬騎千武  
且疎於克詰勸百諷一文莫觀其颺言嵩山

居業齋別集卷四

二

聞萬歲之聲蹟髣髴於化猿化鶴德水應千  
年之邑事殊絕於非熊非龍寶應天元芝檢  
相沿爲故事司徒太尉金匱漫襲於虛文未  
有聲靈赫濯道下濟而光明經緯於昭衷虛  
受若川谷如

今日者也茲蓋伏遇

皇帝陛下

道冠苞符

德先疇畫

敦敏徇齊而立極

聰明睿知以有臨

右史左圖典學務勤時敏

朝乾夕惕勵精自協天行

晉玉帛於塗山律調玉燭

奠金鼎於郊鄆瑞應金甌雷地豫而行師電開

西洱風水渙而用壯霆掣點蒼赫赫

廟謨運九天九地之奇於掌上煌煌

聖武收七擒七縱之績於師中顧此碧雞金馬之

鄉肯用封豕長蛇之聚下牢城之趙尉按圖

而草薶并荆掃鯨海之盧循飛檄而禽蒐井

居業齋別集卷四

三

鬼雲擁河西之部已縊懷光雪迷洞曲之營

乃擒元濟赤羽白羽投鞭斷琵琶之江虎韜

豹韜躍馬折枕柳之樹猺溪父老扶杖以擁

官軍藤峽兒童壺漿而環幕府輕裘緩帶飲

壯士於和門雅歌投壺上首功於元老山花

沐露凱奏郵亭汗馬嘶風饒吹細柳泮水刑

牲而獻餼夏官載筆以書旂喜動

天顏威行地軸於是搢挺而觀王會澤汪濊於九

垓八埏湛露以宴臣工氣調和於五風十雨

天揖時揖土揖人樂卷阿勲臣世臣詞臣

歌天保恭陳

寶號借九域之懽呼仰觀

龍顏邁千秋之治鑑作頌表普天之敬莫贊

高深躋堂昭丹地之誠罔窺邃穆乃

聖不自聖象乾元坤載之保合太和而

新又日新如堯咨舜徵之賡歌喜起

天章雲漢煥乎允恭克讓之文日麗

絲綸皇哉敬勝緝熙之學雖

昭代自成典則大書特書然

九重猶勅幾康惟休惟恤金聲玉振鳥篆

居業齋別集

卷四

表

四

龍章

孝治隆而禮備萬安

孫子極萬年之奉解澤沛而刑傳肆赦尊觀盡四

海之歡此典策所載莫觀之休風與生民以

來未有之盛事臣等空懷馬革實愧虎頭捲

詩書而欲狂懽同杜甫論巴蜀而嚮化檄幕

相如露布既傳因議思州之世守雲臺已畫

仍籌羅甸之懷柔敢不共矢推賢讓善之誠

更圖制治保邦之畧伏願

恒懷儉德

益薄慈仁

慮切於已治已安

思深於由飢由溺

擇賢付鎖鑰肇帶礪于山河

用德作金湯固苞桑于社稷

修文偃武講孝經者虎賁三千

賜旌旌忠勤奉璋者元侯十八穰花館外桃笙

通海上之梯航疲馬山中珊瑚却越人之貢

樹則有嚴有翼

金支兆千祀之祥而來享來王

居業齋別集

卷四

表

五

銀甕饒萬古之字矣

擬進日講易經解義表

伏以

聖德先天瑤殿啟義文之秘

皇猷稽古瑯函紬周孔之藏千百年

紫禁鴻謨光分藜照億萬禩丹鉛心印義炳薪

傳味之無窮開斯有益臣等云竊惟兩儀生

於太極萬象統以乾元曰剛曰柔陰陽合而

有體相摩相盪變動極而無方天地定位而

水火山澤雷風日新富有運行於藏用顯仁

變化成形而夫婦父子君臣易知簡能彌綸  
於仰觀俯察是以井田封建曆律兵刑咸在  
乾始坤成之內至於神明默成意言象數不  
離陽奇陰偶之中極深研幾故能通天下之  
志成天下之務知來藏往乃可原萬物之始  
要萬物之終善之長嘉之會義之和事之幹  
法天斯成天德學以聚問以辨寬以居仁以  
行希聖必盡聖功蓋馬負一圖實六經文字  
制作之祖而韋編三絕乃千古性命道教之  
源十翼遠而微言罕聞九師興而大義中晦

居業齋別集

卷四

六

秦火存以筮卜漢儒襍之京焦賴謙雖闕閭  
之表章始卦爻彖象之森列表裏乎詩書論  
孟賈通乎堯舜禹湯迨末學漸習因循而義  
壇浸疎講貫治統道統如有待先聖後聖其  
同符茲蓋伏遇

皇帝陛下

剛健天縱

粹精日新

恢拓圖書之淵源

振興天地之經緯

金華畫水從容諮詢

銅鶴香浮簡編獻納以一經爲十三經之統紀  
揭日而行中天合四聖爲千萬聖之權輿樹  
標而示率土

特命文學侍從之鉛槧哀輯先賢論說之師承上  
供

乙夜之觀下竭千慮之益旣敷陳于

講幄將實見諸施行厚載物而元承貞敬直內  
而義方外戶鄒魯家程朱誕敷聲教首辟靡  
暨庠校一統車書臣等殫力編摩備員講讀

居業齋別集

卷四

七

篝燈已成卷軸待漏還握牙籤觀象玩辭管  
窺

洗心之藏密擬言議動蠹測

典學之淵深伏願

乾行不息

益進无疆

主善爲師默契畫前之有易

學古有獲潛通象表而忘言

由典冊以見精微親功夫大

兼顯承而備作述篤實輝光則瑞叶玉麟煌哉

赤文綠字而祥開彩鳳煥乎景星卿雲矣

擬纂脩三朝國史開局賜宴表

伏以

鴻猷巍煥萬國瞻雲漢之章

典冊昭垂千秋仰球圖之賁

前者作而後者述通駿有聲

創之裕而守之貞永言維則紀

三朝之光被四表虎觀燃藜追

太祖之仁育九圍螭頭珥筆歡聲雷動協氣雲流臣

等竊惟聖治同天肇堯典虞書之紀載王

居業齋別集卷四表

猷法祖本明堂清廟之詠歌右寧左言起居

特注于柱下祖功宗德傳頌爰暨於海隅蓋

以所見所聞之真垂爲世法世則之典故夏

鼎商盤而後代有成書若文謨武烈以來朝

多鉅冊西京史局司馬紹麟經以操觚東漢

朝章孟堅踵龍門而起例日曆始於唐代而

會昌之時政並付史官紀錄盛於宋朝而乾

道之旬修每傳聖語合官府而僉載惟國史

專掌之詞臣懸日月以不刊必纂修即命於

昭代蓋由肇基者定而及守文繼體積累深

厚是以徵卜年卜世之長且自本紀年表以

逮列傳世家採輯詳明乃能備太書特書之

體若洪武之曾編日曆厥後未聞增修即萬

曆之特撰國書其時弗告成事遂令汗青寥

落幾同祀宋無徵即或稗乘臚陳還愁魯魚

多誤未有大文炳蔚昭日星河嶽之祥盛典

輝煌萃龍馬圖疇之秘功高紹述德懋顯揚

如

今日者也茲蓋伏遇

皇帝陛下

居業齋別集卷四表

天授神靈

性成達孝

富有四海聿隆尊養之恩

咸寧萬邦大啟悠久之緒

皇圖式廓仰思

列聖之勅垂

景運雍熙遐沂

九廟之昭假欽惟我

太祖高皇帝開天肇造建高山荒作之勲

太祖文皇帝化日舒長樹豐木燕詒之業

世祖章皇帝永清奠鼎九重開闢闔神宮建極凝休

萬歲受軒轅寶曆化成久道勳華與乾坤共

昭時際天中格被偕風雷並遠維

寶錄之徽猷彪炳翼翼乎優于見愼于閑劄

一統之誌載森羅彬彬焉行其禮奏其樂

俯允臺臣之請開局掄官

特頒少府之金涓期賜宴矢公矢慎集爾百僚之

工無溢無荒勒成

三朝之史邠岐豐鎬之深仁厚澤久而彌深

文武聖神之廣運旁流光而愈耀戰功赫濯賁若

居業齋別集

卷四

十

草木山川愷惠懷柔沛如膏露霖雨攀鱗附

翼比蕭曹丙魏之儔宣化承流匹范韓文富

之列勒諸旂裳者彙成卷軸銘在鐘鼎者採

入形編各期殫厥三良用以公諸萬禩臣等

技愧雕蟲材慚襍線步亦步趨亦趨奉涑水

爲龜鑑筆則筆削則削師考亭作典刑懔祿

閣之青藜夜以繼日飽官庖之白粲公爾忘

私伏願

揚烈觀光

紹衣篤祐

午朝聽政禮樂兵農咸咨

乙夜觀書典謨雅頌畢備寰宇熙洽彌念締造

之勤海甸豐亨逾思繩武之篤丹文綠字畫

三接于

鳳池籀史邕編時累箱于

豹尾則苞涵虞夏陶鑄殷周

玉燭調萬年曆服而範圍修祁衛官遷固

金莖照千古丹鉛矣

擬進景福頌表

伏以

居業齋別集

卷四

十

睿藻煥龍文寶冊介坤符之祉

慈闈綿鳳曆瑶池承晉母之懽萃九域之嵩呼

天子金聲玉振成上元之寶籙

彤廷錦字琅函八千歲爲春秋蟠莢燕喜億萬

年垂冊府芝檢鴻章彩溢圖疇慶餘海嶽臣

等云竊惟兩儀生於太極先乾始坤元以成

尊萬化原於至誠統博厚高明而悠久帝王

以天下養徽號沿得統之規曾孫合萬國歡

作頌表因心之敬赤虹繞霧爛熳唐編紫宿

流霞輝煌夏策有娥長發式開子氏之祥太

任思齊大啟姬宗之緒然而史臣珥筆莫贊  
高深即或華祝躋堂罔窺邃穆故十年水旱  
徒誦盛德於和熹而三爵衣僅傳華文於  
莊獻未有孝養極九州之奉禮備萬安宮闈  
衍百代之祥光生長樂增華瑤牒介壽槐眉  
如

今日者也茲益伏遇

皇帝陛下

天挺聰明

性生仁孝

居業齋別集卷四表

求衣問夜振蔚豹之仙姿

視膳瞻星聽濯龍之曉漏欽惟

太皇太后伊慶鍾祥丹水肇承天之業石鄉啟祚叁

山綿厚地之徽

昭聖之聖號已尊上而彌上如天垂象而民物瞻

仰

慈壽之壽齡方始新且又新若川方至而日月升

恒律中夾鐘蕪赤水而歌黃竹

帝居太廟乘鑾輅以駕蒼龍杏雨彌天

宸翰映珊瑚之架卿雲復旦

球圖瞰玳瑁之筵大書特書昭

天潢本源之義愛日敬日推

母后孝治之忱源

帝業之由鎬豐

昭代爰成典則維

璇宮之有堯舜普天莫不尊親若大宗若小宗帶

礪山河胥拱宸垣之極爲

天子爲

聖人祿位名壽咸歸星宿之源用能欽五福以卜

萬年因之協三靈而蕃庶物欽柏梁之法酒

居業齋別集卷四表

護花照綠醕紅醅蕤蓮島之僊香

椒砌看龍章鳥篆臣等陳情有志錫類無能注

經而學顏芝殊慚芸閣讀詩而懷東哲欲補

白華依願

典禮慎徽

孝思維則

大堯仁之惇睦煥乎文章

法周道之尊親丕哉謨烈

德施溥而玉杯演露

和氣翔而肉筮搖風則鳳曆常調龍言受中天

之學而虎賁能誦象胥同薄海之文矣

擬舉博學鴻詞表

伏以

吳號雲開寵畜稀遊之麟鳳

離暉日麗運啟復旦之圖書寄繩墨於鸞鳴

梗楠杞梓而升

闕下觀黼黻於鵬路萃山龍藻火以貢

朝端多士雲蒸普天雷動臣等云竊惟額俊尊上

帝用緯地以經天聖主得賢臣惟右文而稽

古虞廷師濟猶勤岳牧之咨周士思皇爰舉

居業齋別集

卷四

古

賓興之典石渠虎觀爛熳西京文學賢良輝

煌漢策爲勸駕爲獻書詔行郡國若彈冠若

推轂人重品題然而江海驅才惟吟風月亦

有蛟龍入夢但咀宮商歸燕詩成曉下春風

欲訴阿房賦就袖中月旦誰操兒命孔楊刺

懷漫滅伍羞絳灌官况牢騷窮丘索於縹緲

漆書誰解出華林之典錄蟲篆何能掌故多

失於曩年洽聞難期於冊府乃至三場帖括

襲優孟之衣冠且將四子微言踵邯鄲之架

步研章摘句渺茫經史之門數墨尋行指點

功名之路張安世記書三篋財給事於尚書

虞仲翔知已一人竟遺憾於當代未有天章

雲漢採葑菲於菰林日煥絲綸取球琳於學

圃范金鑄鼎求木營宮如

今日者也茲蓋伏遇

皇帝陛下

道符羲畫

心契軒圖

奮武而復揆文文成虎變

卹民而兼禮士士慶龍驤

居業齋別集

卷四

五

右史左圖書銘石室

朝嬰夕側啟事金函玉笥班聯已上王褒之頌

柏梁燕喜咸賡孝武之詩顧以

國家養士百年調鼎濟川已賴鹽梅舟楫然而

吳蒼篤生多士山輝谷韞豈無璋璠琬璫有待

而興須張羅於九域無因而至尚緝翼於八

紘

咨爾臣工爲朕博採或松巖肥遯高士南州或蘭

谷潛芳雅望北郭或操觚染翰文鋒聳峙千

尋或潑墨濡毫詞源倒流三峽皇甫米過

序左思歐陽不逢莫賞蘇軾氣蒸雲夢臨襄  
水而疎故人墻靡曹劉賦荆樓而作鸛客與  
其文章千古藏名山而傳之其人曷若潤色  
萬幾本家修而獻之於國卷阿天保共矢來  
歌崇政說書時資啟沃墨允墨智坐論而得  
諸几筵周禮周官起行而著為典則地靜花  
碑之影宵燦金蓮天高彩袞之霞晨調玉燭  
誕登道岸豈止訂亥豕之訛攻錯他山寧徒  
效鼓蛙之噪臣等識慚冰鑑學誤金根李李  
不植於私蹊茅茹矢連於泰運如山濤之薦

居業齋別集卷四

表

叔夜常恐用違其才若孔融之識禰衡無令  
名過其實伏願

道廣僉謀

仁宏器使

念始終典於學

惟古今鑑以人

咨于五更咨于三老翽鳳羽而莫動神羊

謀及卿士謀及庶人迓龍圖而還來太乙則亦

文綵字應華曜於星躔金鏡寶符垂典章于

奕禩矣

擬進 大清會典表  
伏以

憲典昭垂冊府煥縑緗之色

章程畫一岩廊騰翰墨之光

精意原九經同律度量衡而致治

大權有三重合宮府內外以成編同文同軌同

倫輝煌

睿藻世道世法世則爛熳

天章喜溢

螭頭歡騰鳳闕臣等云竊惟聖人大寶守之以

居業齋別集卷四

表

仁天下會同制之為禮粵若五帝而後紀綱

相傳迨乎三王以來質文異尚闕雖磨趾之

意播為立政周官豐水鎬京之規著於辟雍

雅樂漢祖業成汗馬及綿絕而文治聿昭唐

宗書集瀛洲迨貞觀而政要斯備太平御覽

李昉孫奭分修冊府元龜景德祥符乃著朝

章國是淹貫無如三通考獻徵文研求不外

六典自明臣珥筆始有會典之名故秘閣藏

書竟成經世之錄凡以言治道者折衷於掌

故則綱舉而目張若夫監前代者探討諸芸



綱乃鈎連而繩貫雕蟲纂著豈能存典則於  
西京白常編摩不過譜異聞於東漢國計有  
簿未該禮儀寰宇成書甚費刪定宣和博古  
究於治理無關元豐崇文乃至奸人滋誤一  
日三詔並下卷軸旋失於靖康諸郡各路俱  
來牙籤後災于紹定紛紛著作咄咄陳言欲  
求鄒魯之奉為憲章必若文武之布在方策  
德洋化溥禮樂斯興治定功成典文乃備未  
有損益百王之法通其變盡其神楷模奕祲  
而遙遠不忘邇不泄皇矣國典觀乎人文如  
居業齋別集卷四

今日者也茲蓋伏遇  
皇帝陛下

與為則

卜曆无疆

精一執中萬世文明之祖

剛健立極千秋制作之宗

表章六經昭於日星河嶽

融會三禮儼若珪璧琮珎

御製詩文彌綸天地纂修方畧盡滌乾坤當藁

臥鼓之年正考憲貞度之日蘭臺石室度

去之名編虎觀金莖萃鴻都之彥士入官  
古婆娑七林橐筆就班寢食四庫欽承  
天語衷輯

朝章振領提綱紹堯典舜典而為

會典發凡起例超夏書商書以著

清書官分六曹有為有守治大一統無黨無偏冢

宰建官體國經野司徒敷教度地居民禮象

春生宗伯率屬而稽古刑同秋肅司勉執法

以詰奸畜衆容民不忘夫蒐苗獮狩日省月

試下逮乎梓匠輪輿取義于天地四時運行

居業齋別集卷四

九

不已徵功於官民萬物變化無方天保采薇

彌成五服版章土宇綿絡九圍六部均編如

郊子萇弘之各專一職聯床紀事比韓詩戴

記之分治諸經按羅彙輯疏淪貫穿期于通

乎國體草創討論修飾潤色要以竭厥臣心

寒暑四周先明史而告成事縹緲萬軸併統

志以昭鴻圖為德為民虞廷之亮工熙載以

治以察周官之制治保邦

宸製頒行若江河之緯地

聖謨升首如日月之經天煥乎其有文章遐哉永

爲典要臣等才漸握槩學愧然藜僦直大官  
之庖素餐是懼垂紳秘書之閣丹鉛未遑載  
畫一以寧民雅慕蕭相行仁義而有效竊取  
魏徵論語半部之言惟其文罔踐其實撮  
天人三策之要明其道不計其功敢不早夜  
圖維黼黻治平之盛庶幾心手拮据廢颺謨  
烈之隆伏願

綱紀四方

範圍百代

自強不息議禮制度考文

居業齋別集

卷四

下

日進無疆明德新民止善

左商風右無逸長治久安

調玉燭奠金甌凝休欽福則天祿藏書之府雲

漢爲章而承明著作之庭金石並韻矣

擬郵刑表

伏以

聖世廣下車之仁芒銷貫索

天朝敷解網之政澤溢桁楊爽鳩司秋秋肅寓春

溫之意木鳳啣赦赦過同宥罪之心圖往懼

騰取滋忤舞臣等云竊惟上帝好生陽常居

於大夏聖人去殺刑止決以三秋欽恤爲十

六字心外之傳忠厚即億萬年國家之本周

反商政式敬獄於蘇公漢除秦苛定刑章於

蕭相辭聽色聽氣聽耳聽目聽議獄有緩死

之文野刑鄉刑軍刑官刑國刑慎罰垂及嗣

之戒自郡國虎狼爲吏平反幾人迫法曹羅

織有經株連累牘鍛煉之下求須臾而不能

瓜蔓之餘係子弟而未已萇弘碧血哀同杜

伯之朱衣魏其沉寃慘比灌夫於居室三宥

視爲故事空愴惻于東門十族竟爲新談俱

居業齋別集

卷四

上

牽引於西市蓋析律太刻死或中於深文而

持法過嚴生亦傷于束濕未有辟以止辟九

棘傳宣異風刑期無刑五宅並霑解雨如

今日者也茲蓋伏遇

皇帝陛下

乾元資始

坤厚有常

恭已以臨如雲如日

惠鮮爲保式舞式歌刑惟腥而德惟馨已見銀

河之洗治無名而

六有象行空貴人之囚然猶痼瘵弗釋

宵旰未遑聽言而用張釋之決獄則遣于定國

念入者未易失出固難輕肆赦于要囚乃死

者不可復生尚其示矜全於停緩得情勿喜

毋謂鵠亭之鬼雖九死而甘心惟恕乃平罔

石屠伯之期嗟一月之未展至于赭衣道路

或屬絮舜家人關木郵亭豈無緹縈少女俱

邀

寬政均沐

恩波脫桎梏而言旋言歸猶是蚩戶鹿場之婦子

居業齋別集

卷四

五

解髡鉗而隸耕隸織依然大田楚茨之室家

彼死者如有知也雖殺之而不怨繫有者得

無恙耶將改行以自新父老傳

詔令而涕洟兒童喜

新政而誦詠臣等管窺玉律蠡測金科素無半部

書其堪佐治徒守三尺法奚以救民際

仁聖之君耻因法術刑名而進當

清平之世肯與申韓管商爲徒伏願

仁心益寬

慈德爲寶

九歌興而百揆敘猶勤淑問之庭堅

五禮修而六樂和還命循行之召伯

省刑先以薄歛用一緩二眚黔黎以陽和

節用因而愛人耕九餘三番積貯爲大命則

仁風翔洽道德齊禮之化風動四方將

久道化成闕雎磨趾之休垂裕百代

擬 駕幸闕里表

伏以

乾德中天治統兼司道統

離輝麗日心宗上契儒宗

居業齋別集

卷四

五

省方同天下之文光生奎壁

典禮右古今之學慶溢簪纓率土騰懽普天動

色臣等云竊惟帝世右文稽古必由庠序王

猷典學秩祀獨先替宗魯國而儒一人道隆

洙泗夫子之墻數仞望重徂徠自生民以來

未有其盛等百世之上莫之能遠是以登堂

如聞絲竹之聲至于發秘猶啟圖書之奧赤

帝功高馬上祀以太牢元宗樂在梨園加之

王爵親祀昉東漢饌肆設於春秋象舞於北

齊軒宏開於廊壁自廊廟之俎豆視爲具文

致士習之支離漸成末學會稽清辯半爲蕪  
嶺旃林洛下狂瀾已入漆園苦縣絳紗記室  
未必真儒戎服講堂豈真絕學未有表章大  
道崇尚宗風鑾輅至止而草露咸滋霓旌遙  
臨而卿雲復旦如  
今日者也茲蓋伏遇

皇帝陛下

運啟圖疇

道隆作觀

神機電發藏豹畧而尚詩書

居業齋別集

卷四

表

西

睿智雷行累虎皮而尊文學

金聲兼玉振遙同洙水之源

承烈以顯謨不數崆峒之駕

謂澤隆木鐸能爲萬古之師躬起布衣已備千

秋之鑑尚書與九丘表裏太極爲十翼淵源

筆則筆削則削麟經大義存幾希於文周行

其行言其言韋布微文紹統緒於堯舜百川

衆瀆趨海水以朝宗萬戶千門視杏壇爲閭

奧爰

登尼山之阜益信地靈乃

聆孔氏之鐘如逢天籟撫素王之車服禮器斯

文猶存察鄒魯之風俗人心至治有象雲騰

帝座光飛玉檢之書星度文昌氣晃

金根之輅臣等步趨無力嚮往有懷近聖人之

門惟憑蠡測當有道之世僅得管窺捧三絕

之章編几筵自昔懷七枚之白璧劍履維新

伏願

學懋湯盤

化翔禹服

老安少懷友信沛時雍光被之風

居業齋別集

卷四

五

立道綬來動和開蕩平正直之路雍容入侍百

濟新羅觀聽園門羽林衛士則麟遊郊駁至

鴻庥于億萬千年而鳳集朝陽邁駁烈于七

十二代矣

擬重刊性理大全文獻通考 御製序文頌

行天下表

伏以

聖治崇文吳號煥縹緗之色

皇猷稽古離暉聯奎壁之光

作君兼平作師誕敷薄海之聲教

治統原於道統遙接曩哲之薪傳風動臣隣化

馳寰宇臣等云竊惟聖人配兩儀而盡性盡

人性物性而皆無殊理王者操三重以考文

考古文今文而代有成書粵若十六字傳心

心心相印迨於廿一史紀事事事可觀五結

三盤性命道教相表裏六官二雅禮樂兵農

之紀綱漢祖馬上功成僅解頤於新語孝文

宣室夜召止前席乎鬼神董江都天人三策

始先德而後刑韓昌黎原道諸篇猶大臨而

小疵六朝風雲月露何益身心江左虛誕風

居業齋別集卷四

宋

云

流貽誤君國存誠主敬至宋代諸儒而理學

中天徵獻考文得馬氏一書而經綸貫日然

而載籍極博道不虛行年世云遙事如有待

未有宥密紹千聖之微車書大一統之盛滙

百川以爲谷萃五土而成山如

今日者也茲益伏遇

皇帝陛下

德協天人

心傳河洛

文武聖神而時雍光被

聰明睿知而溥博淵泉

經筵肇開馮翼孝德之濟濟

起居悉注盤盂几杖之兢兢廼

咨秩宗觀人文以化成天下敷求往哲際豐亨

而宜照日中謂誠意正心實齊治均平之本

而明體達用乃內聖外王之功濂有書洛有

傳闢有銘六經四子集大成於考亭之學莖

其蔓取其精挈其要百官萬民分條理於端

臨之書丙夜校讐字勿訛於魯魚亥豕寅恭

刑刪理務晰夫若布星羅蓋坐言斯可起行

居業齋別集卷四

宋

云

簡編具在而前作尤須後述歷久彌新序六

氏之孝經唐宗曾傳駢麗之製聚諸儒於虎

觀漢主猶崇詔誥之文爰播

王言式昭

睿慮煌煌

大訓如雲漢之章天璽璽

令謨若江河之行地自辟雍下逮乎里塾黨庠

不復言雞碑石鼓由畿甸遐暨於山陬海澨

共知有玉振金聲一代古微千秋盛事臣等

面牆罔識窺管何能半部太平嗤誤分

普五車多識媿未精於秦謨從此養性存心  
敬求知命達天之學敢不循名責實用勩體  
國經野之模伏願

日進无疆

天行不息

庭燎問夜惟緝熙亶厥心

無逸書屏念終始典于學因治人求治法駐麟

精意載周官立政以行近正人闢正言欽允

文思與益訓臯謨並著則有猷有爲有守庶

民近

居業齋別集

卷四

三

皇極之光而同軌同文同倫萬國仰元良之慶矣

擬舉行耕籍大典表

伏以

天意降康千畝扇陽和之色

王仁省歲三農披閭闔之風

恩膏出自尚方從天下地

徧德行乎卿貳繫月維星黍稷自薦馨於黃圖

籌車先歛福於赤縣懽騰父老慶溢臣隣

等竊惟王綏諸夏稼穡常念民依食作民

天農祥每咨保介周家卜年八百基始思文

夏后敷教九州功先土穀辟牡禋祀甫田歲

取十千翠華容如流火篇歌七月八十米九

十衣孝文下力田之詔博士中博士大茂陵

勤戶口之咨績著弘農年紀五鳳勞傳紺幄

瑞見神羊益艱難常厯於宸衷故深宮不忘

乎民事自元和徒登會計暨建隆止亟徵求

甸南山履東畝禹服無規揭北斗粲西人春

臺何望司徒荒政空垂散利之條王制凶禋

止戒脩食之樂未有紫陌青川快觀蒼龍之

駕絳轅黛紉忻瞻朱鳥之祥如

居業齋別集

卷四

元

今日者也茲蓋伏遇

皇帝陛下

玉律調元

珠裘叶紀

發祥濬哲車書通浮竹之鄉

受命溥將禮樂遍流沙之戶七日人而八日穀

道重祈年五月粟而二月絲慮切有主自設

灰之律動屆黍谷之春回咨爾從龍舊彥身

開草昧猶能念火耕水耨之勤勞矧茲附鳳

新臣來自田間豈遂忘暑雨祁寒之疾苦嘉

謨人告大典肇興爰戒庫門用燒田燭雞人  
曉唱曙星灌火交門

鳳輦朝馳笙奏殷雷借奮雲流翠幕爭傳潘岳  
之文露浥金莖不羨長卿之草山村野塾帝  
力興歌谷飲川居明昭獲賜臣等學殖荒落  
治行因循幸際風雲未獲效陰陽之調焚躬  
沾雨露竊嘗異府事之修和讀書寶懷德之  
箴知問牛之有道觀史耻言利之輩痛弘羊  
之為人伏願

元登丘澤

居業齋別集

卷四

道盛塔符

師大禹之監門祇勤粒食鮮食

法文王之卑服加意田功康功繪圖風於屏端

茅絢滿目書無逸於座右黍稌經心將秋大

有年快觀鯨魚之勿躍而天恒雨穀

雀之時鳴矣

居業齋別集卷四終

居業齋別集卷五

廣濟金德嘉會公

策 策問

殿試策

臣對臣聞帝王之繼天立極而萬國咸寧也  
有文經武緯之大功以昭垂天壤而富有日  
新之象以著有求寧觀成之大道以範圍宇  
宙而久安長治之勢以成蓋大綱小紀整肅  
於雷厲風行則教化之所以洽風俗之所以  
淳咸照臨於基命宥密之夙夜深仁厚澤洋  
溢於雲行雨施則府事之所以修財賦之所  
以裕悉鼓舞於深宮宵旰之懋勤若此者與  
天合德焉天不言而歲功成四時之吏五行  
之佐分其職帝王之廣運如天而師師濟濟  
之臣隣皆寅亮天工者也天無爲而大澤布  
百物之生庶類之育遂其性帝王之不冒如  
天而林林總總之兆庶皆沐浴天休者也所  
以至治之世典章畫一軌物昭融人修康寧  
之行戶成可尚之俗河嶽效靈而海內殷  
至於並生之倫厚生正德莫不迓休徵

景福被潤澤而大豐美倚歟盛哉此唐虞三代之所以涵濡休養端拱而觀德化之成者也欽惟

皇帝陛下

神功赫濯

睿德懷柔

恭已運鴻謨道啟丹書而河清海晏

普天渙大號恩流紫棘而日暖春融

孝養隆而蒲筦生風敬愛與尊親愈篤

雍和泰而松雲煥采山河共景物常新

居業齋別集

卷五

策

二

問夜徹驚序鵲班濟濟工虞禮樂闢四門以敘

九疇

求賢聚螭頭虎拜森森喜起虞歌調三光而備

五福固已治臻時雍人慶熙皞臣沾被

聖化游泳太平之日久矣乃者叨有司之薦得以

咫尺

天顏祇承

清問仰窺

皇上厲精圖治之心帝咨王訪其揆一焉以臣至

愚極陋何足以對揚萬一仰贊

高深然而芹曝之誠敢不披瀝以

獻伏觀我

皇上奮乾剛之斷廣離照之暉九伐振司馬之法

一怒安天下之民昔漢武之討南越唐憲之

平淮西高宗三年之伐宣王六月之師聲靈

燁赫寧有加茲乃自海寓蕩平以來求治日

切而愛民日殷霸州賑卹則惠流畿輔大同

蠲貸則膏洽窮簷旂民之征稅則邦本之

慮汪濊於田疇申耕桑之考課則民依之念

慤懃於長吏凡所以厚民生而思躋之仁壽

居業齋別集

卷五

策

三

之域者蓋如此而且廣鄉會之試額以羅人

才復外吏之廩祿以養廉耻誅左道之簧鼓

以正人心擢封疆之勞臣以昭激勸旌靖節

之義士以著綱常重巡察大臣之差遣以除

豪暴而安善良凡所以匡民俗而思進之仁

讓之路者蓋如此百爾臣工敢不勤修職業

贊襄上理以致斯世斯民於郅隆之雅化乎

伏讀

制策有曰令甲屢頒而奉行不力未作之纖靡未

息閭閻之嗜慾猶滋豈閑情節牲坊表斯民



之方尚有未備者歟

皇上之言及此誠轉移變化之微權而移風易俗之要道也臣聞風俗之弊莫大於矜華而心之僞常起於好勝竭天下有用之財供天下無益之費而惟日不足者奢爲之害也決天下至嚴之坊徇天下至私之習而踵事日增者競爲之使也古者車服有等采章有別奇伎淫巧有禁驅末作之民而盡緣南畝至令賈人不得衣絲乘車以重抑之若此者豈好樸哉所以塞耳目之慾而止邪於未萌也

居業齋別集

卷五

四

制策有曰慎辨等威納諸軌物臣愚以爲貴賤少長之分未嘗不明於天下而制節謹度之意或寡者俗之漸靡使然也夫教化之移民也日積月累在於賢守令而觀摩鼓動在於庠序學校之際有至性感發之仇香則人懷倫紀之樂矣有閑閑思過之韓延壽則人知浮薄之耻矣有躬行化導之胡瑗則人以經義治事爲稽古之榮而不以紛華盛麗損道德之氣矣從來閭巷之好尚其微者始於士大夫而漸及於細民禮教之修明其大者始

清操厚重之大臣而漸及於羣工百執事記曰安上治民莫善於禮禮者履也夫王裂悖行而化及鄉人楊瑄潔已而風行京兆軌物之興豈不以人哉

制策有曰圖治之要首重天儲兼禦民患比年河決爲災修築鮮效此

皇上心堯禹之心而洒沉澹災之至意也臣聞五行之利水爲先而四瀆之患河爲大以河治河而河之治也急因漕治河而河之治也愈急使漕運盡由於河而河之治也難惟漕運

居業齋別集

卷五

五

不盡由於河而河之治也尤難大率治黃河者患其盈治漕河者患其涸患其盈者修隄防患其涸者勤挑濬隄防之修欲其高也欲其固也欲其柳掃之歲增也數者人能言之然而洪流往往告潰者何也挑濬之勤欲其上流之勿闕也欲其水櫃之勿洩也欲其支派之勿壅也數者人能言之然而運道往往不前者何也昔明臣用一潘季馴而河伯效順焉唐臣用一劉晏而轉輸奏績焉意者河之治也惟在河臣殫其力於河工無曠

無冗歟一切罷輟不職之屬無得與援於河  
以爲藏垢納污之地歟漕之治也惟在漕臣  
殫其力於漕泉源濬歟水利興歟一切過淮  
抵通之限無得遷延於漕以爲因循玩愒之  
階歟此治法治人所以相維而實心任事之  
臣旋至而立有效者也

皇上躬行儉德以先天下而親疎遐邇一道同風  
莫不曉然知

朝廷之敦本而尚實也而侈靡之習於是乎息靡  
樸之俗於是乎成禮教信義於是乎篤恭遜

居業齋別集

卷五

六

靜慈於是乎興大臣以清嚴率屬羣臣以勤  
約居官能節用自能愛民民安物阜則二氣  
由是而節宣百川由是而寧謐梯航盛於禹  
貢都鄙康庾之滿踰於漢京豈非加富加教  
殷殷而無已者哉

制策終篇勉臣等以詳切敷陳而原本於經術臣  
思大學一書乃統貫經術爲千古用人理財  
廣教化美風俗之權輿

皇上天行不息慎乃永圖而力行之孜孜如堯  
業如舜克勤克儉如禹勿通勿殖如湯亦

亦保如文不泄不忘如武厚民之生復民之  
性五禮以教民中六樂以導民中和位育  
之盛聖神功化之極豈非業與覆載比隆而  
我

國家億萬載无疆曆服之本哉臣草茅新進固  
識忌諱干冒

宸嚴不勝戰慄隕越之至臣謹對

治道心法

丁卯黃  
州典試

問帝王敷政宣猷立綱陳紀天下已治而益  
求其治民生已安而益求其安何其道之有

居業齋別集

卷五

七

加而心之無倦也唐虞之盛至於萬邦協和  
四方風動三代之盛至於四海攸同九圍是  
式自西自東自南自北無思不服果何道以  
臻此先儒有言治本於道道本於心其經緯  
條貫可得而指陳歟書紀賡歌喜起之休詩  
咏馮翼孝德之助主輔一德上下交修唐虞  
三代之盛抑或由於此歟三代而後若漢章  
帝之博徵羣儒論定五經唐太宗之躬覽羣  
書哀集萬卷宋太宗之恭儉仁恕稽古右文  
其治道心法亦有合於古帝王者歟我

皇上繼天立極萬國咸寧震疊懷柔超邁千古萬

幾之暇番意創作

御製四書大易尚書諸經解序頒布寓內還陝僻

壤胥耀於光明矣日

御經帷命近臣進講經史寒暑罔間惠疇亮采大

小臣工之獻納採聽靡遺夫人文化成雲漢

章也湛恩汪濊江河潤也臣庶固陋難以仰

贊

高深然覆載鈞陶之日久矣儒生之所誦說有能

贊揚於萬一者歟易曰天行健君子以自強

居業齋別集

卷五

策問

八

不息天載無私在宥所以丕徧天命不已運

行所以永貞意者治道莫大於中心學莫要

於敬帝德王功之本其在是歟古人臣之事

君必本諸平生所學如董仲舒之正誼明道

朱熹之誠意正心程頤之積誠於經筵講讀

真德秀之亶精於大學衍義一書之四子者

於帝王之治道心法爲能探微析奧否歟爾

多士講習有素其殫思而昌言之將藉手以

爲

輔展獻

吏治丁卯黃州典試

問治道莫大於安民而察吏者安民之先務

也虞廷三載考績陟明黜幽周官六計弊吏

省成攬要尚矣漢課二千石以六條唐課羣

吏以二十七最其寬嚴繁簡孰爲當歟蓋課

吏於服官之日者殿最之科條是也擇人於

拜官之初者流品之澄別是也成周賓興選

舉必德行譽望素著於鄉黨論定然後官之

故其得人爲最盛漢舉賢良方正直言極諫

之士天子親策問古今治道喜其對則待以

居業齋別集

卷五

策問

九

不次之位即孝廉文學明經之科類皆行誼

著聞郡守縣令推擇而升之未聞素履微賤

而驟致通顯者其於古鄉舉里選之意有同

歟隋唐而後概重進士雖所取止於文苑而

其人起家要皆清流宋初父老以白袍舉子

之出卜天下之太平豈藻翰之士果盡稱職

歟抑天壤清淑之氣鍾於詩書爲多即材能

或有不齊而類聚羣分固無刀筆之氣歟

朝廷向嘗許富民入粟縣官得以拜爵此庶人急

公之義也而猾胥廝役因緣冒濫侵官帑而

輸之有入官輒掛彈章者矣若此之類尚有  
維海而位者其何以釐剔歟

重去疆大吏之任選擇其人而使之而大吏  
之任封疆者往往增秩而超遷疏進士之壅  
滯及其鋒而用之而進士之當官者往往以  
治行有聲績人情莫不自愛而踴躍於功名  
之路亦大畧可觀矣然其考課之與黜別果  
孰緩而孰急歟郡縣親民之吏而以輸粟者  
補之或倣唐宋選人格試而後用其亦可歟  
寓內清晏吏治蒸蒸寬盜逃之案停解逃數

居業齋別集 卷五 策問

十

滿即陞之例法甚善矣或言宜重守令之事  
權以展其才寬檢選之登進以疏其帶增小  
吏之俸祿以養其廉閭閻教職之除授以端  
其坊表是皆寓鼓舞人才之意於澄敘官方  
之中者也然歟否歟諸生盱衡吏治當必有  
灼見於中者矣言之毋隱

河圖洛書 代

問學莫先於溯源而河圖洛書為萬世文字  
之祖學莫大於窮理而河圖洛書開羣儒辯  
論之端我

皇上稽古右文表章聖學六經解義揭日月而行

中天則圖書之講貫諸生所有事也蒙引謂  
圖之虛五與十書之虛其中五大極也將以  
圖之中五與十書之中五為太極歟抑以云  
其五與十者不用而使中虛以為太極歟圖  
以一二三四為六七八九書以一二三四而  
舍七八九六其相因相互之故可得聞歟圖  
祈四方之合以為乾坤坎離書補四隅之空  
以為震兌巽艮其陰陽之位置合歟否歟圖  
以陽統陰而極於十全數也書以陰會陽而

居業齋別集 卷五 策問

士

少不足焉其故何歟圖主五行相生之序書  
主五行相克之序或曰惟主於陽也故畀之  
龍馬惟主於陰也故畀之龜疇為為之而安  
排於其間歟易傳河出圖洛出書聖人則之  
本義合諸天生神物天地變化天垂象見吉  
凶而曰此四者聖人作易之所由也乃漢儒  
嘗以圖書分屬易範夫書之為範自一至九  
之數固為相合而五行之初一皇極之居中  
五亦為可通外此而五事之居前右以至庶  
徵福極之八九而各專一位其陰陽奇偶方

位名數不相當矣夫謂圖書相為經緯則可而謂卦章相為表裏是果何見歟夫河圖洛書相為經緯八卦九章相為表裏之說西山蔡氏謂伏羲但據河圖以作易不必預見洛書而已遂與之合其說猶之漢儒也程子謂聖人見河圖洛書而畫八卦其說猶之朱子也二者將安從歟自漢孔安國劉歆魏闕明宋邵堯夫皆以一六居下二七居上三八居左四九居右五十居中為河圖戴九履一左三右七二四為肩六八為足者為洛書考亭

居業齋別集

卷五

陳問

主

朱子因之獨劉牧兩易其名而曰今之所謂河圖古之洛書也今之所謂洛書古之河圖也其說果何所本歟諸生幸當文明化成之日平居參伍研究蘊蓄於中者素矣其詳析言之毋隱

理學代

問理學之傳由來尚矣羲皇一畫開天唐虞聖人精一執中啟其宗禹皋湯文伊萊望散衍其緒而洙泗集其成顏曾思孟近承之濂洛關閩遠紹之其源流可溯也然周子無極

太極與大易互相發明者何在有能剖悉之者歟伊川言有主則虛明道言有主則實有岐吉歟張子西銘邵子先天廣大精微各造其極歟朱陸異同其見解辯說之詳師友授受門弟子支派孰精孰執孰當孰否可一一指數歟至元而有許文正衡許文懿謙劉文靖因姚文獻樞之屬至明而有薛文清瑄胡敬齋居仁張東白元禎章楓菴懋羅整菴欽順羅念菴洪先之屬又有王文成守仁陳白沙獻章湛甘泉若水莊定山景羅一峰倫之

居業齋別集

卷五

策問

主

屬其間孰近於朱孰近於陸同異趨舍可一條析歟我

皇上聖學中天二帝三王之道備矣當此文教誕敷之日闡閱詩書暇瀝禮樂猗歟盛哉有志之士豈徒曰觚翰撰若是工當有以聞天人之微言發性命之閭奧也其藉手以

獻

弭盜代

問安民之法莫如弭盜周禮有士師掌民之什伍使之相保有野廬氏掌國之道路使之

相衛有修閭氏禁兵革馳騁者有司寤氏禁宵行夜遊者當其時其爲凡民之所愁而施司寇之刑者蓋寡焉所謂禁之於未然也後世則以捕爲能矣漢經濟能臣往往以此立功名顯當世如張敞上書自請治膠東則盜賊解散治長安則枹鼓稀鳴趙廣漢之治趙川用鉅簡而奸黨散落李崇之治兗州置枹鼓而諸偷擒獲賈琮之治交趾招流移誅渠帥而百姓以安龔遂之治渤海賣劍買牛賣刀買犢而四境以靜今其方畧可得而指陳歟或曰盜息而民乃安則法在嚴保甲謹緝捕或曰民安而盜自息則政在課農桑移風俗宜何道之從也國家張官置吏開功名之路而失盜諱盜救過不給豈古今人才不相及歟抑展布之途鼓勵之術有或殊歟文以牧民武以詰奸而牧者何以清盜源詰者何以消盜萌意者責成事而職司自勵歟

皇上仁育義正獎廉懲貪以端風化之原意者良有司拊循教養自當比屋可封而不在文法之末歟多士其悉心以對

問聲音之道通乎治忽禮記言五聲六律十二管旋相爲宮周禮大司樂言天神可得而降地祇可得而出人鬼可得而禮大哉樂乎秦漢相傳猶未有異論也迨東漢之末以校西晉之初言人人殊歷魏晉齊隋唐五季論者愈多而法愈不定爰及於宋和胡阮李范馬劉楊之議終不能以相一也後儒折衷之其說安在夫樂有求之器數者有求之聲音者有求之義理者可得而變陳歟六律六同器也三分損益數也清濁高下聲也正變倍半音也本元聲和中氣協八風正三統義理也乃或謂樂以聲音爲主而無取乎義理或謂樂以人和爲主而不在乎聲音果孰得而孰失歟黃鍾九寸布管候氣之法四聲二變空積忽微之差一陰一陽相生六陰六陽相從之說手口指畫可歷歷歟

皇上建中和之極金聲而玉振之鳳儀獸舞之盛將復見於宮懸矣諸生服古有年豈無通微測渺如張蒼蔡邕其人者乎其詳切言之

居業齋別集卷六

廣濟金德嘉會公

傳

永興教諭萬君家傳

襄陽有萬君次可者名閔中以康熙壬子選拔貢入成均大學士崑山徐公時為祭酒甚才之由是六館人士籍籍稱誦其所為科舉文字蓋名噪長安矣再試京兆不第歸而讀書鹿門萬山間授徒得修脯以養其親先後踏省闈者十有二僥中者數矣然竟不第需次校官非其所好也戊寅冬御居業齋別集卷六

史呂君條奏錄用恩拔貢生如國初創

詔下銓部議覆君以久次當首選庚辰除目下得柳州之永興縣學教諭君襁被之官教化甫行而卒其在永興也曹生克用者無罪而死於獄縣人譁於明倫之堂曰士可殺不可辱也曹生法當死當麗爰書肆詣市奈何死獄卒手君鳴鐘鼓為文告先聖眠食俱廢迨諸生以事聞於上官君客長沙對簿自春徂夏曹生事稍白而君疾大作矣君以義憤激烈白刃可蹈第令士氣得伸一水與增重哉君之事父母孝與人交溫

義所不可輒形於色成敗利鈍無足以動其心若君者可謂賢於今人遠矣

論曰士之不可過者氣耳魯仲連孔文舉千載下廩廩猶生視張禹孔光則糞土耳藉令次可不踴躍於永興一官其設施注厝何可量然強禦不畏見義必爲在褒衣博帶間或亦魯孔之儔歟

### 張同知家傳

蘄州志稱軫南張公生平忠孝大節余嘗讀而偉之公起家明萬曆戊戌進士累官江西右布政使歸老蘄州崇禎癸未遭獻賊屠城殉難事聞崇祀

### 居業齋別集

#### 卷六 傳

鄉賢子效葵以天啟甲子鄉舉累官陝西延安同知延安子承位順治丁酉鄉舉持其父行狀來乞文按狀公諱效葵字叔向一字誠齋生而貌魁偉少時豪於飲詠諧酣暢往往驚四座然不及亂年二十四登賢書事兄效蓋恭謹素無私財嘗賣負郭田以代償其債里人稱之數上公車不第署嘉魚教諭與熊魚山尹洞庭諸君友善招致黃仲霖宴集落星亭有倡和詩集行武漢間學官典司春秋二丁祭備物竣事沿習以爲常而嘉魚廟學燭花篆結隱隱成字形蓋公之誠敬所感也秩滿還

知四川鹽亭縣甫下車登高眺望古木參天屋宇鱗次而炊煙落落可數豺虎白晝齒人田在草間吏抱牘以俟徵比公曰令不履畝清丈而聽吏胥下上其手邑尚可爲哉乃單騎按畝均賦流民望風歸田里然隣境寇盜充斥城中夜分數擾亂公諷公以疾去公曰守土臣職也身臥睥睨視更鼓縣人由是編保甲守有備危城乃安會四川開科巡撫檄公分校而賊黨嘯聚山谷伺省試薄城爲亂客又諷公以疾辭公曰取士大典也假裝往得士凡九人縣有販羊賈人牛斗亮五六輩誤傷人

### 居業齋別集

#### 卷六 傳

#### 三

坐死獄已具公平反活之有以白金夜餉者旦責其人而麾之塔下當是時鹽亭且大治最聞有延安同知之擢秦地幅員廣濶特設同知分理神木各堡守備隸焉文移往復應接不暇署無幕客常手自削藁武人例以餽遺交懽輒絕之廉聲籍甚然以治行自負不能媚當路有齟齬公者例當調遂投劾去行遇盜於塗發嚆矢三一蒼頭解衣挺胸以受曰此延安分司神木二府也稱貸而歸篋中所有書卷耳盃雅知公遂笑而引去歸隱西村藝竹灌園以老隣有何家草亭興至輒步屨往遊



愛子壻饒生於國別業筍輿造焉城市則絕跡矣  
居亡何歲飢盜攘公困粟縛主者索錢事露知州  
王君捕得三人且寘之死公曰盜粟耳錢無有也  
請釋之以俟其自新盜得免死有田阜隸使酒謾  
罵子弟都不平且聞之官公曰細人耳矧又醉何  
足校乎郡人以是稱公長者燕居焚香正襟鎮日  
無情容年七十端坐而逝蓋狀之稱述如此

史氏贊曰余杜門江許距蘄城蓋四舍云郡丞行  
實於狀是徵耳夫其紹方伯公家學有如此此詩  
人所謂勿替引之者也後有采薪者人物者舍是  
居業齋別集卷六

奚達哉  
何小崑家傳

何小崑者名山雋安陸鍾祥人也溯漢水有地近  
古內方山何聚族居焉小崑曾大父宗唐家始豐  
大父繼亭父雲行雲行雅好客安陸壤錯荆襄通  
漢沔滙鄂蓋五達之衢也雲行構草堂樹可繫舟  
客停橈輒徑造壺觴綰紵人盡懷去小崑補郡學  
諸生尋餽於諸生中入成均爲歲貢生遠近客日  
至白粲青芻之供春人羣人羣若郵亭然客淹  
留或踰晦朔更寒暑左右周旋久彌篤雲行老小

崑督家政家日起客日益多其內行亦益有聞同  
產弟山奇秀才甫二十四而夭妻華誓節小崑育  
其二孤女如已出笄適士族喪送特渥雲行卒喪  
塋壹遵家禮歲祔則設糜以哺餓人而棺瘞其死  
者寡士及里隣緩急以告則賑之即倒廩垂橐無  
吝色郡縣大夫聞其好施也數改容遇以殊禮小  
崑時時條租庸徭役河隄諸務從容有端緒然未  
嘗干以私也中年喜購書書日積江漢間稱藏書  
必曰何家小崑下世兒燠歲貢孫其昌饒於學蓋  
亦用書世其家云

居業齋別集卷六

傳

五

贊曰小崑一字方山方山者禹貢所名內方山也  
春秋左氏傳櫛木山白水今皆在安陸封內何家  
聚由白水派流而上距櫛木蓋雲樹相望云小崑  
與余交自白水邂逅然余未詢及其先代燠及余  
門爲余言故山東濟南周村人明永樂初有何海  
者入楚卜居此爲始祖焉人富多齷齪封殖而小  
崑能忼慨行其志賢矣哉

胡欽若家傳

胡君名之璽字欽若縣學生楚良長子也生十歲  
而孤母顏拊之弱冠補博士弟子員鄉人以地望

往爲里門長崇禎乙亥流寇亂率鄉人結若天台  
山頂丙子賊張獻忠自皖江來所過戰嬰兒爲戲  
龍頭大符諸若屠無遺種欽若以若降賊踞獨山  
籍壯丁入伍符老弱與俱胡族凡四百口隸焉獻  
忠殺人如刈草菅降人股栗旦夕且死獨欽若時  
時與抵掌談自若獻忠亦改容呼曰胖相公甲申  
賊撤營走湖湘前哨抵江夏而尾營猶在麻城斬  
水下令逸一人即族戮之當是時人又股栗旦夕  
死欽若獨與一二族人有心計者謀曰從賊去死  
跳匿亦死猶萬一得生族人曰諾於是夜行晝伏

居業齋別集

卷六

六

重趼數百里到鄉井越五旬而宗之遺人保聚薤  
蒿茂舍以居焉嗚呼人生不幸丁亂世而流離坎  
壈如欽若者亦可哀也已欽若天性孝友當居父  
喪時尚幼已哀毀如成人母顏殯值火災長號擗  
踴祈返風有六歲兒火死不遑救須臾果返風而  
殯以存母弟完公甫三十而夭遺孤襁褓鞠之會  
痘疹拊牀眵視膿血漬襟褰及痊手辦香告天祖  
張筵大會宗人曰孤存則亡弟瞑矣已而督課婚  
娶析產營居咸與已子均其內行蓋如此而廣交  
游重然諾尤有古人風黃岡曾益之羈旅落魄一

見如素交館祭無倦容其妻客死爲治喪相高故  
地以塋益之死殯塋亦如之由是士大夫高其誼  
而鄉隣爭訟往往不之公府惟質成於胡先生片  
言也晚節遊京師覽觀薊丘古蹟遶齊登岱眺滄  
海日出旅次逢餓者溺者輒垂橐拯卹歸而行李  
蕭然日與同堂老昆弟澆酒擊鮮爲笑樂其襟期  
豪宕視貴游藐如也娶方氏賢並老壽考終塋縣  
東雙髻山子景俊皆縣諸生

論曰士大夫論人先觀其大節東漢諸君子焜煌  
史牒到今稱焉歐陽公五代史傳一行亦此志也

居業齋別集

卷六

七

欽若材不獲施設而行已若此亦足以傳矣

石溪居士家傳

石溪居士者石港山下隱君子也姓吳氏名兆嶽  
字曰中望大父隱華以貴雄於鄉里父敏行縣諸  
生雅好形家言門左右授祭無虛日中望心竊知  
坐客之誕也愚違父意而不敢言則負笈走鴻臚  
洲受業經師盧小相所順治庚寅赴督學試三原  
李公保菴才之補學官弟子尋爲增廣生予以李  
公試諸生中冠一邑與中望周旋黃州久當是時  
學政肅一府九縣學子旅食且踰六旬試事已大

率讌聚爲樂而中望伏案佔畢如初直指聶公觀風試予亦第一中望左次以是發憤學益有聞然屢踏省闈不第也先是從祖少常卿宦成念弟隱華用布衣老析產特厚及中望之身貲日起租孳嘗爲鄉縣冠會西山之役軍興旁午令按籍箕歛富家往往以逋租被逮中望勉漢書課不至殿已而墨令某用猾胥樓里正之黠者蠶食縣人一切襍徭培克十倍於正供縣空虛矣出詭計廢縣以便其官之遷也縣人誓以死力爭之而墨令陰陽鈎攝久之縣人有浸浸倒戈繞指柔而爲之用

居業齋別集

卷六

傳

八

者惟中望終事不入其黨厥後縣不果廢而士習孺染墨令難驟泮猾胥因緣爪距日益張要以里役爲窟中望率同志疏猾胥主名言於上官勘者納賄牘廼屈會學使歲試黃州試有日縣人大譁勝於衢曰士氣盡矣焉用試爲詰朝有橐筆而就試者衆共擊之於是納賄者反其牘而羣小伏辜縣人色喜相告中望獨蒿目憂曰墨令猾胥里役實階之厲耳居亡何會制府姚公下散甲令楚制府徐公踵之中望於是舉觴屬客曰百世利也中望有子七人女子二人予仲子啟汾爲中望

子增當分始補諸生時把袂太息曰惜哉吾不及見逸少之通顯也未幾卒今內外孫凡二十四人論曰士無論遇不遇要視乎其志耳中望讀史嘗慕陳東歐陽澈之爲人憾生不與同時然所志者非有軍國大故惟是里役厲民耳嗚呼彼肺腑墨令羽翼猾胥者亦獨何心哉墨令之落魄長安也蒲伏余邸舍追論往事未嘗不歎中望之踽踽獨行爲不可及嗚呼可以概中望之生平矣

怡雲隱者家傳

怡雲隱者吳兆昇字東曙廣濟東鄉石港山人太

居業齋別集

卷六

傳

九

常少卿訥存從孫也父敏度縣學生母李產兆昇及仲鼎貴父卒遺腹生兆徽順治丙戌丁亥流寇亂避地江之南沙洲受書舅氏李大復所寇退田荒會大差役則黠者視孤兒奇貨舅氏課兆昇誦而屬鼎貴理徭賦久之稍諳練然產亦中落矣臚宦先生少常弟也兆昇侍多雲山房學詩擣染有詩癖布帽芒屨游山水興至則吟飢寒癯瘦母憐而止之吟自若鼎貴字東鮮兆徽字東剛次第八縣庠則徭賦一切委之置弗問里正到門搔首望石港雲氣曰毋亂我詩思當是時東鮮慨任事

誠八曰有我在也毋亂阿兄詩思由是詩逾益  
嘗覽鏡自笑曰天命之矣吾其谷口鄭子真乎兒  
壯課之耕耕足以給朝夕詩興逾益豪嘗郵筒三  
千里徵余序京師余序而歸之雅好山水故多方  
外交富人延爲童子師偶厭苦則掉臂謝去先是  
母以孀故每長齋兆昇侍養肉食時葢鮮間出作  
客當主人盛饌張筵直齋期則蔬筍而已然善飭  
老而強力垂七十矣自石港徒步走江干不言勞  
也寢疾余手丸藥裹覆苓致之罔有廖踰三月劇  
呼東鮮仲子世錫書絕句詩屬余作傳世錫領之  
居業齋別集卷六 傳

乃瞋云余弱冠過石港侍臞霍受古文時則東曙  
東鮮雁行鄉舉後里居過從臞霍已下世東曙言  
詩東鮮言科舉文字東朗執毛詩請益余官安陸  
而東鮮卒官京師歸二年而東曙又卒余與東朗  
亦髮鬢垂老矣故爲此傳俾世錫附諸家乘  
論曰異時臞霍先生家教肅于姪諸孫勝冠者時  
側小欠伸輒譙讓及之東曙恂恂禮頌有世家子  
風不獨攻詩也然詩能窮人藉令東曙生李唐之  
代或亦庶幾劉方平方雄飛之倫矣悲夫

何令聞家傳

鍾祥有何生令聞者當余官教授時及門凡八年  
嘗我刑矩步詣尊經閣下論文自朝至暮無倦色  
余知其學行猶近古禮之視諸生有加焉康熙戊  
午余公車北征走襄陽道經令聞里門里人籍籍  
何君長者自是厥子效侃亦補諸生及吾門凡四  
年迨壬戌余成進士官京師則聞令聞已下世爲  
潛焉出涕久之歸田以來距郢門千里而遙歲時  
音書濶絕然每念疇昔友生之雅猶依依如注目  
前也至是效侃以其父行狀寄書草堂請余爲家  
傳余觀其言少文飾而拳拳以湮沒其先人爲不  
居業齋別集卷六 傳

孝於是憐其志掎摭其行狀大都而爲之傳按令  
聞諱士譽其先廬江人也有與友者從居鍾祥之  
豐樂河是爲豐樂何氏始祖十七傳爲後江二爲  
令聞曾大父大父少江家漸豐生二男子長上乘  
毓於安陸府學次孔源鍾祥諸生用周易授生徒  
從之遊者甚衆是爲令聞之父令聞早慧文脫藁  
輒驚人然先人書籍遭世亂多散佚崇禎末年左  
良玉兵北上焚掠甚於寇捉書生負擔令聞亦在  
掠中文弱不勝任孔源則跳墜石塹下死時夏五  
月令聞某葬父骸馬馱山下亂稍定乃營厝成禮

舉至祖塋附焉厥後亂兵又踵至令聞負母以逃  
一弟甫十歲女兄十二歲女弟五歲流離瑣尾旅  
爨踰六年當是時令聞學幾廢迨順治庚寅始出  
應試邑令賈君激賞督學三原李公奇其文補學  
官弟子員康熙丙午丁母憂哀慟瀕毀里父老勞  
問扶掖相屬於門僉曰何孝子令聞家世治易攻  
科舉文字會令甲廢八股用策論取士生徒茫然  
無以應令聞乃下帷著易經通解後生始獲津梁  
而效侃亦孺染家學駿駁有聲令聞與人交不侵  
然語視人患苦惻惻如身受窮交老友周旋贍給  
居業齋別集 卷六 傳

論曰韓文公傳何蕃推本於陽先生誠益師友之  
際可以觀人也國朝學政三原公最肅士竟試無  
吟哦聲一人觸禁則前後左右連坐受楚納卷於

箱予司局鑰夜分炳炬獨坐幕無伙助丹黃者以  
故所取率攻苦士何生其選也生嘗爲余言文體  
士習人材所由出兔園老生之說興而人無學市  
井巧利之術競而人無行言已三歎蓋高目憂之  
噫有士若此亦庶幾君子人矣

### 李母張太恭人家傳

恭人姓張氏蔚衛處士張九齡女今誥封朝議大  
夫恒嶽李之元配而刑部郎中約齋振藻之母也  
李故蔚州甲姓公昆弟凡三人皆同爨事父母以  
孝聞恭人歸李操作爲諸婦先澹澹澹箴績咸

### 居業齋別集 卷六 傳

當舅姑指公少時才而俠雅好結客客終緯至恭  
人輒治具極饜飫驩客多稱之舅姑下世恭人從  
公襄事戚易皆至蔚州人稱之公生刑部踰十歲  
善病恭人欲爲公置側室公辭久之刑部冠有室  
連舉大夫子五人公有弟乏嗣恭人則以一孫承  
其祀刑部妹適朱家中落時解橐中囊濟其乏恭  
人嘗謂刑部曰緩急相恤義也然家無二尊微而  
父命即我亦不敢尸焉其敬慎若此恭人遇春秋  
饗饌譙賓客子若孫釋菜諸禮皆極腆厚而自奉  
輒約布衣糲食有田家所難者晚病嗽雖羸憊猶

治家事追永訣誠曰家本農也塋祭循家禮勿侈費焉恭人卒後刑部通籍貴顯孫廷貢進士鄉舉太學生里門冠蓋相望而曾孫且數十人公酒酣對客話往事追念恭人愆戾置側室時曰和氣致祥恭人一念基之矣中朝士大夫人人稱刑部質行長者德嘉爲原本公隱德曰周書有之天道無親常與善人刑部愀然曰母有令德而史氏不聞人子之責也於是出所爲行述屬德嘉爲之傳贊曰魏果敏公嘗言蔚州家法李氏爲近古封公賢刑部又賢則恭人端可知已夫積善之報有身居業齋別集卷六傳

桂東知縣李君家傳

君姓李氏名欽字式唐別號陶菴世爲遼之鐵嶺人高祖成功前明封寧遠伯成樑弟也曾祖如挺太原同知明季殉國難祖思忠以布衣受知本朝太祖高皇帝累官禮部侍郎提督陝西賜鐵券世襲贈太保父耀祖儀部郎儀部生子三長錫季錦君其中子也君少時習舉子業甫入塾若不慧者然性嚴重兀坐終日咿唔不輟口塾師奇之卒乃於

所課書貫通習熟又若夙慧者同舍郎皆謝不及未幾以胄監入太學限滿官理藩院知事尋出宰清源丁外艱去服闋除桂東令到官三月以疾卒年僅二十九時康熙二十四年也君精於吏治以廉介自持其愛民也如子所至得民之懽心民愛之至於久而不忘清源額丁若干兵燹後更徙者例宜除而邑之豪族有宜增者或欺隱爲奸君按籍編審先期齋戒誓於城隍廟其增減一稟於公邑人乃大服邑故多盜君謀得其魁拘至署以溫語勸諭縱之歸其人感泣至披緇自誓悉召其黨

居業齋別集卷六傳

勸勉之咸歸於善終君之任清源無盜患及君去任空一邑送之而盜之披緇者與焉君之以德化人多此類其令桂東也甫下車謁文廟見堂廡傾圯即捐貲修除不一月而廟遂煥然時當逆藩吳三桂殘破之餘民流亡過半田皆不治君百計招徠給以牛種凡軍興後一切供億之急者力請於上官悉罷之民乃安堵如故值歲大旱疫癘繼作君爲施糜市藥調治之全活無算異時官之供給取於民困於役者無虛日君至則蠲煩滌苛薪水費皆自給桂民德之於其卒也皆痛哭失

聲君歿時囊橐蕭然無以爲殮桂民爭輸以粟乃得殮先是君之配覺羅孺人以君病憂鬱遘疾先君數日卒當是時君之子三人藐諸孤耳兩喪並舉舟車之費猝無以辦桂民惻然哀之咸自勸帛其首老穉悉盆香以送其丁壯則輪輸其力舉柩至境外數百里而止蓋君之令桂僅三月其樹德於民而民愛之如此君天性孝友不苟訾笑其事儀部公也惟謹儀部公性方嚴以君樸畧少文時加遣責厥後儀部公疾君侍湯藥衣不解帶者累旬及儀部公疾愈乃曰吾兒真孝子向乃誤督過

居業齋別集 卷六 傳

之也愛之彌甚君於兄弟曲盡友恭之誼於夫婦閨門之內若賓客焉方桂東病革時家人以後事請君泣曰吾向在清源吾父死吾不及臨其喪今老母在吾又不克終其養吾天地間罪人也幼子三人吾兄弟任其責耳夫復何言君之內行醇備若此豈獨吏治良哉君生而正直歿猶以神顯當之桂東時民有夢新城隍赴任者而君甫入境見數十人列炬鳴騶而迓於道問諸左右皆弗之見也及卒後停柩舊寺民或負冤抑皆炷香赴訴之理屈者則悚然不敢入今桂民神之尚廟祀不絕

云君男子三人世德振德亮德皆具經濟才先後通仕籍

論曰余覽前史所紀若黃霸卓茂皆以吏治循良封侯錫土而茂又圖像南宮列諸元勲之次以今觀君之爲政可與古人相頡頏矣顧壽不酬德位不配功豈非命也耶君歿之二十年後君之子世德令吾邑余乃得悉其生平詳著於篇令君賢明其治吾濟也悉稟君法度傳曰公侯之子孫必復其始君雖不竟其用而其子之光啟前業必也其亦可以無憾矣

居業齋別集 卷六 傳

七

居業齋別集卷六終

居業齋別集卷七

廣濟金德嘉會公

四六

與楊筠湄督學啟

熙朝柱石盛世斗山豸節賁文選之樓當年氣蒸雲夢鰲峰臨冠山之院此日風動河汾檄檮聚卿雲得志行天下之大道菁莪沾化雨持衡樂君子之英才審士習文體之見天心期要諸正誼明道之旨念六經諸史之關治忽必取夫閱覽博物之儒坐言起行教今人以古人爲學之次第家修廷

居業齋別集

卷七

一

獻勉士子以君子有本之經綸此績奏思皇所以望隆於三台九列而家傳道脈由斯慶積於四世五公者也其蘄黃後進葑菲微材技小雕蟲曾倖邀明公之賞鑒班隨金馬乃徒慕執事之謙光附魚械而心旌望龍門而筆舞伏念山石先賢有丙戌進士翟象陸先生者諱鳳孝友儒宗清廉仕鑑治行昭融于七澤慈仁汪濊于三湘兼數十年岳牧之長別除吏獎遴十五郡鉛槧之彥興起人文瀟湘父老之謳吟口碑不朽江漢書院之指授教澤猶存疇昔庚子賓興初方伯函席教養暨今壬

戊倖捷與先生猶子同門名鴻詢厥生平備知出處筮仕粉署主政刑曹一麾出守善政覃敷于

章晚節旬宣清風遐播于閩土里門誦法萬石君之家風蕤苑景從郭有道之師表愛民如子所至流循良之膏樂善不休隨時竭解推之力凡此儀型之樹立允宜俎豆于鄉賢惟是翟公之門久已羅雀兼之叔敖之子蕭然負薪若望懿行之表章端賴大賢之俯鑒言之雪涕聽者酸心是以恭呈先大夫鄉賢之緣由用志陽美公采錄之盛德使榮錄上之左右實切水源之思倘邀照臨奚啻華

居業齋別集

卷七

二

家之感時以空囊旅食垂橐長安壁立竟北之相如索米弗工于曼倩遙瞻法座肅泐蕪穢

移觴餞桐城馬先生啟

花深絳帳仙旌已動于燕臺柳渌紅亭祖席猶縈于杏園錦里畫游之樂譜人絃歌雪門夜立之誠攜來醪酒升堂雀躍人戶鳬趨恭惟洙泗淵源闢闢領袖鸞峰瞻斗柄秦淮瑞霽窻前曉口浸雲根山谷瀾翻筆底縹緲凌霄之氣挹西池泉源萬斛而灑翰西京鏗鐫擲地之聲望北溟毛羽千尋而扶搖北極花磚依柱下書成科斗古文劔珮立螭



頭人是夔龍雅望日邊宗工第一已知 聖主得

賢臣天下國士無雙更爲斯文作鼻祖春闈引炬  
漢廷有賢良方正之科棘幄持衡雅詩當壽考作  
人之世偶億落霞孤鶩秋水長天往者佳文之在  
滕閣因言八索九丘三墳五典今人能讀乃爲楚  
材某雕蟲小技蠹簡庸流三千里躡蹻擔簦忽就  
門人之列二十年騎驢獻賦纔信知己之前虎觀  
然藜執韋編而問字雞鳴待漏操汗竹以傳經脫  
畧師弟之形骸載觴載咏纏綿似續之骨肉亦步  
亦趨比及三年有如時雨之化聞斯二者庶幾弄

居業齋別集 卷七 四六

四六

三

月以歸迺絲竹遙喜龍眠而洗沐暫辭鳳閣旌旗  
風駕瓊筵飛北海之樽駕驚雷班玉署索東方之  
米閨河賦別情奚止于同人函丈言懽志願聞諸  
夫子肅簾月朔之吉酒載侯芭詩吟蘇軾仍效西  
園促膝之集並邀東牀坦腹之賢舍人居然不速  
之客來三人敢以及肩之墻傍數仞伏願雙旌曜  
日六轡乘風占漢使之文星出唐書于秘閣仲山  
甫之補衮食望端歸周文公之繡裳衆歌信宿詠  
瓠葉而燭鬼首與古爲徒詣草亭以近龍光從公  
于邁先期端肅屆日顒瞻

與荆南道鄧公啟

聲高楚北澤溢荆南輔世長民悠久乃能成物省  
方設教壽考遐不作人舉曠典于舉世未遑之年  
啟斯人以斯文復旦之緒作新士類養正羣蒙是  
誠四子之股肱豈止六經之羽翼某幸瞻廣大莫  
贊高深竊惟甄別之法主乎嚴嚴則聖賢之名理  
常存於帖括之中而收錄之門存乎廣廣則士子  
之精神競奮于功名之路既已風行雷動屹看霞  
蔚雲蒸示以丹黃使在在觀瀾而識海寵之梨棗  
乃人人望的而操弧高懸國門千秋經國之業造  
居業齋別集 卷七 四六

四六

四

與蔣學使啟

道童雲漢化洽菁莪揭聖賢之名理于中天歛士  
子之聰明於實地陳言務去遷古爲期益以迴瀾  
拯溺之苦心獨運起衰還醇之妙手若扶危瀕而  
餌芝朮人得長生之門如憫鳩鵲而飲膏梁家逢  
大有之歲喜屈宋景唐而後猶有傳人謂江漢沮  
漳之間不乏作者得英才而教育使之羽翼六經  
進狂狷於中行可以股肱四子於是煌煌試牘紙

貴雞林固知濟濟譽髦垂鳳羽矣其仰瞻宮牆  
數仞莫贊游夏一辭自惟廿載公車僅附劉蕡之  
驥况復六年壁水徒守鄭虔之種已分羞溷于小  
巫寧能鼓吹乎大雅然而攬衣中夜覩列宿之歸  
垣高咏下風悟百川之學海論經術于漢代儒宗  
董子之醇考師承于唐人學識昌黎之大爰抒管  
見恭進蕪辭伏祈俯賜郢斤洞開冶鑄陸機文賦  
倘鑒賞于司空侯芭姓名定傳播于揚子

賀座主漳州陳公入相啟

楓宸寵錫元公崇玉鉉之階彤陛宣麻冢宰陟璇

居業齋別集

卷七

五

魁之座傳誦薄海慶深衙門恭惟柱石宗工蓬瀛

駿望靈鍾斗極井參諸河華之精運協貞元日月

啟風雲之會儼海潮而繫大量納羣流躋霄漢以

爲章胸苞萬有周官歎歷率三百六十屬而奮庸

虞殿賡歌聯二十二人班以凝績文經武緯躬贊

柱下之書石畫鴻猷面承螭頭之喜遇者誕膺異

命爰沐離暉位晉綸扉首三公而論道秩兼太宰

式百辟以盟勲聖主賢臣煌矣詞曹之頌清時

大老煥乎率土之瞻兒童踏歌朝廷相司馬矣

父老手額天子庸路公平爾乃曳履瑤階如威

鳳之覽輝五百年而瑞世垂紳紫禁似大鵬之鼓  
翅九萬里以摩空茂對剛辰丕迎景福矣某夙慙  
樗櫟早困江潭豹尾清衡比蘇軾之春夢龍樓故  
事續葛洪以襟書瞻睽睽之長庚朗映朱輪赤舄  
憶翩翩之舊侶羣從綺席蘭觴恭摠蚤吟隄附燕  
賀伏願大行其道峻極于天合四序以同春長三  
陽而保泰門牆鄒魯日星河岳齊光事業伊周鐘  
鼎旂常並永

韓城張蓮峰先生暨配薛太君徵言啟

星暉雍域拱斗柄以章天嶽鎮函關萌醴泉而潤

居業齋別集

卷七

六

物團卿雲于滴水九節菖花浮甘露于藍田三山

芝草金莖玉樹爛熳曲江之池雪藕冰桃續紛蓬

島之燕翩翩羽客吹鐵笛以來游濟濟仙班傍銀

銓而載舞欲聚青鏤之管潤色珠囊爰徵黃竹之

謠煒煌玉筍繫槐眉之盛事抑閨苑之昌辰恭惟

蓮峰先生韓城甲族繡嶺名宗洗頭玉女之盆龍

媒犀角擢秀仙人之掌鵠蕭鸞翔早歲驚人默識

河東之篋生來嗜古嘗受瑯琊之經黃石仙翁期

殺城而授冊驪山老姥番麥飴以傳書太華山南

車馬聚公超之市平陵谷口縹緗出仲蔚之門振

翮鷗池題名雁塢天人對策筆底杏苑花香印綬  
專城車前河陽草綠桐川有召父衆春園裏聽絃  
歌清潤得文翁諸葛城邊開講席山唯種竹兩袖  
清風亭可巢雲五年澍雨寒帷露冕待封富民之  
侯增秩賜金入直秋官之署釋之爲廷尉海內刑  
措之年子厚入京華羣賢道長之日朱輪儀部掌  
故蒐羅西京絳帳黔封菁莪茂育南服是以日邊  
剋盞譽萬石之里門因之輦下貂蟬萃三秦之邸  
第僉稱明公之躬行日邵抑緣德配之內助良多  
詩咏好述蔚爲風始易占中饋誕啟家禎薛太君  
居業齋別集卷七

華齡降昨習禮通詩吉日宜家銘椒賦菊當夫子  
摘文之歲鴻案恒莊暨大夫服政之年鹿車示儉  
驚肪雞跣庭羅三代之賓倉粟釜廩室集五宗之  
彥慈能逮下誦義者籍甚周親惠以長人衡恩者  
走趨夏屋廬其善氣積爲休徵綠髮方瞳聯珠錦  
幄烏衣翠葆序齒屏帷教以義方升之禮殿長公  
豹蔚由里選而通籍成均季子花封自郎官而升  
華刺史而我景峰氣能轟日飛即冲霄臚句傳呼  
闔閭開黃金之榜承明視草簪裾倚紅藥之欄引  
炬南宮升鄒枚于虎觀燃藜史局踵班馬于螭頭

家有賜書懽騰子舍朝分法酒喜動親顏聚五福  
于嘉平迓千春之雙壽懸孤望旦柏滿瑤池設悅  
顏朝梅開綉閣諷岡陵而介祉羅松竹以飛觴綺  
筵近承露之盤佳客皆凌雲之賦孫枝奕葉燦燦  
琳瑯萊戲逍遙暉暉錦繡騎羊蠟鳳各呈羣從之  
藝能倚馬雕龍盡是德門之珍產其等誼屬爲班  
情深蘭譜看長安之春色韋曲杜曲之間啟方丈  
之瑤函紫微紫閣之際當筵善頌擗管同心伏冀  
統圖宗工詞壇哲匠灑燕許之藻翰吐曹劉之珠  
璣錫以鴻章光照蓬池之宇寵之鉅帙誕生桃實  
居業齋別集卷七

液之青雲矣

吳母唐太孺人徵言啟

赤芝三秀西池介王母之觴黃玉九華南嶽授天  
人之冊玉堂寵賚蘇易簡異數榮親黼座詔詢張  
齊賢殊恩奉母沐晴光于杏園錦幃聯雲聚佳氣  
千護庭璫枝垂露詎同潘與毛檄艷說慈歡有若  
陶里韋門方稱家慶恭惟太孺人溫厚賦質淑慎  
揚徽岡阜祥鍾羅昉溪之勝概樓臺瑞靄臨鄣郡  
之雄區溯令範于高曾若鴻猷于紀載泉康則功

成明允貫索消世州牧斯績奏循良茂田沛澤馬  
氏傳經于閨秀厥字宗姜謝家華美于哲昆允推  
道韞衿纓櫛繼幼已奉爲女宗錡釜豆登長不頓  
乎姆教唐介門楣有喜沼映文駕吳兢婚媾攸宜  
屏開孔雀配稱德曜君號文宣咸覩伉儷之賢克  
佐孝慈之祚前僧先生倚廬焚香蚤歲稱孤扇枕  
黃香遺編課讀空梁燕壘荆釵合林下之風旭日  
雁鳴推布肇房中之譽桑堪可食進必以甘竹筍  
方萌趨惟恐後當大禮之襄贊夢協牛眠相夫子  
以遄征書懸鹿挽和門遠別邗水豪游歲序經心

居業齋別集卷七 四六

九

寄迴文之芳訊柔嘉逮下衍樛木之禎祥食指殷  
繁曾鮮王褒之約堦除肅穆竟同石建之閭迨乎  
黃鵠哀吟青鸞隻影柏舟苦節觸緒淒涼粟里幽  
踪拊膺蕉萃况深搖于風雨禦侮維艱更閱歷于  
冰霜持危豈易懷清臺上表綽楔以冲霄通德門  
中嗣箕裘而耀日劃荻丸熊之訓楷古常勤封鯉  
酌水之規於今倍切楞香太史陽春白雪天半朱  
霞萃四穆之名門行惟居長搖三都之彩筆望賢  
推隆自泥金奏捷以來慈幃色喜迄天祿讐書而  
後懿誨郵傳侍從必恭勿言溫室之樹廣颺匪懈

常侍歸院之蓮通稟官箴益共史職每盡簪于虎  
觀德壽前聞尋分枝于麟經甄收雋彥求賢若渴  
斯盡瀚海之珠得士而升遂貴雒陽之紙於是譽  
騰鸞序班晉螭頭夜濡毫以供書晨辨色而人直  
聖曆圖繪德源口誦于丹墀容典舊章正禮躬陳  
于廣厦會聰明之都講稱集賢之有人益于由孝  
德以成忠斯親覽家書而愈慶華林袍笏詢人爵  
之亨衢里第壘篋尤天倫之樂事叔子劬宜風前  
玉立已佩呂虔贈刀季子綺園雨後蘭馨方操謝  
拙書冊致連鑣于曩籍楊憑及弟凝交書接武於

居業齋別集卷七 四六

十

名家洪邁偕兄導迺北堂倚檻繞膝慈龍東樹舍  
飴盈陵雛鳳儷漢廷之賢良方正魚貫咸均如唐  
代之上舍明經雁行壁水皇州春暖一樹賦擅梅  
花草閣氣佳指日衣霑柳汁孫枝又茁迺景風干  
芝田曾葉廣舒占祥雲于蕙徑是則方來朱紱比  
大川之甫浴乃知式廓鴻圖象長日之加益九重  
綸誥褒莒國之太君再錫恩榮進山南之壽母固  
已茂膺百福恭儉彌敦茲當年屆七旬明聰益劭  
米鹽醢醢筭猶操綺績璿瑜紛華弗御爾乃山  
亭設悅海屋添籌時值新秋筵開上浣鳳凰池畔

承露擢金莖之高鵠鵲觀邊穿針製絲衣之麗陳  
堯咨承恩省觀攜蓬膾而捧蔗漿蔡君謨奉詔稱  
觴族瑜環而圍翟蒲開永嘉之花嶼自繞翠柏蒼  
藤問句漏之丹經乃在黃山白嶽其等金蘭密契  
孔李通門欣雁塢之同登情逾膠漆喜槐眉之在  
望儀之瓊琚犀軸牙籤廣按羅于雅什芸牋桂影  
期璀璨於賓筵伏望燕許鉅公鄒枚碩彦共放昭  
華之琯分裁紀事之珠輪御班龍進雙妃仙  
籟總窺青鳥合符披五姓瑤口灑翰是期揀觚以  
埃

居業齋別集

卷七 四六

贈刑部員外楊君徵言啟

龍章龍錫繡繡璫璫里門鳳詔榮頒金石鏗鉤泉  
壤移忠以孝惟聖主乃得賢臣顯名及親必克家  
斯稱令子此詩人所以歌錫類史冊所以志地恩  
也誥贈奉直大夫刑部四川司員外楊先生字兆麟  
荆門望族楚澤宗工寂寂子雲之盛書藏萬卷亭  
亭伯起之志操凜四知能讀丘索典墳詩五言而  
氣蒸雲夢直追景唐屈宋賦一夕而詩滿湘射  
策擬治安樹冠軍之幟而言成倚馬論文宗正始  
當儲元之選而身載副車崇禎己卯中副榜遂白貢于丘園

竟肥遯于圖史元配誥贈宜人唐懿牟萊妻賢儷  
鴻婦勤提鮑氏之甕林下素風敬偶冀子之咍隨  
間盛事以茲鹿門偕隱之令德適啟燕詒式穀之  
家聲聳秀鳳毛蜚英驥子名佐甫舞象而懷蛟夢  
鳥迨操觚而繡虎雕龍歲德在庚垂髫赴鹿鳴之  
譙春闈當丑攬轡看杏苑之花剖竹專城號神君  
于渭水寨帷刺史稱杜母于商山奏最天官升華  
比部聰聽衆諸舉呂廉平埒彼于張服官歷三考  
而咸優人子之善本諸父母覃恩至再命而彌厚  
康熙乙卯辛酉兩贈奉直大夫唐贈宜人大聖之澤溢于高深長發未央五公

居業齋別集

卷七 四六

三

還期四世疏榮方始二人已慰九原惟是雁塢題  
名以來鯉庭僅趨六載至于芸牋讀禮而後萱圖  
止踰二年書器猶存讀蓼莪而酸鼻雞豚不逮陟  
屺帖以霑襟凡此子臣忠孝之思並係創垂作述  
之美屬在菡苑可無表章某等譜列同人躬逢盛  
典慕蔡邕之親瞻有道因陳紀而想見太丘仰窺  
作者之壇特乞名公之筆咳唾珠玉或咏或歌揮  
灑琳琅爲序爲記則詞人賞激將浣露于薔薇而  
家乘珍藏且依光于梨棗

贈太常寺卿遵化李公徵言啟

髮齡失怙里號聖童經術起家召登鄉貢涉河作  
宰奏最循良祁楚宣猷勞心拊字省刑薄賦畿輔  
歸仁息盜安民間閭徧德守吉安于兵戈擾攘之  
後判大獄而良民不冤治永平于飢饉凶荒之餘  
剔羣奸而頽風胥化長蘆轉運門如水心亦如水  
隴右大叅令若山望且若山于是譽騰薊北輯瑞  
人因之官陟雲南觀察使生平骨鯁經盤錯而逾  
堅夙夜忠貞矢報効而更篤當逆藩封豕長蛇之  
域位要荒萌芽葭藺之秋獨誓廓清固知強禦卻  
萬金如敝帚預折邪謀奉三尺以燃犀先摧虎翼

居業齋別集

卷七

三

致命遂志辦香額天斷脰捐軀拔劍斫地太尉擊  
賊之笏凜凜嚴霜昌黎討逆之辭煌煌皎月戈鋌  
環戶勇若驅螭當前智如炙輶昂頭就俘賊  
欲殺而不能戰手鋤姦身瀕死而無悔幽囚者  
六載眼見懷光冥誅飽煙瘴已多年思殲慶緒斧  
鑕潮龍之壘北勝實稟指麾進學之幟永昌俱承  
妙算功垂成而運蹙凱未奏而生傷嚼齒穿齦爲  
厲鬼以靖妖孽握拳透爪保完軀而訴蒼旻二子  
從公卞家門戶一孤紹祚趙氏宗祊國有臣也夫  
有妻劍室乃知大義弟殉友兮兄殉孝弱婦亦著

芳名天鑒無私仁人有後按旌忠之彞典位列清  
卿荷厚下之鴻仁秩榮奕世學使采風而褒美名  
公簪筆以表章卓爾潛夫名萃東然郎廕一官司  
馬籍甚永寧載晉黃堂焜煌安陸欽忠臣之世表  
職在史官紀廉吏之家聲誼存部下凡茲儒林之  
彥咸有懿好之公聞而改容談斯起敬序侯編貝  
毋殊三代之音翹望分珠徧拜百朋之賜公諱興元字言遠

復程總戎書

歎猷高世文武憲邦惠露溢于三秦仁風翔于四  
海孝隆錫類則式廓家聲忠荷勲榮斯昭國史  
居業齋別集

卷七

六

某景行有素趨走未遑願識韓荆比封萬戶頻來  
谷札如獲七襄先大夫名宦一舉興元父老既越  
五十年而猶深何武之思頻壁烝嘗將垂億千載  
而永有文翁之席甫鐫碑版尋饗蘋蘩彰往因以  
式來闡幽於焉敷化良由幕府德音仁勇風浹于  
四民之心是以郡縣塗駁巷誦常存夫三代之道  
某聞風神往感極涕零媿弓冶之僅存嗟顯揚之  
無狀于人世最爲孤苦乃古詩所稱鮮民先大夫  
捍城退寇之年署空土銓先宜人扶輿旋家之日  
道塞香盆骨未雷于桐鄉愛猶久于召樹九原可

作恍攬轡以行州二仲來歆勝推牛而祭墓時太  
傳播歎廉吏其蹟可爲異代表章非大賢安能有  
此身方匏繫欲泥首棧閣而未能情溢管城時極  
目隴雲而無已暫茲鳴謝言不宣心

### 與李州牧書

績懋循良化行岳牧公望同遜水康泉而著輿頌  
出東豐西鎬之間行晉陟于巍班乃肩任夫隆棟  
某情深景慕念切觀型曾荷瑯函之施遙拜碑版  
之貺感形舞蹈鏤入肺肝矣頃聞先大夫以乙丑  
季冬之吉入名宦俎豆之祠目極秦雲神依隴樹  
居業齋別集 卷七 四六

卷七 四六

五

雖三代直道猶在斯民之心而九鼎鴻文實受明  
公之賜火牛保障采父老之遺言汗馬精靈錄與  
圖之軼事元道州之拊字少陵見而反覆歌中朱  
桐鄉之生平孟堅聞而淋漓腕下詞之復而無倦  
好以公則咸孚在昔年蹇蹇匪躬豈料知心于異  
代矧寒門孰煢孤子安能尚口于人間唯茲義薄  
雲霄是以聲鉤金石祇謳上詠與古爲徒俗厚風  
醴從上所好由此流傳奕禩抑或大書簡編豈敢  
曰清畏人知庶幾乎論因久定聖宮賢廡山高水  
長憾小子之幼孤音容莫逮荷大夫之錫類堂構

常存繫寤寐而難忘詎頂踵之可報遙瞻簾閣肅  
泐蕪城

### 再謝李州牧

時以名宦詳集及  
批入詞文冊見寄

澤洽康泉風清午谷用丙魏姚宋之器施龔黃召  
杜之才文教既敷士類咸樂采風問俗聽輿頌而  
思昔年之棠伐鼓考鐘臨頻宮而樹千古之鵠先  
大夫鞠躬盡瘁越數十年乃獲表章與人士遺愛  
不謬合千萬姓僉同懿好唯諸公其難其慎愈見  
三代民之直道猶存而執事不進不休乃知一个  
臣之度量自遠高文典冊黃鐘大呂之音古屋豐  
居業齋別集 卷七 四六

卷七 四六

六

碑曜日凌雲之字直使九原可作居然兩漢同風  
以明公闡幽之苦衷成昭代彰往之盛事行道聞  
而忭舞橋門觀者歆歔矧茲藐孤能忘大德雲山  
萬里欲泥首而弗遑葵藿微悰擬鏤肝而無既

### 復王聯博

江城畫裏岍岍絳雲雪鴨樽前定翹青鳥足下喜  
可知也袁安臥帳鮑叔分金菰苑並傳襟期俱古  
履穿東郭挾纊溫地凍北窓攜筒斯躍攢眉蓮  
社何圖貝葉傳來累足蓬樞豈料雨花散至引傾  
而望比安道之脈脈剡溪搔頭以吟想右丞之



陶河曲佳晤難必寸心則殷矣

謝喻制府啟

文武憲邦經綸名世出膺周雅方召之任入則漢廷丙魏爲儔懋績以敷歷迭升鴻材兼徽猷遐暨狄梁公之丰采焜耀石頭周吉水之拊循膾炙人口夏首望歲霖雨斯零晴川占星景風歛扇大綱小紀次第施行吏習民依纖毫洞澈古之鬼方捷伐克以三秋今也猺窟徂征平於數月公曰

天威震疊人歌元老壯猷千載一時輿情胥慄矣迺問俗省風不遺蕞爾旌閭表宅爰及潛夫匾刻

居業齋別集

卷七

七

峯嶠荒郊雷動言霏玉屑陋巷霞烝似此白賁丘園將毋頽顏典謁蹇步且蹶奮負難勝某逐隊鑾坡隨班虎觀禮經解詁珥筆分編志局網羅然藜脫藁雖明史亦與聞讐校若典試則躬奉簡書即稱職之維艱然當官而寡悔偶緣微疴蹭蹬幾至狹路蹉跎幸荷

至尊天高地厚之仁螭頭詔下兼承九重日照月臨之澤豹尾銜存原品歸田西京彷彿能記詞曹在野北闕須臾弗忘十五年不入邑城令無稽肝之費數千卷常噉家塾兒拾鼠璞之遺脈脈逃

名懶向街坊賣藥悠悠卒歲還從卜肆施簾胡爲處士虛聲竟得明公腆貺昔里標通德文學崑崙爲經師堂號聚星季和實延上客不圖鄙人碌碌而致大言炎炎雖此君小異褚豫章物色孟生卮酒言權王江州殷勤陶叟緇衣懿好汗竹馨傳然而幕府雅游良辰高會正平一刺不到昌谷諸詩無聞方恐老不如人奈何惠而好我過情難副溝澮麓盈晚節易頽雪霜洊至辨香則肺腸都瀝攬鏡而鬢眉可憐是以仰屋歎歎巡檐浩歎五齡直經七袞簪纓先大夫篤孝精忠名宦鄉賢之祠碣畧

居業齋別集

卷七

六

具我宜人幽貞苦節誌銘家傳之敘述相符沐朝廷錫類鴻恩一贈又經再贈繩祖宗育堂餘慶孫行仍訓曾行旣遊魯鄒之門則繼思孟之緒自任若此修能云何古往今來蒼楚域前途後轍項背斯人宋井涓涓左徒賸墨誰洗濂溪漠漠太極孤燈幾挑學有緝熙則光明道無斯須之間歇黃陂署裏正叔伯醅聯窓嶽麓院邊考亭南軒踵武銀鉤鐵畫魯公不朽崑臺山月江風蘇子長笛赤壁談出處若諸葛井廬依然訪耆舊於襄陽雲樹宛在驟荷獎借曷勝徬徨火戒仍欲修容形並



自須顧影最防躑蛭常悲臨淵科頭三晨幼安追  
爲內疚絮語半夜伯起稟在天知克伐怨欲不行  
可謂難矣動言視聽俱勿尚其勉旃以斯就兢逾  
益弗悞恒願予受程督敢云人歸典刑凭欄而思  
延頸以望若義存激勸俾執林慕譽爭妍指切觀  
摩令佳士晞塵競赴則廉頑立懦大造英才而賈  
勇先登遙興文教矣小詩十章彙寫一獻歷落嶸  
崎可笑僂僂覩縷俱愁寸忱攄丹九頓鳴謝

附制府復書

行尊齒宿才妙名高是大有本顧人不與論祿

居業齋別集卷七 四六

九

位者同年而語亦頗無近今習面與論學問者  
絕級以登緬從科目進身文章字字有聲卓爾  
鼓鐘天下旋即詞林領袖講讀言言合度峩然  
簪笏 朝端爲當代經學之統宗曾無錯綜戴  
氏推古今史局之大匠雅稱剪拂廬陵由是收  
名士于棘闈可以報得人于 彤陛三台爲之  
炳蔚映十五國詩書俎豆之家太乙爲之流輝  
著廿餘載丙室西山之象斯已爲生儒揣摩畢  
其願而君子出處有所準矣於焉初服返于林  
泉依然滄水梅川英華倍增三楚衆流匯于江

漢不啻春風時雨教思揚於中區遠則擔簦朋

來裨資實學近則問奇人至儘令移情將一時

議道之羣倫無不知深山大澤有彈琴歌咏之

疏傳信此處典刑有前輩直能取清風明月作

登臺長嘯之孫公想亦自回思青瑣班聯當日

本是李長源在聖人前席應到此看白雲層疊

今日又一陶弘景現宰相後身斯豈弗使人慕

之若神仙中人而何幸俾予聆之等耳目間事

哉叨持制節伏愧菲材未至楚固已欽黃國人

文及入邦亦曾問金天族里云居鄉壘未入縣

居業齋別集卷七 四六

十

城歸而謀代式間往哉託茲題額亦不過彷彿

主人氣象威鳳祥麟何反致修訂詩札精思雕

龍繡虎且也扎中方之丙魏詩裡贊其甫申既

不能如周室之老成克壯足領此美譽明良又

不能如漢代之智名勇功堪聆此雄談經濟再

誦而輟三誦而興竊欲自勉疎慵亦耻有辜名

勝樓懸黃鶴之影崔灝雖云筆禁青蓮府開鄂

渚之胸庾亮寧教塵遮王導要之地大勢廣醅

駁難齊吏猾官邪挽回攸賴日日躊躇按部先

必創艾墨胥孜孜次第設施後乃潤茲蒼赤在

已則何知茹蘗斯人亦厚懷飲水惟恐重負  
至尊染絲毫之愆念則力棉不足勝萬鈞之任  
所由深維周慮竭堅苦之心志則氣充猶能爲  
一木之支縉紳先生諒已許矣父老子弟庸或  
否歟但一面終未克酬兩心定須共喻惟祈俯  
仰 聖世無論在朝在野皆被其沐日浴月之  
光寄語民生即今一事一物祇安其敦高履厚  
之素而已和詩未得報札奉申主臣主臣

賴灘詩序

荆南向有夏宦遊東粵製美西詩露冕蒞帷領畧

居業齋別集卷七 四六

主

羅浮之勝概披襟對酒屬和寶賦之晉題洵蒲澗  
之人仙壺羊城之詩史爾乃朱輪西指盡勝南征  
十八灘頭灑翰得驚人之句三千里外揮毫成紀  
事之編挑漲龍堆春水船如天上柳飛鷺渚江城  
花似鏡中傳千古游人過眼之奇肇九州詞客賞  
心之韻鄴道元之記注溯委窮源謝康樂之登臨  
標新領異豪吟遠望慰我臥遊逸興過飛看君爽  
氣懸諸千金之市雅勝五嶽之圖襲以錦囊尤同  
炤乘矣

白雪亭詩序

石城勝蹟富水名區漢廣江深今來古往投鞭  
賦大王何處雄風對酒當歌辭客猶傳白雪宋太  
夫之遺井樹右蒼涼梅仙子之斷橋煙霞縹緲  
是春生別浦長番孟子之亭爾乃天向平蕪偶得  
劉賓之句右丞過訪曾潑墨以晉題皮叟來游更  
易名而作記地隣二千石之琴鶴襟帶三湘天高  
九萬里之雲霄簾櫳五客郡大夫黃堂氣爽皂蓋  
風清每當案牘之餘輒有登臨之興一觴一咏似  
蘇公志喜之年以邀以遊豈六一醉翁之意名花  
爛熳邀夜月于玉山古石玲瓏朝霞于金谷鄧

居業齋別集卷七 四六

主

客屬和晉登春臺蕤林流傳竟開盛事氣蒸雲夢  
吟闌北海之罇露雨滴梧桐寫八東山之絲竹名  
齊羊悅美並鹿門云爾

和秦遊詩序

懷抱古今錯綜文武賈生治安之策藉甚京華孫  
楚軍事之謀馳驅閭塞經稜道之風雪劍倚崆峒  
歷雲門之煙嵐馬肥首蓓筵篋度曲登臨銷萬古  
之愁幕府投壺慷慨作三軍之氣客來千里箋附  
八行遜水康泉夜飲將軍之酒秦頭楚尾朝聞遊  
子之歌某行邁多遘杜門寡與念先人之宦蹟

在金州追往事之艱難時遛銅馬得民死力保國  
危城棠蔭之故老猶存桐鄉之俎豆未艾爲子經  
行牽予涕泗况復念存者舊訪訪土風武陳太丘  
之里門禁柳下季之樵採如斯氣誼直逼雲霄爾  
乃西園諸公憶元瑜于記室北平才子懷子美于  
秦州洵天涯之壯猷亶人世之遐軌屬和五什  
報三秦天末涼風鴻雁書來頻遣興屋梁落月關  
河別後幾經秋寄茲隴梅聊佐荒筍云爾

居業齋別集卷七終

卷七 四六

居業齋別集卷八

廣濟金德嘉會公

四六

靜觀亭序

少尹王君恢恢游刃之地皎皎哦松之姿民已登  
于春臺士復庇其廣厦顧瞻廳事小構茅亭曲水  
流觴想右軍之勝概焚香啜茗追庠詰之家風萬  
理皆得諸靜觀纖塵不晉乎几席花封暫駐少須  
下鴻鴻于前灘芝檢逌傳行且筵鷗鷺于中禁僕  
過從晨夕頻開北海之樽下上古今雅附南州之  
居業齋別集卷八 四六

饒臥侯詩序

饒子臥侯之言詩也自垂髫至皓首數十年如一  
日蓋家學云然而然糠連旦扣角終宵暑幔籠螢  
畚畦拾蕨詩能窮人於斯極矣昔曲逆落魄詔齡  
虞卿解龜晚節幼安清修子魚推轂孝章樵華文  
舉寒心若饒子者少難通籍老不剖符姓名弗登  
薦剡拯救無望知己諸艱備歷何地非愁况復才

丁亂離家罹烽火庾子山之覽物王仲宣之登樓  
黯矣傷神潛焉出涕雖負郭窮巷章逢索居曾迴  
馬首臨叩偶割豬肝安邑然已事如夢為歡幾何  
大都無韻之言強半無聊之境嗚呼饒子已矣封  
禪無草何煩侍從臨門制科匪詩安得身後賜第  
零編隻簡漏屋頽垣幽憂鬱鬱尚蟠結于蒼松白  
石間也

程夢詩序

疎雨梧桐微雲河漢澄江萬里歷字橫空亂石千  
層漁燈泊岸有人夜吹鐵笛來自聚亭邀我晨放  
居業齋別集卷八 四六

蘭橈去游鵲渚踟躕南郭徙倚東籬欲接詩函爰  
登草榻靈泉洞畔煙霞錮此山人馬口湖邊竹樹  
成斯別業門常羅雀技欲雕龍性癖耽佳句漸滿  
奚囊身閒得苦吟頻搖彩筆何思何慮一咏一觴  
豈樊上之漫郎蕭蕭物外抑鹿門之龐叟愴愴人  
區眼底老屋塵封亦有高廩話來多錢貫朽也足  
中厨然而月白風清良宵虛度鳥啼花發令節徒  
過何如影傍墨池奄有丘壑若得歌殘白雪不愧  
襟裾以此成編聊用卒歲鐫岩刻石姓字長留弔  
古懷人風流不乏僕巡檐把酒隱几迴環淺水亭

花悠然入夢長風積布莞爾會心待賦三都定作  
士安之序茲當九月且斟元亮之杯

石牛詩序

南山細草甯戚興長夜之歌北海蹊田管寧致比  
隣之譽既而單衣晚出擔爵以仕齊朝皂帽言歸  
杜門而却魏聘一出處俱照汗青立德立功並  
垂竹素矣滔滔江漢代有名人歷歷見聞側傳隱  
者陸通接輿而後狂士良多桀溺東來以還耨耕  
不乏滄浪漁父史竟佚其里居漢陰丈人時都忘  
其姓氏伊何人哉抑又奇矣爾乃彌天歷字瑟瑟

居業齋別集卷八 四六

秋風滿地蘆花冥冥細雨掃除荒運藹孕黃葩招  
攜良朋樽貯白墮有客雕龍之侶遺我石牛之編  
瀏覽中宵參橫斗轉出入懷袖燭跋雞鳴芙蓉山  
阿臥此詞伯荆泉洞口蔚為騷壇筮得黃離畜牡  
斯吉鞏之白屋用革已堅荷笠荷簔舉案有齊眉  
之婦載菱載柞廷賓用歷齒之兒苦竹林中此張  
廌之願志灞陵道上踵韓康以逃名五嶽臥遊拊  
琴動操羣鳥就食鼓掌當門數庾郎之食畦二十  
七種看王績之釀稻一十六區長此燕閒蓬蘽  
柳偶然歎咏檐檐悠悠已挹松濤應聞鐵笛一

黃鵠之頂定跨青牛以翔桂殿分桃我則慚夫是  
倩衛山采藥君其問諸鄭侯

喜雨詩序

雨暘咸若春秋乃曰有年禾稼胥登戶口斯能卒  
歲煌煌月令夏小正敬授人時壘壘幽風周大夫  
躬勤民事若乃日躔鶉首律中壯實天德在乾農  
家節屆種月建維午田畝時屬青苗方擬千耦  
其耘可堪十日不雨沙漲澤國蒲圻巖封俗尚三  
農火耕水耨產唯六穀東作西成方半夏之始生  
念溫風之將至旱魃爲虐人懷懸壺之憂畢麗徒  
居業齋別集卷八

占野絕滂沱之望二尹楊君志切求牧材任作霖  
念稔歲穀賤猶傷若凶年民飢何藉辨色而詢父  
老洗沐不遑舍車而歷溝塍檐帷盡撤噍焚及巫  
庭之陋惟豆厥心諗用盡圭璧之艱載呼于衆乃  
探龍伯之窟雲自西郊爰詣顏公之祠馨升北嚮  
中宵露禱炎晝汗流黑入太陰膚寸而潤龜折蒼  
浮層巘決旬已溢蛟潭荆洞一絲蕞湖萬頃於是  
氓情樂只將以社而以方尹色陶然勝雨珠而雨  
玉與人善頌歌滄浪之濯纓詞客操觚續甫田之  
吹簫彙成篇什遠索弁言遠屋臨風巡檐屬草

知粉署欲如子瞻名亭若樹豐碑定請泰和紀事  
東沈樂存東粵使院小引

昌言簪筆正色立朝汲長孺之丰裁不負所學陸  
忠宣之奏議獨爲其難埋輪則道息豺蹤挾彈而  
人思鴟炙茲歷代掌故淹貫于趨庭舞勺之年而  
中外樞機洞觀于待漏然藜之日娉婷小許勇決  
已踰壯夫忼慨大蘇精誠何啻元老是云靖共爾  
位乃弗尸素厥官奉詔烏臺乘槎登溪輕褰北道  
路冕南征府海官山歷苴苴之禹服熬波積素履  
蕩蕩之堯封噓喻盪胸天輪乍轉混濛寓目地  
居業齋別集卷八

軸爭迴崩雲屑雨掛席凌霄掣電鳴雷停檣聳漢  
殿賢四尺沂緣起于盧筵錯幹二尋苴墨瀾于木  
賦是役也身疑閬苑慮渺寰區鬱水靈洲使院千  
旄開五嶺羅浮粵秀諸生禮樂化三苗梯航上百  
越之圖鉛槧撰二禺之志旣極天下之大觀而無  
憾亦憑生平之夙抱而有徵矣僕比肩嚶鳴鍛景  
獸射歸田侔條誅茅宋玉之廬遜跡沈冥採藥龐  
公之巖志有存而未逮壯不如人學無補而徒勞  
老猶好古編蒲削竹孳孳儋家映雪然糠咄咄  
事毛穎于充安得災梨海苔萬番終當覆瓿荷

興者二子含飴弄孫澆偶僂以一觴晚食當肉觀  
魚雅知魚樂放鶴常喜雀馴夢裏金閨時逢好友  
花間玉糝每度蕭晨臨水言懷紉蘭爲佩登高眺  
遠楨栢寫書不獲上韓公燕喜之亭祇微吟杜老  
鴻飛之句

廬時夏制義序

漢東世家楚北名士吐吞雲夢擷沅湘之菁華伯  
仲王楊鍾蔡衡之灝氣生而早慧能讀典墳丘索  
之書鳴則驚人克繩屈宋景唐之武秋風鸚鵡渚勁  
翩凌霄野水蘭橈輕帆湧月披襟直上李青蓮閣  
居業齋別集 卷八 四六

筆之樓拔職先登周公瑾凱歌之地時則風流自  
賞緩帶輕裘奇矯無前博獅搏象固已霞蔚藻水  
雲蒸應山矣於是擔簦挾策奉詔陳書羅賈董于  
毫端走班揚于腕下遨遊燕市睥睨酒人翔步黃  
金之臺當筵白雪之曲楚珩雖寶莫之與京漢賦  
良多罕有其儔擢秀以出楨楠杞梓之中絕塵而  
奔叱牡驪黃之外時則波瀾壯闊籠蓋千人藻采  
繽紛渟涵萬有雞壇推爲祭酒兔苑奉若宗盟矣  
然而芸編秘笈抱膝長吟土銚葦簾掩闥獨坐玉  
三獻而猶璞書十上而益工登臨廣武喚豎子于

當年嘯傲龍門露英雄之本色行過嶽麓之院見  
川瀆之總滙滄溟緬想濂溪之燈檠箕裘之遙嗣  
弓冶時則華艷刊落老幹扶蘇妙緒抽來天真爛  
熳陳正字之標格大挽頽流杜少陵之篇章力追  
正始漱六菰之芳潤會四子之真詮寤寐魯鄒卓  
爾股肱之望步趨游夏斐然文學之科矣僕生同  
桑梓壇坫相望契若芝蘭公車並駕雞聲茅店予  
汝倡訓雪鴨冰河褐裘絡繹覽山公之啟事及我  
故人當花縣之分符畀吾良友于是呼觴促席剪  
燭言懽慶王陽且著朝班期甯戚毋忘車下哀孝

居業齋別集

卷八

四六

七

先之腹笥盡付棗梨發子雲之家藏將公海寓文  
翁禮殿行肆古儀必子琴堂定操雅奏花間馴雀  
還載管城溪上籠鷲仍攜子墨蓋盛代之龔黃卓  
魯緣經術以蜚聲即古來之燕許韓歐因服官而  
益學惠而好我長念青燈黃卷之言歌以贈君匪  
同綠酒紅亭之什蘭溪仙令風靜牙檣粉署鴻編  
畫臨寶掌褒書玳瑁焜煌八詠之樓架筆珊瑚鼓  
吹四賢之院豈惟雲騰激水抑且紙貴周南矣

對菊倡和題詞

燕山佳麗夙產名花酒市貴游時傳韻事城隅水

曲慈慈衛尉之園修竹茂林鬱鬱將軍之墅是以  
千紅萬紫首唱望春脆蔓柔條中藏半夏方茶縻  
之在架賦起通都及芍藥之盈階詩騰綺閣若乃  
時當九月客際三秋招攜北郭之觴緬想東籬之  
句孤標素質力殿商風餐白露以凝寒指清霄而  
獨立斯羣材之強幹竄植物之貞操况復輦下縵  
紛非終隱逸文場爛熳有待應求於是秋浦詞流  
登高脫帽青門旅館把筆長吟藉滿地之黃金蜚  
當筵之白雪屬而和者冒雨追尋諷而樂之凌雲  
縹緲是則葩流藻翰無俟金谷之催興會鈔謄且  
居業齋別集卷八

增雄陽之價矣

梅花詩題詞

皎皎幽姿亭亭素質蒼松爲友挺出歲寒翠竹與  
居脩然月夜東閣詩興翩翩水部之才西湖鶴亭  
落落山人之致折逢驛使春到隴頭衝放林丘氣  
隨葭管有時瓶邀上客話入羲皇若使坐倚流泉  
神遊濠濮是以虎頭佳士爲爾怡情兼之鳳唳瑤  
琴攜來寫意巡檐索笑冷蕊疎枝對酒當歌霜華  
雪幹臨風玉笛疑上青蓮之樓把臂清言已入  
之夢

江侍御壽詩序

石麟譽望早擅晴川騁馬風流載騰京雒紅樓  
而製綬韶令仙姿裁綠文以成衫簪裾雅貴聯  
卓魯課績登朝閱閱崔盧彈冠入省陸敬輿之泰  
詩臺臺端汲長孺之丰裁亭亭物表盈床翡翠  
麗句雲騫挿架珊瑚奇書波委懸弧使閣望海日  
之方升拜手官衙瞻龍章之下賁千瀛盡舫來自  
蓬瀛三輔霞觴聚諸繡闥花開四照鏤鉤頌禱之  
聲景麗重輪焜燿縑緇之色白雲黃竹曲譜瑤池  
金液瓊膏味傳真府夢鳥筮鱣之珍聯席盡簪繡  
居業齋別集卷八

九

虎雕龍之英齊眉接武遲遲靜書聽子淵之洞簫  
浩浩洪河吹季長之長笛春王正月律協陽和節  
使津門儀嫺經曲魏信陵之賓客海內名流樓君  
卿之交遊樽前逸興臨風授簡朱霞十丈飛來倚  
檻緒書白壁一雙捧出茲菰林之樂事重名世之  
昌期僕乘槎興慕擗管徵謠指海屋以言權託魚  
械而寫意置郵請謁已遜鄭莊飲酒學仙還希李  
白期君麗日看鵬翼于煙霄待我占星聽履聲于  
殿閣金魚新榮榮光上燭瑤樞玉軸高標寶氣直  
凌絳斗芒綫灑翰如臨五嶽之圖薇露揮毫用佐



三山之樹云爾

訪藍明府詩序

丹陽古郡姑孰名邦雨過天門雲蒸霞蔚風清翰  
舫野潤沙暄燕語凌敲之臺城郭如畫鶯啼采石  
之樹簫管爭妍往者謝句驚人大有江山之助迨  
夫字樓對酒殊增景物之華維我同人尹茲望邑  
潘安仁之雅度花滿河陽陶元亮之清標詩傳江  
國擁書萬卷焚香開北海之樽下筆千言折柬致  
南皮之客池邊灑翰倒雜牽蚪月下吹笙翔鸞馴  
雉蒲鞭不事白屋絃歌竹馬常迎黃童怵舞翛然

估業齋別集

卷八

十

仙骨何俟句漏丹砂卓爾神君已看葉縣見烏僕  
濡毫得句陶寫新懽把臂稱觴追尋舊好王謝綽  
帶重以絲蘿雷陳肺腸踰乎膠漆黃河東裏並披  
季子之裘金水橋邊同獻長卿之賦各言爾志當  
與古人爲徒能致其身宜後天下而樂一行作吏  
毋忘布素當年千載爲期應有汗青異日以茲區  
區懷抱遂至疊疊卮言聊當韋弦嗽諸座右若叶  
竹肉婉彼伶人矣

江防詩序

滄江九派流比黃堂之清雪嶽千尋寒澈使君之

骨是以潯陽三老首排天閭匡谷與人聲撼地軒  
舉旛數千里裊裊雲中作頌幾萬言津津日下汲  
長孺之臥治衆以爲賢黃次公之拊循民受其賜  
青衫司馬送客猶聽琵琶白衣蒼頭贈人尚肩桑  
落若乃衙齋四壁挿架惟家乘遺編掾燭三更朗  
吟祇宦游佳句展大夫雖和而介心跡雙融于太  
叔不猛而寬中邊俱見矣煙波飄忽蛇豕縱橫列  
戍建牙江關之鎖鑰提戈專閫澤國之藩籬石虎  
彎弓厥惟李廣水犀獻敵故屬孤庸黔首蚩蚩知  
依杜母野人喋喋願借寇君於是章上銀臺

居業齋別集

卷八

士

詔頒鳳闕宋均虎渡神爵方來李渤棠深帶牛自  
去庾樓長歎仍斟瀑布山泉溢浦采風更設濂溪  
講席僕扮榆隣壤鉛槧通家占小畜之當亨識无  
妄之有喜西京吏治兒寬竟至三公北海廉能朱  
邑嘗躋九列矯首繩墨之外少卿歷試諸艱緬懷  
德讓之風孟堅特成一傳爰書里句用佐官箴

容園序

舊園三逕瑤瑁環書老屋數間珊瑚架筆看承家  
之五寶並齒詞場矧繞膝之諸荀齊眉執圃讀解  
雌蜺名士開顏智嫺雕龍英流抵掌林泉蕭瑟



岳故嘗面城欄檻參差晏嬰何妨近市形如蟬蛻  
繡錯芸廊望若鸞鸞星羅竹鴈隱囊方褥江左風  
流茶竈巾箱輞川標致披鹿裘而採藥戾止幽人  
泊漁艇以投詩都成雅集雖酒壚留韻老夫到此  
興曠昔之思然經局史成羣彥於今正中天之日  
爰成長句用寫遠懷君其藏諸笥中聊伴青鐙丙  
夜客有歌于座上殊慙白雪陽春矣

黃鵠山人壽詩序

朱霞紺雪味若常珍閨苑瓊樓宅爲珂里不游蜃  
海已知益壽之方未種芝田蚤悟延年之訣爛熳  
居業齋別集

卷八

主

羽客寵以華棧逍遙真人貽之麗藻玉虛名館金  
字題門句曲几席悠然時稱宰相商顏冠裳卓爾  
代號先生酒斟玻瓈筵敞玳瑁算絳縣之甲子再  
度方初守黃庭之庚申三更如旦需之廿載纔披  
榮公之表比及百齡試簪衛武之筆詢東方之姓  
氏我亦同焉瞻南極之星躔君其應矣

張州牧壽詩序

真府傳觴瓊膏金液奔山紀石黃竹白雲四照花  
叢蟠桃始茁重輪景麗鳩鳥初翔計相覽揆之辰  
熊幡阜蓋留侯燕喜之日麇脯駝峰謝鳳趨庭苟

龍號里宮袍雀嶺光曜縹緗法曲鸞吟韻諧絲肉  
洞天福地乃在朱門閨苑瀛洲詎須碧海已藝千  
春之圃應承十養之函僕筆乏江毫文慙羅鳥窠  
成里咏小佐賓筵

上已楊園雅集跋

蓋聞三月三日修禊事于郊原一詠一觴聚詞人  
于菰園肇自洛濱之歲春滿蘭苕暨于永和之年  
暢逾絲竹特進翰藻復踵事以增華寧朔風流還  
標新而領異斯薄海相傳爲令節若都門則更屬  
雅游隴西先生負北海之襟期當西京之領袖登  
居業齋別集

卷八

主

高眺遠浩蕩瀾翻覽物興懷滿疎霞寄偶憶漢陂  
之宴招尋輞口之莊誕故瓊筵簪裾畢會旣成春  
服童冠與偕攜手惠連看池塘之碧草聯鑣求仲  
挹洞壑之紅泉韞帶生徒貫魚請益烏衣才子蠟  
鳳承權歌似郢中霏霏白雪樂同濠上疊疊清言  
選勝則子雲之亭嶙峋輦下憶懷則太白之句爛  
熳花前五字長城聲高韻府四篇首唱旨冠騷壇  
善誘循循各言爾志多士藹藹相飲以醇滿座怡  
神負劍辟咤如畫諸生屬和吟風弄月以歸于是  
鄴架縹緗頓長連城之價龍門賓客新添照乘之

裴羣公悠然以思夫子莞爾而笑吾黨雖云狂簡  
大都成章老夫于此逍遙即事涉趣譬諸周茂叔  
之生意穗草無除何必鄭康成之藝能樓頭始到  
欲紀燕蹟聊呼楚僮染翰濡毫屬汝先勝司馬之  
賦倒衣命駕遲予後遊將軍之林某蓬生麻中繩  
附驥尾無能爲役如布鼓之過雷門逐隊升堂比  
丘陵之瞻日觀期追金谷之罰率爾成詩不勝曲  
水之觴逡巡避席矣

書陳雲卿冊子

汾水高門太丘令胃緒書早慧枕籍青箱結客豪

居業齋別集

卷八 四六

古

游晤言縞帶訪酒人於燕市雅慕荆高尋誼士于  
薊門曉懷羊左千金可擲仗劍何妨劇緩一飯難  
忘踵門詎需蠟展樽前玉屑邀許遜以聯狀肘後  
絺囊進王珪而問字五運六氣槩若列眉八葉三  
焦瞭如指掌越人八十一難遙開靈素之樞仲景  
二十二篇大啟玉函之鑄君臣佐使手注內經燥  
濕溫平神通本草孫思邈之僊工著論迥異人言  
揚上善之太素名家殆由天授人迎氣口麗安常  
按切獨奇陽動陰虧朱震亨發揮最妙外內合一  
契薛己之真詮風濕專攻採王綸之奧旨汗牛充

棟之籍蒼布芸牕騰會肩井之圖星羅葉几酒後  
耳羹嗤高陽之襲繆承謫與酣筆隨晒褚澄之膠  
柱鼓瑟是以理精皇甫紅氍標甲乙之絨技擅華  
佗素手奏鍼灸之績應指而愈比翡翠之屑金匠  
心以行踰蟾蜍之軟玉大都琥珀拾芥磁石引針  
蝠伏庚申鶴知子午物理良然人工獨詣豈若仙  
靈葉茂村人劉根亦箭株堅鈍夫剗茁失遠志于  
小草忘兜鈴爲獨行標本羞池主瘖慌惚鹿鹿偃  
僂之執悠悠影響之談者乎僕質方蒲柳味鮮參  
苓鎮日鼠憂疇問亡恙經年狼疾幾能有夢龜欲

居業齋別集

卷八 四六

五

餐霞猥云子房辟穀方唯射覆猶說曼倩疑仙書  
成七發之條補救已後艾關三年之蓄邂逅偏遲  
縱不盲於心朋友僊能知我然徒存一舌妻孥毋  
乃咲人朝誓暮香趙抃修身良苦科頭晏起管寧  
省過無多乃爾蹉跎居然僵仆是宜卜居詹尹無  
復假手雷公然而天道好生人心予善果猶不食  
蘭未當鋤會旭日之回暄倏東風之解凍雖乎傾  
蓋憐消渴于長卿氣類吹蘭拯龍鍾于子美倒囊  
投贈翻來叔牙之言折柬招攜乃讓孟公之座若  
使借遊句漏餌我丹砂定當買地匡廬種君杏

嗟乎芘麻載道哲士傷生野葛充衢端人窘步  
綴預知子衣領先聞惻惻之聲曾塗附子于湧泉  
未起奄奄之色中宵寤歎獨立徬徨幸逢九折之  
肱安得三緘其口揚斯絕藝如龍門特傳太倉述  
爾薪傳俾雞林新鑄寶鑑深山采藥予將煨芋懶  
殘之爐老嫗知名君且垂簾伯休之肆鶴裘脫去  
急付酒家兔穎拈來爰成詩句公諸同好粹琬琰  
以爲編各寫攸懷彙琳琅而滿篋茲誠方伎盛事  
抑亦菰苑美談矣

敬業堂約

居業齋別集

卷八

六

天官書七曜輔轅天衢太史志九州綱維地軸語  
經國之大業谷澗山輝稽命代之名儒星生嶽降  
是以應求視乎聲氣雲從風從族類惟所薰烝豹  
變虎變麗澤爲允慶君子之得朋他山是攻因輔  
仁而會友粵若典墳丘索維楚有材屈宋景唐于  
今爲裂井邊春草綠到池塘臺上雄風聲出金石  
源皆派乎泗水萬派朝宗客有歌于郢中千人屬  
和乃者石城星聚士多倚馬之豪漢水風行人擁  
雕龍之技使國門易字不韋定予以千金蒼天下  
量才陳思當得其八斗然而骨成威鳳毛羽須豐

志期大鵬扶搖待翥旣以橋門爲嬰相之圖還  
不佞作養由之楊蓋合轍始于造車而美魚不若  
結網三都賦就紙自貴于菰林雙劍鋒銛氣乃衝  
于霄漢士猶驥也遇剪拂而長鳴學若川然望滄  
海而畢赴惟是無堅不破頽試問夫秦錐有志斯  
成硯請賦乎翰鍊歲德在大日建維丁治就萬選  
之青錢夢生五花之綵筆堂名敬業敢云邊子腹  
便閣曰尊經不美中郎枕秘日斯邁月斯征從此  
藜光五夜知其人論其世庶幾囊括千秋

友道楷模

居業齋別集

卷八

七

義激震區斯廉頑而起懦氣凌霄漢乃錄古以震  
今故烈士貞臣道存天澤順孫孝子性發弓裘備  
保負薪在三之誼如一勞面截耳結髮之誓靡他  
是皆焜耀史編膾炙人口惟是朋友之際覆雨翻  
雲迨乎生死之交朝炎暮冷此公叔所以抒憤于  
絕交少陵因之感懷于輕薄也乃有容仙楊君稟  
二儀之正氣激五教之菁英伐木而求鸞鳴斷金  
以從蘭臭其於葉子旣爲生前之雷陳復作後  
之管鮑孝弘錫類慈拊諸孤宜友道之芳踪陶入  
而之懿軌矣方其傾蓋郢中班荆道左神遊藻鑒

聞一言而識然明調叶宮商關三運以延求仲干  
是權千秋之太業彩筆雙揮攬七澤之雄風詞壇  
競英花晨月夕以邀以遊雁浦漁洲一觴一咏蝸  
英鳥跡之盡辯嘶毫芒疏仡循蜚之年編摩梗概  
開元大曆體別乎三唐凍水廬陵論包乎百代寸  
瑕勿掩義取他山之攻片善偕登心同乳水之今  
豈若竹林閒適金谷嬉遊云爾乎旣而茂陵寢疾  
鵬舍憂生七發迂緩于膏肓三尸旁午于枕席時  
則藥爐茶竈次第而進牀頭丹鼎方書妙選以充  
座右出揅詹尹之策決以君平入閨柳莊之談參  
居業齋別集卷八 四六

之太乙被除殫厥牲玉走望及乎山川貌不悴而  
神傷術有加而能索鄭虔下世灰冷青氈李賀修  
文囊空錦繡時則招魂楚些灑血以告巫咸桃荆  
荆巫刑牲而罾伯有斬南山之喬木實以禋合市  
東郭之蒯管營及衰經顛毛種種嚴君垂堂黃口  
螢螢藐孤在疚襟參苓于糜粥喘息粗安提草土  
之羸軀拜跪有節與僮介紹碁布星羅鼓吹幡幢  
衢填巷塞銘旌勒有道之字行實鐫北海之文白  
楊蕭蕭送陶潛子逆旅野風颯颯歸元伯于首丘  
牛眠在望馬羸斯封嗚呼朋友之誼盡矣然而荆

步歛歔腸斷延陵之劍無端恠魂銷于敬之  
篋書藏而不開墓草宿而猶哭于是割膏腴之奉  
用代賴封續雞火之餐長番馬帳使九原而可作  
仰事俛育此日門戶依然埃毛羽之漸豐霞蔚雲  
烝他年家聲載起昔信陵下士執轡侯生中郎知  
人倒屣王粲然皆加一時之禮數未聞鍾易世之  
深情即或亭次寫真曾無補于孟氏萬一優人悟  
主已有損于叔敖千古以來于斯為篤往往販夫  
暨子話而改容時時野姬山農聞之酸鼻矧予肝  
腸能無誦述苟能嚮風慕義天涯無舊雨之悲相  
居業齋別集卷八 四六

與華薄還臨士類寡谷風之怨事關世教敬告同  
人

呈請舅氏大復李先生入鄉賢祠

禮隆耆舊詩重典刑古君子傳而特稱曰公里門  
直號通德鄉先生沒而可祭于社俎豆並列黌宮  
故縣學生李奇觀者性生孝友品植端方甫成  
童而口無戲言迨弱冠而胸多奇字筆耕舌織養  
志蓮門兄倡弟訓承權草閣早有蟲魚之癖刻意  
編摩獨懷亥豕之疑殫精警校受葛錢唐學使之  
賞鑒首列宮牆比黃江夏之品題名聞鄉國戶外

屢滿便便之腹五經筆底闢翻疊之言百代取

予嚴一介自愛生平然諾重千金非通經俠士類

以莊見憚聞黨慕義輸誠當勝國擾攘之秋有凶

人踣躅之患嘉慶立營賜亂士大夫人人自危衆依幼安以成聚風鶴

不驚人視彥方而為師鄉隣無聞先生立守望舊保全善類其衆月斯

征而誨子宛宛鳴鳩之音歲有穀以詒孫皇皇衰

鳳之歎于是飢拾橡栗露沾杜甫麻鞋渴咽松風

雲臥袁閣土室考終全孝韋素完忠學不愧為鄉

魯之徒名已入乎隱逸之傳至今從游高弟師說

猶本河汾亦有通籍文人經義能傳雅國王祥友

居業齋別集卷八四六

于之族迨王覽而彌昌先生從子以泰舉于鄉韓愈文章之宗

至韓哀而將大孫曾見紹家學此論以久而始定不愧鄉賢

德惟潛乃益光允宜從祀伏祈大彰直道俯順輿

情勅縣行學置主入祠俾羽翼經傳之先儒得伯

食春秋于類壁則多士奮興萬禩瞻仰矣

呈請內鄉于先生入鄉賢祠代

旌德報功古列賢宮俎豆尊賢樂善今看里巷公

評若生著芳名足標幟于菟園斯沒垂坊表宜侑

食于膠庠故乙未科進士歷官戶部主事于肖龍

者家傳圖史世授詩書髫齡而倚馬千言里有神

童之目弱冠而下離萬卷人驚武庫之雄賦走雞

林若太冲之邁皇甫名題雁塢如子瞻之遇歐陽

順治乙未進士出丹徒張公之門捧檄秉軺勅官新化彈琴馴雅雅尚

古風吏畏民懷周族叔清規猶在良安暴戾陶士

行善政復漸當楚鮑之質與入棘闢而分校高懸

水鑑期得三湘七澤之英盡掃時蹊務按八索九

丘之典肆庚子之首解額楚推叔度之才及壬戌

之亂南宮世啟仁山之學爭稱桃李並沂淵源方

諸晏公之知賈第路行第一譬以文翁之舉張叔

敬慈無窮當其課最超遷主政民部唯知夜思早

居業齋別集卷八四六

作奏績故直操操四知門常如水守嚴一介飯祇

驪藏會計覃精大綱小紀畢舉寅恭奉職進忠退

補兼優正驤首于亭欄旋脫簪于仕路一丘種竹

偃仰臥龍之廟五月披裘西遲菊潭之墅非公不

至太夫造廬以名詢樹德務滋鄉老動容而矜式

雖卡著菜之社儉素可師汝南先進之規高年彌

劬此其行藏較概洵為出處楷模若乃孝謹由心

質行同于曾閔友于率性讓德高乎祀韓尊祖敬

宗事秉遵考亭家法解紛排難言言本諒冰至誠

朱文季邱友人之孤熏其德而善者無莫劉子相

賻行路之殯聞其風而起者良多蓋自服古人官  
言稟六經猶見古人爲學之次第至于居德善俗  
動循三禮真成後進之典刑昔北海之于康  
成曾號其里曰通德若南陽之有子驥已顯其名  
于簡編幸當 聖朝敦實行以廣教化況逢憲鐸  
採潛德以振儒風 某等懿好根心公論合志述名  
賢之往事操筆增欵觀廉吏之遺孤負薪可念伏  
懇俯察輿議允祀鄉賢俾桐柏澤宮春秋比文正  
之祀庶必陽泮水蘋藻如江都之馨則物望宜符  
人情胥恆矣

居業齋別集

卷八

三

呈請建平知縣胡紫山人鄉賢祠

聖朝熙洽一道同風學政清嚴廉頑立懦當青莢  
槭樸化行之日正月旦鄉評敷奏之時言以公而  
人孚事惟久則論定原任江南建平縣知縣胡魁  
楚者歲貢春官膺 御試之異數名掄上第作司  
牧于專城下車却隨印之金老胥縮舌按李徵地  
丁之賦筦庫攢眉聽訟片言案無留牘矢天一炷  
史絕姦萌廟學日新下逮垣墉庖湍講堂月課細  
分甲乙丹黃拔單寒以剋軍膏梁退舍饒飽學而  
加禮部屋橫經賢豪侍坐民隱時聞蔬水交懷

詢弗戮利藪農末興三市以貿遷察戒雞豚平百  
貨之壅滯省刑暑月茗荈提壺卹獄冬天緼袍出  
架告城隍以決疑案空中發聲執賄賂以詰宵士  
杖下箱口前令落魄則割俸俾免于羈番遠道長  
征又倡捐以壯其行李衙齋藿食憺若諸生廳事  
蕭晨寂如曠野西爽入夢不俟北山移文東臯騁  
懷非云南窓寄傲急流勇退綽有餘閒廉吏可爲  
毫無沾滯是以解綬而攀轅臥轍三代之直道猶  
存瀕行而簞食壺漿萬民之遺愛彌篤也渾厥內  
行由來醅備得懽心于後母宛若王祥聯四弟爲

居業齋別集

卷八

三

一身居然汎觥仲氏孤子鞠以成人羣從田園均  
令得所譽隆宗黨感動鄉隣贊成者望闕而還慕  
義者聞言而化雖前朝舉族遭掠曾罹銅馬赤眉  
之凶然間道脫險全歸實賴危言讜論之力披荆  
薙棘再造宗祊肄禮言詩重延世澤義田義塾范  
文正之家規庸庸庸言朱考亭之懿矩春秋饗祀  
耄而益勤鄉飲賓筵恭而有禮鬚眉方諸四皓門  
巷儼似三槐公爾忘私趨焉恐後當垂橐以輸宦  
餉直計畝而佐軍興是則歸田無異官曹每飯不  
忘忠愛矣由學而行而藏躬有令德自少而壯而

老人無間言木訥寡文巋然長者晨昏一卷卓爾  
通儒若躋鄉賢之林允愜詞場之望伏乞俯鑒輿  
情檄行廣濟縣置主入祠則蓬樞圭裔聲環行歌  
瞻髮蒼顏扶杖觀化矣

居業齋別集卷八終

居業齋別集

卷八

四六

七

居業齋別集卷九

廣濟金德嘉會公

祭文

祭周雨山文

嗚呼慷慨一朝綱常萬古野曠天清風淒月苦嗚  
呼哀哉魂飛河嶽骨委泥沙成仁取義國爾忘家  
嗚呼哀哉君之生也匡嶽聳秀彭蠡濯纓百夫之  
特千人之英君之仕也提封剖竹跋涉關關馳驅  
桂嶺盤錯平南君之危也疊生蛇豕變起風鶴生  
靈累卵版章朽索君之守也鬼哭狐鳴鳥驚魚爛  
居業齋別集卷九祭文

易子析骸頽墻涸塹君之急也基布冠營星羅僞  
檄若若累累買貿炭炭君之悲也中宵凜冽四顧  
徬徨稽首崩角肉袒牽羊君之憤也背城交鋒死  
士巷戰劍架攢身矢石滿面君之卒也握拳透爪  
嚼齒穿齦朝騎白馬夕化青磷嗚呼哀哉斗大孤  
城京師萬里見危授命臣力竭矣為臣死忠蹇蹇  
匪躬以報養士以厲羣工迺若孺人生長巾幗如  
何臨難之死不惑嗚呼哀哉夫婦同修忠節成雙  
英風正氣裂骨剛腸嗚呼哀哉翩翩公子蘭芽玉  
樹終賈妙齡珪璋偉器乃荷戈矣乃擐甲冑乃



考妣乃殞戎寇嗚呼哀哉臣忠子孝婦節夫良雲  
依社稷血濺金湯業業淳淳平南山水禰祠燕嘗  
爲君廟食麟炳炳南史董狐嵇段張許爲君操  
軀煌煌國恩稜稜竹素交章上聞旌閭表墓破  
巢遺維維茲藐孤孀孀在疚蒼昊所扶我聞昔  
昔悼永茂君今往矣克昌厥後孫繩祖武子讀父  
書其祥長發善積慶餘此我邦人望風仰止矧予  
嫺戚云何能已聞訃則哭紀事則傷爰雞絮酒平  
古戰場嗚呼哀哉

祭毛孝瞻先生文

居業齋別集

卷九

祭文

嗚呼國傾柱石鄉失典刑某水某丘先生之釣游  
安在一琴一鶴父老之稱說猶傳嗚呼哀哉君之  
生也地靈宣秘天挺菁英揆藻儒林方日下之荀  
鶴蜚聲藝苑儼雲間之陸龍羽翮已豐望九霄而  
決起霜蹄蚤試指萬里以騰騫賦賦燕臺籍甚馬  
卿之草題名雁塢奇揚子之書斯閱覽之遐踪  
允華國之懿軌矣若乃縮符龍泉飛鳥沙水清靜  
寧一悠然單父之堂子弟田疇薄哉國僑之惠豈  
止何武爲吏人懷去思庶幾庚桑得民戶有尸祝  
當其持衡瀾右士荷甄陶引炬秋闈人欽藻鑒歐

居業齋別集

卷九

祭文

文忠之力挽文體韓吏部之望擅儒宗羅梗楠  
梓而升之朝濟濟木天之選取龔黃卓魯而試之  
吏循循民社之良旣以人而事君合懸車而請老  
嗚呼士元百里盤錯帝已歷之諸艱靖節三逕歸  
來人方吉其家食矧增前玉樹好承雨露恩波若  
月下金樽何殊神仙窟宅而漚歸巨海電沒通天  
冥靈與朝菌同期大鵬偕斥鷃俱往胡蒿里之迫  
促豈蒼昊之渺茫總帳猶懸輻軒倏駕舍此華屋  
即彼長夜嗚呼哀哉壁挂遺書膝絨舊草南窓沈  
晦研水枯槁嗚呼哀哉三漿空斟五鼎虛陳江風  
淒冽薤露酸辛嗚呼哀哉某望隆模楷誼切絲蘿  
未陪綠野之杖屨忽聽白楊之輓歌爰率爾以噉  
詞竇潛焉而灑涕靈之來思於彼於此尚其鑒之  
座主合肥李公莫章

嗚呼台曜實宵火城闕旦草遺金閨墨冷玉案罷  
杵六街停餐三館嗚呼哀哉戢戢衡霍聳峙霄漢  
屈注廬江澆淝浙浙篤生元輔八公里閭卿侯  
齡柱史壯觀敷歷宮省典司珪瓚經緯續綸  
璫燦坤軸滄海乾維斗幹引炬南宮廓清漫漶  
門洞闢唐文丕煥九域齊軌八埏共貫繼續亮二



師錫廷薦收卜綸犀神明幽贊廟堂肅雖河海

安脫劍包戈烽銷燧濯潤色官禮參伍爰豕壁經

校讐麟書剖斷三墳九丘區區部按汲竹岐鼓勾

稽點獵吐握延英抵掌搯腕廣廈都講髦倪送難

壁水鐘鐻卷阿泮魚祭溫俾路凌許鑠鄧几几赤

舄誕先登岸大孝顯揚九重汗渥銜歎貞松皇矣

宸翰炳蔚宗祊馨香鬯祿福如川流寵若日燿率

土霖雨萬方楨幹云胡遘殂朝野悽惋藐爾鰥生

僂焉露臺落墨禮闈忝多士冠當門蘭茝于俗冰

炭早謝承明言歸葭藺飢徒恃葑蕀弗因爨居財

居業齋別集 卷九 祭文

恒惕出無欵段莖藿作宮菜莫名游夜寐風興馮

依焉鴟鴞養稔素飽衾景常憚思報生成思波混淪

仰瞻蒼昊愀焉永歎東閣寄扁西清履散嗚呼哀

哉宗伯及堦內史牽幔奉歎 絲綸縷誦

帝眷稷契許謨周召令讚稽古易名即山慈礪舊

路蕭蕭長夜漫漫濡湏曦沉箏笛響斷淚盡侯芭

書空郢岷

祭姚中丞文

嗚呼玉壘天荒雲沉開府之幕蟄鼓月冷星實異

仙之橋雪錦樓邊陰風蕭瑟捫參閣裏伏雨淅淅

丹竈荒山竟失長生之草文機惟石疇迴天漢之

槎嗚呼哀哉胃本神明溶源竊水家傳令德敦祚

邦城想張緒于當年生來異質緬終軍于菟園弱

冠名流內行則江夏無雙人物則汝南並邵題名

雁塢藉甚西京獻賦龍門輝煌東觀青雲早附鄧

禹何足笑人鍊筆持平張季差能有此漢廷嶽立

汲長孺之丰裁唐代瀾翻陸宣公之奏議水旱入

告忠殫青蒲薰蕕區分義形白簡 天顏有喜俾

作喉舌之司 帝眷方來用當鎖鑰之寄頓八紘

於地終已濮同風御六氣于天樞叩岷式化霜清

居業齋別集 卷九 祭文

劍道谷湧康泉露溢銅梁宅饒花蕊趙清獻之琴

鶴四馬自隨張安道之園林二蘇入座沃野千里

疏鑿離堆之渠珍產一人殷勤府第之燕畔桑安

父老羽檄不用相如燈火便問閭閻襦袴還資叔度

弛輓運于武擔權若更生典膠庠以文翁化成有

造視韋西川之節度更覺康明較嚴劍南之巡方

尤為愷悌琴臺卜肆弔古成詩箋與鸞翁班荆講

鼓柁乃長沙鵬鳥忽來巫峽使君之灘而函谷青

牛翻爽蜀中關尹之約返真風駕一枕空山息景

宵馳萬緣逝水嗚呼哀哉解組懸車之疏已諫林  
泉驚漂易簣之言猶關社稷家累前去座右餘四  
壁之蛩吟子舍兼紅紫頭之九還之藥裹錦城罷  
杵泣羊碑老道益蒼行我冠竹焚檀執紼人瘞  
薤露之歌楚些招魂家酹耶箇之酒嗚呼哀哉朝  
頽柱礎驚序長嗟鄉失儀型雞壇短氣沉洪鐘于  
德水霧鬱雲霄瘞寶劍于豐城芒寒斗牛某託笑  
芝蘭依榮桑梓鮑叔牙之知我常逾身謀孔文舉  
之譽人不啻口出山陽車馬望斷郊門頽上賓朋  
悲生綺席過西州之往路悄爾傷神攀北海之遺

居業齋別集

卷九

祭文

六

鵲潛焉出涕嗚呼哀哉九原可作千古爲期稻中  
散之虛亭尚多楊柳王子猷之曲逕唯餘竹枝稍  
喜雨潤池塘長謝家之寶樹漸看香深几榻燦祿  
閣之青藜所謂天道無私庶幾仁人有後然而士  
衡歎逝翫春翹而有思子期懷人聞隣篴而作賦  
宛然心目追憶平生意氣清影會有江鄉磨鏡之  
役黃輅丹荔爰成楚客修門之詞

祭蔣學使文

嗚呼二氣輻輳萬象襍榛木凋秋林水落冬斂人  
非喬松安得壽考所立者名惟三不朽於赫初生

元精亶厚夢日占星禎符非偶科名崧高經濟  
紐甫令專城保障新楨若雨蘇萌如泉溉畝入直  
省垣蹇諤繩糾典憲司存簪筆是守豈伊稜稜而  
憚赴赴觀察西江維饒南九雲汎風驅用滌瑕垢  
緬彼貴竹疆域荒黜式往師帥銅虎符剖化邁文  
翁膏踰杜母題陟文衡三湘二酉秉炬祝融徹彼  
豐部菁菁者莪肄于細柳滔滔江漢彬蔚童叟震  
起雲蒸魯髦比耦觀倚屈宋壇場星斗譬懸鴻鐘  
大鳴小扣巍巍廟學漂搖歲久命負丹雘俾僂曲  
阜茫茫先賢表章身後從祀泮宮犧尊鼎缶嗚呼

居業齋別集

卷九

祭文

七

文弱顏淵千金敝帚廓清之功掃蕩寰宇士逸先  
型萬卷芻狗振興以來輝煌組綬脂韋清訛貿亂  
尾首示之周行犁然可否風影榮感贊疣駢拘迫  
以彛常寒襦飢糗展如之人遐不眉壽歲德在甲  
邁征于酉嗚呼哀哉學泝崑崙奧探蝌蚪垂老韋  
編乾惕无咎長公從遊晨昏左右治命祇承遺書  
荷負令範往矣式穀爾後蟄蟄莘莘介祉斯受嗚  
呼魂氣之之蛻蟪蛄蟪言旋故鄉毋帶毋紐碧  
黃泉孰亡孰有白楊蕭蕭風淒水瀏楚些商聲  
難絮酒

祭余封君文

嗚呼歲序蕭瑟乾坤寒沍逝矣江濤悽然薤露嗚呼哀哉名不虛立惟德之固猗歟封翁近悅遠慕海嶽襟期珠璣欬吐鍵戶霞騫揮毫雨注馬史班書屈騷賈賦張彭易詮孔鄭禮注有堅咸衡無不具雅尚冲虛栖心淡素寂寂于雲茫茫叔度詩藹太丘亭亭長孺質行鯉趨惟心萊煦姜被宵溫田荆畫蟬厚積旁專拯顛植仆黍稷傾倉糜漿載路麥賑旅孤棗乞隣嫗如屢斯依如航斯渡如暘之永如旱之澍杼軸周旋轆轤灌輸以茲淑修誕居業齋別集卷九祭文

祭蘇苞九文

嗚呼仙令返真月冷東溟之水琴堂輟響風淒大并之山鵬鳥隨車揮牛刀而莫試龍蛇應兆停馬策以長徂嗚呼哀哉猗嗟鴻材篤生望族蜚英聲于藝圃人號大蘇紹駿業于先公世推小許身登

八

卷九祭文

九

七尺操月旦于雞壇氣雄萬夫樹蜚孤于鵲路賢書煥耀指金臺以先登蒞榜輝煌望瀛洲而風駕酒後耳熱朗吟白石之歌談劇神開咫尺青雲之步一行作吏剖竹瑯琊四牡之官塞帷沂水強項攬轡想丰采于董宣長歎披圖憶宦蹟于杜家嗚呼循良吐氣正君子有爲之年剗剗從心乃名儒得志之日若使展其驥足比治聲於萊蕪還能抒厥鴻猷收佳士于稷下兒童竹馬方迎莊嶽之間父老壺飧遠掩薄姑之路嗚呼哀哉河陽縣裏安得潘君單父堂邊空傳宓子豈無友如鮑叔何曾居業齋別集卷九祭文

祭方鶴軒文

嗚呼間闕萬里盤錯五年生爲雁增題名之人上應列宿死作烏蠻落魄之鬼遙思故鄉署冷屏山門已羅雀魂銷響水樹猶啼鳥黃腸束身苗種躋

望而涕白旄當戶崗人駢酒以焚香嗚呼  
鍾靈鳳山毓秀賢良對策聖公冠多士于塲頭風  
雅名氣雄飛賜一官于馬鬣追葛嶺枋圖之日正  
蛟門及第之年比汲鄭之丰裁立朝直諫紹周程  
之統緒講學杜門以茲積累之深大啟宗祊之祐  
謝公之述祖德疊疊清言王氏之振家聲亭亭譽  
望儒林祭酒哲考希文烈焰剛風悲憐靖節誕此  
佳器旋軼材于肩吾蔚為通人踵鴻詞于皇甫天  
虎竹指六詔以乘輅地軸星河環三苗而露冕  
雞鳴視事簿領無多牛喘咨農瘡氣可畏山起人

居業齋別集

卷九 祭文

十

面視蜀道而較難雲生馬頭覺嶮關之非咀清靜  
寧謐宛如益公之堂愷悌慈和卓爾愛子之志暨  
百廢之具舉踰三年而有成夫何天心渺茫至今  
鬼伯催促五日不汗遂中膏肓三尸為災頓成僵  
仆琴堂壁立梁上並無懸魚粉署煙深盆中徒有  
恠石望斷桑梓幕客寒心延殯牂牁廬兒酸鼻敬  
奠心痛凶問乃來北堂黔婁汗流大故尋傳西浙  
莫靈孤子氣垂絕于斬衰落落周親眼半枯于夕  
莫靈宮過涉數千里之蒲帆鳥道攀躋幾萬重之  
菱舍黔關百一豎柳雲以東征貴嶺尋常奉輶軒

以南去後推前挽尚苦崎嶇單食壺漿還愁飢渴  
桐棉逆旅疇手援于泥塗直經寒生孰吹噓于邇  
近氣蒸雲夢洞庭阻石尤之風霧黯瀟湘夏口接  
滂沱之雨長江翹翹孝子傷神賊浪鯨鯢變  
色篙工舟子饗索椎牛釜祭炊薪錢須跨雀嗟點  
金之無術豈畫餅而能充嗚呼廉吏可為坎壈生  
前之遇飢軀長往寂莫身後之名倘范公無吝麥  
舟庶楊孫不終羸塋嗚呼羊曇馬策斷腸郭門孫  
楚驢鳴墮淚喪次開篋沾臆見君棘闌之篇寫誄  
吞聲展我蘭譜之誼

居業齋別集

卷九 祭文

士

祭武允安文

嗚呼歲在龍蛇陰雲黯澹庭栖鵬鳥寒雨淒涼邈  
矣鄉關三千里外煙樹蕭然邸舍五十年來行旅  
嗚呼哀哉早薦賢書方終子雲之壯氣旋登甲第  
比蘇廷碩之才名興慶坊邊看花解褐披香殿裏  
珥筆焚藜既升瀛洲之班尋晉水部之列九丘八  
索數大夫之多聞七穆三桓推王孫之博物三秦  
父老歎為關西異人二華簪纓喜得斗南大器生  
來沉默內行著于鄉閭質性堅貞素風蒸于族黨  
讀陟岵而賈涕既卜牛眠瞻遺掛而傷懷待計馬

幽憂成疾爰致二豎之侵憔悴傷生莫求三年  
之艾嗚呼世路坎壈嗟一官之徒勞胸臆牢騷雖  
百歲而猶天疾深腠理漫進稀苓患入膏肓疇施  
瞑眩縱有鑒云七發安能垣洞一方日月幾何幽  
明遂隔嗚呼床頭稜稜墨字猶象生平枕邊寂寂  
青箱執司啟閉茂陵遺藁曾無封禪之書揚子方  
言刺有丹鉛之錄嗚呼家園說夢想朱紱之方來  
驛遞傳音報銀魚之已閱秋風旅櫬聽鷓鴣于終  
南白露空帷飛蝴蝶于紫閣樊川杜曲霧隱題橋  
之碑西渭藍田草荒繫馬之路嗚呼哀哉某等蘭

居業齋別集

卷九

祭文

三

諸晨夕驚序班聯瞻言玉樹之頽式奏蒿里之曲  
素車白馬祖廼旆于青門木檻瓦盆敗席羞于巷

祭胡石存文

嗚呼老友云亡流水生涯俱盡素交邁逝浮雲世  
事皆空總帳春風蕭蕭花鳴松窓夜雨黯黯燈缸  
客冷平原之村鶯啼古樹酒散孟公之庭燕語荒  
郊嗚呼哀哉弱齡柔翰並入膠庠壯歲青袍同  
棘幄雪堂握手詞壇稱兩家雁行夏油聯儼彩  
遂三秋鶚翥劍學萬人之敵果毅先登書倖百

之豪英雄自許看予早雋笑祖述之着鞭待子晚  
歲如馬援之攬轡年華在再皓首一經意氣銷融  
茅檐三簷嗚呼河干畫舫午夜猶飛羽觴巷口衙  
門飢年尚談鄒魯掀髯捫蝨語必驚人贈綺貽瓊  
素無宿物魯仲連解紛排難箭可傳書徐孺子弔  
死唁生塗嘗磨鏡楚人之重季布諾踰黃金漢代  
之推君卿交頌朱轂風流已矣文采淒然嗚呼姜  
庭大被氣暖冰天田氏紫荆春回雪谷人倫奉爲  
模楷鄉里美曰芝蘭胡運數之云邁遂林泉之長  
往開篋沾臆讀長公前日之書拊牀置琴識大令

居業齋別集

卷九

祭文

三

平生之好嗚呼子舍詩禮尊舊聞于嚴君孫陳餒  
餒記趨走于大父曾督羊棗口澤猶存徐石山嚮  
足音罕到戴絲定更新譜劉草將成別家子紹先  
之羊肝少雍神傷廢箸薛道衡之磐石元超泣下  
霑巾嗚呼荏林頽頽備嘗艱辛世講綢繆重以婚  
媾夙耽塵尾劉尹着王濛殯中貌類虎賁孔融憶  
中郎座上幽明異路逾見交情修短殊科彌傷物  
理方君寢疾雪裏第遣蒼頭及我薄遊門前款傳  
素楮羊曇歎逝馬策叩扉子荆臨床嘯嗚出郭電  
光石火忽忽驚心蒿里印山青青極目記長隄之

話別邈若山河聞伏枕之遺言堅同膠漆爰成哀  
誄瞻靈旗以招魂乃芼芳薦蕝几而行痛

祭毛忠穆文

嗚呼燕山酒肆猶存舊壚楚水魚函遂入新夢三  
千里之話別疊疊清言二十年之神交悠悠往事  
江干松逕雨閉莓苔山裏芸窓煙深薜荔嗚呼蠟  
鳳早慧騰譽里門漂麥書淫蜚聲藝圃論超宗之  
警敏謝氏無雙數曇首之風標王郎第一趨庭浙  
右挹粉署之清風問寢閨南望延津之寶氣稜稜  
露爽非關裘馬之豪咄咄驚人大有江山之助嗚

居業齋別集

卷九 祭文

古

呼內行醞謹石建家風天性友于韓融世德追神  
傷乎手澤遂變草書感念乎慈親竟斷蔗味哀  
深菽蔚不彈張璋之箏慟入心脾罕弄戴顓之操  
嗚呼龍岡兆域馬鬣既已栽松寒食紙錢豚肩曾  
弗掩豆昭先公之儉德永言孝思尚古初之素風  
無忌遺訓中壘纂著經讐校而逾新蘭臺丹鉛欲  
嘗粹而未逮嗚呼年未中壽竟爾云逝疾匪膏肓  
居然溘逝彌留短扎點畫猶若生平喘息詒謀精  
神更加整暇藏書在篋自作垣墉藐孤有聲還出  
金石嗚呼風流頓盡張思曼之靈前歎嗟如聞衛

洗馬之身後清風朗月我始欲愁笛韻琴床誰能  
遣此

祭吳中望文

嗚呼山雲黯黯溪水悠悠總帳冬寒似聽山陽之  
逐松窓夜冷疑聞候嶺之笙跨鶴以游豈玉樓之  
作記騰空而化將金粟之還真繫馬庭前檐楹如  
舊看花鳴裏條肄猶新嗚呼哀哉憶昔定交俱當  
弱冠放舟赤壁把酒臨風散步雪堂披襟問月雲  
霄萬里揺彩筆以爲翔騷雅千秋然青燈而起舞  
我訝子佩乘車戴笠之謠予倡汝諧繡虎雕龍之

居業齋別集

卷九 祭文

五

業既而軍興孔亟輓運維艱士嘆若華人歌萇楚  
各言爾志紅泉白石之間獨行其懷皂帽青衫爲  
伍維斯高尚竟遂幽人之貞緬想素風直出羣賢  
之右平原豪舉結駟連騎劇孟交遊分曹樹幟君  
乃蕭疎物外不競不絀恬退人中有倫有序恂恂  
孝謹萬石君之家風藹藹柔和平子之標格確  
乎不拔何慚通德之門嶢然無繼大有長者之號  
旣積而厚長發其祥頭角崢嶸王右軍之七子尺  
流篤厚荀朗陵之諸孫淑配宜家坤貞介社東庚  
坦腹憐我豚犬之兒綉閣開屏叶君鳳凰之下

平之婚嫁垂畢元亮之偃仰自如築園蒔花陶陶  
有得合飴戲綵淡淡無營率茲天懷宜躋上壽云  
胡遽疾遽爾長征嗚呼守弗懈于庚申箕未周夫  
甲子幾宵大寐一枕空山亦有長鏡弗采鄴侯之  
藥豈無丹竈難逢句漏之砂嗚呼哀哉丁年匹馬  
訪游子于江干戊歲清樽羅衆賓于座上星橋執  
手後會非遐于夜飛觴佳期欲再生平嗜好惟東  
觀之法書邂逅咨詢必西清之掌故盟寸心于編  
帶託尺素于魚函晦朔幾更明幽獨嗚呼累世  
朱陳半生管鮑魂惘惘而若夢淚泫泫以沾襟聽  
居業齋別集卷九 祭文

居業齋別集卷九 祭文

六

雨寒更香生玉樹開門落葉池迸蓮華兩堂剪燭  
見君往歲之詩北郭騎驢憶爾舊游之路撫境蕭  
颯觸緒淒涼他日操觚大書延陵君子之墓而今  
漬酒釐陳季重足下之廬

祭郭集五文

嗚呼洞庭返棹聽鼓瑟于湘靈參岳迴車曳方錦  
于巖谷長生久視應探石室之書辟穀燒丹定載  
君山之酒云胡假寐歎爾遽徂嗚呼哀哉生來仙  
骨雖羸瘠而有夢偶遇杏林遂導引以亡恙推書  
萬卷尚友千秋剪燭驚心操觚得句往往彈駁八

使通人解頤匆匆指陳頗令莢苑折角擔簦關里  
記車服禮器以還躡屩匡山披竹松蘿薜而下白  
鹿洞裏私淑考亭先生絳雲臺邊緬懷參軍才子  
誅茅葺屋顏曰景濂凭檻觀星占當先胃既周甲  
子門巷差如朗陵長守庚申寶眉可像綺季合飴  
課誦紀復生羣展席留賓或還晞淑不知老之將  
至何圖壽忽云道嗚呼哀哉木落青林涼風蕭瑟  
波澄渌水細雨淒涼雁影橫空誰復搔頭詠字蛩  
吟入座何人側耳聆聲冠蓋通衢訪林宗于身後  
紵綾素壁期仲叔以再來誼屬周親辭敦夙好薄  
居業齋別集卷九 祭文

居業齋別集卷九 祭文

七

噉蒿里之誄麓慰夜臺之魂

祭沈孺人文

嗚呼悲哉秋氣乃傷奉倩之神黯如壁間猶下安  
仁之淚雲欄月冷勸孤影以揮杯花圖風淒覓芳  
魂而解珮緬懷每在提甕作達寧同鼓盆倚嗟孺  
人夙稱令媛三泖閨中之秀白雪青蓮八咏樓頭  
之英瓊枝綠萼歸鳥衣之才子灑翰鳳池佐槐蔭  
之主人吹笙嶺嶺一趨一步露浥金莖如山如河  
輝聯玉署雞鳴盤漱永言堂上之歡鹿乘蕭疎雅  
慕林間之趣豈梁鴻之廬次舉案齊眉非冀缺之



田間分甘攜手並役管城文成五色雙臨揀燭  
就七襄叶繡口以朱顏來從天際映宮袍以翠  
望若神仙沈水香薰願在莞而爲薦引商絃索  
諸木且是桐與君子今永貞宜百年之偕老芙蓉  
鏡好如何魂散飛霞瑋瑋屏新豈料影飄暮雨擁  
鴛鴦之翠被夢到羅浮懸霧縠之文衾感深洛浦  
枕番琥珀愁聽孤雁之鳴悵冷流蘇涕隕寒蟬之  
唧在梅在棘思儀一于淑人采藻采蘋憶有齋之  
季女爾乃鵲橋七夕蕭蕭瓜果之筵須獻三聲嘏  
蕤楓林之樹欲邀青鳥而歌黃竹珊珊遲來疑駕  
居業齋別集卷九 祭文

祭江孺人文

嗚呼月冷香閨漫漫長夜燈黃繡閣黯黯寒雲繞  
室異香恍迺珊珊之步凌空仙樂如聞裊裊之聲

返眞以遊駕青鸞於晴川渡口躡景而逝跨白鶴  
于卻月城邊嗚呼哀哉皇矣夫人歸然命婦三閭  
閨媛之後特產名娃七澤鼎食之家篤生令質屏  
開孔雀耀赫赫之里門卜叶鳳凰歸翩翩之公子  
初膺家服郎官剖竹之封旋奉龍章柏府牽絲之  
秩葱蔥子舍謝樹臨風鬱鬱東床荀龍曜日內外  
姻婭俱七葉之高軒盟榔姬姜盡三條之貴里修  
短隨化枯菀何言惟是淑慎性成儀兼鍾郝溫恭  
天植德合邢譚嫺嫺教于弱齡循循惟布相夫君  
子芸閣軋軋機絲榔緹衿纓恭承內則秉脯榛栗  
居業齋別集卷九 祭文

肅奉高堂茲漢上之禮宗竄江門之孝婦况復鹿  
車行部貴而彌勤蓬蒿居官豐而仍節花封舉案  
續雞犬以觀書粉署鳴琴諷羔羊而侍側爐香棹  
茗無忘章素之年土銓細簾克佐清白之操斯則  
易象中饋之吉致膺漢廷上考之褒爰上燕臺忻  
駟駟馬迺躋烏府快擁皂囊豆登醢醢法備郇公  
之厨綳紆壺漿客滿鄭莊之座雞鳴待漏谷米以  
治晨褰曉馬言歸捧檄而羞千炙繁惟井臼之况  
瘁早作夜思是以官守之賢勞日新月盈嗚呼微  
音若此壽算宜長寢疾伊何冥鄉驟逝屬大夫來



召使內顧未遑乃孺人組帳空懸遺挂在壁嗚呼哀哉景桓釐之懿行灑翰嗽詞披范史之彤篇桃銓載筆歌成楚些表德于小別之山凡設燕醪致芹忱于廣莫之野

祭阮孺人文

嗚呼燕雲晝暝薤露朝晞實閨秀于宛陵水咽琴溪之渡凋女宗于鄣郡霜黃敬亭之山歲序驚心榮枯異域縱令嗣宗作埜難爲漆園之歌况復孝緒冥通定輟鍾山之講迢遞三千里之路繡奩塵封淒涼四十餘之年粧臺霧黯嗚呼哀哉令德孺居業齋別集卷九祭文

卷九祭文

三

人好迷君子龍章寵錫膺金閨綰綬之榮鳳詔駢加受柏府牽絲之貴鐘鳴鼎食接武亨衢象服副笄瞻言好爵三花珠樹已爛熳于咳前百尺綺樓行輝煌于里第而返真夙駕遽掩細簾齋志長眠遂空綺榭嗚呼哀哉中壘望族孝標名家生稟南岳之精早滙北嶠之秀趨庭穎異傳古文之尚書翔步端莊合曲臺之內則使君青翰之舫迺佳壻于江濱才子錦帆之舟成吉禮于養舍期年廟見喜溢椿萱之堂惟布躬操譽滿娣姒之口作羹湯于厨下先嘗小姑勤幹滌于廡邊儼奉阿母

善事我慈幃番永訣之言占當富家孝嬪基長發之祉山珍海藻願嚴父于高年史軸經箱易夫子于早歲高朋入座中厨出五侯之鯖良會論文垂素供十日之譙嗚呼米鹽凌襍不入雕龍繡虎之場凭鑰勤劬罔闕浴日浮天之手以茲伙助克致顯庸桂闕獻賦杏苑看花稍慰焚膏佐讀之懷遂酬棄繻題橋之志嗚呼言旋畫錦忽遘椿摧勞碌棘人襄大事者賴此中婦黥黥苦次卜幽宮者竭爾輕裘既畢讀禮之期尋勸趨朝之駕驄馬在廐聽曉鐘而欲歸人白簡懸庭繪神竿而風御史門

居業齋別集

卷九

祭文

三

闢井竈基布星羅醴醢醢醢大綱小紀夙夜匪解中外交修恃茲內言不出之賢益勵公固忘私之節嗚呼歲聿云莫方修祖膺之儀時不再來竟赴幽冥之約伏枕則蓂莢罔應抑有數焉臨終而神色如常似聞道者蕭蕭遺掛朝騰欲雨之煙寂寂虛檐夜湧如霜之月嗚呼哀哉某等蘭譜歷行官常驚序晨夕過從習聞閭範之良趨走咨嗟乃致敬行之誅露香閣裏彷彿環珮珊珊千秋嶺頭依仰笙鶴晨晨

祭長恩神文

司書鬼者曰長恩除夕呼其名而祭之風不致齋醴魚不生

一臥之宮萬卷插架朝斯夕斯無冬無夏光若延  
嗽味若啖蔗碧軸縹囊刻藤爲藉豁我蒙昏豐我  
豫假紹我先猷奉如爵筭佐我後昆瞻如穉穉遠  
古方聞稗茲宇下南面百城未許媿價何物狼籍  
行間字罅鼠齧蝸涎誅弗容貲敬告司書名器勿  
假如鄉有儻如師有禡寶惜芸編用充庭榭酬汝  
勲庸倉頡聯駕

居業齋別集卷九終

居業齋別集

卷九

祭文

主

居業齋別集卷十

廣濟金德嘉會公

襟著

懲僞

皎日當空鬼車載僞飄忽陰幽魍魎魑魅大索肅  
史濡毫紀異解衣盤礴從容奏記描寫良難能近  
取譬沐猴而冠頰脣鰕鼻先吽後號乍升旋墜么  
麼守宮脈脈跂跂儼龍無角方蛇有跬善幻者狐  
譸張爲祟或冒僞瓊或假婢髮翅也營營青倉易  
位亂色亂聲扇醜得意鸚鵡多言程程解詈黠鼠  
居業齋別集卷十 襟著  
齧空蝮蛇呵榴種種冥行遺害不細人爲物靈生  
當識字畫人克家宵人敗類有眸應睨有腹應筭  
驗喙有口拮据有臂朝饗夕殮所營何事飽若蛄  
蟻壯如鰲巖峩剋綯履與士無二父曰阿童曩曰  
予季授簡操觚其何以試次且囁嚅狙詐諛諛方  
寸薄蹠絲聯繩繩顛倒衣裳襟襟看戲隱几鈔謄  
管城是費瑣院旦開蒼黃聘貽貼脇之禱踴躍之  
疑薄言藏之肩隨踵企剥啄司閤羽聲虎視蹴踏  
跟踉魂銷魄悸禍發震隣李代莠顛稍緩須臾恬  
不知愧過此以往何所不至械與歲深利從前覩

行必狹獨詞能骯骯謂躡爲仁謂跬爲義禮用巧  
令智用睚眦如韋之柔如舫之膩如禾琅莠如牛  
牝特氏可屢更名無定刺爲變下養爲順指使齒  
折猶逃舌存偏恣鑽竇亦甘飴癰亦嗜鍛鍊梯榮  
屠剥獻媚嗚待難臍蠟貯畏飢一朝瓦裂萬惡鱗  
萃夫何至此慧窮力劫凜凜口誅赫赫清議前債  
後羞家嗤人罌疇挽疇推自暴自棄已而已而有  
北投昇

### 陸舫圖說

陸舫圖者山東丁野鶴筆也莊生曰水之積也不

居業齋別集

卷十

雜著

二

厚則負大舟也無力陸安所得舫乎陸之有舫也  
自野鶴始也東坡居士曰縱一葦之所如凌萬頃  
之茫然舫何爲而陸乎舫而陸也自野鶴始也東  
方曼倩曰陸沈是無陸也三閭大夫曰赴湘流是  
無舫也舫與陸何爲而並稱乎舫與陸之並稱也  
自野鶴始也野鶴亦異矣哉或曰寓言耳野鶴之  
年譜在干斯焉夫古之爲譜者以時繫日以日繫  
月以月繫歲据事直書耳而野鶴則以畫古之爲  
畫者十日一水五日一石爲龍爲馬爲鶴爲紙鳶  
之屬淋漓潑墨耳而野鶴則以詩古之爲詩者三

百而騷騷而後選選而後四唐人爲古爲律爲排  
爲歌行言人人殊耳而野鶴則一以絕句古絕句  
之佳者如輞川鹿柴孟家坊諸什栖遲居處耳而  
野鶴則以遊古舟游最著者如青箬笠綠簑衣蘆  
花淺水細雨斜風汗漫江湖耳而野鶴則以京華  
古京華遊而得志者視草承明脫靴殿上撒金蓮  
以歸院燃杖藜以觀書何其通顯也而野鶴則僅  
以曳裾達館古游王公大人而成名者授簡梁園  
設醴楚國以雪月爲品題用翰藻爲勲業何其豪  
宕也而野鶴則止以舉比傳經古授徒而光耀者  
居業齋別集

卷十

雜著

三

弟子貴而讓封辟廬徵而憲老車馬印綬之榮苴  
茅胙土之富何其席厚而履豐也而野鶴則竟以  
容城一官而遂老噫亦異矣哉後之論者不知其  
人視其譜不知其譜視其詩不知其詩視其畫不  
知其畫視其陸舫夫亦愈知野鶴矣金子曰以予  
觀于野鶴生平少而壯壯而老與賢士大夫遊無  
虛日蓋篤于師友之誼云嗟乎野鶴往矣爰及苗  
裔拊茲圖也有能神明其意者乎當爲先友記以  
表之野鶴子曰慎行出斯卷以質諸海內庶幾哉  
能神明其意者也

冷齋說

故園深柳堂余伯氏讀書處余有軒曰懷蓼蓋不孝五歲而孤十有五歲而先宜人卒哀哀父母每一念至輒蘇蘇實涕懷蓼之名所由起也于是有少年曄予懷蓼先生予遂巡辟席仰天太息曰於乎懷蓼名軒腸寸寸裂矣號云乎哉康熙癸丑冬杪來郢中伯氏共予守歲蒼頭設蔬酒伯氏病歎予病耳聾飲不能三爵相視而歎除夜寂寥吾兩人生平未有如此者甲寅三日伯氏歸去予鍵戶四壁蕭然人跡罕到戶外雪風慄慄如深山窮谷居業齋別集卷十

襟苦

四

中老頭陀蒲團趺坐枯寂極矣元夕燈影蒼涼視除夜更苦巡檐望星斗忽憶往年京華之遊遂成長句詰朝以質毛君子霞而自署紙尾曰冷齋日課先是壬子授徒東隣牕曰竹牕有竹牕襟咏五赴春官試僦屋輒顏曰寄亭詩若文皆寄亭草云亡何友人書來頗欲以冷齋爲予號予爲之憮然昔且不敢號懷蓼而今顧歸然冷齋乎且夫男子生而戴圓履方朝饔夕餼上之不能如留侯鄒侯鄧司徒王景畧謀謀帷幄豎鐘鼎竹帛之勲次之不能如莊助枚舉司馬相如珥筆直承明之廬外

之不能如卓魯龔黃剖一竹專一城綏緝拊循爲黔首保障而又無東山之基步兵之酒中散之琴虎頭之畫鵲彞不韋之賈郭解劇孟之豪東方曼倩之詼諧樓君卿谷子雲之喉舌筆扎夫如是即安往而不冷哉持此以示同人使知予之以冷名齋者亦猶夫嚮之寄亭竹牕懷蓼深柳而非敢徑以自號也

江風說

昔人之吟咏江上者余覽之蓋有味乎盈虛消息之幾云朝發白帝暮江陵何其速也稍知花改岸居業齋別集卷十

襟苦

始驗鳥隨舟抑何遲也若是者風爲政乘風破浪瞬息千里石尤打頭舟子高臥造物者之於人也既予之以破浪之風而又以石尤阻之何哉蓋閱夫人之知進而不知退也赤壁之風便於吳不便於魏淮淝之風便於晉不便於苻秦魏與苻秦知進而不知退者也士大夫之行藏亦然陶士行知進陶元亮知退馬伏波知進馬少游知退二陸身誤於輕進二疏名全於勇退孔光張禹有進而無退邵康節陳圖南有退而無進知進退而不失其正者張子房李長源耳進則御薰風退則冷風人

望之曰景風物受之曰和風卿雲霖雨甘露往往從之此則御風者之自爲政也蜀有無名子遨遊江上峭帆振柁而有吟余置其吟勿論而與之言風如此無名子嘿然不應良久前曰莊生有言搏扶搖羊角而上者九萬里余笑曰若是則江上猶非盡境哉其飽喫岷山蹲鴟陟大匡小匡之巔而俟風可矣

### 善貧說

貧極矣思所以遣之不得惟哦論語中貧而樂句然聖門身通六藝者七十二人貧而樂者止一顏

居業齋別集

卷十 標著

六

子吾何敢望哉三舍許隣得一陶元亮往嘗謂其拙而安貧今乃悟其巧也彭澤之役初亦爲三徑之資地及之官而知其無益也公田半種秫半種杭以餬口萬一久任所得亦無以復加於此不如歸去一解組而萬事足矣琴有桐可拊何必絃絃酒有葛巾可漉何必鋪糟廬取蔽床席何必深廣花取東籬一種何必多蒔菊與取兩兒一門生何必傭役始安故人贈錢若不擲送酒家令五男兒赤手暴富或損其智或益其過柴桑翁生平風流頓盡矣尚能致江州守道左遮飲乎元亮之巧於

貧如此亦猶鴟梟子之巧於處富十九年中三致千金不散與貧交疏昆弟異時意外事發一槩異子敗之立盡耳揚子雲言火用之而彌明宿之而彌壯然則貧無庸遣也尚宿乎哉石季倫被收曰奴輩利吾財耳收者曰知財之爲患何不散之此之謂拙於富富兒智昏不足道也王孺仲少修清節乃以黃頭歷齒慙其兒子其妻昂藏數語陶公賢之故貧士不可無內助也史於人之多病者書善病余於貧之極曰善貧貧非病也而安之甚難故作善貧說以懸諸牖焉

居業齋別集

卷十 標著

七

### 三誠

君子有三誠毋諛也毋吝也毋驕也諛生於有所干干則氣必下色必柔詞必兩可而無一是史所載若此者不可勝數矣反此者舉一二足以鑑焉汲長孺無所干於武帝也帝不冠不見其面折公孫丞相皆人所難堪者然帝不以爲非而終憚之嚴子陵無所干於光武也接侯君房勸仕之書不答使者請之再口授三語終之曰阿諛順旨要領絕此二公者磊磊落落名至今在天壤間藉令當其時一有所干則不能矣吝非貧人病也富則吝

小富則小吝大富則大吝富不與吝期而吝自至  
出各也而內亦吝內易爲乎吝哉當其內之時  
即有得隴望蜀之意雖至纖至悉必校也至其出  
蹇躊躇四顧何足恠焉小有材者亦然一知半解  
惟恐人之已若也而秘之天下甚大閱覽博物有  
百倍於己者弗識也拔一毛而利天下不爲惟其  
視毛爲我之毛我字是吝之根尚難之哉驕  
害於人若前車之覆也然而往往蹈之何哉智者  
不驕愚則驕智常覺已之不足也勇者不驕懦則  
驕勇能損已之有餘也富有四海之內若固有之

居業齋別集

卷十

雜著

八

田夫一年多收十斛麥即喜見顏色矣砥行之士  
日葦葦爲善而無一善可名嗜學真儒頭童齒豁  
邂逅孺子而猶鞠躬鵠立也驕惡乎敢

代僧告諸文士文

予念里中文士之無祀者可數十人置  
主于江漢書院列其名氏勸住僧每歲

七月望日設餅餌焚香以祭之爲文一  
通厚讀宜讀其祭贊則藏之院中相錢也

時維七月俗號中元麥餅豚蹄家薦祖源邨蟹  
舍處處追先惟是伯道閭墟中郎燈熄九原可  
蒿目悲秋二簋誰噉餒魂載路奚爲至此念及  
心亦既已而瞻言酸鼻况復夜臺發孔方  
鬼伯炎涼科派是亟嗟爾甕者詎能堪之統

克之多門竟合冥明而壹轍幸禮緣義起創構  
簪之祠兼人故文鳴仍依篝火之院青蚨撲地絳  
蠟冲霄庵慰沈寥庶幾歌饗來俱不速固哭途窮  
獲亦非豐休驚阿堵嗚呼鐘鳴鼎列達者視等浮  
雲石馬銅駝異時淪諸埃湮盈虛一瞬消息千迴  
諗何物其能壽難令名則可久爾乃總爵奪情過  
弛直經忘哀終制靡顧松楸彌遠有兒惓然起復  
清臣無母莞爾趨朝以子若斯於親胡益不如衡  
門之族尚藉維桑藿食者流猶資舊井清醕薄奠  
宛牧生平薤露重歌中含妙喻從茲解脫往生極

居業齋別集

卷十

雜著

九

樂之鄉倘或栖遲長歎舉仁之里嗚呼給孤長者  
纔及緇人煉藥仙公只沾羽客銀鯉楮幣弗暇隣  
里鄉黨安存縱醮設孟蘭奠飲亦云大費而壇名  
普度歲時豈得有恒厥祀肇今此風還古睦嫺任  
卹之意推暨無邊陲惻纏綿之思緝熙自永僧寮  
晨興歲事候當小噤寒蟬公等風駕咸臨聽過大  
招楚些過去未來現在盡入皇天覆露之中別  
苦惱冤憎均涵化日昭融之下

代某州牧募疏

某家世清白口授一經宦塗冰兢手書三誠冀求

釋褐四十載春夢散場數到守蘄十九年愁雲滿  
目吏今不可爲矣天復安能問焉每至赤墀磯頭  
輒歎大江東去及登黃鶴樓上還言白日方中憤  
如水益深逃遁無地事若繭抽出拮据徒勞嗟此  
輿人建立飲泉亭于念子苦海浮沉斷梗波心點  
石不能化金搏沙安得成米縱將丘園賣盡祇看  
精衛填河即用骨血剝完仍是蜣螂負米生平未  
嘗暴殄天物不知何以致此鞠以夙夜方欲作報  
國恩豈料忽焉納諸溝壑沉悶垂絕喘息猶聞伏  
望仁人君子念某羈飯倉衣非緣豪華失路亦非  
居業齋別集卷十 雜著

倒篋實以迂拙損身楚楚蜉蝣軀命微而羽毛猶  
在勞勞牛馬氣力竭而皮骨僅存事有可原情真  
堪憫淚發菩提救苦之願大開給孤賑濟之門稍  
那宴會餽飮沾灑塗乞畧分廣廈庇覆陰甍道儔  
方之雒陽橋梁活人命於將溺譬彼商代霖雨起  
稼苗于已枯惠澤功高仁言利溥但推廣一分即  
緩一分之厄若早施十日便紓十日之憂感甚驚  
環報期結草

茶亭小引

天垂甘露景星卿雲同祥地湧醴泉芝草曇花並

瑞人全五德道貫三才以不忍之心靈於萬物行  
無窮之善拔爾一毛孔道結亭炎塗救渴由一念  
之動擴而充之譬若火始然而泉始達即三餐之  
餘推以及也遂看近者悅而遠者來品題中冷此  
時不必陸羽歡愉七碗到處自有盧仝爲農爲商  
爲賈爲工爲旅安得人人而濟乎曰懶曰設曰茗  
曰辨曰茶祇須源源而來耳靈泉古洞苦行頭陀  
文止吾宗布金長者於四通五達之地設此義漿  
胥三秋九夏之人予以極樂居無倦行以忠周而  
復始取弗禁用弗竭公爾忘私普告十方共成無  
居業齋別集卷十 雜著

東城寺募疏

把茅蓋土後來聳構凌霄卓錫涌泉寢至曾樓插  
漢空門棟宇藉手十方萬衆錢刀輪施三寶由來  
尚矣奄茂紀歲寒露當辰商飈激於蕭森灝景凝  
其素節水天一色鴻雁來賓木葉千峰蟄虫咸俯  
霜曦曷畫涼深橘柚之穠月魄澄宵憺綴茱萸之  
纈有團山僧某結屋湖濱掛瓢江澣具言東城古



寺塵劫煙銷迦舍新營緇流小憇第土垣松柱不任金碧煨燼暮鼓晨鐘尚想殿堂璀璨陶人爲瓦廣厦已有其顛匠氏庇材山門窺安其礎普靳檀越齊佐助勸聚腋孤以成衆歛顆粒而滿廩功闕於一簣利乃肇夫千春予捷戶養痾息交謝容懷刺漫滅往往及堦而還衰漢纏綿人人望宇而去頻來遠索苦思羽言搦管數行矻聽招提之林磬珉幾尺還徵簡棲之文

四洲祠募疏

彭蠡西北湖中有小山相傳星墜水所化宋孟太居業齋別集卷十 標著

卷十

標著

三

后嘗過此風作宮人溺死者甚衆惟太后舟得全則此水爲行舟之患由來舊矣山上有臺可以四望舟之危者馳往救之則貨雖飄蕩而人命猶可得全臺有廟廟有僧僧有舟楫歲救人無算數者廢而人之葬於魚腹者直如蟻蠊之消亡木槿之枯落矣星子邑侯金君言諸郡伯勅廬山老僧任募化事臺上建祠顏曰四洲臺畔設船令篙工渡子朝夕供拯溺之役此事行功豈出維揚橋下哉橋甃以石猶慮歲久而圯舟則繼續且無已時平地發舟猶恐不及登臺而望則風濤之險瞭然於

用子之目而相機馳赴萬不失一此所謂百世利也世八雅言福田善事然造寺寫經誌公直曰無功德若救人於阽危之際歷歷可指數其爲功德乃大也自古皆有死蓋言修短定數全而歸之牖下耳若客死煙波之人骸骨已矣父母妻子曾不知其死之月日魂即無不之而生平之廬墓自出門之日遂已永訣嗚呼人生之慘孰有過於此者哉養生喪死無憾王政之大端守土者以此爲務與大夫之賢者募疏所至覽者知昔日覆溺之苦如彼今日救渡之益如此惻隱之心人皆有之居業齋別集卷十 標著

卷十

標著

三

僧寄瞿傳

廣濟縣城內一袈裟也住僧曰寄瞿春秋高且九十矣予年三十時入城偶過之茗飲低徊不能去曰入城得信宿此地幸甚友人胡石岑舒嵩嶽爲寄瞿耳語見其攢眉有難色則與之約人客刺及巷口主人屐齒及堦童豎毋得闌入軍持銅鉢間也寄瞿低頭良久領之下一榻夜分開木魚聲雞三啼聞磬聲旦聞瓶笙聲其頤羹也無聲斧梢櫛無聲掃地亦無聲有暇則戴麥草笠鋤菜雨坐團



蒲紉縫補綴一屨過數冬一綻衲可數十寒暑口  
未嘗及蓋鹽有無手未嘗提募疏嚮人也性嚴冷  
不能納一徒客以其鼓林開堂數十百人告則微  
哂之曰嘻善知識之爲此沈沈者粥飯僧箕而斂  
諸十方歟曩面壁老人抑何寂寞也闌闌問繼流  
襍糅蓋有器者營者俠邪游者栗紅貫朽操奇贏  
者絕弗與通或覲縷其行事如何輒踉蹌恐怖曰  
光陰可惜吳道子曾寫地獄變相矣當是時廓菴  
剃居士極贊寄瞿乃佛門真種子予有四方之役  
別寄瞿去已而之鄂之郊鄧之荆襄之宛葉北之  
居業齋別集 卷十 標著 古

燕東之吳會西南之黔中所過招提輒物色住僧  
庶幾有如寄瞿者然卒不可得歸田十有五年不  
入城城中人來輒問寄瞿狀髮種種矣然然燈禮  
佛髮鑲猶如少壯時成都守梅君廩之土人於是  
號老僧袈裟地爲梅家菴云昔韓退之與大顛往  
還謂海瀕次寥此人差可與語蘇子瞻數遊了元  
妙高峰漱中冷泉用銷耗壯心耳然二長老文勝  
質若寄瞿則衡陽芋火馮茂米春於是予在也予  
是以爲之傳

贊曰天下物之可變者非人能變之彼其質自受

變者存於未與人接之先也若夫泉之溫木之鑽  
力布之火浣歷天下之千變萬變而質如其初寄  
瞿近之矣

### 谷菴詩序

生生老僧有所謂谷菴詩請序於予予聞瑤臺老  
人序之矣而予又駢指乎哉無已則言谷谷之生  
雲也膚寸而非乏萬斛而非贏何以故黑心也無  
心者無言天下之物有以言言者有以不言言者  
以言言者有待以不言言者無待夫惟無待故無  
言此生生之旨也今夫種之出土也萌焉甲焉拆  
焉苞焉秀焉穎焉粟焉以迄於程焉穗焉結焉白  
而粲焉釜而潘焉甑而粒焉人能言其生也而弗  
言其所以生是故無言之妙於言也智覺禪師住  
雪竇之中品嘗作詩曰孤猿叫落中品月野客吟  
殘半夜鐙此境此時誰得意白雲深處坐禪僧夫  
禪定則無言矣東坡居士嘗要劉器之參玉版和  
尚至康泉寺燒筍而食器之覺筍味勝問此何名  
東坡曰即玉版也器之大笑東坡作筍有曰瓦礫  
猶能說此君都不知夫此君無心者也東坡宜若  
可以無言然言之亦猶之以不言言也書此寄瑤

### 居業齋別集 卷十 標著 古

臺竹林精舍告之曰生生老僧已見桃而悟君亦當擊竹而悟矣

### 牧顛詩序

牧顛上人豪於飲而富於詩詩既多不欲持以問世登山臨水問月尋花邂逅故人低徊古蹟興之所至無非詩也飲不能常得遇輒欣然不辭或盡斗許徑醉醉後仰天而歌長短工拙總不論適意而已二六時中大都飲常乏而詩長饒其饒者足於己者也乏者待於人者也牧顛曰自今以往飲不足以詩補之願廬居士聞而笑曰善哉牧顛之居業齋別集

卷十

六

志足於己無待於人天下之樂莫大乎是矣雨窓靜坐讀牧顛新詩讀已登樓遠望雲樹蒼蒼有風颯然而至或曰此蘭臺雄風也乃亟命蒼頭煮酒呼牧顛而飲之

### 牧顛募疏

人之性情必有所寄有所寄乃能有所忘若牧顛者寄乎詩而忘乎窮者歟夫唯忘乎窮故其於詩也日益工而其窮也日益甚於是士大夫與牧顛遊者皆曰牧顛工於詩矣然亦知其詩之日益工而忘其窮之日益甚也夫牧顛之於窮可忘也

然誠寄乎詩者也然以能忘乎窮而又能寄乎詩如牧顛則知牧顛之詩而與之遊者奈何竟忘其窮而不念之乎杜少陵之言曰已公茅屋下可以賦新詩枕簟入林僻茶瓜留客遲今者牧顛之餐殮蓋闕如也而又不能持鉢以號於十方使枕簟茶瓜可以無闕牧顛亦且吟詩好客而忘老矣又非僅忘乎窮也然則念牧顛之窮而爲之計是在知牧顛之詩而與之遊者乎若持鉢以望絲粒濟其性情必不爾也

居業齋別集卷十終

卷十

終

## 居業齋文集二十卷別集十卷

湖南巡撫  
採進本

國朝金德嘉撰德嘉字會公廣濟人康熙壬戌進士  
官翰林院檢討德嘉晚年鍵戶著書時同郡顧景  
星張仁熙劉醇驥往往追慕秦漢宗尙王李嘗歸  
有光爲秀善婉媚德嘉獨不爲高論力摹韓歐雖  
其閱肆博瞻遜於

國初前輩而先民架獲彷彿猶存惟復胡石莊書明  
史館方開吾楚先輩故事尙待折衷江陵當國綜  
覈名實富國強兵數十年而論者以專病之熊楊  
慷慨任事而能以過剛見嫉於當世楊專圖仗鉞  
憂憤以死或曰自縊當時失機逸賊別有主名武  
陵豈自經溝瀆者邪云云爲徃於鄉曲之私未可  
爲萬世之公論也



ZW 21181888574983